




John W. Goltz

March, 1951





PHILOSOPHIA
VETUS ET NOVA
AD V S V M S C H O L Æ
ACCOMMODATA,
IN REGIA BVRGVNDIA
OLIM PERTRACTATA.

TOMUS PRIOR,
QUI LOGICAM, MORALEM, ET METAPHYSICAM
complectitur.

Editio tertia multò emendatior.



P A R I S I S,
Apud STEPHANUM MICHALLET, viâ Jacobea, ad Insigne
S. Pauli.

M. D C. LXXXIV.
CVM PRIVILEGIO REGIS.





ILLUSTRISSIMO ECCLESIAE PRINCIPI
DOMINO D.
JACOBO NICOLAO
COLBERT
ARCHIEPISCOPO CARTHAGINENSI,
ROTHOMAGENSI COADJUTORI.
ABBATI BECCENSI,
PRIORI AC DOMINO CHARITATIS ET AMBERTÆ.

QUOD aliquot abhinc annis à te pro-
fectum fuit in publicum munus, & ab
omnibus benigne exceptum, hoc iterum
tibi sifstitur, ARCHIPRÆSUL IL-
LUSTRISSIME. Ac novo subinde beneficio sa-
pientia stndiosos tibi obstringis, dum pateris ea rur-
sum typis mandari, & tuo nomini inscribi que ver-
ā ij

E P I S T O L A.

tente biennio in magna auditorum & selec^{et} rimae juventutis frequentia sic olim tradidisti, ut diligentiam & assiduitatem admirarentur omnes, ingenii aciem in abditissima quaque penetrantem, & judicium acerrimum agnoscerent. Sed pace tua dixerim,
ARCHIPIRÆSUL ILLUSTRISSIME, plus exemplo iis profuisti quam rerum delectu, doctrinæ copia & ubertate. Quotus enim quisque aut laborem defugeret, aut Philosophiae studium ut leve & inutile contemneret, cum te abundantia quadam ingenii prastantem, in eo fortunæ & dignitatis gradu constitutum nec labor frangeret, sed potius confirmaret; neque ulla deterreret difficultas, sed magis incitaret. Et sane Philosophiam integrum eo studio, ea contentione animi tum docuisti, quasi huic uni rei intentus de sacra Theologia ne cogitares quidem: & tamen uno & eodem tempore licentia, ut vocant, Theologicæ stadium sic à te decursum est, ut non modo omnium que de te magna erat, spem impleres, sed etiam vinceres expectationem. Exemplo tuo ostendisti quam bene Philosophia cum Theologia conveniat, quam arite sint inter se de vincitæ & colligatae: adeo ut ex iis pene efficiatur unum, & idem disciplina corpus. Itaque Philosophiam cum divina sapientia conjunxisti, omnino persuasus unam alterius ope & subsidio indigere. Nec litigiosum diuntaxat philosophandi genus secutus es: quod licet utilissimum, tamen ab iis qui politioribus literis vel mediocriter sunt perfusi, solet ut

EPISTOLA.

agreste & in amoenum repudiari : sed illud imprimis coluisti , quod rerum minime communium & contritarum scientiam complectitur . Ac prater ceteras Philosophiae partes , eam que in naturae indagatione versatur , sic tradidisti , ut innumeris pene experimentis confirmatam illustrares , & optima quaque feli- geres . Quod quidem ut perficeres , nonnullorum opera uti voluisti , qui in hac scientia excolenda multum studii & laboris posuerunt . Atque hinc omnibus li- quere potuit quoisque hac scientia , que artes fere om- nes & disciplinas sua ubertate complet , nostra etate proiecta fuerit , postquam LUDOVICI MAGNI auctoritate & munificentia , ac summi viri Parentis tui , non de toto solum regno , sed de literis etiam & præclaris artibus optime meriti studio , cu- rra , consiliis exculta est & perpolita . Possem hoc loco latius excurrere , ac laudes tuas Gallia perspectas , pietatem imprimis non fucatam , sed sinceram , & religionis Antistite dignam commemorare . Ex quo enim non fortunæ solum , sed etiam naturæ & doctrinæ bonis ornatus ad Episcopale fastigium electus es , tanta dignitatis accessio adeo nihil de tuis moribus , nihil de humanitate , nihil de tua in studiosos omnes propensione detraxit , ut tuis virtutibus splendorem , ac lucem maximam intulerit . Hac libentiū tecum colloquor , ARCHIPRÆSUL ILLUSTRISSIME , quod de tua singulari pietate summa omnia ad nos perferantur . Quam enim effusa in pauperes benigni- tas ; quam in obedienda tam ampla , & tam late fusa

E P I S T O L A.

diceſi indefeffus labor ; quām in emendandis hominum moribus mitis severitas ; quanta in disciplina Ecclesiastica instauranda ſollicitudo ; quanta in conciliandis diſidentium animis ſolertia ; qua in ornandis ſacris ædibus liberalitas ; qua demum fide , prudētia , religione cuncta optimi Praefulſis implexa munera ? Ita ut omnes facile agnoscant te tuæ dignitatis ſplendore adeo non capi , ut illius onus maxime reformatides , ac probe intelligas humanis divina quid praeftent , cœleſtia terrenis . Sed non committam ut quæcunque ſeſe offerunt , oratione perſequar : reprimam ipſe me , ut qui meminerim hujus novæ editionis curram mihi creditam , non tui laudandi facultatem eſſe confeſſam . Non eruditorum de te iudicia , non virtutes tuas omnium ore celebratas vel delibare praefumam . Nec tam quid praeftantissimæ tuæ indoli ad omnem honestatem , temperantiam , comitatem , & magnitudinem animi factæ debeatur , quām quid modestia tua pati poſſit , cogitabo , tot & tam præclaras animi tui dotes ſilentio & obſervantia in te mea venerari contentus .

Tibi addictissimus & obſequentiſſimus



PRÆFATIO.

QUAE sit hujus operis ratio, quod consilium, paucis exequar. Utramque Philosophiam tum contentiosam, & in Scholis tritam, tum eam quæ experientiâ, & observationibus constat, non separatim tradere, sed unâ & simul tractare & explicare nobis in animo est: cum ea sint ita inter se conjunctæ & consertæ, ut una ab altera divelli distrahere non possit. Nam ut artificiosa disputandi solertia, & usitata philosophandi ratio exercendis ingenii & exacuendis est necessaria: ita cum sola est, neque ad experientiam ipsam & vita usus descendit, ut exilis & jejuna plerisque videri solet. Subtilis enim & ad tenue climata Philosophia vix quicquam potest ad communem afferre fructum, vel in aspectum lucemque proferre: præsertim si ab usu ipso & communii hominum sensu abhorreat: ut vicissim usus, aut experientia cui ratio non prælucet, in magnos saepe errores nos inducit. Ratio experientiam & observations illuminat: nam multa commentatio fontes rerum aperit, occultiores causas & principia investigat: sed usus & experimenta doctrinam confirmant; ac Philosophia his destituta tota fere in serie disputationum, verborum explicatione, & concertatione versatur.

Quare nobis id maxime est propositum, ut argutum & exquisitum philosophandi genus, quod in Scholis obtinet, cum experimentali, ut vocant, Philosophia ita conjugatur, ut non solum in rerum tractatione, sed etiam in totius operis dispositione à recepta in Scholis consuetudine, aut usitatis probationum, & responsionum formulis non discedamus, nulla fere ex iis quæ agitari solent quæstionibus, omissa. Est enim ea Philosophiae tractandæ ratio incipientibus perutilis, & exercitationibus cum privatis, tum publicis omnino necessaria.

Cum autem Philosophia in quatuor sit divisa partes, primo loco Dialectica sic tractanda est, ut quæ ad illam proprie pertinent, præcepta imprimis, quibus ars differendi continetur; tum qua ratione

perceptiones nostræ , judicia , ratiocinia formari , & perfici , aut à confusione , & erroribus vindicari possint ; ars demum ipsa recte utendi ratione accurate & diligenter explicitur . Si quis meum hac de re judicium querat , auctor illi fuerim ut si à Philosophia vulgaris jam sit instructus , in prima Logices parte perlegenda tempus non terat . Namea tantum complectitur , quæ in Scholis tradi solent , quæque ut aperte loquamur , ad Metaphysicam pertinent : cùm ipissima Dialectica tum institutionibus , tum secunda & tertia parte Logices contineatur : utramque verò illam partem ut formandas animis longe utilissimam , quā potuimus diligenter explicare conatis sumus . In prima tamen parte pleraque non inutilia admiscere voluimus , & res spinosas aliquo nitore delinire .

Logicam excipit Moralis Philosophia , quam in tres itidem tractatus divisimus . In primo quæ ad summum & extremum bonorum spectant , exponuntur . Secundus actionum humanatum principia tum nobis congenita , tum acquisita complectitur : ubi de voluntario , de libero arbitrio , de virtutibus & vitiis cum generatim , tum sigillatim fuse disseritur . Ac multa non inutilia in postremis Editionibus adjecimus , illud imprimis , quod permagni est momenti , de vera religione , quæ est pars quædam justitiae . In tertio tractatu de moribus , seu de humanis actibus copiose disputatur . Quæ sint eorum differentiae , unde bonitatem suam aut pravitatem mutuentur ; quæ sint affectuum causæ , quæ natura , quæ distinctio , qui effectus , qui characteres , non perfunctorie & negligenter explicare tentavimus : ne quis inerito nobis objiciat magna professos in patyis esse versatos .

Sequitur Metaphysica , quæ circa entis principia & affectiones , rerum omnium causas cum universim , tum seorsum spectatas , Dei denique & nostri cognitionem occupatur . Quid autem causæ fuerit eur in secunda Editione Logicam excepterit Metaphysica , rationem tum attulimus . Utrique nimisrum huic scientiæ eandem subjectam esse materiem , circa generales quasdam notiones ambas sic versari , nullis ut terminis circumscribant jus suum , ac differendi demum ratione cuncta complectantur . Hinc forte in tripartita illa & pervagata apud veteres Philosophiæ divisione in rationalem , moralem & naturalem , Dialectica & Metaphysica rationalis nomine continentur . Ex quo autem Philosophia rationalis in duas fuit divisa partes , vix proprii utriusque fines praescribi potuerunt : nam pars Dialecticæ melior , ita Physica ipsa pene tota in Metaphysicam abiit : adeo ut

ut scientia illa generalis , quæ prima quoque Philosophia dicitur ,
sede sua pulsâ per alias disciplinas vagari cogatur. Quod sane ma-
gnam dissentium ingenii confusionem , imo & molestiam affert :
cum ubique Metaphysicæ & à sensibus remotæ quæstiones obtu-
dantur.

Quamobrem quæ ad primam Philosophiam pertinent , in unum
corpus collegimus , quæque in Logica , Mōtali , & Physica ab iis
disciplinis sunt aliena , huic scientiarum principi reddidimus.

Re tamen ipsa accuratiū expensa noluimus à recepto in Scho-
lis more , & ab eo qui in prima hujus operis Editione servatus est ,
ordine recedere. Accessit quoque ea ratiō , quod cùm Metaphy-
sica sit paulo abstrusior , & intellectu difficilior , ingenii jam
firmatis , & pene adultis tradenda videatur.

Tres in tractatus divisa à nobis fuit. Primus entis ipsius prin-
cipia , affectiones , & præcipuas partes continet. Secundus causas
rerum explicat. Tertius denique Theologiam naturalem comple-
titur : ubi quæ ad Dei existentiam , attributa , concursum spe-
stant ; simul quæ ad animæ rationalis naturam , immortalitatem ,
vires , functiones attinent , longe accuratiū quam in prima
Editione pertractantur. Hanc unam Metaphysicæ partem iis
legendam consulimus , qui Philosophiae stadium non perfunctorie
decurrerunt. Quamvis enim controversiæ pene omnes quæ non in
Metaphysica solum , sed etiam in Physica generali agitari solent ,
satis ut nobis quidem videtur , diligenter & dilucide eo loci tradan-
tur , tamen non eæ fortassis tanti sunt , ut iis qui jam à Philosophia
sunt instructi , morari nestant , & ab utilioribus avocent : sed nul-
la est in tota Philosophia , aut utilior , aut jucundior quam Dei &
animæ nostræ cognitio , quæ in tertio Metaphysicæ tractatu explicata
tur.

Præcipiuus autem hic labor noster Physicā continetur , quam in
tres partes distribuimus. Prima generalis dici solet , quæ in tres tra-
ctatus à nobis divisa quoque fuit. In primo tractatu rerum natura-
lium principia & clementa ex omnium pene Philosophorum placi-
tis excutiuntur. In secundo de natura & primis corporum attribu-
tis , de continui divisione , de motu à motore translato , de præcipuis
naturæ legibus in motuum communicatione observatis , de rerum
gravium descensu accelerato , liquorum æquilibrio , ac de aliis in
hanc rem plurimis nostro hoc saeculo aut inventis , aut illustratis ,
quantum fieri potuit perspicue & distincteegimus. Ac præter

cætera , quæ circa vacuum triginta abhinc annis facta sunt experientia , paulò uberiùs sunt explicata , quod ea Philosophiæ naturali non mediocrem lucem attulerint. Quæ autem in Scholis de infinito , de tempore , de loco , motu universum spectato magna contentione agitantur quæstiones , has quidem in Metaphysicam , ut par fuit , rejecimus. Qui præter usitatam in Scholis Philosophiam , & eas quæstiones quæ ventilari solent , non multa desiderant , ii quidem Logica , Morali , Metaphysica , & Physica generali contenti esse poslunt. Ex quippe non vulgare solum & litigiosum philosophandi genus continent , quod iis maxime qui ad Theologiae studium contendunt , omnino sufficit : sed etiam magnam experimentalis , ut vocant , Philosophiæ partem , & longe utilissimam complectuntur. Quæ autem subjiciuntur , ad Physicam , ut vocant , particularempertinent , & cum aliis disciplinis quæ à Philosophia naturalis corpore sunt revulsæ , ita sunt connexa , ut sine Magistri pœreuntis auxilio magna ex parte vix intelligi queant. Quanquam quæ subobscura videri possunt , suo quæq; loco indicantur , ut Lector aut illis omissis ad facilitiora progrediatur , aut intentum saltem animum afferat. Sed ne quid dissimulem , ne vulgaris quidem Philosophia , qualis in Scholis traditur , vix citra Magistri opem percipitur.

In Physica speciali tractanda id nobis fuit propositum , ut non ea modo quæ nostra ætate in variis Europæ regionibus inventa sunt , atq; ea maxime quæ in Regia Academia 16 abhinc annis facta & magna ex parte in publicum edita sunt experimenta , accurate exparentur : sed etiam pleraque scitu digna à Mathematicis , Chymicis & Medicis jam diu usurpata , & ab iis vindicata in suum velut corpus adducerentur. Nam Philosopho , qui de sua vi & sapientia , ut ait Tullius , unus pene omnia profitetur , nihil fere relictum est præter exiles quasdam & jejunas controversias. Ac Physica imprimis quæ totius naturæ explicationem pollicetur , dum occupari gaudet pertinentem ad se laborem , & cedit operæ , jam pene possessione sua depulsa est , & tota fere circa spinosas atque inutiles assertiones rerum naturalium cognitione neglecta , versatur. Hinc nostra ætate factum est ut ad Geometras , Medicos , & Chymicos hæc artium omnium parentransfierit. Quod utique cum iis non expostulamus : nam vel eo nomine iis gratia habenda est , quod desertam ab his , à quibus minime oportuit , benigne exceperint , eamque non medioriter promoverint.

Jam vero ut ad institutum nostrum redeamus , in secunda parte

Physices, rerum quæ vitæ & sensus sunt expertes naturam explicare suscepimus. In tres quoque tractatus ea tribuitur. In primo quidem de mundo & cœlo agimus ; in secundo de Meteoris & Fossilibus, seu de mixtis tum imperfectis, tum perfectis ; In tertio denique tractatu de plantis, quæ tenui quidem vita donantur, sed sensu omni carent, universim, ut Physicos decet, non sigillatim differimus. Hæc quidem pars Physices secunda multo emendatior quam in priori editione nunc prodiit in publicum, ut diligentiū intuenti liquebit.

Restat pars Physicæ tertia de corpore animato, seu de rebus vita & sensu præditis, in qua elaboranda studium omne & diligentiam posuimus, ne quis merito objiciat extrellum actum à nobis ut ab inertibus Poëtis esse neglectum. Tres itidem in tractatus ea Physicæ pars est distributa. Primus facultatis animalis organa & functiones complectitur : ubi de brutorum anima, de sensu tum universim, tum sigillatim; de motu quoque spontaneo & naturali dicendum fuit; strukturam cerebri, nervorum & muscularum fabricam, sensuum exteriorum organa & usus eo loci ita explicare oportuit, ut infinita prope à recentioribus inventa non omittentur : quæ non verbis tantum explicare, sed etiam figuris illustrare voluimus, ut oculis ipsis subjicerentur. Hoc quoque loco eas qualitates quæ sunt exteriorum sensuum objecta, quæque ad Physicam maxime pertinent, ut sapores, odores, sonos, lumen & colores fusc & copiose exposuimus : adeo ut Opticam magna ex parte complecti non alienum ab instituto duxerimus. Secundus tractatus vitalem facultatem, & illius functiones ; tertius altricem ejusque organa comprehendit.

Hæc utique Physices pars postrema uberiùs quidem & longe accuratiùs, quam in prima Editione pertractata à nobis fuit. Nam ut omittam multa ab aliquot annis opera ex Gallia imprimis, Anglia & Belgio prodisse in lucem, plurima circa sensuum organa observata sunt diligenter in Academia Regia ; de coloribus preclate scriptum ab ejus Academię Socio, quem fato nuper functum literati omnes lugent; opus quoque posthumum de motu animalium summa cura & diligentia elaboratum publici juris factum est. Postremo, qui locus à nobis leviùs quam par erat, de insectorum ortu & conformatione perstrictus fuerat, paulo uberiùs fuit explicandus : ea quippe est naturalis historię, quæ ab experimentali Philosophia sejungi non potest, pars non ignobilis ; jucunda sane, quæque artem omnipotentis Artificis, & incredibilem ejus sapientiam,

si quid aliud , commendat , & velut mentis oculis exponit . In ea denique pronovenda recentiorum quorumdam industria adeo feliciter insudavit , ut non ex alia re magis quanta sit microscopii utilitas , quam ex insectorum , & plantarum anatomia eluceat .

Quid in hoc opere nobis fuerit maxime propositum , nihil necesse est fusiūs differere . Id ūpum volūimus ut quam plurimis prodesset : utrum id assecuti sumus , allorum judicio præstat integrum relinquere , quam quid sublatius de nobis effutire . Eum quidem stylum adhibere conati sumus , qui nec politus esset , aut tersus ; nec horridus , & incultus . Notum quippe est plerumque jacere sensum , ubi verba laudantur . Sed cavendum id quoque fuit ne scientia magna ex parte salebrosa & intellectu ardua styli barbarie legentium animos offenderet . Atque ut nobis quidem videtur , parum est si adolescentes res bonas & ad vitam utiles doceantur , nisi iū quoque propriis saltem , si minus selectis vocibus efferant , quæ didicerint . Quod utique non ægre concedent , qui norunt veteres omnes Philosophos , si Epicureos exceptis , disertos fuisse , nec sentiendi modo , sed etiam dicendi magistros extitisse . Modum tamen esse adhibendum , ac perspicuitatem magis , quam elocutionem affectari oportere ultro confitemur ; verborum quidem cura , sed rerum sollicitudo habenda est ; tum deinceps satis diserte dicturi , si plane & aperte . Hinc voces plurimæ minus quidem Latinæ , sed usū tamen consecratæ , ut ens , essentia , existentia , & aliæ hujus generis nos minime offendunt : secus enim vix ulla scientia , ut par est , traderetur , si tantus habendus esset verborum delectus . Majori id nobis curæ fuit , ut hæc Editio prioribus esset emendator : quæ tamen satis expurgatae & accuratae videri possunt , si cum iis quæ variis in locis Galliæ , Italiae , & Germaniæ factæ sunt , conferantur . Id nihilo secius efficere non potuimus , quin & nobis in ipsis nonnulla , & Typographis plura exciderint errata , quæ in utroque volumine , ut corrigentur , sunt annotata , neglectis minutioribus quæ Lectorem morari non debent .

Jam cœpta erat postrema hæc editio , cuj⁹ binas accepimus literas in Regno Sian datas anno 1681 , quibus certiores facti sumus hanc Philosophiam in extremis illis Indiarum oris à Viris doctrina juxta & pietate conspicuis edoceri ; huic adolescentes , qui acri sunt ingenio , & ad ea studia maxime idoneo , totos se dedere ; vix ullum ad eas gentes patere aditum nisi per eas artes , & scientias , quæ ut animum magna voluptate complent , sic ad vitæ commoda sunt perutilis ; Astronomiam imprimis , & scientias quæ experimentis sub-

nixæ cum Physica sunt naturæ junctæ & copulataæ , magno apud eas nationes in honore esse ; selecta Medicinæ remedia , & Chimiæ ar- cana ab iis plurimùm exquiri. His quidem & aliis in eandem rem plu- rimis nos hujus laboris jam diu pertæsi , & ad meliora subinde stu- dia respicientes, quasi quodam classico incitati extremam huic operi manum imponere , ac nervos omnes intendere voluimus , & effice- re ne quid ei deesset, quod labore & industria consequi liceret. Quæ igitur ad naturæ historiam nostra ætate inventa sunt , aut observata, quanta potuimus cura colligere , & suis quæque locis inserere cona- ti sumus. Neminem ex iis qui suis observationibus hanc scientiam lo- cupletarunt , debita laude fraudantes ; nulli quidem sectæ addicti, pœmini jurati , quæ in singulis nobis videntur optima , quasi jure nostro sumimus ; citra ullam injuriam , aut cuiusquam Scriptoris, seu veteris , seu recentioris contumeliam libere & candide nostrum adhibemus judicium ; nullam ingenii , vel eruditioñis gloriolam captamus , studii, laboris , & delectus forsitan in tanta rerum varie- tate laudem aliquam meruisse contenti : quæ si non contigerit, & quo- ferendum est animo .



I N D E X

R E R U M E T G A P I T U M .

I N S T I T U T I O N E S L O G I C A E .

Sectio prima, De terminis.

CAPUT. I. V arie terminorum divisiones afferuntur;	pag. 2
CAP. II. De termino universali,	3
CAP. III. De Categoriis.	4
Sectio secunda, De enuntiatione aut propositione,	.
CAP. I. Quid sit enuntiatio, & quotuplex,	6
CAP. II. De affectionibus enuntiationis.	8
CAP. III. De propositionibus modalibus.	10
CAP. IV. De propositionibus complexis, seu compositis.	11
Sectio tertia, de argumentatione, & aliis instrumentis sciendi.	.
CAP. I. De primo instrumento sciendi, nimirum de definitione.	15
CAP. II. De divisione,	17
CAP. III. De methodo.	18
CAP. IV. De argumentatione.	19
CAP. V. Quæ sint præcipue leges syllogismorum.	24
CAP. VI. Leges singulis figuris propriæ explicantur.	27
CAP. VII. De inventione medii, ac de iis locis qui communes dicuntur.	29
CAP. VIII. De divisione syllogismi.	31
CAP. IX. De syllogismis complexis, seu conjunctis.	33
CAP. X. De reliquis argumentationis speciebus.	34
CAP. XI. De reductione syllogismorum.	37
CAP. ULT. De communi regula artis syllogistica.	39

C O M M E N T A R I I I N U N I V E R S A M A R I S T O T E L I S P H I L O S O P H I A M .

Disputatio proœmialis de Philosophia in universum.

Q U E S T I O I. De nomine & natura Philosophie.	41
Q U E S T. II. An existat Philosophia.	42
Q U E S T. III. Quæ sint cause Philosophie.	46
Q U E S T. IV. Quæ sint partes Philosophie.	48

INDEX

COMMENTARII IN LOGICAM ARISTOTELIS.

Disputatio præambula de natura Logices.

QUESTIO. I. <i>De notione & existentia Logices.</i>	50
QUEST. II. <i>De objecto Logices.</i>	51
QUEST. III. <i>De genere & natura Logices.</i>	55
QUEST. IV. <i>An Logica sit necessaria aliis disciplinis comparandis.</i>	60
QUEST. V. <i>Quid sit Logica, & quotuplex.</i>	64

LOGICÆ PARS PRIMA, &c. 66

Disputatio prima de Universalis generatim.

QUESTIO I. <i>De nomine, notione, & varia universalis acceptione.</i>	67
ARTICULUS I. <i>De universalis Platoniconum.</i>	68
ART. II. <i>De universalis Nominalium & Stoïcorum.</i>	70
ART. III. <i>De universalis Peripateticorum.</i>	72
QUEST. II. <i>De forma universalis.</i>	73
ART. I. <i>Quomodo fiat Universale Metaphysicum.</i>	78
ART. II. <i>Quomodo fiat universale logicum.</i>	79
QUEST. III. <i>Quomodo gradus Metaphysici inter se distinguantur.</i>	82
QUEST. IV. <i>De præcipua Universalis proprietate.</i>	89
QUEST. V. <i>De Universalis divisione.</i>	90
ART. I. <i>Quotuplex sit universale.</i>	<i>ibid.</i>
ART. II. <i>Quæ & qualis sit Universalis in quinque inferiora divisio.</i>	93

Disputatio altera de Universalibus sigillatim.

QUEST. I. <i>De genere.</i>	94
QUEST. II. <i>De specie.</i>	95
ART. I. <i>Quid sit & quotuplex.</i>	<i>ibid.</i>
ART. II. <i>An genus in unica specie, vel species in uno individuo conservari possit.</i>	98
ART. III. <i>De individuo.</i>	99
QUEST. III. <i>De differentia.</i>	100
ART. I. <i>Quid sit, & quotuplex differentia.</i>	<i>ibid.</i>
ART. II. <i>Vtrum detur differentia cum specie reciproca.</i>	101
ART. III. <i>Quæ siuncule aliquot circa genus & differentiam exutiuntur.</i>	105
QUEST. IV. <i>De proprio.</i>	106.
QUEST. VLT. <i>De accidente.</i>	108

COMMENTARII IN CATEGORIAS ARISTOTELIS

Præfatio. 110

Disputatio prima de Anteprædicamentis. 111

QUEST. I. <i>De variis definitionibus, que ab Aristotele afferuntur;</i>	<i>ibid.</i>
QUEST. II. <i>De divisionibus & regulis ab Aristotele propositis.</i>	113
QUEST. III. <i>De Categorias in universum.</i>	114

RERUM ET CAPITUM.

QUEST. IV. <i>De Entis categorici divisione.</i>	117
Disputatio secunda, de Prædicamentis sigillatim.	
QUEST. I. <i>De substantia.</i>	122
ART. I. <i>Quid sit substantia, & quotuplex.</i>	ibid.
ART. II. <i>Quæ sint proprietates substantie.</i>	123
ART. III. <i>Quæ ad categoriam substantiae pertincent.</i>	125
QUEST. II. <i>De quantitate.</i>	127
ART. Quid sit quantitas, & quotuplex.	ibid.
ART. II. <i>De quantitate discreta.</i>	128
ART. III. <i>Quæ sint quantitatis proprietates.</i>	130
ART. IV. <i>Quæ ad categoriam quantitatis pertineant.</i>	131
QUEST. III. <i>De qualitate.</i>	131
ART. I. <i>De notione, divisione, & proprietatibus qualitatis,</i>	ibid.
ART. II. <i>Qualitatrum species sigillatim explicantur.</i>	134
QUEST. IV. <i>De Relatione.</i>	137
ART. I. <i>De nomine & existentia Relationis.</i>	138
ART. II. <i>Quonodo relatio distinguatur à fundamento.</i>	140
ART. III. <i>De subjecto Relationis.</i>	144
ART. IV. <i>De termino Relationis.</i>	145
ART. V. <i>De Relationis divisione.</i>	145
ART. VI. <i>Proprietates Relationis explicantur.</i>	151
QUEST. V. <i>De sex ultimis prædicamentis.</i>	152
Disputatio tertia de Postprædicamentis:	
QUESTIO PRIOR. <i>De oppositis in universum.</i>	154
QUESTIO POSTERIOR. <i>De oppositis sigillatim.</i>	156

LOGICÆ PARS SECUNDA.

Disputatio prior de terminis.	158
QUEST. I. <i>De signo.</i>	159
QUEST. II. <i>De voce.</i>	161
QUEST. III. <i>De perceptione.</i>	163
Disputatio secunda, de enuntiatione, & judicio.	
QUEST. I. <i>In quo posita sit natura propositionis.</i>	170
QUEST. II. <i>De veritate & falsitate propositionis.</i>	171
ART. I. <i>An simplex apprehensio veritatis & falsitatis sit capax.</i>	173
ART. II. <i>Vtrum ex duabus propositionibus contradictoriis de futuro contingenti & singulari, altera definite vera, altera sit determinate falsa.</i>	176
ART. III. <i>Vtrum omnis propositio sit vera aut falsa.</i>	183
QUEST. III. <i>De precipnis judicii defectibus & erroribus.</i>	184

LOGICÆ PARS TERTIA.

Disputatio prior de demonstratione.	188
QUEST. I. <i>De syllogismi natura.</i>	189
QUEST. II. <i>De natura demonstrationis.</i>	191
ART.	

INDEX

ART. I. <i>De pre cognitis.</i>	192
ART. II. <i>Quid sit demonstratio.</i>	193
QUEST. III. <i>De divisione demonstrationis.</i>	196
QUEST. IV. <i>De medio demonstrationis.</i>	196
Disputatio altera de scientia.	
QUEST. I. <i>Quid sit scientia.</i>	203
QUEST. II. <i>De causis scientie.</i>	204
ART. I. <i>De causa formalis cuiusque scientie.</i>	ibid.
ART. II. <i>De causa efficiatrice Scientie.</i>	205
QUEST. III. <i>Scientia cum opinione & fide comparatur.</i>	208
QUEST. IV. <i>De unitate & distinctione scientiarum.</i>	211

COMMENTARII IN DECEM LIBROS Ethicorum Aristotelis.

P refatio.	215
D ISPUTATIO PROOEMIALIS. <i>De natura Philosophiae Moralis.</i>	216
QUEST. I. <i>De objetto Philosophiae Moralis.</i>	ibid.
QUEST. II. <i>Quod sit genus Philosophiae Moralis.</i>	219
QUEST. III. <i>De Philosophiae Moralis divisione, & idoneo illius auditore.</i>	222
TRACTATUS I. <i>De summo Bono.</i>	225
D ISPUTATIO I. <i>De bono & malo in universum.</i>	ibid.
QUEST. I. <i>Quid sit bonum.</i>	ibid.
QUEST. II. <i>de Boni divisione.</i>	226
QUEST. III. <i>In quo posita sit natura mali?</i>	232
QUEST. IV. <i>Utrum malum quæ malum appeti possit?</i>	235
D ISPUT. II. <i>De fine.</i>	238
QUEST. I. <i>Quid sit finis, & quotuplex.</i>	ibid.
QUEST. II. <i>Viximus & quomodo omnia agant propter finem.</i>	240
ART. I. <i>Quomodo res & mentis compotes, & quæ omnis sensus sunt expertes agant propter finem.</i>	ibid.
ART. II. <i>Quomodo bestie agant propter finem.</i>	242
QUEST. III. <i>De fine ultimo.</i>	245
D ISPUT. III. <i>De Beatitudine.</i>	247
QUEST. I. <i>De Beatitudine Philosophica.</i>	ibid.
QUEST. II. <i>Quod sit summum hominis bonum, seu de beatitudine objectiva.</i>	253
QUEST. III. <i>De Beatitudine formalis.</i>	258
TRACTATUS II. <i>De principiis altuum humanorum.</i>	263
D ISPUT. I. <i>De voluntate & voluntario.</i>	ibid.
QUEST. I. <i>De voluntate.</i>	264
QUEST. II. <i>Quomodo Mens & voluntas se se ad mutuo ad agendum determinent.</i>	266
QUEST. III. <i>De voluntario.</i>	270
D ISPUT. II. <i>De libertate & libero arbitrio.</i>	276
QUEST. I. <i>De nomine, notione & divisione libertatis, ac liberi arbitrii.</i>	277

RERUM ET CAPITUM.

QUÆST. VII. <i>De vi altera causa efficientis.</i>	327
QUÆST. VIII. <i>De actione.</i>	531
TRACTATUS III. <i>De iis quæ sunt ab omni materia separata, seu de Theologia naturali.</i>	535
DISPUT. I. <i>De Deo secundum se spectato.</i>	ibid.
QUÆST. I. <i>Quibus potissimum rationibus existentia Dei demonstretur.</i>	ibid.
QUÆST. II. <i>Quomodo Deus à nobis cognoscatur.</i>	548
QUÆST. III. <i>De attributis divinis in universum.</i>	554
QUÆST. IV. <i>De Deo ut infinito.</i>	556
DISPUT. II. <i>De Deo ut prima causa.</i>	563
QUÆST. I. <i>De Deo ut Creatore & conservatore.</i>	ibid.
QUÆST. II. <i>Quomodo Deus concurrat cum causis secundis & necessariis.</i>	567
QUÆST. III. <i>Quomodo Deus concurrat cum causis liberis : ubi de physica predeterminatione.</i>	571
DISPUT. III. <i>De animæ separate natura & functionibus.</i>	385
QUÆST. I. <i>De immortalitate animæ rationalis.</i>	ibid.
QUÆST. II. <i>De statu animæ separate.</i>	568
QUÆST. III. <i>De natura, unitate, & origine animæ rationalis.</i>	604
QUÆST. IV. <i>De Intellectu.</i>	612
QUÆST. V. <i>De cognitione brutorum.</i>	619
QUÆST. VI. <i>Utrum bellua aliqua ratione donentur.</i>	630
APPENDIX. <i>De existentia & natura Angelorum.</i>	635



INSTITUTIONES LOGICÆ

M N I S summa Philosophiae , inquit M. Tullius , ad beatè vivendum refertur , idque unum expertentes homines se ad hoc studium contulerunt . Felicitas verò , quam in hac vitâ consequi possumus , duabus potissimum rebus contingit , contemplatione , & actione : utramque Philosophia sibi vindicat : quæ idcirco in duas partes primum dividitur , in activam & speculativam ; illa versatur in moribus instituendis , hæc in rebus contemplandis ; eaque est duplex , Physica nimirum , & Metaphysica . Illa res sensibus obvias considerat ; hæc intimas rerum naturas & primas omnium causas investigat ; utraque circa veritatis indagationem occupatur . Sed Logica certam prescribit rationem qua veritas inveniri , & di- judicari facile possit : unde hæc disciplinarum est organum , & vera sciendi methodus ; atque in id potissimum nititur , ut mentis functiones regat & perficiat .

Tres autem sunt mentis functiones : prima est simplex rei perceptio , seu apprehensio , aut idea ; secunda est judicium , seu propositio , quâ unum de altero affirmamus , aut negamus : ut cum dicimus , Deus est infinitus : tertia est discursus , aut ratiocinatio , cum unum ex alio colligimus : ut Deus est optimus , ergo summè amandus . Hinc Logica in tres partes secari solet : prima circa vocum aut terminorum explicacionem versatur ; secunda quæ ad propositiones , tertia quæ ad argumentationem spectant , complectitur . Quæ omnia in summam contrahi solent : unde & compendiosa tractatio , quam institutionum nomine alii insigniunt , totius Logicæ explicationi , recepto in scholis more præmunitur .





SECTIO PRIMA.

D E
T E R M I N I S.

C A P U T P R I M U M.

Varie terminorum divisiones afferuntur.

Terminos, seu voces, dicimus signa, quibus ideas, aut p̄ceptiones suas simplices quicunque exprimit.

Signum id vocamus, quod in alterius rei cognitionem nos dicit. Illud vel est naturale; ut fumus est signum ignis; vel ex hominum instituto & arbitrio, cuiusmodi sunt voces tum scriptae, tum oris sono formatae & distinctae.

Vox, aut nomen est, aut verbum: nomen significat sine tempore adjunctio: ut *Deus*.

Verbum est vox quæ aliquid de aliquo cum tempore significat: sic, *lego*, idem est, atque ego lego nunc, seu in hoc præsenti tempore; idque adeo significat lectioñem, per sonam, & tempus.

Terminus aut est incomplexus, aut complexus: ille unam tantum notionem, vel ideam exprimit, ut *homo*, *circulus*; complexus vero is dicitur qui plures notiones, aut ideas complectitur; seu pluribus vocibus, ut *homo justus*; seu una tantum voce contineatur, ut *justus*: significat enim rem cui justitia inest.

Huc etiam pertinet divisio termini in concretum & abstractum: concretus idem ferè est qui complexus, & rem significat cum forma quadam ad juncta: ut album est id cui albedo inest. Terminus quo ea forma exprimitur, abstractus nominatur, ut *albedo*, aut *rotunditas*. Abstractus itaque terminus formam sine re ipsa significat, ut scientia: concretus rem & formam significat, ut doctus.

Sic terminus vel est absolutus, qui rem sine ullo ad aliud ordine significat; vel relativus, qui rem exprimit cum ordine ad aliud: ut pater, qui ordinem ad filium intellectu suo comprehendit.

Terminus itidem vel est categorematicus, qui solus aliquid significat, ut homo; vel syncategorematicus, qui non nisi cum alio coniunctus significat, ut omnis, nullus.

Hinc variae oriuntur terminorum acceptiones, quas suppositiones vocant: cum enim vox pro seipso accipitur, ut cum dicimus, *homo* est nomen, *anima* est verbum: tum ea dicitur suppositio materialis. Seipius vox accipitur pro re significata, tumque dicitur suppositio formalis, ut *Dominus est infinitus*.

Rursus suppositio dividi solet in determinatum, cum terminus alioqui communis determinatè accipitur, ut Philosophus i. e. Aristoteles librum de categoriis conscripsit: confusam, cum vox indeterminatè usurpatur: ut oculus ad videndum est necessarius: neque enim exprimitur uter oculus ad videndum sit necessarius; collectivam, ut universale est quantuplex; et distributivam, quæ tunc est duplex.

Una dicitur pro singulis generum, ubi terminus pro omnibus inferioribus accipitur: ut omnis circulus est rotundus; altera est pro generibus singulorum, ut cum terminus non pro singulis, sed pro omnibus tantum speciebus usurpatur: ut omne animal in arca Noë conclusum fuit, hoc est, ex omni genere animalium quædam fuere in arca Noë conclusi.

Ampliatio est extensio termini ad plures temporis differentias: ut cum dicimus, vivens omne moriturum.

Restriktio verò est contractio significationis in aliquo termino. Sic Orator pro M. Tullio solet usurpari.

Adiectiva nomina plerumque significationem contrahunt: ut in illa propositione, homo justus salvabitur: vox iustus propositionem multum restringit.

Appellatio est unius termini ab altero denominatio: ut Cicero optimus est Orator: vox illa, optimus ad Oratorem pertinet, non ad Ciceronem ipsum.

Itaque appellatio afficit significationem alterius termini. Nam allata propositionis est sensus, quod Cicero sit Orator optimus, non quod is optimus fuerit.

Status termini est dicitur qui eam temporis differentiani non mutat, quam verbum propositionis significat: ut pius est, idem est felix, quandiu scilicet est pius. Sed cum terminus ab eo tempore, quod verbum significat, abducitur, tum distractio vocatur: ut cœci vident, claudi ambulant, hoc est, qui cœci erant, jam vident.

Res igitur in suo statu accipitur, quod etiam vocant in sensu composito, cum sumitur pro eo tempore, quod per verbum exprimitur. Sed tum est distractio termini, & in sensu, ut aiunt, diviso sumitur, cum pro re, qualis est alio tempore quam verbū significet, accipitur, ut ex allatis exemplis liquet.

Cum vox pluribus applicatur cum eadem significatione, ut homo, circulus, rotundum, tum vox illa dicitur univoca: sed ubi diversa est significatio, tum vox dicitur aequivoca: ut canis respectu animalis domestici, & constellationis cuiusdam. Ubi sola vox communis est, ut in allato exemplo, tum est pura aequivocatio, seu homonymia: sed cum est aliqua similitudo, tum dicitur analogia: ut cum dicimus hominem sanum, urinam sanam, medicamentum sanum: quod homo sit sanitatis subjectum, urina signum, medicamentum causa.

C A P U T I I.

De termino universalī.

Terminus qui univocè pluribus tribuitur, ut *homo*, dicitur universalis: ut terminus proprius, qui hoc aliquid, & determinatum significat, nec pluribus convenit, est singularis: ac res ipsa, quam terminus designat, individuum vocatur, ut *Petrus*.

Universalia quinque vulgo numerantur, genus, species, differentia, proximum, & accidens.

Genus est universale quod multis speciebus convenit: ut animal homini & equo; figura triangulo, & circulo.

Species est universale quod convenit multis individuis, ut homo prædicatur de Petro, & Paulo: circulus de hoc, vel illo circu'.

Definiti etiam solet genus, universale quod prædicatur de multis specie diffe-

rentibus in quid: querenti enim quid sit homo, vel leo, respondemus esse animal.

Species quoque definitur universale quod prædicatur de multis solo numero differentibus in quid. Ea verò solo numero differunt, quæ sunt individua, ut Petrus, & Paulus: & querenti quid sit Petrus, respondetur esse hominem.

Genus vel est summum, quod nullum habet genus supra se, ut substantia; vel subalternum, seu intermedium, quod superiori subest, ut animal, quod viventi subjacet, & ita est genus respectu inferiorum, hominis v. g. & bruti, ut sit etiam species respectu superioris, nimirum viventis, quod latius patet quam animal.

Sic species vel est infima, quæ infra se habet tantum individua, ut homo, aut circulus; vel est subalterna, quæ ita est species cum superioribus comparata, ut rationem quoque habeat genetis, si comparetur ad inferiora, ut animal cum vivente collatum est species, ad hominem relatum genus dicitur.

Differentia est universale, quod de multis prædicatur in quale quid, seu in quale post quid; cum enim questum est quid sit homo, & responsum fuit, eum esse animal: iterum queritur, quale est animal, tuncque respondetur, rationale: eaque est differentia hominis specifica: ut differentia numerica ea est, quæ individuum constituit, queque his vocibus exprimi solet, *per tritias, hecceitas.*

Proprium, ut differentia, est universale quod prædicatur in quale. Sed differentia est id quod primum concipitur in re, & circa ratiocinium patet: ut trianguli differentia in hoc posita est quod tribus lineis claudatur. Proprietates verò ratiocinio evolvuntur: sic differentia hominis est rationale, quod statim appareat: sed quod homo sit risibilis, discursu quodam cognoscimus: quod videlicet ut cognitione, sic admiratione præditus sit, & certis organis sit instructus, quibus interiorem admirationem prodat: quod utique est ridere.

Proprium quatuor modis dicitur. Primo, quod convenit soli speciei, sed non omnibus individuis, ut homini esse medicum, 2º quod convenit omni speciei, sed non soli, ut homini esse bipedem, 3º quo l convenit omni, & soli speciei, sed non semper, ut homini in senectute canescere, 4º quod convenit & soli speciei, & semper, ut homini esse risibilem.

Accidens est universale quod prædicatur de multis in quale, sed contingenter: ut esse calidum, frigidum; definitur etiam quod potest adesse, & abesse sine subjecto interitu.

C A P U T I I I .

De Categorij.

Categorij dicuntur aut prædicamenta, vel suprema quedam genera, ad quæ omnia quæ terminis exprimi possunt, revocantur. Ac primum res omnes ad duo summa genera referri possunt, substantiam nimirum & accidens: nam res omnis, aut per se existit, & vocatur substantia; aut est in alio, ut in subiecto, tuncque dicitur accidens, ut calor, aut frigus.

Substantia dicitur que per se nata est subsistere, eaque est duplex. Prima, seu singulaxis, ut Petrus, & secunda, seu universalis, ut homo. Prima substantia

ea est , que neque est in subiecto , ut accidentia ; neque de subiecto prædicatur , ut substantia secunda , seu universalis : ut homo qui de pluribus subjectis dicitur. Itaque substantia est subiectum ipsum , accidens est in subiecto.

Idque definitur ab Aristotele , quod est in aliquo , non ut pars , nec ab eo potest separatim existere , intellige saltem naturaliter. Sic candor est in lacte , non ut pars ejus.

Quæ in subiecto sunt , ad novem genera , seu categorias revocantur : atque hic numerus accidentium ex variis interrogationibus , quæ fieri possunt de substantia prima , colligitur.

Quæri enim potest de Petro 1^o quantus sit , tunc respondetur magnum esse , aut parvum. 2^o qualis sit , doctus , an pius ; ubi , Lutetiae , aut Romæ : quando vixit , ad quem referatur , aut quiccum comparari possit , ut cuius sit filius , quem sicut obtineat , sedet , aut jacet. Quid agat , studet ; quid patiatur , frigus ; quis sit illius habitus , ita est vestitus , armatus &c. Sic igitur quantum , quale , ad aliquid , seu relatio , actio , passio , ubi , quando , situs & habitus , sunt novem predicamenta accidentium.

Quantum dicitur id omne quod magnitudinem habet : quod enim magnitudine aliquâ exprimi potest , aut mensurari , id quantum dicimus. Sic motus velocitas , temporis diurnitas , numerus , aut multitudo ad quantitatem referuntur : & quotiescumque , quām magnum , quām multum , quām diuturnum , aut aliiquid consimile queritur , toties quantitas rei inquiritur : adeo ut quantum nomine adjectivo , & comparativo semper exprimi possit : ut maius & minus , velocius aut tardius. Sic quantitas videtur esse nomen relativum : ut magnum , & parvum non dicuntur nisi comparatè ad aliud.

Quantitas vel est discreta , cujus partes sunt separatae , ut numerus ; vel continua , cujus partes communi vinculo connectuntur : eaque vel est successiva , seu in fluxu posita , ut tempus ; vel permanens , quæ simul & tota existit. Hæc iterum est triplex , linea , quæ est longitudo tantum ; superficies quæ est longitudo & latitudo ; & corpus quod trinâ dimensione constitutum , longitudo nimirum , latitudine & profunditate.

Qualitas dicitur , qua res talis nominatur : ut albedo , quā homo dicitur albus. Jam nonnullis placet idem attributum , qualitatem dici , & quantitatem : sed qualitas est , cum absolute exprimitur , ut doctrina : quantitas verò dicitur , ubi comparatè quid significat : ut cum dicimus unum hominem alio esse maiorem aut doctiorem. Sic ubi querimus qualis sit mensa , & respondemus v. g. esse oblongam , aut ovalē , tum illius qualitatem afferimus. At si queratur quanta sit , tum illius quantitatem adducimus : sic interroganti qualis sit aer , responderetur eum esse calidum absolutè . Jam si queras , quam calidus , tum quæstio erit de quantitate. Quoties enim haec particula , quām addi potest , ut quam magnum , quām multum , toties de quantitate agitur.

Qualitatis quatuor species vulgo numerantur : prima complectitur habitum , & dispositionem : firma agendi facilitas usu & exercitio comparata dicitur habitus : cum facilè amoveri potest , dicitur dispositio : quo etiam nomine intelligitur aptitudo quedam ad comparandum habitum.

Secunda est facultas agendi à natura concessa , quæ potentia naturalis dicitur : eaque ad agendum simpliciter est necessaria , ut facultas videndi , cum debilior est , tunc impotentia dicitur.

3. Vis illa in re quavis posita quâ sensum aliquem potest afficere , dicitur paribilis qualitas: ut color, sonus, calor & frigus. Cum qualitas illa citò transit , passio dicitur , ut rubor qui faciem ex pudore suffundit.

4. Forma aut species dicitur quæ latus quæ oculis apparet: figura vero est spatiū ex omni parte clausum : ut círculus , triangulus.

Relata sunt quæ inter se invicem comparantur, ac relatio est unius cum altero comparatio. Sic ubi duo parietes albi, au duæ lineaæ inter se conferuntur, comparatio illa parietum dicitur similitudo , si uterque eodem colore tingatur : sic relatio linearum erit æqualitas . ut inæqualitas. Duæ igitur lineaæ , aut duo parietes , qui ad se mutuo referuntur , relata dici solent. Horum unum est subjectum , alterum terminus ; fundamentum vero id dicitur cuius vi potest fieri comparatio , ut albedo in parietibus est fundamentum similitudinis. Relatio seu habitudo patris ad filium dicitur paternitas , subjectum illus est pater ; terminus cum quo pater comparatur , est filius : ratio cur sit pater , est quia filium genuit. Itaque fundamentum hujus relationis est generatio. Reliqua prædamenta in Logica exponentur.

Postprædicamenta dicuntur affectiones , seu proprietates quædam generales , quæ ex comparatione prædicamentorum inter se oriuntur.

Ac primo nobis occurunt opposita , quæ in quatuor species secantur : sunt enim relata , contraria , privativa & contradictoria. Relativa oppositio est inter duos terminos qui inter se comparantur , ut inter patrem & filium ; oppositio contraria inter duo accidentia , quæ sub eodem genere posita maxime inter se distin̄t , ut inter virtutem & vitium , calorem & frigus : privativa oppositio inter formam & ejus privationem intercedit , ut inter mortem & vitam: contradictoria inter ens & non ens ; ut homo & non homo contradictoriè opponuntur.

2. Unum prius dicitur altero , vel tempore , vel natura : ut sol prior est lumen ; vel existendi consecutione , ut animal prius est homine ; vel ordine , vel dignitate.

3. Simili ratione plura sunt simul , vel tempore , vel natura , ut relata ; vel divisione , ut species eidem generi subjectæ.

4. Variæ itidem motus species numerantur , generatio nimirum , corruptio , accretio , imminutio , alteratio , & motus localis , de quibus in Physica. Varios itidem Aristoteles afferit modos habendi qui non magni sunt usus.

S E C T I O S E C U N D A.

De enuntiatione , aut propositione.

C A P U T P R I M U M.

Quid sit enuntiatio , & quotuplex.

ENUNTIATIO vel propositio vulgo definitur , oratio affirmans vel negans ; aut , oratio vera vel falsa : cum enim mens plures ideas inter se comparat , affimat , si illas conjungit ; negat vero , si eas ut male inter se cohærentes di-

LOGICÆ

Vidit, ac separat: judicium verò illud quod à mente proficitur, cum illas ideas conjungit, aut divellit, propositione dici solet.

Tria autem sunt in propositione, subiectum de quo aliquid affirmatur, aut negatur; attributum, seu prædicatum, quod de alio affirmatur, aut negatur; & copula, qua nimirum subiectum & attributum copulantur. Sic in hac propositione, homo est animal, homo est subiectum, de quo scilicet prædicatur, aut dicitur animal, quod est attributum: quia de homine affirmatur: verbum verò substantivum, est, copula dicitur.

Non autem magni refert an propositione tribus constet terminis, ut in hac propositione, mens est cogitans; aut duobus, ut in ista, mens cogitat; aut uno deinde, ut in illa, cogito. Nam verbum ipsum & attributum & affirmationem comprehendit. Ex quidem enunciationes, in quibus subiectum, prædicatum & copula exprimuntur, propositiones de tertio adacente dici solent: ha verò in quibus verbum habet rationem attributi & copulae, dicuntur de secundo adacente; illæ demum in quibus verbum gerit vices subiecti, attributi, & copulae, de primo adacente, quamquam minus aptè vocantur.

Enuntiatio dividitur primo ratione qualitatis, in affirmantem & negantem; atque hæc est præcipua propositionum divisio, quæ ex ipsa copula desumitur, seu ab actione mentis, que attributum aut cum subiecto conjungit, aut ab eo divellit. Hinc enim propositiones dicuntur affirmantes, aut negantes.

2º. Alia est divisio deprompta ex parte subiecti, qua propositione in universalem, particularem, & singularem distribuitur. Nam subiectum vel est terminus communis, seu universalis, vel singularis; si communis, vel in omni sua latitudine, aut extensione accipitur, tumque signum habet universale, aut intellectum, aut expressum: que signa sunt, omne, aut nullum. Subiectum ita acceptum efficit propositionem universalem: ut omnis circulus est figura. Quod si terminus communis secundum partem aliquam sui, eamque vagam & indeterminatam sumatur, tunc propositionem efficit particularem, ut aliquis homo est justus. Cum denique subiectum est terminus singularis, propositionem efficit singularem, ut Plato est Philosophus. Qualitas igitur propositionis ex affirmatione aut negatione, ut quantitas ex subiecti amplitudine repetitur.

Utrum autem propositione sit universalis, an particularis, cum signa nulla sunt, quæ propositionem universalem afficiant, merito ambigitur. Vñ garis sententia est in materia necessaria, eam esse universalem: cuius generis est ea propositione, homo est animal; in materia contingentia non item: ut si dixerim, homo est justus. Hinc quæ in universum de moribus ex. gr. nationum dicuntur: cum aliqua exceptione accipi debent: sic cum dicimus amicorum omnia esse communia, intelligimus ea tantum quæ legitimè communicari possunt.

Probabilius tamen est propositionem indeterminatam, ut homo est justus, semper esse universalem, nisi ubi factum aliquod narratur: cum actiones sint rerum singularium.

3. Dividitur propositione ratione materiæ in necessariam, contingentem & impossibilem; propositione necessaria est in qua attributum cum subiecto individualiter coheret, ut homo est animal. Propositione contingens ea est in qua prædicatum subiecto inest contingenter: ut homo est justus. Propositione impossibilis, in qua prædicatum nulla vi coherere potest cum subiecto, ut homo est lapis.

4°. Dividitur in finitam & infinitam : propositio finita est quæ constat terminis finitis , ut homo est animal ; propositio infinita autem inde finita , quæ constat infinito vel predicato , vel subjecto , vel utroque : ut non homo est lapis ; lapis est non homo ; non homo est non lapis . Terminus autem dicitur infinitus cui prefixa est negatio : quare omnis terminus finitus fieri potest infinitus , ubi præponitur negatio .

Denique propositio dividitur in veram & falsam : veritas in nexu attributum subiecto positâ est , si propositio sit affirmans ; vel in dissensu utriusque , si propositio sit negans . Sed de veritate & falsitate propositionum alio loco pluribus .

C A P U T I I .

De affectionibus enuntiationis.

Quinque vulgo numerantur enuntiationis affectiones , quantitas videlicet , qualitas , convertio , oppositio , & equipollentia : de quantitate & qualitate latius haec tenus . De tribus reliquis , quæ uni enuntiationi cum alia comparatae convenienti , deinceps agendum est .

De conversione propositionis.

Conversio propositionis est terminorum ejus commutatio , servata eadem qualitate : convertitur enim propositio , cum ejus subiectum sit attributum , & vicissim attributum sit subiectum : & tamen eadem manet affirmatio vel negatio ; veritas autem falsitas ipsius propositionis .

Triplex affectus solet conversio simplex , per accidens , & per contrapositionem .

Conversio simplex est , in qua servatur eadem quantitas propositionis : sic convertuntur universales negantes : ut nullus homo est lapis , nullus ergo lapis est homo ; particulares itidem affirmantes , ut quidam homo est Philosophus , quidam ergo Philosophus est homo .

Conversio per accidens ea est , in qua mutatur quantitas propositionis , tum universalis affirmantis in particularem affirmantem , ut omnis homo est animal , ergo aliquod animal est homo ; tum universalis negantis in particularem negantem , ut nullus homo est lapis , ergo aliquis lapis non est homo .

Conversio fit per contrapositionem , quando termini finiti sunt infiniti , servaturque eadem quantitas propositionis : sic convertitur universalis affirmans in universalem affirmantem , ut omnis homo est animal , omne quod non animal est , est non homo .

Sed memoriae juvandæ causa excogitati sunt hi versus , quibus continentur regulæ omnes conversionum .

Simpliciter feci , convertitur Eva , per accid.

Asto per contrap. sic fit conversio tota.

In his tribus vocabulis , Feci , Eva , Asto , considerandæ sunt quatuor vocales A , E , I , O . quarum præmira , nimirum , A , designat propositionem universalem affirmantem ; secunda E , propositionem universalem negantem ; tertia , I , particularem affirmantem ; quarta , O , particularem negantem , juxta illud pervulgatum ,

Afferit

Afferit A, negat E, verum generaliter ambo.

Aferit I, negat O, sed particulariter ambo.

Hic ergo prioris regulæ est sensus: in ea voce *Feci*, reperiuntur duæ vocales E & I, que designant universalem negantem, itemque particularem affirmantem converti simpliciter. *Eva*, in qua reperiuntur E & A, nobis insinuat universalem negantem, itemque universalem affirmantem converti per accidens. *Aſlo*, in qua reperiuntur A & O, indicat universalem affirmantem, & particularem negantem converti per contrapositionem. Hujus postremæ conversionis non meminit Aristoteles, quia ejus nullus est usus in reductionibus syllogismorum.

Omnes autem istæ conversionum leges pendent à cohaſione, vel potius ab identitate subjecti & attributi: quod si enīm subjectum conjurgitur & identificatur, ut aiunt, cum attributo, necesse est pariter attributum uniri & identificari cum subj. &c.

Ceterum propositiones universales affirmantes non possunt converti simpliciter: licet enim omnis homo sit animal, non tamen omne animal est homo: nam ut pars continetur in toto, non tamen totum in parte continetur: Animal v. gr. ut totum spectatur, cuius pars quædam est homo.

Particulares negantes non convertuntur simpliciter, sed neque per accidens: nam ut aliquod animal non sit homo, non ideo aliquis homo non erit animal; ac multo minus verum erit, nullum hominem esse animal.

Quò vero omnem cavillationem in convertendis propositionibus effugias, propositiones ipse sunt imprimis intelligenda. Sic illa propositio, nullus juvenis fuit senex, male convertitur in eam, nullus senex fuit juvenis. Sed prior propositio ita est explicanda, nullus juvenis est id quod senex fuerit: tumque sic tuō convertes, nullus qui fuerit senex, est juvenis. Nam hujusmodi propositiones sunt verbis quidem simplices, sed sensu composite. Simili quidem ratione, hæc propositio vera est, nullus senex potest fieri juvenis: sed in eam converti nequit, nullus juvenis fieri potest senex. Prior ita est explicanda; nullus senex est quiddam quod possit esse juvenis: tum recte convertitur: nullus qui possit esse juvenis, est senex. Has quidem captiones voluimus omittere quod in scholis nunc sunt usitate, & tironum ingemia exerceant.

Opposito propositionum.

* Opposito est repugnancia duarum propositionum que eodem subjecto & attributo constant: atque haec repugnancia vel est penes quantitatēm, vel penes qualitatēm, vel penes utramque.

Quadruplex vulgo statui solet oppositio propositionum: contradictoria, contraria, subcontraria, & subalterna.

Opposito contradictoria est inter duas propositiones quarum una est universalis, altera particularis; una affirmans, altera negans: ut omnis homo est animal; aliquis homo non est animal; nullus homo est Philosophus, quidam homo est Philosophus. Huc adde propositiones singulares, quarum una affirmat id quod negat altera: ut Petrus cras disputabit, Petrus cras non disputabit.

Propositionum contradictoriarum una semper vera, altera est falsa: unde ex veritate unius necessariò colligitur falsitas alterius.

Opposito contraria est inter duas propositiones universales, quarum una

est affirmans, altera negans : ut omnis homo est animal, nullus homo est animal ; omnis homo est Philosophus, nullus homo est Philosophus.

Propositiones contrariae possunt esse simul false, ut patet ex posteriori exemplo : eorum quoque una potest esse vera, & altera falsa, ut videre est in priore ex emplo : sed ambae nequeunt esse verae.

Oppositiō subcontraria est inter duas propositiones particulares, quarum una est affirmans, altera negans : ut aliquis homo est animal, aliquis homo non est animal : aliquis homo est Philosophus, aliquis homo non est Philosophus.

Propositiones subcontrariae possunt esse simul verae, ut constat ex posteriore exemplo : eorum quoque una potest esse vera & altera falsa, ut patet ex priori exemplo ; sed nequeunt esse simul falsa.

Oppositiō subalterna est inter duas propositiones, quarum una est universalis, altera particularis : sed utraque vel est affirmans, vel negans ; ut omnis homo est animal, aliquis homo est animal; nullus homo est animal, aliquis homo non est animal : omnis homo est Philosophus, quidam homo est Philosophus.

Propositionum subalternarum aliquando una vera est & altera falsa, ut patet ex postremo exemplo ; aliquando utraque falsa, ut patet ex secundo ; aliquando utraque est vera, ut ex primo colligitur.

Omnium ergo oppositionum maxima est contradictoria : paulo minor ea est contraria; multo minor est subcontraria, minima vero subalterna. Quandoquidem contradictoria nec in veritate conveniunt unquam, nec in fallitate ; contrariae ; aliquando in fallitate convenientia ; subcontrariae in veritate ; subalternae in utraque, in veritate nimis & fallitate consentiunt : immo si propriè loqui volumus, oppositiones subcontrariae & subalternae non sunt verae oppositiones : nam subcontrariae non sunt de eodem subiecto, nisi voce tenuis ; ut constat ex his diuisibus. Quidam homo est Philosophus, id est Petrus ; quidam homo non est Philosophus, id est Paulus.

Subalternarum autem una, nempe particularis, continetur in altera, nimis in universalis, tanquam pars in toto ; partis autem & totius oppositio proprie nulla est.

Æquipollentia propositionum.

AÆquipollentia, seu æquivalentia est reductio unius ex propositionibus oppositis in sensum alterius, idque unius aut multiplicis negationis beneficio.

Tres sunt regulæ æquipollentiarum, quæ solent hoc versu comprehendendi,

Pre contradic, post contra, pre postque subalterna.

Hoc est, in contradictoriis negationem præpone : ut omnis homo est animal, illius æquipollens, non aliquis homo est non animal. In contrariis est postponenda negatio, ut omnis homo est animal, illius æquipollens, nullus homo non est animal : in subalternis præponitur simul & postponitur : sed istæ vix ullius sunt utilitatis.

C A P U T III.

De propositionibus modalibus.

Propositio modalis est ea, quæ affirmat aut negat exprimendo modum, quo attributum inest, aut non inest subiecto. Hæc propositio ex. gr. necesse est

hominem esse animal , non solum affirmat de homine , sed etiam modum exprimit quo animal ei convenit . Itaque in propositionibus modalibus duo sunt distinguenda , dictum & modus : dictum est propositionis absoluta , quæ remanet sublatu modo : modus verò est id quod adjunctum est propositioni absolute , facitque eam modalem : ut in hac propositione , necesse est hominem esse animal , modus est particula , necesse , dictum verò hæc propositionis homo est animal .

Quadruplex vulgo statuitur propositionis modalis iuxta quatuor modos . quibus significatur attributum convenire , vel non convenire subiecto , scilicet possibile , contingens , impossibile , & necessarium .

Affectiones propositionum modalium cædem omnino sunt que absoluterum : videlicet quantitas , conversio , oppositio , & equipollentia . Sed ut in propositione duo sunt , dictum & modus ; in ea quoque duplex est quantitas , una dicti , altera est modi , quæ vel sola , vel maxime spectatur : nam propositionis modalis censetur universalis simpliciter , si modus sit universalis ; particularis , si modus sit particularis . Ex modis autem duo sunt particulares , nimurum possibile & contingens : duo itidem universales , scilicet impossibile & necessarium : siquidem duo priores modi non omnino , nec quovis loco & tempore conjungunt vel disjungunt attributum & subiectum . Quod si negatio modo præponitur , tum inutatur propositionis quantitas . Siquidem non necessarium , & non impossibile , sunt modi particulares : non contingens & non possibile universales : quod etiam videre est in propositionibus absolutebus : non omnis enim , & non nullus signa sunt particularia ; ut non aliquis est signum universale .

Qualitas propositionis modalis , ut absolute est quadruplex , veritas , falsitas , affirmatio & negatio : veritas & falsitas pendent ex modo & dicto , sed praesertim ex modo : nam quotiescumque propositionis falsa est ratione modi , censetur falsa simpliciter , sive vera sit ratione dicti , sive non : ut patet ex istis , contingens est hominem esse animal ; necesse est hominem esse Philosophum .

Quod attinet ad affirmationem & negationem , unus tantum modus est negans , scilicet impossibile ; tres alii sunt affirmantes , dummodo iis nulla adjungatur negatio . Quod si enim una affigatur negatio , modi sunt negativi ; si duplex , rursum sunt affirmativi : quia duplex negatio æquivaleret affirmationi , intellige apud Latinos .

Conversio propositionum modalium eadem ratione efficitur , qua absoluterum conversio .

C A P U T U L T I M U M .

De propositionibus complexis seu compositis .

Propositionis composita ea dicitur , quæ gemino constat vel subiecto vel attributo , ut Aristoteles & Plato philosophantur ; Aristoteles philosophatur , & ambulant ; Aristoteles , & Plato philosophantur & ambulant . Ubi nondum est quasdam propositiones videri complexas , quæ tamen sunt simplifices : quia in iis subiectum , aut attributum appareat multiplex , licet revera sit unicum : ut Alexander Principum fortissimus vicit Darium : quæ utique pro-

positio simplex est : hæc autem foret composita , Alexander fuit Principum fortissimus , & vicit Darium . Vera c̄tautem propositio composita , dummodo veræ sint propositiones simplices , ex quibus ea coalescit : falsa futura est , ubi eatum altera falsa fuerit : tuncque negari poterit simpliciter .

Quedam etiam propositiones videntur simplices & incomplexæ , quæ revera sunt complexæ : hujusmodi sunt illæ omnes in quibus terminus connotativus , vel adjectivus reperitur : vox enim connotativa , ut justus , rem cui inest justitia , confusè , justitiam verò distinetè significat : cumque dico , homo justus , duplice illa voce hac propositio continetur , homo qui est justus . Hinc omnis terminus connotativus , omnem epithetum propositionem quandam includit , quæ principali propositioni adjungitur , eamque sèpe clariorem efficit : cujusmodi est illa apud Horatium .

*Prudens futuri temporis exitum
Caliginosa nocte premit Deus.*

Deus , est subiectum hujus propositionis , adjuncta verò propositio voce illa , prudens , continetur : atque idem sola efficit ac Deus qui est prudens , tuncque ea vox non determinat aut restringit subiectum , sed manet in omni sua extensiōre .

Quod si aut adjuncta propositio , aut terminus adjectivus subiectum , vel attributum determinet , tum ex incidente principalis quædam propositio non efficitur . Sic in illa propositione .

Vix consilii expers mole ruit sua.

Vis quæ est consilii expers , quæque est incidens propositio , præcipua non potest fieri . Composita itaque propositio ea est quæ in plures propositiones resolvi potest . Eaque vel est explicite composita , cum scilicet plures propositiones in ea contentæ manifestè apparent : vel est implicitè composita , cum multiplex propositio in ea delitescit .

Explicitè composita vulgo statuitur quadruplex , copulativa , disjunctiva , conditionalis , & causalis .

Propositio copulativa ea dicitur ejus diversa subiecta & attributa conjunctione aliqua affirmante aut negante copulantur ; nimur his particulis , &c , neque , & similibus . Quæ conjunctiones sèpe exprimuntur , ut homo non est avarus simul & prodigus . Interdum intelliguntur quidem , non exprimuntur , idque eleganter , ut ,

Sperat infausis , metuit secundis

Alteram sortem bene preparatum pectus.

Item illa Panegyrici . *Habet has vices conditio mortalium , ut adversa ex secundis . ex adversis secunda nascantur.*

Sic plura sunt aliquando tum subiecta , tum attributa , ut in illa

Non domus & fundus , non eris acervus & auri

& agro domini deduxit corpore febres ,

Non animo curas .

Reficitur copulativa propositio , cum negatur ipsa conjunctio , aut si pars aliqua propositionis non sit vera : ut virtus & æs sunt quid præclarum : falsa est hæc propositio : nam virtus etiam sine ære est quid præclarum .

Resolvitur copulativa propositio hoc modo , virtus est quid præclarum , & quoque est quid præclarum.

Propositio disjunctiva est quæ constat particula , *vel* , aut similibus , ut numerus par est , vel impar ; movetur sol vel terra.

Resolvitur autem hæc propositio hoc modo : motus non convenit simul soli & terræ : convenit autem alterntri.

Ut propositiones disjunctiva sint veræ , necesse est ut inter res disjunctas sit immediata quedam oppositio , secus falsa erunt : ut si quis dixerit , aut pax est , aut bellum : falsa est illa propositio : possunt enim esse inducia. Sic illa propositio , licet ut plurimum sit vera , amat aut odit mulier , nihil est tertium ; negatur tamen , ut alia propositiones compositæ , cum particula , *non* . premitur : ut non omnis mulier odit aut amat.

Propositio conditionalis ea est , quæ constat particula , *si* , aut alia ejusdem portestatis : ut si sol lucet , dies est ; si luna plena est aut nova , maris aestus est altior. Illarum autem propositionum pars prior cum ipsa conditione juncta dicitur antecedens , posterior consequens dici solet.

Resolvitur illa propositio hoc modo , in plenilunio aut novilunio maris aestus est altior ; extra plenilunium aut novilunium aestus maris est depresso.

Propositio conditionalis vera est , ubi consecutio est legitima , aut nexus antecedentis cum consequente indissolubilis. Itaque negari solet illa connexio , cum refellitur : ut si mutis animalibus finis voluptas , idem non erit homini finis.

Propositio causalis ea est , quæ ex duabus constat propositionibus particula causalī , *quia* , aut alia simili connexis : hujus generis est illa apud Plinium propositio . Melius omnibus quam singulis creditur : singuli enim decipere & decipi possunt ; nemo omnes , neminem omnes refellerunt . Refelluntur ejusmodi propositiones , cum negamus unam esse alterius causam : ut si quis dixerit , non singulos tantum , sed & omnes interdum falli.

In discretis propositionibus judiciorum diversitatem particulæ , *sed* , *tamen* , aut similes efficiunt , ut

Et mihi res , non me rebus submittere conor.

Ejusmodi propositiones , tum causales , tum discrete facile in simplices resolvuntur ipsa divisione : ut singuli possint facile decipere , & decipi , non item omnes , melius adeo omnibus quam singulis creditur. Item , res nobis sunt submittendæ , non autem nos debemus rebus ipsis submittere.

Propositio exponibilis , aut explicabilis , seu implicitè composita ea est quæ verbis simplex , sensu tamen complexa est , vel faltem obscura. Quocirca ea exigit ut exponatur per aliam , que exponens idcirco vocatur.

Sextuplex autem statuitur : exclusiva , exceptiva , reduplicativa , comparativa , incæptiva & desitiva.

Propositio est exclusiva , quæ constat aliqua particula excludente : ut solus homo est discursivus : huiusmodi propositio sepe dupli nomine falsa est , vel quod attributum subiecto non conveniat , vel quod ad id solum non pertineat.

Sic ea resolvitur , homo est discursivus , & nullum aliud animal est discursivum.

Propositio exceptiva ea dicitur quæ constat particula excipiente : cujusmodi

est *preter*, aut aliꝝ similes que subiectum excipiunt à communione prædicti; ut si dicas, elementum quodlibet perspicuum est *præter terram*; eo recidit hæc propositio, terra non est perspicua, alia vero tria elementa sunt diaphana.

Eadem est ratio propositionis exceptivæ, que exclusivæ, & eodem prorsus modo refellitur: ino eodem fere recidunt hæc propositiones.

Sic illa, *avarus nisi cum moritur nihil retinet*, eadem est que exclusiva. Avarus tantum recte facit, cum moritur.

Hæc propositio que unum aut multa excipit, facile resolvitur, ut ignis, aëris, aqua sunt aliquo modo perspicua, terra vero est opaca.

Propositio est reduplicativa que constat particula reduplicante: cujusmodi sunt, *prout*, *quatenus*, aut similes, que significare debent aliquid in subiecto, quod causa sit cur ei insit attributum: alioqui frustra poneretur. Cum dicimus ex. gr. animal quatenus animal sentit, particula, *quatenus*, innuit animalitatem esse principium sentiendi: si quis autem dicet, animal quatenus animal moritur, minus vera esset illa propositio: non enim animalitas morientis causa est in animali, sed ipsa naturæ infirmitas, aut elementorum forte contrarietas.

Dicitur autem propositio illa reduplicativa, in qua subiectum quasi duplicatur: ut homo quatenus homo, est rationalis, idem est, ac ratio cur homo sit rationalis, ea est, quod sit homo: unde ejusmodi propositio bene ad causalem revocatur.

Propositio est comparativa, que constat particula comparante, quales sunt *magis* & *minus*, & similes: sed ut idonea sit comparatio, cum uni extremo tribuitur in gradu comparativo, debet utrique convenire in positivo. Ista v. gr. est apta comparatio, nix ebore candidior est: hæc vero inepta, cygnus candidior est corvo.

Propositiones comparativæ licet simplices videantur, sunt tamen compositæ, ut illa,

Vilius est argentum auro, virtutibus aurum.

Duplex saltem judicium singule ille propositiones innuant, virtutem sumnum habere pretium, idque majus quam aurum.

Inceptiva propositio ea est, que constat verbo inceptivo: ut Petrus convalescit, id est, nunc bene se habere incipit, cum male antea se haberet.

Propositio definitiva ea est que constat verbo definitivo, ut lucerna extinguitur, id est, lucerna nunc lucet, sed paulo post non lucebit. Sic propositiones inceptivæ sensu aut intellectu sunt compositæ: duo quippe affirmant, rem autem non fuisse, & postea incepisse.

Inter propositiones compositas referri possunt relativæ. Illæ quandam habitudinem vel relationem includunt: ut illa, *ubi thesaurus tuus, ibi est cor tuum.*

SECTIO TERTIA.

De argumentatione, & aliis instrumentis sciendi.

CAPUT PRIMUM.

De primo instrumento sciendi, nimirum de definitione.

Modus sciendi, aut instrumentum in genere tripliciter usurpatum: primum pro his omnibus quae juvant ad scientiam comparandam: sic Logica ipsa est modus sciendi, seu scientiarum instrumentum, aut organum.

2. Modus sciendi stricta quadam ratione pro sola demonstratione sumitur, per quam scilicet scientia acquiritur.

3. Accipitur pro eo omni quod clariorem efficit rerum notitiam, ac definiiri solet oratio ignoti manifestatrix. Quo quidem modo nunc instrumentum, aut modum sciendi usurpamus; ut scilicet est quedam oratio logica, quæ veritatem efficit clariorem.

Quadruplex vero est modus sciendi, nimirum definitio, divisio, argumentatio, & methodus.

Definitio est oratio quæ quod est in re involutum evolvit, & quod est obscurum explicat.

Hæc duplex est, una nominis, altera rei: definitio nominis ab Aristotele dicitur interpretatio: ut Cosmographia est mundi descriptio: eaque est permagni usus in disciplinis omnibus: quia vocum ambiguitatem tollit, & controversias minuit: unde à Mathematicis principii loco usurpatum: ut triangulus est figura, quæ tribus lineis terminatur. Eiusmodi definitiones sunt extra omnem controversiam posite: nam id ex hominam arbitrio pendet, ut certa voce certam quoque ideam & notionem designent: non ita autem res se habet in iis definitionibus, quæ ut distinctas magis & claras rerum perceptiones efficiant, adhibentur: non enim à voluntate hominis pendet, ut idea quævis has vel illas rei partes, aut attributa comprehendat.

Definitio rei est duplex, una essentialis, altera descriptiva: prior rem explicat per principia, quæ eam constituant. Hæc iterum est duplex; una est Physica, quæ res definitur per partes physicas, materiam scilicet & formam, ut homo est quid compositum ex corpore & anima rationali. Altera est Metaphysica, quæ rem explicat per genus & differentiam: quæ sunt illius partes, ut vocant, metaphysicæ.

Definitio quæ rem describit per ea quæ ei insunt adventitia, non essentialibus, triplices est: prima dicitur accidentalis, eaque rem explicat per plura accidentia, quæ seorsum sumpta aliis rebus convenire possunt, non item si coniunctim sumantur. Ut ignis est elementum rarum, leve, & calidissimum.

Secunda sit per proprietates quasdam, ut homo est animal politicum, & scientiarum capax.

Tertia dicitur causalis, quæ rem explicat per causam finalem, aut efficientem, aut exemplarem: ut homo est animal ad Dei similitudinem factum, ut eo frui possit. Eclipcis luna est interpositio terræ solem inter & lunam.

Optima quidem definiendi ratio est ea, quæ brevis, quæ clara, quæ generale proximo constat & differentia: sic enim palam fit quomodo res quæ definitur, conveniat cum similibus & cognatis maxime, simul & in quo ab aliis discrepet: tumque definitio plena est, non diminuta, & tantum patet quantum res definita.

Sed raro evenit ut genus rei proximum, & propria vel specifica differentia nobis innotescant: unde tutius est aliquando rem per accidentium, aut proprietatum congeriem explicare, quam brevi verborum complexu, vel oratione uti, quæ plerumque falsa est, aut ambigua. Idque maximè evenit in rebus physicis, ubi genus & differentia nos magna ex parte fugiunt. Ut si quis magnetem velit definire, omnino necesse est ut plures ejus proprietates simul conjungat, hoc fere modo, magnes est corpus ex lapide & ferro compositum, quod alium magnetem, aut ferrum sibi vicinum ad se rapit; tum alias, si vollet, magnetis proprietates afferet, quibus ejus natura fieri apertior, quam si genus quoddam proximum, & ultimam differentiam excogitaret. Id enim dum anxie & pene superstitione persequimur, non tam definitiones, quæ distinctas rerum notiones efficiant, quam ænigmata ipsa afflrimus: cuius genetis passim occurunt.

Tres sunt precipue leges definitionis. Prima, ut sit clarior re definita, seclusus non erit oratio veritatis manifestatrix. Et quidem multa sunt quæ definitiobibus magis obscurantur, quam illustrantur, quæque per se sunt aperta, ut *tempus*, *i lea ipsa*, seu perceptio mentis, *ordo*, *extensio*, *numerus*, & alia bene multa, per definitiones magis involvi, quam explicari solent.

Adversus hanc legem peccat quicunque inter definiendum utitur metaphoris, præsertim remotioribus, aut vocibus inusitatibus, & terminis ambiguis: unde à nonnullis reprehenduntur hæ & similes definitions. Anima est numerus seipsum movens; tempus est numerus motus, secundum prius & posterius.

Secunda lex in eo consistit, ut definitio sit brevis, ac nihil in ea redundet. Adversus hanc legem peccatur additione particulae alicuius inutilis; ut cum definitur homo, animal rationale mortale: nam in hac definitione, mortale superfluum est: omne siquidem animal, idem est mortale: quare homo dicitur bis mortalis. Atque in merito reprehenduntur, qui docent in definitione speciei attributa omnia à supremo genere usque ad infimum afferri oportere: quandoquidem in genere proximo cetera omnia comprehenduntur. Nec tam forte genus proximum in definitione afferatur, ut in quo res cum aliis conveniat, nobis palam fiat, quam ut rem ipsam ab aliis diversi generis distinguat. Id vero in rebus physicis perrato occurrit, uti & differentia propria, seu qualitas rei essentialis.

Tertia, ut definitio sit reciproca cum re quæ definitur. Hinc illa usu trita axiomata: cui convenit definitio, convenit & definitum; cui convenit definitum, convenit & definitio; cui repugnat definitum, repugnat & definitio. Adversus hanc legem peccant, qui definitionem faciunt vel latorem, vel strictorem, quam sit res definita: ut si definitas hominem animal bipes, vel rationale vultu

vultu candido. Hæc autem postrema definitionis regula omnium maxime est necessaria: definitio enim paululum vel longior, vel obscurior utcumque tolerabilis est; non reciproca verò ferri nullo modo potest.

Cæterum definitionis facilis est cognitio, praxis verò difficillima: quia difficile est id quod est essentiale, ab eo quod est accidentarium; commune à proprio secernere; aut invenire genus proximum, & ultimam rei differentiam. Nec magni id refert, dummodo definitio qualiscunque sit, claram & distinctam rei ideam efficiat. Unde ubi qualitas rei essentialis non occurrit, plutes accidentarias commode afferimus: ut in plantarum descriptione usu venit: immo ut à viro doctiss. est observatum, res quæque visibilis optime per figuram definitur.

C A P U T . II.

De divisione.

DIvisio est totius in partes distributio. Illius idem est usus, qui definitio nis: nempe ut rem magis distincte concipiamus. Quod utique sit, cum res quæ uno prospectu videri non potest, velut per partes cognoscenda proponitur: nam universa & generalis totius rei cognitio admodum est imperfetta, & obscura.

Divisionem à partitione differre nos admonet Cicero: quia hæc est totius in partes, illa generis in species. Partitio est totius actualis, divisio totius potentialis. Cum corpus humanum in caput, truncum, & artus dividitur, tum ea dicitur partitio totius in partes integrantes; seu eorum que ad totius integratatem, non proprie ad illius essentiam pertinent. Ad partitionem referri potest totius in partes essentiales & physicas distributio: ut hominis in corpus & animam. Sed divisio numeri in parem & imparem; linea in curvam & rectam; universalis in sua inferiora, seu in partes subjectas, ut generis in species, divisio appellatur.

2^a. Alia est divisio subjecti in accidentia: ut corporum quedam lucem emitunt, ut sol & stellæ; alia reflectunt, ut terra & plantæ, & opaca quæque corpora; nonnulla transmitunt, ut aër, aqua, vitrum, & quæ dicuntur dia phana.

3^a. Alia est divisio accidentis in subjecta: ut bona sunt corporis, vel animalium.

Tres sunt præcipuae leges bene dividendi; prima, ut divisio exæquet totum divisum: ita ut nec plura, nec pauciora membra sint in divisione quam in toto diviso. Adversus hanc legem peccatur, quoties omittitur membrum aliquod necessarium, vel adjicetur extraneum: ut si dividatur animal in terrenum & aqueum; vel in terrenum, aëreum, aqueum & igneum: in priori namque divisione deest aëreum; in posteriore redundat igneum: si modo quæ est certa hypothesis, nullum vivere in igne animal poscit.

2^a. Ut divisio paucis constet partibus: alioqui proposito carebit effectu, mentemque confundet, ac memoriam obtuet: cum tamen ad utramque iuvandam sit instituta divisio. *Idem* vitium habet, inquit Seneca, nimia divisio, quam nulla. *Simile est confusio, quidquid in pulverem settum est:* & adeo

minutim dividere , non est dividere, sed confundere. Itaque melius dividitur in littera in vocalem, & consonantem, quam in A,B,C,D, &c. & commodius dividitur numerus in parem & imparem , quam in binarium, ternarium, &c.

3^a. Ut divisio fiat in membra proxima & immediata: unde minus bene divideretur vivens in plantam, belluam & hominem. Prius enim dividi debet in plantam & animal ; hocque subdividi in belluam & hominem. Sæpe tamen totum dividitur in membra remotiora, & mediata : vel quia ignorantur proxima & immediata : vel quia longo usu ita receptum est. Sic vulgo dividitur operatio mentis in simplicem apprehensionem, judicium & discursum: licet prius dividi possit in simplicem & complexam: ac deinde subdividi complexa in judicium, & discursum.

C A P U T III.

De Methodo.

Methodus secundum notionem nominis via brevis est, & expedita. Ab hac autem significatione traducitur ad significandum doctrinæ ordinem: nam ut **vía brevis**, & aperta cito & nito nos dicit quo tendimus: sic apta rei in disciplinis dispositio efficit ut eas multo facilius comparemus.

Methodus definiri potest ordo sermonis accommodatus ad illustrationem veritatis, captumque discentium.

Methodus universum duplex: una prudentiæ, artis altera. Illa certis constat legibus quæ variari possunt pro varietate locorum, temporum, personarum, aliarumque circumstantiarum; eaque ad Oratores, Poëtas, aliosque artifices potius pertinet, quam ad Philosophos, ac plurimum pender à judicio loquenter, scribentis, aut aliud quidpiam agentis.

Methodus artis, quæ etiam vocatur dialectica, certis & inconcussis constat legibus.

Hec utique duplex est, una-particularis, altera generalis. Illam sequimur in tractanda parte aliqua scientiæ, vel artis: ut in explicanda aliqua parte Logiciæ. Methodus generalis ea est, quam sequimur in tradenda arte aliqua vel scientia integra, quæ & proprie ordo vocitatur.

Denique methodus alia divisionis ratione duplex est, synthetica nimirum & analytica; sive compositionis & resolutionis. Methodum compositionis eam vocamus qua progredimur à simplicibus ad composita, à partibus ad totum: ab iis quæ magis sunt universalia, ad particularia; à causis ad effectus. Sic Logicus procedit à nomine, & verbo ad orationem, ab oratione ad enunciationem, ab enunciatione ad argumentationem. Sic Physicus progreditur à materia & forma ad compositum; à corpore universum sumpto ad elementa; ab elementis ad mixta.

Methodus resolutionis ea est, qua regredimur à compositis ad simplicia, à toto ad partes, ab effectibus ad causas. Sic Logicus argumentationem in propositiones, & propositiones resolvit in terminos. Simili ratione Physicus corpus mixtum resolvit in elementa, & elementum quodlibet in materiam & formam.

Cum autem præstet ortus interitui, methodus quidem compositionis nobilior est methodo resolutionis: nec tamen ea semper est ad docendum magis

accommodata. Quod si enim doctore careas, usurpanda tibi erit methodus resolutionis. At si doctoris utaris opera, præferenda ut plurimum erit methodus compositionis. Sic ut inveniatur Genealogia alicujus series, incipendum erit ab eo, cuius genealogia queritur: verum ut inventa explicetur, via omnino opposita est ineunda.

Tres sunt præcipua methodi leges; prima, res tractandæ ita disponantur, ut alia ex aliis oriri videantur, & quæ sequuntur, ab iis quæ præcedunt, lucem accipient.

2^a. Omittantur divisiones rerum minutissimarum, quarum multitudo fastidium parit, discentis ingenium obtundit, ac memoriam proflus obruit: nam es minutim concisa frangunt ingenii aciem.

3^a. Fugienda sunt longæ digressiones à re propositi alienæ, quibus ita abducitur aliquando animus, ut errore divagetur, nechabeat amplius quid sequatur.

C A P U T I V.

De argumentatione.

ARgumentatio est Oratio, in qua unum ex alio infertur. Ut avis respirat: Ergo habet pulmones. Quocirca in omni argumentatione duo sunt potissimum spectanda, pars inferens, & illata; quod colligitur, seu consequens, & id unde colligitur, seu antecedens.

Argumentatio nomen suum duxit ab argumento, seu, ut loquuntur, à medio, quo scilicet id quod dubium erat, per id quod dubium non est, confirmatur, & ex questione fit conclusio. Cum enim propositionis extrema ita inter se coherent, ut eorum nexus menti sit apertus, tunc non opus est argumentatione, ac cognitio illius propositionis ad intelligentiam principiorum omnino pertinet: ut in illa propositione, omne totum majus est sua parte, que in questionem venire non potest. Sed ubi non ita plana est & aperta subiecti cum attributo societas, tum ea propositio, aut questione, aut problema dici solet. Quare terminum, aut potius ideam quandam inquirimus, in qua & subiectum & attributum convenient; atque hic terminus, aut argumentum, aut medius terminus nominatur.

Omnis autem argumentatio syllogismo & inductione continetur: syllogismus ad docendum, inducere ad inveniendum est aptior. Syllogismus vero definitur ab Aristotele, *oratio, in qua quibusdam positis, aliud quidpiam necessario sequitur, eo quod haec sint: hoc est, syllogismus ex tribus constat propositionibus ita dispositis, ut ex duabus primis, quæ idcirco præmissæ dicuntur, tertia, seu conclusio necessario consequatur, ex eo quod propositiones ita fuerint dispositæ.*

Hinc aptè à nonnullis definitur syllogismus, Argumentatio in qua ex una propositione per aliam propositionem tertia colligitur, quæ conclusio dici solet: nam perfectus is est syllogismus, imo & argumentatio, cum una propositione colligitur ex alia, in qua contineri nobis sit manifestum. Propositio in qua conclusio continetur, ut plurimum est generalis; per aliam vero propositionem tanquam per utriusque corrumbe vinculum, id nobis sit apertum consequens in propositione generali contineri.

Quod ut clarius fiat, notandum est, quæstione aliqua proposita, v. g. an terra sit rotunda, duos esse extreemos propositionis terminos, terram & rotunditatem, subjectum nimirum & attributum: dubitamus vero an sit aliqua inter eos terminos connexio, an videlicet terra rotunditas conveniat. Inveniendum itaque nobis est argumentum, seu medius terminus qui cum utroque quæstionis propositæ extremo scorsum ita jungatur in premissis, ut extrema ipsa in conculione inter se maneant devincta, tuncque fiet conclusio certa, quæ ante erat quæstio incerta.

Medius ille terminus, vel argumentum multiplex esse potest: ut in allato exemplo argumentum quod terra sit rotunda hinc sumi potest, quod illius umbra in defectione, seu in eclipsi lunæ sit rotunda: nam umbra figuram operi corporis imitatur: sicutque syllogismus confici potest.

Corpus cuius umbra est rotunda, est itidem figura rotundæ:

Sed umbra telluris est rotunda, (ut patet in lunæ eclipsi:)

Ergo terra est quoque figura rotundæ.

Quare non syllogismus tantum, sed etiam omnis argumentatio ex duobus potissimum constat, ex antecedente nimirum, & consequente.

Illud notius esse debet & clarus: ex eo quippe id manat quod consequens dicitur, aut conclusio. Antecedens in syllogismo duplice propositione constat. Quæ primo loco ponitur, ea major dicitur; quæ vero sequitur, minor propositione solet appellari.

Tres illæ propositiones major, minor, & conclusio materiam syllogismi proximam efficiunt. Ex iis enim syllogismus componitur: ut propositiones ex terminis, qui idcirco materia syllogismi remota dici solent. Quemadmodum partes ex quibus corpus humanum constat, sunt illius materia proxima, ossa v. g. caro, nervi, venæ, &c. elementa vero sunt illius materia remota.

Itaque materia syllogismi remotior sunt tres termini, major, minor & medius. Tria sunt enim, ut docet Aristoteles, in omni demonstratione, quæ est syllogismus omnium perfectissimus. 1^o. Subjectum, de quo attributum, vel proprietas, vel affectio, (ista enim unum & idem sunt,) demonstratur. 2^o. Affectio ipsa, vel attributum, quod subiecto inest. 3^o. Principium, vel ratio per quam subiecto inesse proprietatem demonstramus: ut in hoc syllogismo.

Omnis rationale est docile;

Sed omnis homo est rationalis;

Ergo omnis homo est docilis.

Homo est subiectum, *docilis* attributum, *rationalis* vero est medius terminus, seu ratio cur homo sit docilis. Communis ille, seu medius terminus instar cuiusdam vinculi subiectum cum attributo in premissis connectit: sed conclusionem ipsam non ingreditur. Postquam enim functus est veluti conciliatoris munere, utrumque terminum, majorem videlicet & minorem dimittit in conclusione conjunctos. Conclusionis subiectum, ut *homo*, est minor terminus; attributum, *docilis*, est major terminus: quod plerumque latius pateat quam subiectum conclusionis.

Major propositio ea dici solet, quæ prima est: minor, quæ secunda. Sed si accurate loqui volumus, ea est major propositio, quæ maius extrellum cum

medio continet, minor quæ minus extremum cum medio complectitur; sive priori loco, sive posteriori collocetur.

Ex varia communis, seu medii termini cum utroque extremo connexione diversæ quoque syllogismorum figurae prodeunt. Cum enim medius terminus in majore propositione subjecti, in minore attributi locum teneret, tum prima oritur figura. Cum in utraque præmissa medius terminus prædicatur, secundam efficit figuram: in tertia denique medius terminus in utraque præmissa subjicitur: juxta tritum illum versiculum.

Sub præ prima, sed altera bis præ, tertia bis sub.

Exemplum primæ figurae supra attulimus. Exemplum secundæ, ubi medium bis prædicatur, sit ille syllogismus.

Omnis virtus est laudabilis;
Sed injustitia non est laudabilis;
Ergo injustitia non est virtus.

Exemplum tertiae figurae, ubi medium bis subjicitur.

Omnis lapis est substantia;
Sed aliquis lapis est Adamas.
Ergo aliquis Adamas est substantia.

Modi verò syllogismorum ex quantitate & qualitate propositionum pendent: hos utique, ut libitum est, vel augent vel minuant; atque iis ultiro accedimus, qui primam figuram non modo perfectissimam, sed unam pene necessariam existimant. Nam omnia questionum genera concludi in ea possunt, affirmantium, negantium, universaliū, particularium: cum in secunda figura tantum negantes; in tertia particulares duntaxat concludi possint, uti mox dicētri sumus.

Modus itaque syllogismi responderet ejus materiæ proxime. Quare is nihil aliud est, nisi præmissarum secundum quantitatem & qualitatem conclusioni inferendæ apta dispositio.

Modi syllogistici novemdecim vulgo numerantur, qui totidem vocabulis expressi quatuor hisce versibus comprehendi solent.

Barbara, celarent, Darii, ferio, Baralipton,
Celantes, dabitis, fapesmo, frisesomorum,
Cesare, Camestres, festino, Baroco, darapti,
Felapton, Disamis, Datisi, Bocardo, ferison.

Novem priores modi pertinent ad primam figuram: quatuor primi vocantur directi; quinque alii indirecti: quatuor sequentes pertinent ad secundam figuram; sex reliqui ad tertiam.

Modus autem directus is est, in quo majus extremum de minore prædicatur in conclusione: ut modus indirectus is dicitur, in quo minus extremum de majori prædicatur in conclusione: quod patet ex sequenti syllogismo.

Omnis animal est vivens;
Omnis homo est animal;
Ergo omnis homo est vivens.
Ergo aliquod vivens est homo.

In quo prior conclusio directa, posterior est indirecta.

INSTITUTIONES

Magnus autem est usus earum vocum quas attulimus, cum earum artificium probe cognoscitur. Quantum ad præsens spectat institutum, vocales quæ occurrunt in tribus primis syllabis, quibus unumquodque constat vocabulum (nam ubi plures sunt, tantum metri causa sunt additæ) indicant quantitatem & qualitatem trium propositionum syllogismi eo vocabulo designati : vocalis enim quæ occurrit in prima syllaba, ostendit quantitatem & qualitatem majoris propositionis; ut vocalis secundæ syllabæ quantitatem & qualitatem minoris; vocalis denique tertiae syllabæ quantitatem & qualitatem conclusionis indicat : vocales autem illæ sunt A, E, I, O, quarum significationem antea declaravimus. Sed ut hæc fiant adhuc illustriora, subjiciamus usitata exempla uniuscujusque figuræ & modi.

Exempla modorum directorum prima figura.

Barbara. { Omne animal est vivens ;
Omnis homo est animal ;
Ergo omnis homo est vivens.

Celarent. { Nullum animal est lapis ;
Omnis homo est animal ;
Ergo nullus homo est lapis.

Darii. { Omne animal est vivens ;
Quædam substantia est animal ;
Ergo quædam substantia est vivens.

Ferio. { Nullum animal est lapis ;
Quædam substantia est animal ;
Ergo quædam substantia non est lapis.

Exempla modorum indirectorum prima figura.

Baralip. { Omne animal est vivens ;
Omnis homo est animal ;
Ergo quoddam vivens est homo.

Celantes. { Nullum animal est lapis ;
Omnis homo est animal ;
Ergo nullus lapis est homo.

Dabitis. { Omne animal est vivens ;
Quædam substantia est animal ;
Ergo quoddam vivens est substantia.

Fapesmo. { Omne animal est substantia ;
Nullus lapis est animal ;
Ergo quædam substantia non est lapis.

Frisosom. { Quoddam animal est substantia ;
 Nullus lapis est animal ;
 Ergo quædam substantia non est lapis.

Exempla modorum secundæ figure.

Cesare. { Nullus lapis est animal ;
 Omnis homo est animal ;
 Ergo nullus homo est lapis.

Camestres. { Omne animal est vivens ;
 Nullus lapis est vivens ;
 Ergo nullus lapis est animal.

Festino. { Nullum animal est lapis ;
 Quædam substantia est lapis ;
 Ergo quædam substantia non est animal.

Baroco. { Omne animal est vivens ;
 Quædam substantia non est vivens ;
 Ergo quædam substantia non est animal.

Exempla modorum tertie figure.

Datapti. { Omne animal est vivens ;
 Omne animal est substantia ;
 Ergo quædam substantia est vivens.

Felapton. { Nullum animal est lapis ;
 Omne animal est substantia ;
 Ergo quædam substantia non est lapis.

Disamis. { Quoddam animal est vivens ;
 Omne animal est substantia ;
 Ergo quædam substantia est vivens.

Datisi. { Omne animal est vivens ;
 Quoddam animal est substantia ;
 Ergo quædam substantia est vivens.

Bocardo. { Quoddam vivens non est animal ;
 Omne vivens est substantia ;
 Ergo quædam substantia non est animal.

Fetison. { Nullum animal est lapis ;
 Quoddam animal est substantia ;
 Ergo quædam substantia non est lapis.

Quarta figura à Galeno adjecta est, in qua medius terminus prædicatur in majore, & subjicitur in minore: ut

Omnis homo est doctrinæ capax:

Omne quod est doctrinæ capax, est rationale:

Ergo omne rationale est homo.

C A P U T V.

Quæ sint precipue leges syllogismorum.

PRIMA & communissima regula artis syllogisticae ea est, ut sint tres tantum termini: nam in hoc maxime posita est natura syllogismi. Quare removenda est omnis ambiguitas, vel æquivocatio, & eadem ubique servanda est termini suppositio, aut ampliatio, aut restriktio: secus enim tres quidem erunt termini, si voces tantum spectentur, sed plures erunt, si sensus ratio habeatur. Unde ille syllogismus ob homonymiam non concludit.

Omnis canis latrat;

Sed constellatio cœlestis est canis;

Ergo constellatio cœlestis latrat.

Quatuor enim sunt termini, cum vox illa, *canis*, sit æquivoca, & duplum habeat intellectum, aut sensum.

Quocirca ut unica est adhibenda communis mensura, ut judicemus an duas sint æquales, vel inæquales: sic idem medium est adhibendum, ut cognoscamus an extrema conclusionis conjungi debeant aut separari.

Secunda regula in hoc posita est, ut medius terminus in alterutra præmissa secundum omnem suam latitudinem accipiat, seu, ut loquuntur, omnino distribuantur. Nam si non sumitur universaliter in aliqua præmissarum, jam non unius termini, sed duplicitis habebit rationem, & quasi in diversas partes divisus extrema ipsa non conjungeret: unde syllogismus ille vitiosus est.

Omne animal fuit in arca Noë;

Petrus est animal;

Ergo Petrus fuit in arca Noë.

Nusquam enim animal sumitur distributive, seu in omni sua latitudine.

Tertia, terminus non distributus, sive non universaliter sumptus in præmissis, non debet sumi universaliter in conclusione. Ratio est, quia ex particulari ad universale, ex parte ad totum nulla est consecutio: unde iste syllogismus vitiosus est.

Omne animal est vivens;

Omne animal est substantia;

Ergo omnis substantia est vivens.

Terminus enim, *substantia*, in conclusione generaliter accipitur, qui non distributus fuit in minori. Illud observatu dignum videtur in propositione universalis, & negante distribui tum subjectum, tum attributum in particulari; affirmante neutrum, in universalis affirmante subjectum, non attributum; in particulari negante attributum, non subjectum distribui, aut penes omnem suam extensionem sumi. Ex. gr. in illa propositione, nullum vitium est laudabile, uterque terminus & subjectum, & attributum in omni sua latitudine accipitur.

cipitur. In illa vero, omnis virtus est laudabilis, *virtus* quidem distributive accipitur, & nulla excipitur, non item laudabilis: in illa autem, aliquod vi-
tum non est utile, attributum distribuitur, non item subiectum.

Nam in propositione affirmante attributum, secundum id omne quod in
idea sua aut conceptu comprehendit, sed non in omni sua extensione accipi-
tur. Ut si dixeris, omnis circulus est figura, quidquid figuræ idea aut ratio
complectitur, id de circulo dicitur: quod nimirum sit quid termino, aut
terminis circumscriptum: hæc enim est figura notio. Sed non sumitur figura
in omni sua latitudine: nam latius patet, quam circulus. Itaque in hac propo-
sitione attributum per subiectum restringitur; & tantum patet, quantum sub-
iectum ipsum.

Sed diversa est negantis propositionis ratio: ut nullus circulus est quadra-
tum: tum enim attributum sumitur in omni sua latitudine: adeo nullum
quoque quadratum circulus esse possit. Sed attributum non accipitur secun-
dum omnem ideæ sue comprehensionem: ita ut omnia quadrati attributa de
circulo neganda sint. Nam circulus & quadratum in figuræ idea, vel notione
conveniunt.

Ratio triplicis hujus regulæ repetitur, quod omnis artis syllogisticæ hoc
sit velut fundamentum: *Quæ sunt eadem uni tertio, sunt eadem inter se.* Nam
majoris & minoris extremi cohæsio ex utriusque cum medio termino societate
colligitur. Quod si itaque pars una medii in majore propositione, in minore
vero pars illius altera sumatur, jam non unum & commune utriusque extremi
vinculum futurum est; nec tribus adeo, sed quatuor terminis constabit syl-
logismus: unde hic syllogismus vitiosus erit.

Omnis circulus est figura:

Sed omne triangulum est figura:

Ergo omne triangulum est circulus.

Nam medium nusquam distribuitur: cum in prima propositione pro certo
figuræ genere, quæ unica linea, eaque curva clauditur; in secunda pro alio ge-
nere figuræ tribus lineis comprehensa accipiatur. Quare non unius, sed du-
plicis termini munus obit, nec commune utriusque extremi vinculum esse
potest.

Quarta, ex puris particularibus nihil concludit: syllogismus enim tres tan-
tum admettit terminos: in eo vero syllogismo, qui constat ex puris particula-
ribus, quatuor sunt termini: nam medius qui unus videtur, vere duplex est.

Quod si ergo conclusio forte vera sit, id per accidens, ratione materię, non
vi formæ evenit. Nam ubi vera est syllogismi forma, tum consecutio semper
vera est, non ex accidenti, & temere. Quod exemplis fieri apertius.

Quædam substantia est lapis:

Quoddam animal est substantia:

Ergo quoddam animal est lapis.

Quoddam animal est vivens:

Quidam homo est animal:

Ergo quidam homo est vivens.

Tom. I.

D

Ubi utriusque syllogismi forma vitiosa est ob rationes allatas.

Quinta, non concluditur ex puris negantibus.

Ratio obscura esse non potest, cum in propositionibus negantibus extrema separentur à medio: ex eo verò quod duo quædam sint ab uno tertio secreta, non hiuc sequitur ea vel juncta esse inter se, vel divisa. Ex hoc syllogismo id fieri manifestum.

Nullus lapis est homo:

Nullum animal est lapis:

Ergo nullum animal est homo.

Sexta, Conclusio sequitur deteriorem partem, id est, si præmissarum altera sit particularis, conclusio est particularis; si altera sit negans, conclusio negans quoque futura est. Particularitas enim, ut ita loquar, deterior est universalitate, quia totum melius est sua parte. Simili ratione negatio censetur esse deterior affirmatione, quia divisione melior est compositio. Ratio autem istius regulæ hæc est, quod extrema non sint magis inter se conjuncta in conclusione, quam cum medio in præmissis conscientur. Accedit etiam effectum integrum procedere non posse, nisi à causa integra, & adæquata. Sed præsto sunt exempla, quibus res ipsa magis illustratur.

Omne animal est vivens:

Quædam substantia est animal:

Ergo quædam substantia est vivens.

Nullum animal est lapis:

Sed omnis homo est animal:

Ergo nullus homo est lapis.

Cavendum porro ne inter disserendum propositio infinita affirmans accipiatur pro negante. Conclusiones v. gr. syllogismorum qui sequuntur, sunt affirmantes, eaque ex præmissis infinitis & affirmantibus, quæ prima fronte videri possunt negantes, ducentur, ut

Stellæ, quæ non scintillant, eadem sunt terræ propiores:

Planeta non scintillant:

Ergo sunt terræ propiores.

Qui non colit parentes, is non diu vivit:

Filius ingratus non colit parentes:

Ergo filius ingratus non diu vivit.

Palam est in utroque syllogismo propositionem esse affirmantem: negatio enim præixa efficit propositionem infinitam, non negantem.

Sunt igitur propositiones quæ videntur negantes, cum revera sint affirmantes, ut in hoc syllogismo.

Quod non est animal, non est homo:

Sed lapis non est animal:

Ergo lapis non est homo.

Prima propositio æquivaleret affirmanti, huic nimis, omnis homo est animal.

Secunda itidem est affirmans: nempe lapis est corpus quod non est animal.

CAPUT VI.

Leges singulis figuris proprie explicitantur.

PRIMA figura duplici fundamento innititur. Utrumque his vocibus exprimi solet, *dici de omni*, & *dici de nullo*. Illud clarissimum effertur, quod convenit superiori, convenit inferiori. Aut quod eodem recidit, quod convenit attributo, id quoque convenit subiecto. Quod tribuitur viventi, id animali tribui debet.

Altius est *dici de nullo*, quod hunc habet intellectum. Quod repugnat superiori, idem repugnat inferiori. Repugnat spiritui quod sit corruptibilis, idem quoque animæ rationali repugnat necesse est.

Primum itaque fundamentum ad syllogismos affirmantes pertinet, & aliis verbis proponi solet: cum majus extrellum, seu attributum convenit medio, & medium minori extremo; tum majus extrellum minori quoque extremo conveniet.

Secundum in negantibus syllogismis obtinet: cum majus extrellum repugnat medio, & medium convenit minori extremo; tum majus extrellum, seu attributum minori quoque repugnat: ut

Nullus spiritus est corruptibilis:
Omnis anima rationalis est spiritus:
Ergo nulla anima rationalis est corruptibilis.

Hinc duæ regulæ primæ figure oriuntur. Prima est, in modis directis primæ figure, major sit universalis. Unde vitiosus est hic syllogismus.

Quædam substantia est animal:
Omnis lapis est substantia:
Ergo quidam lapis est animal.

Ratio hujus regulæ hec est, quod medius terminus nusquam distribuatur; non in majori, cum sit particularis; non in minori, ubi est attributum propositionis affirmantis.

In modis indirectis, ut in Frisesomorum, ex majore particulari recte concludi potest, hoc modo.

Quoddam animal est substantia;
Nullus lapis est animal:
Ergo quædam substantia non est lapis.

Cum enim minor propositione sit universalis & negans, medius terminus in ea distribuitur.

Secunda regula in modis directis haec est, ex minore negante nihil concluditur. Ratio hujus regulæ haec est, quod si minor propositione sit negans, major erit affirmans; tumque attributum sumetur particulariter, & non distribueretur: cum in conclusione, quæ negans futura est, idem attributum distribuatur: & tamen ex regula generali nullus terminus sumi debet universalius in conclusione, quam in præmissis.

Res ipsa exemplo fiet illustrior.

INSTITUTIONES

Omne animal est substantia :

Nullus lapis est animal :

Ergo nullus lapis est substantia.

Conclusio est falsa, quod substantia in ea distribuatur, cum sit propositi negans; & tamen non distribuitur in majore propositione, id est, non sumit secundum omnem suam extensionem.

Is quidem syllogismus videtur legitimus.

Omne animal est sentiens :

Nullus lapis est animal :

Ergo nullus lapis est sentiens.

Hæc utique forma syllogismi per accidens est bona, quod sentiens convertatur cum animali, & sit terminus reciprocus, sed per se non est legitima: nam in qualibet materia non valet.

In modis indirectis, *Fapefimo*, & *Frifefomorum*, ea regula vim suam non obtinet: nam in his majus extrellum, quod est subiectum conclusionis particularis, non sumitur universalius in conclusione, quam in majori propositione.

Regula secunde figurae.

Cum in secunda figura conclusio sit semper negans, ea uno duntaxat fundamento subnixa est; due res non sunt quid unum & idem, cum uni aliquid convenit, quod alteri non convenit. Aliis vocibus efferti solet. Sublato consequente tollitur antecedens: hoc est, sublato termino qui ex alio infertur, simul & tollitur terminus ex quo infertur; sublato animali, homo tollitur.

Hinc duæ oriuntur regulæ: prior est: ex utraque præmissa affirmante in secunda figura nihil concluditur. Unde vitiosus est ille syllogismus.

Omne animal est substantia :

Omnis lapis est substantia :

Ergo omnis lapis est animal.

Defectus hujus syllogismi in hoc positus est, quod medius terminus nusquam distribuatur: nam attributum propositionis affirmantis per se non distribuitur.

Secunda regula hæc est; ex majore particulari nihil concluditur. Hinc vitiosus est ille syllogismus.

:Quedam substantia est animal:

Nullus lapis est animal :

Ergo quidam lapis non est substantia.

Vitium hujus syllogismi minime obscurum est: nam majus extrellum, nempe substantia, in majori propositione sumitur particulariter, in conclusione universaliter: distribuitur enim in conclusione, non item in majore.

Regula tertie figurae.

Duo sunt tertie figurae fundamenta; unum affirmantibus, alterum negantibus syllogismis inservit.

Primum est ejusmodi: cum duo attributa eidem subiecto conveniunt, aliquando etiam inter se convenient; ut

Omne lac est album :

Omne lac est dulce :

Ergo aliquid dulce est album.

Id vero fundamentum diversum est ab eo quo omnes syllogismi affirmantes innituntur ; licet iisdem verbis effterri soleat ; Quae sunt eadem uni tertio, sunt eadem inter se. Tumque est verum, ubi extrema conjunguntur cum aliquo tertio adæquate , secus fallit. Hinc vitiosus est ille syllogismus.

Pater est Deus :

Filius est Deus :

Ergo Filius est Pater.

Nam Deus , qui est medius terminus , non sumitur adæquate , tum pro natura divina , tum pro personis.

Alterum fundamentum tertiae figuræ pertinet ad syllogismos negantes.

Cum ex duobus attributis unum convenit subjecto , alterum non convenit ; eadem inter se aliquando non convenienter : ut

Aliquod quadrilaterum non est quadratum :

Omne quadrilaterum est figura :

Ergo aliqua figura non est quadratum.

Hinc duæ eruuntur regulæ. Prima: nulla conclusio in tertia figura est universalis. Unde hic syllogismus vitiosus est.

Omne animal est vivens :

Omne animal est substantia :

Ergo omnis substantia est vivens.

Vitium in hoc positum est, quod substantia que in conclusione distribuitur, in minore propositione non fuerit distributa : est enim attributum propositionis affirmantis.

Secunda regula. Ex minori negante nihil concluditur : ut

Omne triangulum est figura :

Nullum triangulum est circulus :

Ergo aliquis circulus non est figura.

Illud manifestum est, majus extremum, nempe figuram, in conclusione distribui , cum ea sit negans; cum tamen in præmissis non sit distributum: quod pugnat cum regula generali.

Illud à nonnullis observatum omitti non debet, syllogismum interdum esse bonum ratione materiae , cum omnes propositiones ejus vere sunt; aliquando ratione formæ & per se , cuius forma in qualibet materia vihi habet , & regulis logicæ est consentanea : nonnunquam bonum esse ratione formæ, sed per accidens : cum ea certæ materiae applicatur, sed non ubique & in quacunque materia valet.

C A P U T . VII.

De inventione medii, ac de iis locis qui communes dicuntur.

Nihil est facilius quam questiones movere : sed difficillimum est medium terminum , seu argumentum rei probandæ idoneum invenire : hinc tot communes locos & Rhetores & Dialetici excogitarunt, de quibus nobis per pauca dicenda sunt.

Questio ergo quæ proponitur alia est Dialectica, de qua disputari in utramque partem solet; alia vero Analytica, & cuique disciplina propria: in illius probationem argumenta adhibemus communia, ex locis certis, & velut quibusdam è sedibus desumpta, quos quidem locos Aristoteles in Topicis fuse & distincte admodum explicat.

Hæc argumenta erui solent è Grammatica, Dialectica, & Metaphysica. Loci Grammatici ab Etymologia plerumque ducuntur: ut pecuniosus a pecorum copia diciunt; vel à conjugatis, ut justum ducimus à justitia.

Loci Dialectici magna ex parte sunt explicati: meminisse tantum oportet, terminum dici antecedentem, ex quo aliud quiddam sequitur, ut circulus est; ergo figura.

Hinc ergo illi communes loci dimanant.

Primo, genus ad probandam speciem non valet, valet autem plurimum ad refellendum: ut non est figura; ergo nec circulus: non est virtus; ergo nec justitia.

Sed ex specie recte potest genus probari, male refelli. Quod enim non est justitia, potest esse virtus, ut fortitudo, & prudentia: nec tollitur genus, nisi omnes species removeantur.

Secundo, hic est etiam locus dialecticus: de quo affirmatur, aut negatur definitio, de eodem affirmatur aut negatur definitum, & vice versa.

Reliqui loci dialectici ex iis quæ diximus, facile colligi possunt, aut non sunt magni usus.

Loci Metaphysici ex communibus notionibus causæ & effectus, totius aut partis, aut similibus ducuntur.

Causa quadruplex, finalis, effectrix, materialis & formalis.

Finalis causa est primaria, vel secundaria; est etiam cuius gratia fit aliquid, ut sanitas est finis qui expedit: æger est finis cui sanitas queritur, ut alibi fuisus exponentur.

Multa ex fine ducuntur argumenta: unde illud Cassiani, *cui bono?* innendum enim quid affectet quisque, an locuples, an disertus, justus, an potens esse velit?

Effectrix causa vel est totalis, vel partialis: ut Deus est causa Adami totalis & adæquata, sed æquivoca, id est, non ejusdem rationis; Adamus est causa Abelis inadæquata, aut partialis, sed univoca. Ignis denum comburens est causa Physica, & necessaria; qui ignem subicit, est causa mortalis & libera: sol cubiculum illuminans est causa per se illius luminis; apertio fenestræ est causa sine qua non. Artifex est causa præcipua sui operis; securis qua ntitur, est causa instrumentaria; Sol est causa universalis plantarum; stirps unaquæque est causa proxima frumentorum quos procreat.

Hinc multa ducuntur argumenta, quibus ex effectu colligitur causa, aut sublati causis tolluntur effectus. Ex causis sepe necessario huncit: ut corpus opacum in lumine positum umbram efficit; & umbra ubicunque est, ibi esse corpus ostendit. Sepe non necessario effectus producuntur, ut sol colorat, sed non idcirco omne quod est coloratum, à sole suum colorem dicit: reliqua quæ ad causas pertinent, suo loco dicemus.

Simili ratione ex oppositis multa argumenta eruuntur. Opposita autem vel

sunt ex utraque parte positiva , sive ea sint absoluta , ut calor & frigus ; sive relativa , ut pater & filius ; vel unum affirmit , alterum negat ; sive ubique , ut homo , & non homo ; quæ & contradictionia opponuntur ; seu in certo tantum subiecto unum ex oppositis neget , tumque dicitur privativa oppositio , qualis est inter lucem & tenebras .

Ex his variis argumentorum loci deponuntur , ex relativis maxime : ut quod discere honestum , & docere honestum est . Huc etiam pertinent variæ partium & imparium comparationes , similitudinis ac dissimilitudinis : ut à maiori , si quis sacrilegium facit , faciet & furtum : à minori , qui facile & palam mentitur , pejerabit : à pari , qui ob rem judicandam pecuniam accepit , is quoque ob dicendum falsum testimonium accipiet .

- Ac de communibus locis satis . Interim illud monuisse cum Quintiliano non inutile fuerit , quod saepe hi loci dicendi tarditatem afferant , & magno sunt interdum impedimento . Nam ut litteræ syllabæque scribentium cogitationem non exigunt , sic rationes sponte & argumenta sequi debent . Id vero fallit plurimos quod argumenta querant accersita & peregrina , qua nihil aut patrum probent , non ea quæ ex rebus ipsis ducuntur : turbam enim tantum congregant , ex qua sine discrimine proximum quodque occupent : tametsi ut verborum , sic probationum copia cum judicio paranda est . Atque hæc tamen sic accipi volumus , ut communes locos , aut summa argumentorum capita non penitus aspernemur : sed id unum volumus , ne iis plusquam necesse est , tribuamus .

C A P U T V I I I .

De divisione Syllogismi .

Syllogismus dividi potest vel ratione materiæ , vel ratione formæ : de divisione syllogismi habita ipsius forma ratione satis dictum à nobis fuit , cum de figuris & modis syllogisticis egimus . Quare dicendum supereft de divisione syllogismi , ratione materiæ .

Primo itaque syllogismus dividi potest ratione materiæ in Logicum , Physicum , Ethicum , Methaphysicum , Mathematicum , &c. quæ divisio per se manifesta est .

Secundo tribuitur in universalem , cuius conclusio est universalis : & particularem , cuius conclusio est particularis ; additæ & singularem , cuius conclusio est singularis . Hic autem dicitur expositorius , quod sit apertissimus : & si quæ sit obscuritas in syllogismo universali , hanc syllogismus singularis tollit ; eandem vim habet , & eodem modo concludit atque universalis ; hujus generis syllogismi in Mathematicis frequenter occurunt .

Tertio dividitur in simplicem , & compositum : simplex is dicitur , cuius tres sunt propositiones , exque simplices ; compositus vero , qui vel plures complectitur ejusmodi propositiones , vel ex complexis & compositis constat . Verum de syllogismo simplici diximus , de composito inferius dicendum .

Denique ut mittam alias divisiones , solennis est syllogismi divisio ratione materiæ , in Apodicticum , sive demonstrativum , Topicum , sive probabilem , & Sophisticum , sive fallacem : quæ tamen divisio ei similis est , qua divide-

retur aurum in verum & falsum ; homo in verum & p̄fectum ; ens in reale , & fictum.

Syllogismus demonstrativus , qui uno nomine dicitur demonstratio , est syllogismus qui parit scientiam.

Sed demonstratio duplex statu solet , una propter quid ; altera dicitur , quia . Demonstratio propter quid ea est , in qua demonstratur effectus per propriam causam ; & quoniam causa prior est effectu , idcirco vocatur hæc demonstratio à priori : ut si demonstres risivum per rationale , hoc modo :

Omne rationale est risivum ;

Omnis homo est rationalis ;

Ergo omnis homo est risivus.

Demonstratio quia , ea est in qua demonstratur causa per effectum , cumque effectus omnis posterior sit sua causa , idcirco demonstratio vocatur à posteriore : ut si demonstres rationale per risivum hoc modo .

Omne risivum est rationale :

Omnis homo est risivus :

Ergo omnis homo est rationalis.

Syllogismus Topicus , qui vocatur aliquando syllogismus Dialecticus , & uno verbo opinatio , est syllogismus constans probabilibus , vel syllogismus qui opinionem tantum efficit . Hic autem duplex distingui potest , unus in quo ambae præmissæ sunt probabiles , alter in quo præmissarum una est probabilis , altera necessaria , ut patet ex sequentibus exemplis .

Quod voluptatem affert , non est contemendum :

Divitiae voluptatem afferunt .:

Ergo non sunt contemnda.

Omnis homo est rationalis :

Satyrus est homo :

Ergo satyrus est rationalis.

Syllogismus Sophisticus , qui que uno nomine sophistica dicitur , est syllogismus que ex falsis , specie quidem veris componitur , vel syllogismus qui gignit errorem : sed hic quoque duplex , unus qui dicitur pseudographus , seu paralogismus ; alter qui servato generis nomine dicitur sophisticus .

Pseudographus , seu paralogismus est , qui mentitur demonstrationem , sive cuius propositiones prima fronte non solum videntur vera , sed etiam necessaria , cum tamen sint falsæ , ut

Quod est magis naturale , id melius quoque existit :

Sed matrimonium cœlibatu est magis naturale :

Ergo & melius.

Sophisticus speciatim is est qui mentitur opinionem ; sive cuius propositiones apparent probabiles , cum tamen sint omnino false , ut

Quod probatur pluribus , idem est melius ;

Sed fallere in mercatura probatur pluribus ;

Ergo id melius quoque est judicandum.

CAPUT IX.

De syllogismis complexis, seu conjunctis.

Syllogismus complexus, seu conjunctus hic dicitur, cuius vis pendet ex conjunctione propositionis complexa: nam major propositio ipsam compleatitur conclusionem. Atque hujus generis syllogismi longe sunt in congressibus hominum, ac sermonibus frequentiores, quanto si de quibus jam egimus, syllogismi simplices, qui perraro, nec fere usquam, nisi in scholasticis exercitationibus usurpantur.

Cum autem major propositio sit vel copulativa, vel disjunctiva, vel hypothetica; hinc triplex vulgo statu tur syllogismus complexus, nempe copulativus, disjunctivus & conditionalis. Nam ex propositione causali ut ut ex parte nullus syllogismus conficitur: cum ipsa sit vera & satis expressus syllogismus, aut facillime ex ea confici possit: ut, lapis cadit, quia est gravis; accedit ignis, quia levis.

Syllogismus copulativus is est, cuius vis pendet ex conjunctione propositionis copulativa, sive in quo major propositio est copulativa: cuiusque idem majoris ut removeatur pars una in conclusione, ponitur altera in minore: pars enim assertitur, ut tollatur altera. Hinc conclusio semper est negans, ut in hoc syllogismo.

Nemo potest servire Deo & mammonæ, seu pecuniae:

Sed avarus pecuniae sue servit, eiique addictus est:

Ergo Dei servus esse non potest.

Conclusio nulla est, cum affirmat: hoc est, cum pars tollitur, ut altera assertur, ut in hoc syllogismo.

Nemo servit Deo, & pecuniae addictus est:

Sed prodigus sue pecuniae non est addictus:

Ergo Deo servit.

Syllogismus disjunctivus est, cuius vis pendet ex propositione disjunctiva, vel, aut, & alia simili, fitque is syllogismus cum una pars hujus propositionis aut astruitur in minore, ut altera amovetur in conclusione, ut

Animal quod video vel est homo, vel bellua:

Sed est homo:

Ergo non bellua.

Vel cum amovetur una in minore, ut astruitur altera in conclusione: que argumentatio est magis usitata & naturalis, ut

Omnes improbi aut in hac vita sunt puniendi, aut in altera:

Sed in hac vita non puniuntur:

Ergo in altera puniuntur.

Interdum tripartita est major propositio, tumque duæ partes tolluntur ut tercia sit reliqua, ut

Aut dies est, aut nox, aut crepusculum:

Sed non est dies, neque crepusculum:

Ergo nox est.

Hujus syllogismi disjunctivi tota vis est in exquisita divisione: nam si minus accurata fuerit, totum argumentum corruerit, ut si quis ita ratiocinetur:

Vel obediendum est Principibus aliquid contra Deum imperantibus, vel adversus eos rebellandum:

Atqui non est obediendum:

Ergo rebellandum est.

Neutrum enim est faciendum.

Syllogismus conditionalis is est in quo reperitur aliqua propositio conditionalis, quæ duas includit partes, antecedens nimirum & consequens. Fit autem ejuusmodi syllogismus posito antecedente in minori, ut inferatur consequens in conclusione, ut

Si relatio est accidens, eadem est ens:

Sed est accidens:

Ergo est ens.

Vel negato consequente in minori, ut tollatur antecedens in conclusione, ut

Si relatio est accidens, eadem est ens:

Sed non est ens:

Ergo nec accidens.

Ut propositio, sic syllogismus conditionalis, vel hypotheticus falsi arguitur, cum ex negatione antecedentis, seu termini minus universalis infertur negatio consequentis: ut si ex eo quod triangulus non sit circulus, quis colligeret eum non esse figuram; aut si antecedens ex consequente colligitur, cum ex antecedente consequens, non vicissim inferri debeat. Ut circulus est, ergo & figura; non autem, figura est, ergo circulus; est animal, ergo homo.

Tantus porro est usus syllogismi conditionalis, ut hoc tempore illa in scholis ratiocinandi forma plurimum usurpetur. Cavendum tamen ne huic argumentationi plus æquo assuefemus; tum quia varianda imprimitur est oratio, tum etiam quia consuetudo ista vix probatur hujus artis Magistris. Sed in promptu est remedium: omnis enim argumentatio absoluta fieri potest conditionalis, & omnis conditionalis in absolutam converti potest. Id patet ex sequenti exemplo.

Si homo est rationalis, idem est risivus:

Sed homo est rationalis;

Ergo est risivus.

Omnis rationale est risivum:

Sed omnis homo est rationalis:

Ergo & risivus.

Ceterum his syllogismis complexis addi possunt exclusivus, exceptivus, reduplicativus, & ali: sed nihil videntur habere peculiaris difficultatis.

C A P U T X.

De reliquis argumentationis speciebus.

REliquæ argumentationis species, de quibus non egimus, sunt syllogismus Expositorius, Enthymema, Sorites, vel gradatio, Dilemma, Epicherema, & Indictio.

Syllogismus expositarius est dicitur, cuius medium est singulare. Expositorius vocatur, aut sensibilis, quia rem velut sensibus exponit, ut in hoc exemplo liquet.

Petrus est rationalis :

Petrus est animal :

Ergo aliquid animal est rationale.

Nec refert quod ex regulis syllogisticis non concludatur ex puris particularibus : nam hujus syllogismi premisse non sunt particulares, sed singulares. Magnum autem discrimen est inter propositionem particulararem & singularem : illa enim rem utique singularem significat, sed indeterminate ; haec autem determinate : unde fit ut in syllogismo ex puris particularibus quatuor termini ; in eo vero qui constat ex singularibus, tres tantum reperiantur : sunt enim certi & determinati.

Enthymema est genus argumenti non solum apud Rhetores, sed etiam apud Philosophos longe usitatisimum. Duplici propositione constat, antecedente, & consequente. Quae autem non exprimitur propositio, in animo retinetur : unde est syllogismus integer in mente, mutilatus, & imperfectus, si voces specentur. Atque horum argumentorum, ut à viro doctil. est observatum, usus frequentior est, quod mens eam fugiat tarditatem, quae in serie syllogistica occurrit ; prolixum & obscurum plerumque propositionum contextum inter colloquendum aut docendum vix adhibeat : nam ut sibi quedam intelligenda relinquantur, quodammodo postulat. Quod verbis deesse videatur, supplet ipsa per se, nec longas verborum ambages amat, sed ultiro praecepsit, & omnem linguae celeritatem antevertit. Hoc vis sermonis major ei videtur, quo brevior. Sic illud enthymema uno versu comprehensum.

Servare potui, perdere an possim rogus?

Altius animum subit, quam si ad syllogisticam formam esset redactum.

Qui servare potuit, idem potest & perdere :

Sed servare potui :

Ergo possum perdere.

Hinc fit ut Oratores qui & delectare volunt & persuadere, perrato syllogismos integros adhibeant ; quorum propositio aliqua plerumque est utilis. Quocirca licet non exprimat ea propositio, ea tamen in mente vigeret integra, nec necesse est eam verbis designare, cum nullo labore mens eam sibi exhibeat. Fateor quidem enthymema apud Aristotelem non tam ex numero propositionum, quam ex eatum verisimilitudine appellari, & ea maxime dici enthymemata quae signis aut indicis nituntur : unde ex illius mente haec non erunt enthymemata ; circulus est, ergo figura ; homo, ergo animal : cum conclusiones sint necessariae.

Sortes, vel gradatio ex pluribus propositionibus sic constat, ut attributum prioris sit subjectum consequentis. Quanquam hoc genus argumenti magis ad Rhetores, quam ad Philosophos pertinet, negare tamen non possumus, quin apud Geometras sit usitissimum. Cum enim extrema propositionis per se confiderata non ita manifester conjuncta apparent, ut unum de altero possit affirmari, tum medius terminus, in quo convenienter, inquiritur ; atque in hoc posita est, ut diximus, ratio syllogismi. At si non sufficiat medius ille terminus, tum quartus, aut quintus, & ita deinceps inquiritur, donec occurrat ali-

quis, quo duos extrema inter se devinciantur; & ita necesse est ut unius propositionis attributum sit in sequentis subjectum, ac prime propositionis subjectum cum ultime attributo consocietur.

Ex quo id liquet notatum, quod in hac argumentatione, ut in omni alia, mens velut quodam circulari motu agitur. Quandiu enim varias propositiones format & connectit, quasi recta progrederit, nec omnino discurrat, donec velut in orbem acta primas notiones cum posterioribus jungat. In hoc enim argumento quasi quibusdam gradibus descendimus; neque aliud quam propositionum acervus efficitur, nisi prima notio cum ultima copuletur. Hinc illa gradatio nullam habet argumentationis formam; Africano virtutem industria, virtus gloriam, gloria amulos comparavit; nisi regressu quodam animus primam notionem cum postrema consociet, & tandem concludat: ergo Africani industria amulos ei comparavit. Itaque ut in disjunctis syllogismis pugna quedam est, & velut contrarietas; sic in Sorite continuata quedam est conexio, dum alia proppositio ex alia nescitur.

Dilemma propositione quadam disjunctiva innititur, idque Rhetoribus est usitatissimum. Ex toto idem colligit, quod fuerat ex partibus seorum conclusum: ut in hoc adversus impios Dilemmate. Vel in morte toti pereunt, vel animi eorum manent immortales; Si toti pereant, nulla spes eis relinquitur: si immortales sunt animi, aeternis ob impietatem penas torquebuntur: Ergo nulla impiis spes reliqua est.

Cavendum autem est ne propositio disjunctiva, cui dilemma innititur, vitiosa sit, & membris suis non adequata, ne quid medium admittat: secus ruer omnino illud argumentum, quod ex omni parte ferire debet.

Epicheremi est anima gratissimum & maxime utilitatum: id autem adhibemus, cum utrique premisse, aut saltu alteri probationem subjicimus, ne videlicet mortem offendat incerte propositionis, aut obscuræ dilata probatio. Vix enim mos ille in scholis utiliter usurpatus, quo series syllogismorum contextitur, aut negata propositio per longas ambages demonstratur, in privatis hominum colloquiis, aut in publicis actionibus ferri potest: id enim plurimum delectit animum, ut que ad rei cognitionem pertinent, statim circumspiciat, atque ex iis que dubia sunt, aut obscura, citissime emergat. Exemplo etsi possunt omnia argumenta quorum propositionibus statim subjicuntur probatio.

Ubi complexa est conclusio, & involuta, ea est in simplices propositiones resolvenda, & sigillatim probandæ propositiones ex quibus constat. Simili ratione cum veritas syllogismi complexi est exploranda, is utique in syllogistum simplicem est resolvendus.

Inductio est scientie naturali maxime propria & necessaria, cum res sensibiles per experimenta ex inductione nobis maxima ex parte innotuerint: non enim alia ratione judicamus aurum v. g. omnium corporum longe esse gravissimum, nisi quod inductione facti nullum adhuc occurserit, quod aurum aequet pondere. Eadem pene est ratio eorum omnium que sensu & experientia cognoscimus; tamque inductione recte utimur, cum ex int. gra. partium cimeraatione velut summum, ut in additione arithmeticæ facimus, & totum ex omnibus partibus colligimus.

Sed illud fatendum est, nusquam nos magis errare, quam in falsis & imperfæctis inductionibus: nam sœpe ex aliquot exemplis universale quoddam colligimus, neque ad ea quæ excipi possunt, seu ad contraria exempla attendimus.

Ea quippe est ingenii nostri indoles, ut ex iis quæ in multis deprehendit, statim ad generales quasdam propositiones evolet: vel quod longum ei videatur & molestum ire per singula, & omnes partes enumerare; vel quod ad ea solum quæ sunt ante oculos posita, attendimus; quæ magis abdita sunt relinquimus.

Illud certum & indubitatum inductione videbatur, frigore cuncta corpora contrahi: & tamen ex innumeris observationibus constat, aquam congelatam amplius spatiū occupare, quam ante congelationem. Infinita sunt ejusmodi quæ nobis inductione certa videbantur, quæ tamen usū & experientia falsa esse deprehendimus.

Itaque ex variis observationibus & experienciis per inductionem quedam axiomata, aut generales propositiones velut principia eruuntur: ex quibus ut ex certis fontibus alia profluunt experimenta. Ex effectibus causas cognoscimus, quibus perspectis plures effectus cognoscuntur: atque in hoc regressu cum ab effectu ad causam progreßus fuerimus, à causa ad effectum regredimur. Qui quidem regressus longe diversus est à circulo: nam à cognitione confusa quorundam effectuum ad cognitionem cause primum confusum, tum magis distinctam progredimur: hincque ad novam effectuum notitiam regredimur. Sic ex Luna eclipsi illius causam, nempe telluris interpositionem colligimus; & causam semel comperta, quæ ad eclipsim pertinent, ut duracionem, magnitudinem, tempus quo futura est, & alia bene multa habemus explorata.

C A P U T XI.

De reductione syllogismorum.

Syllogismi perfecti, quantum ad propositum, dicuntur ii, quorum consequentia ita clara est, ut solo naturæ lumine innoteſcat: ejusmodi sunt syllogismi qui ad quatuor modos directos prime figura pertinent. Quare si in iis heremus, ignoratio est misteria, non vitium formæ. Imperfecti vero sunt, quorum etiæ consequentia bona est, tamen non statim ea perspicitur, sed opus est majori aliqua attentione: ejusmodi sunt syllogismi qui sunt in modis indirectis prime figuræ, & in omnibus modis secundis & tertias.

Ob eum evidentia defectum inventus est modulus quo syllogismi imperfecti reducuntur ad perfectos: ilque duplex vulgo affectur, Ostensivus, quo utinam, cum quis concessis præmissis conclusionem negat, idque ex ignorantia: alter est Reprehensivus, qui dicit ad incommodum, quando nobis res est cum iis qui veram conclusionem negant ex protervia. Sed cum id raro & fere nunquam accidat, atque ista reductio nullius pene sit usus, & perobscura, de priori tantum agemus.

Reductio ostensiva.

Reductio ostensiva tum fieri solet, cum ex syllogismo imperfecto fit perfectus
E iij

ētus , in quo evidenter infertur eadem propositio , quæ fureat conclusio syllogismi imperfecti , aut saltē ejus converſa , ex qua tandem deducitur converſenda.

Quod ut rite fiat , observandæ sunt in primis quatuor hæc consonantes B, C, D, F, à quibus incipiunt illa novemdecim vocabula artificiosa quibus exprimuntur modi syllogistici. Nam modus quilibet imperfectus ostensivè reducendus est ad perfectum aliquem modum , qui ab eadem incipit consonante , juxta vulgare distichum :

*Barbara demonstrat B ; Celarent C reducit ;
Dredit ad Darii ; Fredit ad Ferio.*

Insuper observandæ sunt quatuor aliæ consonantes , quæ reperiuntur in medio , vel in fine cuiuscumque vocabuli; S, P, M, C , quatum hæc est significatio : S ostendit propositionem quam designat vocalis præcedens , esse convertendam simpliciter : P ostendit eam esse convertendam per accidens : M indicat loco mutandas , seu transponendas esse præmissas ; ita ut quæ major erat , fiat minor ; & quæ minor fuit , major fiat : C ostendit modos in quibus reperitur , nempe Bocardo & Baroco , non posse reduci ostensive , sed tantum reprehensivè , sive per impossibile , juxta illud etiam tritum :

S vult simpliciter verti , P vero per accid.

M vult transponi , C per impossibile duci.

Quod si ergo proponatur hic syllogismus imperfectus ad perfectum ostensivè reducendus ,

Fap { Omne animal est substantia :

ef { Nullus lapis est animal :

mo { Ergo quedam substantia non est lapis.

1º Planum est eum reducendum esse ad Ferio : quia hic syllogismus est in Fapesmo , qui modus incipit ab F. Palam est 2º , Majorem esse convertendam per accidens : quia post primam vocalem sequitur P. Manifestum est 3º , minorem esse convertendam simpliciter , quia post vocalem secundam sequitur S. Liquet 4º , transponendas esse præmissas , quia in Fapesmo occurrit M. Que omnia si præstiteris , habebis hunc syllogismum in Ferio.

Fe { Nullum animal est lapis :

ri { Quedam substantia est animal :

o { Ergo quedam substantia non est lapis.

Ceterum , Baroco non potest reduci ostensive , quia si majorem convertas per accidens , ut tantummodo converti potest , fieri syllogismus ex puris particularibus , qualis nullus legitimus est : si vero præmissas transposueris , tum major erit particularis , qualis nulla est in prima figura , ad quam tamen reduci deberet. Nec etiam ostensivè reduci deberet Bocardo : nam si conversione sola utaris , ambæ præmissæ erunt particulares : minor enim quæ universalis est affirmans , non potest converti , nisi per accidens. Quod si vero utaris transpositione , minor erit negans , qualis nulla esse potest in prima figura.

CAPUT ULTIMUM.

De communi regula artis syllogisticae.

ENimvero ubi syllogismus est involutus & obscura conclusio, nihil opus est tam operosa reductione: sed illud intuendum, an conclusionem una præmissarum comprehendat, idque manifestum faciat altera ex præmissis. Cum enim conclusio sit judicium, quod vi unius aut alterius judicij jam ante à nobis facti perficitur, ea est velut effectus quidam ab utraque præmissa tanquam ab integra causa profectus. Jam ut causa suum procreat effectum, applicari ea debet: neque enim ignis comburit, nisi proprius admoveatur. Non dissimili quidem conclusio ex majore plerumque propositione ut ex causa universalí pendet: sed communis illa & universalis causa nihil efficit nisi applicata quodammodo: quod utique per minorem propositionem perficitur: ut Sol fructus non procreat, nisi certa plantæ dispositio conspiret, quæ communem causam determinat.

Atque in hoc penitus ars syllogistica versatur, ut propositiones duæ inveniantur: una quæ propositam questionem, seu conclusionem contineat; altera quæ manifestum faciat conclusionem in prima propositione contineri. Ut in proposita illa quæstione, An terra sit rotunda, invenienda est propositio quæ illam contineat: qualis hæc est, Omne corpus quod paulatim & non simul lumen à Sole recipit, idem est rotundum: tum altera propositio quæ declarat conclusionem in generali illa propositione contineri, est invenienda, quæ hæc erit. Terra paulatim & velut per gradus, non simul à Sole lumen suum excipit. Hinc conclusio quasi sua sponte nascitur: Ergo terra est rotunda, non plana. Huc tendunt omnes regulæ quas attulimus, medium videlicet in altera propositione distribui oportere, nec terminum in conclusione donandum latiori significatu quam qui in præmissis fuit: ne scilicet aliquid sit in effectu, quod in causa prius non fuerit.

Cum autem hæc vera & genuina sit artis syllogistica regula, quam cum recte ratiocinamur, aut cum de argumentatione judicamus, quasi natura duce consulimus, non erit alienum, ex iis quæ nuper acri vir ingenio & summa eruditione nobiscum communicavit, per pauca subjecere.

Ac primum quidem eas, quæ vulgo traduntur, quasque hæc exposuimus syllogismorum regulas, non permagni usus esse putat, quod nemo fere dum ratiocinatur aut syllogismos examinat, ad eas leges intendat animum, quæ cum sint & numero plures & intellectu difficiles, è memoria facile elabuntur. Accedit etiam nullum iis regulis locum esse, cum argumentum est tantummodo probabile, & attributum non necessario subjecto convenit: cuius generis est hic syllogismus.

Galli ut plurimum sunt candidi:

Hic homo est niger:

Ergo verisimile est eum natione non esse Gallum.

Qui quidem syllogismus his, quæ allata sunt regulis aptari vix potest; tamen isti est optimus. Cum itaque id Logica munus sit ut omni generi bonæ argumentationis regulas praescibat, ac necesse sit ut mens legem aliquam aut

regulam consulat, ut bonam argumentationem dijudicet, eamque à falsa, in quacunque sit materia, discriminet; non aliam videtur aut simpliciorem, aut magis obviam sequi, quam eam quae superius fuit explicata. Id videlicet intuendum, an propositio probanda, seu concludenda, una ex præmissis, tanquam universaliori, aut saltem reciproca, quæque conclusionem clarius explicit, omnino contineatur, idque manifestum faciat altera propositio, quæ scilicet utriusque propositionis, qui rurum una alteram comprehendit, mutuam habitudinem velut oculis mentis subiecit.

Cum ea habitudo est evidens, tum enthymema adhibemus: ut anima est spiritalis: ergo immortalis. Supponimus enim concessum ab adversario, quidquid est spiritale, idem esse immortale.

Jam certitudo, aut necessitas, aut probabilitas, & aliæ, si que sint propositionis affectiones, eo modo conclusioni insunt, quo ea ipse in præmissatum altera continentur: conclusio enim tum certa est, si semper una ex præmissis comprehenditur. Quod si ut plurimum, non necessario contineatur, tum est verisimilior: Siperraro insit, tum ea est minus probabilis: nec multum refert quo ordine præmissæ disponantur, aut que sit argumentationis forma: sive ea multum dilatetur, ut ab Oratoribus fieri solet; sive ea sit contractior, & ad formam Logicam restricta: quoconque ea fiatmodo, aut simplici & in vulgaribus colloquiis usitato, aut latius fuso, & magis adornato, ut in foto, & in concionibus; seu syllogismi simplicis, aut complexi habeat rationem, seu denique in materia necessaria, seu in probabili vescetur, eadem ubique regula obtinet ab ipsa natura omnium qui recte ratiocinantur, mentibus insculpta.

Ad hanc normam omne ratiocinium exigimus, nec operosa & pene inutili syllogismorum reductione iis opus est, qui eam omnibus communem & pene in conspectu positam argumentandi legem sequuntur.

Quin etiam vera inveniendi medii, seu argumenti ratio ex ea regula desumitur. Nam in materia necessaria, seu in demonstratione, genus, aut speciem, aut definitionem subjecti invenire satis fuerit, cui conclusionis attributum conveniat, vel ut effectus, vel ut qualitas quedam essentialis. Ut si probandum sit, quod utile est, idem esse honestum, ex eo demonstrabo, vel quod utrumque sit secundum naturam, aut quod utilitas quæ non est cum honestate conjuncta, non sit vera, sed fucata & falsa utilitas; vel quod utile dici non possit quod in se plus habet mali quam commodi: cuius generis sunt ea quæ cum honestate pugnant.



C O M M E N T A R I I
I N U N I V E R S A M
A R I S T O T E L I S
P H I L O S O P H I A M

CUM Philosofia ab Aristotele in quatuor fuerit divisa partes, Logicam, Ethicam, Metaphysicam, & Physicam, singulas ex ordine per tractare conabimur, initium à Logica ducturi, quod ea sit reliquis intelligendis necessaria, & quasi disciplinarum omnium organum. Sed pauca prius de Philosophia ipsa in universum dicenda sunt. Nam illa est optima docendi ratio, quæ à genere ad species progreditur.

D I S P U T A T I O P R O O E M I A L I S

de Philosophia in universum.

Q U Ä S T I O P R I M A.

De nomine & natura Philosophie.

Circa Philosophiam in universum quatuor sunt nobis indagandi, 1º quid Cillius nomine intelligamus, 2º an existat, 3º quæ illius causa, 4º quæ sint illius partes.

Philosophia variis olím fuit insignita nominibus, ex quibus nonnulla proprietates magis, aut dignitatem ejus, quam naturam designant. Sic à Platonice mors corporis, animi vita appellatur: quod à pravis cupiditatibus animal liberet, ut sibi vivat, non corpori. 2º Animi medicinam dixere, quod illius morbos sanet, ignorantiam nempe, & vitium. 3º Similitudinem hominis cum Deo eam nominarunt, quod nos utcunque Dei similes efficiat, sapientes nimiri & bonos.

Sed aliis quoque nominibus, iisque simplicioribus Philosophia signata soler. Nam & sapientia interdum appellatur: quod utique nomen non uno modo accipitur. 1. enim est rerum optime agendarum prudentia. 2. Vulgo definitur rerum altissimarum per altissimas causas cognitio: cuiusmodi est pars illa Philosophiae, quæ Metaphysica dicitur. Per studium sapientiae non intelligimus simplicem voluntatis propensionem, aut desiderium: sed possessionem ipsam sapientiae, aut certe nifum, conatum, & quandam mentis ipsius sapientiam inquirentis contentionem.

Quæ olim sapientia, nunc communi & recepta voce Philosophia, seu studium sapientiae nominatur. Quod nomen Pythagoras primus huic scientiæ,

Tome I.

E

quam tradendam suscipimus, imposuit. Cum enim à Leontio Rege an sapiens esset, rogaretur, respondisse fuit se non sapientem esse, sed Philosophum, seu sapientiae studiosum. Quod utique nomen, ut notat S. Augustinus, ita deinde posteris placuit, ut quantumlibet de rebus ad sapientiam pertinentibus quisque vel sibi, vel aliis videretur excellere, non nisi Philosophus vocaretur.

Atque hæc de etymologia vel notatione nominis Philosophiæ dicta sunt, nunc de usu hujus nominis dicendum, ac Philosophiæ natura constituenda nobis est. Hæc à veteribus fuit definita, retum humanerum & divinatum, causatumque, quibus hæc res continentur, scientia. Retum divinatum nomine Deus ipse, Ange'li mens humana, & que tractantur in Metaphysica intelligenti possunt: per res humanas quidquid est corporeum, aut oculis subiectum intelligimus. Ab aliis satis apte definitur certa & evidens cognitio eorum, quæ ad optimam vitæ motumque rationem pertinent.

Non enim rerum omnium scientiam Philosophia complectitur, nec de omni materia disputare præsumit: quod Sophistæ olim temere promittebant: sed ea maxime quæ ad honeste vivendum conferunt, aut que rationem perficiunt, aut etiam ab tuendam corporis salutem, & ad vita usum pertinent, queaque nos beatiores utcunque possunt efficere, Philosophia persequitur.

Illa autem cognitione non falsa, non erronea, sed vera, rebus ipsis consentanea, & certa esse debet, id est, clara & certa ratione subnixa. Nam si ratio ipsi, quæ affertur, speciem tantum habeat veritatis, & negligenter attendenti vera, aut evidens appareat, tum error, aut falsa persuasio dicenda est, si veritate destituitur. Quod si ipsa ratio, qua utimur, sit tenuis & popularis cum dubitatione conjuncta, tum opinio dici solet. Si autoritate tantum utimur, hæc cognitione ad fidem pertinet, seu divinam, cum Deo revelanti, seu humanam, cum homini credimus: sed ubi accurata rei inspectione, stabili persuasione, & intellectualis luminis evidentia persuademur, tum illa cognitione scientia dicitur, & est vere Philosophica. Quanquam negare non possumus, quin Philosophus multa opinetur, credit, erret nonnunquam: sed tamen Philosophus dici non potest, nisi quatenus cognitione rerum certa & evidente prædictus est.

Objic. Philosophia versatur circa Deum, cuius nullæ sunt causæ: ergo minus est accurata Philosophiæ definitio.

Resp. D. Ant. Nullæ sunt causæ rei, concedo; cognitionis, nego: nam Deum cognoscimus ex creaturis: deinde unum attributum à nobis cognoscitur, ut causa aut ratio alterius. Sic immutabilitas est velut causa, aut ratio æternitatis.

Q U A E S T I O II.

An existat Philosophia.

Qui se Philosophos profitentur, in querenda veritate versantur. Hanc qui se invenisse putant, dicuntur Dogmatici: si non invenisse quidem, sed se invenire posse existimant, Sceptici. Quod si denique de invenienda veritate desherent, Acataleptici, aut novi Academici dicuntur. Nam veteres ii-

dem sunt Sceptici, & Platonicī : quod Plato , aut potius Socrates author illius sectā fuerit. Pyrrhonei postea dicti sunt à Pyrrhone , qui hanc sententiam acerrime propugnavit.

Academici nomen suum duxerunt à gymnasio , quod Athenis erat proximum : nam mille aut circiter passus Athenis distabat à quadam Academicō datum. Hi quidem negabant verum à falso ulla insigni nota discerni posse , assensum omnem cohibebant , nihil cognosci , nihil percipi , nihil sciri perten-debant , nihil adeo oportere , aut profiteri , aut affirmare quemquam : unde Acatleptici vocabantur , quod nihil comprehendi posse contend ent. Hanc sectam recentiorum Academicorum Carneades Romæ magna cum eloquentia professus est.

Sceptici vel consideratores in utraque contradicentium parte paria esse ratio-nū momenta , & neutram esse altera veriorem cum Acatlepticis sentie-bant ; perseverandum tamen in veritatis inquisitione , nec desperandum de veritate invenienda putabant : unde & quæstiores dicti sunt.

Dogmatici multa se animo comprehendente , immo plures ex iis pene omnia à se percipi sibi persuadebant , nec quidquam magis timebant , quām ne de aliqui re dubitare viderentur : sic

Dum stulti vitant vitia , in contraria currunt.

Dogmatici in varias sectas abiēre : nam & Peripatetici , quorum Princeps Aristoteles , sic dicti , quod inter deambulandum philosopharentur ; & Stoici extiterunt , quorum author Zeno : illius sectæ magnus Doctor fuit Chrysip-pus : hi in porticu stantes disputabant ; ac demum Epicurei , & aliae Philo-phorum familia è Platonis Schola sunt proseminate.

Prima conclusio.

Multa à nobis percipiuntur , multa certa sunt & explorata , nec de om-nibus dubitare licet , ac proinde existit Philosophia.

Pr. conclusio. 1º. Multa sunt ac prope infinita , de quibus dubitare non possimus : cujusmodi sunt prima principia , quæ negari non possunt , ut to-tum esse sua parte majus : que sunt eadem uni tertio , sunt eadem inter se : si æqualibus æqualia adjecesis , tota erunt æqualia & alia pene innumera. 2º. Quæ demonstrantur in Geometria & Mathematicis disciplinis , quæ-que nulla ratione convelli possunt . 3º. ut pulchre Augustinus contra Academicos disputat ; *Multa sunt , inquit , que Academicī in dubium revocare non potuerunt , quale est illud ; Scio me vivere , aut cogitare : ubi nec dici po-test , fortasse dormis , & nescis , & in somnis vides ; quia & dormire & in somnis videre , viventis est.*

Hinc merito apud M. Tullium L. Lucullus concludit , quod si nihil veritati relinquitur , si omnis assensio est cohibenda , ne falsa aut incognita res appro-beretur , omnis quoque actio vitæ , omnis animorum motus tollatur necesse est. *Quod si enim omnem perceptionem subtraxeris , quæ distingues artificem ab inscio ? Quid enim est quod arte effici possit , nisi is , qui artem tradat , mul-ta percepere ? An nihil tot seculis summis ingeniiis , maximis studiis inventum putamus ? Nemo enim invenit falsa , nec ea qua incerta permanent , inventa esse possunt . Quare , ut idem prosequitur , Academicī omnem animum nobis*

ac sensum adimur , atque omnem vitam evertunt funditus.

Hinc illud confici potest argumentum; Philosophia est certa rerum cognitio per causas: sed multa certo cognoscimus per suas causas, ut mox ostendimus; ergo existit Philosophia.

Solvuntur objectiones.

Opponunt Recentiores Academicci omnem cognitionem nostram à sensibus duci: nihil est enim in intellectu quod per sensum perceptum non fuerit: sed sensus sunt fallaces, quibus non est temere credendum: ergo omnis cognitionis nostra incerta est, & obscura.

Minor propositio facile ostendi potest. Nam circa motum & quietem, circa rerum magnitudinem, & figuram visus noster adeo decipitur, ut Optica, seu perspectiva circa errores viuis pene tota occupetur: hinc tot sensuum praedicta, que vix exuere possumus. Quis non sibi persuadeat Solem cum oritur, aut occidit, multo majorem esse quam in meridie; aut extremam terrae partem cœlum contingere; vel antipodas prono capite incedere: ut alia mittam infinita.

1^o. *Reſp.* Majorem à multis negari. Nam mens suam cogitationem, suas affectiones, ut gaudium, tristitiam, beatitudinem, justitiam, Deum ipsum, & alia innumera percipit, que per sensus subite non potuerunt: cum nec sint colorata, nec sonora, nec sapida: sed de his alio loco pluribus.

Reſp. 2^o dicit. min. sensus sunt fallaces; per accidens, conic. per se, nego: nam ratione sui sensus non fallunt, cum percipient tantum: per accidens vero fallunt, cum erroris occasionem praebent: ut cum remum in aqua fractum cernimus.

Sensus vero nos inducit in errorem, aut occasionem errandi praebet, cum male affectus est, ut lingua bilioso humore perfusa nihil nisi amarum percipit. Cum vero sensus sani sunt, & valentes, & omnia removentur, que obstant, falsum utique non nuntiant. Nam sensus non impeditus, cui aliis sensus exterior, aut ipsa ratio non repugnat, circa proprium objectum non decipitur. Hinc nec visus fallitur, cum remum inflexum in aqua contuetur. Nam radii luminis duplex medium, aërem scilicet & aquam pertransientes franguntur, hoc est, à recto itinere deflectunt, & remum ut fractum exhibent. Ratio ipsa si male judicet, decipitur, non visus.

Quod si objectum longius à nobis distet, tum sepe sensus est errandi occasio. Simili ratione cum sensus. judex constituitur in iis que ad ipsum non pertinent: ut si ex visus perceptione de motu, aut quiete, aut etiam de natura rei que videtur, temere judicemus; tum enim in errorem inducimur. Neque ita fidendum est sensibus, qui infirmi sunt & hebetes, quin præcipuus honor rationi servetur, nam unius est rationis decernere, quatenus fides sit sensibus adhibenda. Unde necessaria est imprimis attenta mentis consideratio, qua sublata vix quicquam certum esse potest.

In statibus, si sensus nos interdum fallunt, fidem iis adhibere non debemus; neque est ulla satis explorata veritatis nota, qua illam à falso discernamus.

Reſp. Neg. ant. Nam veritatis regulam non in solis sensibus, sed magis in ipsa perceptionis evidentiâ constituimus: sive illa sit immediata, qualis est

principiorum, quorum veritas lucet ipsa per se; sive sit mediata, cujusmodi est conclusionum evidentia. Sic nemo ex Scepticis se dubitare, aut cogitare in dubium revocat, aut dolere, cum pungitur vel uritur. Unde si intellectus non posset sensuum errores animadvertere, & eos corrigerre, vix errandi periculum effugeret. Sed is aut ipsa rei evidenter convincitur, aut assensionem suam tenetur cohibere.

Quare judicia nostra erunt certa & explorata, cum claras & distinctas perceptions consequentur; temeraria erunt, & errori obnoxia, si confusas tantum & obscuras perceptiones subsequantur. De his quippe recte judicare non possumus, quæ non rite percipimus. Neque id concedimus, sensuum actiones esse fundamentum omnis certitudinis, tamen sunt conditions ad recte intelligendum requisite.

Opp. 2. Nullam dari propositionem universalem certam, si nulla possit esse enumeratio omnium singularium. Sed illa enumeratio omnium singularium est impossibilis: Ergo nulla propositio universalis certo cognoscitur.

Resp. Illam enumerationem requiri in propositione universalis contingente, non item in propositione necessaria: cujusmodi est hæc propositio, omnis homo est rationalis: ad hoc enim sufficit attenta consideratio ipsius hominis.

Contra, inquiunt, si quis in Æthiopia natus nullum viderit hominem nisi nigrum, istam certo judicabit omnes homines esse nigros, quam eos esse rationales: imo si supponamus omnes homines esse nigros, non poterit dijudicare an hæc propositio sit necessario, vel contingenter vera, Omnis homo est niger.

R. Manifeste apparere eam propositionem esse contingentem: tum quia illius opposita vera esse potest, eadem manente hominis natura; tum quia attributum ex alia causa oriri potest, quam ex natura subjecti: nigredo enim ea oritur ex adiustione Solis: quod ubi accidit, tum propositio est contingens.

Secunda conclusio.

Infinita pene sunt quæ à nobis comprehendendi non possunt, de quibus nihil affirmandum: sed assensus in iis est cohibendus.

Hec conclusio est contra quosdam Dogmaticos, qui de nulla re volunt dubitare. Nec quicquam fere est notius, quam multa à nobis necesse. Sunt enim res in triplici differentia constituta. 1º. Quædam sunt nobis adeo certæ & exploratae, ut de iis dubitare non possimus, ut pars maxima eorum, quæ in Mathematicis disciplinis traduntur. 2º. Sunt aliæ nondum penitus comprehendentes, sed quæ possunt tamen experientia & ratione aliquando comprehendendi: cuius generis magna ex parte sunt res naturales, quæ non ita sunt abditæ, ut ex iis quotidie plurimæ non detegantur. 3º. Sunt plurimæ ita à natura involutaæ, ut vix sperare liceat eas aliquando comprehensum iri: cujus generis sunt forte prima rerum naturalium exordia, seu principia; aestus maris reciprocus; vis magnetica; quæ in terræ visceribus contineantur, & alia pene innumera: adeo ut id verum sit nos nec nihil, nec omnia comprehendere. Itaque id Dogmatici concedant Scepticis, multa nobis esse incognita; ac plerumque falsa esse finitima veris; periculosam esse consuetudinem absentiendi; sensus perspicue nobis imponere; artes plurimas, ut artem medendi, plus conjectura uti,

quam scientia. Verum hinc male concluditur, nihil esse quod percipi possit, nullam esse propriam & insignem veritatis notam. Quod si enim res ita se habeat, quomodo, ut dictum est, distingues artificem ab imperito, doctum ab ignaro, sapientem à stulto?

QUÆSTIO III.

Quæ sint causa Philosophiae.

Tum rem cognoscimus, cum ejus causas habemus perspectas. Ex quatuor vulgo numerantur, finalis, efficiens, materialis & formalis, quas Philosophia in rebus pene omnibus diligenter inquirit. Quare non committendum putamus, ut ipsius Philosophiae causas silentio prætermittamus. Primum itaque de finali dicendum.

Cum finis sit multiplex, alias operantis, alias operis; item finis cui, seu in cuius commodum aliquid cedit, & finis cuius gratia, seu propter quem aliquid expetitur; item proximus & remotus: palam est finem operantis, seu Philosophi varium esse posse juxta diversas illius affectiones, & finem cui, eundem esse Philosophum, in cuius commodum cedit.

Finis operis proximus est optima motum institutio, & cognitio eorum, quæ ad usum vitae pertinent. Remotus & ultimus est beatitudo, ad quem omnia referuntur, qui etiam finis est cuius gratia.

Obiiciunt aliqui, Philosophiam adeo non conferre ad motum institutionem, aut beatitudinem, ut persæpe noceat, in errores inducat, & mores corrumpat: ut liquet ex Apostolo Coloss. 2. *Videte*, inquit, *ne quis vos seducat per Philosophiam & inanem fallaciam*. Ergo Philosophia non cedit in utilitatem hominis, neque optima motum institutio est finis hujus operis.

Reff. Dist. Ant. Sæpe nocet Philosophia per accidens, concedo; per se & ratione sui, nego. Nam per se spectat ad veritatem: sed multi ad stabiliendos errores ea abutuntur. Sic ars medendi per se est utilis, per accidens noxia esse potest. Nec major est difficultas de causa effectrice Philosophiæ. Sit tamen

Unica Conclusio.

Causa effectrix Philosophiæ præcipua Deus est, qui eam infudit Adamo statim à creatione.

Prob. conclusio. Adamus creatus est à Deo perfectus, non solum ratione corporis, sed multo magis ratione animi, ut simul esset filiorum parens & doctor: Atqui Philosophia, seu cognitio rerum per causas est magna animi perfectio: Ergo hanc per infusionem accepit Adamus statim atque creatus est.

Prob. 2º Geneseos c. 2. sic habetur: *Formatis cunctis animantibus terra & universis volatilibus cœli, adduxit ea Dominus Deus ad Adam, ut videret quid vocaret ea*. Atqui ut nomina ipse proprii inderet, scientia prædictum eum fuisse necesse est, quam vel disciplina acquisivit, vel propria inventione, vel infusa ei fuit: non disciplina, nemo enim erat à quo doceretur; non propria inventione, quæ multum temporis & plurima experimenta postulat: Ergo per infusionem eam accepit.

Confirmatur ex sacro contextu Ecclesiastici c. 17. *Deus creavit hominem, & secundum imaginem suam fecit illum: creavit ex ipso adjutorium simile sibi:*

consilium & linguam, & oculos, & aures, & cor dedit illis excogitandi, & disciplinâ intellectus implevit illos: creavit illis sapientiam spiritus, & sensu implevit cor eorum, & bona & mala ostendit illis. Ex quibus efficitur Adamum Philosophia imbutum à Deo fuisse. Id enim conveniens fuit tum modo, quo à Deo lolo conditus fuit, qui nihil nisi perfectum efficit; tum statui innocentiae; tum fini proximo ob quem à Deo creatus est, nempe ut aliorum rector esset & magister.

Solvuntur objectiones.

Opp. 1^o. Primi parentes à serpente sunt decepti, cuius naturam non conoverunt, neque vim fructus vetiti, cum ii scientiam boni & mali se habituros crediderint. Ergo hanc scientiam non habuere, quam se ex fructu consecuturos speraverant, nec sunt conditi cum perfecta rerum cognitione.

Resp. Dist. Conseq. Primi parentes non habuerunt rerum omnium cognitionem actualē, C. habitualem, N. Quare hęc omnia, quę contra afferuntur, non coherent cum actu, sed possunt conciliari cum habitu scientie. Sic Angeli cum peccaverunt, actu ipso, seu attentione catuerunt, non habitu. Serpens vero protoplastis pollicitus est scientiam boni & mali, non communem, sed divinę similem, *Eritis*, inquit, *sicut dii scientes bonum & malum.*

Hinc postquam vetus fructum gustaverunt statim aperti sunt eorum oculi, & experimentali cognitione se nudos esse, & appetitum sentientem rationi rebellem agnoverunt: cum ante peccatum pars animę inferiori esset subiecta, nec cato, sive appetitus sentiens adversus spiritum, seu rationem concupisceret.

Opp. 2^o. Omnis peccans est ignorantis; nam errant omnes qui operantur malum: sed Adamus peccavit: Ergo, &c.

Resp. Dist. maj. Omnis peccator est ignarus rerum agendarum hic & nunc, C. rerum agendarum in univ. r̄sum, N. Unde Adamus non erravit circa propositiones universales, nec desit esse Philosophus.

Opp. 3^o. Hinc minime constat Adamum cognovisse rerum naturas, quod rebus nomina impoaserit cum nomina sint signa arbitratia.

R. Illa nomina imposita esse ab arbitrio & voluntate Adami, cum aliqua ratione & cognitione.

Opp. 4^o. Deus agit per causas secundas: sed potuit docere Adamum per Angelos: Ergo non illi infudit Philosophiam.

R. Äquum fuisse ut Deus, qui unus Adamum considerat, eum bonis artibus informaret; & cavendum erat ne ipsis Angelis plus satis tribueret Adamus, si ab iis doceretur.

Opp. 5^o. Habitus infusus essentialiter differt ab acquisito: Ergo Philosophia que Adamo fuit infusa, non fuit ejusdem naturae cum nostra.

R. Dist. ant. Habitus per se infusus, ut fides, aut spes, aut charitas, essentialiter differt ab acquisito, C. habitus per accidens infusus, N. Sic donum linguarum Apostolis per accidens infusum fuit: nam potuissent summo labore & studio hanc cognitionem adipisci. Cum igitur Philosophia ita fuerit Ad mo infusa, ut potuissent eam labore & industria acquirere, non fuit diversa à nostra naturae. Quare hinc colligitur infusam Adamo Philosophiam fuisse supernaturalem ratione modi, non ratione entitatis.

Instant. Adeo ignarus fuit Adamus, ut crediderit serpentem vi & facultate loquendi esse præditum.

R. Non credidisse Adamum loquendi facultatem serpenti esse congenitam, sed virtute aliqua divina ei esse concessam. Sic in fructu scientia boni & malorum aliquam supernaturalem inesse existimavit. Ac denique non inficiamus multū eum cognoscere potuisse per scientiam experimentalē, quæ in universum duntaxat ante cognoscet.

Deus itaque est causa primaria Philosophiæ: sed postquam temporum injuria, & hominum negligētia penitus extinta fuit, viri præstantes ingenio paulatim eam restituerunt, atque his velut gradibus ad Philosophiam restaurandam sunt progressi.

Primum admirati sunt plures effectus, id est, attentius eos, & suspenso iudicio inspexere. Ex admiratione orta est cupiditas, aut desiderium causas inventi, quas multis postea confirmarunt experimentis. Unde ex ignorantia admiratio, ex qua diligens inquisitio cause, tum inventio multiplici experientiæ est confirmata. Quod à prioribus inceptum, posteriores vromoverunt. Sic Zeno Eleates primus Logicæ author esse fertur, cui Aristoteles Stagyrita ultimam pene manum impoluit. Thales Milesius Physicam primus explicare conatus est: Socrates Moralis Philosophiæ & vitæ instituendæ præcepta primus tradidit, atque à contemplatione naturæ, cui uni priores Philosophi intenti erant, ad mores formandos convertit animum. Quocirca Philosophia ab Hebrewis ad Ægyptios, quibus Plato maxime credendum esse docet in Timæo; ab Ægyptiis manavit ad Græcos: eaque admiratione & experientia potissimum fuit testita.

Itaque Philosophiam consequimur ingenio, seu natura, disciplina, exercitatione & attenta rerum meditatione. Natura eam inchoat, doctrina promovet, intenta meditatio perficit.

Materia quantum ad propositum duplex, in qua & circa quam. Illa subiectum, hæc objectum dicitur.

Subiectum cui inhæret Philosophia, est mens humana, seu intellectus, quem perficit. Subiectum vero quod denominat, est ipse homo. Nam forma, aut perfectio aliqua totum denominat. Sic homo dicitur doctus, aut justus.

Objectum vero Philosophiæ sunt res omnes, quæ naturali ratione cognosci possunt. Objectum duplex, materiale, seu res circa quam ars, vel scientia versatur; & formale, seu ratio, aut modus considerandi. Res omnes sunt objectum Philosophiæ materiale: quatenus vero sunt scibiles, vel cognosci possunt per causas, id demum est objectum formale: ut res visibilis est objectum visus materiale; quatenus est colorata, formale est.

Causa formalis Philosophiæ nulla est: cum ipsa sit forma quædam, aut qualitas: nisi forte optima docendi ratio, vel ordo, ut quædam Philosophiæ forma, aut perfectio habeatur.

Q U A E S T I O I V.

Quæ sint partes Philosophie.

P Hilosophiam Platonici & Stoici in tres partes divisorunt, *In differendi subtilitatem, in vitam atque mores, & in naturam obscuritatem*, ut M. Tullius

Ius & Sanctus Augustinus passim tradidere. Primam, quæ differendo aperit quid verum, quid falsum sit, quid consequens, quid repugnans, Dialecticam dixerunt. Secunda, quæ est de vita & moribus, Ethices, aut Moralis nomen accipit. Tertia, quæ est de natura & rebus occultis, Physica vocatur.

Tripartita illa Philosophia ratio mitum in modum veteribus pene omnibus placuit. Quæ vero Metaphysica vulgo dicitur, ea nihil aliud videbatur esse, nisi pars Philosophiae naturalis longe à sensibus remota, eaque circa Deum & primas entis affectiones, aut proprietates versatur:

Triplacem hanc Philopham Dei potissimum contemplatiore contineri Platonici crediderunt. Quid Deus sit principium nature, ueritas doctrina & felicitas vite. Acque, ut prosequitur August. à Platonica doctrina non abhorrens, est rerum creatorum effector, & lumen cognoscendarum, & bonum agendarum. Quorum trium unum, inquit, ad naturalem, alterum ad rationalem, tertium ad Moralem partem intelligitur pertinere. Ergo cognito Deo reperiemus quæ sint rerum naturalium causa, & quinam sit modus discendi, atque vivendi. Quæ utique sunt Logicae & Moralis munera.

Atque hæc Platonicorum sententia sic est accipienda, ut prima rerum omnium rationes non aliunde, quam à Deo ipso sint repetenda: sed ubi proximas rerum causas inquirimus, non ubique ad Deum est recurrendum, ut Poëtae solent, cum explicare argumenti exitum non possunt.

Scientiae Mathematicæ ad Physicam referuntur: nam circa quantitatem, quæ est prima corporis affectio, versuntur. Ac quadam ex iis sunt puræ, quæ quantitatem ab omni materia abstractam aut separatam considerant, ut Geometria, quæ circa quantitatem continuam, & Arithmeticæ, quæ circa discretam, seu numeros occupatur.

Quæ autem quantitatem non ab omni materia sensibili solutam, & abstractam contemplantur, magis ad Physicam pertinent, ut Optica, quæ circa radios visuales versatur; Musica, quæ numerum & proportionem in sonis: Astronomia, quæ corporum cœlestium motus: Mechanica, quæ machinatum vires, & rationes considerat: ut omittam alias disciplinas, quæ ex iis tanquam fontibus manant.

Quæ autem sint nobiliores, aut utiliores non est facile decernere: scientiae speculatrices vulgo habentur practicis nobiliores: quod veritatis cognitio sit præstantior operatione. Unde primum dignitatis locum præbent Metaphysicæ, tum physicæ, deinde Mathematicis disciplinis, post Logicæ, tandem Morali. Quod si utilitatis ratio habeatur, forte ordo ille erit invertendus. Nam utilissima est Moralis, quæ Philosophia finem proprius attingit, nempe optimam vivendi rationem; tum Logica, quæ mentem perficit, ut operationes suas exerat. Si dignitas scientiarum ex certitudine & evidentiâ demonstrationum potius, quam ex objecti dignitate repetatur, Mathematicæ discipline erunt omnium præstantissimæ. Cognitio speculativa nobilior est practica: quia hæc mediæ, illa finis habet rationem: cognitio enim speculativa propter se expeditur, & practica propter opus.



COMMENTARI^I IN LOGICAM ARISTOTELIS.

Disputatio preambula de natura Logice.

QUÆSTIO PRIMA.

De notione & existentia Logices.

PRIMUM adeunda nobis est pars illa Philosophiæ, quæ ad mentem & illius actiones pertinet, queque adeo Philosophia rationalis, quod rationem maxime perficiat; Logica, quod circa sermonem potissimum interiorem, seu cogitationes nostras versetur; Dialectica denique appellatur, quod rectam disserendi rationem, non ad ostentationem & inanem loquacitatem, quod Sophistarum est, sed ad veritatem ipsam consequendam, & recte de rebus judicandum, simul & præcepta bene definiendi, dividendi & argumentandi tradat. Quibus utique si mens destitutatur, variis erroribus erit obnoxia; obscura admodum illius cognitio, & confusa futura est. Hinc M. Tullius, *conspicuum & cognitionem naturæ quasi sepimento aliquo vallari docet, disserendi ratione, veri & falsi judicio, scientia & arte quadam intelligenti* quid quamque rem sequatur, & quid sit cuique contrarium.

Quare nos docet Dialectica, qua ratione de rebus certo & evidenter, non confuse, sed distincte disseramus. In quo quidem cum varie suboriantur difficultates, qua studio, attentione, & usu possunt superari; cumque mens Logica instructa promptius & facilius, & certius disserat, quam si hac Scientia destitutatur; cum denique non minus indigeat habitu, quo recte definiat, dividat, argumentetur, quam ut congrue vel ornate loquatur, non minor est Logice, quam Grammatices, aut Rhetorices utilitas: præsertim cum difficultius sit recte cogitare, quam congrue loqui.

Quod autem opponunt potentiam naturalem non indigere arte ad operandum: ut patet in visu: ergo nec intellectus indiget Logica artificiali.

Facilis est responsio distinguendo *ant.* Si facultas non sit indifferens ad plures agendi modos, C. secus, N. Nulla autem est paritatis vel similitudinis ratio inter visum & intellectum: quia visus non est facultas quæ emendari possit per regulas, ut intellectus: quare homo naturaliter quidem differit, sed imperfecte admodum, si non sit à Logica instruatus, ut postea ostendemus.

Sed, inquiunt, natura est certior arte: ergo Logica artificialis nulla est, aut inutilis.

R. *Dist. antec.* Natura est certior arte, cum ad unum agendi modum est determinata, C. cum est indifferens ad plures agendi modos, Nego.

Non igitur de existentia Logice dubitare possumus: sed circa illius naturam complures sunt, & intricatae questiones, quæ in hac disputatione proemiali sunt dirimendæ. Primum itaque inquirendum nobis est quod sit Logice ob-

DE NATURA LOGICÆ.

jestum ; 2^o quod illius sit genus , quæ natura ; 3^o quæ illius necessitas , 4^o quæ illius partes.

Q U A E S T I O . II.

De obje^cto Logice.

Cum Philosophi pene omnes circa Logice præcepta consentiant , de illius tamen obje^cto & natura plurimum dissentiant : atque hæc opinionum diversitas hinc oritur , quod res quæ tractantur in Logica , instrumenta quibus utitur ad veritatem inveniendam , definitionem videlicet , divisionem , & argumentationem ; actiones ipsius mentis , signa denique quibus mens utitur , ut suos conceptus exprimit , non satis accurate plerique distinguant.

Cum igitur tria potissimum spectari possint in arte differendi , nimirum res de quibus differuntur , cogitatio ipsa vel mentis operatio , & signum , seu vox qua mentis cogitatio exprimitur . Quidam res omnes , ut à cognitione nostra nomen suum accipiunt , ac definitæ , aut divisæ , aut ratiocinio evolute dicuntur , ut Logicæ objectum considerant . Alii voces ipsas aut signa , ut Grammatices , aut Rhetorices , sic Logices obje^ctum constituent . Communior sententia , & verisimilior , ut inter extremas media , mentis operationes ad verum dirigendas & conformandas esse objectum Logices decernit .

Triplex est , ut diximus , mentis operatio , perceptio , iudicium & discursus . Methodus enim , quamplique quartam mentis functionem esse volunt , ad tres illas pervulgatas revocatur . Nam mens per simplicem perceptionem inquietur quomodo partes alicuius scientiae sint ordinandæ ; per iudicium decernit hoc vel illo modo res esse disponendas ; per discursum denique certam initiationem , cur hoc modo eas disponat .

Prima mentis actio , perceptionis , aut conceptus , aut simplicis apprehensionis nomine signari solet . Quæ quidem voces primum mentis aspectum exprimunt . Cum enim tei alicuius imaginem cogitatione de pingimus , primus ille mentis intuitus , quo rem libi representat , seu præsentem libi exhibet , aut illius ideam effingit , perceptio , vel apprehensio vocatur : quæ una plurimæ voce aut incomplexa , ut sol , aut complexa , ut sol lucidus , exprimitur . Est igitur simplex apprehensio , prima mentis actio , qua res aliqua cognoscitur circa affirmationem , aut negationem : adeo ut perceptio illa sit simplex , non tam ratione objecti , quod sepe est complexum : (ut quando concipitur sol lucidus) quam ratione modi quo res percipitur , qui nullum iudicium , aut discursum includit .

Judicium est actio mentis , qua subjectum cum attributo conjungit , cum scilicet affiat ; aut unum ab altero separat , cum negat .

Discursus aut ratiocinium tum dicitur , cum unum ex alio colligimus : sed de his sepe pluribus . Jam ad propositam questionem veniamus .

Quæ ut facilius ditimatur , meminisse oportet objectum dici id omne , circa quod facultas , vel habitus versatur . Illud est materiale , aut formale . Objectum materiale dicitur subjecta facultati vel habitui materies : sic res quæ videntur , sunt objectum materiale visus . Formale vero objectum est ratio , secundum quam res aliqua à facultate , vel ab habitu consideratur ; aut modus ipse considerandi , vel id quod facultas attingit in obje^cto : ut color est id ipsum quod oculus videt in rebus . In arte medendi corpus humanum est objectum

illius materiale : sed illius objectum formale est idem corpus humanum ut fac
nabile. Cum aliquod intercedit medium inter facultatem & objectum, id tum
dicitur objectum *sub quo* : ut lumen est objectum *sub quo* visus : nam medio
lumine res videntur. Principia cuiusque scientiae, quibus tanquam luminibus
conclusiones illustrantur, sunt objectum *sub quo* cuiusque disciplinæ. Subjectum
conclusionis est objectum materiale, attributum est objectum formale, vel *quo*.

Quod nos vocamus objectum, id veteres subjectum dixerunt : quod sit sub
jecta facultati, aut scientiae materies. Duplex autem id statuere, attributionis
unum, cui proprietates omnes quæ tractantur in scientia, tribuuntur ; opera
tionis alterum, idque in disciplinis practicis : sic corpus humanum est subje
ctum operationis medicinæ ; ferrum est subjectum operationis artis fabrilis,
cujus objectum formale est forma clavis.

Rursus objectum aliud est adæquatum, quod scilicet tantum patet, quan
tum facultas, vel habitus : id quoque specificativum solet appellari : quod ex eo
speciem suam, & naturam facultas vel habitus desumat. Aliud est inadæqua
tum, ut homo est objectum Physicæ.

His ita positis, ad questionem veniamus : sed prius quæ certa sunt, ab in
certis separaremus.

1º. Illud certum nobis videtur res omnes non esse Logices objectum, nisi
materiale & remotum. Non enim de rebus omnibus accurate & ex professo
tractatur in Logica : sed quatenus de iis disseri potest, ad materiale illius ob
jectum utcumque pertinent. Illud enim est artificis, materiam in qua operatur,
si non perfectè, saltem imperfectè cognoscere. Sic faber naturam ferrri ignora
re penitus non debet. Simili ratione Logicus res omnes summatim percurrit,
ut de iis disserat, iis omnibus regulas suas, & præcepta applicet.

2º. Illud eium contra Nominales ut certum & exploratum statui debet ;
Logica objectum adæquatum non esse exteriorem sermonem, sed interiorem,
seu ipsam cogitationem, aut mentis operationem, quæcumque illa sit. Tam
etsi enim Dialectica dicta est à verbo Græco διάλεξις, quod proprie est
colloqui interrogando & respondendo : hinc Dialogi dicuntur, cum collocuto
res ita differunt, ut alii interrogent, alii respondeant : qui modus docendi à
Socrate, Platone, & omnibus pene Academicis fuit usurpatus : ut Gramma
tica ita fuit appellata, quod circa literas versetur.

Non utique ipsa notatio, seu interpretatio nominis, sed illius usus spectati
debet : nec Logica tam externum sermonem, quam internum considerat, ut
ad veritatem formari debet : nec mutus qui non potest differere, Logicus es
se desinit. Dialectica igitur quamvis sit ars differendi, tamen circa nostras co
gitationes potius, quam circa voces externas occupatur. Hinc Plato in Thæete
to, *cogitatio*, inquit, *est sermo*, quem mens apud se volvit circa illa quæ
considerat. Cum enim cogitat, secum ipsa differit : adeo ut cogitatio sit ipsa
sine strepitu vocis oratio, aut interior quædam colloquio. Hunc igitur sermo
nem Logica pro objecto sibi vindicat, non voces, non signa rerum, ut No
minales opinantur.

3º. Id quoque videtur certum, Argumentationem, ut putat Albertus, vel
Syllogismum, ut placet Scoto, Demonstrationem denique, ut existimat
vetus Aristotelis commentator Simplicius, ad objectum Logicæ pertinere, sed

L O G I C A E.

Inadæquatum duætaxat: nam definitio & divisio per se & ratione sui, nec locum propter argumentationem in Logica pertractantur. 55

Omnis ergo controversia nobis cum Thomistis fere relinquitur. Si quippe objectum Logica statuunt vel ens rationis, ut directivum est trium mentis operationum; vel secundas intentiones Logicas. Quæ quidem opinio cum paucis videatur obscurior, ea fusiæ est explicanda.

Cum rem cognoscimus, ut in se est, tum illa dicitur prima intentio, seu attentio, aut cognitionis. Verum ubi rebus cognitis quasdam rationes, aut denominations affingimus, quæ non sunt in rebus, sed mentis nostræ actiones consequuntur: cujusmodi sunt in propositionibus conversiones, & oppositiones; subiecti, aut prædicati notiones: hæc vocantur entia rationis, quod à ratione fiant; aut secundæ intentiones Logicas, quatenus ad veritatem tendunt: ut in Grammatica, casus, genera, & alia hujus generis sunt quoddammodo secundæ intentiones Grammaticæ. Secundæ igitur intentiones rebus ipsis tribuuntur, ut à mente nostra efficiuntur: ut quod res sit definita, aut divisa. Itaque id videtur Thomistis hæc entia rationis esse objectum Logicae; non mentis quidem operationes, sed magis illius opera, definitionem videlicet, divisionem & argumentationem.

Intentio autem vel est objectiva, quæ est res cognita, vel formalis, quæ est cognitionis rei: utraque est duplex, una est prima, altera secunda. Intentio objectiva prima est res considerata secundum se, vel penes ea quæ habet independenter ab ipsa mentis reflexione: ut homo cognitus quatenus homo: intentio objectiva secunda est res considerata secundum ea, quæ illi convenienter dependenter à mentis actione: ut cum homo dicitur prædicatum in aliqua propositione, aut subiectum.

Intentio formalis prima est actio intellectus, quæ versatur circa intentionem objectivam primam: ut cognitionis hominis. Intentio formalis secunda est actio mentis quæ versatur circa intentionem objectivam secundam: ut cognitionis prædicati & subiecti.

Intentio formalis non est ens rationis: nam est actio mentis, quæ quidem est realis: sed sola intentio objectiva secunda est ens rationis: quia nihil est reale existens in rebus ipsis: sed sola denominatio extrinseca, quæ repetitur ab actione intellectus qua res dicitur aut cognita, aut definita. His explicatis sit

Prima conclusio.

Objectum Logicae adæquatum & proprie dictum non est ens rationis, vel secunda intentio.

Probatur. Illud est proprie objectum discipline, quod propter se & ratione sui ab ea consideratur. Atqui ejusmodi entia rationis non considerantur à Logica propter se, sed tantum propter operationes mentis, ut ad verum dirigendas. Ergo entia rationis non sunt objectum Logicae.

Secunda conclusio.

Objectum Logicae adæquatum sunt tres mentis operationes, ut ad veritatem dirigendæ.

Probatur conclusio. Objectum adæquatum alicujus habitus, vel scientiae,

54 illud est quod commensuratur habitui, aut disciplinae, id est, quod tantum patet, quantum habitus; quod speciem & distinctionem ei tribuit; & ad quod omnia referuntur, quæ in scientia vel habitu tractantur. Sed triplex mentis operatio, ut ad verum dirigenda tantum patet, quantum Logica ipsa; hanc ab omnibus scientiis, aut disciplinis distinguit; eo denique referuntur omnia quæ traduntur in Logica; eo tendunt regulæ omnes, & præcepta Logice, neque ulla sit mentio de arte conficiendi entis rationis; ac denuo operatio mentis univoce, aut ex æquo convenit cuilibet functioni mentis. Ergo objectum adæquatum Logice sunt tres mentis operationes, ut ad verum dirigendæ, non entia rationis, seu à ratione facta.

Diluuntur objectiones.

Opp. 1. Logicam versari circa entia rationis, ut circa definitionem & divisionem; subjectum & attributum propositionis; formam syllogismi. Ergo objectum Logice est ens rationis, aut secunda intentio logica, non tres mentis operationes.

R. Dist. ant. Logica versatur circa entia rationis, ut iis utatur tanquam instrumentis ad perficiendas mentis actiones, C. ut in iis conquefcatur, N. Itaque Logica agit de genere & differentia, ut definitioni; de subjecto & attributo, ut propositioni perficienda serviantur. Sed definitionem formalem, aut mentalem propositionem, aut rectam ratiocinationem primo & per se considerat, non secundas intentiones objectivas, quas tantum per accidens contemplatur, & secundario, ut dirigendis mentis functionibus sunt utiles.

Opp. 2. Ordo seu dispositio, quam efficit Logica, non est in ipsis mentis operationibus, sed in rebus ipsis: sicut dispositio artificiosa colorum, aut lapidum, non est in ipsis actionibus Pictoris, aut Architecti, sed in coloribus, aut lapidis. Ergo objectum formale Logice non sunt actiones mentis ordinatae, sed dispositio ipsa artificiosa, quam in rebus efficit.

R. Neg. ant. Illa enim artificiosa dispositio, quam Logica in rebus ipsis facere concipitur, aut nihil est nisi denominatio extrinseca, que à cognitione nostra desumitur; aut certe falsa est illa dispositio, cum ut forma quedam rei adveniens concipitur, nec potest esse objectum alicujus scientiae. Quare forma aut dispositio, quam Logica per regulas & præcepta tentat inducere, ad actiones iplius mentis proprie pertinet; iis proxime applicatur; rebus vero definiendis remote duntaxat & secundario applicatur.

Opp. 3. Logica mentis operationes non considerat, sed mentis potius, opera: ut artis & lificatricis objectum non est ædificatio, sed ædificium; artis fabrilis objectum est forma clavis, non ipsis effectio. Mens vero ipsa, & illius actiones ad eam Physicæ partem pertinent, que circa animam rationalem occupatur. Ergo objectum Logice non est mentis operatio, non definitio formalis, aut divisio, sed res ipsa definita, aut divisa, seu, ut aiunt, definitio objectiva, aut divisione, aut argumentatio.

R. Neg. ant. Ad probationem dico longe disparem esse Logices, & aliarum artium ratione n. Nam artes pene omnes non operationes manus, sed opera ipsi querunt: Logica autem non timet mentis opera, quam ipsis mentis actiones vult perficere & dirigere. Hoc enim magnæ est utilitas, rationem ip-

sam formare. Unde & rationalis scientia appellatur, non quod circa entia rationis versetur, sed quia rationem ipsam format, & dirigit. In ceteris artibus, ut in architectura, quæ inducit forma, pertinet ad ipsum ædificium. At forma quam per suas regulas Logica efficit, non ad res ipsas quæ definiuntur, sed ad mentis operationem, qua res aliqua definitur omnino pertinet: huic inest, non rei definitæ. Quamvis autem Physica & Logica circa actiones mentis occupentur, ut circa idem objectum materiale, non tamen codè modo ab utraque scientia eç spectantur, neque idem est objectum utriusque formale. Physica aut Metaphysica mentis operationes, ut sunt illius effectus considerat: Logica circa easdem actiones, ut ad verum conformandas versatur.

Inßtant. Hoc commune est omnibus disciplinis, Physicæ v. g. & Mathematicis, ut mentis functiones in sua quæque materia dirigant, & perficiant. Ergo id non est objectum Logicæ proptium, ut mentis operationes perficiat, aut regat.

R. Diff. Ant. Id commune est omnibus disciplinis ut operationes mentis dirigant, diversa quidem ratione, ac Logica eas dirigit, C. eadem ratione, N. H. &c autem est propria ratio Logices, ut operationes mentis ad veritatem conformer, & regulas præscribat, quibus ex perficiantur, & ita disponantur, ut clare & distincte, non confuse, de quacunque materia possit differere. Aliae disciplinae materiam suggestur: Logica formam ipsam inducit. Unde & satis apte definitur ars recte utendi ratione. Quod utique alias disciplinae non praestant per se, sed tantum per accidens, quatenus de rebus rite perspectis melius differimus, aut rectius cogitamus. Sed ut res ipsas habeamus perspectas & exploratas, hoc præstat Logica & viam demonstrat, qua tuto & citra errorem, in retum indagatione progrediamur, ne veritatis specie decepti aberremus.

Q U A E S T I O III.

De genere & natura Logice.

UT virtus moralis voluntatem, sic virtus intellectualis mentem perficit: illa ad bonum, hæc ad verum nos dicit, eaque vulgo quintuplex numeratur: Intelligentia, quæ est principiorum cognitio; Sapientia, qua res altissime cognoscuntur; Scientia, quæ cognoscimus res per causas necessariæ; Prudentia, quæ est recta ratio agendorum; Ars denique quæ est recta ratio rerum faciendarum, ut domus, aut alterius operis. Palam est Logicam neque esse intelligentiam, neque sapientiam, nec denique prudentiam: cum circa prima principia, aut res adeo sublimes, aut denique circa actiones voluntatis liberas non versetur. Omnis adeo controversia in hoc posita est, an sit ars, vel scientia. Cum autem hujus questionis decisio ex vocum explicacione potissimum pendeat, ante omnia quid scientie, quid artis nomine intelligamus, explicandum videatur.

Scientia ab omnibus hoc loco accipitur pro cognitione certa & evidente per demonstrationem acquisita; seu pro cognitione rei necessariæ per suas causas; eaque est vel speculatrix, vel practica.

De artis vero nomine non ita convenienter Philosophi: plerique eam defi-

nunt cum Aristotele habitum vera cum ratione effectivum. Est quippe habitus qui opus aliquod exterrum molitur : efficere enim idem est, si notationem nominis species, atque extra facere. Unde artes usitato vocabulo dicuntur, que circa aliquod sensibile versantur, sive relinquant opus post se, ut ædificatrix, sive nullum, ut saltatrix. 2º. Artem pro certa præceptorum, quæ ad finem vite utilem tendunt, congerie usurpant. Sicque vulgo artes liberales à mechanicis distinguuntur, quod illæ ad animam, hæ ad corpus, vel ad servilem hominis partem pertinent. His positis, sit.

PRIMA CONCLUSIO.

Logica est scientia proprie dicta.

Probatur conclusio. Illa est scientia, quæ multis habet & efficit demonstrationes. Sed Logica plures habet & efficit demonstrationes. Multa enim circa definitionem, divisionem & argumentationem Logica demonstrat ; nec solum tradit regulas definiendi, aut dividendi, sed etiam rationes certas & leges bonæ & accurate definitionis, aut divisionis assert & probat : ut quod definitio constare debeat genere & differentia ; quod clarior esse debeat re definita ; quod divisio distinctam efficiat rei cognitionem ; quod tres terminos in syllogismo ; non piures esse oporteat. Ergo Logica est cognitio per demonstrationem acquisita, & scientia proprie dicta.

Confirm. Si quid obstat videatur, quominus Logica sit scientia proprie dicta, illud est maxime quod illius objectum, triplex nimirum mentis operatio, pendeat ab homine libere operante. Sed haec ratio nulla est : cum Physica, quæ fatentibus omnis est scientia, objectum habeat quod pendet à Deo liberte operante, quodque est tantum necessarium ratione scientiæ, non ratione existentiæ. Ergo quo jure Physica est scientia, eodem & Logica scientiæ nomen sibi vindicat.

Solvuntur objectiones.

Oppon. 1º Scientiam esse de rebus necessariis : Sed ea de quibus agitur in Logica, non sunt necessaria, sive sint operationes mentis, sive illius opera, que possunt fieri, aut non fieri. Ergo Logica non est scientia proprie dicta.

Refp. Difst. may. Scientia est de rebus necessariis, quantum ad essentiam, seu connexionem subjecti & prædicati, C. quoad existentiam, N. Non enim id requiritur ad scientiam, ut illius objectum existat necessario : cum id uni Deo conveniat : sed satis est, ut sit connexio necessaria inter subjectum & prædicatum, quæ considerantur in scientia. Sic semper verum est virtutem in medio consistere ; nihil concludi ex duabus negativis. Nec Moralis, nec Logica de hujus hominis virtute, sed de virtute in universum, aut de syllogismo suas demonstrationes efficiunt. Atqui ex hypothesi quod fiat syllogismus, constare debet tribus terminis, & tribus propositionibus.

In tabulis, si necessitas existentiæ in objecto sufficit ad rationem scientiæ, Ars ædificatrix, Grammatica, Rhetorica & omnes artes nomen scientiæ sibi merito assument : nam ex propriis principiis demonstrationes conficiunt. Sic demonstrat Architectus parietem ad normam, seu ad perpendiculararem lineam extructum rectum esse, non inclinatum, & cum volet, hanc demonstrationem efficiet.

Paries ad normam extructus stat firmus. Sed hic paries ad normam, seu ad lin-
eum perpendicularē est extructus. Ergo firmus est, non nutat.

R. Neg. Maj. Artes enim omnes non tam objecti sui notitiam, quam il-
lius productionem, aut genēsim spectant. Neque artifex ullam efficit demon-
strationem, ut est artifex, sed forte ut superiore alia scientia utecumque est
instructus. Sic qua affertur demonstratio, ad Physicam pertinet, cum princi-
pio physico innitatur, atque omnis demonstratio ad eam referatur scientiam,
cujus sunt principia, unde eruitur conclusio.

Sic Rhetorica & Grammatica nihil sunt nisi artes, quae magis usū, quam de-
monstrationibus nituntur; illa ornatum, hæc sermonis constructionem, Lo-
gica veritatem querit: hinc non tantum regulas tradit, aut præcepta, sed ea
demonstrationibus munit & confimat. Grammatica vero nihil proprie de-
monstrat de suo objecto: cum illius regulæ ex hominum pendeant arbitrio.
Reliquæ artes, si quæ demonstrent suas regulas, principia demonstrationum
aliunde mutuantur. Sed Logica demonstrationes efficit, que ex propriis &
certis principiis ducuntur, non mutuatitiis duntaxat, aut ex fecunditate inge-
nii delusumplis innititur.

Vrgent. Operationes mentis pendent à præceptis, quæ sunt mutabilia: ergo
non sunt necessariae, etiam quantum ad essentiam.

R. Negando præcepta Logicæ esse mutabilia.

Sed frustra, *inquis*, dantur præcepta de re immutabili.

R. Non frustra dari illa præcepta: cum operationes mentis bene & male
fieri possint: quo autem recte fiant, præceptis Logicæ opus est.

Oppon. 1^o. ex Arist. loca plurima, in quibus Logicam ex albo scientiarum
videtur expungere: ut cum docet, 1^o, absurdum esse simul scientiam querere,
& modum sciendi. 2^o. cum in Topicis tradit Philosophiam agere de iis quæ
ad veritatem, Dialecticam de iis quæ ad opinionem pertinent. 3^o, cum
alibi assertit Dialecticam nullum habere objectum definitum, sed eam vagari
per omnes disciplinas.

R. Aristoteli in his & aliis locis scientiæ nomen strictiori significatu acci-
pere pro scientia speculatrice, & admodum sublimi, cuius generis est prima
Philosophia, seu Metaphysica: interdum etiam Dialecticam pro facilitate,
aut dexteritate quadam de re probabili disputandi usurpat. Quo quidem mo-
do accepta nullum habet objectum determinatum. Cum vero ait absurdum
esse simul scientiam & modum sciendi querere, tum eos refellit Philosophos,
qui Logicam non separatim, sed confuse & simul cum aliis disciplinis edoce-
bant. Accedit illud etiam, nihil nos cogere, ut per modum sciendi intelliga-
mus Logicam ipsum: ea quidem organa aut instrumenta, seu modos sciendi
tradit & conficit, sed non idcirco tantum modus sciendi, aut putum organum
dici debet. Vis ejus per omnes disciplinas fusa est, & omnibus est utilis:
sed tamen habitus est ab aliis distinctus, & suum proprium habet objectum,
nec cum aliis confundi debet. Ac denique si instrumentum eam dici oporteat,
erit instrumentum coniunctum, ut manus, quæ est pars hominis, est illius or-
ganum. Sic Logica, licet sit pars Philosophie, est tamen illius organum con-
iunctum, non separatum instar securis, aut gladii.

Logica est scientia practica.

Probatur conclusio. Illa est scientia practica, quae per se tendit ad opus; nec quiescit in sui objecti contemplatione: sed Logica est ejusmodi: non enim naturam, leges & proprietates definitionis, divisionis & argumentationis tradit, ut in his sitat, sed eo potissimum tendit, ut regulæ, quas tradit, ad usum adhibeantur. Ac nulla est pars Logicæ, quæ operationes mentis per certas regulas, aut præcepta ad veritatem non dirigat: ergo Logica est scientia practica.

Confirm. Eadem est ratio Moralis Philosophie, quæ Logicæ: nam ut illa circa voluntatis, sic Logica circa mentis actiones ut dirigendas versatur: sed Moralis est omnino practica, ut facientur omnes: Ergo & Logica.

Dices, vox illa scientie practicæ inaudita est apud antiquos, & contradictionem manifestam involvit: nam scientia objectum est omnino necessarium: quod autem sub proxim venit, est contingens, idque potest bene, aut male fieri.

R. Neg. ant. nam Arist. l. 2. Metaph. cap. 1. Philosophiam vocat scientiam veritatis; tum subnecit, *Speculativa enim finis est veritas: practica autem opus.* Cum autem in Analyticis docet scientiam differre ab arte, quod hæc versetur circa generationem, seu operationem, illa circa existentiam rei, nomen scientie strictiore significatu accipit.

Opp. 2. Operationes mentis sunt facultatis cognoscentis: ergo speculations quedam; atque adeo Logica quæ circa eas occupatur, erit speculatrix, non practica.

R. Neg. ant. Nam operationes mentis quatenus sunt dirigibiles per certas regulas, non sunt puræ speculations. Sic definitionis cognitio, quæ ad efficiendam definitionem tendit, non est pura speculatio, nisi ratione rei definite, quæ tantum cognoscitur. At si regulæ ipsæ, & leges definitionis spectentur, ea quidem ratione definitio practica dici debet.

Quod demum objiciunt scientie practicæ objectum esse contingens, jam supra r̄spōsum fuit objectum esse contingens quoad existentiam, non quoad es- tentiam. Reliqua quæ opponi possunt, sequenti conclusione diluentur.

TERTIA CONCLUSIO.

Logica Ars etiam dici potest.

Probatur conclusio. Ars est recta ratio rerum faciendarum: sed Logica est ejusmodi: constantes enim & perpetuas recte definiendi, dividendi & argumentandi regulas tradit; has quoque ad usum applicat: ergo nihil ei deest ad rationem artis: præfertim cum sit practica, & præscriptas regulas excusat. Unde & definiti solet Ars differendi, vel ut ait Tullius, *Ars veri & falsi disceptatrix & judex:* aut quæ optima nobis videtur illius definitio; Ars recte utendi ratione. Artem enim dicimus virtutem mentis, quæ directrices regulas, & nunquam errantes complectitur; quas consulimus, cum agimus. Quod

utique Logicae precipuo quodam jure convenit, cum rationem ipsam dirigit & perficiat.

Confirm. Ars definitur habitus vera cum ratione effectivus: sed Logica vera cum ratione, hoc est, certis regulis innixa aliquid operatur & efficit, cum mentis functiones ad veritatem dirigit. Effectio enim dicitur omnis operatio quæ non ad honestatem (tum enim proprie est actio) sed ad aliud finem tendit: ergo Logica est ars proprie dicta.

¶ Quo autem facilius, quæ opponi solent, disolvantur, id notatum oportet, quod ut eadem virtus mentis, & sapientia, & scientia dici potest, cum una vix ab alia differat: atque ut scientia speculatrix & practica diverso respectu nominatur: cum enim sola contemplatione contenta est, speculativa nominatur; practica, cum ad opus tendit. Simili quidem ratione eadem virtus mentis, aut habitus simul & scientia, & ars dici potest: scientia cum objecti naturam considerat, & ejus proprietates demonstrat; ars vero nominatur, quatenus præcepta quædam, aut regulas utiles præscribit, easque exequitur.

Notandum 2º Eiusmodi controversias in vocibus magna ex parte politas optimis ratione tum dissolvi, cum vocum ambiguitas tollitur. Sic concedimus scientiam aliquando tam pressa significatione accipi, ut Logica scientia dici non possit. Simili ratione artis nomen aliquando pro arte mechanica & servili, quæ aliquid sensibile exterius efficit, usurpatum; tumque Logicae non convenit: nisi forte juxta Nominales, qui sermonem exteriorem precipuum Logicae objectum statuunt. Non negamus tamen exteriorem sermonem ad Logicam pertinere, ut objectum secundarium: nam & definire dicit, & dividere, & varias propositiones ac syllogismos Logica efficit; atque ea ratione artis nomine tam est donanda, quam Grammatica, aut Rhetorica.

Solvuntur objectiones.

Opp. 1º Omnem artem circa opus sensibile versari: sed nullum est opus sensibile Logicae.

R. Dist. maj. Omnis ars servilis & mechanica, *C.* Omnis ars liberalis, cuiusmodi est Logica, Nego.

Opp. 2º Idem habitus scientia & ars esse non potest: sed Logica est scientia: Ergo eadem ars dici non potest.

R. dist. maj. Idem habitus scientia & ars esse nequit, eodem respectu, aut sub eadem ratione, *C.* diverso respectu, *N.* Sic Logica quatenus demonstrat sui objecti proprietates, est scientia Theoretica: quatenus vero certas regulas præscribit, etenus est practica, atque artis etiam nomen sibi vindicat: nam mentis actiones artificiose disponit ac perficit. Unde fatemur eundem habitum non esse simul artem & scientiam speculativam; sed nihil impedit quoniam sit ars simul & scientia practica.

Instant. Eadem & simplex qualitas simul scientia & ars esse non potest: sed Logica est una qualitas, & unus habitus. Ergo, &c.

R. Dist. maj. Eadem qualitas eodem modo spectata, *C.* diversa ratione considerata, *N.* Neque id mitum videti debet, cum Geometria sit scientia speculatrix, quatenus figurarum proprietates demonstrat, artis quoque habeat rationem, quatenus demonstrationes ad usum, ut ad terram dimetendam adhibet. Idem est judicium de Arithmetica, quæ speculatrix simul est &

practica , scientia & ars ; ; scientia est ut numerorum rationes & proprietates demonstrat ; ars vero, ut eas regulas ad usum vitae civilis , aut ad alium finem applicat.

Neque hoc loco inquirimus an ars vel scientia sit simplex , & indivisibilis qualitas , an demonstrationum , aut regularum congeries. Id enim erit alias excutiendum ; interim admonemus non eam esse unam & simplicem qualitatem.

Opp. 3^o. Nulla ars principium est earum operationum , quæ immanentes dicuntur , quales sunt functiones mentis : sed Logica est earum principium , definitionis nimurum , divisionis & argumentationis. Ergo Logica nullo modo ars dici debet.

R. Diff. maj. Ars nulla est principium operationis immanentis primarium , C. secundarium , N. Itaque mens ipsa est primum principium definitionis , Logica vero est principium illius secundarium eo modo quo diximus.

Opp. 4. Iisdem Logica utitur principiis , quibus scientiæ speculatorices : quale est illud artificii syllogistici fundamentum : quæ sunt eadem uni tertio , sunt eadem inter se. Modo etiam procedit speculativo : artificiosa enim illa dispositio syllogismi extra intellectum non prorumpit , & in sola cognitione sicut actiones vero intellectus ad praxim non pertinent : secus omnes scientiæ essent practicæ : Ergo Logica non est practica , neque adeo ars dici potest.

R. N. Conf. Quædam enim principia possunt esse Logicæ & scientiis speculatoriis communia , sed non idcirco Logica inter scientias speculatorias est numeranda. Sic Geometrica practica iisdem utitur principiis , quibus Geometria speculatoria. Cum autem objicitur modum procedendi Logisticum esse speculatorium , & actiones mentis non esse practicas , distinguendum est : actiones , ut elicuntur ab intellectu , & tendunt ad veritatis cognitionem , non sunt practicæ , C. ut certis præceptis , aut regulis formantur , non sunt practicæ , N. que distinctio ubique pene est adhibenda.

Instant. Intellectus ex Arist. extensione fit practicus : ergo praxis ad intellectum non pertinet , sed ad alias facultates.

R. Diff. Conf. Praxis stricto & presso significatu accepta , C. praxis latiore & magis usitata significatione usurpata , N. nam strictiore significatu ea tantum sub praxim veniunt , quæ exterius operamur. Verum si praxis paulo latiore significatu usurpetur pro eo omni quod juxta artis regulas , aut præscripta efficitur , tum Logica quæ suas applicat regulas , practica dici potest ; quanquam illius praxis ad cognitionem ut ad finem ultimum tendit

QUÆSTIO IV.

An Logica sit necessaria aliis disciplinis comparandis.

MUltum hic & acriter disputant Philosophi de necessitate Logicæ , cumque omnes fateantur eam esse permagni usus , & pene necessariam cæteris disciplinis acquirendis , omnis controversia in eo posita est , an ea sit simpliciter necessaria , ut navis ad trajiciendum mare , aut cibus ad vita conservationem ; an sit tantum necessaria , ut vocant , secundum quid , hoc est , ut tutius & facilius cæteras disciplinas consequamus. Sic equus est itineri con-

fiendo necessarius, & multa hoc sensu necessaria dicimus, quod magnæ sunt utilitatis.

Duplex etiam est status scientiæ comparandæ, unus perfectus, cum & difficultiora probare possumus, que ad scientiam pertinent, & solvere, quæ contra opponuntur; alter est imperfectus, cum aliquas tantum conclusiones novimus, non omnes, aut saltem difficiliores, nec solvere possumus difficilima quæ contra afferuntur. Plerique Philosophi in ea sunt sententia, ut Logicam absolute necessariam scientiis in statu perfecto acquirendis putent; alii utilem tantum, non omnino necessariam arbitrantur. Quæ quidem controversia, ut dirimatur,

Distinguenda nobis est duplex Logica, naturalis una, artificialis altera. Naturalis est vis illa, qua mens cogitationes suas disponit & cogit in ordinem, vel ratiocinatur sua sponte, etiam circa disciplinam. Hæc sane directrices quædam leges à natura ipsa præscriptas consulit, & naturæ quodam velut tyrocinio erudita ad eas leges sua opera & ratiocinia exigit: secus nihil quod illam deceat, nihil humani aggreditur. Naturæ enim duce præcepta fere omnia sequimur, quæ postea longo studio, & magna industria à Dialecticis tradita sunt: ita ut artem ipsam ratiocinatricem pene à natura edocti esse videamur. Neque enim artem ab iis regulis & præceptis, quibus artifices in agendo diriguntur, secernimus. Itaque naturali quadam industria multa argumenta excogitamus, definimus, pattimur, concludimus, inventa ordine quam optimo collocamus.

Logica artificialis usū & exercitatione, disciplina denique acquiritur, ea-que ex variis observationibus circa mentis operationes factis ortum suum & incrementum duxit. Nam Logica, ut aliae omnes disciplinæ initium à natura, summam, seu perfectionem suam ab usu & longa observatione accepertunt.

Varia etiam scientiarum genera distingui solent. Quædam sunt, quæ ex principiis per se notissimis quasi sponte sua fluunt, in quibus fere nullus est controversiæ locus; aliae sunt in civili vita positæ, quæ contradicendi majorem præbent locum: ut *Moralis*, *Jns civile*, *Politica*. Sunt quædam magis à natura involutæ, quarum principia sunt abdita, ut naturales disciplinæ; aliae ex ingenii fecunditate magis pendent, ut *Metaphysica*, quæ magna ex parte communes rerum affectiones, ut à mente separatas & abstractas considerat, ut essentiam & existentiam. Sunt demum quædam scientiæ, quæ ex multis experimentis & observationibus prodiere: cuius generis forte est ars medendi, magna pars *Physice*, & pene omnes mixtæ *Matheseos* partes, ut *Astronomia*, *Optica*, *Mechanica*.

His bene intellectis non erit difficile dijudicatu utrum, & qua ratione Logica sit scientiis comparandis necessaria. Sit igitur

Prima Conclusio.

Logica disciplinis omnibus, que in vita civili positæ sunt, Metaphysicæ etiam, & Physicæ saltem generali absolute est necessaria, ut in statu perfecto habeantur.

Probatur. Ut scientia habeatur in statu perfecto, principia ejus debent esse certa, & conclusionum cum principiis aperta connexio, cavillationes denique omnes refelli: atque in his quas enumeravimus scientiis hæc præstari non pos-

sunt sine Logica : cum earum principia non sint adeo notaⁱ, nec tanta sit conclusionum evidētia, ut non habeant multum obscuritatis. Ergo his disciplinis necessaria est Logica.

Confirmatur. Una est Logica, quæ harum disciplinarum demonstrationes possit expendere, easque ad regulas & leges demonstrationum, quas ipsa tradit, exigere ; nec solum quæ ad materiam, sed etiam quæ ad formam demonstrationis pertinent, cognoscere, cavillationes deum adversariorum refellere : ergo Logica est absolute necessaria ad hujusmodi scientias in statu perfecto comparandas.

Hinc Parmenides apud Platonem sic hortatur Socratem : *Collige, inquit, se ipsum, & dum juvenis es, diligenter exerce te in ea disciplina quæ multis videtur garrulitas.. Alioquin enim veritas fugiet te.*

De his scientiis intelligendus est Galenus, cum adversus Erasistratum Logicæ necessitatem probat. Vel quodlibet, inquit, sequitur ex quolibet, vel non ; si posterius, opus est arte quæ doceat quid sequatur, & quid non. Si vero prius ; ex eo, quod corvus sit niger & cygnus albus, sequitur quod Erasistratus sit stultus..

Sic Aug. *Quomodo*, inquit, *ratio ad alia fabricanda transiret, nisi prius sua quasi quedam instrumenta, & machinamenta distingueret.*

Confirm. 2^o. Vix quicquam nos scire in his scientiis certi erimus citra Logicam : non enim possumus ostendere rectam esse consecutionem, legitimam esse demonstrationem, nisi à Logica simus instructi.

Secunda Conclusio.

Logica utilis est, non absoluē necessaria ad scientias acquireendas, que ex usu & observatione magis, quam ex argumentatione fluxerunt.

Probatur Conclusio. Ha scientiæ magis inductionibus, quam syllogismis constant : sed Logica naturalis plerumque sufficit ut dijudicemus an experientia sint rite facta, an per inductionem conclusio recte deducatur : neque opus est syllogismorum regulas consulere : ergo Logica, ut sit ad eas scientias utilis, quia illius ope melius cogitationes nostras disponimus, & objectionum nebulas discutimus, non est tamen absolute necessaria.

Confirm. Hippocrates omnium Medicorum Princeps artem suam optime calluit, ne cum tamen ullis Dialecticæ erat usus : nondum enim ab Aristotele aut inventa, aut in ordinem coacta fuerat : nec crediderim ad Astronomiam, quæ observationibus tota inititur, aut ad Mechanicas, aut Optimam, aut Chymiam, aut deum adversariorum disciplinas, quæ experimentis constant, Logicam adeo esse necessariam: cum multi in iis scientiis excellant, quia à limine quidem Logicam salutarunt.

Tertia Conclusio.

Multo minus Logica est necessaria Geometriæ & Arithmetice, tum aliis, si quæ sint, Matheseos partibus, que à Physica non pendent.

Probatur experientiâ. Nam oīm pueri Mathesim docebantur, & nunc plures eam addicunt, antequam præceptis Logicæ imbuantur. Euclides ipse, ut multis videtur, ante Aristotelem floruit, atque ex eo perfe*tum* demonstrationum exempla mutuatur Aristoteles : Ergo ad has scientias comparandas nullus prope usus est Logica.

Confirm. Non videmus Geometras multum sollicitos de argumentorum formulis, an ad Logices præscripta & leges sint composita; & tamen nulli sunt, qui aut acius demonstrent, aut magis persuadeant: Ergo Logica huic scientiæ in statu perfecto acquirendæ non est necessaria.

Hujus rei ratio est, quod Geometræ, aut Mathematici naturam ducem fere sequantur; ab iis quæ prima sunt, simplicia, & maxime communia, ad magis composita gradatim descendunt: nullam in terminis ambiguitatem relinquent; voces omnes, quibus utuntur, definiunt: ut quid figuræ, quid circuli, quid trianguli nomine intelligent. Quo quidem fit ut in forma demonstracionum vix errent: non enim forte ab iis regulis, quas natura ipsa præscribit, discedimus, nisi cum terminorum homonymia abutimur, aut medio termino alium tribuimus intellectum, vel sensu in majore, alium in minore proportione.

Præmittunt etiam Geometræ quedam axiomata lucida per se & clara, ex quibus fluunt quæ sunt deinceps demonstraturi; ut quæ eadem sunt uni tertio, sunt eadem inter se.

Postremo conclusiones vel ex definitionibus, quæ venire in contentionem non possunt, vel ex iis principiis & effatis lumine naturali notis, vel ex aliis jam probatis demonstrant conclusionibus: quæ quidem vim principiorum jam obtinent. Nec cujus sit figuræ, aut modi syllogismus, ii molestius inquirunt, aut ad Logicæ regulas intendunt animum: cum interdum illa attentio obicit magis, quam profit: nam ab iis quæ sunt magis necessaria, plerumque animum avertit.

Quo autem objectiones diluantur, meminisse oportet nos Logicam ad omnes pene scientias, quæ in vita civili posita sunt, omnino necessariam statuisse. Hinc quæ Plato, Aristoteles & SS. Patres in laudem & necessitatem Logicæ dixeré, ultro concedimus. Atque illud verum est quod docet Aristoteles, Antiquos sepius errasse, quod Logicam neglexerint. Quanquam ne illud quidem negari potest, ex quo Logica artificialis inventa est, scientias non minus cavillis & captiosis Sophistarum argumentis obnoxias fuisse. Hinc multi ex SS. Patribus in Logicam acius invehuntur, nec tam illius usum, quam abusum vietio dant. His præmissis ad ea quæ opponi solent, veniamus.

Objectionum solutio.

Opp. 1º. Qui ignarus est Logicæ, nescit se scire: nam sine Logica non potest scire an demonstrationes quas efficit, aut consecutiones sint legitimæ: Ergo siue Logica non habet scientiam perfectam.

Resp. Diff. ant. Sine Logica naturali, C. sine acquisita, idque potissimum in Mathematicis, N. Qui enim principia, que lumine naturali sunt satis aperta, & utrum bene vel male ratiocinetur, ignorat, nunquam artificiose Logicæ regulas & præcepta comprehendet.

Resp. 2º. Diff. ant. Qui ignorat Logicam, nescit se scire formaliter, ut aiunt, C. virtualiter, N. Non enim utitur cognitione reflexa qua examinet utrum demonstratio consentiat regulis Logicæ: sed ipsa evidenter supplet illas regulas.

Instant. Qui Logicæ est imperitus, errores, si qui irrepant in ratiocinando, nunquam poterit comprehendere: Ergo sine Logica perfectam scientiam non assequeretur.

Resp. Dif. ant. Erroris forte causam non deprehendet, C. Errorem ipsius secundum se non animadvertis, N. Nam præcipui errores, qui inter ratiocinandum occurunt, non tam ex defectu formæ, quam ex ipsa materia oriuntur. Quin etiam errorum causas interdum citra Logicæ præcepta detegimus. Quod utique negari non potest de iis, qui Logicam ipsam invenerunt: habemus enim quædam leges argumentationum velut animo congenitas, ex quarum attenta meditatione & observatione prodierunt leges syllogistice, quæ in scholis addiscuntur. Hæc utique velut semina in animi solo sparsa, studio & meditatione tanquam plantæ cultoris industria irrigata in perfectam scientiam adoleverunt.

Opp. 2º. Non possumus perspectas habere conclusiones, nisi per veras demonstrationes. Sed sine Logica non possunt haberi perfectæ demonstrationes: non enim habetur perfecta demonstratio, nisi exigatur ad regulas demonstrationum, nec materia tantum, sed etiam forma syllogismi demonstrativi cognoscatur: sed hæc docentur in Logica: Ergo citra Logicam nulla fieri potest perfecta demonstratio, saltem in materia difficultate & obscuritate.

Resp. Neg. min. & ad illius probationem *dif. maj.* Non habetur demonstratio perfecta nisi ad regulas & formam demonstrationis vera exigatur, per Logicam naturalem, C. per Logicam artificialē, N. in disciplinis præstitionis Mathematicis, ubi principia per se lucent: in aliis vero disciplinis, quærum principia non adeo sunt clara, nec conclusionum ex iis deducatio tam est manifesta, Logicam esse plerumque necessariam ultro concedimus.

Infr. Sed qui non est institutus Logica artificiali, non satis est firmus & constans circa conclusiones, quas ex principiis deduxit, nec illi satis liquet an bene vel male ratiocinetur: Ergo Logica est necessaria, ut scientias etiam Mathematicas in statu perfecto habeamus.

Resp. Neg. ant. Cum enim cogitationes nostras recte disponimus, nec principia admittimus, nisi evidenter cognita, atque ex prioribus in sequentia demonstramus, ut solent Mathematici, tum firmi & constantes sumus in assentiendo: nam directrices regulas à natura præscriptas sequimur, ex quatum observatione Dialetica paulatim coaluit. Neque ulli paralogismos, seu falsas ratiocinationes acrius discernunt, quam Geometræ, etiam si Logices præcepta ii non didicerint. Sic homines natura sua eloquentes præcepta eloquentiae etiam non cogitantes observant.

Q U A E S T I O V.

Quid sit Logica, & quoniamplex.

EX dictis quid sit Logica, satis liquet. Est enim Scientia practica, quæ versatur circa tres mentis operationes, ut ad verum dirigendas. Cum dicimus eam esse scientiam practicam, genus illius cum remotum, tum proximum afferimus: differentiam vero suam ab objecto formaliter mutuatur. Et quidem ut regulas suas modo demonstrativo tradit, scientia nomen obtinet: quatenus vero easdem regulas ad usum perire & artificiose adhibet, artis nomen sibi vindicat. Hinc definiri potest ars recte definiendi, dividendi, & argumentandi: vel, ut dictum est, ars recte utendi ratione; vel denique, ut à viro doctiss.

doctiss. definitur, recta ratio cogitandi ad veritatem inveniendam. Id enim rectum dicitur, quod certis regulis est consentaneum: ut pravum est, quod ab iis regulis alienum est.

Atque hinc solennis orta est Logicae divisio in docentem & utentem.

Illa precepta & regulas tradit, quibus in recte percipiendo, judicando, & ratiocinando dirigimur: haec regulas illas ad usum applicat. Unde Veteres illam à rebus abstractam, vel secretam; hanc vero concretam, seu rebus ipsis, de quibus ratiocinatur, immersam dixerunt. Cum ratione sui spectatur, ut est ars bene differendi, vel ut Tullius definit, ars veri & falsi disceptatrix & judex, docens nominatur: Sed cum ad alias disciplinas refertur, quæ illius ope indigent, utens appellatur.

Nunc queritur an Logica docens & utens unus & idem sit habitus; an ad diversos habitus & specie distinctos utraque pertineat: quod ut ditimatur, sit

Prima conclusio.

Quod si Logica usurpetur pro aliis disciplinis, quæ Logicae preceptis utantur, manifestum est Logicam docentem & utentem diversos esse habitus.

Probatur conclusio. Logica utens sic accepta complectitur omnes disciplinas, quæ penes diversa objecta, seu materiam unicuique subjectam inter se differt: Ergo Logica utens eo modo accepta non est unus & idem habitus cum Logica docente.

Secunda conclusio.

Cum Logica utens accipitur pro ea facultate, quæ docentis regulas ad usum applicat, tum specie non differt à docente, sed unus est & idem habitus.

Probatur conclusio. Ubi non sunt diverse difficultates, ibi nihil necesse est diversos specie habitus comminisci: sed in doctrina & usu preceptorum, quæ in Logica traduntur, non sunt diverse difficultates. Non enim si quæ sit in usu difficultas, ea aliunde oritur quam ex materia quæ aliquando oblistit: ut in arte fabrili, & in aliis Mechanicis cernimus, quæ habent sepe materiam tractatu difficultem: vel certe ex eo oritur difficultas, quod executio ad aliam facultatem pertineat, ut in Musica, in arte pingendi, dicendi, & aliis accidit. Sed materia utens Logicae sunt mentis operationes, quas ut libitum est, tractamus: eadem quoque est facultas, nempe intellectus, qui regulas prescribit, & iis uitit. Ergo Logice utens & docentis eadem sunt difficultates superandas, neque necesse est utramque in duos habitus distinctos secare.

Confirm. Si quæ sit difficultas in usu preceptorum, ea vel oritur ex defectu facultatis quæ precepta à docente Logica prescripta applicat, & exequitur, vel ex ignorantia ipsius materiae. Primum dici non potest: est enim eadem facultas quæ dirigit & exequitur, quæque per Logicam docentem juri bene est disposita. Quod si ex ignorantia materie oritur difficultas, per alias disciplinas ea omnino tollitur: sic Geometria omnes tollit difficultates quæ ad figuratas, aut dimensiones corporum pertinent, neque id munus est Logicae utens.

Solvuntur objectiones.

Opp. 1. In omni arte aliud est recte præcipere, aliud exequi: sed Logica docens præcipit tantum & dirigit, utens exequitur: ergo Logica docens & utens sunt habitus distincti.


Resp. Dist. maj. cum præcipere & exequi pertinent ad distinctas facultates, C. cum unius & ejusdem sunt facultatis, ut Logica docens & utens, N. Quæ utique jam sunt explicata.

Inst. Qui regulas Logicæ novit optime, non iis idcirco semper bene utitur; ergo Logica docens ab utente diversa est.

Resp. dist. Ant. Non bene utitur regulis propter materiam quam ignorat defectu alicujus scientiæ, C. propter regulas ipsas, quas difficile est ad usum applicare, N. Quare qui non potest in te proposita Logicæ regulis uti, quam experitur difficultatem, ea non oritur ex Logica ipsa, sed ex materia de qua vult differere.

Opp. 2º. Logica docens rationem habet scientiæ, Logica utens rationem habet artis: sed scientia & ars sunt duo, non idem & unus habitus.

Resp. Dist. min. non sunt unus & idem habitus eodem respectu & munere, C. diverso respectu aut munere, N. Itaque Logica docens & utens non sunt specie diversi habitus, sed officiis tantum distincti: ut homo cum diversa obicit munera, diversa quoque sortitur nomina.



LOGICÆ PARS PRIMA.

De simplici mentis apprehensione, vel perceptione.

Commentarii in Porphyrii introductionem.

LO G I C A commode in tres partes dividitur. Prima simplicem rei perceptionem format, ac perficit, ut secunda circa judicium, tertia circa discutsum vel ratiocinationem occupatur. Cum prima mentis operatio clara est & distincta, non confusa, aut obscura, tum ut plurimum rebus judicamus & ratiocinamur. Cum autem primæ notiones, aut ideæ sunt confusa, non distincta, tum primæ illius velut digestionis error ad reliquias manat latius, nec uilla mentis functio rite perficitur, quæ in sua origine visitatur.

Quare primus & præcipuus Logicæ labor circa perceptiones nostras, aut ideas vel conceptus mentis versatur, ut claras ac distinctas rerum imagines depingat. Quod utique fit, cum res intento animo, ac velut defixis oculis intuemur, neque eas leviter & universim attingimus: sed in iis diutiis hæremus & immoramus; cum denique rei alicujus attributa, vel quæ ad essentiam illius pertinent, non simul, sed velut per partes expendimus; quid habeat cum cæteris commune, in quo ab iis diffideat, attendimus; tumque communes & universales notiones formamus, in quibus fere omnis cognitio nostra posita est.

Hinc ante omnia de rebus universalibus instituenda videtur tractatio, ut perceptiones nostras ab omni confusione & obscuritate vindicemus. Atque ea ratione motus Aristoteles Logicam docturus à libro Prædicamentorum, seu Categoriarum exorsus est: neque enim alia ratione conceptus nostros, vel

ideas recte dirigi & ordinari posse existimavit, nisi res omnes, quas percepimus, in certum ordinem, ac velut in suas classes essent digestæ, & ad summa quædam genera redactæ. Has utique rerum series Prædicamenta, vel Categorias appellavit, ac de iis primum Dialecticæ sua librum inscripsit. Qui cum suboblicurus videtur, ut facilius intelligi posset, Porphyrius hunc tractatum edidit, qui ad Categorias Aristotelis, quasi viam muniret: unde & *τετραπλησιον*, seu introductionem inscripsit; tractatum etiam de quinque vocibus appellavit, quod res omnes universales, de quibus hoc loco agit, quinque his vocibus genere, specie, differentia, proprio & accidente continentur & explicentur.

Author hujus opusculi est Porphyrius, qui ante Malchus dicebatur, natione Phœnix, ex Christiano factus Apostata & Christianæ religionis hostis infestus. Plotini Platonicorum principis fuit auditor, cuius libros in ordinem digesti, circa Aureliani & Diocletiani tempora floruit, ac Romæ Philosophiam docuit Platonicam.

Ea autem hujus libri scribendi fuit occasio, quod quidam ejus auditor nomine Chrysaorius cum in tractatum Aristotelis de Categoris incidisset, neque eum præ obscuritate intelligeret, scripsit Porphyrio tum in Sicilia degenti, ut brevem commentarium ad se mitteret, quo facilius Aristotelis librum intellectu consequi posset. Huic motu gesit Porphyrius, eique tractatum de universalibus, aut quinque vocibus misit, quem ut introductionem ad Logicam Aristotelis, & magnæ utilitatis ad definitiones & divisiones rite instituendas Philosophi pene omnes explicare & commentariis illustrare voluerunt.

Hujus tractatus objectum cum sit universale (nam omnia, quæ in eo trahuntur ad id revocari possunt,) eum de universalibus soleant inscribere, de quibus universum primo, deinde sigillatim nobis agendum est. Duplex igitur erit hujus tractatus disputatio; prior de universalibus generatim, posterior de iis seorsum instituetur.

DISPUTATIO PRIMA.

De universalis generatim.

Quo distincta sit, non perturbata, & involuta disputatio, circa universalis quatuor sunt nobis discutienda. Primum illius notio, & varia hujus nominis acceptio. Secundum, in quo natura illius posita sit, & quomodo existat. 3^o. Quomodo gradus Metaphysici inter se distinguantur. 4^o. Quæ sint universalis proprietates. 5^o. Denique quotuples sit uniuersale nobis erit inquirendum.

QUÆSTIO PRIMA.

De nomine, notione, & varia universalis acceptione.

Universalis nomine id intelligimus, quod est commune multis, ut singulare vel individuum dicimus, quod dici vel prædicari de multis non potest, ut Socrates de uno tantum, non de pluribus dicitur.

Universale autem vel est incomplexum, quod una voce exprimitur, ut homo; vel complexum quod multiplici voce designatur: cuius generis sunt propositiones universales. De priore tantum hoc loco agimus.

Rcs vero universalis vel communis multis esse potest triplici ratione, 1^o. Ut causa, que multos procreat effectus: sic Deus est omnium causa maxime universalis. 2^o. Ut signum, quod multa significat, vel ut imago, que multa representat: sic idea, vel imago circuli, quam mens sibi exhibet, omnes circulos exprimit. 3^o. Quod unum est in multis, aut praedicatur de multis. Sic homo est quid universale: nam humana natura, seu humanitas est in Petro & Paulo, & in singulis individuis. Primum in scholis dici solet universale in causando; secundum in representando, vel significando; tertium in essendo, aut praedicando. Primum etiam dicitur universale ante multa: nam causa est prior effectibus; secundum post multa: nam voces, aut rerum imagines res ipsas consequuntur; tertium universale in multis.

Triplicem hanc universalis acceptationem Ammonius comparat cum sigillo, quod certæ impressum plures exprimit imagines, aut characteres. Itaque sigillum ipsum est universale ante multa, vel in causando: eadem figura, que ubique sui similis imprimitur, est universale in multis, vel in essendo; vox autem, qua figura designatur, aut illius imago, quam cogitatione depingo, est universale post multa, seu in significando, vel representando. Primum universale est Platoniconrum, qui ideas divinas, ut causas rerum effectrices, & universales statuerunt. Stoici & Nominales non aliud universale, quam voces & conceptus agoverunt. Peripatetici universale non alibi, quam in rebus ipsis, aut in naturis quæsierunt: de singulis sigillatim dicendum.

ARTICULUS PRIMUS.

De universali Platoniconrum.

Platonicis universale nihil aliud est quam idea divina. Est autem idea exemplar seu forma, quam artifex tum intuetur, cum aliquid efficit: sive exemplar illud sit externum, ut cum pictor vultum hominis coloribus & lineamentis exprimit; sive internum sit & menti impressum: ut quando artifex, pictor, vel architectus ad eam formam vel ideam, quam mente concepit, dominum exstruit, aut in tabella colores apte disponit.

Idea, que est typus rei faciendæ, cum ex alia non ducitur, sed est principialis quedam forma, & ratio rei faciendæ, tum archetypa nominatur: cum idea ex alia dicitur, tum Ectypa dicitur. Ideæ divine apud Platonem sunt formæ Archetypæ, seu primævæ rerum omnium cause effectrices & exemplares, quatum participatione rerum naturæ prodierunt. Ideæ autem vel notiones, aut conceptus nostri sunt tantum formæ ectypæ, que si Platonicus credimus, ex prioribus. tanquam ex formis archetypis & primatiis ducuntur.

Unica Conclusio.

Plato internas tantum ideas, easque rerum omnium, non externas admisit.

Probatur Conclusio. Nisi quā in Platone ideæ à Deo separate inveniuntur, nec Platonice Philosophie Principes Plotinus, Porphyrius, Proclus, & alii

complures ullam de iis simulacris extra Deum positis mentionem fecere: ergo fallio hæc velut Idola, & otiosi ingenii figmenta Platoni tribuuntur. Imo diffissime Plato in Timæo, ubi mundi originem describit, docet mundum à Deo, cum voluit, juxta exemplar, quod mente conceperat, conditum fuisse.

Sic in Dialogo, qui Hippias, & in eo, qui Parmenides inscribitur, Deum esse opificem præstantissimum, ideas non alibi, quam in mente intelligentis cuiusdam inesse docet; ac denum concludit admirabilem illius sermonem fore, qui ideas tolleret: quoniam Deo cognitionem omnem eriperet. Eodem in loco Parmenides reprehendit Socratem, quod ideas rerum vilissimarum admittere dubitaret.

Quare ex Platone triplex est rerum status, idealis in mente divina; naturalis, cum participatione quadam & quasi impressione idearum res efficiuntur; & rationalis cum in mente nostra, ut in speculo quadam refulgent: quod tum fieri putat, cum res ipsas in ideis quodammodo contuemur. Nam si Platonice credimus, mens humana non solum est imago divinæ mentis, sed etiam illius velut radios, aut characteres habet impressos, quos tum consultit, cum res ipsas universales & necessarias intuetur, ac de iis recte judicat. Res quippe singulares & perituras ad sensus, universales & æternas ad intellectum pertinere arbitrantur: ita ut rationes rerum æternarum & immutabilium, velsolæ, vel præ ceteris ab intellectu percipientur. Nam sensus nihil nisi accidentia percipiunt, essentias rerum intimas non attingunt, quæ nusquam alibi veræ, integræ & sincera, quām in æternis rationibus fulgent. Sola enim circuli ratio, vel idea, quam mente concipio, est intelligibilis, æterna, & semper eadem, participabilis quoque est, nulli subiecto addicta; adeo ut ratio universalis ei omnino convenire videatur.

Postremo ejusmodi ideas esse universa'es, & circa eas mentem nostram potissimum occupari contendunt. 1^o. Quod incredibile sit sensuum objeta, nempe res singulares, aut sensibiles existere, mentem ipsam circa figura tantum & entia rationis versari. 2^o. Omnis multitudine ad unitatem revocatur: ergo omnes homines in una convenient forma, aut idea, cuius participatione suam sortiti sunt naturam. 3^o. Nihil afferri potest, quod hominem ab equo disciminet, aut alteri homini similem efficiat, nisi primæva illius ratio, vel idea, per quam hominis essentia constituitur; in qua cum aliis convenit hominibus, ac denum ab aliis diversa specie, aut generis dividitur.

Objectiones dissolvuntur.

Opp. 1^o. Multis in locis Aristotelem refellere. Platonis ideas, quod eas separatas & æternas induxit: sed illud omnino est incredibile, Aristotelem aut Platonem tam aperte impossuisse, aut illius mentem non assentum finisse, cum eum per viginti annos audierit, aut summum virum de se bene meritum calumniis traducere voluisse: Ergo Plato ideas extra Deum positas admisit.

R. Diff. maj. Aristoteles oppugnat ideas, ut à rebus ipsis secretas & inutiles, quemadmodum ipsis videbantur, rerum naturis explicandis, C. ut à Deo separatas, N. vix enim illus afferri potest ex Aristotele locus, ubi ideas extra Deum positas admisisse Platonem aperte doceat; cumque nusquam ejusmodi ideae in libris Platonice occurrant, non est cur illius sententiam ex Aristotele, vel ex aliis authoribus molestius inquiramus: præsertim cum Aristoteles in ipso ma-

gnorum Moralium libro de ideis disputans dubitare videatur : *Platonis*, inquit, *sententia forte vera est.*

Instant. SS. PP. ut Irenaeus, Maximus, & alii docent è Platonicis ideis ortas esse hæreses & deliria Gnosticorum : *Doleo*, inquit Tertullianus, *bona fide Platonum omnium hereticorum condimentarium factum.*

Resp. Ex Platonis doctrina male intellecta quædam esse ortas hæreses : quod mirum esse non debet, cum ex Scripturis male intellectis omnes pene hæreses emerserint. Ac forte Aristoteles & SS. Patres non ideas Platonicas reprehendere voluerunt, sed Authoris ipsius obscuritatem, quæ multis præbuit erroris occasionem.

Opp. 2^o. Nullas esse naturas universales extra res singulares positas : Ergo licet admittenda sint ideae in Deo, tanquam causæ rerum exemplares, ut fides & ratio persuadent, non idcirco universales dici possunt.

R. Diff. conf. Non sunt universales in essendo, ut loquuntur, C. in causando, N. Non enim sunt ideae universales, ut seiphas rebus communicent, ut natura humana ipsis communicatur individuis : sed ita sunt universales, ut sint participabiles, quemadmodum sigillum sui participatione figuræ omnes in cera efficit : aliud enim est communicari multis, aliud participari, quod ideis divinis utique convenit. Itaque ideae Platonis sunt simul universales & singulares. Sunt universales, ut multa repræsentant, aut efficiunt : sunt singulares ratione entitatis.

ARTICULUS II.

De universali Nominalium & Stoïcorum.

Hoc habent Nominales cum Platonicis commune, quod universale non rebus ipsis, sed extra res positum agnoscant, voces nimis & conceptus. Illud vocant arbitrium : nam ex hominum arbitrio pender, quod vox illa, *homo*, plures homines significet. Conceptus vero aut ideas rerum, quas mens effingit, quæque multa simul repræsentant, ut ideam circuli, quam mens exprimit, quæque omnes circulos exhibet, hoc, inquam, vocant universale naturale. Illud enim à voluntate nostra non proficiuntur, quod idea circuli plures circulos inter se similes repræsentet. Hoc utique est universale Stoïcorum, qui non aliud præter conceptus nostros, vel ideas à mente effetas admitti oportere censuerunt. Voces conceptus ipsos manifestant : unde & signa manifestativa vocitantur : licet voces aut conceptus sint etiam signa, ut loquuntur, suppositiva ; quia pro rebus ipsis supponunt, & earum vices tenent.

Conceptus vero duplex est, objectivus & formalis. Ille nihil est nisi res ipsa, ut à nobis percipitur : formalis est actio ipsa mentis, qua rem percipit. Cum ergo res inter se similes, ut plures circulos uno conceptu aut ideâ mens involvit, aut exprimit, tunc ideam efficit universalem. Negant itaque Stoici & Nominales præter conceptus formales, aut voces ipsas, quicquam esse universale. Sit autem contra utrosque

Unica conclusio.

Præter voces & conceptus sunt quædam nature communes, quæ in singularibus existunt.

Prob. 1. Universale definitur unum aptum esse in multis, aut prædicari de multis: Sed voces, aut conceptus nec sunt in multis, nec de multis prædicantur: cum enim animal rationale dicitur de homine, non verum est eam vocem vel ideam, quam formo, esse animal rationale. Ergo voces sunt quædam universalia in significando, conceptus in repræsentando, non ea quæ nunc inquirimus universalia in essendo, vel in prædicando.

Confirmatur. Nec definitio, nec demonstratio fere ulla fit de vocibus, aut ideis nostris, sed de rebus ipsis, quæ per voces aut ideas exprimuntur. Cur enim definitur homo animal rationale, aut demonstramus animum esse immortalem, nec vocem quatuor aut quinque litteris comprehensam, nec mentis nostræ perceptionem, aut ideam definire, aut de ea quicquam demonstrare volumus. Ergo his vocibus aut ideis subest natura quædam communis, quam solam definitione complecti possumus, aut illius affectiones & proprietates demonstrare.

Confirmatur 2. Omnis scientia est rerum universalium: nam res singulares cum sint contingentes & infinitæ, nullâ scientiâ comprehendendi possunt. Atqui scientiæ non sunt de vocibus aut ideis, quas mens efficit, sed de rebus ipsis, quarum proprietates demonstramus. Cum enim demonstramus terram esse rotundam, aut solem esse terra majorem, vocem, aut conceptum nostrum rotundum esse non pertendimus: sed de re ipsa, quæ per vocem & ideam intelligitur, fit demonstratio. Ergo præter voces aut conceptus sunt quædam res universales, in quibus scientiæ omnes versantur.

2. Probari potest conclusio ex regulis pene omnibus, quæ traduntur in Logica, quæ de vocibus solis intelligi non possunt: ut cum docetur ex antecedentis existentia optime concludi consequentis aut universalis existentiam; ut ex eo quod Plato existit, sequitur hominem existere, non vice versa. Sed id verum non esset, si consequentis aut universalis nomine intelligeremus vocem ipsam, aut mentis ideam. Non enim bene concluditur, Plato, aut Socrates existit: ergo vox illius, aut notio existit. Igitur universalis nomine aliud quiddam intelligimus, quam voces, aut conceptus.

Respondent Nominales, voces, seu terminos prædicari de multis, & esse objecta scientiarum, quatenus supponunt formaliter pro rebus significatis, non quatenus sumuntur materialiter pro his vocibus. Sed contra. Ergo non voces aut conceptus, sed res ipsæ quas voces significant, sunt universales.

Solvuntur objectiones.

Quo autem omnibus, quæ contra afferuntur, respondeas, meminisse oportet notiones nostras, aut conceptus obiectivos esse universales naturas, non formales conceptus, aut mentis affectiones. Natura humana, ut à nobis concipitur, præcisus individuis, id est, secundum se, non ut est addicta huic, vel illi individuo, dicitur universalis: in individuo autem sit singularis.

Opp. 1. Quidquid existit, aut producitur, est singulare: Ergo nullum est universale.

Resp. Dicit. ant. Quidquid existit, vel producitur per se, aut secundum se, est singulare, C. Quidquid existit, aut producitur per aliud, aut in alio, est singulare, N. Itaque natura universalis, aut natura humana, vel ratio circuli secundum se non existit, aut producitur, neque est singularis: sed existit in Petro, vel in hoc circulo.

Opp. 2. Universale unum est aptum dici, aut predicari de multis: Sed vox, sola dicitur, aut prædicatur de multis: nam vox, aut dictio unum est, & idem. Unde & Porphyrius hunc tractatum inscripsit de quinque Vocibus.

Resp. Dist. min. Sola vox dicitur de multis ratione rei significata, C. ratione sui, N. Neque enim vox illa circulus, aut homo prædicatur de hoc, vel illo circulo; de hoc vel illo homine, sed ratio, seu natura significata per nomen. Sicque & Aristoteles, & Porphyrius intelligi debent: ut cum Aristoteles docet universale esse quid posterius singularibus, id verum est, quatenus non existit nisi in singularibus.

Itaque in propositione voces sunt signa conceptuum, & conceptus signa rerum. Atque ut vox & conceptus supponant pro rebus ipsis, tamen non eodem modo prædicantur. Voces enim & conceptus non sunt id quod primario prædicatur: ut calculi quibus utimur ad numerandum, non sunt id quod per se & primario numeratur; tametsi supponunt pro ipsis numinis. Sic voces aut conceptus sunt id cuius beneficio, seu id quo unum de altero prædicatur.

A R T I C U L U S III..

De universalis Peripateticorum.

EX dictis liquet præter ideas Platonicas, præter voces & conceptus Nominalium admitti oportere in rebus ipsis naturas universales & communes, in quibus omnes scientiae versantur: neque enim Geometra hunc circulum, sed naturam circuli, ut Physicus naturam humanam contemplatur.

Hoc itaque est universale Peripateticorum, quod est unum in multis: ut singulare, vel individuum ita per se existit, ut nulli alteri conveniat: est enim certo loco & tempori addictum, & omnino determinatum, idque unum numero dicitur: ut Socrates. Contra, universalis nomine perfectionem quandam, aut gradum, in quo multa convenient, omnino intelligimus, eo universaliori, quo minus determinatum: ut gradus substantia latius pater, quam gradus corporis. uterque tamen, ut quiddam universale in rebus ipsis & singularibus existens, quod ex se nulli tempori, vel loco addictum est, concipiatur.

Id porro universale solet à Peripateticis definiri, *unum aptum inesse multis univoce & divisim*: aut paulo aliter, *unum aptum prædicari de multis univoce & divisim*.

Prima definitio explicat essentiam universalis; secunda ejus proprietatem: ex eo enim quod aliquid sit unum in multis, sequitur id posse illis attribui. Prima etiam definitio universale metaphysicum, ut secunda universale logicum explicat: essentia enim communis secundum se considerata est aliquid metaphysicum. Eadem natura ut prædicabilis, est universale logicum: quia Logica considerat res ut sunt in mente nostra.

Primo quidem natura universalis una esse debet, hoc est, indivisa in se, divisa ab omnibus aliis. Unitas vero triplices, quantum ad propositum. Prima est Numerica, ex qua sibi reperta sit numerus: sic Plato est unus numero. Secunda unitas est Specifica, per quam plura numero distincta sunt in una specie,

specie, ut Plato, & Socrates in natura humana. Tertia Generica, per quam plura specie diversa in uno genere conveniunt, ut homo & equus in natura sensitiva. Sic omnis unitas aut est numerica, qualis est cujusque individui; aut est unitas genitrix, cum plura in uno gradu, vel perfectione sive generica, sive specifica converiunt.

2o. Universale dicitur *aptum ut sit in multis*. Nam potest multis inferioribus communicari, & multa simul respicit, atque ad ea extenditur; aut certe capax est, ut de multis praedicetur, aut multis communicetur.

3o. Additum *univoce*, hoc est secundum idem nomen & eandem significacionem nominis: ut hominis rationem, vel naturam ex aequo participant Plato & Socrates.

4o. Tandem vox illa, & *divisim*, seu *sigillatim*, definitioni adjicitur: quod natura sic in inferioribus sit divisa & multiplicata, ut de uno in singulari, de multis in plurali numero praedicari possit: dicimus enim Platonem esse hominem, Socratem esse hominem, Platonem & Socratem esse homines. Nam universale unum simul & multa suo intellectu complectetur, atque unum est in multis. Uno verbo, quæ universalia dicimus, nominibus appellativis exprimitur, ut homo, equus, lapis: ut individua sunt quæ propriis nominibus signantur. Sic natura universalis simul una est, & divisa; una, quatenus est principium similitudinis; divisa est, quatenus est contracta per differentiam numericam. In natura divina res aliter se habet, cum ea sit in tribus personis indivisa. Unde dicimus Patrem, Filium & Spiritum sanctum Deum esse, non Deos.

QUÆSTIO II.

De forma universalis.

IN universalis duo sunt, Materia & forma. Illa est natura, quæ dicitur universalis, ut natura humana, de qua huc usque egimus: Forma autem est ipsa universalitas, quæ scilicet natura sit communis pluribus. Nunc queritur, unde illa forma profluat. An natura v. g. humana ex se, & nomine cogitante habeat quidquid ad rationem universalis requiritur; an potius cogitatione ipsa seu quadam mentis actione natura quæque sit universalis: adeo ut fundamentum universalis sit à natura ipsa, forma & perfectione ab intellectu. Hæc est quæstio in Scholis adèo agitata inter Scoti & S. Thoma discipulos.

Scotus enim in ea est opinione, ut potest naturam v. g. circuli, aut hominis non fieri ab intellectu universalem, sed inveniri, & quasi detegi: cum abstracta videlicet, & præcisa ab individuis, concipitur relictis differentiis, quæ in unoquoque individuo insunt: ut cum circulus secundum se spectatur, quatenus est figura, cuius circumferentia æqualiter à centro removetur: neque utrum in charta, aut in ære fiat, attendimus. Idem de natura hominis dicendum, quam qui ab individuis secretam contemplatur, universalis non facit, sed factam invenit: ut qui fodiendo thesaurum invenit, is utique thesaurum non facit, sed ea quæ obstatant, quominus sub oculos veniret, amolitur. Sic, inquiunt Scoti discipuli, qui naturam aliquam, & illius attributa intuetur, quæque nos ab illius atcebant conspectu, & uni individuo addicebant, detrahit, is naturam universalem non facit, sed factam intuetur.

Contra S. Thomas, & illius discipuli naturam omnem in ipsis individuis contractam esse, & singularem, nullam nemine cogitante universalem existere pertendant, ac medium inter Nominales & Scotistas tuerentur sententiam.

Negant contra Nominales naturam humanam v. g. secundum se esse singularem: alioqui nunquam concipi posset universalis: ut circulus qui secundum se est rotundus, nunquam concipi potest in rectum porrectus. Sed contra Scotum, naturam secundum se universalem non esse contendunt: nunquam enim contrahi posset & fieri singularis, si per se esset universalis. Fit igitur universalis, cum ita à nobis concepitur: ac si omnem mentis actionem sustuleris, nihil erit in rerum natura universale, cum res omnes sint singulares & divisa.

Quanquam ex iis, quae mox diximus, quæstio jam magna ex parte sit soluta: tamen ut in re, quæ adeo videtur abstrusa, nihil amb. qui relinquatur, duplex universale est distinguendum, Metaphylicum unum, Logicum alterum. Illud fit, cum rei partes essentiales, aut gradus contemplamur. Non enim ea est vis mentis nostræ, qua rem aliquam omni ex parte simul intueri possit: unde eam velut in partes secat, & illius attributa essentialia scorsum perspicit. Sic in circulo quod sit extensus, primum attendimus, tum quod figura quædam sit, tandem quod sit talis figuræ, cuius naturam & proprietates scorsum evolvimus. Circa ejusmodi universalia scientie omnes versantur; atque hoc universale Platonicum aliquo modo dici potest. Nam que in rei idea sunt comprehensa, quæque ab ea separari non possunt, complectitur. Hoc deinde distinctum est, non confusum, id est, claram & distinctam efficit rei cognitionem, non confusam.

Aliud est universale Logicum, cum mens naturam à singularibus abstractam, & solutam ad inferiora extendit & comparat: ut cum naturam hominis concipit, quatenus de multis est praedicabilis. De utroque nobis simul dicendum est, ac primo de forma universalis, tum de illius causa effectrice agemus. Sit itaque

Unica Conclusio.

Natura non est formaliter universalis ante omnem mentis operationem.

Prob. 1. Conclusio. Universale est unum aptum esse in multis: sed natura v. g. humana nemine cogitante, neque est una, neque apta ut sit in multis, cum ea sit divisa, contracta & multiplex in individuis: Ergo natura non est universalis ante intellectus operationem.

Conf. Natura humana, quæ est in Petro, quæque specifica dicitur, eadem est, & una entitas cum ejus natura numerica: sed quæ in Petro est natura numerica, est divisa & distincta à natura Pauli: ergo una & eadem natura quæ est in Petro, non potest esse in Paulo: cum quisque suum habeat naturam, vel entitatem.

Major negari non potest. Nam quod ad rei essentiam pertinet, ab ea distinguiri non potest, nec quicquam est rei tam intimum, aut ab ea tam indistinctum, quam illius essentia. Natura enim cuiusque rei non aliud quiddam est, quam res ipsa.

Respondent, Naturam humanam esse in ipsis individuis multiplicem & divisam materialiter, seu numero; non formaliter, seu specie. Est enim, inquit, una specie & formaliter in singularibus, non divisa, aut multiplex.

Contra: cum res aliqua dividitur, simul id omne quod idem est cum re ipsa dividitur, & multiplicatur: sed natura humana, que est in Petro & Paulo, eadem est realiter cum natura Petri & Pauli: Ergo divisus singularibus Petro & Paulo, natura humana in iis quoque dividitur & multiplicatur.

Sed, inquit, natura humana tantum per accidens, non per se, & formaliter in Petro & Paulo dividitur, ac divisio illa est tantum materialis.

Respondeo. Esto, inquam, divisio illa sit materialis, hoc est, à materia ipsa oriatur; sic item per accidens: quandoquidem natura humana ratione sui non est multiplex. Sed dividitur tamen, quoctunque id modo sit, neque una in multis esse potest: ut homo qui occiditur ex accidenti quodam, reipsa occiditur, nec vivus esse potest.

Probatur 2^o conclusio. Natura v. g. humana in triplici statu spectari potest, vel ut est in individuis, tumque singularis est, & contracta, seu omnimode determinata, non universalis; vel secundum se spectatur, neque sub ea ratione universalis esse potest. Quod enim convenit secundum se superiori, convenit inferiori: ut convenit homini secundum se, quod sit rationalis, id utique & Petro tribuitur: Ergo si natura humana secundum se spectata esset universalis, Petrus quoque esset universalis. Vel denique natura sit universalis per mentem, cum eadem & una in multis concipiatur: quod fateri necesse est, cum sit in multis divisa & multiplex.

Negant huic axiomi veritatem suam constare, cum aliquid dicitur de natura superiori, quod repugnat inferiori. Unde etsi natura humana est universalis, non hinc sequitur Petrum esse universalem: id enim rei singulari omnino repugnat.

Contra, fieri non potest ut id quod per se convenit superiori, inferioribus sub eo contentis repugnet: ut si convenit figuræ, quod termino vel terminis quibusdam sit comprehensa, id utique & circulo & triangulo, & quadrilatero ita conveniet, ut nulli figuræ possit repugnare. Non dissimili ratione, si circuli natura secundum se est universalis, hic circulus, quem delineo, erit universalis: quod omnino est absurdum.

Ex quibus liquet formam universalis, quæ universalitas dicitur, nulli rei convenire: cum res omnes sint singulares; cum natura quæque sit in ipsis individuis multiplex, non una; ac natura humana v. g. sit eadem nemine cogitante cum natura Petri, non entitas quædam ab ea distinetæ; cum denique nulla natura sit secundum se universalis, sed ab intellectu tantum hæc velut forma ei tribuat.

Respondetur objectionibus.

Quo facilius, quæ ab adversariis opponuntur, solvi possint, tria sunt, quæ meminisse oportet. Primum naturam secundum se spectatam esse proximam universalis materiam, atque, ut aiunt, fundamentum universalis: sed ut una in multis concipiatur, quæ est universalis forma, hoc hab. t. ab intellectu. 2^o. Naturam in multis individuis unam esse unitate conformitatis, ut aiunt, non entitatis: adeo ut illa unitas sit tantum similitudinis cuiusdam, & valde

imperfecta; sitque tantummodo negatio diversitatis, aut dissimilitudinis, non completa, & indivisa: cum actu ea sit multiplex. 3^o Unitatem terminis quidem negativis explicari: cum nimirum res non est divisa: sed negatio illa quidam positivum presupponit, entitatem videlicet quae est in se indivisa. His præmissis, ad objectiones veniamus.

Oppon. 1^o Una est specie natura in Petro, & Paulo: non enim distinguuntur specie, ut Petrus & bucephalus, sed numero tantum: Ergo eadem est natura humana in individuis.

Reſp. Diff. ant. una est unitate conformitatis, C. unitate entitatis & indi- visionis, N. non enim eadem est entitas in Petro & Paulo. Fatemur etiam Petrum & Paulum non distingui specie, sed numero tantum: cum maxima sit inter eos similitudo. Sed hinc non sequitur in iis naturam esse unam specie ante intellectus operationem. Ratio enim generis, aut speciei nulli rei convenit, nisi ut est in intellectu nostro: quemadmodum voces subjecti, aut attributi, & alias secundæ intentiones.

Instant. Plato & Socrates etiam nemine cogitante non sunt specie diversi: ergo sunt ejusdem speciei etiam formaliter. Nam uterque est homo, & huma- nitas est tota utriusque essentia, quæ in suo conceptu non includit differentias numericas.

Reſp. N. consequentiam. Unde licet natura in multis individuis non sit di- visa specie, aut formaliter, non sequitur unam esse formaliter: ut quod duo Angeli non sint colore diversi, non sequitur eos ejusdem esse coloris. Uno verbo non distinguuntur Socrates & Plato, quia sunt homines: imo ea ratione in- ter se conveniunt: sed formæ tamen, aut humanitates in iis distinguuntur; neque eadem est in utroque natura, sed duplex. Quare licet humanitas in suo conceptu non includat differentias numericas Socratis & Platonis, est tamen realiter eadem cum illis, & eandem habet existentiam, neque est una in multis.

Urgent acutius, unitas non tollitur nisi per divisionem oppositam: sed divi- sio numerica non opponitur unitati specificæ, aut genericæ, neque ejusdem est cum ea ordinis: Ergo licet duo individua numerosint divisa, erunt nihilominus quid unum specie vel genere.

Reſp. Diff. min. Divisio numerica non opponitur per se & directe unitati specificæ, C. indirecte, N. Ex quounque enim capite oriatur divi- sio, id semper constat, gradum specificum una cum numero dividi, & mul- tiplicari, cum gradus specificus idem sit realiter cum numero: adeo ut mul- tiplicari non possit gradus, seu differentia numerica, quin multiplicetur gra- dus specificus, nec una sit, sed multiplex in multis individuis natura.

Sed, *inquirunt*, non magis est à parte rei, ut loquuntur, unitas numerica, quam specifica.

Reſp. Negando ant. nemine enim cogitante Petrus est hic numero & singu- laris.

Contra, *inquires*, universale & singulare sunt relata: ergo si singulare sit nemine cogitante: universale quoque ante omnem intellectus actionem fu- turum est.

Reſp. Diff. ant. universale & singulare sunt relata per mentem, C. realia &

nemine cogitante, N. cum natura citra mentis operationem non sit formaliter universalis.

Opp. 2°. Magis differunt etiam nemine cogitante homo & equus, quam duo homines inter se: sed hi differunt numero: Ergo homo & equus differunt species, etiam nemine cogitante. Hinc Aristoteles docet rerum alias esse universales, alias singulares.

Resp. Hominem & equum differre ante omnem operationem species materiali, atque ut loquuntur, fundamentali, C. formalis, *Nego*. Nam homo & equus differunt in natura ipsa, quæ ab intellectu ut species concipiuntur.

Sic rerum, ut docet Aristoteles, aliae sunt universales, aliae singulares; & scientiarum versantur circa res universales, hoc est, circa naturas, quæ materia sunt, & fundamentum universalis, C. quæ sunt universales formaliter citra ullam mentis operationem, N. Quæ distinctione ubique fere est adhibenda: natura enim, ut sèpè diximus, una est in Petro & Paulo unitate imperfecta & fundamentali, quæ diversitatem excludit, non perfecta, quæ omnem excludat divisionem.

Instant. Fundamentum similitudinis realis est quiddam reale: ut fundamentum similitudinis quæ est inter duos parietes albos, est ipsa albedo, quæ est realis: sed unitas est fundamentum illius similitudinis realis quæ est inter duos homines: ergo illa unitas est quid reale.

Resp. Dist. min. unitas est fundamentum similitudinis, unitas, inquam, imperfecta, seu negatio diversitatis, C. unitas completa, seu entitatis, N. Imo si eadem esset natura, & indivisa in pluribus individuis, ea non esset principium realis similitudinis. Quemadmodum in divinis cum sit eadem & indivisa natura in tribus personis, non est relatio realis similitudinis inter personas divinas. Itaque omnis similitudo in unitate quidem fundatur, ut placet Aristoteli, sed in unitate, ut aiunt, fundamentali & imperfecta. Quin potius unitas plerunque in similitudine fundatur: sic amicitia est unitas quedam quæ ex similitudine oritur.

Oppon. 3°. Quæ eadem definitione explicantur, sunt unius naturæ: sed omnia ejusdem speciei individua una definitione comprehenduntur: Ergo una & eadem est in omnibus natura.

Resp. Dist. maj. sunt unius naturæ secundum rationem, & juxta nostrum concipiendi modum, C. re ipsa, N. nam quæque definiuntur, ut à nobis concipiuntur: naturam ab omnibus individuis secretam concipimus, & una definitione comprehendimus. Neque ideo falsa est definitio: licet enim nobis naturam humanam secundum se, & præcisam ab individuis & mente completa, & definitione explicare: Abstrahentium quippe non est mendacium. Sed non eodem modo res sunt in se ipsis, atque in intellectu nostro, qui ut liberum est, quæ sunt divisa, sèpè conjungit; quæ sunt conjuncta dividit & quæ si in partes scat.

Quæ opponunt reliqua, facile diluntur: ut quod natura humana nemine cogitante sit in multis: ergo & universalis.

Resp. Dist. ant. est in multis divisa & multiplex, C. una & eadem, N.

Sed, inquit, homines dicuntur esse unius & ejusdem naturæ.

Resp. Ejusdem dici naturæ quod sint inter se simillimi: neque ad eorum dissi-

ARTICULUS II.

Quomodo fiat Universale Metaphysicum.

Quo autem fiat modo, & per quam mentis operationem universale concipiatur, ex dictis facile colligi potest. Quod enim vocant universale in essendo, seu Metaphysicum, id sola mentis abstractione perficitur, dum mens per partes considerat, quod uno prospectu non potest intueri. Quare nihil confusi habet illa abstractio: fed quae in idea rei continentur, essentialia nimur illius attributa, scorsum & distincte mens contuet: ut in circulo, quod sit figura simplex; quod unica linea, quae circumferentia dicitur, sit comprehensus; quod in illius medio punctum sit, ex quo omnes recte lineæ ad circumferentiam ambientem ductæ sint æquales; quod demum ea figura sit omnium maximæ & simplicissima: quae quidem attributa omni circulo æque convenient.

Itaque idea universalis hoc modo sumpta fit quadam mentis præcisione, seu abstractione: cum attributa rei essentialia, seu prædicata secundum se spectantur; cumque detrahuntur omnia, quæ illam determinant. Tum vero nullum fit ens rationis, neque res aliter concipitur, atque est. Nisi forte quis contendere res ipsas ante mentis operationem sic existere, ut concipiuntur, & revera esse universales, ut videatur Scotistis, qui in hoc, ut ostendimus, omnino falluntur. Sed ut res fiat apertior, sit

Vnica conclusio.

Universale Metaphysicum fit per simplicem mentis abstractionem, neque id est figuratum intellectus nostri.

Probatur prima pars conclusionis. Universale Metaphysicum tum efficimus, cum mentis abstractione ea detrahimus, quæ ideam rei determinant: ut cum in nummo aureo id tantum attendimus, quod sit metallum omnium gravissimum, aut perfectissimum: non quod in hoc loco, vel tempore existat, aut alia ejusmodi accidentia, quæ eum nummum singulariter efficiunt. Sed illa mentis præcisio est opus mentis nostræ, nec revera natura quævis ita existit: neque etiam nummus ille sic à suis differentiis, quæ individuum constituunt, est abstratus: Ergo hujusmodi idea, vel universale Metaphysicum non est nemine cogitante, atque, ut loquuntur, à parte rei, sed fit per intellectum. Non enim unum est in multis, neque eam habet aptitudinem quæ cum ea unitate universalis conjangi possit.

Confirm. Per eam mentis operationem fit universale Metaphysicum, per quam natura communis unitatem sum, & aptitudinem ut sit in multis, adipiscitur. Sed per simplicem mentis præcisionem natura sit una in multis, cum scilicet principia divisionis removentur, & apta sit ut multis communicari possit, dum omnia removentur impedimenta, quæ illam determinant, differentiae

videlicet numericæ. Ergo natura fit universalis per simplicem mentis abstractionem.

Pars altera conclusionis facile probatur. Cum enim ea tantum in natura conspicimus, quæ in illius idea spectantur, nullum fit ens rationis: Atqui in universalī Metaphysico mens gradus tantum & perfectiones rei considerat, quæ illius idea, aut notio comprehendit: Ergo in universalī Metaphysico nihil est fictum, neque res aliter atque est, concipitur.

Confirm. Duplex est abstractio, seu mentis præcisio. Una est simplex, cum rem unam sine altera, ut longitudinem sine latitudine concipit, eaque nihil falsi continet, juxta illud effatum Aristotelis, *Abstractionem non est mendacium.* Alia est abstractio composita, cum unum negatur de altero. Sed in universalī Metaphysico simplex est mentis præcisio, quæ nihil fictum habet: Ergo universale Metaphysicum fit circa ullum mentis figmentum.

Quod si Scotti discipuli non aliud universale inteligerent, quam illud Metaphysicum, non adeo ab ipsa veritate aberrarent. Nam quæ ad essentiam rei, & ideæ quam de illa formamus, comprehensionem pertinent, videtur intellectus magis invenire, quam facere. Quanquam illa præcisio naturæ à singulibus non fit circa actionem mentis nostræ: multo minus idea quam habemus vel circuli, vel trianguli, ad plura extenditur circa omnem intellectus operationem, & ex universalī Metaphysico Logicum effingimus: illud enim est velut materia universalis Logici.

Nec dubito quin ea ratione facile inter S. Thomæ & Scotti discipulos convenire possit. Est enim natura humana, nemine etiam cogitante, universalis negative: cum abstrahat ab omni existentia, neque adeo sit quid positivum; nec sub ea ratione sit unum & idem positive cum suis differentiis numericis, sed realiter, ut aiunt, negative ab iis differat. Verum institutum nostrum prosequamur: neque enim hic locus postulat ut oppositas sententias concilicauerit.

A R T I C U L U S III.

Quomodo fiat Universale Logicum.

NULLUM est universale Phisicum, quod nimirum unum fit simul & multa, aut unum in multis: sed universalē Logicum existere nihil vetat. Id enim dicitur, quod licet revera sit divisum & multiplex, in ordine tamen ad scientias humanas perinde se habet, ac si esset unum in multis. Sic triangulum in Geometria, ut quid unum & multis commune à nobis concipitur, & de illo communes affectiones, aut proprietates demonstrantur: adeo ut quilibet ejus proprietas, ut quid unum, aut universalē à Geometra spectetur. Sic subjectum, vel attributum propositionis merito universalē appellatur, sed Logicum.

2^o. Universale Logicum à Metaphysico non aliter videtur differre quam ut concretum ab abstracto, ut homo ab humanitate. Utrumque fit abstractione quadam: homo quippe ut totum potentiale concipitur, quod sub se partes habet, seu inferiora. Hoc vero totum percipi à nobis non potest, nisi per quandam mentis separationem, seu abstractionem. Sed in hoc differt universalē Logicum à Metaphysico, quod illud habeat rationem prædicabilis, hoc

non item : homo enim de multis dicitur , seu prædicatur ; humanitas in multis esse concipitur . Quemobrem illud vocatur universale in prædicando , hoc in essendo ; illud in concreto , hoc in abstracto solet exprimi : sed utrumque sit per quandam mentis abstractionem , aut præcisionem .

Quod utique non adeo intellectu est difficile , si rem paulo aciore animo intueti velimus . Nihil enim est in hoc universo quod non sit singulare . Unde tot sunt naturæ humanæ , quot homines : dicuntur tamen eandem habere naturam , quod intellectus permagnam in iis similitudinem animadvertat . Omnes simili modo ratiocinantur , loquuntur , rident ; et cetera sunt statuta , eodem modo incedunt . Unde seposita omni differentia , aut dissimilitudine , quod unus ex gr. sit ingeniosus , alter stolidus ; ille senex , hic juvenis , mens quod in iis simile est , uno conceptus sibi exhibet , uno itidem nomine id designat : tum hominem cum equo comparat , & majorem in iis dissimilitudinem animadvertit , & tamen multa conspicit utriusque communia . Nam æque vident , & audiunt , & ambulant . Quocirca & communem conceptum format , quem nomine animalis designat . Sic per omnes gradus similitudinis & dissimilitudinis mens progreditur , ac diversas ideas , aut conceptus effingit : diversa quoque nomina excogitat , hominiis , animalis , viventis , corporis , substantiarum : adeo ut res eadem singularis propter varias cum aliis rebus similitudines diversis quoque nominibus signetur .

Quibus intellectis palam fit . Nihil esse in rerum natura universale : sed his vocibus designari , quam varie res eadem cum ceteris comparati aut similis , aut dissimilis dici possit ; & unam dici naturam , quæ propter magnam cum aliis similitudinem per modum unius concipi potest . Atque ut eadem natura non inest pluribus , ita nec eadem de iis prædicatur . Nam ut una in multis non inest , sed multiplex : sic nou una & eadem de multis prædicatur : duplex quippe est natura in Platone & Socrate , non una .

2º. Ex iis efficitur id quod supra diximus , inter Philosophos facile convenire posse de natura universalis . Id enim libenter concedimus Nominalibus nihil esse universale , sed id concipi tantum à nobis propter varios , ut diximus , similitudinis , aut dissimilitudinis gradus . Nec tamen hinc sequitur vocem , aut conceptum rei singularis esse vocem aut conceptum hominis : cum ex gr. hæc formatur propositione , Plato est homo : non enim sine rebus nomina prædicantur . Unde hujus propositionis hic est sensus , Plato , qui ita dicitur propter differentias suas particulares , propter similitudinem cum aliis & conceptu communiore , & voce universaliore exprimitur , & homo dicitur : cum sit tamen quid singularis .

Non dissimili quidem ratione cum Scotus contendit naturas rerum non ab intellectu , sed à seipso id habere , quod sint universales , illud aliqua ex parte rerum est . Quod enim homo prædicari possit de multis , & per modum unius concipi , hoc ab ipsa mente non habet . Id quippe ad illius rationem & essentiam pertinet , ut in ordine ad scientias humanas pertinde concipi possit , ac si unum quiddam esset : ut de proprietatibus & affectionibus trianguli diximus . Sed negamus hominem physice ac realiter esse quid universale , aut unum esse in multis seorsum , & ut aiunt distributive . Hoc vulgo in scholis paulo aliter exprimi solet , naturas rerum esse nemine cogitante , & à parte rei universales

universales fundamentaliter, non formaliter. Nam similitudo illa quæ reperitur in rebus ipsis, fundamentum satis idoneum præbet intellectui ut naturam hominis v. gr. per modum unius concipiatur: Sed nulla est natura quæ sit una & positive in multis. Unde plerique ex iis fatentur naturam humanam in multis quidem unitatem habere negativam, non positivam. Ex se enim est indifferens ut sit in hoc vel in illo singulari: sed eadem esse non potest in multis individuis: ut non idem est corpus, non eadem anima in Platone & Socrate. Quare verbis potius, quam re ipsa a nobis videntur dissentire, quod plerumque in iis questionibus usu venit. His ita explicatis, sit.

Unica conclusio.

Universale Logicum fit per simplicem mentis præcisionem, non per confusam singularium perceptionem.

Hæc conclusio ex dictis facile probari potest. Homo enim fit, aut concipiatur universalis, quatenus ut unum quid, & aptum ut sit in multis, concipiatur, seu quatenus abstractione quadam differentia omnes numericæ & principia divisionis removentur: sed illa abstractio non fit, cum singulatia omnia mens confuse sibi exhibet: tum enim fit unum quoddam collectivum, cuiusmodi est exercitus, non unum universale: ergo homo non est quid universale, quatenus confuse representat singulos homines, sed ut menti exhibet aliquid commune omnibus hominibus, seu abstrahit à principiis divisionis.

Solvuntur objectiones.

Opp. Quid est unum & idem, atque ut loquuntur, quod identificatur cum singularibus, non potest ab iis abstrahi: Sed natura communis, ut humanitas, est quid unum cum natura singulari: ergo ab ea abstrahi non potest.

Resp. Diff. maj. abstrahi non potest præcisione reali, C. per mentem & præcisione simplici, N. idque factis est explicatum.

Instant. Abstractione illa simplex non est quid positivum, ac nihil rebus ipsis addit: sed forma universalis est aliquid positivum: consistit enim in certo ordine ad inferiora, & ordo ille ex quadam oritur comparatione: ergo non fit simplici abstractione.

Resp. Neg. min. forma enim universalis nihil est præter unitatem, & aptitudinem ut res sit in multis: unitas vero illa universalis est tantum negotio divisionis; & natura eo ipso apta concipiatur ut sit in multis, quod non sit determinata ad unum singulare. Utrumque habet natura per abstractionem simplicem, nec requiritur ordo positivus, aut comparatio quedam. Sed omnis ille ordo in hoc positus est, quod natura sit indifferens ut multis communicari possit; & ante quamlibet comparationem, ubi natura abstracta est ab inferioribus ac sublata sunt impedimenta, jam concipiatur universalis. Indifferentia autem illa non est quid positivum, sed non repugnantia quedam.

Contra, inquirunt, priusquam natura concipiatur universalis, sit quedam comparatio, qua mens que sunt similia, ad unum quoddam revocat. Ergo natura non fit universalis per simplicem abstractionem, sed quedam comparatio accedat necesse est.

Resp. Difst. conseq. sit quædam comparatio quæ simplicem abstractionem antecedat, C. quæ eam subsequatur, N. idque satis fuisse fuit explanatum: multa enim ut inter se similia primum intuemur, tum una voce eam signamus & concipimus.

Opp. 2º. Universale Logicum habet rationem totius, & concreti cuiusdam: sed totum abstrahi non potest à suis partibus, ut nec concretum universale à suo subiecto; homo abstrahi per mentem non potest ab eo quod habet humanitatem. Ergo universale Logicum non fit per simplicem abstractionem.

Resp. Difst. maj. Est totum potentiale, C. actuale, N. hoc abstrahi non potest à suis partibus: ut homo praescindi non potest à corpore & anima: illud recte abstrahitur à suis inferioribus: totum potentiale dicitur, quod sub se suas habet partes, ut homo est totum potentiale respectu Petri & Pauli.

Deinde concretum universale praescindi non potest à subiecto universaliter sumpto: ut homo abstrahi nequit ab eo quod habet humanitatem, sed abstrahi potest ab hoc, vel illo homine, seu à subiecto particulariter sumpto.

Opp. 3º. In omni propositione affirmante attributum actu continet subiectum, & idem est realiter cum eo: ergo in hac propositione Petrus est homo, attributum quod est universale Logicum, actu includit Petrum, neque ab eo abstrahitur: habet enim rationem totius actualis, quod à suis partibus praescindi non potest.

R. Difst. Conſ. Homo actu includit Petrum, quatenus est pars propositionis, C. Id enim ad naturam propositionis affirmantis pertinet, ut probatum est. Extra ipsam propositionem, & ut homo secundum se spectatur sine differentiis numericis, N. tum enim à Petro, vel Paulo abstrahi potest. Hæc melius intelligentur, cum quaestio huic finitima soluta fuerit, quomodo gradus Metaphysici inter se distinguantur.

QUÆSTIO III.

Quomodo gradus Metaphysici inter se distinguantur.

JAM celebris illa, & in scholis multum jaētata quaestio de distinctione graduum, qui Metaphysici solent appellari, omnino soluta videbitur. Gradus quippe illi nihil sunt præter attributa, quæ ad essentiam cuiusque rei pertinent: sive à supremo per intermedia genera ad individuum usque descendas; seu è contra ab individuo per speciem, & genera tanquam per gradus ad supremum genus descendas. Sic substantia, corpus, vivens, animal, homo sunt gradus, quibus recte descendimus ad Socratem usque; suntque instar trunci arboris: differentiae, que unumquodque genus dividunt, ut corporeum, & incorporeum, sunt véluti rami illius arboris, de quibus præcipua quaestio veritutem, an realis inter eas, & genera, ut inter rationale & animal, intercedat distinctio; an discrimen omne à mente nostra ducatur.

Quo autem hæc quaestio omni remota ambiguitate dijudicari possit, varia distinctionum genera & magis usitata, sunt prius explicanda. Ac primum illud perspicuum est ea inter se distinguiri, quorum unum non est aliud. Cum unum non est idem cum alio, idque nemine cogitante, tum realis est distinctio; sive res sint separate ab invicem, ut Socrates, & Plato; sive sint conjunctæ.

ut corpus & anima. Cumque distinctio inter duas res intercedit, tam realis major appellatur, ut minor dicitur, quæ inter rem, & ejus modum, qualis inter corpus & ejus figuram occurrit. Tum enim res concipi quidem & esse potest circa modum, ut digitus circa inflexionem, sed non viceversum: modus v.g. inflexio sine digito, quem afficit, esse non potest aut concipi. Sic curvitas in linea est illius modus, qui sine linea non concipitur.

Distinctio rationis ea est, quam mens excogitat, quæ fit vel cum aliquo Fundamento, tuncque dicitur *virtualis*, cum scilicet eadem est entitas, sed virtute multiplex: unde idem efficit, ac si res esset distincta. Sic justitiam Dei, & misericordiam distinguimus, & unam sive alteram concipiimus. Cum autem nullum est in re ipsa distinctionis fundamentum, tum solet appellari rationis ratiocinantis, ut si indumentum quis à vestimento secesseret.

Distinctio *virtualis* iterum est duplex, intrinseca nimis, quæ hanc habet vim, ut contradictoria intrinseca de re eadem affirmantur; seu quæ æquivallet pluribus realiter & intrinsece distinctis: ita ut unum perfecte possit sine altero concipi. Sic, ut multis videtur, misericordia divina, & justitia distinguuntur; aut essentia & filiatio in divinis: hæc enim producitur, illa non item.

. Extrinsica vero dicitur distinctio, cum ex ea ducuntur attributa quidem contradictoria, sed extrinsicæ, ut justitia punit, non item misericordia.

Interim non satis est in re fundamenti, ut rem in varias ideas seu conceptus, quorum unus non alium includit, distinguamus: sed tamen quod unus conceptus implicitè, ut aiunt, & obscure, alter explicite & discrete exprimit: ut cum entis proprietates, unum, verum, bonum ab ente ipso discernimus. Non enim bonum intelligi potest, quin notionem entis saltem confuse includat: quæ distinctio minor est quam virtualis: major tamen est ea, quæ fit aut ex sola fœcunditate, aut ex infinitate intellectus nostri, quam vocare solent rationis ratiocinantis.

Alijs quoque vocibus exprimi solent haec distinctiones à mente excogitatae. Cum enim unum sine altero re esse concipitur, præcisiva nominatur: sive perfecte præscindi possit & abstrahi: ut genus & differentia; sive imperfecte duntur, dum unum includit alterum in suo conceptu, saltem confuse, ut dictum est de proprietatibus entis. Cum autem nullo modo præscindi unum ab altero potest, ut definitio rei, & res ipsa; honio, & animal rationale: tum dicitur non præcisiva, seu rationis ratiocinantis: sunt enim eadem distinctiones, quæ alijs vocibus efféruntur.

Quocirca distinctio rationis quodammodo triplex est, juxta diversos concipiendi modos. 1º *virtualis*, seu rationis ratiocinata: cum diversi sunt omnino conceptus, aut idæ, quæque magis est fundamentum distinctionis, quam distinctio. 2º huic opposita, & sine ullo fundamento, quæ dicitur rationis ratiocinantis, seu ad arbitrium nostrum effecti. 3º media quædam est inter utramque distinctio, quam satis exposuimus, cum unius rei idea saltem confuse, &, ut loquuntur, implicitè alterius ideam includit: ut natura divina, & illius immutabilitas.

Non dissimili quidem ratione Scotus inter distinctionem realem & rationis medianam quandam, & à parte rei, ut vocant, excogitavit, qualem esse pu-

tat inter gradus metaphysicos, aut inter attributa divina, eamque appellat formalem, actualem ex natura rei. Neque enim, ut illi videtur, sola cogitatione justitia Dei ab illius misericordia discernitur: neque tamen, ut res quaedam inter se distinguantur, cum sit una & eadem entitas: sed circa omnem operationem una non est formaliter altera. Sic in triangulo ferreo tres illius anguli sunt una & eadem res cum ferro: sed tamen nemine cogitante inter se distinguantur.

Quamobrem si Scotum audimus, inter genus & differentiam non est realis distinctio: non enim sunt res diversae, sed distincte tantum formalitates: unde & formalis inter ea distinctio dici potest; nec vereatur in Deo, qui est simplicissimus, infinitas perfectiones eo modo distinctas communisci. Quo minus mirerur, si genus & differentiam, & gradus metaphysicos plusquam ratione discriminet.

Sed priusquam has questiones multum involutas evolvere ingrediamur, quae sint praecipue distinctionis realis notae paucis explicemus. Nam qui assentit unum ab altero distingui, is signum illius distinctionis tenetur afferre. Quare is vel experientia, vel ratione, vel revelatione persuasus distinctionem illam probare debet. Primum autem distinctionis realis signum est oppositio; aut si haec desit, separabilitas. Nam idem a seipso separari nequit; & quod semel ab alio distinguitur, semper distinctum manet.

2^o. Ad distinctionem realem forte non requiritur, ut mutua separatio sit possibilis; sed sufficit ut unum sine altero possit existere. Sic materia potest esse sine hac, vel illa forma: unde ab ea realiter distinguitur.

3^o. Ut identitatis certum est signum, cum conceptus, vel idea unius ideam alterius necessario includit: sic distinctio est realis, cum unius rei idea vel conceptus excludit positive alterius ideam. Possunt quidem ejusdem rei distincti esse conceptus, ubi sunt diversae proprietates, aut gradus: sed tum unus alterum non excludit: quod ubi sit, tum magnum est distinctionis argumentum. His rite intellectis, sit

Prima Conclusio.

Intra realem, & à ratione excogitatam nulla est media distinctio.

Probat. 1. Conclusio. Distinctio, & unitas, entis ipsius naturam & conditionem consequuntur: tum enim unum ab alio distinguitur, cum unum non est aliud. Sed inter ens reale, & ens rationis, seu à ratione effictum, nullum est medium: ergo neque inter realem, & à ratione excogitatam nulla est media vel interjecta distinctio.

Confirm. Illa Scotti distinctio vel sit per mentem, tumque est rationis distinctio; vel nemine cogitante, tumque est realis: aut major, si inter res ipsas, aut minor, si inter rem & modum intercedat. Ergo nulla est distinctio formalis, atque, ut vocant, à parte rei, nisi haec cum virtuili confundatur, tumque erit a parte rei fundamentum distinctionis, non ipsa distinctio: ut inter justitiam Dei, & illius misericordiam.

Probat. 2. Conclusio. Non sunt multiplicanda entia circa necessitatem: sed ejusmodi distinctio Scotti est omnino inutilis. Nam virtualis idem plane efficit, quod formalis illa distinctio prestaret: cum per virtualē distinctionem res eadem ut multiplex concipiatur, & pluribus rebus distinctis respondeat. Ergo nihil necesse est distinctionem medium inter realem, & à ratione excogitata in

comminisci , cum idem præster sola distinctio virtualis , que idcirco & formalis dici potest : sed ea non sit nemine cogitante . Sic in Deo misericordia & justitia non proprie inter se distinguuntur : scimus in Deo esset multorum realiter distinctorum compositio .

Confirm. Scotus triplici ratione adductus hanc distinctionem medium invexit . 1^o ut de eadem re propositiones contradictoriae fieri possint . 2^o ut diversis ideis ea concipi queat . 3^o ut diversis definitionibus explicetur . Atqui virtualis distinctio his omnino sufficit : nam de eadem re & diversa secundum rationem propositiones fieri contradictoriae possunt : ut de puncto medio , seu centro circuli dici potest , quod sit principium linearum , quæ ad circumferentiam protrahuntur , & quod idem sit finis linearum quæ à circumferentia ducuntur . Idem quoque centrum per distinctos conceptus , aut ideas , ut diversas circumferentiae partes respicit , & distinctas habet proprietates , & intelligi & definiri potest . Ergo nihil necesse est tot distinctiones in rebus simplicissimis reales agnoscere , quæ nihil præter obscuritatem & curam superfluam afferunt : cumque subtiles illas & tenues formalitates ultra quam pars est , consequitur , res solidas plerumque & utiles relinquimus . Non inutile plerumque fuerit res etiam indivisib[us] quasi per partes intueri : sed cavendum est , ne quam facinus divisionem , rebus ipsis tribuamus ; & quæ sola differtur cogitatione , omnino diversa arbitremur .

Secunda Conclusio.

Gradus Metaphysici , seu attributa rei essentialia in eodem individuo non distinguuntur actu & nemine cogitante .

Probat. Conclusio. Attributa quæ ad rei essentialiam pertinent , non distinguuntur , tamen res quædam , vel entites diversæ , ut patentur advertarii ; idque ex eo liquet , quod uniuscujusque rei essentialia si indivisi : sed neque distinguuntur ea distinctione , quæ media nominatur , cum eam esse fictitiam ostensum fuerit . Ergo distinctio omnis inter gradus essentiales à sola ratione proficietur .

Confirm. Nullum est signum distinctionis realis inter gradus metaphysicos : non enim possunt à se invicem separari , cum eandem habeant existentiam , eadem actione producantur & converventur ; nec conceptus unius positive excludit aliorum conceptus ; ac distinctio virtualis sufficit explicandi diversis operationibus & effectibus : ergo nulla necessitas nos cogit eam distinctionem formalem admittere .

Solvuntur objectiones.

Quo autem omnia , quæ contra opponuntur , dissolvantur , meminisse oportet eorum , quæ superius attigimus , rem eandem , sed virtute multiplicem , variis posse definitionibus explicari , & contradictoria etiam de eadem re affirmari ; unam denique & eamdem entitatem , imo & formam in Petro existere , in qua convenit cum multis , & per quam differt ab aliis , quæ scilicet est principium sentiendi & ratiocinandi Ut principium sentiendi , dicitur animalitas , ut principium ratiocinandi , rationalitas nominatur : una quidem non exprimit formaliter , quod altera : quod enim præcisè concipitur ut principium sentiendi , idem præcisè non est principium ratiocinandi : verum distinctio omnis à ratione nostra oritur .

Opp. 1º. quæ habent diversas definitiones essentiales, aut de quibus contradictria affirmantur, aut quæ diversas exercent operationes, ea sunt omnino diversa: sed gradus metaphysici diversa habent definitiones; sunt etiam principia operationum omnino diversarum, ut animalitas sentiendi, rationalitas discurrendi principium est: atque, ut diximus, propositiones contradictoriae de iis fieri possunt: ergo, &c.

Resp. Dist. major. Quæ diversas habent definitiones, aut diversas operationes exercent, distincta esse aut re, aut virtute, C. actu & realiter, N. Sic eadem lux juxta recentiorum opinionem varios procreat colores, qui in lumine non actu, sed virtute distinguuntur.

Unde in una & eadem re, aut formalitate non possunt plura convenire & differre, si ea res eodem modo concipiatur, secus si diversimode consideretur. Sic eadem linea curva, ut linea est, convenit cum lineis etiam rectis; ut curva est, ab iis discrepat: quod rationes lineæ & curvitatis sint unum re, virtute duntaxat multiplices. Sic humanitas, ut principium est sentiendi, convenit cum brutis, & est ejusdem rationis cum animalitate leonis, ut est principium sentiendi, dormiendi, &c. Sed differt à brutis, ut est ratiocinandi principium. Quamvis eadem sit forma, virtute tantum diversa. Sic denique justitia divina præcise juxta ideam justitiae non parcit, sed punit.

Opp. 2º. Pars una distinguitur ab alia: sed animalitas & rationalitas sunt partes humanitatis, & que reales; ergo distinguuntur inter se, idque plusquam ratione.

Resp. Dist. major. Partes physicæ, quæ vere sunt partes, ut corpus & anima, distinguuntur realiter, & nemine cogitante, ac demum possunt ab invicem separari, quæ magna est distinctionis nota, C. partes metaphysicæ quæ non sunt partes, nisi juxta nostrum concipiendi modum, N. Quod autem instant partes metaphysicas esse reales, fatemur reales esse quoad entitatem, sed negamus distinctionem inter eas realem existere.

Sed, inquiunt, actus & potentia distinguuntur plusquam cogitatione; genus habet rationem potentiarum, differentia vero habet rationem actus: ergo inter se distinguuntur.

Resp. Actum & potentiam distingui plusquam ratione in rebus physicis, C. in metaphysicis, N. ut suo loco dicemus.

Opp. 3º. Ea distinguuntur realiter, quorum diversa est existentia, quæque per diversas actiones producuntur: sed in Petro animalitas generatur, rationalitas creaturæ: est quippe eadem cum anima rationali, quæ separata manet rationalis, licet gradus animalis perierit.

Resp. dist. minor. Rationalitas creaturæ, physicæ sumpta, ut est principium ratiocinandi, C. metaphysice accepta, ut principium est ratiocinandi dependenter à sensibus, N. nam ea producitur actione, qua anima cum corpore conjungitur. Neque in anima separata manet principium ratiocinandi dependenter à sensibus.

In dist. int. Ea distinguuntur realiter, quæ unum & idem sunt cum rebus omnino diversis; sed animalitas & rationalitas idem sunt cum corpore & anima, quæ omnino inter se differtur.

Resp. Animalitatem & rationalitatem unum quoddam esse cum corpore &

anima simul *conjunctionis*, non separatim sumptis : sic tamen ut rationalitas Petri sit tota illius entitas , quatenus principium est operationum quæ homini sunt propriæ.

Contra, *inquit*, si rationalitas ex tota entitate hominis desumitur , gradus erit physice compositus , non simplex.

Resp. Gradum esse simplicem formaliter & intrinsece ; compositum vero esse ratione principii , ex quo profluit , atque , ut aiunt , ratione fundamenti.

Atque hæc quæstio omnino decisa videretur , nisi molestiam nobis crearent Nominales , qui Scotistis è diametro oppositi , ne distinctionem quidem virtualem inter gradus metaphysicos volunt admittere , ac pertendunt unum gradum sine altero concipi non posse : varios quidem conceptus formales agnoscunt , quibus rem eamdem aut clarius , aut obscurius percipimus : sed negant ejusdem v. g. humanitatis duos conceptus integros & adæquatos , eosque objectivos formari posse , aut ullum esse fundamentum concipiendi animalitatem sine rationalitate ; omnem adeo utriusque distinctionem esse rationis ratiocinantis & sine fundamento , non virtualem , aut rationis ratiocinatæ.

Sit igitur adversus Nominales

Tertia conclusio.

Gradus metaphysici distinguuntur inter se virtualiter , seu cum fundamento.

Probat. 1º *Conclusio.* Illa distinguuntur virtualiter , quæ cum sint una & simplex entitas , idem tamen efficiunt , ac si plures essent & distinctæ : sed gradus metaphysici ita se habent , ut ex dictis liquet . Nam diversos habent conceptus objectivos : ut animalitas concipiatur sine rationalitate ; in illa etiam plures species convenient , in hac differunt : sunt etiam principia diversarum operationum , ac diversas habent definitiones : ergo virtute , atque , ut loquuntur , ratione ratiocinata inter se differunt.

Confirm. Ea distinguuntur virtualiter , quorum unum concipimus sine alio : sed animalitas in Petro clare & distincte concipi potest , non concepta rationalitate : cum enim homo eminus videtur , ex motu id animal esse , quod movetur , cognoscimus ; eaque clara est perceptio , tametsi illud animal non magis cum ratione conjunctione à nobis percipitur , quam alia qualitate , doctrina videlicet aut virtute instructum . Ergo animalitas , rationalitas , genus & differentia inter se distinguuntur virtualiter ; diversos habent conceptus objectivos , & unum sine altero concipi recte potest , aut præscindit : si que præcisiones non tantum formales , ut sunt quædam mentis actiones , quibus unum sine altero concipimus , sed etiam objectivæ inter gradus metaphysicos omnino sunt agnoscendæ . Quod negant acertrime Nominales , qui formales tantum præcisiones admittunt.

Solvuntur objectiones.

Opp. 1º *Intellectus* , qui ea separat quæ separari non possunt , & distinguunt quæ non sunt distinctæ , is fallitur . Sed cum gradus metaphysicos , aut attributa divina , aut alia ejusmodi , quæ una sunt & eadem entitas , cogitatione mens separat , tum ea divellit quæ separari nequeunt ; compositionem fingit , ubi nulla est , ut in Deo , cuius attributa distinguunt : ergo tum omnino falli-

tar; neque ullum in iis est distinctionis fundamentum.

Resp. Diff. maj. Si intellectus judicando & affirmando ea divellit quae sunt vnum & idem, tum is fallitur, *C.* si sola præcisione vel abstractione utitur, tum fallitur, *N.* Sic Geometra, qui lineam ut longitudinem tantum sine latitudine considerat, is minime errat. Quocirca mens potest concipere animalitatem sine his que illam efficiunt singularem, idque citra errorem. Neque illa distinctione virtualis ullam in Deo compositionem inducit, aut illius simplicitati obest, cum ea non sit proprie dicta distinctione: fundamentum quidem distinctionis est in re ipsa, quam separatis & velut per partes concipi possumus: sed non idcirco illa est vera distinctione.

Opp. 2. Ratiocinari est intelligere dependenter à sensibus: ergo rationalitas non potest concipi sine animalitate, quæ est principium sentiendi.

Resp. Diff. conf. Non potest concipi rationalitas sine animalitate, quam connotat, aut supponit, ut quid extrinsecum, *C.* quam includit intrinsecum, *N.* Itaque ratiocinari in nobis supponit principium sentiendi, idque connotat fere ut scientia objectum suum: sed illud in suo conceptu non includit. Atque ut non idem est conceptus scientiae, & objecti, quod connotat tantum, aut supponit: sic non est idem conceptus animalitatis, & rationalitatis.

Huc adderetur incertum esse in quo posita sit hominis rationalitas, an sit illi cum Angelis communis: neque exemplo non ita claro & aperto questionem ipsam ita illigari oportet, ut si minus quadret exemplum, hinc questionis decisio periclitetur, cum presto sint alia exempla. In triangulo v. g. æquilatero, genus est figura tribus lateribus terminata, differentia est laterum æqualitas: manifestum utique est diverso: esse utriusque conceptus.

Opp. 3. Si gradus metaphysici distinguuntur inter se virtualiter, & dentur præcisiones objectivæ, idem simul cognoscitur, & non cognoscitur. Nam cognitio v. g. animali, simul cognoscetur rationale, cum unum sit & idem realiter: sed non cognoscitur ex hypothesi, cum unum ab alio præscindatur. Cum itaque illud sit absurdum, non minus id ex quo sequitur, absurdum futurum est: neque illa datur præcisio objectiva, qua una rei perfectio aut confusa, aut distincta sine altera concipiatur.

Resp. diff. conseq. Nulla datur præcisio physica & realis, *C.* logica, & in ordine ad scientias, *N.* Sic Geometria diversis trianguli affectiones, quasi distincte essent à materia; Physica varias visus proprietates, in quocunque sunt animali considerat; ac si ejusmodi præcisiones logicas sustuleris, nullum disciplinis philosophicis relinques locum.

Resp. 2'. Idem non posse simul realiter cognosci & non cognosci sub eadem ratione virtuali, *C.* sub diversa, *N.* Ac sunt quidam gradus qui concipi non possunt sine aliis, nisi inadæquate; ut humanitas cognosci non potest sine rationalitate, quam includit: sed animalitas distincte & adæquate concipi potest sine rationalitate; unus enim gradus alterum formaliter non includit.

Quæ opponi possunt reliqua, ex iis quæ diximus facile dissolventur: ut hominem concipi non posse sine animali. Id enim verum est. Sed animal recte concipiatur sine homine, cum homo constet genere & differentia, tanquam partibus, quæ illius essentiam constituant. Verum haec sunt apertiora, quam ut in iis diutius immoremur.

QUÆSTIO IV.

De præcipua Universalis proprietate.

Cum cuiusque rei proprietates ex illius natura profluant, quando rei alii cujus naturam habemus perspectam, statim illius proprietates quæ ultra menti sese offerunt. In universali autem, ut in omni termino concreto, duo sunt quæ ad illius naturam pertinent, materia scilicet & forma. Hinc proprietates universalis aliæ materiam consequuntur: ut quod sit generationis expers, & corruptionis; æternum quodammodo, necessarium, & ubique; aliæ formam ejus comitantur, ut quod sit prædicabile. Quomodo naturæ universales sint æternæ, dicitur in Metaphysica.

Præcipua universalis formaliter sumpti proprietas in eo posita est, quod sit prædicabile de multis. Jam illud in questione venit, & magna animorum contentione agitari solet, utrum Universale cum actu prædicatur, sua universalitate excidat. Neque id dubium est, quin Universale quod de alio reciprocum, & æquali, actu prædicatur, ut rationale de homine, integrum, & quasi illibatam suam servet universalitatem: sed questio vertitur de universali quod prædicatur de aliquo singulari. Sit itaque

Unica conclusio.

Cum terminus universalis de singulari actu prædicatur, suam amittit universalitatem.

Probatur conclusio. Illud non manet universale quod includit differentiam numericam, nec prædicatur universaliter: sed cum homo prædicatur de Petro, tum includit differentiam numericam Petri: sumitur enim pro ipso Petro, neque universaliter accipitur: Ergo terminus universalis cum de re singulari dicitur, definit esse universalis.

Solvuntur objectiones.

Opp. 1. Si terminus universalis cum actu prædicatur, fit singularis, medius terminus in syllogismo affirmante non uno & eodem modo usurpat, unde & quatuor erunt termini: ut in illo syllogismo, Omnis homo est animal: Petrus est homo: Ergo Petrus est animal. Homo in majore propositione est terminus universalis, in minore singularis; nec in utraque propositione eodem modo accipitur:

Resp. Nego majorem: cum medius terminus eandem rem, naturam scilicet humanam utrobique significet; in majori rationem habet totius, in minori rationem habet partis, quæ toti subjicitur.

In statibus. Ergo in illa propositione, Petrus est homo, non erunt duo termini: nam Petrus & homo rem eandem significant: unde propositio erit identica & nugatoria.

Resp. Duos esse terminos, licet rem eandem significant, sed non eodem modo. Nam Petrus distinete exprimit aliquid singulare, non item homo. Unde propositio non est nugatoria: quia termini non eodem modo exprimuntur, & diversi sunt utriusque conceptus.

Vpp 2. Actus non tollit potentiam, sed perficit, ut visio non destruit visum: Ergo ubi universale actu prædicatur, suam universalitatem, aut prædicabilitatem non amittit.

Resp. Dist. ant. Actus non tollit potentiam positivam, maxime ubi non est illi oppositus, C. non tollit potentiam, quæ in negatione consistit, & est actui opposita, N. Prædicabilitas vero nihil est nisi indifferentia quedam, aut non repugnantia, quæ tollitur, cum per unum singulare natura determinatur & contrahitur: natura enim est prædicabilis & universalis, quandiu non adest principium divisionis, aut aliquid quod eam determinet: id vero in prædicatione actuali reperitur.

Verum, *inquit*, prædicatio actualis pertinet ad secundam mentis operationem: abstractio simplex ad primam: Sed secunda mentis functio non opponitur prima: Ergo actualis prædicatio non destruit prædicabilitatem, seu rationem universalis.

Resp. Dist. min. Non opponitur directe, C. indirecte, N. prima enim mentis actio secundam dirigit. Quod si per judicium conjungam hominem cum Petro, non possum simul abstrahere hominem ab omni singulari, aut differentia numerica: quod tamen ad rationem universalis omnino requiritur.

QUÆSTIO V.

De universalis divisione.

EX iis que sunt proposita circa universale in communi spectatum, illud erat ultimum, ut quotuplex esset, & que illius partes, breviter & aperte doceremus. Cumque vulgo quintuplex recensetur, Genus, Species, Differentia, Proprium, & Accidens, circa eam divisionem quarti solet, primum an integra & adæquata sit illa divisio; deinde, quæ & qualis ea sit, univoca & generis in suas species distributio, an forte ratio universalis non ex aequo quinque universalibus conveniat: utrumque nobis est excutiendum.

A R T I C U L U S P R I M U S.

Quotuplex sit Universale.

ET vulgata universalis divisio tot retro seculis obtinuit, nonnulli tamen ex recentioribus eum numerum, ut libitum est, vel augent, vel minnunt. Nos vero in iis quæ ad scholæ usum pertinent, ab iis que vulgo sunt recepta, non temere recedendum putamus, præsertim cum ea satis firmis rationibus nitantur: cuiusmodi est quinarius universalium numerus. Cum enim hæc divisio nec prolixior sit, nec brevior quam pat sit, videtur omnibus retinenda. Sit igitur

Vnica Conclusio.

Integra est, & adæquata universalis in quinque species enumeratas divisio.

Probatur conclusio. Universale est unum aptum inesse multis: sed quinque sunt modi, quibus natura multis inesse potest. Vel enim ea natura pertinet ad rei essentiam, vel non: si ad essentiam spectet, vel est toti rei essentia, tumque dicitur species: sic homo est tota essentia Petri; vel est pars essentiae, eaque magis communis, tumque dicitur genus; aut est pars essentiae minus communis, eaque

est differentia. Quod si ad essentiam rei non spectet; vel ea fluit ab essentia, & necessario cum illa conjungitur, tumque est proprium; vel non fluit ab essentia, nec necessario cum ea connectitur, sed contingenter tantum, siveque est accidens commune. Ergo nec plura sunt, nec pauciora, quam quinque universalia; cum alias modis natura universalis multis inesse non possit.

Confirmatur. Tot sunt universalia, quot sunt modi, quibus natura prædicari potest de inferioribus: sed quinque sunt modi, quibus natura prædicari potest. Primum in quid complete, eaque species nominatur. Nam quærenti quid sit Petrus, respondet per speciem, est homo. Quærenti autem quid sit homo, respondemus esse animal; unde genus prædicatur in quid incomplete. Rursus quærenti quale sit animal, affluit differentia; nempe est animal rationale. Sic differentia prædicatur in *quale quid*, id est, in quale post quid. Postquam enim quæstum est, quid sit homo, ac responsum fuit esse animal, iterum quæritur quale animal, tum dicimus esse animal rationale. Quod si natura prædicetur in *quale*, vel prædicatur necessario reciproce, ut risibile de homine, vel contingenter, ut album de pariete; illud est proprium, hoc accidens commune. Unde genus & species prædicantur essentialiter & substantive in quid: proprium & accidens adiective, & accidentario: ut cum dicimus Petrus est justus: sed differentia ex utroque temperatur. Est enim prædicatum essentiale, sed voce adiectiva exprimitur. Sic dicimus hominem esse rationalem, Angelum esse spiritalem.

Solvuntur objectiones.

Opp. 1º. Tot sunt prædicabilia, vel universalia, quot sunt prædicamenta: sed decem sunt prædicamenta: ergo & decem erunt universalia.

Resp. Neg. maj. Nam prædicamenta ad unum universale, nempe ad genus revocantur, atque in prædicamentis res ipsæ, que ad decem summa genera rediguntur, non modi prædicandi spectari solent, quos quinque esse, non plures ostendimus.

In fabbis. Ex diversis prædicandi modis Aristoteles colligit denarium prædicamentorum numerum: Ergo decem sunt modi prædicandi, ac totidem erunt universalia.

Resp. Dist. ant. ex modis prædicandi, seu existendi in substantia singulari colliguntur prædicamenta, C. ex modis prædicandi de inferioribus colliguntur prædicamenta, N. Sic enim quinque universalia, aut prædicabilia colligimus.

Opp. 2º. Definitio ex Aristotele in Topicis est quid universale: sic individuum vagum, ut aliquis homo de multis prædicatur. Ergo plura sunt universalia, quam quinque.

Resp. Definitionem esse universale complexum, non incomplexum, quale nunc querimus. Adde etiam definitionem nihil esse frater speciem magis explicatam: ut liber apertus non differt à clauso. Simili ratione individuum vagum vel est universale complexum, quod pluribus vocibus exprimitur, vel ad speciem reducitur; vel certe inter universalia numerari non debet, cum de multis prædicetur indeterminate tantum & confuse, non determinate & distincte. Cum enim dicimus, Aliquis homo est justus, nihil determinati, nihil definiti afferimus.

Opp. 3. Differentia, proprium, & accidens non prædicantur de multis: sed differentia specifica, & proprium de una specie; accidens de uno subjecto: Ergo sunt tantum duo universalia, genus & species.

Reſp. Neg. ant. Nam ea sunt universalia, quatenus de nullis, aut inferioribus, aut subjectis dicuntur, ut postea ostendemus, cum de iis universalibus fieri sermo. Differentia quidem & proprium de multis saltem mediate prædicantur, ut rationale de Petro & Paulo, licet forte immediate & proxime de una specie prædicentur: sed eatenus non sunt universalia, nisi ut multa respiciunt aut inferiora, aut subjecta. Accidens vero per duplēm abstractionem fit universale: primo enim ut genus, aut species concipitur, tum ad subjecta comparatur, ut albedo cum nive & calce, v. g. comparata est quintum universale.

Contra, inquiunt, accidens non est universale per abstractionem à subjectis: nam calor ab omni subjecto separatus adhuc est singularis.

Reſp. accidens non fieri universale per solam abstractionem à subjectis, sed per utramque tum ab inferioribus, tum à subjectis, ab hoc vel illo calore; ab hoc vel illo subjecto: adeo ut diverso respectu sit species & accidens. Sed prius species, aut genus concipitur, ut abstractum ab inferioribus, quam accidens commune, ut à subjectis per mentem præcūsum. Nec solum communicari potest univoce & divisiōne huic vel illi calori, sed etiam huic vel illi subjecto: unde accidens est universale, idque duplēi nomine, aut ratione.

Opp. 4^o. Duplex tantum est unitas universalis, generica & specifica: ergo duplex duntaxat erit universale, genus nimirum & species. Nam illud est universale quod unitatem habet genericam vel specificam.

Reſp. Neg. conseq. non enim ex unitate sola, sed ex diversis modis, quibus unum esse, aut de multis prædicari potest, numerus universalium colligitur. Sic color est genus & accidens, diversa ratione: Genus est respectu albedinis, accidens cum nive comparatus.

Opp. 5^o. Idcirco genus & species duo sunt universalia, quia genus prædicatur de multis specie differentiis; ut animal de homine & bruto; species vero de multis, quæ numero tantum inter se discrepant: sed eadem ratione differentia genericā & specificā duo erunt universalia: nam illa de multis specie, hæc de multis numero differentiis prædicatur: sensitivum v. g. de homine & bruto; rationale de Petro & Paulo dicitur: Ergo plura sunt universalia, quam quinque.

Reſp. Neg. maj. Non enim ea est ratio, que affertur, cur genus & species sint duo universalia: sed quia genus prædicatur in quid incompletum: Differentia vero, sive genericā, sive specificā eodem modo prædicatur in quale quid.

Instant, Genus tam est tota essentia speciei, quam species sit tota essentia individui: nam ut humanitas significat essentiam, in qua Petrus & Paulus convenient, sic animalitas significat totam essentiam, in qua homo & brutum convenient.

Reſp. Disparem esse rationem, quod homo totam essentiam communem individualium suo conceptu includat, non item animal respectu hominis & bruti. Ac licet animal significet totam essentiam communem hujus animalis, qua-

tenus hoc animal sumitur pro individuo generico, non tamen complectitur totam essentiam hujus animalis, si sumatur pro singulari aliquo & determinato animali, in quo est gradus genericus animalis: non enim est tota v. g. Petri essentia.

ARTICULUS II.

Quae & qualis sit Universalis in quinque inferiora divisio.

Nunc queritur an illa divisio universalis sit univoca, hoc est, an ex æquo quinque universalibus ratio, aut conceptus universalis conveniat; an potius, ut videtur nonnullis, precipua quadam ratione genus & species dicuntur universalia, reliqua tantum improprie, & per analogiam quandam universalis nomen, & notionem participant. Qui rationem universalis univocam respectu quinque universalium statuunt, idem universale esse genus respectu quinque universalium, ut animal respectu hominis & belluae, arbitrantur; alii contra sentiunt. Cum autem res non sit magni momenti, paucis est expedienda.

Ac primo quidem id facile concedimus, universale esse genus saltem imperfectum respectu inferiorum: nam de quinque universalibus prædicatur in quid incomplete.

2º Id etiam verisimile videtur id non esse genus proprie dictum: cum nullum genus perfectum includatur formaliter in differentiis suorum inferiorum: rationale non includit formaliter animal: sed universale includitur in differentiis suorum inferiorum: nam differentia ipsa est unum ex quinque universalibus: ergo universale non est genus proprie dictum & perfectum.

DISPUTATIO ALTERA

De universalibus sigillatim.

Explatis omnibus, quæ ad naturam, proprietates & divisionem universalis visa sunt pertinere, nunc ipsa universalia seorsum, & ex ordine ita sunt exponenda, ut nihil eorum que aliud habent utilitatis, omittamus.

QUÆSTIO PRIMA.

De genere.

Quinque universalium tractationem à genere ordinatur Porphyrius, quod reliquis velut fundamentum substernatur: nam ad rei essentiam sic pertinet, ut sit primum & magis obvium rei cujusque attributum.

Ac primum quidem varias generis refert acceptiones; tum illud uteunque definit, ac dividit. Genus 1º accipitur pro stirpe aut familia: ut cum dicimus Heraclidarum genus; tumque illius familie caput Hercules nimirum, & qui ab eo sunt oriundi intelliguntur. 2º Pro patria cujusque interdum sumitur: sic Plato genere Atheniensis, Aristoteles stagirita dicitur. 3º Genus à Philoso-

phis accipitur pro eo cui subjiciuntur species, seu pro natura, quæ multis specie diff. rentibus communis est.

Dividitur genus in Supremum, quod aliud supra se non agnoscit; ut substantia, quantitas, & alia prædicamenta: Infimum, quod nullum sub se genus complectitur: ut animal respectu hominis & bruti; & Intermedium, quod superiori quidem subest, sed & alia ei subjiciuntur genera: ut vivens corpori tanquam superiori subjicitur: sed animal sub se continet. Atque hoc fere de genere tradit Porphyrius. Nos vero usitato in Scholis mori servientes paulo diligentius quæ ad illius notionem, & definitionem pertinent, expendemus.

Genus definiri solet universale, quod prædicari potest de multis specie differentibus in quid incomplete. Dicitur universale, seu unum aptum inesse multis: in quo quidem cum specie, differentia, & aliis convenit. Reliqua, quæ in definitione adjiciuntur, quomodo ab aliis differat universalibus, expli-cant. Quæ ut melius intelligantur, nonnullis quæ fieri solent, quæstiunculis, faciendum est satis.

Querunt 1º quid proprie hoc loco definiatur, an natura generica, quæque est instar materiæ, cujusmodi est animal; an forma ipsa, quæ genereitas dicitur, quamque opus esse, & factum mentis nostræ superius ostensum est. Cum enim generis, ut termini cujusque concreti duas sint partes, materia nimirum & forma, merito queri potest, utra pars, an totum potius ex utraque conflatum definiatur.

Reff. Hoc omni termino concreto & accidentaliter esse commune, ut subiectum simul & formam, rem scilicet, & modum quo afficitur, is significet: sed rem ipsam confuse, formam, seu modum distincte exprimit. Sic terminus ille concretus, *Justus*, duo significat: unum confuse, quod scilicet haber justitiam, quocunque illud sit; & justitiam ipsam, quæ est velut forma, aut modus rei, quæque termino abstracto exprimitur. Cum autem definitio id explicet, quod terminus confuse involvit, si quis definitione velit explicare quid sit justus, qui scilicet reddit unicuique quod suum est: homo quidem justus definietur, ut *quod*; justitia vero ipsa, ut *quo*. Non dissimili ratione in definitione generis, quam attulimus, id quod præcipue, & magis directe attenditur, est genereitas, non natura ipsa, quæ per se non inest multis, nec prædicatur de multis: ut cum definitur Philosophus homo veritatis indagator, homo quidem confuse ea definitione designatur: sed Philosophia ipsa præcipua quadam ratione explicatur.

Querunt 2º quid sit specie differre.

Reff. Ea differre specie, quæ sub eodem genere posita diversas habent definitiones. Non enim Plato, & Socrates specie inter se discrepant, cum eadem sit utrinque definitio: sed homo & equus specie different, non autem homo & scientia, quæ eodem genere non continentur. Sed cum nihil frequentius occurrat, quam distinctio specifica, non erit alienum hoc loco paulo diligenter inquirende illa distinctio sit repetenda. Si itaque

Unica Conclusio.

Illa distinguuntur specie quorum insignis est differentia cum ad scientias humanas comparantur.

Hæc conclusio probatu facilis est. Unum quippe ab alio specie non differt, nisi inter utrumque sit insignis differentia; sed illa differentia aliunde duci non potest, quām ex ordine ad humanas scientias, quæ uniuscujusque subjecti proprietates demonstrant. Cum enim uno cognito alterum quoque cognoscitur, & quidquid de uno probatum fuit, de alio quoque probatum censetur, tum inter illa duo non est insignis differentia. Sed ubi proprietates diverse, ut aëris & ignis demonstrantur, tum inter ea est insignis differentia, & specie inter se dissident. Unde res ab alia potest specie differre per ordinem ad aliquam scientiam: ut triangulum cupreum. & aureum, si physice spectentur, specie differunt, non item si geometricè considerentur. Ergo distinctio omnis specifica non aliunde repetenda est quām ex notabili differentia in ordine ad cognitionem nostram, seu ad humanas scientias.

Confirm. Distinctio rerum specifica plerumque ex hominum pendet arbitrio, & ex diversa considerandi ratione: nam ubicumque insignes nobis apparent differentiae, statim & diversa nomina rebus ipsis tribuimus, & in diversis speciebus constituimus. Sic glaciem, & vaporem ab aqua plerique specie distinguunt, quod magna in iis appareat mutatio. Ergo non aliunde specificam distinctionem solemus repetere, quām ex insigni aliqua differentia, idque in ordine ad cognitionem nostram.

Opp. Distinctio specifica ex essentia ipsius diversitate, aut ex forma ipsa, aut ex diversis proprietatibus, & attributis potius est repetenda, quam ex notabili aliqua differentia in ordine ad humanas scientias. Nam Petrus specie differt à Bucephalo, quia illius attributa essentialia Bucephalo non convenient, nec distinctio specifica pendet ab intellectu.

Repf. Distinctionem specificam ex diversis quidem attributis repeti oportere. Sed cum eadem semper maneat difficultas, quando ejusmodi attributa, aut proprietates satis inter se differunt, ut distinctionem specificam inducant: id aliter explicari non potest quam per ordinem ad humanas scientias: cum specifica proprietas de una re est demonstrata, ut de triangulo, simul censeatur de omnibus triangulis demonstrata. Neque continuo distinctio specifica pendet ab intellectu cognoscente: Sed hinc repetenda, quod tali modo cognosci possit.

QUÆSTIO II.

De specie.

Proximum est ut de specie dicamus, de qua genus prædicatur: vix enim unum sine altero intelligi potest. Primum igitur quid ea sit, & quotuplex, nobis est explicandum; tum nonnullas, quæ proponi solent, quæstiones disolvemus.

ARTICULUS I.

Quid sit species, & quotuplex.

Ut generis, sic speciei nomen non uno modo accipitur. Primo enim pro eleganti corporis forma, aut ipsa pulchritudine usus,

patur. Hinc illud per vulgatum, *Species digna imperio.*

2º. Pro imagine, aut similitudine, quæ rem aliquam exprimit. Quo quidem modo dicimus res intelligi per species quasdam; aut corporum species sensus subire, hinc ad imaginationem deduci, & tandem menti imprimi.

3º. Ut alias mittam hujus vocis acceptiones, quæ ad institutum nostrum non pertinent, species à Philosophis accipitur pro natura, quæ generi subjicitur directe & immediate.

Atque hinc vulgata specierum fluxit divisio, in species subalternas, seu interjectas & infimas. Species subalterna ita est species, ut sit etiam genus. Sic animal est species respectu viventis, cui subest, sed genus est cum homine & bruto comparatum. Species infima ita est species, ut non habeat rationem generis: ut homo respectu Platonis & Socratis.

Ex iis liquet eandem seriem generum & specierum, ut categoriam substantiarum, ex una parte supremo genere, v.g. substantia, ex parte altera specie infima, ut homine, ita contineri, ut quæ sunt interjecta, & species & genera dici possint. Sic corpus species erit cum substantia comparatum: hæc enim in corpus & spiritum dividitur; sed genus erit cum gradu sibi subiecto, nempe viventis collatum: est enim corpus aut animatum, seu vivens, aut inanimatum.

Species infima est id quod prædicatur de multis numero differentibus in quid complete. Quæ definitio ex iis quæ de genere diximus, facile intelligitur.

Hæc utique species vel cum genere, cui subest, comparatur; vel cum individuis, de quibus prædicatur. Priori ratione considerata dicitur subiectibilis; posteriori vero modo spectata prædicabilis nominatur.

Quærant hoc loco an species, ut homo, sit universalis, quatenus generi v.g. animali subest; an potius, ut de individuis prædicatur. Quæ quidem quæstio ex iis quæ supra diximus, facile dirimuntur. Sit igitur

PRIMA CONCLUSIO.

Species ut subiectibilis non est universalis.

Probatur conclusio. Universale unum est aptum esse in multis, aut prædicari de multis: At species, quatenus subjetetur generi, non multa, sed unum dunt taxar respicere; neque est in pluribus: Ergo sub eo respectu, nullo modo rationem habet universalis..

Opp. Species ut generi subiectitur, non est singularis: Ergo est universalis: præseruum cum ea ratione sit species, atque adeo universalis.

Resp. Dist. conseq. Species ut subiecta generi est universalis materialiter, C. formaliter, N. Natura enim humana secundum se spectata, ut animali subiectum est fundamentum, & velut materia, quæ universalitatem exciper, cum ad inferiora referatur: sed non est universalis, ut subest generi, atque, ut loquuntur reduplicative: ut Iudex inferior authoritatem non habet ex eo quod a superiori pendat, sed ut plebi præficitur.

Instant. Natura est universalis quatenus non includit differentiam numericam: Sed species ut subiectibilis non includit differentiam numericam, aut singularitatem: Ergo sub ea ratione species est universalis.

Resp.

Repf. Dist. major. Si natura non sumatur quatenus rationem habet oppositam universali , C. secus , N. sed species quatenus comparatur cum genere, ea- tenus rationem habet universali oppositam. Universale quippe ordinem inclu- dit ad inferiora , estque unum in multis : quæ quidem multa dicuntur infe- riora.

Sed, inquit, species ut species est universalis: quemadmodum genus ut genus est universale: sed species ut species subjicitur generi.

Repf. Negando majorem & paritatem: nam genus, ut genus ordinem dicit ad inferiora: species ut species generi subjicitur.

Ex quibus colligitur non alias esse species proprie diætas , quæm infimas : quæ enim subalternae, aut interjectæ dicuntur, cum ad inferiora referuntur, rationem habent generis , ut animal respectu hominis & bruti. Sed ut superio- ri generi subjiciuntur, jam non sunt quid universale, ut mox diximus.

Verum hic etiam aliam questionem satis inutilem movent , an dentur spe- cies infimæ , quali illud in dubium revocari possit. Itaque sit

SECUNDA CONCLUSIO.

Dantur species infime.

Probatur conclusio. Circulus v. gr. est species infima, quæ in alias species in- feriores secari non potest. Sic plures esse hominum species, nemo nisi ulro in- sanire velit , crediderit.

2º. Non sunt in individuo gradus essentiales , aut perfectiones infinitæ : ul- tima ergo perfectio , aut gradus ultimus speciem constituet.

3º. Individuum quodlibet ex natura specifica in eo contracta , non ex so'a natura generica constat. Non enim genus immediate contrahitur in unoquoque singulari : secus non erit genus , quod sub se species non est habiturum. Sistendum est igitur in specie infima , seu , ut loquuntur Veteres , in specie atoma, quæ in alias dividi non potest.

Quæ aut m nonnulli solent opponere de Satyris & Faunis , ut probent plu- res esse hominum species, ea sunt fabul's proxima. Quid autem S. Hierony- mus in vita S. Antonii refert, plus haber authoritatis : quanquam monstrum illud quod in itinere S. Antonius off. ndisse fertur, nihil forsitan fuit præter demonis ludibrium.

Qnod etiam alii curiosius expendunt , an plures naturæ humanæ spe. ies esse possint , id utique ad nostrum institutum non pertinet. Quæ enim sunt in re- rum natura inquirimus , non quid à Deo fieri possit : verumtamen contra conclusionem hinc multa opponunt.

Opp. 1º. Illa non est species infima , quæ sub se multas continet . Item pos- sibiles : sed nulla fere est species , quæ sub se non habeat plures possibles: tam enim possunt multæ esse hominum species quam Angelorum.

Repf. Dist. maj. Illa non est species infima cui subsele possint plures aliæ pos- sibiles , si compareter ad illas species , C. si comparetur ad individua quæ sunt acti , N. Itaque homo est tota essentia communis individuorum : sive aliæ sunt hominum species , sive non : id enim ad rem nostram , & disciplinarum aug- mentum non multum pertinet.

Ton. I.

N

Sed, *inquit*, non potest idem gradus simul esse genus & species infima: Ergo si possint esse homines specie diversi, homo non erit species infima.

Resp. Eundeni hominis gradum esse posse & genus, cum ad homines specie diversos comparatur, & speciem infimam, ubi ad homines qui actu existunt, refertur.

Opp. 2. Si non essent alia animalia præter homines, nihilominus tamen animal esset genus: ergo licet homo sub se habeat plura individua solo numero diversa, non idcirco tamen erit species infima.

Resp. Neg. paritatem. Nam animal non prædicatur immediate de multis individuis: gradus quippe interjacet inter animal & Socratem. Sed nullus est gradus inter hominem & Socratem, & immediate de individuis prædicatur; in iis contrahitur; totam eorum essentiam suo intellectu comprehendit; unde homo est species infima, non item animal.

A R T I C U L U S II.

An genus in unica specie, vel species in uno individuo conservari possit.

Duplicem quæstionem uno articulo concludimus, quod eadem sit utriusque solutio.

Jam ut quæ sunt confessa & certa, ab incertis fecernamus.

Illud ab omnibus conceditur, speciem in uno individuo integrum conservati posse, dummodo alia individua possint existere. Sed Thomistæ negant genus in unica specie integrum concipi, & conservari posse: atque id omnino requiri putant, ut plures cuiusque generis sint species: quanquam forte omnis controversia in vocibus posita est. Videò enim plerisque Thomistas negare rationem generis integrum esse posse, nisi plures ejus species saltē possibiles concipientur: utcunque ea res se habeat, una conclusione quid sentendum sit, aperiemus.

Vnica Conclusio.

Genus in unica specie servari potest integrum, ut species in uno individuo.

Probatur Conclusio. Genus spectari potest vel ratione sue entitatis, seu materiae, tumque palam est totum in unica specie conservari: ut natura animalis integra est in homine: vel potest considerari, ut universale, sive ut unum aptum sit in multis, vel ut prædicetur de illis, tumque non necesse est ut multæ sint acta species, sed satis fuerit, si multæ esse possint.

Confirm. Si una esset species animalis, ut post resurrectionem solus homo supererit, eadem tum foret essentia & definitio hominis: nam essentiæ rerum mutari non possunt: Ergo tum animal rationem habitum est generis, idque in una specie integrum servabitur.

Probatur 2º Eadem est ratio generis, quæ speciei; sive entitatem ipsam, aut naturam species; sive rationem universalis: Sed patentibus adversariis species in uno individuo servatur: unde sol unus est in sua specie: luna itidem una, saltē ut communis fert opinio; totque sunt species Angelorum, si Thomistis credimus, quot sunt individua. Ergo & genus in unica specie integrum servatur.

Solvuntur objectiones.

Opp. 1º. Genus habet rationem totius potentialis, ut species totum est actuale, & perfectum: sed totum potest concipi non potest respectu unius partis, aut speciei: tametsi totum actuale esse potest in uno individuo. Nam omnes naturae humanae partes sunt integræ in uno Socrate: Ergo species servari quidem potest in uno individuo, non item genus in una specie.

Resp. Diff. maj. Totum potest concipi integrum, nisi multas habeat partes sibi subjectas, saltem possibilis, C. actu existentes, N.

Opp. 2º Natura generica ut quid commune, in quo multa convenient, natura specifica ut quid determinatum, & contractum concipitur. Sed quod est commune, id utique multis convenit: quod autem completum est, & determinatum, id potest integrum in uno reperiri: Ergo genus multas exigit species, non item species multa individua.

Resp. Eadem adhibendo distinctionem: quod commune est, multa exigit possibilia, C. actu existentia, N.

Cum autem species per individua, de quibus prædicatur, definiri & explicari soleat, non erit alienum pauca de individuo hic subiecere.

ARTICULUS III.

De individuo.

In dividuum, quantum ad tem nostram pertinet, id dicitur quod in alia dividii non potest inferiora: ut Petrus secari non potest in ea, que illius nomen & rationem habeant. Quod si nominis notationem spectemus, individuum vocatur id omne, quod vix, aut nullo modo in partes secari potest. Sic Democriti atomi dicuntur corpuscula omnino inseparabilia, aut individua.

Sed hoc loco individuum, aut singulare appellamus, quod de uno tantum dicitur, aut prædicatur; vel quod speciei subest insimæ; aut cui certa accidentium, vel adjunctorum complexio ita propria est, ut nulli alteri convenient. Ea vero accidentia septem vulgo numerantur.

Forma, figura, locus, stirps, nomen, patria, tempus.

Ista enim speciem adeo determinant, ut individuum in genere saltem substantiæ, aut constituant, aut certe ab omnibus aliis discriminent. Quanquam forte quiddam magis rei intimum eam singularem efficit, quodcumque illud sit, de quo alius erit dicendi locus.

Individuum variis quoque vocibus exprimitur: sive nomine proprio designatur, ut Socrates, quemadmodum res universim spectata nomine appellativo significatur, ut homo, urbs & alia hujusmodi. Sepe pronomine demonstrativo individuum designamus: ut hic homo, hic circulus. Interdum res singularis indeterminate exprimitur, ut aliquis homo, tumque individuum vagum id appellamus.

Adversus definitiones individui, quas afferit Porphyrius, quedam opponi solent, quæ facile diluvuntur. *iº* opponunt male individuum definiri per speciem, cum species fuerit definita per individua: sic enim fit circulus, qui om-

nino vitandus est , tum in definiendo , tum in ratiocinando.

Reff. Vitiosam esse definitionem circularem in rebus absolutis , non item in relatis. Hinc male quis definiret hominem , quod subjicitur animali , & animal cui homo subest : sed relata non possunt aliter definiri , nisi per se invicem : ut servus per dominum , & dominus per servum. Sic optime genus per speciem , species item per genus definitur. Eadem est ratio speciei & individui , quæ se mutuo respiciunt.

Opp. 2. Individuum prædicatur de multis : nam Socrates est individuum ; Plato est individuum : Ergo male definitur individuum , quod prædicatur de uno tantum.

R. Diff. ant. Individuum prædicatur de multis , quantum ad secundam intentionem , quæ individualitas dici potest , C. ratione naturæ ipsius singularis & contractæ , N. Nam in ipso individuo , ut in genere , aut specie duo sunt , natura & secunda intentio ; materia videlicet & forma : natura numerica cuique individuo propria est : sed notio , aut vox ipsa individui pluribus communis esse potest. Verum hæc ita sunt facilia , ut diutius nos morari non debant.

QUÆSTIO III.

De Differentia.

Proximum est ut de differentia dicamus : ea quippe & genus dividit , & speciem constituit : ut rationale & irrationale dividunt animal , hominem vero & brutum constituant. Quare explicatis fere omnibus , quæ ad genus & speciem pertinent , facilior erit ipsius differentiæ tractatio.

ARTICULUS PRIMUS.

Quid sit , & quotuplex differentia.

Triplex à Porphyrio affertur differentiæ acceptio , communis videlicet propria , & maxime propria. Cum enim differentiæ nomine id intelligamus , quo unum ab alio differt : ubi duæ res per accidentia quadam communia inter se differunt , ut si unus homo moveatur , aut ægrotet , alter quiescat , aut sinus sit , hæc differentia communis dicitur. Cum autem id quo unum ab alio discrepat , altius insigatur , & ita adhaeret , ut divelli non possit : sive ea sit rei ipsius proprietas quædam , sive accidens , quod separati nequit , tum utrūque differentia propria dicitur. Sic Æthiops à Gallo differt per nigredinem. Cum denique differentia ad rei essentiam pertinet , tum maxime propria vocatur : ut rationale est differentia hominis : sic linea curva differt à recta ; numerus par ab impari.

Ac de essentiali quidem differentia hoc loco agimus. Hæc enim est tertium prædicabile , quod satis accurate definiri potest , universale quod prædicatur de multis specie vel numero differentiis in quale quid. Quæ utique definitio ex iis que diximus , satis plana est & aperta.

Quod in definitione posuimus , de multis specie , vel numero differentiis

bus, id utique eo factum est, ut definitio differentias cum genericas, tunc specificas comprehendet. Nam ut species vel est subalterna, ut animal respectu viventis; vel infima, ut homo; sic differentiae alias sunt genericæ, quæ de multis specie diversis, ut de homine & bruto; alias specificæ, quæ quidem de multis numero differentibus prædicantur, ut rationale.

Quamvis enim differentia specifica de specie prædicetur in quale quid, hoc est, ut pars essentialis & per modum adjacentis, ut supra dictum est; tamen ratio universalis non ei convenit, quatenus dicitur de specie: cum de ratione universalis sit, ut respiciat multa, vel ut aptum sit dici de multis. Sed species non est quid inferius differentia specifica: nam ex quo ei responderet, & tantum patet species, quantum ipsa differentia. Ergo differentia specifica non est quid universale, ubi cum specie comparatur: sed ea est universalis, quatenus ad individua referatur, ac de iis prædicatur in quale quid, hoc est, adjectiva. Nam genus & species prædicantur in quid, nimirum substantive, seu per modum rei subsistentis.

Quis afferit Porphyrius differentiae rationes, aut sunt imperfectæ, aut eam quæ allata est, utcumque explicant. Sic ubi eam definit 1^o quod prædicatur de multis specie differentibus in quale quid, differentiam dumtaxat genericam, non specificam hac definitione complectitur. Reliquæ admitti possunt, ut secunda definitio: Differentia est id quo species superat genus; aut tertia, id quod discernere aptum est ea quæ subsunt eidem generi. Quarta etiam recipi potest, differentia est id per quod unumquodque differt ab alio. Sed tamen nisi addas hanc vocem, essentialiter, hæc definitio communi, aut accidentiarie differentiae æque conveniet,

Ultima videtur accurior: sed nulla ex iis definitionibus differentiam explicat, quatenus est quid universale: quo circa quæ primo loco allata est, videatur retinenda, quam reliquæ clariorem efficiunt, quatenus distincte differentiae munera exprimunt.

Atque hæc possunt utcumque sufficere, si nobis non aliud esset propositum, quam Porphyrii textum exponere. Sed cum multas hoc loco & graves movent questiones, non possumus eas intactis relinqueret. Quo autem certo ordine progrediamur, primum differentia cum specie, deinde cum genere erit comparanda, simul & differentiae inter se conferentur.

ARTICULUS II.

Utrum desur differentia cum specie reciproca.

Duo quidem hoc loco queruntur: primum, an unaquæque species una sit differentia contenta, an plures sæpe exigat; deinde utrum in specie quilibet una sit differentia reciproca, quæ scilicet tantum pateat, quantum species ipsa.

Certum est 1^o dari differentias infimas: quandoquidem species infimæ per suas differentias constituantur. Sed quæstio est, an unius speciei infimæ una sit, aut multiplex differentia: utrum completa sit v. gr. hominis v'gata definitio, Homo est animal rationale; an alias quoque differentias addi oporteat: ut Porphyrius hoc loco definit hominem animal rationale mortale.

Certum est 2o quodam esse genera, quæ una & simplici divisione in suas species dividuntur: ut substantia in corpus & spiritum; corpus in vivens & vite expers; vivens in sensitivum, & sensu destitutum: species adeo his generibus subiectæ una quoque differentia contentæ sunt. Nam unica differentia nempe sensitivum unum animal constituit. At cum animalis ipsius non una, sed multiplex sit & immediata divisio: (nam aliud est sanguinum, aliud exsangue; aliud respirat, aliud non item,) ut alias mittam animalis divisiones: merito queritur, an hominis v. g. aut alterius speciei completæ unica sit differentia essentialis, an multiplex. Sit igitur

Prima Conclusio.

Species completae magna ex parte plures habent differentias essentialias.

Probatur conclusio. Differentia essentialis est prima radix actionum & proprietatum, ex quibus ipsa cognoscitur: sed multæ sunt actiones & proprietates, quæ in unicam differentiam refundi non possunt: ex. gr. quod homo respiret, id illi non convenit, quatenus est animal: nam omne animal respiraret, pisces vero non respirant. Neque id convenit homini, quatenus est rationalis: nam equus respirat, neque est rationalis. Itaque hæc proprietas nec ratione generis, nec ratione differentie homini competit. Idem dicendum de aliis proprietatibus: ut quod sit sanguineus, quod loco moveatur, ut alia omittam quæ ad essentiam illius pertinent. Ergo unius hominis plures sunt essentialies differentiae.

Conf. Quedam sunt species quæ subjacent generi, quod unica divisione potest dividi; ut vivens subest corpori quod unica & immediata divisione in corpus animatum & in corpus inanime secatur: Atque hæc species unica differentia sunt contentæ. Sed aliae sunt species quæ subsunt generi, quod multiplici & immediata divisione potest dividi. Sic homo subest animali, quod non solum in rationale, & irrationale, sed etiam in sanguineum & exangue distribuitur: unde & plures exigunt differentias. Nam ex qualibet animalis divisione aliquam sibi sumit differentiam; siquidem & sanguinem & ossa exigunt: neque hæc differentiae sunt genericæ: nam genus assignari non potest: Ergo sunt specificæ.

Probatur 2o Nulla pene res est in natura, quæ per unicam differentiam explicati, aut definiti possit. Hoc enim simplici duntaxat formæ, aut qualitatæ subiecto abstractæ convenit. Sic trianguli æquilateri una est essentialis differentia, quod æqua habeat latera: idem de cæteris figuris dicendum est. At difficile est una definitione numerum aliquem complecti. Hinc Aristoteles definit ternarium, numerum imparum primum. Quocirca ne formæ quidem simplices unica differentia semper contentæ sunt, nedium species completae, aut concreta ipsa per unam & simplicem differentiam distinguentur: quod rerum naturas diligenter intuenti erit manifestum.

Diluvuntur objecta.

Opp. 1o. Genus & differentia sic totum metaphysicum constituant, ut genus interia, differentia formæ habeat rationem: Ergo ut in toto Physico una est forma, sic totius Metaphysici una est differentia.

Resp. Nec. conseq. Neque enim eadem est ratio totius Physici, cuius partes sunt distinctæ, & totius Metaphysici, cuius partes sunt una & eadem res,

quam mens nostra secat, ut libitum est. Neque etiam hoc loco expendimus an totius Physici una sit forma: id enim alterius est loci. Postremo ut una est anima formaliter, sed virtute multiplex, sic una est differentia realiter, quæ hominem constituit, sed est multiplex virtute. Quare ut una est anima in homine quæ est virtute multiplex: sic una est differentia realiter, sed multiplex est virtute.

Opp. 2^o. Si unius speciei plures sint differentiae essentiales, nulla res accurate definiri poterit, nisi omnes illæ differentiae afferantur: quod molestum esset, & pene impossibile: Ergo unius speciei erit una differentia.

Resp. 1^o. Neg. maj. Quamvis enim res concretae & valde composita per unam differentiam vix definiri possint, tamen multæ sunt qualitates, aut formæ simplices, quæ per unicam differentiam definiuntur: quin etiam res composite per congeriem eorum qualitatum satis commode explicari possunt. Ex. gr. si aurum definire velim, vix illius differentia essentialis, & adæquata occurret, ex qua omnes proprietates fluunt: sed multas simul congeram: ut quod pondere alia metalla superet: quod fixum sit in igne, nec vi caloris minuantur; quod flavo colore tingatur; quod fusum in scorias vel recrementa, ut imperfecta quæque metalla, non abeat, nec rubiginem contrahat, & alias, si quæ sint, illius proprietates coacervabo, quæ auti naturam multo notiorem efficiunt, quam si unicam differentiam afferem.

Resp. 2^o. Unicam sèpius differentiam sufficere, quæ rem ab omnibus aliis discriminat: quamquam omnia in quibus diversa est, non exprimit. Sic aurum satis apte definitam metallum quod alia vincit pondere: sed tamen fatendum est omnes auri proprietates hinc duci non posse.

Idem supra diximus de homine, qui etiam commode per partes physicas & essentiales definitur. Est enim quid compositum ex mente, seu anima rationali, & corpore organico. Atque hæc definitio eo videtur accuratior, quod explicet id quod homini maxime proprium est, quod ex rebus diversissimis constet, mente nimirum & corpore. Rationale hominem ab omnibus aliis discriminat: sed non omni modo eum distinguit. Quod enim homo sit bipes, idque essentialiter exigat, ab equo hominem distinguit: verum id non habet, quatenus est rationalis. Quare hæc definitio, homo est animal rationale, est eatenus perfecta, quatenus ex genere proximo & differentia maxime propria constat: sed ea ratione minus est perfecta, quod hominem non distinguit perfecte & omnibus modis, quibus ab omni alia specie distinguatur.

Sed, *inquires*, illa non est differentia hominis specifica, quod sit bipes: si quidem non est reciproca cum homine.

Resp. Omnem differentiam specificam non esse reciprocam, nisi eadem sit complexa. Itaque cum esse bipes nullum genus constitutat, licet de multis specie diversis prædicetur, non idcirco tamen est differentia generica, sed magis est specifica: cum animal bipes non habeat veras differentias divisivas, ut vivens sensitivum, quod genus a'iquid, nempe animal constituit; unde sensitivum est differentia generica, non item bipes.

Inflent. Species, ut animal bipes, aut sanguineum constituitur per unicam differentiam: ergo species unica differentia contenta est.

Rsp. Dist. antec. species imperfecta, quæque in categoria directe non collocatur, C. perfecti, quæque ad aliquam categoriam directe pertinet. N. nullus enim locus est in categoria sanguineo animali, aut bipedi.

Secunda Conclusio.

Ut multæ sunt species, quæ simplices habent & reciprocas differentias, sic complures sunt, in quibus vel nullæ sunt ejusmodi differentiae, vel assignari non possunt.

Prima pars conclusionis ex iis quæ diximus facile colligitur. Nam unius animalis una est reciproca differentia, nempe sensitum: cum viventis sit una & immediata divisio: omne enim animal est sensitum, & omne sensitum est animal. Sic in Mathematicis ejusmodi differentiae reciprocae & adæquatae paſsim occurunt, & demonstrantur: ut æqualitas radiorum in circulo, seu linearum à centro ad lineam circumcurrentem, vel circumferentiam, est differentia illius reciproca, quæ essentiam circuli constituit.

Conclusionis pars altera non minus est aperta: cum enim ad species animalis compositas in genere substantiarum descendimus, vix illæ differentiae reciprocae occurunt. Quanquam in nonnullis reperiuntur, ut rationale in homine, hincitum in equo, latratuum in cane: sed in plerisque desiderantur. Quæ enim avis v. g. occurret differentia reciproca? plures simul congerere necesse est, ut animal plumbis & sanguine instrutum. Idem de elementis juxta vulgarem sententiam dici potest. Solet enim definiri elementum, corpus simplex corruptibile: quod simplex sit, id cum cælo: quod sit corruptibile, id cum mixto corpore habet commune.

Major est de homine difficultas, an rationale sit differentia illius reciproca, adeo ut omnis & solus homo sit rationalis: difficultatem auget illius vocis ambiguitas. Nam si per rationale intelligimus vim discursivam, qua homo unum ex alio colligit, non satis liquet cur Angeli non sint rationales, cum discurrant, & unum ex alio colligant, si minus in rebus necessariis, saltē in iis quæ sunt contingentes. Quod si perceptionem, aut cogitationem omnem hac voce intellegimus, aut certe intellectualem cognitionem, adeo non est deneganda Angelis, ut ipsi Deo longe præstantiori modo conveniat. Restat igitur ut rationalis nomine, si differentia est hominis reciproca, vim discurrendi cum quadrinaria sensib[us] dependentia intelligamus: de quo quidem nihil necesse est hoc loco fisiū differere.

Sed, inquires, quæ ratio efficit, ut differentiae in nonnullis rebus sint reciprocae, in aliis non item.

Rsp. Id colligi tantum à nobis posse ex rei cui usque actionibus, & proprietatibus. Naturam enim rei aliunde perspectam habere non possumus. Ex differentia essentiali, ut ex radice intima proprietates, seu facultates proficiunt: ut vis respirandi, incendi, vitus quoque, auditus & aliae vires, aut facultates, ex quibus actus quidam, ut respiratio, incensus, visio oriuntur. Qui quidem actus, ut respiratio, visio, inter accidentia numerantur; facultates sunt ipsæ proprietates; radix proprietatum est rei essentia, seu genus, seu differentia: nam quedam proprietates ex genere, aut differentia generica diminant, ut tactus ex animali, vel sensitivo.

ARTICULUS III.

Quæsiuncula aliquot circa genus & differentiam exentiuntur.

Nunc illud restat, ut non solum genus cum differentia, sed & differentias inter se conferamus; ac primum quomodo genus prædicetur de differentia inquirendum: id enim proprie ad Logicam pertinet, ut attributa rerum essentialia, non tam ut sunt in rebus, (quod ad Metaphysicam spectat) quam ut prædicantur, aut de se invicem, aut de inferioribus, consideret.

Primum itaque id queritur, quomodo genus de differentia prædicetur, aut vicissim differentia de genere.

Resp. Prædicationem esse duplicem: una est materialis, formalis altera. Illa sit cum subiectum & prædicatum sunt una & eadem res, sed non est idem utriusque conceptus, vel idea. Quo quidem modo differentia de genere dicitur, aut vicissim genus de differentia. Cum enim dicimus, Animalitas est rationalitas, vera est illa propositio in sensu materiali: est enim una & eadem res; non autem est vera in sensu formalis: neutra enim includitur in alterius idea, vel conceptu.

Formalis autem est illa prædicatio, Homo est animal, quia animal est de ratione, seu de conceptu hominis: non illa est formalis, Humanitas est animalitas. Ratio ea est, quod genus & species in genere substantie prædicari debeant per modum rei substantis, & quodammodo completa: sed abstracta, ut humanitas & animalitas, tanquam partes substantie & incompleta concipiuntur: unde recte dicimus hominem esse animam: quod enim habet humanitatem, idem habet animalitatem: non autem humanitas est animalitas, saltem in sensu formalis. Contra res se habet in accidentibus: nam recta est & formalis prædicatio in abstracto, ut albedo est color, justitia est virtus.

Ratio hujus discriminiis ea videtur, quod subiectum non pertineat ad ideam, vel conceptum accidentis, quamvis illud connoter. Hinc concretum accidentale est unum quoddam per accidens: ex duplice enim essentia subiecti & accidentis coalescit: ut album ex pariete, & albedine. Sed concretum substantiale, ut homo, est unum per se, id est, unius essentiae, & complete: unde in accidentibus genera & species recte prædicantur in abstracto: non ita res se habet in genere substantiae. De subiectis vero differentia, proprium & accidentis in concreto recte prædicantur: ut Homo est rationalis, aut justus: nam prædicantur in quale, seu per modum adjacentis.

Queres 2º. An differentia superior includatur in inferiori: utrum sensitivum ex. gr. sit de conceptu, vel idea rationalis.

Rjs. Negative. Idque ex dictis liquet: primum enim cum genus non sit de ratione differentiae, ut ostendimus; nec differentia, que constituit genus, erit de ratione, aut idea differentiae specificae. Deinde si idea animalis non includitur in rationali: sensitivum, quod constituit animal, non includitur in conceptu, vel idea rationalis.

Opp. 1º. Rationale idem est atque homo: sed homo includit formaliter animal: ergo & rationale quoque animal ipsum includit. Sic sensitivum est differentia viventis, nec tamen sensitivum concipi potest, nisi idem sit vivens.

Resp. Rationale includere formaliter animal, ut sensitivum includit vivens: cùm utraque differentia sumitur in concreto, C. cum sumitur in abstracto, N. Rationalitas enim non includit formaliter animal, cum principium diversitatis non includatur in principio convenientiae. In genere multa convenienti, per differentias inter se dilcrepan: ergo utriusque conceptus se mutuo non includunt. Sic sensitivum, ut est differentia, non est vivens, seu corpus animatum; sed est id ipsum quod vivens, aut corpus animatum determinat ad genus animalis.

Opp. 2o. Superius includitur formaliter in inferiore, ut figura includitur in ratione vel idea circuli. Sed genus est quiddam superius differentia: sic animal superius est rationali. Ergo id formaliter includitur in differentia.

Resp. Dist. major. Superius includitur in eo quod est inferior, & directe & in eadem linea aut serie categorica est comprehensum, ut animal in homine, C. in eo quod inferior est tantum indirecte, & extra seriem categoriarum, cuiusmodi est differentia, N.

Quæst. 3o. Quomodo opponantur inter se differentiae ejusdem generis divisive?

Resp. Oppositionem illam esse contrariae proximam: cum scilicet differentiae ex utraque parte sunt quid reale: ut linea est recta, aut curva; numerus par, vel impar. Nam ea sunt contrarie opposita, quæ sub eodem genere posita maxime inter se distant: cum tamen contrarietas sit proprie inter accidentia, differentiae non strictiore quidem, sed paulo latiore significatione sibi contrariae dicuntur.

Sed ubi una differentia est alterius tantum negatio, ut cum dicimus plantam esse sensus expertem, tum sane differentia inter se quodammodo contradictriae opponuntur, ut affirmatio & negatio.

Sed *inquires*, omnis differentia genus perficit. Ergo est quid positivum, non mera negatio.

Resp. Dist. ant. Omnis differentia genus perficit, juxta nostrum concipiendi modum, C. quia genus quod vagum est, & indeterminatum, ad certam speciem determinat: Omnis differentia genus perficit, quasi perfectionem aliquam generi largiatur, N. Sic linea differt à superficie, quod linea sit longitudi latitudinis expers: quod quidem nihil est positivum. Sic differentiae inter se dives & pauper, quod ille abundet pecunia, hic careat. Simili ratione differunt homo & brutum, quod ille sit rationis compos, hoc utique expers: ac sufficit omnino ut altera differentia sit quid positivum.

QUÆSTIO IV.

De proprio.

QUæ reliquæ sunt duas questio[n]es de proprio, & accidente, explicatu sunt faciles. Nam quæ oriri possunt difficultates, magna ex parte sunt solute. Primum itaque de proprio, quod essentia rei vicinus est, & ab ea proficit, tum de accidente dicendum.

Non una est proprii acceptio. Nam interdum id proprium dicimus, quod non est aliis commune: ut id homini proprium dicimus, quod sit rationalis. Proprium etiam id sepe intelligimus, quod non est rei alienum

quodque ad eam pertinet: item quod non est metaphoricum, aut ab alio translatum. Verum his missis, quæ non sunt hujus loci; Porphyrius quatuor assert proprij acceptiones.

1°. Id proprium dicitur, quod convenit soli speciei, sed non omni, ut homini esse medicum; hocque potius accidens commune dici debet, quam proprium.

2°. Quod convenit omni speciei, sed non soli, ut homini esse bipedem: quanquam hoc inter differentias sit recensendum, ut ex dictis liquet.

3°. Quod soli speciei & omni, sed non semper, ut homini in senectute canescere. Sed nefcio an sua exemplo constet veritas: id enim in plerisque aliis animantibus, ut in equis interdum cernimus: quanquam forte id soli homini proprium est, ut toto capite canescat; neque adeo esse debemus de exemplorum veritate solliciti, ut maiorem lucis, vel claritatis rationem non habeamus. Vigilare & dormire soli quidem animali, sed non semper convenientia.

4°. Denique id proprium dicitur quod omni speciei & soli & semper convenit: ut homini esse risivum, vel admirativum. Ac proprium quidem hoc modo usurpatum est quartum praedicabile.

Sed cum tria in proprio ex. gr. in risivo, spectari possint; actus, ut ridere; aptitudo, seu facultas risiva; & radix illius facultatis: palam est actum ipsum nihil esse nisi accidens commune: ut radix prima & fons risivæ facultatis est essentialis hominis differentia. Restat igitur facultas ipsa, vel aptitudo ad ridendum, quæ proprietas dici possit. Solet item vocari affectio, aut passio; estque id omne quod ab essentia rei necessario profluit, ut vis ridendi in homine.

Ac scientia quidem omnis circa sui objecti proprietates occupatur. Sic figuratum proprietates, aut affectiones Geometra contemplatur: ita enim ex rei cuiusque essentia manant illæ affectiones, ut pessimæ rei alicujus natura, quæ eam consequuntur proprietates, paulatim evolvantur. Quod autem rei alicujus idea complectitur, & sine quo concipi nequit, ad ejus essentiam id omnino pertinet: ut in circulo rotunditas, aut radiorum æqualitas. Sed proprietates circuli, quas Geometra tot libris persequuntur, naturam circuli necessario quidem consequuntur, ad illius tamen essentiam non ita pertinent, ut iis non cognitis, circuli idea, vel cognitione haberi non possit.

Itaque proprium necessario & reciproce de specie prædicatur, sed accidentarium tamen: non enim ad essentiam illius pertinet. Nam essentialis id dicitur, sine quo res nec esse potest, nec concipi, idque omnino est necessarium: sed non retro commeat, nec omne quod est necessarium, idem est essentialis. Itaque proprietas quæque & in abstracto expressa, ut universale Metaphysicum, necessario fluit ab essentia rei, & cum ea convertitur: verum logice, seu in concreto usurpata, adjective & necessario enuntiatur, ut risivum: sed non est essentialis.

Neque hoc loco excutiendum puto an proprietates ab essentia rei distinguantur, necne. Id enim cuiusque est scientiae definire, an v.g. quantitas, quæ est corporis proprietas, sit realiter distincta à corpore; an calor ab igne, & ita de reliquis.

Id interim admonebo, proprietates alias esse metaphysicas, quæ ratione

tantum, seu cogitatione, non re à suis subjectis separantur, quæque adeo ab iis separari non possunt: ut entis proprietates, unitas, veritas & bonitas; ut numerorum & figurarum affectiones. Alia sunt physicae, quæ re ipsa sunt distinctæ à subiecto, & divinitus saltem possunt separari, ut quantitas est proprietas corporis physica, quæ ab eo potest separari.

Ex iis definitio cùm Metaphysica, tum Logica proprii, quatenus est universale, colligitur. Nam est unum aptum inesse multis accidentaliter quidem, sed necessario & reciproce. Aut, si logice velis id definire, erit unum aptum prædicari de multis in quale, sed necessario & reciproce.

Proprium, ut differentia, dividitur in genericum & specificum: illud à gradu, seu perfectione generica, ut quantitas à corpore; hoc à gradu specifico dimanat: ac semper proprietas cum eo gradu convertitur, à quo profluit. Unde quod accidens est respectu unius subiecti, est proprietas cum alio comparatum. Calor est ignis proprietas: sed is accidit aliis corporibus, ut ferro.

QUÆSTIO ULTIMA.

De accidente.

Accidens commune definitur à Porphyrio, quod potest adesse, vel abesse à subiecto, sine ejus interitu. Sic pallor, aut rubor in vultu est illius accidens. Quæ definitio non erit intellectu difficulter, si meminerimus accidens esse prædicabile de multis in quale contingenter. Id vero solum contingens dicitur, quod potest esse, & non esse. Ergo illud proprie est accidens prædicabile, quod potest adesse & abesse salva rei essentia.

Sed, *inquiries*, multa sunt accidentia, quæ ita cum subiectis cohærent, ut ab iis divelli non possint, ut nigredo ab Æthiopi. Ergo illa definitio non omnibus accidentibus aequè convenit: maxime cum accidens dividi soleat in separabile, cuiusmodi est calor in aqua; & inseparabile, cuius generis est nigredo in corvo, aut albedo in cygno.

Resp. Diff. ant. Multa sunt accidentia, quæ separari à subjectis non possunt per veram & physicam separationem, Transeat; per mentem ipsam, ita ut salva rei essentia separari non possint, N. Nam ut Æthiops non sit niger, nihil ejus naturæ detrahitur. Proprietates ab essentia rei per mentem ita præscindi possunt, ut rei natura citra proprietates concipi possit: sed negari nequeunt, salva rei essentia. Verum accidens commune non solum præcisione simplici, quæ ad primam mentis operationem pertinet; sed etiam præcisione negativa, & cum judicio conjuncta, de re qualibet, salva ejus essentia divelli potest.

Dixi quidem, Transeat antecedens: non enim abhorret à verisimili, accidens omnino inseparabile rei ipsius esse proprietatem, qua ex illius essentia profluit. Nigredo vero non ita Æthiopi pertinaciter adhæret, quin paulatim minui possit, ubi in alias regiones magis temperatas commeat: cum paulatim in filiis, ac nepotibus exolecat. Sic in frigidis admodum regionibus, & ursi, & vulpes, & pleraque animalia hyeme albescunt, ut in Livonia, Lithuania, & aliis regionibus ad Boream vergentibus.

Infr. Calor & frigus sunt proprietates elementorum: sed ab iis separantur:

ergo non sola accidentia , sed etiam proprietates adesse , & abesse à subjectis possunt.

Resp. 1^o *Difl. maj.* Calor & frigus sunt proprietates elementorum , cum pro aptitudine ipsa , aut vi insita sumuntur , C. si pro actuali calore , aut frigore , N. Sic visus actualis non est hominis proprietas , sed accidens commune : quamquam calor ab igne , aut siccitas à terra , aut humiditas ab aqua divelli non possit. Sed de his fuse in physicis.

Opp. 2^o Mortem esse accidens commune : nec tamen adest & abest citra subjecti interitum , uti nec lethale vulnus , aut calor naturalis.

Resp. 1^o Hæc omnia nihil ad essentiam rei pertinere , neque ab ea profluere.

Resp. 2^o Subjectum mortis esse materiam ipsam : est enim idem subjectum forme & privationis , visus & cæcitatis : atqui materia per mortem non destruitur. Unde homo est subjectum illius , ut aiunt , denominationis , non in hæfsonis. Denominatur enim homo mortuus : sed ei tanquam subjecto mors non inhæret : quamquam mors & accidens dici non potest , cum sit privatio , aut corruptio.

Ex iis liquet accidens commune , ut est universale metaphysicum , definiri posse unum aptum incise multis contingenter. Sed logice spectatum , est unum aptum prædicari de multis in quale contingenter. Prædicari auten potest accidens vel de suis inferioribus , ut color de albedine & nigredine : tumque habet rationem generis , aut speciei , & concipitur ut res quædam , seu ut quidam subsistens : tametsi in abstracto exprimitur. Nam albedo est color , justitia est virtus : quod illæ formæ quasi integræ & compleæ à nobis concipiuntur citra ullum ordinem ad subjecta : contra atque evenit in iis quæ ad categoriam substantiæ pertinent : nam humanitas , ut pars concipitur , & quid incompletum. Homo , seu quod habet humanitatem & in se subsistit , est quidam completum in suo genere. Hinc illa prædicatio est legitima , formalis & categorica , Homo est animal ; non illa , Humanitas est animalitas. Vel accidens ad multa subjecta , quæ aut specie , aut numero differunt , comparatur , tumque rationem habet quinti prædicabilis : nam prædicatur adjective , seu in quale per modum adjacentis , non in quid , quasi ad rei essentiam pertineat : Sic homo dicitur albus , nix frigida.

Jam ut mittam plurimas accidentis divisiones , quæ alibi commodius exponentur : 1^o Accidens aut subjectum extrinsecus afficit & denominat , tumque extrinseca denominatio appellatur. Sic paries dicitur visus à visione , quæ non est in pariete , sed in homine ; aut subjecto est intrinsecum , idque rursus tripli modo usurpatur.

1^o Ut essentiæ rei opponitur , tumque accidens metaphysicum appellatur ; sive sit proprietas , sive accidens commune , dummodo rei essentiam non constituerat.

2^o Ut necessario opponitur , & contingenter advenit , idque est accidens logicum.

3^o Ut opponitur substantiæ , & in ea quodammodo subsistit , aut inhæret : ut virtus , pulchritudo , rubor in facie , idque accidens physicum nominatur.

Rursus accidens vel est absolutum , ut calor ; vel relativum , ut æqualitas , similitudo. Sed ista commodius in prædicamentis , de quibus mox agendum.



C O M M E N T A R I I

I N C A T E G O R I A S A R I S T O T E L I S.

P R A E F A T I O .

Expositis omnibus, quæ ad universalia pertinere visa sunt, proximum est ut librum Aristotelis, qui de Categoris inscribitur, quique, ut dividimus, primam Dialeticæ partem continet, quam poterimus accurate & dilucide explicandum aggrediamur..

Aristotelem esse hujus Libri Authorem, quanquam sint qui dubitent, tamen veterum interpretum authoritas, stylus brevis & subobscurus, doctrina ipsa cum Topicis & aliis Aristotelis operibus consentiens pene demonstrant. Nec necesse est hoc loco multa de ingenio, doctrina & eloquentia hujus Authoris differere: cum haec sint vulgo notissima. Is fuit natione Macedo, ex urbe quæ Stagyra dicitur, Stagyrita nomen duxit: per 20 annos Platonem audiisse fertur, tum Alexandri magni præceptor electus à Philippo, tandem Athenis in loco, quem Lyceum dicebant, Philosophiam edocuit. Hinc Peripateticorum princeps fuit, qui ita dicti sunt quod inter deambulandum philosopharentur. Primus Philosophiam omnem, ac Logicam maxime, in ordinem digestis, eamque certa ratione, aut methodo pertractavit.

Hunc Librum vel Aristoteles ipse, vel qui eum secuti sunt, de Categoris inscripsere: quam vocem à foto in Lyceum inventam fuisse plerique opinantur. Nam ex voce græca κατηγορία ducta est: quod est accusatio: hinc κατηγορία accusationem proprie significat. Id nomen ad certam seriem generum & specierum, quæ sub uno supremo genere continentur, satis commode translatum putant: quod prædicata superiora, eorum quæ illis subjiciuntur naturam appearant & declarant;

Hinc categoria apud Logicos est ipsa prædicatio: ac decem suprema genera, seu prædicata categoriæ dicuntur. Unde & Boëtius hunc tractatum de decem prædicamentis inscripsit. Architas Tarentinus, qui à nonnullis primus hujus Libri Author habetur, eum de decem vocibus universalibus inscripsérat: non quod vocum in hoc tractatu ratio præcipue habeatur: sed quia res omnes decem vocibus, aut terminis exprimuntur. Qua ratione motus Quintilianus hanc rerum seriem elementum appellavit. Sunt enim hi communes termini velut prima orationis Dialeticæ elementa.

Objectum itaque hujus Libri sunt res omnes in certas digestæ classes. Finis iste, ut vitetur omnis idearum confusio. In tractatu de universalibus, quæ similia sunt inter se, in unum colliguntur, ac plura per unam ideam concipiuntur. Contra in hoc tractatu, quæ sunt dissimilia, in diversa genera, aut classes separantur. Hinc res in suum quæque ordinem digestæ facilius definiri, ac dividii possunt: & omni sublata confusione magis distinctæ fiunt & appetit.

Tres in partes hic Liber divisus est. In prima quadam præambula præmit;

TRACTATUS DE ANTEPRÆDICAMENTIS.

tantur, quæ anteprædicamenta dicuntur. In secunda prædicamenta ipsa, seu categoria explicantur. Tertia quæ categorias consequuntur, ut opposita, de priori & posteriori, & alia hujusmodi plurima continet, quæque vulgo postprædicamenta nominantur. Triplex adeo nobis est instituenda disputatio: prima erit de anteprædicamentis; secunda & præcipua de decem categoriis; tercia de postprædicamentis futura est.

DISPUTATIO PRIMA.

De Anteprædicamentis.

Aristoteles in hoc Libro videtur Geometras imitatus: nam definitiones quasdam præmittit, ne ullus in iis, quæ postea dicturus est, remaneat ambiguitati locus: tum quasdam divisiones adhibet: deinde duas proponit regulas, quæ sunt velut quedam axiomata; tandem categorias ipsas enumera. Nos eundem fere ordinem secuturi, quatuor questionibus rem omnem completemur. In prima definitiones ab Aristotele allatas exponemus: secunda divisiones quoque & regulas ab eo propositas continebit. Tertia erit de categoria in universum. In quarta denique præcipuas entis divisiones persequemur.

(QUÆSTIO PRIMA.

De variis definitionibus, que ab Aristotele afferuntur.

Aristoteles primum homonyma, seu æquivoca, tum synonyma vel univoca, tandem paronyma, seu denominativa in hujus tractatus limine idecirco definire voluit, quod sola univoca ad categorias pertineant: cum autem haec definitiones in compendio jam allatae sint & explicatae, summatim eas hoc loco decurrere satis fuerit.

Primum itaque æquivoca sic definit Philosophus. *Homonyma*, inquit, dicuntur ea, quorum solum nomen commune est, ratio autem nomini respondens plane diversa. Vulgare est exemplum canis, qui pro animali domestico, & pro fidere accipitur: inter quæ nulla est similitudo: unde & æquivoca à casu dici solent. Quæ autem aliquo nituntur fundamento, ut in translatis & metaphoricis evenit, hæc dici solent æquivoca à consilio. Sed magis sunt analogia, quam æquivoca: cuiusmodi est vox illa, fundamentum. Nam præcipuas rationes, quibus opinio, aut scientia initititur, dicimus fundamenta; & fundamentum ædificii propriæ nominamus. Verum hujus generis æquivoca, cum nihil sint præter analogia, de his mox dicturi sumus.

Synonyma seu univocatae definit Aristoteles. *Synonyma dicuntur ea, quorum nomen commune est, ratio vero nomini respondens plane eadem.* Rationis nomine intelligit rei definitionem, atque, ut loquuntur, quidditatem; ideo videlicet, quæ certæ voci, aut nomini est illigata. Sic in nomine & ratione animalis, homo & brutum & que convenient: ut circulus & quadratum in ratione, aut definitione figurae. Vocem ipsam, ut figuram, solent appellare univocum univocans: idem est de æquivocis & analogis dicendum: ac subinde monent hoc loco, ubi de rebus præcipue agitur, non tam nomina univocata, quam univocata, seu res ipsas definiri.

Paronymia autem, seu denominativa, ut definit Aristoteles, dicuntur *quæcunque casu ab aliquo differentia, ab eo nominis appellationem habent*. Sic fortis à fortitudine, justus à iustitia denominatur. Adiectiva etiam, aut conjugata dici solent, eaque concretis vocibus efferi: ut *justus*, *fortis*, & alia hujus generis concreta accidentalia.

Analogia prætermisit Aristoteles, vel cum homonymis ea confudit. Nihil enim sunt nisi æquivoca à consilio, eaque inter synonyma & homonyma ambigunt. Unde & definiti solent, *quorum nonen commune, ratio vero nonmini respondens partim eadem, partim diversa*. Exemplum attulimus de fundamento. Omnes quoque voces metaphoricae in hunc censum venire possunt. Cum autem analogie usus sit in Philosophia frequentissimus, non erit alienum quid proprie sit, & *quotuplex*, quæque sit illius origo, paulo explicatius tradere.

Analogia Gracis idem est, quod Latinis *proprio*: hæc autem proprie in Mathematicis invenitur, atque hinc in alias disciplinas permanavit. Quando una quantitas cum alia confertur, tum illa unius quantitatis ad aliam habitudo ab Euclide ratio nominatur: quæ suo nomine plerunque exprimitur. Sic quaternarius cum binario collatus dicitur illius duplis. Est igitur ratio, certa unius quantitatis ad alteram habitudo, vel relatio.

Proportio vero dicitur cum plures ejusmodi rationes inter se conferuntur; eaque est duplex, Geometrica una, Arithmetica altera: in Geometrica proportione eadem est ubique ratio, vel quantitatuum relatio: ut manifestum est in illa proportione Geometrica: ut tria se habent ad sex, ita octo ad sextdecim: est enim utrobique eadem proportio, nempe subdupla: atque in hac proportione quatuor saltem termini intelliguntur 3, 6, 8, 16.

In proportione Arithmetica non relationis paritas, sed idem excessus inter numeros, aut quantitates requiritur: ut inter 4, 6, 8, 10. semper idem est terminus, vel idem excessus, nempe binarius.

Hinc itaque duo Analogiae genera fluxerunt, unum attributionis, proportionis alterum. Analogia attributionis eandem habent inter se rationem penes terminum, sed diversam habitudinem ad terminum. Sic dicimus animal sanum, quod in se habeat sanitatem; pulsum sanum, quod eam significet; pharmacum sanum, quod eam officiat. Quamobrem in his Analogis est eadem velut proportio Arithmetica; idem terminus: sed diversa est habitudo, aut relatio ad illum terminum. Nam diverso modo illum respiciunt: sanitas quippe uni præcipue inest, nempe animali, quod præcipuum analogatum solent appellare. Et quidem ratio ipsa hanc analogiam induxit. Nam id rationi videtur consentaneum, ut multa, quæ ad unum referuntur, ab eo quoque nomen mutuentur. Sic quæcunque ad Deum pertinent, divina dicimus; scripturam, legem, charitatem: cum divinitas uni Deo conveniat. Simili ratione regia dici solent, quæ ad Regem pertinent: ut dominus, supplex, & alia innumera.

Analogia proportionis tum dicitur, cum est paritas relationum, sed terminorum diversitas: eaque, ut diximus, ex proportione Geometrica manavit, ubi eadem est ratio, vel relatio, sed diversi termini: sic luminis voce utimur, ut id omne, quod rem manifestat, sive id sit corporeum, sive spirituale, designemus. Non dissimili ratione Regem appellamus, qui hominibus præstet.

Atque

Atque hoc nomen ob similitudinem quandam , etiam animalibus tribuimus : ut leoni , aut aquilæ.

Quocirca quæ analogæ dicuntur proportionis , nomen habent commune; ratio vera ipsa nominis est similis secundum aliquam proportionem. Sic pes dicitur hominis & monitis , ob aliquam in utroque similitudinem. Ac pleraque ejusmodi nomina sunt metaphorica , quæ necessitas , vel ornatus dictio nis induxit. Nam propter vocum penuriam translati plerumque uti necesse est Hinc , quod difficultatum est , id præstant , ne ulli rei nomen deesse videatur. Sic enim , ut optime Fabius , *necessitate rustici dicunt gemmam in viibus : quod enim dicerent aliud ? Et stirpe segetes , Et fructus laborare. Necesse nos durum hominem , aut asperum dicimus : non enim proprium erat , quod daremus his affectionibus nomen.* Plerumque etiam gratiore sunt animo metaphoræ , vel analogie , quod eum propria & similitudo magis delectet : & quia verbum translatum saepe proprio est significantius. Sic incensum ira & inflatum cupiditate , & lapsum errore dicimus significandi gratia. Ac de analogiis tantum.

QUÆSTIO II.

De divisionibus & regulis ab Aristotele propositis..

DUplicem rerum divisionem affert Philosophus.

Prima divisio hæc est : eorum quæ dicuntur , alia dicuntur cum complexione , alia sine complexione : hoc est , voces alia sunt complexæ , ut homo doctus ; alia incomplexe , ut homo. Idque Aristoteles hoc loco præmisit , ut innueret rebus tantum incomplexis locum esse in categoria. Incomplexa vero alia sunt re , non voce , ut Marcus Tullius Cicero ; alia voce , non re , ut exercitus ; alia & voce & re , ut homo. Idem de complexis est judicandum.

Secundam adhibuit rerum divisionem , ut numerum categoriarum facilius iniret : quæ quidem divisio hoc reddit. Quæ sunt omnia , vel sunt substantia universales , vel substantiae singulares ; aut accidentia universalia , aut accidentia singulare : sed paulo aliter divisionis membra is disponit & exprimit. Eorum , inquit , quæ sunt , quædam dicuntur de subiecto , nec sunt in subiecto . ut homo ; hoc est , quædam prædicantur de subiecto , nempe attributionis , ut homo de Petro & Paulo , & substantia omnes universales : nec sunt unum in subiecto , inflectionis videlicet : cum non sint accidentia. Quædam sunt in subiecto , cui scilicet inherent.

Itaque dici de subiecto , est prædicari de subiecto : quod utique est universaliū , quæ subiecta habent attributionis , de quibus scilicet prædicantur. Eſe in subiecto , est inhærere subiecto , quod est solius accidentis , non substantiae.

Accidens autem , seu quod est in subiecto , sic definit Aristoteles. *Quod est in aliquo , non tanquam pars . Et impossibile est (intellige naturaliter) esse sine re , cui inest .* Quam definitionem satis aperte explicat S. Aug. lib. 2. Soliloquiorum. *Eſſe , inquit , in aliquo non noi fugit duobus modis dici : uno , quo ita eſſe , ut etiam ſe iungi . atque alibi eſſe posſit : ut hoc lignum in hoc loco , ut ſol in oriente : Altero autem , quo ita eſſe aliquid in subiecto , ut ab eo nequear separari : ut in hoc ligno forma & species , quam videmus ; ut in ſole lux ; ut*

in igne calor, ut in animo disciplina. Cum autem inter accidentia quædam nulla vi à substantia divelli possint, hæc proprie modi dicuntur: ut figura, quæ sine extensione concipi non potest. Alia autem nulla quidem naturæ vi, sed Dei omnipotenti tantum separari possunt: ut lux, calor, & quantitas ipsa. Sed de his alibi sapius.

Duas itidem regulas proponit Aristoteles, tanquam quædam axiomata, aut communes animi notiones.

Prima regula hoc credit. Quocunque convenit superiori, convenit etiam inferiori. Quæcumque v. g. dicuntur de animali, quæque ad illius essentiam, vel proprietates pertinent, eadem de homine dicuntur. Quod quidem idcirco præmisit Philosophus, ut nos admonereret, tum categoriæ figuram vitiosam fote, si superiora non omnino convenirent inferioribus: ut si animal in aquatile & terrenum divideretur: ubi enim Amphibia, quæ in aqua juxta & in terra degunt, reponentur?

Altera regula eo fere recedit: diversorum generum, quæque non sunt subalternatim posita, diversæ sunt differentiæ; subalternorum vero nihil prohibet easdem esse differentias. Subalterna quidem genera ea intelligit, quorum unum alteri subest: ut animal viventi, vivens corpori; vel cum ambo uni subsumt generi; ut corpus & spiritus substantiæ subjiciuntur, eaque possunt habere easdem differentiæ genericas. Nam quæ differentia vivens constituit, eadem pertinet ad essentiam animalis. Sed genera non subalternatim posita, ut arbor & scientia, non possunt easdem habere differentias. Hanc vero regulam idcirco adhibet Aristoteles, ut omnium graduum differentiæ in singulis categoriis assignentur, quæque ab iis excludi debeant, aut in iis includi, facilius innoteat. Sed alias quoque leges, aut conditiones adhibuerunt Philosophi, quæ communius proxima questione exponentur.

Q U A E S T I O I I I .

De Categoria in universum.

Nunc de categoria universim agamus: ac primo, quid ea sit; 2º quæ ad categoriam conditions exigantur; 3º quotuplex sit, breviter excutimus.

Categoria aut pro summo genere, aut pro omnibus sub eo consentientis, & certo ordine dispositis usurpatur. Utroque modo definiri solet recta & naturalis supremi generis & omnium ejus inferiorum dispositio: vel ut aliis placet, series naturalis generum, specierum, & individuorum, que sub aliquo supremo genere continentur.

Dicitur recta series, ut differentiæ excludantur, quæ in schemate quidem, seu in figura categoriæ indirecťe & velut ad latera apponantur: sive tamen quasi arboris rami, cuius truncum genera & species recto ordine disposita efficiunt. Triplici enim modo potest aliquid ad categoriam pertinere, vel directe, ut genera & species; v. l. indirecťe, ut differentiæ, quæ generibus & speciebus adjacent; vel reducťive, cum ad aliquod ens categoricum revocatur. Sic animal rationalis ad prædicamentum substantiæ, ut pars hominis; cæcitas ad prædicamentum qualitatis, ut privatio reducitur.

2º *Categoría est series naturalis.* Quamvis enim series categorica aliquo modo à mente nostra perdeat, quæ res ipsas in certum ordinem & velut in classes distribuit: hic tamen ordo rerum naturæ aptus & consentaneus esse debet; quaque sunt magis universales, superiori loco sunt collocanda: secus categorię suo fine frustrabitur; neque ordo, aut series rerum, sed confusio quædam futura est; nec demum magis distinctionem, sed perturbatam & tumultuariam rerum cognitionem affert.

3º *Quod additur, generum, specierum, & individuorum,* manifeste innuit categoriam non esse terminorum, aut cogitationum, sed rerum ipsum seriem: contra atque Nominales existimant. Quanquam non negamus terminos categoricos, & cogitationes nostras recte ordine dilponi, quatenus nimirum res ipsas significant. Et certe quas cujusque prædicamenti proprietates affert Philosophus: ut substantiam non sulpicere magis & minus, & alias hujusmodi, ex inquam, non vocibus, aut cogitationibus nostris, sed rebus ipsis convenienter. Hinc S. Aug. vel quisquis alius in ipso libri, quem de categoriis conscripsit, nomine: *Aristoteles*, inquit, *de iis quæ significantur, non de iis, quæ significant, differendum putavit.*

Itaque fatentur res ipsas in certas classes ab intellectu nostro digeri, & quæ dissimiles sunt, seceri, ut distinctam earum cognitionem assequi possit; ut recte definiat, dividat, ratiocinetur: eam adeo esse effectricem hujus distributionis causam: tametsi hæc series naturali ordini maxime est accommodata. Sed materia his categoriis subiecta, ac series, quam inquirimus, est rerum ipsarum, non vocum, aut cogitationum.

His explicatis non difficile erit præcipias leges aut conditiones, quæ ad categorias requiruntur, expendere. Nam magna ex parte ab hominum pendet arbitrio, qui alias leges proponere, aliam rerum seriem excogitate potuerint.

Prima conditio, quam exigunt ut res in categoria reponatur, ea est ut terminus ipse nihil habeat ambiguitatis, neque ad diversa pertineat prædicamenta. Hinc Aristoteles 1º definire voluit homonyma, ut ea excluderet. Cum enim eo fine instituta sit categoria, ut viteretur confusio, omnis omnino ambiguitas, quæ confusionem parit, à categoria est removenda.

2º Ob eandem rationem patronyma à serie categorica excluduntur, ut justus, candidus, & similia. Nam ea rem significant modificatum, substantiam cum accidente, quæque adeo ad diversa pertinent prædicamenta. Sunt enim entia, ut vocant, per accidens; non unius, sed multiplicis naturæ. Quæ autem in categoria reponuntur, unius sint naturæ necessæ est, aut substantia, aut accidens, aut res, aut modus: Nominibus quoque substantivis efféruntur: ut animal, homo, justitia, virtus. Sunt enim genera & species, quæ prædicantur in quid, hoc est, substantive, non adjective, ut paronyma, quæ idcirco definite voluit Aristoteles, ut à serie categorica ea excuderet, quod ad rerum distinctionem non spectent: cum ea quæ sunt multiplicis naturæ confundantur.

3º Ens categoricum reale debet esse, verum & completum. Unde quas recenset Aristoteles Categorias, ex sunt vera entia, non privations, aut negationes, aut entia fictitia, quorum dispositio nullius pene esset

utilitatis. Nec partes in serie Categoriarum tite collocantur, seu physice, ut anima rationalis; seu metaphysicæ, ut humanitas. Genus vero ad Categoriam pertinet ut totum potentiale, non ut pars actualis speiei.

Plerique etiam exigunt, ut res sit finita, quo Deum à categoria excludant. Verum alii reclamant, & dubitant, an ea sit necessaria conditio: cùm linea infinita, si qua esset, à prædicamento quantitatis non excluderetur. Cumque categoriæ eo fine sint dispositæ, ut res distinguantur, & omnis vitetur confusio, non minor rerum distinctio futura est, si res infinita in categoria collocentur, quam si ab ea removeantur. Sed de his postea; nunc categoriarum numerum ineamus.

Cum res ipsæ ab intellectu in certas classes disponantur, ut omnis tollatur cogitationum confusio, numerus categoriarum magna ex parte penderet ex Philosophorum arbitrio, qui, ut libitum est, res omnes ad summam quædam capita, vel categorias revocant. Sunt qui unam duntaxat categoriam, nempe ens ipsum; sunt qui duplicum statuant, substantiam nempe & accidens. Et quidem si res secundum se, & speculativo quodam modo spectentur, non dubium est quin ens, (si quidem genus est respectu inf.riorum, quod suo loco expendimus,) sit etiam omnium supremum genus, & categoriæ omnis caput; aut certe substantia & accidens erunt duo summa genera. At si finem ipsum, quem Philosophus in tractu indi categoriis sibi proposuit, spectemus, nempe ut distincta sit rerum cognitio, omni confusione sublata, non video cur categoriarum decadem, quim Veterum comprobavit authoritas, deseramus: cum in iis, quæ ad proximam pertinent, ab eo quod usu receptum est, non sit temere recedendum. Sic potest annus in plures dividiri partes, quam in duodecim; aut circulus secari in plures gradus vel partes, quam 360. Et tamen stultum fore & inconsultum omnium pene nationum usu probatis divisiones anni & circuli relinquere, novas & fortè minus ad finem propositum accommodatas inducere.

Decem itaque categorias ab Archita Tarentino primum excogitatas, ab Aristotele comprobatas, omnino retinendas arbitramur: quarum sex primæ substantia, quantitas, qualitas, relatio, actio & passio præcipui sunt usi in Philosophi: reliqua quatuor, ubi, quando, situs & habitus, minoris sunt momenti: adeo ut difficile sit earum seriem contexere.

Quod si rationem hujus numeri molestius inquiras, fateor nullam satis firmam affterri posse: tametsi tenues & populares non desunt rationes, cuiusmodi est ea per vulgata. Tot sunt, inquit, cat goriae, quæ quæri possunt de substantia aliqua singulari, v. g. de Platone. Nam prædicamenta ex ordine ad substantiam singularem, cuius sunt prædicata, depromuntur. Sed decem quæri possunt de Platone, nimirum quid sit; cuius molis aut quantitatis; qualis sit; cuius sit; quid agat; quid patiatur; ubi sit; quo tempore; quo si u; quis illius habitus aut ornatus. Quibus omnibus per torneni categorias, substantiam videlicet, quantitatem, &c. respondetur. Ergo numerus ille categoriarum omnino est retinendus, qui multitudine sua memoriam non obtutit, & vitande confusione sufficit.

Sed, inquires, decem suprema geneta distingui inter se debent: at

quædam sunt prædicamenta inter quæ nulla est realis distinctio: ut inter actionem & passionem: nec forte septem ultima à subiecto distinguuntur. Ergo tot categoriæ admitti non debent.

Resp. Distinctionem realem inter prædicamenta non requiri, sed virtualem sufficere, ut idearium, aut conceptuum vitetur confusio. Hinc ipse Aristoteles in capite de qualitate nos admonet, nihil absurdum esse, si res eadem in diversis prædicamentis collocetur.

Cum itaque hic categoriarum numerus ex hominum arbitrio pendeat, fere ut orationis partes apud Grammaticos, licet per me recentioribus nonnullis aliis inire numerum, dum rebus explicandis sufficiat. Sunt enim qui putent res omnes ad septem hæc velut summa capita referri posse: Mensem, quæ, ut illis placet, nihil est nisi substantia cogitans; Materiam seu corpus, substantiam videlicet extensam; Mensuram, quæ rei magnitudinem determinat, & quantitas dici potest; Situm, vel inter res alias positionem; Figuram, Motum, & Quietem: quæ quidem his versibus solent exprimere:

*Mens, mensura, quies, motus, positura, figura,
Sunt cum materia cunctarum exordia rerum.*

Verum ut hæc satis sint rerum explicationi, de quo multum dubitari potest, tamen commodior & magis apta erit divisio, si ad duo summa capita res omnes revocemus, substantiam nimirum & accidens; vel, ut illis placet, ad rem & modum. Res vero aut est spiritus, quæ mens dici potest, aut corpus. Modus itidem ad spiritum, aut ad corpus pertinet. Modus spiritus, aut mentis est cognitio, aut voluntas: de quibus suo loco. Modi corporis sunt magnitudo, seu quantitas, Figura, Situs, Motus, & Quies: quanquam forte quies ipsa, quæ nihil est nisi motus privatio, ex albo prædicamentorum sit expungenda. Sic recentiorum categoriæ ab his, quæ vulgo receptæ sunt, non multum abhorserent. Sed, ut diximus, ab usitato Categoriarum numero non est facile recedendum.

Q U A E S T I O IV.

De Entis Categorici divisione.

Cum Aristoteles in his præambulis ad categorias, ens ipsum in decem prædicamenta summatim dividat, solent Philosophi diligentius inquirere, quæ & qualis sit illa divisio. Quanquam non dubium est hanc tractationem magis ad Metaphysicam, quam ad Logicam pertinere.

Prima quidem & summa entis divisio est in ens reale, & ens rationis. Illud existit in rerum natura, aut saltem potest existere: ens vero rationis nihil est praeter figuratum intellectus.

Ens rationis illud est quod nullum habet esse, nisi cognitum ab intellectu; estque non ens cognitum. Nec dubitare possumus quin infinita sint hujusmodi. Ut cum terminos disparatos, ut aiunt, conjungimus: ut in chimera. Sic in questionibus de possibili necesse est ut alter latenter contendentium rem concipiatur aliter atque esse potest, quod est facere ens rationis.

Quare genus entis rationis est non ens; differentia illius in hoc est posita, quod

sit cognitum. Unde privationes non sunt entia rationis : sunt enim privationes, licet non cognoscantur : imo nec secundæ intentiones logicæ sunt propriæ entia rationis. Sunt enim denominationes extrinsecæ, quæ subiectum denominationis includunt. Nam esse cognitum in non ente est ens rationis, non item in ente reali.

Sed, inquit, causa realis semper producit eff. etum realem : intellectus est causa realis : ergo illius effectus semper est realis.

Rsp. Diff. maj. Causa realis effectum reale procreat, cum producit ut effectum, C. cum producit ut objectum, N. Ens rationis est tantum objectum intellectus, non illius effectus. Quæ autem de ente rationis solent disputare, cum nullius sint usus, poslunt à nobis prætermitti.

Nunc quæ sit illa entis divisio, videamus.

Ens reale dividitur in substantiam & accidens : substantia vel est increata, vel creata. Quæritur itaque hoc loco quænam sit illa entis divisio, univoca, an analoga. An ratio entis Deo & creaturis, substantiae & accidenti ex æquo conveniat ; & utrum ens sit genus cum inferioribus comparatum. Ac ne in ambiguo laboremus, id notandum est, ens ipsum duplicum habere significationem : vel enim pro essentia rei accipitur, tuncque habet viam nominis substantivi ; vel sumitur adjective, aut velut participium verbi substantivi ; tuncque rei quodammodo accedit. Nam creatura omnis existit contingenter. Ac certum est ens hoc modo sumptum non habere rationem generis, cum praedicari non possit in quid de ulla creatura. Id enim uni Deo proprium est, ut necessario & essentialiter existat.

Certum est 2º entis rationem non convenire univoce enti reali & enti rationis, ut ratio hominis non ex æquo convenit homini vero & picto : ens vero rationis est tantum umbra entis realis. His itaque positis, sit

Prima conclusio.

Ens reale convenit univoce Deo & creaturis, substantiae & accidenti. *Probatur conclusio.* Illud est univocum, cuius est idem nomen, & ratio nomini respondens plane eadem. Sed ens reale convenit Deo & creaturis, substantiae & accidenti secundum idem nomen, & eadem nominis rationem, cum æque à nihilo distinguantur ; & proprietates entis, unitas, veritas & bonitas iis utique convenient. Ergo nihil obstat quominus ens sit univocum respectu Dei & creaturatum, substantiae & accidentis.

Confirm. Etsi spiritalis substantia nobilior sit corporea, & animal rationale sit præstantius irrationali, hoc non impedit quominus ratio substantiae ex æquo conveniat corporeæ & spiritali, aut animal sit univocum respectu hominis & bruti : quod omnis inæqualitas oriatur ex differentiis, non ex genere substantiae, vel animalis ; ita à pari, licet Deus sit ens infinitum & independens, hoc non obstat quominus ratio entis univoce conveniat Deo & creaturis, cum omnis inæqualitas ex differentiis sit repetenda.

Confirm. 2º Deus & creatura, substantia & accidens convenient in conceptu entis, qui cum sit simplicissimus, dividi non potest : ergo omnis inæqualitas non ex ratione communi entis, quæ eadem ubique est & indivisibilis, sed ex differentiis entis est deducenda. Non enim ens in suo conceptu includit principia diversitatis, sed principium similitudinis.

Diluuntur objectiones.

Opp. 1^o Ens infinitum, independens, & per essentiam, quod habet omnem entis plenitudinem, non convenit univoco cum ente finito, & per participationem. Sed Deus est ens infinitum; creatura omnis finita, dependens, ac plus habet nihili, quam entis: ergo ratio entis non est univoca respectu Dei & creaturarum.

Reff. Deum esse ens infinitum, independens, simplicissimum; creaturam contra ens finitum, ab alio, & participatum, si differentiae entis spectentur, *C.* si ens secundum se & absolute spectetur, *N.* Nam ens posteriori modo consideratum neque est infinitum, nec finitum, sed ab utroque abstractum.

Infl. Quorum ratio est univoca, horum unum ab alio non penderet essentialiter, neque unum ad aliud referatur: id enim tantum analogis attributio-
nis convenit, ut nomen sit idem, ratio vero nominis sit eadem in multis cum habitudine ad unum: ut de sancto diximus, quod proprio animali convenit, cæ-
teris per ordinem vel habitudinem ad animal. Sed ratio entis Deo & creaturis,
substantia & accidenti ita convenit, ut creatura à Deo, qui proprio est, &
accidens a substantia essentialiter pendaat. Ergo nomen entis non est univocum,
sed analogum. Hinc Aristoteles 4. Metaphys. *Ens*, inquit, *non dicitur aequivoce*, *sed quemadmodum sanum*. Idem passim docet, ut 7. Metaphys. c. 4.

Resp. eandem distinet. adhibendo. Creatura referuntur ad Deum, & accidentia ad substantiam, si differentiae entis spectentur, *C.* si rationem communem entis consideremus, *N.* Sic inter qualitates, habitus penderent essentialiter à potentia, seu à facultate, & ad eam referatur: & tamen in genere qua-
litatis habitus & potentia univoce convenientia.

Opp. 2^o Differentiae entis sunt entia quædam: ergo Deus & creatura, sub-
stantia & accidentis differunt in ratione communi entis, quæ in Deo est inde-
pendentia, in creaturis dependentia & participatio quædam: sive ratio en-
tis non est communis Deo & creaturis.

Reff. has entis differentias non esse proprie entia, sed modos entis, ut differ-
entia hominis non est homo formaliter. Itaque differentiae entis sunt realiter,
atque, ut aiunt, identice entia, non præcise & formaliter: ut differ-
entiae substantiarum non sunt substantiarum, sed substantiales. Sic dependentia est quid-
dam quod ad ens pertinet, non ens formaliter, seu quid aptum ad exi-
stendum.

Inflant. Quidquid est in creatura, penderet à Deo: ergo creatura ut est ens
reale, est dependens.

Reff. *Dif. antec.* Quidquid est in creatura identice & realiter consideratum,
penderet à Deo, *C.* formaliter spectatum, *N.* Nam ens in suo conceptu ab omni
dependentia & independentia omnino abstractum, licet ut ens creatum, seu ut
tale ens, pendaat à Deo.

Contra, inquires. ergo creatura ut ens, erit independens; cum independentia
nihili sit nisi negatio dependentie.

Reff. *Neg. consq.* Est enim independentia realis & positiva Dei perfectio,
cui dependentia omnino repugnat.

Urgebis. Saltem independentia in Deo concipi non potest sine ente, cum sit
ens formaliter: neque adeo unus est & communis ens conceptus à suis dif-
ferentiis præcibus.

Resp. neg. ant. Independentia enim est aliquid formaliter quod ens determinat: neque est aliquid ens, sed modus entis.

Opp. 3. Differentiae entis vel sunt entia, vel nihil: nullum enim intercedit medium inter ens & nihil.

Resp. dif. major. Differentiae entis vel sunt entia realiter, vel nihil, *C.* vel sunt entia formaliter, vel nihil, *N.* Nullum quidem est medium inter ens reale, & nihil: quia ens realiter complectitur ens & modum entis. Sed est aliquid medium inter ens formaliter, & nihil. Ens quippe formaliter sumptum includit ens, non modum entis. Quare quod nihil dicitur, id neque ens esse debet, neque modus entis: dependentia vero, aut independentia, non est ens formaliter, sed modus entis.

Contra, *inquit*, independentia concipi non potest sine existentia, cum sit id quo Deus existit independenter ergo nec sine ente concipitur.

Resp. dif. antec. Concipi non potest sine existentia quam connotat, *C.* sine existentia formalis quam in sua definitione includit, *N.* Non enim est id quo Deus actu existit, sed quo existit independenter. Sic independentia includit proprietates entis, ut unitatem, veritatem & bonitatem, sed ut modus entis, & imperfectam, non tanquam ens proprium dictum, nisi, ut aiunt, identic & realiter, quatenus independentia in Deo est Deus ipse: sed concipitur ut modus entis.

Opp. 4^o. Effectus qui non adaequant virtutem suæ causæ, non sunt univoci, nec similitudinem suæ causæ secundum eandem rationem participant, ut patet in iis quæ à sole procreantur. Sed creaturæ sunt efficiens qui non æquant, vel exhaustiunt potentiam Dei: ergo non univoce, sed analogice tantum cum Deo convenient.

Resp. dif. min. Effectus illi non adaequuntur similitudinem suæ cause secundum eandem rationem physicam & realem, *C.* secundum eandem rationem logicam, quæ à nostro concipiendi modo penderet, *N.* Itaque ratio entis longe perfectior est in Deo, qui essentialiter existit, quam in creaturis, quibus esse convenit tantum accidentario. Sed juxta nostrum concipiendi modum, ens secundum se Deo & creaturis commune est, atque omne discrimen à differentiis profiscitur: ut sol & sublunaria saltem in ratione corporis convenient.

Nunc queritur utrum ens sit genus respectu inferiorum.

Id vero spectari potest, vel ut abstrahit à completo, & incompleto: vel ut est completum, sive in ratione naturæ; idque vocant essentialiter completum; sive sit ultimo completum in genere substantiæ per substantiam, ut Socrates, aut per actualem inherentiam, ut hæc albedo. His explicatis, sit

Secunda Conclusio.

ENs tum generatim sumptum, tum ut abstrahit ab ente completo, & in completo, tum ut est completum, verè genus est respectu inferiorum.

Probat. Ens habet omnes conditiones ad verum genus requisitus: nam prædicatur de multis specie differentibus inuid. Quarenti enim quid sit substantia aut accidens, respondemus esse ens: prædicatur etiam univoce, ut ostendimus, neque includitur formaliter in suis differentiis: nam quæ ens dividunt differentias, non sunt entia.

Solvuntur

Solvuntur objectiones.

Opponunt 1º nullum genus includi in suis differentiis, aut de iis formaliter prædicari: sed ens includitur in suis differentiis, cum quævis illius differentia sit ens: ergo ens nullo modo est genus respectu inferiorum.

Resp. Negando minorem ob rationem jam allatam. Nulla enim entis differentia est ens formaliter; sed modus entis.

Instant. Si ens generatum sumptum esset genus, ens incompletum esset ejus species, atque adeo poneretur in categoria: cum tamen sola entia completa in ea reponantur.

Resp. Ens incompletum sumi duobus modis, 1º pro differentia entis divisiva: quoquidem modo nullatenus est species entis realis; 2º pro parte entis completi: sicutque anima rationalis est species entis realis, licet non categorica. Unde ens est genus potius transcendens quam categoricum, respectu entis completi & incompleti.

Opp. 2º Genus est pars rei, eaque magis communis & incompleta. Sed ens est quid ultimum & completum, idque omnes gradus essentiales intellectu suo complectitur: ergo ens completum genus esse non potest.

Resp. Dist. min. Ens completum specificē sumptum est quid ultimum & determinatum, C. ens completum generice sumptum, quatenus est totum potentiale, est quid ultimum, & omnes gradus aut perfectiones essentiales supponit, N. Sic substantia completa generice est genus respectu corporis & spiritus; non quatenus per ultimam differentiam, v. g. rationalitatem, determinatur.

Opp. 3 Ens reale non prædicatur essentialiter de creaturis, sed de Deo tantum, qui essentialiter existit; ut creatura tantum existit contingenter: ergo ens creatum non est genus respectu inferiorum: cum genus omne prædicetur essentialiter de suis inferioribus.

Resp. Dist. ant. Ens reale non prædicatur essentialiter de creatura, si per ens intelligas id quod actu existit, C. si entis nomine id intelligamus quod est capax existentiae, N. non enim id contingens est, sed essentialis creaturæ ut sit quid oppositum nihilo, aut capax existentiae.

Opp. 4. Deus non est species entis: ergo ens non est genus respectu Dei & creaturæ.

Resp. Deum non esse speciem prædicabilem; sed nihil obstat, quominus sit species subiectibilis.

Contra, inquit; species omnis subiectibilis, eadem est prædicabilis, & aliquam includit compositionem ex genere & differentia.

Resp. Dist. ant. Species omnis subiectibilis, eadem est praedicabilis, sit sit species categorica, C. si non sit species categorica, N. Deus vero non est species categorica, cum sit essentialiter infinitus. Quod autem instant speciem omnem esse compositionem ex genere & differentia, facilis est & prompta responsio, speciem subiectibilem non esse actu & realiter compositionem; sed eam compositionem esse virtualem & à ratione profectam, quæ simplicitati Dei non pugnat.

Itaque ens respectu Dei & creaturarum omnibus prædictum est conditioni-

Tom. I.

Q

bus, quæ ad rationem generis requiruntur, cum prædicetur de iis univoce in quid & per veras differentias contrahatur: nam Deus essentialiter differt à creaturis, quod sit independens, creature è contra essentialiter ab eo pendebant.

D I S P U T A T I O II.

De prædicamentis signatim.

Q U Ä S T I O P R I M A.

De substantia.

DE prædicamentis seorsum dicturi à substantia capiemus exordium, quod ea cæteris tanquam fundamentum substernatur. Hinc res proprie à non nullis post Quintilianum nominatur: nam cætera prædicamenta eam modificant, aut determinant. De substantia vero hæc queri possunt, quid sit & quotuplex, quæ sint illius proprietates, ac demum quæ ad illius categoriam pertineant: singula breviter & ex ordine sunt executienda.

A R T I C U L U S P R I M U S.

Quid sit substantia, & quotuplex.

Substantia Græcis ἡτα dicitur, quæ vox cum proprie essentiam, aut naturam rei significet, tamen usus obtinuit, ut pro substantia, seu nobilissima usurpetur essentia, quæ per se existit, aut subsistit. Substantia vero vel à substendo, quod omnibus substet accidentibus, seu perfectionibus, quæ in re concipiuntur; vel à subsistendo, quod per se subsistat, neque alieno egeat præstidio, nomen suum duxit. Cum autem id prius in re concipiatur quod per se existat, aut subsistat, quam quod sustentet accidentia, illa substantia acceptio prior est, & melius exprimit naturam substantiæ, quæ alteri non inhæret more accidentium, sed est quid firmum & stabile, nullo indigens subiecto quo sustentetur.

Est igitur substantia universum ens per se subsistens. Quo quidem modo substantiam incretam suo intellectu comprehendit; aut si categoricam duntaxat velis definire, erit ens creatum & completum per se subsistens.

Dicitur *ens completum*: ut partes substantiæ, materia nimurum & forma, quæ sunt incompletae, excludantur. Nam licet subiecto non inhærent, non sunt tamen substantiæ categoricæ, non sunt enim substantiæ essentialiter complete.

Dicitur *per se subsistens*. Hoc enim primum in substantia concipitur, quod illam constituit, atque ab accidentibus discriminat: quod scilicet nullo auxilio, nisi divino ad existendum indigeat: cum accidentia rei alicui insint, seu inhærent.

Ex quo utique dari substantiam manifeste demonstratur. Est enim aliquid in unaquaque re, quod alteri non inhæret, quodque accidentia, seu perfectiones quæ in re concipiuntur, sustentat: cum non entis nullæ sint affectiones, aut proprietates. Ergo si sint in re aliqua perfectiones, aut modi, aut acci-

dentia, aut quocumque alio nomine designes, hæc rei alicui insunt, quæ us
mutatis eadem permanet: cum in se existat, non in alio.

Opponet aliquis. Humanitas Christi est substantia: sed per se non existit:
cum in verbo divino subsistat: ergo substantia male definitur ens per se sub-
sistens.

Reff. Diff. min. Humanitas Christi per se non subsistit, id est in propria sub-
sistens, C. non subsistit in verbo divino, à quo est assumpta, & cuius pro-
prie est, N. neque enim est in alio tanquam in subiecto. Unde humanitas
Christi tam est substantia per se subsistens, quam quævis alia: licet enim non
habeat propriam substantiam, seu personalitatem, habet tamen sibi, ut lo-
quuntur, appropriatam, seu aptatam: verum ista ad Theologos remit-
timus.

Substantiam Aristoteles in priam & secundam partitur: illa est singularis,
quæ neque est in subiecto, cui inharet, neque de subiecto dicitur, ut sub-
stantia secunda, quæ est universalis, quæque genera & species complectitur,
ac de subiecto, nempe attributionis prædicatur: ut homo de Petro & Paulo.
Substantia singularis prima dicitur, quod illi existentia primario conveniat,
non substantia universalis, quæ non existit nisi in singularibus. Hinc docet Ari-
stoteles, sublati primis substantiis tolli omnia: his enim sublati nec remanent
secundæ substantiæ, quæ non existunt nisi per primas, aut singulares sub-
stantias; neque accidentia, quæ non existunt nisi in substantia.

Substantia etiam dividi solet in completam, & incompletam; illa est per-
fecta, sive sit essentialiter completa, & habeat id omne quod est necessarium
ad naturam completam: ut homo, qui constat ex corpore & anima rationa-
li; sive sit ultima completa in ratione suppositi, ut Petrus, qui alteri tan-
quam supposito communicari non potest: ultimum vero illud complemen-
tum substantia dicitur, ut in Metaphysica fuis exponemus. Hoc quidem lo-
co substantiam usurpamus pro independentia à subiecto inhalationis: unde &
definitur ens per se subsistens, sive ea sit completa ut homo, sive incompleta
ut anima rationalis.

Substantia autem incompleta, seu imperfecta, vel est incompleta essentia-
liter, seu in ratione naturæ; cum scilicet pars est naturæ completa, ut ani-
ma humana; vel in ratione suppositi, cum scilicet non habet ultimum com-
plementum substantiale, seu substantiam, ut anima rationalis à corpore se-
parata.

ARTICULUS II.

Quæ sint proprietates substantie.

Sequitur ut quas afferat Philosophus substantiæ proprietates, breviter expli-
cemus: nam & intellectu sunt faciles, nec de iis multum controvertitur.
Prima est quæ omni & soli & semper convenit, ut non sit in subiecto (inhæ-
tionis videlicet.) Nam substantia secunda est in prima, ut in subiecto attribu-
tionis, de quo videlicet essentialiter prædicatur.

Hinc substantia secundæ hæc est secunda proprietas, ut univoce de prima dici possit: nempe secundum idem nomen & secundum eandem rationem, & essentialiter de ea prædicetur. Quare Aristoteles hoc loco nomen univoci strictiore significatu accipit, ut excludat accidentia, quæ non tam sunt univoca, quam paronyma, ubi cum primis substantiis comparantur. Itaque homo dicitur de Petro synonyme & essentialiter.

3º Substantia prima significat hoc aliquid, id est, rem velut digito demonstrabilem: substantia vero secunda, seu universalis magis videtur significare quale quid: id est, ut vulgo interpretantur, quiddam vagum, aut indeterminatum, aut ad multa indifferens.

4º Substantia nihil est contrarium. Nam contraria dicuntur, quæ ab eodem subiecto sese mutuo expellunt: substantia vero cum non sint in subiectis, se non possunt ab iis extrudere. Sunt tamen quedam substantiae, ut vulgo creditur, quæ per contrarias qualitates inter se pugnant, ut aqua & ignis, quæque adeo sibi contrariae propter qualitates oppositas dici solent.

5º Substantia non suscipit magis & minus: neque enim, ut calidum est alio calidius, sic unus homo est magis homo quam alter. Quod quidem ita substantia est proprium, ut quantitati & quibusdam aliis conveniat accidentibus, que intendi non possunt aut remitti, nec quoad essentiam: nullius enim essentia suscipit magis aut minus, cum sit indivisibilis; nec quoad entitatem, ut de quantitate ipsa dicemus. Quod vero Aristoteles in hoc capite innuit substantiam primam magis esse substantiam, quam secundam: id verum est, si ipsa spectetur substantia quatenus substat accidentibus. Nam substantia prima magis subest accidentibus quam secunda. Huc etiam accedit, quod plures sint gradus essentiales in substantia singulari, quam in universalis; & quo substantia universalis propior est singulari, eo plures gradus complectitur, ut homo quid nobilius est quam animal.

Ultima substantiae proprietas in hoc posita est, ut eadem manens contraria excipiat cum aliqua sui mutatione: sic idem homo modo calidus est, modo frigidus. Addit & Philosophus, *Cum sui mutatione*, ut occurrat cuidam objectioni, quam sibi iphi proponit de oratione quæ modo vera est, modo falsa: ut si quis dixerit Socratem sedere, vera est eo sedente; si surrexerit, falsa enuntiatio futura est.

Respondet orationem nihil mutari, cum ex vera sit falsa, sed substantiam mutari quodam modo, cum suscipit contraria.

Quod etiam opponi solet, eundem intellectum modo verum esse, modo falsum & contraria suscipere cum aliqua sui mutatione: Atque idem dici potest de quantitate, que colores contrarios excipit: perfacilis est responsio, intellectum, si sit accidens quoddam ab anima distinctum, de quo alibi, aut quantitatem ipsam contraria excipere, ut subiectum quo, non ut quod. Nam media quantitate qualitates contrariae in substantia reperiuntur, quæ utique subiectum est, quod eas excipit.

ARTICULUS III.

Quæ ad categoriam substantiæ pertineant.

ID reliquum est, ut seriem, aut categoriam substantiæ perterexamus, quæ ab ea sint removenda, paulo diligentius inquiramus. Ac primum ut nihil eorum repertamus, quæ circa conditiones ad categoriam requisitas in superiori disputatione allata sunt, id merito quæri potest, an Deus in categoria substantiæ sit reponendus.

Unica Conclusio.

Deus substantiæ categoria non continetur.

Prob. Conc. Cum enim Deus sit infinitus, non secundum quid, ut linea infinita, aut corpus infinitum, si quod esset, sed simpliciter & secundum essentiam, quod omnem entis plenitudinem complectatur, nullius categoriæ terminis potest coerteri. Hinc Deus à Sancto Dionysio non substantia, sed supersubstantia nominatur: quod sit quiddam omni substantia categorica superius.

Confir. 1º Quod ponitur in categoria substantiæ, id vel est genus, vel species, vel individuum; atqui Deus nec generis, nec speciei habet rationem ut fatentur omnes, cum de multis specie, aut numero differentibus dici non possit; nec proprie est individuum, cum nulli speciei subjiciatur: ergo Deus nullo titulo substantiæ prædicamento continetur.

Confirm. 2º Illud categoriæ terminis coerteri non potest, quod continet perfectiones omnes omnium creaturatum, & rerum quæ singulis categoriis sunt comprehensa: sed Deus est ejusmodi.

Diluuntur objectiones.

Opp. 1º Deus est species substantiæ etiam prædicabilis: nam de pluribus personis univoce dicitur.

Resp. Deum prædicari de pluribus personis citra sui divisionem, neque adeo Deus est quid universale.

Opp. 2º Substantia completa, quæ definiri potest, quæque non continet res aliis categoriis comprehensas, categoria substantiæ continetur. Sed Deus est ejusmodi.

Resp. Deum esse substantiam completam, sed infinitam in omni genere perfectionis, non secundum quid, qualis esset linea infinita. Unde revocatur quidem ad aliquod genus, sed non categoricum. Nam species categoriæ, quæ eidem subsunt generi, sunt velut partes sui generis: unde una alteram non includit, nec formaliter, nec eminenter.

Opp. 3º Ex S. Aug. libro quinto de Trinitate tria prædicamenta, substantiæ nimis, relationis & actionis Deo convenientia: ergo Deus prædicamento substantiæ continetur.

Resp. Dis. ant. Tria prædicamenta minus proprie Deo convenientia, C. proprie ad Deum pertinent, N. haec quidem ita Deo tribuuntur, ut ejus substantiam, relationes personarum, & earum processiones satis commode explicit: non quod in Deo sit aut relatio, aut actio categorica; aut quod sit substantia, quæ prædicamento concludi possit: id enim ipsum reprehendit August. libro

primo Confessionum, ac subinde dolet quod Deum mirabiliter simplicem atque incommutabilem in prædicamento olim reposuerit.

Opp. 4°. Christus ponitur in prædicamento substantiæ : sed Christus est Deus : ergo Deus ponitur in predicamento substantiæ.

Reſp. Difſt. maj. Christus ponitur in prædicamento substantiæ ut homo, C. ut Deus, N. Christus enim ſpectari potest tripliciter, vel ut Deus, tumque categoria substantiæ non continetur ; vel ut Deus & homo, cumq[ue] non fit unius naturæ, nec sub ea ratione ad ſeriem substantiæ categoricæ pertinet ; vel p[re]cise ut homo ; atque sub ea ratione in prædicamento substantiæ conſtituitur.

Inſtabis. Quod ponitur in prædicamento, non est ſola natura, ſed ſuppoſitum iſp[er]um ; v. g. non humanitas, ſed homo ad categoriam pertinet. Sed in Christo ſuppoſitum eft verbum divinum : ergo Deus, ſeu verbum in categoria substantiæ reponitur.

Reſp. Difſt. maj. quod ponitur in categoria, non eft ſola natura incompleta, C. completa per ſuppoſitum, N. natura quidem ratione ſui, ſuppoſitum vero ut complementum naturæ ad categoriam reduci ſolent.

Rurſum inſtant. Quod ponitur in prædicamento, eft creatura : ſed Christus non eft creatura. Nam quod creatur, aut prodiuitur, eft ſuppoſitum : ſed Christi ſuppoſitum aut persona eft increata : ergo nullo modo ponitur in prædicamento substantiæ.

Reſp. Difſt. Maj. quod ponitur in prædicamento eft creatura, ratione naturæ, quæ proprie ad prædicamentum pertinet, C. eft creatura ratione ſuppoſiti, quod naturam perficit & terminat, N. quæ diſtinctio jam ſatis eft expli- cata : ac ſubinde vereor ne iſta magis ad Theologos, quam ad Philosophos ſpectent. Quæ quidem cum in Scholis afferri ſoleant, omnino omittere non potuimus.

Categoria ſubſtantia pertextitur.

Subſtantia primum in corpoream & incorpoream, ſeu in corpus & spiritum dividitur. Spiritus ſeu Angeli in tres hierarchias, quatum ſingulæ in tres ordines tribuantur, de quibus agere nostri non eft instituti.

Corpus aut ſimplex eft, aut mixtum : simplex aut eft incorruptibile, ut corpora cœleſtia, ſaltem, ut vulgo creditur ; aut corruptibile, ejuſmodi ſunt elemen- ta, ex quibus res quæque componuntur.

Corpora cœleſtia aut lumen ſidera, aut cœlum iſp[er]um, quod quidem, ut li- bitum eft, in plures cœlos partiuntur. Satis commoda diſiio futura eft, ſi dixerimus corporum cœleſtium quedam propria luce fulgere, ut ſolem & ſtel- las fixas, quæ lucem ex ſe emittunt; alia lumen reflectere, ut lunam & planetas, qui lumen remittunt, ſeu reflectunt, ut opaca quæque corpora ; alia deniq[ue] lucem transmittere, purum nempe æthera, aut cœlum quod cum ſit diaphanum, non lucet ex ſe ſe, ſed tralucet.

Corpus ſimplex & corruptibile in quatuor elementa vulgo notissima di- vi- ditur, igni. videlicet, qui lumen ex ſe emittit ; aerem, qui cum ſit diaphanus, lucem transmittit ; terram, quæ opacitate ſua lucem regebit aut reflectit ; &

quam quæ partim opaca, partim diaphana lucem & transmittit & reflectit. Atque hæc de corpore simplici.

Corpus mixtum quod elementis constat, aut est imperfectum, cum scilicet duo aut plura coëunt elementa male colligata: cuius generis sunt halitus, qui ex terra erumpunt, & ex quibus ea quæ dicuntur meteora, ut pluvia, nubes, nix, grando, ventus, & alia hujus generis formantur; vel mixtum ex omnibus elementis arctiore nexus inter se devinctis componitur, tumque mixtum perfectum vocatur.

Hoc utique duplex, vivens & inanimatum: quod vita est expers, aut ex viventibus oritur, ut lac, cera, sericum, vinum, & alia hujus generis bene multa; aut ex viventibus non proficiscitur, quod in varia iterum genera diducitur. Præcipua sunt lapis, qui est fragilis & durus; metallum, quod durum est, & ductile; succi concreti, ut sal fossilis, sulphur, vitriolum, & alia hujus generis innumera.

Mixtum animatum aut est sensus expers, ut plantæ, aut sensus particeps, ut animal; plantatum & animalium varia genera longum esset enumerare, eaque omnia commodius explicantur in Physica: ea tantum hoc loco leviter attingere voluiimus, ut planum fieret qua ratione res quæque ad suum genus revocari possint.

Q U A E S T I O N E S

De quantitate.

Proximum est ut reliqua prædicamenta ex ordine decurramus. Hæc utique omnia inter accidentia numerantur, vel quod inhærent substantiæ, ut quantitas & qualitas, quæ idcirco accidentia Physica dici solent; vel quod accidentia sint logica, quæ adesse & abesse possunt circa subiecti interitum; aut certe metaphysica, quæ scilicet ad essentiam rei non pertinent, cuius generis esse ultima prædicamenta plerique arbitrantur. Itaque de quantitate ante omnia agendum, quæ inter accidentia primas tenet, ac materiam consequitur, ut qualitas ex forma orihi vulgo creditur: primum quid ea sit, quæque sint illius proprietates, deinde quæ illius species, tandem quæ ad quantitatis categoriam pertineant exequemur.

A R T I C U L U S P R I M U S.

Quid sit quantitas, & quotuplex.

Quantum & quale sunt quædam interrogations, quodque iis responderi solet, quantitas dicitur, aut qualitas. Sed tamen vox illa, quantum, non uno modo accipitur: nam de re quacunque interrogare possumus quanta sit, sive sit spiritualis, sive corporea; substantia aut accidens. Sic dicimus mentem magnam, aut scientiam; & Deo ipsi magnitudinem tribuimus. Quantitas itaque sumitur aliquando pro magnitudine cujuscunque perfectionis; tumque dicitur quantitas virtutis. Sed proprie accipitur pro rei corporeæ extensione, aut rei extensæ magnitudine, eaque dici solet quantitas molis.

Cum autem interrogatio fieri soleat de una re, aut de multis: hinc duplex vulgo quantitas assertur: una que est rei magnitudo, cum de una re sit inter-

rogatio; altera quæ rerum est multitudo, cum de multis, quanta, aut potius, quorū sunt, queritur. Duplex itaque quantitas, continua videlicet, & discreta: illius partes communī vinculo copulantur; sive ea sit permanens, ut corpus, sive successiva, ut tempus.

Quantitas vero discreta ea est cuius partes nullo communī vinculo copulantur: ut numerus, vel oratio.

Quid igitur sit quantitas, in universum vix explicari potest: cum vox illa non sit synonyma. Num magnitudo & multitudo in nomine quidem quantitatis convenient, non in illius nominis definitione. Hinc Aristoteles in hoc capite orditū à divisione quanti in continuum & discretum. *Quantum*, inquit, *aliud discretum*, *aliud continuatum*. Quod si una esset utrinque ratio, ab ipsa definitione incepisset. Cum enim vox est synonyma: prius rem definire solet, quam in partes eam distribuere: in homonymis contra, divisionem permittit: nam quae sunt ambigua, prius sunt dividenda, quam definienda.

Frustra queritur an detur quantitas, seu magnitudo: cum nihil in rebus corporeis sit notius quam eorum extensio, seu quantitas: id utique sensu percipimus, quod est extensem; & quod metimur, id omne quantum est, in partes est divisibile, & spatium suum implet.

Neque hoc loco inquitimus, quid proprie essentiam & rationem quantitatis constitut; an extensio corporis interior; an trina & localis dimensio in longum, latum & profundum; an quod partes habeat, & sit divisibilis; an quod ea corpus efficiat impenetrabile: ita ut ab eo quem occupat loco, cetera expellat corpora: an quod ea sit mensurabilis: cum enim querimus quanta sit res quæque, tum illius mensuram afferimus: ista, inquam, alibi expendemus: cum hoc loco notiones tantum logicas, scriem minimū categoricā, quæque sint genera, aut species quantitatis, non intimam illius naturam persequamur.

Cum autem de quantitate discreta non aliud futurus sit differendi locus, non erit alienum in quo posita sit numeri natura, hoc loco diligentius inquirere.

A R T I C U L U S II.

De quantitate discreta.

Discretam quantitatē eam esse, cuius partes nullo communī vinculo conjunguntur, jam supra diximus; eamque in duplice esse differentia volunt. Nam vel numerus est, vel oratio. Hæc nihil aliud videtur esse, quam plures soni non simul, sed successione quadam prolati. De oratione quæ ad quantitatem successivam spectat, hoc loco dicere nihil necesse est: nunc in quo posita sit ratio numeri, paulo attentius nobis est intuendum.

Duo solent in numero, ut in rebus pene omnibus distinguere, materiam numeri & formam: materia sunt res ipsæ numerabiles: ut plures nummi; forma est quæ numerum in certa specie constituit. Sic forma numeri quaternarii dicitur quaternitas: querimus in quo posita sit ea numeri forma.

Ac duæ quidem extremæ sunt opinione; una eorum qui numeri formam non aliud esse primit, quam ens fictitum, quod rebus ipsis dist̄ nō ē à mente tribuitur, quodque nemine cogitante nullum ēst; aut certe non aliud est, nisi idea

idea mentis, qua comparatione facta in summam aliquam multa rediguntur. Altera huic opposita sententia est eorum, qui formam numeri, ut decadem, aut quaternitatem esse accidens quoddam reale ipsis rebus additum putant: quæ quidem opiniones ut extremæ mihi videntur fugienda; sit itaque

Vnica Conclusio.

Numerus est nenie cogitante, neque tamen est accidens Physiscum à rebus numeratis distinctum.

Probatur pars prior Conclusionis. Primo enim nenie cogitante res sunt distinctæ, & plures numero: nam multitudo, numerus & distinctio unum & idem sunt. 2º. Non magis rerum multitudo à cogitatione mea penderet, quam earum magnitudo: cogitatio quippe nostra multitudinem supponit, non facit, & quis sit numerus, investigat.

Opp. Id à numerante pendere, ut mutata numeri alicujus, v. g. centenarii idea, aut unus sit, aut duplex, si bis quinquaginta; aut quadruplex dicatur, si quater viginti quinque cogitentur.

Reff. Numerationem ab intellectu pendere, non numerum ipsum. Hinc Aristoteles docet sublato animo, tolli numerum, quoad numerationem videlicet, aut actum numerantis: non quod numerus non existat etiam nenie cogitante. Sic pannus decem ulnas citra ullam mentis actionem continet: sed hujus mensuræ investigatio ad mentem nostram pertinet.

Multo minus ad veritatem accedit eorum opinio, qui formam numeri in aliqua entitate rebus succrescente constituant. 1º. enim omni sublata ejusmodi entitate, decem nummi semper erunt decem.

2º Decas illa, seu forma denarii numeri non magis est quoddam distinctum à decem nummis, quam à decem Angelis. Facientur autem numerum in rebus materiae expertibus non esse accidens quoddam reale, aut novam entitatem rebus ipsis additam. Hinc numerum alium esse volunt transcendente, qualis est in Angelis, alium categoricum, qui ex divisione materiae oritur, & rebus divisis advenit: quæ sane à recta philosophandi ratione videntur aliena. Primo enim tot entitates citra nullam necessitatem frustra multiplicant. 2º. Idem accidens, aut eadem entitas diversis subjectis & loco disjunctis inesse non potest.

Quare media inter oppositas, eaque rationi omnino consentanea tuenda est sententia, numerum videlicet esse nenie cogitante, nec fingi à nobis, sed inquiri, aut inveniri; neque eum tamen quoddam esse accidens à rebus numeratis distinctum; sed nihil esse nisi certam unitatum collectionem, vel multitudinem. Cum autem unitas à re ipsa non sit distincta, & res quæque sit una nenie cogitante, sic unitatum collectio, aut numerus non est quoddam à rebus ipsis sejunctum. Nec tamen est quoddam figuratum intellectus, ut ostensum fuit Itaque numerus, ut definit Euclides, nihil est nisi multitudo mensurata per unum. Sic quaternarius est numerus quem unitas quater repetita efficit, aut metitur.

Opp. Objectum scientiae unum quoddam esse, non aggregatum per accidens: sed Arithmetica est scientia quæ circa numerum versatur: ergo numerus aliud quoddam est præter res ipsis numeratas. Ubi enim tot numerorum affectiones

Et proprietates, tot rationes mens intuetur? non in rebus ipsis eas intueri potest; cum numeri denarii v. gr. proprietates non rebus numeratis, ut numinis, sed omni denario secundum se spectato, & à rebus abstracto convenient.

Repf. Eam difficultatem non minui, sed augeri, si numerum accidens quodam rebus adventitium fingamus: nam eadem entitas, aut forma in partes diversa, quæ diversis subjectis insidet, concipi nullo modo potest.

Quare illud statuendum est, mentem nostram circa res ita versari, ut quæ confusa sunt & indistincte, separaret & abstrahat. Sic numerum à rebus ipsis se-junctum considerat, & illius proprietates expendit. Quenadmodum linea, aut superficie, aut circuli affectiones separatim examinat: quamvis nulla forte sit linea, aut superficies in rerum natura, saltem à corpore secreta, ac nullum usquam circulum ex omni parte absolutum viderimus.

Itaque respondemus argumento, *dist. maiorem*: unius scientiæ unum est objectum formale, seu idem modus considerandi, C. unum est objectum materiale, seu eadem materia scientiæ subjecta, N. sic enim vix ulla scientia affecti posset.

Ex his facile colligitur, quid sentiendum sit de vi aut efficacia quæ numeris tribui solet. Nam si numerus ratione materialiæ, vel ut est res numerabilis, sumitur, magna illius est vis: hinc Poëta licuit dicere.

Nos numerus sumus, & fruges consumere nati.

At si numeri formam ipsam spectemus, nulla in numeris vis esse potest, queaque his tributur, ex superstitione potius, quam ex numero ipso proficitur. Nisi forte numeros eodem modo, quo Platonici accipiamus, qui eos in tria genera partiti solent, in divinos, qui nihil sunt præter ideas divinas; in rationales, qui mentibus nostris insunt, & ab ideis, ut putant, impressi; & naturales qui in seminibus potissimum, & in ipsis corporum formis, tanquam extrema idearum vestigia sese explicant. Ac de divinis fortasse, aut de ins qui animo sunt impressi, intelligi potest scriptura, cum ait: *Circuvi ego ut scirem, & considerarem sapientiam & numerum. Quod nullo modo arbitrandum est*, ut ait Augustinus, *de his numeris dictum, quibus etiam flagitiosa theatra personant: sed de illis credo, quos non à corpore accepit anima, sed acceptos etiam à summo Deo imprimis corpori.* In his itaque numeris vis aliqua esse potest, non in certo herbarum, aut aliarum rerum numero, ut plebs imperita superstitiose delirat.

ARTICULUS II.

Quæ sint quantitatis proprietates.

TRes afferit Philosophus quantitatis proprietates, quas summatim perstringemus, quod patum aut nihil habeant difficultatis. Prima est, quantitati nihil esse contrarium: non enim corpus corpori, aut linea linea est contraria, nisi forte ob adjunctas qualitates. Sic linea recta curva contraria quodammodo dici potest: sed curvitas est qualitas quædam.

Objicit sibi ipsi Aristoteles, magnum & parvum; multum & patum sibi mutuo esse contraria. Sed responderet ea potius esse relata quam contraria: nam magnum dicitur minoris comparatione: nec quiddam est absolutum, sed respectivum: ut multum & parvum.

Objicit. 2º. Quandam inter locum summum & infimum esse contrarietatem. Quam difficultatem non solvit; vel quod eadem asserti possit responsio: locus enim superior dicitur cum inferiore collatus; vel quod tractatio de loco ad Physicam aut Metaphysicam pertineat; vel denique quod inter loca non sit proprie dicta contrarietas, cum ab eodem subiecto non sese expellant.

Secunda quantitatis proprietas in eo posita est, quod non suscipiat magis & minus: neque enim una superficies est magis superficies quam altera. Dicitur quidem quantitas aut major, aut minor, ut plures habet partes aut pauciores: sed ea partes extra se invicem, non intra se positæ concipiuntur: ut iis rebus accidit quæ suscipiunt magis & minus. Nam res dicitur altera candidior, aut calidior, cum plures gradus albedinis aut caloris in eadem subiecti parte sese penetrant: quod quantitati convenire non potest: cum illius partes nulla virtute naturali se se penetrare possint, sed ab eodem loco sese extrudant.

Tertia quantitatis proprietas in hoc posita est, quod penes eam res dicantur æquales aut inæquales: ut similitudo penes qualitatem accipitur: Sic linea dicitur æqualis linea.

Ex his liquet 1º. Quas attulimus proprietates, non modo quantitati categoricæ, sed etiam omni quantitatì, ut mente præscinditur à continua & discreta, permanente & successiva, convenire. Numerus quippe non est numero contrarius, nec suscipit magis & minus, atque unus est alteri æqualis. Idem dicendum de oratione, quatenus hoc loco accipitur pro numero syllabarum quæ sibi mutuo succedunt. Tempus itidem quod est numerus motus, eisdem habet proprietates. Dicimus enim tempus alteri æquale; motum itidem alteri æqualem. At licet motus inter se contrarii videantur, contrarietas tamen non in motu ipso; sed in adjunctis inest: ut quod oppositus habet determinationes, quod motus alter deorsum, alter sursum tendat. Sed ista erunt apertiora, cum quantitatis categoria à nobis fuerit explicata..

ARTICULUS IV.

Quæ ad categoriam quantitatis pertineant.

Prima & summa quantitatis divisio est in continuam & discretam: utraque est permanens aut successiva. Illius parts omnes simul existunt: ut linea, numerus; hæc vero dicitur cuius partes in iugi fluxu sunt positæ, ut motus, aut tempus. Sic quantitas alia ex Aristotele situm aut positionem habet: cuius generis est sola quantitas permanens & continua; alia nullum habet situm aut positionem: ut numerus, tempus &c. nunc queritur quænam quantitatis species in categoria collocentur.

Ac primum illud certum videtur, quantitatem omnem discretam à serie categorica excludi oportere, si conditiones omnes que in praæambulis, seu in anteprädicamentis sunt allatae, stricto jure, ut aiunt, serventur. Non enim numerus est quid unum per se, seu unius naturæ, sed ens per accidens, à rebus ipsis non distinctum. Oratio vero non aliud quiddam est, nisi vox ex pluribus sonis distinctis, & sibi succendentibus composita; neque ullam habet extensio nem à numero & tempore sejunctam: quare distinctam quantitatis speciem non constituit.

Idem videtur de motu & tempore dicendum. Nam motus non est quid completum: cum in perenni fluxu positus sit: quamvis forte ad categoriam sui termini reduci possit , aut certe ad actionem ipsam vel passionem pertineat.

Temporis vero quod est numerus , seu mensura motus, eadem erit conditio: cum sit quid incompletum, ut motus ; cumque illius quantitas vel extensio non sit diversa à quantitate motus ; ac motus ipse quantitatem suam ex spatio quod percurritur, desumit. Unde motus non habet quantitatem per se , sed per accidens tantum: motus adeo & tempus ad categoriam quantitatis propriæ non spectant.

Quanquam si categoria series Logice spectetur , quatenus distinctam rerum cognitionem juvare potest, aut eam efficere , non video cur numerus potissimum & motus à categoria quantitatis omnino excludantur. Cum scientia circa utrumque plurimæ versentur; atque innumerabiles prope de numeris & motu fiant demonstrationes. Nec multum interest ad certam numerorum & motuum cognitionem , utrum sint entia quædam per se , aut per accidens ; utrum motus sit quid completum , an incompletum : numerum quippe aut motum secundum se mens considerat; illius proprietates, hujus causas, & leges persequitur : sic numerum sonorum musica contemplatur , illius partes & extensionem dimititur.

Quare si cognitionis nostræ , aut scientiarum ratio habeatur , non video cur numerum, orationem , motum , & tempus etiam fortasse à categoria quantitatis rejiciamus. Scientia enim certo rerum in quibus versatur ordine contenta est: quem ordinem in numeris , vocibus & motu maxime considerat. Accedit etiam quod relatio ipsa , & ultima prædicamenta iis conditionibus quæ ad categoriam requiriuntur, non magis instructa videri possunt , quam numerus & motus. Nec certe ea sunt accidentia Physica , sed Metaphysica duntaxat, que scilicet ad rei essentiam non pertinent. Sic conciliari potest Aristoteles ipsum secum , qui hoc in loco numerum, orationem , tempus inter species quantitatis recenset : cum alibi ea rejiciat.

Itaque si summo jure agamus, & categoriam quantitatis in angustum redigamus, continua duntaxat & permanens ad eam pertinebit: nempe linea , que est longitudo tantum ; superficies, que est longitudo & latitudo; & corpus , seu solidum , longitudo scilicet cum latitudine & profunditate conjuncta. His quippe nulli ex requisitis adeategoriam conditionibus deest : sunt enim entia vera , incomplexa , synonyma , & completa , ac per se ; præterea suam quæque habent extensionem , atque omnes quantitatis proprietates : ergo haec sunt genuinae quantitatis species.

Opp. Species ejusdem generis & oppositæ non sese mutuo includunt: sed linea includitur in superficie, ut superficies in corpore: ergo non sunt haec species quantitatis.

Resp. *Dicit* maj. species non includitur in alia specie formaliter , neque idem est utriusque conceptus. *C.* species non se se mutuo includunt materialiter , *N.* Nam una species potest aliam præsupponere. Sic quaternarius ternarium includit, ac supponit, ut superficies lineam, sed longitudo est lineæ differentia ; ut latitudo superficie, & profunditas corporis Mathematici ; neque haec differentia se se mutuo includunt.

D E P RÆDICAMENTIS.

155

In statibus, Linea est ens incompletum : cum ex lineis componatur superficies, ut ex superficiebus solidum : sed ens incompletum non ponitur in prædicamento : ergo linea & superficies à prædicamento quantitatis excluduntur.

Resp. Lineam ingredi compositionem superficiei, quatenus est indivisibilis secundum latitudinem, C. quatenus est divisibilis & extensa, N. linea vero ut est longitudo, non est quid incompletum, sed completum : quanquam ne illud quidem verum est superficiem ex lineis componi.

Sed, *inquires*, linea non distinguitur à superficie : ergo non sunt species distinctæ.

Resp. Sufficere distinctionem virtualem, ut plures species constituantur.

Q U A E S T I O III.

De qualitate.

DE qualitate primum in universum quid ea sit, & quotuplex ; deinde quæ eius sint proprietates explicandum nobis est, tum illius species percurremus. Quæ omnia cunctim attingemus, quod accurata qualitatum tractatio ad Physicam vel Metaphysicam pertineat.

A R T I C U L U S P R I M U S.

De notione, divisione, & proprietatibus qualitatis.

Qualitas à Philosopho in hoc loco utcunque describitur, *Secundum quam quales quidam dicuntur*. Quam definitionem plerique columniantur quod ea nihilo doctiores nos efficiat : est enim huic similius, qua albedo, aut lux definiretur, id quo res dicitur alba, aut lucida. Sed excusari potest Philosophus, quod suprema genera vix accurate definiti possint, & qualitas imprimis, quæ latissime fusæ est, atque ad omnia fere pertinet.

Hinc qualitatis acceptio est multiplex. Nam 1º sumitur pro omni differentia etiam essentiali, quæ idcirco à Porphyrio dicitur qualitas. 2º Pro omni accidente, quod scilicet prædicatur in quale. 3º Pro accidentibus hujus categoriæ, per quæ respondemus proprie ad questionem factam, qualis res sit.

Qualitas hoc modo intellecta definiri potest cum Sancto Thoma : *Modus vel determinatio substantie*; aut paulo accuratius, ut multis videtur, *accidens absolutum quod substantiam determinat*. Cum dicitur accidens, essentialis rei cuiusque differentia excluditur, quæ aliud facit, cum qualitas alterum tantum, non aliud efficiat : unde res alterari dicitur, cum novam adipiscitur qualitatem, ut cum ex calida fit frigida.

2º Qualitas dicitur accidentis absolutum, ut distinguatur à septem ultimis prædicamentis, quæ non sunt absoluta, sed respectiva.

3º A quantitate in hoc seceruntur, quod substantiam modificet ac determinet : nam quantitas substantiam extendit, sed non determinat, immo ipsa qualitate eger, ut determinari possit : unde figura quæ est qualitatis species, nihil est præter terminum quantitatis.

Hinc quadripartitam qualitatis divisionem solent depromere. Nam substantia rei cuiusque determinari potest, 1º Ratione sui, ut in se ipso bene sit, vel male aucta; idque efficit primum qualitatis jugum, habitum & dispositionem: ut sanitatem, aut valedudinem. 2º Substantia ad operandum determinatur, quod potentia naturalis & impotentia præstant : sic visus ad videndum, & fa-

cultas quæque ad agendum substantiam determinat. 3º Ut sensus nostros afficiat, aut moveat: quod qualitas sensibilis, seu, ut vocant, patibilis, & passio præstant.

Vel denique qualitas substantiam ratione quantitatis modificat, & terminat: quod formæ & figura tribuitur: quanquam Aristoteles ipse dubitat an sint aliae species qualitatis, quas hæc divisio non comprehendat: *Alius*, inquit, *for-san est modus qualitatis: sed illi sunt fere qui maxime celebrantur.*

Et quidem raritas & densitas, asperitas & levitas: ut fluidum & durum, & alia hujus generis bene multa quæ inter qualitates vulgo numerantur, vix ad ullam ex iis quæ enumeratae sunt species, revocari possunt; uti nec species illæ quas intentionales vocant, quod cognitioni inserviant: pulchritudo ipsa, aut sanitas vix illa quadrimembri divisione continentur. Sic calor & frigus ad potentiam naturalem & ad qualitatem patibilem pertinent, neque una specie qualitatis continentur.

Ex quibus efficitur aut eas quæ afferuntur, non esse qualitates proprie-ditas, sed ad alia prædicamenta pertinere; aut quod magis probabile est, & Aristotelii ipsi magis consonum, qualitates magis usitatas hac divisione quadruplicata contineri.

Priusquam vero singulas qualitatum species seorsum decurramus, quas Philosophus afferit, qualitatis proprietates breviter attingemus.

Tres sunt qualitatis proprietates: Prima, quæ omni non convenit, ea afferunt, quod inter eas sœpe sit contrarietas, ut inter calorem & frigus, justitiam & injustitiam.

Secunda, qualitas suscipit magis & minus. Sic res est alià calidior. Sed neque omni qualitati ea proprietas convenit: non enim figura intenditur aut remittitur, neque est magis aut minus figura, uti nec contrarietas capax. Actio vero & passio, ac relationes ipsæ saltem ratione qualitatum quas habent adjunctas, intendi possunt, aut remitti. Sic res magis aut minus calefacit, aut illuminat. Itaque hæc proprietas non omni qualitati, ac forte nec soli convenit.

Tertia qualitatis proprietas, quæ omni & soli convenit, in hoc posita est, ut sit fundamentum, aut radix similitudinis & dissimilitudinis: nam ut ratio-ne quantitatis res dici solent æquales, aut inæquales, sic qualitatum habita ratione similes aut dissimiles nominantur.

A R T I C U L U S II.

Qualitatum species sigillatim explicantur.

Nunc seorsum qualitatum genera sic exequamur, ut summa tantum capita decurramus. Nam diligens & accurata qualitatum explicatio ad Moralem & Physicam spectat. Primum itaque de habitu & dispositione dicamus, tum ceteras qualitatum species biniembres eo quidem ordine, quem secutus est Aristoteles, exponemus.

De habitu & dispositione.

Cum habitus sit qualitas naturæ adventitia, & ad facilius agendum compa-

rata ; ut potentia naturalis facultas est rei congenita : non satis liquet quid cause fuerit, cur Aristoteles habitum primam speciem qualitatis potius quam potentiam statuerit. Nisi ea forte causa sit, quod non solum eas qualitates quae ad agendum majore cum facilitate juvant, sed etiam omnem vel animi, vel corporis affectionem, que naturam secundum se perficit, licet ea sit adventitia, non congenita, habitus nomine donaverit. Sic robur & sanitas sunt corporis habitus. Cum igitur habitus non ad agendum modo sit comparatus, sed etiam naturam secundum se perficiat, potuit prima qualitatis species numerari. Ut cunque ea res sit, non permagni interest, quae qualitatis species primo loco, quae secundo referatur. Illud magis ex usu fuerit nosse quid sit habitus, quid dispositio : nec necesse est varias utriusque acceptiones quae ad rem nostram non pertinent, referre.

Primum, minime dubium est quin omnis habitus dispositio dici quodammodo possit, quatenus naturam bene, aut male disponit; aut secundum se, ut sanitas & morbus, aut in ordine ad operationem, ut scientia. Sed in hoc loco habitus dicitur, qui altas egit radices, nec facile potest avelli. Contra dispositio tum intelligitur, cum subiectum leviter afficit, ut scientia in addidente, sanitas in eo qui ex morbo convalescit. Quod utique discrimen habitum inter & dispositionem accidentiarum tantummodo est: cum eadem qualitas ut facile, aut agere est mobilis, dispositio vel habitus nominetur, ac dispositio nihil sit praeter habitum inchoatum. Cum tamen habitus potissimum ad agendum comparetur, satis apte definitur, *qualitas adventitia, qua potentia ad agendum facilitatem præbet.* Nam sanitas, aut robur, aut pulchritudo vix habitus dici possunt, cum in complexu multarum qualitatum positæ sint, nec simplices eæ sint qualitates.

Sic ab Augustino habitus latiore significatu acceptus definitur, *affectio animi vel corporis longo tempore perseverans.*

Atque hinc sumi potest prima & summa habituum divisio in eos qui corpus, & eos qui animam perficiunt. Habitus corporis tot sunt, quot artes, aut hominum industria, quae corpus, aut illius partem exercent & perficiunt.

Habitus animi ita vel sunt infusi, quos scilicet Dei beneficio consequimur, ut Fides, Spes, Charitas; vel acquisiti, qui aut intellectum, aut voluntatem perficiunt, de quibus sigillatim tum in tertia Parte Logices, tum in prima Philosophia dicemus.

Potentia naturalis, & impotentia.

Potentia hoc loco dicitur qualitas rei congenita ad agendum vel resistendum comparata: cum debilior est, tum impotentia dicitur, ut visus in juvene potentia, in senectute impotentia vocatur.

Potentiae, ut habitus, aut animi sunt, aut corporis: facultates animi sunt intellectus, & voluntas: ille cognoscit, haec amat: ille circa veritatem versatur, haec in bonum nititur.

Potentiae aut vires corporum occultæ sunt, aut manifestæ: illæ fortè nos fugiunt, ut vis in magnete qua ad Polos mundi convertitur, aut ferrum ad se rapit. Haec videntur apertiores, ut vires omnes quae sensus feriunt. Quanquam ex quoque magna ex parte sunt nobis incognitæ: tametsi manifestæ dicuntur.

quod usū sint frequentiores. Ac nescio an gravitas & levitas corporum , quibus nihil notius nobis videtur , non minus sint occultæ , quām vis magnetica , aut q̄ iæ sympatheticæ vulgo dicuntur. Verum in iis explicandis magna pars Physicæ versarur. Nec necesse est hoc loco diligentius expendere , unde vires seu potentiae cum occultæ , tum manifesta orientur , aut quomodo à natura cuiusque rei distinguantur.

Id unum monuisse satis fuerit , vires aut potentias vulgo dividī in actuas , cuiusmodi est vis calefaciendi in igne ; & passivas , cuius generis est durties in ferro , aut mollities in cera.

Rursus activæ vel rebus inanimatis sunt communes , ut vis illa attractrix , ut vulgo creditur , quæ est in magnete ; vel animatis corporibus sunt propriæ , ut vis generatrix , & attractrix in planta ; vel rebus sensu præditis insunt , ut sensus , cum exteriores , tum interiores ; vis motrix , appetens , & aliæ hujusmodi , quæ amplam Physicæ contemplationi materiam suppeditant.

Patibilis qualitas , & passio.

Tertia qualitatis species patibilis qualitas , aut pathetica nominatur , quæ scilicet unum ex quinque sensibus afficit : ut calor , sapor , & aliæ qualitates sensibiles : quanquam forte juxta Aristotelem latius patet. Nam animi perturbationes , ut ira , & aliæ passiones ad hanc qualitatis speciem pertinent ; queque in nobis ex ejusmodi conturbatione , aut motu animi oritur affectio , ut rubor ex ira , pallor ex timore , passio hoc loco nominatur. At si diutius permaneat , ut rubor ex temperamento , ad patibilem qualitatem revocatur , adeo ut non essentiale , sed accidentarium omnino discrimen illud videatur.

Ego facilius crediderim qualitatem patibilem , aut sensibilem ab Aristotele dici , id quod est in obiecto sensibili , cuiusmodi est calor in igne : quod scilicet vim habet in se , quæ sensum moveat ; passionem vero eandem vocat qualitatem , ut à nobis percipitur , eaque forsitan motu , seu contactu quodam continetur , ut docet Aristoteles. Eadem quippe voce & calorem qui est in igne , & sensum caloris , qui in nobis est , designamus : quanquam multum inter se discrepant : de quo quidem alibi.

Forma & figura.

Quarta qualitatis species bimembbris forma & figura continetur. Figura id dicitur , quod quantitatē exteriū determinat ; aut si malis , quod ex omni parte terminatur , vel circumscribitur. Hinc angulus qui est unius linea ad alteram inclinatio , figura dici non potest , cum ex omni parte non terminetur. Inter figurās , quæ rectis lineis terminantur , prima est triangulus , seu trilatera figura , quæ tribus lineis , aut lateribus constat. Sed omnium figuratum simplicissima est circulus , qui unica linea curva circumscribitur.

Quod autem sit discrimen inter formam & figuram , non facile dictu arbitror. Boetius rebus animatis formam , ceteris figuram tribuit : nonnulli formam in re omni naturali , ut figuram in artificialibus mathematicis proprie inveniri putunt. Alii è contra formam in rebus artefactis constituant , quod non habeant formam à figura diversam. Num domus forma in ipsa dispositione & figura partium posita est. Sunt qui formam cum colore conjungant:

Hinc

Hinc pulchra, eadem formosa dicuntur: Et pulchritudo ipsa ex M. Tullio,
apra est figura membrorum cum coloris quadam suavitate.

Ac nescio an aliud discrimen, idque aptius inter formam & figuram asserti possit: quod figura sit exterior corporis circumscriptio; forma vero sit partium interiorum, & velut lineamentorum certa dispositio. Cum cera ex rotunda sit quadrata, exteriorem mutat figuram: sed illius partes interiores etiam insensibiles certo quodam modo semper sunt conformatae; adeo ut hanc ceram formam, non lapidis subjiciant oculis. Illa partium etiam insensibilium configuratio formam cuiusque rei, saltem inanimate, ut plerisque videtur, magna ex parte efficit. Verum ista, quæ alterius sunt loci, leviter attrigisse latit fieri.

Figurarum divisiones & genera referre et si non foret inutile, tamen longum esset & molestum. In universum satis fuerit admonuisse figuram esse vel rotundam, qua uno termino, vel angularem, qua multis terminis circumscribitur. Hacrum, ut diximus, prima est trilatera, quæ & triangulum nominatur. Hujus itidem variae sunt species: nam vel tria latera sunt sibi invicem æqualia, tumque æquilaterum; vel duo tantum, idque isosceles; vel tria sunt inæqualia, tumque scalenum quasi imperfectum nominatur. Sic ratione angulorum in tres quoque species dividitur. Verum ista ad Geometras mittimus: non quod sint ab instituto penitus aliena, aut inutilia, sed quod in hoc Tractatu res omnes pro dignitate explicari non possint.

Illud duntaxat admonuerim, figurarum, ut numerorum rationes & ideas ita esse claras & distinctas, ut de iis infinite hiant demonstraciones: & quamvis figura ad agendum iners vulgo habeatur, id tamen negare non possumus, cum naturæ, tum artis opera magnâ ex parte ex apti figuratum dispositione pendere: adeo ut rectam philosophandi rationem in non videantur infestare, qui in rerum naturis explicandis nullam figurarum habent rationem.

Q U A E S T I O I V .

De Relatione..

Sequitur paulo operosior de Relatione tractatio, quam plerique difficilem & involutam nimia subtilitatis affectatione efficerunt. Cum enim modos nescio quos, aut formas à rebus distinctas rebus ipsis affinxerunt, quas aut Relationis, aut aliorum prædicamentorum nomine designarunt, tot se induerunt difficultatibus, tot questionibus, & concertationibus rem satis apertam involverunt, ut vix se expedire possint: nobis tutissimum videtur res ipsas magis consulere, quam abstractis & vagas animi notiones, quæ nihil aliud sepe, quam tenebras menti offundunt. Sed ne longius evagemur, quid Relationis nomine intelligamus, & quomodo existat, primo loco nobis est explicandum: deinde in quo posit: sit illius natura; tum illius adjuncta sigillatum discutienda; postremo varias illius divisiones & proprietates exponemus.

ARTICULUS PRIMUS.

De nomine & existentia Relationis.

Relationis nomen vix ab Antiquis fuit usurpatum. Aristoteles relata *τάξην*, seu ad aliquid solet appellare, quae scilicet ad aliud referuntur. Modus vero quo duo, aut plura inter se referuntur, abstracta voce dicitur relatio: aliis quoque efficitur nominibus. Nam respectus, ordo, habitudo, connotatio, comparatio vocatur: adeo ut nihil sit pene notius quam ipsa relatio, cum omnis fere cogitatio nostra in rebus comparandis versetur. Itaque relata sunt v. g. pater & filius: paternitas & filiatio dicuntur relationes. Omnis autem comparatio, seu relatio aut à mente nostra excoigitatur, qualis est inter subjectum & attributum propositionis, genus & speciem: quæ idcirco relatio rationis dici solet; aut inventitur potius à mente, quam efficitur, cuiusmodi est habitudo inter patrem & filium, inter causam & effectum. Hæc realis est, & non ficta relatio; eaque est duplex.

Nam, ut docet S. Thomas, nomina relativa vel sunt imposita, ut ipsam relationem, seu habitudinem designent, ut pater & filius, dominus & servus: & hæc barbara quidem voce, sed receptâ dicuntur *Relata secundum esse*. Vel nomina ipsa res absolutas quidem, seu ab omnibus aliis solutas & liberas significant, quas tamen respectus, aut habitudines quedam consequuntur: quales sunt inter movens & motum; inter creatorem & creaturam relationes. Atque hæc relata secundum dici à Philosophis vocantur: quæ, ut illis placet, ab Aristotele sunt definita his verbis. *Relata*, inquit, sunt ea, quæ id quod sunt, alterius esse dicuntur, vel quoquo modo ad alterum referuntur. Hujus generis relatio transcendentalis dici solet: quod in re omni ordo quidam & relatio ad aliud includatur.

Quanquam, ut multis videtur, non omnis relatio secundum dici est transcendentalis: sed ea sola quæ est rei essentialis: qualis est inter facultatem & objectum. Sed cum relatio secundum dici rei ipsi accidit, qualis est inter movens & motum, & quæ in sex ultimis prædicamentis reperitur, tum ea transcendentalis non appellatur.

Itaque sola relatio secundum esse, ad hoc prædicamentum pertinet. Hinc definiti potest, id cuius rotum esse, est ad aliud referri: ut similitudo, æqualitas, paternitas sunt relationes categoricæ, in co quidem positæ, quod aliud respiciant. Nam terinino pereunte, statim evanescunt; homo filio extinto, non est amplius pater.

In hac potissimum relatione ea spectari possunt, subjectum, quod scilicet ad aliud referitur: sic pater, aut homo generans subjectum est paternitatis; ut filius ad quem refertur, est terminus; generatio seu causa cur pater ad filium referatur, fundamentum dici solet. Hoc utique vel est proximum, ut de quo mox diximus, vel remotum, ut potentia generandi in patre, qua posita, non idcirco emergit relatio: sed ubi est fundamentum proximum, seu, ut loquuntur, ratio fundandi, statim exurgit relatio. Idcirco enim pater refertur ad filium, quia cum genuit.

In omni relatione non ficta, sed reali, primo subjectum existere necesse est.

Quod enim non est, ad aliud referri non potest. 2º Extrema sunt realiter distincta : res enim ad seipsum non refertur , nisi forte per mentem. 3º Fundamentum, si quod sit remotum , distingui debet in utroque extremo , in subjecto videlicet & termino. Hinc aequalitas in personis divinis non est realis relatio : cum essentia , aut potentia , aut sapientia una in iis sit , & eadem. 4º In categorica relatione terminus realiter existat : quod tamen in transcendentali relatione , & in ea quæ secundum dici vocatur , non requiritur. Nam ut propositione sit vera , aut scientia aliqua sit realis , nihil necesse est objectum existere.

Quare in hoc transcendentalis à categorica diversa est , 1. Quod illa terminum realiter existentem non exigat. 2 Quod nullum etiam presupponat fundamentum : est enim rei essentialis , nec quidquam prius in te ipsa exigit , aut supponit. 3º Quod relatio transcendentalis non impedit rationem rei absolute. Sic dependentia creaturæ est illi essentialis , & transcendentalis relatio ; nec obstat quominus creatura sit quid absolutum , hoc est , quin per se & sine alio concipi possit. Quamvis omni ex parte explicari & intelligi vix queat circa illam dependentiæ relationem. Sic anima est res absoluta : explicari tamen non potest circa ordinem ad corpus .

Nunc quæritur an detur realis & categorica relatio ; an potius , ut Nominalibus videretur , nulla sit omnino creata relatio , præter mentis ideam , qua unum cum alio conferimus. Quæ sententia magnam præ se fert probabilitatem , & prima fronte explicati facilius videretur : ea tamen ab omnibus fere rejicitur. Sit itaque contra Nominales

Prima Conclusio.

Dantur nemine cogitante relationes transcendentales.

Probatur conclusio. Quod est rei intimum & essentialie , non pendet à cognitione nostra : sed quæ dicuntur relationes transcendentales , sunt rei intime & essentials ; ut dependentia creaturarum à Deo , ac relationes omnes inter facultates & objecta : ergo ejusmodi relationes sunt reales , nec pendent à cognitione nostra.

Secunda conclusio.

Relationes categoricæ sunt etiam reales , & nemine cogitante .

Probatur conclusio. 1º enim quod duæ res sint sibi æquales , aut similes , id à cognitione nostra non proficiuntur. 2 Relatio nihil est nisi ordo unius rei ad aliam : sed ejusmodi ordo non pendet à cognitione nostra : nam mundi ipsius perfectio in ordine posita est ; ac stant ordine universa : sublatu enim ordine riuunt omnia. 3º Scientiæ pene omnes non aliud fere quam relationes , aut habitudines rerum contemplantur. Sic Geometria figuræ inter se comparat , & quas inter se rationes habeant , considerat. Sic Arithmetica rationes , seu relationes numerorum , ut musica sonorum proportiones persequitur : ac veritas omnis quam intellectus in rebus deprehendit , non facit , nihil est nisi quedam relatio. Cum enim dicimus bis duo esse quatuor , hujus propositionis veritas in quadam æqualitate consistit : ergo ordo , respectus , relatio est quid reale , non unius cognitionis nostra factus , aut rationis fragmentum.

Confirmari solet conclusio argumento ex intima Theologia repetito. Idcit-

co, inquit, paternitas divina est vera & realis relatio : quia Pater æternus generat Verbum : ergo & in rebus creatis pater, qui filium genuit, per veram & realem relationem ad eum refertur. Quanquam non inferior hujus generis argumentis parce utendum esse : cum relatio divina sit substantia, non quidam naturæ divinæ adventitium, ut relationes, de quibus nunc agimus. Nec satis tuto ab inenarrabili mysterio, quod sive credimus, & adoramus, ad res Philosophicas argumenta ducuntur.

Opponent 1^o Qui contra sentiunt, relationem nihil esse præter comparationem quandam: nam relata & comparata unum & idem sunt : sed omnis comparatio fit ab intellectu nostro : ergo relatio omnis est nostra rationis opus, ac nulla est realis.

Resp. Diff. maj. Relatio est comparatio quædam objectiva, C. formalis, N. Sic numerum esse etiam nemine cogitante ostendimus : tamen si numeratio ipsa ab intellectu nostro pendeat. Non dissimili ratione ordo quidam est in rebus quæ sunt comparabiles : sed actualis comparatio à mente proficiscitur. Huc adde ordinem unius rei ad alteram non cognosci nisi per comparationem, quæ fit per mentem.

Opp. 2^o Quod est reale, habet causam realem : sed nulla afferri potest causa relationis, nisi mens ipsa, dum res inter se comparat : ergo nulla est realis & nemine cogitante.

Resp. non aliam esse relationis causam præter fundamentum, à quo tamen ipsa non distinguitur : sed de his posteris.

Alia sunt quæ solent opponere, quæque satis firma sunt adversus eos, qui relationem non modo realem esse, sed etiam à fundamento distingui pertendent : quod utique proximo articulo erit discutiendum.

ARTICULUS II.

Quomodo relatio distinguatur à fundamento.

Nunc quæ ad naturam relationis pertinent, & in quo maxime posita sit, paulo accuratius intueamur : ac primum an relatio sit quædam entitas, quæ fundamento succrescat, & ab ea plusquam ratione sit distincta, expediamus. Ex quo enim entitates quasdam à subjectis discretas, quæque nec substantie sunt, nec accidentia, recentiores Philosophi excoegerarunt, infinitæ concertationes circa hos modos emersere, quibus res satis obviæ & intellectu faciles magna obscuritate sunt involute. Nos vero eam esse optimam philosophandi rationem omnino persuali, quæ plana est, & intellectu facilis, quæque à communi hominum sensu minus abhorret, ejusmodi entites non à relatione tantum, sed etiam à reliquis prædicamentis omnino rejiciendas attributamur. Sit itaque

Unica conclusio.

Relatio non est forma, vel entitas à fundamento realiter distincta.

Probatur conclusio. 1^o Inutilis omnino est illa entitas, aut forma à fundamento distincta, cum circa illam relatio ipsa recte concipi & esse possit : ergo nova illa entitas, aut modus, ut aiunt, respectivus est omnino rejiciendus. An-

cedens patet: detracta enim illa entitate duo parietes albi adhuc erunt similes, & duæ ulnæ æquales sibi futuræ sunt. Ea quippe sunt similia, aut æqualia, quorum una est qualitas, aut quantitas, hoc est, quæ in qualitate vel quantitate conveniunt.

Probatur 2^o. Illa entitas nova quæ subiecto, aut fundamento supervenit, & ab eo plusquam cogitatione distinguitur, omnino est impossibilis, nec comprehendendi animo potest. Tum quia illud concipi nequit formam, aut modum realem mihi advenire, si quis Roma nascatur mihi similis, cum nulla omnia in me fiat mutatio: Idem dicendum de omni alia relatione: ut si quis mihi ad sinistram assideat, qui prius erat ad dextram; tum quia nulla affecti causa potest, quæ novam illam entitatem procreet. Nam si paries Romæ extruatur similis huic parieti, quæ causa novam entitatem, aut modum in hoc pariete qui est Lutetiae, procreabit? Effectus realis citra causam realem nullus esse potest: unde ergo novus ille effectus? quæ illius causa?

Quod respondent, parum aut nihil habet probabilitatis: relationem nempe posito termino tanquam *conditione sine qua non*, resultare in hoc pariete, cum aliis ei similis Romæ construitur; idque fieri citra ullam mutationem physicam aut sensibilem, quæ tum solum accidit, cum nova entitas absoluta rei advenit; non autem, si nova duntaxat relativa entitas succrescat.

Contra 1. Conditio sine qua causa suum effectum non procreat, non longe ab ipsa causa potest absesse: sic apertio fenestræ est conditio sine qua cubiculum non illustratur: sic rei comburendæ ad ignem admotio est item conditio ad comburendum requisita. Sed quæ fœcunditas esse potest in hoc pariete, ut infinitas propemodum entitates, quantumvis levissimas & insensibiles effundat, quories alii parietes huic similes aut dissimiles eriguntur, aut dealbantur: quid parietem admonet ut novas illas entitates profundat? hæc sane concipi nulla ratione possunt.

Contra 2^o. Cum forma physica & realis subiecto advenit, sit in subiecto realis & physica mutatio: at in nulla fieri potest mutatio realis in homine qui est Parisius, cum aliis ei similis in India nascitur, aut moritur: secus enim ubi res aliqua efficitur, infinitæ in rebus omnibus relationes exurerent. Imo ad motum pedis, aut capitidis totus orbis commoveretur: nam infinite & recentes relationes propinquitatis, aut distantiarum rebus ipsis succrescerent.

Plura nihil necesse est hoc loco subiecere, cum res ipsa sit manifesta; quodque est penitus incognitum & inutile, ad rem explicandam frustra adhibeatur. Nihil potro magis est incognitum, aut incomprehensum, quammodi illi respectivi, aut novæ entitates quæ cum nullo sensu, nulla ratione fulciantur, ut disputationes tantum infinitas alunt, sic nullius rei cognitioni inferiuntur.

Solvuntur objecta.

Quo facilius iis quæ contra opponuntur, facias satis, notare oportet relationem prædicamentum esse, licet non sit forma quedam physica, sed tantum metaphysica. Neque enim necesse est ut prædicamenta sint accidentia physica quæ rebus inhæreant; sed satis est ut sint accidentia logica extra rei essentiam posita, ut de sex ultimis prædicamentis fatentur plerique Philosophi. Quod res ex. gr. ponantur in loco per ubicationem, ut loquuntur, illam ubicatio-

nem esse formam physicam à subiecto realiter distinctam quis nisi inepte col-
legerit?

Opp. 1º. Illa distinguuntur realiter quæ habent diversas definitiones, vel
essentias. Sed fundatum & relatio diversas habent & definitiones & enti-
tias: cum relationis totum esse sit ad aliud referri, fundamentum vero sit quid
absolutum: Ergo relatio distinguitur realiter à fundamento.

Resp. Dist. mai. Quæ habent diversas definitiones, aut essentias, realiter
differunt, si per distinctas essentias intelligentur diversæ entitates, C. Si
nihil praeter diversos conceptus intelligas, N. Nam sufficit virtualis distinctio,
ut mens eandem entitatem in varios conceptus, aut ideas partiatur.

Instant. Manet fundamentum perteunte relatione: Ergo relatio est entitas
quædam à fundamento distincta.

Resp. Neg. conseq. Nam relatio non est solum fundatum, sed illud ip-
sum quatenus connotat, ut loquuntur, seu respicit terminum. Unde non mi-
rum est si sublato termino relatio pereat.

Urgent. Illa connotatio vel est aliquid reale, tuncque sublato termino, v. g.
filio, perit aliquid reale, quod aliud est à fundamento; vel est aliquid fieri-
tum; sicque relatio non est realis, sed à mente excogitata.

Resp. Relationem esse aliquid reale, nempe entitatem fundamenti, ut albe-
dinus in pariete, non præcise, quatenus est albedo & quid absolutum, sed
quatenus terminum connotat: quod utique in relatione transcendentali fa-
tentur adversarii: in his enim relatio nihil est præter rei naturam, quatenus
aliud connotat. Sed ordo ille in transcendentali relatione est rei essentialis.
Nam facultas, vel scientia essentialiter objectum respicit, aut connotat: in
relatione categorica ordo ille est adventitius. Simili ratione in sententia Thom-
istatum, qui relationem à fundamento distinguunt, unio anima & corporis
nihil est nisi anima ut corpus connotat, eique applicatur; ac perit unio ma-
nente anima, eo ipso quod non sit in corpore, aut illud non connotet.

Sed, inquiunt illa connotatio est tota relationis essentia quæ est realis: Ergo
sublato termino, perit aliquid reale.

Resp. Dist. conseq. Perit aliquid reale quoad denominationem, C. quoad
entitatem, N. Itaque partes albus destructo alio pariete definit esse illi simi-
lis: sed manet eadem albedo, qua prius, & eadem entitas. Sic Deus cum
mundum condidit, denominationem novam creatoris accepit: quamvis nul-
la entitas nova, sed tantum novus respectus, aut connotatio ei accesserit.

Contra, inquiunt, non potest fieri nova denominatio, eaque positiva citra
novam formam, vel entitatem: ut homo ex imperito peritus fieri non potest
citram doctrinam accessionem: sed relatio novam afferit denominationem, eam-
que positivam: ergo adveniente relatione nova quoque entitas accedit.

Resp. Dist. mai. Cum denominatio est absoluta, ut in exemplo allato, C.
cum denominatio est relativa, N. sic Deus factus est creator citra ullam sui
mutationem, ut docet Sanctus Thomas opusculo 48. Cum aliquis ex dextro
sit mihi sinister, hoc non sit citra illius mutationem: sed nihil mihi accidit
novi.

Opp. 2º. Illa distinguuntur realiter, quorum unum augeri potest, altero
non augeri, imo & altero immixto. Sed fundamentum augeri potest, etiam

Imminuta relatione : ut augeri potest albedo in patiente, cum similitudo ipsa minuatur: Ergo relatio est quid distinctum à fundamento. Simili ratione potest multiplicari relatio, quamvis idem maneat fundamentum : ut in eodem homine infinitæ prope sunt relationes.

Resp. His & aliis quæ afferri possunt, virtualem sufficere distinctionem, tum ut uno aucto, alterum non augetur : nam essentia rei & entitas unum & idem sunt realiter, quamvis augeri in corpore possit entitas, non aucta ejus essentia ; tum etiam ut uno aucto, & intensiore facto, a' terum remittatur & minuatur. Nam relatio, ut similitudo proprie non augetur quoad entitatem, sed tantum improprie, quantum ad denominationem. Itaque distingui potest antecedens, si res proprie augeri possit, aut minui; intendi & remitti, C. Si augeri possit tantum, vel minui improprie & ratione denominationis. N. Quæ solutio ex dictis apertior est quam ut egeat explicatione.

Instans. Res eadem non potest denominationes contradictorias suscipere, nisi eadem mutetur: Ergo cum paries ex simili fit dissimilis, aut minus similis, fit in eo aliqua mutatio, & nova illi entitas supervenient.

Responsum jam fuit, antecedens verum esse in rebus absolutis, non item in relativis. Sic Deus circa mutationem, nisi improptie dictam, factus est Creator, aut Redemptor.

Vrgent. Homo antequam generit filium, non est pater, licet habeat potentiam generandi : Ergo paternitas seu relatio est quid additum fundamento.

Resp. Dist. ant. Homo non est pater quantum ad denominationem, vel connotationem C. quantum ad entitatem, N. Nam homini antequam generaret, nihil debeat, quominus pater diceretur, nisi terminus, qui, ut diximus, in relatione categorica est conditio sine qua non.

Sed, *inquit*, idem non potest esse sine seipso, Ergo si fundamentum nihil est distinctum à relatione, non poterit citra relationem consistere, nec homo erit sine paternitate, aut album sine similitudine.

Resp. eandem adhibendo distinctionem. Res eadem non potest esse sine seipso, quoad entitatem, C. quoad connotationem, N. Potest enim esse, quamvis nihil exterius connotet. Sic fundamentum non idem est cum relatione, aut modo respectivo, si connotative sumatur : sed idem semper est, si entitas sola spectetur. Idem est Deus & creator entitative, ut loquuntur, non idem protinus connotative.

Hec quidem fuisus quam par erat, sumus prosecuti, tum ut planum fiat quanto si facilius ejusmodi entitates supervacuas resecare, quam vimia subtilitas affectatione tot entia circa ullam necessitatem congerere ; tum etiam ut modi omnes respectivi, quas aliqui ut entitates quædam solent obtrudere, uno & eodem istuc dejiciantur. Hi quippe nihil sunt nisi relations quædam, non novæ entitates, de quibus tam multa minime necessaria quæsierunt: an v. gr. modi alios procreent; an steriles sint, an subiectis inhæreant, vel adhaerant; an modus modo superveniat, & alia bene multa.

Ex iis illud etiam colligitur, relationem nihil esse nisi fundamentum, quatenus connotat terminum: neque enim, ut pene demonstratum arbitramur, relatio est entitas quædam quantumlibet levissima, quæ fundamento succret.

cat : nec tamen ea est tantum denominatio extrinseca. Nam paries albus qui alteri similis dicitur , potius à forma intrinseca , seu ab albedine sibi inhærente , quæque est causa cur alteri similis dicatur , quām ab externa forma denominatur : terminus quippe est tantum conditio sine qua non esset relatio.

Postremo , relationis nomine non intelligimus aggregatum quoddam per accidens ex subiecto , fundamento & termino : præterquam enim entia per accidens à categoriis excluduntur , non video quomodo paternitas & filiatio inter se opponi , aut à se invicem distinguiri possent , cum utraque unum & idem foret aggregatum ex subiecto , fundamento & termino.

Itaque id unum restat , ut relatio nihil sit nisi fundamentum , quatenus respicit , aut connotat terminum ; seu , ut loquuntur , relatio ut in re subiecto casu & intinsece fundatum includit terminum in obliquo , & extrinsece connotat , ut de relatione transcendentali diximus . Sic relatio facultatis visivæ ad colores est eadem facultas , quatenus connotat essentialiter colores . Simili ratione categorica relatio est fundamentum ut respicit suum terminum , sed accidentario tantum , non essentialiter : quæque contra objici possunt , jam sunt soluta.

Circa fundamentum relationis id etiam queri solet , an una relatio possit esse alterius fundamentum.

Resp. Nihil obstat quominus una relatio cum altera conferatur : sic unius hominis paternitas cum alterius paternitate , vel cum alia relatione conferri potest ; tumque exurget relatio identitatis , aut diversitatis . Nec metuendum est ne in relationibus detur progressus in infinitum , cum novæ relations non sint homogeneæ , seu ejusdem speciei , sed diversæ .

A R T I C U L U S III. .

De subiecto Relationis.

DE natura relationis diximus , eamque nihil esse præter fundamentum , quatenus terminum connotat , multis argumentis ostendimus . Nunc sequitur , ut de iis quæ adjucta sunt relationi , de subiecto nimirum & termino disseramus , & varias , quæ moveri solent quæstionulas , quām poterimus brevissime & accurate expendamus .

Atque ut ab ipso subiecto ordiamur , meminiisse oportet relationem accidens quoddam esse metaphysicum , quod licet nulli inhæreat subiecto , ut quæ physica dicuntur accidentia , tamen subiecto alicui inesse , idque denominare concipitur . Unde solent duo in relatione distinguere , unum generale & cum reliquis praedicamentis commune , quod vocant *esse in* ; aliud ei proprium , & specificum , quod *ad* appellant : est enim id relationi proprium ut ad aliud referatur . Id utique palam est relationis subiectum , quod ab ea denominatur , esse suppositum . Sic homo est subiectum *quod ut aiunt* , paternitatis , aut æqualitatis ; quantitas vero , seu fundamentum est subiectum *quo æqualitatis* .

Jum queritur , an Deus subiectum relationis esse possit ; an referatur ad creaturas . Sit igitur .

Nihil impedit quominus in Deo sint reales relationes ad creaturas , etiam categoricæ.

Ac primum quidem dubitare non possumus , quin in Deo sint relationes secundum dici five sint transcendentes , aut essentiales , quales sunt scientiæ , aut omnipotentiaæ divinæ ad res quæ fieri , aut sciri possunt ; five accidentales , cuius generis sunt creatoris , aut reparatoris , aut conservatoris relationes . Non minus enim creator comparatur cum creaturis , quam vicissim , ac neutra relatio sine altera concipi potest . Quod autem in Deo sint relationes categoricæ,

Probatur. Relationes identitatis , aut diversitatis sunt categoricæ : atqui ejusmodi relationes sunt in Deo respectu creaturarum : tam enim diversus est à creaturis , quam vicissim : nec possumus creaturam diversam à Deo concipere , quin Deum quoque à creaturis diversum concipiamus : ergo nihil obest quominus in Deo relationes etiam categoricas agnoscamus .

Confirm. Relatio non est quid distinctum à fundamento : sed relationum fundamenta sunt in Deo : ergo & relationes in eo esse possunt .

Quæ contra opponi possunt , facile diluentur , si meminerimus nihil novi Deo accidere quoad entitatem , nullam quoque novam relationem cum accessione fundamenti ei supervenire posse , sed novam duntaxat Deo connotacionem citra ullam mutationem accedere .

Solvuntur objectiones.

Opp. 1^r Relatio categorica est accidens quoddam : sed in Deo nullum est accidens : ergo in Deo nulla relatio categorica esse potest .

Reſp. Difſt. maj. Relatio est accidens metaphysicum , quod scilicet subiectum tantummodo denominat , neque ad illius cibentiam pertinet , C. accidens physicum , quod subiecto inhæreat , N.

Inſt. Accidens etiam metaphysicum non potest rei advenire citra aliquam illius mutationem : sed nulla in Deo potest esse mutatio : ergo nova relatio Deo non potest accedere .

Reſp. Accidens illud metaphysicum , seu relationem , nullam Deo affirme mutationem , quoad entitatem : licet nova sit connotatio ex mutatione quæ est in creatura , non in Deo .

Opp. 2^o Deus non pendet à creaturis : ergo in Deo nulla est relatio transcendentalis ad creaturas , quæ cum essentiali dependentia conjuncta est : qualis est inter scientiam & objectum .

Reſp. Difſt. ant. Deus non pendet à creaturis ut effectus à causa , C. ut relatum à correlato , N. Itaque dependentia illa est tantum connexionis , qualis etiam est inter personas divinas , quæque nullam in Deo imperfectionem presupponit .

A R T I C U L U S IV.

De termino Relationis.

CUm relatio in ordine , aut respectu unius ad alterum posita sit : quod refertur , subjecti vel relati habet rationem : ut homo qui genuit , & Tome I.

pater nominatur ; terminus est , quem relatio respicit : ut homo genitus , aut filius ; fundamentum , ut diximus , est ratio , aut causa illius ordinis , vel relationis . De fundamento & subiecto diximus : restat ut que ad terminum pertinet , exequamur .

Circa terminum duo potissimum queri solent . 1^o An sit de essentia relationis ; 2^o An terminus relationis sit quid absolutum , vel relativum . Sit itaque

Prima Conclusio.

Connotatio termini est de essentia relationis , non ipse terminus .

Probatur & simul explicatur conclusio . Relatio est ordo subiecti ad terminum : ergo de illius essentia est ut connotet terminum : ut de essentia est facultatis , vel scientiae quod objectum suum respiciat . Sed quemadmodum objectum non includitur in scientiae , aut facultatis essentia : cum aliquando ipsum non existat : sic terminus non includitur in essentia relationis . Ordo quippe terminum non includit , sed eum connotat : ergo terminus , v. g. filius non includitur in relatione , ut in paternitate .

Confirm. Relata sibi opponuntur : ergo non sese mutuo includunt , neque unum est de alterius essentia . Unde paternitas divina non includit filium : cum ab eo distinguatur .

Opp. Illud est de rei essentia , sine quo res esse aut concipi nequit : sed relatione termino esse non potest , aut concipi : ergo terminus est de essentia relationis .

Repf. Diff. maj. si illud includatur in re ipsa , C. si connotetur tantum , N. Itaque , ut diximus de scientia & objecto , connotatio termini est de relationis essentia . Est enim id quod distinguit relationem à reliquis prædicamentis , atque , ut loquuntur , *esse ad* , relationis : sed terminus ipse non includitur in essentia relationis : cum sit quid extrinsecum .

Nunc videndum est , an relatio terminetur ad absolutum , an potius ad relativum ; utrum similitudo , v. gr. que est in aliquo homine , terminetur ad alterius hominis similitudinem , an potius ad figuram , que est illius similitudinis fundamentum ; utrum pater terminetur ad filium formaliter , quatenus est filius ; an ratione fundamenti , quia genus fuit à Patre . His intellectis , sit

Secunda Conclusio.

Relatio terminatur ad aliquid absolutum potius quam ad relativum .

Probatur conclusio. Terminos relationis est quid prius ipsa relatione : cum sit conditio ad relationem requisita , qua posita relatio ipsa statim emergit : sed relatio opposita , v. gr. filiatio non est aliquid prius paternitate ; ac neutra proprie penderet ab altera : cum sint simul natura : ergo terminus relationis non est alia relatio , sed fundamentum potius oppositæ relationis .

Confirm. Si relatio penderet ab opposita relatione , tanquam à termino opposito , à se ipsa penderet relatio : nam si paternitas à filiatione , ut vicissim filiatio à paternitate penderet , sequitur paternitatem à se ipsa pendere . Absurdum vero est rem aliquam à se ipsa dependere : esset enim se ipsa prior & posterior : ergo absurdum quoque videtur relationem ab opposita pendere relatione , nisi forte , ut diximus , dependentiam connexionis intelligamus , cum una sine altera esse non possit .

Probatur 2^o Relatio definitur per suum terminum : sed definiti non potest

per aliam relationem formaliter sumptam : cum ea non sit quid prius , aut notius relatione ipsa , quæ est definienda : omnis autem accurata definitio fieri debet per aliquid quod prius sit & notius re definita : ergo terminus formalis non est relatio opposita.

Confirm. Terminus una cum fundamento est causa relationis. At si quis roget, ex. gr. Cur Philippus sit Alexandri pater , inepta erit responsio , quod Alexander sit filius Philippi. Sed ratio ipsa ex parte termini est afferenda , nempe quod Alexander genitus fuerit à Philippo : ergo palam est terminum non esse relativum formaliter , sed fundamentum oppositæ relationis.

Solvuntur objectiones.

Multa solent opponere , quæ facilius dissolves , si adverteris relata quidem simul esse natura , & simul cognitione ; unum alteri opponi ; imo relatum terminari ad oppositum , ut pater terminatur ad filium. Ista enim vera sunt , quatenus unum sine altero non cognoscitur , atque inter relata est necessaria connexio. Cum igitur

Opponunt primo , Relatum terminatur ad oppositum , aut definitur per oppositum , seu correlatum : Ergo terminus est quid relativum.

Reff. Relationem terminari quidem ad id quod oppositum est , & relativum , sed non præcise quatenus oppositum est , aut relativum : vel quod eodem recedit , *dif. antec.* relatio terminatur ac definitur per suum correlatum , *fundamentaliter* , *C. formaliter* , *N.* Terminus enim est fundamentum oppositæ relationis , atque id per quod relatio definitur ; quod eam terminat & sibi sit : nec terminus est ad ipsum , quod ad aliud refertur : tum enim subjectum esset relationis , non terminus. Quare paternitas terminatur ad substantiam genitam , quæ est fundamentum filiationis : nam , ut dictum est , si quis roget , quare Philippus est Pater Alexandri , nemo responderit , quia Alexander est filius Philippi : sed quia procreatus fuit à Philippo.

Contra , *inquit* , oppositio est quædam terminatio ; sed paternitas formaliter opponitur relationi : ergo ad eam quoque terminatur.

Reff. Dif. minor. Paternitas opponitur filiationi , ut correlato , *C.* ut termino , *N.*

Instant , Relatio pendet à suo correlato : nam sine eo intelligi non posset : sed ab eo pendet ut à termino : ergo terminus est formaliter quid relativum.

Reff. Neg. min. pendet enim relatum à suo correlato , quod inter utrumque sit necessaria connexio , tanquam inter duo extrema , aut duo relationis subjecta.

Sed , *inquit* , relatio pendet duntaxat à fundamento & termino : atqui correlatum non est fundamentum : ergo restat ut sit terminus.

Reff. Dif. maj. relatio pendet solum à fundamento & termino . ut à causis , quæ illi speciem & naturam tribuunt , *C.* ut ab extremis quæ sunt correlata , *N.* nam præter fundamentum & terminum sunt eti in extrema relationis quæ sunt reciproca , & simul natura : ut pater & filius , in quibus tanquam in subjectis insunt oppositæ relations.

Opp. 2º. Unum relatum cognoscitur per alind : sunt enim simul cognitione ; sed relatio definitur per terminum : ergo terminus est relativus .

Resp. *Neg. maj.* dicuntur autem relata simul cognitione, quia unum non cognoscitur ante aliud, non quod una relatio, ut paternitas formaliter cognoscatur per filiationem. Quare qui cognoscit unum relatum, simul aliud cognoscit, materialiter, ut ait, sumptum. Qui cognoscit patrem, simul & novit filium, quatenus est homo genitus.

Opp. 3^o In divinis paternitas terminatur ad filiationem, non ad aliquid absolumentum: ergo idem quoque in rebus creatis est judicandum.

Resp. 1^o Non satis aptam esse ex divinis relationibus ad creaturas consecutionem: cum illae sint substantia; haec vero accidentia tantum metaphysica. Deinde paternitas divina non potest terminari nisi ad aliquod distinctum: sed nihil in divinis est distinctum praeter relationes; unde relatio aliam relationem terminat. Hinc sola filatio producitur a patre, non natura divina. In rebus creatis res aliter se habet; est enim aliquid distinctum & productum praeter relationem.

Resp. 2^o Relationem divinam, ut filiationem, licet eadem sit & simplex, duo tamen habere munera: nam & personam filii constituit, atque ea ratione est terminus paternitatis. Deinde juxta nostrum intelligendi modum personam filii jam constitutam ad patrem referit: tunc rationem non habet termini, sed correlati. Quare paternitas divina terminatur ad filiationem divinam sub ratione absoluta: quatenus Verbum constituit, non praeceps quatenus est relatione. Verum ista & alia hujus generis viderint Theologi.

Nihil etiam causae est cur anxie loca quedam ex Aristotele decerpta explicemus: ut cum docet in hoc capite, aliam non esse avis, sed alati alam: unde colligunt relationem non ad ablolatum referri: sed perperam: non enim aliud Aristoteli est propositum, quam ut terminum adaequatum, qui ex omni parte respondeat relationi, afferat. Cum autem multa quae alis praedita sunt, ut muscae, non sunt aves, recte judicat pennatum potius, quam avem esse adaequatum aliae terminum. Simili ratione cum docet detrahit omnibus a Domino & servo, praeter esse Domini & servi, semper Dominum esse servi Dominum: id utique verum est: nam sublatis omnibus quae extranea sunt, ut albedine, figura & aliis hujus generis, dummodo in servo obediendi necessitas, in Dominous imperandi remaneat, que sunt fundamentum & terminus, semper Dominus erit servi Dominus, ac vicissim.

ARTICULUS V.

De Relationis divisione.

Explicatis iis omnibus quae ad existentiam & naturam relationis, nec non quae ad subiectum illius, fundamentum & terminum pertinere visa sunt, multo facilior erit relationis divisio: que licet magna ex parte in primo articulo fuerit explicata; nunc tamen paulo accuratius est retexenda: simul unde illius differentiae genericae, specificae & numericae sint repetende, diligentius intuendum.

Ac primo quidem relationem in realem, & rationis dividit jam initio monimus. Infinita sunt hujus generis relationes, quas mens facit, non inveni: Ac Logica pene tota in iis explicandis versatur. Hinc praedicabilia Logica nihil

sunt præter hujus generis relationes : cum mens quæ sunt unum & idem se parat , & confert inter se . Sic in propositione subiectum cum attributo ; in syllogismo & propositiones & termini variis inter se modis comparantur . Recte autem admonet S. Thomas i. p. q. 28. quod solum in his quæ sunt ad aliquid , inveniuntur aliqua quæ sunt secundum rationem tantum . Nam relatio rationis est vere & proprie dicta relatio ; ac mens nostra unum ad aliud refert , aut ordinat : unde relationis ratio specifica , quam vocat *eſe ad* , huic æque convenit , ac reali relationi : quod de aliis prædicamentis dici non potest : non enim chimæra habet rationem subjæcti .

2º Relatio realis vel est increate , vel creata ; illa est quadruplex . Est enim in Deo una essentia vel natura ; sunt duæ processiones , generatio & spiratio ; tres personæ , quatuor relationes quæ in duplice processione fundantur . Paternitas nimirum , quæ est relatio principii generantis ad suum terminum ; filiatio , quæ est termini geniti ad suum principium ; spiratio activa quæ est principii spirantis , Patris videlicet & Filii ad Spiritum-sanctum ; & spiratio passiva Spiritus sancti , qui à Patre & Filio , ut ab uno principio procedit . Sed hæc ad Theologos : nos relationes tantum creatas inquitimus .

Relatio in rebus creatis duplex , secundum dici , & secundum eſe , seu categorica ; illa non habet purum terminum , seu qui alio non fungatur munere , quāni terminandi : ut actio & passio . Nam actio est actus agentis , neque id respicit ut purum terminum , sed ut principium ; eaque relatio , ut diximus , est duplex , essentialis nimirum , quæ est transcendentialis , altera accidentalis .

Relatio categorica penes fundamentum , aut proximum , aut remotum dividitur : atque illius tot sunt fere genera , quot prædicamenta . Nam vel fundatur in substantia , seu essentia , eaque est identitas aut diversitas ; vel in quantitate : quæ æqualitas dicitur , aut inæqualitas ; vel in qualitate , estque similitudo & dissimilitudo ; vel in potentia activa & passiva , quæ est causa ad effectum , & vicissim . Sic in ubi fundantur relationes vicinæ & distantie ; in quando prius & posterius .

Non dissimili ratione relationis fundamentum proximum unitas est , vel numerus ; actio vel passio : cum enim unum eorum , inter quæ est relatio , non est alterius causa : vel ea inter se convenient , tunc unitas fundamentum est relationis proximum ; sive convenient in essentia , quæ unitas identitatem efficit , sive in quantitate , quæ æqualitatem ; sive in qualitate , quæ similitudinem parit .

Cum res inter se discrepant , tum numerus dicitur illius relationis fundamentum . Sive in essentia dissideant , quæ relatio vocatur diversitas ; sive in quantitate , cuius generis sunt pene infinite proportiones quas Geometria & Arithmetica persequuntur ; sive in qualitate , unde oritur dissimilitudo . Et quidem cum duæ qualitates inter se conferuntur : ut duæ albedines , aut albedo & nigredo , tum est identitas , vel diversitas ; sed ubi duo alba , seu qualitates in concreto comparantur , tum similitudo emergit , aut dissimilitudo . Ac nullum est prædicamentum quod relationis fundamentum esse non possit , idque , ut diximus , in unitate , seu convenientia , aut in numero , seu in diversitate quædam positum erit .

Cum autem unum ex iis quæ inter se conferuntur , est alterius causa , tum illius

relationis fundamentum est actio , ubi causa refertur ad effectum, vel passio; quando effectus cum causa comparatur.

Plerique tertium addunt relationis genus , cuius fundamentum est mensura, aut res mensurabilis. Sic scientia ad suum objectum, ut sensus ad sensibile refertur. Verum hujus generis relationes non sunt categoricae , & secundum esse , sed tantum secundum dici . Non enim purum habent terminum ; neque necesse est ut terminus illius relationis , quae secundum dici vocatur, oin nino existat.

Ex iis sequitur non satis apte relationem in mutuam & non mutuam secati: cum omnis relatio categorica sit mutua & reciproca. Nam subinde ostendimus mutuam esse relationem inter creatorem & creaturem : quod facile impetrabimus ab iis qui relationem à fundamento non distinguunt. Sic enim nihil novi Deo supervenit , cum ad creaturem refertur creatoris nomine.

Melius itaque , licet barbare , relationem dividunt in relationem *equiparantia* & *disquiparantia* ; illa dici potest æqualis comparationis , & ejusdem nominis : ut simile simili , frater fratri ; altera inæqualis comparationis : cum scilicet utrique extremo diversa imponuntur nomina , ut Dominus & servus pater & filius. Ac de genericâ relationis divisione satis fuse : nunc unde distinctione illius specifica deflumatur , intuendum. Cum autem in relatione tria sint potissimum , subjectum , fundamentum & terminus : palam est ex subjecto relationis speciem non deponi : quandoquidem in eodem subjecto infinitæ proprie relationes specie diversæ concipi possunt. Sit itaque

Prima conclusio.

Non aliunde relationis specifica distinctione oritur , quam à fundamento simul & termino , formaliter sumptis , hoc est , quatenus fundamentum & terminus sibi coaptantur , & certa ratione commensurantur.

Probatur Conclusio. Omnes similitudines sunt ejusdem speciei , licet sint qualitates dispares : ut idem est numerus ternarius , sive sit hominum , sive lapidum. Nam ut materia numerorum diversa non mutat speciem numeri , sic diversa fundamenta materialiter sumpta , species relationis distinctas non efficiunt. Atque eadem est specie relatio inter duos homines doctos , & inter duas statas ejusdem figuræ : ergo fundamentum & terminus sumpta , ut aiunt , formaliter , relationi speciem largiuntur.

Confirm. Variato fundamento , aut termino diversa est specie relatio. Nam homo per eandem nigredinem , v. gr. est Æthiopi similis & Gallo dissimilis ; Cygnus in eadem albedine cum nive convenit , & à corvo discrepat : ergo non à solo fundimento , sed etiam à termino , aut potius ab utriusque coaptatione , tanquam ab eodem principio relatio speciem suam deponit.

Confirm. iterum Res queque inde suam specificam unitatem repetit , unde habet esse : cum ens & unum convertantur. Sed relatio habet esse à fundamento , ut à sua causa , & à termino , quem connotat , & ad quem essentia liter ordinatur : Ergo ab utroque & unitatem suam , & distinctionem specificam mutuatur.

Opp. Una & eadem specie relatio potest habere duos terminos specie diversos : ut eadem est proles ad patrem & matrem relatio : ergo haec speciem non habet à terminis .

DE PRÆDICAMENTIS.

157

Repf. Dist. ant. Eadem relatio duos habere potest terminos inadæquatos & partiales, C. adæquatos & totales, N. Itaque unus est adæquatus relationis, quæ est in filio, terminus, pater nimirum & mater.

Inst. Res speciem non habet à re opposita: Sed terminus opponitur relationi. Ergo, &c.

Repf. Dist. maj. In absolutis, C. in relativis, N. Horum enim natura in eo posita est, ut ordinentur ad alia. Huc adde, quod opposita relativa non se destruant, sed potius astriuant.

Circa distinctionem numericam quæri solet, an relatio in eodem subiecto sit multiplex juxta terminatum multitudinem; utrum in eodem homine tot sint paternitates, quot habet filios. Sit igitur.

Secunda Conclusio.

Multiplicantur relationes juxta numerum terminorum.

Prob. 1º Relatio specie est multiplex juxta terminorum specificam distinctionem: ergo & numero quoque erunt distinctæ relationes, cum distincti erunt termini.

Prob. 2º Si eadem esset paternitas quæ ad plures filios extenditur, hæc prior esset natura & cognitione, quæ singulæ & oppositæ relationes: quod est contra naturam relatorum, quæ sunt simul natura & cognitione.

Opp. 1º Una est relatio in filio, qua refertur ad patrem & avum: ergo eadem quoque relatione pater ad multos filios referri potest.

Repf. Quidquid sit de antecedente, nego consequentiam. Nam pater & mater sunt unus terminus adæquatus & totalis respectu filiationis, quæ potest etiam habere multos terminos sibi subordinatos, cuiusmodi sunt pater & avus.

Opp. 2º Non possunt esse in eodem subiecto plura accidentia numero distincta. Ergo, &c.

Repf. Dist. antec. Plura accidentia physica, Transeat: nam in eodem oculo, in eodem etiam intellectu sunt imagines multorum hominum, que imagines aut species solo numero differunt. Sed utsunque ea res sit, eam questionem quæ longius nos abduceret, non ingredimur. Plura accidentia metaphysica quæ distincta exercent munera, non possunt esse in eodem subiecto, ut diversæ relationes numero diverse, N. Cum enim relatio ordinetur ad terminum, multiplicari non possunt termini, quin multiplicetur relatio.

ARTICULUS VI.

Proprietates Relationis explicantur.

Varias relationis proprietates afferit Philosophus, quarum nonnullæ nec omni, nec soli convenienter relationi: cujus generis sunt

Prima & secunda proprietas, quod interdum relatio habeat contrarium: ut similitudo est contraria dissimilitudini; quodque suscipiat magis & minus: nam res est aut magis, aut minus alteri similis. Verum hæ duntaxat relationes sunt sibi contrarie, aut suscipiunt magis & minus, quarum fundamenta & termini contrarietatem inter se exercent, aut intendi possunt vel remitti: ut quæ inter qualitates intercedunt relationes.

T R A C T A T U S

Tertia relationum proprietas hæc est , quod sunt reciprocae , non in recto , sed in obliquo casu ; ut pater est filii pater , ac vicissim . Quo autem illa recte fiat reciprocatio , unumquodque ad proprium correlatum est referendum ; ac si desint nomina , ex Aristotele singi debent . Sic alia non est reciproca cum ave , sed cum alato . Et quidem pater male reciprocatur cum filio ; sed cum prole , cuiuscunque sit sexus .

Quarta relationis categoricæ proprietas in eo posita est , ut relata sint simul natura .

Quinta , ut simul sint cognitione & definitio ne . Unde uno posito aut sublato , alterum quoque ponitur , aut tollitur ; unum etiam per alterum cognoscitur & definitur ; ut genus per speciem , & species per genus , ut supra diximus . Ac de relatione satis multa .

Q U Ä S T I O V.

De sex ultimis prædicamentis.

SEx ultima prædicamenta summatim decurremus , quod non magnæ sint utilitatis , & si quid habent questionis , ad Physicam & Metaphysicam pertinet : non enim hoc loco possumus accurate expendere quæ circa actionem & passionem , tempus & locum moveri solent questiones . Id unum in universum monuisse fatus fuerit , hæc prædicamenta non esse accidentia physica , aut novas entitates à rebus ipsis distinguebantur , quas modos appellant ; cum ille entitates videantur prolsus inutiles , atque , ut diximus de relatione , nulla mentis agitatione comprehendi possint . Itaque facile assentiemur Divo Thomæ , qui opusc . 48 . cap . 3 . docet divisionem entis in decem prædicamenta esse vel divisionem in res diversas intrinsecæ & realiter : cuiusmodi sunt substantia , quantitas & qualitas ; vel in diversas res extrinsecæ , quatenus unum connotat rem diversam ab ea , quam aliud prædicamentum connotat .

Sic actio est agens , quatenus connotat effectum . *Vbi* est res quæ locum connotat , & ita de reliquis : adeo ut nihil opus sit hac de re circa singula prædicamenta movere controversiam : cum ea quæ de relatione dicta sunt , multo potiore jure his prædicamentis applicari possint : nihil enim aliud videntur esse quam relata secundum dici . Hinc S. Thomas quest . de Potentia , diserte tradit hominem denominari ab actione & indumento , & aliis hujusmodi , quam revera non sunt formæ .

Quod autem opponunt hæc prædicamenta esse entia realia , inter se distincta & per se : atque adeo non esse denominationes tantum , aut ad summum relationes secundum dici , sed formas reales subjecto inherentes .

His & aliis Jim responsum est , cum de relatione ageremus . Nam ut paternitas non aliud est intrinsecæ quam homo generans , quatenus connotat rem genitam , non forma quedam vel entitas ab eo distincta ; sic ubi v. g. nihil est nisi corpus in loco positum , quatenus eum locum connotat ; nec necesse est formam aliquam physicam , quæ ubicatio dicatur , comminisci .

De actione & passione.

Actione concipitur ut forma , quæ agens denominat ; ut illuminans denominatur .

gatur ab illuminatione, creator à creatione : quanquam creatio ipsa non est forma, vel entitas, quæ Deo superveniat. Neque ea in creatura excipitur : cum prior natura sit quam res creata : adeo ut hinc liquere possit actionem non esse quid ab agente distinctum. Sed de his alio loco.

Definiri solet actio, actus agentis, ut agens est : ut passio est actus patientis, ut patiens est. Aristoteles actionem definit *actum hujus in hoc*, ut illuminatio activa est actus solis in aërem. Passio ab eodem definitur *actus hujus ab hoc*, ut illuminatio passiva est actus aëris à sole. Uno verbo, ut res denominatur lucida à luce, seu à qualitate, sic denominatur agens ab actione : illuminans v. g. dicitur ab illuminatione : ut lux à sole egreditur, actio dicitur ; ut recipitur in aëre, est passio, quæ nihil est nisi receptio formæ productæ in subiecto.

Actio & passio ex Aristotele non magis inter se differunt, quam acclive & declive ; aut via quæ dicit Athenis Thebas, ab ea quæ dicit Thebis Athenas: scilicet juxta diversos respectus intet se differunt. Actio enim nihil est nisi agens ut influit in terminum, vel effectum; aut terminus ipse, ut pendet ab agente. Actio priori modo sumpta, nempe pro agente, quatenus est agens, ab eo non distinguitur, uti jam intuitimus. Cum autem sumitur pro termino, quatenus pendet ab agente, tum sèpè ab eo distinguitur, ut effectus à causa, tumque non in agente, sed in paciente recipitur. Verum ista uberior erunt excutienda, cum de causa efficiente agemus.

Actionis variae sunt divisiones. Præcipua est in actionem immanentem, & transuentem : illa nihil extra agens procreat, ut visio, cognitionis, amor, quæ sunt in vidente, cognoscente, vel amante; hæc vero extra agens aliquid efficit, ut calefactio, vel illuminatio; illa intinsecam, hæc vero extrinsecam rei affect mutationem.

Vbi & quando..

Vbi est id quo res formaliter in loco esse concipitur : ut *quando*, id quo est in aliqua temporis differentia. *Vbi* est præsentia rei in loco : *quando* est rei duratio, seu existendi perseverantia. Utrumque nihil est nisi res ipsa, quatenus locum aut tempus connotat. Neque hi sunt modi, vel entitates quæ à re ipsa distinguantur. Nam detracta illa entitate, quæ modus rei succrescens finitur, corpus erit alicubi, & in aliquo tempore; adeo ut modus ille additus corpori, quem *ubicationem* vocant, sit penitus inutilis ; cum impossibile sit rem esse, & nullibi existere. Cumque ubi res aliqua sit, querimus ; non autem quām in quo sit loco, inquirimus : adeo ut *ubi* nihil aliud sit quām res ipsa, ut locum connotat : nec quicquam absolutum addit corpori, sed relationem duntaxat, aut connotationem loci.

Eadem est ratio prædicamenti, *quando* : nam ut rei conservatio nihil est nisi ejus continuata productio ; sic ejus duratio, per quam responderetur ad questio-nem, *quando*, non aliud quidam est quam continuata illius existentia : quæ licet sit tota simul & quid permanens, tamen variis temporis partibus respon-det, & est quid successivum, non in re ipsa, sed connotative, ut aiunt, aut virtualliter. Res vero quandiu à Deo conservatur, tandiu durat circa ullum modum superadditum.

Triplex est dutatio ; aeternitas , que principio & fine caret , ac Dei unius est attributum ; ævum , quod principium habet , sed non finem ; & tempus , quod principium habet & finem .

Simili ratione duplex *Vbi* vulgo distinguitur ; unum rei incorporeæ convenit , alterum est rei corporeæ : illud definitivum vocant , quo res ita est in loco , ut tota sit in qualibet loci parte : quo quidem modo anima est in humano corpore . Hoc vero circumscriptivum appellant , quo quidem corpus sic est in loco , ut ei commensuretur , & pars illius corporis parti itidem loci respondeat .

De situ , & habitu .

Situs est dispositio partium corporis in ordine ad locum : ut sedere , stare , jacere . Habitus propriæ est corporis , quatenus id connotat rem artificialem sibi adjectam : cuiusmodi est vestis , & id omne quod humanum corpus vestitum aut ornatum denominat . Unde solent has conditiones adhibere : ut corpus illud adjacens sit utile , ab animali ipso circumferatur , nec sit ei intime conjunctum . Hinc compedes , defectu prime conditionis ; lectus , aut stragula , secunda deficiente ; pili & plumæ , quibus tertia deest conditio , à prædicamento habitus excluduntur . Quod forte non magni est usus ad distinctum retum cognitionem habendam . Situs aut corporis inter alia positio plus habet utilitatis , quemadmodum de figura diximus . Unde in machinis magnum est in situ ipso momentum , ut suo loco dicturi sumus .

DISPUTATIO III.

De Postprædicamentis .

POstprædicamenta dicuntur communes quædam affectiones , aut modi quæ prædicamenta consequuntur , & ad multa sæpe pertinent . Sex ab Aristotele numerantur , nempe oppositio , modi prioris & posterioris ; modi simul , motus , & modi habendi : que omnia cum in compendio sint explicata ; per pauca duntaxat de oppositis , quorum usus est frequentior , adjicienda hoc loco arbitramur : ac primum de iis universim , tum scotsum agemus .

QUÆSTIO PRIOR.

De oppositis in universum .

Oppositionem aliam esse simplicem , aut incomplexam , aliam complexam , jam identidem monuimus ; de illa nunc agimus . Nam complexa inter propositiones , incomplexa inter res ipsas quæ termini incomplexis exprimuntur , intercedit . Oppositio igitur est inter duo aliqua quæ ita inter se pugnant , ut neutrum simili modo pugnet cum alio diversæ speciei . Sic calor ita frigori repugnat , ut cum alio quovis similem non habeat repugnantiam . In quo quidem termini oppositi à disparatis distinguuntur , qui sibi ita sunt oppositi , ut consimilem habeant cum aliis repugnantiam : ut homo , equus & leo sunt termini , ut loquuntur , disparati .

Uni quidem virtuti duo vitia sunt plerumque opposita , sed non ex æquo ,

Nec simili prorsus ratione: non enim eodem modo liberalitas 'prodigalitati, atque avaritiae repugnat.

Opposito vero est quadruplex, relativa, contraria, privativa, & contradicitoria: cuius divisionis ea affertur ratio. Opposito omnis est inter duos terminos, qui vel sunt positivi, vel alter eorum est negativus: nam inter duas negationes nulla est vera oppositio. Cum ambo termini sunt positivi; vel ii sunt relativi, ut pater & filius, atque inter eos est relativa oppositio: vel termini sunt absoluti, ut inter calorem & frigus; eaque est oppositio contraria: cum terminorum alter non-entis habet rationem, vel negat formam in subjecto aliquo, adeo ut sit non ens secundum quid; tumque est oppositio privativa, ut inter visum & cæcitatem, lucem & tenebras: vel est mera negatio, & non ens simpliciter, ut homo & non homo; quæ est oppositio contradictoria.

Opposito omnium minima est relativa, eaque magis videtur distinctio, quam oppositio: non enim unum oppositorum destruit alterum, sed magis id exigit. Quocirca vel in Deo ipso locum obtinet: nullam enim secum afferit entis privationem, sed distinctionem duntaxat inducit. Est autem relativa oppositio, repugnantia inter duo, quorum unum respicit alterum.

Sed, inquires, omnis oppositio est relativa: ergo non est species quædam oppositionis ab aliis distincta.

Resp. Oppositionem omnem formaliter sumptam esse relationem quandam: sed res quæ sibi opponuntur, ut calor & frigus, non sunt relativæ; neque etiam oppositio contraria, ut contraria, est relativa: nec denum id absurdum videtur ut res eadem secundum diversas rationes aut respectus ad diversas species pertineat.

Contrarietas minor est privativâ & contradictoriâ oppositione: cum illa sit inter duas res positivas & ejusdem generis: privativa autem inter ens & non ens secundum quid; contradictoria inter ens & non ens simpliciter: unde & omnium est maxima. Nam privative opposita in essentia non convenientur sed idem habent subjectum; contradictoria in nullo convenientur, neque in essentia, neque in subjecto, sed omnino sese perimunt.

Hoc loco quæstionem satis inutilem movent, utrum non ens, sive sit privatio, ut cæcitas, sive mera negatio, ut non videns, realiter enti opponatur; & an privatio dici possit realis. Multi acerrime negant privationes dici posse reales, assunt alii. Atque omnis controversia ex unius vocis ambiguitate oritur: nam si id reale intelligimus, quod non est à ratione factum, aut objective tantum in mente, quodque est nemine cogitante, nulli dubium esse potest quin privatio sit realis; quin revera homo sit cæcus. Quare hæc propositio est vera, Homo realiter est cæcus. At si id reale dicimus, quod positive existit, non minus perspicuum est, privationem hoc sensu acceptam non esse quid reale. Itaque id minime concedimus, negationem omnem esse opus intellectus, nisi forte negationis nomine intelligamus actum mentis, qui opponitur affirmationi: sed negatio entis non pendet ab intellectu. Verum id saepe usu venit, ut verbi controversia torqueat homines contentionis amantes. .

QUÆSTIO POSTERIOR.

De oppositis sigillatim.

Cum de relativa oppositione superius sit disputatum, non est cur ea quæ fuisse ibi sunt explicata, hoc loco regeram. De reliquis igitur oppositis, ac primum de contrariis agendum.

Opposito contraria est inter duo extrema positiva, quæ sub eodem genere posita maxime distant, & ab eodem subiecto se expellunt. Quæ definitio ex iis quæ diximus, satis intelligitur. Id unum advertendum, quædam contraria eodem genere proximo contineri: ut calor & frigus ad genus qualitatis tactilis reseruntur. Alia eidem generi, sed remoto subjacent, ut virtus & vitium, quæ in genere morum maxime inter se distant: quanquam duo virtus sibi opposita in genere entis magis inter se dissident: nam prodigalitas videtur liberalitati vicinior quam avaritia. Contraria vero ab eodem se expellunt subiecto, non active, sed formaliter, quia simul esse non possunt, nisi forte temperata: ut calor & frigus; & quantum unum ex iis intenditur, tantum alterum remittitur.

Plures afferrunt contrariorum affectiones, quæ sunt quædam velut axiomata vulgo recepta. 1º. Cum existit contrarium, alterum quoque potest existere: secus enim nulla erit contrarietas: sed tamen illud existere non necesse est; id enim relativis est proprium. 2º. Contraria juxta se posita magis elucescunt: quod vel ipsis Pictores norunt, & in umbris ac coloribus diligenter observant. 3º. Contraria ad eandem facultatem, vel scientiam pertinent. 4º. In eodem subiecto recipi possunt, sed vicissim: cum ab eodem subiecto se mutuo extrudant. 5º. Contrariorum contrariæ sunt consecutiones: ut si calor rarefacit, frigus cogit & condensat: quod tamen sic intelligendum est, dum alia causa non obsteret: nam uti suo loco ostendemus, ut calore, sic frigore aqua dilatatur.

Sunt quædam contraria, inter quæ nullum est medium interjectum, ut virtus & vitium, calor & frigus; alia quæ interjecto medio dirimuntur, ut albedo & nigredo. Alia quoque sunt ita sibi infensa, ut ne in gradu quidem remisso simul esse possint, & contraria dicuntur secundum essentiam, ut amor & odium: alia secundum intensionem duntaxat sibi sunt infesta, ut calor & frigus.

Utrum vero intensus frigus cum intenso calore per absolutam Dei potentiam esse possit, quidam otiose querunt: nos vero quid Deus possit efficere, si ultra inquiri arbitramur: ac bene nobiscum actum putamus, si res ipsas, ut revera sunt, cognoscamus: quod tamen non apertam involvit contradictionem, id fieri posse à Deo fatendum est. Nec video cur summus calor cum intenso frigore esse nequeat, cum Deus impedire possit quin calor frigus expellat: et enim illa expulsio effectus quidem formalis, sed tantum secundarius, quem Deus cohibere potest. Sic locus jam plenus corpore potest aliud, Deo ita volente, corpus excipere.

De oppositione privativa.

Opposito privativa est repugnantia inter formam & ejus privationem. Privatio hoc loco nihil est preter absentiam formæ in subiecto apto. Addunt qudam, secundum speciem & tempus; ut talpa, inquiunt, non privatur visu, quamvis non videat. Quod utrum sit verum, multum ambigo, cum oculos habeat, sed valde exiles.

Circa oppositionem privativam hanc Aristoteles afferit regulam, à privatione ad habitum non dari regressum. Sed tot adhibent exceptions, ut regulam ipsam tutius esset non admittere: primum enim id intelligi debet juxta consuetum naturæ ordinem. 2º Post multas mutations eadem materia potest v. g. ab anima rationali informari: adeo ut regressus ille non sit immediatus, nisi forte in iis quibus pars abscissa, ut digitus, statim restituitur.

De oppositione contradictoria.

Restat oppositio contradictoria, quæ omnium est maxima: nam illius extrema neque in subiecto, ut forma & privatio; neque in essentia, aut genere convenientiunt, ut contraria. Quare ex contradictoriis unum verum esse, alterum falsum, necesse est: adeo ut inter ea nullum sit medium: quodlibet enim est, vel non est; ac medium omne cum sit vel utriusque extremi participatione, vel utriusque exclusione; neutrum inter ens & non ens simpliciter medium fingi potest, quod vel ex utroque sit compositum, vel utrumque excludat.

Medium enim, ut mox diximus, duplex est: unum per participationem extremonum; ut tepor medius est inter calorem & frigus; viridis color inter flavum & cœruleum: alterum est per exclusionem extremonum; ut corpus perspicuum nec flavum est, nec cœruleum. Neutro modo inter contradictoria medium invenitur, nec participatione extremonum, cum nihil fingi possit quod partim sit ens, partim non ens; neque extremonum negatione: sic enim neque esset ens, neque non ens; nec fieri potest ut aliquid neque sit homo, neque non homo.

Quod nonnulli opponunt, cœcum esse quid medium inter videns & non videns; *Reff.* cœcum esse non videns actu, & videns potentiam.

Ex quibus efficitur propositiones contradictorias nec simul veras, nec simul falsas esse posse.

Opposito autem contradictoria vel est explicita, hoc est claris & distinctis verbis expressa: ut Petrus sedet, Petrus non sedet; vel est implicita, seu magis involuta: sic tamen ut contradic̄tio latens facile evolvi possit, qualis est inter hominem & lapidem. Nam lapis negationem hominis involvit, cum sit sensus & rationis expers. Nec tamen contradictorie opponuntur homo & lapis: neque enim lapis est negatio hominis, quamvis eam includat in obliquo, ut aiunt, non in recto: est enim hujus negationis subiectum. Quare ut ens & non ens opponantur contradictorie, exprimi debent in recto, ut homo, & non homo.

Atque illud diligenter est observandum, in vera contradictione rem ipsam secundum candem rationem, aut respectum accipi oportere. Hinc multæ pro-

positiones videntur contradictoriz, nec sunt tamen. Hinc illæ propositiones non sibi contradicunt, Homo exercet functiones rationales, Homo non exercet functiones rationales. Nam ut rationalis eas exercet functiones; ut animal non exercet. Ac distinctio virtualis sufficit, ut diversi sint respectus, & contradictoria attributa de re affirmentur. Sive attributa illa sint extrinseca: sic eadem hominis entitas cognoscitur, quatenus est animal; non cognoscitur, quatenus est rationalis: sic eadem Verbi divini entitas cognosci potest ratione divinitatis, & non cognosci ratione filiationis, seu ut est persona divina. Sive attributa intrinseca & contradictoria de eadem re affirmentur. Sic natura divina & filatio est una & eadem entitas: & tamen filatio divina producitur, non item natura divina, quæ communicatur quidem, non producitur. Simili ratione nisi propositiones sumantur secundum eadem omnia, non pugnant inter se. Hinc illæ propositiones: on sunt contradictoriae, Intelleximus certus est: de existentia Dei, non est certus de existentia Dei: potest enim certus esse per actum scientiæ, & non esse certus per actum opinionis..



COMMENTARII IN LIBRUM ARISTOTELIS,

De Interpretatione.

SEU

LOGICÆ PARS SECUNDA.

PRÆFATIO..

AC primam quidem Logicæ partem, quæ circa simplicem mentis perceptionem, vel, ut loquuntur, circa nudam rerum apprehensionem, occupatur, sic videmur pertractasse, ut nihil fere eorum quæ in scholis tradi solent, prætermissum à nobis fuerit. Quanquam illud merito quis nobiscum expostulare potest, quod parum aut nihil de prima mentis operatione perficienda tradiderimus, ac diutius fortè quam necesse erat circa questiones Metaphysicas simus immorati. Verum huic muneri jam à nobis in compendio magna ex parte est satisfactum, quæque desiderari possent, in hunc locum rejecimus. Cum enim Aristoteles hoc in libro de propositione, seu de enuntiatione tractandum suscepit, unde & eum librum de interpretatione inscripsit, quod enuntiatio sit judicij nostri interpres; cumque propositione ex terminis, tanquam ex materia constet: primum de terminis, nempe de nomine & verbo, tum de oratione, tandem de enuntiatione differit. Nos ab eo quem nobis præmonstra sit ordine non recedemus, si terminorum vim & significationem primo loco exponamus, tum ad propositionem ipsam & illius affectiones descendamus. Duas itaque disputationes instituemus: prior erit de materia propositionis,

seu de terminis ; posterior de propositione. Cumque ut terminus , sic propo-
sitio duplex sit, interior & exterior , seu voce , seu scripto exprimatur ; de
utraque sic agemus , ut interioris potissimum , aut perceptionis , aut judicii
rationem habeamus.

DISPUTATIO PRIOR.

De terminis.

QUÆ in compendio fuse & satis dilucide sunt explicata de terminorum distinctione & natura , non attingam : id unum duntaxat hoc loco est exponendum , unde oriatur vis illa significandi , que in terminis potissimum elucet. Id enim , si quid aliud , est i speculazione dignum , ut idearum quas mente concipimus , cum terminis , seu vocibus nexus & societatem contem-
pletur.

Cum itaque termini sint voces quædam , vox autem sit signum ideae , aut perceptionis quam mens format ; ut certo ordine procedat disputatio ; pri-
mum de signo , tum de voce breviter , aperteque dicemus ; que ad ideas no-
stras , vel conceptus pertinent , commodius in Metaphysica tractaturi.

QUÆSTIO PRIMA.

De Signo.

Signum definiri solet , *id quod facultati cognoscenti aliud à se representat*. Ex qua definitione liquet signum ad duo referri , nempe ad facultatem que cognoscit , & ad rem ipsam que per signum representatur : ac cujusque signi natura in duplice illa relatione consistit. Hinc Augustinus signum saltem corporeum defivit , *id quod preter speciem quam sensibus ingerit , aliud quid-
piam facit in mentem venire*: Ex fumo ignem ; ex diluculo ortum solis mox futurum cognoscimus. Itaque signum præter ideam quam sensibus imprimit , in alterius rei cognitionem animum dicit.

Atque hinc fluxit prima signi divisio , in formale & instrumentarium. Illud est formalis rei representatio : ut imago arboris in oculo depicta , ad cerebrum transmissa , & animo impressa signum formale dici solet : quod ut vulgo cre-
ditur , sit impressa rei similitudo ; species , ut loquuntur , intentionalis , que-
que licet incognita , nobis tamen rem exhibit.

Signum autem instrumentarium illud est , quod prius cognitum nos in alterius cognitionem dicit. Vox tum ore prolata , tum scriptio exarata signum est instrumentarium. Atque hoc signi genus Augustinus definitione sua complexus videtur.

Neque hoc loco inquirendum puto an dentur signa quædam formalia , que-
licet penitus incognita , aliæ nobis representent : id enim aliam & magis ex-
quisitam disputationem postulat. Hoc unum interim admonebo , non aliud forte ab objecto in sensuum organa profici sci , quam motionem quandam , aut impressionem , ut suo loco sensus exponetur. Illam impressionem ab oculo , v. g. ad cerebrum usque transmissam animus percipit : que perceptio sensus dicitur. At neque in oculo , neque in cerebro est perfecta rei similitudo : sed af-

fectio tantum , seu vestigium quoddam illius impressionis manet in cerebro , quæ impressio cum animi perceptione conjuncta est . Vestigium illud cerebro impressum , signum formale dici non potest : vix enim tenuem habet cum re ipsa similitudinem : perceptio autem , vel idea quam format animus , est formalis rei similitudo : sed nobis non est penitus incognita . Cum enim aliquid cognosco , aut percipio , mihi evidens est me cognoscere ; & omnis idea , vel perceptio est clara & evidens sui perceptio : adeo ut absurdum videatur ideam alicujus rei ita esse illius signum formale , ut idea ipsa sit nobis penitus incognita : quomodo enim per illam ideam aliquid distincte cognoscam , si idea ipsa mihi est pro�rsum incompta ?

Imo ne ipsa quidem affectio , vel impressio in cerebro facta omnino me fugit : nam clare & evidenter quæ sit illa affectio quam viridis color cerebro imprimit , & sentio , & mente consequor . Eam quippe ut præsentem , non per alienam speciem mens contuetur , atque , ut loquuntur , intuitiva , non abstractiva cognitione , seu per alienam speciem cognoscit . Hinc sensus circa illam affectionem in cerebro factum non fallitur . Omnis quippe error circa objecta versatur : ut cum lupum videre nobis videmur , qui est canis . Sed viridis impressionem sentio , licet eam cæco explicare non possim . Obscuritas adeo omnis objecto inest , non affectioni , vel impressioni quam sentio , quam- que intuitiva & clare cognosco .

Ex quibus colligitur signum omne esse instrumentarium , idque ante percipi , quam in alterius rei cognitionem nos ducat : tametsi forte non ex omni parte cognoscitur .

Signum iterum dividitur in naturale & arbitrarium ; illud ex natura sua aliud indicat , ut fumus ignem ; hoc vero ex humano usu & institutione profluit : ut voces omnes , de quibus postea .

Est itaque connexio quedam necessaria inter signa naturalia , & res ipsas quæ ab iis repræsentantur . Sic impressio illa quam arbor visa cerebro infigit , cum idea arboris est necessario connexa ; non item vox illa , *arbor* , cum idea vel notione arboris est colligata : prior quidem ab authore naturæ ; posterior ab hominum voluntate profecta est . Sic enim Deus animum cum corpore con junxit , ut certos corporis motus , aut certa vestigia cerebri quedam percep tiones , vel ideas consequantur , ac vicissima : ut suo loco fuisus ostendemus .

Naturalis itaque illa connexio potissimum intercedit inter rerum corporearum ideas , & certa cerebro impressa vestigia . Sic viso circulo eadem in omnibus hominibus idea circuli excitatur : res autem materiae expertes , si Deum & mentem nostram exeperis , non ita sunt cum cerebri vestigis à natura colligatae , ut necessaria sit & naturalis inter eas connexio . Hinc abstracta plerumque cognitione , non intuitiva quæ sit per propriam , non alienam speciem cernuntur , nec fere à nobis concipi possunt , nisi per res corporeas explicitentur .

Hinc fit , ut majori facilitate & attentione res corporeas inter se conferamus , & mutuas corporum habitudines , aut relationes animo complectimur , quam abstractis & longe à sensibus remotas , quæque nulla fere habent in cerebro vestigia , nisi que ab hominum voluntate fluxerunt . Unde Geometricas demonstrationes facilius animo complectimur , quam Arithmeticas . Nani figura-

rum demonstrationes attentionem excitant, & mentis obtutum defigunt. Ipsa figuræ delineatio oculis subiecta lèpe animum facilius subit, quam explicatio ipsa: est enim necessaria quædam, & naturalis connexio inter circulum v. gr. & mentis ideam: cum vocum & perceptionum societas ab hominum pendeat arbitrio, neque adeo voces ipsæ tam claras in nobis ideas excitant.

Ratio autem cur ideaæ nostræ certis signis sint à natura illigate, ea videtur, quod multa ad vitæ conservationem sint nobis necessaria, quorum ideas non habemus quidem congenitas: sed ea tamen in cerebro impressiones quasdam, aut vestigia imprimitur, quæ ex Conditoris voluntate certas ideas, aut perceptiones necessario excitant. Sic gemitus doloris, risus lætitiae signum est naturale; affectus pene omnes per signa quædam naturalia in oculis, fronte, vulnus, gestu ipso, incelsu se produnt. Atque ex iis signis quid factò nobis opus sit, statim colligimus; in omnibus easdem propterea ideas procreant; motus etiam consimiles, aut misericordia, aut timoris, indignationis vel audacie in nobis plerumque efficiunt.

Postremo ut alias omittam divisiones, quæ ab instituto nostro sunt alienæ; signum vulgo dividitur in suppositivum, seu personale, & manifestativum. Illud est quod pro re significata sumitur, cui scilicet tribuuntur omnia, quæ rei convenientiunt. Sic legatus Regis personam representant. Sic calculi adhibentur ut nummorum signa. Quod autem reni ipsum manifestat, ut vinum hedera, vox conceptum vel ideam mentis, id signum solet appellari manifestativum. Quanquam idem signum utrumque munus plerumque sustinet. Sic voces conceptus nostros manifestant, & pro rebus ipsis sumi solent. Sed de voce nunc plenus dicendum.

Q U A E S T I O I I .

De voce.

Intra signa quæ ex hominum arbitrio sunt constituta, præcipuum locum obtinet vox humana. Hinc enim omnis pene cognitio nostra proficitur. Ac nihil fere magis nos à reliquis animalibus discriminat, quam loquendi facultas. Rationem enim Deus nobis præcipuum dedit, ejusque nos socios esse cum mentibus separatis, seu Angelis voluit: sed ipsa ratio, ut pulchre Fabius, neque tam nos juvaret, neque tam in nobis esset manifesta, nisi quæ concepissimus mente, promere etiam loquendo possemus.

Atque hinc in quo posita sit vocis humanæ natura, facile colligitur: est enim sonus ab homine profectus, & articulatum formatus, quo mentis nostræ conceptum exprimimus.

Itaque vox humana sonus est, in quo convenit cum vocibus animalium, quibus affectus suos indicant: sed sonus in homine est articulatus, cum intentione significandi conjunctus: quod utique voci articulatæ psittaci, aut graculi, deest: homo autem per vocem aut locutionem suam non motus solum & affectus, sed intimos etiam sensus, aut conceptus suos exprimit: quod utique est humanæ societatis vinculum, & præcipuum instrumentum.

Hinc adeo varie solvi possunt quæstiunculae, sed minime contempnenda. Querunt 1. an voces sint à natura, aut ex hominum arbitrio instituta.

Responso per facilis est, voces ex hominum voluntate rebus significandis esse aptatas. Quod enim una vox potius quam altera rem certam significet, hoc utique ex hominum velut conventione & usu factum est. Unde tanta est in vocibus varietas & inconstantia. Sed quod homines in hoc convenerint, id sive ex ipsa naturæ impressione factum est, qua homines aliis hominibus nati inter se animis consociari amant. Vox autem potissimum est societatis humanae instrumentum; nam & facile formatur, & pro rerum varietate distinguitur; à multis simul excipitur, & cerebro impressa manet diutius. Verum hinc alia oritur questio magni utique momenti.

Quærunt itaque 2º quomodo possit voci, aut sono ab homine prolatu certa idea, aut perceptio sic illigari, ut quoties idem sonus aures percussit, spiritus commoveret, & in cerebro imprimiret, illius rei idea, aut perceptio statim recurrat, & cum eo sono conjungatur. Difficultatem auget, quod nulla sit naturalis vocis illius cum perceptione nostra, vel idea similitudo, neque ab Autore naturæ idea huic sono fuerit illigata: ut iis vocibus accidit, quæ exprimunt animi affectus aut motus.

Rif. Eum esse animi & corporis nexum ab Autore naturæ constitutum, ut certos corporis motus & cerebro impressa vestigia, statim quadam animi notiones, seu conceptus quidam vel ideæ consequantur, & vicissim. Hinc quæ confuse tantum & imperfecte sensum afficiunt, eadem mens confusa quadam cognitione consequitur; quæ distincte & validius sensum commovent, & altius cerebro inuertunt vestigium, eadem quoque mens distincte magis percipit. Cumque idea mentis semel conjuncta fuit cum aliqua sensu affectione, quæ suum cerebro impressit vestigium, quoties eadem recurrat idea, idem phantasma, seu idem vestigium, quod vox aut sonus ante impressit, iterum excitatur: ut vicissim, quoties idem sonus redit, eadem quoque ideam excitat: quod uno & eodem tempore fuerint ante conjuncta. Cum autem voces ex hominum voluntate efficiæ cum ideis nostris non facile conjungantur, hinc magna difficultas oritur in linguis ediscendis. Ac subinde necesse est ut propensio quedam & voluntas firma accedat, quæ per spiritus animales ea vestigia fortius imprimiat, quo easdem ideas & diutius permanentes faciliter excitent: secus debilior utriusque & vocis & ideæ societas futura est, quam ut simul, quoties opus erit, possint recurrere. Certam igitur ideam certæ voci alligat magna & firma hominum voluntas, vel studium quo ardenter ut suas sibi invicem cogitationes communicent.

Ex iis liquet quomodo infantes syllabas primum, deinde verba formare incipiunt: quod utique ut scitu dignum, & ab instituto non penitus alienum, sic longioreni explicacionem postularet. Paucis itaque rem ipsum attingam. Illud, ut diximus, homini à natura tributum est, ut non affectus modo suos, aut motus animi per signa quedam exteriora & naturalia, sed etiam cogitationes suas alias communiceat: vox illi data est, ut identem diximus, tanquam præcipuum societatis humanae organum. Hanc mille modis flexere & variare potest.

Quocirca cum infantis res aliqua, ut fructus ostenditur & proprio nomine exprimitur, statim & fructus, & vocis imago simul animum subeunt, ac sua in cerebro vestigia relinquunt: adeo ut unum semper cum altero conjunctum

animo occurrat. Jam repetitione cerebra & vehementi infantis desiderio altius ea vestigia cerebro adhuc molli imprimuntur; nec separatim, sed simul juncta animo se sistunt; tuncque infans similem vocem formate nititur. Quod utique fit per spiritus, qui animi iussa executioni mandant. Hi nervum qui ad linguam & vocis organa deducitur, sic movent ut articulatas voces lingua exprimat. Quod utique paulatim, nec citra magnam fit attentionem. Verum ista non diserte modo, sed etiam pererudite explicat fuisus vir clariss. D. de Cordomoy in tractatu de locutione.

Quærit 3^o. utrum voces mentis ideas, an res ipsas primum significant.

Respondetur utrasque à voce significari, sed eo cum discrimine, quod loquentis intentio primaria sit ut conceptus suos exprimat: cum audientis potius eò tendat intentio, ut res ipsas percipiat. Et quidem eò sunt excogitatae voces, ut quisque alteri suas cogitationes aperiret: sed qui audiunt, magis ad res ipsas, quam ad loquentis conceptus advertunt animum. Jam qui loquitur, hoc est, qui voce profert quod mente concipit, primo iem ipsam percipiat necesse est; idque verbum mentis solet nominari: nam cogitatio ipsa est interior quedam colloquio; cumque mens cogitat, secum ipsa differit, ut docet Plato: deinde voces querit, quibus cognitionem suam exprimat; hoc vocant verbum cordis: postremo voces rebus significandis idoneas profert; quod est verbum oris.

Adversus ea quæ diximus unum aut alterum opponunt qui voces non ex hominum institutione, sed à natura ipsa viam significandi habere arbitrantur. 1^o Commune illud effatum afferunt, sapientis esse nomina rebus imponere: ergo non ex hominum arbitrio & temere, sed ex natura ipsâ nomina aut voces rebus imponuntur.

Resp. Duplex esse nominum genus: quedam enim sunt primitiva, quorum nulla ratio afferri potest; alia ex iis dicuntur, quæ ex prioribus jani inditis à sapientibus apte formari, & imponi debent.

Opp. 2^o Dicitur Genef. 2. Omne quod vocavit Adam animæ viventis, ipsum esse nomen ejus: ergo quæ Adamus imposuit nomina, naturalem habuere significationem.

Reff. Eum esse Scripturæ sensum, quod nomina quæ Adamus imposuerat, adhuc Mosis tempore persistarent: non quod naturali significatione donarentur. Quanquam id fateor, multas esse voces quæ ex natura sua quandam habent aptitudinem, ut certas res significant; ut hinnire, ululare, & alia hujusmodi: sed quod actu significant, id habent ex hominum voluntate.

Q U A E S T I O I I I .

De perceptione.

Nunc de prima mentis actione paulo uberiorius agendum. Primum quidem omnis actio animæ quæ intellectualis est, cogitatione aut perceptione continetur, quæ nobis est tam nota quad existentiam, atque ut aiunt, in actu exercito, ut nihil notius esse possit. Cogitare autem vel cognoscere est rem cognitam sibi exhibere, aut repræsentare. Quod vero format, & certa ve-
lut figurâ cognitionem nostram circumscribit & terminat, hoc ideam vel spe-

ciem nominamus ; neque ea minus nobis nota est quam ipsa cogitatio. Nam si rem cogito, hujus idem vel imaginem, quæcunque ea sit, mihi video et cernere.

Itaque idea vel species non alia fere ratione ab ipsa cogitatione seceruntur, quam determinatio motus, que sursum potius quam deorsum corpus inflectit, ab ipso motu distinguitur. Nam ut eodem manente motu, determinatio illius mutari solet, ut cum pila occurru parietis resilit: sic eadem forte & jugis est actio mentis, sed illius determinatio continenter variatur.

Omnes idealium aut perceptionum differentiae, vel ex rebus ipsis quas percipimus, vel ex diversis percipiendi modis, vel denique ex vocibus ipsis ducentur, aut signis, que ideas nostras exprimunt, aut indicant. Primum itaque eas perceptionum differentias exequuntur, tum earum defectus; postremo, quæ iis adhibenda sint remedia, perstringemus.

Ac primum id omne quod à nobis intelligitur, aut res quædam est, vel substantia, que per se existit; aut tanquam rei attributum, seu modus substantiae concipitur; aut denum ut quiddam ex re & attributo compositum à nobis percipitur.

Ac substantiae quidem, ut entis ipsis, idea menti nostræ inest, sed vaga & indeterminata; quæque ad res diversas pro attributorum varietate applicatur.

Nam lumine naturali nobis notum est perfectionem, seu attributum, cuius ideam habemus, cuiusmodi est lux, vel rotunditas, in re aliqua, ut in sole existere: cum nihil nullæ sint affectiones, seu proprietates. Quæ autem res illa sit, non aliunde, quam ex ipsis attributis, vel ex accidentibus possumus conjicere.

Ex iis porro attributis multa sunt, quorum ideas satis claras habemus impressas: dummodo iis quæ nobis à natura sunt datae, contenti simus. Sic rerum existentiam, durationem, ordinem, numerum clare percipimus: dum numerum, vel ordinem, & existentiam à rebus ipsis distinguere non moliamur, ac durationem non aliud nisi continuatam rei existentiam concipiamus. Si quas communiscimus à rebus entitates distinctas, jam confusas rerum & obscuras notiones effingimus; quæque ex se sunt aperta, involvimus, dum ea volumus explicate.

Quocirca omnes in idea temporis, v.g. vel numeri, imo & motus convenientiunt, sed in eorum explicatione dissentient. Non dissimili ratione quæ ad quantitatem, seu ad corporis extensionem, figuram & motum pertinent, quæque in Mathematicis ex ordine tractantur, per distinctas ideas magna ex parte intelliguntur: quin & forte mens Dei, suipius, & suarum functionum claras habet ac distinctas ideas, licet admodum imperfectas. Nihil mihi notius est quam me cogitare, aut percipere: quæque hinc pendent animi functiones, ut judicium, ratiocinium, dubitatio, voluntas, & alia hujus generis satis sunt perspicua, dummodo ad ea quæ in nobis geruntur, attendamus animum.

Sed quæ dicuntur qualitates sensibiles, magnam in ideis nostris pariunt confusionem, quæ nisi civeatur, omnem pene cognitionem nostram perturbat. Sic ignis calorem, seu vim illam, quæ est in igne, quæcunque illa sit, cum

sensu caloris , vocis ambiguitate delusi confundimus. Et sane in hoc non fallimur , quod aliquid in igne concipiamus , unde sensus ille , quem caloris nomine solemus designare , in corporis organa proficiscitur : sed sensum caloris male cum ea vi quæ est in igne , confundimus. Illa , ut supra diximus , est patibilis , vel sensibilis qualitas ; hæc passio : illa objectiva , hæc formalis dici potest. Simili forsitan errore colores & alias qualitates in ipsa objecta transferimus , ac colorem rubrum esse in Iride , qui forte nullibi est nisi in nobis , infantia præjudiciis delusi concipiimus. Nam ideis , quas à natura hauiimus , quæque sunt claræ & distinctæ , alias male effictas mens adjicit , quæ magnam parunt obscuritatem. Sed hæc suo quæque loco. Satis hic fuerit velut datum ad fontes eorum intendisse.

Itaque ex rerum distinctione quæ in categoriis fuit explicata , quas in animis nostris impressas habeamus , & distinctas notiones , colligere utcumque possumus. Ac primum quidem id liquet , nos rem hoc melius & distinctius percipere , quo plura ejus attributa cognoscimus ; præsertim si ea sint rei propria , non communia & indeterminata. Sic mentis humanae naturam perspettam habebimus , si illius attributa , aut proprias affectiones noverimus ; quod sit intellectualis , à corpore distincta , quod percipiat , judicet , ratiocinetur. Nam quandiu in communibus attributis sistimus , quod sit actus , v. g. aut perfectio corporis ; aut quod una sit , & indivisa ; cumque ad ea quæ illi propria sunt , non descendimus , confusam duntaxat illius & obscuram habemus cognitionem.

Ex attributis quoque absolutis melius quam ex relativis ; ex positivis demum rem accuratius cognoscimus , quam ex negativis. Cum ex. gr. hominis alicujus mihi familiaritate conjuncti mores , temperamentum , formam cognosco , distinctam magis & expressam illius formo imaginem , quam si ea tantum quæ illi sunt cum aliis communia , ut quod alterius sit pater , vel subditus , aut alia hujus generis attributa , vel relativa , vel negativa noverim.

Ac de idearum quidem distinctione quæ ex objectis ipsis repetitur , diximus : nunc ad eam quæ ex diversis percipiendi modis ducitur , veniamus.

Non est ea vis humanae mentis , ut res ipsas velut uno conspectu complecti possit. Hinc plerumque cum vult rem aliquam diligentius intueri , in varias partes eam secat , easque seorsum expendit : unde & abstracto utitur percipiendi modo. Abstractione vero illa duplex est , una Geometris familiaris , cum unum attributum sine re ipsa , aut sine aliis attributis cum quibus natura junctum est , mens considerat , ut longitudinem sine latitudine. Alia vero est abstractione in Scholis magis usitata , cum attributa quæ rei essentiam constituant & ad ideæ comprehensionem pertinent , in varios gradus & velut in partes tribuimus. Atque hic percipiendi modus menti nostræ valde est familiaris : sed tamen cavendum est maxime ne eandem in rebus ipsis distinctionem esse arbitremur , quam mens abstrahendo excogitat. Nam ut ipsa est à corpore distincta , sic res separata & abstrahit , atque omnia suo modulo metitur. Hinc multa distinguunt , quæ sunt omnino indivisa. Ac vicissim illud cavendum , ne fallaces rerum similitudines nobis imponant : verum ista ad defectus perceptionum pertinent , de quibus mox agendum.

Nunc igitur quæ in ideo nostris , aut perceptionibus vitia frequentius o-

currunt, quæque confusionem in iis aut obscuritatem efficiunt, breviter apriamur.

Et quidem omnis idearum confusio ex dupli potissimum capite oritur, nimirum ex mentis nostræ conditione, aut natura, tum ex ipsis percipiendi modis. Ea quippe est mentis nostræ indoles, ut ea non utique progredi, sed evolare gestiat, & res ipsis leviter & cursum attingere. Hinc magna in ideis nostris oritur confusio, quod res ipsis inconsideratae, non defixis velut oculis, & intento animo intueamur; sive ex inertia quadam fiat, aut incuria; sive ex ingentia animi mobilitate, quem sensuum impreßiones, aut corporeæ delectationes fortius afficiunt, & quodammodo abripunt.

2o. Habet etiam id virtutis mens nostra, ut seipsum quasi normam & mensuram rerum omnium consideret. Unde perceptiones suas non rebus, ut æquum est, aptit; sed res ipsas suis notionibus accommodat. Hinc majorem sapientiam ordinem, & æqualitatem quam quæ rebus insunt, communisicitur. Cujus rei plura sunt exempla, quæ in Physicis afferemus. Atque ex hoc fonte tota systemata, tot Philosophorum sectæ fluxere: nec ulla fere major pernicies disciplinis accedit, quam illa quidvis fingendi licentia. Hinc magna plerumque ingenia in rebus difficillimis, & nullius pene usus, aut ab animo effictis consumuntur: cum tamen multa nescire, ut cum Tacito loquat, magna sit pars sapientie.

Quamobrem mens nostra ad formam eorum, quæ jam novit, omnia pene revocat: præsertim si inter ea sit aliqua similitudo. Cum enim omnis pene cognitionis nostra in rerum comparatione, aut relatione versetur, ubi æqualitatis vel similitudinis aliqua videtur relatio, tum eam ultiro amplectimur: quod illius perceptio non tantam mentis contentionem exigat, quantum relationes inæqualitatis, quales in numeris & figuris sunt plurimæ. Animus quippe longa intentione defessus vix rerum discrimina & differentias persequitur; cuncta ad unitatem, quantum potest, revocat; & quantumvis res inter se dissident, eas tamen una specie, aut uno genere concludit: unde similitudines eum vehementer capiunt. Neque alia est ratio cui metaphoræ eum ita delecent, nisi quod ea sint similitudines quedam contractæ.

Quare, ut jam innuimus, mens seipsum intuetur velut regulam universi, adeo ut tantum in rebus esse putet, quantum ipsa cogitat. Sic quæ sensus maxime feriunt, eadem plus essentiae & entitatis habere credimus; quæque sensus fugiunt, quasi nihil fere sint, sic mens ea sibi exhibet. Quæ autem sunt maxime, ut quod est immateriale, incorruptibile, infinitum, vocibus ea negativis, quasi nihil fere essent præter corporum negationes, designat. Hinc quæ imaginationem maxime implent, eadem fere intellectum vehementius afficiunt.

Ac fere ea sunt quæ ideis nostris magnam afferunt confusionem, quæque ex mentis humane conditione, & natura oriuntur. Sunt & alia longe plurima, quæ ex imperimendo cuiuscumque, consuetudine, & ex variis percipiendi modis ducuntur, quæ omnia enumerate non possumus. Per pauca duntaxat continentur.

Ac primùm illud advertendum, duplē in nobis esse perceptionēs. Una propriè dicitur imaginatio, cum mens sese ad phantasma quoddam, seu ad

imaginem , aut potius ad vestigium in cerebro impressum applicat: ut cum de circulo , vel triangulo cogitat. Altera est illi propria , quæ intellectio pura nominatur , cum rem percipit , cuius nullum est in cerebro vestigium , aut nulla imago : cum v. g. suam cogitationem , amorem , aut alias affectiones , aut numerorum etiam rationes & proportiones percipit. Cum autem distincta est , non confusa , quæ in cerebro sit impressio , tum distincta quoque mentis perceptio consequitur , uti suo loco fuisse diximus.

Primum itaque hinc magna oritur in ideis nostris obscuritas , quod mens humana , quæ pura intellectione consequi tantum potest , quæque nullum habent impressum in cerebro vestigium , aut nullum phantasma , hæc imaginari velit , & tanquam res corporeas effingere : cum tamen ea non magis imaginatione complecti possit , quæ sonos oculis cernere. Ex quo sic ut animus rerum maxime disjunctarum attributa plerumque confundat , quæque menti ipsi conveniunt , sepe corporibus tribuat , & vicissim. Hinc animi ipsius functiones vicibus , quæ à rebus corporeis sunt translatæ , designamus : quod nimur res apprehendat ; quod discurrat ; quod in gaudio se dilatet ; in tristitia se contractat : quæque mentis sunt propria , hæc in corpora transferimus. Inde oriuntur tot amicitia , & inimicitia , quæ in rerum natura finguntur , quæque magnas plerumque questiones resolvunt. Nihil est usitatus , quæ naturam horrere vacuum : quod tamen cum nihil sit , tantum rebus corporis terrorem non potest incutere : & quod omni est cognitione destitutum , quomodo poterit quicquam metuere ?

2º Ideæ mile à rebus abstractæ , nec satis definitæ , aut circumscriptæ perceptiones nostras plerumque confundunt : quod sepe in Physicis ulu venit. Mens quippe velut ex rerum angustiis in amplius spatum evolat , & circa notiones quasdam generales , quæ plerumque non magni sunt usus , evagari amat ; ad notiones maxime universales raptim transvolat , non per gradus , ut par est , incedit. Sic animæ , aut vita notio admodum vaga est , & incerta. Non enim bestiis modo , sed etiam plantis , imo nonnulli mineralibus animam tribuunt. Quæ autem sit notio , aut natura iis omnibus communis , vix explicare possumus.

Et quidem communissima ipsius entis idea , aut notio mentibus nostris intima & præsens videatur , ad quam omnia quæ intuemur , referimus. Sed ea entis ipsius notio vaga est , & admodum indefinita : licet animo alte sit impressa , adeo ut nonnulli non absurde forsitan existimant cogitationes nostras circa ens ipsum semper versari , etiam cum nihil omnino cogitare nobis videatur. Sed vaga illa & confusa entis cognitio adeo est nobis familiaris & usitata , ut ad eam ne advertamus quidem : ut in aliis rebus evenit , quæ sensus aut imaginationem non percellunt , nec animum ipsum suavi aut molesta commotione afficiunt. Nam licet ista animo observentur , is tamen ad illa non attendit , & quasi ad eum non pertineant , leviter prætercurrit : unde nulla fere telenquunt in cerebro vestigia , quæ distinctas ideas excitant.

In eo quidem genere sunt abstractiones illæ confusa ex rebus ipsis decerpæ , quæque ex vaga entis notione plerumque oriuntur. Nam quoties novos effectus in natura cernimus , ita timi novas entitates communissemus , quæ plerumque magis ex mentis nostræ fecunditate , & confusa illa entis notione , quæ

rebus omnibus applicatur, quām ex natura ipsa oriuntur. Quod sol, ex. gr. hinc vim habeat, ut ceram emolliat, lutum induret, aquam in vapores extemet, fructus maturerit, insectorum ova excludat, hinc varias, ut diximus, in sole potentias, vel entitates comminiscimur: cum tamen hæc omnia unus & idem calor efficiat. Nihil enim nobis magis obvium est, quām entis ipsius notio confusa, quæ rebus omnibus accommodatur. Sed ea notio plerumque obstat, quominus distinctæ & veræ rerum ideæ exprimantur. Abstractis nimirum & vagis, seu entis, seu causæ & effectus, seu actus & potentia notionibus contenti ultra non progredimur: quasi natura ipsa abstracta foret, & à rebus præcisa.

3º Magnam quoque in ideis obscuritatem parit vocum ambiguitas. Ideæ quippe nostræ certis sunt additæ vocibus, quas impeditum vulgus imposuit, quæque imperfectas admodum notiones ingenerant. Nam ut res ipsas plerumque cogitationibus nostris, sic cogitationes vocibus quodammodo summittimus: cum tamen voces eo sint instituta, quo animi perceptiones designent, ut cogitationes nostræ rebus ipsis servire debent, & eas exhibere. Sed contra plerumque evenit. Sic quæ oinnino sunt diversa, quod eodem signentur nomine, confusa quadam notione involvimus. Hinc verborum pugnæ & contentiones, quæ ex vocum homonymia nascuntur.

Sæpe etiam contingit ut voces sint notionum, quæ perperam sunt abstractæ, nec bene terminatae, signa. Sic actiones pene omnes animæ corporique communes, ut famæ, sitis, dolor, confusa tantum cognitione percipiuntur. Doloris v. g. sensus clarus est: sed utrum corporis vel animi, vel utriusque sit affectio; an in ea parte quæ afficitur, an potius cerebro ipsi insit, valde obscurum est. Sic qualitates omnes sensibiles, ut lux, calor, gravitas, confusa admodum perceptione involvuntur: communes corporum affectiones, extensio, figura, situs, motus distinctæ magis & clare percipiuntur: species quoque infimæ, ut homo, aurum, circulus, non adeo confusis, sed distinctis vocibus efferruntur. Sed ubi aut rerum qualitates, aut actiones corporum, ut generationem, & alterationem, & utriusque discrimina explicare volumus, tum magna sape vocum ambiguitate deludimur, ut suis locis ostendemus. Restat ut quia ratione ii perceptionum, vel ideatum defectus sanari possint, explicemus.

Cùm in omni cognitione nostra, ut saepe dictum est, id unum sit nobis maxime propositum, ut claras & dilucidas rerum perceptiones habeamus; nec quicquam magis ideas nostras conturbet, quām evagatio animi: huic uni medetur attentio, quæ consuli quidem potest, non dari. Nam frustra de attentione excitanda quicquam præcipimus, si ingenium si præcepis, instabile, arrogans, neque in ullius rei contemplatione immoretur.

Id tamen in universum admonete non erit inutile, attentiorē esse animū ad ea: quæ illum magis afficiunt; quæ sensus fortius percellunt; quæ imaginationem implent, & alta cerebro imprimit vestigia. Unde qui fortiori sunt imaginatione, aut qui circa res sensibiles magis occupantur, aut perturbationum æstu abripiuntur, vix animū ad res intellectuales possunt intendere. Quocirca animus, quantum fieri potest, liber sit ab omni sensuum impressione, aut perturbatione violenta, aut illecebris, & omnibus quæ illius vim distrahant.

distrahunt, & alio avocant. Res intellectuales non sine quodam fastidio animus contemplatur, præsertim cum dolore, aut voluptate, aut valida sensum impressione commovetur: adeo ut vel lux nimia, aut strepitus attentionem ipsam prohibeat.

Hinc silentium, secessus, & undique liber animus plutimum attentionem adjuvant: nec in plura mens distrahi debet.

Quin etiam id maxime utile videtur, ut sensus ipsi, & imaginatio in subsidium animi veniant. Hinc Mathematicæ disciplinæ per figuræ, quæ in charta primum, deinde in ipsa imaginatione delineantur, attentum animum efficiunt, dum imaginationem ipsam regunt, & detinent. Ex quo fit, ut animus non alio temere evagetur, sed quæ in cerebro imprimuntur vestigia, subsequatur. Sic sensus ipsi, & imaginatio, quibus attentio plerumque minuitur, utiliter ut subsidia quædam adhiberi possunt. Neque enim mens sibi uni permittenda, nec mulsum illius agitationi confidere debemus: sed experimentis plerumque, & sensuum auxilio juvanda est, ne instat araneæ totum opus ex se ordiatur & pertexat.

Simili quidem ratione cum perturbationes animum plerumque in transversum rapiant & distrahant, illud utile fuerit alias animi affectiones, sed laudabiles excitare: ut vehemens formandi animi, & excolendi studium, quo seipsum regere possit, ac perficere, ac vis illius subinde augeatur, aut certe ut verum à falso distinguat. Quin & honesta æmulatio, dummodo intra præscriptos à ratione fines coërcetur, alias quandoque affectiones elidit, qua animum ad sensus ninnium deprimerent, & ab omni attentione deflecerent.

Itaque vix utilius quicquam præcipitur, quam ut evidentiam & claritatem, quantum fieri potest, in ideis nostris conseruantur: quod maxime præstat attentio. Neque illud omittendum, eam non mediocriter conciliari, cum id quod proponitur, breviter & non per ambages, dilucide quoque, & cù methodo traditur, que ingenio nullam vim afterat.

2º. Cæteris fere vitiis quæ perceptiones nostras confundunt: ut quod iis quæ jam novit, reliqua adhuc incognita accommodet; quod se velut normam universi intucatur: his, inquam, una medetur attentio. Nam ut distincte ea cernimus, quæ defixis oculis contuemur: dummodo adsit & visus perspicacia, & lumen, quod objecta illuminet: sic que intento animo contemplatur, dum ingenium non defit, nec sensuum impressiones, aut nimiae spirituum commotiones mentis aciem infringant, clare & distincte percipimus. Atque in hoc præcipue elaborandum, ut mens expurgata omnibus sensuum prejudiciis in rebus ipsis hæreat, ut illius irrequietam motionem, & volubilitatem sape coërceamus, ne semper inquirendo yagetur, ac demum ut nullas nisi distinctas ideas exprimat.

2º. Nec necesse est ut longiore oratione remedia idearum confusione ex abstractionibus, aut ex vocum ambiguitate ortæ præscribamus, cum ea magna ex parte sint exposita. Nam definitio nominis vocum homonymiam tollit; ac diviso magnam rebus lucem inferre solet: quanquam his parcè, & cum res exigit, utendum. Nam acervus ille definitionum & divisionum mentis indolentis est consentaneus, quam actio multiplex, ut corpus varius motus delecat.

3^o. Idem fere judicium ferendum est de abstracto percipiendi modo: cavendum quippe est ne abstractas & male definitas notiones, rebus ipsis neglegitis omnino perseguamur, quæ nihil sepe procreant quam vanas contentiones. Danda igitur est opera ne præcisions illæ metaphysicæ longius quam par sit, nos à rebus ipsis abducant. Nam ut res oculis cernimus, cum radii ab eodem objecti puncto procedentes in fundo oculi colliguntur: (secus imago in oculo depicta & visio ipsa confusa erit & perturbata:) Sic mens non ita procul à rebus ipsis per abstractionem est removenda, ut distinctæ rerum imagines in eam convenire non possint. Communibus quidem & logicis vocibus interdum est utendum; cujus generis sunt quantitas, genus, species & alia plurimæ: sed non continuo nobis persuadeamus eas omnibus rebus explicandis sufficere. Nam si quis me roget cur sol v. g. lutum induret, ceram emolliat, & alios subinde effectus procreet; nec mihi, nec illi satisficerim, cum respondero in sole vim esse, aut facultatem indurandi luti, ceræ emolliendæ. Cumque diversas in unaquaque re, ut in igne aut sole entitates, quæ tot effectus procreant, effingam, non idcirco clare & distincte naturam ejus perspectam habuero. Nihil quidem à veritate alienum dixerim, cum in igne facultates urendi, exsiccandi aut resolvendi corpora inesse afferam: sed istæ voices nullas in mente distinctas ideas excitant. Nihil fortè habent falsitatis, sed nihil planè significant, neque nos efficiunt doctiores.

Id igitur maxime perceptions nostras confundit, & omnem pene in disciplinis progressum remoratur, quod mens ad notiones quasdam generales citius quam par sit, evolet. Nam fixum quiddam & immobile circa quod volvi possit, plerumque affectat. Cum à notionibus determinatis ad magis communis paulatim & ordine progreditur, res utique bene se habet: tum enim quæ ad ideæ alicuius comprehensionem pertinent, velut per partes examinat, quidve habeat cum rebus sibi cognatis commune, & in quo ab iis dissideat, expendit. Atque inter abstractiones, quæ formalis vulgo dicitur, qua scilicet rei attributa seorsum spectantur, plus habet utilitatis, quam abstractio universalis. Sic per formalem abstractionem in auro pondus, colorem, fixitatem sigillatum expendimus. In rebus physicis abstractio universalis confusionem sepe ingenerat. Cum enim ideas detrahimus, quæ rem determinant, vagas plerumque & male terminatas rerum notiones abstrahendo effingimus. Sic autem formam aut differentiam vix possumus animo consequi. Sed de his tantum, nunc de judicio, & illius norma pauca dicenda sunt.

D I S P U T A T I O II.

De enuntiatione, & judicio.

DE materia quidem propositionis, seu de terminis dictum est, nunc de illius forma & natura dicendum. Cum autem ea sit duplex, exterior & interior, de utraque agendum. Sic tamen ut quæ in compendio fuse sunt explicata, non regeramus. Hoc igitur loco ea præcipue quæ ad veritatem & falsitatem propositionis tum interioris, tum exterioris pertinent, sunt exponenda: cum reliqua feta quæ ad propositionem spectant, jam fuerint pertractata.

QUÆSTIO PRIMA.

In quo posita sit natura propositionis.

Cum duplex sit propositio, una interior, quæ secunda est mentis operatio, quæque judicium solet appellari; & exterior, quæ enuntiatio quoque dicitur: in quo posita sit utriusque essentia, breviter est explicandum.

Primus, ut jam alias dictum est, mentis aspectis, quo rei alicujus ideam, vel imaginem depingit, simplex apprehensio, aut perceptio dicitur. Cum plures ideas mens comparat: tunc affirmat, ubi illas conjungit; aut negat, si separat. Actio autem illa mentis qua subjectum cum attributo aut conjungit, aut dividit, solet judicium nominari. Quæritur itaque quid judicium potissimum constituit: an quod sit cognitio ex pluribus ideis composita? an potius simplex erit qualitas, seu mentis actio, qua unum cum altero conjungit, aut separat? Quòd autem facilius quæstio ipsa dijudicari possit, quæ nobis videntur certiora, sunt ante prænuncienda.

1° Illud videtur manifestum, ad rationem judicii assensum quendam requiri. Cum enim affinamus terram esse rotundam, non sola perceptione intellectus, sed assensu & determinatione quadam voluntatis, id decernimus: adeo ut judicium in rebus saltem, quas imperfæcta, non clare, & velut ex omni parte cognoscimus, à libertate nostra pendeat: quanquam iis quæ clara sunt per se, eius generis sunt axiomata, his, inquam, non libere, sed voluntarie assentimur. Sed per pauca sunt ejus generis judicia. Cum enim cognitio nostra sit plerumque obfusa & imperfæcta, judicia nostra ut plurimum ex libertate nostra ducuntur. Hinc prava judicia nobis vitio vertuntur.

2° Illud quoque nobis videtur, non judicium modo, sed etiam perceptionem nostram esse actionem mentis. Id enim Cartesio & iis qui cum sequuntur, non possum concedere; mentem pati, aut recipere tantummodo, cum percipit, non agere; omnem adeo actionem ad voluntatem pertinere. Primo enim cum rem percipio, aut cogitatione volvo, id mihi conscius sum, id in me experior, me quiddam agere, idque præclarum, non feriari, non omnino cessare. 2 Si nihil agit intellectus, nihil molitur, unde tanta in cogitando contentio? 3 Nec probabile videtur mentem humanam esse tantum instar speculi, quod rerum imagines excipit. 4° Perceptio, seu cognitio est maxima illius perfectio: res vero unaquæque per suam actionem perficitur. His itaque probe intellectis, quæ ad cognitionem & functionum animi intelligentiam non sunt protius inutilia, non erit difficile questioni propositæ satisfacere. Sit igitur

Vnica conclusio.

Judicium est simplex & una qualitas, neque ex multiplice perceptione comprehenditur.

Probatur Conclusio. Judicium est proprie actio mentis, per quam de re aliqua fert sententiam. Num subjectum cum attributo conjungit, vel ab eo separat, affirmando scilicet, aut negando. Atqui actio illa mentis non est quidam ex multis perceptionibus compositum, sed aliquid simplex: possunt enim

cilie multe perceptiones subjecti, attributi & copulæ : tametsi nullum sit judicium, nulla feratur sententia ; ut cum judicium nostrum suspendimus : ergo judicium, seu propositio interior aliud quiddam est præter aggregatum ex multiplici apprehensione.

Confirm. Judicium perceptiones simplices presupponit, non ex iis componitur ; uti nec ratiocinium ex multis judiciis conflatur : alioqui judicium, aut ratiocinatio non esset quædam cognitio ; uti nec silva arbor, aut exercitus miles definitur : Ergo judicium, aut ratiocinatio ex multis ideis formaliter non componitur : quamvis multas ideas supponat, easque inter se comparat.

Ex iis liquet, nec simplicem perceptionem, nec comparatam, per quam scilicet plures ideæ inter se conferuntur, aut unius rei ad alteram habitudo cognoscitur, judicii rationem habere, donec affirmatio, aut negatio, ac velut mentis sententia quædam, quam per verbum, est, vel non est, solet exprimere, omnino accelerit. Atque in hac mentis actione, qua unum de alio affirmat, aut negat, positâ est natura judicij. Actio quidem illa vocatur ab Aristotele compositio : non quod sit ex multis perceptionibus vel entitatibus composita, sed quia compositionem quandam exhibet aut representat; siveque, ut aiunt, est objective composita, non formaliter vel entitative. Supponit quidem, ut diximus, subjecti & attributi perceptiones : sed ex iis formaliter non constat. Quibus intellectis, quæ in contrarium obiiciunt, facile diluentur.

Solvuntur objectiones.

Opp. 1º In hoc differt judicium nostrum, ab eo quod Ange'i proferunt, quod judicium nostrum sit compositum, non item judicium Angeli, quod omnino est simplex : ergo &c.

Reff. Neg. ant. in hoc enim utriusque judicij differentia est posita, quod judicium Angeli ut plurimum non presupponat distinctas perceptiones, contra ac judicium nostrum.

Opp. 2º Propositio exterior est quid compositum ex terminis : ergo propositio interior ex multis perceptionibus conflabitur, cum eadem sit utriusque ratio.

Reff. Neg. conseq. Est enim dispar utriusque ratio, quod verbum mentis, seu quod mente concipitur, longe sit simplicius, quam verbum ore prolatum. Unum quidem est alteri simile, quantum ad representationem, non ratione entitatis : cum propositio exterior sit corporea & ex terminis composita ; interior spiritualis & simplex.

Opp. 3º Apprehensio ipsa plerumque est composita : nam in simplicem & complexam dividitur : ergo multo magis, judicium erit quid compositum.

Reff. Diff. ant. Apprehensio quædam est complexa ratione objecti : cum scilicet rem compositam percipimus, C. formaliter & quoad entitatem, N. Sic enim omnis apprehensio est simplex : quanquam ratione objecti complexa esse possit.

Instant. Judicium nullum esse potest sine perceptione subjecti, attributi & copulæ : ergo judicium non est quid simplex.

Reff. Neg. conseq. Non enim judicium ex iis perceptionibus intrinsece componitur, sed eas presupponit ; ut relatio esse non potest sine subjecto, fundamento & termino : & tamen est aliquid simplex.

Ex iis colligitur quid sit enuntiatio, vel propositio exterior. Nam satis apte ab Aristotele definitur, *Oratio affirmans vel negans aliquid de aliquo : aut oratio verum vel falsum significans*. Quod si utraque haec definitio displiceat, quod divisioni sit similis, non male à nonnullis definitur *Oratio interpretativa judicij*; vel demum *oratio qua constat subjecto, attributo & copula*. Quæ definitio satis est legitima, cum totum artificiale, ut domus, optime per partes definiatur.

Cum autem propositio ita est evidens, ut adhibita mediocri attentione ei non assentiri non possumus, tum axioma, aut principium, aut commune effatum dici solet: à Cicerone pronuntiatum appellatur. Sed ubi subjecti & attributi connexio non statim occurrit consideranti, tum variis effertur nominibus. Nam & propositio & quæstio dici solet, quatenus aut probanda est, aut ad probandum assumitur: sic conclusio ut probata, theorema, cum est mere speculativa; problema vero dicitur, cum aliquid faciendum proponit: ut cum in Geometria linea est bifariam dividenda: quanquam problema etiam dici solet propositio, quæ in utramque partem agitatur. Quod autem præcipue in propositione vel judicio queritur, est veritas, de qua paulo uberiori agendum.

Q U Ä S T I O II.

De veritate & falsitate propositionum.

PRÆCIPUA TUM JUDICII, TUM ENUNTIATIONIS PROPIETAS IN HOC VIDETUR POSITA, UT VERA SIT, VEL FALSA. ITAQUE NUNC EXPENDAMUS, 1º AN VERITAS SOLI PROPOSITIONI ITA CONVENIAT, UT IN PRIMA MENTIS FUNCTIONE NON INVENIATUR. 2º UTRUM OMNIS PROPOSITIO SIT VERA AUT FALSA: ADEO UT EX DUABUS CONTRADICTORIIS DE FUTURO CONTINGENTI UNA SIT VERA DETERMINATE, ALTERA SIT FALSA.

A R T I C U L U S P R I M U S.

An simplex apprehensio veritatis & falsitatis sit capax.

VERITAS VULGO TRIPLEX DISTINGUITUR; VERITAS REI, QUÆ & TRANSCENDENS ETIAM APPELLATUR, QUÆQUE EST CONFORMITAS REI CUM SUO EXEMPLARI, VEL UT ALIIS PLACET, CONFORMITAS REI CUM suis PRINCIPIIS. EST IGITUR VERITAS TRANSCENDENTALIS, QUÆ ALIQUID DICITUR VERUM ENS: UT AURUM EST VERUM, CUM NATURAM HABET AURI, NON ILLIUS DUNTAXAT SIMILITUDINEM EXTERIORUM GERIT. FALSUM EST, SI SPECIEM AURI OCULIS SUBJICIAS, CUM NIL SIT, NISSI AURICHALCUM.

SECUNDA EST VERITAS COGNITIONIS, QUÆ DEFINITI SOLET, CONFORMITAS COGNITIONIS CUM RE COGNITA, UT ILLIUS FALSITAS IN DIFFINITATE, UT AIUNT, CUM RE COGNITA POSITA EST.

TERTIA EST VERITAS LOCUTIONIS, QUÆ ITERUM EST DUPLEX: CUM ENIM SERMO REBUS IPSIS CONGRUIT, TUM VERUS DICITUR: ubi ad cognitionem loquentis refertur, TUM VERAX NOMINATUR. EST ENIM VERITAS AUT FALSITAS IN LOCUTIONE, CUM EA REBUS CONCINNIT, AUT DISSONAT: sed veraces dicimus aut mendaces, ut sermo cognitioni nostræ CONVENIT, AUT AB EA DISCREPAT. SIC QUI FALSUM DICIT, NON CONTINUO MENTITUR, NISSI IS LOQUATUR ALITER AC SENTIT. NUNC DE VERITATE COGNITIONIS

quæ formalis dici solet, quatenus ipsius objecti veritati opponitur, quamque idcirco objectivam nominant, potissimum huc agimus. Cum res ita est cognoscibilis, ut revera est, tum habet veritatem objectivam: ut figuratum proprietates, que de iis demonstrari possunt.

Jum utique veritas formalis, ut & falsitas, est duplex: incomplexa rimurum, quæ simplici perceptioni inest; & complexa, quæ in affirmante vel negante reperitur.

Ex quibus liquet veritatem omnem in quadam relatione similitudinis aut æqualitatis esse positam: sive illa æqualitas sit inter res ipsas, ut inter mensuram & rem mensuratam; sive ea sit inter cognitionem nostram & objectum: ut cum judico solem esse terra majorem; seu denique illa æqualitas sint inter ideas nostras, qualis potissimum in Mathematicis invenitur, cum rationes numerorum & figurarum inter se conferimus. Idem est de falsitate judicium.

Vera autem sunt omnia veritate transcendentali, & falsitas nulla est nisi in intellectu. Quæ enim in rebus ipsis est falsitas, ea rebus non inest nisi per denominationem extrinsecam: ut paries dicitur dexter aut sinister respectu animalis. Sic aurichalcum verum est aurichalcum, sed fallum aurum, quatenus per sui speciem exteriorem intellectui præbet errandi occasionem. Id vero nunc querimus, an veritas, aut falsitas ad simplicem mentis perceptionem vel apprehensionem pertineat.

Hæc melius intelligentur, si functiones mentis, & quo ordine formentur paulo diligentius intueamur. Nam quod simplex rei idea sit prima mentis perceptio, cui cum attributum conjungitur, sit judicium, ut discursus ex multis judiciis coalescit, id utique verum est in nostrarum cogitationum explicacione: nam sermonis nostri pars simplicissima est nomen, cui adjunctum aliquod attributum propositionem efficit: ex variis demum propositionibus fit discursus: sed forte non ita disponuntur interiores mentis functiones, ut diserte explicat vir doctissimus D. Mariotte in tentaminibus Logicis. Prima enim rei alicujus visæ, ut rosæ idea, non rosam solitariam, sed suo colore tintam, & multiplici folio instructam nobis exhibet, ut olim per oculos subiit animum: cumque rosam rubram esse dicimus, primam mentis ideam verbis exprimimus: sed cum aliquid præterea addimus, quod in primo rosæ aspectu non continetur, ut quod vim habeat refrigerandi, tum judicium formamus, quod plerumque unius aut multiplicis ratiocinii est conclusio.

Itaque, ut ipse existimat, cum rem sensibus perceptam, eo quo percepta est modo aut meminimus, aut imaginatione depingimus, tum ea est prima mentis operatio. Cum plures ideas easque diversas jungimus, secunda mentis functio dici potest; ut tertia erit, cum unam qualitatem idea integræ separationi percipiunus, ut rubedinem solam; quæ abstractio dici solet: cum differentiatione rerum aut habitudines spectantur, ut aliquid inde concludatur, tum ratiocinamur: cuius ratiocinii conclusio est judicium: in quo proprie est veritas, aut falsitas. Sed utcunque ea res sit.

Cum judicium omne intellectus perceptionem, aut apprehensionem subsequatur, & simplex perceptio erroris interdum præbeat occasionem: hoc utique sensu falsitas in prima mentis operatione esse potest. Non potest enim intellectus judicare aliter atque ei videtur; neque adeo est indifferens ut

Judicium ferat aut verum, aut falsum, nisi quatenus rem percipit: Nec se filii animadvertis, quandiu manet eadem perceptio, aut apprehensio. Quare intellectus non est indifferens ad verum aut fallum, nisi quatenus falsum induit speciem veri. Nec mutari fallum ejus judicium potest, nisi mutetur prior illa veri apprehensio. Cum autem mens ab eo quod verum est, semel aberravit, per innumeros verisimilitudinis gradus progredi potest: sic tamen ut verisimile non deserat nisi propter aliquid verisimilius. Atque ubi claram rei notitiam est assecuta, jam nullus est indifferentiæ locus, neque à vero clare intellectu potest discedere.

Ex quibus id efficitur, falsitatem omnem ex prima & simplici mentis perceptione quodammodo profluere: tametsi etiam appetitus ipse, & illius perturbationes magna ex parte sunt errorum cause, cum notiones nostras obscurant, & judicium omne perturbant, vehementius quoque nos commovent; quæque aut vera sunt aut bona, præ passione aliqua non attendimus, aut contemnimus. Quo quidem modo conciliari possunt recentiores nonnulli, quorum alii omnem falsitatem à voluntate, alii à simplici perceptione ducunt: utrumque enim, si bene intelligatur, verum est. Illud autem est voluntatis intellectu imperare, ut primas & anticipatas notiones examinet, ne forte in errore perseveret; simul & motus sentientis appetitus compescere, qui vini quandam menti inferunt. Sed de iis fere nulla est controversia. In eo videtur difficultas, si quæ sit, consistere, utrum simplex apprehensio etiam ratione obiecti, falsitatis incomplexa sit capax.

Vnica Conclusio.

Perceptione simplex vera quidem, sed nunquam falsa esse potest.

Prima pars conclusionis latus est manifesta: res enim est vera quæ est conformis suo obiecto, idque vere representata: Sed apprehensio simplex potest suum obiectum vere representata: ergo vera esse potest.

Pars altera conclusionis probatur. Rem simplicem vel mens omnino intelligit: quod ubi sit, ea non fallitur; vel nullo modo eam percipit, tumque nullam illius ideam effingit, quæ idcirco falsa dici non potest: sed forte alterius rei ideam format: ut cum cuprum nobis proponit loco auri: vel denique alio modo mens intelligit, quam revera sit, aut ex parte tantum percipit, tumque jam non est apprehensio simplex, sed complexa: aut si partem obiecti percipit, alia non cognita, ne tum quidem ulla erit falsitas: ut si in homine caput percipio, sine pedibus, nullus erit falsitati locus.

Confirm. Simplex perceptio obiectum suum aliter exhibere non potest, ac revera est: nam ut aliter id exhibeat, necesse est ut aliquid ei addat, aut detrahatur: quod dici non potest de perceptione cuius obiectum est simplex.

Solvuntur objectiones.

Opp. 1^o. Tam falsa est idea nummi cuprei, qui vice nummi aurei proponitur, quam falsa est idea baculi fracti in aqua. Sed falsa est perceptio baculi fracti, cum exhibeat rem aliter quam sit. Ergo simplex apprehensio nummi cuprei falsa quoque futura est.

Ref. Neutram proprie ideam esse falsam ratione sui, sed tantum ex occasio-

ne, seu ratione judicii consequentis. Sic sensuum omnium impressiones falsas. ideas in mente efficiunt, quatenus sœpe prava judicia eas conleuantur. Hinc turris quadrata eminus visa nobis rotunda apparet, & falsum judicium parit, non quod idea quam formamus sit falsa, nisi ex occasione. Simili ratione falsum aurum, & falsæ gemmæ dicuntur, quæ speciem auri habent, aut gemmarum.

Opp. 2º. Qui dilaculo vider canem, & ideam lupi effingit, is falsam rei habet perceptionem: neque enim hæc convenit cum objecto.

Responderi eodem modo potest, ¹⁹ falsam esse ideam ex occasione, C. ratione sui, N.

Reff. 2º. Ideam lupi non convenire cum re sensibus objecta, C. cum re quam mens sibi exhibet, N. sensus enim speciem canis exceptit; mens speciem aut ideam lupi sibi proposuit. Cum autem mens judicat lupum esse, id non eo fit, quod fallam lupi ideam effinxerit: sed quod canem præsentem non intellexerit.

ARTICULUS II.

Vtrum ex duabus propositionibus contradictoriis de futuro contingentib⁹ & singulari, altera definite vera, altera sit determinate falsa.

MAgna est & multum agitata hæc quæstio, eaque difficiliorum tum in Metaphysica, tum in Theologia est quæstus præludium: queritur enim utrum ex duabus propositionibus contradictoriis & singularibus de futuro eventu & libero, quales sunt illæ, Petrus cras disputabit, Petrus cras non disputabit, altera si nunc definite, atque, ut loquuntur, determinate vera, altera sit falsa. Quod ut dijudicari facilius possit, certa ab incertis, & concilia ab iis que sunt controversa, omnino sunt fecernenda.

Certum est 1º, propositiones de præsenti aut præterito esse determinate veras, aut falsas: neque id in controversiam venit. Verum hoc in loco quæstio est de futuro eventu & libero.

Certum est 2º, hanc propositionem disjunctivam esse necessario veram, Petrus cras disputabit, vel non. Sed queritur an pars altera illius disjunctivæ sit jam definite vera. Nam omnis propositio disjunctiva est necessaria, sed illa necessitas pertinet ad disjunctionem ipsam, non ad partes quæ disjunguntur. Sic illa propositio, Oculus dexter, vel sinister ad videndum requiritur, vera est: ut illa, Necesse est Petrum disputare, vel non disputare. Sed non valet consequio à necessitate disjunctionis, ad partes ipsas disjunctas; nec licet concludere: Ergo Petrus necessario disputabit; aut dexter oculus ad videndum necessarius. His itaque positis sit

Unica Conclusio.

Propositionum de futuro contingentib⁹ & singulari sibi contradicentium altera est determinate vera, altera est falsa.

P. 10. 1º Propositio est vera quæ congruit cum re significata: sed ex his propositionibus altera congruit cum re significata, quæ si licet significat id futurum, quod re vera futurum est, Hinc Christus & Prophetæ multa prædixerunt, eaque

Taque definite : atque haec prædictiones idcirco verae erant & determinate, quod res futuras significarent, & plane cum iis convenienterat.

Prob. 1º Propositio de re præterita idcirco est vera, quod aliquando in præsenti tempore vera fuerit : Ergo & propositio de futuro jam est definite vera, si aliquando res sit futura : non enim minus verum fuit determinate cum Christus prædictis Judæ fore ut ab eo tradiceret, quam nunc verum est Christum à Juda traditum fuisse. Nam veritas propositionis præteritæ aut futuræ ex præsenti veritate pendet : tametsi rei futuræ veritas aut falsitas nobis est incognita. Sed Deus ipse novit quid futurum sit, cum omnia sint nuda & aperta oculis ejus.

Confirmatur. Verum est me nunc scribere : ergo heri verum erat me hodie scripturum : nam, ut diximus, veritas rei præteritæ, aut futuræ ex præsenti dependet.

Diluvuntur objectiones.

Opp. 1º Tum auctoritatem, tum rationem Aristotelis hoc in libro c. 8 qui postquam docuit, propositionum sibi contradicentium de re præsenti, aut præterita alteram esse veram, alteram falsam, negat diserte rem ita se habere in propositionibus de futuro contingentibus, *in quibus*, inquit, *licet necesse sit alteram esse veram, vel falsam, non tamen hanc vel illam distinet*. Rationem hanc affert, quod propositio veritatem suam desumat ab objecto, atque, ut ipse loquitur, ita se habeat; ut res: sed res ipsa est contingens & indifferens ut existat vel non; atque, ut idem loquitur, æqualis est ad utramque partem eventus: Ergo & propositio de futuro contingentius est indifferens ut sit vera vel falsa.

Resp. Quicquid sit de Aristotelis sententia, qui forte ut Ethnicus minus recte de præscientia Dei, quam nihil potest effugere, ut de illius libertate sensit; ut cunque tamen eum excusari posse, si dixerimus neutram propositionem de futuro contingentibus esse distincte veram quoad nos, C. quoad se, aut ratione divinae prævisionis, cuius lumen infinitum cuncta penetrat; N. ad rationem quam affert Aristoteles eodem modo responderi potest: sed cum in ea præcipuum sit adversariorum præsidium, minorem distinguimus. Res ipsa, aut objectum v.g. disputatio crastina non est hodie magis futura, quam non futura, & prorsus est indifferens ratione sue cause, nempe liberi arbitrii, ex quo illa pendet disputatio, C. ratione sui, iterum distingui potest: est indifferens absolute, C. Ex hypothesi quod sit futura, N. tum enim haec propositio, Petrus cras disputabit, est signum rei veræ, si Petrus cras sit disputatus.

Quod enim dicunt, tum demum eam propositionem fore veram, cum actu disputabit; hoc, inquam, nihil est: namquam enim vera esset illa propositio. Nam ubi res ipsa evenerit, jam non erit vera propositio Petrus cras disputabit; sed illa, Petrus disputat.

Opp. 2º Propositio determinate vera objectum habet determinatum: sed futurum contingens non est determinatum, cum sit contingens & eventus antiquitus: ergo, &c.

Resp. *Diff: maj.* Objectum propositionis determinate veræ est determinatum, si sit propositio de re præsenti, aut de re præterita, C. si sit de re futuri.

ra , N. Nam ut sit vera , satis est si ea sit aliquando determinanda , tum in se , quando existet , tum in sua causa , cum ea se se determinaverit. Interim tamen jam est definite futura , sicut à Deo cognoscitur , qui novit in quam se partem causa libera inflectet. Deinde objectum de futuro contingentí est determinatum pro tempore futuro , licet non sit determinatum pro tempore presenti : quæ est vulgaris responsio ; aut quod eodem recidit , objectum propositionis quæ est definite vera , est determinatum ratione temporis quod significat propositio non autem habita ratione alterius temporis.

Instant. Quod est contingenter futurum , non est certum & determinatum , alioquin esset necessario futurum.

Resp. Neg. ant. Aliud enim est aliiquid certo , aliud necessario esse futurum. Sic peccatum Antichristi certo & determinate , non necessario futurum est , nisi ex hypothesi quod peccare velit , non absolute.

Contra, inquies , absolute futura est voluntatis determinatio ad peccatum: Ergo illa necessitas non est tantum ex hypothesi , sed absoluta.

Resp. Absolute futuram esse voluntatis determinationem , sed non est futura necessitate absoluta : dicitur enim res absolute futura , cum non est mere possibilis , aut mere conditionata , qualis illa propositio , Antichristus resisteret tentationi , si velit : nunquam enim ponenda est illa conditio. Unde peccatum Antichristi absolute quidem futurum est , non necessarium , nisi ex hypothesi , quæ non antecedit , sed consequitur consensum voluntatis , neque adeo libertati obest ; eaque hypothesis consequens vocatur.

Instant. Futurum contingens non potest absolute futurum esse , nisi vi libertatis , quæ est indifferens : sed res fieri non potest determinate futura , vi illius quod est indeterminatum & indifferens: Ergo , &c.

Resp. Rem non fieri determinate futuram vi illius quod est indifferens passiva , ut aiunt , indifferentia , C. vi illius quod active est indifferens , & seipsum determinat , N.

Opp. 3º Si res esset determinate futura , id utique haberet vel ex se ipsa , vel ex sua causa ; non ex se ipsa : nondum enim res existit , atque ut ex se non habet quod sit , ita nec quod futura sit. Non ex causis , quæ nondum sunt determinatae , sed omnino indifferentes , ut agant vel non agant : ergo res nullo modo est determinata. Nisi forte ad voluntatem divinam , quæ omnium est prima causa , configuiamur : adeo ut Deus non prius videat res esse futuras , quam velit , aut decernat eas futuras , ut contendunt Thomistæ , qui ante decretum divinum nullam rem esse determinate futuram acerrime defendunt. Ut si quis , inquiunt , roget uter litigantium causam obtineat , id omnino definiti non potest , antequam Judices litem deciderint. Sic antequam supremus Judex decreverit , nihil est certo & determinate futurum : nam ex ejus voluntate pendet ut res sit futura , vel non futura. Multa in hanc sententiam aff. runt Thomistæ , que magis ad Theologiam pertinent , quam ad Logicam. Itaque ne extra prescriptos limites excurramus , uno verbo

Resp. Quæ à libero pendent arbitrio , sic à divina quoque voluntate suspen-
di , ut citra illam esse non possint : sed tamen voluntas nostra ita se ad agendum determinat , ut Deus concurrat , non præcurrat , ut suo loco ostende-
mus.

Cum autem quærent an res sit definite futura ex seipsa, an ex sua causa.

Resp. Rem in seipsa esse futuram comparate ad suam causam, seu ad voluntatem: ac simul pertendimus Deum non fugere, quam in partem causa sese determinet, cum divinæ scientiæ nihil occultum esse possit.

Sed, *inquit*, decretum Dei antecedit determinationem voluntatis creatæ, cum sit æternum, & causa rei futuræ.

Resp. Decretum divinum antecedere determinationem voluntatis existentem, non futuram.

Inflat. Voluntas seipsum non determinat, non enim est causa prima, sed secunda.

Resp. Voluntatem non esse primam causam, cum aliam agnoscat superiorē, que cum omnibus causis concurrit: sed hoc ipsum habet à Deo, quod seipsum determinare possit ad agendum. Ne illud quidem negamus primum liberum causam esse secundi liberi, seu voluntatis nostræ: nam libertatem ab eo accepimus: sed non propterea nos ad agendum applicat, & determinat.

Sed, *inquit*, effectus futurus eo modo videtur in causa, quo in illa continetur: Atqui in ea continetur non actu, sed potentia, cum causa semper maneat indifferens: Ergo in ipsa causa videri non potest actu & definite.

Resp. Causam semper esse indifferenter absolute, C. ex hypothesi quod sit determinanda, N. neque ex hac difficultate sese expediunt Thomistæ, cum ab iis requirimus, ubi Deus videat peccatum futurum: non enim id decrevit futurum: Ergo in causa secunda, aut potius, ut multis Thomistis videtur, in sua æternitate omnes eventus futuros intuetur.

Id enim nos fallit, quod Deo præscientiam, aut prævisionem tribuamus, quasi aliquid si Deo futurum: cum omnia illius conspectui sint præsentia, nihil sit futurum, nihil præteritum. Quare ut in Deo non est rerum præteritum memoria, ita nec expectatio, aut prævisio futurarum. Omnes temporis differentias æternitatem sua complectitur, quæ cum sit infinita & indivisa, tempus omne velut in uno æternitatis sua puncto colligit. Cum igitur prævisionem Deo, aut præscientiam tribuimus, vulgarem & rudem concipiendi, ac loquendi modum sequimur: cum Deus cuncta intueatur quatenus iis præsentiæ immutabili & æternâ coexistit. Nec, si proprio loqui volumus, quidquam prævidet, sed coram intuetur. Atque hinc quæ adversus conclusionem nostram aff. runt, facile dissolvemus.

Huc adde, Deum videre determinationem voluntatis futuram in seipsa: cum sit determinata pro tempore futuro, & intelligibilis in ordine ad suam causam. Non quod Deus quidquam cognoscat in creatura, tanquam in objecto primario & motivo: res enim creatæ movere non possunt Deum ad aliquid cognoscendum; sed id videre potest in re creatâ, ut in objecto terminativo, ut loquuntur, & secundario: quod enim est intellegibile & determinatam habet veritatem, id potest determinare divinam cognitionem.

Itaque veritas propositionis de futuro contingenti repetitur ex voluntate creatâ, quæ libere sese determinatura est, & ex decreto divino concurreret cum voluntate creatâ: ante decretum divinum est tantum vera conditionate, ut aiunt; post decretum est vera absolute. Veritas igitur absoluta pen-

det à Deo , quem voluntas libera & creata moraliter determinat.

Opp. 4^o. Nullum relinqu libertati nostræ locum , si propositiones de rebus futuris sint determinate veræ , & à Deo prævisæ . Nam scientia divina falli non potest , neque ejus voluntas frustrati aut impediri . Sic nihil contingens , nihil liberum futurum est.

Resp. Neg. antec. Non enim major libertati nostræ à prænotione divina ; quæ omnino rebus cognitis est externa , vis infectur , quam cognitionis nostra rebus ipsiis necessitatem imponat , cum eas præsentes intuemur : cum nihil sit Deo futurum , sed omnia ut præsentia intueatur . Quare , ut pulchre Boëtius libro 5. de Consolatione Philosophiae , sicut scientia , inquit , præsentium nihil his que fiunt , ita præscientia futurorum nihil his qua ventura sunt , necessitatis importat . *Vnde* , inquit , non prævidentia , sed prævidentia potius dicitur , quod porro ab rebus infinitis constituta , quasi ab excelsis rerum cacumine cuncta propiciat . Quid igitur postulas , ut idem Autor prosequitur , ut necessaria fiant , qua divino lumine lustrantur , cum ne homines quidem necessaria faciant esse , qua videant ? Num enim qua præsentia cernis , aliquam eis necessitatem tuus addit intuitus ?

Resp. 2^o. Quæ à Deo sunt prævisa , necessario eveniunt , *Difst.* Necessitate ex suppositione , quod sint prævisa , C. Necessitate absoluta , N. Quam solutionem eodem loco scite explicat Boëtius : *Due* sunt etenim necessitates , simplex una , veluti quod necesse est omnes homines esse mortales ; altera conditionis : ut si aliquem ambulare scias , cum ambulare necesse est . Quod enim quisque novit , id esse aliter ac notum est , nequit . Eodem igitur modo , inquit , si quid prævidentia præsens videt , id necesse est : tametsi nullam habeat naturæ necessitatem .

Itaque quod est contingens & liberum , semper ex sua natura est indefinitum , & eventus ancipitis : tametsi respectu cognitionis divinæ jam sit definitum & verum , ut eodem loco concludit Boëtius . *Cuncta* , inquit , despiciens divinus intuitus qualitatem rerum minime perturbat : apud se quidem præsentium ad conditionem vero temporis , futurarum .

Instant. Vel illud est in potestate nostra situm , ut quod est futurum , seu quod ita à Deo est prævistum , mutemus , vel non . Si prius dixeris , ergo præscientia divina falletur . Quod si Deo nec propositum mutare liceat , nec res aliter evenire possint atque à Deo sunt prævilexæ , jam omnia fatali necessitate evenient , nihil erit fortuitum , nihil liberum , ac frustra de rebus agendis consultamus , aut rebus nostris cavemus , cum cuncta sint definite vera , & mutari non possint . Nam ex aeternitate verum fuit fore ut ex hoc morbo convalescas , aut falsum : Itaque adhibere medicum nihil attinet .

Responsum jam fuit huic argumento (quod rete , ut ait Cicero lib. de fato , ignavum atque iners nominatum est , quod eadem ratione omnis è vita tollatur actio) necessitatem illam hypotheticam esse , non absolutam . Huc adde , quod Deus non solum prævideat actionem voluntatis nostræ futuram , sed etiam libere futuram esse : quanquam nihil est fortuitum , si res ipsa ad Dei scientiam comparetur . Nam , ut docet Boëtius , *hac divina prænorio naturam rerum , proprietatemque non mutat , taliaque apud se præsentia spectat , qualia in tempore olim futura provenient . Nec rerum judicia confundit , unoque*

Jus mentis intuitu tam necessario, quam non necessario ventura dignoscit.

Quod autem aiunt ex æterno verum fuisse, ut ex hoc morbo convalesceres, aut non; utique concedimus. Sed ita verum est, ut eventus ipse à tua voluntate pendeat: non enim solum prævidit Deus fore ut convalesceres, sed etiam quibus modis & remedii sanitatem recuperares. Neque inde concludi potest hanc propositionem esse æternæ veritatis: non enim est inter extrema illius necessaria connexio: quanquam ab æternos sit definite vera, sic tamen ut veritas illius propositionis à libertate tua pendeat, ut jam sæpe monuimus.

Ac nulla demum est necessitas, nisi ex suppositione, quæque consequens solet appellari: quod futuram nostræ libertatis determinationem supponat, non præcurrat, ut videtur Thomistis, qui ubique ad divinæ voluntatis decreta se recipiunt, ut explicent qua ratione Deus actus, qui ex libertate nostra profiscuntur, ab æterno prævideat: cum tamen Boëtius, & Veteres pene omnes eo non configuerint. Nam difficile iis visum est hæc divinæ voluntatis decreta, quæ futuram voluntatis nostræ determinationem antecedunt, cum ipsa libertate componere: ac difficilimum est explicatu, quomodo Deus in decretis suis peccata futura cognoscet. Verum ista alium locum postulant.

Interim illud admonebo hanc Thomistarum opinionem non multum abhortere à rigida Stoicorum sententia: quod enim Stoicis fatum erat, id fere est æternum Dei decretum. Imo Seneca ipse libro de Providentia, non aliud fati nomine intelligit quām divinam dispositionem: nec ita nos regi divino imperio statuit, quin nosmetipso quoque ad nutum voluntatis nostra moveamus; nec multum videtur alienus ab iis qui omnia ex divinis decretis suspendunt. Olim, inquit, *constitutum est, quid gaudeas, quid fleas.* Ille ipse rerum conditor ac rex scripsit quidem fati, sed sequitur. Melius Plato apud Plutarchum negat fatis omnia fieri; quanquam nihil non fatis, aut potius divina Providentia continetur. Nam pulchre fatum cum jure civili comparat, quidquid enim Lex complectitur, non est legitimum: sed id solum quod à Lege prescriptum est, hoc legitimum nominatur. Non dissimili ratione ea tantum fatalia aut necessaria dici debent, quibus causæ fatales & necessariæ sunt aptatæ: reliqua quidem fatis, seu potius divina providentia continentur, sed non sunt necessaria, aut fatalia.

Quod autem identidem regerunt, divinam scientiam falli non posse, aut mutari, quantumvis propositum mutemus, ex dictis solutum manet. Nam possumus mutare propositum: sed hoc ipsum divinam præscientiam non fugiet: sicut præsentis oculi, ut Boëtii exemplum rursus adhibeam, effugere non potes intuitum, quanvis te in varias actiones libera voluntate convertetis. *Manet,* inquit, *spectator desuper cunctorum præciosus Deus, visionisque ejus praesens semper eternitas cum nostrorum aetuum futura qualitate concurrit, bonis premia, malis supplicia dispensans.*

Illam porro Dei prænitionem nihil libertati nostræ officere satis apte hac similitudine explicat Ammonius. Globum in plano horizontali quiescentem supponit, cuius indifferentia ad motum aut quietem libertatis nostræ æquilibrium non male exhibet. At si plani inclinatio fiat, jam necessario movebitur. Sic postquam futura fuit voluntatis in alienam partem determinatio, fit quedam necessitas: sed ex suppositione tantum, quod seipsum hoc flexit,

aut futuram illam inclinationem Deus ab æterno præviderit. Cum autem ilius motus principium in nobis sit, quid est cur vereamur ne prænotio aliena necessitatis vinculo libertatem nostram constringat?

Inst. Facta hypothesi quod res sit futura, non manet in voluntate nostra indifferentia, ac necessitas illa erit absolute & inevitabilis; nec potest aliter evenire atque à Deo prævisum fuit. Nam præscientia Dei antecedit determinationem voluntatis nostræ: quod æternum est, prius est eo quod fit in tempore; nec quicquam prius æterno esse potest: neque quod est futurum, causa præscientiae divinæ esse potest: sed magis è converso præscientia Dei est causa rerum omnium quae futurae sunt. Multa in hanc rem congerunt, quibus una & eadem solutio adhiberi potest.

Resp. Itaque quod à Deo prævisum est, idem necessario evenire necessitate hypothetica, non absolute, cum præscientia presupponat determinationem voluntatis, non eam efficiat: est enim scientia speculativæ, non practicæ; saltem scientia visionis, qua Deus novit omnia quæ sunt, aut extitent, aut futura sunt. Nam scientia simplicis intelligentiæ qua Deus novit res omnes possibles, & modos omnes quibus possunt existere, est scientia practica, quatenus voluntatem divinam dirigit, ut concursum decernat, non ut res futuras & liberas prædefiniat: sic enim nullus relinquetur libertati locus.

Quare negamus necessitatem divinæ præscientiæ esse inevitabilem: cum ea non efficiat ut voluntas humana agat; nec tollit indifferentiam, cum supponat determinationem voluntatis nostræ libere futuram. Ac licet demum sit æterna, non est tamen prior natura, quam determinatio futura voluntatis creatæ, sed posterior. Prior quidem est existentiæ actuali determinationis, non futuræ: hæc enim juxta nostrum concipiendi modum antecedit scientiam visionis, licet posterior sit scientia simplicis intelligentiæ. Neque idcirco res futura est causa proprie dictæ præscientiæ divinæ: sed est conditio tantum requisita ut habeat rationem objecti.

Urgent. Posito possibili in actu, nihil hinc consequitur absurdum: ergo si possita præscientia divina Antichristus possit absolute non peccare, id supponere possimus Antichristum non peccatum, & ita Deus potest falli.

Resp. Nihil sequi absurdum, cum duæ hypotheses simul esse possunt: verum ea hypothesis, quod Deus præviderit Antichristum peccatum, simul esse non potest in sensu, ut loquuntur, composito cum præscientia divina: quamvis in sensu diviso semper potentia non peccandi maneat in Antichristo. Sensus est divisus, quando potentia cum actu opposito conjungitur: ut qui stat, semper potentiam habet ad sedendum; qui peccat, potest non peccare.

Contra, inquit, si Antichristus actu non peccaret, Deus actu falleretur: Ergo si possit absoluente non peccare, Deus absolute falli poterit.

Resp. Neg. conseq. Nam potest illa non reccandi est tantum in sensu diviso, non in sensu composito. Quod si Antichristus non peccaret, id quoque Deus prævidisset.

Resp. 2 Scientiam Dei non esse rerum futurarum, sed sibi presentium. Nam, ut loquitur Boëtius, *omnem temporis upergressa notionem, in sua manet simpliciter, presentia, infinitaque preteriti ac futuri spatia complectitur.* Nec Thomistæ difficultatem ipsam effugient: nam vicissim ab iis requirimus, ubi

Deus videat fore ut voluntas in malum actum , cuius generis est mendacium , sese inflectat.

Itaque objectum propositionis de futuro contingentem jam est determinatum pro tempore futuro ; in se , inquam , est determinatum & relative ad voluntatem creatam , quæ revera sese est determinatura. Neque ea determinatio ejus libertati obest : nam seipsum libere determinabit. Verum ista in Theologia ipsius abdita & inaccessa loca longius nos evehunt.

Nunc ad ea quæ magis sunt Logicæ propria veniendum , ac subinde nobis illud videtur discutiendum , an omnis propositio sit vera vel falsa.

ARTICULUS III.

Utrum omnis propositio sit vera aut falsa.

OMNEM propositionem veram esse aut falsam , ex iis quæ probata sunt , facile colligitur. Nam veritas propositionis nihil aliud est quam convenientia inter propositionem & rem significatam. Sed omnis propositio aliquid enunciat , quod rei convenit , tuncque est vera ; aut quod rei non est conforme , tuncque est falsa. Ergo omnis propositio vera est , aut falsa.

Confirmatur. Si quæ sint propositiones nec veræ nec falsæ , illæ erunt potissimum quæ de rebus futuris & contingentibus formantur. Sed jam ostensum est eas esse veras aut falsas : veræ enim sunt quæ affirmant quod est , aut quod fuit , aut quod futurum est : secus falsæ. Ergo propositio omnis quæ aliquid significat , vera est aut falsa.

Solvuntur objectiones.

Opp. 1º Eas propositiones quæ dicuntur practicæ , quæ scilicet id efficiunt quod significant , cuiusmodi sunt sacramentales , nec veras esse nec falsas : non enim sunt veræ , quia nullum presupponunt objectum : non item sunt falsæ , quia efficiunt objectum suum. Ergo omnis propositio non est vera , aut falsa.

Resp. Neg. anteced. Quamvis enim hujus generis propositiones non presupponant suum objectum , tamen id ponunt , & id efficiunt quod affirment. Itaque eo temporis momento quo ultima syllaba pronunciatur , veritatem suam consequuntur , & cum re significata congruunt.

Alii respondent eas propositiones esse practicæ & moraliter veras , non speculative , cum priores sint suis objectis. Hinc propositiones sacramentales vi sua significationis , non vi sua veritatis effectus suos procreant : nam in iis significatio prior est veritate. Hæc quippe presupponit objectum , significatio facit. Verum ista subtilius discutiunt Theologi : nobis satis fuerit exposuisse quæ ratione illæ propositiones sint veræ moraliter & practicæ , tametsi nondum sunt veræ speculative , quatenus spectantur ut priores suo effectu. Sic illa propositio , *Ego te baptizo* , vera est , ut objectum suum ponit , non ut illud presupponit ; ac diverso respectu prior est suo objecto & posterior : prior est ratione significationis ; posterior ratione veritatis quam habet ab objecto.

Opp. 2º Propositiones illas , quæ falsificæ & insolubiles nominantur , nec

veras esse , nec falsis : nam sunt ejusmodi , ut ex eorum veritate falsitas consequatur , & vicissim . Unum item & alterum proferamus exemplum . Quod si repente dixerim , *mentior* , cum ante nulla verba fecerim , aut vera est illa propositio , tumque simul & falsa futura est : non enim *mentior* , cum verum dicam . Si falsa est , tum simul est vera : nam verum erit me mentiri .

Aliud exemplum afferunt , de homine cui pontis custodia fuit ea lege demandata , ut eos omnes & solos qui falsum dixerint , in flumen conjiciat . Occurrit aliquis qui custodem sic alloquitur ; Tu me in flumen præcipitem dabis . Si falsum dicit , erit projiciendus : quod si sit , verum dixerat , neque eum præcipitatum oportuit .

His & aliis quæ afferri solent non magni utique momenti , uno verbo respondemus , eas propositiones vel aliquid significare , tumque sunt veræ , aut falsæ , tamen si nemo definite potest , utrum veræ sint , an falsæ ; vel si nihil significant , ut probabilius nobis videtur , cum nullum præsupponant objectum , non sunt propositiones logicae , quæ scilicet sine rerum aliquarum signa , sed Grammaticæ duntaxat , quæ syllabis & diætionibus constant .

Respondent alii hujus generis propositiones esse speculative falsas , cum nullum habeant objectum , neque id præsupponant , sed practice esse veras , quatenus faciunt id quod dicunt : Huc adde propositionem non ratione sui ipsius , sed cum objecto ab ipsa propositione diverso conferri & spectari oportere , ut vera sit aut falsa : nec sui ipsius objectum esse potest : qualis est illa *ego mentoir* , in eo qui nondum locutus est . Aut si tres homines in id converserint , ut omnes mentiantur , cumque duo priores antè falsum aliquid dixerint , tertius cum nihil antè dixisset , hanc efficiat propositionem . Nos omnes mentiti sumus .

Opponunt 3° . Veritas & falsitas non sunt de essentia propositionis , sed accidentia quædam communia , quæ adesse possunt & abesse citra ullam propositionis mutationem : nam , ut supra diximus , eadem propositione , v. g. Petrus sedet , vera est eo sedente , falsa cum surrexerit . Hæc propositione , Christus morietur , vera fuit tempore Legis Mosaicæ : jam non est vera , cum Christus non sit moriturus . Ergo nihil necesse est ut propositione omnis sit vera vel falsa .

Resp. Concesso antecedente , neg . conseq . Nam licet propositione omnis in materia contingentia , non item in materia necessaria ex vera fieri possit falsa , cum veritas illius in relatione ad objectum consistat : tamen vel convenient cum objecto , tumque est vera ; vel dissentit , tumque est falsa .

Q U A E S T I O III.

De præcipiis iudicij defectib[us] & erroribus.

EX iis quæ diximus , qui sint præcipui in iudiciis nostris errorum fontes ; colligi utcunque potest : nam omnes pene ex perceptionum confusione , & obscuritate dimanant . Sed cum ea res sit permagni , si quæ alia , momenti , non erit alienum ab instituto , si in ea pertristanda paulum diutius immotetur .

1° . Omnis pene iudiciorum perversitas ex præcipitatione , & præjudiciis oritur .

oritur. Præcipitatio, ut satis apte à viro doctissimo definitur, est inconsideratum de re ignota judicium. Cum scilicet mens impetu quodam, aut perturbatione abrepta rem ut par est, non considerat. Hinc in ideis confusio, quam judicij error consequitur. Hinc Sapiens, Proverb. 19. *qui festinus est pedibus, offendit.* Nec sane fieri potest, ut recte judicem attributum subiecto alicui convenire, si utrumque, vel alterutrum confusa tantum & obscura cognitione mihi innotescat; si rem ipsam non attento animo, & citra omnem deliberationem perpendam.

Obscura est cognitione, cum res neque perfecte cognoscitur, ut ea quæ per se sunt evidētia, neque omnino est incognita: est enim partim lunine perfusa, partim tenebris involuta. Est autem confusa cognitione, cum perceptio aliarum idearum permissione turbatur. Quæ confusio ex coniunctione mentis cum corpore oritur. Nam pluribus simul informata cogitationibus confusam plerumque ideam effingit: uti à viro doctissimo nuper observatum video.

Unum est huic morbo, qui tam late gravatur, remedium, ut sustineamus assensum, dum rem ex omni velut parte contemplati, quasi ipsa veritatis vox coacti assentiamur: cum scilicet rei evidētia persuasi tandem acquiescimus. Quod quidem in demonstrationibus Mathematicis potissimum cernimus: tum enim recte rationis usus est legitimus, cum ex dubiis certa facit, non quando de rebus certis ambigit.

Quamobrem assensus cum ideis nostris, aut perceptionibus ita librandus est, ut de re quam clare percepimus, firmum & stabile; de re confuse percepta timidum judicium proferamus. Quod in rebus, quæ meræ sunt contemplationis maxime tenendum est. Nam in iis, quæ ad vitam spectant, ita morosi & anxii esse non debemus, ut nihil agendum arbitremur, quod non clare à nobis & distincte perceptum fuerit. In his quippe rebus quod loco, tempori, personis magis convenire judicamus, id omnino facere necesse est, nec semper id quod verum est, sed quod est verisimillimum sequi: non enim fluxit, & præcipites occasiones nos sinunt ira quæque circumspetto judicio expendere. Sed in rerum contemplatione nihil est quod nos cogat nostra præcipitate judicia; & quantum fieri potest, ultra rei perceptionem assensio non est promovenda: cumque nihil clare & distincte percipimus, judicium est omnino prohibendum. Nec tamen res continuo neganda est, quod eam complecti animo non possimus; neque etiam res manifesta idcirco in dubium est revocanda, quod quædam habeat adjuncta, quæ intellectu non assequuntur: quod in rebus divinis potissimum observandum. Itaque intuendum est ubi claras & liquidas perceptiones exigere; quando judicium suspendere, aut constanter affirmare oporteat.

Et quidem in rebus quæ ad fidem pertinent, evidētia minime querenda est: cunctæ enim divinæ autoritati sunt tribuenda, idque rectæ rationi est maxime consonum. Sic in rebus quæ ad Historiam spectant, aut quæ sunt facti, frustra querimus demonstrationes: certitudine, aut evidētia morali contenti esse debemus. Imo nec in contemplatione ipsa naturæ semper geometricæ demonstrationes sunt exigenda. Multum enim in his tribuendum est verisimilitudini, præsertim cum ea est multiplex & varia. Nam sepe tot concurrunt ratios non quidem cogentes, aut demonstrativæ, sed probabiles tantum, quæ

licet non persuadeant, tamen turba valent, & simul sumptæ demonstrationis pene vim habent. Maxime cum verisimilitudo non sola sensuum impressione nittitur, quæ allenus nostrum extorqueat magis ex affectu quodam & propensione naturali, quam ex rei ipsius evidētia. Sed ubi verisimilitudo quādam præ se fert veritatis imaginem, ea non est contemnenda. Quanquam omnino assentiri non debemus, dum rem acri & attento animo simus contemplati: adeo ut animus ad assentiendum quodam sensu intimo, & quasi naturæ ipsius voce compellatur; ac ratione sua, aut libertate male usurum se sentiat, nisi rei, quam plane & ex omni parte conspexit, assentietur. Et certe cum plures locis dissidi, qui que inter se convenire non potuerunt, rem eandem narrant cum omnibus circumstantiis, tum magnum est veritatis argumentum. Cumque id in observationibus physicis, aut mathematicis accidit, tum instar veritatis primæ id factum habendum est: fieri enim non potest, quin res ita ut narratur, ab iis non fuerit observata.

2º Ac de precipitatione quidem hactenus: nunc de præjudiciis, unde tanta in judiciis nostris ortur perversitas, fusus esset differendum, nisi de iis jam multa à nobis identidem dicta essent, & explicata. Præjudicium hoc loco dicimus anticipatum quoddam judicium ex sensuum impressione ortum. Hoc utilique judicium eò fortius est, quod ab ineunte ætate adoleverit. Nos enim ante plenum rationis usum infiniti pene judicia omnino inconsulta fecimus, eaque cum ætate aucta sunt magis & firmata, quam emendata; adeo ut jam velut communes quædam notiones ab ipsa natura haustæ, longo usu & consuetudine comprobatae habeantur, quibus obsistere nefas esse credimus. Hinc adeo factum est, ut quæ animus toti judicis repetitis judicavit, iis majori pertinacia adhaerescat.

Et quidem anticipations ab ipsa natura congenitæ, qualis est intelligentia principiorum, adeo veritati non obsunt, ut nihil magis profer. *Quis enim, inquit Velleius apud Tullium, non habet sine doctrina anticipationem quandam decorum?* Atque ut mens primis assentiatut principiis, rationem nullam reddere compellitur: sensu enim quodam intimo ea percipimus. Sed infantiae præjudicia, & anticipations illæ quæ à sensuum informatione quadam fluxere, plerumque nos in errorem inducunt: non quod sensus fallant per se, sed occasionem erroris præbent, ut sèpe ostendimus.

Nos enim circa res corporeas occupati, & sensuum præjudiciis delusi vix mentem ad res incorporeas attollimus; ac ne illa quidem esse corpora judicamus, quæ sensus nostros non movent. Quin & educatio, consuetudo, societas cum aliis hominibus, authoritas eorum quos colimus, consensus hominum, ipsa denique vocabula quæ in usu versantur, quæque vulgus imperitum sèpe indidit, augent præjudicia nostra, quibus omnia ad usum corporis magis, quam ad rerum contemplationem referuntur. Neque aliud huic morbo, qui omnes pene disciplinas, & totam vitæ rationem conturbat, remedium adhiberi potest, quam ut ejusmodi anticipations ex sensibus profectas ad novum examen revocemus; atque eas tantum comprobemus, quæ nihil habent dubitationis: quæque ex rebus clare perceptis manant, constanter retineantur, reliquæ non tam confidenter affirmantur. Nam ut ait Sapiens, qui quod novit loquitur, iudex iustitiae est.

Sic authoritati hominum , cum de natura rerum queritur , non plus tribuendum est , quām recta ratio postulat . Nemo nisi cæcus sit , alienis oculis nititur , sed suis . Cur igitur in veritatis indagatione rationem nostram , quæ est mentis oculus , non adhibemus potius , quām horūnum testimonia ? Neque idcirco res vera est , quia vetus est aut nova : nec mirum si mundo senescente multa ante incognita detegantur . Nam à senibus qui plurima quotidie experuntur , maturius judicium , ac major scientia est expectanda .

3º Est aliud animi vitium , ex quo prava judicia plerumque nascuntur , quod affirmationibus magis , quām negationibus moveatur , cum æquum se utrisque præbere debeat . Hinc Astrologiæ vanitas ortum duxit . Nam quos Astrologiæ , aut ex somniis divinatio delestat , ii diligenter observant eventus , si qui fortè con-tigerint : sed ubi fallunt , quod sèpius accidit , ne attendunt quidem .

4º Hæc utique virtus menti potissimum , seu intellectui insunt : verū sunt aliqua quæ ex ipsa voluntate ducuntur . Nam judicium pene omne à libertate nostra proficiscitur : hæc est quæ mentem determinat , cùm tanta non est rei evidētia , quæ nos assentiri compellat . Sèpe autem evenit ut voluntas ipsa , vel affectus assensum extorqueat , non clara & distincta rei perceptio im-petret . Rem veram esse decernimus , quòd nos delectet : quodque scemel nobis probatum fuit , aut à nobis creditum , vix rejicimus . Nec finem eum nobis proponimus , qui ad recte de rebus judicandum requiritur . Sed alii consue-tudine , ali contradicendi libidine , aut contentionis studio abripiuntur . Alii susceptram opinionem pertinaciter defendunt , ne levitatis , aut inconstantia acculerentur . Ac plerumque rem ita esse judicamus , quod nostra intersit , ut res hoc modo se habeat ; ac veritatem utilitate nostra metimur .

Huc etiam accedit inconstans & irrequieta motio voluntatis , que mentis aciem alio deflecat , neque eam sinit diutius in rei alicujus contemplatione de-figi ; idque præsertim si res sit à sensibus remota , aut abstracta , quæque illâ delectatione quam ubique voluntas querit , omnino destituatur . Atque hæc virtus satis fuerit indicasse , ut ab iis caveamus .

5º Quò rem tam late fusam , & pene infinitam paucis complectamur : non sensus modò nostri , imaginatio , mens ipsa , voluntas , affectus , & animi per-turbationes in varios errores nos inducunt : sed in rebus ipsis tanta persepe est obscuritas , ut quod clarum est & apertum , ab eo quod est obscurum , op-primatur ; nec mens nisi studio & labore subacta clarum ab obscuro , verum à falso valeat fecernere : cumque aciores distinctiones , ut molesta fugiat , omnia pene confundit . Atque in iis , quæ passim occurunt , ea regula tenenda est , ut ex iis quæ certa sunt , & manifesta , quæ videntur incerta potius col.igat , quām ut ex obscuris & incertis , quæ sunt apertissima conveyllat . Nam ratione est maxime consentaneum , à veritate manifesta non discedere , quod cum eâ multa sint conjuncta , quæ vix assequi possumus . Hæc utique multis exemplis illustrari possent , quæ in decursu hujus operis facile intelligentur .



COMMENTARI
IN QUATUOR ARISTOTELIS LIBROS
ANALYTICORUM,
S E U
LOGICÆ PARS TERTIA.
P R A E F A T I O.

ARISTOTELES pene totus est in iis explicandis, quæ ad tertiam mentis operationem pertinent: nam de perceptione simplici, & iudicio, aut potius de terminis & propositionibus perpaucis in libro de Interpretatione tradidit. Artificium omne logicum, ac præcipuum sciendi instrumentum, nempe argumentationem, & maxime syllogismum libris quatuordecim exposuit: in quibus incredibilem ingenii vim & acumen merito omnes admirantur. Ex quatuor Analyticis duos priores syllogismi, posteriores demonstrationis explicationi dedit: de syllogismo probabili octo libros Topicorum conscripsit: postremo Sophistarum cavillationes duobus libris complexus est.

Analyticos seu de Resolutione quatuor, ut diximus, Libros inscripsit, quod in iis artem resolvenda argumentationis in sua principia potissimum edoceat. Quamvis enim synthesim, seu compositionem syllogismi, atque illius constructionem in iis Libris explicit: quod tamen difficillimum est, qua ratione syllogismus resolvi in suas partes possit, fuse & accurate tradit. Nam imperitus quisque & syllogismum & demonstrationem efficit: at nemo nisi idem peritus syllogismum potest retexere, & ad principia artis expendere.

Cum autem sit duplex syllogismi analysis vel resolutio, una quæ ad formam, altera quæ ad materiam pertinet; duo priores Libri artificiosem syllogismi formam resolvunt; posteriores perfecti syllogismi, nempe demonstrativi materiam considerant: in illis ipsa illatio, vel consequentia; in his consequentis necessitas potissimum spectatur.

Quæ ad formam syllogismi pertinent, si quasdam controversias exceperis; satis commode in Compendio exposuimus. Non dissimili ratione quæ ad Topicam aut ad locos communes, unde syllogismi probabiles, & argumenta eruuntur, quantum res ipsa postulabat, eodem in loco complexi sumus. Quare id potissimum restat, ut de demonstratione & scientia, quæ illius est effectus, paulo accuratiore stylo differamus. Duplex itaque futura est hujus Tractatus disputatio. In priore, quæ ad demonstrationem spectant, exequemur; in posteriore, de scientiæ quam parit demonstratio, naturâ & unitate dicemus.

DISPUTATIO PRIOR.

De Demonstratione.

CUm demonstratio sit syllogismus omni ex parte perfectus , priusquam de illius natura , distinctione & affectionibus pertractemus , per pauca de syllogismi natura sunt ante dicenda , quæ in Compendio non sunt explicata , quod in controversiam venire soleant.

QUÆSTIO PRIMA.

De syllogismi natura.

SYlogismus est argumentatio quædam ; hæc verò est oratio logica , seu instrumentum quoddam sciendi , quod scilicet eam vim habet , ut veritatem manifestet , & quasi in lucem proferat , dum rem ignotam per notiorem explicat. Triplex autem , vel ut alii placet , quadruplex est instrumentum sciendi , definitio nempe quæ rei naturam ; divisio quæ partes ; argumentatio quæ proprietates declarat. Quibus si libuerit , adde methodum , quæ omnia quæ in disciplina aliqua tractantur , in certum ordinem digerit.

Argumentatio , ut definit Tullius , est argumenti ipsius explicatio : sic enim argumentum , seu medium unum cum questione proposta complectitur , ut questio ipsa ex argumento inferatur. Et quidem , ut alio loco monuimus , nihil est facilius quam questionem invenire : sed argumentum ipsum , seu res non dubia , aut certe probabilis , ex qua id quod dubium est , aut minus probabile eruatur , non eadem facilitate occurrit.

Cum igitur non plana est & evidens in propositione aliqua attributi cum subjecto societas , tum ea propositio dici solet questione ; tuncque ideam quandam , aut terminum inquirimus , in quo subjectum & attributum convenient , qui medius terminus , aut argumentum vocatur. Unde & argumentationis nomen defluit , quæ vel syllogismo continetur , vel ad eum referri potest.

Est igitur syllogismus oratio logica ex tribus propositionibus composita , in qua præmissis concessis conclusionem sequi necesse est. Quæ quidem necessitas dicitur consequentia , quod à forma ipsa syllogistica , & ex connexione conclusionis cum præmissis oriatur : necessitas vero consequentis ex ipsa materia syllogismi dicitur , atque ad demonstrationem proprie pertinet. Verum hinc multiplex oritur questione.

Primum enim queritur an conclusio sit tota ipsius syllogismi essentia , an pars illius ?

Resp. Conclusionem esse totam syllogismi essentiam , si formaliter , ut aiunt , & pro tercia mentis operatione accipiatur. Nam ut ostendimus judicium non esse compositum ex multiplici idea , sed qualitatem esse simplicem quæ illas ideas præsupponit & connectit : ita & de ipso discurso sentiendum est , qui non ex variis judiciis constatur , sed in judicio illativo consistit , seu in ipsa conclusione , ut exprimi solet per particulam illativam , ergo , aut aliam huic similem. Quæque tunc argumenta attulimus , hunc in locum congeri possunt. Eadem quippe est discursus ad judicium , quæ judicij ad simplicem perceptionem ratio.

Itaque tertia mentis operatio est composita , ut aiunt , præsuppositive ; nam primam & secundam operationem præsupponit : non formaliter & intrinsece . Est enim simplex actus , quo unum ex alio , aut ex pluribus colligitur .

Cum igitur , ut sèpe diximus , rem nude & simpliciter percipimus , tum prima dicitur mentis operatio : sed ubi unum cum altero conferimus , tum fit secunda mentis actio ; dummodo mens aliquid affirmet aut neget : ut si dixerim , bis quatuor esse octo : tum enim percipio habitudinem quæ inter extrema propositionis , aut distinctas ideas intercedit . Sed ubi non solam relationem quæ inter res ipsas , qualis est inter bis quatuor & octo , sed relationum , ut ita dicam , relationem vel habitudinem mens percipit , tum dicitur ratiocinari : ut cum judicavit octonarium minorem esse denario , & bis quatuor æquari octonario , statim concludit , & percipit bis quatuor esse minora decem . Cumque mens iis quæ percipit , assentitur , tum judicat , aut concludit ; quod forte citra voluntatem non efficitur : illius enim est decernere , an in rebus perceptis sit acquiescendum , necne .

Quocirca in omni discursu , ut ab aliis recte observatur , tria sunt judicia ; primum est antecedens , quo mens assensum , aut dissensum præbet propositioni , ex qua alia infertur .

2' Est judicium consequentis , quo mens assensum , aut dissensum præbet propositioni quæ ex alia infertur .

Tertium est judicium consequentiæ , quo mens judicat aptam esse connexionem inter antecedens & consequens . Ratiocinium , aut discursus , positum est in judicio consequentis : In hoc enim ab aliis functionibus mentis , quæ non sunt discursivæ , primo seceruntur . Cumque cognitione consequentis pendeat à cognitione antecedentis , eamque supponat , palam est discursum ad Deum non pertinere : cùm uno & eodem actu omnia cognoscatur .

Quod si itaque pro ipsa ratiocinatione syllogismum accipiamus , illius natura in sola conclusione versatur , quæ est judicium ex aliis judiciis deducendum aut illarum . At si syllogismi nomine intelligimus orationem quæ ex præmissis & conclusione constat , non dubium est quin conclusio illius pars habenda sit : cum syllogismus sit argumentationis species , argumentatio verò sit oratio in qua una propositio ex una vel pluribus infertur .

Postremo si accipiatur syllogismus ut instrumentum sciendi , quo in cognitionem conclusionis ducimur , palam est conclusionem non esse syllogismi partem , sed effectum . Nullus autem effectus ad causam suam effectricem , ut pars aliqua pertinet . Sic igitur conclusio est essentia syllogismi formaliter sumpti , quatenus est tertia mentis operatio . Est etiam pars integralis syllogismo contenta : est denique effectus . non pars syllogismi , ut est oratio quedam logica , seu veri manifestatrix : quæ scilicet nos in rei ignotæ , per aliam notiorem , dicit cognitionem .

Verum hinc alia quoque oritur quæstio , an mens libere aut necessitate quædam conclusioni assentiatur , adeo ut dubitare non possit quin vera sit conclusio : quod utique necessitatem specificationis nominant ; nec suspendere etiam assensum queat : quod necessitatem exercitii vocant , cum scilicet ad agendum hic & nunc voluntas compellitur .

Resp. Oinnem quidem assensum esse voluntarium ; nullum quippe est judicium

citra voluntatis consensum : sed cum res adeo est evidens , ut nullus sit dubitatio nis locus : et si assensus est voluntarius , tamen non est liber , aut indiferens . Cum itaque conclusio ex præmissis rite deducitur , ipsi consequentia non assentiri non possumus , nec animus assensum suum cohibere potest .

Prob. Ut voluntas in bonum , sic intellectus in verum nititur . Sed voluntas odisse bonum , aut amare malum quæ malum non potest . Ergo intellectus veritati cognitæ & concessæ assensum suum denegare non potest .

Opp. Assensus omnis ex voluntate nostra pendet , quæ intellectum determinat : unde error nobis imputatur ; cumque judicamus temere & inconsulte , in culpa sumus , & pœnam meremur . Sed voluntas cum sit libera , potest assensum cohibere , ut inchoatum judicium potest interrumpere . Ergo assensus conclusionis non est necessarius .

Resp. Dist. min. Potest voluntas assensum suspendere , priusquam præmissas admittat , C. admissis præmissis , N. tum enim voluntarie quidem , sed non libere assentimur . Quod autem aiunt , inchoatum judicium interrumpi posse ; id utique concedimus , dum præmissatum assensus cohibetur , aut interrumpitur : at si ab assensu præmissatum non cessemus , judicium circa conclusionem suspendere non possumus .

Hoc etiam loco de quarta Galeni figura plerique fusi s disputatione , sed frustra , cum nihil sit præter primam figuram inversam .

Sed , *inquires* , ille syllogismus quartæ figuræ recte concludit .

Omnis homo est animal ;
Omne animal est vivens ;
Ergo omnis homo est vivens .

Resp. Hunc syllogismum proprie ad primam pertinere figuram : nam quæ videtur major propositio , revera est minor , cum minus extremum cum medio conjunctum habeat : ut quæ secundo loco ponitur propositio , est major ; nam majus extremum ea continet . Solâ igitur propositionum transpositione hæc quarta Galeni figura à prima diversa est . Quod si invertas extremos terminos conclusionis , & sic concludas ; ergo aliquod vivens est homo . Tum fieri syllogismus indirectus , qui præter expectationem concludet .

Q U Ä S T I O I I .

De natura Demonstrationis.

CUm demonstratio sit præcipuum sciendi instrumentum , quatenus parit scientiam , de illa paulo uberiùs dicendum est : ac primum quæ sit illius natura , deinde quot illius partes , tum illius proprietates , tandem de medio demonstrationis agendum . Cum autem Aristoteles ab hoc ordiatur axiome , *Omnis doctrina , omnisque disciplina dianoëtica , seu intellectualis ex antecedente fit cognitione* , hinc occasionem atripiunt Philosophi multa de iis quæ sunt ante cognoscenda , disputandi .

LOGICA
ARTICULUS PRIMUS.

De præcognitis.

TRIPLEM solent in universum præcognitionem distingue. Prima ad sensus pertinet, eaque vulgo præparans nominatur. Secunda est cognitio terminorum ex quibus quæstio ipsa componitur, quæ dirigens vocitatur; eaque cognitio ad simplicem perceptionem pertinet, ex qua judicium, imo & ratio-
cinationis omnis pendet. Hæc præcognitione influens dicitur, quod ex præmissis eruat conclusio.

Tria autem sunt quæ præcognosci debent antequam conclusio ipsa inferatur: subiectum, prædicatum seu attributum, & antecedens seu præmissæ. De subiecto & prædicato nosse debemus quid utriusque nomen significet; quod subiectum existat, aut saltem possit existere: non enim rei impossibilis proprietates inquirimus. Quod autem attributum, seu proprietas existat, non necessitate est præcognoscere: sed illud demonstrare nobis incumbit. De antecedente, seu præmissis illud cognoscendum, quod utraque sit vera: nam existentia propositionis est illius veritas.

Hæc utique sunt præcognita ad demonstrationem requiæta, si illius materiæ duntaxat rationem habeamus. Nam quæ ad illius formam pertinent, superiùs sunt explicata: hoc vero loco quæ ad materiam demonstrationis spectant, quæque immediate ad assensum conclusionis requiruntur, strictum cum vulgo Philosophorum decurrimus. Quanquam illud fateri cogimur rem dignam esse quæ paulo accuratiùs pertractetur: cum vis omnis demonstrationum & scientiarum cuiusque in præcognitionis posita sit. Res itaque paulo ab altiore principio est repetenda.

Cum omnis demonstratio eò tendat, ut ex dubia quæstione fiat certa conclusio, ante omnia quæstio ipsa expendi debet: nam si forte tanta sit quæstionis proposita evidenter, ut vix ulla major esse possit, ac nexus predicati cum subiecto luceat per se, frustra conquirimus argumenta, quibus res satis perspicua obscurentur potius, quam illustretur. Quod si, ut plerumque accidit, quæstio ipsa est ejusmodi, ut probari possit & debeat, primum intueri oportet quod sit quæstionis subiectum, quod attributum. Hinc enim vanæ concertationes oriuntur, quod res ipsa de qua agitur, non satis sit perspecta, neque uno modo accipiatur. Hinc voces sunt antè definiendæ, idque maxime cum eadem vox plura significat; aut cum de rebus à sensu remotis agitur. Unde Mathematici, quibus major est demonstrationum cura, quique circa res intellectuales occupantur, voces omnes, aut terminos quibus utuntur, antè definiti, oculis pene subjiciunt, ac nullam in iis ambiguitatem relinquunt. Deinde quædam axiomata lucida per se, aut principia ex quibus fluunt, quædeinceps sunt demonstratur, præmituntur. Postremo conclusiones vel ex definitionibus, quæ in contentionem venire non possunt, cum sint quædam duntaxat vocum explicationes; vel ex iis principiis lumine naturali notis, vel ex aliis jam probatis demonstrant conclusionibus, quæ vim principiorum jam obtinent.

Itaque hæc sunt in omni demonstratione præcogniti, vocum definitiones, quæ ex notis terminis, aut jam explicatis constare debent, ut ideas quas his terminis

P A R S T E R T I A.

193

Terminis significare volumus, distincte & clare designant: secus alias his vocibus ideas subjiciemus, & in varias ambiguitates incurremus: quod in omni scientia cavendum est maxime. Accurata autem rei definitio, quæ sit illius natura; quod genus, quæ qualitas illius essentialis, seu differentia, non est quid prærequisitum, aut præcognitum, sed fructus multiplicis demonstrationis.

Axiomata quoque ea debent esse præcognita, quorum veritas ita est clara, ut mediocriter attendenti connexio attributi cum subjecto sit manifesta. Nam quæ clara sunt per se, probari non debent: majorem quippe habent evidenciam, quamquam quæ à demonstratione duci possit. Nec vicissim tanquam principia sunt supponenda, quæ demonstratione egent. Evidentia autem omnis, ut in Metaphysica ostendemus, in distincta terminorum perceptione posita est. Non enim de rebus aliter judicare possumus, quam secundum ideas quæ menti nostræ insunt. Itaque axiomata sunt demonstrationibus præmunienda. Explicatio ne quandoque egent, non probatione: nisi forte societas attributi cum subjecto mediocriter attendenti non sit manifesta: tum enim idea aliqua quaerenda est utrius cognata, quæ hanc societatem ostendat.

Est tertium quoddam præcognitorum genus, quo persæpe utuntur Mathematici: cum scilicet propositio satis habet evidenter ut statim percipiatur & concedatur: quamvis absolute negari possit; nec facile per aliquid evidenter probari queat. Id vocant postulatum: quod præcipue adhibent, cum res aliqua est facienda, idque ad problematum constructionem est necessarium. Sic Euclides id postulat, ut sibi liceat ab uno puncto ad aliud rectam lineam ducere; aut circulum dato puncto ad quamlibet extensionem describere. Hæc utique pertinax aliquis negare posset: cum recta linea, aut perfectus circulus fieri vix possit. Sed satis est Geometræ si rectam lineam, aut circulum ab omni materia præscindat, sive perfectam utriusque ideam sibi exhibeat. Quare hujusmodi postulata & pauca & necessitate quadam coæcti præmitunt Geometræ: cum ea aut nullo modo, aut non nisi per longas & difficiles ambages demonstrari queunt, & ad sequentes demonstrationes sunt omnino necessaria: eaque medium quasi inter axiomata & conclusiones probatas tenent locum.

A R T I C U L U S I I .

Quid sit Demonstratio.

DUplicem demonstrationis definitionem afferit hoc in loco Philosophus: prima est per effectum. *Demonstratio*, inquit, *est syllogismus pars scientiam*. Effectus quippe demonstrationis est scientia: ut error est effectus syllogismi Sophistici, & opinio effectus syllogismi Topici. Cum enim, ut alibi diximus, quæ affertur ratio, negligenter attendenti vera aut evidens apparet, tum error dicitur, aut falsa persuasio quæ veritate destituitur. Cum autem ratio ipsa tenuis est & popularis, & cum dubitatione conjuncta, tum opinio appellatur. Sed ubi conclusio certa est ratione subnixa; ac præmissæ mentem omnino ad assentiendum determinant, idque ex attentione ipsa, & accurata rei consideratione, ex stabili persuasione, & perceptionum ac judiciorum evidencia palam fit, tum conclusionis cognitio scientiæ nomen sibi vindicat.

Itaque præmissæ scientiam ingenerant causæ effectricis, aut potius objecti-

Tom. I.

Bb

va titulo : quatenus mentem ad assentendum omnino determinant. Sed ipsa demonstratio , ut ratiocinatio perfectissima , aut tertia mentis operatio , est scientia formaliter sumpta , ut postea dicturi sumus : adeo ut scientia hoc modo sumptu sit formalis effectus demonstrationis.

Alt̄a definitio quam affert Aristoteles ex variis constat conditionibus , quas ad exquisitam demonstrationem exigit. Eſt, inquit, *syllogismus constans ex veris, primis & immediatis, notioribus & prioribus, causisque conclusionis.* Non minus accurata erit definitio , si dixerimus syllogismum esse ex necessariis propositionibus compositum. Cum autem hoc loco singulas conditiones soleant minutius expendere , id ipsum quoque nobis faciendum : tametsi ex iis quae diximus , magna ex parte elucescunt.

Quatuor ea sunt præcipue conditiones , quas verae demonstrationis præmissæ exigunt. Prima , ut sint verae & necessariae. Cum enim conclusio demonstrationis sit vera & necessaria , ex veris utique præmissis ducatur necesse est. Nam etsi verum interdum ex falso eruitur , id tantum est per accidens. Veritas porro quæ in demonstratione requiritur , omnino est immutabilis & necessaria. In hoc quippe à syllogismo Topico , ut scientia ab opinione discrepat.

Tripliçem verò necessitatis gradum Aristoteles in præmissis postulat. Primus est , ut propositio sit de omni ; hoc est , ut attributum omni subjecto conveniat.

Secundus necessitatis gradus in hoc consistit , ut attributum per se de subjecto prædicetur : quod utique quatuor modis intelligi potest. Primo ut sit de essentia subjecti. Idque sit , cum definitio , aut pars definitionis de re ipsa dicatur : ut homo est animal rationale ; circulus est rotundus. 2º Ut subjectum sit de essentia prædicati : ut homo est risivus. 3º Id dicitur per se , quod per se existit. 4º Effectus causæ proprius per se de causa dicitur : sic Medicus per se curat ægrotum ; per accidens verò pingit. Necessitas itaque ad demonstrationem requisita est primi aut secundi generis.

Tertius necessitatis gradus is est , ut attributum subjecto conveniat , quatenus tale est , atque , ut loquitur Philosophus , quatenus ipsum est : nempe ut illud attributum subjecto primum conveniat , ac propter ipsum reliqua attributa eidem subjecto insint. Sic rationale homini convenit , quatenus est homo , & ex eo fluunt hominis proprietates. Sic aequalitas radiorum circulo convenit , quatenus est circulus , ut primum illius attributum. Quæ quidem necessitas ad omnem demonstrationem non requiritur , sed ad eam quæ est omnium maxime exquisita.

Secunda demonstrationis conditio in eo sita est , ut ex primis & immediatis conclusio eratur. Nam necesse est ut principia quibus inititur demonstratio , aut sint clara per se & aperta , aut certe in principia per se lucida , aut in veritates primas , seu intellectuales , seu sensibiles resolvantur. Sic Mathematici ex jam probatis propositionibus alias colligunt , quæ lucem posterioribus afferunt. Nec verò ad demonstrationem omnino requiritur , ut propositio sit causa alterius proxima , aut ita sit clara , ut probatione non egat , cujusmodi sunt axiomata : sed sitis est ut sit virtualiter , ut aiunt , clara & evidens : adeo ut in prima principia resolvi possit.

Quinobrem propositio est nota per se , cum termini quibus constat , clare per-

cipiuntur, & distinctas in mente ideas ex timunt. Hinc ideæ rerum dilucidæ, & judicia ex ideis composita omnino certa, & apta inter ipsa judicia connexionem omnem aut perfectionem demonstrationis efficiunt. Ac si quid est in ratiocinatione nostra vitii, id utique in perceptionum nostrarum confusione, aut in pravitate judiciorum delitescit. Jam propositiones ex quibus efficitur demonstratio, primæ & immediatæ ducuntur, quod sint notæ per se ipsas: sive ea quoad se tantum sint notæ, cum attributum est de ratione subjecti: (tametsi illud nobis non statim innotescit: ut illa propositio, Deus est; nam existentia est de Dei essentia;) sive quoad nos sint notæ; ut illa, circuli diametri omnes sunt æquales; cum scilicet ex perceptione terminorum veritas propositionis elucescit.

Reliquæ demonstrationis conditiones in eo sunt positæ, ut præmissæ sint notiores & priores, necnon causæ conclusionis. Quod utique ita est intelligendum, ut sint notiores & priores quoad nos, cum in conclusionis notitiam nos dicant: sic plerumque effectus sunt notiores causis; tametsi causa natura sua sunt notiores & priores. Non dissimili ratione præmissæ sunt causæ cognitionis nostræ: quanquam in ea demonstratione quæ sit per effectus, quæque à posteriori nominatur, præmissæ non sunt causæ reales conclusionis.

Diluuntur objecta.

Opp. 1º Adversus eas conditiones, quas in præmissis demonstrationis exigimus, verum persæpe ex falso eruui: ut in illa Arithmetica regula, que falsarum positionum dicitur, in qua falsis numeris positis verus invenitur. Ergo non omnis demonstratio ex veris præmissis ducitur.

Repf. Diff. ant. Verum aliquando ex falso elicetur per accidens, C. per se, N. nam illud est per se, quod est rei proprius & naturalis effectus. Sic verum per se cum vero consociatur; per accidens tamen evenire potest, ut verum ex falso eruatur, quod in exemplo allato, & in omni pene analogiæ evenit, ut postea dicemus.

Instatib. Geometræ; imo & Philosophi solent adversarium ad absurdum, seu ad impossibile redigere: sed id fieri non potest, nisi falsa quedam supponendo; ut cum volumus probare primum motorem, aut primum causam existere; illud ex eo demonstramus, quod nisi admitteretur prima causa, aut primum movere, daretur progressus in infinitum: ergo ex falsis demonstratio constare potest.

Repf. 1º Hujus generis démonstrations animum quidem convincere, non eam tamen habere sibi adjunctam evidentiam quam animus desiderat, quæque ad perfectas demonstrationes requiritur. Unde animus in iis non plane acquiescit, nisi forte ubi aliæ desunt; aut negativæ propositiones sunt probandæ: ac nihil earum certitudini deest, sed evidētia ipsa desideratur.

Repf. 2º Ex falsis verum inferri, si quæ sunt falsa, ut falsi existemus: non item, si ut vera judicemus.

Opp. 2º Præmissæ non sunt veriores conclusione: ergo nec notiores esse possunt.

Repf. Neg. conseq. nam veritas non suscipit magis & minus: sed res potest esse alia notior, aut evidentior. Unde cum propter præmissas nota sit conclu-

fio, major est in præmissis evidētia, & major certitudo quām in conclusione.

Contra, inquiunt, certitudo conclusionis in demonstratione est maxima: cum nullum dubitationi locum relinquat. Ergo præmissæ non sunt certiores conclusione.

Resp. Neg. antec. nam^m majori firmitate & evidētia assentimur præmissis, quām conclusione: tametsi post demonstrationem nulla superest de conclusione dubitatio. Ut amor qui nihil habet odii admixti, non idcirco est omnium maximus, nisi summam præterea voluntatis propensionem includat.

Q U A E S T I O III.

De divisione Demonstrationis.

DUplex est demonstrationis genus, unum à posteriori, cum ex effectu causa; alterum à priori, cum effectus ex causa infertur: illud quod res sit, hoc cur ita sit, ostendit: ac sæpius ex effectu causam cognoscimus, quām vicissim. Perfectissima tamen demonstratio ea dicitur, quæ ex causa effectum coligit: tum enim rem scimus, cum ejus causam cognoscimus.

Cùm autem causa vulgo quintuplex numeretur; finalis, exemplaris, effectrix, formalis, & materialis, nullum cause genus à vera demonstratione rejicitur. In moralibus & politicis precipuus honos finali servandus; neque ea proorsus in Physis est repudianda. Nam in hoc maxime divina providentia elucescit, quod certis finibus res qualche aptaverit. Nec corporis humani v. gr. structuram, & partium usum cognoscet, si naturæ finem neglexeris. Quamobrem iis assentiri non possum, qui causam finalē à Philosopho contemni, & insuper haberi oportere arbitrantur. Quanquam fateor non esse in illius cause indagatione acquiescendum: sed quo itinere, quave ratione natura ad suum finem perveniat, diligenter inquire oportere.

De effectrice causa infra dicemus. Exemplatis causæ Platonici videntur possimūm habere rationem. Neque enim tam res ut sunt in se ipsis, quām ut esse debent & quodammodo sunt in ideis divinis, considerant. Ab his utique non multum aberrant Geometræ. Non enim circulum, aut alias figuræ, ut sunt in ipsis corporibus, sed eas, ut sunt in ideis quas formamus, atque ut ab omni imperfectione sunt liberæ, intuentur; queque circulus in sue ideæ ratione, aut comprehensione quasi involuta complectitur, paulatim evolvunt. Quod utique non sola inductione, aut experimentis colligunt: sed ex attentiori ipsius rei, aut idæ contemplatione eruunt quodammodo, & explicant.

Cum autem unum attributum ex alio colligitur, causam formalem quodammodo adhibemus: ad hanc enim pertinent que ex genere & differentiâ, aut ex definitione ipsa colligimus. Nam unum attributum est alterius causa formalis; quodque à nobis ut prius in re concipitur, vim habet causæ cum posteriore comparatum.

Ex his liquet nos ab effectu ad causam progredi solitos, tum à causa ad effectum regredi. Hinc adeo quæstio subobscura oritur, an regressus ille non sit verus circulus: cùm eò redeamus, unde sumus profecti. Quod quidem cum

in omni cognitione nostra , tum maxime in demonstratione ipsa vitiosum est. Cirkulus enim ille nihil doctiores nos efficit : ut si stellas fixas longe à nobis esse distitas hinc colligamus , quod scintillent ; tum eas scintillare conemur ostendere , quod à nobis longissime distent , non aliud quām circulum vitiosum & inutilem efficiemus.

Reſp. Circulum in demonstrando vitiosum esse , non item regressum. Tum enim fit circulus , cum idem est genus demonstrationis ; non item ubi sunt diversa demonstrandi genera. Nam quod in uno genere notius est , potest in altero esse magis incognitum. Sic in demonstratione à posteriore nota est effectus existentia , ex qua ipsius causa existentia cognoscitur. Cum autem per demonstrationem a posteriori cognita est causa existentia , aut potius illius cum effectu connexio ; in regressu , seu per demonstrationem à priore jam distinctius quid sit effectus cognoscimus. Quare à cognitione confusa primū progredimur , tum ex cognitione cause ad distinctam effectus cognitionem regredimur. Ac ne ab exemplo proposito recedamus: notum est nobis stellas scintillare , non item planetas: causam inquirimus , quæ non ex magna stellarum distantia oritur , ut vulgo supponunt ; sed in eo maxime posita est , quod stellæ propriâ luce fulgeant , non item planetæ. Quod ubi compertum est , jam illud novimus stellas scintillare , & cur scintillent : quod tamen non fit citra aliquam mentis attentionem. Nam primum expendimus quid lux vegeta efficiat ; quod visus organum , seu nervulos in fundo oculi validius percusat , quām lumen debilius , cuiusmodi est planetarum lumen : hinc enim oritur tremulum illud in stellis lumen , quod vehementius visus organum afficit. Quare ut regressus sit utilis , quoddam mentis examen , ut loquitur Zarabella , seu attenta cause ipsius meditatio præcedat necesse est : secus nil novi addiscemus.

Ex duplice illa demonstratione duplex methodus , seu ratio progrediendi orta est : analytica , quæ inventionis ; & synthetica , quæ & doctrinæ ordo dicatur. Per analysim ex effectu ad causas , per synthesim ex causa ad effectum ; per illam ex toto ad partes ; par synthesim ex partibus ad totum progredimur. In synthesis axiomata quædam communia tanquam primas veritates præmittimus , ex quibus id quod volumus , concludi possit. In analysis non tam ad generalia principia , quām ad ea quæ propositæ questioni sunt propria , animum intendimus.

Quare ex attenta alicujus rei contemplatione oritur analysis recentioribus Geometris adeo familiaris , quæque utiliter ad alias scientias potest adhiberi. Quocirca non erit alienum paucis exponere , in quo potissimum ea posita sit. Ac certe quiddam huic simillimum certimus in proposito ænigmatis explicacione , ubi ex iis quæ in tabella sunt exposita , quid author designaverit , aut mente conceperit , conjicimus. Cum itaque rei alicujus causa , aut natura indaganda proponitur , primū conditiones omnes propositæ questionis diligenter sunt inspicienda ; alienis , & quæ ad questionem nihil pertinent , omnino rejectis. 2º Quæ cognita sunt & perspecta ab iis quæ dubia sunt & obscura , sunt secernenda , atque ex conditionibus appositis , & ex iis quæ sunt cognita , id ipsum quod queritur , inveniendum. Nisi enim quædam rei occultæ vestigia , ex quibus innoteat id quod est incognitum , petsequamur ; nihil agimus , & irrito labore

animum fatigamus. 3º Difficultatem ipsam in partes secare, & seorsum intueti optimum fuerit. Vix enim mens quicquam potest comprehendere, nisi id in partes tribuitur. 4º Perceptiones nostræ & judicia sunt apte disponenda: adeo ut à facilioribus ad difficiliora, & à notis ad ignota gradatim progrediamur. Exempla in Physicis non decertunt: unum quod occurrit, ponamus ob oculos. Queritur à nobis quid cause sit cui sal aut saccarum in aqua dissolvatur. Primum mens statim judicat hanc salis dissolutionem non fieri sine aliquo motu, qui non est in sale, cum durum sit corpus: est igitur in aqua, cuius partes in jugi motu posite particulas salis subeunt, & divellunt. Hoc semel comperto, hinc infinita colligimus, in quo posita sit fluidi corporis natura; quid durum efficiat corpus, & alia quæ ex analysi rite institutæ, non sine attentione & mentis examine eruuntur.

QUÆSTIO IV.

De medio Demonstrationis.

Medium demonstrationis id dicitur quod propositæ questionis attributum cum subiecto consociat: nam ut fuse in Compendio exposuimus, tria in omni demonstratione occurunt: subiectum de quo fit demonstratio, quodque minus extrellum vocitatur; ut attributum, seu proprietas quæ subiecto inesse demonstratur, majus extrellum dici solet: medius vero terminus, qui instar vinculi subiectum cum attributo connectit, argumentum nominatur. Ars pene omnis logistica in argumenti illius inventione versatur.

Cum enim questiones sint in dupli differentia, aliae simplices, aliae sint compositæ; illæ plerumque solim attentionem ad ideas terminorum desiderant. Sed compositæ questiones solvi non possunt, nisi terminorum ideæ quibus constat propositio, cum tertia quadam aut quarta, & ita deinceps comparentur. Quo autem magis exquisita inter propositæ questionis extrema habitudine requiritur, hoc medius terminus magis clare & distincte percipi debet: est enim medius ille terminus communis utriusque extremitati mensura, quæ nota esse debet, ut habitudinem, relationem, aut convenientiam quæ est inter extremos questionis terminos, definiat. Sic ubi inquirimus quantum pannus panno, ager agro sit major, certam mensuram quasi medium terminum adhibemus. Quare in illud maxime est incumbendum, ut medius terminus sit notus nobis, & distincte perceptus: secus nulla futura est propositæ questionis solutio, vel demonstratio; & quod sepe usu venit, obscurum per obscurius demonstramus.

2º Cum in demonstratione à priori medius terminus sit causa proprietatis quæ demonstratur, danda est opera ut quantum fieri potest, propria & proxima causa afferatur, non remota duntaxat, quæque rem esse ostendit, sed cur sit non aperit. Ut si quis demonstraret plantam non respirare, quia non est animal, causam afficeret, sed nimis remotam, & in qua non acquiescit animus: res enim non idcirco respirat, quia est animal, (cum pisces & vermes non respirent, faltem ut vulgo creditur:) sed quia pulmonibus prædicta est, idcirco res quæque respirat. Unde hujus generis demonstratio quæ sit per causam remotam,

dici solet demonstratio *quia*, non *propter quid*: rem enim ita esse convincit, sed genuinam causam non afferit.

3º Ex omnibus causarum generibus erui argumenta solent, ut de finali & exemplari supra diximus. Ex causa effectrice plurius demonstrationes physicæ de promuntur. Neque necesse est exempla proferte, cum passim occurrant.

4º Illud utilius foret, & permagni ad scientias momenti, si præcipue rationes, aut loci ex quibus veræ cause erui possunt, docerentur. Quod Baco Angliae Cancellarius in novo Organo eruditè admodum, sed paulo obscurius est executus. Neque id negare possumus, præcipuum Logices usum in iis locis demonstrationum versari. Nam cō tendit omnis inquisitio nostra, ut cujusque rei materialem, aut effectricem causam, aut formam denique ipsam animo complectamur.

5º Effectricem quidem causam invenimus, cum naturæ progressum & viam acriore animo intuemur. Sic in pulli generatione, atque in plantarum vegetatione tantos Philosophi nostræ ætatis progressus fecerunt, quod naturæ motus usitatos & gradatim continuatos sint persecuti. Nam in hoc plerique errore labuntur, cum effectrices rerum causas querunt, quod naturas rerum intueantur, cum res ipsæ jam sunt absolute, aut post certas periodos; non prima exordia & progressus intento animo contemplentur. Sæpe tamen evenit ut generatio rei momentanea in cause notitiam nos ducat. Aqua v. g. imo & atramentum agitatum in spumam albam facessit; vittum contusum ex diaphano fit subito candidum. Atque hinc forte non male colligitur colorem album non esse quiddam altius in corpore infixum; sed ex luminis reflexione vegeta & aquabili emergere, ut suo loco dicemus. Nam si aqua agitata in spumam albescit, atque ubi spuma globuli detumuere, jam pellucet, magno id videtur argumento albedinem tum emere, cum lux ex infinitis globulis velut ex totidem speculis integra reflecatitur.

Sed potissima effectricis cause inveniendæ ratio ea videtur, cum una ex pluribus causis quæ nobis afferunt anticipem dubitandi causam, cum effectu individuali coheret, altera non item. Ut si queramus quid cause sit cur stellæ scintillent, Planetæ non item. An forte, quod stellæ longius à nobis distent, ut faces eminus vide; an potius quod stellæ propria luce fulgeant: posteriorē hanc causam alteri præponemus; quod quæ propria luce micant, præsertim dum eminus videntur, tremulum & scintillans lumen ostendant. Imo inter Planetas Mercurius, quod sit Soli proximus, ac Venus per se scintillant, quod vegeto lumine resulgeant. Hanc vocat Franciscus Baco instantiam crucis, quod instar crucis in bivio erectæ, qua sit eundum ostendat. Quanti sit illius usus, alio forte loco dicemus: nunc enim præcipuos cause cujusque inveniendæ fontes indicamus.

6º Causas rerum materiales ex divisione anatomica & chymica analysi, cum res ipsæ in sua principia resolvuntur, & quodammodo secantur, utcunque invenimus. Sed quæ à mente ipsa sit analysis, aut resolutio, dummodo experimentis muniatur, plus habet utilitatis: cum scilicet partium ordinem, figuram, contextum & motum diligenter expendimus: hinc enim causas multarum affectionum & proprietatum detegimus, præsertim cum sensus nostri idoneis instrumentis adjuvantur. Hinc nostra ætate visus microscopio adjutus nova

quotidie in plantarum & animalium fabrica deprehendit; per tubum opticum quæ sunt remotissima, & in medio cœlo retrusa, oculis quodammodo subjiciuntur. Sæpe etiam res ipsæ quæ sensus fugiunt, vel præ nimia subtilitate, vel quod per interjecta corpora videti non possint, aut quod rapidiori ferantur motu, aut contra tardiori motu incedant; hec, inquam, sunt sensibilia ex signis, aut effectibus, aut idoneis instrumentis. Sic aëris natura aut contextus sub oculo non cadit; sed illius vis elastica, ut vocant, qua scilicet pressus se ipsum dilatat & restituit, pondus & alia affectiones per machinas, quæ pneumaticæ dicuntur, ad sensus nostros quodammodo perducuntur, ut suo loco ostendemus. Aurum adulteratum ex colore discerni nequit, sed ex pondere, sono, solutione in aqua forti probari poterit; & quod non erat sensibile, potest sensibus, aut rationi saltem subjici. Quæ quidem in Physicis sient apertiores: ista enim velut in transitu attingimus.

7° Sed eò præcipue tendit omnis inquisitio nostra, ut cujusque rei forma inveniatur. Nam causæ rerum materiales & effectrices non aliud fere quam tritum naturæ in operando iter, & velut ejus consuetudinem ostendunt: sed formarum contemplatio magis constans videatur, & latius patet: leges quippe naturæ fixas & immutabiles comprehendit. Ac rerum quidem formæ composite vix inveniri possunt: ut quæ sit forma auri, aut plumbi nemo facile evolvet: sed rerum formæ simplices, ut calidi, fluidi, firmi, fixi, volatilis, motus ipsius leges sunt majore utilitate inquirendæ. Qua quidem ratione via ad scientiam rerum naturalium multo est compendiosior, quam si res ipsas compositas sigillatim persequamur. Quæ sint ex. gr. formæ sonorum in singulis vocabulis, vix explicari potest: sed quæ aëris collisio, qui sonus unamquamque litteram exprimat, facilius consequemur: cumque ii nobis innoverint soni simplices, qui singulas alphæteti litteras efficiunt, tum dictiōnum soni, aut formæ magis compositæ citius cognoscēntur. Non dissimili ratione frustra lapidum aut plantarum formas compositas inquirimus, nisi antè simpliciores, ut calidi, frigidi, duri & liquidi, atque alias communes corporum affectiones simus consequuti.

8° Ac forma quidem simplex, non raro ex effectricis & materialis causæ cognitione elucescit: sed sære ita est occulta, ut non nisi certa ratione & methodo possit inveniri. Quæritur v. gr. quæ sit caloris natura, quæ forma. Primum ea forma spectanda est in iis subjectis, in quibus eluet maxime, ut inflamma: tumque inveniemus non modo calorem ita esse cum motu conjunctum, ut aucto' motu calor augeatur: sed etiam calorem in motu esse positum, eumque motum esse expansivum & perturbatum, ex dissipatione corporis inflammati, ex fervidis liquoribus, & aliis effectibus colligemus: quæque ad calorem pertinent, eo quo dicemus alibi modo facile consequemur: nunc enim res tam late fulsis explicare non possumus, præciuos duntaxat demonstrationum fontes indicare voluiimus: cujus vero sint utilitatis, idoneis locis planum fieri.

9° Interim illud admonemus, nullum esse ad cognitionem rerum majus compendium, quam si ad unitatem formæ alicuius ea revocemus, quæ in variis sunt disiecti subj. Etis. Sic enim infinita prope & vaga rerum indagatio ad certas velut alphæteti litteras, ut variis contentus ad paucos tonos utiliter reducuntur. Atque ubi semel forma aliqua, ut calor aut fluiditas, perspecta fuerit,

Jam non erit difficile infinitos prope effectus suis causis reddere ; tumque nihil metuendum erit ne in progresu demonstrationum ab effectu ad causam, & à causa ad effectum, circulum efficiamus : nam à confusa effectus cognitione profecti , ad distinctam regrediemur.

DISPUTATIO ALTERA.

De Scientia.

ID unum restat , ut de scientia quæ est effectus demonstrationis , nunc agamus . Quod utique è diligentius præstandum est , quod in cuiusque disciplinæ prolegomenis multum , diuque disputari soleat , an quæ tractanda suscipitur , scientia nomine donanda sit , an securus ; speculativa sit , an practica ; quod sit illius subiectum , & alia hujusmodi quæ in procœmiali ad Logicam disputatione attingere coacti sumus , ne ab usitato & recepto more recedere vide-remur : cum tamen fatendum sit ea non posse ante definiri , quām nobis con-sisterit , in quo natura scientiæ positæ sit , queque ad eam pertinent , omnino sint explicata : quod utique hoc loco nobis faciendum . Ac primum quid scientia , 2º Quid illius causa ; 3º Quæ scientiarum sint species , dicendum ; postremo scientiam cum fide & opinione conferemus .

QUÆSTIO PRIMA.

Quid sit Scientia.

SCIENTIÆ variæ sunt acceptio[n]es : nam latiore significatu sumitur pro omni cognitione certa & evidenti : sive ea ex ratiocinio , sive ex sensuum experientia ducatur : dummodo ex objectis ipsis ea cognitio sit profecta , nam si aliorum testimonio nitatur , tum scientiæ nomen vix sibi assumet .

2º Strictius & magis proprie scientia accipitur pro cognitione certa & evidenti rei necessariæ , seu pro cognitione per demonstrationem acquisita ; sive ea sit speculativa , sive practica . Cum enim , ut jam sèpè diximus , quæstio aliqua proponitur , si adeo est perspicua ut nulla probatione egeat , sed attentionem duntaxat vel mediocrem desideret , tum illius cognitio intelligentia nominatur . Quod si probatione opus habeat , illa vel authoritas erit , vel ratio : au-thoritas ad fidem vel humanam vel divinam pertinet , de qua postea . Jam ratio quæ probationis vel argumenti loco affertur , vel ita suadet , ut non omnino persuadeat , tumque assensus ille hæsitans & dubius opinio dicitur ; vel omnino persuader ; idque vel ob falsam veritatis speciem ; tumque error oritur ex assensione præcipiti & inconsiderata ; vel ob ipsum veritatis lumen , & rei ipsius evidentiam animus persuadetur , tumque ea cognitio proprie scientia dicitur , cum scilicet est clara & certa ratione subnixa .

3º Scientia adhuc strictiore significatu accipitur pro cognitione per demon-strationem acquisita , eaque speculativa . Quo quidem modo Aristoteles 6. Ethic cap. 3. scientiæ nomen usurpat . Nam eo loci quinque virtutes intellectus enu-merat , intelligentiam , sapientiam , scientiam , quæ in rebus omnino necesse-riis versantur : in his scilicet quæ aut nunquam fiunt , ut Dei attributa ; aut per certas & necessarias causas eveniunt , ut corporum cœlestium conversiones . His addit prudentiam & artem , quæ circa res contingentes & liberas occupantur :

ad intelligentiam vero, ut diximus, prima retum principia pertinent: sapientia res altissimas per causas altissimas persequitur, ut Metaphysica: scientia vero, ut sapientia opponitur, res inferiores per causas itidem inferiores, sed necessarias contemplatur.

Ac triplicem illam virtutem, intellectum principiorum, sapientiam & scientiam in ea parte mentis quæ circa res necessarias occupatur, omnino constituit; ut artem & prudentiam ad partem electricem & logisticaam pertinere idem Philosophus decernit. Artem à prudentia in hoc determinat, quod ars sit factiva, seu poetica, prudentia vero activa; illa industriam, hec intentionem magis spectet; illa bonum secundum quid, ut bonum pictorem, hec bonum simpliciter denominet.

Ex his liquet scientiam omnem esse speculativam, si res ipsa ex mente Aristotelis, quam sexto Ethicorum exposuit, sit dijudicanda. Sed cum eò loci virtutes intellectus, seu habitus qui intellectum ad veritatem inclinant, ex occasione tantum delibet, ut ad prudentiam accedat, de qua fuis ibi disputat; cumque in posterioribus Analyticis rem magis explicate tradiderit: non solùm quid sentiat Aristoteles, sed etiam quid sciendum sit, potius ex Analyticis quam ex libris Ethicorum estimare debemus.

Cum igitur in calce lib. 2. posteriorum diserte decernat duos esse tantum habitus, qui semper ad veritatem nos determinant, intelligentiam videlicet & scientiam, illam circa principia, hanc circa conclusiones versari; palam est primo sapientiam non esse habitum à scientia distinctum. 2. Habitum omnem demonstrativum esse scientiam, sive in contemplatione sui objecti conquietat, sive aliquid moliatur. Hinc tres sunt duntaxat ex Aristotele syllogismorum species; demonstrativus, qui generat scientiam; Topicus, qui opinionem; & Sophisticus, qui errorem. Unde virtus omnis intellectualis, sive ea sit speculativa, sive practica, cum mentem ad verum semper inclinet, neque adeo mere Topicus sit, aut Sophistica, omnino ad scientiam pertinebit.

Confirmatur. Ex Aristotele, qui in lib. primo posteriorum, habitus mentis quibus veritas acquiri potest, ad tria capita revocat, intelligentiam, scientiam & opinionem: cuius divisionis rationem supra attulimus: Ergo scientiae nomine complectitur omnem virtutem mentis discursivam, quam opinioni incertæ opponit; sive ea sit speculatrix, sive operatrix.

Scientia igitur optime definitur habitus demonstrativus; ut ars definitur habitus vera cum ratione effectivus.

Sed, *inquires*, nulla pene ars scientiae nomen & rationem non sibi assumet, si scientia ad proximi illam descendat, & satis sit ad rationem scientiae ut firma, non tantum probabili ratione nitatur.

Resp. Artes omnes principes & Architectonicas, quæ sua præcepta & regulas, easque immutabiles præscribunt, & rationibus firmis, aut inconcussis utuntur, scientias dici posse; cujusmodi est Medicina. Quamvis enim circa materiam contingentem, quoad existentiam, versentur: tamen, ut alibi diximus, ad rationem scientiae sufficit necessitas essentiæ, seu veritas propositionis immutabilis.

Circa naturam scientiae queri solet an simplex sit & una qualitas, vel habitus, ut videtur Thomistis; an potius ea sit habitus ex variis demonstrationibus com-

positus, cuius unitas non simplicis sit & ejusdem entitatis, sed ordinis tantum, & compositionis cuiusdam. Sit igitur

Vnica conclusio.

Scientia totalis non est una & simplex qualitas.

Probatur 1º. Absurdum videtur scientiam acquiri integrum quoad substantiam, cum una illius conclusio perspecta habetur, ut videtur Thomistis. Ergo, &c.

Probatur 2º. Tot sunt habitus, quot difficultates superandæ: sed in eadem scientia totali, v. g. in Physica infinite prope sunt difficultates superandæ; nec qui lapidum naturam cognoverit, statim ea quæ ad p'antas & animalia pertinent, habebit explorata: ergo scientia totalis ex variis componitur habitibus, aut demonstrationibus, neque una est aut simplex entitas.

Confirmatur. Qui unus conclusionis obliviscitur, aut circa unam errat conclusionem, scientiam ipsam non amittit: ergo ratio & essentia alicujus scientiæ in una conclusione aut demonstratione non consistit.

Solvuntur objectiones.

Opp. 1º. Scientia est una & simplex, quæ circa objectum suum, aut conclusiones sub una & eadem ratione formaliter versatur: sed cuiusque scientiæ una est & eadem formalis ratio quæ ad omnes conclusiones aequæ pertinet: principium videlicet illius scientiæ ad quod reliqua referuntur; ergo scientia omnis una est & simplex qualitas, non quedam multarum demonstrationum complexio.

Resp. Quidquid sit de majori propositione, de qua postea, N. minorem. Non enim omnia principia Geometriæ, aut Physice ad unum & idem principium revocantur. Atque, ut id dicas, tot erunt habitus partiales, quot novæ difficultates exurgunt; nec quicquam minus probari potest, quam Geometriam statim à nobis acquiri, cum primam demonstrationem mente complectimur, adeo ut scientia jam acquisita extendi soleat, non nova qualitas effici.

Inflat. Idcirco facultas una & eadem est qualitas, quia objecta sua sub una ratione formaliter contuetur: ergo scientia una & simplex est qualitas, cum objectum suum sub eadem ratione, & quasi sub eodem lumine contemplatur.

Resp. Neg. conseq. nam longe dispar est utriusque ratio, quod facultas sit naturalis, habitus vero per diversos actus comparetur. Unde habitus ad eos tantum actus inclinat, qui sunt iis similes, qui habitum ipsum pepererunt: cumque sunt actus specie diversi, ut in unaquaque scientiæ sunt innumerabiles, necesse est plures quoque & distinctos habitus partiales ab iis procreari, qui unum habitum totalem unitate ordinis, non entitatem simplicem efficiunt. Facultas autem ad multos specie diversos actus extendi non potest, neque ea per actus repetitos fuit procreata.

Opp. 2º. Fides divina una est & simp' ex qualitas, licet multa habeat objecta: ergo scientia unus erit & simplex habitus, quamvis ex multis demonstrationibus, aut conclusionibus constet.

Resp. In hoc disparem esse fiduciæ & scientiæ rationem, quod unum sit fidei motivum, aut ratio formalis, nempe Dei revelantis authoritas per Ecclesiam ma-

nifestata : sed non est idem principium , aut motivum in Physica , v. g. neq; ferri durities ex eodem principio demonstratur , ex quo Iridis colores.

Q U A E S T I O II.

De causis Scientie.

DUas potissimum hoc loco scientiae causas inquirimus , formalem , & effectricem . Nam subjectum cui inheret , quodque materialis causa munus obicit , est intellectus quem scientia perficit . De causa finali nihil necesse est plura dicere , cum ea quae in limine Philosophiae attigimus , ad omnem scientiam applicari facilè possint . Restat igitur ut formalem cujusque scientiae causam , & effectricem paulo diligentius expendamus .

A R T I C U L U S P R I M U S .

De causa formalis cujusque Scientie.

Obiectum circa quod scientia qualibet aut disciplina versatur , & subjecta ei materies & forma dici potest , quod speciem , & velut formam ei latigatur . Nam habitus omnis & facultas ex ordine ad objectum naturam suam , & differentiam deponit .

Objectum autem cujusque scientiae complexum est , aut incomplexum ; illud iterum duplex , materiale , nimirum ipsa conclusio qua demonstratur , quæque ad aliam scientiam potest pertinere : ut quod terra sit rotunda , quam Physicus & Astronomus posunt demonstrare ; ille ex principiis naturalibus , hic ex principio Geometriae . Unde principia ex quibus eruitur conclusio , objectum formale , & propter quod , vel objectum motivum dici solent .

Objectum incomplexum itidem est duplex , materiale nimitem , quod ad plures scientias potest pertinere , estque subjectum conclusionis : ut in illa conclusione , ergo terra est rotunda ; terra quæ à Physico & Geometra spectari potest , objectum est materiale ; rotunditas , seu proprietas demonstrata est objectum formale , quod , ut loquuntur , ratio quæ : medium , seu argumentum quo utimur in demonstrando , ut quod terra non simul , sed per incrementa , & paulatim à sole illuminetur , objectum vocant , motivum aut propter quod conclusioni assentimur , idque ratio sub qua , ac tandem dicitur modulus ipse considerandi objectum , quique scientiam ab omni alia discriminat . Sic Medicus considerat corpus humanum , non præcise ut est naturale : id enim ad Physicam pertinet : sed ut sanabile , quod proprium est Medicinæ , & ratio illius formalis sub qua , seu propria illius disciplinæ differentia .

Ex objecto itaque materiali distinctio generica scientiarum magna ex parte repetitur ; ex objecto formalis sub quo . distinctio oritur specifica : eadem enim est ratio facultatis & habitus : sed facultas v. g. visiva speciem suam ab objecto formalis sub quo , desumit : neque enim alia est facultas quæ circa albedinem , alia quæ circa nigredinem versatur : cum utraque sit æque visibilis ; ergo & scientiae inter se sunt distinctæ penes objecta formalia .

Objectum ex materiali & formalis sub quo compositum , dicitur objectum

Scientia adaequatum : quod 1º Unum esse debet , saltem unitate analogiae vel ordinis ; neque enim necesse est ut objectum scientiae sit unum per se , aut unitatem habeat univocam . Nam entia etiam per accidens ad scientias pertinent : ut numerus ad Arithmeticam , civitas ad Politicam . 2º Objectum scientiae ita commensuratum esse debet , ut tantum pateat , quantum scientia ipsa . 3º Quæ in ea tractantur scientia , ad objectum illius referri debent , vel ut principia , vel ut proprietates : unde & objectum attributionis dici solet , quod ei tribuantur omnia quæ traduntur in scientia . 4º Objectum illud necessarium esse debet , necessitate videlicet propositionis & essentiae , non existentiae . Hinc de non entibus dari scientia potest , quatenus de iis fieri possunt demonstrationes : ut de malo in Ethica ; de ente rationis in Metaphysica , aut Logica ; de umbbris in Optica . Postremo objectum speciem dare debet , & distinctionem scientiae , quæ ex ordine intrinseco quem habet ad objectum , suam speciem repetit .

A R T I C U L U S II.

De causa effectrice Scientie.

PRÆCIPUA ut demonstrationis , sic scientiae cuiusque causæ sunt certitudo ; & evidētia . Per certitudinem ab opinione , per evidētiam à fide dividitur : adeo ut certitudo & evidētia non tam ad effectricem , quam ad formalem scientiæ causam pertinere videantur : cum scientia definiri soleat cognitione certa & evidētia rei necessariæ per suam causam . Ad effectricem tamen causam referri possunt , quatenus ad demonstrationem pertinent , quæ scientiam generat , & mentem ad assentiendum conclusioni determinant .

Certitudo quæ præcipua est scientiæ nota simul & causa , triplex vulgo statuitur , subiecti , objecti , & ipsius cognitionis . Prima est firma adhæsio intellectus citra ullam erroris formidinem , undecimque illa dicitur , ex ipsa experientia , aut ex luminis naturalis evidētia ; aut ex affectu quodam & propensione voluntatis ; aut ex prejudicio & falsa interdum persuasione , qualis est in hereticis . Quare hæc certitudo ad scientiam requiritur , sed non sufficit .

Secunda est certitudo objecti , que in necessaria attributi cum subiecto , vel consequentis cum antecedente connexione consistit : eaque triplex , Moralis , Physica , & Metaphysica . Res est certa moraliter , cum juxta consuetum naturæ ordinem aliter esse non potest . Sic certum est moraliter nullum diem effluere quin aliquis in Gallia , imo Lutetiae moriatur . Certum est certitudine moralis Julium Cæsarem extitisse , & alia pene infinita quibus vita civilis innititur , quæque ex fide tantum humana accepimus : tametsi non minus certa sunt quam demonstrationes Mathematicæ .

Secunda est Physica certitudo , ut ignem comburere : sic quæ certas & definitas habent causas , ab iis certo & necessario diminant : huc pertinent leges omnes naturæ , de quibus suo loco .

Tertia est certitudo Metaphysica , cum scilicet attributum est de essentia subiecti , aut vicissim .

Ac necessitas quidem objecti , seu objectiva certitudo ad scientiam requiriatur ; quanquam si sola est , non sufficit . Nam objectum quidem necessarium cognosci potest per medium minime necessarium .

Quare certitudo cognitionis , seu formalis ad rationem scientiae requiritur , eaque est necessaria determinatio ad veritatem. In fide divina & scientia ita occurrit , ut omnem errorem , aut dubitationem utraque excludat : quod nec divina relationi , nec connexioni medii cum extremis , aut praemissarum cum conclusione in scientia falsum subesse possit : ac mens ipsa omnino persuadetur . rem aliter se habere non posse.

Jam unde illa certitudo cognitionis nostrae , qua intellectus convincitur rem aliter se habere non posse , sit repetenda , non ita explicatu facile est. Platonici ad ideas configunt , seu eternas rationes , ex quibus lux omnis veritatis in mentes nostras delabitur ; in iis , inquit , veritas pura , sincera , integra invenitur ; ubique fulgent , communiter presto sunt omnibus. In iis itaque iudicium certum & verum constituant : judicamus quippe de rebus secundum interiores quasdam regulas veritatis , quas communiter cernimus , queque sunt mente nostra superiores. Nam ut illud in animo humano prestantissimum est , non quo sentit sensibilia , sed judicat de sensibilibus , ita , inquit Augustinus l. 2. de liber. arb. *leges vel regulæ veritatis sunt longe mente nostra excellentiores , cun illæ sint immutabiles , & de ipsis mentibus nostris secundum eas judicemus.*

Quamobrem veritatis regulæ , si Platonicis credimus , non sunt ab hominibus institutæ , neque ad mentis alicuius pertinent naturam , sed instar lucis omnibus sunt communes , & quasi publicæ : ut eodem in loco pulchre Augustinus explicat. *Veritatis , inquit , lux , aut sapientia , non multitudine audiuntum stipata secludit venientes , nec peragitur tempore , nec migrat locis , nec nocte intercipitur , nec umbra intercluditur , nec sensibus corporis sub jacet.*

Quo autem modo illas regulas veritatis intueamur , ad quas ea exigimus , quæ cernimus , hoc loco explicare non possumus.

Illud quidem certum videtur , veritatem non simplici mentis intuitu , sed perfecto judicio intelligi : est enim veritas , rei conformitas cum suo exemplari : quam quidem convenientiam intueti non possumus , si ipsum exemplar penitus ignotum est : quomodo enim sciām utrum imago aliqua Cæsarem exprimat , nisi Cæsarem uteunque noverim.

Quæ de certitudine diximus , facile ad evidentiam scientiae transferri possunt ; cum certitudo ipsa in evidentiâ , saltem magna ex parte posita sit , atque ipsa evidentiâ sit quasi nota , aut character veritatis & certitudinis : tum enim propositio certa nobis videtur , cum per actum mentis saltem virtualiter reflexum illius veritatem cernimus.

Evidentiâ vulgo duplîcem statuunt : immediatam , qualis est in primis principiis ; & mediataam , quæ medium aliquod postulat , quod attributum cum subiecto conciliet. Hæc evidentiâ in conclusione demonstrationis invenitur : prior vero evidentiâ non inductione sola , ac sensuum testimonio nititur , sed in naturali quodam intellectus lumine , quoniam illud sit , posita est ; seu , ut vulgo solet explicari , in proportione quidam objecti ad facultatem consistat ; seu mens ad cognitas ideas attendens attributum in subiecti idea contineri percipiat. Quod ex. gr. totum sit sua parte majus , hujus principij veritas aut evidentiâ non ex sola inductione , ut sape dictum est , aut sensuum testimonio

proficiuntur. Nam ut terminos sensuum ope cognoscamus, non idcirco rerum naturas, nedum ipsam veritatem quæ tam manifeste in hoc principio lucet, a sensibus mutuamur. Nec demum illam axiomatum veritatem tatiocinio colligimus, cum omnis demonstratio ex iis principiis profecta, in ea tandem resolvatur.

Quocirca lux illa in qua principiorum veritatem contuemur, studio & labore non acquiritur, sed insita nobis videtur à natura: hanc nobis Conditor inferuit, qui posuit, ut ipse loquitur Job 38. *in visceribus hominis sapientiam.* Hinc Philosophi pene omnes fatentur nobis anticipationes veri, ac virtutum igniculorum à natura datos fuisse, quibus ratio instruta longius excurrat; adeo ut ipsa evidentiæ seu veritatis manifestatio non aliunde quam à prima veritate, quæ in mente nostra, ut in speculo quodam fulget, duci videatur.

Quoquidem modo reminiscientia Platonis satis commode explicari potest: nam, ut docet S. Thomas q. de Magist. art. 1. *universales conceptiones, quarum cognitio nobis est naturaliter insita, sunt quasi semina quadam omnium sequentium cognitorum.* Cum mens nostra ex unius rei cognitione in alterius cum illa colligatae notitiam pervenit, tum quodammodo reminiscitur: nam distincte evolvit quæ erant in principiis involuta; nec meminimus nisi eorum quorum confusam habemus notitiam.

Quod autem Plato identidem docet nullo modo nos discere, sed reminiscendo ea recognoscere, quæ soluti & liberi in mundo intelligibili perspiciimus; ac memoriam nihil esse præter recordationem superioris vitæ, hæc, inquam, opinio jam inter inceptias evanuit. Ne illud quidem dare possumus, omnium rerum ideas aut rationes mentibus nostris esse ingenitas: cum enim infinitæ vel de solo triangulo demonstrationes fieri possint, atque infinitæ illius species excogitari, nullo modo probabile est infinitas rerum imagines mentibus nostris esse insculptas.

Quod autem *oppontunt* Platonici nos à natura esse eductos, nec posse querere quod penitus est incognitum, multo minus inventæ veritati acquiescere, aut cognita approbare posse, nisi quedam earum rerum quas quærimus, aut invenimus menti sint impressa vestigia. Hinc Plato in Dialogo, qui Meno inscribitur, puerum inducit qui à Socrate de Geometria interrogatus, sic responder, quasi peritissimus esset illius disciplinæ.

Reft. Ex his non aliud effici, quam id quod volumus, animum non esse, ut videtur Aristoteli, velut tabulam rasam, in qua nulli sint ab Authore naturæ impressi characteres: sed scientiam quasi semina, aut communis saltum notiones animo esse congenitas. Quare ut defixis in rem aliquam oculis, quæ proxima sunt eodem obtutu perspicimus: sic ea vi mens pollet, ut cum principiis aliquod acrius intuetur, simul eas quæ ex illo proxime deducuntur, conclusiones percipiat. Itaque, ut falsum est animam sicut omnes artes aut disciplinas attulisse, aut rerum sensibilium imagines, vel species quasi infusæ accepisse; sic fateri cogimur cognitionem omnem nostram à natura esse inchoatam, studio & industria perfici. Ac permixtum videretur, si puer ille à Socrate interrogatus de rebus medicis, aut aliis rebus quæ sensu & experientiâ colliguntur, tam apte respondisset, ac de Geometria singit Plato. Nam demonstrationes geometricæ ita sunt aliae aliis consertæ & colligate, ut una perspecta

alia velut sua sponte statim se ostendat. Hinc S. Augustinus dum senex liberos suos acriori animo examinat, non modo somnium illud Platonis refellit, sed etiam retractat, quod subinde innuerat, rerum omnium rationes, aut ideas animo esse congenitas. *Dixi*, inquit, *quod in disciplinis liberalibus eruditu sine dubio in se illas oblitias erunt discendo, & quodammodo refodiunt. Sed hoc improbo. Credibilis est eam propterea vera respondere de quibusdam disciplinis etiam imperitos earum, quia præsens est eis, quantum id capere possunt. lumen rationis æternae, ubi hæc immutabilia vera conspicuntur, quia ea neverant aliquando, & obliiti sunt, quod Platoni & talibus visum.*

QUÆSTIO III.

Scientia cum opinione & fide comparatur.

Scientia, ut diximus, est cognitio vera, certa & evidens rei necessariæ propriam causam: non quod nulla sit scientia quæ propriam rei causam non afferat: sed causa hoc loco intelligitur ratio firma & certa quæ assensum nostrum determinat. Hinc Arist*is* 1. libro Posteriorum. *Scire*, inquit, *est rem per causam cognoscere, & quod illius est causa, & quod impossibile est rem alterum habere. Itaque scientia est assensus, quem certa & evidens ratio efficit.*

Opinio autem in hoc à scientia discrepat, quod minus certo nitatur fundamento. Hinc definiri potest, actus intellectus qui fertur in unam partem contradictionis cum formidine alterius: sic enim à S. Thoma definitur. *Tum scimus cum ea quæ ex primis ducuntur principiis perspecta habemus, & cognita: sed opinamur cum iis fidem adhibemus, quæ ex primis principiis non eruntur:*

Fides autem est assensus propter autoritatem loquentis. Cum assentimur propter autoritatem Dei revelantis, ea est fides divina; certa & inconclusa, quod Deus nec falli possit, nec fallere. Cum autoritate hominum ducimur, tum dicitur fides humana, quæ saxe est dubia & imbecillis: unde ad opinionem revocari potest: Sed fides divina tanto omni scientia est firmior, quantum divina authoritas omnem rationem nostram superat. Certius quippe est Deum non posse fallere, quam certum sit rationem nostram falli non posse: quanquam iis quæ evidenter & distincte à nobis percipiuntur, fides ipsa nunquam repugnat: sed illud duxat intuendum, quoque sensus & ratio progredi valeant, quidve ab iis evidenter percipiatur.

Sed ne longius evaginemur, id utique constat, duo esse quæ nos de alicujus rei veritate certos faciant, rationem scilicet & autoritatem: illa scientiam habet, hæc fidem. *Quod scimus* inquit Augustinus, *debemus rationi: quod credimus, autoritati: quanquam & recta ratio persuadet multa esse quæ credere debemus, tametsi ratione ipsa comprehendi non possint; tuncque nos recte ratione uti cum eam captivamus in obsequium Christi. & divinæ autoritati subjicimus, præsertim postquam divinum testimonium tot signis & miraculis, tot Prophetatum oraculis ac mille argumentis illuxit.*

Cum autem fides habeat obscuritatem conjunctam, opinio incerta sit & dubia, merito id queritur an utraque cum scientiâ repetiri possit: an eadem propositio, v. g. quod Deus existat, & fide, & scientiâ, & opinione percipi queat

queat aut teneri, idque actu vel habitu tantum. Sed quæstio potissimum de actu scientiæ & opinionis, vel fidei moveti solet. Nam si actus, qui videntur quodammodo oppositi, simul esse possint, multo potiori ratione habitus ipsi non sese multo expellunt. Sit itaque

Vnica Conclusio.

Fides, scientia, & opinio de eadem re simul esse possunt.

Prob. 1o. Actus fidei, scientiæ & opinionis nullo modo sunt oppositi, seu species essentiam propositionis, seu proprietates: non enim quod fides affirmat, aut scientia, id negat opinio, aut vicissim; nec inter se pugnant, ut scientia & error; aut quod una sit propositio universalis, altera particularis. Ergo cum nullam inter se oppositionem exerceant, nihil prohibet quominus unâ esse possint.

Respondent. Fidem, scientiam & opinionem non pugnare inter se penes affirmationem & negationem, sed penes affirmandi aut negandi modum: nam scientia est certa & evidens; fides certa, sed obscura; opinio dubia & imbecillis assensio: quæ quidem, ut volunt, omnino sunt opposita.

Contra, qui habet scientiam, quod conclusionem veram esse per demonstrationem teneat, potest eandem conclusionem ratione probabili & minus certâ cognoscere, non quod dubitet de veritate conclusionis, (nam prior demonstratio omnem dubitationem formalem, ut aiunt, sustulit,) sed dubitat de connexione medii probabilis cum ipsa conclusione.

Simili ratione de scientia cum fide collata dici potest: nam Deum existere v.g. & demonstratione evinci potest, & fide teneri; quique à demonstratione persuasus, Deum existere concludet, non obscura illi erit huius conclusionis cognitio, nisi quatenus motivum fidei adhibebit; nec dubium futura est, nisi cum ratione probabili utetur; tumque obscuritas aut imbecillitas non erit in intellectu, sed in motivo, ut aiunt, seu in arguento ex fide, vel ex opinione desumpto. Hinc igitur.

Prob. 2o assertio nostra: nihil prohibet quominus eidem conclusioni per diversa media, seu motiva assentiamur: ut nihil obstat quominus rem eandem diligamus, quia est honesta, & quia utilis est: ergo intellectus potest ad assentiendum impelli per diversa motiva.

Confirm. Tria sunt genera quæstionum: quædam solâ ratione humana expendi possunt, ut quæ in Phylficiis explicantur, quartum pars maxima aut opinione sola, aut demonstratione, aut utroque modo traditur. Quædam ad solam fidem pertinent, ut quæ ad mysterium SS. Trinitatis aut Incarnationis pertinent. Quædam denique auctoritate & ratione persuadentur, ut existentia Dei, illius Prov'identia, mentis humana immortalitas. Nec dubium est quin iis assensum præbeamus, tum divina auctoritate ducti, tum demonstrationibus persuasi: alioqui si fides desinat, postquam demonstratio accessit, & rationis evidentia, deterior erit conditio hominis docti quam imperiti: imo minus ille certus & firmus futurus est: cum divinae auctoritatis major sit certitudo, quam enjucunque rationis.

Quo autem iis quæ contra opponi solent, respondeamus, id meminisse oportet, dubitationem non ita esse cum opinione, aut obscuritatem cum fide.

conjunctionem, ut divelli nullo modo possint : sed opinio dicitur incerta, quod ex se dubitationem omnem non tollat, nec fides obscuritatem : quamvis fieri possit ut propter demonstrationem nulla amplius sit in intellectu dubitatio, vel obscuritas.

Objecta diluuntur.

Opp. 1^o. Mens eadem de re non potest esse & certa & incerta ; dubitate & non dubitare : sed opinio mentem efficit incertam & dubiam ; scientia certitudinem affert & firmitatem : ergo scientia & opinio simul & de eodem obiecto esse non possunt.

Resp. Dist. maj. Mens non potest de eadem re certa esse & dubia, per idem motivum, seu medium, C. per diversa motiva, aut media, N. cum autem rem eandem v. g. immortalitatem animæ tum demonstratione, tum syllogismo probabili ostendimus, non idcirco ulla manet in animo dubitatio, ut aiunt, formalis, quasi incertum sit an anima sit immortalis ; sed virtualis ad summum remanet, quod vi argumenti probabilis immortalitas ipsa non omnino demonstretur. Atque in hac vocum ambiguitate omnis pene questio versatur ; quodque diximus de opinione, hoc de fide dici potest.

Sed, *inquiunt*, opinio includit judicium scientiae oppositum : est enim cum aliqua dubitatione conjunctionem, non item judicium scientiae.

Resp. Opinionem non impedire dubitationem, sed eam non patere. Quo enim plura sunt argumenta probabilia, hoc de te ipsa minus dubitamus. Cumque opinio juncta est cum scientia, tum nulla est dubitatio.

Contra, *inquiunt*, scientia & error in eodem intellectu circa idem objectum simul esse non possunt : ergo nec scientia & opinio.

Resp. Quidquid sit de antecedente, negandan esse consequentiam : nam scientia & opinio sunt duo actus veri, qui que adeo non inter se opponuntur : scientia vero est actus verus, error actus falsus, qui inter se conjungi non possunt, nisi forte duo sint motiva, unum certum, falsum alterum.

Opp. 2^o. Actus scientiae & fidei opponuntur, cum ille sit evidens, hic obscurus : hinc fides definitur ab Apostolo *argumentum non apparentium* ; sed quod evidentiam habet, cum obscuro esse non potest, ut nec lux cum tenebris : ergo scientia & fides simul esse non possunt.

Resp. Neg. maj. Non enim illa est oppositio inter actum fidei & scientiae. Quod autem fides sit obscura, id eodem modo est intelligendum, quo diximus opinionem afferte dubitationem, ratione motivi, aut mediæ, quo ntititur, non ratione obiecti : neque illa obscuritas est positiva, sed negativa, quod per se obscuritatem non discutiat.

Instant. Principia scientiae sunt per se nota, atque, ut loquitur S. Thomas, videntur quodammodo : principia fidei sunt credita, non visa : atqui impossibile est ut eadem res sit visa, & credita : ergo impossibile est ut de re eadem scientiam habeamus & fidem : quæ quidem est argumentatio S. Th. 2. 2. q. 1. ar. 4. quæ ex eo S. Greg. loco confirmari potest, *fides non habet meritum, ubi humana ratio præbet experimentum.*

Resp. Eandem adhibendo distinctionem, non potest idem esse visum simul & creditum, per idem motivum, C. per diversa motiva, N. Quod autem ex

S. Gregorio afferunt, ita est intelligendum, ut nullum sit fidei meritum, cum credere nolumus, nisi quæ humana ratione consequi possimus. Sed cum ita sumus a fidei ut divinæ authoritati nos subjiciamus, etiam si omnis humana ratio decesset, tum demonstratio aut scientia nec fidem, nec fidei meritum imminuit. Imo intelligentia ipsa est fidei perfectio, juxta illud Prophetæ, *nisi credideritis, non intelligetis.*

Q U A E S T I O IV.

De unitate & distinctione Scientiarum.

EX iis quæ diximus magna ex parte soluta est questio de unitate & divisione scientiarum. Cum enim scientia non sit una & simpliciter qualitas, sed multarum demonstrationum complexio, scientiarum divisio non adeo certa est, quin possit ad arbitrium pene augeri, aut minui. Hinc Joannes Picus Mirandula Comes unam esse scientiam pertendit: cum omnes scientiae unum habeant objectum, ens nimirum, quod unum est genere, & unitatem scientiarum genericam efficit.

Itaque scientiae omnes unâ Philosophiâ continentur, quæ in varias, ut diximus, partes diducitur. Primum enim scientia in speculativam & practicam tribuitur, quæ summa est & præcipua scientiarum divisio. Speculativis objectum ita est necessarium, ut aut nunquam fiat, aut certe à nobis non pendeat, ut objectum scientiae practicæ, quod necessitatem quidem habet essentia vel propositionis, non existentia: sed penderet à nobis per certas regulas, aut precepta operatibus. Theoretice finis est cognitio, practicæ finis est duplex, cognitio & operatio.

Scientia speculativa triplex est, Physica, Mathesis & Metaphysica. Prima objectum habet à materia singulare abstractum, non à materia sensibili: res enim sensibus subjectas Physica intuetur. Matheseos objectum à materia singulare & sensibili est præcicum: quantitas nimirum, quæ tamen cum sit materialis, non ab omni materia intelligibili præcinditur. Sed Metaphysica objectum habet omnino à materia secreta, Deum videlicet & Angelos; ens ipsum & illius affectiones.

Scientia practica duplex est, Logica & Ethica: illa intellectus, hæc voluntatis functiones dirigit; nec sunt aliae functiones spirituales & Philosophi contemplatione dignæ. Actiones corporeæ ad artes pertinent, non ad Philosophiam, quæ scientias omnes naturales complectitur.

Itaque hæc divisio scientiae est integra & adæquata, licet ea non sit ultima. Nam Physica v. g. non unius est speciei, cum circa objecta genere diversa occupetur; ut & Mathesis cuius variae sunt species; sic & Metaphysica alia est generalis quæ circa entis proprietates & attributa menti & corpori communia versatur; alia est specialis quæ circa Deum & Angelos occupatur, & Theologia naturalis nominatur.

Unde Physicæ objectum nec re, nec ratione à materia potest separari: Matheseos objectum ratione quidem, vel conceptu, non re ipsa à materia separatur: sed Metaphysica, ac præcipue Theologia naturalis objectum habet & re & ratione à materia secretum.

Non dissimili ratione scientiam practicam nonnulli in triplici genere constituant; primum voces certis præceptis dirigit, Grammatica nimirum & Rhe-

torica ; secundum cogitationes & affectiones , Logica nimirum & Ethica ; tertium genus complectitur artes omnes ætiologicas , quæ scilicet rationem sui operis afferunt , quæque circa res externas versantur : adeo ut divisio scientiarum ultima aut specifica sit pene arbitraria , ut quisque varias demonstrationes in certum ordinem digerit.

Alia quoque est scientiarum usitata divisio in superiores , & iis subjectas ; illas subalternantes , has subalternatas vocant . Quæ quidem subalternatio aut subordinatio in tribus maxime consistit .

1º Quod finis unius ad superioris finem referatur . Sic ars equestris militari , hæc politicæ subjicitur .

2º Scientia superiori subesse potest ratione subjectæ materiæ , vel objecti quod in scientia inferiori magis contractum est , & superioris scientiæ objecto ita continetur , ut illa accidentalem duntaxat differentiam , non essentiale afferrat . Sic Medicina Physicæ subjicitur : est enim illius objectum corpus sanabile , quod est corpus quoddam naturale , à quo accidente quodam , non essentiæ dividitur . Partes verò Physicæ , ut quæ de animalibus aut plantis , aut fossiliibus tractant , non sunt scientiæ subalternae , sed partes illius essentiales .

3º Scientia subalterna à superiori principia sua mutuatur ; sic Optica Geometriæ , Musica Arithmeticæ , Medicina Physicæ subordinatur . Nam Optica lineas & figuræ , sed quatenus visum determinant ; Musica numeros , sed sonoros : Medicina corpus naturale , sed ut sanabile ita considerant , ut unaquæque scientiæ iis quæ in superiori scientiæ sunt demonstrata , tanquam principiis utatur . Unde nec Optica , nec Musica , nec Medicina in eo qui principia aut Geometriæ , aut Arithmeticæ , aut Physicæ ignorant , scientia nomen usurpare possunt . Non enim demonstrationes efficiunt ex premissis per se notis , sed ex iis quæ in principiis resolvi possint , & in superioribus disciplinis jam sunt probatae .

Appendix de syllogismo Sophistico .

Id unum restat ut de cavillis Sophistarum , de quibus duos libros conscripsit Aristoteles , per pauca differamus , magis adeo ut ab iis caveamus , quæcum ut artem profructu inutilem & noxiæ docere videamur .

Syllogismus tum captiosus est & sophisticus , cum speciem habet veritatis : sed fallit tamen , & in errorem inducit . Cum is demonstrationem mentitur , tum paralogismus vocatur ; alii cum Pseudographum dicunt , quales in Mathematicis interdum occurunt . Qanquam Paralogismus etiam recte dici potest , cum sit bona fide , non animo fallendi : cum autem adest decipiendi voluntas , tum captiosus vocatur ; aut certe cum speciem habet syllogismi probabilis : tum enim proprie Sophisticus appellatur .

Omnis autem fallacia vel in forma ipsa , quæ satis accurate in Compendio fuit explicata , vel in vocibus , vel in rebus posita est .

Quæ in vocibus est cavillatio , fallacia dictionis solet nominari , ea que sapientis est in homonymia vocis , ut saepè diximus ; interdum in ambiguo sermonis contextu posita est , tumque ampli'ogia dicitur , ejus generis exempla paucim occurunt , etiam apud optimos quoque . Authores , ut apud Virgil . Aeneid .

Sara vocant Itali mediis quæ in fractibus aras .

Sic ambigua plerumque erant oracula , ut illud pervulgatum .

Aio te Æacida Romanos vincere posse .

Ut verbo complectar quæ multis edisseri possunt; hinc plurimæ ex vocibus cavillationes oriuntur, quod voces ipsæ sic ideas nostras exprimant, ut plerumque eas non exæquent: neque idæ nostræ objecta ipsa omni ex parte exhibeant.

Hinc quæstione proposita primùm intueri oportet, quod sit quæstionis subjectum, quod attributum. Sæpe enim hinc paralogismi oriuntur, & vanæ certationes, quod res ipsa de qua agitur, non satis est perspecta, neque uno modo accipiatur. Hinc fallacia ex homonymia adeo frequens, neque illa est aptior minuendarum controversiarum ratio, quæm si voces ipsas antè definiamus.

Tertius & satis tritus est Sophistarum locus à conjunctis ad divisâ, aut vicissim à divisâ ad conjunctâ. Hinc solemiss illa manavit distinctio sensus divisus & sensus compositi. Ille est, cùm potentia cum actu opposito conjungitur, ut potentia sedendi cum ambulatione; nam qui ambulat, sedere potest: sensus autem est compositus, cùm duo actus oppositissimul uniuntur: qui ambulat v.g. non potest simul & eodem tempore sedere, in sensu composito: ex hypothesi quod Deus præviderit Antichristum peccatum, non peccare non poterit in sensu composito, sed poterit non peccare in sensu diviso: nam semper habiturus est potentiam non peccandi. Nec licet ab uno ad alium sensum commicare.

Inepta sunt magis ea cavillationes, quæ in accentu, aut in figura dictiōnis posita sunt, cum scilicet aut accentus ipse, aut genus variat significationem, ut in hac voce occido & occido.

Quæ in rebus ipsis latent cavillationes, hæ sepius incurunt, nec tam facile deprehenduntur. Prima & satis vulgata est ea quæ accidentis fallacia nominatur; ut si à secundis intentionibus ad primas argumentemur hoc modo, homo est animal: sed animal est genus: ergo est homo est genus.

Ac st̄pe evenit ut attributum subjecto per se tribuatur, quod per accidens tantum ei convenit: plena est hominum vita hujus generis cavillis. Sic optima quæque remedia, artem ipsam medendi, vim dicendi, Philosophiam ipsam multi criminantur, quod plerique his abuti soleant, & ea in suam vel aliorum perniciem convertere.

Secunda est à dicto secundum quid ad dictum simpliciter, aut vicissim: ut si quis vinum hinc noxiū esse concludat, quod ægrotis plerumque nocet; aut furioso arma reddi oportere, quod unicuique id quod suum est, omnino sit restituendum. Sic male de toto concluditur, quod de parte sola verum est. Atque hoc cavillationum genus adeo frequens est in vita civili, ut nihil sit tam absurdum quod hac ratione non probari, aut defendi soleat: dum quod unirei compareat, aut ex parte, aut ex circumstantia aliqua interdum convenient, de illa dicitur absolute & universim.

Sic ex illo Taciti loco, quod sunt tempora in quibus magnis virtutibus certissimum est exitium: male quis conculserit, magnas virtutes esse fugiendas, nisi forte eo sensu quo illud Sapientis intelligi debet: *Noli esse justus nimium, nec sapientior quam oportet*: ubi non virtutem ipsam, quæ nimia esse non potest, sed vanam illius affectationem prohibet.

Tertia est ignoratio Elenchi, cum aliud probamus, quæm id ipsum quod negatum fuit ab adversario. Idque persepe evenit in ipso disputationis æstu, ut conclusionem velut contradictoriā inferamus, que nullatenus est contradictoria. Idque inde potissimum oritur, quod res ipsa de qua agitur, non satis sit perspecta, neque uno modo accipiatur.

Quarta est petitio principii, cum id ipsum quod in questionem venit, ut certum supponimus; ut si probare velis solem quiescere, quod terra moveatur, id enim est de quo potissimum queritur an terra moveatur. Sed in hoc persepe peccamus, quod incognitum per aliud & que incognitum probare conemur: cum omnis vera argumentatio ex percepto & cognito in obscuri notitiam nos ducat: & tamen si plerosque syllogismos severiori examini subjiciamus, id liquebit majorem propositionem, quæ ut plurimum latius patet, non secunda modo propositione, sed etiam ipsa conclusione esse obscuriorum.

Hujus generis sunt omnia pene exempla figurarum & modorum, quæ in Compendio afferri solent, & quibus nos ipsi usi sumus, ne à receptis argumentationum formulis recedere videremur. Sic in hoc syllogismo, nullus lapis est vivens, omnis adamas est lapis: ergo nullus adamas est vivens: argumentum quidem est optimum, & rite concludit. Nam apta est inter propositiones connexio: sed probatio est plane sophistica, & manifesta principii petitio. Multo enim minus mihi notum est nullum lapidem vivere, quam adamantem esse vitæ expertem; sive conclusio per aliquid obscarius, imo per id ipsum probatur, quod in questione versatur. Nam hæc propositio, adamas non vivit, hic propositione continetur, nullus lapis vivit: & hoc ipsum est quod probatio eget. Atque, ut optime animadverit vir doctissimus, propositiones universales de rebus quæ sub sensu veniunt, ex particularibus pendent, non vicissim:

Interdum inter argumentum, seu medium, & extrema, aut nulla est, aut tenuis admodum connexio. Hinc quarta oritur cavillatio, quæ à genere in genus transitio dicitur. Ut si ad ea quæ sunt fidei probanda Physicas rationes adhibeamus, quæ illustrare quidem Theologicas veritates, non demonstrare possunt. Sic male quis demonstrationes Mathematicas ad res politicas adhiberet:

Atque hinc quinta & maxime usitata fallacia ducitur à non causa pro causa, cum scilicet cause loco afferimus, quod nullo modo cause habet rationem: ut cum temporum mutationes ad lunam revocamus. Quod vitium in iis potissimum disciplinis inest, quæ conjecturis magis utuntur, quam certis demonstrationibus: verum non tam cavillatio est aut sophisma, quam error, cum falsam effectui causam aptamus.

Sæpe etiam causam nimis remotam & generalem adducimus: ut cum metalla à sole formati decernimus. Omnino enim vitiosa est argumentatio, cum nullus est rationum delektus; cumque iis utimur, quæ nec doctiores nos efficiunt, nec rem quæ probanda est illuminant; cum peregrinas & communes, non proprias & rebus ipsis cognatas rationes adhibemus; cum denique effata quedam aut axiomata ab omnibus concessa præmittimus, verum ad propositionem questionem accommodari ea non possunt.

Sexta cavillatio à multiplici interrogacione proficisciatur: cum scilicet plures questiones ita proponuntur, ut una & simplex videatur. Ut si quis interroget an sol & terra moveantur. Exemplum alibi atulimus de Menedemo, qui roganti an patrem cädere desisiisset, apte respondit, nec cecidi, nec cädere desii; cum enim interrogatio est multiplex, ea est dividenda, & unicuique partim seorsum est respondendum: hujus generis interrogations captiose tum solent nos decipere, cum gradatim aliquid additur aut minuitur. Nam in tenues & acutas rerum diff. rentias intendi animus facile non potest. Ac de prima parte Philosophie quæ rationem ipsam persicit & regit, tantum.



COMMENTARI I IN DECEM LIBROS ETHICORUM ARISTOTELIS.

P R A E F A T I O .

PHILosophiam Rationalem, seu Logicam, quam veteres Rationalis Philosophia nomine complexi sunt, Moralis excipit: illa mentis, hæc voluntatis actiones dirigit ac perficit: illa quid verum sit, quid falsum, quid consentiens, quid repugnans judicat; hec que sit honeste vivendi ratio, quid justum, quid iniquum, nos docet, ac mores præceptis & ratione format. Nam ut ars illa veri & falsi disceptatrix, quæ Logica dicitur, initium à natura, summam à doctrina & usu accipit: sic honesti justique disciplina, quam Ethicam dicimus, à natura quidem est inchoata, quæ primos velut impetus ad virtutem dedit; sed nisi mores subinde excolantur, & doctrinæ perficiantur, ea virtutum femina, aut igniculi animis nostris congeniti, malis moribus & prævis opinionibus ita restinguuntur, ut vix interluceat naturæ lumen.

Itaque præter naturalem illam & mentibus nostris innatam, alia quoque nobis est necessaria Moralis Philosophia, quæ doctrinæ & confuetudine comparatur; quæ difficultates innumerabiles usu & præceptis amoveat, varios quibus imbuimur errores corrigat, morbis demum animi medeatut. *Neque enim*, ut ait Tullius, *id probari potest, ut sibi mederi animus non possit, cum ipse medicinam corporis invenerit.* Quanquam illud meritò demiratur, quid cause sit, cur cùm constemus animo & corpore, corporis curandi, tuendique causâ qua sit ars, atque ejus utilitas deorum immortalium inventioni consecrata: animi autem medicina nec tam desiderata sit, antequam inventa, nec tam culta posse quam cognita est.

Etsi verò non dubitamus quin omnis vita instituenda ratio à Christiana religione sit repetenda, quæ una omnes animi morbos detegit, & curat: tamen id Theologis explicandum relinquimus, ne partes nostras omissamus, alienas demum occupemus. Quare legem illam animis nostris incisam, quæ naturalis dicitur, potissimum hoc loco consulimus, atque ex ea conclusiones ratione duce eruimus; quæque à Philosophis tradita sunt, aut controversa, pertractanda suscipimus.

Cum tamen lumen illud naturale peccati originalis labo & prava consuetudine plurimum fuerit imminutum, & pene obscuratum, non ab ipsis tantummodo Philosophis, sed multo maxime à Christiana religione, & sacris Libris veræ sapientiae præcepta sunt repetenda. Nam verbum Dei, ut ejus providentia

ad omnes &que pertinet : magnis juxta & parvulis est utile. Philosophi per paucis utilia scripsere : tametsi innumerabiles libros de moribus instituendis ediderunt. Faciendi plures libros nullus est finis , inquit Ecclesiastes , frequens que meditatio . carnis afflictio est : finem loquendi pariter audiamus , Deum time , & mandata ejus obseruat : hoc est enim omnis homo . Hæc videlicet summa est omnium quæ à vete saceriptibus scripta sunt.

Quocirca id nobis in hac editione maxime fuit propositum, ut morum scientiam non solum ex Philosophorum Libris, sed etiam ex sacris Authoribus , quantum instituti nostri ratio patetur, depromptam traderemus. Sic tamen ut meminerimus nos Philosophiam, non Theologiam tractandam suscepissimus. Sed illud semper viros graves & pios male habuit, quod plerique Philosophi nulla fere præcepta morum tradant, dum quæstiones alias ex alii & plerumque inutiles ne&ctunt. Nulla fere ex iis questionibus, quæ exercendis adolescentum ingenis utiles nobis videntur, quæque in scholis tradi solent, à nobis est prætermissa : sed præcepta moribus instituendis accommodata ex sacris & profanis Scriptoribus desumpta suis quæque locis sic inseruumus, ut seriam utilitatem aliqua delectario perfunderet ; ut varietas ipsa sententiarum Lectorum animos illiceret, & fastidium quod huic generi studiorum plerumque adhæret, penitus abstergeret. Docere magis, quam delectare volumus, sed minuenda erat rerum asperitas.

Philosophia, inquit Tullius 1. Tusc. nos primùm ad Dei cultum , deinde ad jus hominum , tum ad modestiam , magnitudinemque animi eruditivit. Quid igitur Deo , quid nobis ipsis , quid aliis debeamus , quantum id saltem lumine naturali nobis potest innotescere , explicandum , nec otiosis quæstionibus, nec magni ad formandos mores momenti contenti esse debemus. Sed priusquam hoc ipsum agamus , per pauca de natura Philosophiæ Moralis dicenda sunt antea breviter .



DISPUTATIO PRO OEMIALIS.

De natura Philosophiæ Moralis.

Circa naturam Philosophiæ Moralis tria potissimum quæri solent: primò , quod sit illius objectum. 2º quod illius genus. 3º quoruplex ea sit : Cumque magna ex parte hæc sint explicata in Philosophiæ ipsius limine , & in extrema Logicæ disputatione , majore brevitate ea decurremus , ne cum fastidio jam sèpius dicta repeteret videamur.

QUESTIO PRIMA.

De objecto Philosophiæ Moralis.

Quod nos Moralem disciplinam , hoc Græci Ημετέρη vocant , à voce Græci μόρα , quæ mores propriæ significat. Quanquam Fabius existimat sermonem Romatum carere nomine , quod vocem illam Græcam exprimat: nam rei naturam spectanti , non tam , inquit , mores significari videntur , quæ

quam morum quedam proprietas, affectum videlicet lenitas quedam & mitigatione: ut etiam affectus concitatus intellectu suo complectitur. Moribus tamen omni habitus mentis continei putat: non quidem eos qui sunt mere theoretici, quique ab Aristotele Dianoctici, seu intellectuales nominantur: sed qui ad actionem tendunt, & ad appetitum pertinent, ii proprie mores dicuntur.

Ex quibus liquet mores hoc loco sumi pro affectibus, vel à natura congenitis, vel consuetudine acquisitis. Qui quidem est etiam à Philosophia Morali spectantur, quatenus à ratione regi & ad honestum affecti possunt. Non enim mores vel natura sola constant, ut quidam crediderunt; vel divina tantummodo forte contingunt, ut voluit Plato, sed consuetudine & disciplina primum adjuvantur. Virtutem i: choat natura, consuetudo aut doctrina promovet. Nam si quae manu fiant, atque eorum tiam contemptissima egent Doctoribus, an virtutem ipsam, tantum quia nati sumus, habemus?

Ac de notione quidem, & utilitate Philosophiae Moralis diximus: nunc quod sit illius objectum paulo accuratius excutendum. Atque ut nos ad usitatum in Scholis ordinem referamus, sic.

Vnica Conclusio.

Objectum Moralis Philosophiae sunt actiones humanæ, ut ad honestatem dirigendæ.

Probatur conclusio. Illud est objectum alicujus disciplinæ integrum & adaequatum, cui conditiones omnes ad objectum requiriæ omnino convenient: sed actio humana ut ad honestatim conformanda, omnibus est prædicta conditionibus, quæ objecto scientiæ alicujus inesse debent. Primo enim tantum patet, quantum Moralis disciplina. 2º Quæ tractantur in Ethica ad eam referuntur, vel ut partes, vel ut proprietates, vel demum ut principia. 3º Ab omnibus aliis disciplinis Ethica distinguitur, quod circa actiones morales, quæ scilicet ad honestum ratione dirigi possunt, ea versetur; ac de moribus instituendis præcepta & regulas tradat. Ergo objectum Ethics sunt actiones morales, quatenus scilicet ad rectum vel honestum formari & dirigi possunt.

Confirm. Objectum formale disciplinæ practicæ est forma ipsa quæ juxta illius disciplinæ præscripta producitur: ut objectum formale Rhetorices est ornatus orationis: sed rectitudo moralis est forma ipsa, quam haec scientia in actus voluntatis conatur inducere: ergo rectitudo moralis est objectum formale hujus disciplinæ.

Diluntur objecta.

Opp. 1º. In practicis disciplinis idem est objectum & finis: sed beatitudo est finis Moralis Philosophiae, & ad eam referuntur omnia que traduntur in hac scientia: ergo beatitudo est etiam objectum Moralis Philosophiae.

Reff. Dipl. maj. Idem est objectum & finis intrinsecus, ac proximus disciplinæ practicæ, C. idem est objectum & finis cum remotus, tum externus scientiæ practicæ, N. Beatitudo vero est scientiæ Moralis, ut omnium disciplinarum finis exterius & ultimus, non ipsis intrinsecus & proprius: est enim actionum humanarum conformatio ipsius Ethics finis proprius & intinsecus.

neque hunc finem consequimur nisi simus bene morati.

Opp. 2. Objectum disciplinae practicæ est opus ipsum, non operatio: ut objectum architecturæ est ædificium, non ædificatio: sed Moralis scientia est practica, ut postea dicemus: ergo objectum illius non sunt actiones honestæ, sed ipsa opera, in quibus honestas eluiscit.

R. dist. maj. Objectum disciplinae practicæ quæ circa opus sensibile versatur, quales sunt architectura, fabrilis, & artes pene omnes, est opus ipsum, non operatio, C. in disciplinis quæ circa res sensibiles non occupantur, cuiusmodi sunt Logica & Moralis, objectum est opus ipsum, non operatio, N. Hæc quippe scientiæ circa actiones animi spirituales, & per se expetendas versantur. Contrà res se habet in plerisque artibus, quæ in opus aliquod tendunt: in his enim quid fiat, non quo animo id fiat, attendimus: sed in mortalibus magis spectatur quo quisque animo, quæve intentione agat, quam quid efficiat.

Opp. 3º Moralis ipsa Theologia in humanis artibus ut ad honestatem dirigendis versatur; mores format, morbos animi detegit, & sanandi rationem præscribit: ergo actus humani ut ad honestatem dirigendi non sunt proptimum Philosophiæ Moralis objectum: præsertim cum instituendæ vita ratio & morum præcepta è Sacris Literis, & SS. Patrum cœlesti doctrina tutius repeatantur, quam ab Ethniciis Philosophis, qui neque inflcta naturæ humanæ vulnera, nec malorum originem & fontem, neque eorum curationem cognoverunt.

R. dist. maj. Theologia moralis circa actus humanos ad honestatem supernaturalem formandos ex principiis divino lumine revelatis occupatur, C. circa mores instituendos ex honestatis naturalis præscripto, & ex principiis lumine naturali notis, N. Itaque morum institutio ad Theologiam & ad Philosophiam pertinet: sed utraque iisdem non utitur principiis, nec circa idem objectum formale versatur. Philosophus enim Moralis ex principiis agendi à natura congenitis conclusiones eruit: Religio Christiana, aut Moralis Theologia non solum ea principia juris naturalis in magna hominum parte fere deleta restituit: sed quid faciendum nobis sit, quid eligendum, ex divina auctoritate præscribit; nec humanam duntaxat felicitatem, sed æternam divino adjutorio acquirendam pollicetur, & ad eam nos ducit.

Quanquam id ultro concedimus veræ sapientiæ præcepta magis ex sacris Authoribus, quam ex Philosophis desumi oportere. Nam ille est sapiens, ut ait S. Bernardus, cui Deus sapit. Sed Deus, inquit Regum sapientissimus, dat sapientiam, & ex ore ejus prudentia, & scientia. prov. 2. Neque si sunt doctores morum habendi, qui relinquunt iter rectum & ambulant per vias tenebrosas. ibid.

Ex iis colligitur quis sit finis Ethics, optima nempe morum institutio: eam præceptorum quæ in hac scientia traduntur cognitio efficit. Subjectum vero illius non aliud est quam intellectus, in quo disciplinae omnes dianoeticæ, aut ratiocinatrices versantur: tamen enim hæc disciplina voluntatem regit, non alibi tamen quam in mente, seu in ipso intellectu inesse potest; uti nec scientiæ omnes, aut artes quæ alias facultates perficiunt, aut regunt.

Q U A E S T I O II.

Quod sit genus Philosophia Moralis.

Cum Moralis Philosophia sit habitus intellectualis, palam est eam nec Intelligentiam esse principiorum, nec Sapientiam, neque Artem proprię dictam, cum activa sit, non effectiva: quare in hoc omnis questio vertitur, Prudentia sit, an Scientia, an utiusque nomen & rationem sibi jure vindicet. Sit igitur

Prima Conclusio.

Ethica est scientia proprie dicta.

Probari potest conclusio sidem rationibus, quibus ostensum fuit Logicam esse scientiam. Primo, quod ex certis & inconcussis principiis certas & indubitatas conclusiones eruat. Nihil enim est in scientiis aut certus, aut evidens, quam redditum esse unicuique quod suum est; parentescoli oportere; Deo ut conditor nostro, cui nos nostraque omnia debemus, parentum esse, & alia pene innumera, ex quibus certae conclusiones eruntur. Ergo Philosophia Moralis est scientia etiam proprie dicta, qualem Aristoteles in Analyticis definitione sua complexus est. Habitus nempe demonstratione acquisitus.

Confirm. Omnis syllogismus, ut Aristoteles docet in Analyticis, aut est demonstrativus, aut topicus, aut sophisticus: atque omnis habitus discursivus, & per syllogismum acquisitus, ad triplex hoc genus referri potest: sed Ethica non est habitus sophisticus, nec mere topicus: cum ex principiis certis & necessariis constet: ergo restat ut sit vera & proprie dicta scientia, seu habitus demonstrativus.

Secunda Conclusio.

Philosophia Moralis, Prudentia quoque dici potest.

Probatur conclusio. Prudentia definitur ab Aristotele habitus vera cum ratione activus circa ea quæ sunt homini bona vel mala. Sed Philosophia Moralis est habitus vera cum ratione activus: nam actus voluntatis regit; quæ sequi debeamus, quæ fugienda praecipit; atque eo potius tendit, ut nos bonos, quam ut doctos aut peritos efficiat. Ergo Ethica non solum scientia, sed & prudentia dici merito potest. Unde & Politica, quæ est pars Moralis Philosophiæ, non ab Aristotele modo, sed & vulgo civilis Prudentia nominatur.

Confirm. Actio ad prudentiam, ut effectio ad attem proprię pertinet: illa est voluntatis, & per se expetenda, quæque agentem simpliciter bonum efficit: effectio est operatio artificiosa, quæ ab ingenio, seu ab intellectu potius, quam à voluntate proficiscitur: unde ad a iud referti solet, neque per se, ut actio honesta, expetur; atque ex effectione homo non simpliciter bonus, sed secundum quid dicitur, ut bonus architectus, aut pictor. Sed Moralis Philosophia circa voluntatis actiones versatur, in quibus magis intentio, quam industria, & quo animo quis agat, quam quid efficiat, spectumus. Un-

^{6 Eth. c} de ut docet Aristoteles , in actione qui consulto & de industria peccat , magis est in vitio , quam qui inconsulto , & non ex animo offendit : contra atque in artibus evenit . Ergo omnes conditiones quæ ad prudentiam requiruntur , in Moralem Philosophiam cadunt , quæ actus voluntatis regit & format . Hinc Aristoteles loco citato , *circa actionem* , inquit , & *agibilia versatur prudentia ; circa factiōnēm verō & factibilias ars.*

Confirm. iterum . Ut Logica simul est ars & scientia ; ac Theologia , scientia quoque est & sapientia : sic nihil obstat quominus Ethica scientia simul & prudentia dici possit . Scientia quidem est , quatenus veras habet demonstraciones , ut vitium esse fugiendum , quia malum : Est itidem prudentia , quatenus est ratio honeste vivendi , ac prudentiae proprium est bona eligere , mala fugere .

Hinc Sapiens Prov . 9 . *Scientia Sanctorum ea est prudentia* , qua scilicet re-
Etum à pravo fecerunt .

Hinc etiam veteres Philosophi Ethicam interdum artem definiēre . Nam la-
tiore significatu artem dicimus habitum mentis , qui juxta directrices quasdam
regulas operatur ; cumque præcepta sequitur , que habitus ipse præscribit , aut
facit , ut ars medendi , ut Logica ipsa , tum ars simul est & scientia . Itaque Mo-
ralis disciplina cum actus humanos regat & disponat , hoc sensu ars dici utcum-
que posset . Cum autem sit activa , non factiva , ars proprie dici non debet :
sed magis prudentia , quod ea in bonis eligendis & malis fugiendis versetur .
^{Lib. de virtut. moral.} Hinc Plutarchus duo rerum genera distinguit , unum eorum quæ sunt per se ,
ut cælum , sidera , terra ; & circa eas versari sapientiam , seu scientiam do-
cet : aliae verò ad nos referuntur , ut bonum & malum , jucundum & mole-
stum , quæ ad prudentiam proprie pertinent .

Solvuntur objectiones .

Opp. i^o Habitus seu virtutes intellectuales inter se distinguuntur : Sed scientia & prudentia sunt habitus intellectuales : ergo ii sunt inter se diversi , nec Moralis potest esse simul & scientia & prudentia .

Resp. Diff. maj. Virtutes intellectuales sunt distincti habitus officio . , C. es-
tentia , N. Unde ut Logica & Medicina scientie sunt & artes , sic Moralis erit
scientia simul & prudentia . Nam scientia practica ars quoque , vel prudentia
dici potest , ut effectiva est , vel activa . Fatemur tamen eundem habitum non
esse scientiam speculativam & prudentiam : cum illa in cognitione sui objecti
conquiescat , non item prudentia .

Instant. Objectum scientiae est necessarium & immutabile ; objectum ve-
rō prudentie est contingens & liberum , idque pendet à nobis : ergo idem ha-
bitus non potest esse & scientia & prudentia .

Re/p. Diff. ant. Objectum scientiae est necessarium necessitate essentiae , C.
necessitate existentiae , N. cum enim unus Deus necessario existat , si necessitas
essentiae , seu propositionis ad objectum scientiae non sufficeret , sola Theologia
scientiae nomen sibi vindicaret . Quare ut scientiae , sic prudentie , aut Moralis
disciplina objectum est necessarium , nec pendet à nobis , nisi forte quoad ex-
istentiam . Sic vitium esse fugiendum , propositio est aeternæ veritatis : tametsi
pendet à nobis divina gratia adjutis , ut vitium fugiamus , virtutem sequamur .

Opp. 2. Illi sunt diversi habitus, quorum principia, actus, objecta ipsa sunt diversa: sed Moralis & Prudentiae primum diversa sunt principia: illius enim principia sunt universalia, ex quibus conclusiones universas erunt; prudentia vero deliberat & præcipit quid agendum sit, hic & nunc; atque ex intentione finis, quasi ex principio singulari conclusionem elicit. Hinc sepe accedit ut qui à Morali Philosophia sunt optime instruti, imprudenter vivant, temere agant, & turpe honesto anteponant. *2.* Objectum utriusque est diversum: utraque enim circa actiones humanas versatur: sed illas, ut dictum est, Moralis universalis, prudentia particularis & certis circumstantiis circumscriptas considerat. *3.* Actus Moralis Philosophia est scire; actus prudentiae est bene judicare, aut præcipere, idque ex recta finis intentione quæ principii locum obtinet: ad eam quoque pertinet recte eligere, aut concludere quid sit faciendum, quid fugiendum. Postremo pravi affectus prudentiam corrumpunt: sed Moralem Philosophiam non vitia, non animi perturbationes, sed sola duntaxat ignorantia rerum agendarum eam destruit: ergo omnino diversa est à prudentia.

Resp. Duplicem esse prudentiam: unam generalem, quæ quid faciendum sit, præcipit & judicat: cuiusmodi est Ethica, quæ ut diximus, est habitus vera cum ratione activus in his quæ sunt homini bona vel mala; alteram esse particularem, quæ conclusiones à generali prudentia deductas ad usum applicat. Eaque est virtus quæ voluntatem circa res eligendas, aut fugiendas dirigit, cum res & tempora id exigunt. Itaque una ab altera non aliter fere distinguitur, quam Logica docens & utens; aut Medicina generalis, quæ structuram corporis, partium usus, morbos, seu lœsas functiones, medicaminum vires, curandi rationem docet, & pars illa artis medendi, quæ his utitur præceptis, cum res & occasio postulant. Sic in omni fere arte præceptorum cognitio ab usu & peritia ipsa, si minus naturâ & essentiâ, certe officio distinguitur.

Iraque ad argumentum responderi potest, *distinguendo majorem*, ubi principia, actus & objecta sunt diversa, ibi sunt & diversi habitus, si principia unius non ducantur ex principiis alterius, aut si objectum unius non continetur alterius objecto, aut si actus denique unius non subordinentur actibus alterius, C. secus, N. sic prudentia principia particularis sunt conclusiones ex generali, seu ex Morali Philosophia deductæ; objectum illius objecto Ethics concluditur; actus denique prudentiae particularis à generali prudentia reguntur.

Instant. Plerumque evenit, ut qui sunt optimè à Philosophia Morali instruti, sint in rebus agendis maxime imprudentes: ergo Moralis Philosophia prudentia dici non potest, præfertim cum hæc in bonis tantum & bene moralis inveniatur; Moralis autem Philosophia probis & improbis communis sit, ac sub eo nomine maxima in plerisque vitia latuerint.

R. dist. consequens. Philosophia Moralis non est prudentia specialis, C. generalis, N. Etsi enim, in optimè Philosophus in i. Ethicorum admonet, non eo rendit Moralis scientia ut nos doctos, sed ut bonos efficiat: tamen parum est optima quæque aut docere, aut præcipere, nisi & vivere, ut præcipitur, studeamus. Hoc utique præstet prudentia specialis quæ est virtus cum aliis con-

nexa, quæque in multis reperitur qui Moralem Philosophiam non didicerunt. In his enim potest esse vera prudentia, tum ex multis experimentis, aut observationibus, tum etiam ex principiis lumine naturali notis collecta; tum maxime ex divino auxilio. *Sapientia autem est viro prudentia.* Prov. 10. Nam verā sapientia quæ ex Deo est, hominem efficit vere prudentem. Aliud quippe est rem ut bonam judicare, aliud eam amplecti: illud cognitionem tantum, hoc amorem præterea & propensionem quandam postulat. Per generalem prudentiam in re tanquam bona acquiescimus; per prudentiam vero particularem in rem ipsi in nitimur: illa est tantum in mente, hæc ad affectum usque & voluntatem diffunditur. Id enim quod prius, maxisque est, ut boni virtus simus, voluntate maxime constat, quam, ut optime Quintilianus, qui *vera fide induerit, facile easdem quæ virtutem docent, aries accipiet.*

*P*rgent. Omnis disciplina practica magis exemplis docetur, quam præceptis; ut percurrenti omnes artes planum fieri: sed Moralis Philosophia non docetur exemplis: cum persæpe doctiores quique non sint meliores. Quod in aliis tamen scientiis semper verum est, ut meliores, iidem sint peritiores: ergo Moralis nec scientia est practica, nec prudentia.

R. 1. *Negari posse majorem.* Qui enim aut medendi artem, aut militarem; aut politicam docent, exemplis praetere non possunt, cum ea non sint obvia, aut facilia; nec doctissimus quisque Medicus, idem sit optimus medendi artifex. Hoc utique verum est duntaxat in iis disciplinis quae in sola contemplatione conquiescunt: ut, Astronomus hoc est melior, quo doctior.

*R*efp. 2. Eos qui disciplinam practicam tradunt, ut Moralem, praetere exemplis aut alienis, aut suis, C. praetere suis exemplis, N. neque enim necesse est ut qui præcepta administrandi tempublicanam tradunt, iidem in administracione reipublicæ versati fuerint.

Ex iis facile colligitur quid sit Moralis disciplina, nimirum *ars honeste vivendi*; aut si malis, *scientia practica quæ circa actiones humanas ut ad honestatem dirigendas occupatur.*

Est enim Ethice scientia practica, quæ objectum suum, nempe rectitudinem morum, seu ordinem in actibus humanis non considerat solum, sed facit; quæque ex principiis practicis ad agendum progreditur. Potest etiam definiti, *prudentia quæ in formandis moribus versatur.*

Q U Ä S T I O III.

De Philosophiae Moralis divisione, & idoneo illius auditore.

VARIÆ Moralis divisiones vulgo circumferuntur. Ea quippe, ut Logica; vel est naturalis, vel acquisita; quæ rursus aut usu, aut doctrinâ comparatur. Dividi quoque potest in docentem & utentem: illa præcepta & regulas vivendi tradit; hæc ad usum eadem præcepta adhibet, idque efficit beneficio prudentiæ particularis quæ difficultates omnes, quæ in agendo occurunt, quæque ex circunstanciis oriuntur, circumspicit & amolitur.

Sed usitata magis & instituto nostro aptior est Moralis divisio in generalem, seu communem, & specialem: illa mores hominum ad felicitatem adipiscendam format, optimis præceptis imbuit, quæ omnibus sunt communia, & ad

Bene vivendum necessaria ; eaque proprie est Ethice , quam tradere instituimus , quamque non privatus modo , sed etiam qui familie aut reipublicæ curam habet , docendus est.

Ethicæ genetali tres subjiciuntur species , Monastica , Oeconomicæ & Politica. Nam hominem spectare licet , vel quatenus sui unius curam gerit , & est singularis , tumque Monastica , aut potius Ethica generalis eum regit ; vel præterea is esse potest , ad quem familia cura , aut etiam administratio reipub. pertineat : ut ei domus cura incumbit , ab Oeconomicæ instruitur ; Politica vero eum instituit , qui alius praest , cuique legum condendarum , aut tuendarum munus creditum est. Prima propriæ unicuiusque , secunda familie , tercia reip. saluti consulit.

Prima in doctrinæ ordine est Monastica , aut potius Ethica : non enim video quid Ethicæ adjiciat Monastica. Hanc excipit Oeconomicæ , quæ familiam spectat , quæque mariti in conjugem , parentum in natos , domini in servos mutua officia præscribit. Postrema est Politica , quæ dignitate & autoritate est prima : nam èo tendit ut omnes bene & feliciter vivant. Cum enim homo aliorum ope & auxilio indigeat , tum in iis quæ ad vitam sunt necessaria , tum ut commode vivat : in his quæ ad vitam degendam sunt omnino necessaria , à familia adjuvatur ; à civitate vero , vel à rep. id habet ut commode & tuto vitam possit ducere.

Quæ contra hanc Moralis Philosophiæ divisionem opponi solent , facilè dissolvēs , si adverteris aliud esse officium hominis , ut est privatus ; aliud ut civis est , aut pars societatis : hinc diversa considerandi ratio distinctas quoque scientias efficit. Cum itaque

Opp. Monasticam & Oeconomicam esse partes Politicæ , & ad eam referri , nec familiam specie differe à civitate : ergo nihil necessarium est Oeconomicam à Monastica , aut Monasticam à Politica distinguere.

Reft. Monasticam & Oeconomicam partes esse Politicæ , & ad eam referri per accidens , C. per se , N. idque fere ut diximus in prolegomenis Logicæ , definitionem & divisionem referri ad argumentationem , ut partes illius sunt per accidens , quæ nimur sola possunt confistere : non ut sunt partes quæ per se & essentialiter ad eam referuntur , ut caput est pars corporis. Aliud est enim esse virum bonum , aliud bonum civem. Fateor tamen ad Politicam id pertinere , ut cives sint bonis moribus informati , quod ipsa præcipit Ethica.

Ac de vulgari quidem Moralis Philosophiæ divisione diximus : quanquam quæ dicitur Monastica , cum Ethica ipsa ab Aristotele merito confunditur. Hanc vero potissimum nunc exponendam ingredimur , quæ reliquas ut subiectas sibi species quodammodo complectitur. Nam in ea præcipue explicanda operam suam posuit Philosophus in duobus libris magnorum Moralium , tum in septem ad Eudemum ; tum denique in decem Ethicorum libris quos ad Nicomachum filium conscripsit , ut librum omittam de virtutibus : Oeconomicam vero duobus , Politicam octo libris complexus est.

Nos utique Moralem universum tradituri , decem Ethicorum libros quām poterimus dilucide & breviter explanare conabimur , nec multum ab eo quiem ubi proposuit ordine Philosophus , recedemus. Is enim in primo libro de fe-

licitate, vel de summo bono disputationem insituit, quam decimo tamen libro absolvit; in secundo de virtutē in universum disputat; in tertio de principiis actionum humanarum disserit; in iis qui sequuntur virentes sigillatim expendit. Nos iisdem pene vestigiis insistentes, Moralem Philosophiam in tres tractatus partiemur. Primus erit de summo hominis bono; Secundus de principiis actuum huminorum tum congenitis tum acquisitis; Tertius de moribus seu actibus humanis & affectibus animi futurus est: ac de iis omnibus sic agere conabimur, ut per pauca ex iis quae aliquid utilitatis sunt habitura, omit-tamus.

Jam id necessarium minime arbitramur, ut multa de auditore hujus Philosophiae differamus. Quod enim Aristoteles tradidit, juvenes minus esse idoneos civilis scientiae auditores, quod actionum quae in hac vita versantur imperiti, & plerumque libidinum aestu abrepti, vitae instituendae præcepta negligant: id forte verum est de civili scientia, aut Politica, quae maturum hominem & expertum postulat: non de Ethica ipsa, quae molli & flexibili etati est utilissima, tum ut mores ad honestatem conformet, tum ut morbos animi sanet, & perturbationibus quae in ea etate majores habent impetus, modum adhibeat. Quid enim, an expectandum erit, dum virtutē & pravī habitus adolescentes, & altas radices egerint, ut optimis præceptis imbuantur? Hinc Aristoteles ipse quasi se corrigens, haec subiicit: *nihil autem refert an etate sit juvenis, an moribus. Non est autem, inquit, culpa in etate, sed in eo quod pravis affectibus serviat.* Unde & incontinentes, quicque libidinibus suis serviant, eadem ratione ductus minus esse huic disciplinæ idoneos docet: non quod ii maxime non egeant optimis vitæ præceptis, sed quod ii minus dociles sint; ac mens rebus etiam pulcherrimis vacare nisi omnibus vitiis libera vix possit. *Nihil est enim, ut scite Fabius, tam occupatum: tam multiforme, tot ac tam variis affectibus concium atque laceratum, quam mala mens.* Sed tamen cum in Christiana potissimum Religione, timore Domini, & divine gratiae auxilio vel prava indoles afficiantur, & ad meliorem frugem perduci soleantur; cumque Salomon ipse celestis sapientie se præcepta scribere testetur, *ut detur, inquit, parvulis astutia;* iis scilicet qui facile in errorem inducuntur, adolescentis scientia & intellectus; neminem cuiusunque sit etatis, etiam si non sit optimis imbutus moribus, ab hujus discipline studio ardentum putamus. Nam & boni progressus facere, ac perfici; perversi vero emendari possunt.

Proverbiū est inquit Sapiens Prog. 22. Adolescentis iuxta viam suam etiam sum sinuerit, non recedet ab ea. Et quidem à pueritia ea sunt spargenda semina quae metere volumus.

Hinc illud Eccli. 30. *Qui diligit filium in tanter erudit:* & illud, *Curva ceras vicem ejus in juventute, ne forte induret, & non credat tibi.* Ibid. Nisi enim in tempore eruditionis & cortexeris, in manu fiet obdurate, & inflexibilis. Sed de auditore hujus disciplinæ satis, nunc illius tractationem ingrediamus.

TRACTATUS PRIMUS.

De summo Bono.

DE summo hominis Bonō nobis ante omnia agendum est, tum de mediis ad eum finem acquirendum & tuendum dicemus. Sed quis sit ille bonorum omnium finis, scire non possumus, nisi quid bonum sit, quid finis, explicatum antè fuerit. Primum igitur nobis de bono & malo universim, tum de fine, tandem de summo bono, seu de felicitate dicendum videtur.

DISPUTATIO PRIMA.

De bono & malo in universum.

Bonum quidem spectari potest vel absolute & secundum se, vel ut ad nos refertur. Illud tantum patet, quantum ens ipsum, atque illius tractationem Metaphysica sibi vindicat. Sed contemplatio boni ut ad nos refertur, aut perfectio est hominis, ad Mortalem scientiam proprie pertinet. Quocirca nobis imprimis videtur inquirendum, 1º quid sit bonum, 2º quotuplex sit, 3º in quo posita sit natura mali, 4º utrum in id quā malum ferri voluntas possit.

QUÆSTIO PRIMA.

Quid sit Bonum..

Veteres Philosophos laudat Aristoteles, quod bonum dixerint esse id quod omnia appetunt. Quod quidem non ita est intelligendum, ut nullum sit bonum quod ab omnibus non appetatur, aut quod idem bonum omnia expetant: id enim manifeste falsum est: nisi forte boni nomine summum bonum intelligas, ad quod omnia referuntur. Res enim unaquæque ea ratione est bona, quod sit participatio quædam summi illius boni, quod tertium omnium principium est & finis: nihil quippe in rebus creatis est boni, quod à summo bono non profluat, & in illud quodammodo non redeat; sicque universale bonum ab omnibus quodammodo expetitur.

Hæc cum vera sint, minus tamen videntur ad mentem Aristotelis accommodata, cùm eodem in loco doceat, ex bonis quæ expertuntur, alia esse aliis amibiliora: quod utique de summo bono dici non potest. Itaque sic pervulgata illa boni descriptio videtur intelligenda, quod nihil expertatur, nisi idem habeat rationem, aut speciem boni.

Appetitus porro est quædam propensio qua res quæque nititur in suum bonum, aut in suam perfectionem. Nam ideo res unaquæque est experibilis, quia alteri convenit, adeo ut bonum definiri possit *id quod est conveniens*. Idcirco autem bonum rei alteri convenit, quia illam perficit: quamobrem essentia ipsius boni, aut bonitatis ratio vel essentia in eo posita est, quod rem cui dicitur bona aut conveniens, perficiat. Atque ut bonum absolutum in perfectione absoluta, vel in ipsa integritate consistit; ita bonitas relativa, qualiter hoc.

loco quartinus, in eo posita est, quod sit altius rei perfectio: & quidem ob eam maxime rationem bonum est natura sua appetendum, quia perficit: nam cuncta appetunt suam perfectionem.

Appetitus itaque, ut mox diximus, nihil est nisi rei cuiusque propensio in suum bonum: nam res quæque suam sibi velut jure natura i debitam perfectio nem experit. Actio ipsa, aut insus in bonum, ut amor sanitatis, aut voluptatis, appetitus elicetus dici solet: sed vis aut facultas nobis ingenita, quæ hunc actum elicit, innatus appetitus nominatur: hinc triplex vulgo statuitur.

Naturalis, sentiens, & rationalis. Primus rebus omnibus insitus vulgo creditur. Sic nihil est in scholis usitatus, quam gravia naturali appetitu, seu inclinatione quadam deorsum ferri, levia sursum. Quanquam fateor id intellectu arduum videri, qui fieri possit ut res sensus & cognitionis expertes aliquid experant, aut inclinatione aliqua donentur. Quod enim respondere solent, ut appetitum, sic cognitionem iis rebus inesse, sed improprie, aut analogice dictum, hoc utique nihil est, cum nulla omnino in lapide fingi cognitione possit.

Sunt itaque in rebus cognitionis & sensus expertibus certæ motuum leges ab Authore naturæ constituta, que propensiones quedam à natura congenitæ dici possunt: ut quod motus omnis rectam lineam affectet. Sed cavendum nobis est ne rebus ipsis appetitus quosdam, aut inclinationes tribuamus, cum occultiores rerum qualitates quaruntur: hoc est enim, ut alibi diximus, rerum maxime disjunctarum attributa confundere; queque ad res cognitionis compotes pertinent, ut amicitia, ira, odio, voluptatis motus, rebus quæ sunt omnis cognitionis expertes, tribuere. Sed de his plura suo loco.

Quire ut appetitum naturale in nobis, ino & in brutis agnoscimus, qui felicet omnem cognitionem distinctam praecurrit; sic quedam ad bonum ipsum inclinatione nobis congenita & naturalis dici potest; est enim ab Authore naturæ impressa. Hinc bonum aliquod nobis convenire non ratione tantum, aut cognitione per sensus accepta, sed sensu quodam intimio percipimus.

Quæ igitur instinctu naturæ, & velut impetu agimus, haec ad naturalem appetitum pertinent; quæ sensuum cognitionem sequitur inclinatio, ut magna pars affectuum animi, haec ad sentientem appetitum: sed quæ mentis cognitionem consequitur propensio, appetitus rationalis, seu voluntas nominatur.

Qui à natura est appetitus, in id quod sibi conveniens est, fertur, neque à suo fine aberrat unquam: est quippe impressio ab Authore naturæ profecta: sed appetitus & sentiens & rationalis persæpe a scopo deflectunt, & speciem boni, non bonum ipsum, aut sensu fallente, aut mente ipsa in errorem inducta, aut pravo libertatis usu consequantur.

Q U A E S T I O II.

De Boni divisione.

AC de boni quidem natura hæc tenus, nunc varias illius divisiones summa dicemus. Prima & summa boni divisio est in bonum per essentiam, & bonum per participationem: hujus divisionis Philosophus in magnitudine

tum Moralium initio meminit. Il'ud uni Deo convenit , Christo ipso testante : *nemo, nisi solus Deus.* Quidquid verò est in rebus creatis boni, id valde angustum est, & participatum, seu aliunde acceptum. Illud est universale bonum, & illimitatum, quod omnes expetimus . quod confusa saltem cognitione attingimus , et in unum alteri præponimus. Cum enim unum præ altero eligimus , id quod in eis melius videtur, anteponimus ei quod deteriorius judicamus : melius porro dicitur quod optimo vicinus. Habemus igitur notitiam quandam summi boni animis nostris impressam. Nam ut pulchre Augustinus, non diceremus aliud alio melius , cum vere judicamus , nisi impressa esset nobis ipsius boni notio , secundum quam & probaremus aliquid, & aliud alii proponeremus.

Bonum participatum aliud est naturale , quod naturæ alicui convenit , ut sanitas animali ; aliud morale , quod regulis morum est consentaneum : hæc porro sunt duas, recta ratio & lex æterna , de quibus postea.

Bonum morale , quod scilicet naturæ rationali secundum reetam rationem operanti convenit , ut alias omittam divisiones , in honestum , utile & jucundum vulgo dividitur. Honestum idem est quod rectum , quod vi sua & per se est expetendum , ut virtus. Bonum utile illud est , quod non ratione sūt , sed propter aliud expetimus, ut potio amara propter sanitatem sumitur. Jucundum denique id dicimus , non id modo quod sentientem appetitum voluptate quadam perfundit , quodque scep̄tis hominis malum quam bonum illius dicendum est : sed id omne quod molestiam afferit , vel ægritudinem ; quodque ad annum pertinet , etiam si ad corpus nullo modo referatur , ut cognitio rerum pulcherrimarum..

Quare duo solent circa hanc boni divisionem , in disceptationem venire : primum , an id solum quod est rectum & honestum . bonum dici possit, ut vixum est Stoicis ; Peripateticis contra defendantibus , id quod utile est , aut jucundum inter bona numerari. Alterum . quod etiam inter Veteres multum fuit controversum , an aliquid quod honestum non est , idem utile dicendum sit. Quòd utraque hæc quæstio dirimatur , sit

Prima conclusio.

Non id solum bonum est , quod est honestum : sed jucundum etiam & utile in bonis sunt numeranda..

Probari posset conclusio contra Stoicos variis argumentis , quæ M. Tullius lib. quarto de finibus fuse prosequitur. Unum duntazat aut alterum ut in re manifesta affirremus. Quæ naturæ appetimus , ut nostri conservationem , integratatem partium , sanitatem , vacuitatem dolorum , delectationem ipsam ; hæc ; inquam , in bonis numerantur , licet ea dici honesta non possint : ergo non id solum bonum dicendum est quod est honestum , sed multa sunt præterea in bonis habenda. Hinc meritò Cicero irridet Stoicos , quod quæ bona dicimus , ii præposita , quia contraria sunt anteponenda , non bona ; non expetenda , sed sumenda appellarent. Hoc quippe nihil est aliud quam verba mutata , de opinionibus nihil detrahēre , & id sentire quod omnes pene Philosophi , qui quod rectum est & honestum , ceteris quidem bonis anteponunt : sed in bonis

etiam jucundum & utile ducunt. Quid enim interest divitias, opes, valetudinem bona dicas, an præposita?

Confirm. Dolor quoddam malum est, & naturæ contrarium : ergo voluptas ipsa, quam ad conservationem corporis Auctor naturæ, aut corpori, aut animo inferiūt, quoddam est bonum: nam ut dolor mali, ita delectatio boni characterem & notam gerit.

Quod si in homine nihil esset perficiendum, nisi sola ratio, illius una perfectio aut bonum in virtute ponetur : rationis enim perfectio est virtus. Ac si nihil in eo esset quam corpus, non alia forent ejus bona, quam valetudo, voluptas, vacuitas doloris, & alia hujus generis. Sed cum is constet corpore & animo, summa quidem illius perfectio est, honeste vivere : verum ne corpus quidem ita est deserendum, ut in bonis non ducenda sint quæ ad naturæ conservationem pertinent: ut quæ illi adversantur, in malis numerantur: nam gravitate membrorum & cruciati dolorum si quis quem levet, magnam profectio is gratiam initurus est, quod dolorem inter mala censeamus : adeo ut non id solum quod turpe est, sed etiam id omne quod est naturæ contrarium, ut malum habeatur. Hanc rationem Aristoteles, & M. Tullius loco citato fuisse persequuntur.

Probatur 2. conclusio. In hoc boni natura consistit, ut appetitum ad sui prosecutionem moveat: sed voluptas, eaque potissimum, quæ est animi propria, quæque ad cognitionem maxime pertinet, appetitum movet & allicit: ergo voluptas aut delectatio ratione sui bona dici potest. Quamvis voluptas corpora læpius sit rejicienda propter ea quæ sunt cum ipsa voluptate conjuncta. Ut in melle venenato non dulcedo mellis, sed venenum admixtum respuitur. Non dissimili ratione non voluptas ipsi per se, sed vel actio cui conjuncta est, aut res ex qua percipitur, aut damnum quod ex re vel actione emergit, ut quid mali fugiendum est. At si nulla lege, aut consuetudine, aut honestate prohibetur, tum nihil erit cause cur in bonis delectatio non habeatur. Sic nemo est qui dolorem expetat, si omnem honesti, aut utilis rationem ei admiserit.

Quò autem iis quæ à Stoicis contra opponuntur, respondeas, meminisse oportet eos cum Aristotele & aliis Philosophis re consentire, verbis discrepare: nam Philosophi quæ secundum natutam sunt, bona appellant, ut valere, non dolere; quæ autem contra sunt, mala. *Cur igitur*, inquit Cicero, *cum de re conveniat, non malimus usitate loqui? aut doceat Zenon parationem me ad contemnendam pecuniam fore, si illam in rebus præpositis, quam si in bonis duxero; fortior emque in patiendo dolore, si cum asperum & difficilem perpeſſum & contra naturam esse, quam si malum dixerō.*

Diluuntur objecta.

Opp. 1. voluptates obſtarē prudentiæ, plerasque esse noxias & turpes. Hinc meritò Seneca laudationem voluptatis esse perniciſam docet: *quia honesta præcepta in tra latent; quod corrumptit, apparet.*

Rsp. Voluptates prohibitas, quæque plus mali fecum affrunt, quam habent boni, recte vituperari: quod actiones quibus sunt conjunctæ, quæque prudentiæ & temperantiæ aduersantur, sunt vitiōſæ. Sic turpitudo, ant infi-

mia quæ iis actionibus adhærescit, voluptatem ipsam, ut venenum mellis dulcedinem, inficit. Hinc Aristoteles voluptatem non per se, sed ex accidenti propter actionem cui conjuncta est, malam esse & fugiendam tradit. Cum autem vulgus non facilè possit distinguere inter illud quod ex se, & illud quod ex accidenti bonum est, aut malum; optime Seneca colligit laudationem voluptatis esse perniciosa; ac meritò voluptates quæ cum malis actionibus coherent, ut malas & fugiendas darrnamus. Nam sapiens abstinere debet ab iis voluptatibus quæ cum malis actionibus sunt conjunctæ; quasque mala adeo gravia consequuntur: ut mel venenatum omnino est rejiciendum.

Opp. 2º Stoici. Bonum omne est laudabile: id verò solum est honestum: ergo omne bonum est honestum.

Resp. Negando majorem: Nam præter virtutes quæ solæ sunt laudabiles, alia sunt multæ quæ in bonis haberi debent, ut sanitas, gloria, divitiae, amici, voluptas ipsa, quæ, si credimus Epicureis, omne bonum saltem comitatatur. Quod enim ea sit bonum quoddam, jam ex his quæ diximus, confessum arbitramur.

Quod autem in omni bono reperiatur, non Epicurus modo, sed ipse etiam Aristoteles innuere videtur l.2. Ethic. ubi tria bonorum genera distinguit, honestum, utile, jucundum: quibus opponit turpe, inutile, molestem. Id verò subjicit, quod circa hoc omnia vir bonus recte agit, malus autem peccat, & maxime circa voluptatem; voluptas quippe est communis omnibus animalibus, estque eorum quæ cadunt in electionem assidua comes. Ubi voluptatem non ut speciem boni ab aliis distinctam, sed ut communem boni affectionem considerat, quæ aliis omnibus admiscetur: nam delectatio cum rei cuiusque, quam expetimus, electione conjuncta est. Unde ab Epicuro primum naturæ accommodatum vocatur, quod cuiusque animalis saluti velut fundamentum subjiciatur; quod ea nobis sit congenita, atque eorum quæ ad salutem animalis sunt comparata, sit antiquissima. Hinc negat Torquatus apud Tullium, opus esse ratione, aut disputatione, quam obrem voluptas expetenda, fugiendas dolor sit. Sentiri hoc, ut calere ignem, nivem esse albam, dulce mel: quorum nihil oportere exquisitis rationibus confirmare, satis esse admonere.

Sed inquires. Si voluptas, ut docet Aristoteles, sit eorum omnium quæ eliminimus, individua comes; si nihil expetimus, nisi quia jucundum est, aut gratum: bonum & jucundum erunt synonyma, ac præpostera erit boni in honestum, utile & jucundum divisio.

R. 1. Hanc divisionem non esse totius in partes: sed ejusdem rati in diversas rationes: alia quippe est honesti, alia jucundi ratio: tametsi persæpe idem est jucundum, honestum & utile.

R. 2. Nos Epicureis ita non indigere, ut putemus honestum non esse bonum, aut appetitum ad se non invitare, nisi quia jucundum est: nam licet honestum jucunditatem aliquam habeat adjunctam, tamen vi sua & per se exceptitur. Id tale est ut detta omni utilitate sine ulla præmis, fructibusque per seipsum possit jure laudari. Neque enim id verum est quod Epicurei contendunt, honestum ad popularem laudem referri, atque id solum esse honestum, quod est populari fama gloriosum, quodque voluptatem habet conjunctam: nam ut pulchre Tullius, non ob eam causam illud dicitur honestum,

quia laudatur à multis : sed quia tale sit, ut si ignorant id homines, vel si obmutuisserent, pulchritudine sua tamen esset, specieque laudabile.

Verum hinc alia oritur quæstio multum & diu inter Veteres agitata, an utile quiddam esse possit, quod idem non sit honestum. Id enim negabant Philosophi omnes præter eos qui emolumentis omnia, aut voluptate in tiebantur: Stoici imprimis qui id solum bonum esse quod honestum est, pertendebant. Imo Peripatetici quibus quod honestum est, ita summum borum esse videbatur, ut omnia ex altera parte collocata vix minimi momenti instar haberent, quique utilitatem nunquam posse cum honestate contendere, crediderunt. Sit itaque.

Secunda Conclusio..

Quidquid honestum est, idem est utile ; nec utile quicquam, nisi idem honestum.

Hanc conclusionem Cicero toto libro tertio de Officiis, multis probat argumentis, quæ hic fere recidunt. Quod utilitas quæ cum honestate non est coniuncta, non sit vera aut germana, sed fucata utilitas, quæ fons est omnis iustitiae; natura autem non quod fictum est, sed quod est verum, appetit, ut cibum non pictum, sed verum. Hinc meritò Socrates exercitari solitus erat eos, qui primùm hæc naturâ cohærentia opinione distraxiſſent.

Major propositio multis à Cicerone rationibus illustratur, quas summatim attingamus.

1. Nihil magis est contra naturam, quam turpitudo: recta enim & constantia natura desiderat, aspernaturque contraria; nihilque est tam secundum naturam, quam vera utilitas: ergo in eadem re utilitas & turpitudo esse non possunt.

2. Hinc omnis iustitia oritur, quod error hominum quod utile videtur, ab honesto secesserat. Hinc enim siccæ, hinc venena, hinc falsa testamenta nascuntur. Emolumenta quippe rerum fallacibus judiciis vident; pœnam, non dico legum, quas saepe pertrumpunt, sed ipsius turpitudinis, quæ acerbissima est, non vident. Ex quo quidem recte concludimus falsam esse utilitatem, quæ tanto detimento comparatur, quanta est mentis sibi bene conscientia & tranquilla jactura. Possunt-ne, inquit Cicero, cuiquam esse utiles angores, sollicitudines, diurni & nocturni metus: Quid, an parva jactura est, quod is qui utilitatem, cui turpitudo adjuncta est, honestati anteponat, viri boni & justi nomen amittat? Quid est quod affre tantum utilitas ista quæ dicitur, possit, quartum auferre, si boni viri nomen eripuerit, iustitiamque detraxerit? Quod quidem argumentum longe validius erit, si rem omnem ad fidem Christianam revocaveris: nulla enim utilitas pensare jacturam potest, quam turpitudo affert aut iustitia, quæ felicitatem nobis eripit, cœlesti gratia nos exxit, & æternis pœnis addicit.

Hoc ipsum sacra Literæ passim intonant. *Quid prodest homini si totum mundum lucretur, ani næve ò sue detrimen' um patiatur. Et Sapiens prov. 10 Nihil v'nterunt thefauri impietatis: sive quod iuste sint queſti, sive quod iis abut' mar, & ad impietatem ducant. Iustitia v' ò liberabit à morte. Et c. 11. non invenerit fraudulentus lucrum. Qui enim amori iustitiae anteponit queſtum, is lucrum luteum querit, quod ubi contrectatur, manus inquinat.*

3. Nihil magis contra naturam est , quām fucata & falsa utilitas ; quae ab honestate separatur. Hinc pulchre hanc formulam Tullius constitut : detrahere aliquid alteri, & hominem hominis incommodo suum augere commodum , magis est contra naturam , quām mors , quām paupertas , quām dolor. Nam tollit convictum humanum , & societatem. Si enim sic erimus affecti , ut propter suum quīque emolumētū spoliet aut violet alterum, disrupti necesse est eam quā maxime est secundūm naturam , humani genetis societatem. Ut si unumquodque membrum sensum hunc haberet, ut pelle putaret se valere, si proximi membra valetudinem ad se traduxisset, debilitari & interire totum corpus necesse esset.

In eandem sententiam plura apud Salomonem videri possunt : ut illud prov. 26. Melius est parum cum iustitia , quām multi fruētūs cum iniquitate : &c c. 21. Qui congregat thesauros lingua mendacii . vanus & excors est, & impingetur ad laqueos mortis. Item illud c. 23. Noli laborare ut diteris : sed prudētia tua pone modum. Atque ut optime in hunc locum advertit Author inter recentiores nobilis : Qui bonis quārēndis anxiē incumbunt , etiam cum innocentiae & tranquillitatis dispendio , multum laboris sumunt , & frustra. Quid enim cum dives factus fueris , pra aliis consequēris , nisi majorem sollicitudinem , anxiū animum , majorem domi tumultum ; ac deum aliis laboraveris , non tibi ?

Solvuntur objectiones.

Opp. 1. Sæpe dubitatio accidit utrum honestum utili sit anteponendum : ergo utile aliquid esse potest , quod non est honestum.

R. Diff. ant. Sæpe dubitamus , an quod videtur utile , sit honesto præponendum , C. an quod vere est utile , sit honestati præferendum , N. Etenim ut pulchre Tullius , non modò pluris putare quod utile videatur , quām quod honestum , sed hec etiam comparare , & in his dubitare turpissimum est. Tametsi incident sæpe causæ , cum repugnare utilitas honestati videatur , ut advertendum sit , repugnet-ne plane , an possit cum honestate cor jungi.

Contra inquies. Utile turpitudini non repugnat : ergo simul conjungi possunt.

R. Diff. ant. Utile non repugnat ei quod turpe est , ratione sui , & præcise quatenus utile est , C. propter damnum quod est turpitudini adjunctum , N. nam ubi turpitudo est , ibi utilitas esse non potest.

Opp. 2. Utile est quod ad finem , eumque bonum confert : sed multa sunt hujus generis quæ vitæ sustentandæ , aut corporis saluti serviant , licet minus honesta videantur : ergo nihil obstat quominus aliquid utile habeatur , licet idem non sit honestum.

Resp. Illud utile dici non oportere , quod in se habet plus mali , quām commodi : cuius generis sunt ea quæ honestati repugnant , quæque plena sunt decoris ac turpitudinis : nam honestate dirigenda est utilitas. Atque ii pervertunt fundamenta nature , qui utilitatem ab honestate se Jungunt. *Omnis enim* , ut ait Tullius , *expetimus utilitatem , ab eaque rapimur.* Sed quia nusquam possumus nisi in laude , decore , honestate utilia reperire . propterea illa prima & summa habemus , utilitatis nomen non tam splendidum quām necessarium

ducimus , ac tanta est vis honesti , ut speciem utilitatis obscureret . Poteſt igitur aliquid videri utile , licet sit in honestum : ſed utile erit tantummodo ſecundum quid , ut aiunt , non ſimpliciter . Illa itaque fervanda eft regula quam idem Author proponit : aut illud quod utile videtur , turpe ne eft ; aut ſi turpe eft , ne videatur eſſe utile . Quamobrem honestum & utile non tam re , aut naturalia , quam ratione , aut cogitatione inter ſe diſcrepant .

Sed inquires . Nonne igitur ſapiens , ſi fame ipfe conficiatur , abſtulerit cibum alteri homini ad nullam rem utili ? Minime vero , responderet Cicero : non enim mihi eſt vita mea utilior , quam animi talis affilius , neminem ut violē commodi mei gratia . Superiorū monuerat confeſſum eſſe non repugnante natura , ſibi ut quisque malit , quod ad vite uſum pertinet , quam alteri acquirete . Sed illud , inquit , natura non patitar , ut aliorum ſpoliis noſtris facultates , copias , opes augeamus . Nam unum debet eſſe omnibus propositum , ut eadem ſit utilitas uniuscujusque & universorum : quam ſi ad ſe quisque rapiat , diſsolvetur omnis humana ſocietas .

Postremo , inquiunt , actus in honestus idem ſepe eſt jucundus : ergo & utilis eſſe potheſt .

R . Neg . conſeq . Nam ut actus ſit jucundus , ſufficit ut praefens delectatio vincentat preſentem dolorem : quod ſepe accidit : ſed ut aliquid ſit revera utile , neceſſe eft ut maius ſit emolumen tum , quam dāminū : quod nunquam evenit , ubi aliquid eft honeſto contrarium .

Q U A E S T I O III.

In quo poſita ſit natura mali ?

Circa malum duo nobis querenda ſunt , in quo poſita ſit illius natura ; deinde an malum , quam malum appeti poſſit . Ac de primo quidem magna eft inter Philosophos contentio : cum alii omnem mali rationem in privatione , aut defectu perfectionis debitate conſtituant ; alii duplex mali genus faltem moralis ſoleant diſtinguere , omissionis videlicet , & commissionis . Illud preceptis divinis affirmantibus adverſatur , ut omissione cultus divini : ac nemini dubium eft quin in privatione debitae perfectionis conſtituat : ſed rationem illiū mali quod preceptis negantibus repugnat , ut homicidii , aut furti , in reſpectu quodam , vel relatione ad legem praepcientem ſic poſitam eſſe contendunt , ut ſemper adjunctam habeat privationem . Non quod malum ſit ens quoddam abſolutum , ut Pythagoræ & Manichai ſomniarunt : ſed eft quid reſpectivum diuitaxat : eft enim actio humana cum eterna lege , cui adverſatur comparata . Quæ quidem opinio ſua probabilitate non caret : dummodo relatio illa ens quoddam à fundamento diſtinctum non ponatur . Cum autem oppoſita ſententia , (ſi tamen huic vere opponitur) & communior ſit , & veriſimilior , ab ea non recedemus . Sit igitur

Prima Conclusio .

Malitia , ſeu malum formaliter non eft aliud quam privatio .

Probari ſoleat hæc conclusio , 1º auctoritate SS . PP . ut S . Dionysii l . de divinis nominibus c . 4 . Malum , inquit , imbecillitas , infirmitas , privatio eft , & merum nihil . S . Augustinus cum multis in locis , tum l . 2 . de Civit . Dei :

nemo

nemo querat causam effectricem male voluntatis: non enim est efficiens, sed deficiens; quia nec illa effectio est, sed deficitio: causas porro defctionum istarum, cum efficiens non sint, sed deficiente, velle invenire, tale est ac si qui piam velit videre tenebras, & audire silentium. Ex quo quidem loco haec ratio conficitur.

1. Si malum esset quid reale, aut positivum, Deum haberet authorem, qui omnis entis est prima effectrix causa: sed illud absurdum est. & impium, Deo ut causae effectrici malum referre acceptum. Nam Deus malum ut opus suum amaret: quia nihil odit eorum quae fecit. ex Sapientiae cap. 11. & tamen, ut eodem in libro scriptum est, odio sunt Deo impius & impietas ejus: Ergo malum non est quid reale, sed privatio tantum, nec habet ullam causam efficiensem, sed deficientem, atque, ut loquitur Sanctus Dionysius, aberrantem a scopo.

2. Bonum in perfectione consistit: ergo malum in defectu, aut privatione debitæ perfectionis positum est: nam oppositorum oppositæ sunt rationes. Itaque ut bonum ex integra causa, ut vulgo dicitur, sic malum ex minimo defectu oritur: atque ut malum naturale nihil est nisi defectus perfectionis naturalis; & malum artificiale privatio est restitutionis artificiose; ita malum morale est defectus, aut absentia restitudinis moralis, aut bonitatis debitarum, ex qua-cunque causa oriatur:

Confirmatur. In hoc præcisè consistit ratio malitia; quo intellectu statim actio mala intelligitur: sed intellecta privatione restitudinis debitarum, statim actio mala concipiatur. Nam si quid reale & positivum concipiamus, id rationem boni est habiturum, cum bonum & ens convertantur: adeo ut bonum in ipsa integritate positum videatur: ergo actio quæque tantum est mali habitura, quantum ab integritate aut perfectione debita recederet: ut si desit ei aut legitimum objectum, aut finis idoneus, aut circumstantia debita.

Solvuntur objectiones.

Multa solent opponere, quæ facilitas dissolves, si adverteris privationem, aut potius, ut loquuntur, carentiam perfectionis interdum esse in ipsa voluntate, ut in peccatis quæ dicuntur omissionis: tum enim malitia est in voluntate, non in actione, quæ nulla est: siquidem omissione est absentia actionis debitarum. Sed ubi peccatum committitur, tunc malum vel est accidentarium, tumque privatio est in ipsa actione, ut in actu intemperantie est moderationis defectus: vel actio est intrinsece & essentialiter mala, ut mendacium, ut odium Dei, tumque defectus primum est in voluntate male affecta, deinde in ipsa actione generatim sumpta, nimis in ratione odii, non quatenus talis est. Nam ut est actio humana, ea potest bene & male fieri: sed ut talis est actio, nunquam potest bene fieri. His intellectis, quæ objici solent, videamus.

Corr. 1. Privatio non suscipit magis & minus: ergo si malum formaliter sumptum nihil sit nisi privatio, ex duobus virtutis quæ eidem virtuti opponuntur, unum non erit altero maius. Imo nec mala different inter se: ad o ut nec avaritia sit prodigalitate deterior, neque una ab altera discrepet: cum utraque sit ejusdem formæ privatio.

R. 1 N. suppositum: nam virtutis virtuti opposita non sunt eadem privatio:
Tom. I.

nec eodem modo virtutem destruant: ut varia mortis genera distinguimus, quæ non uno modo vitam perimunt.

R. 2. Neg. conseq. Prodigus enim peccat committendo, quod facultates suas temere profundat; avarus omittendo, quod nihil aut parum largiatur. Prodigalitas excessu, avaritia defectu peccat. Privatio itaque bonitatis est in actione prodigi, eadem est in voluntate ipsa avari. Neque in utroque vitio idem est recessus à virtute: peccat enim avarus retinendo, quando non decet; peccat prodigus dando, cum non decet. Est etiam una privatio major altera, quatenus subiectum est minus dispositum ad formam excipiendam: ut lignum viride minus est dispositum ad formam magnis.

Instant. Si malitia nihil est præter privationem reætitudinis debitæ, nihil erit discriminis inter malum commissionis & omissionis: cum utrobique sit ejusdem formæ, aut perfectionis privatio.

Resp. Neg. ant. Discrimen vero à nobis jam allatum est, quod in peccato commissionis sit privatio reætitudinis, quæ debetur ipsi facultati, seu voluntati.

Contra, inquiunt, Malum omne committitur: est etiam contrarium bono, & prohibetur præcepto negativo: Sed quidquid committitur, est aliquid positivum: contraria item sunt positiva; ac demum quod præcepto negativo prohibetur, ut furtum & malitia furti, est itidem quid reale & positivum.

Resp. hos cavillos facile dissolvi, si malum actum, seu ut aiunt, malum sumpnum materialiter ab ipsa malitia distinguamus. Nam actus malus committitur, non malitia ipsa: & quod prohibetur, est aliquid positivum, ut furtum ratione actus, seu subiecti, non ratione ipsius formæ, seu malitiae, quæ proprie non opponitur præcepto, seu reætitudini morali: quæ cum dicuntur contraria, latiore significatu contrarietas accipitur.

Opp. 2. Bonitas actionis est relatio conformitatis, aut similitudinis cum recta ratione: ergo illius malitia erit itidem relatio, ut loquuntur, disformitatis: sed utraque est realis, ut similitudo & dissimilitudo: ergo malum formaliter est aliquid reale, & non solum mera privatio.

Resp. Neg. min. Nam fundamentum hujus relationis est tantum defectus; aut privatio: quare ipsa relatio non erit quiddam positivum. Neque eadem est ratio dissimilitudinis, cuius fundamentum, puta nigredo in pariete est quiddam reale. Sic falsitas non est vera & realis relatio, sed privatio conformitatis aut similitudinis cum objecto.

Instant. Quod habet causam realem, est quid reale: sed malitia habet causam realem, nempe voluntatem: ergo malitia est quid positivum & reale, non mera privatio.

Resp. Dist. maj. Quod habet causam realem efficientem est quid reale, C. quod habet causam deficientem tantum, N. sic mors & cæcitas causam habent realem, sed deficientem.

Opp. 3. Privatio est absentia formæ in subiecto apto ad eam recipiendam: sed quidam sunt actus qui nullam possunt reætitudinem excipere, ut actus odii Dei aut idolatriæ: ergo malitia in iis actibus non est tantum privatio, sed aut meta negatio, aut quid positivum.

Resp. Malitiam illorum actuum esse privationem reætitudinis debitæ tum in

ipsa voluntate, quæ proprie dicitur bona aut mala; tum in actu ipso generatim sumpto, qui rectus esse debet. In tali vero actu est carentia rectitudinis, non sola privatio; bonus quippe is esse nequit. Exemplum talpæ, adhibet S. Thomas, qui ut vulgo creditur, privatur visu, non ut est tale animal, neque enim videre deberet: sed ut est animal, quod generatim visum exigit. Quare ut cæcitas talpæ, sic odio Dei privatio rectitudinis tribuitur.

Itaque odium Dei formaliter sumptum non est capax rectitudinis moralis: sed ut est odium, seu actus quidam voluntatis, & generice spectatur, est capax alicujus rectitudinis.

Contra inquires. Non dissimili ratione lapis generice sumptus erit capax visus: nempe ut est corpus; sicque cæcitas erit in lapide: quod omnino est absurdum.

Resp. Longe disparem esse rationem: Lapis enim ut corpus non exigit visum; odium autem generice sumptum exigit rectitudinem moralē.

Imo, inquires. Ut corpus generice spectatum est indifferens ut sit vivens, aut vitæ expers; animal ut si rationale vel irrationale: sic odium generice sumptum nec bonitatem, nec malitiam exigit: sed ad utramque est plene indifferens: ergo actus non exigit rectitudinem.

Resp. Neg. conseq. Nam ut oculus visu potest donari & eo privari, tametsi eum naturaliter postulat: sic actus generice sumptus & bonus esse potest & malus, quamvis rectitudinem ipsam exigit. Et quidem si Metaphysice res ipsa consideretur, est odium plene indifferens, ut bonum sit, vel malum: tum enim præcisè ut genus, quod à suis differentiis abstractum, consideratur. At si moraliter spectetur, ut à ratione proficiuntur, & subest imperio voluntatis, tum non est indifferens ut bonum sit. aut malum.

Instans. Si malitia nihil est nisi privatio, qui Deum non amat cum debet, non minus peccat, quam qui eum odio habet: cum in utroque sit privatio amoris divini, seu rectitudinis debitæ.

R. Neg. ant. Ratio jam à nobis allata est: tum quia privationes sunt diversæ juxta diversos modos quibus forma destruitur; tum quia odium Dei est peccatum commissionis, quod & actum & voluntatem ipsam omnino pervertit, & à rectitudine ipsa longissime recedit.

Q U Ä S T I O I V.

Vtrum malum quæ malum appeti possit?

Asserunt Nominales voluntatem nostram in malum præcisè quæ malum est, ferri posse, idque appetere prosecutionis motu, vel amoris; ac bonum vicissim ut bonum odio haberi posse. Reliqui omnes Philosophi id negant: sit utique

Vnica Conclusio.

Non potest voluntas malum quæ malum expetere, nec bonum quæ bonum odire.

Probari potest conclusio. authoritate & ratione; authoritate SS. PP. ut S. Dionysii qui loco jam citato docet malum esse præter voluntatem, præter in-

tentionem; S. Gregorii Nysseni qui l. de opificio hominis hæc habet: *nemo inquit, in vita proruit nisi in securus specie aliqua bonitatis.* Sic Augustinus l. 2. confess. ne ipse igitur Catilina amavit fucinora sua, sed utique aliud cuius causâ illa faciebat.

Aristoteles idem passim docet: ac præsertim cum definit bonum id quod est appetibile, manifestum facit, malum quæ malum appeti non posse. Hinc l. 8. Ethic. c. 2. *Non omne, inquit, amat, sed tantum amabile;* illud autem est vel honestum, vel jucundum, vel utile. Ex quibus hoc firmissimum erui potest argumentum.

1. Nulla facultas extra suum objectum, ex quo suam desumit speciem, ferri potest; sic visus nihil nisi visibile, aut lumine perfusum; auditus nihil nisi idem sonorum potest attingere: Sed objectum appetitus est appetibile, seu bonum: ergo nullus appetitus, aut intellectualis, seu voluntas; aut sentiens, malum quæ malum potest appetere, aut bonum quæ bonum odisse.

Confirm. Ut objectum intellectus est verum, sic objectum voluntatis est bonum: quodque est in ipso intellectu assensus & disensus, seu affirmatio & negatio, hoc ipsum est in voluntate prosecutio & fuga, amor vel odium: sed intellectus assentiri non potest fallo, ut fallo & cognito: ergo nec voluntas malum amplecti. Mens quidem potest falsum percipere, aut intelligere: nam simplex perceptio assensum omnem prævertit: sed voluntatis nulla est actio, quæ prosecutionem & fugam præveniat. Unde eam bonum velle, & nolle malum dicimus: cum mens verum & falsum intelligat, aut cognoscat. Quod quidem est advertendum, ne voluntas & intellectus male inter se conferantur. Nam omnis quidem mentis functio, aut cognitio, aut intellectio nominatur, non item omnis voluntatis actio est velle: cum & velit bonum, & nolle malum; in illud feratur, hoc refugiat.

His intellectus faciliter multas adversiorum cævillationes effugiemus. Sed & illud quoque advertendum, malum sumi posse vel materialiter, ut aiunt, pro actione ipsa quæ malitiam habet adjunctam: cuius generis sunt voluptates sensuum: tumque appeti potest quatenus jucundum videtur, aut utile, ac speciem induit boni: ut fallo per se appetimus, quod veri habeat similitudinem. At si malum præcise ut malum est, spectetur, nullo modo id appeti potest: ut nec fallo assentiri possumus, quæ falsum est; nec bonum respucere, quæ bonum: cum ea ratione sit appetibile & perficiens.

Ex quibus multa solvi possunt argumenta, & ea potissimum, quæ ex autoritate Sacrae Scripturae & Sanctorum Patrum deponuntur, quibus effici videatur malum quæ malum appeti posse: ut illud Genesios 8. quod prius sunt sensus hominis ab adolescentia in malum, hoc est, in voluptates quæ sensus movent. Sic locus ille Job. 14. intelligendus est de iis qui quasi de industria recesserunt à Deo: nempe ut libidinibus suis servirent. Non dissimili ratione explicari debet Aug. loco citato, cum sic loquitur: *Queso, Domine, quid me in furto delicias erit?* & alia id genus plurima, in quibus non luci utilitas, sed ostentatio libertatis aut industria, aut aliqua delectatio, vel species boni quæritur.

Illud denique observandum est, malum nos interdum appetere non nobis, sed aliis: quo quidem modo S. Bernardus docet dæmones appetere malum

ut malum. His quidem explicitis, quæ contra opponi solent, facillime dissolvantur.

Diluuntur objecta.

Opp. 1. Sunt quædam peccata quæ dicuntur ex pura malitia: ergo in iū malum quā malum appetitur.

R. N. conf. Sic enim dici solent peccata quæ neque ex infirmitate, neque ex ignorantia sunt. Non quod malum quā malum voluntas prosequatur: sed quia nullus in iis est excusationi locus, & ex magna oriuntur perversitate.

Opp. 2. Desperati appetunt non esse, & Deum oderunt damnati: ergo malum quā malum prosequuntur: siquidem non esse, non potest habere rationem boni, nec Deus habet rationem mali.

R. N. conf. Nam qui appetunt non esse, finem calamitatum querunt ut quoddam bonum, & damnati sibi Deum ut crudelē exhibent.

Opp. 3. Voluntas est libera circa bonum & malum: ergo potest amare malum, & odire bonum.

R. Dist. antec. Voluntas est libera libertate contradictionis, ut bonum amet vel non amet, C. libertate contrarietatis, ut bonum amore prosequatur, aut oderit; malum itidem amet vel oderit, N.

Instant. Si voluntas non potest odire bonum, & amare malum quā malum, nunquam liberum erit idem objectum amare, & odio habere. Nam semper objectum illi exhibetur ut bonum, aut malum: si ut bonum exhibeat, illud odio habere non poterit; neque id amare, si mali habeat rationem.

R. N. antec. Potest enim idem objectum certa ratione spectatum boni habere rationem: cum ex alia velut parte consideratum habeat rationem mali. Sic interdum quod jucundum est, cum honesto pugnat, & quod utile videtur, cum eo quod est honestum componitur. Sed si quid habeat tantum rationem boni, illud odire non possumus; uti nec amare, si id nihil præter mali rationem habere videatur.

Instant. Quod liberum est libertate contradictionis, potest odire & non odire, amare & non amare. Sed voluntas est libera circa malum libertate contradictionis: ergo illud amare potest & non amare, odio habere, & non habere.

R. Dist. mai. Quod liberum est libertate contradictionis adæquata, id potest amare & non amare, odire & non odire, C. libertate inadæquata, N. voluntas autem circa malum ita est libera, ut id odio prosequi possit, & non odio habere; sed non est ita libera, ut amare id queat & non amare.

Opp. 2. Minus bonum cum meliore comparatum habet rationem mali: sed possumus minus bonum etiam cognitum meliori anteponere: ergo malum ut malum possumus eligere.

R. Dist. min. Possumus minus bonum etiam cognitum meliori anteponere, ut boni habet rationem, C. ut minus est altero, N. nam semper aliqua ratione ducimur ut deterius meliori præferamus. Atque ut forte quod eligimus, nullam habebat re ipsa boni rationem, opinione nostra speciem habet bonitatis. Deinde ut voluntas possit minus bonum majori anteponere, non idcirco malum ut malum amare potest: quia intra objectum specificativum voluntatis non continetur.

Opp. 3. Voluntas sequi potest judicium intellectus : sed intellectus saltem advertarii judicat malum quā malum amari posse : ergo nihil obstat quem minus voluntas in id feratur ut malum est.

R. dist. maj. Voluntas sequitur judicium practicum intellectus, C. speculativum duntaxat, N. Ac licet Nominales secundum theoriam judicent malum quā malum expeti posse : tamen si seipso consulant, & quid in seipsis agatur, diligentius advertant, profecto intelligent nunquam se malum nisi ementita specie boni vestitum, & obscure cognitum expetere. Quod si quis voluntatem suam pro ratione omni afferat, id illi bonum & excellens videbitur. Tamalte enim propensio ad bonum nobis impressa est, ut eam exuere non possimus. *1. 4. de benef.* Hinc pulchre Seneca: *Nequissimū fructus concupiscitur, ipsa verò odio, pudorique est: nec quisquam tantum descivit à lege naturali, & hominem exuit, ut gratis velit esse malum.*

Instant. Intellectus potest cognoscere falsum ut falsum : ergo voluntas amare potest malum quā malum.

R. N. conseq. Nam falsum est intelligibile, malum ut malum nullo modo est amabile. Atque ut intellectus assentiri falso ut falso non potest: sic voluntas malum ut malum nequit expetere.

D I S P U T A T I O II.

De fine.

CUm summum hominis bonum sit illius finis ultimus, postquam de bono universim egimus, instituti nostri ratio postularat, ut de fine quoque in universum differamus: sic enim facilior erit ipsius felicitatis tractatio. Circa finem tria nobis hoc loco sunt explicanda, 1º Quid sit & quotuplex. 2º Quomodo omnia agant propter finem. 3º Quæ ad finem ultimum spectant, etunt excutienda.

Q U Ä S T I O I.

Quid sit finis, & quotuplex.

1. Physic. **F**inis recte definitur ab Aristotele, *id cuius gratia fit aliquid.* Sic medicinæ finis est sanitas; atque id omne propter quod efficitrix causa operatur, idem finis habet rationem.

Quocirca finem existere, quæ hunc omnia, aperte demonstrant: nam sublato fine omnis actio tollitur, ac cessant omnia. Quid enim cause erit cur una actio fiat potius quam altera, si finem, aut agentis intentionem sustuleris?

Cum autem id finis vocetur, quod per se expetur, idque aut bonum sit, aut certe boni speciem induat, merito hic queritur an bonum & finis ita sint reciproca, ut omne quod bonum est, idem finis habeat rationem, ac vicissim.

Vnica Conclusio.

Bonum & finis non convertuntur.

Prob. conclusio. Quod tantum utile est ad finem, aut quod tanquam me-

dium ad finem dicit, id bonum est: sed illud non est finis, cum propter se non expertatur: ergo non omne bonum est finis.

Confirm. Multa sunt actu bona, quae actu non expertimus: imo Deus ipse, qui est summum bonum, aliquando ut finis non expertur: cum peccans ab eo desleget, & in eum non tendat: ergo quod actu est bonum, non semper actu est finis.

Quanquam non inficiamur, omne quod bonum est, posse expeti ut finem: sed tamen non semper actu id appetimus. Sicque Aristoteles intelligi debet, cum bonum & finem unum & idem esse tradit. Nam bonum, ut aiunt, materialiter sumptum & finis idem sunt; quodque est bonum, id potest habere rationem finis: sed utriusque boni & finis non eadem est ratio, neque id omne quod actu est bonum, idem ut finis expertur.

Opp. Bonum utile propter se appetitur, nempe propter suam bonitatem; sic pecunia, quia indigentiam tollit; pharmacum, quia vim habet sanandi, experti solet: ergo bonum utile habet rationem finis, aut rei per se expetibilis.

R. Diff. ant. Bonum utile propter bonitatem suam relativam appetitur, quia ducit ad finem, C. propter bonitatem absolutam, N. Sic pecunia potest habere rationem finis, ut in avaro: tumque non amplius ut bonum utile, sed ut jucundum spectatur: quod scilicet cupiditatem repleat. Sed quando sola pecunia spectatur utilitas, tum nec finis est, nec bonitatem habet absolutam: quia per se non expertur.

Contra inquies. Bonum utile omnem suam bonitatem à fine repetit: ergo nullam habet sibi propriam bonitatem.

R. Neg. antec. Nam aut pharmaco, aut pecunia sua est bonitas, sed relativa ad finem. Quod si enim nulla pharmaco vis insit propria, frustra unum præ alio eligitur.

Finis divisio.

Nunc quotuplex sit finis, breviter explicandum. Atque ut eas quæ ad insti-tutum nostrum non pertinent, divisiones omittamus, prima & maxime usitata est, quam alibi attulimus, in finem *cujus gratia*, & *finem cui*: ille etiam finis *qui* solet vocitari: est enim id quod per se expertur: ut sanitas est finis *qui*, medicinae. Finis *cui* est persona ipsa in cuius commodum cedit id quod queritur; ipsum verò commodum, quod nobis vel aliis volumus, est finis *cujus gratia*.

Finis iterum est duplex, objectivus nempe & formalis. Ille nihil est aliud nisi res ipsa quam consequi volumus, ut pecunia est finis objectivus avari; illius rei fruitio est finis formalis, ut possessio pecuniae: hunc finem *quo vulgo* appellant: est quippe actio ipsa, qua fine experti fruimur.

3. Finis alius est operis seu Physicus, alius operantis, seu Mortalis: aut quod eodem recidit, finis vel est artis, vel artificis; ille est in quem actio ipsa, aut opus, aut habitus naturalis vi nititur: sic ædificium artis ædificaticis, sanitas medicinae est finis proprius & intrinsecus. Sed finis quem ex arbitrio suo homo vel artifex sibi proponit, ut luctum, aut hominum existimatio, aut aliud quiddam simile, est finis hominis vel artificis, qui externus quoque dici potest.

Uterque rursus in varias species diduci potest, ut in primatum, quem per se & primò nobis proponimus; & secundarium, quem secundo velut loco spectamus: Verum his & aliis quæ omnibus sunt obvia prætermisssis.

4. Finis præcipua divisio est in ultimum, & intermedium, seu interjectum: ille est ad quem aliqui sic ordinantur, ut ipse ulterius non referatur; quippe vel est ultimus simpliciter, ut felicitas quæ est omnium finium finis; nam alii omnes ad eum finem referuntur: vel ultimus secundum quid, is nempe, qui in suo genere est ultimus: ut sanitas est medicinæ finis ultimus; tametsi in alio genere ulterius referri possit.

Finis intermedius ita per se expeditur, ut ad alium finem referatur: unde cum mediis, ut loquuntur, comparatus, finis dicitur: sed cum nobiliore fine collatus, boni tantum utilis, aut medii interjecti habet rationem. Sic sanitas, honor, bona mens, virtus ipsa, bona sunt & perfecta: sed ea tamen ad felicitatem tendunt: quam idcirco Aristoteles non inter res quæ sunt laudabiles, cuius generis sunt res præclare gestæ, & virtutes ipsæ; sed inter honorabiles, seu inter veneratione dignas constituit: his quippe majus quiddam quam laus debetur, honor videlicet & observantia.

QUÆSTIO II.

Utrum & quomodo omnia agant propter finem?

Res omnes in triplici sunt genere constitutæ; quedam omnis sensus & cognitionis sunt expertes; aliae non sensu modo, sed & mente præditæ sunt; aliae demum sensu donantur, sed mente & ratione destituantur. De singulis agendum, ac discutiendum nobis est quo illæ modo propter finem operantur.

ARTICULUS PRIMUS.

Quomodo res & mentis compotes, & que omnis sensus sunt expertes agant propter finem.

Primùm quidem nemini dubium est, quin homo & agens omne dianoëticum propter finem operetur, idque modo perfectissimo: cum homo finem cognoscat suum, nec solum bonitate illius, aut jucunditate quadam alliciatur, sed etiam finem ut finis est, atque ut loquuntur, formaliter animo complectatur; quæ illius consecutioni media, ac velut instrumenta aptari debant; quæ ratio aut proportio inter media & finem occurrat, omnino perspiciat; ac demum quæ finis adeptio utilia sunt, eligat & prescribat, seque ad agendum omnino determinet. Quamobrem illud negare non possumus quia homo & omne agens mente prædictum finem sibi ad agendum præstituat; in eum quidquid agit, dirigat, & perfectissimo modo propter finem operetur.

Ne illud quidem insciari quis poterit, res omnes sensus expertes in finem præstitutum ab Authore naturæ, ut sagittam in scopum à sagittario dirigi, non temere & fortuito agere. Quid melioris note Philosophi contra Empedoclem & Epicurum variis argumentis demonstrarunt Cum autem hec disquisitio sit alterius loci, illud duntaxat adnotare sufficiat, quod fusius Aristoteles contra Empedoclem proficuitur, naturam semper eodem modo, coque quam optimo & con-

& constantissimo operati ; suo semper itinere progredi , artificiose & ratione cuncta efficere ; nihil temere moliti : contra quæ casu fiunt, nec constanter, nec bene , nec ratione & artificio , sed consule omnia & temere eveniunt.

Qiamobrem vis illa , quæ tam artificiose cuncta efficit & regit , cuius soleritiam nulla ars , nulla manus , nemo opifex consequi potest imitando, non est expers rationis atque ordinis : sed in finem quæque suum ordinat & dirigit. Nam meliora sunt quæ natura , quam illa quæ arte perficiuntur : Ars vero nihil efficit sine ratione & temere : ergo multo minus natura expers est rationis , nec circa finem quidquam operatur. Nisi forte , ut loquitur Balbus apud Tullium , *Archimedem putes plus valuisse in imitandis Sphæra conversionibus, quam naturam in efficiendis.*

Ac nihil minus probabile dici potuit, quam quod somniavit Epicurus, concursu atomorum fortuito & casu quadam ea quæ videmus effici. Nam si carens mente natura , & concursus atomorum tantum valuit, ut hec efficeret ; merito querimus cum Laetatio , cur facere cœlum potuerit, domum non potuerit : Non igitur , ut optime concludit, *tanta rerum magnitudo, tanta dispositio, tanta in servandis ordinibus, in temporibus constantia, aut olim potuit sine provido artifice oriri, aut constare tot seculis sine incola potenti, aut in perpetuum gubernari sine perito rectore.*

Illud denique est extra omnem dubitationem positum , res cognitionis expertes potius agi & dirigi in finem , quam agere propter finem : cum finis vim suam exerat quatenus cognoscitur , aut apprehenditur. Itaque ut finis dominus construenda , aut horologii certus est & definitus , non in domo ipsa , aut in horologio , sed in artifice : sic plantarum ortus & incrementa , structura animalium , naturæ opera non temere , sed ob certos fines à summo artifice perficiuntur. Naturæ enim administratio nihil habet in se quod reprehendi possit , nec intelligi potest , nec perfici citra divinum & admirabili vi prædictum artificem , qui , ut loquitur Laetantius , *consilio utitur ad incipendum, ratione ad disponendum, arte ad efficiendum, virtute ad consummandum, potestate ad regendum & continendum.* Sed non idcirco fingere cogimur in rebus ipsis appetitum , aut inclinationem quandam ad suos fines consequendos. Nam ejusmodi inclinatio , aut propensio cognitionem quandam præsupponit quæ à rebus ipsis abest , sed in Rectore & Authore universi , ut in lummo artifice reperitur. Cum itaque

Opp. Illud propter finem non operatur , quod nec cognoscit finem , nec eum expedit : sed res sensu & cognitionis expertes finem suum non cognoscunt , nec appetunt , cum omnis appetitus cognitionem aliquam consequatur : ergo res naturales non agunt propter finem.

Respondi sol et dicitur. maj. Illud non agit propter finem formaliter ; quod finem non percipit , C. il'ud non agit propter finem materialiter , seu propter id quod est finis , N. Simili ratione contendunt res appetitu naturali , non sensitivo-ferri in finem. Sic , inquiunt , gravia in centrum mundi naturali propensione nituntur. Verum

R^esponsio facilior erit , & ad sensum communem magis accommodata , si dicemus res naturales non agere proprie , sed agi & dirigi in finem ab Authore naturæ præstitutum , ut docet S. Thomas. Nec necesse est appetitionem

naturalem, aut inclinationem rebus tribuere, nisi forte metaphoricam, & ad vulgi captum accommodatam. Quare ejusmodi voces, quibus nulla res certa & distincta subjicitur, quantum fieri potest, è Philosophia pellendæ sunt, quod nihil sint plerumque præter ignorantiae nostræ perfugia, ut suis locis ostendemus.

ARTICULUS II.

Quomodo bestiæ agant propter finem.

His itaque explicatis, videamus quomodo bestiæ agant propter finem; Han cognoscant finem, ut finem, quod est agere propter finem formaliter: an nullam habeant cognitionem finis, ut finis est, sed rem duntaxat, quæ finis est, utcunque percipient. Sit igitur de belluis,

Vnica Conclusio.

Bestiæ videntur agere propter finem etiam formaliter, sed imperfekte admodum.

Probatur conclusio. Bestiæ nituntur in finem, ut sibi bonum, & per se expetibilem, & media quæ perducunt ad finem, ut consecutioni finis utilia assumunt: atqui hoc est agere propter finem formaliter. Cum tamen imperfekte admodum cognoscant proportionem quæ est inter media & finem, neque sele ad agendum determinent, sed quodam naturæ impetu, non ratione ipsa ferantur: nonnisi admodum imperfekte propter finem formaliter operantur.

Confirm. Canis leporem insequitur, ut præda sua fruatur: nec probabile est in ipso cursu de lepore cum non cogitare, aut vi propositi finis non moveri. Sic hirundo paleas & lutum colligit, ut nidum extruat. Ergo bestiæ in finem feruntur sub ratione finis, quatenus per se est expetibilis, & media usurpant, ut conducent ad finem, & aliquo modo bona sunt, hoc est, ut sunt media formaliter. Haec quidem non libere agunt, sed ea tamen sumunt ex finis intentione. Hirundo v. g. non cognoscit utilitatem aquæ, aut luti ad nidum conficiendum: sed aquam tamen, aut lutum tam operose non colligit, nisi ut nidum constitutat.

Confirm. iterum. Illud negare non possumus, quin omni animantium generi, ut ait Tullius, à natura tributum sit, ut se, vitam, corpusque tuetur, declinetque ea quæ nocitura videantur, omniaque quæ sunt ad vivendum necessaria inquirat & parer, ut pastum, ut latibula, ut alia ejusdem generis. Cum igitur hic finis sit ab Aurore nature & certa providentia lege omni animanti constitutus, ut sui conservationi, & generis propagationi omnino incumbat, quæ ad eum finem ducunt, cognoscat necesse est. Hinc ingenita est bestiæ omnibus eorum quæ vita tuenda sunt necessaria, cognitio, utilia à noxiis apte distinguunt; haec fugiunt, illa prosequuntur. Qua quidem vix intelligi possunt, nisi finem ut finem, & media in ratione mediorum utcunque cognoscant.

Diluntur objectiones.

Opp. 1. Agere propter finem formaliter, est cognoscere proportionem mediorum cum fine: sed hoc est proprium hominis, qui unum cum alio comparat, & unius rei ad alteram ordinem percipit: ergo solus homo agit propter finem formaliter, non item cætera animalia.

Resp. Dist. min. Proprium est hominis conferre unum cum altero, & singulas rationes unius ad alterum perfecte expendere, C. imperfecte tantum cognoscere, quod unum ad aliud referatur, N. Nam ut bestiæ per vim æstimatiæ, ut aiunt, seu instinctum naturalem cognoscunt res sibi convenientes aut noxias: sic quibus mediis finem suum alsequantur, imperfecte cognoscunt.

Instant. Ordo seu proportio mediorum ad finem non est quid sensibile: ergo nullo modo à belluis cognosci potest.

Resp. Dist. ant. Ordo ipse aut proportio in abstracto non est quid sensibile, C. res ipsæ ut fini utiles, atque in concreto spectatæ, N. Itaque bestiæ nec rerum convenientiam, neque eorum utilitatem, vel ordinem ad finem percipiunt: sed ut res ipsas quæ sibi convenienti, ita res utiles & finis affectioni idoneas unicunque percipiunt. Idque negare non possumus, nisi ipsi experientiæ obsistere volumus. Quid enim non agit canis, aut felis ut canem ex alto penilem attripiat? an non media omnia, aut rationes explorat quibus finem suum consequatur?

Quonobrem belluæ non cognoscunt proportionem mediorum ad finem, ratione sui, & seorsim à subiecto: sed can percipiunt ratione ipsius fundamenti & subiecti. Nam bestiæ finem ut expetibilem, & media ut bona, non appetunt modo, sed etiam cognoscunt: quemadmodum bonum ut sibi jucundum prosequuntur. Non quod relatio à bestiis in scisca percipiatur; sed ratione subiecti, aut fundamenti: neque unum cum alio comparant, nisi admodum imperfecte: non enim distinctis actibus medium, & ejus ordinem ad finem; sed eodem actu utrumque involvunt: adeo ut illa cognitio sit valde imperfecta & composita. Neque enim ex naturæ perfectione, ut in Angelis, sed ex ejus limitatione proficitur.

Vrgent. Non possunt bestiæ percipere proportionem medii cum fine citra ratiocinium saltem imperfectum: nam rationem ipsam cum medium sit finis consecutioni utile, attingunt.

Reff. Proportionem illam à belluis imperfecte cognosci, ratione fundimenti: nam cognoscunt tantummodo medium ut bonum; ac bonitas illa est ejus proportionis fundamentum. Sed nulla est reflexio, nulla comparatio, nisi admodum imperfecta; nulla perceptio universalis.

Opp. 2. Quod si bestiæ non modo percipient finem & media; sed etiam ea ut finem & media cognoscant: nihil fere relinquitur homini quo bestiis antecellat, nisi forte quod majori facilitate & præstantiore modo propter finem operetur. Imo & liberum arbitrium, seu facultatem agendi cum ratione bestiis ipsis largiamur necesse est. Nam bona à malis discriminant, & rebus rite perspicillant omnino cum ratione agunt. Sed illud omnino absurdum esse alibi ostendemus: ergo ne illud quidem verum est, bestias propter finem formaliter operari: præsertim cum medio loco sint inter hominem & res sensus expertes constitutæ. Quare ut res mere naturales nullo modo agunt propter finem, ne ma-

terialiter quidem, sed omnino aguntur; & homo formaliter agit propter finem; bestiae agunt quidem finis alicujus gratia, sed materialiter, ut aiunt, non formaliter: cognoscunt enim id quod finis est, sed non in ratione finis.

Resp. Magnum semper hominem inter & bellugas esse discrimen: quod homo suum sibi finem præstituit, & ex variis quæ ad eum perducunt rationibus, seu mediis, quod vult eligat, sese ad agendum moveat & determinet: non item bestiae, quæ in præstitutum à natura finem impetu, non consilio feruntur. Cum autem non ii modo qui aliter sentiunt, sed etiam qui Cartesium sequuntur, id nobis soleant obtrudere, metuendum esse ne si bestiis cognitionem finis & mediorum tribuamus, libertatem quoque & rationem iis largiamur; non erit alienum precipua hominis & bestiarum tum in cognoscendo, tuni in agendo discrimina paulo explicatiū colligere.

Itaque cæteræ animantes impetu, ut dictum est, feruntur; nec sunt sui iuris, sed ab objectis rapiuntur, omniaque ad corpus referunt. Quæ sunt ejusdem generis, eodem plane modo operantur. Nam has videmus simili modo & moliri cubilia, & nidos texere, & educate fœtus: quod angustam valde & contractam fortitæ sint naturam, & perpaucas imagines acceperint. Nunquam apes quæ tam apte cellulas effingunt hexagonas, alterius eas figurae effingent. Sed homo omnia fere ex nutu voluntatis agit; innumerabiles prope artes excogitat; ipse sese corrigit, actiones suas examinat, & in se varie reflextur: quæ concepit mente, eadem sermonे exprimit. In bestiis nulla sunt signa ex instituto: sed si quæ sunt signa, ea fuerunt à natura impressa. Quam obrem inter hominem & belluam, ut præclare M. Tullius, hoc maxime interest, quod illa tantum, quantum sensu movetur, ad id solum quod adest, quodque præsens est, se accommodat, paululum admodum sentiens preteritum aut futurum: homo autem qui rationis est particeps, per quam consequentia cernit, principia & causas rerum videt, carumque progressus, & quasi antecessiones non ignorat, similitudines comparat, rebusque præsentibus adjungit atque annellit futuras; facile totius vita cursum videt, ad eamque degendam preparat res necessarias. Sed de discrimine hominis & belluarum plurima dicimus, cum de natura animæ rationalis agemus.

Instant. Nullo sensu, ne interiore quidem media ut media cognosci possunt. Quod enim interiores sensus movere potest, idem externos afficiat necesse est: Sed ille ordo mediorum ad finem nullo sensu exteriore percipitur.

Resp. Diff. maj. Quod sensum movet interiorem, id sensum externum quoque afficit, aut per se, aut per aliud, C. per se, N. Itaque cum videt hirundo paleas, statim vis imaginatrix excitatur, aut colore, aut flexibilitate paleæ ad illius perceptionem, ut utilis nido conficiendo, idque ab instinctu congenito, qui ut explicari vix possit, negari tamen non potest. Neque idcirco ulla hinc ratiocinatio intervenit: sed naturæ tantum impetus ab Authore ipsius naturæ profectus.

Contra, inquit. Bellugas finem ut finem, hoc est per se expetibilem non cognoscunt, neque adeo media ut media, vel utilia percipiunt. Quod enim est per se expetibile, negationem includit, quod ad ulteriorem finem non referatur: Sed negatio à belluis intelligi non potest.

Resp. Negationem à belluis percipi non posse ratione sui, ut est negatio, C.

ratione sui subjecti aut fundamenti, N. nam bonitas finis aut mediornum à belua percipitur, & id quod est bonum ab ea cognoscitur & experitur: nec magni interest, quod eiusmodi negatio in ratione finis includatur. Non enim in seipso, sed in alio, seu in fundamento, idque imperfecte cognoscitur: & tamen beatitudo finem formaliter percipiunt, ut negationis illius fundamentum includit.

Q U Ä S T I O III.

De fine ultimo.

EX iis quæ modo diximus de discriminine, quod hominem inter & bestias intercedit, illud liquet, bestias agere quidem finis alicujus gratiæ; sed eum sibi non præstituere, nec totius vita cursum eò dirigere. Atque ut vitæ suæ conservandæ, aut generis propagandi causa bruta operentur, eum tamen finem ignorant, nec eum sibi proponunt. Contra homo cum actiones exercit humanas, quæ scilicet ei sunt propriæ, & à voluntate deliberata proficiuntur, non modo eas in finem aliquem dirigit, quem sibi præscribit, & perspectum habet: sed etiam hunc finem ulterius refert ad alium qui ipsius hominis finis est, ad quem refert omnia, cum ipse nusquam referatur.

Est igitur finis ultimus, ut definit Cicero, *id quod nullam ad aliam rem, ad id autem res omnes referuntur*: Vel clarius, quod experitur propter se, cætera propter ipsum. Is vero vel in universum spectari potest, atque ut loquuntur, formaliter, quatenus summum est & extremum bonorum; vel definite & materialiter, ut in aliqua re ponitur. Si finem ultimum priori quidem modo consideremus, nihil est præter beatitudinem, quam ubique & semper expetimus. Nemo enim quicquam agit, nisi ut sibi bene sit. Hinc pulchre Boëtius, *omnis mortalium cura quam multiplicium studiorum labor exercet, diverso quidem calle procedit, sed ad unum beatitudinis finem nititur pervenire*.

Jam circa finem ultimum duo quæti solent, quis sit rerum omnium, & hominis praesertim, finis ultimus; deinde an plures sibi quisque possit fines ultimos proponere. Sit igitur

Prima Conclusio.

Non hominis modò, sed etiam rerum omnium Deus est finis ultimus.

Prob. conclusio. Est enim Deus, ut ait ipse in Apocalypsi, *principium & finis:* atque ut Sapiens loquitur Proverb. 16. *omnia propter seipsum operatus est Dominus:* neque alium sibi finem potuit præstituere: cum solus Deus sit summum bonum, atque in eo ut essentia, sic bonitatis insit plenitudo. Ut ens, sic bonus est per essentiam: reliqua participatione & imitatione illius sunt bona.

Deinde ordo agentium, inquit S. Thomas, sic ordinis finium responderet, ut quo agens est præstantius, hoc finem nobiliorem sibi præstiuat: ut Rex sibi finem proponit magis universalem, quam dux, aut centurio. Sed Deus est prima rerum effectrix causa: ergo idem est rerum omnium finis ultimus. Est enim, ut diximus, primum principium, unde omnia fluxere: est igitur finis ultimus in quem refluent universa. Ut primum principium, omnia ex se emituntur; ut finis ultimus, omnia ad se reflectantur.

Hinc pulchre Aug. l. de morib. Eccl. Bonorum, inquit, *summa Deus nobis*

est. Neque infra remanendum nobis est, neque ultra querendum; alterum enim periculofūm, alterum nullum est. Hunc ordinem perturbat præposterus amor sui: nam seipsum ut Deum constituit, ad se omnia ut ad finem ultimum referit.

Sed inquies. Si Deus est finis ultimus retum omnium, & præsertim hominis, quid causæ est cur homo ab eo fine sèpius deflectat, ac plerumque de illo ne cogitet quidem? Cur in rebus creatis summum bonum constituit? Cur expleri nunquam potest, cum finis ultimus appetitum satiare debeat & possit.

Reff. Ut materiae, seu corporibus, sic animis nostris motus, aut propensiones quasdam imprimi à summo naturæ opifice. Atque ut omnis motus materiae in rectam lineam tendit, nisi alterius corporis occursu alio deflectatur: (tum enim in circularem lineam degenerat, ut suo loco dicemus:) sic omnis voluntatis nostræ naturalis inclinatio recta quidem est, eaque in veritatis ipsius, aut bonitatis possessionem nititur: sed hanc plerumque alio inflestitus, atque ad certa objecta voluntatis arbitrio convertimus. Sistere quidem eam omnino non possumus: sed vaga illa, & indefinita ad bonum ipsum, seu ad Deum, ut ad finem ultimum propensio certis objectis male terminatur; idque ex perverso libertatis usu proficiuntur. Illud tamen liquet, voluntatem nostram instinctu quodam naturæ in Deum, ut in finem ultimum nitit: tametsi in rebus creatis sèpius hæreat, quibus occupari quidem, at expleri non potest. Hinc illius irrequia motio, & inconstans, quod cum boni infiniti sit capax, illius adeo appetitum ac velut litimi quandam res creatæ accendere magis possint, quam restinguere, aut explore.

Itaque Deus est finis omnium actionum humanarum, si physicè spectentur: nam omnes à Deo proficiuntur, qui omnia in omnibus operatur: At si illæ actiones moraliter, atque ut à libero hominis arbitrio diminant, considerentur, non omnes ad Deum referuntur: quia homo persæpe in seipso, aut in alia creatura sicut.

Secunda Conclusio.

. Non possumus plures fines ultimos & totales simul nobis proponere.

Probatur conclusio. Finis ultimus dicitur, ad quem alii fines referuntur; cum ad alium is non referatur; qui appetitum animi omnino explet, & summum illius est bonum: atqui si plures nobis fines ultimos & adæquatos proposimus, unus ad alium referri non poterit, nec solus explorare animi appetitum; nec summum erit bonum, cum præter eum aliud expetatur: ergo finis ultimus unus tantum, non multiplex esse potest.

Confirm. Quilibet ex his finibus esset finis ultimus ex hypothesi, & non esset ultimus, cum præter eum quiddam aliud esset expetendum, neque omnia ad eum referrentur.

Quod autem opponi in contrarium potest, facilè dissolves, si adverteris plures fines ultimos partiales, ut locuntur, & inadæquatos interdum nobis esse propositos, non totales & integros, nisi fortè diversis temporibus. Sed de his nulla est controversia. Sic qui gravi morbo vexatur, felicitatem in sanitate constituit, ut docet Aristoteles; qui premitur egestate. is solos divites felices putat. Sed si fortè aut convaluerit, aut ditior factus fuerit, jam aliam sibi constituit felicitatem.

Oppon. Nonnulli, eundem hominem interdum sibi proponere ut fines ultimos divitias, honores & voluptatem, idque eodem tempore.

Resp. Fines illos dici ultimos negative, quod ulterius non referantur, non positive, quasi omnia eò referantur: Nam in illa hypothesi neque divitiae ad honores, aut ad voluptatem, nec vicissim voluptas & opes ad divitias referuntur.

D I S P U T A T I O III.

De Beatitudine.

Felicitas & summum bonum promiscue usurpantur: sic tamen distingui possunt, ut summum bonum sit felicitatis objectum, seu ut loquuntur, beatitudo objectiva: felicitas vero proprie sit illius rei fruitio, aut possessio: quæ idcirco beatitudo dici solet, eaque est bonorum extremum, seu finis ultimus. Nam ut ostendimus, in rebus expetendis est aliquid ultimum, ne intentio nostra vaga sit & irrita, neve in infinitum abeat. Est igitur felicitas finis simpliciter ultimus, non in certo quodam genere, ut sanitas dici potest finis ultimus Medicinae. Non enim solum propter se expetitur felicitas: sed omnia agimus, ut eam consequamur. Cum autem ea vel sit ex omni parte perfecta, quam post hanc vitam nos adepturos speramus; vel imperfecta, quam pro natura conditione in hac vita nos consequi posse Philosophi crediderunt: de hac primùm dicendum est, tum de felicitate quam sacra docet Religio, quæ immortalis est, & bonos post hujus vita decursum manet, paulo uberiori agendum erit.

Q U A E S T I O P R I M A.

De Beatitudine Philosophica.

Summum bonum, inquit Tullius, si ignoretur, vivendi rationem ignorari ^{I. 5. de finib.} neceſſe est: ex quo tantus error conſequitur, ut quem in portum se recipiant, ſcire non poſſint. Cognitis autem rerum finibus, cum intelligitur quid sit & bonorum extremum, & malorum, inventa vita via eſt, conformatioque omnium officiorum. Hæc cum ita ſint, incredibilis tamen eſt Philosophotum hac de re diſſenſio: cum S. Augustinus ex Varrone referat 288. opinioneſ de felicitate inter ſe diſcrepantes numerari poſſe: adeo verum eſt id quod docet Seneca, vivere omnes beate velle, ſed ad pervidendum quid sit, quod beatam vitam efficiat, caligare. Ex quibus tamen Senecæ verbis id colligere poſſumus, non tam Philosophos de ipla felicitate inter ſe, quā de mediis, ut loquuntur, ſeu de cauſis ipius felicitatis diſſentire. Quæ ſit enim felicitatis ratio, quæ condiſiones, inter ſe plane conuenient: ſed quia felicitatem maxime efficiant, & in quo ea poſta ſit, magna contentione pugnant.

Cum autem tria ſint bonorum genera, fortunæ, corporis & animi: plerique è vulgo felicitatem in divitiis aut honoribus ponunt, ſed ex Philosophis perpauci ſunt, qui haec fortunæ bona tanti faciant, ut ſine iis felicitatem non poſſe conſistere arbitrentur; nulli vero ſunt qui in iis rebus summum bonum conſtituant: cum haec fortunæ dona ornata quidem & adjuvare vitam beatam:

possum, non eam efficere. Unde Aristoteles id utique cum felicitate convenire decernit, ut quis opibus, amicis & liberis floreat: sed felicitatis summam in contemplatione & virtute ponit.

Aristippus & Cyrenaici in voluptate corporis summum bonum constituunt, Quae opinio Epicuro etiam tribuitur, tum a Cicerone, tum a multis ex SS. Patribus. Quanquam Torquatus apud Ciceronem, Seneca, Maximus Tyrinus, & nonnulli etiam ex SS. Patribus contendunt Epicurum non corporis voluptatem, sed delectationem animi, mentis tranquillitatem, & doloris vacuitatem extremum bonorum posuisse.

Zeno & Stoici omnes virtutem se sola esse contentam, & unam in bonis numerari, cetera non bona esse, sed propter virtutem expeti crediderunt. Plato sapientiam cum delectatione conjunxit. Aristoteles sapientiae quoque & virtuti primas defert: sed negat tamen eum esse felicem qui in maximis doloribus calamitatibusque versetur, nisi ut ait, *quis velit thesim, paradoxumque defendere*. Quare virtutis usum cum vite perfecte prosperitate conjunxit. Jam itaque singulas Philosophorum opiniones breviter excutiamus.

Prima Conclusio.

Summum bonum neque in bonis fortunæ, neque in voluptate corporis consistit.

Ac primum quidem, nihil necesse est pluribus verbis demonstrare felicitatem non in fortuna bonis, non in voluptate corporis esse positam: cum ea bona non sint in nostra potestate; cum meliores nos non efficiant, sed bonis & malis sint aequi communia: cum nobis invitis eripi possint: cum denique appetitum animi non satient; fluxa sint, & caduca: ne alias omittam rationes quæ passim occurrent. Hinc pulchre Seneca l. de brevit. vitæ, *Quantum caliginis mentibus humanis objicit magna felicitas?* & infra, *Ipsæ voluptates eorum trepidæ, & variis terroribus inquietæ sunt, subitque cum maxime exultantes sollicita cogitatio: Hac quandiu?* Itaque Cicero non in merito hæc ultima bonorum appellat, atque nos ad majora quædam natos esse contendit. Hinc pulchre Augustinus nos admonet, *quod si adsint bona temporalia, non in eis beatæ vita ponenda est: sed subdita esse debent, non pralata: sequentia, non ducentia*. Et alibi, *loca offerunt quod amemus, tempora surripunt quod amamus,* Ipst. 51. 1. 2. de veritate lig. & relinquunt in anima turbas phantasmatum, quibus in aliud atque aliud cupiditas incitetur: ita fit inquietus & erumnosus animus, frustra tenere a quibus tenetur exoptans. Mors ipsa obstat quominus horum bonorum possessione simus felices. *Morieris, inquit Seneca, non quia ægrotas, sed quia vivis.*

Epicureorum rationes afferuntur & solvuntur.

TOrquatus quidem apud Tullium, voluptatem summum bonum, & dolorem summum esse malum hinc probare conatur ex Epicuro. I. *Quod omne animal simul atque natum sit, voluptatem appetere, eaque gaudere ut summo bono, doloremque aspernari videatur, ut summum malum, & quantum possit a se repellere.*

2. *Quod*

2. Quòd voluptas per se sit expetenda , dolor per se fugiendus . Voluptatis tamen nomine negat eam intelligi oportete , quæ suavitate aliqua naturam ipsam mouet , & cum jucunditate quadam percipitur sensibus : sed maximam illam quæ percipitur omni dolore detracta . Omne enim quo gaudemus , voluptas est : ut omne id quo offendimur , dolor . Itaque non placuit Epicuro medium esse quiddam inter dolorem & voluptatem . Quisquis enim sentit quem admodum sit affectus , cum necesse est aut in voluptate esse , aut in dolore .

3. Constituamus , inquit , aliquem magnis , multis , perpetuis fruentem & animo & corpore volupratibus , nullo dolore , nec impediente , nec impendente : quem tandem hoc statu aut præstabilitoem , aut magis expetendum possumus dicere ? Statue contra , aliquem confectum tantis animi corporisque doloribus , quanti in hominem maximi cadere possunt , nulla spe proposita , fore levius aliquando ; nulla præterea nec præsenti , nec expetata voluptate : quid comiserius dici aut singi potest ? Quod si vita doloribus referta maxime fugienda est , summum profecto malum est vivere cum dolore . Cui sententia contentaneum est , ultimum esse bonorum cum voluptate vivere .

4. Ut Medicorum scientiam non ipsius artis , sed bona valetudinis causâ probamus ; & gubernatoris ars , quia bene navigandi rationem habet , utilitatem , non arte laudatur : sic sapientia quæ ars vivendi putanda est , non expetetur , si nihil efficeret . Nunc expetitur , quòd sit tanquam artifex conquirendæ & comparandæ voluptatis : nam ea præceptrice in tranquillitate vivi potest , omnium cupiditatum ardore restinendo : atque ipsius fortunæ nos modice ferre docet injurias , & omnes monstrat vias quæ ad quietem & tranquillitatem ferrunt . Quin etiam negat temperantiam propter se expetendam esse : sed quia pacem animis afferit : cum in rebus aut expetendis , aut fugiendis rationem ut sequamur monet . Sic reliquas virtutes & vitia persequitur , ac negat illas laudari , aut hæc vituperari suo nomine : sed hæc rejici quia dolorem patiant , has optari quia voluptatem , quæ sola est quæ nos vocet ad se , & alliciat suapte natura .

Resp. His & aliis quæ afferri solent , non aliud effici quām voluptatem , aut potius delectationem animi ita esse cum summo bono conjunctam , ut ab eo ^{15 de} _{natur.} divelli non possit . Hinc Cicero , ista , inquit , animi tranquillitas ea ipsa est beatavita : querimus autem non quæ sit , sed unde sit . Quare si Epicurus non aliud sensit quām Democritus , & felicitatem in tranquillitate animi collocavit , non multum à veritate videtur aberrasse . Cumque omnia delectationis causa fieri à nobis contendit , utcunque excusari potest . Nemo enim cum laboret ut aliquid consequatur , non cogitat de voluptate qua fruetur , ubi rem ipsam quam optat , adeptus fuerit . Omnis enim voluptas cupiditatem , hæc indigentiam persequitur ; atque in eo voluptas maxime posita est ut indigentia detracta cupiditas ipsa expleatur . Sic voluptas non est comedisse , sed comedere . Quod utique non solum in eo genere bonorum quæ jucunda dicimus , sed etiam in utilibus & honestis animadverti potest . Nam qui pauperiem fugit , & divitias querit , dum lucrum colligit , voluptate perfunditur ; eaque major est in iis parandis quæ sibi deesse arbitratur , & minus viget circa ea quæ jam parta sunt .

Non dissimili ratione qui dignitatem , honorem , scientiam adipiscitur , dum

ea sibi parat, tum magna voluptate compleetur: sed postquam vel honoribus jam est assuetus, vel scientiam adeptus, tum nova cupiditate accenditur, ut nova itidem voluptate potiatur.

Quocirca non tam re, quam verbis Epicurus à Peripateticis videtur dissentire. Quamvis enim voluptatis nomen sit hominibus bellisque commune, aliud tamen voluptatis genus est homini proprium, quod illius felicitatem aut efficit, aut comitatur. Quæcunque autem Epicuro ab aliis tribuatur de summo bono sententia, ipse palam profitetur, beatæ vitæ finem non alium esse quam sanitatem corporis, & tranquillitatem mentis. *Quidquid, inquit, agimus, eò spectat, ut neque doleamus, neque perturbemur.* Unde & Diogenes Laertius Epicuri sententiam male cum Aristippi opinione confundi nos admonet. Ille enim bonorum finem constituit eam voluptatem, quæ in stabilitate & quiete consistit, in tranquillitate nimirum & indolentia; Aristippus vero finem posuit eam voluptatem quæ est in motu, qua sensus actu movetur. Hinc Seneca Stoicæ Philosophiæ inter Latinos princeps, apud Epicurum, inquit, *duo bona sunt, ex quibus illud summum beatumque componitur. Ut corpus sine dolore sit, animus sine perturbatione.* Tranquillitatis autem nomine non intelligit Epicurus vitam otiosam & inertem. Quid enim, ut ait idem Seneca, *otiosus verme?* Sed illi similem intelligit, quam Aristoteles ex terum contemplatione percipi tradit; voluptates autem quæ in motu positæ sunt, ut alienas à summo bono rejicit Epicurus: atque ut eam calumniam repelleret, apologiam conscripsit.

Multa in hanc sententiam Gassendus colligit, ut Epicurum ab iis quæ ei falso tribuuntur, vindicet; quasi eò devenisset insanæ, ut virtutem non ob se ipsam, sed propter corporis voluptatem colendam esse credidisset. *Quod merito Cicero ut Philosopho indignum refellit: Quid necesse est, inquit, tanquam meretricem in matronarum cætum, sic voluptatem in virtutum cætum adducere?* Itaque voluptatis nomine non moventem, sed stantem ab Epicuro intelligi constat, quæ scilicet in tranquillitate animi posita sit; non inertem & otiosam, sed quæ firma ratione efficit, quam emovere nihil eorum quæ mala dicuntur, possit; quæ omnem animi & corporis ægritudinem pellar. Nam illa ægritudo animi est velut generalis dolor, ex quo cæteri morbi habent, quod sint molesti, aut ingrati. Quare non corporis, sed animi dolor sumnum malum ex Epicuro dici solet; uti nec corporis, sed animi voluptas sumnum bonum futurum est. *Voluptas enim corporis,* ait Seneca, *cum maxime delectat, beata. cœta extinguitur; itaque cito implet, & tedium est, & post primum impetum marcescit:*

c. 7. nec id unquam certum est, cujus in motu natura est.

Quæ autem contra Epicurum objicit Cicero, hac adversus voluptarem corporis dicuntur, quæque est in motu; non solidam illam delectationem quæ à virtute divelli non potest, labefactant. Ac ne Stoici quidem hoc genus voluptatis abesse putant a sapiente, quem solum felicem volunt. *Hoc ergo, inquit Seneca, cogita, hunc esse sapientis affectum, gaudii equalitatem. Tais est sapientis animus, qualis mundi status super lunam: semper illic serenum est.* *Habes ergo quare velis sapiens esse, quia nunquam sine gaudio est. Gaudiū hoc non nascitur nisi ex virtutum conscientia.*

Stoïcorum & Peripateticorum de felicitate sententia.

STOÏcos & Peripateticos unà conjungimus, quòd verbis magis, quàm re dis-
crepent. Utrique enim summum bonum in virtute, aut in actione virtutis
constituant; utrique finem bonorum esse dicunt secundum naturam vivere,
id est, inquit Cicero, *virtute adhibita frui primis à natura datis*. Hæc au-
tem prima naturæ, seu accommodata, ab ipsa voluptate negant duci oporten-
te, ut credidit Epicurus: neque enim à primo animantium ortu potesta est
origo summi boni; nec si animal simul atque natum est, gaudet voluptate, &
eam appetit ut bonum, & fugit dolorem ut malum, idcirco voluptas sumnum
bonum dicendum est. Præterea non ut voluptatem expetat, natura movet in-
fantem; sed ut se integrum, salvumque esse velit: antequam voluptas cum
aut dolor attigerit, salutaria appetit, aspernaturque contraria. Sed ubi intel-
ligentia accelererit, ac viderit rerum agendarum ordinem, tum illud ratione
colliger sumnum esse hominis bonum, quod honestum est, & naturæ maxime
convenit. Est enim illud extrellum & maxime expetendum, convenienter na-
turæ vivere; ac beata vita virtute efficitur: cum id solum bonum sit, quod ho-
nestum; id malum, quod turpe. Quidquid autem præter id quod honestum sit,
expetendum esse dixeris, in bonisque numeraveris, & honestum ipsum quasi
virtutis lumen extinxeris, & virtutem pene everteris. Sic fere M. Cato apud
Ciceronem suam & Stoïcorum de summo bono sententiam explicat.

lib. 2. de
finib.

Nec multum ab iis dissentient Peripatetici & Academicci, qui honestum esse
ex bonis optimum, vi sua & propter se expetendum, & per se ipsum posse lau-
dati, nec ad voluptatum referri arbitrantur; omnem quoque naturam esse
conservatricem sui, idque habere propositum quasi finem & extrellum, se ut
custodiat in quàm optimo sui generis statu. Ex quo intelligitur homini id esse
in bonis ultimum, secundum naturam vivere, seu vivere ex hominis naturaundi-
que perfecta, & nihil requirente. Ea enim vita expetitur, quæ sit animi cor-
porisque expleta virtutibus. Illa autem sunt maxime quæ plurimum habent
dignitatis, ita ut animi virtus corporis virtuti anteponatur: animique virtutes
non voluntarias, cujus generis sunt docilitas, memoria, quæque uno ingenii
nomine appellantur, vincant virtutes voluntarie: nam in homine summa omni-
nis animi est, & in animo rationis, ex qua virtus est, quæ rationis absolutio
definitur. Sic utique M. Piso l. 4 de finibus.

In hoc autem Peripatetici à Stoïcis dissentient, quòd præter honestum mu-
ltæ alia per se expeti, & ad summum bonum pertinere existiment. Sic valetudo,
vires, vacuitas doloris propter se expetuntur. Quoniam enim natura suis om-
nibus expleri partibus vult, hunc statum corporis per se ipsum expetit, qui
est maxime è natura; quæ tota perturbatur, si aut ægrum corpus est, aut do-
let, aut caret viribus. Sic tantus est in omnibus cognitionis amor & scientia,
ut nemo dubitare possit, quin ad eas res hominum natura nullo emouimento
invitata rapiatur. Jam quis non moveatur & offensione turpitadinis & compro-
batione honestatis? Ex quibus concluditur & virtutes omnes & honestum il-
lud quod ex iis virtutibus exoritur, & in iis hæret, esse per se expetendi, &
ad felicitatem maxime pertinere. Non quòd virtus ad beatæ vivendum se ipsa

contenta sit, ut Stoici pertendunt; sed quia est in bonis omnibus optimum. Nam summum bonum cumulatur ex integritate corporis & ex mentis ratione perfecta. His explicatis, quid sentiendum sit, videamus. Sit igitur

Secunda Conclusio.

Felicitas neque in sola virtute, ut Stoicis videtur, neque in iis quae virtutem adjungunt Peripatetici, posita est, nec demum in hac vita haberi perfecta potest.

Probatur conclusio ex eo vel maxime, quod docent Stoici virtutem sufficiere ad bene beataque vivendum. Hinc enim sequitur, 1. non propter se, sed propter beatam vitam expeti; seu illam esse felicitatis causam, vel medium quo ad summum bonum perveniri potest, non felicitatem ipsam, aut hominis finem ultimum. 2. virtute nos uti tanquam medio, non frui: cum tamen beatitudo sit fructus summi boni. Hinc docet Aristoteles, quod virtutis praemium atque finis, optimum quidpiam, divinumque & beatum esse appareat. Ac tria subinde bonorum genera distinguit: quedam propter se, non propter aliud experuntur, ut beatitudo; quedam alterius gratia, non propter se, ut divitiae; quedam & propter se, & propter aliud, ut virtus. Plato eandem ante adhuc fuerat distinctionem, atque in exemplum eorum quae propter se, & propter aliud experuntur, haec attulerat, videte, valere, sapere, quod est virtute esse præditum.

1. Eth.
c. 10.

Quare ut magnifice, sic minus accurate Seneca, erras, inquit, cum interrogas quid sit illud propter quod virtutem petam: quaris enim aliquid supra summum. Interrogas quid petam ex virtute: ipsam. Nihil enim est melius; ipsa pretium sui est. Nos utique fatemur nihil esse melius virtute præter ipsam beatitudinem: sed negamus in sola virtute summum bonum esse positum.

2. Tusc.

Quod etiam Stoici negant morbum, dolorem, egestatem esse mala, sed rejectanea, ut aiunt, quae sapiens non fugit, sed fecerit. Item quae bona dicimus, ut bonam valetudinem, integritatem oculorum, reliquorumque sensuum, præposita esse, non bona; id, inquam, à communi omnium sensu abhorret. Nihil est, inquit Zeno, malum nisi quod turpe & vitiosum est. Ad ineptias redis, ait Cicero. Illud enim quod angebat, non eximis. Scio dolorem non esse nequitiam: define me id docere, hoc doce, doleam, nec-ne, nihil interesset? Illud itaque & melius & verius, omnia quae natura aspernatur, in malis esse, quae adsciscit, in bonis.

Quae si vera sunt, palam est nos felicitatem in hac vita consequi non posse: cum nos undique obsideant mala; ac bene nobiscum agatur, si quam minimum miseri simus: adeo ut felices nobis videamus, cum fortè nostram cum aliorum conditione comparamus. Abunde igitur, ait Plinius, atque indulgenter fortuna decidit cum eo, qui jure dicti non infelix potest.

Quamobrem sive beatitudinem in vita undique perfecta, & in complexu omnium bonorum fortunæ, corporis & animi, quae ad virtutis actiones exercendas sunt necessaria, statuamus cum Aristotele; sive cum Stoicis in sola virtute, ut felicitatem sic bonum omne collocemus: id omnino fatendum est, dum hanc vitam vivimus, felicitatem ipsam magis esse in voto quam in re.

Nam si bonum est patria, ut ait M. Piso apud Tullium, miserum est exilium; bonum valetudo, miserum morbus: bonum integritas corporis, miserum debilitas. Quia si potest sapiens singula consolando levare, universa quomodo sustinabit? sit enim idem cacus, debilis, morbo gravissimo affectus, exul, orbus, egens, torqueatur equuleo: quem hunc appellas Zeno? beatum, inquit, etiam beatissimum. Sic dicit incredibilia. Peripatetici probabiliora affectunt, cum in bonis numerant amicos, liberos, propinquos, divitias, honores; & in malis egestatem, orbitatem, dolorem. Sed si ea mala sunt, in qua potest incidere sapiens, illud fateantur necesse est sapientem esse, non esse ad beate vivendum satis.

Ac Stoicorum quidem minus ferenda est sententia, qui sapientem etiam in Phalaridis taurō felicem fore credidere. Vnde, inquit Augustinus loquens de Epist. ad Stoicis, in errorem absurdissimum lapsi sunt, ut cum asseverant etiam in Phalaridis taurō beatum esse sapientem, cogantur fateri vitam beatam aliquando esse fugiendam: exaggeratis enim malis corporis sedunt, atque in eorum molestiis gravissimis abscedendum ex hac vita esse dixerunt. O nimium superba jactantia! si beata vita est in cruciatus corporis, cur in ea non manet sapiens ut fruatur? si autem misera est, quid obsecro te, nisi typhus impedit, ne fateatur? Nihil sane dici potest verius, si à Christiano efferatur, quam illud Latini Stoici, totā vitā discendum est mori: Sed nihil absurdius ab Ethnico Philosopho excogitari potuit, qui nos totos petite cum morimur, opinabatur.

QUÆSTIO II.

Quod sit summum hominis bonum, seu de beatitudine objectiva.

EX iis quæ diximus illud efficitur, non aliud esse summum hominis bonum, quam Deum ter maximum: nam felicitatis nomine, non Philosophi modo, sed imperitum etiam vulgus non aliud intelligit, quam eum statum, quo nullus possit melior excogitari, quique sit constantior quam ut amitti queat. Id vero munus esse divinum, Aristoteles ipse quasi naturæ voce, cui obscuri non potest, omnino convictus fateri cogitur. Prof. Et. inquit, si aliud quoddam est hominibus à diis immortalibus datum, felicitatem datam esse par est credere, quia nihil est melius in rebus humanis.

Quin etiam l. 10. Ethic. docet vitam beatam meliorē esse quam hominis natura ferat. *Non enim, inquit, quia homo est ita vivet: sed quia divinum quidam in eo est.* Addit eam esse præmium quod Deus charissimis suis largitur. Verum ne à constituto ordine recedamus, sit

Prima Conclusio.

Ex principiis Aristotelis & ratione ipsa, non alibi quam in Deo felicitas hominis est constituta.

Probatur conclusio. Ex Aristotele, imo ex communi omnium sensu est in nobis summi boni ingenitus à natura appetitus, qui nec inutilis esse potest, nec expleci nisi ab ente infinito. Appetitus enim cuius natura principium est, qui-

que velut ipsius naturae humanae visceribus est insitus , non ab imaginatione , aut libertate , aut ab arte aliqua perfectus , is , inquam , inanis esse nequit . Beatitudinis autem appetitio tam alte est in nobis impressa , ut sit omnium affectuum fons & principium ; satiari ea non potest nisi ab ente infinito , quod non ut faciendum a nobis , sed ut possidendum spectamus ; neque id solum ut veritatis , sed etiam ut bonitatis fontem , atque adeo ut actu existens omnino expetimus .

Nam in hoc bonum a vero differt , quod verum ad essentiam , bonum ad existentiam pertineat . Ut res vera esse concipiatur , satis est quod sit objectum intellectus : sed ut sit bona , eadem existat necesse est . Quare summum bonum ita existit , ut non possit non existere ; cumque summi boni desiderium nos tenet , semper esse , & bene esse expetimus . Nam , ut optime Boëtius , *extremum infelicitatis genus est , aliquando felicem fuisse* .

Cum itaque Deus hoc ardens felicitatis & aeternitatis desiderium nobis inferuerit , quod inutile aut vanum esse non potest ; nec verisimile sit mentem suo fine , sua perfectione fraudari : palam est extrellum & summum hominis bonum , quod ipsa veritatis contemplatione & fruitione continetur , nos in hac vita asequi non posse , sed bonos hac mortali vita defunctos manere . Quantulumcunque enim est , quam obscurum , quam variis erroribus admistum , quod magno labore , & maximo studio consequimur . Non frustra autem Deus tantam sciendi & veri cognoscendi cupiditatem in nobis accedit , ac terum omnium capacem animum dedit , qui expleri tamen non potest , dum corporis vinculis illigatur . Ergo felices in hac vita esse non possumus : quod utique sola ratione ducti , & ipsius Aristotelis principiis innixi omnino demonstratum arbitramur .

*J. 14. de
a. v. Dei.* Quare concludimus cum S. Augustino , quod nemo nisi beatus vivit ut vult , nisi eo perverterit , ubi mori , falli , offendit omnino non possit ; eique sit certum ita semper futurum : nunc vero quis hominum potest ut vult vivere , quando ipsum vivere non est in nostra potestate ? vivere enim vult , mori cogitur ; quomodo igitur vivit ut vult , qui non vivit quandiu vult . Neque usquam alibi , quam in Deo ea bona occurrunt , que naturali quodam appetitu expetimus , ut plenam & integrum animi tranquillitatem , aeternitatem ipsam , & in boni possessione constantiam , omniumque cum ratione sunt conjuncta desideriorum expectationem .

Secunda Conclusio .

Ex Platonis doctrina felicitas in Deo ipso posita est .

Hoc ipsum prater ceteros Philosophos disertissime docuit Plato cum multis in locis , tum in Epinomi . *Praeclara* , inquit , *spes est fore ut post mortem consequatur quis omnia , quorum desiderio accensus instituerit , transegeritque quam optime potuerit vitam* . Nec inauditum quiddam & novum se afferre profitetur , sed quod omnes Barbari , inquit , *& nos Græci agnoscimus* . Tum hujus vitae mila & calamitates exaggerat , nosque ab ortu nostro usque ad mortem malis ita conflictari tradit , ut vix circa medianam ætatem respirare aliquantulum licet ; ac nemo nisi pueriliter sapiat , cum ad senectutem perverterit , & præstas molestias recognit , rursus in vitam reverti optaverit . Ex quibus id collig-

git per paucos admodum in hac mortali vita felicitatem degustare; ad eam tamen utcunque petveniri, non artibus seu mechanicis & vita necessariis, seu ludicris, seu denique iis, quas auxiliatrices vocat; cuius genetis sunt militaris, & ars medendi: sed iis virtutibus, quibus purgatur animus & ornatur, fitque Deo amicus; & doctrinis speculativis, in quibus Arithmeticam potissimum numerat, quod mentem ad contemplationem promptam efficiat. Cæteras deinde scientias persequitur, ac tandem concludit, eum qui cuncta hæc percepit, sapientissimum nos appellare. *Quem, inquit, affirmo, cum diem suum obierit, non amplius multorum sensuum, ut nunc, sed unius optima sortis participationem fore.*

2 Rem ipsam diligentius in Phædone exequitur, ubi Socrates in carcere constitutus de immortalitate animæ disputans, negat animum corporis vinculis constrictum, aut sapientem, aut felicem esse posse: *Arbitrari, inquit, oportet, si quis vere Philosophus sit, ut non alibi puram sapientiam posse asequi speret, quam in futura post mortem vita.*

Plures in hanc rem afferunt rationes: 1. Quod cum optamus aliquid intelligere, recedere oporteat à corpore, atque animo solo res ipsas contemplari. Quod impedimento sit corpus, si quis eo utatur ad veritatis contemplationem; nosque, ut Poëtae ipsi canunt, nihil audire, nihil videre sincerum. Quod morbi, cupiditates, libidines, metus, multiplices rerum imagines nos à veritatis contemplatione arceant, & animum conturbent. 2. Divinum veritatis lumen longe esse ab omni corporum societate secretum. Unde quo longius animus à corpore, tum virtutum cultu, tum contemplationis exercitatione removetur, hoc clarius & scipsum, & res incorporeas contuetur. 3. Rerum sensibilium imagines mentis aciem obtundere, & tanquam nubes illius splendorem obscurare. Huc adde quod animus in regendo corpore sit occupatus, & in varias actiones distractus: sed solitus à corporis vinculis ad res incorporeas totus converterit. Quare felicitas in hac vita nemini potest perfecta contingere.

Hinc pulchre Socrates apud Platoneum; *grave, inquit, periculum fore putandum est, si quis neglexerit animam. Si enim mors totius dissolutio effet, nimium improbi lucrarentur; cum & à corpore, & à sua pravitate liberarentur: nunc autem cum anima immortalis appareat, nulla supereft malorum declinatio, nulla salus, nisi ut optima & prudentissima fiat.* In dialogo vero qui Gorgias inscribitur, pluribus verbis pœnas improborum describit, & bonorum felicitatem. *Multis, inquit, peccatis refertam animam ad inferos descendere, extremum omnium malorum est.*

Ex his itaque conficitur Deum solum esse summum hominis bonum, seu, ut loquuntur, beatitudinem ejus objectivam: cum non aliud sit maxime expetibile, nisi id quod est per essentiam & universalissimum bonum, quodque omnia bona complectitur: Sed id unius Dei proprium est ut sit summum & universalissimum, & infinite bonum, & per essentiam, non per participationem: ergo non in alio consistit beatitudo, quam in Deo ipso.

Solvuntur objectiones.

Opp. i. Aristotelem l. i. Ethic. multis argumentis sententiam Platonis exa-

gitare, quod felicitatem constituerit, in quodam universalib[us] bono, quod per se bonum, vel ideam boni nominavit. Ergo alia est Aristotelis, alia Platonis de summo bono sententia, nec uterque etiam in Dei contemplatione collocat; nec demum ex Aristotelis doctrina Deus est beatitudo hominis objectiva.

Responset Javellus Aristotelem illius potissimum felicitatis, quam in hac vita consequi possumus, habuisse rationem: contra Plato vix à nobis quandiu hanc vitam vivimus, solidam felicitatem percipi constanter asseruit: quod beatitudo sit bonum sufficiens, perfectum, quod omnem indigentiam detrahit, & appetitum explet. Mens vero nostra tenui rerum divinatum & obscura cognitione, voluptate etium non sincera & plena, sed cum anxietate conjuncta perfunditur. In eo tamen Plato & Aristoteles convenienter, quod ambo felicitatem in rerum divinarum perfecta contemplatione, & virtutum actionibus posuerint. Quod autem Plato contemplationem Dei spectaculum per se bon & per se pulchri, identidem appellat; idque in Symposio, seu in convivio, pulchritudinis pelagus integrum, sincerum, purum, simplex, divinum, ideam boni nominat: hoc utique offendit Aristotelem, qui non aliud Plato, quam bonum transcendens & universale, ut aiunt, per prædicationem intelligeret. Cum tamen bonum per essentiam, cuius participatione cuncta bonitatem suam accepertunt, his nominibus designavit Plato. Unde vocis homonymia decepti Peripatetici cum Aristotele negant hujus boni cognitionem quicquam prodesse aut formandis moribus, aut reipublicæ administranda. Contra id necessarium omnino judicat Plato, ut cives sicut amici Deo, idque sine illius cognitione fieri posse negat. Hinc l. 6. de Rep. & aliis passim in locis, quid per boni ideam intelligat aperte ostendit, cum reipublicæ administratorem cactire, & causam, non consilio operari docet, nisi primam boni formam perspexit, oinnium exemplar causamque bonorum.

^{1. 8 de civ. Dei.} Hinc merito S. Augustinus existimat Platonicos de summo bono melius sentient, quam reliquos Philosophos. *Cedant, inquit, hi omnes illis Philosophis qui non dixerunt beatum esse hominem fruentem corpore, vel fruentem animo, sed fruentem Deo: non sicut corpore vel se ipso animus, aut sicut amico amicus, sed sicut luce oculus.* Nam ex Platone ut lumen corporum à sole proficitur, ita summum hominis bonum ab eo quod absolute summum bonum est, & velut primum lumen & primum pulchrum, dimanat. Unde in Theæteto aperte docet summum animæ bonum esse Dei similitudinem.

Opp. 2º Illud est summum hominis bonum quod naturali instinctu experimus: sed Dei fruitionem aut possessionem appetitu naturali nemo desiderat: cum naturæ viribus eam aliquid non possimus: ergo Deus non est objectiva hominis felicitas.

^{1. 3. con. gen. ccs. 6. 25.} *Resp. Neg. min. Expleri enim appetitus à natura congenitus non potest; nisi Dei possessione: cum, ut docet S. Thomas, homo desideret naturaliter scire primam causam quasi ultimum finem: ac Plato ipse in Epinomi id tamquam certum statuit, naturæ instinctu nos felicitatem appetere, quam in omnibus actionibus nostris & vaticinamur & querimus. Quanvis enim illud bonum naturæ viribus consequi non possimus, non idcirco minus naturalis est illius appetitus, saltem præente cognitione quasi natura impellente elicitus: ut qui aliquod beneficium petit, idque desiderat, si minus id obtinet, tamen quadam*

quadam afficitur molestia : quanquam sibi debitum non esse probe intelligit. Quare ut res supernaturalis cognosci , sic appeti naturaliter potest appetitu quidem elicito , non innato. Unde ipse Aristoteles felicitatem in sapientia ipsa posuit , cui Plato puram voluptatem adjunxit.

Sed inquies : appetitus rei naturæ vitibus impossibilis , est tantum velleitas quædam , ut loquuntur , & desiderium inefficax : ergo si careamus eo quod obtinere non possumus , & ad cujus adeptionem non sumus à natura destinati , id non magis molestum nobis futurum est , quam quod Angelorum natura , & vis intelligendi nobis non contigerit ; nec privatio illa boni dicenda , sed negatio , quæ nobis molesta esse nec debet , nec potest.

Resp. Neg. ant. Ostensum quippe jam à nobis fuit , hominis appetitum satiati non posse nisi Dei possessione , & fruitione ; est enim idem hominis principium , & finis ultimus ; idem perficit , quod efficit. Quare si mens nostra à se haberet , quod esset , non alio egeret bono , quo frueretur : sed quia eum habemus authorem ut simus , ipsum quoque suavitatis largitorem habeamus necesse est , ut beati simus.

Utrum autem dari possit beatitudo illa naturalis , quæ in abstractiva cognitione consistit , hoc loco non inquirimus : id enim ad Theologos pertinet. Interim non negamus , quin Deo ita volente , ea dari posset : tumque tristitiam & animi ægritudinem que rebus ita ut sunt , constitutis , necessario privationem visionis divinae sequitur , Deus omnino prohiberet. *Quod Deus id potuerit efficere , non dubitamus : cum beatitudo donum sit gratuitum , non debitum ; misericordiae , non justitiae munus.* Sed rebus ita ut sunt à Deo constitutis , id certum arbitramur , quod ut passim docet S. Augustinus , *non est creature rationalis vel intellectualis bonum , quo beata sit , nisi Deus.* Itaque quamvis non omnis beata possit esse creatura : neque enim hoc munus adipiscuntur aut capiunt fere , ligna , saxa , & si quid ejusmodi est ; ea tamen que potest , non se ipsa potest , quia ex nihilo creata est ; sed ex illo à quo creata est. *Hoc enim adepto beata est , quo amissio misera est.* Hanc rationem affert S. Thomas : *bonum , inquit , quod est ultimus finis , est bonum perfectum , complens boni appetitum : appetitus autem humanus , qui est voluntas , est boni universalis ; quodlibet autem bonum inherens ipsi anime est bonum participatum. Vnde impossibile est , quod aliquod eorum sit ultimus finis hominis.* Id verò impossibile judicamus moraliter loquendo , non absolute , atque ut aiunt , Metaphysice.

Opp. 3º Mens humana , quæ est finita , non potest versari circa Deum , qui est infinitus : nulla enim est proportio rei finitæ cum infinita ; nec sensus ullus circa omne sensibile , ut objectum suum versari potest ; nedum intellectus summum intelligibile consequetur.

Resp. His & aliis quæ solent in Scholis ventilari , mentem humanam esse intrinsece finitam , eam tamen esse facultatem universalem & extrinsece infinitam , cujus objectum est omne intelligibile. Ac licet nulla sit certa & definita proportio , quæ entitatis vocatur , Deum inter & intellectum nostrum , est tamen proportio quædam habitudinis , qualis est inter facultatem & objectum. Ut Deus est intelligibilis , sic mens humana est intelligens : licet ratione sua entitatis infinita à Deo distet. Atque hæc habitudinis proportio in

ipsa mentis nostræ natura fundatur, quod sit essentialiter intellectiva. Sensus quidem cum sit valde limitatus, non omne sensibile potest percipere; visus, colores, non sonos percipit: sed intellectus est facultas universalis, cuius objectum est omne intelligibile.

Sed inquit, facultas intrinsece corporea, ut visus, versari non potest circa objectum intrinsece spiritale: ergo nec facultas intrinsece finita objectum infinitum potest attingere.

Rsp. Neg. conseq. & paritatem. Nam sensus per suum organum coarctatur, & rem spiritalem assequi nequit: facultas vero spiritualis nullis terminis coactetur.

Contra inquires. facultas vitalis speciem suam habet ab objecto: ergo si objectum illius sit infinitum, erit ea quoque infinita.

R. Dist. anter. Facultas specificatur, ut aiunt, ab objecto, extrinsece, C. intrinsece, N. essentiam enim suam ex ordine ad objectum repetit: sed ex ipso non constat objecto.

QUÆSTIO III.

De Beatitudine formalis.

Beatitudo formalis est possessio, seu fruitio summi boni, quæ à Boëtio definitur *status omnium bonorum aggregatione perfectus*; & à M. Tullio, *secretis malis omnibus cunctata bonorum possessio*. Jam ostendimus hunc statum in perfecta mentis nostra cum Deo conjunctione positum esse. Cum enim status ille felicitatis sit eiusmodi, ut melior excogitari non possit, palam est eum non in agendi potentia, vel habitu, sed in perfectissima operatione consistere; quæ perpetua sit, constans, immutabilis, non interrupta, non mutationi obnoxia: cumque non corporis, sed animi vires Deum capere quodammodo, & possidere possint, illud quoque planum sit, summum bonum aut mentalis, aut voluntatis, aut utriusque actione possideri.

Ne illud quidem dubium est, beatitudinem citra Dei visionem & amorem, aut citra ineffabilem delectationem intelligi non posse. Quod enim visio Dei intuitiva ad felicitatem pertineat, passim docent Scripturæ, ut Joan. 17. *Hoc est autem vita aeterna ut cognoscant te solum verum Deum, & quem misisti Iesum Christum.* Tametsi pierique interpretes hunc locum explicit causali-ter, ut aiunt, non formaliter: Id est, haec sola est via consequendi vitam æternam. Illud Apost. 1. Corinth. 13. *Videmus nunc per speculum & in enigmate, tunc autem facie ad faciem.* clariss id definit.

Quod autem sine Dei amore, quo voluntas Deo ut bono immutabili adhæret, mens beata esse non possit, id ex eo liquet quod testante Apostolo, *Charitas nunquam excidat.* Hinc Augustinus Epist. 52. docet nullum cæteris virtutibus nisi uni charitati locum fore; ubi, inquit, nec prudenter discernantur à bonis mala, quæ non erunt; nec foriter tolerentur adversa; quia ibi non erit, nisi quod amemus; non etiam quod toleremus. Cumque cæteras virtutes est perfecitus, ita concludit: *una ibi virtus erit, nimirum Charitas, & id ipsum erit virtus premiumque virtutis.*

Sed neque à beatitudine delectatio, & mira suavitas abesse poterit: cum

gaudium Domini à Christo vocitetur. *Absit Domine*, inquit sanctus Doctor, a corde servi tui, ut quocunque gaudio gaudeam, beatum me putem. *Ipsa est* beata vita gaudere ad te, de te, propter te; ipsa est & non altera: qui autem aliam putant esse, aliud settantur, neque ipsum verum. Hinc Sapiens prov. 10. *Expectatio iustitiae*, quam scilicet iusti consequentur. *Spes autem impiorum peribit*: tum quia non sunt vera bona qua sperant, tum quia spes illa, quam in rebus caducis collocant, eos fallit. Hic enim est baculus arundineus, cuius meminit Isaias c. 36. *cui si innixus fuerit homo, intrabit in manum ejus, & perforabit eum.*

Hac cum certa sint & inconclusa, tamen merito queritur in qua ex iis actionibus beatitudinis essentia consistat: An in sola visione Dei clara & intuitiva, ut Thomista contendunt: an in solo amore, ut videtur Scoti; an in sola delectatione, qua opinio Aureolo tribuitur; an potius in visione & amore, ut vulgus Philosophorum existimat; an forte & delectatio quoque his sit adjicienda, ut placet Sancto Bonaventura. Sit itaque

Prima Conclusio.

Visio Dei clara, & amor ad essentiam beatitudinis pertinent.

Prob. concl. Illud est de rei essentia, sine quo neque esse, neque concipi ullo modo potest: sed beatitudo nec consistere potest, nec intelligi, si visionem Dei aut amorem ei detrahatur. Nam ut pulchre S. Augustinus, *neque ille dici potest beatus, qui non habet quod amat, qualecumque sit: neque qui non amat quod habet, nisi optimum sit.* Nam qui appetit quod adipisci non potest, cruciatur; & qui non appetit, quod appendendum est, agrotat. Illud autem quod maxime appetimus, est clara & intuitiva Dei visio, ut jam ostendimus, & per amorem adhaerere immutabili bono: *Quod usque adeo bonum est, inquit S. Augustinus, ut sine illo creaturam intellectualem miseram esse necest.*

Confirm. Beatitudo formalis est summi boni possessio: id autem possidemus, cum ei conjungimur, tanquam objecto & fini: quod uique sit per cognitionem & amorem; per cognitionem ut summum verum, per amorem ut summum bonum id possidemus. Quod si alterum sustuleris, erit imperfecta, non integra summi boni possessio: ergo visio Dei & amor ad essentiam beatitudinis æque pertinent.

Secunda Conclusio.

Delectatio etiam directa ad essentiam beatitudinis spectat; licet ea non sit actio quedam à visione Dei & amore distincta.

Prob. conc. Eadem plane ratione: quod nimirum beatitudo sine summa delectatione concipi non possit. Est enim felicitas finis & terminus omnium appetitionum; extra hunc finem acquiescere non possumus. Hinc illud pervagatum S. Augustini in ipso Confessionum initio, *quia fecisti nos ad te, & inquietum est cor nostrum, donec requiescat in te: & lib. 13. Hoc tantum scio, quia male mihi est prater te, non solum extra me, sed & in me ipso; & omnis mihi copia, qua Deus meus non est, egestas est.*

Quid autem querimus nisi ut summi boni possessione haec egestas detrahatur? Nec neceſſe est ut delectatio sit ab amore distincta: est enim amor fruitionis, non desiderii; nec fruitio sine voluptate intelligi potest.

Diluuntur objectiones.

Multa solent opponere, quae facilius dissolves, si adverteris primo beatitudinem esse possessionem Dei, non civilem, quasi mens beata jus & dominium haberet in Deum, sed vitalem & Physicam, quae in coniunctione facultatis cum objecto & fine suo consistit.

2. Id quoque observandum, quod felicitas inchoata & inadæquata in visione, vel amore separatum posita sit, non integra & adæquata.

Postremo id fatemur inter Deum & mentem nostram nullam esse proportionem certam & definitam, qua vocari solet proportio entitatis, qualis est inter ea quae sunt ejusdem generis: sed ea est proportio qua dicitur habitudinis inter facultatem & objectum. Deus enim licet infinitus, tamen intra mentis objectum adæquatum, quod etiam specificativum dici solet, non intra objectum illius connaturale & attenperatum, cuiusmodi est lux temperata respectu visus, continetur. Deus igitur videri potest ab intellectu, non comprehendi. His utique annotatis, quae solent opponere, breviter perstringamus.

Opp. 1. Beatitudo formalis est possessio summi boni: sed Deus ab homine possideri non potest. 1. Quia Deus non est in potestate hominis, nec subest ejus dominio; 2. Dens est infinitus, mens nostra finita; finiti autem ad infinitum nulla est proportio. 3. Longe minor est proportio inter mentem nostram & Deum, quam inter oculum corporeum & Angelum: sed Angelus oculis corporis conspiciri nequit: ergo multo minus Deus ab intellectu creato videri potest: unde & ab Apostolo invisibilis dicitur.

R. Neg. min. Quæ autem probationis loco afferuntur, jam magna ex parte sunt soluta. Primum enim feicitas formalis est Dei possessio, quatenus mens cum eo conjungitur, ut fine suo & objecto. C. est possessio civilis, quæ jus & dominium in rem ipsam includit, N. Quo quidem modo fatemur Deum possideri non posse: Nec mens beata sic Deum possidet, ut avatus pecuniam: sed quia firmo & constanti amore ei adhæscit, eumque clare intuetur, non comprehendit; hoc est, non tantum cognoscit, quantum cognosci potest.

Simili ratione, quod aiunt nullam esse proportionem inter Deum & intellectum nostrum, in genere entis, C. in ratione ejus habitudinis quæ inter facultatem & objectum invenitur, N. est enim anima nostra imago Dei & illius capax.

Quæ quidem responsio adhiberi potest ad tertiam probationem. Longius enim distat mens nostra à Deo, quam oculus corporeus ab Angelo, in genere entis, C. in ratione facultatis & objecti, N. Deus intra objectum intellectus, quod est omne intelligibile, continetur. Angelus vero est extra objectum specificativum visus. Unde non solum Deus, sed & Angelus est invisibilis oculo corporeo.

Opp. 2. Essentiam beatitudinis non in amore, neque in delectatione, sed in sola visione consistere. 1. Quia visio est prior amore, & id quod primum in

beatitudine concipitur. 2. Quia visio intuitiva est actio hominis praestantissima. Hinc Philippus Apost. eam omnino sufficere persuasum habuit, cum dixit Christo Domino, ostende nobis Patrem, & sufficit nobis. Sic Psalter Regius, ostende, inquit, faciem tuam, & salvi erimus. Imo Christus Dominus, cum ait, *hac est vita eterna ut cognoscant te solum verum Deum*; vitam æternam in sola Dei visione constituere videtur.

Resp. Diff. maj. Essentia beatitudinis in sola visione consistit, inadæquata, C. essentia beatitudinis adæquata & integra, N. sic integra hominis essentia non in sola anima, quæ est corpore præstantior, neque in solo corpore, quod prius est quam anima, sed in utriusque partis coniunctione posita est. Interdum solus visionis mentio sit in Scripturis, quia visio clara & intuitiva summi boni cum illius amore necessariò conjungitur.

Utra autem actio, aut facultas sit altera præstantior, visio, an amor, voluntas, an intellectus, magna contentione Thomistas inter & Scotistas controvèrtitur. Neque id permagni est ad hujus quæstionis solutionem niomenti: cum utraque facultas sit summi boni possidendi capax, mens scilicet & voluntas. Et quidem in hac vita charitas quæ ad voluntatem pertinet, præstantior est fide & omni cognitione, quam deo habere possumus; ac Deus perfectius à nobis amari potest, quam cognosci. Rem enim intelligimus, ut est in mente nostra, amat ut est in se ipso. At Deus est præstantie modo in se ipso, quam in intellectu nostro. Unde optime docet sanctus Thomas, quod cognitio rerum quæ sunt infra nos posita, melior est amore; contra atque evenit in iis rebus quæ nobis sunt præstantiores: nam amore rerum inferiorum polluitur anima, sed rerum divinarum amor eam perficit: quod, ut docet Aristoteles, verum & falsum sunt in intellectu. Unde res nobis subjectæ sunt nobiliore modo in mente nostra: sed bonum & malum sunt in rebus. Hinc S. Thomas identidem docet intellectum res ad se trahere, voluntatem vero à rebus ipsis trahi quodammodo & allici. Tametsi nonnulli male hinc colligunt voluntatem nostram magis à Deo possideri per amorem, quam eum possideat: illa enim tractio est metaphorica, neque ea ita est accipienda quasi solus intellectus agat circa suum objectum: nam actio æque saltē pertinet ad voluntatem, atque ad intellectum: sed utraque Deum attingit & possidet, mens ut summum verum, voluntas ut summum bonum.

Vrgent. Si Deus possidetur per amorem: Ergo viatores justi jam Deum possident, & sunt beati: nam teste Apostolo eadem in iis manet charitas, quæ non quam excidit.

R. Diff. ant. Quandiu sumus in via, Deum possidemus imperfecte, C. perfecte & quantum ratio beatitudinis postulat, N. amor enim via est amor desiderii; amor patriæ est fruitionis: uterque in ratione charitatis convenit. Quare sancti in hac vita jam spe salvi facti sunt; sed nondum te: *donec Deus evanuverit quod est imperfectum*: quod tum futurum est: cum Deum videbimus sicut cognitus sum, ait apostolus: tumque charitas perfecta futura est, & replebitur in bonis anima nostra.

Opp. 3. Cum duplex sit amor, unus qui dicitur, concupiscentiæ, qui ad nos; alter amicitiæ, seu benevolentiæ, qui ad alios refertur, neuter potest esse

summum boni possessio : non amor concupiscentiæ qui sicut in nobis : neque etiam si qui dicitur amicitia : nam objectum præsens nec efficit, nec supponit, sed ut vulgo loquuntur, à præsenti & futuro abstrahit. Ergo beatitudo formalis in amore non est posita : præsertim cum id proprium sit intellectus ut objectum tibi præsens sit, aut efficiat, id verò nullo modo ad voluntatem pertineat.

Resp. summum boni possessionem in perfectissimo amore positam esse : hic autem est amicitia, cuius terminus primarius est Deus, ut summe bonus, atque ipsa beatitudo nostra. Est item amor fruitionis, non desiderii. Nam qui suam aseccutus est perfectionem, meliore loco est, quam qui illam prosequitur. Vinculum autem illud amoris est commune omnibus beatis : unde major est inter eos amicitia : ut in hac vita ea est optima, cuius vinculum est virtus ipsa. Quare beatus & se ipsum & reliquos in felicitate socios diligit, quod ejusdem boni sint participes : se enim ut cives ejusdem civitatis, quæ in Scripturis Hierusalem nomine exprimi solet, perfecte diligunt. Quod autem aiunt, id unius esse intellectus, ut objectum sibi præsens efficiat, id vetum est quantum ad representationem objecti : sed voluntas affectu, seu amore, objecto suo adhaerescit, eò quidem firmius, quo objectum melius judicatur.

Instant. Si Deus suum beatis concursum ita subducet, ut ad actum amoris non concurreret, tum beati forent citra amorem : nam Deum possiderent nec amarent : ergo felicitas in sola visione consistit.

Resp. Possessionem illam, & beatitudinem tum fore imperfectam & inadæquatam, non perfectam & integrum ; neque adeo completa esset felicitatis essentia.

Contra, *inquiunt*. Beatorum animæ nondum perfecta fruuntur beatitudine, quam post resurrectionem consequentur : cum perfecta & omni ex parte absolute felicitas ad totum hominem pertineat : & tamen jam essentiali fruuntur beatitudine. Ergo à pari licet aut amor, aut delectatio absent à visione Dei, nihilo tamen minus jam illius essentia completa esset & absoluta : cum amor, & delectatio visionem Dei claram consequantur, ut proprietates, non ut partes illius essentiales.

R. Neg. conseq. Dispat ratio in hoc posita est, quod animus Deum sic possideat, ut societas corporis non requiratur, nisi ut ex animo in corpus redundet incorruptionis vigor, ut loquitur S. Augustinus : sed Deus non possidetur nisi per amorem, qui suo bono fratur : adeo ut sine delectatione summa neque esse, neque concipi possit beatorum amor. Non quod necesse sit eam delectationem esse reflexam, & distinctam ab amore, adeo ut sit delectatio de ipsa possessione : sed directa est, ut loquuntur, & amori frui ivo essentialis. Corpus vero Deum possidere non potest per aliquam actionem sibi propriam : nulla enim illius actio Deum potest attingere : sed in eo Deus ut in templo, miro quodammodo habitabit. Nec tamen quicquam de beatitudine animæ detrahitur, quod suo corpori nondum reddatur : id enim expertit animus sine anxiate.

Opp. ult. Illud ad naturam felicitatis pertinet, ut non modo facultates animæ, sed etiam illius essentia Deum possideat, eoque impleatur : quemadmodum per gratiam Deus essentiam ipsius animæ novo modo inhabitat : est enim divina naturæ participatio quædam, juxta illud Petri Apostoli, *divine facti con-*

fortes naturæ. Cum ergo beatitudo sit gratia consummata , non facultates modò animæ , sed multo magis illius natura Deo fui & satiari debet. Unde Henricus Gandavensis beatitudinem in illapsu Dei in animam constituit : quo scilicet Deus sic beati essentiam penetrat , ut eam divinam quodammodo efficiat : ut ignis ferrum , lux aërem sic impieat , ut ferrum ignitum , ac lucidus evadat.

Réff. ista quidem magna probabilitate dici; sed nos hoc loco agimus de beatitudine , quatenus est activa Dei possessio , eaque visione , amore & delectatione omnino continetur. Interim non inficiamus ipsam animæ beatæ essentiam miro & ineffabili modo à præpotenti Deo , qui replet in bonis desiderium nostrum , perfici & expleri. Multas in hanc rem similitudines affert Sanctus Bernardus. *Quomodo* , inquit , *stilla aquæ modice multo infusa vino deficere à se tota videretur , dum & saporem vini induit , & colorem : & quomodo ferrum ignitum & candens igni similimum fit , pristina propriaque forma exutum ; & quomodo solis luce perfusa aër in eandem transformatur luminis claritatem , adeo ut non tam illuminatus quam ipsum lumen esse videatur.* Verùm ista ipsi viderint Theologi , uti & alia multa quæ circa beatitudinem disputant : ad nostrum nos referamus institutum , ac de principiis actuum humanorum , quod secundo loco fuit propositum , differamus.



TRACTATUS SECUNDUS.

De principiis actuum humanorum.

OMNIS Philosophia Moralis summi boni & actionis honestæ scientiæ continetur : Illud est extremum bonorum , & finis humanæ vite ultimus; actio verò honesta est ratio , seu medium quo ad eum finem perveniri potest. Hoc utique loco , quæ sint nobis ingenita actuum humanorum principia , quæ acquisita explicare conabimur ; tum actiones ipsas humanas quam poterimus distingue exequemur.

Actiones humanæ , quæ Morali Philosophiæ est subiecta materies , principium à natura congenitum duplex est , voluntas & libertas : principia acquisita sunt virtutes & vitia. De singulis agendum. Primum itaque de voluntate & voluntario. 2º de libertate & libero arbitrio. 3º de natura & distinctione habituum differendum. 4º de virtutibus & virtutis in universum. 5º de iis sigillatim dicemus.

DISPUTATIO PRIMA.

De voluntate & voluntario.

EST , inquit Cicero , animus in partes distributus duas , quarum altera est rationis particeps , altera expers: de parte rationali hoc potissimum loco agimus. Hujus due sunt facultates , una cognoscens , appetens altera : illa mens , aut intellectus , hæc voluntas nominatur. Utraque est actionum humanarum principium ; neque una sine altera explicari potest. Primum igitur de voluntate ; 2º quonodo intellectus voluntatem , ac vicissim voluntas moveat intellectus .

QUÆSTIO PRIMA.

De voluntate.

Facultates animæ principes & spiritales ad intellectum & voluntatem revocari possunt. Ac primum id queritur, quomodo ab ipsa anima ea vires distinguantur. Id enim magnam in ideis nostris confusionem parit, quod intellectum & voluntatem quasi duas res, ac velut ramos distinctos, & ab eodem trunco prodeentes concipiamus, cum idem sit animus qui intelligit & amat: nametsi has vires dividimus, ut earum functiones & munera facilius percipiantur. Sit igitur

Prima Conclusio.

Intellectus & voluntas non re, sed cogitatione tantum ab anima distinguuntur.

Prob. 1. Vix credibile est accidens quoddam ab animo distinctum intelligere, aut percipere, aut velle: neque enim ullius accidentis tanta vis esse potest, ut actionem immanentem, quæ principio suo inest, exerat: ea quippe est substantia notio, ut in se existat & operetur; neque id ulli accidenti convenit.

2. Si intellectus est facultas ab anima sejuncta, quæ illius erit causa, nisi animi substantia? quæ si potest ex se fundere facultates, multo facilius actiones ipsas exeret. Nam anima est maxime actuosa, ac nihil obstat quominus per seipsam efficiat, quæ facultatibus tribuuntur: cum sit natura quædam, hoc est, principium motus & quietis.

Quod respondent animam esse primum, atque ut loquuntur, principium radicale suarum operationum, non proximum, id utique vim rationis allata non infingit. Esse enim principium radicale & remotum, non aliud est quam esse causam cur potentia aut facultates agant. Ergo si anima sit causa remota actionum, erit saltem causa proxima cur illæ facultates operentur: sive per seipsam agit, dum facultates ad agendum applicat. Neque ulla fingi potest causa remota, quæ non sit causa ipsius cause proximæ, aut per eam non operetur. Ac denum si facultates agunt nomine ipsius animæ, & tanquam illius instrumenta, ut pertendunt Thomistæ, id semper verum erit animam immediate agere: nam actio cause principi tribuitur.

Satisfactio objectionibus.

Opp. 1. Thomistæ, ibi esse distinctas potentias, ubi sunt actus diversi: sed substantia actus est existentia, ut actus facultatis est actio. Hi porro actus, existentia nempe & actio inter se diff. runt: ergo & facultas, seu potentia operatrix est quid à substantia, vel essentia rei sejunctum.

Resp. Dis. maj. Diversæ sunt potentiae quibus respondent diversi actus non subordinati, C. si actus illi sint subordinati, N. At verò actio supponit existentiam; ut actio voluntatis ab actione intellectus pendet: ergo nihil necesse est inter animum & ejus vires distinctionem realem communisci: cum distinctione virtualis

virtualis omnino sufficiat. Alioqui intellectum ipsum, & voluntatem in alias se-
cabimus vires: ita ut alia sit vis percipiendi, alia judicandi, aut ratiocinandi. Quod si iux corporea cum eadem sit & simplex, tantam effectum varie-
tatem procreat, multo magis anima quae spiritalis est & insectilis, in plura of-
ficia vim suam impendet.

Opp. 2. rem eandem non posse simul esse in actu & in potentia respectu ejusdem. Sed quod agit, est in actu; id in quod res agit, est in potentia, cum recipiat tantum: ergo nulla substantia potest in seipsum agere; neque anima potest esse causa proxima suarum operationum, sed omnino necesse est ut per facul-
tates a se distinctas operetur.

Responseri solet causam aequivocam, cuius genetis est anima, vel substantia, cum agit in seipsum, simul esse in actu virtuali, quia virtute continet effectum, & in potentia formaliter: ut vinum, inquit, est virtualiter calidum, & formaliter frigidum. Sed commodior responsio futura est, si dixerimus animam dum agit, esse in actu simpliciter, cum existat, & in potentia secundum quid respectu actionis. Neque id absurdum est rem aliquam simul esse in actu, quatenus existit, & vi sua continet actionem, & in potentia respectu perfectionis accidentiarum: cum actiones vitales in suo principio recipientur, ut visio in vi-
dente.

Instant. Nulla res est sua actio, ut anima non est sua intellectio: ergo nulla res vel substantia erit sua vis activa, seu potentia operatrix: ut anima non erit potentia visiva.

Resp. Quidquid sit de antecedente, de quo alibi, negari conseq. Actio quippe non est quid permanens, aut rei intrinsecum. Sed vis activa nihil est prater entitatem ipsius cause, quatenus ordinem habet essentiali ad id quod produci potest: ut intellectus est anima ipsa, ut essentialiter respicit intelligibile.

Quamobrem ut ad facultates anima redeamus, mens seu intellectus rebus cognoscendis, voluntas agendis destinatur. Intellectus est velut animi oculus, qui veritatis luce illustratus ostendit quid fugere, quid sequi debeamus; voluntas rationem sibi pracluentem subsequitur, & ceteras animi vires ad agendum applicat. Ille retum formas, aut imagines ad se rapit; hec objecti bonitate succensa quasi extra se proflit, ut fine & perfectione sua fruatur. Hinc veritas ad intellectum, bonitas ad voluntatem pertinet; ille omnia circumspicit & explorat, hec negotium agit, subjectas sibi potentias movet, quo illud bonum cuius amore flagrat, consequi possit.

Atque ista que vulgo jalicantur, facile intelligimus, si animus ipse rerum imagines depingat, cognoscat, agat etiam, vel appetat: non item si intellectum & voluntatem ut res qualidam, aut accidentia physica concipiamus. Quomodo enim res tantas accidens, quocunque illud sit, moliri queat, nulla mentis agitatione complecti possimus. Itaque vis illa animi quae ex re cognita tanquam bona vel mala afficitur & commovetur, appetitus dici solet, aut voluntas. Nam ubi res cognoscitur, nec habet sibi adjunctam boni aut mali notam, neque ad nos referuntur, tum intellectus, aut imaginatio sola operatur: sed ubi res aut commoda, aut noxia, & ad nos pertinere judicatur, tum appetitus consequitur, qui plerumque cum aliqua commotione conjungitur. Ut si quis audiat domum aliquando incendio esse consumptam, aut hominem esse

occisum, is non multum eo nuntio afficitur: at si alius subjiciat, domum incensam, aut hominem interemptum ad eum pertinere, tum sane is qui audit, rem suam agi intelligit, & magna afficitur tristitia.

QUÆSTIO II.

Quomodo Mens & Voluntas sese mutuo ad agendum determinant.

CUm magnæ & involutæ admodum quæstiones circa libertatem & actiones humanas ex mutua intellectus & voluntatis connexione pendent, opera præmium facturi sumus, si rem omnem paulo diligentius pertractemus. Ante omnia quæ vulgo recepta sunt in Scholis, tum quæ adjicienda nobis videbuntur, proponemus.

Ac primum illud fateri necesse est, quod si proprie & ad legem veritatis loqui volumus, nec intellectus voluntatem, nec vicissim voluntas intellectum moveat. Non enim sunt duas res, quæ tanquam duo globi impetum aliunde acceptum sibi invicem communicent. Sed idem est animus, qui ut rem nude & simpliciter percipit, intellectus; ut in eam, tanquam in bonam & sibi commodam fertur, voluntas aut appetitus nominatur. Cum autem nihil appeti possit, aut amari, nisi idem sit cognitum: hinc fit ut voluntatem ab intellectu moveri, aut potius determinari omnes Philosophi fateantur: adeo ut voluntas nihil agere, nihil moliri possit, nisi facem præferat intellectus. Unde amentes & infantes sponte quidem agunt, non ex voluntate: quod si deficit cognitio, aut rationis usus. Itaque non modò ad exercitium actus, hoc est, ad agendum vel non agendum, sed etiam ad speciem actus mens voluntatem ita determinat, ut si rem voluntati proponat ut bonam, & citra ullius mali admitionem, voluntas eam non amare non possit; si ut malam tantum, & nulla ex parte bonam, hanc voluntas, ut alibi diximus, omnino respuat. Cum enim ex ea sit, seipsum regere non potest, sed intellectus lucem sequatur necesse est.

Ista quidem magna ex parte vera esse arbitror: sed vereor ne ratio quæ afferatur, rem satis apertam involvat magis, quam explicet. Nam si voluntas vis est quædam ab intellectu distincta, frustra ille cæcum irradiat, aut surdam moneret. Præterea, quomodo voluntas intellectum sibi consulente audit, aut quomodo ea consentit, vel se ad agendum applicat, & subiectis viribus imperat? Non potest enim voluntas ab objecto moveri, aut alluci, nisi illud præsens ipsi exhibeat; hoc autem fieri nequit nisi per imaginem ipsius objecti: sed voluntas est facultas omnis expers cognitionis: qui igitur fieri poterit ut objecti sui imaginem percipiat, aut unum præ alio eligat: nam lux cæco frustra porrigitur.

Responderi vulgo solet, has vires in eodem animo insitas esse, atque ut aiunt, radicari, & tantam esse inter eas consensionem, aut sympathiam, ut una ab altera excitari aut determinari possit, quamvis nihil ea percipiat: fere ut oculi pedum incessum regunt, tametsi pedes nihil vident: solus, inquit, modus loquendi negotium nobis facessit.

Verum neque hæc consensio inter facultates, vel ut loquuntur, sympathia, neque id quod affertur exemplum, difficultatem minuit, sed auget magis.

Non enim oculus, sed anima ipsa vel imaginatio oculorum ministerio, pedes & totum corpus movet ac regit; atque illa sympathia inter rationem & voluntatem non efficit ut voluntas ab intellectu dirigatur. Quæri enim merito potest an voluntas intellectui reluctari queat? quod si non possit: jam utique voluntas non erit sui juris, non erit indifferens.

Quod si mentis iudicio repugnare possit voluntas, quomodo ea unum alteri anteponet? Nulla est enim rei incognitæ appetitio. Quod si unum alteri præfert, certa aliqua ratione ducitur. Ergo necesse est ut ultimum rationis iudicium voluntas sequatur: nisi forte impetu ruat in id quod liber. Verum quid libeat, dijudicare non potest, nisi mens velut faciem præferat: ac nisi voluntas ultimi iudicij sit sequax, impotens erit, irrationalis, & inconsulta. Sed neque potest id quod fuit à ratione præscriptum repudiate, aut illius decreta probare vel improbare: nihil enim perspicit, cæca supponit, neque adeo potest unum cum altero, quod proprium rationis munus est, componere.

Quod autem aiunt, solum loquendi modum negotium nobis facessere, verum est, si ita usitatæ loquendi rationi serviamus, ut res ipsas inter se distingui, quæ diversis efferri solent nominibus, persuasum habeamus, & res nostro cogitandi modo, ut cogitationes ipsas usitatis vocibus omnino addicamus. Id enim omnem pene cogitationem nostram conturbat. Quò igitur rem, quæ suapte natura non est adeo impedita, quam dilucide fieri poterit, expediamus, ex iis quæ certa sunt & confessæ, quæ videntur obscuriora eruamus.

Primum itaque idem est animus qui immediate & proxime vult & intelligit, quique intellectus & voluntas dici solet.

Cum intellectus rem simpliciter percipit ut veram, tum suas tantum partes agit: sed ubi bonam percipit aut judicat, statim appetitus aut voluntas commovetur: tum enim intra fines objecti voluntatis ea res continetur. Ergo idem est principium & cognitionis & appetitus; quæque dicitur voluntatis functio, cum rationis actione ita cohæret, ut unum & idem sit utriusque principium, cognitione, non naturâ diversum.

Ex quo efficitur voluntatem minus proprie cæcam vocitari: nam idem est animus qui ut bonum intelligit & nobis conveniens, aut malum ut noxiū percipit, statim ad illius prosecutionem & hujus fugam se applicat, neque is cæcus dici debet, cum rem incognitam prosequi aut fugere non possit. Atque is error hinc oritur, quod intellectum & voluntatem, ut res diversas concipiamus; ac voluntati attributa quæ simul esse non possunt, omnino tribuamus: quod nimis cæca sit, & intellectus tamen lumine irradietur; quod expers rationis iudicia intellectus perpendat, unum alteri anteponat, & alia quæ supra attigimus.

Deinde si voluntas ad cognoscendum non est à natura comparata, non magis illi cæcitas, quam auribus est tribuenda.

Postremo si voluntas, ut facultas cæca, & ab intellectu diversa supponatur, explicari vix poterit unde actionis cuiusque principium ducatur: non enim intelligimus, nisi cum volimus; nam ut omnes fatentur, voluntas intellectum ad cognoscendum movere & determinat: sed neque voluntas quidquam aggreditur, quod non surrit ab intellectu præmonstratum: unde ergo agendi initium ducetur? quanto facilius est eundem animem utriusque actionis principium,

idque proximum concipere , quām se tot difficultatibus impedire ?

Quod si ita sit , illud quoque probabile videtur , voluntatem semper sequi ultimum intellectūs judicium : alioqui voluntas temere & inconsulto ageret , non ut potentia rationalis , quæque rationi induisse cohæret . Ponamus enim ultimum rationis judicium prudentiæ esse consentaneum , & voluntatem contra iustitiam agere : tum sane homo erit prudenter injustus : quod omnino absurdum videtur .

Deinde cum ultimo judicio , seu conclusione intellectūs , voluntatis actio ita conjungitur , ut si animus quid sit bonum judiceret , statim id voluntas experiet , uti jam ostendimus ; si mens nutet & fluctuet , voluntas quoque nutabit , & eadem laborabit inconstantia : quod idem judicium ab intellectu simul & voluntate proficiscatur : ergo voluntatis prosecutio aut fuga ultimo rationis judicio , quod practicum vocant , induisse cohæret , neque ab eo divelli potest .

Postremo nemo est qui rogatus cur aliquid agat , non statim respondeat , id se agere , quia judicat id esse faciendum .

Cum itaque propositio , cui assentimur , est universalis , judicium dicitur practicum , aut propositum : hinc nonnullos propositi tenaces dicimus . Cum id omnibus circumstantiis munitur , tum dicitur practice practicum . Idque est conclusio syllogismi , quem in omni actione formamus . Namvis cum ex usu & prompte operamur , nulla fieri argumentatio videatur , fit tamen , ac tum maxime cum parata est & expedita : nullas enim temporis motas postulat : nec quicquam fere moram nobis injicit , nisi sensuum infirmitas .

Quocirca ut intellectus id quod verisimilius , ita quod melius sibi videtur , omnino approbat , idque voluntas sequitur . Nam ut lancem , inquit Cicero , in libra ponderibus deprimi , sic animum perspicuis cedere necesse est ; nec potest objectam rem perspicuum non approbare . Est quippe animus instar bilancis indifferens , ut in utramvis partem propendeat : adeo ut in eam lancem , cui major species veri , tanquam pondus inhæserit , omnino deflecat . Sed non eò usque est indifferens , ut dimissa re magis perspicua , amplectatur minus perspicua aut verisimilem ; uti nec levius pondus attollet lancem graviore pondere depressum . Hinc enim omnis fluctuatio , aut dubitatio oritur , quod paria utrinque videantur rationum momenta . Atque ut si æquatis libra ponderibus momentum quoddam modo uni , modo alteri lanci addas , aut detrahias , hinc utique vel illam lanceam deprimes : sic judicia nostra commutari necesse est , cum species boni commutantur . Sed voluntas judicium intellectūs semper subsequitur : ergo id semper amplectitur , quod intellectus melius judicat ; seu revera ita sit , seu speciem tantum & similitudinem boni præse ferat : hoc est , seu id melius sit quoad rem ipsam , atque ut loquuntur , quoad objectum ; seu ita nobis videatur . Idque maxime ; quod minus bonum cum meliori comparatum rationem habeat mali : ergo illud ut deterius judicatur , nec potest meliori anteponi .

Solvuntur obiec̄tiones.

Oppor. 1. Si voluntas sequitur necessario ultimum rationis judicium : ergo ea non sese determinat , sed omnino determinatur ab intellectu .

Reff. Voluntatem non sese determinare sive ratione , C. cum ratione , N.

fit enim, ut diximus, in omni electione nostra syllogismus quidam, quem vocant practicum, cuius conclusionem voluntas sequitur. Unde amentes, aut infantes non agunt libere, quia non possunt judicare an præmissæ illius syllogismi sint vera, vel falsæ.

Instant. Judicium illud necessitatem antecedentem voluntati affert: ergo voluntas non erit libera.

Resp. Neg. ant. Nam judicium illud est liberum, idque voluntas mutare potest, aut suspendere: ac necessitas, si quæ sit, erit hypothetica, non absoluta; moralis, non physica.

Opp. 2. Nos non semper sequi quæ videntur meliora: hinc illud Medæ apud Ovidium, communi sermone tritum.

Video meliora proboque,

Deteriora sequor.

Resp. Dist. ant. Quæ probamus meliora cognitione speculativa & universali, ea semper non sequimur, C. quæ probamus meliora per cognitionem practicam, cum rem omnibus suis circumstantiis vestitam intuemur, ea non sequimur, N. Quare propositis duobus bonis, aut duobus malis, illud bonum amplectitur voluntas, cuius specie magis permovetur animus; id malum refugit, cuius species illi videtur horribilior. Nam minus bonum cum meliore comparatum, mali habet rationem. Hinc Plato in Protagora docet, *volentem ad malum ferri neminem, neque esse in hominis natura, ut velit ad ea que reputat mala, bonorum loco defletere; ac si eligere alterum ex duobus aliquando necesse sit, neminem esse, qui si eligere minus liceat, eligat majus.*

Sed, *inquires*, multa quæ judicamus mala, contra conscientiam sequimur; nec quæ magis probamus, eadem amplectimur; quod bonum à nobis est judicatum, saepè rejicimus.

Resp. His & aliis quæ afferri possunt, non aliud effici, quām nos ad ea quæ sunt re ipsa meliora, quæque ita sunt judicata, non attendere, eo potissimum quo agimus tempore: quodque ante est judicatum bonum, dimittimus: nam ex vero in visum bonum animus abripitur. Qui autem dicit se meliora probare, ac deteriora sequi, is mentitur, & pugnantia loquitur. Agit quidem præter conscientiam; quod se boni jacturam aliquam facere sentiat. Sed id non videatur tanti, ut voluntatem, aut libidinem, quæ eum transversum agit, aspernetur. Hæc igitur majoris boni speciem præ se fert, licet fucata sit & ementita, non vera & germana boni species.

Opp. 3. Quod si voluntas id sequitur quod ratio melius judicat, nemo erit incontinentis: fieri enim non poterit, ut qui de rebus recte aestimat, non agat id quod est optimum.

Resp. Incontinentem scire quid factu sit optimum, habitu, C. actu, N. habet enim scientiam, sed ea non utitur; neque ad id quod scit, attendit animum. Ac si virtutem turpitudinem atque consideret, hanc scientiam vis libidinis ita obscurat, ut quod jucundum, aut bonum in vitio sibi fingit, quasi in luce constitutus; quod boni est in virtute, confusa tantum & obscura cognitione, non serio, non attente consideret. Hinc quæ eum possunt à malis actionibus deterrere, ut futura tantum, aut dubia & incerta supplicia, velut perfunctorie & eminus prospicit. Ac si ea tanquam certa & præalentia, & mox im-

curret cerneret, vix se in vitium præcipitem daret.

Sed, *inquires*, si res ita se habeat, nemo peccabit nisi ex ignorantia; & ad virtutem erit bene compositus, cuius mens bene edocta fuerit; discutiendæ solummodo erunt ignorantie tenebrae, omnes statim virtutes aderunt; omnis demum flexibilitas aut indifferentia erit in intellectu, non in voluntate; atque illo præente, haec necessario subsequetur.

Resp. Illud esse omnium ore usurpatum, quod omnis peccator sit ignorans, atque ut ait Scriptura, errant omnes qui operantur malum; actu scilicet, non habitu. Nec tamen satis fuerit intellectum instruere: nam usu & exercitatione vittutes non minus quam præceptis comparantur. Quæ ex objectis impressiones, & ex appetitu sentiente oriuntur perturbationes fortius animum percellunt; confusa quidem ex iis ductæ, sed pene cogentes rationes mentem alio deflectunt. Nam animus objectorum impressione, aut sensuum voluptate delinitus ad ea non attendit, quæ rationis lumen ostendit.

Eadem demum est flexibilitas & indifferentia in voluntate, quæ in intellectu, neque una ab altera divellitur: cum idem sit animus qui vult & intelligit. Imo satis est verisimile nullam esse cognitionem, quæ non sit formaliter, ut loquuntur, aut virtualiter saltem affectio; nulla itidem affectio voluntatis, nullus amor qui non sit quedam experimentalis cognitionis; ac neutra actio sine altera potest consistere; nullus adeo est necessitati locus: atque indifferentia seu judicij, seu voluntatis, quandiu vivimus, tolli non potest. Frustra autem enitimus, ut voluntas suas mutet appetitiones, nisi in hoc laboremus, ut mens sua quoque mutet judicia, ne fucata specie boni decipiatur, ne visum vero bono anteponat: id enim semper voluntas sequitur, cuius species animum validius percellit. Haec paulo fulsis exposuimus, quod permagni ad ea quæ dicturi sumus de libertate, sint momenti. Quia autem ratione voluntas subjectas sibi facultates moveat, aut ab iis moveatur, idoneo loco dicetur.

Q U A E S T I O III.

De Voluntario.

ILUD voluntarium dici solet, quod à voluntate proficitur: proprie autem & strictiore significatu acceptum definitur ab Aristotele lib. 3. Ethic. *Quod est à principio intrinseco cognoscente singula in quibus est actio;* hoc est cognoscente singulis actionis circumstantias; finem videlicet, quæque ad finem ducunt. Unde bruta & infantes sponte quidem agunt, non voluntarie: nam iis deest perfecta finis cognitionis.

Itaque voluntarii nomine id proprie intelligimus, quod fit à principio intrinseco cum cognitione finis. Id enim ex inclinatione nostra & propensione fit, cuius principium in nobis est. In agente corporeo principium quidem dicitur naturale motus, quem juxta consuetum naturæ ordinem efficit. Sic dicimus motum lapidis deorsum esse naturalem, ut motum sursum esse violentum & præter illius inclinationem: quamvis forte uterque motus extrinsecus lapidi adveniat. Bell'ue in se sui motus habent principium, & seiphas movent quodammodo, quamvis ex perfecta finis cognitione non agant. Hinc sponte qui-

dem, sed non voluntarie, nisi admodum improptie dicuntur operari: sed homo ex propria inclinatione & perfecta cognitione, hoc est, voluntarie agit.

Quod igitur fit aut præter inclinationem voluntatis, aut circa cognitionem, id voluntarium permittit, atque, ut loquuntur, id omnino est involuntarium. Unde ex Aristotele vis & ignorantia voluntarium tollunt, minuit meatus, concupiscentia & delectatio augent potius, quam minuant. Quæ quidem si bene intelligentur, magnam lucem afferent iis quæ de humanis actionibus postea dicturi sumus.

Itaque involuntarium, coactum & violentum promiscue usurpari solent: tametsi proprie involuntarium cognitionem perfectam includat; ut coactum, saltem imperfectam, qualis est in brutis: Sed violentum circa omnem cognitionem esse potest. Sic motus lapidis sursum dicitur violentus, non coactus; percussio canis violenta est, & coacta, non involuntaria. Sed vitanda confusionis causa, ad consuetam nos methodum referamus. Sit igitur

Prima Concluſio.

Violentia tollit omnino voluntarium.

Prob. concl. Id quod facimus inviti & præter inclinationem voluntatis, id penitus est involuntarium, atque ut Græci loquuntur, *ἀνενόητος*, deest enim vox Latina: sed quod vi efficimus, id inviti agimus; ac motus ille est à principio extrinseco, & renitente fit voluntate: ergo id nullo modo est voluntarium.

Cum autem vis quæ nobis infertur, aut Physica sit & cogens, aut Moralis; illa in actibus elicitis, qui scilicet à voluntate proxime & immediate proficiuntur, locum non habet: neque enim voluntas cogi potest, aut velle invita. Sed actus extrinseci, quique imperati dicuntur, non eliciti, omnino cogi possunt. Sic terrores & supplicia vim moralem & impulsivam, non absolutam Martyribus afferebant.

Cum autem vim inferri posse dicimus actibus imperatis, sic intelligendum est, ut actus qui solent imperari à voluntate, cuius generis sunt maxime exteriores, cogi possint: ut cum quis in carcерem truditur: sed tum minime à voluntate imperantur, cum invita ejus qui agit voluntate fiant. Quod quidem annotamus, ut cavillos qui contra rem adeo manifestam fieri possent, effugiamus. Actus itaque imperati materialiter, ut loquuntur, hoc est, qui solent imperari, vim pati possunt; non sunt imperati formaliter sumpti: neque enim voluntas eos imperat, tumque magis agimus, aut impellimus, quam agamus.

Illud quidem concedimus, voluntatem cogi posse, ut aiunt, negative, & prohiberi ne actum suum exerat: potest enim Deus illi denegare suum concursum. Sed negamus eam positive cogi posse simpliciter, ut actum eliciat contra suam absolutam & efficacem inclinationem. Potest enim aliquid velle contra inclinationem conditionatum & inefficacem: ut si quis velit suam latroni pecuniam dare: tum enim secundum quid cogitur voluntas. Sed contra inclinationem absolutam voluntas cogi simpliciter nequit: cum actus voluntatis, pura amoris, pendeat essentialiter à principio intrinseco & vitali, neque adeo

potest à principio tantum extrinseco proficiisci; cumque actus amoris sit ipsa absoluta & efficax voluntatis inclinatio.

Oppon. 1. Interdum evenit ut qui alteri est infestus, & odio habituali eum prosequitur, actum amoris elicit: ergo tum ager contra propriam inclinationem.

Resp. Tum habitum odii nullum habere efficitum, neque obstat quominus amor sit actus simpliciter voluntarius. Qui igitur hunc actum amoris elicit, is quidem agit contra propensionem habitualem, non autem agit contra actualē voluntatis inclinationem.

Instans. Potest Deus actum amoris producere in voluntate, etiam contra illius inclinationem.

Resp. Actum amoris effici posse à Deo concurrente cum voluntate, non à Deo solo: nam de ratione actus vitalis est, ut immediate prodeat à suo principio: est enim id quo agens seipsum moveret. Quare licet Deus possit qualitatem aliquam, ut gratiam, solus in voluntate producere, non item actum amoris, aut actionem vitalē, de cuius natura est, ut à principio intrinseco profluat.

Contra, inquiunt, sape id per gratiam Deus efficit, ut amemus quod antea odio prosequbamur.

Resp. Remita esse: sed tum id quod amamus, non est contra voluntatis inclinationem præsentem, licet contrarium sit præterita inclinationi.

Sed, inquiunt, non minus amor & odium simul esse possunt, quam calor & frigus in aqua tepida.

Resp. Disparem longe esse rationem. Siquidem calor & frigus sunt qualitates absolute, que pugnant inter se ratione gradus, non ratione naturæ: adeo ut calor intensus cum intenso frigore simul esse nequeat. Verum amor efficax & odium itidem efficax inter se pugnant ratione naturæ, non aliter ac duo motus oppositi. Atque ut non possumus simul accedere, & recedere à termino: sic fieri non potest ut eandem rem simul amore & odio prosequamur, nisi forte diverso respectu.

Secunda Conclusio.

Ignorantia tollit voluntarium, sed non omnis.

Prob. simul & explicatur conclusio: Voluntarium id dicitur quod ex propensione voluntatis & cognitione proficiuntur: ergo si alterutrum ex his desit, aut voluntatis propensio, aut debita cognitio, nullus relinquitur voluntario locus: neque alia est ratio cur infantes & amentes voluntarie non agant, nisi quod iis desit rerum quaæ agendæ sunt cognitio.

Illud tamen constat, non omnem ignorantiam excusare à peccato, aut voluntarii rationem tollere. Nam ea potest spectari vel ex parte illius qui ignorantiumque vel est invincibilis, quaæ adhibitæ omni diligentia morali expelli non potest: sive ea sit juris, sive facti; eamque vacare à culpa nemini dubium esse potest, maxime si ea sit juris positivi ignorantia. Hinc Christus Dominus Joan. 15. *Si opera non fecisset in eis, quaæ nemo alijs fecit, peccatum non haberent, nempe infidelitatis.* De jure naturali & primario major est difficultas, si ignorari invincibiliter possit: nam id videtur omni attendenti manifestum, parentes v. g. coli oportere: adeo ut nulla penitus insuperabilis videatur.

Ignorantia

Ignorantia vincibilis dicitur cum quis vel sibi causa est cur ignoret, vel non vult ut par est, animum advertere.

2. Ex parte rei quæ ignoratur, alia est juris, ut si quis ignoret leges suæ civitatis; alia est facti. Item alia est cum errore conjuncta, quæ scilicet est falsa cognitione; eaque dici solet pravæ dispositionis: alia est pura inscitia, seu mera cognitionis privatio. Ignorantia facti plerumque excusat, uti & meta inscitia, si non sit affectata, aut ex negligentia.

3. Ignorantia ratione ipsius actionis, dicitur antecedens, cum scilicet ita est illius quod efficitur causa, ut detracta ignorantia, actio non fieret: ut cum apud Ovidium Cephalus conjugem inter dumos latitatem occidit. Nec dubium est quin hujus generis ignorantia voluntarium penitus tollat. Hæc enim consensum omnem antecedit, & invito omnino agimus quod ex ignorantia antecedente efficiuntur.

Opp. 1. Quæ sunt ex ignorantia antecedente, iis non repugnat voluntas: ergo non sunt simpliciter involuntaria.

R. Dist. ant. Iis non repugnat voluntas actu, propter cognitionis defectum, C. habitu, N. hinc dolor, aut tristitia subsequitur, quæ manifesto est argumento, id factum fuisse involuntarie & invita voluntate.

Contra, *inquires*, qui ex concupiscentia quid operatur, sæpe tristitia aut ægritudine angitur; & tamen voluntarie agit.

Resp. Longe disparem esse rationem: nam tristitia illa quæ subsequitur actionem ex concupiscentia factam, non actionem ipsam, sed pœnam huic adjunctam respicit; neque illa actio voluntatis propensioni adversa est: ut ea quæ ex ignorantia proficiuntur, quæque magis ad actionem ipsam, quam ad pœnas refertur.

Opp. 2. Metus qui est causa cur mercator merces projiciat in mare, non obstat, quominus illa projectio sit voluntaria: Ergo à pari, licet ignorantia antecedens sit causa actionis, id minime impedit, quominus actio ex ignorantia facta sit voluntaria.

Resp. Disparem esse rationem, quod ignorantia præsupponat aliquid oppositum actioni quæ fit ex ignorantia, non item metus. Ac licet mercator multum in id propendeat, ut suas sibi servet merces, adeo ut illa projectio absolute & in se spectata voluntatis inclinationi adversetur: tamen nullo modo ei aduersatur, cum relative & in ordine ad vitæ conservationem, cui projectio mercium instar mediæ est necessaria, spectatur. Itaque est in aliqua voluntate repugnantia, sed inefficax & conditionata, non efficax, ut in iis quæ agimus ex ignorantia, quorum scilicet causa est ignorantia.

4. Ignorantia dicitur comitari actionem, cum ita est causa ejus quod fit, ut cù tamen sublatâ nihilominus id efficeretur: ut si quis inter venandum, inimico loco feræ occiderit: tum enim actio illa neque est proprie voluntaria, cum omnis absit cognitio; nec prolsus involuntaria, cum voluntas ipsa non reluetur.

5. Denique ignorantia dicitur consequens, quæ explicitum, aut saltem implicitum voluntatis consensum includit: ut si quis doceri non velit, quo die futurum sit jejunium, quod liberiū peccet: hæc proprie est ignorantia affectata, quæ adeo non excusat, ut peccatum augeat: eaque est omnino voluntate.

274 ria, saltem in sua causa. Nam qui vult causam, is simul & ea quæ causam consequuntur, velle censendus est.

Sed, *inquieris*, qui agit ex ignorantia consequente, is sine cognitione, atque adeo non voluntarie operatur: ergo ignorantia etiam consequens voluntarium tollit, aut saltem plurimum imminuit.

R. Disf. ant. Is agit sine cognitione, idque sua culpa, C. citra culpam, N. ignorat quippe, quia ipse sibi cur ignoret, causa est; vel scire, aut mentem advertere, ut par est, non curat. Fatendum tamen est ex ignorantia etiam supina & affectata voluntarium minui ratione cognitionis: sed augetur ratione propensionis: unde & peccata quæ ex illa ignorantia fiunt, iis videntur proxima quæ ex pura malitia nascuntur,

Tertia Conclusio.

Metus voluntarium minuit, non tollit.

Prob. concl. Quæ fiunt ex metu, mixta sunt quodammodo ex voluntario & involuntario, ut docet Philosophus; secundum fē, & universim spectata non sunt voluntaria: ut cum mercator jaētat merces in mare: sed metu majoris mali quod meliori bono opponitur, fiunt voluntaria. Unde simpliciter & absolute sunt voluntaria: nam singulis diligenter persensis unum alteri anteponimus. Actus autem morales non universim, sed ut sunt singulares & determinati spectantur. Sunt autem ea quæ ex metu agimus secundum quid, & sub conditio-ne involuntaria. Nam qui naufragii metu res suas projicit, vellet quidem res suas servare, si naufragium non imminueret. Is igitur absolute vult res suas perdere, spectatis nimmitim temporis & loci circstantiis.

Confirm. Illud est absolute voluntarium, quod fit à principio interno cognoscente singula in quibus est actio: Sed quod fit ex metu, idem fit à principio interno, nempe à consensu voluntatis, & ex prævia deliberatione, persensis omnibus circstantiis: ut liquet ex mercatore qui suas in mare merces projicit, ut vita sua consulat: ergo quod fit ex metu, id simpliciter est voluntarium.

Solvuntur objectiones.

Opp. 1. Quæ ex metu facimus, eadem inviti & coacti agimus: unde & contractus ex metu facti sunt irriti: quod metus causa sit externa, malum scilicet futurum. Quod igitur fit ex metu, id non est voluntarium: cum non sit à principio intrinseco, sed repugnante fiat voluntate.

R. Disf. ant. Quæ agimus ex metu, ea inviti agimus secundum quid, & sub conditione, C. absolute & simpliciter, N. sublato quidem metu non fierent, sed majoris boni conservandi amor vincit repugnantiam, quæ ex minoris jaētura oritur.

Contractus verò qui fiunt ex metu leges irritos declarant, quod eos omnino voluntarios esse oporteat: cùm iis maxime societas humana continetur. Multi tamen existimant seposita lege civili, que obligationem potest tollere, quæque actus etiam libere factos ob judicij infirmitatem saepè irritos facit, eum qui metu aliquid promisit, obligari: quia consensus adfuit, non conditionalis, ut in errante, sed absolutus.

Non immerito tamen solent inter metum gravem & levem distinguere : neque enim metus levis aut promissis liberat , aut peccatum omnino excusat ; sed gravis , & qualis in constantem virum cadere potest : isque ex varia qui metunt indole , gravis aut levis definiri debet . Gravis quidem est metus mortis , mutilationis , cruciatus , jaucturae bonorum . Is tamen voluntarium omnino non tollit , ob gravius malum quod effugimus : ut cum metu cædis pecunia datur . Sed ejusmodi actus plerumque excusat , cum ex gravi metu fiunt : quanto enim major est metus , tanto minor voluntario , & major est venie aut excusationi locus .

Quamobrem qui metu iniuste incusso aliquid promisit , is promissis stare nec jure naturæ , nec lege positiva tenetur : quod promissio sit injusta ; ac licet ea sit voluntaria , non est tamen omnino libera , sed vi extorta .

Opp. 2. Quæ fiunt ex metu , sunt s. secundum se involuntaria , & ab iis abhorret qui agit , atque omnino sunt mala : Ergo sunt absolute involuntaria , non secundum quid .

R. Neg. conseq. Nam actiones morales pensari debent ex ipsis circumstantiis , non secundum se tantum , & seorsum à circumstantiis spectari . Sic amputatio brachii ut vita consultatur , est quid involuntarium , & malum , ab eoque voluntas abhorret : sed cum relative , atque ut vita consultum sit , spectatur , tum est simpliciter quid bonum , & voluntarium ; neque repugnat inclinatio- ni voluntatis efficaci & absolutæ , sed tantum inefficaci & conditionate illius propensioni adversatur .

Inflant. Quod fit ex metu , idem fit à principio extrinseco : ergo absolute est involuntarium .

R. Neg. ant. Id quippe fit à voluntate quæ actionem imperat : licet motu- vum actionis sit quid extrinsecum , quod rationem voluntatii minuit , non tol- lit . Quod enim fit ex metu , ut amputatio brachii , secundum se est malum : Sed comparete , & suis instructum circumstantiis , bonum est : quatenus v. gr. vita conservanda est utile .

Quarta Conclusio.

Concupiscentia , vel delectatio auget quodammodo voluntarium .

Explicatur & probatur conclusio. Voluntarium aucto latiore significatu sumi- tur , ut est in pueris quodammodo & in belluis , tumque id augetur ex concu- piscentia ; vel strictiore significacione accipitur , ut in nobis est cum cognitio- ne conjunctum , idque interdum minuit concupiscentia : cuius nomine nunc intelligimus motum appetitus sentientis . Qui si voluntatis actum antecedit , id plerumque efficit ut voluntas in rem propositam vehementius propendeat , obsummam animi cum corpore societatem . Hinc Jacobus Apostolus , *Vniquisque tentatur à propria concupiscentia abstractus & illectus : cum concupiscentia conceperit , parit peccatum .* Qua autem voluntatem consequitur appetitus sentientis motio , seu concupiscentia , hec rei proposita executionem adju- vat : quæ enim nos delectant magis , iis fortius incumbimus . Ergo concupis- centia tum antecedens , tum conseqvens auget voluntarium ex parte propen- sionis : licet antecedens id minuere soleat ex parte ipsius cognitionis . Nam li- cit is qui agit ex concupiscentia , objectum ipsum circa quod occupatur , atten-

tius s^epē consideret: intellectus tamen minūs attendit ad legem divinam, & ad ea quæ voluntatem à perversa actione avocare possunt. Sed absolute concupiscentia antecedens, quæ omnem rationis usum non pervertit, voluntarium auget potius, quām minuit.

Confirm. Inter metum & concupiscentiam hoc intercedit discriminis, quod metus sit quodammodo ab externo principio, nimirum à malo imminentे. Hinc durante metu manet quædam voluntatis repugnantia: contra atque evenit in concupiscentia, quæ voluntatis tenitentiam non tollit, eaque est à principio intrinseco cum cognitione eorum in quibus est actio: ergo ea nec tollit, nec minuit voluntarium, sed auget potius. Hinc Aristoteles ineptam dicit esse excusationem hominis obtendentis se adulterium commississe, quid coactus à libidine, vel à delectatione fuerit: admitti verò eam posse, cum quis officium deseruit gravioris incommodi causā. Nam concupiscentia circa bonum sensibile occupatur, quod auget voluntatis propensionem; metus contra, circa malum versatur: hinc minuit voluntarium.

Sed, *inquires*, concupiscentia minuit cognitionem: ergo minuit voluntarium.

Resp. Concupiscentiam minuere cognitionem veri boni, non fucati & ementi, quod voluntas præ concupiscentia vero & legitimo anteponit. Quare concupiscentia auget simul & minuit quodammodo voluntarium, sed diverso respectu: auget propensionem voluntatis, minuit cognitionem.

Infr. Incontinentis agit ex concupiscentia: sed agit contra voluntatis inclinationem: ergo concupiscentia voluntatis inclinationem non auget, sed minuit.

Resp. Incontinentem, dum libidini obsequitur, contra voluntatem conditionalem, quæ velleitas dicitur & est inefficax, agere: sed is non agit contra voluntatem absolutam & efficacem.

Incontinentis experitur quidem in agendo quandam voluntatis repugnantiam: sed ea non tam oritur ex ipsa actione, quām ex effectu, qui pravam actionem consequitur præter agentis intentionem. Non pœna displices, non actio, quæ fit ex magna voluntatis propensione.

Fatemur tamen peccatum imminui, cum ex vehementi animi perturbatione oritur: non quod de ipsa inclinatione quid detrahatur, sed quia cognitionem ipsam obducit; tantum enim de voluntario detrahitur, quantum minus rationi relinquitur. Unde qui præ aliqua animi perturbatione prorsus insaniunt, minūs voluntarie agunt. Sic motus indeliberati, qui vocari solent primō primi, ut cum ad primum ira motum in vindictam protumpimus, non sunt in nostra potestate, nec voluntarii habentur.

D I S P U T A T I O II.

De libertate & libero arbitrio.

Sequitur ut de libertate, & de libero hominis arbitrio dicamus. Ac primū de libertatis notione, nomine & divisione; tum de illius existentia, origine & subiecto; nec non de iis quæ libertati opponuntur, nobis agendum est: postremo quæ sit illius natura, quæ definitio, exponemus.

Q U A E S T I O P R I M A.

De nomine, notione & divisione libertatis, ac liberi arbitrii.

TOt huic libertatis, aut liberi arbitrii voci subjectæ sunt notiones, ut non aliunde forsan, quām ex illius nominis ambiguitate, tam magnæ ortæ sint contentiones, quæ rem adeo planam & apertam involverunt. Ac Græcis quidem cum verborum copia non decesset, ii diversis rebus distinctas quoque voces aptarunt, quæ omnem homonymiam, quæque ex ambiguitate vocis oriuntur contentiones sustulerunt. Itaque primum *ἰερεῖς* dixerat illam libertatem, quæ servituti corporis opponitur; eamque Cicero definit potestatem vivendi ut velis. Atque ea notio statim subit animum, cum libertatis vocem usurpamus, ut immunitatem à servitute cogitemus. Unde cum Christus Dominus Iudeis dixisset, tum eos *liberos fore*, si veritas eos liberaret, responderunt statim, *nemini servivimus unquam*: adeo ut libertas hoc modo accepta dominium alterius excludere videatur. Hinc S. August. *An ita sunt liberi, ut nec illum velint habere Dominum, qui dicit eis, Sine me nihil possitis facere?*

Quod si tamen proprio loqui volumus, libertatis nomine non ea quæ ad ipsum corpus refertur, quæque servituti opponitur: sed quæ animo insister, quam *τὸν ιδίου*, seu id quod est in nostra potestate, quod etiam vocant *αὐτέλεσμα*, seu plenam agendi facultatem, omnino intelligitur: adeo ut libertas potestatem quandam, quæ ad multa pertinet, neque uni rei addicitur, significacione sua comprehendat.

Itaque libertas suo intellectu comprehendit solutionem ab omni impedimento quod nos determinet, aut ad certas res adstringat, & potestatem agendi quod iis rebus contrarium est, omnino detrahat. Sic liberi dicimur à vinculis, à servitute, ab odio, ab amore, à perturbationibus, à vitiis, à lege ipsa: cùm ea possumus efficere quæ servitus, vincula, lex aliqua, vicia, aut perturbationes prohibebant.

Sic ubi ad aliquem vitæ statuta, aut locum adstricti, aut determinati sumus, potestas nobis adimitur agendi ea quæ cum illo statu, aut loco esse non possunt: cumque illa determinatio vitari nequit, ea dicitur necessitas, sive sit absoluta, sive hypothetica, aut moralis. Quare libertas illam necessitatem, aut determinationem excludit, in iis ad quæ liberi & soluti sumus. Qui liber est à servitate, aut à morbo, aut ab aliqua perturbatione, jam illi sit potestas ea efficiendi, quæ servitus, aut morbus, aut perturbatione prohibebant.

Illud vero liquet, necessitatem illam, vel agendi impotentiam, aut determinationem quæ à servitute, vinculis, morbis, anini perturbationibus, imo & vitiis proficiscitur, eam quæ voluntati est essentialis, libertatem non evertere, ut inter omnes convenit: idque generali & omnibus nota experientia constat.

Libertas itaque non solum servitutem, sed necessitatem quoque videtur excludere, & potestatem seu dominium in proprios actus intellectu suo complecti: quin etiam & latius patet libertas, quām liberum arbitrium. Hinc tripartita libertatis divisio à Magistro sententiarum allata, & ab omnibus Theologis

ulurpata , nempe in libertatem à necessitate , quæ & liberum arbitrium dicitur , à peccato , & à miseria. Prima omnibus , secunda justis , tertia beatis convenit. Prima est naturæ , secunda gratiæ , tertia gloriæ.

Libertas naturæ duplex est , coactionis & necessitatis. Cum voluntas ita ad unum impellitur , ut ferri in oppositum non possit , tum libera non est. Sic hominum in universum necessitate quadam naturæ amamus , non libere. Coactio seu violentia opponitur voluntario , necessitas libertati : omne liberum est voluntarium , sed omne voluntarium non est liberum.

Rursum necessitas est duplex , una qua omnem voluntatis electionem anteverbit , & antecedens nominatur : altera est consequens , quæ liberam electionem sequitur : quo quidem modo diximus alibi ea quæ sunt à Deo prævisa , esse necessaria. Quare si Deus prævidit me libere peccatum , necesse est me libere peccare : quæ necessitas nihil laedit libertatem : sed antecedens eam omnino destruit , ut postea probabimus.

Liberum arbitrium id dicimus , quod ab omni coactione , & ab ea necessitate quæ antecedens nominatur , & ab ea quæ est naturalis , solutum est. Liberum appellatur quatenus est sui juris , immune à servitute , & prohiberi non potest. Idque ex voluntate proficiscitur , ad quam potestas illa & dominium tum in suos actus , tum in subiectas sibi facultates pertinet. Arbitrium vulgo dicitur judicium quod de re dubia ferri solet : hinc ratio ipsa , seu facultas quæ judicat de rebus agendis , arbitrium appellatur , voce ab actione , seu à iudicio ad vim judicantem , seu ad rationem translata.

Cum itaque ratio res ipsas examinat & secum deliberat , tum velut judex sedet , aut arbitra : sed postquam expensis rebus unam potius quam alteram approbavit , tum in iis quæ ad theoriam pertinent , assentiti dicitur : sed in rebus agendis judicium illud ab Aristotele *τριπλοῖς* seu electio nominatur , eaque & consilium & propositum vocari solet. Cum ratio rem unam alteri anteposuit , tum voluntate , aut appetitu in eam fertur ; unde & actio quæ consequitur , voluntaria nominatur : quare in ipsa electione , aut determinatione tum voluntatis , tum rationis liberum arbitrium maxime positum est : sed de iis mox pluribus.

QUÆSTIO II.

De existentia libertatis.

EX iis quæ diximus facile colligitur tum libertatis existentia , tum illius sedes & radix : sed ut viâ & ratione procedamus , sit

Vnica Conclusio.

Naturâ sumus liberi , atque in nobis existit liberum arbitrium.

Hec conclusio tam est manifesta , & ipsius velut animæ testimonio comprobata , ut mitari subeat , qui fieri potuerit , ut rem cuius consciæ sumus , quam in omni actione nostra experimur , quamque præcepta , ohjurgationes , præmia , supplicia , & omnis vita ratio demonstrant , non Ethnici modò Philosophi , qui fatalem induxerunt necessitatem , sed nonnulli etiam ex iis qui se Christianos profitentur , negare aisi fuerint. Unde ut antiquiores hæreticos silentio præter-

eam, Calvinus contra Pighium scribere non erubuit, liberum arbitrium esse post primi hominis lapsum de solo titulo. Et in eodem opere, sed quid, inquit, si ex adverso excipiam quod verum est, vulneratam illam fuisse libertatem, immo confitam & extinxitam. Et l. 2. Instit. c. 2. Itaque si quis vocis hujus, libertatis nimurum arbitrii, usum non prava intelligentia permittat, per me quidem non vexabitur ob eam rem: sed quia sine ingenti periculo non posse retineri censio, magno contra Ecclesiae bono futurum si aboleatur; neque ipse usurpare velim, & alios si me consulant, abstinere oportarim.

Probari posset conclusio innumeris tum Scripturæ, tum SS. PP. testimonii, ut Ecclesiastici c. 15. Deus ab initio constituit hominem, & reliquit eum in manu consilii. Et Genes. 4. Dixit Dominus ad Cäm, Sub te erit appetitus tuus, & tu dominaberis illius. Sed in re tam perspicua loca aut rationes congerere omnino esset supervacaneum. Quis enim sensu intimo & propriâ experientiâ se libere agere non agnoscit? Cur supplicia male agentibus decernuntur, si in eorum potestate non est, ut à sceleribus abstineant? Quid est cur ab amenibus illatas injurias patienter feramus, non item quæ ab aliis inferuntur, nisi quod peccata ius tantum qui libere agunt, vitio aut laudi tribuamus?

Prob. 3. ex discrimine quod hominem inter & bellus intercedere jam supra diximus. Nam ceteræ animantes impetu feruntur in objecta, à quibus rapiuntur, nec sunt sui juris, & omnia ad suum corpus referunt: Sed homo ex nutu voluntatis agit, ipse sese corrigit, actiones suas examinat, & in sese varie reflectitur. Nec sponte tantum, aut naturali motu cietur; sed & consultò & deliberate agit, atque ad eum finem non uno quodam tramite contendit, sed hoc atque illuc, & quocunque nutus voluntatis duxerit, eò fertur.

Confirm. Mens nostra quodani naturæ impetu in verum & bonum nititur; quodque speciem habet boni aut veri, necessariò ad se nos raperet, nisi in nobis ea vis esset qua alienum nostrum cohibere possemus. Secus naturæ quadam necessitate in varios errores laberemur, qui ipsi naturæ authori referrentur accepti, cum eos effugere non licet. Quare hanc Deus tribuit nobis libertatem, qua verum à falso, legitimum ab ementito & fucato bono secernimus.

Solvuntur objectiones.

Opp. 1. illud S. Aug. *Homo male utens libero arbitrio, & se perdidit & ipsum:* nam ut ipse ait, illa est pœna peccati iustissima, ut amittat unusquisque quo bene uti noluit.

R. Disf. ant. Primus homo perdidit libertatem à peccato, C. libertatem à necessitate, seu naturalem, N. quam enim antè habuit facilitatem ad bonum, regnante concupiscentiâ, & excusso justitia jugo amisit. Hinc factus est liber iustitiae, & servus peccati. Sed tamen liberum arbitrium inclinatum tantum fuit & debilitatum, non eversum penitus & amissum. Imo libertas essentialis nullo modo fuit imminuta, sed accidentaria duntaxat, ut postea dicemus. Hinc S. August. *Libertas, inquit, periit per peccatum; sed illa qua in paradiso fuit habendi plenam cum immortalitate iustitiam: propter quod natura humana divinâ indiget gratiâ, dicente Domino, Si vos filius liberaverit, tunc vere liberi eritis. Unde & Apostolus: Cum effeſtis, inquit, servi peccati, liberifi-*

sis iustitia : ex quo ostenduntur etiam peccato minime potuisse , nisi alia libertate servire. Liberi ergo à iustitia non sunt nisi arbitrio voluntatis ; liber autem à peccato non sunt , nisi gratiâ Salvatoris. Atque ut uno verbo huic loco & aliis respondeam ; homo peccando perdidit liberum arbitrium secundum quid , summam nimium bene agendi facilitatem ; non simpliciter & absolute , quasi natura liberti arbitrii destruxta fuerit. Simili ratione illud pervaagatum S. Augustini dissolvi potest , hominem lapsum ex gravi necessitate peccare : Ex gravi , inquam , necessitate morali , quod ægre peccati illecebris obstat ; non ex necessitate Physica & ineluctabili.

Opp. 2. Ex Apostolo , non est voluntis , neque currentis , sed miserentis est Dei. ergo nulla est in homine ad bonum saltem , libertas.

Respondet sanctus Thomas , eum Apostoli locum non ita esse intelligendum , quisi homo velit , & non curat libero arbitrio : sed quia liberum arbitrium ad hoc non est sufficiens , nisi moveatur , & juvetur à Deo. Itaque distingui potest consequentia : homo non est liber ad bonum supernaturale sine Dei gratia , C. ad bonum ordinis naturalis , & ad actiones civiles , aut etiam ad bene agendum , cum divinâ gratiâ adjuvatur , N. Hinc S. August. loco citato loquens de improbis. Sed hac , inquit , voluntas , que libera est in malis , quia delectatur malis , ideo libera in bonis non est , quia liberata non est.

Opp. 3. Illud Apostoli Rom. 7. Non quod volo bonum , hoc facio : sed quod odi malum , hoc ago : sed qui id quod vult non facit , & quod non vult facit , is liber dici non potest : ergo nulla in homine manet libertas.

Responderi potest 1. eandem adhibendo distinctionem de libertate naturali , & ea qua dicitur à peccato. 2º Id quoque intelligitur de primis concupiscentiæ motibus , qui non sunt in nostra potestate , neque nobis ut peccata imputantur. Unde subjicit Apostolus , si quod nolo , hoc facio , jam non ego operor illud , sed quod habitat in me peccatum , hoc est concupiscentia , qua cum ex primo hominis peccato ortum duxerit , eaque sit causa & velut mater peccatorum in qua incurrimus , ab Apostolo peccatum nominatur. Quare id subnecet Apostolus , miser ego ! quis liberabit me de corpore mortis hujus , id est à duuo concupiscentiæ jugo ? & statim respondet ipse sibi , gratia Dei per Jesum Christum.

Opp. 4. Voluntas necessariò sequitur ultimum mentis judicium : nam actio voluntatis est velut conclusio syllogismi operativi , ut loquitur Sanctus Thomas , eaque ex præmissis necessario deducitur : ergo voluntas non est indifferens , aut libera , nec se ipsam determinat.

Resp. Dist. ant. Voluntas sequitur necessario judicium intellectus , necessitate consequenti & hypotheticâ , C. absolutâ & antecedente , N. judicium enim intellectus voluntatis determinationem includit : cumque syllogismi practici conclusio sit contingens & singularis , nullo modo officit libertati.

Quæ ut melius intelligantur , & magnis quæ fieri solent difficultatibus occurri facilius possit , illud admonendum quod à doctiss. viro fuit observatum , omnes actiones nostras ex voluntatis affectionibus proficiunt : nam ut ait Veritas ipsa , Arbor bona fructus bonos facit. Illa quidem arbor est ipsa voluntas , aut voluntatis propensio. Affectiones vero quæ in voluntate dominantur , & ex quibus motus omnes animi prodeunt , non aliunde quam à finis ipsius amore dimanantur.

dimanant: non enim aliud voluntatem ad certos motus inflectit, nisi finis aliquius, aut boni quo frui vult, amor, quicunque sit ille finis. Jam vero quædam sunt in quæ voluntas necessariò, non libere fertur, quæque natura instinctu, non electione prosequitur: ut amor vita, propriæ integratatis, tranquillitatis, amor denique sui ipsius, non quatenus a libero arbitrio proficitur, sed ut est naturalis quædam propensio.

Sed quidquid amat voluntas à se diversum, id amore contingenti & libero, non necessario & naturali prosequitur. Sic libere Deum ut summum bonum eligimus & diligimus. Ex inclinatione quidem naturali, qua expleri appetitum suum animus desiderat, eò fertur ut alibi quam in seipso summum bonum querat, quia seipso satiari non potest: sed ea propensio aut amor naturalis ad nullius rei extra nos positæ amorem nos determinat; nullus est quem formare non possit, & formatum non destruere. Quare amor cuiusque finis, quem sibi proponit animus, est id ipsum quod primum eligit, quod cæteris anteponit, & ad quod se libere determinat. Nec quicquam est in animo ab eo distinctum, aut independens, quod eum omnino determininet. Is igitur finis nobis propositi amor voluntatem determinat, cum ut ea diligit, in quibus bonum illud amatum reperitur; cum ut refugiat & avergetur quæ ei sunt opposita; cum ut media felicitat finis consecutioni utilia, aut necessaria, quæque ipsi videntur utiliora, reliquis anteponat. Manet vero ille amor finis in voluntate, donec ab alio validiore & opposito expellatur. Sed quantumvis sit potens ille aut finis, aut mediorum quibus hunc finem consequimur, amor, non ita voluntatem afficit aut determinat, ut contrarium formare non possit: alioqui ubi semel in voluntate primas teneret, nunquam is deleri posset. Quamvis longo habitu confirmatus vix deleri queat, tamen nullam is necessitatem imponit.

Ex quibus illud efficitur, sic libertatem esse voluntati intinsecam, ut nihil eorum quæ voluntatem, eo quo diximus modo, ad agendum determinant, illius libertatem labefactent. Quod enim ad suos motus vel ad actiones ex certis affectibus sit determinata; quod affectus illi aliunde oriri nequeant, quam ex finis alicujus dilectione; quod ex eodem amore unum medium alteri præponat, cum dilecto fini magis idoneum judicatur, nisi alterius finis impressione alio inflectatur; quod sine aliquo rei externæ amore esse non possit; nec facilè ex uno in oppositum committet; nec ferri possit in objectum, quod amabile non judicat; quod iis maxime affiliatur, quæ naturalem amorem explorare maxime possunt: hæc, cum in omni voluntatis actu occurrant, illius libertatem non imminuunt, nedum eam possunt destruere.

Q U A E S T I O IV.

De subiecto & radice libertatis.

His explicatis non erit difficile ipsius libertatis sedem & fontem invenire. Sed res ipsa paulo ab altiori principio est repetenda.

Duo sunt, ut pulchre magno vir ingenio prosequitur, quæ affectiones voluntatis nostræ maxime determinant, rationis lumen, & quidam voluntatis sen-

Tom. I.

N n

sus ; eò quippe se flectit animus , ubi major boni species elucet ; atque id præfert alteri quod summo aut universalí bono vicinius videtur. In iis quæ ad rerum theoriam & cognitionem pertinent , cùm summa est evidentia , judicium suspendere non possumus. Nam clara & evidens perceptio ad se rapit quodammodo intellectum. Sed in rebus quas expetimus , judicium , ut ita dicam , amoris circa bona quæ rationi recte judicanti sunt perspecta plerumque cohబemus ; cum felicit̄ voluptatis sensus rationi ipsi repugnat , neque id nobis sapit , quod recta suader ratio ; id enim amarum plerumque nobis videtur , quod ratio ipsa suave esse decernit. Quod ubi sit , tum sane deliberat animus utrum ex iis eligat , rationi an sensui obtemperet. Hinc sœpe rationi ipsi relataatur , sensu voluptatis deliniti , quæ fortius animum percellit , quam lux vel evidentissima. Hæc enim quanta quanta sit , nullam videtur libertati vim afferre ; id unum efficit , ut quæ nobis proponit objecta , amore quodam rationali & electivo prosequamur , ac generalem illam quæ à Deo proficiunt motionem , seu in bonum universum impressionem , ad certum & definitum bonum voluntas determinet. Sed delectationis sensus animum ipsum magis afficit , & efficacius impellit , vim adeo libertatis nostræ quodammodo immunit ; rationem ipsam alio distrahit , & in se mentis aciem atque attentionem pene omnem convertit ; neque aliud fere est huic morbo remedium (ut nihil de cœlesti gratia hoc loco dicam) quam ut ultimum illud amoris judicium quantum fieri potest cohibeamus , idque tum maxime cùm volupate non omnino perturbatur animus. Quod si enim aliquantis per assensum illum sustineamus , dum à nobis quid factò opus sit diligenter perpensum fuerit , brevi fucus ille & ementita boni species evanescet.

Sed ad rem ipsam venianus , & quæ sit libertatis sedes , breviter excutiamus. Sit igitur

Prima Conclusio.

Libertas ad intellectum simul & voluntatem ita pertinet , ut potiore jure videatur ad voluntatem spectare , & ei tanquam subjecto inesse.

Probatur 1. pars concl. Liberum arbitrium definitur à Magistro sententiarum , facultas voluntatis & rationis , & dicitur liberum arbitrium , quasi liberum judicium : ergo utrinque est facultas.

Prob. 2. Liberum arbitrium est vis electiva : sed electio sic ad utramque facultatem spectat , ut dubitet Aristoteles utri potius tribuenda sit quam alteri ; an sit intellectus appetitus , an appetitus intellectivus. Nam in hoc potissimum videtur liberum arbitrium consistere , ut ex pluribus rebus quæ in deliberationem cadunt , sic unam eligat , ut eam possit aut non eligere , aut ei aliam anteponere. Cum autem voluntas sequatur præeuntem intellectum , flexibilitas voluntatis & indifferentia in eligendo non aliunde oritur , quam ex flexibilitate intellectus in judicando : hoc enim facem præferente voluntas huc illuc convertitur , aut flectitur.

Pars itidem altera conclusionis ex dictis liquet : nam voluntas ut vis actuosa , quæ se & alias facultates movet ac determinat , atque ut dominium habens & potestatem concipitur : unde & libertas & electio præcipuo quodam jure illi attribuuntur. Quocirca cum ratio à nobis facti alicujus exigitur , & jactare

libertatem nostram volumus , non aliud obtendere solemus , quam voluntatem nostram : atque in pœtis , fœderibus & contractibus voluntas nostra potissimum convenitur : quod in ea maxime vigeat libertas.

Quanquam idem est animus qui judicat & eligit , nec vires illæ plus quam cogitatione aut officiis distinguuntur : adeo ut superflua videatur illa controversia , utrum voluntas , aut intellectus sit sedes libertatis : cum liber sit animus , aut homo ipse , non vis aliqua aut facultas : majoris timen lucis gratiâ merito inquiritur an mens libera sit , ut judicat rem esse faciendam ; an potius ex animi inclinatione , seu ex appetitu , aut voluntate libertas omnis sit repetenda.

Cum autem voluntas in homine sit rationalis , ac judicium ipsum rationis citra voluntatis nutum non fiat ; illud planum videtur , liberum arbitrium sic utique facultati inesse , ut fons & radix libertatis sit in intellectu , sed in actu voluntatis magis eluceat . Voluntas itaque est formaliter , ut aiunt , libera , dependenter tamen ab intellectu.

Sed , inquiunt , nihil necesse est multiplicare subjecta libertatis : ergo ea voluntati soli inherit.

Resp. eundem esse animum qui ut judicat & eligit , liber dicitur : unum adeo & idem est liberi arbitrii subjectum.

Contra , inquiunt , ut ratio se habet ad intellectum , sic liberum arbitrium ad voluntatem : sed eadem est facultas quæ intelligit & ratiocinatur ; ergo eadem facultas vult & eligit , seu libera est ; atque adeo libertas est in sola voluntate.

Respondeo , nos nec ratiocinari , aut concludere sine voluntate ; nec eligere aut libere aliquid facere citra judicium intellectus : secus , non ut homines , sed ut pueri aut mente capti agimus.

Instant. Si judicium rationis liberum est , peccatum esse poterit , antequam sit voluntarium , & priusquam voluntatis nutus accelererit.

Resp. Neg. ant. Judicium quippe nullum fit citra voluntatis imperium , ut jam sepe diximus.

Secunda Conclusio.

Libertas humana ex natura spiritali animi , & utriusque facultatis , intellectus videlicet & voluntatis amplitudine , ut ex fonte aut radice sua oritur.

Prob. simul & explicatur conclusio ex Divo Thoma , qui triplex formarum genus apte distinguit . Primum eas complectitur , quæ penitus sunt in materia demersæ , quæque inclinationem habent , (si qua in iis est inclinatio) admodum limitata , & naturali duntaxat appetitu velut pondere feruntur ; neque in iis ullum est dominii aut libertatis vestigium : ut in elementis , plantis , & iis quæ omnis sunt cognitionis experientia , videre est.

Aliæ sunt forme non adeo materiarum immersæ , quæque ut cognitionis , sic motus spontanei principia sunt . Hinc judicio quodam , quamvis non libero , sed naturali feruntur : ut in bestiis cernimus , in quibus quedam est velut libertatis umbra . Verum ut earum cognitio angusta est admodum , sic in iis appetitus non seipsum regit , aut determinat.

Sed mens humana cum sit spiritualis , nec materiae angustiis coērceatur , illius vires nulli sunt corporis organo addictæ : quare seipsum ad cognoscendum determinat , ubi ex confusa cognitione ad distinctam progreditur : cum vis organica , ut visus , ab impressione objecti , seu à specie visibili omnino determinetur. Mens enim in seipsum redit & reflectitur ; sua judicia examinat ; seipsum colligit , & quasi intus revocat ; cuncta penetrat , nec definitam habet aliquam regionem cuius terminis septa teneatur : sensus verò sunt perangusti , hebetes , infirmi ; neque in se , neque in suos actus reflecti possunt.

Ex illa intellectus amplitudine oritur infinita prope voluntatis capacitas , quæ non nisi infinito bono satiati potest. Hinc nulli rei creatæ illigata amplecti queque potest , vel respuere ; nec solo naturæ instinctu , sed mentis judicio se regit , & ad id quod libitum est , sese applicat : hinc illius libertas. Nam ut docet Aristoteles 1. Metaph. c. 2. *Liberum est quod est causa sui* : atque illud ex seipso agit , quod dominium habet & potestatem in suos actus.

Quamobrem prima libertatis radix est in natura animi spirituali. Hinc illius amplitudo & capacitas , tum in rebus cognoscendis , tum in experientiis. Ex illa cognitionis & judicii amplitudine fit ut appetitus nulli nisi universali bono addicatur , nulli subjiciatur , nihil necessitate agat. Unde homo unum præ alio eligit , consulto & deliberate operatur ; huc atque illuc , & quoconque imperium voluntatis duxerit , eò nütitur.

Unum est quod homo necessitate quadam appetit , nempe bonum in universum , aut beatitudinem : Sed ex illa necessitate libertas ipsa oritur. Hinc enim fit , ut quodlibet bonum particulare amplecti voluntas libere possit. Nam ex universalis boni appetitu à natura determinato inclinatio ad unumquodque bonum proficiscitur : sed ea est indefinita & libera. Nam quia homo necessariò beatus esse vult , quæ ad beatitudinem ducunt libere potest eligere , neque hanc haberet eligendi potestatem , nisi eam à natura propensionem accepisset ad bonum universum.

Ex quibus efficitur , nullam esse naturam quæ necessariò in bonum aliquod non propendeat : & quo illud est magis universale , hoc majoris libertatis est radix. Hinc Deus est liberissimus , quia est omnipotens ; nec cogi , nec vinci , nec timore ullo , aut aliis affectibus qui libertatem minuant , percelli ; nec falli denique potest , cum ignorantia libertati maxime oblitus ; cumque is sit optimus , velle omne bonum potest. Primo homini in sua integritate constituto magna fuit libertas , post peccatum tamen integra manxit libertas à necessitate ; per gratiam redditâ est libertas à peccato , & justitiae faciendæ facultas. Sed ignorantia & infirmitas seu concupiscentia non sunt omni ex parte sublate : hinc plena & ab omni miseria libertas , quam ignorantiae tenebræ & motus concupiscentiae rebelles multum infringunt , in hac vita esse non potest. Cum enim libertas in potestate & dominio quodam in actus nostros posita sit , quò major est servitus , hoc libertas est minor.

Quò autem hæc planiora fiant & faciliora , non erit inutile eadem ex viri doctiss. tractatu nondum edito paulo ubertate explicare. Vim illam qua possumus amare aut non amare bonum quodvis particulare & determinatum , libertatem dicimus.

Duae sunt autem , ut diximus , cause præcipue quæ voluntatem in bonum

certum ac definitum inflestant, clara videlicet & evidens cognitio, ac confusus quidam voluptatis sensus. Cum enim voluntas jugi & non interrupta motione in bonum universum feratur, ubi boni illius splendor emicat, statim in illud voluntas nititur; cumque id tantum non esse comperit, ut animi capacitate expletat, alterius boni desiderio agitari potest, & novi alicuius objecti fruitionem expetere, idque priori bono anteponere. Nullius enim particularis boni extra nos invincibili amore illigatur.

Vim itaque illam animi qua objectum amplecti potest & respire, libertati omnes vocant: eaque si primam natura institutionem spectemus, in omnibus hominibus, ut ratio ipsa aequalis occurrit. Sed quæ peccatum sunt subsecutæ ignorantia & concupiscentia, haec non mediocriter eam vim omni naturæ spirituali congenitam debilitarunt, rationem ipsam obduxerunt, ac voluntatem corrupere. Hinc quæ aequalis in omnibus hominibus fuisse libertas, in quibusdam major, in nonnullis minor appetet. Neque enim idem est in omnibus rationis lumen, neque animi in corpus potestas eadem. Variæ quoque hominum opiniones, consuetudines, temperamenta, varia corporis conformitas, spirituum motus & copia plurimum libertatem illam æquilibrii, & animi in corpus imperium augere, vel minuere possunt. Sed tamen cum adest objectum quod animum ad se allicit, homo qui ratione sua utitur, amorem suum potest suspendere, & secum cogitare an objectum quod proponitur, verum sit & genuinum bonum, aut certe cum illo consentiat, an fucatum duntaxat sit & spurium. Quod si omnino non possit suum amorem sustinere, tum instinctu quodam naturæ, non ratione agitur. Sic infans, aut is qui dormit vim illam non habet cohibendi amorem aut motum animi in objectum: unde neuter tum libere operatur. Quo ratio est debilior, hoc anima facilius abripitur ab objectis, & minimo momento hue illuc impellitur; tumque sensus maxime dominatur, qui statim judicat, & impetu quodam fertur. Sic ubi dormientis manum vel folium arboris tetigerit, quasi ex vulnere à serpente inficto perterritus expurgiscitur. Quo magis viget ratio, hoc minus licet voluptati corporis, & facilius vincitur; tum enim mens judicium suum non præcipitat, sed singula diligentius expendit.

Sic libertas eadem est in omnibus ut ratio, sed non ex aequo participatur ab omnibus. Multum enim valent educatio, literæ, civitatis mores, leges optimæ, ut nihil dicam de gratia divina, quæ mentem illustrat, & delectiones corporeas aut frangit, aut deprimit; ac menti ipsi pristinum in corpus jus & potestatem restituat. Objectorum impressiones, quæque in cerebro à falsis bonis inuruntur vestigia, & mentem in diversa trahunt, ea libertatem nostram imminuunt quidem, non extinguunt. Nemo enim fere est qui vel communibus gratiæ praesidiis munitus, voluptatum illecebras vitare non possit, præsertim si firmis & solidis rationibus animum præparat; si occasiones periculosa fugiat, si in rebus minoris momenti cupiditatibus non indulgere assuecat. Nam ut in Philosophia studio, si majores progressus faciunt, & rarius in errores incidunt, qui assensum sustinent, nec judicium præcipitant; sic in formandis moribus si magis proficiunt qui judicium illud prohibent, quod amor noster & vita ratio subsequitur. Hos utique voluptas non abripit, neque incautos opptimunt; ex victoria reportata alacrieres facti novum ineunt

certamen , ut victis pudor incutitur : hinc fastidium & odium voluptatum : sic usu & exercitio libertas paulatim perficitur.

In iis libertas vigeret maxime, qui maximas voluptates semper vincere possunt & frangere : contra ea est maxime imperfcta & tenuis libertas , quæ minutissimam voluptatem superare nequit , & parvo impetu in quodvis particulaire bonum abripitur. Inter utramque libertatem infiniti sunt interjecti gradus : adeo ut vix duo homines circa eadem objecta sint æqualiter liberi ; vix in iis æquale rationis lumen & æque vegetum & firmum invenitur. Qui violentis jaçtantur perturbationibus animi, neque cum iis configunt , multo minus liberi videntur, quam qui his fluctibus non ita vehementer agitantur, aut qui in iis frangendis sunt exercitati.

His itaque bene intellectis , de quibus omnes pene consentiunt , in quo sita sit libertatis natura , queque ei opponatur necessitas , & aliae quæ moveri solent controversiæ , facile ut puto , si omnis contentionis altus deferuerit , discentur.

QUÆSTIO IV.

Quæ necessitas libertati opponatur.

QUæ de libertatis natura controverti , & magna contentione agitari solent , hac quæstione continentur ; que necessitas libertatem tollat. Certum est quidem nihil magis libertati adversari quam necessitatem coactionis , quæ ut voluntarium , sic libertatem perimit : quæque aliquid videntur habere coactionis , ut lex quæ timorem pœnae inducit , hæc , inquam libertatem minuant. Quæ autem voluntarii , eadem liberi rationem aut destruunt , aut infringunt. Unde ubi omnis abest cognitio , ibi nulla est libertas. Sic in pueris , amentibus & dormientibus cum nulla sit aut confusa admodum cognitio , nulla est aut tenuis admodum libertas , quatenus se se ad agendum utcunque determinant : sed illa , ut loquuntur , est Physica quædam libertas , non moralis , quæ laudi , aut virtuo attribui solet.

Omnis adeo difficultas de necessitate inclinationis supereft , qualis est in nobis circa finem ultimum , nempe circa beatitudinem , quam non amare non possumus ; aut qualis est in beatis circa Deum quem clare intuentur : an necessitas illa ita libertati opponatur , ut nec nos beatitudinem , aut bonum in universum , nec beati Deum libere ament , discutiendum nobis est. Sit igitur

Prima Conclusio.

Quæ pura necessitate naturalis inclinationis aguntur , hæc libere non fiunt.

Prob. concl. 1. Liberum illud dicitur quod est in nostra potestate , cuius dominii sumus , aut quod nostro subditur imperio : quod autem ex naturali inclinatione expetimus , id non est in potestate nostra , nec nostro subest imperio , sed naturæ ipsius ; nec demum illud à nobis est , sed à Deo ipso proficiscitur. Quare id naturæ jus est , non nostrum : principium id quidem est libertatis , eamque antecedit , non illius ditioni subditur : ergo necessitas naturalis libertati arbitrii sic opponitur , ut quod necessario volumus , liberum dici non possit.

Confirm. 1. Ratione quam Sanctus Thomas afferit i. p. q. 82. a. 1. Ut intellectus necessario & naturaliter primis principiis assentitur, sic voluntas necessario ultimum finem expedit: quod enim est à natura, idem est determinatum & definitum, immobile & fundamentum omnium quæ rei conveniunt. Nam natura cuiusque rei est quod primum in ea concipitur, & unde omnis motus vel actio proficitur. Ergo amor beatitudinis, uti & cognitio principiorum à natura, non à libero hominis arbitrio repeti debet: atque ut conclusiones, quæ ex principiis eruuntur, ad rationem; sic quæ eligimus, quæque in consultationem veniunt, ad liberum arbitrium pertinent.

Confir. 2. Voluntas in iis quæ agit libere, agit ut voluntas, & domina suorum actuum: sed in iis quæ vult necessario, & ex naturali inclinatione, ut natura tantum operatur; non quia vult, sed quia est; seu quia ex naturæ sua conditione est ad unum determinata: ergo quæ necessario, eadem non libere voluntus. Nam ut docet S. Thomas i. p. q. 41. voluntas est *principium eorum quæ possunt sic vel aliter esse; eorum autem quæ non possunt nisi sic esse, principium natura est.*

Prob. 2. Libertas voluntatis opponitur servituti, & potestatem seu dominium in suos actus intellectu suo complectitur: sed voluntas quæ ad unum adstringitur & determinatur, huic rei servit, non dominatur: unde S. Thomas i. p. q. 59. id solum habere liberum arbitrium docet, quod intellectu præditum est, & cognoscit rationem universalem boni: potest enim hinc judicare hoc vel illud esse bonum: ergo ubi est naturalis determinatio, aut necessitas, ibi non est libertas: non enim proprie tum agimus, sed agimur, ut ipse explicat q. 60. art. 1.

Secunda Conclusio.

Indifferentia contradictionis vel exercitii est de ratione libertatis.

Priusquam hanc probare conclusionem ingrediamur, notare opera-premium fuerit, 1º indifferentiam aliam esse contradictionis, vel exercitii, qua possumus agere, vel non agere; aliam contrarietatis, aut specificationis, qua possumus hunc vel illum actum exercere: illa enim Physica dicitur, hæc plerumque moralis, qua possumus bene aut male agere.

2. Indifferentia alia est passiva, cum eadem res multa potest excipere, ut materia plures formas: alia est activa, qua effectrix causa plures effectus potest producere.

Ex iis prob. concl. 1º Necessitatem libertati repugnare ostendimus: sed ubi nulla est necessitas, ibi est indifferentia saltem exercitii; ergo indifferentia exercitii est de ratione libertatis.

2º Id liberum dicitur quod est in nostra potestate: sed nihil est in nostra potestate, quod est definitum, aut determinatum, quodque non possumus non agere. Nam ut docet S. Aug. l. de spiritu & litera c. 31. *illud est in hominis potestate, quod si vult, facit; si non vult, non facit:* hincque concludit, *cum potestas datur, non imponi necessitatem.*

Confir. Ex eodem sancto Doctore, qui in libro de grat. & liber. arbit. eandem indifferentiam probat ex eo loco Ecclesiastici quem supra attulimus, ubi dicitur *quod Deus ab initio fecit hominem, & reliquit eum in manu consilii*

sui : tum ex iis verbis quæ subjicit sacer textus, apponet tibi ignem & aquam; ad quocunque volueris, extende manum tuam. In conspectu hominis vita & mors; quocunque placuerit, dabitur ei. Tum ex cap. 7. epist. ad Corinth. ubi ait Apostolus, qui autem statuit in corde suo non habens necessitatem, potestatem autem habens sue voluntatis, &c. Ubi manifeste omni necessitate exclusa, indifferentia liberti arbitrii constitutur.

Confirm. iterum. Non alibi magis elucet vis & natura liberi arbitrii, quam ubi aliquid præcipitur, aut suadetur, aut in consultationem venit: ut in iisdem locis docet S. Augustinus, maxime in capite 31. de spir. & liter. ubi libertatem in potestate constituit, cum voluntas aut velle potest, aut efficere; idque ex communi hominum sensu probat, qui cum aliquid suadent, solent dicere: *quod habes in potestate, quare non hoc facis, ut hoc malo careas?* Sed nullus est locus aut præcepto, aut consilio, ubi nulla est indifferentia; nemo deliberat an velit esse beatus; nec præcipitur diabolo ut bene faciat: ergo libertas intelligi non potest circa indifferentiam.

3. *Prob. concl.* Libertas, ut sepe diximus, in quadam potestate consistit: sed ea potestas non in eo tantum sita est, ut possimus agere: Sic enim omnis causa effectrix esset libera, cum ea possit agere: ergo potest illa quæ ad naturam libertatis pertinet, in eo posita est, ut possit agere & non agere. Quæ sane major est, quam si ad alterum voluntas esset determinata. Hinc S. Aug. l. 22. contra Faustum, docet, *motu animi libero voluntatem uti, cum inevitabiliter necessitate non premitur.* Ac subinde negat in Deo esse peccandi & non peccandi liberum arbitrium, quia peccare non potest: ubi manifeste necessitatem libertati opponit, non coactionis tantum, sed eam qua res aliter esse non potest.

Confirm. Nam si voluntas circa objectum aliquod sibi propositum ita sit affecta, ut illud non amare non possit, detracta omni indifferentia, non libere, sed necessario in illud fetetur objectum. Ut res ex omni parte visibilis & colorata, ab oculis, si aperti sunt, necessario conspicitur: non item si res ipsa ex parte duntaxat visibilis subiectatur oculis. Non dissimili ratione, ut docet S. Thomas, cum aliquid voluntati proponitur undeaque bonum, in id voluntas necessariò nititur, neque oppositum velle potest; circa illa tantum bona est libera & indifferens, in quibus non omnimoda boni, aut expetibilis ratio elucescit: nec illum fere à nobis cognoscitur bonum, in quo utrum amandum id sit à nobis, necne, non sit aliquis dubitandi locus. Quin etiam cum Deus summe sit amabilis, tamen & sensuum impressiones, & perturbationum aspectus, confuse quidem, sed validæ ob depravatam naturæ propensionem nobis rationes videntur, quæ ab eo quod unice bonum est, nos retrahant: cumque Deum diligimus, nos nostra uti libertate manifeste experimur.

Confirm. iterum. Actus voluntatis judicium liberum subsequitur, ut eo modo tendat in objectum, quo sibi à facultate cognoscente proponitur: est enim voluntas ultimi judicij sequax, & omnis libertatis radix est in intellectu. Atqui judicium non est liberum, cum nulla est in objecto indifferentia; tum enim judicium omnino est determinatum: ergo quæ ad libertatem exigitur indifferentia, eadem in objecto esse debet, quod libertati ita dominari non debet, ut eam ad se necessariò rapiat: ut evenit in amore boni universi, cui voluntas

tas ut objecto integro & adæquato subjicitur.

Colligitur ex iis, indifferentiam, quæ ad rationem libertatis pertinet, acti-
vam esse, non passivam. Hæc quippe magis est servitus quam potestas ; ne-
que in Deo reperitur. Quod igitur voluntatem constituit formaliter, ut aiunt,
liberam, non est actio ipsius libertatis, quatenus est vitalis, & in voluntate ut
in suo principio excipitur : sed est voluntas ipsa ut libere agens, & potestatem
habens tum in suos actus quos elicit, tum in eos qui ad subjectas facultates
pertinent.

Tertia Conclusio.

Indifferentia contrarietatis, aut moralis ad bene vel male agendum, non est
de ratione libertatis.

Prob. concl. Tum quia sufficit indifferentia contradictionis seu exercitii, ut
voluntas sit domina suorum actuum ; tum quia hæc indifferentia ad bonum
& malum in Deo & in beatis non reperitur. Est enim nostræ libertatis defen-
sor, non essentia ; nec male agimus nisi cum intellectus male judicat. Er-
ror autem vel ignorantia non est de essentia libertatis ; uti nec de rationis ipsius
natura est ut male concludat : & utriusque est imperfæctio quædam, quod cum
animus ad verum & bonum tendat, ab utroque tamen possit deflectere. Non
itaque vera est potestas, quod peccare, aut falli, aut mentiri possimus. Imo
Deus & beati hoc sunt liberiores, quod major est eorum cognitio. Quò enim
plura noverunt bona, eo plura libere velle possunt.

Non dissimili ratione manet libertas non solum in perversis hominibus, sed
etiam in damnatis. Est enim liberum arbitrium facultas naturalis quæ amitti
non potest. Quod autem id subinde negare videatur S. August. ut cum in lib.
de spir. & lit: docet ex Apostolo, ubi est spiritus Domini, ibi est libertatem.
Si ergo, inquit, servi sunt peccati, quid se jactant de libero arbitrio : & in-
fra, postquam fateri visus est in malis hominibus manere liberum arbitrium,
quasi seipsum corrigens subjicit. *Quanquam*, inquit, non est libera voluntas :
à quo enim quisque devitatus, huic servus addictus est ; & onnis qui facit pec-
catum, servus est peccati. Ista, inquam, quæ identidem innuit Augustinus,
minime sunt intelligenda de libertate naturali, quæ dicitur à necessitate, quæ
que malis juxta & bonis convenit : sed de libertate à peccato, de qua loqui-
tur Apostolus, nunc autem liberati à peccato, servi autem facti justitie.
Quæ contra conclusiones nostras objici solent, proxima quæstione dissolventur.

Q U Ä S T I O V.

Quid sit libertas ?

Nunc reliqua quæ ad naturam libertatis pertinent, exequamur, tum quæ-
contra sententiam nostram afferri solent, dissolvamus. Ac primum ex iis
quæ sunt explicata id efficitur, liberum arbitrium circa media, quæ ducunt ad
finem, non circa finem ultimum, aut ea quæ nobis cum fine videntur indi-
vulse conjuncta, proprie versari. Nemo enim deliberat, aut eligit sanitatem,
aut vitam, aut ea sine quibus beati esse non possumus ; uti nec quis deliberat
Tom. I.

de fine ultimo in quem naturæ impulsu tendimus. Sic prima principia sunt naturaliter nota, eaque intelligimus, non de iis judicamus, aut ratiocinamur, sed secundum ea de omnibus judicamus. Non dissimili quidem ratione finem ultimum, aut bonum in universum volumus quidem, idque non voluntatis arbitrio, sed quadam naturæ necessitate. Atque ut vis illa quæ conclusiones ex principiis eruit, ratio dici solet: ita vis aut facultas qua eligimus ea quæ ad finem videntur conferre, quaque animus feso movet aut determinat ad agendum, liberum arbitrium nominatur.

Quamobrem liberum arbitrium recte definitur à sancto Thoma, *vis, seu facultas electiva*. Nam illius usus in electione consistit, ac sublata electione omnis actus libertatis tollitur. Cum enim voluntas ita in objectum propositum determinate fertur, ut eo relieto in aliud electi non possit, aut saltem quoad circumstantias id non sit aliquo modo indeterminatum, tum nullus relinquitur libero arbitrio locus.

2. Definiri etiam potest libertas *vis sui ipsius determinatrix*. Cum enim vel à natura, vel à causa extrinseca ad agendum voluntas omnino determinatur, tum libertate sua non utitur, ut fuse probatum est.

3. Vulgo definitur per indifferitiam, *facultas qua, positis omnibus ad agendum prærequisitis, possumus agere, vel non agere*. Quam definitionem veram esse ex iis quæ diximus, aperte colligitur. Nam liberum arbitrium citra aliquam indifferitiam intelligi non potest. Quanquam forte quæ à sancto Thoma allata est, magis naturam liberi arbitrii explicare videatur: nam facultas omnis definiri debet per suum objectum, ex quo suam speciem desumit: quod utique objectum in hac definitione non satis exprimitur.

Quod autem sanctus Thomas addit, liberum arbitrium esse vim electivam servato ordine finis, non satis apte nonnulli hinc colligere videntur, nullum esse libertatis usum, cum à recto & præstituto ordine ad finem recedimus. Fatalem enim defectum esse libertatis nostræ, quod cù abuti possumus, & à recto finis ordine deflectere: sed tamen id negari non potest, nos libere agere cum peccamus, & constitutum ordinem mediorum ad finem conturbamus. Itaque haec verba addit sanctus Thomas, ut innuat nos media non eligere nisi ob finem aliquem, quem nobis præstiuimus, aut qui à natura est præscriptus; uti nec concludimus aut ratiocinamur nisi ex certis principiis; libertatem vero, & electionem circa media, seu circa res quæ ad finem ducunt, versari, ut rationem circa conclusiones quæ ex principiis eruuntur. Hæc enim est consensus sancti Thomæ doctrina circa libertatis naturam, in qua omnino acquiescendum putamus.

Diluuntur objectiones.

Quo infinitis prope, quæ ex SS. Augustino, Bernardo, Anselmo & aliis obiecti solent, testimonii occurramus, notandum est;

1. Sepe voluntarium cum libero confundi, & voluntatem cum libertate, cùm liberum omne sit voluntarium, sed non viceversa. Sic non raro quod libenter agimus, id libere nos, hoc est, sponte & voluntarie facere dicimur.

2. Necessitas naturalis non tam libertati, quam libertatis usui opponitur: num ex propensione naturali ad omne bonum nascitur libertas ad unumquod-

que bonum sigillatum sumptum. Sed quod necessario volumus necessitate vel naturali, vel antecedente, id non libere, quanquam libenter volumus; neque enim libertas cum libertate, ut ita dicam, est confundenda. Omnis voluntas est libera, sed non omnis actio intellectus est ratiocinatio. Quæ à natura sunt prescripta, de iis nec ratiocinamus, nec consultamus: bruta sponte agunt, non libere; quia necessario, & circa deliberationem.

3. Indifferentia, si vocem tantummodo species, nihil est positivum, sed negatio tantum determinationis. At si rem ipsam, & vim illius vocis consideres, tum est aliiquid reale & positivum: est enim vis sese determinandi, quæ adhuc manet cum agimus, licet non sit amplius indeterminatio illa negativa. Ut enim visio non tollit vim ipsam videndi, sed magis eam perficit: sic actio ipsa non destruit vim illam sui determinatricem, quam libertatis nomine intelligimus. Unde qui agit, necessario agit, ex hypothesi quod agit: sed cum hanc necessitatem sibi libertate imponat, ea nec libertati, nec indifferentie activæ obest. Non quod aliquis simul agere possit & non agere, ut loquuntur, in sensu composito: nam actus & negatio actus simul conjungi non possunt: sed qui actu operatur, habet potentiam agendi & non agendi, ut vulgo aiunt, in sensu diviso. Quæ utique adnotamus ut quæ affecti solent cavillationes, facilius elidantur. His itaque constitutis ad ea quæ objici solent, veniamus.

Opp. 1. Illud esse liberum, quod est in nostra potestate, seu quod adest cum volumus. Sed nihil est magis in potestate nostra, quam actus quilibet voluntatis nostræ. Hinc S. Augustinus l. 3, de liber. arbitrio, non enim, inquit, possumus aliiquid sentire esse in potestate nostra. nisi quod, cum volumus, facimus. quapropter nihil tam in nostra est potestate, quam ipsa voluntas, hoc est, actus voluntatis, quem veteres omnes nomine voluntatis donabant. Nam voluntatis nomen à Scholasticis postea inductum fuit. Hanc autem rationem adhibet S. Augustinus, ut respondeat argumento quod ex persona Evodii sibi objecerat: *Quod si præciosus est peccatum esse hominem, necesse est ut peccet;* *si autem necesse est, non ergo est in peccando voluntatis arbitrium, sed potius inevitabilis & fixa necessitas.* Respondeat, inquam, S. Augustinus peccatum esse liberum, quia est in nostra potestate, & sit quia volumus: adeo ut fieri non possit ut velimus aliiquid, & non sit liberum. *Quamobrem,* inquit, *quamvis præficiat Deus nostras voluntates futuras, non ex eo tamen conficitur, ut non voluntate aliiquid velimus.* Quæ responsio minime esset ferenda, nisi ut certum supponeret, actum omnem voluntatis esse liberum idque essentialiter. Hinc concludit, *voluntas igitur nostra nec voluntas esset nisi esset in nostra potestate: porro quia est in potestate, libera est.*

Resp. 1. S. Augustinum hoc in loco & alibi passim liberum cum voluntario. & libertatem cum libertate confundere: nam omne quod volumus libere, hoc libenter volumus, non coacte, non inviti: estque in omni actu voluntatis libertas à necessitate coactionis, non à necessitate naturalis inclinationis, quæ libertati quidem ipsi non tam adversatur, quam usui libertatis, ut sepe diximus. Nulla enim est voluntas qua non habeat aliquam sibi adjunctam necessitatem ad aliquod bonum: unde nulla est voluntas libera respectu omnium objectorum. Sed ex necessitate illa naturali libertas omnis ortitur: quanquam inclinatio ipsa naturalis libera non est: ut omnis ratiocinatio ex pri-

cipiis naturaliter notis oritur, de quibus tamen non ratiocinamur.

Resp. 2. Illud esse liberum & in nostra potestate quod facimus præcise quia volumus, C. quod facimus ex naturæ nostra conditione, aut quia sumus, N. hinc amor beatitudinis à voluntate quidem proficiscitur, non quia vult, aut voluntas est; sed quia est, ut acute explicat Caïetanus, idque superius fuit explanatum. Nam voluntas est quædam natura: unde & in ea est aliqua naturalis inclinatio, sed non sola: cum præter eam sit electio libera: nec omnis illius actus liber dici potest, nisi libertatem cum libertia confundimus, ut cum dicit S. Augustinus, *præceptum libere facere, qui libenter.*

Eodem modo intelligendus est S. Bernardus lib. de grat. & lib. arbit. *ubi consensus,* inquit, *ibi voluntas: porro ubi voluntas, ibi libertas;* & hoc est quod puto dici liberum arbitrium: ipsam enim voluntatem, quia impossibile est de se ipsa sibi non obedire, etiam impossibile est sua privari libertate. Ubi videtur in ea esse sententia, omnem actum voluntatis esse essentialiter liberum: ut actus imperati sunt liberi per participationem. Nam lego libere, quia volo: si autem querat aliquis quare voluntas mea est libera, idem faciet querenti quare circulus sit rotundus. Sed liberum cum voluntario confundit.

Opp. 2. Beatitudinem necessario expetimus, & beati Deum necessario amant; sed nos libere beati esse volumus, & beati libere Deum amant, ut multis in locis docent SS. Augustinus & Thomas: ergo necessitas etiam naturalis libertati non opponitur. Minor probatur ex celebri S. Aug. loco in Enchiridio c. 105. *Neque enim, inquit, culpanda est voluntas: aut voluntas non est, aut libera dicenda non est, qua beati sic esse volumus, ut esse miseri non solum nolimus, sed nequaquam prorsus velle possimus: sicut ergo nunc etiam anima nostra nolle infelicitatem, ita nunc nolle iniquitatem semper habitura est.*

R. Neg. min. Et ad locum S. Aug. idem adhibere possumus responsum, quod identem attulimus, liberum ab eo intelligi quod fit libenter, & est immutabile à coactione, cuius adeo principium in nobis est. Præterquam etiam dici potest libertam esse voluntatem in beatis, non præcise quatenus Deo arctissimo amoris vinculo adhærescant, sed quod multa possint bona eligere, & Deo libere obediant. *Prima ergo libertas voluntatis erat, posse non peccare: novissima erit multo major, non posse peccare. Prima immortalitas erat, posse non mori: novissima erit multo major, non posse mori.* I. de cor. & gr. c. 12. Sed ut alia est libertas Dei, alia hominis; sic alia est libertas hominis viatoris, alia beati: illa cum mutabilitate est coniuncta; haec non item de vocibus pugna est, de re ipsa inter omnes fere convenit. Beatis SS. Patres libertatem tribuant, sed aliam à libertate viatorum. Et certe non possunt beati vel Angeli quidpiam operari, quod veritas ipsa aut justitia non imperet. Sed satis fuerit ut indifference eorum salva sit & incolunis, quod actiones illæ in seipsis sint indifferentes, nulla via, nulla necessitate intrinseca voluntas eorum, sed amore & charitate ad agendum impellatur. Itaque libertas Angelis & beatis concedenda, sed nostra dissimilis & Deo simillima.

Resp. 2. Nos libere beatitudinem expetere libertate exercitii & contradictionis, C. libertate contrarietatis, aut specificationis, N. Nam possumus

mus amare & non amare beatitudinem ; de ea cogitare & non cogitare : Sed non possumus eam amare & odire ; seu non sumus indifferentes ut contrarios actus circa beatitudinem in communis exerceamus.

Tamen si inficiari non possumus , quin amor beatitudinis , aut boni universi in omni actione nostra dominetur. Hæc est enim jugis impressio ab Authore natura profecta , quam libertas nostra varie determinat.

Instant. Liber ex Aristotele est sui causa , aut suorum actuum dominus : sed nihil est magis sui causa , quam amor ultimi finis : cum is propter se ametur , & cetera propter ipsum : ergo amor finis ultimi est liberimus.

R. Dist. maj. Liber est sui causa , id est , ad agendum sese applicat aut determinat , C. est sui causa , & necessariò determinatur , N. Itaque amor finis ultimi est quidem in nobis , & à nobis elicetur : at forte voluntas illius actus proprie non est domina , cum non possit eum non elicere , nec illius subsit arbitrio.

Opp. 3. Libertas est magna hominis perfectio. Sed potentia ad non agendum nulla est perfectio , imo est omnino inutilis : ut in nobis nulla est potentia ad non volandum: ergo libertas non posita est in illa indifferentia , quæ potentiam non agendi includit.

R. Dist. min. Potentia non agendi non est aliqua perfectio , si non sit conjuncta cum potentia agendi , & omnino est inutilis , si non sit itidem conjuncta cum dominio in proprios actus , C. si eadem sit realiter potentia agendi & non agendi , & si juncta sit cum aliquo dominio , N. Qui enim agit cum potestate & dominio , huic potentia ad non agendum est necessaria : sic enim agit ut possit ab agendo abstinere. Tamen si fateor nullam potentiam in non agendo esse positam : cumque per facultatem , aut potentiam ab agendo abstinemus , id utique fit agendo , & utendo è potentia. Sed fatendum quoque est potentiam agendi , aut non agendi ; hoc vel illud operandi , in idea aut conceptu liberi arbitrii omnino includi.

Opp. 4. Deus est liberimus : sed non est indifferens , ne in iis quidem quæ extrinsecus operatur : nam ab æterno est determinatus ad agendum : ac decreatum quo statuit mundum condere , nunquam fuit indifferens : cum Deus mutari non possit , & decreatum illud sit Deus ipse.

R. Neg. min. Nam Deus liberime creaturas omnes produxit , & tuetur ; ac potuit eas non creare , potest itidem non conservare : licet ab æterno ad condendum hoc universum sese determinaverit : sed cum maximè indifferentia , ac nulla necessitate impulsus id decrevit. Neque ideo mutari potuit Deus , nisi extrinsecus , ut aiunt , & connotative. Decretum vero illud est intrinsece & actu Deus ipse ; atque adeo secundum entitatem suam est quid necessarium : sed ratione termini , aut connotati est omnino indifferens.

Contra , inquit , Decretum illud est intrinsece liberum : sed non est indifferens intrinsecus : ergo aliud est liberum , aliud indifferens.

Resp. Dist. maj. Decretum Dei est liberum intrinsece , & relative sumptum , quatenus connotat creaturas , C. secundum entitatem absolutè sumptum est liberum intrinsece , N. Quia vero ratione est intrinsece liberum , eadem ratione est indifferens , ut ordinem includit ad creaturas , quas potuit non connotare.

Opp. 5. In Christo summam fuisse libertatem : sed nulla in eo fuit indiffe-
O o ij

rentia , nec ratione mortis , quam subiit , quæ à Patre æterno præscripta est , & cui non parere non potuit ; nec circa præcepta legis naturæ , ut circa Dei & proximi amorem : cum fuerit impeccabilis , neque hanc legem citra peccatum violare potuisset : ergo libertas citra indifferentiam esse potest , nendum illius natura in ipsa indifferentia consistit.

Resp. Christum & liberrimum & indifferentem fuisse , tum in morte subeunda : (nam ut ipse ait , potestatem habeo ponendi animam meam ; & ut Prophetæ longe ante prædixerat , oblatus est , quia ipse voluit ;) tum in naturæ præceptis adimplendis : cum his obediendo meruerit . Nam quæ Christo fuit adimplendi præcepta necessitas , ea fuit consequens , quæ consensum voluntatis includebat , non antecedens ea fuit . Accedit illud quoque , quod moriendi accepit à Patre imperium conditionatum id fuisse , ex acceptatione Christi dependens , non absolutum : neque tamen id ita fuit ex conditione suspensum , ut à voluntate Christi repudiari potuerit .

Deinde quod aliquem reddit impeccabilem , id non continuo obstat quomodo mereri possit , & libere agat . Christus peccate non potuit , nec præceptum Patris violare : Sed liberamente id ipsum agebat , non instinctu quodam naturæ , aut vi delectationis invincibilis , ut in beatis accidit : sed electione ipsa & ratione , De'lectatio qualis est in beatis , amorem illius rei que delectationem efficit , naturaliter procreat , & nullum , ut multis videtur , libertati locum relinquit . Sed lux ipsa rationis quanta quanta sit , dummodo seorsum & separata à delectatione præveniente amorem spectet , libertati non obest . Cum itaque Christus Dominus sensu illo delectationis præveniente , quique rationi duntaxat debilitatem est necessarius , non egeret ; is adeo liberamente & electionis amore præceptum moriendi adimplavit .

Postremo est maxima cum delectatione Christus naturæ præcepta impleret , tamen delectatio illa amorem Dei aut non præveniebat , aut non æquabat . Cum enim id fit , vix ullus est aut merito , aut libertati locus ; atque is amor est mere naturalis , non rationali ; , non electivus . Delectatio enim , ut pulchre vir doctiss . vel est legitimi amoris præmium , ut in beatis ; vel si amorem antecedit , id fit , ut concupiscentiae motus indelibertos frangat . Cum itaque in Christo Domino nullus fuerit concupiscentiae sensus , nullæ illecebræ ; sensus ille voluptatis prævenientis aut nullus fuit , aut longe minorem ipso amore fuisse fatendum est . Isque iugi & non interrupto sacrificio , quod Deo Patri libere obtulit , & suam & Ecclesiarum gloriam promeruit .

Hæc fere sunt quæ in secunda editione hujus operis circa libertatem Christi diximus . Quæ enim inserta sunt ex vulgati Philosophorum schola , Christi libertatem & indifferentiam non tam circa naturæ præcepta , quam circa circumstantias , & motiva extitisse , id majorem explicationem postulat : tametsi hæc questio proprie ad Thelogos pertinet , & invitî ad eam acedimus : sed cum in Scholis Philosophicis acerrime agitari soleat , dabunt hanc veniam Theologis si paulo diutius in ea explicanda immerurerit . Cum autem hoc argumentum non copiose modò , sed eruditè admodum tractaverit vir omni doctrina excellens Ludovicus Thomassinus L. V. de Incarnatione Virbi , perpura ex eo , sed quæ magnam huic difficultatem questioni lucem afferant , decerpemus .

Ac primum quidem Christi Domini libertatem omnes Theologi constanti-

sime tueruntur, sed non eandem ei indifferentiam tribuunt. Sunt enim qui nullum Patris præceptum de morte obeunda Christo impositum putant. Alii mortem quidem speciali mandato præceptam volunt; sed circumstantias multiplices ejus potestati permissas arbitrantur, ut suam in iis experiretur libertatem: alii expectatum ejus consensum putant in primo Incarnationis momento, antequam Pater quicquam ei imperaret; alii aliter philosophantur: cum tamen in his non subtiles argutias, sed Scripturæ & Patrum autoritatem & traditionem consultas oportuerit.

Et quidem Scriptura ubique Christi obedientiam, & Patris mandatum ingeminant. *In capite Libri scriptum est de me, ut facerem voluntatem tuam, Deus meus, volui.* Et Christus ipse; à meipso facio nihil. Item, *Veni non ut facerem voluntatem meam, sed voluntatem ejus qui misit me Patris.*

Et quidem vix ullæ circumstantiæ relicta sunt humanitati, quæ à Verbo ipso & Patre non fuerint præscriptæ, nec quicquam poterat seorsum à Verbo operari, aut moliri voluntas humana; penes eam obsequii partes fuerunt, neque à Deo regi, agique gravabatur. Quæ circumstantiæ essent ad Dei gloriam propagandam aptiores ignorare non potuit, nec præ charitate summa, qua flagrabat, eas non complecti.

Quæ ergo, *inquires,* relicta est Christi humanæ voluntati indifferentia, si vel minimæ circumstantiæ ei præscriptæ fuerint?

R. Indifferentiam peccandi, & non peccandi longe à Christo fuisse. Non poterat etiam honestiora minus honestis non anteferre. Verum hanc necessitatem si quæ erat, sibi impostherat ipse Christus, neque adeo indifferentiæ contraria fuit.

Deinde, quod caput rei est, circa actiones, & omnes circumstantias in seipsis species indifferentes fuit humana Christi voluntas per se, & ad eas nulla vi, nulla antecedente aut intrinseca necessitate, sed solâ in Patrem charitate ferebatur.

Postremo indifferentia illa à Verbo ipso profecta fuit, qua libere voluit carnem induere & crucem subire. Christus præcepto quidem tenebatur, sed quod sibi ipse sanxerat: nam carnem, & carnis mortem summâ libertatis indifferentiâ assumptis.

Id præter cæteros diserte explicat Aug. l. 4. de Trin. c. 13, ubi docet quòd Christus carnem, seu vitam non deseruit *invitus*, sed *quia* voluit, quando voluit, quomodo voluit. Quippe Dei Verbo ad unitatem commixtus est homo. Hinc ait, potestatem habeo ponendi eam, & potestatem habeo iterum suspenendi eam. Nemo tollit eam à me, sed ego pono eam à me, &c. neque enim iure cuiusquam potestatis exutus est carne, sed ipse se exuit. Nam qui posset non mori si nollet, proculdubio quia voluit mortuus est. Id ipsum Anselmus l. 2. cur Deus homo, c. 10. probat, Christum hominem potuisse mori, potuisse non mori, quia ut Deus, ita omnipotens idem erat: & c. 16. Cum queritur utrum idem Deus homo potuerit servare vitam suam, ut nunquam moreretur: dubitandum non est, quia semper habuit potestatem servandi, quamvis nequiverit velle servare, ut nunquam moreretur: & quoniam hoc à seipso habuit, ut scilicet velle non posset, non necessitate, sed libera potestate animam suam posuit. Sic indifferentiam cum præcepto moriendi conciliat. Nam ut ipse ait, *Non magis factus est homo ad hoc ut moreretur, quam ut vel-*

let mori. Sic præceptum moriendi indifferentiam non permittit : est enim illa indifferentia prior quodammodo præcepto , & consensu Verbi æternus immutabilitate sua nihil libertati aut indifferentiae obest , postquam factus est homo. Eam esse mentem Anselmi testatur Petavius Tom. 3. p. 534. *Quomodo ergo , inquit Anselmus , voluntas Dei nulla necessitate facit aliquid , sed sua potestate , & voluntas illius fuit voluntas Dei ; nulla necessitate mortuus est , sed sola sua potestate.* Exemplum affert ejus qui proposuit sponte aliquid se facturum , & postea perficit , is sane non necessario , sed libere efficit , quia libere proposuit.

Sed , *inquiunt* tam late patet meritum Christi , quam libertas , aut indifference , qua nulla fuit in iis quæ prescripta sunt à Patre.

Reff. Indifferentiam ubique reperiri eo quo exposuimus modo : neque enim præceptum huic exitiale fuit. Et sane si nulla fuit libertas in substantia actionum , sed tantum in delectu circumstantiarum : ergo operum substantia expers erit meriti : quo nihil dici potest absurdius. Sed ne illud quidem dubium est , & mortem , & mortis circumstantias ab æterno esse definitas à Patre , qui , ut ait Apostolus , *proprio Filio suo non pepercit , sed pro nobis omnibus tradidit eum.*

Verum , *inquiunt* , meritum omne Christi hinc pendet , quod libere fuerit indifferens & omnis necessitatis expers , si minus quoad substantiam operum , faltem quoad circumstantias. Nemo enim in iis meretur , quæ non potest non agere. Christus Patris præcepta detrectare non poterat , quia peccare non poterat. Quæ igitur tot metitorum radix ?

Respondet vir doctiss. L. V. c. 16. & seq. duo esse meriti comparandi genera , unum naturæ mutabilis , quæ sibi permitta , imo & adjuta ut bonum velle possit , suo nutu ad bonum se agit ; alterum est , cum voluntas justitiae inseparabiliter affixa omnem peccandi possibilitatem excludit , eò magis laude , aut merito digna , quod ex majori justitia & charitate agit : prius est naturæ mutabilis , alterum immutabilis. Sic Deus promeretur , non à Superiore mercedem , sed à subditis honorem ; promeretur non sibi profutura , sed aliis.

Hæc utique merendi ratio ad Christum pertinet , quatenus ejus humanitas per se mutabilis immutabili Verbo conjuncta est . Sic corporis immortalitas quam morte emit , prius illi debebatur , ut peccati experti , & Deo. Ut homo illam habuit indifferentiam , qua potuit rebus à Patre imperatis abstinere , si ipse in seipso , & res in seipisis spectentur : sed hæc indifferentia charitati & obedientiae ita erat addicta , ut à peccandi potestate omnino esset aliena : longe adeo à viatorum cæterorum indifferentia diversa fuit. Nam flexibilis in utramque partem libertatis usus in utentis cedit commodum , non in aliquum emolumen.

Itaque indeclinabilis fuit obedientia voluntatis Christi paternis legibus , & per hanc nobis meruit salutem , quod in iis rebus fuerit , ad quas per se spectatas erat prosuls indifferens ; & maxime quia Verbi passio fuit. Sibi etiam promeruit resurrectionem , regiam in omnes creaturas autoritatem , confessum ad paternam dexteram , ob Verbi maiestatem , quia Verbum quas ante Incarnationem habuit prerogativas , eisdem in carne illibatas retinet. *Cum in forma Dei esset ; non opinam arbitratus est esse se aequal in Deo , sed exinanivit semetipsum , formam servi accipiens.* Mortem igitur subiit nulla cogente necessitate

Cessitate, nulla peregrina præceptione, sed Paris mandato, id est, sua sponte. Hinc meruit, aut si malis, dignus fuit ut Deus illum exaltaret.

Nec defuit consensus humanae voluntatis liber & indifferentis ad hæc per se spectata, imo & meritorius. Sed illa indifferentia indeclinabili obedientia non officiebat; nam aliter servus Domino, ait filius obsequitur Patri: hinc servo merces, filio hereditas addicitur. Servus ambigue, & voluntate in utrumque flexibili, filius amabili quadam necessitate obsequitur. Christus promeruit gloriam, ut filius hereditatem, non ut mercedem servus; meruit ut indubius, ut securus. Consultare an Domino obtemperet, servi est fidei ancipitis; filius non deliberat an patri morem gerat, sed sua sponte, & quasi naturæ impetu ipse impellitur: nec humana Christi voluntas inter obedientiam & contumaciam dubia consultabat, sed tota in obedientiam propendebat, ad res tamen & actiones per se indifferentes.

Hæc utique Hugo Victorinus paucis complectitur q. 150. in Epist. ad Rom. ubi querit an Christus obediendo Deo Patri aliiquid promeruerit. Mereri, inquit, geminam habet significationem. Dicitur enim mereri, cum per bonum opus efficitur dignus aliquo, quo prius non erat dignus: secundum quam significationem videretur nobis quid nec secundum divinitatem, nec secundum humanitatem Christus aliquid meruit, etiam in ipsa morte. Dicitur etiam aliquis mereri, cum bonum aliquod facit quod sit dignum remuneracione: secundum quod Deus dicitur etiam mereri, cum beneficia prestat pro quibus tenemur cum in eternum laudare: & Christus secundum humanitatem in sua passione meruit nobis introitum vita eterna: prius quidem nobis multa meruit: sed sola passio non solum pretiosa, sed etiam pretium mundi fuit. Guillelmus Paris. par. 1. de universo par. 3. c. 21. *Necessitas obedientie voluntaria non contradicit libertati.*

Idem docet Magister sent. l. 3. dist. 18. & S. Bonaventura in eadem dist. q. 2. *Ad illud quod opponitur, quod potentia determinata ad unum non facit opus de genere laudabilium, dicendum quod determinatio ad unum potest esse dupliciter, videlicet per necessitatem naturae, & per confirmationem gratiae. Si sit per necessitatem naturae, tunc tollit arbitrii libertatem, ac per hoc tollit dignitatem meriti. Si autem sit determinatio per confirmationem gratiae, cum talis confirmatio simul sit cum libera voluntate, sic non tollit ab ipso opere bonitatem moris, cum sit voluntarium, ac per hoc nec qualitatem meriti. In Christo autem fuit liberum arbitrium determinatum ad unum, non per necessitatem naturae, sed per confirmationem gratiae. Verum id intelligendum est de eo meriti genere, quo Deus laudem cultumque nostrum merito suo depositit; quo beatæ mentes tanta nobis bona à Deo impetrant (non enim Deus minus exaudit vota magis amantium;) quo recens initiatorum justitia eternam mercedem flagitat. Quanquam & voluntas Christi sic ad unum erat determinata, ut per se esset indifferentis ad operationes in se spectatas, & ex solius obedientia virtute, aut summa charitate ad eas determinaretur. Et ideo, inquit idem Doctor, sicut potuit esse in statu viatoris simul & comprehensoris, sic habuit gratiam ad comprehendendum, & gratiam ad merendum.*

Unde Vasquesius in 3. p. disp. 74. c. 2. multos citat doctores, & præcipue ex familia Thomistarum, qui censent Christum Dominum eà ipsa dilectione

meruisse qua Deum diligebat; ac complures alios, qui per opera præcepti vere meruisse affirmant, & inter eos S. Thomam & S. Bonaventuram.

Longe alia est ratio meræ creaturæ: nam libertas omnis qua mereri potest, in eo posita est, ut peccare possit & non peccare. Nam quæ impeccabilis natura est, non creata est, sed increata. Meritum igitur & libertas in meris creaturis ex boni & mali aincipiti potestate profluit. Hinc Bernardus I. de gratia & lib. arb. Peccavit autem, quia liberum ei fuit: nec aliunde profectò liberum, nisi ex voluntate liberi arbitrii, de qua utique inerat cù possibilitas peccandi. Nec tamen fuit culpa dantis, sed abutentis, qui ipsam videlicet facultatem convertit ad usum peccandi, quam acceperat ad gloriam.

Hieronymus explicans haec verba Isaiae, *Si volueritis & audieritis me, bona terre comedetis*, hæc habet: Liberum, inquit, servat arbitrium, ut in utramque partem, non ex prejudicio Dei, sed ex meritis singulorum, vel pœna, vel præmium sit. Idem scribens in Epist. S. Pauli ad Philemonem. Qui asserunt ita hominem debuisse fieri, ut malum recipere non posset, hoc dicunt, talis debuit fieri, qui necessitate bonus esset, non voluntate. Et Aug. cum ali. bi passim, tum de Agone Christiano c. 9. *Ei liberum voluntatis arbitrium dedit. Non enim esset optimus, si Dei præceptis necessitate, non voluntate serviret.* Nam errare non posse aut summæ naturæ est, aut insimile & bruta, ut pecorum, non medie & rationalis.

Itaque non alia est hominis etiam post lapsum libertas, aut meriti, & demeriti radix, quam ad bonum & malum indifferentia. Quanquam longe alia est in Angelo & homine, alia in homine stante, alia in laplo; & diversi utriusque gradus. Cum ingenita mutabilitate peccavit Angelus, cum eadem mutabilitate & tentatoris astutia pugnavit homo; cum cupiditatibus pruritu certandum nobis est; & iniquior esset nobis certandi lex, nisi validioribus auxiliis juvaremur. Tum pugna mollior, sed leviora auxilia; nunc robustior gratia, sed hostis validior.

Quocirca ut preclare concludit vir doctiss. ex quo ea collegimus testimonia, quæ indifferentiam in humana Christi voluntate sic ostendunt, ut impeccabilis tamen fuerit, & libertatem nostram ad bonum & malum veritatem demonstrant: pugnat natura rationalis cum insta mutabilitate, cum inolita cupiditate, cum irruentium dolorum acerbitate, & tot malis querientibus agitata stabilitatem assequitur. Cum solis dolorum acerbitatibus pugnauit Christus; & hinc merita sibi nova cumulavit, quibus non sibi, sed nobis bone voluntatis incommutabilitatem quereret. Diversa, ut sepe diximus, est hominis ratio; illi enim pugnandum est, ut eam stabilitatem mereatur. Hinc pulchre Ambrosius enarratione de arboре interdicta. *Sed utique, inguiet calumniator, Deus non debuit hominem permittere ut peccaret. Sed stulti hoc dicunt non considerantes, quia Deus statuan non fecit lapideam, aut ligneam; sed hominem perfectum condidit, & suum mentis arbitrium, ut intelligret quid boni appeteret, & quid mali contemneret.* Superiùs idem quod statim omnibus occurrit, sibi objecerat. *Si sciebat eum posse peccare, quare non revocavit eum à peccato? Respondetur, quia non vidarem, nec eum qui non legitimate certaverit, non decet coronari.* Sed longiores sumus quam volumus.

Opp. 6. Indifferentia omnis est cum aliqua deliberatione conjuncta: sed ex mille actionibus vix una in deliberationem venit: nam tironis est, non periti

artificis inter operandum deliberare: ac saepe nullus est locus consultationis. Hinc non satis apte Aristoteles definit electionem appetitum consultativum: cum enim mens deliberat, impedita est, non expedita. Homo temperans non consultat utrum abstinere debeat a libidinibus: nec Christus unquam deliberavit an Patri obediret: ergo ut deliberatio sic indifferentia ad rationem libertatis non pertinet.

Rejpond. Formalem & ratiocinio evolutam deliberationem ad libertatem non requiri; sed virtualem sufficere: cum nimirum res est ejusmodi, ut eam facere & non facere possimus. Non enim homo semper fluctuat, aut pendet animi: sed judicium simplex sepe voluntas sequitur. Dummodo non sit ita ad unum determinata, ut actum suum non possit suspendere, libere agit, & cum indifferentia: de cuius ratione non est inconstantia, sed independentia quædam ab objecto. Quanquam vix quicquam molimur, quod prius aliqua ratione ducti faciendum non judicemus.

Atque ut in iis quæ ex longa assuetudine operamur, vix ullus ratiocinio sit locus, non idcirco tamen omnis argumentatio abest. Ubi expedita est & parata, nullam temporis moram postulat; nullo quippe obice retardatur. Incredibilis est enim mentis celeritas, qua unum ex alio colligit, nec quicquam fere aliud nisi sensuum infirmitas ei moram insicit. Quare non continuo omnis deliberatio, aut ratiocinatio abest ab actionibus nostris, quod summa cum celeritate fiant. Ordo notionum vel idearum, & delectus cogitationum, dum mens eas in ordinem digerit, alias seligit, alias repudiat; illas excitat, his inhibet, vix circa ratiocinium effici possunt: & tamen ista omnia actiones nostras antevertunt.

Opp. 7. Aliud est liberum, aliud deliberans, ut S. Bonaventura scite distinguit in 2. sententiarum, dist. 25. Liberum, inquit, arbitrium considerari potest duplicitate, aut secundum quod liberum, aut secundum quod deliberans; si loquuntur de ipso secundum quod liberum, sic concedo quod potest esse non solum respectu contingentes, sed etiam necessarii: sicut patet in Deo, & in Christo. Et in Angelis, & in omnibus beatis. Cum enim duplex sit necessitas, videlicet coactionis & immutabilitatis; necessitas coactionis repugnat libertati arbitrii, necessitas vero immutabilitatis non repugnat: pro eo quod liberum arbitrium dicitur liberum; non quia sic vellet hoc, ut velle posset oppositum, sed quia omne quod vult, appetit ad sui ipsius imperium: quia sic vult aliquid ut vellet se velle illud: & ideo in actu volendi se ipsum movet, & sibi dominatur: ergo libero necessitas non opponitur.

Reff. Liberum arbitrium sumi à S. Bonaventura inadæquate, ut loquuntur, prout' unario, quodque est immune à coactione. Fatemur etiam necessitatem immutabilitatis, si sit consequens, quaque includat actum ipsius voluntatis, qualis est necessitas ex præficiencia divina, & qualis in Christo fuit, non obesse libertati: cum necessitas antecedens omnino libertati adversetur. Non enim alia ratione SS. PP. & August. imprimis, Philosophorum fataliem necessitatem impugnarunt, quam quod libertatem nostram perimeret. Sic Astrologorum vanitatem hinc solent refellere, quod antecedentem & libertati contrarium necessitatem inducant.

Duo enim sunt, quæ libertatem omnino perimunt: necessitas nimirum ante-

cedens, quæque voluntatem ante determinat, quàm aliquid velit, aut actum amoris elicit; eaque libertatem destruit: sive ex certa causatum connexione, aut fatorum dispositione; sive ex siderum aspectibus ducatur. Qui enim hanc fatalem induxere necessitatem, iidem fere animum nostrum in censu corporum posuerunt, quasi pulsu alieno moveretur. Adversus Philosophos qui hanc necessitatem invexere, Patres omnes essentialē hominis libertatem, & potentiam sui determinatricē asseruerunt: adeo ut voluntatem nihil extinsecum determinare possit necessario; sed amor ipse quem format, sit determinationis omnis principium, maxime cum res aliqua propter se expetitur.

Alterum quod liberum arbitrium, seu vim electivam omnino evertit, est naturalis necessitas. Ut qui mores omnino ad temperamentum referunt, adeo ut homo ad iram vel letitiam tam sit à natura determinatus, quàm leo, aut canis, ji liberum arbitrium destruunt. Quasi alios actus voluntas exercere non posset, quàm naturales: cuius generis est amor felicitatis, qui est prima voluntatis determinatio; necessaria quidem, si minus necessitate antecedente, saltem naturali, quæque cum libero arbitrio, seu vi electiva esse non potest. Nam ut forte non sit antecedens, cum nulli extrinsecus adveniens impulsio hunc naturalem vitæ, tranquillitatis, aut felicitatis amorem præveniat: certe ea est omnino naturalis, nec nostro subest arbitrio. Quare libertati nobis essentiali, queque destrui non potest, omnino contraria est necessitas, aut determinatio antecedens: sed libero arbitrio, seu vi electiva proprie repugnat tum necessitas antecedens, tum naturalis. Hinc plerisque ex veteribus, etiam Scholasticis, ut Scoto & aliis, visum est, Patrem æternum libere Verbum producere: libertatem enim cum voluntate rationali identidem confudetur: quatenus necessitatē antecedenti & extrinsecū opponitur. Sed cum vox liberti arbitrii ad voluntatem pertineat, quatenus sic agit, ut possit non agere; & se determinat ad alios actus, quàm ad naturales & necessarios, & eligit libere; Deus nec se libere amat, nec Verbum libere generat: sed libere vult & decernit quæ ad creaturas pertinent, cum potuerit ea non decernere.

Quare voluntas non ad eos tantum affectus, qui sunt naturales est illigata, sed infinitos prope alios exerit & format, quos potest non exercere. Atque in hoc dominio aut potestate vis libertatis & liberi arbitrii maxime posita est: quod non aliunde sit determinata, antequam agat, sed actus ipse amoris eam determinet. Unde nullus est necessitati antecedenti locus.

In quo utique ratio liberi arbitrii proprie consistit, quod SS. PP. adversus Philosophos & Hæreticos hinc confirmarunt, quod alioqui nullus esset laudi aut vitio, præmio aut poenæ locus. Imo voluntas creata nec justa esset, nec iusta: cum enim per essentiam aut bona, aut justa dici non possit, per actiones tantum, quas libere elicit, & potest non exercere, iustitiam aliquam adipisci potest. Neque etiam id visum est SS. PP. ad libertatem sufficere necessitatem à coactione: nunquam enim vel Hæretici, vel Philosophi hanc necessitatem negaverunt: cum id omnibus si manifestum, voluntatem velle aliquid non posse invitam & coactam. Ita fere vir doctissimus in dissertatione non dum edita.

Opp. ultimo. Si libertatis natura in indifferentia contradictionis posita est, aut certe cum ea necessario conjuncta, hinc sequitur majorem fore libertatem,

quo major erit indifferentia. Sic igitur, qui ex concupiscentia & magna delectatione ager, minus peccabit, quod minus libere & indifferenter: cum libido aut concupiscentia instar ponderis nos peccare compellat. Simili ratione qui ex habitu peccat, is minus libere & cum minori indifferentia peccat. Avarus qui multum & diu deliberat an aetum liberalitatis exerceat, liberius ager, quam homo liberalis qui prompte & citra deliberationem, atque ex habitu operatur. Sic non erit libertas, nisi ubi est ignorantia & infirmitas. Non enim consultamus nisi propter ignorantiam; consilium non mutamus, nisi ob levitatem & inconstantiam animi; nec verisimile est sublata tum ignorantia, tum infirmitate libertatem auferri.

Postremo si libertas in æquilibrio & indifferentia posita sit, minus libere agent scelerati, quia ex minori indifferentia; minus peccabit intemperans, qui non deliberat, quam incontinens, quem recta ratio & libido in partes diversas trahunt.

Refp. Indifferentiam ad rationem libertatis sic pertinere, ut non sit tota illius essentia. Duo sunt enim in libero arbitrio, voluntas & judicium. Quæ ex habitu & delectatione agimus, ea non minuunt libertatem ex parte voluntarii. Voluntas enim magis in ea inclinatur, quo majore delectatione agit, aut magis ex usu, exercitio & habitu operatur. Sed ex parte judicii & electionis duo sunt quæ libertatem imminuunt: aut nimis confusa cognitio, qualis est in pueris, qui sponte agunt, sed non libere, saltem liberate mortali: (nam in iis est Phycica libertas, qua ad multa se se movent & applicant,) aut tam perfecta cognitio, ut nihil libero arbitrio relinquatur, ut in beatis accidit, qui Deum clare cognitum non amare non possunt. Unde ad usum libertatis medius quidam cognitionis status requiritur.

Quanquam in beatis non tam clara Dei visio, quam invincibilis illa delectatio qua omnes animæ vires implentur, nullum electioni locum relinquit. Cognitio enim quantumvis perfecta in objecta ipsa nos non rapit, nosque nobismetiis permittit. Sed delectatio animam intime afficit, eam modificat; cumque maxima est, ut in beatis, amorem objecti à quo illa profuit voluptas, naturaliter & necessario procreat. Idque maxime cum lumen rationis cum ea delectatione conjungitur: tum enim est invincibilis.

Quare habitus cum boni, tum vitiosi, delectatio, concupiscentia, imo gratia ipsa indifferentiam æquilibrii possunt irtuncque imminuere, non indifferentiam electionis, aut dominii, aut vim sui iplius determinatricem: nisi forte nullus sit rationi locus.

Sic habitus honesti, & gratia ipsa, ut necessitatem quandam Moralem, non Phycam afterant, non idcirco indifferentiam voluntatis tollunt, si ea ratione dominii spectetur. Et quidem cum indifferentia ratione sui defectus spectatur, quod nimirum voluntas peccare possit, non dubium est quin boni habitus eam quodammodo imminuant: cum ii peccati odium & aversionem procreat. At si finis ipse spectetur, propter quem illa indifferentia homini concessa est, tum libertatem hominis adeo non minuunt, ut magis eam perficiant: data enim illi fuit ut virtutem colat: ac boni habitus concupiscentie pondus imminuant.

Non dissimilis est ratio pravorum habituum, & ipsius concupiscentiae. Non

enim necessitatem Physicam , & antecedentem voluntati imponunt. Atque ut æquilibrii indifferentiam immittant, non utique indifferentiam electionis, aut ipsum quod habet voluntas dominum, tollunt. Nisi forte tantus sit perturbationum æstus , tam ceteris concupiscentia, ut ratio pene omnis extinguitur: tum enim pene extinguitur vis illa sui determinatrix. Nam delectationis sensus voluntatem eo flectit, unde voluptas ipsa proficiuntur : tum enim anima se felicem putat, cum voluptate perfunditur , & naturali quodam instinctu fertur in objectum quod nos felices efficere arbitramur. Sed tamen vix illud usuvenit ut adeo vehemens sit illa delectatio, ut suspendere judicium & rationem ipsam audire non licet ; nec essentialis libertas unquam extinguitur.

Ex iis colligitur libertatem à peccato, aut à justitia , aut potestatem cum altera ex iis conjunctam augeri vel minui, imo perfici aut destrui posse. Sed ejusmodi libertates, aut necessitates sunt accidentiarum libertati essentiali: unde se se invicem & destruere possunt & frangere. Sed eadem semper manet libertas , idem liberum arbitrium.

D I S P U T A T I O III.

De Habitibus.

His explicatis quæ ad voluntatem & libertatem visa sunt pertinere, adeuncta est habituum, qui sunt principia actuum humanorum acquisita , tractatio. Ac primum de notione , existentia & divisione habituum : 2º de natura , tum de eorum causis agendum videtur : postremo quæ sint eorum proprietates, quam diligentissime poterimus , excognemus.

Q UÆST I O I.

De notione, existentia & divisione habituum.

Habitus nomine intelligimus primam qualitatis speciem , quæ facultatem habitudinem per se & immediate juvat, quæque facilitas nominatur. Non enim eas qualitates inertes & otiosas nunc tractamus , que nihil agunt, nihil moluntur , cuius generis sunt pulchritudo, sanitas , morbus : tametsi inter habitus solent numerari. Sed eas qualitates hoc loco persequimur, que facultati succrescent, quæque ad agendum destinantur. Ac merito querimus an ejusmodi qualitates adventitiae existant; an quælibet affectio liceat constans & fixa, vel animi , vel corporis, quæ habitus nomine designari solet, non sit quidam reale , quod facultati succrescat, sed impedimentorum quedam duntaxat remotione: ideo ut operatio ruptis obicibus sit facilis & expedita : quod utique usu & exercitatione perficitur , non adventitiae qualitatis beneficio. Sit itaque

Vicia Conclusio.

Dantur habitus naturales , iisque non sunt positi in sola impedimentorum remotione.

Prob. concl. Firma illa facilitas, quæ usu & exercitio acquiritur, est quidam physicum & reale, quod facultatem ad agendum expeditam & promptam efficit: ergo non in sola impedimentorum remotione habitus natura consistit. Sed, ut ait S. Augustinus, *est affectio quedam animi, vel corporis longo tempore perseverans.*

Confirm. Artes omnes, disciplinæ, virtutes, quæ tantis studiis ac laboribus comparantur, quæque altis radicibus infixa ægre divelluntur, sunt aliquid reale; exque ornamentum quoddam, & quasi lumen animæ afferunt; ac verisimile non est nihil eas esse præter obices ipsos, aut velut repagula revulsa. Ac nescio an de usu quodam irrationali, quo v. gr. manus in scribendo decurrit, id dici possit. Sed quando ars ipsa hunc usum antecedit: ut cum longa exercitatione ex tempore dicendi facultatem sumus consecuti; cumque animus in tam multiplex officium diducitur, ut inventioni, dispositioni, elocutioni, ordini rerum, verborumque, adhibitæ vocis, pronunciationis, gestus observatione sufficiat; res tanta, tamque mirabilis non sola organorum dispositione, neque eorum quæ obstant, abolitione (quas duas res multum juvare concedimus:) sed arte maxima, & habitu, & dexteritate continetur.

Habituum diviso.

1. **H**abitus alii sunt supernaturales, qui scilicet vires naturæ excedunt; alii naturales: illi dicuntur infusi, quod à Deo in nobis infundantur, ut fides, spes, & charitas: de quibus agere nostri non est instituti. Id unum advertere debemus, hos habitus non facilitatem modò ad agendum, sed etiam posse, ut aiunt, simplicitet, tribuere: adeo ut potentiss., seu facultatibus similes videantur. Nam facultas naturalis ex se omnino est incapax actum supernaturalem exerendi. Hincque dari habitus infusos manifeste demonstratur. Nam ut ait Apostolus Rom. 9. *Charitas diffusa est in cordibus nostris per Spiritum sanctum, qui datus est nobis.* Hanc verò justificatis inhertere docet Conc. Trident. sess. 6. c. 7: *Vnde, inquit, in ipsa justificatione, cum remissione peccatorum hæc simul infusi accipit homo per Iesum Christum cui inseritur, fidem, spem, & charitatem.* Unde &c. 1. Joan. 3. gratia Dei semen, non fluxum videlicet, sed permanens nominatur. *Semen ipsius, inquit, in eo manet; tum subdit: & in hoc scimus quoniam manet in nobis de spiritu quem dedit nobis:* hoc est, aliquid de spiritu, nempe ejus emanatio quedam permanens. Hæc leviter attinguntur, nè dubium ulli esse possit, quin habitus infusi & supernaturales animis nostris insint, ut qualitates, aut affectiones longo tempore perseverantes, & velut characteres quidam mentibus nostris impressi, juxta illud. Apost. Ephes. 1. *Signati Spiritu promissionis sancto.* Signaculum enim illud, aut character est quid constans, non fluxum & momentaneum. Verum ista videtur Theologi, nos ad nostrum redeamus institutum.

2. Habitū naturales vel sunt à nobis coiogeniti, vel studio acquisiti: illi inclinationes, aut propensiones naturæ dicuntur, quatenus ad appetitum pertinent, atque omnes affectus ex iis tanquam principiis ducuntur. Hujusmodi propensiones ab Authore naturæ imprimuntur; cuius generis sunt amor boni in universum; amor sue integritatis, conservationis, & omnium quæ ad per-

fectionem , aut felicitatem nostram videntur conferre : ut scientiae & delectationis , & eorum quæ ab omnibus expetuntur . Sunt enim impressiones quæ à Deo jugiter manant , & in eum tendunt . Atque eam fere in animis varietatem & pulchritudinem , quam diverse motuum leges in corporibus efficiunt : eo tamen cum discrimine , quod motuum leges certæ sint & constantes , neque à fine suo deflestant : naturales verò & congenitas propensiones ad nos plerumque deflextimus , dum in nobis tanquam in ultimò fine fistinus ; idque ex pravo libertatis nostra usu , non ex ipsa propensione naturali proficiuntur .

3. Sunt aliae propensiones quæ corporis temperamentum consequuntur , ex que maxime ex texture cerebri & spirituum natura pendent , ut suo loco ostendimus . Quòd v. gr. fibrae cerebri sunt tenuiores , & spiritus subtiliores , cò rerum imagines altius imprimuntur : unde vis imaginatrix fortior , & plerumque major inconstantia . Hinc mores adeo diversos sexuum , etatium , nationum varietas efficit .

4. Sunt etiam habitus quidam congeniti , qui ad cognitionem pertinent , de quibus jam sepe egimus : intellectus nimirum principiorum , & synderesis ; ille ad rerum contemplationem , hæc ad agendum spectat . Nam lux illa in qua principiorum veritatem contuemur , insita nobis est à natura : cumque mentem nostram ad cognitionem principiorum qua demonstrari non possunt , omnino determinet , habitus vocitatur . Hunc verò habitum acquiri quodanmodo per sensum docet S. Th. in 3. dist. 23. *Quantum , inquit , ad distinctionem principiorum , non quantum ad lumen , quo principia cognoscuntur .* Nam si terminos sensuum ministerio addiscimus , non ipsam veritatem , quæ tam manifeste in iis principiis lucet , à sensibus mutuamur .

5. Habitus autem acquisitus vel ad vim cognoscentem , vel ad appetentem pertinet : ille vel ad verum semper inclinat , ilque est quintuplex , ut in Logica diximus ; vel ad errorem ; vel partim ad veritatem , partim ad falsitatem nos ducit , tumque opinio nominatur . Simili ratione habitus qui in appetitu insunt , vel semper ad bonum , ut virtutes ; vel semper ad malum , ut vitia , nos impellunt : vix autem medius inter bonum & malum habitus invenitur .

QUÆSTIO II.

Quid sit habitus ?

IN quo posita sit habitus natura , magna contentione certatur : definiri sollet qualitas facultati adventitia , qua facilius operatur . Sed cum qualitas nomen latissime pateat , & id omne quod rem talem denominat , aut afficit , aut determinat , hoc nomine vulgo donetur , vaga quedam & confusa notio huic voci subest , quæ rem ipsam plerumque involvit magis quam explicat . Præterquam si habitus instar luminis , aut coloris concipiatur , intellectu arduum est , quomodo is produci , extingui , augeri , vel minui possit ; nec satis liquet cui illa utilitas usui esse possit , aut cui subiecto insideat ; ac multæ subinde emergunt difficultates , quæ dissolvi vix illa ratione possint .

Quare ronnulli ut ex iis se se expediant angustis , habitus nihil esse præter remotionem impedimentorum putant . Sed jam ostendimus obices quidem amoveri

veri, cum habitus, scientia nimirum, aut virtus acquiritur: sed quiddam præterea, idque reale & physicum, quodcumque illud sit, usū & exercitatione comparari. Id verò si dixerimus esse qualitatem quamdam, nihilo forte erimus doctiores: vox enim illa vaga & indefinita nihil lucis affert propositæ quæstioni. Quid igitur, an modalis erit entitas, firma & constans, quæ certo quodam modo nos afficit. Id utique videtur probabilius, quam absolutam quædam entitatem comminisci, quæ qualitas nominetur, quæque nos ad agentem determinet: sed quandiu in iis vocibus adeo indefinitis sistimus, nullam rei ideam distinctam formamus,

Itaque propius ad tem ipsam videntur accedere, qui habitus, intellectuales potissimum, nihil esse putant præter rerum imagines, seu ab objectis impressas, seu à mente ipsa, cum percipit, expressas, quæque in memoria asservatæ, ubi opus est, sese offerunt. Sic ex repetitis actibus manent quædam impressiones in voluntate, tanquam actuum termini, quibus ipsa ad agendum promptior efficitur. Hæc sane magna probabilitate dicuntur, neque ut falsa omnino rejicimus: at rem ipsam facilitori & compendiosiore via explicari posse multi arbitrantur. Sit itaque

Prima Conclusio.

Habitus intellectuales satis commode per impressa cerebro vestigia, & expeditos spirituum animalium motus, impedimentorum denique remotionem explicantur: sic tamen ut affectiones quædam in mente humana ex repetitis actibus procreatæ non inficiemur.

Probari potest & illustrari conclusio, 1º ex iis quæ in Logica diximus, quædam ab objectis per exteriorum sensuum organa in cerebro imprimi vestigia, quibus certæ itidem ideae, aut mentis perceptiones ita sunt illigate, ut junctim semper & simul sese offerant. Cumque illa vestigia, quæ phantasmatæ dici solent, facilius & distinctius imprimuntur, notiones quoque mentis aut distinctiores sunt, aut magis expeditæ. Ex actibus vero sèpius repetitis illæ velut imagines melius delineantur; spiritus in eas facilius incurrit; viam sibi apertiorem muniunt. Hinc celeris & expedita cogitatio, quæ habitus nomine censetur.

Confirm. Cum trita cerebri vestigia, aut vi morbi, aut diuturnitate temporis expunguntur, ita se habet intellectus, ac si rem ipsam nullo modo didicisset; ergo signum est habitum scientiae non minus ad imaginationem ipsam, quam ad intellectum pertinere. Quæ enim causa potuit ex subiecto spiritali, cui nihil est contrarium, qualitatem itidem spiritalem expellere? Nec tamen negaverim mentem humanam, quatenus naturali lumine & appetitu naturali instructa est varie modificari, & affici; atque illæ affectiones acquisitæ habitus spiritales dici possunt.

Confirm. 2. Habitus acquiritur, ubi quæ in subiecto erat oppositio, & velut rigiditas repetitis actibus superatur: ut cum pueri literas formare incipiunt, & mille modis linguam inflectunt: idque in omni corporis facilitate acquisita cernere est. At forte non tanta est in ipso intellectu difficultas; neque enim per pattes perficitur. Atque ut artifex non artis, sed organi v. g. citharae vitio ar-

tem suam non prodit : ita intellectus plerumque paratus est ad intelligendum ; nihil fere ei deest praeter organum bene instrutum. Unde si hebes, aut tardus habeatur , id tantum sit organi , aut imaginis vitio : cum res incorporea vix fieri acutior , aut mobilior possit. Sed cum vestigia cerebro impressa confusa sunt , & perturbata ; cum spiritus per illa non satis trita vestigia minus expedita discurrunt ; cum facile deleri possunt ; tum habitus aut nullus est , aut facile expungitur. Contra evenit , ubi vestigia in cerebro sunt inconsusa , ex repetitis actibus alte impressa ; cumque spiritus per ea , fere ut aqua per tubulos quos sibi aptavit , libere discurrunt.

Prob. 2. Eadem pene videtur ratio habituum , quæ memoriae : cum habitus ipsi , aut memoriam contineantur , & imaginum congerie , aut ex ea pendeant maxime : sed memoria in parte animæ sentiente magis quam in parte intellectuali inest. Nam ubi abolita est , & vestigia cerebri deleta , nulla in ipso intellectu remanent species : neque enim necesse est ad congenitas , aut alias ex rebus corporeis exsculptas imagines configere : cum mens aut in æternæ veritatis luce res intelligibiles intueri possit , ut videtur S. Augustino , vel ex naturæ lege , aut voluntate nostra perceptiones , aut idem certis cerebri vestigiis sint addicte ; vel certe illa vestigia sunt quedam velut instrumenta quibus mens utitur , maxime cum res corporeas intelligit : nam cerebrum sic inter mentem & reliquum corpus sequestri munus obicit , ut per id , reliquum corpus in mentem , & vicissim mens in totum corpus agat. Nam hoc interjecto & cogitationes mentis à corpore , & motus corporis à mente modificantur ; unde & sensus omnes in capite sunt collocati. Illa autem necessitudo inter mentis cogitationes , & cerebri aut spirituum impressiones non ab alia , quam à prima causa fuit instituta. Nam effectus generalis causa quoque generalis quaerenda est. Si quis roget , ait vir eruditus , cur lapis projectus sit , causa peculiaris est afferenda : at querenti cur lapis projectus motum suum continuet , causa quedam generalis est afferenda. Illa inter mentis cogitationes , & vestigia cerebri necessitudo effectus est generalis. Unde querenti cur positis certis corporum motibus certæ orientur perceptiones , non alia afferri causa potest quam certa naturæ lex , aut constans Dei voluntas.

Secunda Conclusio.

Nihil necesse est in voluntate , aut in appetitu sentiente novas qualitates , seu habitus ab ipsa voluntate distinctos communisci.

Prob. concl. Voluntas non est vis ab intellectu distincta , neque appetitus est facultas ab imaginatione sejuncta : ergo si nulli sint in ipso intellectu habitus acquisiti , nihil nos cogit novas in voluntate vel appetitu qualitates tanquam distinctas entitates communisci.

Confirm. Ejusmodi qualitates videntur penitus inutiles , cum voluntas à cognitione ipsa , aut à judicio intellectus ut à conditione quadam determinetur ; ac si quæ sit difficultas superanda , ea potissimum in organis posita est. Atque ut ex repetitis actibus quedam sit affectio , aut propensio in voluntate , quæ inclinations ab Autore naturæ impressas determinet , illa tamen affectio aut inclinatio , aut fondus , non est quiddam ab anima aut voluntate distinctum , nisi forte modificatio quedam.

Confirm. Idcirco in appetitu irrationali nullus vulgo habitus reponitur, quod satis ab obiecto aut à cognitione, aut aliis ex causis determinetur: quantumvis negare non possumus quin bruta usu & industria magnam acquirant ad certas res facientes facilitatem: ergo nihil est causæ cur habitus in voluntate ipsa, tanquam distinctas qualitates statuamus: cum ab intellectu & usu satis sit determinata; neque illa facilitas aliud quiddam sit nisi usus & exercitatio, aut certe affectio quædam ex usu comparata.

Satisfit objectionibus.

QUæ contra opponi possunt, facilius disolves, si adverteris 1º. habitus intellectuales dici, quod mentis imperio subjaceant. Nam spiritus in cerebro hoc illuc fluctuant, atque eorum motu phantasia, ut torrente quodam abripiatur: ut inter somniandum evenit, & quandoque etiam cum vigilamus, ac vis imaginatrix sibi permittitur. Sed cum aliquid cum attentione est agendum: ut cum oratio aliqua est recitanda ex ordine, mens ipsa imaginationem intra præscriptos fines coëcet: tum enim non solum invenit quod dicat, sed id expedit, & quod invenerit, prudenter collocat: cumque phantasia evagatur, mens eam ad officium revocat.

Unde habitus illi intellectuales dicuntur, quod à mente regantur: non aliena ac memoria, quæ nihil fere est præter habitum, ad intellectum pertinet: cum species ab ea reposcat intellectus, & illius iussu se se offerant, eo quidem ordine, quo opus est. Nam mens eas felicit, quibus indiget; reliquas quæ tumultu irrumunt, abigit. Cum autem in rei ipsius memoriam, cuius obliti eramus, deducimur, idque fit ratiocinatione quadam, & quasi gradatim, atque ex mentis ipsius imperio, tum reminiscentia dicitur, quæ homini propria est, ac ne vix quidem ab intellectuali habitu potest separari. Et certe eadem est utriusque ratio, & unum ex altero facile explicatur. Unde ut in bestiis reminiscentia nulla est, ita nec habitus proprie dictus. Nam ex quidem meminerunt, cumphantasmata eo fere ordine, quo subierunt, connexa solent recurrere; at se minimis nec percipiunt, nec quæ sibi opus sunt, reiectis aliis eligunt, nec quæ sunt abdita, aut inventa recognoscunt.

2. Habitus nomine eam facilitatem intelligimus, de rebus jam ante perceptis cogitandi, aut iterum eas efficiendi, quas effecimus. Illa facilitas cogitandi præcipue in vestigiis cerebro impressis, quibus certæ addictæ sunt perceptio-nes, constituitur. Nam ut rami arboris identidem inflexi, facilius in eisdem partes flectuntur: ita fere cerebri fibrillæ spirituum agitatione, aut objectorum impulsu certo modo affectæ, eisdem impressiones facilius excipiunt. Unde rerum omnium non eadem facilitate recordamur: sed quæ per sensus subiere, altiores plagas solent cerebro infingere; & quo sepius rei imaginem oculis hau-simus, hoc tenacius cerebro inheret. Sic habitus corporei acquiruntur, cum ex imaginibus retum conceptis spiritus in cerebro copiosi in certas corporis partes diriguntur, quæ magna celeritate in nervos & musculos feruntur: idque tanta facilitate, ut vix concipere animo possimus, qua celeritate in unius vocis pronunciatione tot musculi in diversas partes moveantur: hoc utique usus efficit, dum spiritus sepius commeantes viam sibi expeditam aperiunt. His itaque explicatis.

Opp. i. Si habitus nihil sunt præter trita in cerebro vestigia , aut spirituum in certas partes ex usu & alsuetudine commeatus , nulli erunt habitus intellectuales : sed omnes ad corpus ipsum referentur : sic nulla erit scientia , aut prudencia , nulla virtus in anima : quæ omnino videntur absurdæ.

Repf. Neg. ant. Habitus enim intellectuales ii dicuntur , quibus mens utitur , quicque ejus subduntur imperio , quales in homine , non item in brutis esse ostendimus. Ac præterea motus illi spirituum certas perceptiones habent adjunctas : adeo ut ex habitu mens facilius & distinctius percipiat. Utrum vero in anima ipsa species quædam , aut impressiones ex perceptionibus remaneant , non est hujus loci diligentius inquirere : sed cum ea vix intelligi vel explicari possint ; neque ullo experimento , vel ratione demonstrari , expunctis speciebus in cerebro , aut in parte sentiente , species quasdam in mente esse superstites : id videtur rationi magis consentaneum , habituum naturam ex iis quæ novimus , quæ ex abditis , nec satis perspectis speciebus , vel impressis , vel expressis repetere. Tametsi non negamus quin possint in mente nostra quædam affectiones , aut species remanere : sed si eas adhibeamus species , ut naturam habituum explicemus , metuendum nobis est ne rem satis perspicuum per incertam quædam & obscura teutemus explanare.

Vrgent. Species illæ aut in cerebro , aut in mente ipsa impressæ habitus esse non possunt , cum habitus ex repetitis actibus generentur : illa vero impressæ cerebro vestigia cogitationes nostras anteverunt. Deinde habitus ad potentiam pertinet , quam juvat , & ad agendum determinat ; species vero illæ ab objectis profluant , & ad ea pertinent. Unde species expressæ quas cogitando exprimimus , quæque in intellectu sunt superstites , magis habitus dici debent , quæ obscura cerebro inusta vestigia , aut species menti infixæ.

Repf. Non sola vestigia cerebri , sed ea trita & ex repetitis actibus inculcata , habitus vocari : cum intellectum ad cogitandum excitant , & objecta ipsa cum facultate conjungant , & listant. Habitùs nomine intelligimus quid fixum & constans , fitmam nimirum facilitatem , quæ vix alibi inventi potest , quæ in ipso vis imaginatricis organo. Si quid autem menti ipse imprimiuit , id forte non est imago rei corporeæ : sed res ipsa spiritualis , ut numerorum dimensionumque rationes , & leges innumerabiles , quarum , inquit August. nullam corporis sensus impressit , quia nec ipsa colorata sunt , aut sonant , aut olent , aut gustate , aut contrebetæ sunt. Nec imagines earum rerum recondite sunt in memoria , sed res ipse , cum eas nos intellective meminimus. Nam ipsa cogitatio , ut idem explicat lib. 12. de Trin. transiens per disciplinas , quibus eruditur animus , memoria commendatur , ut sit quod redire possit , quæ cogitur inde transferre : quanvis si ad memoriam cogitatio non rediret , atque quod commendaverat , non inveniret , id , inquit , inveniret , ubi primum invenerat : in illa scilicet incorporea veritate , unde rursus quasi descriptum in memoria figeretur. Ac videtur ille quandam in mente memoriam rerum intelligibilium , ut affectionum nostrarum & cognitionum reponere : ubi non tam rerum imagines , quæ res ipsæ reconduntur. Verum hoc loco habitus ex rerum corporearum cognitione acquisitos persequimur , eosque in substantia cerebri potissimum vigere contendimus , & cum memoria pene confundimus. Unde nihil æque vel augetur cura , vel negligentiâ intercidit. Memoria autem de qua nunc

loquimur, posita est in quadam necessitudine cogitationis, & motus qui fit in cerebro: adeo ut motu illo renovato, cogitatio quoque rei renovetur, & vivissim.

Opp. 2. Habitus infusi sunt qualitates absolute quæ in mente ipsa hærent: ergo & habitus acquisiti erunt itidem qualitates exercitatione & studio comparatae.

Reff. N. consequentiam & paritatem. Non enim habitus infusi per actus repetitos acquituntur: sed à Deo repente infunduntur, ut novum esse, & quasi lumen animæ impertiant. Neque etiam sic potentiam adjuvant, ut dent aliquam agendi facultatem: sed ad agendum absolute requiruntur, ac similes sunt potentis, quæ, ut loquuntur, dant simpliciter posse. Habitus vero naturales ex actibus repetitis gignuntur, ac facilitas illa acquisita non est in solo intellectu, qui abunde ex sua natura instructus est ut intelligat; neque per ipsum stat quominus id fiat: sed vel defunt phantasmatu, vel ea sunt admodum imperfecta. Itaque omnis fere facilitas in eo posita est, ut instrumentum animi recte præparetur, quo is prompte & expedite agat: domanda est cerebri quædam velut rigiditas, vestigia rerum apte sunt disponenda, exercitatio adhibenda, ut spiritus cerebri fibrillas, velut clavescymbali fides, libere & expedite pulsent.

Sed, *inquiunt*, habitus intellectuales sunt plane spirituales: ergo non sunt species in organo imaginationis superstites, aut trita in cerebro vestigia.

Reff. habitus esse spirituales, quoad usum, C. nam iis mens uititur ad intelligendum: quoad entitatem, N. nisi eo quo diximus modo, nempe ut affectiones quædam aut modificationes animæ intelligentis. Itaque ab iis determinatur animus, ut percipiat, & intelligat.

Instant. Producuntur ii habitus per actus spirituales: ergo sunt itidem spirituales.

Reff. habitus intellectuales produci per actus intellectus, non primario, & per se, sed ex occasione: quatenus mentis cogitationes consequuntur certi spirituum motus, & cerebri impressiones.

Vrgent. Nulla in cerebro facta impressio exhibere potest res à materia secretas.

Reff. has species cerebro impressas per se quidem non exhibere res spirituales; sed tantum per accidens: quatenus præbent occasionem intellectui cogitandi de iis quæ sunt à materia separata: quemadmodum & voces, que nullam habent cum rebus ipsis similitudinem.

Q U A E S T I O III.

De causis habituum.

Circa habituum causas quæsitiones aliquot movere solent, quæ in nostra sententia soluti sunt faciliores, quod habitus acquisitos non esse qualitates à facultatibus distinctas pene à nobis confectum sit, & probatum. Nam ex dictis liquet habituum causas efficientes esse tum objeta, quæ species imprimunt, tum facultates ipsas, quæ per crebras operationes facilitatem illam acquitunt;

Qq. iij

tum actus iplos sepius repetitos, ex quibus consumiles habitus generantur. Huc etiam pertinent spirituum vis & mobilitas, necnon cerebri temperies. Nam ut imaginis in cupro cælatura ex duobus potissimum pendet, tum ex materia ipsa qua docilis quodanmodo esse debet, & impressu facilis; tum ex cælo quod firmum & acutum lineas altius imprimit: si fere habitus, quatenus sunt rerum vestigia certo ordine disposita, substantiam postulant cerebri docilem, non crassiorem, non molliorem quam par sit; spiritus uberes & vegetos qui has sculpant imagines. Accedant etiam ex parte animi attentio, seu studium acre, & magna voluntatis propensio: qua si desint, vix distincta rerum vestigia cerebro inurentur.

Hæc fortè utilius foret persequi quam tot movere quæstiunculas, quæ subtilitatis multum videntur habere, soliditatis parum; eas tamen, ne quid videamur omittere, summatim attingemus.

Querunt 1º an facultas sit effectrix causa & proxima habitus, an potius actus ipse identidem repetitus.

Resp. facultatem per actus suos habitum procreate: nam agere est facultatis: actus verò est modus quidam quo facultas operatur; isque vel *in fieri* spectari potest, tumque non tam est causa, quam via quædam ad effectum; vel *in facto esse*, atque ut loquuntur, terminative, tumque ut qualitas, quæ substantum tale denominat, concipitur. Quamvis una & eadem sit entitas, quæ ut actio, est fluxus quidam, aut motio; ut terminus, actus vocatur. Sic volatio, ut est *in fieri*, actionis nomen retinet; ut est *in facto esse*, & completa, quasi forma quædam concipitur, aut qualitas, que non active modo, sed etiam formaliter denominat volentem: actus hoc modo spectati sunt causæ effectrices habituum.

Opp. Influxus, vel ut loquuntur, causalitas non est causa ipsa: sed actus est influxus cause efficientis: ergo non est effectrix causa habitus.

Resp. Dist. min. Cum actus sumitur pro actione & in fieri, C. cum sumitur in facto esse, & vim habet qualitatis, N. Quamvis una & eadem sit entitas quæ actio & actus nominatur.

Querunt 2º an habitus per primum actum acquiratur.

Qui habitum esse qualitatem facultati adventitiam putant, ii satis apte solent distinguerre substantiam, vel essentiam habitus ab illius statu, vel perfectione. Cum enim habitus sit facilitas quædam, hæc primo actu licet admodum remissa & debilis producitur: sed quoad, statum non nisi iteratis actibus acquiritur.

Cum autem habitus ex sententia nostra nihil sit nisi firma quædam facilitas, quæ non uno, nisi fortè admodum intenso, sed multis & repetitis actibus comparatur, palam est constantem illam, & alte infixam affectionem, non primo actu imprimi: uti nec rotæ, aut machinæ recentes statim ea facilitate torquentur, quam usu tandem & longo attritu assequuntur. Ita fere cum spiritus in cerebro motus iis consumiles, quos imprimunt objecta, effecere, & certos meatus sibi aptaverunt, manet dispositio quædam & facilitas ad eosdem motus, & similia vestigia iteranda. Nam unus actus ad alium quasi viam munit, tumque per apertos meatus, & tritas semitas spiritus longe facilis excurrunt. Quod utique non uno, sed multiplici motu, & sepius iterato perficitur.

Ac firma illa & constans facilitas citius acquiritur, cum cerebri fibrillæ molles sunt & plicatiles : tum enim quamlibet in pressionem aut figuram facile excepunt. Quod si tamen cerebrum n. ollius sit, ut in ipsis infantibus accidit, vestigia facile impressa citius expunguntur. At si crass otres sint fibræ, aut rigidiores, aut alienis humoribus obstruēta, tum ad motum minus sunt expeditæ. Quare ut habitus facile comparentur, fibræ sint tenues, flexibiles, & liberæ. Non ea sit tenuitas quæ citius frangatur ; tenacitatem quandam habeant, quo impressa vestigia diutius conservent: nec tamen tanta sit, quæ motum prohibeat. Quo major erit tenacitas, hoc major adhibenda erit animi contentio, ut rei imago vel imprimatur, vel cum opus est, eruatur : qui enim molles habent cerebri fibras, cito discunt, sed citius oblitisci solent. Contra qui tenacioribus prædicti sunt, firmam habent memoriam, non facilem ; si moiles sint & tenaces, sed minus subtiles, tardiorem efficiunt memoriam, non celerem ; nec quæ reposuntur imagines, ea facile exhibet : nos autem vix habitus à memoria sejungimus. Est enim memoria, authore Tullio, per quam repetuntur ea quæ fuerunt.

De subiecto habituum.

QUi habitus acquisitos esse qualitates physicas putant, ii fere in voluntate, intellectu, imaginatione, & appetitu sentiente eos constituant: quod eæ vires juvari possint ad agendum, idque directe & per se, non tantum per accidens, quatenus removentur obices, aut organa recte disponuntur.

Nos vero qui habitus nihil fere esse arbitramur nisi affectiones in organo imaginationis superstites, ac velut species rerum impressas, quæ usu & exercitio sunt comparatae, nullam in appetitu rationali, aut sentiente aliam qualitatem admitti oportere contendimus. Nam voluntas aut à seipso, aut ab intellectu satis determinatur. In brutis quoque sentiens appetitus satis aliunde determinatur : adeo ut nihil necesse sit in iis novas qualitates, quæ habitus dicantur, comminisci : tametsi negare non possumus, quin usu & disciplinâ quadam, ut ita dicam, novam agendi facilitatem acquirant. Quod utique cum de brutis facientur plerique Philosophi, non video cur in parte hominis bruta, seu in appetitu sentiente novas qualitates præter facilitatem usu & exercitio comparata agnoscant. Est enim, ut ait Cicero, habitus, animi aut corporis constans & aboluta aliquā in re perfec̄tio.

Illa autem facilitas in eo maxime posita est, ut organum vis imaginatrix sit apte dispositum : nempe ut meatus aperti sint, & libcri, quo spiritus in iis facile moveantur : atque ut in iis suorum motuum certa relinquent vestigia, quibus regi possit imaginatio, cum aliis consimiles motus exercet. Idque non alter fere evenit, atque in ipsa lingua, cum peregrinas voces formate discit. Primum enim si calculum, aut quid aliud ore gerimus, quod liberum linguae motum impedit, palam est nos vix posse ullam vocem exprimere. Deinde usu & excitatione lingua, labia, & aliae partes quæ locutioni inferiunt, sic appetantur, ut consimiles postea motus & voces prompte & facile exprimant : quod utique fieri non posset, nisi eorum qui præcesserunt motum, quedam remanerent vestigia, quæ nihil sunt vel in lingua, vel in cerebro nisi apta partium secundum situm & figuram dispositio, quam utique motus præcedentes induxerunt.

Unde cum celeres sunt phantasiae conceptus, saepe lingua haeret, aut titubat: vel quod aliqui ex muscularis, qui ad formandam vocem conspirant, tardius moveantur, nec vim concitatem imaginationis sequi possint; vel quod vis imaginatrix in formandis imaginibus nimium occupata, eos motus negligat, qui ad vocis organa sunt necessarii. Saepe laxiores sunt pori, aut meatus muscularum, in quos spiritus a concitatiore phantasia missi cum impetu sese mutuo impediunt; aut contra si sunt meatus angustiores, spiritus satis copiosos non admittunt: unde vox titubat. Ut cunque ea res sit, quo utique modo in organo imaginationis tot diversi motus formari possint, satis apte ex lingua ipsa, aut ex manu possimus conjectare. Nam si lingua tam variis motibus agitur, ut conceptus nostros voce exprimat, uti manus scripturâ: multo potiori jure tot diversa, quæ incurruunt objecta, infinitis prope motibus in ipso imaginatricis organo exprimentur: id enim est instar lingue interioris, cuius motus voce, aut sermone explicantur. Atque ut motus & conceptus vis imaginatricis sunt signa rerum objectorum: sic voces ore formatae, aut exaratae ipsius imaginationis motus exhibent, & in iis organis ea facilitas consimili modo comparatur.

Quanta vero sit hujus facilitatis vis, vel hinc discimus, quod cum voces ex instituto hominum & arbitrio significant, atque ex natura sua nihil praeter sonos menti representent, tantum nihilominus valuit consuetudo, vel exercitatio, ut mens non ad varios syllabarum sonos, non ad characterum figuram, sed magis ad res ipsas soleat attendere. Sic ubi loqui volumus, linguæ, labiorum, & aliarum partium muscularis longè majore celeritate contrahimus, ubi ad intellectum vocum, & significationem ipsam mens intenditur, quam si varietatem sonorum sigillatim expenderet. Quod de lingua diximus, id de cæteris organis, quæ vi motrici serviant, intelligendum est: nam in iis non nova qualitas, vel habitus, sed facilitas tantum usi acquiritur: quatenus exercitatione liber & expeditus est spirituum motus, & sic aptantur quoad suum & figuram musculari, ut prioribus consimiles motus facile exerant.

QUÆSTIO IV.

Habitum proprietates explicantur.

Principia habituum affectiones sunt intensio, remissio, & corruptio: quæ sine vix explicari possunt, si habitus qualitates physicas ab ipsis facultatibus realiter distinctas statuamus. Cum enim circa augmentum qualitatum duæ sint in Scholis multum jactatae opiniones: una eorum qui qualitates augeri putant, dum novus gradus priori accedit: ut dum calor novi caloris accessione crescit; altera Thomistarum, qui calorem & qualitatem omnem intendi putant, cum eadem entitas, quæ initio producta fuit, altius in subiecto infigitur, atque, ut aiunt, magis radicatur: utraque sententia graves patitur difficultates, ut suo loco ostendemus. Neutro autem modo augeri habitus, hoc loco probandum est: tum qua ratione intendi soleant, aut minui, aperiendum. Sit igitur

Prima Conclusio.

Si qui sint habitus acquisiti in intellectu, ii non intenduntur per majorem in subiecto radicationem, aut per gradum additionem, sed per species magis claras & distinctas.

Prob. simul & explicatur concl. Qualitas spiritalis quæ est omnino indivisibilis, quæque recipitur in subiecto itidem indivisibili & incorporo, non potest ab eo magis & magis participari, aut in eo radicari: nam secundum id omne quod habet, in subiecto recipitur: cum nullas habeat partes. Atqui si sint habitus acquisiti in ipso intellectu, ii sunt indivisibles, uti & eatum subiectum: ergo habitus non possunt altius in eo infigi: ut radices arboris nisi & suam longitudinem, & terra suam quoque habeat profunditatem, non possunt altius terram subire, aut magis radicari.

Sed neque habitus intellectualis per additionem gradus ad gradum, seu per novarum specierum additionem intendi potest. Quantumvis enim species, aut rei imagines addantur, si confusa sint & imperfectæ, extendetur quidem habitus, seu cognitio rei acquisita: sed intendi, aut perfici non poterit, donec species aliqua clara & distincta supervenerit: hæc enim omnem secum afferet perfectionem. Illæ autem species erunt perfectiores, & habitum intensiorem simul & magis extensum procreabunt, cum rem ipsam omni ex parte exhibebunt; tum enim ad assentiendum mentem inflecent, cum ea rem omni ex parte conspexerit.

Opp. Habitū infusos secundum se augeri & intendi: ergo multo potiori jure habitus acquisitos secundum suam entitatem augeri posse: sive per additionem gradus ad gradum.

Reph. Neg. ant. Neque enim ulla mentis agitatione concipimus, quâ fieri possit ut eadem entitas indivisibilis intrinsece augeri possit. Itaque habitus infusus, ut charitatis, augetur fere ut anima rationalis, quæ eadem manens secundum entitatem, una cum corpore perfici & crescere videtur. Nam ubi organa sunt melius disposita, actiones suas perfectius exerit: ita fere gratia aut charitas crescit, cum ex actibus repetitis melius anima dispositur, & major facilitas acquiritur. Hinc cupiditas plus plusque minuitur & superatur. Verum ista ad Theologos, quæ in nostra sententia non minus cominode explicantur, quam si additionem illam novâ entitatis admittamus. Actus enim voluntatis aut naturales, aut infusi non sunt citra cognitionem, quæ ex repetitis actibus augetur & roboratur: species divinitus impressæ sanctas cogitationes efficiunt, quas voluntatis affectus aut propensiones consequuntur: ac voluntas etiam certa quadam ratione divinitus afficitur, & movetur.

Secunda Conclusio.

Habitus intellectuales augmentur cum phantasmata in ipsa imaginatione, aut impressa ab objectis in cerebro vestigia clariora sunt, distinctiora, melius disposita; cum spiritus libere commeant, agiles sunt, & cerebri substantiae attemperati; cum denique acrem adhibemus attentionem, & cætera

adsum tum ex parte intellectus, tum ex parte organi, ac potissimum usus & exercitatio.

Hæc conclusio cum ex his quæ in hac disputatione de natura habituum diximus, tum etiam ex iis quæ in Logica sunt demonstrata, facile colligitur. Illud enim identidem monuimus eam esse legem ab Authore naturæ inter corpus & mentem, constitutam, ut certos corporis motus quædam perceptiones consequantur, ac vicissim. Nam omnis fere perceptionis initium ab affectione in sensu organo impressâ dicitur. Est autem sensus cum motu fibratum, quæ substantiam cerebri pertexunt, ita conjunctus, ut magnus fibrarum motus sensum vegetum, languidior motus sensum debiliorem efficiat. Quæ autem sensus attingit, eadem mens statim cognoscit; quæ confuse & imperfekte sensum afficiunt, eadem mens confusa quoque cognitione percipit: quæ distincte & validius sensum interiorum commovent, hæc mens distincte magis & clare percipit.

Sed tamen inter sensum & mentem hoc videretur esse discriminis, quod sensus ab ipsa affectione organi, quam alii speciem vocant, affectio vero ab objecto determinetur; nec possit ullo modo sensus ab ipsa affectione organi confusa ad distinctam progredi: mens vero hanc habet prærogativam, ut ex confusa perceptione ad claram & distinctam sese moveat, tumque distincta in organo imaginationis vestigia, aut phantasmata imprimat. Nam mentis & sensus individuæ sunt functiones. Ex quibus efficitur habitus pene omnes in organo imaginationis potissimum inesse: sed usum eorum ad mentem pertinere. Nam à confuso sensu mens in confusam primum, tum in distinctam rei cognitionem dicitur: ex qua major in cerebro motus, & fortior rei imaginatio subinde oritur. Unde & facilius ratiocinatur qui plura rerum simulacra, aut phantasmata cerebro habet impressa: citius enim inventit quod querit; plura confuse cognoscit, ex quibus distinctam adipisci cognitionem facilius potest.

Solvuntur objectiones.

Opp. 1. Habitū sunt in ea facultate, cui facilitatem præbent, & augent per actus illius facultatis repetitos: ergo habitus intellectuales intenduntur per actus intellectus, quibus species altius in mente ipsa imprimuntur, non per clariora aut distinctiora phantasmata, quæ sunt extra intellectum posita.

Resp. Neg. ant. Nam prudentia quæ voluntatem regit, & artes omnes vulgo in ipso intellectu collocantur: tametsi vires subjectas perficiunt. Itaque cum vires ita sunt inter se connexæ, ut simul eas agere necesse sit, (ut mens cum imaginatrice est conjuncta,) habitum præcipue in altera ex iis potentissimis inesse satis fuerit. Cum enim cerebri vestigia sunt distincta, non confusa; si mens ad ea diligentius attendat, distinctas perceptiones formabit, ex quibus & clara judicia efficientur: tum enim recte judicamus, cum res ipsas distincte percipimus, & unius rei ad alteram habitudinem perspectam habemus & exploratam: quod utique non per sola phantasmata, sed forte per lucem ipsius veritatis consequimur eo modo quo suo loco exposuimus. Neque id negamus mentem humanam per habitus intellectuales certa ra-

tione affici; sed eam affectionem esse quandam entitatem ab animo distinctam, non facile concedimus: tametsi in hoc quoque nimium pertinaces esse nolumus.

Opp. 2. Multa intelligimus, quæ in imaginationem non cadunt: ergo dum eorum reminiscimur, non vestigia solum cerebro impressa, sed species aut impressas, aut expresas, seu ex iteratis perceptionibus superstites consulimus: quæ quo plures fuerint, & altius menti infixæ, hoc utique habitus major, cum extensio, cum intensione futurus est: adeo ut nihil necessè sit ad phantasmata confugere.

Rep. Neg. conf. Nam ita vis imaginatrix cum intellectu cohæret, ut una feriari non possit, dum altera occupatur. Sic alibi diximus vocibus & signis omnibus certas ideas nos alligare, quæ ex lege ab Authore naturæ inter corpus & animam sanctam simul cum opus est, sece intellectui sustent: adeo ut mens ita phantasie sit illigata, ut seorsum agere vix possit. Sed tamen ita est sui juris, ut eas reposeat species, quæ ipsi opus sunt, & alias quæ sèpe intercurrunt, amoveat, agitationem spirituum & fluxum coèrceat; imaginacionem alio excurrentem revocet, & jubeat phantasiam eo ordine, quo opus est, imaginari; species pene obliteratas, & alte sepultas ratiocinatione quædam, & per eas quibus cohærent, eruit, dum imperat phantasie, ut eas sequatur specierum series, quæ cum re quæsita connectuntur, & quasi gradatim ad illius recordationem nos ducunt: quod proprie est reminisci. Quare habitus illi aut species ad mentem pertinent: quanvis forte in sola phantasia insint superstites: quod mens iis utatur, cum libuerit, & phantasiam ad arbitrium regat. Quæ enim sunt in cerebro impressa, ea contuctur.

Tertia Conclusio..

Habitus augentur per actus repetitos, etiam si iij sint remissiores.

Prob. concl. Habitus est facilitas quædam, quæ usu & exercitatione acquiritur: sed facilitas illa crescit ex actibus repetitis, etiam si minore contentione fiant: quod fibras cerebri quasi dociliores, & magis plicatiles efficiant; motum spirituum in certas partes determinent; vestigia cerebro impressa foveant; impedimenta & obices in lingua, manu, & in aliis organis tollant. Sic pueri multa discunt, licet ii nullam fere attentionem adhibeant.

Quod si habitus qualitates esse quasdam physicas, quæ facultatibus succrescerent, statueremus, forte major nos maneret difficultas in explicandis eorum augmentis: sed cum ii nobis non aliud pene videantur esse quam vestigia cerebro impressa, & spirituum in certas partes fluxus, cum remotione eorum quæ obstante possunt, non video cur actus identidem repetiti etiam remissiores habitum intensorem efficere non possint: uti & rota per crebras revolutiones sic teritur, & levigatur, ut majore facilitate moveatur.

Sed, *inquiunt*, omne agens fortius esse debet eo in quod agit: ergo actus remissior non potest habitum augere.

Resp. 1. *negari possa antecedens.* Non enim agens omne resistentiam offendit in subiecto in quod vim suam exerit , uti de lumine manifestum est.

Resp. 2. minorem esse resistentiam , quo major est habitus : unde actus repetiti licet debiliores,maxime si diu perseverent , habitum ipsum fovent , & roborant ; ut experientia liquet in iis qui fidibus sciunt : nam etiam si non attendat animum , majorem in dies facilitatem acquirunt.

Quarta Conclusio.

Habitus minuantur & corrumptuntur ob causas iis contrarias quibus aegeri , aut procreari solent.

Prob. & explicatur *concl.* Habitus generantur , cum distincta in cerebro vestigia inuruntur ; cum spirituum motus tum in cerebro , tum in nervis & musculis prompte & expedite perficitur ; cum musculi usu flectuntur , certa ratione modificantur ; eaque omnia exercitatione firmantur : ergo tum corrumptuntur aut minuantur habitus , cum cerebri vestigia oblitterantur , aut confunduntur , aut eorum series perturbatur : cum spiritus alio divertunt ; iisque sunt aut crassiores , aut hebetiores , aut parciores ; cum peregrini humores cerebri meatus occludunt , cum exercitationis defectu musculi torpent.

Sed , *inquietus* , habitus acquisiti , si qui sint in intellectu , nullo ex iis modo corrumpi possunt. Nam subiectum non corrumpitur ; non deest influxus causa conservantis , cum à Deo solo conservari possint ; restat ergo ut à contrariis tantum habitibus destruantur. Sed quid contrarium esse potest speciei impressae , aut expressae ? judicia quidem judiciis adversantur , error veritati : sed nihil simplici perceptioni opponitur.

Resp. hoc quidem argumento jam pene à nobis superius esse confectum , habitus acquisitos in mente nostra , ut in subiecto non inesse , eo saltem modo quo vulgo existimant : cum nulla ratione , nullo experimento probari possit species in mente superesse , quando ex in parte sentiente , seu in ipsa imaginatione penitus sunt delætae.

Si quis tamen pertendat rerum saltem intelligibilium imagines & habitus in ipso intellectu remanere : cum actionum nostrorum , affectionum , & cogitationum meminerimus , quarum nulla sunt phantasina : hic respondere argumento proposito utcumque poterit , manere habitus eorum que oblivione penitus sepulta sunt , quoad eorum essentiam , non quoad usum & exercitium . Cum autem vix animo consequi possimus , quā maneat in mente rerum imagines impressæ , eique semper insint præsentes , tametsi eas non percipit ; ac multæ & pene ineluctabiles difficultates ex iis speciebus emergant , quas suo loco prosequimur , tutius forte & facilius fuerit rerum sensibilium imagines , aut vestigia in cerebro inusta concipere , cum quibus juncte sunt mentis perceptions , eo quo sepius diximus modo . Sequitur ut morales habitus explicemus .

DISPUTATIO IV.

De virtutibus & vitiis generatim.

DE virtutibus & vitiis cum universim tum sigillatim dicendum. Ac de virtute quidem primū quid ea sit ; tum quæ illius causæ ; deinde quæ illius proprietates ; postremo quæ illius sint partes , aut species , paulo diligenter inquiremus.

QUÆSTIO PRIMA.

In quo posita sit virtutis natura.

PLures circumferuntur hujus vocis acceptiones , quas libenter omittimus , quòd ad nostrum non pertineant institutum. Hoc enim loco nec vim naturalē , aut facultatem congenitam , nec bellicam fortitudinem , nec quamlibet perfectionem , sed eam quæ studio & exercitatione comparatur , quæque , ut Aristoteles definit , *bonum facit habentem , & opus ejus bonum reddit* , hoc nomine intelligimus.

1. Tria sunt in animo , ut optime idem Aristoteles observat , facultates , habitus , & affectiones. Facultas est à naturâ insita , ut vis irascendi ; affectiones sunt actiones ipsæ , ut irascendi , aut amandi : habitus verò ii dicuntur , quibus circa affectiones bene aut male sumus comparati. Sic invidi & malevoli , & timidi dicuntur , qui proclives sunt ad eas perturbationes : non quia semper in eas feruntur , sed quia sèpe. Illa igitur facilitas ad bonum , aut proclivitas ad malum , si aſu & exercitatione sit acquisita , virtus dicitur , aut vitiositas.

Hinc virtus satis apte à M. Tullio describitur , *affectionis animi constans convenientisque , laudabiles efficiens eos in quibus est . Ex virtute enim , inquit , proficiuntur honestæ voluntates , sententiae , actiones , omnisque recta ratio : quamquam ipsa virtus brevissime recta ratio dici potest.*

2. Ex iis liquet aut virtutem omnem prudentiâ contineri , ut visum est Socrati , aut certe cum prudentiâ esse conjunctam , ut Aristoteles ipse declarat. Tametsi enim prudentia inter virtutes intellectuales , quæ scilicet rationem perficiunt , & ad verum spectant , numeratur : ea tamen sic ad virtutes morales pertinet , quæ scilicet appetitum perficiunt , & in bonum tendunt , ut prudentiâ destituta virtutes dici non possint. Unde virtus moralis ab Aristotele definitur , *habitus electivus in ea mediocritate , quæ est ad nos , consistens , à ratione definita , prout vir prudens definierit.*

Dicitur habitus , quòd sit constans , & bene agendo confirmetur : nam qui ex virtute agit , non temere , non desultorie , non similate , non casu & fortuitò: sed consilio & constanter , & sponte agit. Est etiam habitus electivus : atque in hoc ab iis qui intellectuales dicuntur , & ab aliis , si qui sint , virtus moralis se Jungitur : ad eam enim spectat , ut voluntarie , libere , & ex electione operemur. Quod addit de mediocritate quoad nos , quæque à prudentia definitur , infra fulū explicabitur. Interim admonenus duplex in materia virtuti subiecta medium ab eodem Philosopho assignari : unum rei , quod ab extremis æqualiter distat , idque vocat Arithmeticum ; ut Geometricum illud est , quod à ratione prescribitur : nempe quo tempore , & quibus in rebus oportet;

idque maxime in affectionibus animi : ut timere , irasci , cupere , ubi & quantum opus est. Atque hoc præcipuum est virtutis opus , adhibere hanc mediocritatem à ratione definitam.

3. Huc etiam pertinet virtutis definitio , quam Plato affert lib. 4. de repub. Quod nimur sit animi sanitas , pulchritudo & robur. *Vt* virtutum morbus est animi , turpitudo & imbecillitas. Nam id proprium est virtutis moralis , ut hominem reddat bonum , ejus animum exornet , actiones perficiat , atque ad finem idoneum dirigat. Unde ea est sanitas , decor , & robur animi. Nam ut optima est corporis temperatio , cùm ea congruant inter se , ex quibus constamus : sic , inquit Cicerio , sanitas animi dicitur , cum ejus judicia & opiniones concordant : Et ut corporis est quedam apta figura membrorum cum coloris quadam suavitate , eaque dicitur pulchritudo : sic in anima opinionum judiciorumque æquabilitas & constantia cum firmitate quadam & stabilitate virtutem subsequens , aut virtutis vim ipsam continens , pulchritudo vocatur. Itaque viribus corporis & nervis , & efficacitati similes similibus quoque verbis animi vires nominantur.

Hinc ab Augustino l. de quantitate animæ virtus describitur *equalitas quadam vita rationi undique consentientis*. *Cujus enim* , inquit , *vita per omnia congruit veritati* . *is est profecto qui solus , vel certe maxime , qui bene , atque honeste vivit*. Unde & illud Horatii laudat , ubi de sapiente agit ,

Fortis & in seipso totus teres , atque rotundus.

Lib. 2. de lib. arb. Postremo solennis est virtutis definitio , quæ à Sancto Augustino affertur: quam ea proprie est infusa virtutis explicatio. *Est* , inquit , *bona qualitas mentis , qua recte vivitur , & qua nullus male utitur , & quam Deus in nobis sine nobis operatur*. Quod si hæc ultima verba detraxeris , hæc definitio , ut observar S. Th. virtutes acquisitas complectetur.

Verum hæc magna inter S. Thomæ & Scotti discipulos orta est quæstio , an virtute quis abuti possit. Thomistæ enim contendunt virtutem esse habitum essentialiter bonum , qui ex bono fieri malus nunquam potest : adeo ut divisionem habituum moralium in bonos & malos sit generis in suas species : ut numeri in parem & imparem ; animalis in rationale & irrationale ; atque ut numerus par fieri impar nequit , ita nec virtus in virtutem mutari. Contra Scottus , qui que eum sequuntur , hanc divisionem esse subjecti in accidentia , ut corporis in album & nigrum ; atque adeo posse eundem habitum ex bono in malum degenerate putant. Nos distinctionem adhibendam esse arbitramur. Sit itaque ,

Vnica Conclusio.

Virtus est habitus essentialiter bonus , quo nemo per se abuti potest , sed tantum ex accidenti.

Prob. & explicatur prima pars conclusionis. Habitum per se & ex natura sua inclinat ad actus similes , quibus fuit comparatus : sed virtus per actus bonos & scipiis reperitos fuit acquisita : ergo ex natura sua ad bonos actus tendit : nam & bonum reddit habentem , & actiones ejus bonas efficit.

Confirm. Virtus omnis ex natura sua nimitur in honestum , quatenus honestum est : hoc enim illi est essentiale : ergo virtus omnis est essentialiter bona , nec mala fieri ullo modo potest. Est enim illius objectum bonum , quod speciem

tribuit habitui ; finis quoque est bonus, qui per se mutari non potest, aut in finem oppositum degenerare. Nam ut habitus discursivus ex certis principiis ducitur, sic electivus ex certo fine , tanquam ex principio ad media progreditur: ergo ut habitus discursivus non potest nos determinare ad assentiendum conclusioni, per principia iis opposita , à quibus genitus fuit : sic habitus electivus per se ad electionem mediorum propter finem ei oppositum, ex quo profluxit, voluntatem ipsam non potest inclinare.

Pars autem secunda conclusionis probatur : virtute enim quis per accidens abuti potest , non solum tanquam objecto , ut Pharisaeus in Evangelio , sed etiam tanquam principio. Ea quippe constat ex certa ratione , quæ mediocritatem constituit , quaque nemo abuti potest , & ex facilitate , quæ usu comparatur. Hæc utique in pravum finem potest detorqueri. Nam ut Ethnicus qui habitum temperantiae cùm idolis serviret , acquisivit , si Christianus fiat , potest eam facilitatem in bonum usum convertere ; sic è diverso , si quis dum esset Christianus , virtutes coluit , factus Apostata facilè hos habitus antè laudabiles in vanam superstitionem perverteret. Simili ratione cum quis antè opulentus fuit liberalis , si facultates amittat , & adhuc quod supereft largius velit effundere , qui prior fuit habitus laudabilis , vitio vertetur , idque per accidentem.

Solvuntur objectiones.

Opp. Possimus male uti iis omnibus quæ subduntur voluntatis imperio , ut organis corporis , disciplinis , artibus : sed virtus est habitus qui subest voluntatis imperio : ergo virtute male uti possimus , neque ea est habitus essentialiter bonus.

Reff. 1. Nos eo omni quod subditur voluntati , male uti posse tanquam occasione vel objecto , C. tanquam principio actus , N. potest enim quis superbit , aut gloriari de virtute : sed non ager ex virtute.

Reff. 2. Nos male uti posse ea facilitate , quæ iteratis actibus comparatur , quæque ab aliis habitus imperatus vulgo nominatur , C. recta ratione , quæ est potior pars virtutis , aut habitus imperans , N. Artes verò & disciplinae , cum neque nos , neque actiones nostras efficiant bonas simpliciter , sed secundum quid , non mirum est , si iis male uti possimus. At verò ut nemo sic abuti scientiâ potest , ut scientia ipsa inducat in errorem : sic nec virtus Moralis ad actus pravos inclinare potest.

Oppon. Finis operantis , imo & circumstantia non sunt essentiales actui vel habitui ; sed accidentaria : ergo idem habitus & finem & circumstantias mutare potest , atque ex bono fieri malus , eoque male uti possimus.

R. Diff. ant. Finis & circumstantia non sunt essentiales illi habitus parti quæ est facilitas acquisita , C. non sunt essentiales rectæ rationi , quæ circa honestatem versatur , & mediocritatem virtuti essentiali determinat , quæque est virtutis velut anima & pars illius potissima , N. Quare ut habitus virtutis circa objectum bonum essentialiter versatur , ita & circa finem honestum. Utrumque enim ad illius naturam pertinet.

Infr. Finis honestus est aliquid virtuti extrinsecum : ergo virtus ratione finis non est habitus essentialiter bonus.

Reſp. Finem honestum ita esse virtuti extrinſecum, ut ordo ad finem honestum, & ad bonum obiectum sit illi omnino essentialis.

Opp. 3. Habitus electivus ita voluntatis imperio ſubeft, ut sit indifferens: ſed virtus eft habitus electivus, & tanquam voluntatis instrumentum, quo utitur, cum liber, & quomodo vult: ergo habitus ille eft indifferens ut bonus ſit, vel malus: quemadmodum & voluntas ipſa, ad quam ille habitus pertinet, cuique virtus libertatem adimere non potest.

R. Diff. maj. Habitus electivus eft indifferens ad agendum, vel non agendum, ſeu indifferentiā exercitii, C. indifferentiā ad bonum & malum, ſeu quoad ſpeciem, N. Eft etiam virtus instrumentum quoddam voluntatis, ſed determinatum ad bene agendum, adeo ut ad malum neceſſi nullo modo poſſit. Eft enim virtus ad bonum determinata, ut Scientia ad veritatem: & quamvis ea per actus liberos acquiratur, tamen ubi jam eft acquifita, non poſteſt ad pravum uſum converti.

Oppon. ultimò. Si aliquis dum Christianus eſſet, habitum iuſtitiae vel temperantiae acquisierit, adeo ut ſit iudex optimus, aut temperans: iſ factus apostata utrumque habitum & temperantiae & iuſtitiae, imo & fortitudinis retinere poſteſt: ita ut ſit vir frugi, & iudex factus ſuum cuique reddat.

Reſp. Manere habitum iuſtitiae ſumptum pro facilitate acquisita, non vero eum manere quatenus eft recta ratiō, quæque ad bonum finem ſemper dirigitur, aut quatenus ex honesto motivo operatur.

Sed instant acruis. Ut facilitas quædam in appetitu ſentiente remaneat, qua facile & expedite actus temperantiae factus apostata exercere poſteſt; cum ius cuique ſuum reddit, nulli in appetitu ſentiente facilitas, nullus habitus famulans, ut loquuntur, remanet: cum iuſtitia tota ſit in parte intellectuali.

Reſp. in intellectu manere ſcientiam iuſti & æqui, ac nullum ex parte iuſtitiae eſſe obicem, nullum impedimentum: unde nihil mirum eſſe ſi actum iuſtitiae exerat, non qui ab habitu iuſtitiae oriatur, ſed qui non eft iuſtus, & cui nihil deſit praeter ordinem ab bonum finem.

QUÆSTIO II.

De causis virtutum..

QUæ ſit cauſa formalis, ſeu definitio virtutis, jam dictum eſt. Ne illud quidem ignotare poſſimus, quis ſit virtutum finis, actiones nimium bona, que nos aptos & habiles praeftant. Quare effectricem duntaxat & materialem virtutum-cauſam indagare nobis incumbit. Per actus repetitos virtutem digni, ut ceteros habitus, ſatis conſtit: id tamen merito inquirimus, an virtutes à natura ſint congenitæ, an potius uſu & doctriñā acquirantur. Sit itaque

Prima Conclusio.

Virtutem Moralementuſ natura inchoat, doctriña & uſu perficiunt.

Quod virtus non ſit qualitas nobis inſita, multis rationibus probat Aristoteles. Nam iis que ſunt contra naturam, minquam affuſcimus: ſed vitis plenarumque & facilius quam virtutibus inſuſcimus. Addit illud quoque quod at-tes

tes omnes & disciplinæ studio & exercitatione comparentur : ergo & virtutes.

Fatendum tamen est virtutem à natura inchoari : cum quædam virtutum semina, & velut igniculus Author naturæ nobis inseuerit, quæ doctrina, studio, industria, parentum institutione, exemplis & bonis legibus promoventur, & quasi adolecent : sed usu & exercitatione perficiuntur. Nam unius est Dei virtutes in nobis sine nobis operari. Sed Morales quæ sunt virtutes, doctrina potissimum, recto rationis usu, & exercitatione comparantur. Magna quidem est vis naturæ, & temperamenti : sed consuetudine plerumque & doctrinâ aut corrigitur, aut depravatur. Id etiam lepe usu venit, ut qui in quosdam affectus sunt à natura proclives, ex habitu & consuetudine in contrarios affectus propendant. Unde & mores dicuntur propensiones à natura ingenitæ, quas habitus ipsi confirmant.

Ac scite quidem observat Fr. Baco sepe naturam occultari, interdum vinci, raro extingui. Nam vis naturam efficit majore impetu præcipitem, cum recurrit : doctrina motus illius minus importunos reddit, sed non tollit ; sola consuetudo naturam immutat & subigit. Ubi natura magis præceps & turbulentæ est, primùm ad tempus sisti debet ; tum paulatim domanda ; interim in contrariam partem flecta est, quo recta efficiatur ; dummodo extrémum illud alterum vitiosum non sit. Nec continuo iuxu, sed intermissio habitus est comparandus : nam intermissio-impetum auget.

Id quoque recte admonet, cujusque hominis cogitationes fere cum illius naturali inclinatione convenire : ut sermones doctrinam, & opiniones quibus imbutus est, referunt, sed facta antiquum obtinent. Est enim mos velut summus humanæ vite moderator : & quidem tum validissima est consuetudo, cum à pueritia incipit, tumque educatio nominatur. Sed ubi consuetudo in collegium, aut in societatem coacta est, illius vires mirum in modum augentur : tum enim exemplum, societas, amulatio, gloria ipsa stimulos & vires addunt. Spartæ pueri, ut refert Cicero, ad aram sic verberibus excipiebantur, ut multis è viscib' sanguis exiret, nonnunquam etiam ad necem : quorum nemo exclamavit unquam : sed ne ingemuit quidem. Itaque consuetudo, exercitatio, pudor, amor gloria & honestatis plurimum possunt ad habitus comparandos & stabiliendum rationis imperium.

Hinc tanta est vis pravorum habituum, ut tanquam vincula aut catenæ vix disrumpi possint. *Ligabar*, inquit Aug. l. 8. Conf. c. 5. *non ferro alieno, sed mea ferrea voluntate*. Et Sapiens Prov. 5. *Iniquitates sua capiunt ipsum, & funibus peccatorum suorum constringitur*.

Opp. Virtutes sunt quædam propensiones ad bonum, sed il'æ inclinations multis sunt naturales. Hinc Job. 3. dicitur, *ab infantia mea mecum crevit miserationis* ; ergo virtutes sunt nobis insitæ, non adventitiae qualitates.

R. Diff. maj. Illæ inclinations sunt à natura inchoatae, C. absolutæ & perfectæ, N. Nam doctrina & exercitatione perficiuntur.

Nunc de subjecto virtutum dicendum est : de quo magna est inter Philosophos contentio. Plerique tamen omnes fatentur prudentiam esse in intellectu, justitiam in voluntate : cum utriusque objectum non sit quiddam sensibile. S. Thomas fortitudinem in appetitu irascibili, temperantiam in concupisibili

constituit. Nominales in voluntate & sentiente appetitu fortitudinem ex aequo reponunt: Scotus eas potissimum in voluntate, minus præcipue in appetitu animali collocat. Nobis qui voluntatem & intellectum neque ab anima, neque inter se se Jungimus, inutilis pene videtur controversia: quod si tamen una ex iis tenenda est, in Scotti sententia acquiescimus. Sit igitur

Secunda Conclusio.

Virtutes in parte anime rationali præcipue inherenter, in parte animali aut sentiente minus proprie dæ virtutes insunt.

Prob. Concl. Quod præcipuum est in virtute, est recta ratio, seu prudentia & ordo ad bonum & honestum finem: sed ea est in parte hominis rationali: quamvis facilitas usu comparata ad vim sentientem, imo ad corpus quodammodo pertineat.

Confir. Proprium & formale virtutis objectum est honestum, quatenus honestum est: sed illud non pertinet ad appetitum sentientem, cum non sit sensibile: ergo virtus ad rationem & voluntatem maxime pertinet, non ad sentientem appetitum.

Confir. iterum ratione qua ipse D. Thomas utitur: cum due sunt facultates quarum movet una, movet altera, tum habitus princeps ad vim illam quæ movet, potiore jure pertinet. Atqui duo appetitus rationalis & animalis ita se habent, ut rationalis, seu voluntas moveat appetitum sentientem, imperio quidem non despoticō, cui obsisti non possit, sed politico: ergo facilitas quædam in sentiente appetitu requiritur, quæ usu comparetur: sed habitus princeps erit in voluntate, seu in mente ipsa, ut recta ratione utitur. Non aliter atque ars equestris in equite, non in ipso equo inest, qui freno quidem indiget ut regi possit, sed habens tenet eques: sic facilitas quædam & velut docilitas usu & exercitatione in appetitu sentiente acquiritur, sed imperium penes voluntatem manet.

Dihuntur objectiones.

Quæ in contrarium opponunt, facilius solventur, si id observetur, temperantiam & fortitudinem circa affectus animi, tanquam circa suum objectum versari, sed eas in sentiente appetitu ut in subiecto non esse, nisi forte famulante virtuti facilitatem, & quasi habilitatem nomine virtutis aut habitus intelligamus. Cum itaque

Opp. 1. Voluntas quæ est spiritualis, nullam patitur difficultatem circa materiam fortitudinis & temperantiarum, ut nec voluntas Angeli, aut voluntas animæ separata: ergo virtus non in ipsa voluntate, sed in appetitu sentiente est collocanda: uti nec frenum equiti, sed equo imponitur.

R. Neg. anter. Non enim voluntas, vel anima, ut à corpore separata, sed cum eo conjuncta spectri debet; tumque ad eam pertinet appetitus sentientis cura & moderatio. Est enim voluntas universalis appetitus: unde non sibi quidem sed suppositi in quo est, interitum exhorescit, ac modum cupiditatibus imponit: & quamvis ea non sit re ipsa, est tamen affectu corporea, eaque

bonum corporis naturali quadam propensione affectat. Atqui ut voluntas fratre no instar equi non coérceatur, saltēt habens tenet quibus ferocientem appetitum regat: neque id citra difficultatem efficit. Quare ut frenum equo, habentē equiti committuntur, sic aī peritus sentiens facilitate quadam acquisita eget. Sed ea est instar frāni, mens regit appetitum sentientem, quā sola agit ex motivo honesto, quod est proprium illius objectum.

Inflant. Præcipua difficultas est in appetitu sentiente: ergo is ipse, non voluntas habitu instrui, & ab eo determinari debet: præscriptum cum habitus in ea sit facultate quam regit & perficit.

Resp. Quidquid sit de antecedente, dī. *conseq.* Habitus pro facilitate acquisita sumptus, C. pro recta ratione, aut constanti voluntate illius perficiendi, quod faciendum recta ratio judicavit, N. Nam voluntas illa constans & firma est pars virtutis præcipua, eaque suas habet difficultates circa materiam temperantiae & fortitudinis: Sic tamen ut bonum rationis, & quod homini convenit, seu honestum ubique se ēetur. Deinde anima ipsa aut pars illius rationalis suas patitur difficultates etiam circa bonum sensibile, quatenus id bonum ad ipsum hominem pertinet; non sibi quidem metuit, sed homini.

Opp. 2. Facilitas illa, quae usū acquiritur, quæque est in appetitu sentiente, est virtus ipsa, cum bonum faciat habentem, & opus ejus bonum reddat: ergo virtus est in appetitu sentiente. Præsertim cum hic suos actus exercere possit conformes rectæ rationi, que est mediocritas à virtute acquisita, & ipsa honestatis ratio.

R. Dist. antec. Est virtus ipsa quoad partem illius minus præcipuam & rectæ rationi famulantem, C. quoad partem habitus principem, quæ cligit, & honestatem querit, N. Hæc enim in suprema anima parte collocatur.

Quod autem probationis loco afferunt, hanc facilitatem virtutis habere rationem, quod bonum faciat, qui ea præditus est, distinguendum est; bonitatem præstat extrinsecam, C. intrinsecam, quæque ad animam proprie pertinet, N. Nam bonus est homo, cùm recta ratione utitur, & constantem habet voluntatem id perficiendi, quod recta ratio præscriperit: cum autem accesserit laudabilis operatio corporis: ut cùm irā placata inimico succurrimus, tum exterior bonitas interior supervenit, & bona cogitatio extorsum se prodit. Deinde appetitus sentiens actus potest exercere rectæ rationi convenientes: sed illa conformitas cum ratione non est motivum appetitus sentientis.

Opp. 3. Actus temperantiae & fortitudinis sunt actus appetitus sentientis: ergo temperantia & fortitudo sunt in appetitu sentiente: nam ibi est virtus, ubi illius actiones sese ostendunt.

R. Dist. ant. Actus imperati à temperantia & fortitudine sunt in appetitu sentiente, C. actus imperantes & eliciti, N. Nam ut illi actus liberi sunt & voluntarii, quatenus à voluntate imperantur, ita & actus virtutum dici possunt, quod à virtute proficiuntur, que immediate & proxime voluntatem, & ea mediante appetitum regit. Unde nihil necesse est virtutem esse in appetitu sentiente: non enim est in ea facultate, quam proxime non regit.

Infl. Ibi est virtus, ubi est illius effectus primarius; sed virtutis moralis effectus primarius & immediatus est perturbationum moderatio, quæ est in appetitu sentiente: Ergo virtus moralis est in appetitu sentiente. Hic enim agit

ex virtute, cum virtute personali, seu mortis non insuperior; cum virtute voluntaria cum virtute non mortale.

R. Dicitur. Idem primum virtutem moralis est per se uniuersitatem modera-
tum, aliata, C. passiva, &c. sed enim pars rationis regere appetitum; al-
iquae haec processio est a bono motu, cuius moturum est bonum honestum. Unde
virtus moralis ad appetitum uoluntariam proprie tem non pertinet, neque illius
efficiens primum est in appetitu honestitate: ut uoluntatis non est in honestate
magis tam, non tam est in honestate quia plenaria appetitus in honestate que ostendit
difficiliter, ex mortali honestate supererat non potest.

Opp. 4. Huiusmodi intellectus non solum in aperte contradicet, sed in transig-
natur, aut potius sicut organo: ergo habent morales non in voluntate,
sed in anima, sed in organo appetitus voluntatis operantur. Nam et intellectus
natura uoluntatis acquisitione facultate, quod in ea appetitus concipiatur, nec quae-
quam in mortali honestate, non organum corporis de phantasmatibus; nec nec vol-
untas facilius acquisita ergo: non sit ipsius ei, & invenientur ad bonum
habent congetturali ratione difficultas ex corpore profectionem.

Presp. In natura, excedentem rationem, sive spissas, oportet, facilitatem
acquisitionis, & idem anima, seu applicacionem. Hanc facilitatem in organo
imaginacionis, & organo phantasmatum ferre possum est, ut probabimus
quoddam hunc non per se expetatum effectum: tunc anima, regente, applica-
tionem hanc eum ad mortalem pertinere esse creamus. Sic in virtute morali
non sunt, sed sunt judicium rationis, & exercitatio, vel uini ex rectis ratio-
nibus, & ex seipso operante. Itaque modicula regendi expectatione a corpore & ab
appetitu voluntario mortali pertinet: tunc ratione iudicium mentis est proprium,
et quae voluntatis a ratione, hoc est animo, dependit.

QUESTIO III.

Principia virtutum effectiones explicantur.

Prima pars virtutum effectiones, de quib[us] cor uolent fieri, sunt virtus
cum uolentia, modicula, & certa cum uolentia opposita: de hisq[ue]la bre-
viter agemus, ut proxima de virtutum consideremus.

Ius uolentia, velgo fieri, virtutem qualitatem est certo honestorum generi
propria: cui generi est prosperitas evenerunt, aut uirginitas in religione,
et uolentia fieri ex parte ipsius, alias illae virtutibus ex causa uita generi
est ex parte ipsius. Iustitia prudenter, pietas, fortitudo & temperantia: de quel-
libet primum quatuor, utrum ea sunt conseruare uiri: de conjugante, ne
utrum ex libido, qui prius habebit.

2. Id quod ex adversitate, & implacatione: de virtutem frustis, prius est in-
columis, quod ex afflictione conseruare dicitur: cum quo effectionem flu-
ent, & ex parte ipsius, ut uincere minus viriliter adversari: ut processus frustis
possit: ut frustis hi uincat suorum. Secundum est probitoribus, qui ex tempe-
rante & fortitudine: ut uincere quam frustis est de conseruare ex parte conseruantes pri-
mogenitum ex parte. Tertius dicitur heteroculus, cum ex libido: sedib[us], aut

ita frāctis , ut virtutem comnovere non possint , omnia ex virtute sunt . Illud pene inter omnes constat , virtutes in statu conuenientia & infirmitatis non esse omnino inter se devincent : sed quicquid in hoc verius , utrum virtutem saltem pricipiū & communes in statu heroico , uno & in medio temperantia statu ita sint inter se colligatae , ut una sine altera esse non possit , ut videtur Sancto Thomae , negante Scoto . Sit igitur

Prima Conclusio.

Virtutes in statu temperantia & heroico sunt inter se connexae .

Prob. Ratione quam afferit vetustissimus Aristoteles interpres Alexander Aphrodiseus . Fieri non potest ut justitia habeat , cui esset virtutem defensum : nam si intemperantia fuerit , iuste agere definiet , ubi aliquia voluptas cum illexerit ; si timor , cum periculum immunebit , & ita de reliquis virtutibus , quæ obices & impedimenta amovere debent , quibus animus a be- ne agendo , seu directe , seu indirecte deterratur . Virtus quippe nulla constans & firma esse potest , nisi omnia quæ obstat possum , impedimenta revellatur : sed id fieri nequit circa aliarum virtutum consuetum .

Satisfactio objectionibus.

Quod facilius quæ contra opponi solent dissolvantur , id unum adverte , virtutes alias aliis esse subficiuntur , ut constantes sint & firmæ , atque obices omnes removeantur ; idque hinc otium maxime , quod circa perturbationes regendas versentur , quod sepe mutuo foveantur : cum aliis ex aliis oriantur . Itaque cum

Opp. 1. Virtutes metunt , scientiam v. gr. & artem non ita esse inter se connexas , quoniam una sine altera habentur possit .

Resp. Disparum est rationem , quod materia virtutum moralium cum alterius virtutis materia sit conjuncta , ut si una virtus deficit , altera perfecta esse non possit : scientia autem materia , aut objectum ab artis aliquipne objecto non pender . Sed perturbationes animæ nisi intra suos fines coerceantur , virtutis , v. gr. justitiae functiones impeditur possunt ; ac iudex plerumque peccatum formidine , aut avaritia , defecit officio suo . Quare defectio unam virtutem moralim sepe in causa est , cur alterius virtutum operationes exercit non possint . Non ita tamen se habet in illis virtutibus quæ intellectuales dicuntur .

Contra , inquit , virtus non sicut inter se connexa : ergo nec virtutem .

Resp. Neg. cons. Virtus enim plerumque sepe mutuo deficiuntur , non item virtutes .

Opp. 2. Index ex solo iustitiae amore , atque ut loquantur , ex motu equitatus omnes difficultates , aut obices amoliri potest : ergo non indiget aliarum virtutum consuetum .

Resp. Tum iustitiae amorem aut motu equitatus alii virtus ibi tanquam medium ducunt , quo difficultates ex aliena materia circa superentur . Quia enim nullo metu ab equitate dimoventur , hinc fortinatio non dicitur .

Contra , inquit , index illa fortinatio metus omnes contentat ob principia

audaciam ac temeritatem, aut alium affectum animi qui longe aberit à fortitudine : ergo nihil necesse est ut justitia sit semper cum fortitudine conjuncta.

R. Neg. cons. Qui enim ex temeritate, aut ex alio affectu à justitiae præscriptione non recedit, is non constanter, ut perfectæ virtutis ratio posculat, & prudenter, & moderate agit. Atque eadem temeritas, aut alia animi perturbatione interdum efficiet, ut justitiam ipsum deserat.

Opp. 3. Virtutes sunt inter se distinctæ : ergo una potest sine altera consistere, eti m in statu perfecto : nam quæ inter se distinguuntur, possunt à se invicem separari.

Reff. Neg. conseq. Nam in prudentia, seu in recta ratione omnino sunt conjunctæ : licet penes materiam iis subjectam distinguantur : sed hinc non sequitur separatas posse existere, cum à se invicem pendent, saltu m in statu perfecto.

Inq. ant. Qui unam amittit virtutem, non continuò ceteras amittit : ergo non sunt inter se conjunctæ.

Resp. Non amitti virtutes quoad habitus famulantes : sed sublata una virtute, vix prudentiae locus relinquitur, in qua tanquam in radice habitus virtutum principes conjunguntur. Respondet etiam possumus, sublata una virtute reliquas non tolli quoad entitatem, sed quantum ad perfectionis statum.

Sed, *inquires*, in nonnullis quedam virtutes excellunt aliis destituta ; ut in Alexandro Magno fortitudo sine temperantia ; in aliis contra temperantia vigeret cum magna timiditate conjuncta : ergo virtutum non est tanta conexio, quin una sine altera etiam in statu perfecto esse possit.

Resp. Actus fortitudinis heroicæ esse posse citra temperantiam, sed tum fortitudo non est perfecta, & stabilis, nisi difficultates omnes, non ex modo quæ ex propria cuiusque virtutis materia, sed etiam quæ ex aliena oriuntur, vinciri possint. Unde postquam Alexander voluntatibus se dedit, fortitudinem populariter sumptam non amisit, sed virtus perfecta esse desit, eamque multum infregit intemperantiæ. Quare in Alexandre non fuit heroicæ fortitudo, nisi sub aliquo respectu, non simpliciter & absolute perfecta.

Sequitur præcipua virtutis proprietas, quod nimis in medio sit posita inter extrema vitia. Quæritur itaque an illud omni virtuti conveniat, ut mediocritatem illam, quæ rationis dicitur, sic attingat, ut in ea nec defectu peccet, nec excessu. Cum vetem duplex sit medium, unum ratione actus mediocriter, alterum ratione ipsius habitus virtutis, quæ inter vitia opposita medio loco constituit, de utroque controveritur. Sit itaque

Secunda Conclusio.

Virtus omnis est in medio posita ratione actus ; ac si justitiam stricte sumptam excepéris, reliquæ virtutes sunt in medio constituta formaliter : utrum autem justitia excipi debeat, de nomine videtur controversia.

Prima pars conclusionis probatur ex definitione virtutis moralis, quæ est habitus electivus in mediocritate consistens. Nam versatur circa perturbationes

& actiones, in quibus excessus & defectus, magis & minus quam pat sit, inventur; ac proprium est virtutis, medium iis adhibere: ergo omnis virtus est in medio constituta ratione sui actus.

Pars secunda conclusionis inductione probat ab Aristotele: fortitudo media est inter ignaviam & audaciam; temperantia inter insensibilitatem, ut loquuntur, seu inter nullius voluptatis sensum & intemperantiam; prudentia, inter stultitiam & versutiam seu calliditatem: de sola justitia dubitati potest, utrum inter extrema virtus sit posita.

Cum autem duplex sit justitia, una quae vindicativa nominatur; altera proprie sumpta: aduersus primam excessu & defectu peccati solet: cum nimis aut plus pœnatum, aut minus aequo exigitur: adeo ut crudelitas, aut saevitia excessu, nimia indulgentia defectu peccet: ergo judex aut nimium severus, aut indulgentior esse potest.

Qui justitiam vindicem negant peccare per excessum, ii quidem statuunt materiam justitiae propriam esse emolumenntum, aut luctum justitiae debitum. In justitia autem vindice jus duplex esse, aut emolumenntum, alterum actoti, alterum reo debitum. Pœna, inquiunt, est emolumenntum actori debitum: quæ si sit gravior, is conqueri non debet, quod jus suum vioetur. Sed reus de pœnatum excessu queri potest, quod jus suum, seu conservatio corporis non servetur. Id enim est ejus emolumenntum; ea est materia justitiae vindicis respectu rei, & in ea peccatur defectu, cum jus illud violatur. Sed ut diximus, magis de nomine quam de re ipsa controvertitur.

Qui enim censem justitiam vindicem peccare per excessum, ii communem loquendi & sentiendi modum sequuntur; & jus aut æqualitatem actionum & premii in justitia distributiva, pœnatum & culpæ in vindice justitia, ut propriam materiam agnoscunt. Neque id lucro erit actori, si pœnae excedant; æqualitatem enim non physicam, ut talio, sed moralem postulat. Id vero juris merito tum reus, tum Respublica exigit, ut pœnae non sint graviores, quam peccata.

In justitia stricte sumpta videtur etiam Aristoteles medium quoddam ratione objecti agnoscere, jus nimis, seu justum quod inter lucrum & damnum, quodque cum sit in æqualitate positum, inter plus & minus versatur; cumque justitia sit virtus ad alterum, injustitia respectu unius solet excedere, & respectu alterius deficere: justitia vero munus est rem ad æqualitatem reducere.

Aliis tamen placet contra justitiam stricte sumptam defectu peccari posse, non excessu. Nam si plus reddam, quam debeam, in ipsam justitiam non offendam. Quare nemo supra, sed infra justitiae modum peccat. Verum lis omnis videtur de verbo constituta: nemo enim nimium justus esse potest: sed cum objectum justitiae sit jus, seu æquale, utinque æqualitas lædi potest excessu & defectu. Itaque justitia, ut virtus omnis, est in medio posita, ratione objecti: virtus enim omnis mediocritatem tuerit, nec excedit, nec deficit: est enim quædam rectitudo moralis: unde virtus est causa actionum quæ nec excessu, nec defectu peccant. Nec quisquam excedere potest in fortitudine, ut nec in justitia, sed in materia fortitudinis: est enim virtus ex Aristotele summum potentissima.

Solvuntur objectiones.

Opp. 1. Charitas, & virtutes Theologicæ non sunt in medio, sed in extre-
mo posita: ergo virtus omnis non est in mediocritate constituta, etiam ratione
objecti; nec demum virtutes omnes sunt inter duo extrema virtus constituta.

Resp. Nos hic agere de virtutibus quæ morales & civiles dicuntur, non de
Theologicis, & Christianis; quæque ratione actus & objecti, semper sunt in
mediocritate posita.

Instant. Magnanimitas, quæ circa maximos honores, magnificentia quæ
circa sumptus maximos versatur: ut paupertas Evangelica, quæ omnibus
divitiis renuntiat, & virginitas, inter opposita virtus non sunt constituta: er-
go virtus omnis non in mediocritate consistit.

Responderet S. Thomas medium & extrema in actibus & affectibus animi
spectari secundum diversas circumstantias; quodque est extrellum in virtute,
si alicuius circumstantia ratio habeatur, medium erit, si alia circumstan-
tia spectentur: eo quippe tendunt virtutes, ut hant quando, ubi, &
quomodo oportet, ac regulam ipsam rationis attingant. Hinc Philosophus de
magnanimo loquens, eum esse magnitudine extrellum docet: medium autem
in eo quod oportet. Sic virginitas & paupertas Evangelica, cum sint propter
quod oportet, nimurum propter vitam æternam, atque ut oportet, nempe
juxta Dei mandatum, aut consilium, in mediocritate versantur: essent vero
superflue, si illicitam superstitionem, aut inanem gloriam sectarentur: ut è
contra qui votum virginitatis, aut paupertatis infingunt, defectu peccant.

Opp. 2. Virtus omnis ex Aristotele est summum, seu extrellum potentiarum:
ergo non est in mediocritate posita.

R. Diff. antec. Virtus est quid summum ratione objecti formalis, nempe ho-
nestatis, C. nemo enim aut nimium justus, aut temperans esse potest; ratione
materiæ in qua versatur, N. Unde Aristoteles, *peccare, inquit, multis modis,*
at recte agere, unico contingit. Hinc docet *mediocritatem illam invenire, esse*
negotij non parvi; ac subinde precipit, ut qui quasi collineando petit me-
dium, ab illo extremo quod est maxime contrarium, recedat, & attendens
in vitium ad quod maxime pronus sit, idem agat, quod qui dirigentes lignum
recurvum, sic ipsum in partem contrariam deflectunt, ut reducatur tandem
in rectitudinis statum. Quod utique verum est, dummodo, ut jam monuimus,
illud contrarium nihil habeat virtutis. Nulla autem est ratio hujus mediocritatis
inveniendæ compendiosior, quam bonos fines sibi præstituere: tum enim ad
omnem virtutem apti erimus & propensi, cum circa fines ipsos recte erimus
dispositi: quod una præstat charitas quæ est *vinculum perfectionis*, & virtutes
omnes simul connectit; quæque excessu nunquam peccat.

Opp. 3. Justitia sola opponitur injustitia: ergo huic virtuti unum duntaxat;
non duo virtus opponuntur.

R. Diff. antec. Una est injustitia quæ aut supra, aut infra modum peccat;
C. quæ semper infra modum, & defectu aberret à mediocritate, N. Et qui-
dem fatebitur nullum esse vitium justitiae oppositum, quod excessu peccat, si
ratio objecti formalis, seu honestatis habeatur; idque omni virtuti commune
est.

est. At si officium justitiae , aut materia ei subjecta spectetur , non dubium est quin justitia vindex culpe & poenae aequalitatem exigat , quæ aequalitas excessu , aut defectu tolli potest..

Quanquam in justitia strictè sumpta non adeo liquet an aequalitas illa excessu perimitur. Nam minus suo accipere , potest ad aliud vitium pertinere : sed cum justitia pugnare non videtur : hæc enim tota in alieni abstinentia posita est. Quanquam id verum est , aequalitatem destrui , cum uni parum , alteri nimium datur.

Postremo multa opponunt Stoici quibus probent virtutem in hoc non esse positam , ut affectibus modum imponat. *Modum* , inquit Tullius , *adhibes virtutem* ; an vitium nullum est non parere rationi ? nihil interest , utrum Peripatetici moderatas perturbationes approbent , an moderatam injustitiam , moderatam ignoriam , moderatam intemperantiam .

His & aliis tum satisfiet , cum de animi affectibus agemus. Atque in hoc Stoici erraverunt , quod Peripateticos in ea esse opinione putaverint , ut hi modum vitiis adhibendum sic decernerent , quasi virtus ex vitiis oppositis & refractis constaret : ut tepidum sit ex calido & frigido , participatione ut aiunt , non negatione extremitum. Quare id semper supponit Cicero , quod Peripatetici nunquam dixerunt , virtutem ita esse quid medium inter virtua , ut nihil sit præter vitium temperatum & unum extrellum ad mediocritatem redactum. Cum tamen Aristoteles diserte doceat esse quedam virtua quæ non admittunt mediocritatem , ut adulterium , & alia hujus generis ; nec virtutem ullam in eo esse positam , ut quo tempore , & quo modo furtum sit faciendum , præscribat .

Sed , inquit , recta ratio in quibusdam affectibus modum ponit , alias penitus evellit , alios ad summa incitat. Hinc Lactantius , non in his moderandis sapientia . ratio versatur , sed in causis eorum ; quoniam extrinsecus commoventur : nec ipsis potissimum frenos imponi oportuit , quoniam extquì possunt esse in maximo crimen , & maximi possunt esse sine crimen. Sic Hugo Grotius putat id omni virtuti non esse proprium , atque perpetuum , ut mediocritatem sequatur. Non enim , inquit , Deum nimium colere possumus : nec superstitio eo peccat , quod Deum nimium colat , sed quod perverse ; neque æterna bona nimium possumus appetere , neque æterna mala nimium formidare , vel peccata nimium odisse .

Verùm his jam identidem responsum fuit , nos de virtute morali , aut civili , non de Christiana aut infusa differere. Virtutem moralem esse habitum medium inter duos viciosos ; excessum vero esse in re , seu in objecto , non item in virtute , cuius perfectio est aliquid summum : sed virtus est ipsa mediocritas , quatenus objectum attingit , quando & quomodo oportet : cum scilicet timemus , cupimus , irascimur , ut recta ratio præscribit. Unde illud Horatii per vulgatum .

— *Virtus est medium vitiorum & utrinquereductum.*

Nec multum refert an virtus ipsos moderetur affectus , aut eorum causas ; dum in medium ipsum collimet .

Nunc illud dispiciendum , an una duntaxat virtus inter extrema virtua posita sit , an tot sint virtutes quot virtua .

Tertia Conclusio.

Tot fere sunt virtutes, quot vitia.

Probatur & explicatur conclusio. Tot sunt virtutes, quot sunt actus virtutum specie distincti: sed inter duo virtia sunt per sepe duo actus virtutum specie diversi, quorum unus tendit in objectum, alter videtur ab eo recedere. Sic inter prodigalitatem & avaritiam duo sunt actus specie distincti, dare & retinere; liberalitatis est dare, ut decet; parcimoniae retinere, ut oportet. Sed huius actus dare & retinere, ut recta ratio praecipit, tam sunt inter se diversi, quam dare & retinere praeter rationem & modum: ergo liberalitatis & parcimoniae actus tam sunt inter se distincti, quam prodigalitatis & avaritiae.

Confirm. Idem fere reliquias virtutes percurrenti fiet manifestum. Nam inter imprudentiam & calliditatem sunt prudentia & sinceritas; inter ignaviam & temeritatem, fortitudo & cautio: & ita de reliquis, nisi forte cum vocabula deficiunt. Atque hinc sit, ut quedam virtus virtutes mentiantur, & viceversa: ac sepe evenit ut virtus ad alterum extremorum videatur proprius accedere. Sic fortitudo audaciae, quam ignaviae est vicinior; parcimonia avaritiae est propior, quam liberalitati; temperantia magis ad voluptatis privationem quam ad intemperantiam accedit: unde & virtus plerumque virtutum specie nos fallunt. Hinc illud Othonis de Galba apud Cor. Tacitum. *Quae alii scelerata, hic remedia vocat, dum falsis nominibus severitatem pro sevitia, parcimoniam pro avaritia, supplicia & contumelias vestram disciplinam appellat.*

Oppon. Una est virtus inter duo vitia opposita, ut supra ostendimus; non duæ: sic liberalitas una est inter avaritiam & prodigalitatem: illa enim dat & retinet, ut oportet; nec potest dare ut decet, quia eadem retineat quantum necesse est. Quod si enim quis nihil sibi servet, jam non liberalis, sed prodigus futurus est. Simili ratione non potest sibi retinere quantum decet, nisi largitur quantum ratio prescribit.

Rsp. Dist. anteced. Una est virtus moraliter, & ex communi loquendi modo; C. Si rem Physice & subtilius inspiciamus, N. Confundi enim solent illæ virtutes, quamvis revera sint diversæ. Nam actus eorum licet sint inter se maxime cognati, sunt tamen distincti. Siquidem liberalitas dat, parcimonia retinet, idque cum decet: contra prodigalitas dat cum non decet, nec retinet cum oportet: ut avaritia non dat ubi oportet, & retinet cum non decet. Quare avaritia deficit à liberalitate, excedit ubi cum parcimonia comparatur: contra evenit in prodigalitate. Unde & liberalitas & parcimonia inter duo vitia positi sunt, sed diversa ratione; illa in dando, hæc in retinendo versatur.

Ac licet concedamus liberalitatem à parcimonia non posse divelli, (quod non verum est de eo qui vendit omnia ut Christum sequatur,) id tamen liquet alium esse affectum dandi, cum decet, alium retinendi. Quamvis enim non possit quis dare quantum decet, nisi & retineat quod ratio prescribit, hoc est, quia abstineat à dando plusquam decet, quod est retinere, ut aiunt, negative, & praeter intentionem; tamen liberalitas ex se non includit animum retinendi; id enim pertinet ad parcimoniam.

Q U Ä S T I O I V .

De virtutum divisione.

Proximum est ut de virtutum numero disseramus: ac prima quidem & summa virtutum moralium ea est divisio in principes, que & cardinales dicuntur, & iis adjunctas, seu comites, ut à Cicerone vocantur. Quatuor sunt virtutes præcipue omnibus note, prudentia, justitia, fortitudo & temperantia. Has Plato l. 4. de rep. Aristoteles lib. 7. Politic. recensent, & disertissime Cicero lib. 1. Offic. Omne, inquit, quod honestum est, id quatuor partium oritur ex aliqua: aut enim in perspicientia veri, solertiaque versatur; aut in hominum societate tuenda, tribuendoque suum cuique, & rerum contrariarum fide; aut in animi excelsi, atque invicti magnitudine, ac robore; aut in omnium que sunt, quæque dicuntur, ordine & modo, in quo inest modestia & temperantia.

Hoc ipsum sacræ litteræ confirmant, ubi virtutes sapientia, studia, aut labores nominantur: temperantiam enim, ait Sapiens, & prudentiam & justitiam & fortitudinem docet.

Sic August. l. de moribus Ecclesiæ, quod, inquit, ad beatam vitam nos ducit, nihil omnino esse virtutem affirmarim, nisi summum amorem Dei: tum quadripartitam virtutem distinguit, & definit. Ut temperantiam dicamus esse amorem Deo seipso integrum incorruptumque servantem: fortitudinem, amorem omnia propter Deum facile perferentem: justitiam, amorem Deo tantum servientem, & ob hoc bene imperantem ceteris quæ homini subjæcta sunt: prudentiam, amorem biæ discernentem ea quibus adjuvetur in Deum, ab iis quibus impeditri potest.

Quæ autem sit hujus quadripartita divisionis ratio, non adeo in promptu est explicare: ea vero mihi satis probabilis videtur, quam nonnulli afferunt. Quod, ut homo honeste vivat, necesse sit, ut cognoscat quod factu sit optimum; atque hoc est prudentiae munus: deinde constantem habeat & stabilem voluntatem ejus faciendi quod optimum judicaverit; eaque voluntas hominem perficit, vel simpliciter, ut in se ipso spectatur, sive præcipites perturbationes compescat, quod præstat temperantia; sive tardiores excitet, quod est fortitudinis; vel denum compareat, & ratione humanæ societatis, idque efficit justitia, quæ suum cuique tribuit.

Jam vero complures sunt aliae virtutes, quæ ad has quatuor ut partes, vel comites referuntur: partes autem illæ sunt, ut sanctus Thomas identidem explicat, in triplici differentia constitutæ. Primo enim sunt partes virtuti Cardinali subjæcta, seu illius species. Secundo Integrantes dicuntur, quæ totum integrum componunt, quæque ad actum perfectum alicujus virtutis conspirant, 3. Potentiales denum vocantur, quæ instar facultatum animæ, virtutibus adjunguntur, & actus eatum secundarios perficiunt, ut nutritivum & sensitivum sunt partes animæ, quæ illius vim omnem non habent: sed de iis mox pluribus.

PHILOSOPHIA

DISPUTATIO IV.

De virtutibus & vitiis sigillatim.

ID unum restat ut de virtutibus scorum agamus : primum itaque de prudenteria , 2. de fortitudine , 3. de temperantia , postremo de justitia sic disseremus , ut reliquas his adjunctas virtutes simul attingamus . Res est late fusa , nec intellectu ardua : de qua non omnia dicemus , id enim fore infinitum , sed quæ maxime necessaria videbuntur .

QUÆSTIO PRIMA.

De Prudentia.

Circa prudentiam primum quid sit , tum quæ illius munera , tandem quæ sunt illius partes , excutiendum nobis est .

ARTICULUS PRIMUS.

Quid sit Prudentia.

Prudentia cum sapientia confundi solet : tametsi unam ab altera sic distinguat Aristoteles , quod sapientia sit scientia rerum multarum , admirabilium , & sublimium ; prudentia vero in rebus quæ ad vitam sunt utiles , versetur . Hæc ab eo definitur , *Habitus vera cum ratione activus in iis , quæ homini sunt bona vel mala .*

1. Est habitus , isque dianoëticus , quod in mente resideat , cum sit ultimum judicium practicum , aut illud efficiat : est enim recta ratio quæ cæteris virtutibus mediocritatem præscribit . Unde ad mores maxime pertinet , ratione matetia in qua versatur .

2. Dicitur habitus vera cum ratione activus , quod ad verum semper propendeat : tametsi vir prudens sepe ratione uititur falsa , & cui eventus non respondeat : nam actiones humanae quas regit , tam incerta sunt & variae , ut prudentia humana conjecturis tantum nitatur . Atque ille prudens merito judicatur , qui nihil agit temere & indeliberate , & quod verisimilius videtur , id ita sequitur , ut paratus sit aliam amplecti rationem , si forte verior occurrit . Prudentia enim est rerum contingentium , quæ else hoc vel alio modo possunt : non ut scientia , quæ est de rebus necessariis , quæque in deliberationem non veniunt . Unde prudentia cum arte convenit , quæ circa res contingentes , & de quibus deliberari solet , versatur : in quo autem differant , jam alio loco diximus . Notum quippe est artem bonum efficere artificem , sed non virum bonum : unde prudentia iis artibus est similiot , in quibus artifex præter voluntatem fallitur : cuius generis sunt ars medendi & nautica . His enim vitio vertitur , cum quis sciens erraverit , non item in cæteris fere artibus , in quibus bonus artifex non fallitur nisi volens .

Postremo prudentia in iis versatur, quæ sunt homini bona vel mala, nimirum in iis quæ media dicuntur, queque sunt consequendo fini idonea: non enim prudentia aliis virtutibus fines præscribit, qui sunt à natura præstituti: sed illius est, quid pro loco, & occasione faciendum sit, quid fugiendum, decernere.

Unde ab Augustino definitur, *rerum experendarum & fugiendarum scientia*: ea quippe bona à malis, utilia à noxiis discernit, atque omnem vitæ rationem moderatur, idque non universim, ut moralis disciplina, sed hic & nunc, seu hoc in loco & tempore. Est enim scientia opportunitatis & idonei ad agendum temporis. Quanquam in eo maxime prudentia elucescit, cum æquabilis & rationi consentaneus vitæ agenda tenor, aut modus sic instituitur, ut omnes actiones ei concinant, & in eundem finem collineant.

Quæri autem solet an prudentia sit una & simplex qualitas, ut Thomistis videtur, an potius ex multis sit conflata, uti de scientia diximus: & quidem una est genere, quæ vix à recta ratione secernitur: sed est specie multiplex, ut in rebus omnino diversis, queque varias habent difficultates, versatur: est una velut in radice, aut potius ut in trunco, in ramos varie distincta: nam satis apte virtutem principem cum trunco, cæteras illi adjunctas cum rami Se-ueca comparat.

A R T I C U L U S II.

Prudentia munera explicantur.

Tria sunt prudentiæ munera, vel actus præcipui: Eubulia, seu bona consultatio; synesis, seu recta intelligentia, aut potius judicium; & gnome vel sententia, seu imperium. Consultatio maxime ad prudentiam pertinet: cum scilicet media ad finem utilia exequuntur, ut iis expensis intelligi possit, quod ex iis sit optimum. Id vero saepè nos admonet Sapiens, ut nihil sine consilio, nihil temere agamus: ut pr. 12. *Via stulti recta in oculis ejus*; qui autem sapiens est, audit consilia. Et c. 13. *Astutus, id est, prudens, omnia agit cum consilio: qui autem fatuus est, aperit stultitiam.* Quod utique ad prudentiam politicam maxime pertinet, ut nihil sine consilio agatur. *Ubi non est gubernator, populus corruet. Salus autem ubi multa consilia.* pt. 11. Populus enim rectore, ut corpus animâ, qua regatur, eget. Multis etiam consiliis opus est. Nam hominem quantumvis sapientem vel anticipata opinio, vel affectus, vel lumen ipsum rationis potest deficerere, & transversum agere.

Huic opponitur præcipitatio, cum temere quid, & inconsulto agimus. Sed ut bona sit consultatio, ea & bene fieri, & in bonum finem collinante debet: alioquin astutia, aut calliditas futura est. *Oculi tui recta videant* pr. 4.

Synesis Aristoteles appellat intelligentiam expeditam & promptam, cui mentis hebetudo, aut stoliditas opponitur: adeo ut vir prudens medio quodam loco inter vafrum, seu callidum, & stupidum positus videatur. Nam calliditas est malitia quedam, quæ, ut ait Cicero, *vult prudentiam imitari: stultus bruto similis est:* prudens facile intelligit ac decernit quod medium sit optimum. Quanquam Regum sapientissimum astutos etiam inter stultos numerat. *Prudens, inquit, advertit ad gressus suos, stultus divertit ad dolos.* Namq

prudens ex ratione bene instituta agit , de rebus suis cavet , probotum operatur , in occasione intentus contra improborum conatus & impedimenta omnia se munit . Contra astutus , inquit Verulamius , spem suam ponit in aliis circumveniendis ; in aliis rebus versatur , quæ non sunt in nostra potestate , quæque nulà constanti regulâ nituntur : adeo ut novas semper technas & artes fallendi excogitare cogatur . Præterquam is precipuum ad res gerendas instrumentum , fidem nimis amittit , & eventus saepius eum fallit . Hinc prudenter Tacitus , *confilia* , inquit , *callida & audacia expectatione late , tractatu dura , eventu tristia* . Ac scite à nobilissimo authore est observatum , nunquam nos facilius decipi , quam cum alios circumvenire volumus ; tuncque maxime in fraudem nos illici , cum aliis callidores nobis videmur . Neque enim ex alio fonte oriuntur astutæ , quam quod à solida subtilitate , aut dexteritate deficimus : est quippe astutia per angusti ingenii argumentum ; ac fere evenit ut qui ea degeneret & spuria prudentia saepius utitur , dum aliquam sui partem tegit , aliam detegat . *Qui ambulat simpliciter* , ait Salomon pr. 10. *ambulat confidenter : qui autem depravari vias suas , manifestus erit* . Qui enim prava est intentione , tandem se prodit vel ob dissimilem vitæ tenorem , vel propter inordinatam vitæ rationem .

Tertium prudentiæ munus est recte praæcipere , aut praæscribere qua ratione mediis , quæ judicata sunt optima , utamur , & ea constanter exequamur . Hinc prudentiæ actus gnome vocatur . Qua voce Aristoteles non tam imperium rationis , quam rectum judicium intelligit : quod videlicet in mitiore partem propendet , aut ex aequo & bono fertur . Ab aliis gnome dicitur virtus bene judicandi præter communia morum principia : ut si quis apud nos arma deposuerit , & fiat patriæ hostis , tum præter communem regulam , qua depositum reddi oportere praæscribitur , naturali lumine judicamus huic depositum reddendum non esse . Virtus illa mentis , qua ita judicamus præter communes morum regulas , gnome dicitur : ut virtus in voluntate , qua id constanter exequimur , æquitas vocatur . Id enim Sapientis apprime tenendum , Eccl. 7. *Noli esse justus multum , neque plus sapias quam necesse est , ne obſlupescas* . Vera quidem iustitia nimia esse nequit : sed ut vera sit , fugit extrema . Hinc qui nimium iustus est , non satis iustus videtur : nam æquitatis , charitatis , & prudentiæ regulas prætergreditur , *Non compatinuunt naturæ* , ait Hier. . nec estimant possibilitatem .

Atque hi sunt tres actus prudentiæ , seu , ut alii videtur , tres partes prudentiæ potentiales , & illi affines virtutes : quæ tamen officiis potius , quam ab ipsa prudentia secernuntur : cùm eadem iis sit subjecta materies .

ARTICULUS III.

Partes Prudentia integræ exponuntur.

HÆ dicuntur certæ animi dotes , quibus prudentiæ actus facilius exeruntur . O&to à S. Thoma numerantur , intelligentia , memoria , solertia , docilitas , ratio , providentia , circumspectio , & canticus : tot enim animi dispositiones requiruntur ad recte consultandum , judicandum , & praepciendum

de rebus expetendis, aut fugiendis. Nam ad rectam deliberationem & iudicium optimum, principiorum moralium intelligentia & rerum præteritarum memoria, inno & dexteritas quædam vel solertia, seu facilitas inveniendi & excogitandi media, sunt necessariae: quibus etiam opus est ad recte judicandum, tum docilitate, & quodam ratiocinandi usu, qui rationis nomen sibi vindicat: ex variis enim præcognitis quid factu sit optimum, colligit. Ad recte præcipiendum, aut imperandum primo idoneus finis comparandi modus est adhibendus, & iis quæ prævidentur futura accommodatus: quod utique est providentia; tum quæ negotio adjunctæ sunt circumstantiae, sunt diligenter inspiciendæ; quod est circumspectionis: tandem cautio est adhibenda, ut quæ obesse possunt impedimenta declinemus, aut removeamus.

Ex iis prudentiae partibus quedam sunt dotes animi à natura congenitæ, ut solertia, seu dexteritas, aut animi celeritas ad media excogitanda: sive hæ disputationi, sive actioni inserviant. Cum autem quæ latent, majore circumspetione indagamus, aut in futurum prospicimus, tum vis illa quasi subolfaciendi, sagacitas nominatur. Sic iudicium dicitur, optime à natura comparata ratio: cum scilicet tanta est ingenii vis, ut acutissima quæque pervadat. Docilitas est facilitas percipiendi; cumque ad mores transfertur, ea est prona ad discendum voluntas, qua mens patientem culturæ aurem accommodat. Ingenium verò omnes eas dotes complectitur; atque illius dos præcipua est animi celeritas, aut solertia; vis nimis acris & perspicax, actuosa, habilis, in omnes eventus expedita, quæ facienda videat, & ad optatum finem perducat. Sic ingeniosum dicimus Salomonis in re perplexa iudicium; acute dicta, & ex tempore, ingeniosa appellamus.

Est itaque ingenium vis illa solers & efficax quocunque animus destinaverit, certo perveniendi: sic artes omnes ingenio acceptas referimus. Ingenium plerumque cum iudicio confundimus. Unde Aristoteles ingeniosum vocat, qui recte iudicat, & quod vere bonum est, eligit. Vis autem illa & perspicacitas mentis, qua vel minutissima pervidemus, iudicium plerumque appellatur: adeo ut ratio, iudicium & ingenium in idem fere collineant. Sic docilitas & memoria vix possunt separari; atque has omnes animi dotes una conjunctas ingenii nomine complectimur.

Potro dotes animi ad prudentiam requisita, memoria rerum præteritarum, intelligentia præsentium, & providentia futurarum continentur. Nam quæ agenda sunt cum iis que acta sunt ut plurimum coherent, & ex similibus causis efficiens quoque consimiles nascuntur: adeo ut quid futurum sit, nisi ex præteritis, tanquam ex præcognitis judicare non possumus. Quanquam summa ex circumstantiis oritur in negotiis varietas, quæ magnum usum & acre iudicium postulat. Unde Aristoteles docet juvenes Geometriæ & aliis disciplinis imbui posse, prudentes autem raro inveniri, quod prudentia, usu & experientia comparetur.

Quare pernoscenda sunt negotii, quod est in manibus, omnes circumstantiae, natura, conditio; quibus rationibus juvari, aut impediri possit; seu consilium ex tempore sit capiendum, seu tempus ad deliberandum iuppitat. Nam si cognitu necessaria nos fugiant, imprudenter & temere agimus. Quod autem multæ expediendi negotii rationes simul occurrant animo, id sœpe non

tam ex ingenii fertilitate , quam ex judici infirmitate oritur , qua sit ut id statim arripiamus , quod fortius vim imaginatricem percellit ; & ad paucā at- tendentes , ut plerumque evenit in speculabilibus , sic in agendis facile decipi- piamur : præsternū cūn vires nostras non consilimus , nec rerum connexio- nem satis diligenter perspicimus . In hoc utique summa prudentia posita est , ut pretia rerum recte æstimemus . *Sapientis oculi in capite ejus : stultus in tene-bris ambulat.* prov. 2. Sapiens enim non temere agit ; quò tendat ; & quid sibi agendum sit , novit . Stultus cæco perturbationum impetu abripitur .

Postremo ad prudentiam futuorum providentia sic pertinet , ut inde suum nomen invenerit : nam teste Isidoro prudens dicitur , quasi porro videns . Quan- quam illud fatendum est , incertam admodum esse hominis providentiam : cum vix de ullo eventu certi esse possimus ; ac nihil sit tam variū , tam multiplex , tam instabile , quam homo ipse , circa quem omnis prudentia versatur . Sed ta- men in eo maxime est elaborandum , quantum res humanae permittunt , ut me- dia fini aptentur , ne malis eventibus occasionem demus ; ut ex præcepto rationis semper agamus : nam prudens ille non habendus est , qui casu quodam & temere scopum attingit . *Oculi tui recta videant , & palpebra tua prece- dant gressus tuos.* pro. 3. & c. 14. *Sapientia callidi , id est prudentis , est intel- ligere viam suam : & imprudentia stultorum errans.* Imprudenti nihil incer- tum videtur : unde quæ præter spem accidentur , ei videntur improvisa . Sed prudens nihil sibi proponit tanquam certum ; in omnem se comparat fortunam : unde nihil fere ei accidit inopinatum . *Illud verò , ut ait Cicero , ingenii magni est precipere cogitatione futura , & aliquanto antè constituere , quid accidere posse in utramque partem , & quid agendum sit cum quid evenerit ; nec com- mittere ut aliquando dicendum sit , non putaram.*

A R T I C U L U S IV.

Quæ sint prudentia species..

PArtes et restant quæ prudentia , ut species quædam subjiciuntur : atque ut Moralis Philosophiae , sic prudentia tres vulgo species afferuntur . Privata ; qua quisque suos mores moderatur , quacunque is sit conditio : sive alios re- gar , sive sibi ipsi tantum provideat ; & economica , qua quis familiæ curam agit ; ac demum Politica : sive ea subditis ut subsunt legibus , sive iis insit , qui curam habent civitatis ; sive ea sit præcipua , qualis est in legislatore : sive in ipsis re- gnoibus spectetur , quatenus juxta legum præscripta civitatem moderantur ; seu denique togata sit , aut militaris . Nos hoc loco privatam duntaxat prudentiam attingimus ; qua quisque mores suos ad recte rationis leges debet exigere , seu privatam , seu publicam personam sustineat .

Duo sunt autem maxime in quibus privata prudentia versatur . Primum ut optimum , & sibi aptum vitæ genus quisque deligat ; alterum ut in eo vitæ statu laudabiliter sit moratus , & actiones suas ad præscriptum rationis exigat . In deligendo vitæ genere plerumque erramus , quod nec indole nostra , nec viribus propriis rite consultis in eum vitæ statum nos con- ciatimus , cui minime apti sumus . Quod difficultam efficit deliberationem , est

est humana rerum conditio: ubique enim magna occurunt incommoda; nec tamen quicquam miserius quam in incerto semper fluctuare, & totam vitam in deliberando traducere. Difficultatem auget etatis infirmitas. Ineunte enim adolescentia, inquit Cicero, cum inest maxima imbecillitas consilii, sum id sibi quisque genus etatis degenda constituit, quod maxime adinavit. Itaque ante implicatur aliquo certo genere, cursuque vivendi, quam potuit quod optimum esset, judicare.

Illud vero Sapientis in mente habendum, ne innitaris prudentiae tuae. prov. 26. Item illud, vidisti hominem sapientem sibi videri, magis illo spem habebit insipiens. Quod autem ad tuam cuiusque naturam consilium esse omne revocandum putat Cicero, id magna ex parte verum est. Nam, ut ipse prudentissime præcipit, tenenda sunt sua cuique, non vitiosa, sed propria, quod facilius decorum illud quod querimus, retineatur. Neque enim attinet naturae repugnare, nec quicquam sequi, quod assequi nequeas. Que contemplantes, inquit, expendere oportebit, quid quisque habeat sui, eaque moderari, nec velle experiri quam se aliena deceant. Id enim quemque decet, quod est cuiusque suum maxime. Suum igitur quisque noscat ingenium, acremque se & vitiorum & bonorum suorum judicem prebeat, ne scenici plusquam nos videantur habere prudentia: illi enim non optimas, sed sibi accommodatissimas fabulas eligunt. Multa in hanc sententiam addit magni utique momenti. Verum ut tantum negotium bene vertat, Deo imprimis est commendandum, & quod ille tribuit fortunæ, cuius in deligendo genere vita magnam vult habendam esse rationem, nos divina providentia tribuendum esse omnino arbitramur.

- Illud enim à Sapiente dictum, prov. 15. Sortes mittuntur in finum, sed à Domino temperantur, latius pater quam vulgo credimus. Que enim nobis vindicentur fortuita, à divina providentia manare certum est. Idque maxime tenendum cum de vita genere deligendo, aut connubii jungendis agitur. Nam, ut docet Sapiens ibid. c. 19. domus & divitiae dantur à parentibus, à Domino autem propriæ uxori prudens. Cum autem libido, avaritia, ambitio connubia conciliant, & opes cum opibus, non personæ ipse matrimonio conjunguntur, nulla æternæ salutis habitatione, non mirum, si tot animi ægititudines ea consequantur connubia. Fœcunda culpe secula nuptias primum inquinavere, & genus & donos. Hoc fonte derivata clades in patriam populumque fluxit. Hinc illud apud Ethnicos pervagatum. Mulier bene morata dotata est satis.

Quæ autem quisque sequi debet maxime in eo vita genere quod de legit, quave ratione vita sit constituta, ut prudenter & constanter degatur, infirmi esset operis sigillatim prescribere: quædam possunt regulæ generales afferri, quas summatis perstringamus. 1. Ut finem in agendo bonum nobis præstituamus: sunt enim in rebus agendis fines, quod in disciplinis principia. Ita finis quo remotior, hoc magis spectari debet: adeo ut in finem ultimum semper collineare, & omnem vita cursum eò dirigere, id sit prudentiae caput. Quare illud principii loco tenendum, nunquam utile honesto, æquo iniquum anteponere, quicunque futurus sit negotii eventus; ille infelix non habendus, aut imprudens, qui sibi bene conscient est; ac intuta fere, que indecora.

2. Illud quoque intuendum, ut nihil temere aggrediamur, nihil cuius causam probabilem reddere non possimus. Quare nihil ex precipitatione, aut ex Tom. I.

perturbatione agendum. Hinc Piso apud Tacitum *sceleram impetu, bona consilia mora valescere*. Quodque suscipitur negotium, penitus si fieri possit, est per noscendum. Nam si aliqua ex parte nos fugiat, diligentiam nostram facile eludet.

3. Tenendi sunt mores eorum quibuscum agimus, atque in hoc magna pars civilis prudentiae consistit, ut eorum ingenia, fines, actiones, studia, perspecta habeamus. *Sicut aqua profunda, inquit Salomon, sic consilium in corde viri; sed vir prudens exhaeret illud.*

Variis autem modis hominum ingenia perspicie pluribus docet Angliae Cancellerius. 1. Ex vultu, ore, gestu, oculis, sermonibus. Vix enim quisquam ita dissimilato est animo, quin aliquando se ex motibus oculorum, aut gestu, aut verbis prodat. Nemo occultior fuit Tiberio, id tamen Tacitus notat, quam dissimili modo laudaret in Senatu Germanicum & Drusum. De Germanico loquebatur, ut magis in speciem adornatis verbis, quam ut penitus sentire videretur. De Druso, paucioribus, sed intentior, & fida oratione. Et certe vix quisquam ita iussus & coactus loquitur, quin aliquando mens ipsa pellueat: sive sermo sit solito solutio, aut comptor, aut aridior, aut eluctans, ut de eodem Tiberio observat Tacitus. In aliis, inquit, erat velut elutantum verborum; solutius vero loquebatur, quando subveniret. Ex sermone itaque homines, quibuscum agimus, quantumvis se tegant, perspicimus: quod quedam iis excidant verba, aut ex improviso, aut ex perturbatione animi: perpauci enim sunt ira reconditi, & arcani commissi tenaces, qui illud non prodant, vel ex iracundia, vel ex alio affectu: interdum ex imbecillitate animi, quasi ad se exonerandum cogitationes suas effundunt. Sæpe accidit ut simulatio simulationem excutiat: verum id magis vafri est & astuti, quam prudentis. Unde hujus generis homines dum in id unum intenti videntur ut aliorum ingenia perspiciant, molles aditus, & tempora notint, saepe negotia ipsa superficie tenus, non intime pernoscent. Atque utiliter adhibentur ad ea quibus jam assueri sunt, & usu contriti. At si hanc regulam adhibeas, quæ stultus a sapiente secernit, mitte ambos ad ignotos, & videbis, cum ab arte sua destituti apparebunt: tritas vias, non infolitas facile ingrediuntur.

Imbecilliorum ingenia & propensiones facilius perspicimus: sed prudentiorum fines & intentiones rimati coginur. Hinc cor principis esse inscrutabile docet Scriptura. *Cælum sursum, & terra deorsum, & cor Regum inscrutabile.* Regum enim arcana venerari debemus, non scrutari. Cum enim ii sint in fastigio constituti, vix ullos habent fines sibi propositos, in quos vehementer & constanter nitantur. Sed privatus fere nullus est, cui non sit aliquid propositum, quo tendat maxime; atque hinc licet conjicere quid facturus sit. Vitia, ait Baco, discimus ab inimicis; facultates & virtutes ab amicis; mores & tempora à famulis, opiniones & studia à familiaribus. Fama populatis levius est; superiorum judicia minus certa: nam iis coram testiōes incedimus. Sed ut ait Tullius, *verior fama è domesticis emanat.* Huc vero tendit rerum quas aggredimur, & per sonarum notitia, ut quorum opera utimur, delectum majore cum judicio faciamus, ac modum quendam inter confidentiam, & dissidentiam nimiam tencamus. *Non omni homini cor tuum manifestes.* Eccli. 8.

4. Illud imprimis curandum ut nos ipsos , vires , facultates , defectus & alia que ad nos pertinent , omnino perspecta habeamus . *Ad quas igitur res , ait Tullius , apissimi erimus , in iis potissimum elaborabimus . Sin aliquando necessitas nos ad ea detruserit , qua nostri ingenii non erunt , omnis adhibenda erit cura , meditatio , diligentia , ut ea si non decore , at quam minimum indecere facere possumus . Nisi enim vites propriæ expendantur , quid per nos ipsos , quid per amicos facere valeamus , vix optatum finem consequemur . Nec solum finis nobis debet esse propositus ; sed etiam modus progrediendi , eircumstantiae omnes tum ex parte rei agendæ , tum ex parte agentis , quæque aut promovere , aut impeditre rei executionem possunt , in promptu habenda sunt ; temporum occasiones captandæ , ne aut nimia cunctatio omne consilium pessundet , aut precipitatio omnia perturber . Omni negotio tempus est , & opportunitas . Eccl . 8. Item illud Prov . 19. Qui festinus est pedibus offendit . Hinc celeritas nimia , & affectat negotia ut plurimum , tanquam præpropera di gestio corrumpit : ut nimia dilatio consilia saepe facit irrita . Qui observat ventos non seminat : qui considerat nubes , nunquam metet . Eccl . 11. Nam qui ubique difficultates ne sit in bonis operibus suscipiendis , nihil boni aggreditur : dum timet omnia , ratiocinio nimium tribuit , quod tamen saepe fallit . Spartani olim , nunc Hispani ob tarditatem notantur . Hinc illud vulgatum , veniat mors mea ab Hispania : hoc est , cunctanter & tarde . Multa , ne dicam infinita in hanc rem dici possunt , quæ apud melioris notæ autores passim occurunt : sed usu & experientia melius quam præceptis discuntur .*

ARTICULUS V.

Vitia prudentie opposita perstringuntur.

CUm virtutes omnes sint cum prudentia conjunctæ , nullum est vitium quod prudentie non opponatur . Speciam tamen contra prudentiam peccatur , vel defectu , vel excelsu . Citra modum peccari solet per imprudentiam & negligentiam . Illa fere ignoratione continetur . Arque ut ignoratio est venia aut vituperatione digna , ita & imprudentia . Vitio autem vertitur , cum prudentiae actus deficiunt . Sapientia callidi est intelligere viam suam : & imprudentia stultorum errans . Prov . 14. *Iste in hac vita justorum labor est , ut se metipos irveniant .* S. Greg. in Job . I. n. c. 21. Sic precipitatio consilium , inconsideratio judicium , inconstancia præceptum , seu imperium lœdit . In præcipitatione deliberatio sufficiens omittitur ; per inconsiderantiam temere & rebus non satis diligenter inspectis , ad finem consequendum media minus apta feliguntur ; tum enim animus in contrarias cogitationes distractus .

Aestuar & vita disconvenit ordine toto .

Plerisque , ait Seneca , nihil certum sequentes vaga & inconstans , & sibi displicens levitas per nova consilia jaclavit . Alii , ut eodem loco nempe I. de Brevitate vita paucis verbis exprimit quod magnæ hominum parti accidit ; Operose nihil agunt . Quo enim tendant , ne advertunt quidem .

Quamobrem ut pulchre admonet M. Tullius , danda est opera ne quid temere ac fortuito , inconsiderate , negligenterque agamus . Et quidem mentis

celeritas, intelligendi perspicacitas, & ingenii flexibilitas sunt ejusmodi ut quas attulimus imprudentiae partes, plerumque occultent. Sic tardo gravitatem, ignavo lenitatem praeteximus. Nam

Sæpe latet vitium proximitate boni.

Atque in hoc magna pars vulgaris prudentiae versatur, ut defectus nostros cum opus est, occulteremus: sive eam adhibendo cautionem, ut iis rebus abstineamus, quibus pares non sumus; sive defectus ipsos in bona convertamus. Ex iis quippe, velut ex venenis Theriaca, ita quedam virtutes componuntur, ac prudentia eos apte permiscet, & temperat. Silentium plerumque prudentiae videtur argumentum. *Stultus quoque si tacuerit, sapiens reputabitur, & si compresserit labia sua, intelligens.* prov. 17. Nihil enim magis stultitiam prodit, quam lingue velocitas & intemperantia. *Vidisti hominem velocem ad loquendum; stultitia magis speranda est, quam illius correptio.* prov. 29. Et eodem in loco, totum spiritum suum profert stultus: *Sapiens differt, & reservat in posterum.* Stultus, inquit S. Bern. *similis est canali aut aqua-duetu, qui se omnino evacuat: sapiens lacui, qui cum impletus fuerit, aquam aliis communicat.* Ac prov. 25. *Sicut urbs patens, & absque murorum ambitu, ita vir qui non potest cohibere spiritum suum.*

Sic præcipitatio facile in celeritatem, aut strenuitatem principibus viris adeo gratam convertitur. *Vidisti, inquit Sapiens, virum velocem in opere suo; coram Regibus stabit, nec erit inter ignobiles.*

Non dissimili ratione flexibilitas animi, qua inconstans proxima videatur, ad prudentiam politicam maxime pertinet. Nihil enim est quod ad res gerendas majori sit impedimento, quam illud, *idem manebat, neque idem decebat.* Quamobrem ingenium versatile, quale in Catone majore fuisse Lilius testatur, non imprudentia, aut inconstans, sed recondita cuiusdam prudentiae plerumque est argumentum.

Negligentia quoque prudentiae opponitur: negligens quippe, ut placet Isidor, dicitur, quasi nec eligens, cum scilicet quid faciendum sit, vel fugendum non ignorat: sed præ socordia id illi curæ non est; rem producit quantum potest: quod utique laborem non minuit, sed auger. Nam ut diligentia munit viam, & faciliorem præberet; sic pigritia efficit, ut quasi per sentes & impedita itinera semper sit ingrediendum. Hinc Sapiens, *iter pigrorum, quasi sepes spinarum;* quod pigritia si in fine laboriosa. Illud utique infamia regenda videre est. Nam si cura adhibeatur, & providentia, placide omnia & ciitra tumultum procedunt; sin hæc desint, ubi quid insolitus supervenerit, simul omnia agenda sunt, servi tumultuantur, cuncta confuse & perturbatae sunt. *Qui mollis est & dissolutus in opere suo, frater est sua opera dissipantis.* prov. 18. Et alibi, *stultus complicat manus suas, & comedit carnes suas, dicens. melior est pugillus cum requie, quam plena utraque manus cum labore, & afflictione animi;* Eccl. 3. Et Eccli. 18. *Homo sapiens attendit ab inertia.* Atque, ut recte observat Author recens & disertus, ingenium erectum, bona indoles, fortis animus, instar ignis, motu & actione conservantur, otio & inertiam extinguiuntur.

Quæ prudentiae modum excedunt, sunt 1. Prudentia carnis, quæ in bonis corporis ultimum finem constituit; 2. Nimia bonorum temporalium sollicitu-

do : sive ea instar finis habeantur , sive neglectis bonis spiritualibus , aut nimia
anxietate expetantur . *Conturbat domum suam , qui settatur avaritiam.* prov.
15. Et c. 16. *Qui altam facit domum , suam querit ruinam.* Item c. 23. *noli la-
borare ut diteris , sed prudentiae tue pone modum.* 3. Est astutia , cum finis adi-
piscendi perversa rationes excogitantur ; cumque astutiam dictis exsequimur ,
dolus ; cum factis , fraudis nomen obtinet . Non est sapientia , non est pruden-
tia , non est consilium contra Dominum . pro. 21. Et c. 18. *Verba bilinguis quasi
simplicia , & ipsa perveniunt usque ad interiora ventris :* eos enim amare se
singit , quos vult perdere .

Q U A E S T I O III.

De fortitudine.

Fortitudo definitur à M. Tullio , *considerata periculorum suscep-
tio , & la-
borum perpeccio :* ab Aristotele , *mediocritas inter timorem & pre-
fiden-
tiam constituta.* Subiecta enim fortitudini materia sunt ea que in vita habentur
mala , pericula nimium , labores , adversa fortuna , quibus omnibus fortis
animus non frangitur : sed contra se obfirmat , iisque invicto & inflexo ani-
mo resistit .

Duo sunt actus fortitudinis , aggressio , & periculorum susceptio , aut malorum perpeccio : sed aggressio constans sit . & consulta , non temeraria . Nam for-
tis est qui & periculum novit , neque id amat ; ubi adeundum est , nec recusat .
Non enim , ut pulchre Seneca , fortitudo est inconsulta temeritas , nec peri-
culorum amor , nec formidabilium appetitio : diligentissima in tutela sui for-
titudo est , & eadem patientissima eorum quibus falla species malorum inest .
Nec fortitudinem estimare debemus ex viribus corporis , aut ex inconsulta tem-
eritate , sed ex constantia , & firmitate animi , atque ex fine honesto , in
quo justitia ipsa eluceat .

Hinc optime M. Tullius , *ea animi elatio que cernitur in periculis , & labo-
ribus , si justitia vacat , pugnatque non pro salute communi , sed pro suis con-
modis , in virtute est : non enim modo id virutis non est , sed potius immanitatis
omnem humanitatem repellentis.* Itaque probe definitur à Stoicis fortitudo ,
cum eam virtutem esse dicunt propugnantem pro equitate . Quocirca nemo qui
fortitudinis gloriam consecutus est , insidiis & malitia laudem est adeptus . Ni-
hil enim honestum esse potest , quod justitia vacat : idque cum ex Platonis
testimonio , tum ex communi hominum sensu idem Author confitmat . Itaque
*viros fortes , magnanimos , eisdem bonos , simplices , veritatis amicos , mini-
meque fallaces esse volumus : qua sunt ex media laude justicie.*

His consentanea Aristoteles tradit , cum docet ferinam esse , non veram
fortitudinem , quae est inconsulta , aut honesto fine nondicitur . Quanquam idem
fateretur nullum esse majus calcar ad pericula subeunda , quam iram : ab ea ta-
men cavendum esse maxime , cum plerunque sit inconsiderata , subinde nos
admonet .

Partes fortitudinis vulgo numerant , magnificantiam , magnanimitatem , con-
stantiam & patientiam . Sed non video cur magnificantia , quae circa sumptua-

rias actiones, ut liberalitas occupat, ad fortitudinem referatur. Magnanimitas vero à fortitudine, non re, sed nomine discrepat: cum fortitudo in rebus arduis & difficilibus tum adoriendis, tum perferendis versetur.

Sic constantia, seu longanimitas nihil aliud est quam fortitudo, quae ex temporis diuturnitate nomen sortitur. In constantia animus se obfirmat, seu ut constanter velit, quae sapienter sunt judicata; seu potius ut semper velit, & exequatur, quae ratio & aequitas postulant. Non autem ea in pertinacia quadam inflexibili posita est. *Vir impius procaciter obfirmat vultum suum: qui autem rectus est, corrigit viam suam*, prov. 21. Et c. 24. *Qui mentis est dura, corruit in malum*. Quae enim nunc bona sunt, secus aliquando futura sunt.

Illud quoque ad constantiam videtur pertinere, nec adversis strangi, nec prolixis corrumpi: sed utramque fortunam aequo animo ferre. *Magna felicitatis est, à felicitate non vinci*. Aug. in Ps. 50. *Nam prosperitas flitorum perdet illos*, pr. 1.

Cum in perferendis laboribus, aut perpetiendis malis fortitudo perleverat, patientia nominatur. *Melior est patiens viro forti; & qui dominatur animo suo, expugnatorem urbium*. prov. 15. Fortitudo hostes repellit extra nos, patientia domesticos, affectus rimorum, & perturbationes animi. *Non contristabit justum quidquid ei acciderit: impii autem replebuntur malo*. Quidquid enim accidit justo, exterius est; animum ipsum non penetrat. *Quasi tristes*, ait Apost. *semper autem gaudentes*; sed impios tristitia alte pervadit, etiam cum felices videntur, aut ab eo statu excludunt, quem felicem putant. *Aufertur fortis, inquit Aug. quod nitebat; non remanet intus, nisi famus male conscientie*:

Hoc loco solent querere an nobilis sit se tueri, quam aggredi. Ac communis est sententia fortitudinem in sustinendo magis elucere: quod is qui agreditur, cum eo pugnet, quem inferiorem exilitat, contra atque evenit in eo qui se defendit. Huc accedit quod maxima in martyribus fuit fortitudo, quam in perferendis & sustinendis suppliciis emicuit.

Quod autem aiunt nobilis esse agere, quam pati; aggredi, quam sustinere, id facilè solvit: cum illa perpessio non sine magna animi contentione fiat, quatenus is cum malis velut colluctatur, ut ea superet, aut levius ferat. Id etiam magni est roboris, sese adversus mala quae vitari non possunt, obfirmare. Unde vir fortis est interitus, & impavidus, non insanus tamen: *Quales*, inquit. Aristoteles, *dicunt esse Celtas, seu Gallos, qui ne ipsis quidem terre motus, aut procellas timent*.

Ac de vitiis fortitudini oppositis nihil necesse est dicere, cum ea sint manifesta; timiditas imprimis, & audacia. Sic magnanimitati, ut docet Aristoteles, opponuntur pusillanimitas, seu dejestio animi, & elatio, seu superbia, qua quis se mereri majora quam mercatur, exilitat. Fortis ut plurimum est, bene sibi conscientius animus; abjectus & timidis, quem mordet conscientia. *Fugit impius nemine perseciente: Justus autem quasi leo confidens absque terrore erit*, prov. 28. Id visum est in martyribus, in quibus heroica fortitudo eniuit. Nihil porro magis fortitudini repugnat, quam vana & thrasonica animi elatio. *Nubes & ventus, & pluvia non sequentes, vir gloriebus, & promissa non complens*, prov. 25. Ac fere evenit, ut qui se praetaliis extollunt, omnibus sint contemptui. Nam *superbum sequitur humilitas: spiritum humilem suscipit*,

gloria. prov. 29. Contritionem precedit superbia, & ante ruinam exaltatur spiritus. Bene, qui dixit, hoc esse in animo superbiam, quod putredo & fætor est in cadavere ; nullo enim modo ferri potest.

Sed nusquam magis fallunt virtutibus finitima, quam ubi de fortitudine, & robore animi judicamus. Sunt qui in rebus contrariis, ut Cicero animadvertisit, parum sibi constent, voluptatem severissime contemnunt, in dolore sint molliores ; gloriam negligant, frangantur infamia, atque ea quidem non satis constanter. Ac sœpe que dicitur constantia, aut robur animi, plerumque non aliud est quam ars quedam dissimulanda ægritudinis, & æstus, quibus mens agitur, intra pectoris septa coercendi, ne exterius se prodant. Et quidem ipsa Philosophia de malis, aut præteritis, aut futuris facile triumphat, sed præsentibus opprimitur. Sunt qui calamitates non animi, sed ambitionis vi perfervunt ; ac sœpe heroës à vulgo hominum unius vanitatis studio fejunguntur. Quod utique cernere est in iis quos diuturnæ calamitates frangunt, aut qui restantis fortunæ iætibus perferendis sunt impares. Summa autem vere fortitudinis est, idem agere remotis arbitris, quod in omnium conspectu : in magnis periculis sibi constare, nec mentis tranquillitate, aut libero rationis usu dejici ; quæque magis sunt inopinata, & formidolosa pericula pacate & imperturbate excipere. Sed interdum qua fortitudo vulgo dicitur, pudori, temperamento, vanitati referenda est accepta.

Q U Ä S T I O I V.

De Temperantia.

TEmperantiae nomine eam virtutem intelligimus, quæ corporeas voluptates moderatur, ac potissimum eas quæ gustu & tactu percipiuntur. Quare præcipuum hujus virtutis minus in eo positum videtur, ut præcipites affectus inhibeas, ut fortitudo tardiores excitas.

In hac virtute id quod decorum vocamus, eluet maxime : quanquam id cum honesto ita conjunctum est, ut ab eo separari non possit. Nam ut scite M. Tullius, *& quod decent honestum est; & quod honestum est, decent.* Est enim quiddam, idque intelligitur in omni virtute, quod deceat, quod cogitatione magis à virtute potest, quam re separari. Ut enim venustas, aut pulchritudo corporis secerni non potest à valetudine : sic hoc, de quo loquimur, decorum, totum quidem illud est cum virtute confusum; sed mente & cogitatione distinguitur. Verum hinc non agimus de illo generali decoro, quod in omni honestate versatur, id unum quod attingimus, in moderatione & temperantia cernitur : quæ est virtutum omnium munimen & custos ; unde & temperans εὐπολιτεία, quasi sapiens dicitur. Justitiae enim v. g. partes sunt, ut ait Cicero, non violare homines; verecundia, id est, temperantia, non offendere : in quo maxime perspicitur vis decori.

Quamobrem licet temperantia circa voluptates gustus & tactus versetur maxime, quas Aristoteles belluinas & serviles vocat, alias tamen cupiditates sic moderatur, ut omnia agat decore & decenter.

Itaque temperantia voluptates sensus regit & moderatur, & eas maxime

que ad vitam cuiusque tuendam , & generis conservationem spectant. Ad promiscue pro continentia apud Auctores tum sacros tum profanos usurpatur : Ut ~~izquierdum~~ vox est communis temperantiae & castitatis; ut ~~desperatis~~ non impudici modo , & qui dicuntur incontinentes , sed etiam intemperantes appellantur. Continentia , ex Tullio ; in vietu omni atque cultu corporis tuendi causâ , & prætermittendis voluptatibus posita est . Aristoteles quidem l. 7. Mor. hoc discrimine intemperantes & incontinentes se Jungit , quod illi habitu , hi perturbationum astu peccent . Sed Latini sine discrimine his utuntur vocibus.

Partes temperantiae quæ integræ dici solent , sunt verecundia & honestas. Verecundiæ nomine non intelligimus eam animi perturbationem , de qua suo loco dicemus , quæque suffusionem creat : sed quæ dedecus fugit , decori , se honesti ipsius amore . Nam qui id quod decet & honestum est , amat , idem & dedecus fugiat necesse est . Vis autem decori , vel honesti in eo maxime posita est , ut quæ apta sunt illi personæ , quam vel à natura , vel à voluntate nostra , & delectu induiti sumus , convenienter agamus . Ut enim pulchritudo corporis , ait Tullius , apta compositione membrorum movet oculos , & delestat hoc ipso quod inter se omnes partes cum quodam lepore consentiunt : sic hoc decorum , quod eluet in vita , movet approbationem eorum quibuscum vivitur , ordine & constantia , & moderatione ditorum omnium , atque factorum . Hinc Sapiens , non decent stultum verba composita . pr. 16.

Duae sunt quoque species temperantiae , sobrietas & castitas : sobrietas in cibo & potu versatur . Nec illud necesse est ut hoc loco de sobrietate aut castitate fisiū dicamus : cum illud manifestum sit , in hoc sobrietatem vel abstinentiam versari , ne modus excedatur ; ne quantitate aut qualitate peccetur ; ne ultra famem aut sitim , quæ sunt mensura à natura constituta , cibum , potumve capiamus . Quid etiam , si proprie loqui volumus , sobrietas ipsa magis in eo posita est , ut anxiæ cibos non expetamus , cum absunt , nec avidè sumamus , si adsint . Uno verbo ut liceat nobis cum Apost. Philip. 4. dicere : Ego enim didici , in quibus sum , sufficiens esse . Scio & humiliari , scio & abundare : ubique , & in omnibus institutus sum , & satiari , & esurire ; & abundare , & penuriam pari . Hinc discimus , inquit Aug. l. 16. de civit. Dei . c. 37. in vescendo non cibi genere , sed aviditate immoderata quemque culpanendum . Et alibi 9. Evang. l. 2. q. 11. Nihil interest vel quantum alimentorum pro congruentia hominum , atque persona sua , & pro sua valetudinis necessitate quis capiat , sed quanta facilitate , atque serenitate animi careat , cum his vel operet , vel etiam necesse est carere .

Illud vero Sapientis præceptum in mente habendum . Noli , inquit ; esse in conviviis potatorum : quia vacantes potibus & dantes symbola consumentur , & vestietur pannis dormitatio . prov. 23. Hoc ipsum eodem in loco fortius inculcat . Cui va? cuius patri va? cui sine causa vulnera? nonne his qui commorantur in vino , & fluent calicibus epotandis ? Vinum quippe , ut eadem Sapientia nos docet , ingreditur blande , sed in novissimo mordebit ut coluber , & sicut regulus venenum diffundet . Item c. 13. Iustus comedit , & replet animam ; venter autem impiorum insaturabilis .

Præcipuum vero castitatis instrumentum & munimen est sobrietas ; tum occupatio honesta & sedula , que mentem alio deflebit . Nam in hoc genere certaminis

taminis fugiendo vincimus , nec quicquam animum magis ad resistendum facit imbecillem , quām otium illiberale. Illud non prætereundum puto , quod à Tacito breviter & nervose dicitur , cum causas afferat cur Germanæ mulieres adeo sint pudicæ , quod nullis , inquit , spectaculorum illecebris , nullis conviviorum irritationibus sint corrupte . Nemo enim illic vitia ridet , nec corrumperet & corripi seculum vocatur . Verū ista leviter attingimus , quod paſſim occurrant . Id verò Sapiens ſæpe juvenes admonet , ut hos laqueos effugiant : ut Eccl. c. 7. Et inveni amariorem morte mulierem , que laqueus venatorum eſt , & ſagena cor ejus : vincula ſunt manus illius . Qui placet Deo , effugiet eam : Qui autem peccator eſt , capietur ab illa . Salomon ipſe in ſapiencia ſua , Samson in fortitudine , David in sanctitate hōs laqueos non effugientur . Sit ergo lapsus majorum , tremor minorum . Aug. in Psal. 50.

- Addit Ecclesiastes eodem in loco . Virum de mille unum reperi , mulierem ex omnibus non inveni ; hoc eſt , unum ex mille virum inveni , cuius confusatio mihi eſſer utilis : Sed nullam ex mulieribus : nam periculosa eſt earum familiaritas . Ubi advertit Hieronymus , personam cum persona non comparari : sed periculum cum periculo . Nam ut Salomon prov . 6 pulchre nōs admonet , nunquid potest homo abſcondere ignem in ſinu ſuo , ut vefimenta illius non ardeant ; aut ambulare ſuper prunas , ut non comburantur plante ejus ? Optime Aug. perversa familiaritas hac , & falsa ſecuritas . Hinc Sapiens ; averte faciem tuam a muliere compra . Idem c. 25. ne respicias in mulieris ſpeciem , & non concupisca mulierem in ſpecie . Quod etiam eò pertinet , ut qui matrimonio jungi volunt , mores potius quām formam mulieris querant . Nihil eſt enim copulatiuſ , ait Cicero , quam morum ſimilitudo bonorum . At ſepe evenit , ut ſuperbus animus cum egregiā formā conjugatur ; ſpecies tranſit ; manet ſuperbia .

Sed ne longiores ſimus in colligendis Scripturæ locis , qua continentiam persuadent , id unum alte eſt menti inſigendum , donum Dei eſt , idque à Deo indeſinenter poſtulandum ; Et ut ſcivi quoniam aliter non poſſem eſſe continenſ , niſi Deus det ; & hoc iſum erat ſapientia , ſcire cujus eſſer hoc donum , adi Dominum & deprecatus ſum illum , & dixi ex toris precordiis meis . Sap. 8.

Reliquæ partes temperantie quas potentiales vocant , ſunt mansuetudo & modestia , de quibus hoc loco , ut pat eſſet , diſſerere non poſſimus . Mansuetudo ad fortitudinem & temperantiam aequæ revocari potest ; quatenus irā modetur ; camque compelcit , non excitat : unde & defectui quam excessu vicinior eſt ; & ad ignoscendum , quam ad uileſcendum propenſior : nec fete alia eſt virtus quæ hominem magis deceat : ut nihil eſt quod homines magis oderint quam animum implacabilem , & ultionis cupidum .

Mansuetudinis ſpecies ſunt clementia & misericordia : illa definitur à Seneca lenitas superioris erga inferiorem in conſtituendis peniſ : huic opponuntur indulgentia & atrocitas : ſic tamen ut clementia ſit indulgentiæ propior . Atque ea virtus cum omnes homines decet , tum principes viros maxime amabiles efficit : præſertim cum venia ſine periculo concedi potest , nec quicquam eſt quod timeatur . Nihil , inquit Cicero , laudabilius magno & preclaro viro dignius placabilate , atque clementia . Et tamen , ut ipſe ait , ita probanda eſt

ne insuetudo, aut clementia, ut adhibeatur reipublica causa severitas, sine qua administrari civitas non potest. Omnis autem animadversio & castigatio contumeliam vacare debet, neque ad ejus qui punit aliquem, aut verbis castigat, sed ad reipublica utilitatem referri. Paucioribus verbis Sapiens; sed magis nervosis id ipsum exprimit: Misericordia & veritas custodiunt Regem, & roboretur clementia thronus ejus. Prov. 20. Superiori capite illius providentiam insinuat, *Rex qui sedet in solio judicij, dissipat omne malum intuitu suo. Justitiam cum clementia conjunctam exhibet c. 16. Abominabiles regi qui agunt impie: quoniam iustitia firmabitur solum.*

Misericordia est clementiae affinis, & saepe cum ea confunditur. Duo tamen intellectu suo complectitur, animi ægritudinem ob alienas miserias, & miseriatur levamen. Stoici ægritudinem illam in sapientem cadere, aut eum aliena miseria affici negabant. Unde & misericordiam, quatenus est animi affectus, pusilli animi virtutum appellabant: quod nihil misero proficit angeli animo, sed ille potius sine ægritudine vel anxietate sit sublevandus. Verum si omnem videbantur humanitatem ea ratione repellere; nec fere quisquam alteri praestaret auxilium, nisi misericordia motu afficeretur. Atque haec humanitatis affectio sic minimum movet, ut eum non discruciet, sed grata & homini maxime propria motione percellat. Hinc Sapiens, *iustus, inquit, miseretur anima iumentis sui, sed misericordie impiorum crudeles.* Cum scilicet, inquit Baco, faceratis & facinorosis parcitur: tum enim misericordia universum facinotosorum exercitum concepsa impunitate armat in homines innocentes.

Hanc virtutem passim commendat Sapiens. *Benefacit anima sua vir misericors; qui autem crudelis est, etiam propinquos abicit.* prov. 11. Et c. 21. *Quæ obturat aurem suam ad clamorem pauperis, & ipse clamabit, & non exaudietur.* Item c. 19. *fæneratur Domino, qui miseretur pauperis, & vicissitudinem redet ei.*

Modestia, que pars est altera temperantiae, in neglectu honoris, aut immeriti, aut affectati consistit. Non enim solum ille modestus dicendus est, qui cum parva mereatur, non multum sibi tribuit, uti Aristoteles definit: sed etiam is qui magna meritus, honorem tamen non exigit. Sic magnanimus non is est, qui magna meritus, de se magnifice sentit: id enim est vanitatis cuiusdam, & quasi exquisitus ambitionis sensus: sed qui magis ad magna facienda nititur, quam se multum mereri existimet; & delatos honores aut recusat, aut verecunde admittit; nec merita ostentat, & quos meretur honores non affectat. Nec pusillanimitas in eo posita est, ut quis se minora quam mereatur, mereri potest: id enim est modestia & humilitatis: sed cum quis magna aggredi reformidat. Et sane ut vana meritorum ostentatio omnibus est exosa, sic modestia probatur omnibus. Neque is modestus habendus est, qui nihil interesse putat an aliquid probro, vel honore dignum sit: id enim est impudentis, non modesti hominis & verecundi. Nam is & præclare agit, & bonorum judicium non negligit. Quod si in dignitate est constitutus, dignitati sua debitum honorem tuerit; ac demum externum honorem non penitus negligit, sed insolenter non ambit. *Finis modestiae timor Domini, divitiae. & gloria & vita.* Hec enim si virtus erit, non exterior tantummodo futura est, sed ex timore Dei profluet. Hec linguam, actiones, incessum moderatur. Linguam im-

primis regit. *Nam sapiens in verbis. seipsum amabilem facit.* Eccli. 20. Ac *reſponſo mollis frangit iram: sermo durus iuicitat furorem.* prov. 15. Ubi enim in animo tumor superbia, in ore flatim ſe prodit. *Lingua placabilis, Hebraicè, lingua ſana, lignum vita.* Hæc enim iram extinguit, tristitiam pellit, & animæ tranquillitatem afferit.

Verum ipſa humilitas, quæ ad religionem pertinet, quæque omnium virtutum est fundamentum, cùm vera eſt & sincera, non fucata, non ementita, hæc utique propria eſt Christianoru[m] virtus, quam à Servatore nostro accepimus, *dilecte à me,* inquit, *quia mitis ſun & humiliſ corde.* Hanc virtutem ut aliarum omnium custodem Sapiens paſſim commendat: ut in eo quem mox citavimus loco; *timor domini disciplina ſapientia;* & gloriā precedit humilitas. Nisi enim gloria in humilitate fundetur, ruinæ erit occasio. *Ne ſis ſapiens apud temetipſum.* c. 3. Atque haec virtutes, quæ veræ ſapientia ſunt feciſ, etiam foris ſe produnt. *In facie prudentis lucet ſapientia: oculi fulitorum in finibus terra.* Gravitas enim illa modesta quam paſſim Apost. commendat, *in integritate, in gravitate,* Tit. 2. eſt instar corporis cuius anima eſtiſ ſapientia, & humilitas: hæc ſi defit, gravitas illa eſt velut larva virtutis. *Sapientia hominis lucet in vultu ejus.* Eccli. 8. Gravitas illa & modestia que ab anima in corpus, à corde in faciem ſe effundit, magnum eſt virtutis ornementum. Cum dignitas oris, frons Serena, æquabilis modestia ſint feciſ ſolidæ virtutis.

Q U Ä S T I O U L T I M A.

De Iuſtitia,

Nunc de iuſtitia paulo ſtrictiore ſtylo dicendum, quod multa quæ ad hunc locum pertinent, cum de regulis actionum humanarum agemus, diligenter à nobis ſint explicanda. Quid ſit iuſtitia, quæ illius partes, quæ ei ſunt virtutes annexæ, quam brevissime exponemus.

A R T I C U L U S P R I M U S.

Quid ſit iuſtitia.

Iuſtitia latiore significatu virtutes omnes complectitur. Hoc verò loco uifatur pro virtute quæ hominem perficit, quatenus ad alterum ſpectat, ut loquitur Aristoteles. Nam ceteræ virtutes id quidem preſtant, ut homo erga ſeipſum bene ſit affectus. *Justitia autem munus eſt,* ut quis alioſum comparatione bene ſit diſpoſitus, cum in hominum ſocietate tuenda, tum in tribuendo cuique ſuum. Unde ut Tullius docet, *in hac virtute eſt ſplendor maiorum,* ex qua viri boni nominantur. Nihil enim quod homines magis ament & venerentur: atque ejus eſt tanta vis, quemadmodum alibi docet, ut nec illi quidem qui maleſicio & ſcelere paſcuntur, poſſint ſine ulla particula iuſtitie vivere.

Definiti ſoleat *conſtant & perpetua voluntas iuſ ſuum cuique tribuendi.* Quod dicitur voluntas conſtant & perpetua, id non ſolam voluntatis actionem, nec

facultatemque hoc nomine solet appellari, sed affectum ipsum, aut habitum designat. Non enim ille est justus qui justa, sed qui juste, hoc est, qui ex affectu justitia agit, ut identidem nominat Aristoteles.

Quod additur, *jus suum cuique tribuendi*: juris nomine proprie intelligitur æqualitas illa, que justitia propria est, quæque est illius mediocritas inter plus & minus constituta. Unde & æquitatis nomen fortè ductum est, quod jus æqualitatem inter res inæquales ponat: de qua æqualitate postea. Hinc qui ambigunt de re aliqua, ad judicem configunt, quod judex, ut pulchre Aristoteles, sit jus quoddam animatum; ac ipsum querunt, quasi medium, aut potius mediatorem: *judex enim*, inquit, *exequat*, *dum velut linea in duas partes inaequales secta*, *quo major pars dimidium excedit*, illud detrahit, & ad partem minorem addit.

Ex quo intelligitur talionem, seu perpessionem reciprocam non esse jus simpliciter dictum. Neque enim fit æqualitas, si majori parti detrahas, & minori nihil adjicias; nec damnum resarcitur, cui dens avulsus est, si dentem ei qui hanc intulit injuriam, avellendum jussitis: sed damnun, quantum fieri poterit, aut pecuniæ, aut alia re sarcendum; præterquam si quis in magistratu constitutus aliquem ex plebe perculserit, non prope rea est referendus. *Nec dicas quomodo fecit mihi, sic faciam ei*, pr. 24. Dictum fuit Iudeis *oculum pro oculo*, &c. Sed ut ait Aug. in Ps. 108. *Hæc si dici potest, injutorum justitia est*. Ultioni præscripti sunt fines, sed ea radicibus evulsa non fuit. Justum erat ut homo idem perferret supplicium, morali, ut diximus, talione: sed lex ipsa præscribere debebat, non homo læsus expetere: nedum seipsum ulcisci.

Jus porro non uno modo accipitur. 1º enim sumitur pro lege quæ cuique suum præscribit. 2º Jus dicitur scientia juris, quam Celsus definit, *artem boni & æqui*. Ille enim vere est peritus juris, qui non solum leges memoriam compleatitur, sed qui vim legum sic tenet, ut eas ex æquo & bono possit interpretari. Nam, ut ait idem Celsus, *leges interpretande sunt benignius quia eorum voluntas conservetur*. Hinc judex saepe id jus constituit, non quod lex generatim, sed quod æquitas ipsa præscribit. Neque enim lex generalis casus omnes potest & circumstantias prævidere.

Hinc Aristoteles loco citato docet legem plerumque habendam, velut Lefbiam, aut plumbeam regulam, quæ sese lapidibus secandis accommodat: sic legem interdum ad res ipsas inflecti, atque ex æquo & bono corrigi oportere.

3. Pro facultate agendi, aut possidendi, aut fruendi re aliqua jus proprius usurpatur: quo quid in sensu dicimus jus nostrum perseQUI, aut retinERE, aut remittERE; ac nihil est aliud quam facultas aut potestas, aut dominium quoddam.

Quo utique modo jus acceptum varie dividis solet: aliud enim est jus naturale, aliud positivum, quod divinum est, vel humanum: ac de iis satis copiose tractatu tertio dissolvemus. Item aliud est scriptum, idque aut Civile, aut Canonicum; aliud non scriptum, sed tacito populi consensu probatum: quod iterum vel communi gentium consensione, vel inveterata consuetudine receperim est. Atque hi sunt velut fontes, ex quibus jus, aut dominium, aut facultas de re aliqua diponendi proficit.

Verum his omissis quæ nostri non sunt instituti; illud liquet, jus cuique proprium, seu à natura sit constitutum, seu pacto, aut lege firmatum sit, ante omnem justitiam existere; cumque id violatur, tum fit injuria. Voluntas illa suum cuique tribuendi, justitia dicitur, quatenus jus restituit, & injuriam emendat: opus justitia jus quoque dicitur, sed restitutum, & quasi secundarium. Itaque illud ad juris prudentiam pertinet, jus illud quod cuique competit, quodque in juris violati compensationem sit reponendum, pavidere. Id æquum, quasi æquale nominatur. Hinc Cicero, *jus semper quæ situm est equabile, neque enim aliter esset jus.*

ARTICULUS II.

Partes iustitiae subjectivæ afferuntur.

Prima & summa iustitiae divisio est in generalem, seu legitiinam, & specialem. Illa omnium virtutum functiones videtur præscribere, quatenus ex ad alterum spectant. Specialis erit iustitia, quæ ita est ad alterum, ut ad alias virtutes referri non possit.

Alii iustitiam legalem eam esse volunt, quæ ad bonum publicum, & communis speccat, ut particularis uniuscujusque bonum promovet. Illa cum in omnibus civibus viget, tum in iis maxime qui præsunt, ut in legislatore, tanquam in architecto, & in magistratibus, qui personam publicam civitatis sustinent. Est enim, inquit Cicero, *proprium munus magistratus, intelligere se gerere personam civitatis, debereque ejus dignitatem & decus sustinere, servare leges, jura describere, ea fidei sua commissa meninisse.* Privatum autem oportet *equo & pari cum civibus jure vivere, neque summissum & abjectum, neque se efferentem; tum in rep. ea velle, quæ tranquilla & honesta sunt.* Paulo superius magistratus admonet, ut duo Platonis teneant præcepta: *unum. utilitatem civium sic tueantur, ut quidquid agunt, ad eam referant, oblii commodorum; alterum, ut totum corpus rep. curent, ne dum partem aliquam tuentur, reliquas deferant.*

Iustitia specialis duplex est, distributiva & commutativa; illa in præmii, ut honoris, aut pecunie distributione, pro meritis & conditione personarum, quæ ejusdem recipit, aut societatis sunt participes; hæc in contractibus & conventionis, ut in emptione & venditione, consistit. In utraque fit exequatio quedam: sed in iustitia distributiva servatur analogia, seu proporcio Geometrica. Nam & homines & eorum merita penes virtutem, aut nobilitatem, vel censum, munera & dignitates spectantur: adeo ut hæc proporcio ita instituatur, ut se habet unius meritum ad meritum alterius, sic illius præmium ad istius præmium itidem se habeat. Unde Aristoteles innuit, *exinde pralia, querelasque existere, dum aut æquales non equalia, aut non æquales equalia fortiantur.*

In iustitia commutativa non homines, aut merita pensantur, sed commutationes ipse, aut lucrum, vel damnum. Unde in ea medium, seu æquum inter majus & minus in proportione Arithmetica consistit: ut excessus majoris supra medium sit æqualis excessui medii supra minus extreum. Ut si dixer-

rimis , quemadmodum novem se habent ad sex , ita sex ad tria. Est enim idem utrumque excelsus. Non dissimili ratione in justitia commutativa tantum ex lucro uni adimitur , quoisque ad medium perveniat , quo damnum alterius refarciri possit. Unde qui ambigunt de hoc medio , ad Judicem , tanquam ad jus animatum configunt.

De hoc justitiae aut injustitiae genere intelligi debent illa Sapientis oracula. *Statera dolosa abominatione est apud Dominum : & pondus aequum voluntas ejus. Proverbi. ii. &c. 20. Pondus & pondus , mensura , & mensura : utrumque est abominabile coram Deo. Quod utique ad omnem vite rationem pertinet. Nam ubi res nostra agitur , tum amor nostri bilancem sepe deprimit : contra accedit , cum Dei aut proximi habetur ratio. Sic in ementibus , & vendentibus plerumque multum avaritiae , mendacii , dissimulationis & injustitiae admiscetur. Malum est , malum est , dicit omnis emptor ; & cum recesserit , tunc gloriabitur. Ibid. Illud vero animo alte infigidum quod Sapiens c. 11. admonet. Alii dividunt propria , & ditiores sunt : alii rapiunt non sua , & semper in egestate sunt.*

Justitia distributiva jus respicit quod meritum cuique tribuit : estque aut communitatis , aut ejus qui praest , ad privatos habitudo quædam. Sed commutativa privatis conventis , aut pœtis ntitur ; eaque est privati ad privatum.

Justitia vindicta ad utramque videtur pertinere : ad distributivam , quæ ut præmia , sic pœnas pro meritorum , aut criminum ratione prescribit ; ad commutativam quoque pertinet , quatenus quæ in contractibus , aut in commerciis peccata sunt , emendat , & supplicia pro criminum ratione prescribit. Per eam quippe civis cum civi , privatus cum privato pacate & tranquille vivit , atque omnis arcetur injuria.

Id vero est boni judicis non personæ , sed cause rationem habere. Nam cognoscere personam in judicio non est bonus. Prov. 27. Multo minus is munericibus aut donis se corrumpi sinet : nam specie liberalitatis , quæ spontanea videtur , licet coacta sit , expletur avaritia : Nec phantasma honoris , quod sibi vanitas fingit , omnino obstat quominus justitia vis quedam inferatur. *Videtur & honorem acquirit , qui dat munera : animum autem ars fert accipientum. Prov. 22. Hac enim ratione specie honesti vndit justitia : & circa vanitatis pudorem expletur cupiditas. Nec tamen aut pietas , aut honestas hoc genus commercii probant.*

Verum hoc loco duo queri solent , unum an volenti fieri possit injuria ; alterum an Judex cui justitia vindicta credita est , teneatur juxta allegata & probata , etiam contra propriam scientiam judicare. Sit itaque

Prima Conclusio.

Volenti proprio non fit injuria.

Prob. ex Aristotele : aliud est facere rem injustam , aut damno aliquem afficer ; aliud facere injuriam. Nam injustum quid possum facere , quod justum putem ; injuria vero non fit nisi animo nocendi. Unde quis potest sponte pati injusticiam , injuriam vero perpeti nisi invitus nemo possit : fit enim alicui injuria , cum agitur contra jus illius & legitimam potestatem ; sed legitima cu-

jusque potestas , aut jus est illius voluntas : ergo actu & de facto , seu ut loquuntur , formalis injuria nemini nisi invito fieri potest : ex quo fit etiam ut nemo à se ipso injuriam patiatur.

Sed , *inquires* , cum quis pollicitationibus lactatur & blanditiis , aut meta compellitur , aut si ignorans decipitur , aut pupillus , vel qui infirmo est ingenio in fraudem illicitur , huic licet volenti fit injuria : ergo volens injuriam pati potest.

Resp. Tum imperfectam esse voluntatem ejus qui aut præ ætate , aut præ ignorantia , aut præ ingenii imbecillitate decipitur ; quique damnum infert , dolo malo tenetur : tametsi damnum potius , quam injuriam alter pati videatur , quatenus sciens ac volens eam accipit.

Quærit etiam Aristoteles utrum gravius sit pati injuriam , an facere.

Reponsio facilis est , gravius esse malum injuriam facere : id enim est cum injustitia conjunctum ; qui vero accipit injuriam , is vitio , & injustitia vacat.

Qui vero alterum injuria afficit , illud à Sapiente dictum mente revolvat . Qui calumniatur pauperum ut angeat divitias , dabit ipse ditioni & egebit . Pro. 22.

Verum circa iustitiam vindicem major nos manet difficultas , an judex etiam in capitali sententia contra propriam scientiam ex allegatis & probatis judice teneatur . Quæ quidem quæstio ut dirimi facilius possit , res est paulo ab altiori principio deducenda . Cum societas secura esse non possit nisi conventionibus & pactis mutuis firmetur , ea pacta , jura proprie dicuntur , nec circa injuriam violantur . Ac leges ab ejusmodi pactis initium duxere , cum scilicet id utile hominibus visum est , ut ait Plato , pacisci mutuo ne facerent , paterneturque injuriam . Prima autem conventio ea videtur fuisse , qua suum cuique distribueretur ; deinde ne imbecilliores prædæ essent validioribus . Quam quisque habuit vindicandi facultatem , in multitudinem aut potius in eum qui præcesset , transtulit , ut ille provideret , ne cuiusque jus violaretur . Hinc docet Aristoteles nihil esse aliud principem , quam custodem juris . Judex vero aut magistratus in judicando principis locum tenet , & publicam personam gerit . His intellectis , sit

Secunda Conclusio.

Judex tenetur contra propriam scientiam in causa capitali juxta probata & allegata judicare , ex hypothesi quod sententiam ferat .

Prob. concl. Judex publicam personam gerit , & publica potestate in judicando fungitur , tanquam instrumentum reip. ut loquitur sanctus Thomas : ergo non ex propria , sed ex publica scientia , per testes nimirum , & probationes , non aliter ac si resp. adesset , debet judicare .

Confirm. Hoc est judicis officium jus dicere , non jus dare ; legem interpretari , non condere : ergo eodem modo judicare debet ac si adesset resp. ex publicis nimittim probationibus , instrumentis , ac testibus : juxta illud Deuteronom. 19. *In ore duorum aut trium testium stabit omne verbum.*

Tertia Conclusio.

Judex tenetur à ferenda sententia , si possit , abstinere , aut magistratum po-

tius deponere, quam in causa capitali innocentem contra propriam scientiam condemnare.

Prob. Conclusio Scripturæ authoritate, Exodi 23. *Non audies vocem mendacij, nec sequeris turbam ad faciendum malum, nec in judicio plurimorum acquiesces sententia, ut à recto devies:* Ergo si judex abstineat possit à ferendo judicio, tenetur id facere potius, quam à recto præter conscientiam deviare. In eam quoque sententiam illud Prov. 17. adduci pesset. *Qui justificat impium, & qui condemnat justum, abominabilis est utique apud Deum.*

Confir. Unum est quod judicem potest ad condemnandum innocentem compellere, publicæ ministrum tranquillitatis ratio: sed vix moraliter loquendo id usū venit, ut in discrimen veniat bonum publicum, si innocens absolvatur: ergo ubi judici liquet de accusati innocentia, omni quidem ratione is eniti debet, ut tecum eximat, aut judicium non ferat; ac potius abdicare magistratum debet, quām insoltem morti addicere Id enim ad judicis officium maxime pertinet ut vim & dolum prohibeat; ne judicium, ut ait Scriptura, *vertat in absinthium*; ne leges prælertim pœnales durius interpretetur: sunt enim laqueorum imbri non dissimiles, quibus illud Psalmi Regini aptari potest, *Pluet super eos laqueos*: ac demum ne sui sit juris adeo ignarus, ut nesciat sicutum & prudentem legum usum & applicationem ad se pertinere.

Diluvuntur objectiones.

Oppon. 1. Viam sceleribus apertum iri, si liceat judici à ferenda sententia absinere; ac corruptus judex id obtendet se contra propriam scientiam non posse insoltem condemnare.

Resp. Undique esse incommoda, & angustias, sed minima de malis esse eligenda: præcipue cum publici boni ratio non urget. Nam ut ait Sapiens, *fons turbatus pede, & vena corrupta est, justus cadens coram impio.* Injuriae inter privatos velut rivilos inficiunt, sed iniqua judicia, quibus insoltes condempnatur, velut fontes justitiae corrumpunt. Quare judex potius officium aut magistratum abdicabit, quām jus naturale violer, & insoltem condemnnet.

Opp. 2. Sacerdos tenetur Eucharistiam administrare vel iis quos indignos noverit: ergo à pari qui personam gerit publicam, potest & debet interdum contra propriam scientiam agere.

R. Disf. conseq. Dummido nulli inferat injuriam, C. secus, N. Irr administratione autem Eucharistie nulli fit injuria. Nam volentibus præbeatur sacramentum; idque exemplo Christi Domini qui suum corpus proditori in extrema Cœna præbuit manducandum. Quare illud Modestini in Digestis tenendum videtur, *nulla, inquit, juris ratio, aut æQUITATIS BENIGNITAS PATITUR, ut que salubriter pro utilitate hominum introducuntur, ea nos duriore interpretatione contra ipsorum commodum producamus ad severitatem.* Ac demum æqui & boni ratio interdum impedire debet ne summum jus in summam injuriam convertatur; & naturalis æQUITATIS RATIO maxime habenda est, ne nimis callida, ut loquitur Cicero, & 'malitiosa' juris interpretatio eam destruat.

Inst. Index sequi debeat scientiam publicam, non privatam.

R. Disf. antec. Sequi debet scientiam publicam, ut judicet, C. ut abstineat à judicando, N.

Contra

Contra, *inquiunt*. dux non debet abstinere ab expugnanda urbe, in qua multi innocentes occiduntur: ergo nec *Judex*, tenetur à judicando abstinenre.

Repl. Disparem esse rationem: Id enim ad officium *Judicis* pertinet ut servet infontem: Sed ducis officium est, ut urbem expugnet: etiam si multi in ea sint infantes, qui in oppugnatione, imo & forte in direptione occiduntur. Quod utique est per accidens, & præter intentionem ducis, qui injuriam publicam ulciscitur, aut repellit.

ARTICULUS III.

Partes iustitiae integrales perstringuntur.

DUæ sunt partes iustitiae vulgo integrales dictæ, quæque ad exercendos iustitiae actus sunt necessariae: ex autem sunt bonum facere, & à malo defletere. Idque non absolute intelligendum videtur: hoc enim virtuti omnini commune est, sed comparate ad eos quibuscum societate censuimus, ne cui dampnum inferamus, & illatum relaxamus. Nam singularis iustitia in eo maxime versatur, ut unusquisque alium suo iure fini patiatur: quemadmodum suo ipse iure frui vult; nec publica iustitia ob aliam rationem fuit instituta, quam ut ii coercentur qui singulariter iustitiam non tuerintur. Hinc Apostolus docet *iusto legem non esse possum*. Nam iustus colit iustitiam ob ipsius iustitiae reverentiam. Hinc illud Aristotelis responsum tanto Philosopho dignum refert Laertius, qui cum rogaretur, quid ex studio sapientiae emolumenti retulisset, hoc, inquit, ut *injussus agam que alij non nisi metu legum agunt*. Itaque hoc cuique debet esse propositum, ut tam velit alterius ipsius, quam suum sibi integrum esse, ut nihil agat præter societatis humanæ finem; in ea quippe societate aut nascitur, aut toleratur hac conditione, ut non querat suam ex juris alieni detrimento utilitatem; ut communis reip. utilitate suam contineri intelligat.

ARTICULUS IV.

Partes iustitiae potentiales.

HÆ sunt iustitiae virtutes annexæ: quarum quædam sunt æqualitati consiliuende impare: ut religio erga Deum, pietas in parentes, observantia in eos qui aut dignitate, aut virtute sunt conspicui. Quædam non tam jure, quam honestate continentur: quarum nonnullæ ad honestatem tuendam sunt omnino necessariae, ut gratitudo animi, & sinceritas: cum scilicet homo ralem factis & dictis se exhibet, qualis est. Aliae ad maiorem honestatem exiguntur, ut liberalitas in divitiarum usu, affabilitas in rebus seriis, urbanitas in jocofisi: quibus accedit mutua benevolentia, seu amicitia. De singulis, pro rei dignitate agere non possumus, cum de iis virtutibus Doctores sacri & profani multa scitu quidem præclara, sed intellectu facilia tradiderint: nos

De Amicitia.

Atque ut ceteras omittam virtutes, amicitia videtur proprius ad justitiam accedere, quod aequalitatem inveniat aut faciat. Est enim, ut ait Cicero, *volumatum, studiorum, sententiarum summa consensio*. Atque ut ii qui sunt in amicitia, conjunctionisque necessitudine superiores, exequare se cum inferioribus debent, sic inferiores dolere non debent à suis amicis, aut ingenio aut fortunâ superari.

Vera autem amicitia est quam virtus vel morum honestas conciliat. Hæc enim sola constans est & perpetua; ac viri boni se invicem diligunt, reliqui non tam se mutuò, quam suam quisque utilitatem aut voluptatem amant. *Nemo potest veraciter esse amicus hominis, nisi fuerit amicus veritatis.* Aug. Epist. 50. Hinc illud pr. 13. *Qui cum sapientibus graditur, sapiens erit: amicus stultorum, similis efficietur.* Nihil enim altius in animos hominum penetrat, quam exempla amicorum. Sapientum exempla sunt instar vivi & spirantis libri.

Has antem amicitiae leges affert Cicero. Prima, inquit, lex amicitiae sanctiatur, ut neque rogemus res turpes, neque faciamus rogati. 2. Ut amicorum causâ honesta faciamus, ne expectemus quidem dum rogemur. *Ne diccas amico tuo, vade & revertere, cras dabo tibi: cum statim possis dare.* pr. 4. Id quoque tenendum, *perde pecuniam propter fratrem. & amicum tuum: & non abscondas eam sub lapide in perditionem.* Eccli. 29. Ilius præclarè dicti memineris, *hoc habeo, quodcumque dedero. Noli, inquit, prevaricari in amicum pecuniam differentem.* Eccli. 7. 3. Ut ne criminibus aut inferendis delebetur amicus, aut credat illatis. *Occasiones querit, qui vult recedere ab amico: omni tempore erit exprobabilis.* pr. 18. 4. Ne quid fictum sit aut simulatum; sed ne ipse quidem esse suspiciosus debet, semper aliquid existimans ab amico esse violatum. *Et amicus ad inimicitiam,* ait Sapiens. Sunt enim qui semper de amicis conqueruntur; ii morosi sunt, & facile se læsos putant. *Et est amicus, qui odium, & rixam & convicia denudabit.* Atque hoc amicorum genus est pessimum. *Que viderunt oculi tui, ne proferas in iugio citio: ne postea emendare non possis.*

Postremo monendi sunt lepe amici & objurgandi, & hæc accipienda amicè cum benevolè sunt. Molesta, inquit Cicero, veritas est, si quidem ex ea nascitur odium, quod est venenum amicitiae: sed obsequium multo molestius, quod peccatis indulgens præcipitem amicum ferri sinit. Omnis igitur hac in re adhibenda ratio & diligentia est, priuam ut monitio acerbitate, deinde objurgatio contumeliam careat. Sed amicus blande contipiat. *Meliora enim sunt vulnera diligenter, quam fraudulenta oculu odientis.* pr. 7 Nam inimicus adulatur ut perdat, amicus vulnerat ut sanet. *Homo qui blandis filiisque sermonibus loquitur amico suo, rete expandit gressibus suis.* pr. 29. Item, *Quomodo probatur in confititorio argentum, & in fornae aurum: sic probatur homo ore laudantis.* Nam ut aurum putum igni resistit, & palea consumitur:

Sic vete humilis & modestus laudibus obsistit, infirmus sibi blanditur, & manifestum facit, se auri quidem splendorem, non pondus & soliditatem habuisse. Illud itaque Sapientis consilium imprimis servandum, Eccles. 7. Melius est à sapiente corripi, quam stultorum adulazione decipi. Nam ut scire August. Columba amat, & quando rixatur; lupus odit, & quando blanditur: Et alibi, plus persequitur lingua adulatoris, quam manus interfectoris. in ps. 50.

Hinc mollem amicum Salomon his verbis redarguit, *Melior est, inquit, corruptio manifesta, quam amor occultus.* Atque omnino fugienda sunt extrema vel adulationalis, vel morositatis. *Qui laudat amicum surgendo manu voce aliâ, ait idem Sapiens, erit illi loco maledictionis.* Nam laudes immodecet, aut affetatae, aut importune effusae multum nocent. Parca & modesta invitant praesentes ut iis aliquid adjiciant: sed laudes nimia & profusa ei qui laudatur conflant invidiam, & aliis qui non minis laude sunt digni, contumeliosè videntur. Hinc illud Taciti, *peccatum inimicorum genus laudantes.*

Ex iis liquet quam difficile sit verum & fidelicem amicum invenire. *Amicus fidelis, protectio fortis: qui autem invenit illum, invenit thesaurum.* Eccl. 6. Et eodem in loco, *Amicus fidelis medicamentum vita, & immortalitatis: qui metuit Dominum, inveniet eum.* Nam est amicus secundum tempus, & non permanebit in die tribulationis. Hujus generis sunt qui potentum amicitiam ambiant. Multi enim colunt personam potenteris, & amici sunt dona tribuentis. pr. 19. Et est amicus socius mensæ, & non permanebit in die necessitatis. Eccl. 6. Nam convivia plerumque fraudulentis & ingratis alendis serviunt. Uno verbo haec duo Sapientis consilia ex animo nunquam excidant, 1^o *Ne derelinquas amicum antiquum: novus enim non erit similis ei.* Recentes enim amicitiae offendunt animum; ut nova vestis, novi calcei semper molesti sunt. 2^o *Non omni homini cor tuum manifestes.* Eccl. 8. Nam ut optime animadvertit Scriptor Gallicus & elegans, cum temere amici arcana tibi credita detegis, simili amicitia, honor, justitia ex ore tuo exidunt: atque hoc tantum à bellua dictas, quod ea loqui non possit, tu tacere. Verba temere emissa negotii exitum saepe inhibent. Tempus destruit quod factum est, lingua quod faciendum.

De Observantia. -

Ea est virtus qua homines dignitate, etate, sapientia antecedentes reveremur, ac colimus, ut Cicero ipse definit. *Est igitur, inquit, adolescentis maiores natu reveri, ex iisque diligere optimos & probatissimos, quorum consilio, atque autoritate nitatur. Ineuntis enim etatis inscitia senum constituta & regenda prudentia est.*

Illud Principis Apostolorum præceptum tenendum, *Omnes honorate, fraternitatem diligite, Deum timete, Regem honorificate.* 1. Petr. 2. Item illud Pauli Apost. *reddite omnibus debita, cui tributum, tributum; cui honorem, honorem.* Rom. 13. Idque planius explicat eodem in loco Petrus Apost. *Subiecti igitur esote omni creature propter Deum; nempe ut cui honorem debemus, vel ob dignitatem, vel ob potestatem aut meritum, hunc observemus, & colla-*

inus. Quod si nihil eorum habeat, qua observantiam nostram, aut honorem exigit, tum illud Prophetæ obtinebit, qui inter viri boni dotes, hanc etiam adnumerat; quòd impios nihil ducat. *Ad nihilum deductus est in conspectu ejus malignus.* Id ipsum diserte explicat S. Thom. 2. 2. q. 63. art. 3. nempe honorem reddi ut quoddam virtutis testimonium, cui soli proprio debetur honoris. Sed homo colitur non modo ob virtutem propriam, sed etiam ob alterius cuius vicem gerit, excellentiam. Sic Principes, Magistratus, & Prelatos colere debemus, etiamsi essent improbi; quòd aut Dei ipsius, aut civitatis personam gerant. *Sive Regi*, inquit Princeps Apost. *quasi praecellentem*, *sive ducibus tanquam ab eo missis ad vindictam honorum, laudem vero beneficiorum.* Sic parentes coluntur, imo & senes, quòd senectus sit virtutis indicium, licet id fallat plerumque, *Corona dignitatis senectus, quæ in viis justitia reperietur.* Nam ea senectus coli debet, quæ sibi ipsi non est dedecori.

De Liberalitate.

De beneficentia, liberalitate, gratitudine tot præcepta ab antiquis & recentioribus Philosophis conscripta sunt, ut in iis referendis frustra à nobis tempus tereretur. Id unum advero, has conditiones ad liberalitatem à Cicerone afferri. Videndum est enim primum ne oblit benignitas, & iis ipsis quibus benigne videbitur fieri, & ceteris. *Deinde ne major sit benignitas quam facultas: nam benignitatis fons exhaustur;* & qui benigniores volunt esse, quam res patitur, primum in eo peccant, quòd injuriosi sunt in proximos: quas enim copias his & suppeditari aequius est, & relinquere, eas transferunt ad alienos. *Hinc quoque nascitur cupiditas rapiendi plerumque & auferendi per injuriam, ut ad largiendum suppetant copia.* Hinc pulchre Tacitus loquens de Vitellio, inerat tamen simplicitas & liberalitas: quæ ni adsit modus, in exitium vertuntur. Tertium est propositum, ut non sine delectu beneficium tribuatur; ac debeat esse benignitas in calamitosos propensior. *Hoc maxime*, inquit M. Tullius, *officii est, ut quisque maxime opis indigeat, ita potissimum ei opitulari.*

Benignitas igitur apud Tullium has virtutes complecti videtur, comitatem, humanitatem, liberalitatem, beneficentiam. *Benignitas*, inquit Hieronymus in cap. 5. Epist. ad Galatas, *virtus est lenis, blanda, tranquilla, & omnium honorum apta consortio, invitans ad familiaritatem sui dulci colloquio, moribus temperata.* Denique hinc Stoici definiunt: *Benignitas est virtus, sponte ad benefaciendum exposita.* Benignum Apost. Tit. 1. 11. 12. 13. 14. 15. appellat, cui εὐαγγέλιον seu hospitalem conjungit: hic amorem in peregrinos, ille in bonos significat. Huc pertinet illud præceptum Sapientis. *Noli prohibere benefacere cum qui potest: si vales, & ipse benefac.* prov. 3.

Hæ virtutes leniores, & in communi vita posite maxime hominem conciliant homini. *Vir amabilis ad societatem magis amicus erit,* quam frater, prov. 17. Hinc Apost. *Omnibus per omnia placebo.* Quod utrius faciebat, ut omnes luctifaceret, non ut ipse, sed ut Deus amaretur. Ca-

¶endum quippe est ab adulatione ingeniosa, quæ hanc virtutem perverse imitatur. *Nel latet quemquam labiis tuis.* prov. 24.

Sed in contrarium peccant morosi & difficiles. *Noli esse amicus homini iracundo, neque ambules cum viro furioso.* Et cap. 15. *Honor est homini, qui separat se à contentionibus : omnes autem stulti miscentur contumeliis.*

Sic derisores, detractores, rixosi, dolosi, susurrones ab hac virtute quæ societatem humanam maxime continet, seu benignitas, seu humanitas dicatur, maxime recedunt. *Ejice derisorem, & exibit cum eo jurgium. cessabuntque causa & contumelia.* prov. 22. Sales enim vel ingeniosi magna quandoque jurgia & odia excitant: Hinc sapientes hujus saeculi libenter audire solent scommata, non jacere, aut temere emittere. *Remove à te os pravum, & detrahentia labia sint procul à te.* Nihil enim magis vite tranquillitatem & pacem interturbat, quam detractores, & susurrones, qui fovent jurgia. *Cum defecerint ligna, extingueretur ignis ; & susurroni subtrahit, jurgia conquiescent.* prov. 26. Et c. 18. *Labia stulti miscent se rixis, & os ejus jurgia provocat.* Et c. 16. *Qui celat delictum, querit amicitias ; qui altero sermone repetit, separat fœderatos.*

Quisquis ad ea quæ quotidie in vita geruntur, animum intenderit, is facile perspiciet ex eo fonte tot jurgia, lites, temeraria judicia, contentiones manare. Neque huic malo aptius est remedium, quam illud quod à Sapiente præcipitur. *Ventus Aquilo dissipat pluvias, & facies trifris linguam detrahentem.* prov. 25.

Quid autem mali non efficit ipsa detraction? Si mordeat serpens in silencio, nihil eo minus habet qui occulte detrahit. Eccl. 10. *Serpens & detractor aequales sunt,* ait Hieronymus in hunc locum. *Ille occulte mordens, venenum inserit : Ille clam detrahens, virus peccoris sui infundit in fratre.*

Hinc temerariis judiciis plena sunt omnia : & Psaltes Regius inter viri boni virtutes hanc non omisit, Ps. 14. *Qui opprobrium non accepit adversus proximos suos :* Id est, ut explicat Aug. qui non libenter aut temere credidit criminatori. Ac Deus ipse antequam ultricibus flammis Sodomam & Gomorram deiceret, *Descendam, inquit, & videbo.* Hinc optimè Gregorius Mor. l. 10. c. 14. *Deus gravitatis nobis exemplum proponit, ne mala hominum antè presumamus credere, quam probare* Jam id nos admonuerat Syracides, c. 11. *Priusquam interroges, ne vituperes quemquam : & cum interroga- veris, corripe justè.* Charitas quidem omnia credit, ait Apost. sed Deo; cum scilicet Deus loquitur, non homines, ut explicat Aug. *Nam qui cito credit, levis est corde.* Eccl. 19. Hinc Propheta Regius, *Detrahentem proximo suo hunc per- sequebar.* Ista paulo fuisus collegimus, quod hoc vitium latissime pateat. *Quin etiam qui procul ab aliis vitiis recesserunt, in istud tamen quasi in extremum diaboli laqueum incident.* Paulinus Ep. 50.

De Gratitudine.

Gratitudo verò, si M. Tullio credimus, omnes pene virtutes complectitur. Quid est enim inquit, pietas, nisi voluntas grata in parentes? qui sunt boni cives, qui belli, qui domi de patria bene merentes, nisi qui patria beneficia meminerunt? Sic reliquias virtutes persequitur: & alio loco, Et enim, inquit, si in eos quos speramus nobis profuturos, non dubitamus officia conferre: quales in eos esse debemus qui jam profuerunt? Nam cum duo genera liberalitatis sint, unum dandi beneficii, alterum reddendi: demus nece-
ne in nostra potestate est; non reddere viro bono non licet. Multo minus id li-
cet, mala pro benefactis rependere. Qui reddit mala pro bonis, non recedet ma-
lum de domo ejus. prov. 16.

Sed, inquires, quomodo reddet qui solvendo non est? Respondeat optime idem Auctor, inops, inquit, si bonus est vir, etiam si referre gratiam non po-
test, habere certe potest. Nam multum interest inter materiam beneficij, ut aurum, vel argentum, & beneficium ipsum, quod animo & voluntate tri-
buentis aestimatur. Est enim, inquit Seneca, ad liberandam fidem, non fa-
cultatibus, sed animo opus: neque accipiens est dante inferior, si sciat se debe-
re, si referre velit, si quod rebus non potest, animo aequet.

Quod autem in ratione dati & accepti plerumque homines non convenient, in causa utriusque est, dantis scilicet & accipientis ambitio; qua sit ut de be-
neficij pretio non uno modo judicetur. Qui beneficio affectus est, præ super-
bia interdum non libenter deberet; ac de minoribus quidem beneficis complu-
res gratiam referunt, majorum plerumque immemores.

Illud quoque vetum est, à Tacito observatum, multo proclivius esse injuria; quam beneficio vicem exolvere: quia gratia oneri, ultio in quaestu habetur.

Multi licet ingrati, tamen memorem animum præ se ferunt, & gratitudi-
ne fere ut mercatores bona fide utuntur, ne commercium eorum periclitetur:
ut qui nomen exolvunt, quò facilius ab aliis mutuentur. Sic è contra plures in-
gratos facimus, quia gratiam omnem, ut ait Seneca, corrumptimus: non tan-
tum postquam dedimus beneficium, sed dum damus.

ARTICULUS V.

De Religione.

AC de Religione quidem nihil necesse est multa dicere, cùm ea sacrâ le-
ctione, Ecclesiae institutis, divinâ demum gratiâ operante discatur. Quan-
quam ea qua naturalis ratio ostendit, SS. PP. adversus Ethnicos adhibuerunt.
Nec immerito quidem Lactantius Ethnicos reprehendit, quòd sapientiam à
religione se junxerint: cùm utraque seorsum esse non possit. *Homines*, inquit,
Lib. 3 &
4. lult. ideo solum luntur, quod aut religionem sucipiunt, omisso sapientia; aut sapien-
tiae soli student, omisso religione: cum alterum sine altero non possit esse verum.
Cadunt ergo ad multiplices religiones, sed ideo falsas, quia sapientiam

reliquerunt, que illos docere poterat Deos multos esse non posse; aut student sapientie, sed ideo false, quia religionem summi Dei omiserunt, qui eos ad veri scientiam potuit erudire.

Quare in vera religione, ait idem Author, iidem sunt Doctores sapientie, qui & Dei Sacerdotes: quia ibi sapientia cum religione conjungitur, ubi Deus colitur unus. Apud Ethnicos Philosophia & religio disjunctæ erant. Siquidem alii sunt, inquit, professores sapientia, per quos utique ad Deos non adiutur; alii religionis antistites, per quos sapere non discitur. Ex quo appetet nec illam esse veram sapientiam, nec hanc religionem.

Sic tamen religio sapientiam, aut veram philosophandi rationem adhibet, ut hæc subsequatur, non præeat. Nam is perversus est Philosophie in rebus sacris usus, cùm sola credendi ratio in humana sapientia constituitur. Hæc sapientia carnalis & animalis ab Apostolo vocatur: cum scilicet nulli assentiti autoritati liber, nisi humana ratione capi & probari possit: *In homine carnali*, inquit Augustinus serm. 147. de Tempore, tota regula intelligendi est consuetudo cernendi: *Quod solent videre, credunt; quod non solent, non credunt.*

Religio autem id præscribit, ut vir doctiss. diserte pluribus explicat, ut credendarum rerum rationem fideles non ab intelligentia luce repertant, nec argumentorum subtilitate, aut demonstrationum necessitate moveantur ad assensum: sed auctoritate sola testificantis Dei: quia quidem idoneis ad sui significacionem notis, ac documentis illuxerit. Tum ex frequenti creditarum rerum meditatione ac tractatione existit illa cognitio, que robur ac firmitatem addit fidei, & ad eam tuendam, illustrandamque lumen ingenii & adjumenta suppeditat.

Hoc ergo ordine res agitur, ut fides antecedat, quemadmodum scientiam præcedit cognitio principiorum. Bonum enim est, inquit Ambrosius, ut rationem præveniat fides: ne tanquam ab homine, ita à Domino Deo rationem videamus exigere; etenim quām indignum est ut humanis testimoniis de alio credamus, Dei oraculis de se non credamus. Quapropter generale principium veræ religionis est fides. Nam ut pulchre Hilarius, à Deo discendum est, quid de Deo intelligendum sit: quia non nisi se autore cognoscitur. Hinc Aug. Epist. ad Vo'usianum, *Auctoritati credere magnum compendium est. & nullus labor.*

Hoc quidem loco non possumus de Christianæ religionis veritate, ut par esser, dissenser: sed cum Moralis Philosophia summa religione contineatur, illud neque ab instituto opere, neque à persona nostra alienum futurum est, si paulo uberior ostendamus Christianam religionem unam esse ex omnibus quæ cum recta ratione, & verâ sapientiâ consentiat. Quare iis omissis quæ ad Theologiam magis, quām ad Philosophiam pertinent, ea duntaxat quæ recte rationi non præjudiciis, aut pravis affectibus depravatae quasi sua sponte occurunt, breviter attingemus. Id utique vir excellenti ingenio & doctrinâ accurate demonstrandum suscepit in opere nuper edito: ex eo itaque opere per pauca deliberate in animo est.

Ac primò ut rem omnem ab ipso fonte repetamus, illud principii loco statuendum, non satis esse in humana ratione præsidii aut ad bene justique vi-

Petravius
in Prole-
gomenis
dogmatis.

D. Dr.
rois.

vendum , aut ad ea pertinenda quæ homini in Deum constent officia ; quid Authori suo & conservatori debeat , qua cum ratione colat : hoc quippe ratio- nis lumen tam purgatum , tam vegetum non perpaucorum , sed nullius ho- minis est . Ac nemo fere est qui suo quidem iudicio non tantum lapiat , quan- tum quisquis alius ; aut se idoneum non putet , qui quod rationi est consenta- neum , non percipiat .

Quare una est communis , & omnibus accommodata Dei cognoscendi , & vitæ ad ejus præcepta exigendæ ratio , fides nimis aut revelatio . Nam major animis hominum ostulâ caligo est , quam ut sola ratione duee , aut unde orti sint , aut quò reddituri ; principium nempe suum & finem agnoscant : aut si agnoverint , quo itinere suum finem allequi , aut vitam instituere possint , pvideant . Atque in eo sumus statu , ut sola fides Deo nobis conciliet , & jun- gat . Nemo denique ita sibi blandiatur , ut ad Deum solius humanæ rationis præsidio se pervenire posse confidat .

Unde qui novam religionem volunt inducere , aut constitutam immutare ; ii fere omnes novas revelationes obtendunt : id utique veri & falsi Prophetæ æque profidentur : quod omnibus persuasum sit , nos ex Deo discere oportet quomodo colendus sit . In hoc prudentia summa consistit , ut vera à falsis revelationes fecerantur .

Illud quidem negare non possumus , insignes quasdam esse velut notas aut characteres , quibus falsi à veris Prophetis discerni possint . Primum enim qui eum se esse prædicat , cui Deus voluntatem suam aperte dignatus sit , pru- dentiae , probitatis , veritatis , candoris , integritatis denique , & ab omni eu- piditate alieni animi magna præ se ferat argumenta necessæ est . Quæ tamen sola non sufficiunt : nam plerique his dotibus destituti eas probe simulant & effingunt : quique bona fide agunt , decipi possunt ; quia imaginatricis ludibria specie revelationum iis solent illudere .

Quò igitur iis fidem abhibere teneamur , id requiritur ut veris & indubi- tatis tua missionis argumentis muniantur . Unde ex quo hoc universum condi- tum est , neminem misit Deus , qui novas revelationes prædicaret , quin eum manifestis potentia sue signis armaverit ; sive ea fuerint miracula , sive Pro- phetæ quibus aut res futuræ , aut longissime remotæ prænuntiantur . Nec ulla pene religio ejusmodi revelationes non jactavit quæ veras , quæ falsas , quibus autoritatem sibi conciliare voluit .

Et quidem revelationes uni vel alteri homini factæ vix solæ sufficiunt , ut fidem faciant eas à Deo esse profectas . Morbi enim aut corporis , aut animi , violenti quidam affectus , aut fortis imaginatio qualis in mulieribus plerum- que viget ; spiritus aut j unio , aut vigilis , aut nimia animi contentione ex- hausti plerumque solent il udere : ut nihil dicam de astu dæmonis qui ejusmo- di homines in fraudem sæpe illicit .

Quamobrem hujus generis aut visa , aut prædictiones , aut miracula ad re- ste rationis normam sunt exigenda , ut liquere possit , à Deo an à cacodæmo- ne dinnent . Intuendum est quid recta ratio nos doceat de principiis veræ re- ligionis fundamentis , de existentia Dei , de providentia , de immortalitate animæ , de libertate ; utrum hec miracula aut revelationes eò tendant , ut vitam ad leges naturæ , & virtutum lumina nobis cogenita exigamus .

2. Id etiam requiritur ut posteriores revelationes cum prioribus consentiant: neque enim Deus sibi ipsi repugnat, aut pugnantia loquitur.

3. Qui prænuntiantur eventus, ii cum experientia ipsa convenienter necessitate est.

Has quidem veritatis notas in prima omnium revelatione, quæ mundi creationem complectitur, omnino perspicere constat. Atque eam mundi originem sic describit Moses, ut ex ipsa narrandi ratione Dei unitas, sapientia, prudenter, & omnipotencia, mentis oculis subjiciantur.

Quid dicam de aliis revelationibus quæ Mosis historiâ continentur? an non omnes veritatis characteres in iis conspicuntur? Verutissimum est omnium quæ ad nos usque pervenerunt, monumentum: stylus simplex, apertus, modestus Authoris ipsius candorem & veracitatem exprimit. Non in corvitia, aut in laudes immodicas effunditur. Nihil erat causæ cur falleret, aut mentiretur: cum rerum ante actum historiam conscriberet; multæ contra erant & graves rationes, quæ eum ab omni fallendi studio deterrenter. Nam de rebus præteritis ea narrabat quæ multis perspecta esse poterant; quæque suo tempore acta sunt, ita erant testata & publica, tot portentis & miraculis clara, ut extrema dementia fuisse ea scribere, quæ tam facile refelli potuerint. Quid quod finitimum gentium refert origines; populum ipsum cui præest, cuius scribi historiam, ut pervicacem, tot beneficiorum immemorem, ad seditiones promptum, & vitis pene omnibus contaminatum exhibet. Ne stirpis quidem Sacerdotalis & lue parcit Authoris. Non ea sunt hominis qui fucum facere, & falsam historiam prescribere meditatur.

Callidus fuerit, quantum volueris, & astutus Moses; populum Israëliticum stupor ingens oppresserit: nemo sanctæ mentis illud in animum inducit, hominibus persuaderi posse tot facta esse miracula & prodigia ipsi cernentibus, quæ revera nulla extiterint. Quique Mosem fingunt ea solertia fuisse ut vel astus reciproci (qui tamen in sinu Arabico fere nullus est,) tempus observaverit; aut tempestatem, quæ manna in iis regionibus Arabiæ pluere solet, astute captaverit: ii videntur non satis animum attendere ad prodigiorum multititudinem quæ coram tot hominibus exhibuit. An res adeo stupendas potuerit efficere, aut tot leges adeo difficiles imponere, aut denique huic populo persuadere eas leges a Deo ipso sanctitas fuisse, si nullis miraculis sibi & suis legibus autoritatem conciliavit?

Sed quid Sacerdotes, qui de religione, & doctrinâ decernebant, movere potuit, ut ipsius Aaron ignaviam, illius & Mariæ sororis Mosis in fratrem invidiā, totius populi seditiones, & crimina memoria posteritatis mandari patarentur, nisi Mosis authoritas, & vis ipsius veritatis?

Mitto per consequentes actates, per mille & amplius annos Josue, Judicium, & Regum temporibus consimilia prodigia & facta fuisse, & autoritate publica in sacros libros relata. Mitto denique Prophetarum vaticinia, quæ & facta antea miracula confirmant, & ipso rerum eventu sunt comprobata. In iis vaticiniis, Chaldaeorum, Persarum, Graecorum, & Romanorum futura leguntur imperia. In iis quæ postea Judæis & cæteris nationibus acciderunt, continentur.

Ac librorum qui has prophetias complectuntur catalogus Regum Persarum temporibus fuit absolutus. Ne forte quis eos longo post tempore conscriptos cavilletur. Et certe Mosis libros semper Judæi tanto in honore habuerunt, ut religioni iis fuerit, vel unum apicem commutare: adeo ut nullius libri authoritas magis constet. Quod de aliis quoque sacris codicibus dici potest: quæ enim genuinum esse alicujus Authoris librum probant, hæc multo maxime cum de sacris libris agitur, valere debent.

Nam ut pulchre demonstrat Illustris Author Huetius. Is genuinus habendus est liber quem proxime subsequentes ætates ut genuinum agnoverunt. Unde enim ut ait Aug. l. 31. c. 6. contra Faustum, neverunt homines libros esse Platonis, Aristotelis, Ciceronis, nisi eadem temporum sibimet succendentium contestatione continua. Itaque genuinos esse eos, de quibus diximus, Mosis libros, ex eo liquet vel maxime, quod eos continua serie ætates Mosi adscripserint; ut alias rationes omittam ab externis testimoniis desumptas quas vir Clariſſ. in demonstratione Evangelica fuse & docte persequitur. Atque eædem rationes ad reliquos veteris & novi Testamenti libros aequæ pertinent: verum ea apud eximium Authorem legi possunt. Id unum nequeo prætermittere, de libris novi Testamenti, si paucos exceperis, de quibus olim dubitatum fuit, nullam controversiam moveri posse: cum æquales temporum Apôstolicorum & iis temporibus proximi testimonia ex iis plurima afferant: ut Clemens Romanus in epistola ad Corinthios, Ignatius passim, Polycarpus in epist. ad Smirnenses, Papias, Justinus Martyr, Irenæus, Athenagoras, Clemens Alexandrinus, Tertullianus: qui passim citant quatuor Evangelia, Acta Apostolorum, Epistolas Pauli & alios Canonicos libros.

Jam Patrum, tum veteriorum, tum recentiorum in repetendis novi Testamenti verbis consensus certissimum est probandæ illius integratatis argumentum. Verum id nunc non agimus ut Christianæ religionis veritatem aut ex sacrorum librorum autoritate, & veracitate, aut ex Judæorum & Ethnicorum testimoniosis, aut ex factis demum ipsis demonstremus. Id utique ab aliis cùm veteribus, tum recentioribus actum novimus. Ac meo quidem judicio nihil nostra quidem ètate utilius fidei alende & confirmande scribi potest. Sed nos ut Philosophi id unum suscepimus, ut Christianam religionem rectæ rationi esse maxime consentaneam & cum vera sapientia conjunctam ostendemus.

Quò autem id ipsum certo ordine & ratione efficeretur, illud tanquam omnium quæ dicturi essemus fundamentum jecimus, circa fidem ac revelationem Deum à nobis aut cognosci, aut coli ut par est, non posse. Deinde quibus notis aut argumentis veræ à fallis revelationibus dignoscantur, explicare conati sumus: cum omnes pene religiones suas obtendant revelationes quæ veras, quæ falsas, 3º Veræ & divinæ revelationis notas in libros tum veteris, tum novi Testamenti convenire ostendimus: ex quo licet colligere veraces esse historias, quæ iis libris continentur. Quæ quidem postrema conclusio fuse demonstratur à D. Huetio propositione tertia, eamque à testimoniis Ethnicorum & Judæorum confirmat: verum ea longius nos abducere; sed tota ea ratio sic breviter ab eo concluditur.

Quod si tot miracula patravit Jesus; si tot prophetias edidit, quæ deinde

sunt eventu comprobatae ; si in cœlum receptus vim illam portentificam, sanctumque adeo Spiritum, ut erat pollicitus, in discipulos immisit : ita ut gentium omnium linguis loquerentur, ægros sanarent, mortuos revocarent ad vitam : fatendum est divinum hominem fuisse Jesum, pius, ac sanctum, Deo afflatum, Deoque plenum. Atqui se ipse Melliam professus est :igitur Messias ipse fuit.

Atque ut multa paucis contraham ; quisquis intendo animo perpenderit rationes quæ permoverunt tot sapientissimos viros & maximis ingenii præditos ut Christianam religionem colectent ; divinas & heroicas dotes eorum qui à Deo seleceti sunt ut hanc religionem prædicarent ; miracula quibus eam confirmarunt ; Christi & Apostolorum prophetias quæ toto orbe iis temporibus promulgatae, & eventu sunt confirmatae ; quo denique modo ea doctrina in totum orbum diffusa, & prosemnata fuerit ab hominibus omni humano auxilio destitutis ; is profectò fateatur necesse est eam religionem non aliunde quam à Deo esse profectam, qui *infirma hujus mundi elegit, ut confundere fortia.* Exirpandi fuerunt errores per tot ætates omnium populorum animis infixi ; pugnandum fuit adversus Philosophos & hujus saeculi sacerdtes ; adversus Reges & Principes, qui omni tormentorum genere eos afficerunt. Hinc Cæcilius apud Minutium Felicem, de Christianis loquens, *Spernunt, inquit, tormenta præsentia, dum incerta metuunt & futura ; & dum mori post mortem timent, interim mori non timent.* Unde & eorum constantiam in perferendis tormentis vel ipsi Gentiles prædicant. Sic Galenus l. 3. de differentia pulsu, cum medicorum quorundam pertinaciam notare vellet, *Citius, inquit, Christiani religionem suam ejuratueros, quam illi meliorem sententiam induant.* Unde & Christiani desperati & parabolani, ut observat Huetius, diæ sunt : quo nomine signabantur quidam projectæ audaciæ homines, qui sponte ad bestias pugnabant.

Ac mirum il'ud quoque videiri possit, quanta intra paucos annos Christiana religio incrementa ceperit, ut ex Epistola Plinii 97. lib. 10. ad Trajanum Imperatorem colligitur, in qua & multitudinem Christianorum in Bythinia, & pietatem, & fidem inexpugnabilem, assiduas denique ad Deum conciliandum preces commemorat. Hinc Dio l. 37. *Est etiam, inquit, apud Romanos genus istud imminutum se numero, adeo tamen auctum, ut vim legum pervicerit.* Vnde Republica metuentes Magistratus novi, dogmatis defensores coercendos censuerunt. Eos Claudius exiliis, Nero exquisitis tormentis affecit. Hinc Tacitus l. 15. Ann. *Pereuntibus, inquit, addita ludibria, ut ferarum tergis contelli laniatu canum interirent, aut crucibus affixi, aut flammandi, atque ubi defecisset dies, in usum nocturni luminis urerentur.*

Sed adhibeat oratio nostra modum, & redeat illuc unde deflexit. Hoc enim jam demonstrare incepimus, veram & Christianam religionem cum vera sapientia esse conjunctam. Quod utique vel ex eo liquet, quod ea fere nihil prescribar, nisi quæ naturalis & æterna lex præcipit, aut consulit : adeo ut lex ipsa naturalis, immutabilis & æterna à Christo Domino sit renovata. Nam Christus ut Verbum æternum naturalem legem mentibus nostris inseruit ; ut homo, exemplo & verbis eam prædicavit. Unde cum Patres adversus Infideles scribunt, id constanter docent, legem Christi non aliud præcipere, quam id ipsum quod lex naturæ, aut recta ratio jubet ; quod nemo

ignorat, nisi præ iniquitate. Ea lex primorum parentum mentibus insculpta Dei imaginem & similitudinem, ad quam creati fuere, potissimum effecit; neque ira peccato detrita est, quin multa illius velut lineamenta remanerint. Hinc justitiae, & aliarum virtutum, imo & Christianæ religionis, ubi propinquuit, approbatio, & in viros pios certa & naturalis propensio, ut fuse prosequitur vir pereruditus D. Diroys.

Itaque ut lex naturalis, sic Christiana religio, quæ cum vera sapientia coniuncta est, non aliud præcipit, nisi virtutes omnes, & præcipue amorem Dei, ut summum boni; ut quæcunque sancta, quæcunque pudica, quæcunque sunt bona fama sectemur, his contraria fugiamus.

Hinc Sancti Patres Christianæ religionis dignitatem semper ex eo commendarunt, quod ea sola legis naturalis & immutabilis observationem induceret: neque unquam Philosophi qui eam oppugnarunt, documenta illius aut præcepta refellere conati sunt. Imo qui ex illis erant sapientiores, iidem fatebantur officia vita humanae ex electione summi boni, ad quod omnia referri oporteret, & cuius indagatione sumus sapientes, omnino pendere; omne honestum & justum lege naturali, aut recta ratione contineri; id propter se colendum esse & expedendum; justum ab injusto, honestum à tutpi naturali norma dividi, non hominum institutis. In eo vero defecerunt, quod summatam illam justitiam & veritatem, Deum nimis casto amore colendum esse non agnoverint; umbram illius, honestatem nimis, aut virtutis splendorem potius quam justitiam ipsam quiescere: cum ex innatis feminibus ipsius veritatis quæ tantopere commendabant, animadvertere potuerint, multo magis Deum diligi & coli oportere, quam ea quorum in se ingenitum amorem sentiebant: cum tot obsequii divini impetus & testimonia animæ naturæliter Christianæ experirentur.

Quocirca qui religionem Christianam adversus Ethnicos defenderunt, præter innumera argumenta ex factis ipsis, ex vaticiniis Prophetarum, & miraculis desumpta, hoc semper adhibuerunt ex Morali Christiana, dogmatum sanctitate & præceptorum gravitate depromptum: Quæ enim alia religio cum Christiana est comparanda, si præceptorum sanctitas spectetur, tum in his quæ ad Dei cultum, tum in iis quæ ad mores ipsos pertinent. Ubique fere terrarum humano sanguine diis litabatur, & Paganorum mysteria plena erant obscenitatis. Hinc Seneca in libro quem contra superstitiones edidit, quem citat Aug. lib. 6. de civit. Dei, de ritibus crudeliter turpibus loquens; *Se ipse*, inquit, *in templis contrucidant, vulneribus suis ac sanguine supplicant: sicui intueri vacet quæ faciunt, quæque patiuntur, inventerit tam indecora, tam dissimilia sacris, ut nemo fuerit dubitatus rurere eos, si eum paucioribus furerent; nam sanitatis patrocinium infanternum turba est.*

At Christiana religio Deum puta mente colendum præcipit, & iis operibus quæ ex se sunt honestissima. Hæc utique non carnem, ut Judæi, aut Mshumetani, sed cupiditates illicitas circumcidit præcipit: hæc misericordiam in egenos, mansuetudinem, modestiam, temperantiam, fortitudinem in malis perpetiendis, & justitiam præscribit.

Quod si alias religiones oculis & animo lustres, tum manifeste com-

peries quantum & divini cultus sanctitate, & motum documentis & officiis erga proximum ex omnes Christiana religione sint inferiores. Primum quidem id liquet ex cultu Ethnicorum, qui bonam, honestam, & sanam mentem non decebat; cum per sanguinem humanum, per ludos, & saltationes spurcitatæ plenas diis litarent. *Qua quidem*, inquit Seneca eodem in libro, *sapiens servabat tanquam legibus iussa, non tanquam diis grata*. Tum de formis deorum indecoris loquens: *Habitus*, inquit, *illis hominum, ferarumque & piscium*. *Quidam mixto sensu diversis corporibus induunt; numina vocant que si accepto spiritu occurrerent, monstra haberentur*. Postremo de ritibus eorum hæc subjicit. *Ille*, inquit, *viriles partes sibi amputat, ille lacertos secat: ubi iratos timent, qui sic propitios merentur? Dii autem nullo debent coli genere, si & hoc volunt. Tantus est perturbata mentis & sedibus suis pulse furor, ut sic dij placentur*.

Quod autem non fuerint bona mentes quibus Ethnicorum cultus impenderatur, hinc identidem probat Aug. quod sui cultores à summi Dei cultu deterruerint, Dei veri cultores magnis penitarris affecerint, populos demum & magistratus in eos savire compulerint; cum tamen impune liceret & Epicureis deorum providentiam tollere, & Poëtis deorum adulteria aut patricidia canere. Hinc Seneca eodem in loco, *quid*, inquit, *quod & matrimonia deorum jungimus, & ne pie quidem, fratrum scilicet & sororum*.

Omitto eos homines quibus divinum cultum impenderunt, pessimos fuisse & magnis vitiis infignes. *Qua igitur causa est*, ait Aug. *nisi stultitia errorque miserabilis, ut ei te facias venerando humilem, cui te cupias vivendo esse disimilem; & religione colas quem initari nolis, cum religionis summa sit, imitari quem colas*.

Quare non mirandum si ex perverso religionis cultu tam prava motum documenta fluxerint. Sic Arist. ipse bellum in barbaros naturale esse docet; sic Lacedæmonii, quorum instituta vel Apollinis oraculo tantopere laudata sunt, Romani quoque landem omnem & virtutem bellis plerumque manifeste injustis contineri persuasum habuerunt: cum nihil sit iniquius, ut pulchre Hugo Grotius, quam singulas cædes puniri, occisarum gentium velut gloriosum facinus triumphis ostentari. Sic publica latrocinia olim apud Græcos permissa, dum intra proprios fines non fierent.

Quid memorem liberorum expositionem, gladiatorum laniatus inter oblectamenta publica? Quid quod Arist. ultiorem in virtute ponit; ut lib. 4. Ethic. *Videtur, inquit, talis & sensu & dolore carere: & cum non irascatur, vindictæ esse negligens; servile, si contumelioso traheris, id tolerare*. Et Cicero lib. 2. de invent. inter ea quæ ad jus naturale pertinent, vindicationem ponit, *per quam inquit, vim aut contumeliam defendendo, aut ulciscendo propulsamus*. Nihil magis si neglexerunt quam matrimonii sanctitatem, cum deos coherenter quorum stupra & adulteria prædicabant.

Sed in Christiana religione omnis prohibetur injuria; ac ne licet quidem verbis aut factis illatam reponere. Quod utique inter Philosophos sapientissimi, ut Plato in Critone, docuerunt. Hinc illud Menandri.

*O Georgia, ille virorum est optimus
Qui melius aliis calleth ferre injurias.*

I. 5. dc
Civit.
Dei. c. 17

Sic religio Christiana non vitiorum tantum ramos præscindit, sed & radices ipsas evellit: reum habet qui mulieris pudicitiam attentavit aut oculis libavit: nec perjurium modo vetat, sed & quantum potest, ab omni juramento abstinentem præcipit; ac denum cuivis bene facere, & egentibus præsertim; quæque omnium officiorum summa est, aliis id ipsum cupere & præstare quod nobis met ipsi: & alia innumera naturæ legi plane consentanea, & ab optimis etiam Philosophis naturæ ipsius voce coactis præcepta ita præscribit, ut omnes fere vel Christiana religione non inbuti ea comprobent.

Ac si quis nobis forte opponat Mahumeris religionem, quæ magnam orbis partem invasit, is primum seria aestimatione perpendat, eam religionem nihil spirare nisi arma, armis propagari, ad effundendum sanguinem omnino factam videri; nullis ratiociniis, nullis miraculis firmatam; credi sibi vult, nulla inquirendi libertate relata. Quæ vera sunt & sacris litteris commendata de Mose, de Christo, infinitis mendaciis obducit. Jesum quidem à Deo misum agnoscit Mahumetes in Alcorano; sed eum in cœlum clam subductum fuisse, & quoddam ejus simulacrum cruci affixum mentitur; neque eum mortuum, sed Judæorum oculis illusisse fingit.

Quod si utriusque religionis authorem intueamur: Jesus, ipso Mahumere fatente, est Messias in Lege & Prophetis promissus, Verbum Dei, sapientia, & vita demum immaculata. Ipse vero Mahumetes usitato naturæ ordine genitus, diu prædo, semper mulierum amori deditus à suis etiam prædicatur. Jesus, ut idem fateur Mahumetes, mortuos ad vitam revocavit: is vero se misum cum armis, non cum miraculis profitetur: adeo ut nulla habeat divinæ approbationis argumenta.

Qui religionem Christianam prædicarunt, viri erant vita simplicis, Dei timentes. At qui Mahumetismum primi suscepertunt, prædones erat, & ab omni humanitate alieni; ac religio illa armorum tantum, ut diximus, accessio est, nec alio nitorum argumento quam armorum successu. Qua utique ratione, si quid habeat roboris, uti potuere Persæ, Macedones, Romani.

Postremo si utriusque religionis præcepta inter se conferantur, Christiana religio legi naturali mentibus nostris incisa omnino est consentanea, amore Dei & proximi continetur, benignitatem in omnes, mansuetudinem & patientiam commendat; in animi cultura maxime versatur, unde fructus manant uberrimi. Mahumeris religio nihil æque ac ultionem præcipit, inter neciva cum vicinis gentibus odia ac bella exercet; tota in vanis ritibus, ut in circumcisione, in vini abstinentia occupata, interioris & solidæ pietatis expers. Nec matrimonii fidem perpetuam servat, nec quod mariti ab uxoribus exiungunt, præstant ipsi, sed in libidinem effusi alias aliis uxores inducunt. Quod fane vel Ethnicis moratuibus non placuit: cum diversæ matres discordias inter liberos alant, nec sibi constet domesticum regimen in tot mulieres divisum, nec liberorum educationi ea ratione prospiciatur. Hinc satis apte Claudio:

Connubia mille,
Non illis generis nexus, non pignora cura;
Sed numero languet p'etas.

Quid dicam de magnitudine & excellentia præmii quod post hanc vitam

nos manet, quodque in conspectu Dei & summo illius amore positum ostendimus: cum Mahometes quasi quiddam Deo & humana mente dignum, promiscuos concubitus polliceatur.

Quid in eo dignum, non dicam Propheta, sed homine? Ille omni libidine inflammatus & furens, omnia rabide appetens cum inexplicabili cupiditate, omnia in se colligit, quæ in falsis Prophetis dispersa eos ad fallendum impulerunt: adeo ignatus rerum omnium, ut anilibus fabulis, tanquam divinis revelationibus fidem præbeat: nullis miraculis legem suam confirmat. Neque id mirum, cum ea religio Mosis & Christi doctrinæ omnino repugnet; cum legem ipsam naturalem extinguat, ac Judaïca religione longe sit inferior: seu ritæ præcepta, seu divinum cultum consideres. Infinitis ea erroribus admista eos tantum potest decipere, qui religionem potius ad luxum, voluptatem, & hujus mundi prosperos eventus, quam ad virtutem & rectam rationem exigunt, quos utique falli & in errorem induci æquissimum est.

In religione Christiana contra sunt omnia, ut vir doctiss. quem identidem laudavimus, fuse prosequitur. Nam in Mose & Christo omnes animi doctores, quæ fidem apud sapientes merentur, excellenti quadam ratione fulgent; nihil eorum concupiscunt, quæ homines ad fallendum solent inducere; opes, divitias, honores, & alia quorum splendore capiuntur homines, contemnunt; revelationes suas quæ ex divino fonte manant, publicis & auctoritate plenis tum vaticiniis, tum portentis confirmant: inter eas summa consensio est. Utraque religio non vi, non armis, non eloquentia, aut sapientia humanae persuasione, sed prodigiis & miraculis, incredibili pietate in Deum, amore in proximum, invicta animi fortitudine cum summa mansuetudine conjuncta, Martyrum sanguine, non humana denique ratione aut industria, sed divina proflus & cœlesti virtute ut originem suam, sic incrementa cepit. *Sermo meus, inquit Doctor gentium 1. Corinth. 2. Et predicatio mea, non in persuasibilibus humanae sapientia verbis, sed in ostensione spiritus & virtutis, ut fides vestra non sit in sapientia hominum, sed in virtute Dei.* Et ad eisdem scribens in secunda Epist. c. 12. *Signa autem Apostolatus meifacta sunt super vos in omni patientia, in signis & prodigiis & virtutibus.*

Qui hæc & alia in eam rem plurima attentius consideraverit, si modo aut præjudicatae opiniones, aut pravi affectus eum non transversum egerint, intelliget profecto eam religionem tot Prophetatum oraculis & portentis confirmari, tam cito adolescere, & ad extremos usque mundi fines propagari non posuisse, omni humana ope aut industria destitutam, nisi à Deo ipso profecta, illius duntaxat auxilio & providentia muniretur. Idque maxime cum idolatriam toto pene orbe everterit, cœlesti sapientia hominum mentes irradiarit, mores perditos corixerit, & admirabiles proflus effectus ubique terrarum ediderit.

Illud quoque perspicet, non modo Christianam religionem esse & solam quæ Deo probetur, sed ex ea quoque validissima quæque argumenta duci, quibus Dei existentia, providentia, & immortalitas animæ persuadeantur; & alia quæ religioni præmuniti debent, omnino demonstrat.

Quotus enim quisque ex iis qui Sapientes & Philosophi vulgo habiti sunt, quique ingenio excellueret, ex hujus universi contemplatione de existentia

Dei , de illius unitate , perfectione , providentia , mundi origine , animi incorruptione , summo hominis bono , de vera virtute , quæ fide , spe , & charitate continetur , de lege naturali moribus nostris incisa , ea collegerit , sine quibus nulla religio constare potest , ea senserit quæ Christiana religio innumerebiles nationes edocuit , & persuasit . Ac si quando summa quædam ingenia longo studio & labore nonnulla ex iis naturæ principiis deliberant , tot errorum & dubitationum nebulis ea obduxerunt , ut manifestum fecerint nihil debilius aut fragilior esse , quam mentem humanam sibi soli permissem .

Itaque illud Apostoli inconcussum manet , & experientia ipsa confirmatum , quod infirmum est Dei , fortius est hominibus . Et illud quoque quæ sunt mundi elegit Deus ut confundat Sapientes ; & infirma mundi elegit Deus , ut confundat fortia ; & ignobilia mundi , & contemptibilia elegit Deus & ea quæ non sunt , ut ea quæ sunt , defrueret Nihil infirmius , nihil contemptibilis mundi Sapientes judicant , quam crucem Christi ; & tamen nihil fortius , nihil efficacius ea fuit , iis persuadendis qua Christus nobis tradidit , quæ vera sapientia nos docet . Nam quia , ait idem Apost. in Dei sapientia , non cognovit mundus per sapientiam Deum : placuit Deo per stultitiam predicationis salvos facere credentes . Perpatui enim ex hujus universi constituto ordine , ex naturæ contemplatione illius Authorem cognoverunt , aut providentiam , aut alia religionis fundamenta : eadem vero , ut diximus , religio Christiana omnibus populis circa ullius erroris admisionem , circa ullum dubium persuasit : verum id non alia ratione efficitur , quam cum Deus mentes nostras luce sua perfundit , ut in res adeo mirabiles quæ in mentem undique incurvant , aciem intendat , cum errorum nubes disjicit , ne falsa & ementita luce decipiatur .

Neque id nobis faciendum , ut iis respondemus , quæ adversus Christianam religionem ab infidelibus objiciuntur . Id enim non est hujus loci , aut temporis , cum à sanctis Patribus primum , tum à Theologis pene omnibus , & tandem à doctissimis viris nostra hac ætate hoc argumentum sit tractatum ubertime . Id unum , quod statim occurrit nobis diligendum videtur , idem nobis objici posse quod Mahometanis opposuimus , quod religio Christiana credi sibi velit , nulla inquietandi libertate relicta .

Respondeo rem ita non esse . Primum enim sibi fidem religio Christiana innumeris miraculis , & Prophetarum oraculis , mortum sanctitate , tot Martirum sanguine , totius orbis confessione sibi conciliavit . Hinc S. Petrus 1. Epist. c. 3. Iubet nos esse paratos ad reddendam rationem de ea quæ in nobis est spe . Neque enim principia fidei sunt ejusmodi qui per se innotescant , nec prudenter iis assentiri possumus , nisi sint ante explicatae rationes quibus ad credendum inducuntur , quæque credibilitatis motiva dici solent . Atque ut optime observat Melchior Canus 1. 12. c. 4. hujusmodi rationes juber Petrus à Doctoribus fidelium reddi , quæ cum fidem antecedunt , infideles ipsos non trahant , sed inducant ; cum sequuntur , non infidelibus vim afferant , sed adjiciant robur ; nisi enim lux fidei affulserit , non persuadebunt . Fides quippe , ut ait Aug. est prima quæ subjugat hominem Deo ; tum lucere incipit , quod antea tantummodo credebatur . Nam ut identidem inculcat , prius credendum est ut perveniat ad intellectum ; & intelligentia est fidei merces .

Nec

Nec tamen temere & citra rationem credimus, ut ex iis quæ attulimus satis liquet. Neque enim ut scitè idem Canus animadvertis, Religio disciplinaque Christiana omni ex parte similis est Pythagoricæ, cuius alumni nulla rationis antecepcta informatione, nullaque omnino redditæ causa autoritatem præceptoris atèt & mordicus tenebant. Indoctorum est ista consuetudo, eaque Saracenorū, Paganorū, Hæreticorum, ut cœca & temeraria suæ fœtæ dogmata sine judicio amplectantur, & quæ disquisitione egent maxime, sine disquisitione recipiant.

Nos vero cœco impetu non rapi, exemplo probat Luciani Martyris apud Eusebium l. 9. c. 6. Is enim togatus à Præside cur cum vit rationalis & prudens esset, sequeretur fœtam cuius non posset reddere rationem, in hæc verba respondit. Nos Christiani non sicut vos putatis, humanae alicujus persuasionis errore constringimur, nec indisculsa, ut alii, patrum traditione decipiuntur. Auctor nobis de Deo Deus est. Fateor, erravimus nos etiam aliquando; & simulacra quæ, ipsi finximus, Deos cœli & terræ putavimus auctores. Sed arguebat eos fragilis substantia suæ à nobis præstita conseruatio: in quibus tantum venerationis inerat, quantum decoris mens contulisset artificum. Verum omnipotens Deus ille quem non nostris manibus fecimus, sed cuius nos decebat esse figuramentum, errores miteratus humanos sapientiam misit in hunc mundum carne vestitam, quæ nos doceret Deum qui cœlum fecisset & terram, non in manuæ factis, sed in invisibilibus esse requirendum. Vitæ ac disciplinæ præcepta constituit, servare parcimoniam, paupertate gaudere, mansuetudinem alere, &c. Sed & omnia hæc quæ aduersum nos geritis, ventura esse prædixit. Inde enim qui erat immortalis, ipse morti se præbuit, quo nobis patientia præberet exemplum. Sed nec nos siâ morte decepit, quibus post tertium diem resurrexit, ut mortem vinceret resurgendo. Quæ autem dico, non sunt in obscuro gesta loco, nec testibus indigent. Pars pene mundi jam major huic veritati adstipulatur. Requirite in annalibus vestris, inventis temporibus Pilati Christo paciente, fugato sole interruptum tenebris diem, &c. His & aliis argumentis suadebatur Christiana religio. Atque eæ rationes pletumque ex factis ducebantur, quæ in contentionem venire non poterant. Quod impossibile videatur ut tot homines in rebus quæ sub sensu veniunt, omnino fallantur.

Sic humanae probationes eæque validissimæ fidei fundamenta confirmant, ut de Mosis libris & miraculis supra ostendimus. Neque enim fieri potuit ut ingens populus religionem suum omnem huic libro illigaret, qui fabulis esset conspersus, cum populus ipse ut rerum quæ se coram factæ sunt, & prodigiorum testis appelletur: neque ii ignorare potuisse an vera essent, aut falsa quæ eo libro continentur; aut tot legibus, ac præceptis adeo duris & molestis ultro se subjecissent, unius libri quem falsum non dubitarent, autoritate comulsi.

Non dissimili ratione Christi resurrectio novæ legis fundamentum testimonio Apostolorum & discipulorum ita confirmata fuit, ut de ejus facti veritate nullus esset dubitandi locus. Neque aut fallere potuerunt, aut falli. Quid enim, an omnes inter se convenire potuerunt ut generi humano illuderent? Candor, simplicitas, sinceritas quæ in eorum actionibus & literis elucent, id credere nos non

sumunt; emolumentum nullum ex eo commento sperare poterant, cum ea doctrina humanae prudentiae esset penitus adversa. Quia igitur ratione indocti homines toti orbi illudere, & mortem ipsam subite constituerunt, ut consilium tam insulsum, & temerarium ad exitum perducerent? Qui fieri potuit ut nemo ex iis aut tormentis, aut arumnis, & laboribus à proposito non destiterit, ac nullus mortem non oppetierit. Si prudentes si fuerunt & callidi, quomodo consilium tam perditum iniire potuerunt? Si insipientes & stulti, qua ratione id ipsum effecerunt, quod mente conceperant. Neque id dici potest tot homines, quingentos & amplius, qui viderunt, palparunt, manibus contrectarunt, loquentem audierunt, idque non semel, sed sepius, falsos fuisse & deceptos.

Infinita in hanc rem dici possunt, verum ista non pro argumenti dignitate, sed pro instituti nostri ratione sufficient, ut palam sit omnibus quantum Christianæ religionis præcepta rectæ rationi sint consona. His autem rationibus quæ ex factis ipsis, ut ex Christi, & Apostolorum miraculis, ex mirabili divinæ religionis propagatione, ex tot Martyrum invicta fortitudine, & quod maximum est, ex Prophetarum ducuntur Oraculis, præter ceteros consuli possunt Illustriss. Meldensis Episcopus in Historia Universali, Hugo Grotius, Clariss. Huetius, & D. Diroys: nos ad nostrum referamus institutum.

ARTICULUS III.

De moribus, seu de humanis actibus.

Mores hoc loco dicimus actus humanos, qui scilicet à ratione & voluntate, seu à libero arbitrio proficiuntur, & ad Moralem Philosophiam maxime pertinent. Quinquam & mores etiam dici solent propensiones quædam, vel inclinationes à natura congenitæ, aut studio & industria comparatae; sive ex natura ipsius animi, ut sciendi cupiditas, & amor lumini boni; sive ex corporis complexione profluant, ut iracundia: seu bonæ sunt, & ad virtutem inclinent; seu malæ, seu denique indifferentes habeantur: de quibus cum se dabit occasio, verba faciemus. Nunc actiones humanas, quæ scilicet hominis sunt propriæ, quæque ab intellectu & à voluntate manant, & voluntariæ appellantur, explicare nobis in animo est.

He porro actiones sunt in dupli differentia constitute. Aliæ à voluntate ipsa elicuntur, quæ idcirco elicite nominantur; aliæ à voluntate quidem imperantur, sed à subjectis viribus perficiuntur. Illæ sunt essentialiter voluntariæ, haec tantum per participationem, & quasi extrinsecus: ut actiones omnes, quas vis motrix exercit, & voluntas imperat. De actibus eliciti priori loco dicendum: cumque inter imperatas ex sole ad Moralem scientiam pertineant, quæ ab appetitu sentiente diminant, quæque animi passiones, aut affectus dici solent, de his posteriori loco agendum erit.

DISPUTATIO PRIOR.

De actibus humanis qui à voluntate elicuntur.

Circa voluntatis actiones, quæ proprie humanae dicuntur, primum quæ sunt earum species, quove ordine inter se digerantur; 2º Quæ sunt regu-

læ ad quas exigi debeant; 3º Utrum sint actus quidam indifferentes, quam poterimus diligenter & dilucide explicare conabimur.

Q U A E S T I O P R I M A.

De actibus voluntatis.

ACtus voluntatis alii circa finem, alii circa media versantur. De utrisque agendum.

A R T I C U L U S P R I M U S.

De actibus voluntatis qui circa finem versantur.

TRes vulgo numerantur, voluntas, intentio, & fruitio. Voluntas ut variis exerit functiones, diversis quoque exprimitur nominibus: sed ubi in finem suum simplici motu nititur, voluntatis nomen retinet. *Sanitatem*, inquit, *Aristoteles*, *volumus*; *eligimus ea que ad finem conducunt*. Veteres Latini voluntatem sunt interpretati, functionem appetitus, que Græcis est *θύμος*. Scholastici facultatem ipsam, seu appetitum rationalem voluntatis nomine signarunt; functionem vero appetitus volitionem dixerunt, ne homonymia nos in errorem induceret: quam tamen vix effugimus; cum voluntatis ipsius, quatenus est functio appetitus, nomen non uno modo Aristoteles ipse usurpet. Nam interdum pro simplici appetitione finis, voluntatis nomen accipit: saepius pro consensu aut approbatione corum que sunt deliberata. Unde hanc definit *I. Rhetor. c. 1.* *Bonum cum ratione appetitionem*: quod scilicet ea præviā semper habeat deliberationem. Quo quidem modo Stoici apud Tullium Tuscul. 4. eam sic definiunt. *Voluntas*, inquiunt, *est que quid cum ratione desiderat; que autem adversa ratione incitata est vehementius, ea libido est, vel cupiditas effrenata, que in omnibus stultis invenitur.*

Actus autem ille quem voluntatis nomine designamus, amor dici potest, ad quem cæteri omnes referuntur: iisque est duplex, non re, sed ratione distinctus. Amor personæ qui & dilectionis; & amor commodi, quod personæ ipsi volumus, sive id utile sit, sive jucundum. Hinc sanctus Thomas, *alitus*, inquit, *amoris semper tendit in duo, scilicet in bonum, quod quis vult alicui, & in eum cui vult bonum*. Hoc enim est proprie amare aliquem, velle ei bonum. Cæteri voluntatis actus ex amore velut ex suo fonte proficiunt, aut potius nihil sunt praeter amorem qui diversos induit vultus. Nam & desideramus bonum amatum, eoque gaudemus; & si quid nobis displicet, non alia id ratione sit, quam quod bono quod amamus, aduersetur. Itaque simplex voluntas, aut amor non tam est: actus à cæteris distinctus, quam radix & fons omnium actuum, atque ex eo distinctionem omnem suam habet. Amor autem est alicujus boni, quod animus ut nobis conveniens judicat. In illa quidem convenientia primum acquiescit voluntas, tum amore quodam velut pondere in eam rem fertur, que nobis commoda, aut bona judicatur.

Cum amor ille in simplici complacentia, ut aiunt, circa personam aliquam sit, tum sterilis quedam est benevolentia, que ad commodum usque non excurrit: sed ubi amor est efficax, & in commodum personæ dilectæ promoto-

vendum nititur, cum dilectio nominatur & electionem plerumque consequitur. Non dissimili ratione amor finis, ut beatitudinis, plerumque in simplici voluntate, aut in complacentia haret, tuncque actio illa voluntas proprie nominatur; ut cognitio principiorum intelligentia dici solet: utraque enim nomen sue facultatis retinet, cum reliquis actionibus prior sit & simplicior. Est igitur voluntas simplex amor finis, nulla mediorum habita ratione.

Cum autem aetus ille voluntatis non est absolutus, sed ex conditione suscepitus, tum velleitas dicitur, eaque non tam circa objectum versatur, quam circa actum, qui certa conditione posita fieret: cuiusmodi sunt discordes illi voluntatis motus, quos sanctus Augustinus libro 8. Confess. egregie describit. *Ego autem, inquit, adhuc terra obligatus militare tibi recubabam, & impedimentis omnibus sic timebam expediri, quemadmodum impediri timendum est. Ita sarcinâ seculi, velut in sonno affolet, dulciter premebar, & cogitationes quibus meditabar in te, similes erant conatibus expurgisci volenium, qui tamen soporis altitudine remerguntur.* Quo quidem modo dicitur pr. 13. *vult & non vult piger: virtutem enim amat, sed fugit laborem.* Plene enim & perfectè velle oportet, non semi-saucian vertere & jactare voluntatem, parte assurgente, cum alia parte cadentem. Aug. ibid. c. 18.

Sed ubi voluntas ad finem suum quodam velut itinere contendit, hoc est, cum amor finis est efficax, atque in cum nititur, & per certa media vult eum asequi (tametsi ea media nondum sint determinata, quoisque electio accesserit) tum intentio dicitur. Est igitur intentio voluntatis motus, quo fertur in finem per aliqua media consequendum.

Jam ut intentio finem absentem & adipiscendum spectat, sic fructus est finis praesentis, & tanquam fructus jucunda perceptio. Atque ea te fruimur, in qua tanquam ultima acqui scimus, quæque omne desiderium explet. Unde proprie fruitio est summi boni: quatenus tamen ea delectationem habet adjunctam, frui dicimur bono omni quod per se expeditum. Nam frui ex sancto Augustino: *Est amore inherere alicui rei propter se ipsum.* Et alibi docet, *quod omnis humana perversitas est frui usendis, & uiri fruendis.* Quare utendum est creatura, non fruendum. Nam iis fruimur quæ nos beatos efficiere posse arbitramur: quod ab uno Deo est expectandum: fruitio autem est amor efficax, qui voluntatem cum bono possesso ita conjungit, ut sublata omni inconstancia & fastidio, in sui boni possessione tranquille & pacate quiescat.

Ex iis utique & aliis quæ supra attulimus, licet colligere animam esse ex naturæ sue conditione determinatam ad aetus sibi quodammodo essentialias, ad sue videlicet naturæ conservationem; ad sue tranquilitatis & delectationis desiderium, & fugam eorum quæ pacem illam, & jucundam delectationem impediens, aut turbare possunt. Sed cum in se non habeat, quo frui, & beata & tranquilla esse possit, varios sibi fines particulares praestitit, aut divitias, aut honores, aut voluptates, aut Deum ipsum, qui solus naturale illud desiderium explere potest.

Irrita prima hominis aut voluntas, aut electio, aut sensus, aut quocunque alio nomine donetur amor ille finis ultimi & particularis, cuius fruitione nos beatos esse posse credimus, quem primum eligimus, est primus

actus ad quem voluntas sese determinat, independenter ab omni alia determinatione. Hujus vi quidquid ei adversatur, omnino refugimus. Sic amor gloriae infamiam, libertatis amor omnem fugit servitutem; amor Dei cupiditatem pellit. Ubiunque bonum illud, cuius desiderio flagramus, occurrit, eo impellimur; media hujus consecutioni utilia vi illius amoris, & eò magis, quò nobis videntur magis idonea, prosequimur: ad hæc utique amor ille finis quem eligimus, nos inflebit: cum is à nullo sit determinatus. Nam amor essentialis quo natura intelligens & esse, & vivere, & cognoscere quæ delectant, & pacata esse exoptat, ad unum potius, quam alium finem particularem nos determinare nequit. Secus omnes homines eodem sibi fines præstiterent: cum in omnibus eadem sint innatae propensiones, iidem amores essentialies. Hæc utique paulo accuratius ex viri doctissimi dissertatione decerpere voluimus, quod hinc actionum humanatum œconomia non mediocriter illustrati possit.

ARTICULUS II.

De actibus voluntatis quæ circa media occupantur.

ATque hæc de actibus voluntatis qui circa finem occupantur. Tres itidem sunt, nimirum consensus, electio, & usus, qui circa media, seu bona utilia versantur. Primus est voluntatis consensus, quem, ut initio diximus, voluntatis nomine veteres interdum designarunt. Est enim simplex & minime efficax boni utilis affectus, aut complacentia; vel est actus voluntatis, quo media ab intellectu proposita comprobatur. Nullus porro est voluntatis consensus, quem finis intentio non præcedat. Quod enim utile est, omnem boni rationem à fine mutuatur: idque medium dicitur, quod inter intentionem & fruitionem, seu finis ipsius possessionem medio velut loco positum sit. Cum unicum est, non utile modo, sed etiam necessarium habetur. Sed cum multa ad finem utilia proponuntur, singula voluntatem afficiunt quodam modo: quamvis ea unum aliis non anteponat. Itaque per consensum voluntas in rei bonitate, ut ab intellectu proponitur, acquiescit; tametsi in illam efficaci appetitu nondum fertur, eaque circa rei propositæ imaginem potius, & bonitatem ut presentem versatur, quam motu efficaci in rem ipsam propendeat: ac sepe bonum illud sub una ratione placet voluntati, sub alia displiceret.

Sed ubi ex multis quæ ad eundem finem conspirant mediis, unum alteri præponitur, tum electio dici solet, non re, sed ratione à consensu sepe diversa: cum unum est ad finis adoptionem utile, tum nullus est deliberationi locus. Electio plerumque latiori significatu sumitur pro appetitione omni quæ consultationem consequitur, queque circa ea versatur, quæ sunt in nostra protestate, tumque est actus libertatis: cuius objectum est id omne quod in deliberationem venit. At si ea strictiore & magis proprio significatu accipitur, est actio voluntatis qua ex multis mediis ab intellectu propositis unum alteri antefertur, estque, ut diximus, syllogismi operativi, seu practici velut conclusio.

Quanquam ex finis ipsius amore, voluntatis electio, aut unius præ altero acceptatio oriatur: tamen amor ille finis non is est qui voluntatem infallibiliter

liter , ut aiunt, determinet : secus enim cum aliquid in voluntate nostra dominatur, nulla id unquam ratione amoveri posset, & semper id regnaret. Nullus itaque amor non est mutabilis, nullus ab alio fortiori non vinci potest. Manet ille quidem, quandiu ab alio vehementiore non expellitur. Sic amorem voluptatis plerumque gloria cupiditas frangit : saepe mutata corporis tempeste, que ante nobis videbantur jucunda , jam fastidio adhærescunt. Imo sepe accedit, ut diversi & contrarii amores simul in voluntate vigeant : hinc pugna carnis & spiritus ; neque enim inter oppositas affectiones ea esset luctatio, si ex acti non adessent : tumque vim suam quaque exerit, sive ut sese mutuo perimant, sive ut voluntatem ad actiones ipsis convenientes impellant, ubi adiunt conditiones ad agendum requisita. Cum scilicet objectum ut bonum amabile cognoscitur ; cum mediorum ad finem utilium ratio perspicitur : secus enim eligi ea non possunt, aut aliis anteponi ; cum denique objecta ipsa adiunt, & ad ea animus attendit : tum enim ea vehementer voluntatem commovent : præsertim si magna sint ; si ex omni velut parte menti se ostendant, si magnus irjiciatur metus tot bona amittendi ; si dolores sint acerrimi, si magnum vitæ immineat periculum : tum enim nisi contrarius virtutis amor altas radices in animo egerit , omnino cedit , & pedem refert.

Ultimus voluntatis actus est usus , qui universim sumptus est applicatio rei ad operationem : sic usus linguae est locutio ; usus navis est navigatio : cum autem voluntatis subjectas sibi vires ad agendum applicet, ut causa effectrix instrumenta, usus proprie ad eam pertinet, que alias potentias ad sui finis consecutionem movet. Imo & seipsum quoque voluntatis ad eligendum , aut ad consentendum , & intellectum ad deliberandum applicat. Actus quippe voluntatis in seipso reflecti solent : nam consentit se eligere , & se contentire.

Istaque in usu, ut in electione , voluntatis dominium eluet maxime : atque ut delibratio electionem , sic rationis imperium, seu ordinatio usum voluntatis antecedit. Sed quod primum eligimus , id ultimum est in usu , seu in execuzione : quod enim primum eligimus , id fisi est proximum.

Hoc etiam non prætereundum videtur, à nonnullis jam observatum, id esse discreminis inter electionem & usum, quod electione sit determinatio voluntatis affectiva : bonum enim respicit ut sibi conveniens, quo utique afficitur : sed usus voluntatem effectiva determinat : nam bonum ut faciendum respicit.

Hi sunt utique principis voluntatis actus qui in humanis negotiis, dum prudenter & consilio, non temere & impetu agimus, observari possunt. Quamvis non dubito quin iidem motus quos appetitui sentienti tribuimus, quosque passionum nomine designamus, ut amor, odium, desiderium, fuga, letitia & tristitia, in voluntate etiam reperiantur : cum eo tamen discrimine, quod in ea benigniores sint & minus turbulenti , quam in appetitu sentiente, & circa objecta magis spiritualia plerumque versentur. Neque enim voluntas qua ex rerum contemplatione perfundimur, aut pœnitentia, vel ægritudo animi ex odio peccati & justitiae amore profecta, ad partem sentientem pertinet.

Ac ne illud quidem necesse est, ut actiones intellectus que singulos actus voluntatis antevertunt, minutius exequamur : cum ex iis que diximus, colligi facile possint. Illud universim adnotare sufficiat, voluntatem esse facultatem

rationalem, quam intellectus ubique, ut vulgo loquuntur, dirigit, & quodammodo illuminat.

Primum itaque res ut bona ab intellectu percipitur, & voluntati proponitur. Hanc perceptionem simplex voluntas, aut complacentia statim consequitur: tum voluntas intellectum excitat, ut diligentius examinet illius rei conditio-nes, an consequi eam possimus; utrum nobis expediat. Judicium intellectus intentio voluntatis subsequitur, quæ definitum habet finem, sed media aut instrumenta, quæ ad eum perducunt, nondum sunt evoluta. Hæc inquirit intellectus, diligentius examinat, & deliberat; iis voluntas consentit, & ea quodammodo approbat, que intellectus solertia excogitavit: tum mens diligentiū quod ex omnibus sit utilissimum, inquirit, intellectus judicium sequitur voluntatis electio. Quare consultatio media inquirit; comparat, quodque ex iis sit utilissimum, judicat. Illud Sapientis pr. si semper manet inconclusum. *Dissipantur cogitationes, ubi non est consilium.* Cum ad certum finem actiones nostræ non diriguntur, vaga sunt & incerta consilia. Eodem spectat illud pr. 20. *Cogitationes consiliis roborantur.*

Objectum consultationis non est finis, qui in questionem non venit, sed quæ ad finem perducunt: quæque ut possibilia & in nostra potestate sita concipi debent. Hinc belluæ non deliberant, quod libertatis sint expertes, nec quicquam proprie habent in sua potestate: electionem sequitur imperium, seu ordinatio intellectus, tunc usus voluntatis, tandem fruitio.

Q U Ä S T I O II.

De prima actionum humanarum regula, seu de lege æterna.

Proximum est ut de bonitate & malitia actionum humanarum dicamus: id enim maxime huic scientiæ est propositum, ut quid rectum sit, quid per-versum dijudicet. Sed quæ sint præcipua morum regulæ ad quas sint exigendi, antè est definiendum: his enim ignoratis, unde actiones nostræ bonitatem suam, aut pravitatem desumant, constitui nullo modo potest.

Ac primùm id liquet actiones nostras tum Morales dici, cum ad suam regulam referuntur; cumque huic convenient, bona; ubi ab ea deflectunt, male judicantur: adeo ut moralis nihil sit præter illam coaptationem, aut commensurationem actuum humanorum cum regula, ad quam exigi debent. Non enim Moralitas aliud quiddam est quam ordo, quem ratio in liberis actiobibus efficit, isque desumitur ab objecto ipso, quatenus ad regulam suam refertur.

Cum autem, ut docet S. Thomas 1. 2. qu. 71. art. 6. regula voluntatis humana sit duplex; una propinquæ & homogenea, scilicet humana ratio; alia vero sit prima & remotior, scilicet lex æterna, quæ est quasi ratio Dei; de utraque nobis sic agendum, ut prius de æterna lege, quæ omnis rectitudinis principium est & radix, differamus.

Legem universim nonnulli definunt regulam actuum Moralium obligantem ad id quod rectum est. Unde non ad justitiae modò, sed ad aliatum quoque virtutum materiam, & ad id omne quod rectum est, omnino pertinet. Consilia vero, quæque honesta quidem, sed non obligantia præcipiunt, legis nomine aut notione non continentur.

Legis æternæ nomine non aliud intelligitur, quā summa ratio, quæ in Deo tanquam in summo omnium opifice viger, qua cuncta recte disponuntur. Hinc S. Aug. lib. 1. de liber. arbitr. *Vt igitur*, inquit, *breviter eterna legis notionem, quæ nostra mens impressa est, quantum valeo, verbis explicem, ea est, quæ justum est ut omnia sint ordinatissima.*

Quod sit primum hujus legis præceptum nobis insitum l. 3., paucis explicat: *jubet, inquit, eterna lex avertere amorem à temporalibus, & eum mundatum convertere ad eterna. Ordinem verò illumab Authore naturæ constitutum invertimus, cum fruimur creatura; cum ei nos subjicimus per amorem, cui præesse ex naturæ institutione debemus, quæ nec potest nos beatos efficere, nec desiderium voluntatis explere, neque irquietam ejus motionem sistere.*

Itaque eò pertinet lex æterna ut finem ultimum non alibi quām in possessione summi boni quod satiare appetitum potest, omnino constituamus. Neque aliud injustos nos, aut insipientes efficit, quām cùm ea, ut summum bonum expetimus, quæ voluntatem explere nullo modo possunt. Hec justitia & sapientia est, illud bonum exquirere, huic adhærescere: adeo ut omnis Legis naturalis & æternæ nobis imprese summa huc pertineat; ut Deum tanquam summum bonum diligamus. Hoc utique est præceptum ab Authore naturæ mentibus nostris insculptum, & à Christo renovatum, & toties inculcatum. Hoc æterna & immutabilis ratio præscribit; id præcipuum munus est naturæ rationalis; hinc actiones omnes nostræ referri debent. Nam æternam felicitatem omni studio expetere & inquirere debemus, simul & ea eligere quæ ad illam nos perducunt. Hic summi boni amor ad omnes alios actus voluntatem determinat. Atque in eo consistit legis æternæ ratio, ut quæque sic diligamus, ut bona sunt & amabilia: quod bonum est ex se, & summum bonum, propter se & maxime diligamus, cætera è ratione diligamus, ut ad bonum illud per essentiam referuntur. Non quod alii homines non sint diligendi, sed eo modo quo Apost. Philemonem diligebat. *Ita, frater, ego te fruui in Domino. Quocirca ut rivuli in flumine, & nomen amittunt, & aquas confundunt: Sic quidquid diligimus, in Dei amore colligendum, ut quidquid aliud diligendum venerit, eo rapiatur, quo totus dilectionis impetus currit, ut ait Aug. Nullum enim rivulum extra se duci patitur, cuius derivatione minuatur.*

Quod autem ex lege æterna regulas & precepta vivendi hauriamus, atque hinc leges omnes justa describantur, hinc probat Sanctus Thomas: quod in rebus omnibus inter se connexis & ordinatis, atque in omni serie regimini aut gubernationis, nulla res moveat, nisi vi primi moventis. Nam ratio, sive ordo, v. gr. administrandæ reipublicæ, à Principe tanquam à capite, ad Magistratus ut ad membra inferiora derivatur: ii quippe nihil agunt nisi ex ordine Principis. Sic ab architecto ad inferiores artifices ratio omnis construendi ædificii descendit. Cum igitur lex nihil sit nisi ratio quedam administrationis, nulla lex justa non oritur ab æterna lege, quæ est in summo omnium Principe: est enim prima regula aut mensura actionum humanarum, quæ bona sunt, cum ei concinunt; malæ, si secus: hinc adeo omnis ordo, omnis ratio profuit.

Sed, inquires, non possumus ad eam regulam, quæ nobis est incognita: actus

actus nostros exigere. Sed lex æterna à nobis non percipitur: ergo eam non possumus inter agendum consulere , aut velut regulam sequi.

Resp. Nos eam legem mentis acie utcunque attingere , ut in Logica de primis principiis cognitionis nostræ fuit demonstratum. Quod multo maxime verum est de principiis terum agendarum , quæque naturali lege continentur. Hinc S. Augustinus lib. 2. de Ordine. *Hec autem , inquit , disciplina , ipsa Dei lex est , que apud eum fixa & inconcussa semper manens in topicies animas quasi transcribitur , ut tanio se sciant vivere melius , quanto & perfectius eam contemplantur intelligendo & vivendo custodiunt diligenter.*

Itaque lex æterna mentibus nostris affulget quodammodo , & à nobis conspicitur. Unde S. Augustinus , cùm multis in locis , tum maxime lib. 2. de libero arbitrio docet , neminem fieri prudentem , aut justum prudentiam , aut justitiam alterius sed coaptando , inquit , animum illis incommutabilibus regnulis luminibus que virtutum , qua incorruptibiliter vivunt in ipsa veritate , sapientiaque communis : tum ostendit voluntatem bonam fieri & beatam , cum adharet communis atque incommutabili bono.

Eandem fuisse & Platonicorum & Stoicorum sententiam facile esset , si res exigeret , demonstrare. Hinc pulchre Cicerio l. 2. de Legibus , *Hanc igitur video sapientissimorum fuisse sententiam , legem neque horum ingeniorum excogitatan , nec scitum esse aliquod populorum , sed aeternum quiddam , quod universum mundum regerer , imperandi prohibentique sapientiam. Itaque principem legem illam & ultinam , mentem esse dicebant , omnia ratione aut cogentis , aut vetantis Dei ; & in eodem loco apertius . Quam obrem ; inquit , lex vera atque princeps , apta ad jubendum & ad vetandum , ratio est recta summi Jovis.*

Ex quibus efficitur , legem naturalem nihil esse præter impressionem quandom legis æternæ mentem nostram irradiantis. Sed de hac lege mox pluribus.

QUÆSTIO III.

De recta ratione , & conscientia..

Nunc proximæ morum regulæ , nempe recta ratio , quam Deus mentibus nostris inseruit , ut nosmetipso regere valeamus ; & conscientia , quæ est rectæ rationis applicatio quedam , sunt paulo uberiori explicande.

ARTICULUS PRIMUS.

judicantur , reguntur , cōficiuntur . *De recta ratione..* *in isto articulo* *admodum* *difficilis* *est* *editio* *prædicta* *admodum* *difficilis* *est* *editio*

Quae sunt rationis expertia , in se non habent suorum motuum principia , & progressus , sed in suos quæque fines ab Authore naturæ diriguntur. At quæ mente prædicta sunt , & sui & suorum actuum facultatem habent ac dominium ; iudicium quoque illis dátum , quo utilia à noxiis , bona à malis se-jungant. Ordó autem omnis ; aut iudicium secundum aliquas regulas perficitur : quæ quidem regulæ sunt in mente illius , ad quem ordo aut iudicium per-

Tom. I.

B b b

tinet. Sic ordo administranda reipublica sit secundum certas regulas, - quae in mente Principis videntur: ordo artificialis ad certas quoque regulas, quas mente concipit artifex, exigitur. Has autem regulas menti nostrae impressit Deus, quas recta ratio complectitur, quae quid naturae humanae convenient, quid secus, examinat. Quod hunc iudicio repugnat, contra ius naturae humanae esse intelligitur. Nec recentum illud iudicium, quod sequi omnino debemus, voluntate corruptitur, nec praeципiti perturbationum impetu abripiatur, sed integrum manet & incorruptum. Cum autem mens directrices illas regulas non consulit, nihil quod illam debeat, nihil fere humani aggreditur.

Quamobrem primitivae illae regulae quibus iudicium & actiones nostras appetare debemus, ab aeterna lege profectae, & in animas nostras, velut transcriptae, legis naturalis nominis designantur. Est enim lex naturalis *Dictatum rationis*, quo actus quosdam ab Autore naturae per se aut praecipi, aut veterari intelligimus, quod naturae rationali convenient, - aut, disconveniant. Itaque actus illi qui ad legem naturalem pertinent, per se boni sunt; ac ius ille omnino est immutabile. Contra qua a lege voluntaria, seu divina, seu humana praecipiuntur; non sunt suapte natura, aut debita, aut illicita; sed yecundo lex facit illicita, praecipiendo debita & necessaria.

Jus autem illud naturale est primarium, quodque ita justum est, ut nullus sit exceptioni aut dispensationi locus: idque, ut diximus, ad amorem Dei & proximi revocatur. Huc etiam pertinent omnes boni voluntatis affectus, ut modestia, temperantia, humilitas. Neque enim fieri potest ut bonus sit actus, qui ex invidia, superbia, avaritia, aut ex aliis affectibus pravis oritur.

Jus autem illud naturale decalogo continetur, qui his verbis exprimitur solet.

Unum credere Deum, nec iures vanas per ipsum.

Sabbata sanctifices; habeas in honore parentes.

Non interfector sis, mæchus, fur, neque mendax.

Alterius sponsam, nec rem cupias alienam.

Atque haec præcepta in duabus tabulis descripta, a Deo ipso accepit Moses, ut lex naturalis pene ex animis hominum deleta, his renovata præceptis primis Judæis, tum gentibus innotesceret. Quæ ad cultum Dei spectant, prior tabule incisa erant; ut in posteriori leges iustitiae inter homines seruandas.

Deo autem, ut vir doctiss. in libro Anthropologie nuper edito, scite explicat, obligamus & hominibus; 1. Fidem, imo & fidelitatem debemus Deo. 2. Reverentiam: *Nec iures vanas per ipsum.* 3. Obsequium: *Sabbata sanctifices.*

Hominibus vero aliquid debemus; aut peculiari titulo, nempe parentibus: *Habeas in honore parentes;* aut generali, omnibus nempe hominibus, quibus nocere prohibemur, opere, verbo, aut cogitatione. Illud enim est communis erga alios officium, ut alteri non faciamus, quod nobis fieri nolumus. Ne igitur alteri noceatur opere vel in seipso; *Non interfector sis:* vel in suis, *Non mæchus;* vel in bonis, aut quovis alio jure; *Non fur;* Ne ulli noceatur verbo, *Ne mendax;* cogitatione denique: *Alterius sponsam,* nec rem cupias alienam.

Aliud est jus naturale secundarium, quod scilicet cum juris naturalis præcipuo fundamento non ita coniunctum est, quin ab eo, Deo ita volente, aut permittente divelli possit: ut plures uxores ducere, filios ejicere, & alia ejusmodi quæ jure naturali secundario videntur contraria, non primario.

Quod autem jus naturale dicimus, id ex appetitu homini insito tranquillæ & ordinatae societatis magna ex parte profluxit. Unde & custodiendæ illius societatis sermo præcipuum est instrumentum à natura concessum. Hinc facultas homini data est sciendi & agendi qua huic societati tuenda, & humanæ naturæ maxime convenienti. Hinc pulchre Seneca, fac nos singulos, quid sumus? præda animalium, & viuimus, ac vilissimus & facillimus sanguis: quoniam ceteris animalibus in tutelam sui satis virium est: quacunque vaga nascuntur, & actura vitam segregem, armata sunt; hominem imbecillias cingit: non unguis vis, non dentium terribilem ceteris fecit. Duas res dedit, que illum obnoxium ceteris, validissimum facerent, rationem & societatem. Itaque qui par nulli esse potest, si diduceretur, rerum potitur. Societas illi dominium omnium animalium dedit.

Illa itaque societatis humanæ custodia fons est juris illius quod naturale dicimus: cujus generis sunt promissorum implendorum obligatio, & alieni abstinentia. Juris illius principia per se lucent, & sunt manifesta, cum animum advertemus: ea quippe velut oculis mentis omnino subjiciuntur.

Quæ omnium nationum consensu, saltem earum quæ magis sunt moratae, & quæ omnem humanitatem non exuerunt, recepta sunt; ad legem, seu ad jus naturale videntur pertinere. Nulla quippe hujus publicæ existimationis causa, quam naturæ & communis afferri potest: cum omnis effectus universalis ad causam itidem universalēm referatur. Hinc pulchre M. Tullius, *Confusio*, inquit, omnium gentium natura putanda est: id verò de iis saltem quæ sunt morationes intelligendum. Nam ut à vetere quodam Philosopho notatum est, apud homines recta sanaque mente præditos immutabile est jus illud naturæ. Quod si his qui morbo, distortoque sunt animo, aliter videtur, nihil ad rem pertinet; nam nec meminitur qui mel dulce esse dicit, ideo quod agrotis aliter videatur.

Ad hanc motum regulam pertinet ipsa conscientia, de qua per pauca dicemus.

ARTICULUS II.

De Conscientia.

Proxima actionum humanarum regula est conscientia; quæ definitur à S. Thoma, *judicium intellectus, quo quis applicat suam scientiam præliminari ad ultimam particularem*. Hincque, ut putat, nomen suum deduxit: est enim velut applicatio legis naturalis, & insita quælam cognitio ejus quod hic & nunc est agendum. Lex naturalis est instar habitus, conscientia instar actionis; illa generatim, hæc particulatim quid faciendum sit præscribit.

In mente enim sunt prima rerum principia, quæ ad intelligentiam, cum sunt speculabilia; ad synderesim veio spectant, cum de moribus agitur. Ea potro sic dicta est quasi *oversus*, seu *observatio* quedam. Est enim instar censoris ac

tiones nostras notantis, aut observantis. Hec à nonnullis portio virginalis anime dicitur : nullà enim prævaricationis notâ violati potest ; etque lex naturalis scripta in cordibus nostris. Ea rerum agendarum principia, ac divinæ imaginis animis nostris incisa extrema velut lineamenta complectitur, quæ August. virtutum lumina identidem appellat.

Hinc pulchre observat P. Thomasinus, præceptis naturalibus, quæ Mosis ministerio sunt renovata, nullam causam subjici, cùm alii plerumque præceptis subjici soleant, quod nihil opus esset illa aliqua muniri ratione: cùm nostris mentibus sint inscripta. Eleganter in hanc rem S. Remigii locum assert l. de tribus Epist. c. 27. *Lux, inquit, lucet in tenebris, & tenebre eam non comprehendenterunt. Lux illa presentia majestatis sua in tenebris lucens, id est, in infidelium cordibus majestate Conditoris suam presentiam exhibens, operatur aliquid in eis, & sic ut non videant ipsam, tamen ut videant aliquid per ipsam, id est, intelligent inter justa & injusta; inter bonum & malum; inter agendum & non agendum: ut sint inexcusabiles in die quo judicabit Deus occulta hominum. Qua tamen lux non à facie illis resplendet, quia non ad eam attendunt, sed velut à tergo illis reluet.* Nunc ad conscientiam & varias illius appellationes redeamus.

Conscientia dicitur antecedens, ubi cum actione futura comparatur : sive ad bonum nos instigate & impellere, sive à malo retrahere videatur : consequens verò dici solet, cum quæ acta sunt, ad rationis trutinam exigit ; seu proberet, seu quod sèpius evenit, improberet.

Tum excusat conscientia, cum factum recte rationi consonum sensu quodam interiori judicamus. Si factum rationis lumini, aut legi naturali adversum videatur, tum ea dicitur accusare. Hinc benefacta securitatem afferunt conscientiae ; male acta eos lanatus & angores procreant, qui experientia magis & sensu, quam verbis explicantur. Unde & conscientia testis & judicis munere fungitur, cum nos de pravis actionibus reprehendit, atque ut ait Juvenalis.

Nocte dieque tuum gestas in pectore testem.

Hinc Sapiens prov. 12. *Cogitationes justorum judicia; & consilia impiorum fraudulenta.* Nam conscientia accusat, ratio judicat, timor ligat, dolor excruciat. Greg. in Job, l. 25. c. 6.

Hinc definitur à Lipsio in polit. bonorum, malorumque facinorum judex & index. Illa est vermis, de quo loquitur Isaías c. ult. *Vermis eorum non extinguetur: vermis enim qui non moritur, ut ait Hieronymus, à plerisque conscientia accipitur peccatorum, qua torquet in suppliciis constitutos.*

Conscientiae autem varii sunt status : nam aut vera est, aut falsa, aut dubia. Tum vera est, cum mens attentione adhibita, & præjudiciis depositis evidenter quod faciendum est cognoscit : atque hec conscientia est legitima morum regula. Falsa autem futura est, si mens aut præjudiciis, aut aëtu libidinum abrepta temere judicet, obscure duntaxat & confuse re ut bona recepta, quam tamen attentione facta malam judicasset. Itaque cum error ille ex negligencia, aut malitia, aut ex pravo affectu oritur, tum actio ipsa in vitio est, & excusari non potest. Dubia autem est conscientia, cùm paribus utriusque momentis animus suspensus manet ; seu de facultate ipsa aut jure ; seu de facto, aut actione sit dubitatio. Quidquid ex hac conscientia fluctuante & dubia ope-

tamur, non ab omni vitio abest: cum deliberate & consultò peccandi periculum adeamus: nec bona fide agere, aut sincere bonus videtur, qui ab actione periculi plena non abstinet: tametsi interim aliquis illi videtur excusationi locus. Unde illa Apostoli tenenda est regula, *omnia probate*, hoc est expendite; quod bonum est tenete, ab omni specie mala abstinet.

Cum autem in motibus non id semper quod certum est & evidens occurrat, id utique agendum est, quod probabilius rectæ rationi, & æternæ legi magis consentaneum videtur: quamquam sœpe accidit, ut perturbationum æstus, aut voluptatum illecebræ nos transverlos agant. Hinc rationem p'etumque exoranus ut conticeat, aut de jure suo non nihil decedat, & ad mutum voluntatis, aut potius libidinis paulatim se inflecti patiatur.

Ac ne pugna appetitum inter & rationem diutius perseveret, aut nobis sit molestior, id deniū à ratione jam corrupta impetramus, ut quod libitum est, approbet. Itaque id persœpe evenit, ut animus aut sensuum voluptate delinitus, aut objectorum impressione impulsus, ad ea non attendat quæ rationis & conscientiæ lumen ostendit; nec diutius tamen tam molestum velut præceptorem ferre possit. Nam si grave nobis est in aliorum, quibuscum vivimus, iudicia offendere, & ab iis reprehendi, id multo nobis est molestissimum, vel proprium judicium & conscientiæ testimonium contemnere, vel à ratione nostra condemnari, aut circumferre actum nostrorum tam severum Judicem.

Ex iis soluta manet illa inter veteres tamdiu agitata quæstio, an sit aliquid naturâ suâ justum aut injustum; honestum aut turpe; an illud omne ex opinione hominum, aut ex sanctis legibus, aut ex utilitate ipsa profluxerit, ut quidam Academicci, & alii plerique disputarunt. Sit itaque

Unica Conclusio.

Lex bona à mala, jus item ab injuria, & omnino honesta ab iis quæ turpia sunt, non opinione hominum; sed naturâ ipsâ dividuntur.

Hanc conclusionem Cicero multis demonstrat argumentis lib. 1. de Legibus: est enim totius Philosophiæ Moralis velut fundamentum. 1. ex communi intelligentia quam animis nostris impressit natura, effectique ut honesta in virtute ponantur, in vitiis turpia. *Hac autem*, inquit, *in opinione existimare, non in naturâ posita, vere dementis est.* Nam nec arboris, nec equi virtus que dicitur (*in quo abutimur nomine*) in opinione sita est, sed in natura: Ergo honesta & turpia naturâ, non opinione sunt dijudicanda.

Confir. 1. Si utilitate omnia metienda sunt, & si natura jus ipsum non facit & confirmat, is negliger leges & perrumpet, qui sibi eam rem fructuosam putabit fore. Itaque fieri ut nulla sit justitia, si ea nihil sit nisi obtemperatio scriptis legibus, institutisque populorum. Nam quæ opinione, non naturâ, quæque propter utilitatem constituantur, utilitate alia convelluntur. Quod si ita sit, virtutes omnes tollentur. Ubi enim liberalitas, ubi patriæ caritas, ubi pietas, aut bene merendi de altero, aut referendæ gratiæ voluntas poterit existere? Nam hæc nascuntur ex eo quod naturâ propensi sumus ad diligendos homines: quod fundamentum juris est.

Prob. 2. Non opinione, sed naturā constitutum esse jus ex hominum inter se societate & coniunctione. Nam & ad justitiam nati sumus, & si, ut Cicerio fuse explicat, depravatio consuetudinum, si opinionum varietas, imbecillitas animorum eos non torqueret, & flesteret quocunque capisceret, sūi nemo tam similis esset, quām omnes sunt omnium. Id utique fuse hinc demonstrat, quōd in omnibus sit ratio communis, iisdem sensibus omnia comprehendantur; quæque in animis imprimuntur inchoatæ intelligentiæ, similiter in omnibus imprimantur; eadem sit interpres mentis oratio, verbis discrepans, sententiis congruens. Quod demum magis ad institutum facit, nulla fere natio comitatorem, benignitatem, gratum animum, & beneficii memorem non diligat; nulla non superbos, maleficos, crudeles, ingratos non appetnetur, non odérunt. Ex quo quidem id concludit, nos ad justitiam esse natos; ac si ut natura, sic iudicio homines humani nihil à se alienum putarent, colebantur ius & que ab omnibus. Quibus enim ratio naturā data est, iisdem etiam regularatio data est: ergo & lex que est recta ratiō in jubendo & vetando; & si lex, ius quoque: at omnibus ratio; ius igitur datum est omnibus.

Confirm. Nemo, inquit idem author, tam audax unquam fuit, qui aut abnueret à se commissum esse facinus, aut iusti sui doloris causam aliquam fingeret, defensioneque facinoris à natura jure aliquo quereret: ex quo optime concludit: esse unum ius, quo devincta est hominum societas, & quod lex constituit una, que lex est recta ratio imperandi atque prohibendi; vel ut ab eo superius est definita, lex est ratio summa iusta à natura, que jubet ea quae facienda sunt, prohibetque contraria.

Diluuntur objectiones.

Opp. 1. Jūs naturale nullum esse: omnes homines & animantes ad utilitates suas duce naturā ferri: illud adeo verum esse quod ait Poëta, nec natura potest justō secernere iniquum.

R. Negando antec. Nam bonum & malum, turpe & honestum, æquum & iniquum naturā ipsā judicari & sua sponte experti jam ostendimus. Hinc, ut optimè Tu lius, omnes viri boni ipsam æquitatem & ius ipsum amant; nec est viri boni errare, & diligere quod per se non est diligendum. Atque etiam si emolumentis, non suapte sponte virtus expetitur, una erit virtus quæ malitia rectissime dicetur: ut enim quisque maxime ad suum commodum refert quæcumque agit, ita minime est vir bonus: ut qui virtutem præmio metiuntur, nullam virtutem nisi malitiā putent: Nam ubi amicitia (ut alias virtutes omittam) si non ipse amicus per se amatur; qui etiam delectandus & abjectandus est, desperatis emolumenti, & fructibus: quo quid potest dici immannis. Quod si amicitia per se colenda est, societas quoque hominum & justitia per se est expetenda.

Neque eadem est ratio hominis quæ animantium: nam est in homine naturalis quæd in societatis appetitio, quæcira justitiam esse non potest. Hinc optimè M. Antonius Imperator, homo inquit, in i. d. natus, ut aliis beneficiat.

Sed ne illud quidem verum est, nihil animantes agere nisi utilitatis sua causā: nam vel factuum suorum, vel congenitum causa saepe utilitates suas ne-

gligunt. Atque in ipsis infantibus ante omnem disciplinam elucet quædam ad beneficiendum propensio: sic & misericordia in ea ætate sœpe se ostendit. Quinquam fatemur igniculos illos naturæ, aut consuetudine, aut pravis opinionibus, ut præcipiam omittam malorum causam, peccati originalis labem, pene extingui aut obrui. Nam animis nostris omnes tenduntur insidiae, vel ab iis qui tenetos & rudes inficiunt, & fleant, ut volunt; vel ab ea, quæ penitus in omni sensu implicata insidet imitatrix boni voluptas, malorum autem mater omnium. Nos utique eam concupiscentiam dicimus, quæ est inordinata & effrænata rerum sensibiliarum appetitio, primi peccati soboles, & plaga, malorum omnium radix: *Cujus blanditiis corrupti, ut hæc verba Ciceronis usurpem, que naturâ bona sunt, quia dulcedine hac & scabie carent, non cernimus satîs.* Hinc perturbat nos opinionum varietas, hominumque dissensio; ac leges, aut jura non naturâ, sed utilitate esse constituta & fixa falso crédimus.

Sed inquit. Summæ id videtur stultitiae, sibi nocete, dum alienis commodis consulimus: quo quidem tendit lex illa quæ naturalis dicitur: ergo nulla est lex naturæ, neque aliæ sunt leges, aut jura, quæ homines utilitate sua ducti sanxerunt.

Resp. Falsum illud & perniciosum videri, nullum jus esse, nisi id quod utilitas induxit; nam si nulla re indigeremus, ad societatem mutuam natura ipsa nos impelleret. Neque id negamus utilitatem summam esse in hominum societate. Quo enim singuli infirmiores sumus, hoc magis ad custodiâm humanae societatis ducimur. Quamobrem ut stultus haberi non debet civis, qui legibus constitutis obsequitur, etiamsi quædam legum reverentia sibi utilia omissat; sic nec civitati, nec homini tribuenda stultitia est, cum jus naturale omnibus emolumenst anteponit.

Opp. 2. Author quidam inter recentiores celebris, falsum esse illud axioma, hominem natura esse aptum ad societatem civilem: id vero fieri ex accidenti, contendit, ut homo hominem amet, non natura duce: secus, inquit, omnes & que homines diligenter. Negat congregatos esse homines impellente natura, sed unius utilitatis causa, aut potius ex metu: adeo ut congressus omnis vel egestate mutua, vel captandâ gloriâ concilietur, hoc est, sui ipsius, non amore sociorum contrahatur.

Nam in omni, inquit, societate, quod bonum putat quisque, id querit. Illud vero non aliud est quam jucundum, sive animi, sive corporis: voluptas autem omnis animi aut gloria est, aut ad gloriam refertur. Quæ ad corpus pertinent, commoda vocantur. Gloriæ studio nulla inita societas, neque multorum hominum, neque multi temporis potest. Nam honor aut gloriatio si omnibus adsit, nulli adest, comparatione quippe & præcellentia constat. Commoda autem hujus vite mutua quidem ope augentur, sed multo magis dominatione; in quam avidius natura sua homines fertentur, si metus abeflet.

Itaque concludit originem magnarum & diutinarum societatum non à mutua hominum benevolentia, sed à mutuo metu extitisse. Fatetur tamen infantes ad vivendum, adultos ad bene vivendum aliorum ope indigere. Verum in ea est sententia, ut hominem non natura, sed disciplina ad societatem faciat esse existimet.

Multa addit quæ vix in Philosopho, nedum in Christiano ferri possunt. Voluntatem lædendi omnibus inesse in statu naturæ; sed alius secundum æqualitatem permitit æteris eadem quæ sibi, quod est modesti hominis: alius superiorem se alii existimans, omnia licere sibi soli vult, quod ingenii ferocis est. Huic igitur voluntas lædandi est ab inani gloria, & falsa virium existimatione; illi ex necessitate res suas & libertatem defendendi. Accedit etiam certamen ingeniorum. Unde nulla acris geruntur bella, quam inter ejusdem religionis scetas & ejusdem reip. factiones, ubi certamen est vel de doctrina, vel de prudentia politica. Sed frequentius hinc oriuntur discordia, quod multi eandem rem linnul appetant, quam tamen neque possidere communiter, nec possunt dividere: unde sequitur fortiori dandam esse; quis autem fortior sit, pugna judicari.

Hinc vero colligit 1. Non esse contra rectam rationem, si quis det operam, ut à morte & doloribus proprium corpus defendat. 2. Ut jus habeat quisque in naturæ statu uendi omnibus mediis quæ ad hunc finem sunt necessaria. 3. Unumquæque esse naturæ Judicem, an media quibus usitus est, sint necessaria ad vitæ suæ conservationem. Neque enim, inquit, est contra rationem, ut de proprio periculo judicem: nam si alius judicet, cum ambo æquales natura simus, eodem jure ego judicabo de iis quæ ad ipsum spectant. 4. Hinc sequitur in statu naturæ menturam juris esse utilitatem: adeo ut natura dederit unicuique jus in omnia, & frui omnibus quæ vult & potest. 5. Cum ex jure omnium in omnia, quo alter jure invadit, alter resistit, bellum necessario oriatur; status ille naturæ est status belli, & omnium in omnes. Bellum vero illud sempiternum non est res idonea ad conservationem humani generis. Quare ex mutuo metu evenit, ut ex eo statu excendum, & querendos socios putemus: ut si habendum sit bellum, non sit contra omnes, nec sine auxiliis. 6. Queruntur socii aut vi, aut consensu. Sic vero concludit in statu naturali potentiam certam & irresistibilem jus conferre regendi; imperandique iis qui resistere non possunt.

Lex autem naturalis ab eo definitur, Dictamen recte rationis circa ea quæ agenda, vel omittenda sunt ad vitæ membrorumque conservationem, quantum fieri potest diuturnam; tum præcipuas naturæ leges refert, de quibus forte alibi. Sed neque hoc loco cuncta, quæ ut certa supponit, non probat, diligentius vacat expendere. Itaque uno verbo

Resp. Illud esse certissimum, hominem ad societatem esse natum, atque hujus conjunctionis instrumentum à natura illi datum esse sermonem, ut supra ostendimus. Nulla vero est societas quæ sine jure diu conservari possit. Nam illud verissimum est quod ait Cicero, *Omnia incerta esse, cum à jure discessum est.* Idque exemplo latronum probat Aristoteles. Hinc sanctus Chrysostomus scribens in 4. cap. ad Ephes. rationem afferit cur in pace vivant latrones; nempe, inquit, *cum non ut latrones agunt.* Nam si in dividendis rebus præscripta justitia non servent, neque partitionem ex aequo faciant, videbis & ipsos inter se bellis ac pœliis implicari.

Quos autem congregatos esse homines solius utilitatis, aut metus causa identidem objicit, id falsum esse jam ostendimus: quanquam iuri naturali accessit utilitas, ac juri civili occasionem dedit: nam subjectio & consociatio utilitatis,

Ex alicuius causa instituitur. Itaque illud non omni ex parte verum est.

Iura inventa metu injusti fateare necesse est: quasi vi quadam homines ad iustitiam colegendam adigantur. Id vero dici potest de iis legibus quæ juris naturalis executionem adjuvant, quæque sunt instituta ne infirmi à validioribus opprimantur. Nam si jus omne naturale utilitate metiendum est, nec quicquam præter commoda nostra spectamus; si pena tantum aut metus supplicii, non ipsa turpitudine deterret ab injuriola, facinorosaque vita, nemo, ut ait Cicerio, est injustus: at incerti potius habendi sunt improbi: nam quid faciet is homo in tenebris, qui nihil timet nisi testem & judicem? Quid in deserto loco nactus, quem multo auto spoliare possit, imbecillem, atque solum?

Quod autem jus omne naturale vitæ conservatione contineri, & unumquemque esse natura judicem idoneum de mediis, quibus ad vitæ conservationem usurvis est; ac demum in naturæ statu mensuram juris solam esse utilitatem, ferinum quiddam & insociabile, non jus naturæ, non humanum quid cogitatione depingit: ac demum jus naturæ is appellat effrænes & illicitos concupiscentia motus, non leges ab Authore naturæ animis incisæ: hominem denique ut belluam ad quam animi virtus, aut honestas & decus nihil pertinent, nobis exhibet. Quin & prima naturæ, ut loquebantur Stoïci, quæ simul ac natum est animal, appetit ad sui conservationem, ut quæ interitum afferunt, refugit; male ab eo confunduntur cum lege naturali, qua præcipiuntur honesta, turpia & injusta prohibentur. Honestæ vero dicimus quæ naturæ rationali convenient, quæque nos rectæ rationi commendant: hæcque cariora nobis esse debent, quam ipsa naturæ initia. Recta autem ratio & natura societas eo tendit, ut vim omnem prohibeat, quæ jus alienum tollit.

Quocirca qui eam esse præcipuum naturæ legem statuit, ut homo cuncta ad sui conservationem referat, ut jus habeat in omnia, is sane jus omne naturale pervertit, divinas & humanas leges omnino convellit, ac Philosophia moralis, imo & vere religionis fundamenta pefundat. Neque enim leges à Deo sanctæ rationem humanam, aut jus naturale perficerent, sed omnino destruerent.

Quare abjicienda est illa sapientia terrena, animalis, diabolica, ut cum Apostolo loquar, quæ humanam societatem, religionem omnem, imo jus ipsum naturæ evertit. Quas vocamus virtutes, in statu naturæ, si huic Authori credimus, essent vitia. Nec criminis vertexeretur patrem occidere, & sui commodi causa alium spoliare; sicque præcepta & consilia Salvatoris omnino repugnarent legibus ab Authore naturæ lancitis.

Quod autem ait nullum in lege naturæ esse introductum dominium, falsum id omnino est: sunt enim quedam cuique propria, quæ sine injuria invadi non possunt, ut vita & libertas. Sic in rebus ipsis in medio positis, in statu naturæ jus esset occupantis; & si quis id juris alteri eiperet, injuste ageret: adeo ut id falsum omnino sit, jus naturale sola utilitate esse ponderandum, aut in statu naturæ: jus cuique esse in omnia. Verum ista ex mox dicendis fient apertiora.

Sunt & aliae quedam morum regulæ, nempe lex cum divina, tum humana. Quanquam ad legem æternam & rectam rationem eæ possunt revocari: ne quid tamen ad morum cognitionem necessarium omisisse videamur, de iis per pauca dicemus.

QUÆSTIO IV.

De lege tum divina, tum humana.

Hoc discrimine jus naturale, & voluntarium, seu positivum inter se dividuntur, quod ilud circa actus per se aut debitos, aut illicitos veretur: sed jus voluntarium, tum divinum, tum humanum præcipiendo actus facit debitos, vetando illicitos: illud, ut diximus, est omnino immutabile & perpetuum; jus voluntarium pro personarum & temporum varietate mutari solet, atque id agit potissimum, ut quod per se laudabile tantum erat, jam debet sumi fiat.

Jus positivum duplex vulgo statuitur, divinum & humanum: de utroque agendum.

ARTICULUS PRIMUS.

De jure divino.

Jus itaque voluntarium aut divinum est, aut humanum. Illud ex divina voluntate ortum habet: Lex divina humano generi, aut uni populo, nempe Iudaico data est. Jus à Deo ter datum fuit humano generi, primùm post conditum hominem; 2º post diluvium, 3º in reparatione generis humani per Christum: idque omnes obligat, cum ad eorum cognitionem pervenit.

Quod impositum fuit Iudeis, eos tantum obligat, non alienigenas, quibus lex data non est. Unde nunquam Prophetæ, aut iis ad quos scribunt, aut ad quos mittuntur, (ut cum Jonas ad Ninivitas missus est,) tanquam rem necessariam præscriperunt, ut Mosis legem susciperent: Hinc Apostolus Rom. 2. Cum enim, inquit, gentes que legem non habent, naturaliter ea que legis sunt, faciunt, ejusmodi legem non habentes ipsi sibi sunt lex, qui ostendunt opus legis scriptum in cordibus suis, testimonium illis reddente conscientia ipsorum. Itaque lex antiqua non est jus naturæ: tametsi cum eo nunquam pugnat: dummodo apte distinguamus jus Dei ipsius, quodque per homines exsequitur, à jure ipso quo homines inter se deviciuntur: sic distinguere debeamus ea quæ praecipiuntur, ab iis quæ sunt tantummodo permitti.

Lex nova quid Christianis liceat, quid faciendum sit, præscribit, eaque hoc maiorem nobis sanctitatem præcipit, quam lex Mosæ, quo majus premium nos manet. Verum de discrimine utriusque legis veteris & novæ nihil necesse est dicere. Quod illa nimis terrena duntaxat promitteret, manum tantum cohiberet, non animum, hoc est, exteriores actus potius quam interiores formaret; ac timore pœnæ homines ad bonum induceret: nova autem lex non terrena, sed æterna bona pollicetur & præstet; omne malum prohibeat, justitiae amore potius illiciat, quam timore pœnæ terreat. Quod vetus occisi eret, & prævaricatores ex occasione faceret, dum prohibendo augebat desiderium malum, seu concupiscentiam; lex nova vivificet, cum per gratiam sanat vitium, quod lex vetus demonstrat. Sciri, ut ait S. Augustinus,

peccatum facit, non caveri, & ideo magis augeri quam minui, quia mala concupiscentia etiam prevaricatio legis accedit. Unde ex Apostolo lex iram operatur, ex occasione videlicet, non per se.

De Spir.
& lit. c.
6.

Veteris legis præcepta partim ad ritus & cæremonias, partim ad mores pertinent. Illa in delectu ciborum, sacrificiorum varietate, in Sacerdotum & Templi ornamenti, & aliis quæ Judæos ab idolatria deterrebant, & unius Dei cultui addicebant, quæque figuræ erant eorum quæ in lege nova perfecta sunt, omnino posita videntur. Erant enim velut propheticæ imagines mysteriorum quæ à Christianis celebrantur. Nam in veteri testamento novum latet, in novo vetus patet.

Aug. in
exod. q.
73.

Præcepta veteris legis quæ ad ritus & cæremonias attingebant, quæque signa erant tantummodo rerum quæ in novo testamento geruntur, veritatis ipsius accessu, omnino desierunt. Erant enim, ut ait Apost. *umbra futurorum*. Sed præcepta moralia quæ moribus informandis, & legi naturali instaurande data sunt, ea manent integra & inconcussa. *Legis veteris præcepta*, ait Aug. contra Faustum l. 10. *vita agende servantur & nunc à Christianis, præcepta vero vita significanda, & illi tunc temporis intelligenda congruunt*. Eadem igitur Judæis & Christianis morum præcepta sunt, eadem leges descriptæ, sed diversa ratione.

Lex vetus exterior fuit, & tabulis lapideis incisa; lex nova intus, & in cordibus Fidelium insculpta fuit. *Ibi in tabulis lapideis digitus Dei operatus est, hic in cordibus humanis. Ibi lex extrinsecus posita est, qua iniusti terreruntur; huc intrinsecus data est, qua justificarentur*. Unde lex vetus ab Apostolo *Lex operum*, identidem appellatur: *Litera occidens, qua nihil ad perfidum adduceret. Lex data est, ut gratia quereretur; gratia data est, ut lex impleretur*. Et eodem in loco: *Quod operum lex minando imperat, hoc fidei lex credendo imperat: Et alibi, Homines temeraria sua presumptione cederrunt: Facti rei sub lege imploraverunt Liberatoris auxilium. Egritudo superborum facta est confessio humilium. Jam confitentur ægroti, quia ægrotant: Veniat medicus & sanet ægrotos*. Verum ista cum ad Theologos pertineant, leviter attigisse sufficit.

Aug. de
sp & lit.
c. 17.

Id unum annotamus, quod naturalis legis præcepta Deus datis legibus aperi-
tiora iis fecerit, quibus imbecillior est vis animi ad ratiocinandum; aut quos
perturbationum impetus ad diversa trahunt: ne scilicet fluctuant & vagen-
tur; quove ñ certo fine, ac modo coœrceantur. Unde & naturæ leges fallis op-
tionibus, aut pravis moribus pene oblitteratae divina lege renovantur.

Aug.
ib. d. c. 9

Id quoque sapienter à vito doctissimo adnotatum video, nihil legi naturali à Deo post primi hominis peccatum additum fuisse, quod illius legis observatiōni non utile fuerit. Sic iussit Deus ut animalia & fruges terra sibi in Sacrificiū offerrentur, quo eum bonorum omnium fontem homines agnoscērent. Jussit quoque post diluvium ut homines à sanguine abstinerent, quo homicidii horrorem iis incuteret. Secuta est lex circumcisiois quæ populum Dei à falsorum deorum cultoribus secereret, ne forte eorum societate in idololatriam defueret. Lex Moysis legem naturalem pene exoletam, & in iis maxime quæ ad Di cultum pertinent, omnino deletam promulgavit. Sed lex Christi eandem naturæ legem plane restituit, quæque ad perfectam illius ob-

servacionem non erant necessaria, summovit.

Illud quoque non prætereundum videatur, posteriores leges prioribus utiliores fuisse, & ad plures pertinuisse. Ac prima quidem lex adeo neglecta fuit, ut tempore diluvii unus ex omnibus cotam Deo justus inveniretur. Quam hic Patriarcha post diluvium legem accepit, ut forte diutius vim suam obtinuerit, tamen temporibus Abrahami perpauci fuere qui verum Deum colerent, Abraham ipse, Loth, Melchisedech. Quæ Abraham data est lex, id effecit, ut illius familia, & posteri, saltem qui ex Isaac & Jacob nati sunt, in unius & veri Dei cultu permanerent. Lex Moysis eandem familiam, cum in gentem magnam & numerosam abiit, ab idolorum cultu prohibuit. Lex Christi cultum Dei purum & perfectum toto orbe constituit, quæque ad legis naturalis observationem pertinent, sancivit. Priores quidem leges Dei cultum & naturæ jura quoad exteras tantummodo actiones, & præsentis vitæ statum prescribunt, ac perfectius quiddam pollicentur; lex Mosaica imprimis, quæ infinitis pene figuris, & cæmoniis & vaticiniis ad novam & perfectiorem legem præparat. Sed Christiana religio vim legis naturalis ad cogitationes & intimos mentis affectus applicat, veteraque in hujus vitæ bonis felicitatem nostram constituite, neve alibi quam in cognitione & amore Dei eam reponamus.

A R T I C U L U S II.

De lege humana.

EX naturali humana lex profluxit. Nam ad jus naturale pertinet stare pacis, ac fidem servare, (neque aliis obligandi modus naturalis fingi potest,) atque illud principium est lumine naturali notum, cum omni homine vel non esse paciscendum, vel servandam esse fidem: unde & pauci violatio injuria dici solet, quod sine jure fiat, & actio ipsa vel omissio injusta dicuntur.

Hinc igitur jus civile, aut lex humana initium duxit, cui occasionem dedit utilitas. Itaque legum humanarum, aut juris civilis fons est ipsa ex consensu obligatio, quæ ex jure naturali vim suam repetit. Nam qui se ad societatem aliquam adiunxerunt, aut se homini subjecere, hi utique aut promiserunt, aut tacite promisisse intelliguntur, se his qui præsunt huic societati, obtemperatores, aut quod pars illius cœtus major constituerit, secuturos.

Quamobrem illa consociatio, aut subjectio utilitatis causâ fuit instituta, tum ut homines tranquille, & secure vitam agerent, tum ut alii alios juvent, & sibi mutuas conferrent operas: adeo ut quod dictum est ab Horatio,

Vtilitas iusti prope mater & æqui,

ad legum humanarum originem propriæ pertinere videatur. Nam qui præscribunt aliis jura, militatem eorum, quibus præsumunt, speare debent. Hinc M. Tulli. 2. de Legib. Constat profectò ad salutem civium, civitarumque incolumentem, vitæ tanquam hominū & quietam & beatam inventas esse leges. Atque hinc legis nomen ductum putat, ut perspicuum esset possit in ipso nomine legis interpretandum inesse vim, & sententiam iusti, & juris legendi. Alio nomen à ligando

Deducunt: quia lex nos ligat, aut obligat; sive cum inducit ad bonum; sive cum retrahit à malo. Unde & definiri solet *ordinatio rationis ad bonum commune*, ab eo qui curam habet communicatis promulgata. Lex etiam à Cicero ne loco citato describitur, *lex est iustorum, iustorumque distin^{tio}, ad illam antiquissimam & rerum omnium principem expressa naturam*, ad quam leges hominum diriguntur, qua suppicio improbos afficiunt, descendunt ac tuentur bonos. Lex enim omnis est quædam æternæ legis participatio: hinc paulo superius dixerat, *Illa divina mens summa, lex est.*

Jam ut uniuscujusque civitatis, aut imperii jura civium utilitatem spectant, sic inter civitates quædam aut ex consenu, aut saepe ex lege naturali orta sunt jura, quæ non ad unius, sed ad omnium utilitatem pertinent. Jus illud gentium, imo & jus naturale dici solet. Vix enim jus ullum præter naturale reperitur; quod omnibus gentibus sit commune. Nam quod in una parte orbis terrarum est jus gentium, alibi non usurpatur. Itaque jus gentium aut est naturale, aut est voluntarium, quod multarum nationum consensu, & usu receptum est. De jure naturali intelligi debet Livius, cum ait, *jure gentium ita comparatum esse, ut arma armis propulsentur.* Hoc est, non obstat jus naturale, quominus vim atque injuriam propulsimus, ut corpus nostrum tute- mur, ut ipse loquuntur leges. Sed quæ ad bellum solennes usurpantur formulæ, ad jus multarum gentium ex fere pertinent. Hoc autem jus & testimonio peritorum probari solet, uti & jus civile scriptum. Eo quidem jure gentium humanarum genus continetur, quod scilicet aut natura, aut consensu gentium constitutus. Hinc Demosthenes bellum esse dixit in eos qui judiciis non possunt coerceri, nec minori ea tamen religione, quam judicia exerceri oportere.

Q U A E S T I O V.

An sint actiones quædam humanae indifferentes?

HA&stenus in rebus confessis, ex quibus tamen magna solvi possunt quæstiones, versati sumus: nunc ad ea quæ sunt magis controversa venendum, ac discutiendum nobis est, an actio omnis sit bona vel mala. Quæ utique disceptatio soluta facilior futura est, si quæ ad bonitatem aut malitiam actionis pertinent, quæque fusi sunt explicata, in memoriam redigamus.

Illud itaque manifestum est, actionem humanam, de qua hoc loco quæstio est, quæ scilicet homini est propria, & fit deliberate, bonitatem suam, & perfectionem ex objecto destinare. Id enim formam & speciem actioni imprimit, non ratione sui, atque ut secundum se spectatur: nullum quippe ex se est malum, cum objectum omne sit creator, aut creatura: sed objectum, ut aiunt, moraliter, non physice considerari debet, hoc est, ut rationi convenit, vel ab ea desciscit. Nam bonitas cuiuscunque rei, aut perfectio in eo posita est, quod illius naturæ est consentaneum. Itaque bonum objectum id erit, quod rationi hominis conveniens futurum est. Atque universim res unaquæque, seu in re natura, seu in rebus artefactis, seu in moribus bona est & perfecta, cum propriæ regulæ aut mensuræ quadrat. Hinc bona est actio, cum

recte rationi & aeterna legi concinat: id vero tum evenit, cum bene sit bonum: cum scilicet corpus, ut ita dicam, actionis ex bono affectu dimanat, ut ex justitia, aut temperantiae affectu, qui est quasi forma actionis; ut affectus ipse ex amore ultimi finis, seu ex recta intentione, que oculus simplex a Christo Domino appellatur, bonitatem suam & perfectionem repetit.

Hinc illud Sapientis, *Oculi tui recta videant, & palpebra tuae precedant gressus tuos.* pr. 4. Et ibid. *Dirige semitam pedibus tuis, atque omnes via tuae stabilentur.*

Actionem quoque humanam in duplice esse differentia superius diximus. Quae-dam imperata, & plerumque exterior, ut erogatio eleemosynæ; alia interior quæ a voluntate ipsa elicuntur, quæque speciem suam a fine sortitur: cum objectum voluntatis sit finis. Nam omnis actio speciem suam habet a principio unde proficiuntur, ut visio a visu naturam suam repetit. Finis vero, ut diximus, est principium actionum quas voluntas exerit.

Actio autem exterior bonitatem suam mutuat a fine & objecto, vel potius a fine, quatenus in eum per tale objectum nitimur. Bonitas quæ ab objecto profluit, est quasi naturalis: sic honor parentum, & erogatio eleemosynæ sunt actus ex specie sua & natura boni. Ambulatio est actus ex natura sua, aut specie indifferens.

Sic amor naturæ omni essentialis, ut amor felicitatis, vitae, tranquillitatis bonus est: sed nec bonos, nec justos nos efficit. Quia quidem ratione nulli dubium est quin dentur actus ex specie sua indifferentes. Sed quæ a fine oritur bonitas, ea moralis dicitur. Cum igitur objectum referatur ad finem, tum objecti ipsius bonitas continetur sub bonitate finis, quæ est ratio omnis perfectionis moralis.

Illud quoque in memoriam redigendum, alium esse finem intrinsecum, quicunque finis operis dici solet: ut sublevatio pauperis est finis intrinsecus erogationis eleemosynæ, isque cum objecto confundi solet; nam in practicis idem est objectum & finis intrinsecus: ut sanitas est objectum & finis medicinæ.

Alius est finis extrinsecus, & operantis, sive is sit intermedius, sive ultimus. His itaque explicatis, sit

Vnica Conclusio.

Nulla est actio humana proprie dicta, quæ non sit bona aut mala. Hec conclusio est divi Thomæ, & a majori parte Philosophorum defenditur.

Prob. Contra Scotum 1. omnis actus, qui sit cum deliberatione, vel est recta rationi consentaneus, vel non; si rationi convenit, bonus est; secus, malus erit. Nam ut in artefactis, sic in moribus, quod sua regula non quadrat, malum est: regula autem actionum humanarum est recta ratio.

Prob. 2. Omnis actio humana in finem aliquem tendit, qui si sit legitimus, actio cum eo fine comparata, bona futura est; mala, si secus: tum enim deficit ab ordine rationis. Nam omnis actio liberata est actio rationalis, cui debetur rationis ordo: ac si is desit, actio erit mala & imperfecta.

Respondit. Actionem referri posse ad finem indifferentem.

Contra. Finis omnis habet rationem boni, quod aut verum est & honestum,

tumque actionem efficit bonam; aut fucatum est, & speciem tantum habet boni; tumque actio quæ in eum finem nititur, mala futura est.

Prob. 3. Actio spectata, ut aiunt, in individuo, est actio cum fine ultimo comparata: sed nulla ejusmodi actio est indifferens. Tum enim vel sicut in Deo, & est bona, vel in creatura, sicutque est mala: cum homo in creatura tanquam in fine ultimo hætere non possit, quin & legem charitatis violet quodammodo. Nam primum & maximum præceptum charitatis, id est, ut Deum ex toto corde diligamus. Imo & justitiae, & gratitudinis legem intingit, qui non reddit Deo quod Dei est, & actiones suas ad rerum omnium dominum, & principium non refert, ac demum tot beneficiorum immemor, hæc Deo, ut pars est, non refere accepta.

Confirm. Authoritate Christi Domini Matth. 12. Quoniam inquit, omne verbum otiosum quod loqui fuerint homines, reddent rationem in die iudicii: otiosum vero est ut S. Thomas ex S. Gregorio explicat, quod utili ratio rectitudinis, aut ratione justæ necessitatis, et pia militit. caret. Sed nihil magis videtur indifferens quam otiosum verbum. Nulla igitur actio est indifferens.

Idque maxime tenendum est, si omnis actio sit in Deum referenda. Hinc Apostolus 1. Corinth. 10 *Sive manducatis, sive bibitis, sive aliud quid faciatis, omnia in gloriam Dei facite.* Quod utique S. Thomas præceptum esse, non consilium putat: non enim sub conditione, ut p[ro]traque conscientia, sed absolute propontitur. Cum Deus sit primum principium, ex quo manant universalia, finis quoque est ultimus: in quæcunq[ue] referri debent. Nam finis ultimus hominis ut homo est, Deus est: ut finis ultimus medici est sanitas: cumque eam efficit, tum bonus medicus nominatur: ita & homo cum actiones suas refert in Deum, bonus homo simpliciter nominatur: cum hæret in creatura, tum aberrat à fine ultimo. Verum ea res ad Theologos pertinet, quam hoc loco, ut pars est, expendere non possumus.

Prob. 4. Ut omne iudicium intellectus verum est aut falsum; sic omnis actio voluntaria bona est aut mala: bona, si fiat bono fine; mala, si fecus: nullatenus enim actio humana aut deliberata concipi potest, quæ ad finem aliquem non ordinetur, bonum aut malum.

R[espondent] A[ctio]nem fieri posse propter naturæ commodum, aut etiam propter aliquam voluptatem, quæ ex se est indifferens.

Contra. Utilitas illa, aut dilectionis vel intra honesti & rectæ rationis fines: continetur, ut si ad corporis sustentationem, vel ad moderatam animi remissione referatur, tumque est bona; vel nihil aliud quam voluptas quæritur, tumque actio est mala. Non enim voluptas sensibilis ut pecudum, sic hominis est finis. Non quod non sint quædam voluptates licite: sed omnis voluptas excepti debet alicuius finis honesti gratiæ, vel salutis corporeæ causæ, vel ut molestia tædium trangamus. Non solo cibo, inquit S. August. sed etiam cibi sapore indiget infirmitas corporis nostri, non propter exsaturandam libidinem, sed propter tuendam salutem. Cum ergo natura quodammodo poscit supplementa quæ desint, non vocatur libido, sed famæ aut sitis: cum vero suppletæ necessitate amor edendi animum sollicitat, jam libido est, jam malum.

Solvuntur objectiones.

Opp. 1. Authoritatem tum Aristotelis, qui quosdam habitus indifferentes, nec bonos, nec malos esse docet; tum sancti Hieronymi qui in epist. ad sanctum August. Bonum est, inquit, continentia, malum luxuria: inter utrumque est in differens, ambulare.

R. Diff. ant. Sunt actus quidam indifferentes ex objecto, seu ex specie sua, quatenus, ut loqui solent, abstrahunt à bono vel malo fine, C. in individuo, & cum adjunctis circumstantiis, atque ut ita dicam, in actu exercito, N.

Vrgent. Nulla est species, cui non subsit aliquid individuum: ergo si actiones sunt in specie indifferentes, erunt quoque in individuo.

Resp. Diff. conf. actiones quædam sunt in specie Physica, quam scilicet habent ab objecto, indifferentes, C. in specie Morali, N. Sic in individuo actiones quædam sunt indifferentes, Phyllice, seu comparate cum objecto Physico, aut cum fuit sine advertentia rationis, non autem moraliter. Quare ut datur actio humana secundum speciem, seu ratione objecti indifferentes: ita & in individuo datur hic actus Phyllice indifferentes. Sed neque in specie morali, neque in individuo hujusmodi actus indifferentes agnoscimus, si continentur cum fine ultimo aut objecto morali.

Infr. Omissio actus qui non imperatur, est indifferentes: ergo & actus potest dari qui neque sit bonus, neque malus.

R. N. conf. & paritatem. Qui enim actum omittit non imperatum, nulli facit injuriam; sed qui agit, & actionem suam ad Deum non refert, is quodammodo iustitiam naturalem violat. Nam amor finis ultimi est id quod primum actus nostros determinat, omnium affectuum radix.

Contra, *inquiunt*, quod si actus illi aut indifferentes, aut boni ex genere non referantur in Deum, non hoc ipso mali futuri sunt, quod generali precepto charitatis quo tenemur omnes actiones in Deum referre, sunt contrarii: id enim omnino durum & præter rationem videtur. Neque ullum præceptum afferri potest, aut naturale, aut positivum, quo teneamus omnes actus nostros ad Deum referre.

Resp. Præceptum illud esse naturale, ut ostendimus, & ab Apostolo, immo a Christo domino quasi promulgatum, aut renovatum.

Vrgent, præceptum illud referendi actiones omnes in Deum est affirmans: ergo id quidem semper obligat: sed non pro semper, ut loquuntur. Id enim proprium est præcepti negativi, quale illud est, non furaberis. Non igitur tenemur actiones omnes ad Deum referre, vel actu, vel virtute.

Resp. Illud præceptum esse virtualiter & implicitè negativum: prohibet enim ne fruatur creatura, neque ei ut fini ultimo adhæreamus; atque ex hypothesi quod agamus, ad Deum actiones nostras referamus. Neque id durum videri debet: cum actu & explicitè non teneamus actiones omnes ad Deum referre, sed intentio virtualis implicita sufficiat. Nam sepe accidit ut homines etiam justi bonas actiones exerant, sicut cuique tribuant, tametsi de Deo ne cogitent quidem: ac si cogentur cur ita agant, nihil forte respondeant, quam id justum esse & rationi conveniens. Quin etiam cum de Deo vel justi

in agendo interdum non cogitant, idque fiat s^ep^ee ex inadvertentia, qua^m omni culpa vacat, quod ea non sit libera, tum a^ctus ille privatur quidem ea perfectione quia m^u h^ere debet, sed defectus ille privationis moralis, aut culpæ rationem non habet, vel quod ignoranter, vel quod inconsiderate fiat. Quo quidem modo fatemur plures a^ctus etiam in individuo esse indifferentes. Verum id sit per accidens, & ex infirmitate, aut inconsideratione. Quanquam omnis a^ctio in individuo per se & ex natura sua sit bona vel mala.

Opp. 2. Si teneretur homo omnes a^ctiones suas ad Deum referre, omnia infidelium opera essent peccata: sed falsum est consequens: ergo ne implicite quidem & virtualiter tenemur a^ctiones ad Deum referre.

R. dist. major. Opera infidelium, qua^m ex infidelitate procedunt, essent peccata, C. qua^m ex bono & honesto sine sunt, N. Cum infideles Deum ut authorem naturæ cognoverint, potuerunt etiam propter Deum sic cognitum, saltem implicite, & ex motivo honestatis, aut justitiae agere circa peccatum.

Contra, *inquiries*, motivum illud justitiae minime sufficit. Unde Aug. l. 4. contra Julianum omnes infidelium a^ctus peccata esse decernit, hoc ipso quod ad deum non referantur. *Quidquid autem boni sit ab homine & non propter quod fieri debere vera sapientia præcipit, et si officio videatur bonum, ipso non recte sine peccatum est.* Cumque objecisset Julianus, si Gentilis nudum operuerit, periclitantem liberaverit, agri vulnera soverit, ad testimonium falsum nec tormentis potuerit impelli, nunquid quod non est ex fide. peccatum est? Responderet S. August. prouersus in quantum non ex fide, peccatum est, non quia per seipsum factum, quod est nudum operire, peccatum est, sed de tali opere non in Domino gloriari, solus impius negat esse peccatum.

Quod etiam hac ratione probat. *Quero, inquit, abs te utrum haec opera bona bene faciat, an male: si enim quamvis bona, male tamen facit, negare non potes cum peccare, qui male quodlibet facit: sed quia non vis, cum facit ista. peccare, profecto dicturus es & bona facit & bene: fructus ergo bonos facit arbor mala; quod fieri non posse veritas dicit.* Multa in hanc sententiam ex S. Augustino & S. Prospero afferti solent, quibus.

R. 1. A^ctus ex genere suo bonos, ut misericordia, justitiae & castitatis ad malum finem inflecti posse, & ea ratione in peccata s^apissime, ac potissimum in ipsis infidelibus degenerate.

Hinc S. Aug. eodem in loco. *Possunt, inquit, alia bona fieri, non bene facientibus à quibus sunt: bonum est enim ut subveniatur homini periclitanti, presertim innocentem: sed ille qui hoc facit, si amando gloriam hominum magis, quam Dei facit, non bene bonum facit, quia non bene facit, quod non bona voluntate facit.*

Itaque a^ctio potest esse bona, licet non bene, nec à bona voluntate, aut bono aff. a^ctū fiat; ac s^ep^ee defectus aut malitia non tam est in actione ipsa, quam in voluntate, qua^m charitate ipsa, aut Dei amore destituitur: a^ctus autem virtutis potest carere bonitate a^ctus alterius virtutis, nec tamen idcirco malus erit: quia ejus bonitatis non est capax. A^ctus fidei potest esse sine a^ctū charitatis, neque is continuo malus dici potest: secus qui credere incipiunt, semper male agerent. Quamobrem infidelium virtutes, & virtutum a^ctus si ad bonos fines referantur, & vere quidem erunt virtutes, & boni a^ctus,

sed informes tamen : quod non referantur ad principale hominis bonum ; et in iis deficit forma virtutum charitas, ut docet sanctus Thomas 2. 2. q. 23.

Cum enim virtus non sit summum, sed medium quoddam bonum, non ea propter se, sed propter summum bonum amari debet, atque ut perfecta sit, ex recta finis intentione proficiat. Quod si illius objectum sit bonum fucatum & falsum, tum falsa erit virtus. At si objectum est vere bonum, & deficit tantum melioris finis intentio, tum actus virtutis erit informis, licet ex se laudabilis. Ac si qua sit deformitas, ea non tam est in actu virtutis, quam in ipsa voluntate. Hinc S. Aug. l. de Spiritu & lit. c. 27. Fatetur nos in impiis, qui Deum veraciter justaque non coluerunt, quæ iam facta legere & audire, quæ secundum iustitiae regulam non solum vituperare non possimus, verum etiam merito rectoque laudamus. Quantum si discutiatur quo fine fiant, vix inventi que iustitiae debitam laudem, defensionemque mereantur.

Quo quidem modo oppositas opiniones ad iustum temperamentum redigi posse arbitramur. Responderi itaque potest in forma, actiones infidelium ex genere suo bona, peccata esse, cum ad malum finem referuntur, C. si ad bonum finem referantur, N. Quod autem in Deum non refundantur, defectus est in voluntate, seu in operante, non in ipsis actionibus; easque hac ratione informes esse concedimus, quod iis deficit charitas, tum perfecta, quæ est forma & perfectio virtutum, tum imperfecta: nec deformes sunt & peccata, cum intrinseca sua donentur perfectione.

Quin etiam aliqua actio infidelis bona esse potest moraliter, tum ex objecto, seu ex officio, tum ex fine honesto, & laudabili, licet non sit meritoria. Sic actus fidei informis, bonus est; cum imperatur à voluntate bene & honeste operante.

Qui mivis actiones infidelium non sint meritoria, non idcirco tamen omnes sunt male: sed interdum sunt bona. Meriti enim nomine intelligimus eam proportionem, aut habitudinem, quæ est inter iustitiam nostram, & felicitatem: idque sive secundum rationem legis æternæ, qua anima ea proportione est felix, qua bona est, & iusta; sive ex Dei decreto, aut promissione, qua Deus felicitatem iis qui justi moriuntur, non aliis promisit: adeo ut felicitas ipsa iustitiae respondeat. Jus autem illud ad felicitatem, sive ex æterna Dei lege, qua voluntas summa iustitiae conjuncta, summo itidem bono tum cognoscendo, tum amando adhærescit; sive ex promissione divina, ad eos tantum pertinet, in quibus Deus per gratiam inhabitat: secus nulla est proportio inter eorum iustitiam & summum bonum, quo uno felices esse possumus. Verum id minime obstat, quominus multæ infidelium actiones ex bonis affectibus, ut ex iustitiae, virtutatis, sapientiae, misericordiae amore profectæ, quæque ad legem naturali non penitus in iis deletam pertinent, non solum peccata dici non possint, sed etiam bona & laudabiles merito habentur. Qianquam sint steriles, non meritoriae; iisque deficit forma & perfectio, quæ a charitate dimanat: sed tamen sunt ejusmodi, ut ad Dei amorem, aut proximi dilectionem, quæ sunt principia legis naturalis caritati, ex natura sua referri possint.

Responderi potest 2. Ut actionem ex se bonam, tum esse laudabilem, cum bene sit, sic malam nos reos efficere, cum male sit, hoc est in illo animo, aut affectu. Cum nempe aut scimus quodammodo eam esse malam, vel certe igno-

rantia in se, aut in sua causa est voluntaria: ut est ignorantia juris naturalis, & primarii, quæque adeo non excusat, cum ea sic vincibilis. Sed qui bonum non bene facit, ac defectum illum non modo non cognoscit, sed eum nec potest, nec tenetur cognoscere, sive ad jus naturæ secundarium, sive ad positivum pertineat, sive sit facti ignorantia, non videtur peccare: dummodo actus non aliunde vitietur: ut si det elemosynam, quo inopiam pauperis sublevet, non vanæ gloria ostentatione.

Unde actiones multæ sunt indifferentes per accidens, & practicè, ut loquuntur, quod vel desit advertentia rationis, eaque non culpabilis; vel quod is qui agit, laboret ignorantia aliqua invincibili.

Inst. Ex Apost. ad Hebræos 11. *Sine fide impossibile est placere Deo*, & ad Rom. 14. *Omne quod non est ex fide peccatum est*, & alibi in epist. ad Titum. *Omnia sunt munda mundis, coquinatis autem & infidelibus nihil est mundum.*

Resp. Sine fide esse impossibile placere Deo, in ordine ad vitam æternam, C. propter mercedem aliquam temporalem, ut loquitur S. Chrysostomus, vel ut mitius puniantur, ut ipse S. Augustinus, N.

Simili ratione, omne quod non est ex fide, peccatum est, quod non est ex fide agendi, ut loquuntur, hoc est contra conscientiam, de qua eo loco agit Apostolus, C. quod non est fide credendi, peccatum est, N.

Postremo infidelibus nihil est mundum, cum agunt ex infidelitate, C. cum honeste agunt, N.

Quo quidem modo intelligendus est S. Prosper, cum ait in carmine de ingratiss. *Omne etenim probritatis opus, nisi semine vera exoritur fidei, peccatum est, inque reatum versitur, & sterilis cunulat sibi gloria pœnam.*

Id quippe verum est cum infidelis hæc opera ad se, ut ad ultimum finem refert, eaque omnino sibi vindicat: tum enim ea pravo affectu corrupti: non utique cum id maxime cogitat, ut pauperum, verbi gratia, egestati succurrat, aut quod justum est, & rationi consentaneum operetur: atque ut ait S. Prosper, cum ex felicibus naturæ principiis non omnino corruptis, & ex primo naturæ honore agit. Sed quando vana sui persuasione tumet, tum vitiösi est illa sapientia, qua in se gloriatur, ut eodem loco diserte explicat, *quam speciosa sibi est, & quam vanescit in ipsis: que licet ex primo nature habeantur honore, non tamen ad veram possunt perducere vitam.*

Responderi etiam potest Derni faltem implicite & confuse ab infidelibus cognosci per legem naturalem, quæ est legis æternae quædam participatio, & lumen divini vultus signatum in mentibus nostris; unde & implicite agere possunt propter Deum, cum agunt propter honestatem moralem, veritatem, sapientiam; seu quia id justum est, & recte rationi conveniens. Amor iste justæ naturalis sic infidelibus & injustis inesse potest, ut justos non faciat. Nam eum amorem cupiditati plerunque su jiciunt, & læpius justitiam amant magis in aliis quam in seipsis. Sed id non obstat quominus aliquando justi & honesti amore quædam actiones exercent, quæ bona sunt, non meritoriae.

Opp. 4. Præceptum illud referendi omnes actiones in Deum, naturale non esse, neque censes homines adstringere, cum praecpta iustitia sint

nota omnibus , ac de illo præcepto ne doctores quidem inter se consentiant. Ergo actio bona non male fit , etiam si in Deum non referatur , & actus ex specie sua indifferens , ut amor scientie , erit in individuo indifferens , etiam si in Deum non referatur. Præsertim cum multæ sint actiones que in Deum referri non possunt : ut quando consilium aliquod facere nolumus , ut alias omittam plurimas , & præsertim eas quæ ex amore naturali vita , aut sanitatis , aut tranquillitatis nascuntur , quæque nec bonos efficiunt , nec malos.

Resp. Præceptum illud generale charitatis , *Diliges Dominum Deum tuum* , &c. omnibus non modo Theologis , sed & Fidelibus notum esse quantum ad substantiam præcepti ; tametsi de modo & ilius explicatione inter se dissentiant. Ac licet ad legem naturalem omnino pertineat , cum ad illud reliqua legis naturalis , imo & Christianæ præcepta referantur , atque hinc lex pendeat , & Prophetæ : non idcirco tamen omnibus æque notum est , ob peccati labem , & pravos affectus , aut concupiscentia pondus , quod ad terrena & amorem nostri nos deprimit. Quanquam divinae imaginis mentibus nostris impressæ extrema velut lineamenta non usque adeo per peccatum sunt detrita , ut homini attendent , & libero à prejudiciis , non sit manifestum , Conditori nostro nos nostraque omnia debere ; cuncta ad eum seu mediate , seu immediate esse referenda ; omnia propter summum bonum agenda , idque non alibi quam in Deo esse constitutum. Itaque præcepta naturæ sunt nota omnibus : sed quæ ex iis per ratiocinium etiam necessariò eruuntur , non omnibus æque sunt perspecta. Ac saep de iis inter Doctores magna est contentio. Sic nemo negaverit Deum super omnia diligi oportere : sed cum hinc colligimus omnes actus nostros ad eum esse referendos , multi in hoc à nobis dissentient. Verum illud semper inconcussum manet , hinc esse legis naturalis , & æternæ summam , quam Christus Dominus pene extinctam renovavit , quam Apostoli prædicarunt , ex qua omnes aliæ leges fluxere. Nam hac Dei lege omnia præcepta continentur , *Diliges Dominum tuum* , &c. Et proximum sicut teipsum . *Deum diligamus in proximo* , & *proximum in Deo* . S. Paulin. Ep. 50. Ad hujus legis notitiam , inquiunt P P. Deo cognito sponte animus emergit ; hanc Spiritus sanctus mentibus nostris inserit , quam recta ratio per se intuerit , quæque non multum est perversa , propositam ultro amplectitur. Hæc enim , ut loquitur Aug. est lex æterna , & ipsa ratio , quæ ordinem naturalem violari vetat , conservari jubet ; est illud lumen quo illuminatur omnis homo veniens in hunc mundum ; hoc præceptum est vetus , & idem novum quod in Scripturis adeo commendatur , ut vera sapientia , eaque celestis , non animalis , lex in cordibus scripta identidem appelletur. Lex enim naturalis à Christo renovata non aliud præcipit , quam virtutes omnes , quæ amore Dei , ut summi boni continentur. Hinc legis Christianæ cum proponitur , approbatio ; hinc illa in viros pios propensio , & testimonia illa anime naturaliter Christianæ. Hinc sapientia celestis & carnalis discrimina , quæ Jacobus Apostolus enumerat ; hinc illa Christi Domini , *Diliges Dominum Deum tuum ex toto corde tuo* , &c. Qui diligit me , diligitur à Patre meo : & si quis diligit me , seruonem meum servabit. Hinc Apost. Plenitudo legis charitas. Et Aug. Non impler legem nisi charitas. Quare totius legis summa hoc præcepto con-

tinerur. Neque id, ut puto, in controversiam venire potest: cum nihil sit apertius in Scripturis. Hinc duo prima præcepta, ut advertit vir doctiss, quibus tota lex naturæ innixa est, suo Deus ore ad populum universum promulgavit, reliqua per Moslem ad populum transmisit: Quò innueret duo illa capitalia mandata sic ab ipso Deo mentibus esse inscripta, ut præceptoris ope vix indigerent.

D I S P U T A T I O II.

De affectibus animi.

QUod Græci τοῖς, Cicero perturbationes, Quintilianus affectus nominat, passiones vulgo vocamus: de quibus cum universim, tum sigillatim disseremus.

Q U A E S T I O P R I M A.

De natura affectuum.

Affectus varie definiri solent, ut variae eorum causæ, aut diversi spectantur effectus. Id tamen advertenti erit manifestum, 1. affectum omnem non solum in quadam animi commotione esse positum, sed etiam cum aliquo motu corporis esse conjunctum. In hoc quippe affectus, aut passio ab actione voluntatis dividitur, quod hæc sit lenis, placida & tranquilla, ille concitator & turbidior: unde & perturbationis nomen accepit, & à Stoïcis definitur, *aversa à ratione contranaturam animi commotio*: aut brevius à Cicerone *appetitus vehementior*.

Quare ut intellectus purus is dicitur, qui per se, aut ex lumine naturali res potissimum à materia secretas contemplatur: sensum autem vel imaginacionem vocamus, cum ex corporis occasione aliiquid percipimus: sic voluntatis nomine intelligimus vim incorpoream, quæ ex impressione summi boni ab Authore naturæ indita, & ex libertate ingenita actiones illas exerit, quas superius exposuimus. Sed quatenus anima sic pender à corpore, ut sanguinis aut spirituum agitationem sequatur, tum appetitus sentiens nominatur; illiusque motus, qui cum sanguinis & spirituum commotione sunt conjuncti, perturbationes animi, aut affectus appellamus.

2. Definiri affectus possunt, *commotiones animi à sanguinis aut spirituum agitatione excitatae*: vel ut alius placet, *motus appetitus ex affectione, seu impressione sensibili ortus*. Nam omnis sensus cum appetitu quodam & vi motrice conjunctus videtur: quaenam enim sensum deliniunt, gratam; qua offendunt, molestam commotionem efficiunt. Hinc voluptas & dolor quasi naturales affectus toto corpore diffunduntur. Tum vero voluptate quadam pars affecta perfunditur, cum facile & perfectè operatur: hic enim est omnis appetitus finis: ubi illa operatio impeditur, tum affectio molesta est, & doloris nomine plerumque donatur. Sic omnis continuitatis interruptio dolorem, ut restitutio in integrum, voluptatem creat: nam hæc dolorem consequitur: sic transitus à sono asperiore in leniorem jucundus est, quod sensorium, seu organum deavulcat & molestiam auferat. Cum autem gustus & tactus sit necessi-

tas major, horum est acerrima voluptas. Fames & siti. eam quæ percipitur gustu voluptatem prævertunt: quin etiam importuna illa stomachi velicitatio irritamentis quæri solet, ut molestiam pariant, quæ sine delectatione non expellitur.

3. Qui ad corpus pertinent affectus, quique ex solo sensu oriuntur, à dolore ut plurimum per cupiditatem quandam, in voluptatem desimunt: ac cupiditas quæ doloris detractionem molitur & expetit, hoc est vehementior, quod magis naturæ interest, ut se aut suum genus tueatur. Sic defectus alimenti famem, aut siti procreat: doloris autem amio amio aliqua voluptate conditur, ut animal se ad ipsius doloris causam eximendam comparet.

4. Cum autem hi affectus, dolor, cupiditas cœa & indomita, ac voluptas, diffusi toto corpore ad appetitum naturale pertineant, iisque citra ullum iudicium vel opinionem excitantur, de iis hoc loco potissimum non agimus: sed de affectibus qui ab appetitu animali, aut sentiente manant, quique commoventur, cum objectorum impressiones per externos sensus ad interiore traductæ notam aliquam boni aut mali, conmodi aut incommodi secum habent adjunctam: unde hos affectus ipsa imaginatio, seu interior sensus procreat. Ubi anima est omnis affectus expers, tum sedata est & tranquilla instar aquæ stagnantis. Sed cum spirituum affluxu & rei jucundæ aut molesta incursu commovetur, tum fere ut aqua lapidis injectu motuum recurrentium velut undulatione quadam agitur. Quocirca in illa animæ commotione, quæ ex boni aut mali opinione oritur, quamque sanguinis & spirituum agitatio commovetur, passionis natura potissimum consistit.

5. Hinc satis apte à Cartesio describuntur passiones, motus animæ qui ad ipsam referuntur, quique à spirituum commotione procreantur, foventur, & roborantur. Hos quidem motus perceptiones quedam esse confusas putat: cum omnem animi functionem in perceptione positam esse arbitretur: quod enim volumus, id percipimus. Passiones vero non sunt claræ & distinctæ, sed confuse quedam & obscura perceptiones: cuius generis sunt omnes sensations. Sed utcumque ea res sit, de qua alibi, affectus ut motiones quedam potius, quam ut sensus, aut perceptiones à nobis concipiuntur. His enim commovetur animus & vehementer concutitur; atque in hac commotione passionis natura consistit.

6. Sunt autem, ut ipse existimat Cartesius, perceptiones nostræ in triplici differentia constitute. Quædam ad objecta ipsa referuntur, exque dicuntur sensationes; aliæ ad corpus ipsum, suntque naturales affectiones, ut fames & siti; aliæ denum ad ipsam referuntur animam, ut amor & voluptas, & alii motus sentientis appetitus, de quibus nunc agimus. Circa perceptiones quæ ab objectis manant, sèpe decipimus: ut cum inter dormiendum aliquid videre, vel audire nobis videamus; quod spirituum agitatio eodem modo animali afficiat, ac cum vigilamus. Imo non tam objecti impressionem, aut motum ipsum qui fit in organo vel cerebro, cum illius causam, ut faciem accensam, aut tubam nos percipere arbitramur: cum aliud tamen anima non sentiat, quam motum organo aut cerebro impressum: temet, ut diximus, sensations nostras ad objecta, ex quibus manavit impressio, referimus. Sed nunquam circa affectiones ipsas, aut passiones anima decipitur. Fieri enim po-

xest ut sibi videre vel audire videatur, quæ nec videret, nec audit: sed nunquam voluptate aut tristitia, aut ita se affectum sentit animus, quin iisdem affectibus commoveatur.

7. Spirituum & sanguinis agitatio cum passionibus conjuncta hos motus turbulentos tum ab ipsis voluntatis actionibus, tum à sensuum perceptione discriminat. Quanquam mens nihil percipit, neque ullum fere voluntas actum elicit, citra aliquam spirituum in cerebro agitationem. Ea quippe est lex ab Authore naturæ tum sancta, cum animum unum cum corpore conjunxit, ut animi motus etiam qui ad corpus non referuntur, quedam spirituum commotio comitetur: adeo ut nulla sit inclinatio pura voluntatis quæ alicui passioni non sit admista. Sic amorem iustitiae, aut virtutis certa spirituum commotio sensibilem efficit: ut rerum intellectuorum perceptionem impressa cerebro vestigia comitantur, & roborant. Sed illa, ut dictum est, spirituum agitatio quæ actiones voluntatis consequitur, placida est & tranquilla: verum ubi appetitus sentiens vehementius concutitur, statim & sanguinis æstus oritur, & spiritus adeo tumultuantur, ut vix animus possit eos componere. Nam agitati spiritus non statim subsidunt, neque æstus, aut commotio sanguinis facile sedatur.

Q U A E S T I O N E II.

De causis affectuum.

UT affectum naturam & causas velut oculis subjiciamus, in duo genera eos partiamur. Primum eos complectitur, qui obscuram imaginationis perceptionem, aut sensum confusum consequuntur: cum scilicet animus causam ex qua oriuntur, distinetè non percipit; tumque spiritus qui prius toto corpore æquabiliter erant fusi, ex objecti insoliti conspectu perturbantur, & in eas præcipue corporis partes diriguntur, quæ aut boni insecuritioni, aut malorum fugæ servient; tum etiam in cor & alia viscera quæ novos spiritus suppeditant, amendantur.

2. Anima ipsa spirituum velut inundatione commovetur: nam quæ corpus afficiunt, ad se pertinere putat, & utriusque motus sunt omnino reciproci.

3. Ex variis impressionibus quas spiritus in cerebro inutunt, varios, ut ita dicam, sensus, seu affectus, aut amoris, aut odii, aut alterius passionis induit animus. Ac demum intimam quadam voluptate perfunditur, cum se in eo statu esse percipit, quem passio ipsa, aut objecti quod eam concitat natura & conditio postulat.

Alterum affectum genus eos complectitur qui intellectus ipsius perceptionem, aut judicium consequuntur. In iis itaque hec considerari possunt, quæ à viro acerrimi ingenti sunt observata. 1. Objecti ipsius distincta vel confusa perceptio, aut opinio quam de objecto ut ad nos relato concipimus.

2. Si id bonum, aut commodum nobis judicamus, sequitur quedam voluntatis in illud objectum propensio. Nam ante ejus rei conspectum voluntas aut boni ipsius communis & indefiniti, aut alterius amore erat occupata: hujus objecti novitate percussa, si bonum est, amore quodam, & velut sensu

intimo in id impellitur. Ac bonum quicquid esse mens jam ratione persuasa jucundaverat; nunc sensu ipso & quodam velut gustu delibarum multo vehementius amat. Quod si mali habeat rationem, voluntas id refugit.

3. In unoquoque affectu sensum ipsi proprium, aut amoris aut voluptatis, aut tristitiae distinguimus, qui varius est in diversis affectibus, licet idem sit voluntatis motus.

4. Hunc sensum nova sequitur, tum spirituum animalium & sanguinis in certas corporis partes impulsio & determinatio; tum animae ipsius commotio ex illa spirituum agitatione orta.

Principias affectuum causas effectrices tum externas, tum internas attigimus, necesse objectorum impressiones; ideas cum iis impressionibus conuentas; motum & agitationem spirituum: nunc pauca de causa eorum finali dicamus.

Affectus animi ad salutem & conservationem hominis, ut sensus ipsos à natura tributos esse fugit neminem. Cum enim corpus ad rerum utilium prosecutionem, & noxiarum fugam comparant, simul & animam in eosdem motus influeant, & ducunt. Nam, ut identidem diximus, anima cum corpore tam arcu nexus devincta est, ut voluntatis nutum statim motus corporis consequatur, ut vicissim qui ex objectorum impressionibus in corporis machina oriuntur motus, eas in anima excitant passiones, quibus ad corporis ipsius utilitatem aut custodiā incitetur.

Ea quippe est Conditoris nostri voluntas, & lex naturæ, ut res omnes inter se confertæ sint & devincentæ: sic animus corpori, & per corpus rebus omnibus quæ sensus movent, aut quæ ad hominum societatem pertinent, illigatur; ac tam arcus est ille animæ & corporis nexus, ut motus ipsius voluntatis vel à corpore longius lejunti, quandam habeant spirituum & sanguinis sibi adjunctam motionem: ut cognitio omnis intellectualis cum vestigiis quibusdam in cerebro impressis semper conjungitur.

Est etiam in natura nostra infixus amor societatis & aliorum hominum quibuscum vivimus: cui amori plures affectus serviant. Nam ita sumus à natura comparati, ut aliorum bona aut mala pene ut nostra nos afficiant; ac propinquorum maxime & eorum quibus arcuore vinculo conjungimur, fortuna aut prospera, aut adversa moveantur, atque eorum conservationi studeamus. Nam ut anima toto corps per sensum diffunditur, nec tam ratione, quam sensu ipso cum singulis corporis partibus se intime conjunctam esse percipit: sic per affectus, aut passiones velut extra se prorumpit, quæque circumstant omnia ad se pertinere existimat. Unde motus corporis, & animorum affectus sic natura temperavit, ut afflicti alicujus voce excitati ultro illi auxilium demus.

Atque haec de causis affectuum summarini attigimus: præcipua autem propensionum & affectuum diversitas ex temperamento, ex cerebri ipsius texture, & spirituum animalium natura dicitur. Itaque ut cerebri fibrae sunt aut moliores, aut solidiores; tenues, aut crassæ; atque ut spiritus sunt commotiores, aut placidores, varii quoque concitantur affectus. In pueris mollior est cerebri substantia, fibrae tenuiores sunt & spiritus nobiliores: hinc magna est in iis imaginationis mobilitas, & inconstantia; objecta facile in eorum cerebro

rebro imprimuntur, ac delentur. *Puer*, inquit Poëta, *mutatur in horas*. Sic in mulieribus cum fibræ cerebri sint tenues, & minus solidæ, rerum sensibilium impresiones facile excipiunt, ac de objectis, quæ sensus movent, aptius judicant: noi tam res ipsæ, quam rerum species, aut earum splendor eas affectit: cito commoventur, & varios subcunt affectus. In his enim vis imaginatrix viget, ac rerum imagines in ea vividiores depinguntur.

In hominibus cerebrum cum ætate fit solidius; hinc major in agendis constantia: ac nihil est dissimilius sibi, quam homo ipse. Nam ut varias subit ætates, varios quoque affectus induit. Hinc pulchre ab Horatio Juvenis exprimitur.

Vitium tardis provisor, prodigus eris..

Nec minus apte de maturiori ætate;

Quarit opes, inservit honori:

Ac postremo senex

Quarit & inventis miser abstinet, ac timet uti.

Quare ut quæ ad causas affectuum pertinent, colligamus, partim ab externis objectis excitantur, quæ in cerebro vestigia imprimunt, cum quibus certæ perceptiones sunt conjunctæ; ex iis oritur boni aut mali opinio, tum quædam spirituum commotio, quam motus animi vel affectus comitatur; partim impetu quodam, vel à naturali inclinatione excitantur, ut suse expoluimus.

Q U A E S T I O III.

De subiecto & numero affectuum.

His explicatis, quæ minus habent controversiae, quod sensu & experientiâ confirmantur, nunc quæ in disceptationem veniunt, aggredianur. Quandiu enim ea dicimus quæ quicunque in seipso experiri potest, vix ullus est contentioni locus. Sed ubi nos experientia, aut sensus deserit, & omnia rationi permittuntur, tum sèpè animus fluctuat & in diversas partes distractus id sequitur, quod probabilius sibi videtur; neque in iis non falli possumus, nisi ex certis ad ea quæ magis sunt dubia, paulatim & ex ordine progrediamur; Primum itaque de subiecto, tum de numero affectuum dicamus.

A R T I C U L U S P R I M U S.

De subiecto affectuum.

Affectus animi non alibi inesse quam in appetitu sentiente, contra Stoicos, qui affectus non aliud esse quam opiniones, easque ad partem animæ cognoscentem pertinere credidissent, omnino arbitramur. Hi singulas passiones per opinionem definiebant. *Laxitia*, inquietabant. *est opinio recens boni presentis, in quo efficiendum esse videatur. Merita opinio imperdenter mali, quod intolerabile esse videatur.* & ita de reliquis, ut Cicero suse explicat l. 3. Tus.

Verum hæc sententia ex iis quæ diximus, facile refellitur. Aff. etus enim sunt quedam connotiones animæ, quæ circa bonum, aut malum sensibile versantur: sed motus omnis, ut & bonum vel malum sensibile ad appetitum sentientem, quicque robus cum bellus communis est, omnino pertinet: ergo aff. etus animæ insunt, quatenus appetit aut nititur in bonum, non quatenus cognoscit tantum, aut opinatur, aut intellegit.

Unde Cicero ipse diligentius ex Zenone Principe Stoïcorum definit perturb.

Tom. I.

E e e

bationes per commotionem animi, non per solam opinionem. *Aegritudo;* inquit, est animi adversante ratione contractio: letitia, animi sine ratione elatio. Fatemur tamen affectus ex opinione boni, aut mali, ut à causa excitari, sed negamus eorum naturam in opinione esse constitutam.

Neque illud necesse est, ut longa oratione demonstremus appetitum sentientem esse facultatem non re, sed cogitatione tantum à sensu & imaginatione distinctam. Id enim probari potest iisdem rationibus, quas attulimus, cum ostensum à nobis fuit intellectum & voluntatem neque ab animi, neque inter se plusquam cogitatione distinguunt: est enim eadem ratio intellectus ad voluntatem, quæ sensus vel imaginationis ad appetitum sentientem.

Deinde omnis sensus, ut supra diximus, cum appetitu quodam & vi motrice conjunctus est. Unde ut sensum duplicum internum & externum, si minus re, saltet ratione & officio distinguimus: sic duplex est appetitus, naturalis, qui exteriorem, & animalis, qui interiorem sensum consequitur. Sed appetitus naturalis, quo sensus exterior jucunda aut molesta commotione afficitur, à sensu ipso non distinguitur: ergo nec appetitus animalis affectuum sedes ab ipsa imaginatione plusquam officio & cogitatione secernitur.

Postremo frustra videretur sensus à natura nobis concessus, nisi vi motrice & appetitu donaretur, quo posset quæ sibi apta sunt consequi, aut incongrua refugere. Unde cum in ovo pullus formatur, si altero aut tertio incubationis die corculum ejus, quod jam moveri incipit, ac pupugeris, statim id se contrahet, quod vis motrix cum sensu obscuro juncta sit: a deo ut vix negari possit, quin eadem sit vis sentiens, appetens & motrix. Nam sensus inutilis foret omni appetitu & vi motrice destitutus.

Opp. Nonnulli appetitum ab imaginatione, non cogitatione sola, sed ipsa distinguunt: quod diversa sit utriusque actio, diversum objectum, & distincta utriusque organa. Imaginatio quippe cognoscit, appetitus motu quodam velut pondere in rem propositam ruit; illius objectum est verum sensibile, hujus bonum ab imaginatione perceptum. Accedit etiam, quod imaginacionis sedes in ea sit pars cerebri, quæ est principium nervorum, in quam scilicet nervi, aut fibrae quæ sunt sensuum organa, desinunt; appetitus vero insit in pectore, ac potissimum in corde, quod juxta diversitatem affectuum varie agitatur.

Rsp. His & aliis rationibus, quæ in unum colliguntur, non aliud effici, quam vim imaginatricem & appetitum officiis, aut functionibus inter se differre, non re, aut natura: ut de voluntate & intellectu diximus. Neque enim ex facultates sunt accidentia quedam Physica ab animi discretæ; sed anima ipsa, quæ ut ex occasione corporum percipit, imaginatio dicitur; ut in rem ab imaginatione perceptam nititur, appetitus nominatur. Cum autem rei gratae, aut molesta species phantasie imprimatur, quam statim sequitur appetitus, id verisimillimum videtur, neque appetitus, neque vim motricem ab imaginatione esse aut re ipsa, aut organis disjunctam. Nam appetitus, aut vis motrix ibi resideret, unde primum incipit motus: quod utique in cerebro statuendum est, non in pectore.

Inflant. Vis motrix & appetitus toto corpore diffunduntur, non item imaginatio: ergo hæ facultates & natura & organis disjunguntur.

Rsp. Appetitus & vim motricem per spiritus animales sese latius diffunde-

dere: sunt enim spiritus appetitus sentientis instrumenta, qui illius impetus primum excipiunt, eoque in cor ipsum & in partes corporis dissitas perferrunt: hos igitur determinat & in nervos emitit, unde ad cor & reliquum corpus deferuntur. Id quidem fit incredibili celeritate: nam in momento fere, aut in ictu oculi impressio ab obiecto per sensuum organa ad phantasiam traducitur; species boni, seu comodi, aut noxii exprimitur; appetitus commovetur, spiritus cum certo effectu quoscum nervorum funiculis subeunt. Nervi quippe, ut iuxto loco dicimus, ex infinitis prope funiculis constant, qui in ipsa origine, tanquam in radice divisi, in unum nervum, ut in truncum plures coguntur; tum rursus in ipso itinere sparguntur, & in suas quaque partes abeunt. Tota itidem cerebri substantia ex fibrillis constitut, quae in nervos colliguntur, citra ullam, ut probabile est, confusionem. Quare spiritus ab imaginatione directi nervorum fibrillas subeunt, & in varias corporis partes propelluntur, atque in eas tendunt, quarum maxime interest. Sic vis suavi cibo statim spiritus in nervos gustatorios profluunt, tumque lingua glandulas palati premit, & salivam exprimit.

Ista utique suo loco diligentius excurrentur. Interim illud admonemus cerebri, nervorum & muscularium fibras ita esse a natura coagmentatas, ut certa corporis motio perceptionem ipsam boni, aut noxii statim consequatur: quod quidem summo artificio disposita corporis fabrica, nervorum tensio, spirituum tenuis, actuosa, & mobilis substantia efficiunt. Ut omittam leges motuum mechanicas, de quibus alibi, & ordinem ab auctore naturae prescriptum. Nam ut in re bene constituta, sic in corpore pars quaque, quod sui est munieris, rite exequitur.

Ex iis itaque colligitur affectus animi in sede ipsius imaginationis excitari. Affectus enim sunt in appetitu: sed appetitus ab ipsa imaginatione nec re nec loco dividitur. Nam sensus vel imaginatio appetitum & vim motricem omnino determinant, & utraque vis, tum appetens, tum motrix ibi residet, unde motus primum incipit: ergo quocunque sit imaginationis, seu phantasie subiectum, idem est appetitus & motricis facultatis organum. Quanquam vis motrix latius se diffundit, ut motus in corporis perficiat: unde spiritus animales ab appetitu & imaginatione primos impetus excipiunt, & in partes corporis dissitas perferrunt. Sunt enim praecipui animae sentientis organa: hos imaginatio in nervos emittit & certis motibus destinat.

Opp. 2. Affectus in pectori, non in cerebro excitari. Nam cor varie contrahitur, aut dilatatur, ut diversi exurgunt affectus: & quandiu cor ipsum non commovetur, passio vel affectus dici non potest. Quare ut lingua non vocis modo explanationi, sed saporibus etiam dijudicandis est destinata, sic cordis ea est textura & fabrica, ut non solum in vita & omnium motuum sit principium, sed etiam ut bonorum & malorum opinione ab imaginatrice concepta ita efficiatur, ut ad boni complexum, & mali fugam nos instiget: ita enim est conformatum ut diversis affectuum motibus ex simplici boni opinione moveatur.

Resp. Affectum in anima & spirituum commotione maxime esse positum, eumque in cerebro formari, tum ad cor ipsum quasi ad rotam hujus machinae primariam diffundi ut in sanguinem, & alias corporis partes pervadat, ac corpus ipsum in eo situ & partium dispositione, quam affectus natura postu-

lat, colloetur. Quare in omni fere appetitus commotione spiritus in nervos cordis mittuntur, qui illius motum certa ratione, & juxta passionis ipsius instinctum moderantur. Nam id contrahi solet, aut dilatari, ut passio, vel appetitus motio exegerit. Illius enim est sanguinem vel cum impetu propellere, vel retinere.

Cum itaque omnes appetitus sentientis motus in pectus redundare, & corpus agitare videantur, hinc sit ut complures Philosophi appetitus sedem in corde ipso collocaverint: quod ibi vim suam potissimum exerat. Sed ut ab ipsa phantasiā opinio boni, sic affectus omnis exoritur; ac diversi sunt affectus, ut imaginatio rei perceptae aliquid addit aut detrahit, quod ad nos ipsos pertineat. Ut quod illud commodum diu sit duraturum, aut secus; quod permanui nostra intersit illud prosequi, aut fugere: tum vero statim spiritus in cor immittit, qui sanguinis motum accelerent, aut inhibeant, ut suo loco explicabimus. Hinc vasa cordis fibris nerveis illigantur, quæ ut affectus quisque exigit, sanguinis motum vel accelerant, vel retardant. Ex quibus efficitur nullam esse distinctionem inter appetitum concupisibilem & irascibilem. Appetitus enim à sensu, vel imaginatione non re, nec subiecto, sed officio tantum & cogitatione distinguitur: ergo unus est, non multiplex appetitus, ut & vis motrix, quæ cum appetitu juncta est & indiscreta, una & eadem est, organis, non natura diversa.

Confir. Utriusque appetitus concupisibilis & irascibilis distincta organa affecti non possunt. Quid enim Plato, unde hec distinctio appetitum, & affectum profecta est, irascibilem in corde, concupisibilem sub diafragma, seu septo transverso quod truncum corporis in duas partes secat, in jecore, lie-ne, aut aliis visceribus videtur collocasse, id nullo nititur fundamento. Nam voluptas non minus cor exagitat, quam spes, aut metus; & affectus, qui ad concupisibilem pertinent, tam intensi & animosi esse possunt, quam affectus, qui irascibili tribuuntur, moles interdum sunt & remissi. Quare distinctio appetitus & affectum ad arbitrium videtur effecta.

Adde nos duplicum vim cognoscendum non solere distinguere, unam qua res faciles, alteram qua res arduas percipiamus. Quæ igitur ratio nos cogit duplicum appetitum concupisibilem & irascibilem separare: adeo ut irascibile circa ardua versetur: diversi sunt utriusque motus, non vires distinctæ. Ad utrumque appetitum illud Seneca pertinet, *Omnia tanquam mortales timet, omnia tanquam immortales concupiscit.*

ARTICULUS II.

De numero affectuum.

ET si affectuum species vix enumerari possunt, ad certi tamen capita satis commode revocantur. Tanta enim est in objectis, que affectus excitare possunt, varietas; tanta in nostris corporibus mutabilitas, ut affectus, qui objectorum impressiones, spirituum agitationem & cerebri temperiem consequuntur, ad certum numerum redigi vix possint.

Accedit etiam quod ea sit inter impressa cerebro vestigia connexio, ut quando spirituum motu unum ex his excitatur, statim plures fibrae cerebri in eandem motus societatem veniant. Hinc multe oriuntur perceptiones, quæ pre-

cipiam velut ideam comitantur : ex his affectus multiplices sobolescunt. Nam ut vestigium cerebro iniustum perceptionem excitat, sic perceptionem affectus animi statim consequitur, & ex affectu spiritus commoventur.

Ptimitivi tamen & simplices affectus ad certum numerum reduci possunt, quem alii aliter, ut libitum est, inire solent. Stoici quatuor affectus, velut primarios statuere, voluptatem, dolorem, cupiditatem & metum.

Gaudet, an doleat, metuat, cupiarve, quid ad rem?

Aistoteles nullum init certum affectuum numerum, eosque ut occasio tulit, varie recensuit. Peripatetici sex in concupisibili, quinque in app. titu irascibili constituant. Primi generis sunt amor, odium, desiderium seu cupiditas, & fuga, voluptas & tristitia. Qui in appetitu irascibili insunt, quinque numerantur, spes, desperatio, audacia, timor & ira.

Primarii affectus, ad quos ceteri referuntur, videntur esse voluptas & modestia: nam illam propter se expetimus, hanc defugimus; ceteri affectus videntur comparare boni, aut mali, ut voluptatem aut molestiam creant. Unde cum omnes affectus ex boni, aut mali opinione nascantur, si omnes ad voluptatem, & molestiam referuntur, & circumstantiis tantum ab iis differunt: cum circa eadem bona vel mala versentur, ac temporum duntaxat differentiis inter se discrepent. Voluptas quidem & molestia ex objecti boni, aut mali praesentia oriuntur: sed objectum etiam futurum, aut praeteritum mens sibi ut praesens potest exhibere.

Duo sunt maxime generales affectus, qui omnes temporum differentias complectuntur, amor scilicet & odium. Hi quippe affectus non voluptatem modo & molestiam, sed etiam res ipsas, quae delectationem & voluptatem creant, ita respicunt, ut ad omnes temporum differentias pertineant. Cum bonum adest, tum dicitur amor fruitionis: unde & bonum amat, ob voluptatem quam efficit. Ubi bonum futurum est, tum in id motu quodam fertur appetitus, qui cupiditas aut spes dicitur. Spes nil fere addit cupiditati, nisi opinionem, quod res expetita sit adfutura.

Sic ex odio mali praesentis molestia: si futurum sit, fuga & metus: fuga cupiditati, metus spei opponitur, & opinionem, quod malum futurum sit, habet adjunctam. Non enim desperatio spei, sed fidentiae opponitur. Fidentia ex spe, desperatio ex metu oritur: fidentiam consequitur audacia, desperationem sequitur pusillanimitas. Ira denique superest, quam solam & sine pari esse volunt, quod ex aliis fere omnibus constet: tametsi forte huic lenitas adversatur.

Hic itaque affectuum numerus iniri potest: amor & odium; voluptas & modestia; cupiditas & fuga; spes & metus; fidentia & desperatio; audacia, & pusillanimitas; ira & lenitas.

Commodior tamen videtur & ad doctrinam rationem aptior affectuum in simplices & compositos divisio; omnianque simplissimi sunt admiratio, amor & aversio: ex quibus cupiditas, delectatio & tristitia oriuntur. Affectuum quippe distinctio ut certis finibus terminetur, neque ex objectis tantum que infinita esse possunt; neque ex diversa corporis affectione, aut spirituum agitatione, que & mille modis variari possunt, pro cuiusque complexione, etate, consuetudine, fibrarum cerebri textura, & spirituum natura; sed ex sola

potius objectorum ad nos ipsos comparatione est repetenda. Rem porro ipsam diligentius attineti palaui hiet, omnium passionum velut matices esse amorem, & aversionem, seu alienationem, quibus ex Cartesio adjungi potest admiratio omnium prima, licet improprie passio nominetur. Ex his vero cupiditas, delectatio & tristitia ducuntur: ergo sex illi affectus quasi rel. quorum fontes statui possunt.

Assumptionem quae sola probatione eget, suse demonstrat vir doctissimus: nos in pauca conferemus, quae copiose & diligenter est persecutus. Cum res aliqua ante non visa percellit animum, tum altius cerebrum subit illius rei imago, aut vestigium; spiritus eodem confluunt ubiores; anima non nihil commovetur, & fortius ad rem ipsam, quae aut nova est, aut novis circumstantiis induita, sese applicat; tumque omnium primus affectus, admiratio exoritur.

Admirationem excipit amor, vel aversio: cum rem ipsam non modo secundum se, quod est admirationis, sed etiam ut ad nos pertinet, contemplatur; eaque ut nobis commoda, aut noxia, vel certo iudicio, vel voluptatis aliquius, aut doloris sensu percipitur: tum enim sit nova animae & spirituum commotio, quae amor, aut odium nominatur: hiisque sunt affectus omnium principes, ex quibus reliqui, ut ex fontibus manant.

Quocirca affectus non ex objectis secundum se consideratis ducuntur, tum idem objectum plures affectus exciterunt innumerabilia objecta secundum lepe affectum procreant. Nam res eadem ut dignitas, aut magistratus, v. g. alio modo nos movet, ubi promittitur; alio ubi conceditur, alio cum nobis eripitur. Itaque objecta sic ad nos referri debent, ut ad diversas ideas, que primariam boni ideam comituntur, animum attendamus. Sic idea boni generalis & indefinita amorem indeterminatum efficit, qui fere nihil est, nisi extensio quedam illius amoris, quo quisque se amat, & omnia, que ad se pertinent, quicque post primi hominis peccatum unus fere in nobis dominatur. Illius boni possessio voluptatem, seu fruitionis amorem procreat: at si abest, ac spes quedam illius possidentis affilgeat, amor ille erit desiderii; si bonum illud nec adsit, nec ad futurum spernemus, aut id conservari a nobis non possit, tum illius idea tristitiam efficiet. Atque hi tres affectus circa bonum ut objectum versantur.

Quod si in li nomine, ut plerumque sit, dolorem intelligimus, tum motus prioribus oppositos, aversionis scilicet, non amoris; fugae, non prosecutionis; tristitiae, non voluptatis affectus creat. Sensus presentis doloris tristitiam; si dolor immineat, cupiditatem illius fugiendi: quod si omnis abest metus deletionem afferit. Tres igitur sunt affectus, qui circa dolorem, aut illius causam versantur: neque necesse est plures affectus simplices in animo communisci. Atque hi impressam animis nostris ad bonum propensionem omnino determinant. Cum bonum adest, aut malum jam praterit, tum quadam voluptate perfundimur. Contra, si malum adest, aut bonum jam praterierit, tristitia vel aegritudo cor ipsum contrahit; desiderium vero, aut potius cupiditas nos exigit, cum bonum, aut malum est futurum.

Opp. Admiratio male inter affectus numeratur: neque enim ea est cum cordis commotione conjuncta, neque circa rem ut nobis bonam, vel malam versatur. Atqui appetitus objectum non secundum se, sed ut ad nos refertur, spe-

Andum est. Quod autem admiramur ut novum , aut magnum , si ad nostrum commodum vel incommodum non referatur , affectus dici non potest : sed quædam facultatis cognoscens quasi suspenso , qua fit ut objecto suo cum majore attentione inhæret.

Refp. Admirationem nude spectatam inter affectus vix censi posse , si eos tantum affectus habeamus quæ sanguinem , cor , imo & totum corpus com-movent. At si affectum natura in spirituum & animæ commotione posita sit : cum in admiratione spiritus turmatim in cerebrum irruant , ut animam in objecti insoliti , aut magni contemplatione defigant , non video cur admirationem è numero affectuum expungamus , præsertim cum multorum affectuum principium sit , ut mox dicturi sumus.

Q U A E S T I O I V.

Affectus primitivi.

Admiratio , amor , & aversio sigillatim explicantur.

Proximum est ut affectus primigenios , ex quibus cæteri nascuntur , non quidem pro rei dignitate , id enim infinitum foret : sed ut aliqua saltem nostri ipsius cognitione imbuamur , quām poterimus brevissime decurramus.

A R T I C U L U S P R I M U S.

De admiratione.

UT cæteri affectus , sic admiratio ex naturali , & omnibus insita propensione oritur. Nam ut quisque magis à natura ad cognoscendum & rerum novarum studium propendet , eò magis admirari solet. Unde si quid novi , si quid magni , si quod futurum est , nobis narratur , id utique cum aviditate quadam & admiratione excipimus. Hinc voluptas ex admiratione & contemplatione rerum oritur : quod inquietudo naturalis , & rerum novarum famæ hoc velut pabulo identidem expleatur ; atque illa famæ aut sitis eò major est , quòd quisque ad hæc , aut illa cognoscenda est propensior , vel ex natura sua , vel ex certo instituto , aut studio.

2 . Cum rei novæ idea altius in cerebro imprimitur , hæc statim animum commovet , & actiorem efficit attentionem. Nam quæ novo & insolito modo animum percellunt , ea majori cum attentione is excipit : quod in iis novam delectationem , & quandam felicitatis umbram aucepitur , quam in rebus jam perceptis non invenit. Nec tamen tanta est in admiratione , quanta in cæteris affectibus animæ commotio : quod in nuda & simplici admiratione res in scipis spectentur , non ut ad nos referuntur. Hinc nulla in corde , nulla in sanguine ; agitatio , nec ulla fere in ipso corporis habitu fit mutatio.

3 . Quod si animus ad ea quæ sibi sunt conjuncta cum admiratione quadam attendat , tum fit quedam in pectore agitatio , sed quæ exterius vix se prodit , cum nihil extra se positum animus querat , quod prosequatur aut fugiat. Unde nihil necesse est ut spirituum vel sanguinis in musculos appulsu corpus ad novum motum se compareret.

4. Idea excellentiae alicuius quam in seipso quis demiratur , arrogantem sui persuationem efficit , & aliorum contemptum : ut idea quam de propriis viribus effigit , audaciam procreat. Contra evenit cum propriæ infirmitatis conscientia defectus nostros auctus contenit : hinc enim demissus & humilis animas & erga alios oritur reverentia.

5. Atque hi motus sentientis appetitus nondum sunt virtutes , aut vitiis , cum voluntarii non sint , donec usu libertatis nostræ accesserit. Cum modum exceedunt & consensus voluntatis adest , tum in virtutia degenerant. Nam qui se ipsum intuetur ex ea parte qua excellit maxime , is plerumque dum se aliis comparat , inani sui persuasione tumet , & quam de seipso , aut potius de viribus suis , aut famulitio , aut nobilitate , & aliis vel fortunæ vel naturæ bonis concepit imaginem , ubique circumfert , & præstet sibi sicut est : idque præterit in cum vi imaginatrix , & vegeta & celeri prædictus est. Hæc enim rerum imagines sic despingit & auget , ut nullum fere judicio & rationi locum relinquit. Persuasionem agunt tum assertatores , tum qui judicio sunt infirmo . aut pravo , qui que celeri & vividæ imaginationi , ut fere accidit , ultra se subjiciunt. Hinc enim sit , ut qui alios in fraudem illiciunt ; ipsi vicisim ab iis , qui fucum irani verborum sonitu fecere , decipientur , & sibi de alieno judicio licet corrupto & futi i perperam blandiantur.

6. Hæc itaque , ut diximus , siis præfertim accidunt , qui imaginatione pollent , quibus fervet sanguis , & copioli insunt spiritus. Contra qui demissæ & humili sunt animo , temniores plerumque , aut patiores habent spiritus , neque ii fibras cerebri duriores commovere queunt. Hinc vis imaginatrix in iis languidior est , iisque adeo sua infirmitatis conscientia ultra aliis se subjiciunt , & quasi authoritatis pondere premuntur , nihil acri & intento animo moluntur ; vis illa formatrix imaginum in iis torpescit , nec reium imagines ad vivum exprimit. Hinc segnities , pusillanimitas , & hebetudo quedam consequuntur.

7. Nec dubium est quin magni sit usus admiratio , tum ut res acriore animo intueamur , tum ut distinctiores rerum imagines effingamus : obiectum quippe sui novitate majorem in cerebro plagam , aut vestigium impingit ; spiritus & confluentes animam fortius applicant. Neque ut cæteri affectus , sic admiratio judicium nostrum adeo corrumpt : quod circa res magnis & insolitas , ut sunt in seipsis , non ut ad nos pertinent , versetur ; ac diffi illumine sit diutius , acrem animi intentionem adhibere , nisi admiratio ipsa spiritus cerebro uberiores suppeditet. Voluntas quidem spiritus regit , & quo libuerit , eos inflabit : sed imperium illius in spiritus & in appetitum sentientem politicum est , non despoticum & plenum : ac nisi illius certis affectibus munitur imperium , vix spiritus morem voluntati gerunt. Tanta etiam est inter spiritus & affectus cognatio , ut si qui sint vel occulti appetitus sentientis motus , ii spiritus statim ad se rapiant , & in suas partes trahant.

8. Cæteri affectus in se quidem convertunt animi aciem , & attentionem augmentant : sed cum ad res sensibiles , quæque corpori blandiuntur , vim animi applicent , omnem pene veritatis lucem obscurant. Sola fere admiratio veritatis in lagationi utilis , nec judicium rationis ita videtur pervertire , dummodo in stuporem ea non degeneret. Cum enim temus nobis est admirationi

tationi, non ex omni parte contuemur, sed ex ea tantum facie aspicimus, quæ nobis magis placet, verum & solidi m de ea judicium ferre non possumus. Veri duntaxat i miltudo nos capit, & suavi illa spirituum motione, quæ admirationem creat, omnino contenti, nulla curiositate, quæ admirationis est proles, nullo veritatis inveniendæ amore flagramus. Quæ enim factus nos afficiunt, & movent, eadem nos magis delectant. Hinc gratiora sunt spectacula, quæ tristiora. Sic præstigatores cum voluptate quadam admiramus. Hinc poësis nos adeo delectat: nam Poëta rara tempore dicunt, & admirabilia; obliuris vera involvunt, quæ dum indostus eius non intelligit, sublimia facile arbitratur, & divina. Cum itaque inexpectata, & miraculis plena loquantur, pulchris rerum imaginibus pascunt animos; phantasiam semper alacrem & intentam tenent. Eadem fere est ratio omnium artium, quatum finis est imitatio: ut in arte pingendi, aut figurandi cœnere est. Nam ut pictura extimam hominis faciem, sic poësis actiones, sermonem, animi sensa, motus, cogitationes exprimit, & ut ique quod est admirabile consecutatur. Atque idem fere Poëta accidit, quod iis qui melancholæ moibо laborant; ab externis sensibus animum subducit. secessum & solitudinem querit: res suas omnino neglit; rerum imagines in hac velut mentis nocte ingentes sibi exhibet: easdem siue volvit cogitationes, & miram ex suo opere capit voluptatem.

Admirationem sequitur curiositas, quæ cum nimia est, & rerum inutilium, tum in vitio est. Hanc passim Ecclesiastes damnat: ut c. 1. *Et proposui in animo meo quarere & investigare sapienter de omnibus quæ sunt sub sole. Hanc occupationem pessimam dedit Deus filiis hominum ut occuparentur in ea. Laboriosa est enim & inquieta illa sciendi libido, cum est inutilium, quæ hominem saepius excusat, quam illuminet; distractit animum & tumorem fover. Quid necesse est, inquit c. 7, homini majora se quarere: cum ignoret quid conducat sibi in vita sua, numero dierum peregrinationis sua. & tempore quod velut umbra præterit. Hic adeo modus tenendus, qui Eccli. 3, præcipitur. Altiora te ne quæsieris, & fortiora te ne scrutatus fueris: Sed quæ præcepit Deus, illa cogita semper. & in pluribus operibus ejus ne fueris curiosus. Quæ enim divina providentia tegere voluit, curiose scrutari non debemus.*

ARTICULUS II.

De amore & aversione.

Admissionem amor, aut aversio statim consequuntur, cum rem ad nos pertinere vel ratione duce, vel præente quodam voluntatis sensu intelligimus. Motus itaque animæ cum spirituum & sanguinis agitatione conjunctus, quo in rem ut nobis bonam vel commodam nitimur, amor dicitur: ut aversio est motus quo animus à re ut nobis noxia, aut molesta alienatur. Itaque per amorem appetitus in rem opinione bonam, & voluntatis effectuum propendet, eamque complectitur. Ac nihil aliud videtur esse quam illius amoris, qui ad nos reflectitur, quique proprius nominatur, velut extensio quædam, aut effusio. Ex quo enim homo Deum per peccatum deseruit, amor nostri in nobis ita dominatur, ut is omnia pene ad se referat: ac licet qui-

dām sit in nobis aut veritatis , aut justitiae amor , qui ad nos ipsos non reflekti-
tur , nisi tamē gratiā divinā muniamur , amor sui semper terum summā po-
titur : ac veritatem fere aut justitiam deserimus , cum de re nostra , aut uti-
litate agitur ; aut si forte & vitam & facultates nostras honesti causā profun-
dimus , verendum ne id vanæ ostentationis potius , quam justitiae causā facia-
mus . Hic enim amor affectuum princeps , qui concupiscentia nomine de-
signatur , in omnibus pene affectibus dominatur ; ex eo ceteri motus & affec-
tus manant , & varia potius nomina , quam diversam induit naturam . Idea
quippe aut perceptio boni , aut voluptatis præcipua est , quæ amor dicitur ,
quatenus illius boni causam complectitur : quæ accedunt velut pedissequæ af-
fectiones , motum animæ varie inflectunt , ut bonum illud aut præsens , aut
absens judicatur .

2. Cum res infra nos positas amamus , ut hortos , equos & alia hujus generis ,
tum amoris nomen retinet : cum alios juxta positos diligimus , qui redaman-
do vices rependunt , tum amicitia dicitur : ut pietas nominatur , qua paren-
tes , patriam , Principem , Deum ipsum complectimur . Sunt qui amoris gra-
dus ita distinguant . Tria sunt quæ in aliorum animos transmittere volumus ,
1. cognitionem nostram , tumque dicitur familiaritas ; 2. secretas animi co-
gitationes , quod est amicitiae numus . *Beatus qui inventit amicum verum .* &
qui narrat justicias auri audienti . Eccl 25. 3. Cum nos ipsos in aliorum animos
transferre quodammodo volumus ; isque est amor propriæ dictus . Benevolen-
tia tum amicitiam , tum amorem consequitur ; cum bene alicui ut nobis ipsis
volumus .

3. Obiectum amoris est bonum , non in se spectatum , sed ut ad nos refer-
tur , & delectationis causa efficitrix judicatur . Idem quoque est pulchrum ,
quod amoris objectum vulgo constituitur , & bonum ; utrumque Græci eadem
voce designant . Quanquam Plato in Hippia majore , pulchrum ita definit , ut
ad visum , vel auditum proprie pertineat : neque enim pulchrum odorem , aut
saporem dicimus . Nam in aliis rebus percipiendis anima velut obruitur nimia
objectorum vicinia : neque in iis concinnitatem aut proportionem , ut in
sonis & coloribus potest animadvertere .

4. Hinc satis apt. pulchrum definit sanctus Thomas , cuius cognitio placet :
neque enim pulchra admodum judicamus , nisi que distincta , & dilucida co-
gnitione percipimus . Unde intellectus qui intimas rerum naturas penetrat ,
pulchritudinis est judex incorruptus , queque acti & attenta cogitatione non
excipimus , minus formosa nobis videntur , & in unaquaque arte soli artifi-
ce de operum forma aut pulchritudine perfecte dijudicant .

5. Unde autem sit in nobis pulchritudinis judicium , & quas illius leges se-
quuntur , explicatu est difficile . An forte in mente nostra , ut videtur Platonis-
cis , insidet species quedam pulchritudinis , ad quam ea quæ cernimus , com-
parata referuntur ? Itaque ut ait Cicero , *Phidie simulacri quibus in illo*
genere nihil perficiens videmus . cogitare tamen possumus pulchritura . Nec ve-
rò ille artifex cum ea faceret , *Fovis formam , aut Minervæ , contemplabatur*
aliquem , è quo similitudinem diceret : sed ipsius in mente insidebat species
*pulchritudinis eximia que tam , quam intuens , in eaque defixus , ad illius si-
militudinem artem & manum dirigeret .* Cum autem idea pulchritudinis , que

in mentibus nostris hareret, non sit omnino evoluta, neque ex eadem velut parte ab omnibus conspiciatur; cumque passionum astu non mediocriter obscureatur: non enim est si tam diversa sint hominum de pulchritudine judicia. Illud tamen non al horret à verisimili, quod S. August. docet hb. 2. de lib. arbit. Quidquid, inquit, te delectari in corpore & per corporeos illici sensus. video eff. numero. um. & quæras unde sit, & in te ipsum redeas, atque intelligas, te id quod attingis sensibus corporis. probare aut improbare non posse. nisi in te habeas quasdam pulchritudinis leges, ad quas referas, que jentis interioris.

6. Quare videtur animus quandam in se continere colorum, vocum omnium & sonorum mensuram. Notat quidem ars, qui verbolum, qui sonorum modi efficiant voluptatem: sed eos tamen numeros, ut Tullius docet, aures ipsa tactio cum sensu sine arte definiunt: post ita comp. eoque verborum ambitus gaudent. & curta sentiunt nec en. ent r. dur dantia. Hinc Musica & Poësis animorum certis numeris titillant & delectant; ac solus pene homo numerorum modulationem sentit & percipit, dum spiritus animalis blanda commotione & quasi ad numeros agitantur: sed animus ipse illam pulchritudinem, ordinem, venustatem percipit; & velut sibi cognata fiuit. Nihil est enim authore Tullio, tam cognatum mentibus nostris. quæ numeri atque voces quibus & excitamus. & incendimur & lenimur, & languescimus, & ad hilariatem & ad tristitiam sape deducimus.

Quod de amore diximus, id facile de odio & aversione, sed opposito sensu intelligitur. Illud vero quotidie experiri, minus esse formidendum, qui aperte odium proficit, quam qui illud specie amicitiae tegit: Nam qui aperire odit, si vera exprobrat, ea fuit corrugenda; si falla, contemnenda. Hinc illud Sapientis pr. 10. Ab conditum odium labia mendacia: cui proficit contumelias, insipiens est. Neque necesse est ut utriusque hujus affectus signa, characteres, & effectus describamus; id enim longiorem tractationem, & nostro instituto minime necessariam postulat.

Q U Ä S T I O V.

De reliquis effectibus.

A Mor & aversio sunt generales quidam affectus, ex quibus tum simplices, tum compositi nascuntur: de iis qui sunt simpliciores prius dicendum, qui ad voluntatem, mollestiam seu tristitiam, & cupiditatem satis comode revocantur.

Cum enim in unoquoque affectu multa occurrant. 1. Opinio boni aut mali; 2. Animæ commotio, quam sequitur certa spirituum agitatio, 3. Sensus quidam, quo ex illa spirituum motione anima afficitur; 4. Tandem voluptas affectum individui comes. Quod maxime ad naturam affectus pertinet, est certa animæ commotio, ex qua primiti affectus desumuntur. Nam tanta perceptionum aut opinionum est varietas, ut res abeat in infinitum, si ex perceptionum diversitate, aut ex temporum, & personatum differentiis affectum distinctionem repetamus. Itaque illud ad rectam docendi rationem, &

distinctam affectuum cognitionem magis est, accommodatum, si eos qui sunt simplices & primigeni, ex varia animæ commotione potius, quam ex diversis perceptionibus in certum numerum redigamus. Iisque sunt, ut superius ostendimus, voluptas, molestia, & cupiditas; reliquæ autem ex variis percipiendi modis, aut ex varia simplicium affectuum perimitione oriuntur: de singulis ex ordine agendum.

1. Voluptas & molestia eodem fere modo in appetitu, atque in toto corpore excitantur. Nam ut objecta bene aut male corpus afficiunt, ita & opiniones in imaginatione, & passiones in appetitu aut jucunditate, aut molestia oriuntur. In ea quippe propendet animus, quæ corpori apta & convenientia judicantur; ab iis refugit, quæ noxia corpori videntur. Hinc tanta in studiis & moribus est varietas, quod diversa sint hominum temperaments, diversæ propensiones, & quod iuri aptum est, aut conveniens, alteri noxiū videatur. Voluptas pene omnis, ut diximus, molestiam aliquam consequitur. Et in hoc maxime posita est, ut eam tollat. Est enim ut in corpore, sic in animo famēs quædam, aut sitis, quæ non sine voluptate expletur; tumque cor effunditur, & delectatur, ut in molestia contrahitur. Atque illa cordis, aut spirituum, imo & animæ commotio est velut materia voluptatis aut molestiae: sed forma illius in boni possessione, aut fruitione est posita. Est enim tanquam finis actioni superveniens, quique actionem perficit, ait Aristoteles, ut decor florentes ætate commendat. Unde cordis dilatationi suavitas adjuncta est, ut contractioni seu compressioni cordi in molestia, amaror quidam superfunditur. Cum itaque voluptas ex restitutione in statum naturalem oriatur, tandem ea permanet, quandiu causa illius quæ molestiam afferit, detractio perseverat. Unde sit ut voluptas sensu percepta adeo si fluxa & pene momentanea, contra atque delectationes quæ animi sunt propriæ, quæque sunt puræ & constantes. *Animus gaudens, etatem floridam facit: ipsitus tristis exsiccat ossa.* Pr. 17. Sed illud nos quotidiana docet experientia, quod Ecclesiastes de hujus saeculi voluptatibus toties inculcat. *Ecce universa vanitas, & afflictio spiritus.* Qui enim fallaces voluptates conjectatur, idem facit homini qui præter fluentem aquam ulnis complecti vult, & fugientem retirere. *Periculosis est mundus iste blandus, quam molestus, & magis cavidus cum se illici diligi quam cum admonet cogitque contemni.* Aug. Ep. 144.

2. Atque hinc voluptratum differentiae ducentur, quod aliæ sint veræ & solidæ, aliæ suæ & spuriae: aliæ ad corpus, aliæ ad animum referantur, ut quæ ex veritatis contemplatione nascuntur. Illas gaudii, has letitiae, aut voluptatis nomine Stoici complectuntur. *Cum animus, inquit Tullius, moveretur placide atque constanter, non illud gaudium dicitur: cum autem inaniter, atque effuse animus exultat, tum illa latitia gestiens, vel nimia dici potest, quam ita definitum, sine ratione animi elationem.* At delectatio aut oblectatio est voluptas quietior, exultatio mobilior, quæ ut hilaritas, vulta aut gestu se prodit.

3. Non dissimili ratione molestia corporis est, vel animi: hæc tristitia, vel ægritudo animi vocitatur, quæ definitur a Stoicis animi adversante ratione contraria; vel opinio recens mali presentis; in quo dentriti contrahique animi rictum videatur. Huic subjiciunt variæ species, quas Cicero numerat,

& definit ex mente Stoicorum. Sic misericordia est agritudo ex miseria alterius injurya laborantis. Nemo, inquit, parricide aut proditoris suppicio misericordia commovetur. Angor, seu angustia, sic dicta quod premat, & in arctum ducat, est agritudo premens; dolor agritudo crucians: afflictatio est agritudo cum vexatione corporis; mœror agritudo flebilis; lamentatio agritudo cum ejulatu; luctus agritudo ejus qui carus fuerit, interitu acerbo. Adde his indignationem, qua quis rege fert, quod bonis mala, & malis bona indigne accidant.

Est quedam tristitia nobis utilis: cuius Sapiens identidem meminit: ut Eccl. 7. Cor sapientium, ubi tristitia; & cor stultorum, ubi letitia. Sed ut affectus aut animi agritudo, plus habet mali quam boni. Hinc Sapiens prov. 25. *Sicut tinea vestimento, & vermis ligno, ita tristitia viri nocet cordi.* Est enim instar veneni lenti, quod acres dolores non parit; sed mortem sensim atcessit; ut vermis vestem, putredo lignum; utrumque enim prius exeditur, quam vermis ipse videatur. Hinc que animum letitiâ solent perfundere, ea dejecto præ tristitia animo sunt molesta. Quo quidem modo illud Salomonis codem in loco est intelligendum. *Acetum in nitro, qui cantat carmina cordi pessimo, Hebraicè, afflito.* Nitrum enim illud quod in Ægypto plurimum est, & ex quo, ut ait Tacitus, vitrum conficitur, cum aceto mixtum tumultuatur, & fermentescit, non item salpetre, qui vulgo nitrum dici soler. Illud recte nos admonet Syracides: *Tristitiam ne des anime tue, & non affigas temeripsum in consilio tuo.* Nam tristitia, ut scire vir doctiss. animadvertis, penas exagerat, & que videntur mala, in vera commutat. Itaque in negotiis sic occupatio querenda, ut agritudinem animi non afferant: exercendo enim animo data sunt, non ut sint ejus supplicia. *Ad speciosa,* inquit Seneca, *sormenta alligatus sub ingenti titulo.*

4. Restat cupiditas, que à Cicerone libido nominatur. *Letitia*, inquit, & libido in bonorum opinione versantur: cum libido ad id quod videtur bonum illecta & inflammata rapietur; latitia ut adepta jam aliquid concepitum, effteratur, & gestiat. Sic itaque ab eo definitur, *opinio venturi boni, quod sit ex usu jam praesens esse.* Nec solum in judiciis & opinionibus perturbationes positas esse docet: sed etiam in ipsa animi commotione: ut agritudo, inquit, quasi morbum aliquem doloris efficiat; metus recessum quemdam animi & fugam; letitia profusam hilaritatem; libido effrenatam appetemiam. Cupiditatem desiderii nomine solemus designare: quamvis proprie desiderium sit, definitio M. Tullio, *libido ejus, qui nondum adsit, videndi.*

Hoc autem cupiditas ab amore differt, quod amor in bonum, quocunque illud sit, aut praesens aut futurum; cupiditas in bonum ut absens feratur; amor bonum ut delectationis causam, cupiditas ipsam voluptatis creationem, que nondum sit, attendat; amor præcedat, sequatur cupiditas. In utraqua affectione spiritus animales versus bonum effunduntur quodammodo: sed in amore id velut brachiis, sic cogitatione mens complectitur: per cupiditatem in bonum ipsum possidendum instar sagittæ vibratur, & velut alis subiecta in id evolat. Vis imaginatrix in amore circa rei imaginem, vt delectationis eff. & tricem occupatur. Cupiditas voluptatem, que nondum est, exceptit; contentionem adhibet, ut bono fruatur, & indigentiam suam, aut

veram, aut opinione præsumptam expletat: unde inquieta est, & sollicita.

5. Hoc autem commune est aff. etibus, qui in voluptatem desinunt, ut sanguinem & spiritus vehementius commoveant. Sic in amore qui id ipsum quod efficiet voluptatem potest, cogitatione & affectu complectitur, & in cupiditate quæ in id bonum tendit, uberior languis è corde in partes corporis impellitur. Quæ dixinus de amore & cupiditate, ad odium & fugam, in quibus est aversio quedam animæ, transferri facillime possunt.

6. Reliqui aff. etus ex his derivantur, ac novum iis judicium, aut opinionem addunt: cum ad eum opinio venturi boni, tum spes oritur, quæ à cupiditate separari non potest: locus judicium suum, non aff. etus erit. Itaque animæ ijs suis commotio, quæ ex boro et possibili judicato oritur, spes dicitur, & inter aff. etus numeratur: et in securitatem habet, tum laetitia & cupiditatis permisso alium crevit. Etum ex certa opinione illius boni, quod fere ut præs. ns judicatur: est enim securitas spes quedam consummata. In iis utique aff. etibus animus ad agendum erigitur, & ex præsumptione quadam voluptatis fit alacrior.

7. Hinc spes ut plurimum audaciam gignit, quæ adversus molestias, labores, & pericula infurgit, & contentationem adhibet. Quæ enim spem, eadem audaciam procreant, et vis, aut temperamenti vigor, ira, opes, conscientia, robur, pertitia. Id vero nos fallit maxime, quod in rebus fluxis spes nostras collocemus. Homines quippe magnas spes prabent, tum se excusat, dicinde contemnunt, tandem nos produnt, ait vii doctus. Sic temere credimus, stulte speramus, & perverse diligimus. Fides, spes, charitas præcipue sunt virtutes, cum ad Deum referuntur: summa animi vitia, ubi in rebus creatis haeremus. *Den patridus & per lassus qui sferat super infidelis in die angustie, & amittit palium in die ficeris.* prov. 25.

Ut securitas, aut si lenita ex certa opinione venturi boni, ita desperatio ex spesi imminutione proscilicetur; neque aff. etus rationem habet, quatenus est opinio non venturi boni, sed quia ex tristitia & cupiditate conflatur.

8. Non di familiare ratione metus tristitia addit opinionem impendentis mali. Cum autem vix anima bonum, aut malum percipiat, quin una commoveatur, hinc sit ut aff. etum nomina iis perceptionibus, aut judiciis plerumque tribuamus. Nam voces quibus utimur, ut aff. etus compositos, spci, audacia, timoris, i.e., pudoris, & alios hujus genetis designemus, multis involvunt ideas, quas compendii causa contrahimus & una voce complectimur. Sunt enim hi aff. etus, nobis maxime familiares, & confuse cogniti: contra atque evenit in ideis mentis quæ clarae sunt & distinctæ, sed minus usitatae & familiares.

Sic numerorum ideas clare percipimus, sed ex minis nos afficiunt, quod nimis sunt abstinentæ, ac minus ad nos pertineant. Unde & quasdam adhibemus notæ, quibus ideas mente conceptas designemus. Contraria ensimpressions, & animi commotiones fortius nos afficiunt, nobis adeo sunt magis familiares; & licet confuse admodum percipiuntur, tamen eas à robis bene intelligi facile nobis persuademus: quod sine magna contortione si sistant animo & confuso quedam sensu, aut in otu ei m percibent. Ac voces illeæ ex pluribus ideis confusæ & obscuris conflatae ideas itidem confusas, sed vi-

vidas excitant, quas dum evolvete & distinete percipere volumus, multa in eadem voce, timoris v. g. aut pudoris distingui oportere animadvertisimus, iudicium nimitem, aut perceptionem illius rei, ut ad nos referatur; motum & sensum quedam animæ; impressionem quæ sit in cerebro; spirituum agitationem, ex qua rufus nova in anima commotio exoritur; ac denuo suavitatis quedam omnibus etiam tristioribus affectibus superfusa.

Ac sepe fit ut affectus nomine, aut solum animi judicium, aut solam illius commotionem, vel spirituum agitationem designemus; hinc summa in affectuum vocibus, & maxime eorum qui sunt magis compositi, oriuntur confusio.

9. Idem porro affectus ut gradibus, aut objectis, aut variis percipiendi modis differt, diversa plerumque nomina fortit, quæ signallatim explicare non possumus. Spes itaque, metus & quedam animi fluctuatio, seu ut loquuntur, irresolutio inter spem & metum interjecta, sunt quedam cupiditatis species. Metui plures subjecti sunt affectus, quos Cicero ex mente Stoicorum definit, *Pigritiam, metum consequentis laboris; timorem, metum concutientem; timorem, metum mali appropinquantis; pavorem metum mentem loco moventem; examinationem, metum subsequentem. & quasi comitem pavoris; perturbationem, metum excutierem cogitata; formidinem, metum permanentem.* Jam vero ut spes non est sola opinio venturi boni, sed est quedam elatio animæ ob opinionem ejus boni, quod concupiscit: sic metus non est simplex opinio venturi mali, sed quedam depresso aut contractio animi ob superadditam opinionem, quod id malum sit adventurum. Atque illud manifestum est, spem & metum sic inter se opponi, ut simul tamen miscentur. Cum enim nullus est metus, jam non spes, sed fidentia est, aut securitas. Hinc illud Hecatonis apud Senecam, *defines timere, si sperare desferis.*

10. Sunt alii affectus ex simplicibus magis compositi, sive ex cupiditate & delectatione, ut ira & impudentia; sive ex cupiditate & tristitia. Imo interdum ex pluribus conflantur: risus ex lætitia, cupiditate & admiratione proficiuntur: cum res aliqua non in jucunda ex improvviso accidit, & aliud lætitiae nostræ participem efficere volumus.

11. Ut lætitiam risus, sic tristitiam lacrymæ plerumque consequuntur: de hoc utroque affectu postea id unum interim observandum, cur lacrymæ in luctu sint suaviores, eam videri rationem, quod prematur vel ut in quo pondere peccus in luctu, oppletisque sibi cordis, & pulmonum vasis teneantur præcordia, non sine angore & difficultate reciprocandi spiritus. Itaque in tristitia per lacrymas velut exoneratur dolor, qui in luctu animam præfocat, & intus exercitans vires suas cogendo multiplicat. Ita fere vir disertissimus P. Olivarius in Dissert. Academicis. Unde id experientiâ discimus quod ab Ovidio fuit observatum.

Est quedam flere voluptas,

Expletur lacrymis. egeriturque dolor.

Hinc spectaculum tristius, quamquam doloris causa, ob ipsum tamen dolorem expetitur: quod illud sequatur blandia & suavis doloris acerbi vacuitas, atque omnis delectatio in molestiæ amolitione consistat.

12. Ir. vero ex multis fere affectibus videtur constata: est enim, ut definit

Gaffendus, affectus quo anima p. & dolore ob injuriam acceptam, & odio in illius authorem concepto, pectori incalescente, ad ulciscendum concitatur, ut authorem f. d. peneeat. Hinc doloris levandi gratia qui irascitur, vindictam appetit. Unde Aristoteles in Rhetoricis iram definit cupiditatem cum dolore coniunctam: eamque esse unctionis aperte subinde admonet: quod confitmat l. 7. Eth. iram nempe esse affectum apertum & minime insidiosum. Iratus enim despici se putat praeter id quod decet, ut ipse loquitur. Nisi enim laesio videatur injuria, seu animo laedendi illata, plerumque non irascimur. Lenitas vero nihil est nisi sedatio, aut remissio irae, ut definit Aristoteles: cum scilicet ira aut videtur nulla, aut leviter fertur.

Tres vulgo species irae afferruntur, bilis seu excandescens, quæ est ira subita, aut subito excandescens. Hanc iræ speciem in vita Soceri sui Agricolæ pulchre adunbrat C. Tacitus. Ceterum, inquit, ex iracundia nihil supererat: secretum ejus & silentium non timeres, honestius putabat offendisse. quam odif. se. 2. Amaritudo, quæ est ira perseverans: nam instar saporis amari moleste nos afficit, & diu perf. verat. Hanc in Domitiano describit idem Tacitus. Domitianus vero, inquit, natura præceps in iram, & quod obscurior è irrevocabilior. 3. Furor, aut levitia dicitur, cum iratus non acquiescit, dum ultus fuerit ipse se. Sic lenitatis species sunt mansuetudo erga omnes; clementia erga inferiores. Hi vero affectus, ira, zelus, odium, virtutem hominis infringunt, & vitam contrahunt. Zelus & iracundia minuunt dies; & ante tempus senectam adducit cogitatus. Eccl. 30. Ira cum est impatiens animi fœtus, tum semper in vitio est, non item cum ex amore justitiae proficilicetur. Melior est ira risu: quia per tristianam vultus corrigitur animus delinquentis. Eccl. 7. Atque hæc ira adulatio est præferenda. Sed de ira, quæ est impatiens animi motus, eodem in loco dicitur. Ne sis velox ad irascendum: quia ira in sinu stulti requiescit. Ira enim fere semper juncta est superbia. Fatuus statim indicat iram suam: qui autem dissimulat injuriam, callidus est. Pr. 12. Sæpe vox illa, callidus, prudentem significat, qui patienti animo, non odio maligno, & ulciscendi desiderio iram dissimulat, ut Absalon. Grave est saxum, & onerosa arena: sed ira stulti utroque gravior Prov. 26,

Nihil hic dicimus de pudore, qui aut est virtus, quæ modestia dicitur, aut passio ex metu justæ reprehensionis, aut potius ex confusione quadam animi, vel ex opinione præsentis infamie excitata. Atque hi sunt præcipui affectus animi: quos autem illi vel in sanguine, vel in spiritibus & pectori ipso motus procreent, quibus signis se prodant, nunc explicare conabimur.

QUESTIO VI.

Qui sit sanguinis & spirituum motus in affectionibus animi, & unde præcipui eorum characteres ducantur.

Hoc argumentum ut par est tractare non possumus, nondum explicatis quæ had motum sanguinis, cordis fabricam, & nervorum origines pertinent. Quare ea tantum dicemus quæ intelligi uncunque poterunt, & quorum non inutilis, nec ingrata contemplatio futura est. Ac primum quidem illud meminisse

minisse oportet, affectus nostros spirituum & sanguinis motu contineri. Unde quibus est uberior sanguinis & spirituum copia iidem majore perturbationum æstu agitantur. Sic juvenes plerumque sunt audacie, quidvis aggrediuntur, magnas spes fovent. Contra, quibus aut sanguis frigidior est, aut pauciores spiritus, ii quidem sunt timidiore, & omnia scrupulose expendunt. Quanta autem sit vis in spirituum copia, & turbulentu eorum motu vel ex ebriis dis- cimus, qui spei & audacie pleni nihil sibi arduum putant.

*Quid non ebrietas designa, tepera recludit,
Spes jubet esse ratas, in prelia trudit inermem.
Sollicitis animis onus eximit.*

Idem fere de juvenili ætate sentiendum: hæc quippe, ut vir nobilissimus obseruat, est continua quædam ebrietas & febris quædam rationis, quæ spe, audacia, & jugi ambitione agitatur.

2. Cum affectus sint motus quidam naturales, non voluntarii: siquidem nobis insciis, & invitis plerumque perficiuntur, ii potissimum ab iis pendent nervis, qui ex cerebello, seu ex parte cerebri posteriore orti in cor, pulmones, & viscera sparguntur. Hi nervi variis in locis cordis & pulmonum vasa complectuntur, & stringunt, ut sanguinem modo promoteant, modo retardent, ut passio quæque exegerit. Multis etiam in locis cum iis nervis qui à cerebro oriuntur, & imaginationis subduntur imperio, ineunt commercia, ut ad diversas imaginationis ideas se accommodent. Quare in omni affectu paulo vehementiori sanguis & spiritus non in cerebrum modo, ubi idea objecti de- pingitur, sed in alias quoque corporis partes diffunduntur, ut corpus in eo situ & habitu quem affectus exigit, constituant. Hinc non vultus tantum, os, frons, oculi, sed etiam vox ipsa, manuum, cervicis, & totius pene corporis motus animi commotionem produnt, & adjuvant. Sic perturbationes animi, imo & vitia ipsa extrinsecus se produnt. Hinc Salomon Pr. 6. *Homo apostata, vir inutilis graditur ore perverso. Non enim verba actionibus respondent; Annuit oculis, terit pede, digito loquitur, pravo corde machinatur malum; Et omni tempore jurgias eminat..* Quæ omnia levitatem animi & cordis prævitalitatem indicant:

3o Quo spirituum & sanguinis motus juxta idem conceptam, & affectum animi certa lege dirigatur, arterias ipsas (seu vasa quibus cor sanguinem cum impetu in omnes partes mittit) nervuli variis in locis stringunt; cumque uberior sanguinis & spirituum copia cerebrum indiget, tum arteriis quæ in reliquæ partes corporis sanguinem mittunt, constrictis, uberior sanguis in caput propellitur. Contra evenit ubi minus sanguinis aut spirituum in cerebro requiritur: tum enim constrictis arteriis quæ in caput feruntur, reliquæ sunt laxiores: pars quoque è corde sanguis erumpit, quod vasa cordis, nervorum qui ea circumligant ope, stringantur artius. Hinc palpit vultus, ac sæpe totum corpus spiritibus destitutum tremit.

4o Cum duo sint affectuum genera, alii in voluptatem, alii in tristitiam definant, prioris generis affectum hi sunt fere motus & characteres.

5o Si quid jucundum aut mirabile, & inexpectatum sevi imaginatrici offerat, statim cordis sinus, seu ventriculi dilatantur, nervorum scilicet benefi-

cio, qui ibi sunt plutimi, & animi iussa in momento exequuntur. Sanguis celerius per pulmones trahicatur, expiratio fit fræquentior: cum scilicet diaphragma, seu septum transversum quod indesinenter sursum deorsumve pellitur, & præcipuum est respirationis organum, pulmones velut à tibis repetitis urget; sanguinem è vasis pulmonum protrudit; aërem sepe cum strepitu elidit: hinc cachinni, in risu maxime qui exultantis lætitiae effusus est. Unde varii musculorum in facie motus, quod magna sit inter diafragmatis, & maxillatum nervos consensio.

2. Itaque in risu, cum res non injucunda & inopinata accidit, præ admiratione tolluntur supercilia, frons relaxatur; quiq[ue] genas & labium superius inovent masculi, per consensum attolluntur; diafragma movetur celerius, plurimum aëris inspiratur, qui totus & simul exire non potest: unde & subfulsum excusus sonum illum in ridentibus usitatum efficit. *Fatuus in risu exaltat vocem suam; sapiens autem vix tacitè ridet.* Eccl. 27.

3. Sic in lætitia cor dilatatur, idque uberiorem excipit & emittit sanguinem: hinc rubor in facie, dum arterie plus afferunt sanguinis, quam venæ referre queant. Unde micant oculi, & corpus totum suavi calore perfunditur.

4. Id vero commune est affectibus qui in voluptam terminantur, ut sanguinem & spiritus vehementius commoveant, atque in partes extiores propellant: ut in amore, cupiditate, spe, audacia videte est. Nec cuiusque affectus characteres nunc vacat describere, cum id jam viri doctissimi præstiterint: per pauca duntaxat ex infinitis prope attingemus.

5. In amore, si quis sit ab omni alia perturbatione liber, vis imaginatrix circa rei quæ delectationem afferre potest, imaginem tota occupatur: quare altum in cerebro imprimunt vestigium; magna spirituum copia eo confluit, cerebri fibræ vehementius concusse alias sibi cohærentes in ejusdem motus societatem vocant: hinc quæ sunt cum re amata conjuncta, eodem amore complectimur.

6. In cupiditate spiritus & sanguis à corde in totum corpus, & in artus maximo cum impetu feruntur: nam specie objecti anima permota in illius prosecutionem nititur: unde inquieta est cupiditas, atque ex ea motus pene omnes oruntur.

7. Sic in spe imago aut opinio boni spiritus in cor emittit, quibus anima ad agendum erigitur. Hanc plerumque subsequitur audacia, in qua est magna pectoris contentio, plenior inspiratio, spiritus vehemens & sonorus; caput levè inflato collo obfirmat, ac demum elatis superciliis, corrugata fronte, defixis oculis, vultu truculento & minaci se prodit. Atque hæc magna ex parte pectoris tensionem consequuntur, ob muscularum & nervorum consensum.

8. Quidam audacia species est insolentia & impudentia. Insolens alios deprimit, se esse effect jactantius: impudens excusso omni infamie metu nulla decori habita ratione, quidvis aut dicit, aut facit. In iis omnibus vitales functiones cordis, pulmonum, thoracis, & diafragmatis motus, spirituum quoque & sanguinis astus intentiores sunt, aut credibiores. Hinc pulsus aut concitator, aut major; vox ipsis affectibus accommodata; calor toto diffusus corpore, rubor in facie ex uestiore sanguine. Atque ut motus sanguinis ipsis

affectionibus attemperetur, cordis & pulmonum vasa surculis nervorum ita stringuntur, ut iuxta passionum impetus valorum ora aut arcentur, aut resecentur, ut variæ animi commotiones exegerint.

9. Sic in pudore quem Aristoteles definit dolorem & confusionem quan-dam circa ea quæ facere ad existimationis lesionem videntur, fit rubor in facie, ex perivata primum phantasia, tum ex spiritibus cerebri in cor tumultuario irruentibus. Hinc enim aut sanguis effervescit, aut tanto impetu ad extremas quæ in vultu sunt, arteriolas impellitur, ut eum venulæ referte in cor non possint: unde in facie restagnans ruborem efficit.

10. Audaciam ira plerumque comitatur. In hac perturbatione cor & sanguis contrariis veiut motibus, doloris ex accepta injuryia, & voluptatis ex medita-ta ultiōne sic agitantur, ut ex ea lucta fervor quidam sanguinis & igneus calor oriatur. Hinc saepè vultus rubet, ardent oculi, pulsus & crebrior & vehementior. Audacia quoque animum addit, & magna vi ultiōne aggreditur. Hinc tolluntur supercilia, frons adducitur: labiorum diductio, dentium compres-sio, defixus obtutus audaciam, indignationem, & furorem indicant. Fortes minus irasci solent, quod se contemni tam facile non credant, quam debiles & propriae infirmitatis conscientia. Hinc mulieres facilis irasci solent. Non est caput nequius super caput colubri. Et non est iras super iram mulieris. Eccl. 21. Species enim vis imaginatrix facile excutuntur: quod fibræ cerebri sunt tenues, spiritus mobiles, vis imaginatrix fortior. Melius est h. bitare in ter-ra deserta, quam cum muliere rixosa, & iracunda. Pr. 2. Videant qui se his catenis temere induunt, quæ magno gravante pondere, & morte tantummodo disrumpuntur. Nunc ad oppositos affectus veniendum.

1. In tristitia, aversione, metu, desperatione, pusillanimitate, & segnitie sanguinis rarius è corde in corpus manat. Hinc pulsus in tristitia tardior, & minor; pallent genæ, pauciores spiritus gignuntur, torpet lingua, pedes contrahuntur; diaphragma non succutim ut in risu, sed uno tenore, & lento deprimitur. Saepè fuit gemitus & suspiria, cum sanguis nimirum in pul-monibus restagnans magna expiratione propellitur. Cum enim rei noxia aut præsentis, aut imminentis imago animum percellit, hunc saepè adeo totum occupat, ut ne vitales quidem functiones spirituum inopiat rite obeat. Hinc motus cordis intercessus; partes exteriores sanguine & spiritibus frudatae labescunt, artas tremunt; vox ipsa tremula, intercisa plerumque, & debilis respiratio.

2. Ut lætitiam risus, sic tristitiam lacrymæ plerumque consequuntur: cum enim humor qui palpebras & globum oculi profluit, ex tristitia, aut ex alio affectu est uberior, tum lacrymæ dicuntur. Ea vero seri copia è venis exprimitur, cum per fibras, aut nervulos contrahuntur: tum enim constrictis venu-lis plus siccii per glandulas percolatur; in omnibus autem glandulis sunt ductus, seu vasa quæ s. tum percolatum excipiunt. Cum lacrymas reprimere in nostra ut plurimum potestate situm sit, palam est eam venularum constrictiōnem quæ fit in glandulis, nervorum, qui sunt in iis partibus copiosi, & spirituum animalium ope effici. In ira quidem & lætitia sanguis à corde manat uberior; sed præ tristitia medi venarum ductus in facie potissimum & oculis stringuntur. Hinc illa musculorum inter flendum contorsio. Sed neque animi

æstus , nec vasorum contractio ad lacrymarum profusionem sufficeret , nisi materia in ipso sanguine his procreandis esset idonea : unde & lacrymæ interdum sistuntur , assumpto potu mox reddituræ : magna etiam sanguinis copia in cordis sinum dextrum illapsa serum uberior suppeditat . Hinc crebri gemitus , rubent genæ , & facies intumescit . Pueri , senes , mulieres facilius lacrymantur , quam medie ætatis viri , quod forte in illis sanguis sit seriosior . Atque hi sunt præcipui affectuum characteres , & motus qui ad Physicam & Moralem æque pertinent , quique à nobis omnino prætermitti non debuerunt . Tametsi multo facilius intelligentur , cum in tertia parte Physics partium corporis structura & usus , motus itidem sanguinis & spirituum fuerint explicati .

Q U A E S T I O U L T I M A .

Vtrum affectus boni sint aut mali.

Magna fuit olim inter Stoicos & Peripateticos de affectuum bonitate aut malitia contentio , quam plerique in vocibus magis , quam in rebus ipsis positam credidere . Stoici in ea quidem fuerunt opinione , omnem animi perturbationem malam esse , & rationi contrariam . Peripatetici contrà passiones moderatas , & rationi subiectas bonas esse , ut effrænes in malis habendas pertendebant . Atque hæc sententia cum rationi , tum Christianæ Religioni magis videtur consentanea : sit igitur

Vnica Conclusio.

Affectus non sunt extirpandi , sed regendi ; nec mali dici possunt , cum intra rationis fines continentur .

Prob. concl. 1. Quia passiones sunt motus appetitus sentientis , iisque naturales : ergo natura sua malæ esse non possunt .

Prob. 2. Virtutes circa affectus animi versantur : non ut eos stirpitus evellant . Id enim fieri non potest , nec debet . *Nihil dolere* , inquit Crantor apud Ciceronem , est immanitatis in animo , stuporis in corpore . Sed in id virtus incumbit ut affectiones animi rationis imperio subdantur , & extra naturæ fines non excurrant . Unde eas Christus Dominus , cum opus fuit , adhibuit . Et quidem in Christo passiones non prævertebant , sed sequebantur rationem : in nobis sœpe præcurrunt . Hinc August. l. 9. de Civit. Dei . In disciplina nostra non tam queritur utrum pius animus irascatur , sed quare irascatur ; nec utrum sit tristis , sed unde sit tristis ; nec utrum timeat , sed quid timeat . Irasci enim peccanti ut corrigatur , contrastari pro afflito ut liberetur ; timere periclitanti ne pereat , nescio utrum quisquam sana consideratione reprehendat .

Confir. Passiones ex natura sua , nec laude , nec vituperatione nos dignos efficiunt : sed virtutum sunt instrumenta : quæ si reguntur à ratione , laudem merentur ; si modum excellerint , in vito sunt . Qui autem eas omnino condemnant , ii nec finem eatum , nec usum , nec naturæ humanae conditionem sati considerant : sunt enim ad corporis conservationem , & tuendam humani generis societatem date . Tolle voluptatem omnem , aut dolorem , nulli

erunt ejusquod bonum est, aut malum characteres ab Authore naturæ impressi, quibus utilia à noxiis, separemus: spe omni sublata, quid juctudi superest in vita? Idem liquebit cæteros affectus percurrenti. Sic misericordia sine immanitate quadam, metus sine temeritate non eripitur. Metum enim si sustuleris, omnem vitæ diligentiam simul tolles: hæc enim summa est in iis qui leges, qui pauperatatem, qui ignominiam, qui mortem timent. Sic utilis est misericordia ad opem ferendam, & calamitates hominum sublevandas. Qui autem contra sentiunt, quique ne dolore quidem inter mala numerant, hi frustra ratiunculas adversus communem hominum sensum, & experientiam colligunt; iisque dolorem, aut ægritudinem alia animi perturbatione, superbia nimium, & virtutis suæ opinione, lenire conantur. Hinc August. l. 14. de Civit. Dei, non quia durum aliquid, ideo rectum; aut quia stupidum est, ideo sanum.

Solvuntur objectiones.

Multa opponunt Stoïci quæ M. Tullius l. 3. & 4. Tuscul. fuse persequitur; quæque uno item & altero arguento comprehendi possunt. *Affectus*, inquiunt, sunt animi perturbationes: sed conturbatus animus non est aptus ad exequendum munus suum, quod est ratione bene uti: quemadmodum oculus conturbatus non est probe affectus ad suum munus fungendum; totuim corpus à statu cum est motum, deest officio suo & muneri; nec manus affecta recte est, cum in tumore est; sic igitur inflatus & tumens animus in vitio est. At iratus animus velut turgescit; cupit à quo læsus videtur, ei quād maximum dolorem inurere: ex quo fit ut alieno malo gaudeat: quod utique in sapientem non cadit. Cum igitur perturbationes sint motus turbidi, & morbi animi; cumque eos sanos dicamus, quorum mens motu quasi improbo perturbata nullo sit: qui contra affecti sunt, hos insanos appellari necesse est. Atque ut corpus etiam si mediocriter ægrum est, sanum non est: sic si in animo est illa mediocitas, caret sanitatem.

Resp. Dist. maj. *Affectus* sunt perturbationes, & morbi animi, cum rationis fines prætergrediuntur, & male iüs utimur, C. Cum passiones sunt moderatae, & rationis dicto audientes, N. Sunt enim virtutum instrumenta, quæ utiliter possunt adhiberi.

Contra, inquiunt, nulla libido, nequidem mediocris, bona esse potest: sed passio omnis libido quædam est: sic iracundia definitur ulciscendi libido. Hinc Christus Dominus, Matth. 5. *Omnis qui irascitur fratri suo, reus erit iudicio.* Et pr. 20. *Ne dicas, reddam malum; expelta Dominum, & liberabit te.* Et Eccli. *Homo homini reservat iram, & à Deo querit medelam.*

Resp. Dist. min. Passio effrenata, quæque excessu peccat, libido quædam est, C. Passio à ratione temperata, N. Unde qui effrenata feruntur libidine, aut iracundiâ, hos exilie è potestate mentis dicimus, cui regnum totius hominis à natura tributum est. Hoc igitur modo ira, quatenus ultionem meditatur, aut extra rationis limites excurrir, à Christo Domino prohibetur. Unde in Greco ea vox habetur, ἡνὶ sine causa. Eaque in Latinis exemplaribus ante Hieronymi tempora legebatur; & in Syriaca versione que vetustissima est, sine causa, reperitur. Sic verba Sapientis intelligi debent de ira quæ ultionem expedit, quæque justitiam Dei non operatur, que in proximi nocu-

mentum tendit. Nam ultio ad Deum, patientia ad hominem pertinet.

Opp. 2. Omnis concupiscentia est mala: unde ab Apostolo peccatum appellatur, quod ex peccato nata sit, & ad peccatum inclinet: sed passiores, seu motus appetitus sentientis nihil sunt nisi motus concupiscentiae, seu libidines quædam, quæ nos ad terrena deprimunt: unde & ab Apostolo *passiones peccatorum* nominantur: ergo passiones omnes malæ sunt, cum ex iis omne malum oriatur.

Re p. Neg. min. Neque enim confundere debemus appetitus sentientis motus, seu passiones cum concupiscentia, seu cum libidine, aut effrancato motu appetitus. Per appetitum sentientem animus cum corpore, & iis quæ ad corporis salutem pertinent, conjungitur; per concupiscentiam animus corpori, & rebus qua circa nos posita sunt, quodammodo subjicitur, eamque in baptizatis peccatum non esse, sed malum quoddam, ut corruptionem corporis, ut ignorantiam, ut infirmitatem, & languorem pluribus argumentis contra Julianum probat S. Augustinus. *Ego*, inquit l. 6. *tanquam valetudinem malam ex origine vitiata ingenitum dico esse homini vitium*, quo caro concupiscit adversus spiritum, & hoc malo bene uti pudica conjugia: sed ijs malis usi bono laudari intem, non ipsum malum. Et scribens ad summum Pontificem Bonifacium lib. 1. *Sed hæc*, inquit, *concupiscentia, etiam si vocatur peccatum, non utique quia peccatum est: sed quia peccato facta est, sic vocatur: sicut scriptura manus cuiusque dicitur, quod manus eam fecerit.*

Opp. 3. Invidia est passio quædam: sed ea mala est & in vitum sapientem non cadit: ergo sunt quædam passiones malæ.

Re p. Non omnes animi affectus etiam pravos à nobis excusari: sunt enim quidam qui ad concupiscentiam magis, quam ad naturam appetitus sentientis pertinent, cuius generis est invidia, quam magis inter vitia quam inter passiones numeratur. Nec bene meo quidem judicio concludit Cicero eandem esse misericordia & invidia rationem. *Quandoquidem*, inquit, *misericordia & grætudo est ex alterius rebus secundis. In quem igitur cadit misereri, in eundem etiam invidere. Non cadit autem invidere in sapientem: ergo ne misereri quidem.* Pessima, inquam, conclusio: cum unum sit humanitatis, alterum immunitatis cuiusdam; misericordia naturæ, rationi, & pietati est consentanea; invidia naturæ ipsi adversa. *Vita carnium, sanitas cordis: putredo ossium, invidia.* prov. 14. *Omnis superbus, invidus.* Aug. in ps. 58. Nam præ superbia vult excellere, & aliorum excellentiam ferre nequit. Et c. 23. *Ne comedas cum homine inido, & ne desideres cibos ejus.* De misericordi autem, *Fæneratur Domino, qui miseretur pauperis, & vicissitudinem reddet ei.*

Sed, inquiunt, perturbationes, seu passiones, nihil sunt nisi turbidi animorem, concitatique motus, aversiæ ratione & inimicissimi mentis, vitæque tranquillæ: sed vitium est non patere rationi, ac frustra modum vitio querimus; quæque crescentia perniciosa sunt, eadem sunt vitiæ nascentia. Quamobrem, inquiunt, nihil interest utrum moderatas perturbationes approbent, an moderatam injustitiam, aut moderatam ignoriam: qui enim virtus modum apponit, is partem suscipit vitorum. Quod cum per se odiosum est, tum eò molestius, quod sunt in lubrico incitataque semel in proclive labuntur,

sustinerique nullo modo possunt. Ita fere M. Tullius lib. 2. Tuscul.

*Responso facilis est : affectus concitatos, & turbidos malos esse, non item moderatos : quos etiam utiliter à natura datos ostendimus. Quod enim Julianus apud S. Augustinum male de concupiscentia, hoc de affectibus aptissime dici potest. Hujus, inquietus non in genere suo, non in specie, non in modo culpa est, sed in excessu: quia genus ejus & species ad Conditoris operam pertinent, modus ejus ad arbitrium honestatis, excessus ad vitium voluntatis. Id, inquam, de aff. cibis animi non diserte modo, sed etiam vere dici potest. Quod autem nunc animus perturbatus & incitatus nec cohibere se possit, nec quo loco vult, infistere, ut M. Tullius opponit, ea non est natura instituti hominis, sed pœna damnati : atque ipsa concupiscentia in vicio est. Unde Cicero, ut refert S. Augustinus, *Hominem dicit, non ut à matre, sed ut à noverca natura editum in vitam, corpore & nudo & fragili, & infirmo: animo autem anxi ad molestias, humili ad timores, prono ad libidines: in quo tamen inesse tanquam obrutus quidam divinus ignis ingenii, & mentis.* Sed ut obiicit Augustinus, rem vidit, causam nescivit : nempe peccati originalis labem. Hinc non diserte modo & nervole, sed etiam vere Plinius l. 7. in procœnario. *Facet manibus, pedibus devinctis flens animal ceteris imperaturum, & à suppliciis vitam auspicatur, unam tantum ob culpan, quia natum est. O dementiam hominum existimantium à talibus initiis ad superbiam se genitos!* Et sane ipsis effectibus ea labes se prodit. Hinc Cicero apud Aug. l. 4. cont. Jul. c. 15. *Ex quibus humana vite erroribus & arumnis veteres illi divine mentis interpres aliquid vidisse videantur, qui nos ob aliqua sclera in vita superiori suscepimus, pœnarum luendarum causâ natos nos esse dixerunt: sic nostros animos cum corporibus copulatos, ut vivos cum mortuis esse coniunctos.* Sic morbi hæreditarii à parentibus in filios transmittuntur. Imo & animi vitia quotidie ex parentibus in filios manant. Quin & vitia regionum, ut superbia, astutia, avaritia, ut de Cretensibus ait Apost. Tit. 1.*

Hæc solutio difficultatis, quam Ecclesiastes c. 7. proposuit, & uno verbo dissolvit. *Solummodo hoc inveni, quòd fecerit Deus hominem rectum, & ipse se infinitis miscuerit questionibus. Quis talis ut sapiens est? & quis cognovit solutionem verbi?* Deus videlicet cum recta voluntate hominem considerat, hic in mille difficultates se induit, & contrarias in seipso qualitates collegit, ignorantiae, & intelligentiae, stultitiae & rationis, excelli & abjecti animi. *Quis sapiens ut hoc mysterium adeo reconditum penetreret, quod sapientes evolvere non potuerunt?*

In instant. Aff. cibus animi concitatores non sunt in nostra potestate, nec regi à ratione possunt: non enim agitati spiritus subsidunt, neque æstus sanguinis facile sedatur. Hinc lucti carnis & spiritus, dum anima in contrarias partes distrahitur. Sic timor eorū & spiritus contrahit, & partes corporis ad fugam comparat. Mens contra sibi fuge dedecus proponit, periculum in fuga, victoriae gloriam. Ergo aff. cibus animi sunt rationis inimici & mali.

Resp. Hæc magna ex parte vera esse de concitatis affectibus, de quibus hoc loco non agimus. Quanquam ratio, si minus despoticum, magnum tamen in appetitus sentientem habet imperium: dummodo experiri vires suas velit. Fatae quidem sanguinis & spirituum agitationem vehementer animam per-

cellere , nec compesci facile posse , sed cum appetitus commotiones non vallet pro imperio regere , artem & industriam adhibet . Atque in hoc vis animi consistit , ut passionum impetu non abripiatur . Objecta sibi exhibere potest , quæ cum motibus oppositis sint coniuncta . Primum enim animus partes corporis ad arbitrium regit , & quos passionis æstus pene extorquent , is retinet . Verum attentio mentis , solertia , diligentia , cautio , exercitatio sunt adhibenda , flexu interdum & quodam circuitu opus est ; vis & intentio animi alio convertenda , alia interim excitanda passio , quæ priorem elidat . Quod si canes quidam ita institui solent ut ad conspectum perdicis maneant immoti , & audito bombardilis sono statim in perdicem involvent : an ratio in homine quantumvis infirmo , vel cultura animi , vel industria , ut nihil de divina gratia dicam , id præstare non poterit ; ut mens adversus objectorum impressiones , & passionum impetus se confirmet ? Id verò fatendum est , plerisque homines perturbationum impetu abripi . *Vade contra virum stultum , & nescit verba prudentia .* prov. 1. Nam affectus effrænes animum turbant , & lumen rationis pene extinguunt : saepe potius is deserendus , quam cum illo certandum : non enim capit verba prudentia . Et c. 16. *Expedit magis ursa occurrere raptis satibus , quam satuo confidenti in stultitia sua .* Idcirco enim stultus est , qui non ratione , sed æstu perturbationum abducitur . Nihil justum putat , nisi quod ipse facit . *Si contuderis stultum in pila , quasi pisanas feriente super pilo , non auferetur ab eo stultitia ejus .* prov. 27. Non enim vi aut minis hominum perturbationes sanantur : sed Deus solus sanare potest .

Opponunt in diversum Epicurei , aut Cyrenaici potius , omnes passionum æstus esse naturæ consentaneos ; voluptatem iis , ut boni characterem ab Auctore naturæ adhærescere : his adeo impune & citra culpam nos indulgere posse : unde , inquiunt , & nobis sunt cum belluis communes , nec vitiæ esse possunt animi affectiones .

Responsum jam alibi fuit , voluptatem , adde & passiones ipsas bonas esse ad corpus comparatas , non item si ad animum quæ est hominis pars præcipua referantur , ni intra naturæ & rationis fines coërcéantur . Quod si enim perturbationes modum excellerint , homini erunt perniciose & pestiferæ . Quod autem afferunt eas perturbationes nobis esse cum belluis communes , sic respondebat Augustinus Juliano id ipsum obijcenti , ut libidinem seu concupiscentiam defendeleret . *Hac autem , inquit , libido ideo malum non est in belluis , quoniam non repugnat rationi , qua carent .* Hocque ex Cicerone confirmat ; *at quendam loco Tullius se non putare idem esse arietis & Publpii Africani bonum .*





COMMENTARI

IN

METAPHYSICAM ARISTOTELIS.

PRÆFATIO.

Nunc adeunda nobis est pars Philosophiae tertia, quam Aristotelis sectatores Metaphysicam dixerunt, vel quod de rebus divinis & maxime reconditis, quæque Physicam contemplationem superant, ut de ente ipso & illius affectionibus, de Deo & Angelis pertractet; vel quod hi libri Metaphysici inscribuntur, ab iis qui Aristotelis opera in certum ordinem digessere, Physicorum libris qui subiecti fuerint, & in unum corpus collecti. Unde & Metaphysici dicti sunt, quod post Physicorum librios essent collocati.

Id enim observatione dignum videtur, quod Strabo, Plutarchus & alii referunt, Theophrastum nempe Aristotelis discipulum, & suæ & Aristotelis bibliothecæ hæredem Neleum quandam reliquissæ; ac post Nelei obitum Aristotelis & Theophrasti libros metu Attalicorum Regum in terra defosso jacuisse, donec post multum temporis eruti sunt, sed blattis & tineis exesi, & pene corrupti. Hos quidam nomine Appellicon Teius cum emisset, propriamente emendare, & in ordinem digerere conatus est; ac brevi post tempore Sylla hos libros ex Grecia Romam devexit; Tyrannioni cuidam Grammatico cura demandata, ut eosdem cortigeret. Andronicus denique Rhodius eos recensuit, atque ut fieri solet, quæ sibi visa sunt, adjectit, aut detraxit.

Cum itaque hi correctores que ad Dialecticam, Motalem Philosophiam, & Physicam pertinebant, in suum quæque corpus redigissent, quæ reliqua fuerunt, & minus digesta, & abstrusa Physicis subjecere, eaque Metaphysica dixerunt, quasi *metra της ενοκλητικης*, quod post Physica essent collocanda. Quo id minus mirandum videtur, si textus Aristotelis adeo corruptus & vitiatus, præsertim in his libris, ad nos pervenerit, cum ob temporum injurias, tum maxime ob pravas imperitorum emendationes, aut potius divinationes, adeo ut ordo, perficieutas, rerum connexio plerumque desiderentur.

Neque id verisimile crediderim hos libros ab Aristotele eo consilio ut naturalem Theologiam, aut primam Philosophiam seu Metaphysicam complectentur, fuisse conscriptos. Cum enim, ut optime à Gassendo fuit observatum,

ex 141 capitibus, que 12 vel, ut aliis placet, 14 Metaphysicorum libris continentur, quinque dantaxat postremae ultimi libri capita de rebus divinis, & à communis materia remotis pertractant, ac toto fere opere res plane disjunctæ & male coherentes, ut sese dat occasio, explicentur, palam est id ei non fuisse propositum, ut pattem Philosophiæ, eamque præcipuam, & à ceteris sejunctam traderet. Quanquam & secretioris illius scientiæ, quam primam Philosophiam subinde appellat, identidem meminerit, sed ab eo separatim tractata non fuit.

Neque id excutiendum puto an hi libri sint genuini, an falso Aristoteli fuerint adscripti: nam Diogenes Laërtius, qui catalogum librorum Aristotelis pertexuit, eorum non meminit: ac si illius tempore extitissent, forsitan eos non omisisset, cum tam diligenter ea conquisiuerit, que ad vitam & libros philosophorum pertinebant. Quid, quod eodem authore plures extitere Aristoteles: neque id ab omni probabilitate abhorret, aliorum cognominum opera uni Stagirita fuisse adscripta. Theophrastus quoque & alii multos referente Laëtrio conscripsere libros de iisdem rebus, de quibus scriperat Aristoteles, quibus & eodem titulos præfixare: unde & non desunt qui initium Metaphysicæ Theophrasto tribuant. Ita quidem leviter attingimus, ne plurquam veritas aut ratio postulat his libris tribuamus autoritatis.

Recentiores Philosophi Metaphysicam, ut scientiarum principem separatum quidem tradunt: sed aliam inueniunt in ea tradenda viam ac methodum, ab illa quam Aristoteles visus est insistere. Cum enim huic scientiæ id sit maxime propositum, ut entis ipsius rationem, principia & species explicet; primum de ente & illius affectionibus differunt, tum species illius præcipuas, quæ ab omni materiæ contagio liberæ sunt, Deum videlicet & Angelos summatim percurrent. Nos ab eo ordine qui in scholis est usitatus, non recedemus: sed priusquam de hujus operis divisione, & illius tractandi ratione dicamus, pauca de illius natura dicenda sunt ante breviter.

QUÆSTIO PROOEMIALIS.

De natura & divisione Metaphysices.

UNDE nomen suum hæc scientia duxerit, jam diximus: neque id inficiatur hoc Metaphysicæ nomen ab Aristotelis sectatoribus inductum, antiquis Philosophis, imo & Aristoteli ipsi fuisse penitus incognitum. Rationalis Philosophia, aut Dialectica à Platonicis dicta est, quod ratione & intellectu, non sensu & experientia percipiatur. Non temere tamen ab ea quæ vulgo Dialectica, aut Logica nominatur, hæc scientia, quæ universam entis rationem, & illius affectiones contemplatur sejuncta fuit: quod prima omnium disciplinarum principia complectatur, & quasi summa capita, in quæ omnium scientiarum conclusiones & principia tandem resolvuntur. Unde & prime Philosophie nomen obtinuit, & à nonnullis scientia generalis appellatur: ut pars illa quæ de Deo, Angelis & anima separata differit, Theologia naturalis nominatur.

Quanta sit hujus scientiæ dignitas nihil necesse est dicere, cum discipline

pene omnes ex ea pendeant, & principia generalia mouentur. Ac meo quidem judicio nihil utilius est ad formandam rationem, & religionem ipsam tuendam, quam ad æternas, universales & primitivas rerum cunctarum rationes mentem erigere, eamque à fluxis & perituriis rebus avocatam, ad ea quæ sola mente percipiuntur, convertere.

Sed cavendum illud identidem monimus, ne circa abstractas, ut vocant, entis, vel actus & potentiae; vel cause & effectus notiones ita occupemur, ut Physicas & solidas rerum rationes penitus negligamus: nam vagæ & communæ illæ notiones vltio se animo officiunt, iisque ferre abutinur, ubi propriæ cuique rei cause tribuenda sunt: cum plerumque nihil sint præter Logicas voices, & male terminatas ideas. Non quæcæ sunt penitus inutilles: sed cum esse sole sunt, explicandis rebus non sufficiunt, & vana scientia persuasione interdum nos inflant, dum alii doctiores videuntur, quod abstractas duntaxat & generales rerum ideas formemus. Jam ad ea quæ controverti solent venientium: sit igitur.

Prima Conclusio..

Existit Metaphysica ab aliis scientiis separata.

Prob. 1. Admitti debet disciplina, quæ res à materia secretas, quæque ad remedium nostram maxime pertinent, consideret: ea vero est Metaphysica.

2. Multæ de Deo & Angelis fiunt demonstrationes, quæ non ab alia scientia quam à Metaphysica proficiunt possunt.

3. Admittenda est scientia, quæ prima & maxime universalia aliarum principia explicet, queque communes entis affectiones, quæ passim in unaquaque disciplina occurunt, demonstrat: id vero unius est Metaphysicæ, seu primæ Philosophicæ, quæ alias omnes dignitate vincit propter sui objecti amplitudinem: ergo existit Metaphysica, ut omnium disciplinarum radix, aut truncus potius, ut videtur Verulamio.

- Antequam enim disciplinarum fiunt divortia, hæ omnes in Metaphysica velut in trunco rami conjunguntur: ea quippe summa rerum fastigia complectitur, estque axiomatum velut commune quoddam promptuarium, atque in ea cuiusque scientie propria axiomata resolvuntur. Exemplo sit communis illa sententia in Mathesi usurpata: *si in aequalibus aequalia addas, omnia erunt in aequalia;* eadem in Ethicis obtinet, ut de justitia distributiva diximus, quæ constare non potest, nisi imparibus imparia præstemos. Sic illud vulgatum est in Mathematicis: *quæ eadem sunt uni tertio, eadem sunt inter se;* hocque est totius artis syllogisticæ fundamentum. Infinita hujus generis asserti possunt; quæ ad scientiam aliquam generali revocantur.

Opponunt illud adeo in scholis tritum & pervulgatum, nihil esse in intellectu, quod per sensus non subierit: sed objectum Metaphysicæ nullo sensu attungi potest: ergo illud ne ab intellectu quidem percipitur.

Responderi solet dist̄ maj. nihil est in intellectu quod per sensum non subierit, aut per se, aut per aliud, C. per se, negant. Alii ita distinguunt: nihil est in intellectu intuitive, immediate & per propriam speciem perceptum, quod per sensus non subierit, concedunt; abstractive & per alienam speciem, negant. Verum magna est, neque hujus loci difficultas, an mens nulta intuitive, &

per proprias species, quæ sensus movere non possunt, non intelligat, ut rationes nunaetorum, ut cogitationes suas, prima principia, & alia hujus generis plurima. Quare tutius & facilius.

Responeri posse arbitramur, primam cujusque rei perceptionem, & primum mentis aspectum à sensu profici: sed mens à sensu excitata, infiniti prope percipit, quæ sensuum vim omnem superant. Verum ista fuisus in Logicis sunt explicata, ac de iis quoque in Physicæ prolegomenis multa dicentur.

Secunda conclusio.

Ens in universum, ut ab omni materia, vel re, vel cogitatione secretum, objectum est Metaphysicæ.

Prob. concl. hac generali ratione, qua in Logicæ & Moralis Philosophia libmine usi sumus. Illud est objectum alicuius disciplinæ proprium, ad quod omnia referuntur, quæ in ea scientia traduntur; quod nec latius, nec minus patet ea scientia; quodque eam ab omni alia disciplina distinguit. Sed ens ipsum universum acceptum, & à materia præcissum est ejusmodi. Quæ enim in Metaphysica explicantur, ad ens referuntur, vel in re, ut aiunt, ut substantia & accidentis; quæ sunt velut primæ entis species, quæque ratione saltem ab omni materia separantur; aut si re ipsa à materia secreta sunt, ut Deus, Angelii & anima separata, entis quoque species dici possunt; vel tanquam principia, aut affectiones ad ens ipsum, atque ut loqui solent, in obliquo revocantur. Nulla demum alia scientia ens sub ea ratione considerat: ergo ens ita spectatum, ut ab omni materia separatur, est proprium & adæquatum objectum Metaphysices.

Solvuntur objectiones.

Opp. 1. de multis agit Metaphysica, quæ entis rationem non habent, ut de possibili & impossibili: ergo ens in universum & reale non est objectum Metaphysicæ.

Rejp. de ente fictio & impossibili Metaphysicum disputare per accidens, quatenus illius cognitio entis veri notitiam juvare potest: ut in Logica de civationibus, & in Ethica de vitiis agitur: non autem per se & ex proprio insituto Metaphysicum agere de ente ficto, aut impossibili.

Opp. 2. Eadem scientia de genere agit & speciebus ei subjectis: ut manifestum est in Physica, quæ corpus naturale & omnes illius species prosequitur: ergo si Metaphysica ens ipsum ut proprium objectum contempletur, eadem omnes entis species sibi vindicabit: nulla adeo erit scientia præter Metaphysicæ.

R. dist. antec. Eadem scientia circa genus & species generi subjectas versatur, si eas species sub eadem ratione formaliter consideret, C. si eas sub diversa ratione contempletur, N. Unde eadem Metaphysica ens ipsum, substantiam, accidentem, Deum & Angelos considerat, quatenus à materia separantur; non item cœlum, elementa, quæque in materia sunt demersa, & ad Physicam contemplationem pertinent.

Instant. Accidens omne ad substantiam refertur: ergo sola substantia est objectum Metaphysicæ adæquatum.

R. dist. antec. Accidens refertur ad substantiam, in ratione entis, C. in ratione objecti, N. Sic omnia referuntur ad Deum; nec tamen Deus est objectum proprium & adæquatum Metaphysicæ: quanvis sit præcipuum objectum il-

lius partis Metaphysicæ , quæ Theologia naturalis dici solet.

Contra , inquires : de Deo & Angelis tractare non ad Philosophiam , sed ad Theologiam pertinet : cum Dei cognitione non humana , sed divina ratione habeatur.

Rcp. ad Theologiam naturalem pertinere Dei & Angelorum tractationem , quatenus invisibilia Dei per ea qua facta sunt , intellecta conspicuntur . Itaque hæc Dei cognitione ratione objecti divina quidem est : sed cum ex rerum creatarum contemplatione acquiri possit , ea naturalis dicitur . Quòd enim Deus sit , quòd rebus omnibus provideat ; quòd sit summe potens , bonorum remunerator , malorum vindicta , id naturali lumine cognoscimus . Hinc , ut observat Verulamius , non legimus facta à Deo fuisse miracula , ut atheus converteretur , cum naturæ lumine ad notitiam Dei perduci possit . Sed idolatriæ aut pravarum religionum cultores , qui in veri Dei cultu aberrarunt , multis à Deo editis miraculis ad legitimum ejus cultum perduerti sunt : naturali quippe ratione Dei potentiam & majestatem , revelatione autem ejus voluntatem & legitimum cultum agnoscimus .

Tertia Conclusio.

Metaphysica ut Scientia , sic Sapientia dici potest.

Hæc conclusio ex iis quæ in Logica de scientiarum divisione diximus , satis liquet . Quòd enim sit Scientia proprie dicta , & scientiarum nobilissima , hinc patet , quòd de universa ratione entis , de Deo ipso multa certò & evidenter demonstrat , quæ non ex hypothesi tantum , sed absolute sunt necessaria ; cumque altissimas rerum omnium causas , & prima principia investiget , sapientia nomen sibi vindicat . Unde & reliquæ Scientiæ ex ea pendent , & in eam ultimò resolvuntur . Ergo Metaphysica non modo Scientia , sed & Sapientia dicenda est .

Quocirca satis apte ea definitur , Scientia , aut Sapientia , quæ circa ens omne ut ab omni materia , re , vel cogitatione secretum versatur .

Opp. Sapientia quæ est Scientia exquisita , res cognoscit per causas altissimas : sed Dei ipsis nulla est causa : ergo pars illa Metaphysicæ quæ Deum contemplatur , non est Sapientia .

R. Dist. major. Sapientia cognoscit res per causas cognitionis , C. per causas rerum ipsatum , N. Cognoscimus v. gr. Deum esse æternum , quia est immutabilis : quòd immutabilitas sit ratio , non causa proprie dicta æternitatis ; sed est causa cognitionis nostræ .

Inst. Sapientia rerum omnium principia , causas & naturas inquirit : quòd non præstat Metaphysica : ergo ea non est Sapientia .

R. Dist. ant. Sapientia rerum primas & altissimas causas & essentias secundum gradus maxime universales & à materiæ secretos pervestigat , C. causas cuique rei proprias & naturas materiæ immersas , N. Itaque Metaphysica ea ratione est Sapientia , aut generalis quedam Scientia , quòd circa rationes omnium primas versetur , certas utique , & attendenti manifestas , licet difficiles iis potissimum qui sensuum præjudicia non exuere , aut quæ à sensibus sunt remota , non possumus contemplari . Res omnes quodammodo complectitur ; propter se maxime expetitur , & mentem magna voluptate complet ; omnium denique disciplinarum est apex , & domina : quas utique conditiones ad veram Sapientiam Aristoteles exigit .

Divisio Metaphysicae.

QUOD Metaphysica magnis sit difficultatibus involuta, id in causa est, quod circa res intellectuales, & ab omni sensuum cognitione remotissimas, quae tamen sunt menti cognate maxime, versetur; sed res oculis subiectae acius animum percussunt, & ad se nos vehementius trahunt. Accedit illud quoque, quod nisi res illae sublimes, & procul à conspectu politæ certa ratione & methodo proponantur, animo tenebras offundant. Itaque hoc in loco, si usquam alibi, danda est opera, ut distincte & distribute progrediamur, neque à rectâ & naturali methodo recedamus. Ea porro est methodus synthetica, seu compositionis, quæ in hoc maxime posita est, ut ab iis quæ sunt simpliciora, & magis universalia paulatim ad ea quæ sunt magis composita, à notioribus ad ignota, à paucis ad multa procedamus, & Geometricum pene ordinem prosequamur.

Quamobrem viâ & ratione Metaphysicam trademus, si ab iis quæ sunt faciliora & clare percepta, ad ea quæ sunt obscuriora gradum faciamus; si ex ideis claris & apertis conclusiones obscuras eruamus. Quod ut breviter & cum aliqua utilitate præstems, in tres partes vel tractatus hanc Philosophiæ partem distribuemus. In primo quæ ad entis ipsius naturam, principia, affectiones, & primas velut species pertinent, exequemur: adeo ut Ontologiam, seu entis scientiam, hoc tractatu complectamur. Atque haec est prima Philosophia, aut Scientia generalis, ex qua reliquæ dimanant.

Ontologiam excipiet Aetiologya, seu de causis tractatio, quæ Metaphysicam propriæ dictam complectitur: est enim Physicæ contemplationis caput. Ac meritò naturali scientiæ præmunitur, cum leges naturæ constantes & immutabiles explicet, ex quibus motus omnes profluent. Physica enim ea tantum quæ materia sunt immersa, & mobilia considerat; Metaphysica causas rerum magis à materia contagio secretas, & firmas inquirit. Illa, ut ait Fr. Baco, existentiam duntaxat rerum, motum & naturalem quandam materiæ necessitatem: haec primam rationem & ideam rei faciendæ diligentius inquirit; res concretas Physica, abstractas, & à materia sejunctora rerum formas & causas Metaphysica considerat. Ac licet Physica causas rerum fluxas, materialē imprimis & effectricem consecetur, ad Metaphysicam tamen pertinet causarum cognitione, cùm universa, tum specialis: nam primas naturæ leges, tanquam summa rerum fastigia persequitur.

Tertius denique tractatus Theologiam naturalem comprehendet, de Deo maxime, & anima rationali; per pauca enim de Angelis sunt nobis perspecta.



T R A C T A T U S P R I M U S.

D E E N T E.

Circa ens universum sumptum ea sunt nobis expendenda, quæ sunt prima principia, tum cognitionis, tum ipsius entis; deinde quæ sunt illius

affectiones : postremo quæ sint primæ illius species. Hæc non admodum difficultaria futura sunt , si modò ex ordine & certa ratione pertractentur.

DISPUTATIO PRIMA.

De principiis entis.

Entis duplē esse intellectum jam in Logica diximus : interdum enim habet vim nominis , tuncque id significat , quod aptum est ad existendum ; saepe ut participium verbi substantivi accipitur , tuncque ens dicitur , quod actu existit . Nam entis nomine , id intelligimus quod existit , aut potest existere . Hujus principia nobis sunt indaganda , ac primum quæ sint cognitionis principia videamus .

QUÆSTIO I.

Quæ sint entis principia cognitionis.

Omibus , inquit Aristoteles L. 5. Metaph. c. 1. principiū commune est , esse primum , unde aliquid aut est , aut fit , aut cognoscitur . Atque hinc tria principiorum genera distinguuntur , compositionis nimirum , ex quibus res constat , ut homo ex corpore & anima ; generationis , quæ ad rei productionem concurrunt ; & cognitionis , quæ in rei notitia nos ducunt : principia generationis hoc loco non pervestigamus , sed ea ex quibus ens cognoscitur & constat .

Ac primum licet principia cognitionis nostræ in duo genera partiri , quorum alia sunt incompleta , seu signa quedam , aut vestigia , quæ in aliarum rerum cognitionem nos ducunt , de quibus fuse in Logica actum fuit ; alia vero complexa , quæ & axiomata dici solent , seu propositiones ita notæ & claræ , ut mediocri duntaxat attentione , non probatione egeant : sive illa axiomata sint certa disciplinæ propria , cuius generis in Mathematicis premitti solent ; sive ea sint omnibus pene disciplinis communia , de quibus hoc loco potissimum agimus : ea quippe ad primam Philosophiam , seu ad Metaphysicam proprie pertinent .

Cum autem multa sint hujusmodi principia , quæ probatione non egerint , & quorum ita sumus consciæ , ut de eorum veritate serio dubitare non possimus , merito queritur quodnam ex omnibus sit primum , tum certitudine & firmitate , tum evidentiâ , tum officio : adeo ut ex eo cetera profluant , illud ex nullo . Sit itaque

Prima Conclusio.

Primum omnium principium , & in quod cetera resolvuntur , saltem inde recte , illud est per vulgatum , impossibile est idem esse & non esse .

Prob. Conclusio : illud est primum cognitionis principium , quod est omnibus apertissimum , & idem certissimum , indemonstrabile , primum , in quod cetera resolvuntur : hoc autem principium est ejusmodi : neque enim ab homine qui loquitur ut sentit , negari ullo modo , aut ullum eo prius & simpli-

cius asserti potest; in id quoque resolvuntur, quæ demonstrantur omnia; imo & qui alia negat principia, cò tandem adigitur, ut hoc absurdum, quoniam nullum est majus admittat, id m videlicet simul esse, & non esse. Sic enim adversarium premimus, ut si aliter res se haberet, v. gr. si concessis præmissis conclusio non esset vera, idem esset simul & non esset: quod utique est per-absurdum.

Confirm. Cætera quæ afferuntur, aut ab eo principio non dissident, aut non sunt prima, ut ea percurrenti planum fieri. Hæc duo sunt, v. gr. unum & idem principium, impossibile est idem esse & non esse; ac necesse est quodlibet esse, vel non esse. Nam hæc principia non re, sed verbis discrepant. Illud medium omne per participationem; hoc medium per negationem extermorum omnino excludit: illa autem media in contradictioniis sunt unum & idem: quod enim unum negat, negat & alterum. Huc etiam pertinet illud axioma, interens & non ens non datur medium: vel illud, quodlibet est, vel non est; vel de quolibet vera est affirmatio, aut negatio. Nam eodem omnia recidunt & explicantur per illud, necesse est quodlibet esse, vel non esse; aut impossible est idem esse, vel non esse.

Solvuntur objectiones:

Opp. 1. Illas propositiones esse modales: necesse est quodlibet esse vel non esse; aut impossibile est, &c. Sed propositio rbsoluta & simplex prior est modali: ergo illæ propositiones non sunt prima cognitionis principia.

R. Dif. min. Propositio absoluta prior est modali & simplicior, quatenus est propositio, *C.* quatenus est principium, *N.* Majorem enim saepe p̄fert evidentiam modalis, quam absoluta propositio.

Opp. 2. Principium illud impossibile, &c. est propositio negans, ex qua demonstrari non potest conclusio affirmans: ergo non est primum principium.

Resp. Ex propositione negante demonstrari non posse per conclusionem affirmantem directe & ostensive, ut aiunt, quod est verum demonstrationis genus, sed indirecte tantum & ducendo adversarium ad inconveniens.

Opp. 3. Illud principium impossibile est, &c. non est omnium primum, si inter esse, & non esse, seu inter contradictionia detur aliquod medium. Sed interens & illius negationem, ut inter visum & negationem visus, qualis est in lapide, datur aliquod medium per exclusionem utriusque extremi, ut cæcitas: ergo ens & negatio entis non immediate opponuntur, & inter utrumque aliquod medium interjacet.

Resp. Inter ens, & non ens absolute nullum medium intercedere, ut inter hominem, & non hominem; inter videte, & non videte: quainvis inter ens tale, & non ens cum subiecto aliquo determinato, ut inter visum, & negationem visus in lapide, aliquod medium interjaceat. Quotiescunque autem subiectum aliquod determinatum assertur, ut lapis, tum ea non est oppositio contradictionia, sed potius ad privativam reducitur: quæ duplex est, nimirum strikte dicta privatio, cum subiectum capax est formæ excipiendæ; & latius usurpata,

usurpata, cum subjectum formæ excipiendæ non est idoneum.

Faterendum tamen est ejusmodi principia, impossibile est idem esse & non esse, & alia hujus generis usum esse posse ut pertinaciam adversarii convincent, aut veritatem jam notam confirmant: sed nescio an plurimum utilia dici possint, & rerum veritati comparanda necessaria.

Quare illud fortasse in hunc finem utilius erit principium cognitionis nostræ, de quo suo loco dicemus. Illud de re aliqua vere affirmari potest, quod in ejus idea clara & distincta comprehensum cognoscitur. Hujus generis sunt æqualitas radiorum in circulo, & cuncta fere quæ in Mathematicis supponuntur, aut demonstrantur. Ac nescio an omnia pene principia & conclusiones in hoc principium tandem non resolvantur, cum directe & positive demonstrantur. Cur enim tam constanter asserimus totum esse majus sua parte, nisi quia in distincta totius idea partem ipsam, & aliquid amplius comprehensum clare intelligimus? Idque efficit ipsa terminorum perceptio, quæ omnem inductionis imperfectionem supplet. Neque enim sola inducione idoneum est & sufficiens argumentum, aut principium, cum generalis ea esse non possit.

Sed cum saepe accidat, ut nos rem clare & distincte percipere arbitremur, quam ne intelligimus quidem, meritò id queri potest, quæ sit regula adhibenda, ut falsitatem & deceptionem effugiamus. Primum itaque hoc loco inquirendum quod sit id veritatis criterium & regula.

Id enim longe omnium est utilissimum, ut quæ sit veritatis regula aut criterium paulò explicatius tradatur. Neque iis assentimur, qui nullam esse veritatis notam, nihil esse in disciplinis certi, nihil explorati putant: hos utique jam in ipso Philosophiæ limine rejecimus. Sed nondum liquet quæ sit iniugnis illa & propria percipiendi nota, qua mens verum à falso fecernat. Hanc utique in certitudine & evidenter positam esse docent Philosophi.

Certitudo, ut veritas duplex est, una objectiva, qua in nexu attributi cum subjecto consistit; eoque est major, quo nexus ille est arctior, & magis indissolubilis. Altera certitudo est formalis, vel subiectiva, qua mens judicio-stabili, firma adhäsione, & citra erroris periculum rem sic esse, vel non esse cognoscit. Jam ut judicium illud sit firmum, necesse est ut mens cognitionem suam ad aliquam regulam certam & indubitatem exigit, atque ut loquitur sanctus Thomas 1. p. q. 16. art. 2. mens ipsa judicet, *rem ita se habere, sicut est forma, quam de re apprehendit.* Sic Geometra secundum ideam circuli, quam sola mente complectitur, de omnibus circulis judicat; & artifex omnis opus suum ad artis sue præcepta exigit. Sic faber aut architectus normam operi suo adhibet, ut exploreat, an sit rectum, aut secus. Quærimus itaque quod illud sit veritatis criterium: an forte sit in sensu ipso positum, ut videatur Epicureis, ita ut illud verum sit quod inculcat Lucretius:

Primit ab sensibus esse creatam

Notitiam veri, neque sensu posse refelli.

Alii in clara & distincta rei cognitione omne veritatis criterium constituant. Quid autem hac de re sit sentiendum, una aut altera conclusione aperiemus. Sit igitur

Secunda Conclusio.

In sensibus posita est quædam evidētia, aut veritatis nota, sed non omnīs.

Probatur pars prior conclusionis contra Academicos, qui omne judicium sensuum, ut falso, aut confusum rejiciunt. 1º enim Christus Dominus ut resurrectionis suæ fidem astrarat, sensuum testimonio uititur: *Palpate, inquit, & videte, quia spiritus carnem & ossa non habet.* Idque si opus esset tum variis Scripturæ locis, tum Patrum authoritate, & unanimi omnium consensu probaretur. Nam omnis cognitio nostra, quæ inductione & experimentis acquiritur non alio fere, quam sensuum testimonio comprobatur.

Quod autem veritatis criterium in solis sensibus non sit reponendum, quæ est pars altera conclusionis, id multis argumentis evinci potest. 1º enim sensus intimas rerum essentias non pervadunt; exteriora duntaxat rerum accidentia delibant. 2º Quæ tenui inter se discrimine differunt, non possunt sensus inter noscere, & similitudo plerunque eos fallit. 3º Quæ per sensus percipimus, plerunque quām citissime fugiunt: hinc errandi occasionem præbent. 4º Cum sensus res corporeas non attingat, nisi per interiectum medium, hoc utique diversimode constituto, necesse est ut varia quoque judicia adhibeamus. Hinc sidera variis tintæ coloribus apparent, modò subruba, modò pallentia videntur, ut crassus aut purus ær nobis offunditur. Organæ etiam in quibus rerum imagines excipiuntur, non uno semper modo affectantur.

Ex quibus liquet in sensu non omnem, quam querimus, evidētiam esse positam, neque eum ut solam veritatis regulam esse adhibendum. Nam ut optime à viro pereruditio D. Cally observatum video, omnis regula sic docente Aristotele 4. Physicorum, ejusdem generis esse debet, & cognata maxime iis ad quæ adhibetur; certa quoque & æquabilis, non fallax; generalis deinde aut communis sit necesse est. Jam cognitio sensuum est corporea, neque adeo cum spirituali cognitione satis videtur habere cognationis; fallit interdum seu occasionem erroris præbet; nec denique omnia sensu percipimus, ac ne corporea quidem: cùm microscopio quotidie infinita detegamus, quæ omnem visū aciem fugiebant. Sed neque circulum, aut triangulum perfectum ullo unquam sensu perspeximus, qualem mente concipiimus.

Sed meritò hīc queri potest, quatenus sensibus sīdes sit adhibenda, & quando in iis veritatis criterium sit constituendum. Vix enim quisquam id Epicuro dabit, nullum unquam falli sensum; ac si unus sensus semel in vita mentitus sit, nulli unquam esse credendum; aut solem, qui nobis quasi bipedalis videatur, non multo esse majorem. Sed non continuo in diversum peccandum est, aut omnem debemus sensibus fidem abrogare.

Id itaque primo loco nobis statuendū videtur, primum mentis aspectum seu perceptionem rei simplicem à sensu originem suam ducere: adeo ut verum sit illud Peripateticorum effatum, nihil esse in intellectu, quod non prius fuerit in sensu. Ac plerunque distincta & clara sensuum cognitio distinctam in mente parit perceptionem: quamvis ex confusa sensuum perceptione mens

per se distinetas efficiat notiones, ut forte alio loco dicemus.

2o Nec verum, nec falsum, neque ullum omnino de rebus judicium ad sensus pertinet: nam ab objectis quædam in sensuum organa impressiones manant, cum quibus simplex, aut coloris, aut soni perceptio ab Authore naturæ coniuncta est. Hanc plerumque judicium animi consequitur, quo illam impressionem ab objecto proficiunt decernit, simul & judicat objectum esse ejusmodi, ut idea quam animus formavit, id repræsentat.

3o Hujus generis judicia non solum vera, sed & certa esse possunt: secus omnis vita ratio tolleretur. Cum enim de rebus, quæ sensu percipiuntur, sententiam ferre teneamus, nec Dei providentia, aut veracitas nos in errorem induci necessitate quadam patiatur: hoc utique ad Dei providentiam pertinet, ut certas nobis rationes suppeditet, quibus verum à falso distinguatur, & phantasmatum ludibria ab objectorum impressionibus secerni possint: præsertim ubi acti & intento animo rem ipsam inspeximus. Unde cum inter dormiendum somniamus, non eadem est evidentia, non eadem rerum connexio, quam inter vigilandum experimur; neque id æquum erat ut in dubio semper esset animus, an forte à sensibus illudetur.

4. Nee tamen hinc licet concludere, res omnes ita prorsus esse, ut videntur sensibus. Primum enim excipiendi sunt omnes organi defectus, & medii interjecti impedimenta, tum imaginationis phantasmata: ut nihil dicam de illusionibus demonum, aut Dei miraculis, quæ ad institutum nostrum non pertinent. Deinde illud imprimis videndum est, an ideæ, vel imagini, quæ hausta est à sensibus, quædam non adjiciamus, quæ ei non sunt à natura coniuncta. Sic ubi Irini cernimus, sit in sensu quædam colorum impressio, quæ ab objecto proficitur: at si objecto eos colores affingimus, tum fallimur & male judicamus. Jam itaque respondeamus, tum iis qui nullam in sensibus veritatem ponunt, tum iis etiam qui in solis sensibus regulam veritatis constituant.

Solvuntur objectiones.

QUi nullum veritatis criterium in sensibus positum volunt, multa solent opponere, quæ strictè attingemus. 1^o Sensus, inquit, plerumque nos destituunt, aut decipiunt. 2^o Multa sensus etiam non impeditos effugiant, aut corporum subtilitate, aut partium minutis, aut loci distantia, aut tarditate, vel etiam nimia celeritate motus, aut familiaritate objecti. 3. De rebus tantum per sensum judicamus, ut nostra afficiunt corpora, non ut in seipsis existunt. Hinc aëtem & subtiliora quæque corpora nihil fate esse arbitramur, quia sensus nostros non feriunt.

Resp. Ex his & aliis plurimis non aliud effici, quam id quod ultiro concedimus, non omnem mentis cognitionem oculorum aspectu, aut manuum contacteri contineri; neque in solo sensu omnem veritatis regulam esse constituerandam. Sed illud tamen firmum est & inconcussum, res saltem sensibiles & corporeas per sensum ad mentem deduci; quæque experientia & inductione cognoscimus, per sensum animo imprimi: adeo ut omnis earum rerum evidencia in testimonio sensuum posita videatur. Unde si sensus aliquis defecit, ut visus, vel auditus, nihil eorum quæ sub eum sensum veniunt, intel.

lectu percipimus. Nec fere subest alia ratio , cur retum naturalium causæ magna ex parte nos fugiant , nisi quòd sensus habeamus obtusiores , quām ut minima quæque corpora intueri valeamus. Unde & tubi optici , & microscopij usu multa quotidie antè incognita de tegimus.

Contra qui omne veritatis criterium in sensibus reponunt , multa quoque solent opponere , quæ jam magna ex parte videuntur soluta. Non enim illi sumus , qui sensus ad rerum cognitionem inutiles arbitremur , sed eos nequam sufficere meritò contendimus. Retum quidem existentiam per sensus , sed intimas eorum naturas & principia sola mente consequimur. Primus mentis aspectus vel perceptio à sensu dicitur , sed quæ sequuntur judicia & rationes omnem vim sensuum superant. Sensus denique ab Authore quidem naturæ concessi sunt , quo vita consulere , & totius compositi naturam tueri possumus , quæque prodebet aut obesse solent , dignoscere. Sed non continuo de rei alicuius natura aut veritate judicandum , quod sit nobis utilis , aut noxia. Multa denique sunt quæ perphantasmata , aut sensuum impressiones intueri non possumus : ut cogitatio ipsa , affectiones animæ , prima principia ; sed tamen vix illa percipi , nisi cum aliquo phantasmate crediderim. Nam vis imaginatrix cessare non potest , cum mens in rem aliquam intenditur ; ac nescio an quicquam intellectus moliri possit , nisi ab imaginatione lacesitus : hæc enim mentem ipsam excitat , & occasionem percipiendi aut judicandi præbet. Sic meo quidem judicio extremae opiniones circa sensuum perceptiones conciliati possunt , nec sensuum testimonia sunt rejicienda , neque illi ultra quām par est , tribuendum.

Tertia Conclusio.

Veritatis criterium in perceptionum , seu idearum evidentiâ & distinctione maxime positum est.

Probatur Conclusio. Judicium tum est firmum & certum , cum mens attributi cum subiecto cohaesionem cernit : sed illam non intuerit , nisi cum extrema propositionis clare & distincte percipit : ut si noverit , quid sit numerus ternarius , quid impar , statim judicat ternarium esse numerum imparem : ergo præcipua veritatis nota , aut criterium in ipsa perceptionum luce constituitur.

Confirm. Ipsa axiomatum vel principiorum certitudo non ab inductione sola , vel à multis experimentis sensuum testimonio roboratis , sed ab ideis claris & distinctis ducitur : atque eadem est ratio cuiuslibet propositionis , quæ in aliud principium tandem resolvitur : ergo propositionis certitudo aut evidenter non aliunde , quām à perceptionum claritate & distinctione est repetenda.

Major probatur. Axioma vel effitum dicitur , cuius veritas lucet per se menti etiam mediocriter attendenti : cuiusmodi est illud , si æqualibus æqualibus addas , omnia erunt æqualia ; aut totum est majus sua parte : non enim mens nostra id esse verum tam constanter assertit , quod ita esse variis experimentis edocta fuerit. Quod enim inductione sola colligit , hoc utique verissimum judicat : sed nondum ex omni parte ei certum est & in-

concussum : cùm multa nobis quotidie per inductionem vera & certa videantur , quæ aliis experimentis falsa esse deprehenduntur, uti suo loco ostendimus.

Quòd autem eadem sit ratio omnis criterii , quæ erat argumenti assumptio , seu minor propositio , hinc liquet , quòd omnis propositionis veritas , aut evidentia hoc generali principio nixa videatur : quod idea , aut perceptio nostra manifeste complectitur , id de re ipsa dici aut prædicari potest . Sic totum esse majus sua parte asserimus , quòd attributum in subiecti idea continetur . Simili ratione triangulum esse figuram , quaternarium esse numerum patrem , bis duo esse quatuor , certo & constanter affirmamus , quod in definitione , seu in idea trianguli figuræ ratio , ut in idea quaternarii ratio numeri paris continetur . Cumque illud statim occurrat menti mediocriter attendentis , tum axioma dicitur . At cum idea quedam , seu terminus querendus est , qui extrema connectat , tum axioma nomen non obtinet : sed per demonstrationem nexus ille cognoscitur , ut in Logica diximus . Verum utriusque evidentia ex eodem principio eruitur . Non enim de rebus aliter judicare possumus , quam secundum ideas , quæ menti nostræ insunt . Quodque in idea rei , quam clare & distincte intellegimus , continetur , id de ea re vere dici potest . Sic dicimus triangulum non esse quadratum , quia diversa est utriusque idea .

Confirm. iterum , in hoc probabile à vero & certo discrepat , quod in probabili aut in verisimili judicio rem ipsam non satis clare & distincte percipiamus : contra autem evenit , ubi certum est & constans judicium : tum enim idea , seu perceptiones quas judicium præsupponit , claræ sunt & distinctæ .

Cum autem intimæ rerum diffarentiae , seu qualitates essentiales magna ex parte nos fugiant , & rebus dissimiliinis qualitates plerumque similes convenient , ex signis persæpe quæ res antecedunt , aut comitantur , aut consequntur , de rebus ipsis judicamus , & ipsa verisimilitudine contenti sumus . Atque hejus probabilitatis varij sunt gradus , ut proprius ad ipsam certitudinis evidentiam accedunt , aut ab ea longius recedunt . Sic illud pene certum est , ex variis typis temere confusis nunquam Æneidos versum confici . Quòd autem plura sunt & fortiora veritatis indicia , hoc res ipsa est verisimilior . Unde cum veritates aliae sint primæ , ut vir chloris . D. Mariotte aptissime distinguit , sive illæ sint intellectuales , ut totum esse majus sua parte , quæ scilicet sensuum testimonio non egerint ; sive sint sensibiles , ut ignem calefacere ; aliae ex iis dubiæ . Quæ ex his colliguntur propositiones universales , eundem pene habent certitudinis & evidentiæ gradum , ac propositiones cœbris observationibus explorataæ ; ut lapidem sursum projectum recidere , dummodo alia non subsit causa contraria , quæ hunc effectum prohibeat : adeo ut non id tantum sit probabile , sed certum & inconcussum , lapidem omnem sursum projectum in terram relabi : dummodo nulla sit causa quæ huic affectui obsteret . Hæc enim proppositio universalis qualitatem quidem lapidi minime essentiali enuntiat : sed ex veritate prima & sensibili , quæ innumeris experimentis est submixta , colligitur . Sic etiam mihi certum est & evidens me non somniare , sed vigilare , cum clare video res omnes cotam positas eodem modo dispositas , ac in hi sunt ante cognitionem , nec quicquam perpetuo causarum & effectuum naturalium

ordini contrarium appetet: ita ut dubitare non possim quin loquar, aut scribam, & res que subjiciuntur oculis, non existant.

Sed ubi in propositione universalí, quæ veritate quidem sensibili innititur, & in qua qualitas minime essentialis de re affirmatur, non satis liquet an prorsus suniles sint causæ & circumstantiæ; aut subjecta sint æque disposita, tum ut optime observat vir laudatus iu Logicæ tentamine nuper edito, propositió est tantummodo verisimilis, non certa penitus & inconcussa. Sic sèpe videmus ignem aqua affusa extingui: ita ut satis verisimile sit id semper contingere, dummodo satis aquæ iniciatur: nisi contrarium interdum experientia demonstreret, ut cum camphora, aut quid aliud simile incenditur. Sic Antlia, vulgo *une pompe*, aquam subjectam attollit, dummodo aqua non sit ultra 32 pedes alta.

Idea vero alicujus rei aliquando est clara, sed non distincta, ut doloris sensus elatus est, non distinctus: tuncque clara est rei perceptio, cum sola attentione innotescit: sed distincta est, cum eam ex omni parte cognoscimus, nec quicquam obscuri habet illa cognitionis. Quæ per sensus cognoscimus, magna ex parte clara sunt: nam animum validius ferunt, atque eum ut attendat impellunt; ut cum urimur, sensus ille clarus est; sed tamen ea cognitione magnam sèpe obscuritatem involvit: ut si calorem igni similem ei quem percipimus, tribuamus. Hinc enim magna oritur in ideis ambiguitas, aut confusio.

Obscuritas quoque judiciis nostris accidit, cum rem ex omni parte non consideramus, sed ex una tantum, aut ex altera facie eam intuemur: ergo tum certum est & firmum judicium, cum idea nostræ, aut perceptiones claræ sunt & distinctæ; cum rem ex omni parte comprehendimus, adeo ut mens assensum suum cohibere non possit.

Quarta Conclusio.

Illa propositio, *ego cogito: ergo sum*, primum principium cognitionis nostræ esse non potest.

Prob. concl. Primum cognitionis principium est ejusmodi, ut nullum eo sit prius, & cætera omnia quæ certo cognoscuntur, necessaria quadam connexione ex eoducantur: sed utrumque deest huic principio. Primum enim, si cogito, rem aliquam cogito: ergo jam aliquid noveram; imo & me ipsum noveram, cum dicebam, ego cogito; & me esse ignorare non poteram, cum agere aut cogitare non possum, nisi habeam esse: cumque id dico, ego cogito, idem est ac si dicerem, ego sum cogitans: ergo jam presuppono me esse. Cum denique sic concludo, ego cogito, ergo sum, idem probare video per idem, & nihil aliud infero, quam id quod presuppositum à me fuit, nimis me esse rem cogitantem. Accedit etiam quod illa propositio, *ego cogito*, est cognitione reflexa, quæ directam aliquam presupponit.

Jam cætera quæ novimus, ex illo principio non pendent, neque ex eo necessario profluant: non enim necesse est ut cogitem me esse, ut certum mihi sit duo & duo esse quarum: & quamvis noverim me esse, non continuo quid ego sum, statim cognoscam Quid ergo an illud tam magnum erat, nosse me esse, aut cogitare, ut tanto apparatu ad hoc primum cognitionis principium

stabilendum opus esset? Quis enim id ignorabat? Quid illa cognitio addit certitudini, quam ex tot rebus hauseram? Neque hac de re quisquam move re controvertiam poterat, nec probatione opus fuit, ut me esse qui cogitarem, qui scriberem, qui agerem, palam fieret. Quamobrem ut mihi quidem videtur, hoc Cartesii principium, nec primum est, nec rerum cognitioni acquirendae necessarium.

Sed, *inquit* Cartesius, illud est primum principium, de quo is certus est, qui vel cætera omnia esse falsa supponeret: atqui hæc propositio est ejusmodi. Nam ut in eo sim statu, ut omnia quæ video, & quæcumque memini, esse falsa fingam animo; sive forte somniem, sive à maligno quodam genio decipiatur; tamen illud animadverto saltem me esse, qui cogito. Etsi enim falleret, falli tamen non possem, nisi essem, qui falleret. Quare ut punctum petebat Archimedes quod esset firmum & immobile, ut integrum terram loco dimoveret: sic magna, *inquit*, speranda sunt, si vel minimum quid invenero, quod certum sit & inconclusum.

Resp. Parum aut nihil ad veritatis indagationem conferre hoc principium, ex quo certitudo que in disciplinis cernitur, nulla connexione ducitur; ac frustra rationem conquiro, qua probem me existere, de quo dubitate non possum, & quod nemo sit iniciaturus. Nec video quid utilitatis habeat illa suppositio, seu animi fictio, omnia esse falsa; forsitan me dormire, dum cœlum & terram intueor; forte me decipi, cum intelligo duo & duo esse quatuor, triangulum ex tribus lineis constare, & alia innumera.

Sed omnia, *inquit*, sunt exuenta præjudicia, ut aliiquid veri inveniamus: immo utile est omnia tanquam falsa supponere, donec aliquid tandem appareat, quod falso esse non possit.

Resp. Esto, *inquam*, exuantur præjudicia que nos à veritate abducunt: sed cavendum est ne in majus præjudicium velut præcipites ruamus, dum quæ certa sunt, ut falsa supponimus, & ignorantiae tenebras affectamus. Non enim, ut scite Gallendus scribens in Cartesium, mens fieri capacior veræ perceptio nis, si ad falsitatem deflectat. Exuenta quidem sunt præjudicia, non vera & certa, aut ex quibus omnis nostra cognitio ducitur, sed que dubia sunt aut falsa: ut pravi humores, non laudabiles sunt ejiciendi: sic inanes & incertæ opiniones, non sana iudicia sunt extirpanda; lolium è mentis agro, non frumentum est evellendum. Neque id fieri potest ut mentem iis præjudiciis que nobis certa sunt, exuamus: atque illud minime utile esset, aut fructuosum. An forte Geometra ab animo impetrabit, quadratum ex 4. lateribus, & totidem angulis rectis non constare; aut solem non esse terra majorem?

At sepe fallunt sensus & sensuum præjudicia: quare tutius est iis nunquam confidere: turris quadrata eminus vix mihi videtur rotunda.

Resp. Non omni cibo esse abstinentium, quod interdum noceat. Cum igitur turris eminus videtur, & rotunda apparet, cohibere possumus assentim. At si etiam cornu rotunda videatur, jam nullus erit suspensioni locus. Baculus partim in aëre, partim in aqua visus, idem fractus videtur: sed cum eductus fuerit ex aqua, rectus apparebit, tumque nullus erit deceptioni locus.

Sed *inflat* Cartesius, interdum in somnis eadem mihi videre videor, quæ cum vigilo; eadem agere, vel scribere, vel loqui.

R e s p o n s i o facilis est : licet enim inter somniandum discernere non possim an somniem : cum tamen vigilo , certus sum me vigilare . Ac præjudicia dormientium sola evigilatione & retum evidentia discutiuntur ; nec necesse est ad dormientium insomnia confugere , ut vigilantium præjudicia tollamus . Cumque omnia præjudicia pro falsis habemus , non tam veteta eximus , quam nova induimus , & falsa veris substituimus ; titubantes non continemur , sed in præcipitum quasi iectu impacto dejicimur .

Reliqua cognitionis principia , cum sese dabit occasio , exponemus : nunc de principiis rei , seu entis dicendum : quæ cum sint physica , aut metaphysica , de his solum nobis agendum est , quæ ad intrinsecam entis compositionem pertinent : licet forte sola cogitatione , non re ipsa inter se distinguantur . Ea sunt potissimum actus & potentia ; essentia & existentia ; principium individuationis , subsistentia : de actu & potentia primo loco agendum , tum de reliquis ex ordine tractandum .

Q U A E S T I O N E II.

De actu & potentia.

Actus & potentia sunt prima entis principia , ex quibus id componitur . Actum dicimus rei perfectionem ; potentia autem nomine id intelligimus , quo aliquid est agendi , aut patiendi capax : est enim duplex potentia , una ad agendum , ad recipiendum altera . Verum quo facilius intelligantur quæ deinceps de actu & potentia dicturi sumus , quædam sunt ante prænotanda .

1. Actus vel est purus , cum videlicet ab omni potentia est liber , qualis est solus Deus ; vel est impurus , cum admittatur est potentia . Sic potentia vel est physica , quæ scilicet ab actu re ipsa distingui solet ; vel metaphysica , quæ cogitatione tantum , non re , ab actu se Jungitur . Genus est potentia metaphysica , ac ratione tantum à differentia discrepat .

2. Actus etiam est primus aut secundus : ille est potentia activa ad agendum expedita ; hic est ipsa operatio . Qui visu prædictus est , videt in actu primo , nondum in actu secundo , nisi apertis oculis aspiciat .

3. Potentia , ut diximus , cum sit activa vel passiva , hæc iterum vel est obiectiva , tumque nihil est nisi capacitas existendi , seu non repugnantia , aut possibilis ; vel est receptiva , seu capacitas aliquem actum excipiendi ; sive is sit physicus , ut forma est actus materiæ ; sive sit metaphysicus , ut existentia , vel subsistentia .

4. Utraque potentia tum activa , tum passiva , duplex vulgo statuitur , naturalis una , quæ est vis à natura insita , quæque ad effectum vel actu sibi attemperatum extenditur ; obedientialis altera , qua res creata sic Deo subjicitur , ut effectus natura sua sublimiores attingat . Sic in natura intellectuali est potentia , ut vocant , obedientialis , ut gratiam & virtutes infusas excipiatis ; sic mens beata lumine gloria perfusa Deum clare intuetur ; natura humana in Christo Domino per potentiam obedientialem ad unionem hypostaticam evenhitur . Sic denique aqua baptismi & alia sacramenta gratiam conferunt : atque in omni re creata est essentialis quædam subjectio summo omnium Principi &

Domino .

Domino , qua excipere potest , aut efficere , quod naturæ vires superat . Quod si enim ea est vis caloris naturalis ut alimenta in carnem convertat , an dubitamus quin res creata effectus non modo se nobiliores , sed etiam naturæ virtibus superiores Deo ita volente possit attingere ?

Ac de potentia obedientiali hæc sufficere poterant , si ita visum esset recentioribus intra Philosophiæ fines se continere : sed multas quæ ad Theologiam pertinent , hoc loco controversias movent : quid sit ea potentia ; quo modo à te ipsa distinguatur , quid ei addatur , dum in actum erumpit ; quousque ea possit extendi , & alias iis consumiles , quas ut omnino prætermittere non possumus , sic diutius quam par sit , in iis ignorari non debemus . Sit itaque

Unica conclusio .

Potentia obedientialis non re , sed cogitatione tantum à naturali potentia distinguitur .

Prob. concl. 1. Potentia obedientialis creature nihil est nisi essentialis illius dependentia à Creatore , in ordine ad effectus supernaturales : nam illa subjectione intellecta simul potentia obedientialis intelligitur : sed ea dependens aut subjectione cum sit essentialis rei create , non est entitas quedam , que ei superveniat , quæque ab ea sit distincta : ergo potentia obedientialis non est quid realiter distinctum à potentia naturali .

Confirm. Si ea potentia obedientialis esset entitas quædam à re ipsa separata , cum ea vel foret naturalis , vel supernaturalis : non prius : neque enim par esset effectui supernaturali procreando , & alia subinde obedientiali potentia egeret , quo effectum viribus suis superiorēm procrearet : sed neque posteriorius dici potest : nam idem urgebit argumentum , & rē ipsa entitatem illam supernaturalem accipere non poterit , nisi per potentiam obedientiam , sive que res abibit in infinitum .

Opp. Quod est supernaturale , non sola cogitatione , sed etiam re ipsa distinguitur ab eo , quod est tantum naturale : sed potentia obedientialis est quid supernaturale : ergo ea distinguitur à potentia naturali .

R. dist. major. Quod est supernaturale quoad entitatem , non ratione solum , sed re ipsa ab eo quod est naturale sejungitur , C. quod est supernaturale tantum ratione alicujus extrinseci , seu ut loquuntur , connotative , N. Potentia vero quæ dicitur obedientialis , non est entitas alterius ordinis quam sit naturalis potentia , sed connotat , aut respicit effectus supernaturales , & complectatur per aliquid extrinsecum , & supernaturale . Nam quæ passiva est potentia obedientialis , non indiget re aliqua intrinseca , & ordinis supernaturalis , ut perficiatur , ne res abeat in infinitum , uti jam diximus : sed ei concusso tantum supernaturali opus est . Cum scilicet cœnula prima parata est ad formam , quæ vires naturæ excedit , in subiecto aliquo procreandam , ut gratiam sanctificantem in anima . Quamvis potentia activa plerumque per aliquid intrinsecum compleri soleat , ut modo magis co[n]naturali operetur . Unde mens beata lumine glorie perfunditur , quo Deum intuitive contempletur . Itaque potentia obedientialis receptiva nullo indiget complemento , ut aiunt , intrinseco , ut formam natura sua superiorēm excipiat : sed potentia activa per formam supernaturalem disponitur & completur .

Jam illud molestius inquirunt, quousque potentia obedientialis extendatur. Sunt enim qui ita eam exaggerant, ut in quolibet potentiam obedientiale ad quodlibet efficiendum, aut recipiendum esse existiment: adeo ut, si iis credimus, & musca hominem procreate queat, & lapis intelligere. Alii eam potentiam obedientiale ad eos tantum effectus extendi, qui ejusmodi causas quodammodo exigunt: adeo ut quoddam in ipsis creaturis quæ ad effectus se nobiliores evehuntur, fundamentum esse oporteat. Sic intellectus humanus ad Deum videndum per potentiam obedientialem evehitur, quod objectum illius sit omne intelligibile, & abstractiva saltem cognitione infinitum vi sua naturali attingat: unde superno lumine adjutus & rotatus ipsum infinitum etiam intuitive potest percipere.

Id utique fatemur, nos invitox ad hujusmodi quæstiones, quæ circa res possibiles moventur, accedere: cum de iis nihil fere certi liquere possit. Ac si quid liqueret, non id est tanti, ut rerum quæ sunt, non finguntur, contemplatione neglecta, quid fieri possit, anxie inquitendum putaremus: sed mori utcumque serviendum.

Illud quoque principii instar præmuniendum arbitramur, quod ubi quæstio vertitur an res aliqua sit possibilis: qui negat eam fieri posse, idem quid obstat, quod minus ea fieri possit, seu repugnantiam, aut contradictionem tenetur ostendere. Secus licebit unicuique quod libitum fuerit, asserere, aut negare. Unde si quis dixerit impossibilem esse hominem justum, id probare debet, ne cuivis impune mentiri liceat. Repugnantia vero in eo posita est, ut duo contradictionia simul conjungantur, ex hypothesi quod res aliqua existat.

Quò autem ad rem ipsam veniamus, id satis prudenter nonnulli advertunt, ut potentia obedientialis aliquid efficiat, aut excipiat, necessarium videri, ut aliqua sit proportio inter potentiam & effectum ipsum, qui est producendus. Nam si nulla sit proportio, res creata nihil ager, nihil molietur, & ea præsente Deus solus effectum procreabit.

Q U Ä S T I O III.

De potentia objectiva.

Potentia objectiva dicitur, qua res potest esse objectum alicujus facultatis. Hæc utique est duplex: nam vel respondet activa potentia, eaque sollet Logica appellari, ab aliis entitativa nominatur; estque mera alicujus rei possibilitas: vel facultati cognoscendi, seu intellectui objici potest, eaque est proprie objectiva, quæ scilicet res cognosci aut representari potest. Utramque hoc loco breviter attingemus.

Ac primum id queritur, in quo formalis rei alicujus possibilitas posita sit, an ab ipsis causæ fecunditate ducatur; adeo ut res sit possibilis quia Deus eam potest efficere; an potius Deus eam possit producere, quia non repugnat; an ex utroque capite sit repetenda. Sit igitur

Prima Conclusio.

Possibilitas rei absoluta & primaria ex eo est repetenda, quod non repugnet; secundaria & respectiva ab omnipotentia Dei repetitur.

Probatur prima pars concl. Illud dicitur possibile, ut docet Aristoteles, quo posito in actu nullum sequitur absurdum, seu impossibile: ergo rei possibilitas ex ipsa non repugnantia dicitur.

Confirm. Res dicitur impossibilis, quia fieri non potest, cum scilicet attributum subiecto repugnat; non quod eam Deus non possit efficere: ergo res est possibile, quia termini, seu ideae ipsa, aut conceptus inter se non pugnant. Nam ubi affirmatio est causa affirmationis, negatio est idem causa negationis: unde si impossibilitas absoluta oritur ex repugnantia, possibilitas ex non repugnantia ducenda est.

Confirm. iterum. Si possibilitas absoluta creaturae ex omnipotentia Dei esset repetenda, eadem omnipotentia explicari non posset, nisi per circulum, ut docet S. Thomas. Nam si dixerimus Deum esse omnipotentem, quia facere potest omnia ad quamcunq[ue] eius omnipotentia extenditur: hoc utique e[st] recidet, Deum esse omnipotentem, quia potest omnia facere, quam potest: quod proprium est e[st] redire unde sumus profecti, & in circulum revolv[er]. Ac licet Deus longe pauciora possit efficere, tamen illius virtus sic explicata nihilo minus dicitur omnipotens. Itaque longe facilior omnipotentiae Dei explicatio futura est, si dixerimus Deum esse omnipotentem, quod efficere possit quidquid non repugnat. Cum enim inquirimus an aliquid fieri possit, non Dei omnipotentiam expendimus, sed utrum res ipsa, de qua queritur, contradictionem involvat. Hinc querenti Mariæ Virgini, quomodo fieri posset, ut virgo cum esset filium conciperet & pareret, respondit Angelus, quia impossibile non erit apud Deum omne verbum. Id enim quod concipitur animo, quodque verbum mentis appellamus, non est impossibile. Nulla quippe rei impossibilis distincta idea haberi potest: cum repugnantes ideas, seu, ut loquuntur, terminos involvat.

Pars altera conclusionis est manifesta. Nam creatura eo nomine dicitur possibilis, quia creari a D[omi]no potest: ergo possibilitas illius, ut est creatura, a fecunditate suae causæ repetitur. Est enim respectiva, & extrinseca: cum prior possibilitas sit absoluta & intrinseca: licet eadem sit negativa, quod videlicet non repugnet. Sed ut est creatura possibilis, ea ratione connotat parentiam agentis: id enim essentialiter respicit, à quo potest existere. Quare possibilitas rei ex duplice fonte oritur, ex non repugnantia, & ex ea potentia infinita, à qua creari potest id quod dicimus possibile. His bene intellectis, non erit difficile quae contra opponuntur dissolvere.

Op[er]o. Quod res sit possibile, id habet à Deo: ergo res idcirco est possibile, quia fieri a Deo potest, non vicissim.

R. Diff. ant. Possibilitas rei pendet à Deo, respectiva, C. absoluta, N. Nam res ut creatura concipitur, pendet à Deo: sed in ratione entis possibile non pendet à Deo, nisi quatenus è potentia in actu exire potest. Actus autem rei possibile est existentia, quam a Deo solo potest accipere.

Inst. Vel esse possibile pendet à Deo , vel vicissim : sed hoc dici non potest , potentiam Dei activam à re possibile pendere : ergo restat ut ens sit possibile , quod fieri à Deo possit.

Resp. Inter potentiam Dei , & rei possibilitatem esse dependentiam connexionis , qualis est inter relata , quæque non est mutua dependentia , ut causa ad effectum.

Contra , *inquiunt* , illa potentia entitativa est aliqua perfectio , eaque realis : ergo à Deo est repetenda , & res ideo erit possibilis , quia fieri à Deo potest , non contra.

Resp. Diff. ant. Est perfectio negativa , nempe non repugnantia , *C.* perfectio positiva & actualis , *N.* Hac enim ab uno Deo proficiuntur.

Nunc in quo potentia objectiva posita sit , verbo dicam. Potentiam objectivam hoc loco appellamus rationem objectivam , qua scilicet res attingi ab intellectu potest. Hinc sit ut nulla ratio , vel idea , aut conceptus pateat latius quam ratio objectiva , qua scilicet aliquid dicitur intelligibile : non enim solum ens omne , sed etiam non ens potest intelligi : adeo ut intelligibile sit attributum enti , & non enti commune.

Q U Ä S T I O I V .

De essentia & existentia.

AC de ente possibili satis multa , nunc de eo quod actu est , quodque ex essentia , & existentia conflatum concipitur , dicendum videtur. Essentiae nomine id solet intelligi quod primum in re concipitur : hinc ratio , aut forma , qua res est , nominatur : ut humanitas est hominis essentia , seu forma metaphysica ; aut quidditas , quod quid res sit , aperiat : natura itidem dicitur , quod sit fons , & principium operationum.

Illiis vero actus est existentia , qua ponitur extra nihil. Unde & actus entitativus vocatur , quod sit actus entis ut ens est , seu id quo res est actu.

Existentia vero spectari potest vel in communi , & secundum se , quod vocant in actu signato , vel quatenus est existentia talis hominis aut lapidis , seu in actu exercito.

Quæstio in hoc vertitur , utrum existentia Petri v. g. vel in actu exercito ab illius essentia , aut re , aut virtute saltem sit distincta. Sit igitur

Vnica Conclusio.

Inter essentiam & existentiam non est realis , sed virtualis distinctio.

Prob. pars conclusionis prior contra Thomistas. Omnis distinctio realis , vel est inter duas res , vel inter rem , & modum ; illa dicitur major , hec minor. Sed neutra est distinctio inter essentiam , & existentiam. Non realis major , quæ est inter ea quæ separatim possunt existere. Non minor , seu modalis : hec enim ita est inter rem & modum , ut res possit esse circa modum , non vicissim : sic corpus esse , & concipi potest circa talē figuram , non figura sine corpore. Sed essentia non potest esse actu circa existentiam :

nam esse actu , est existere : ergo si essentia esset citra suum modum , seu existentiam , existeret , & non existeret.

Confirm. Essentia quæ actu esse concipitur , & separata ab existentia , vel est producta , tumque ea existit ; vel est improducta ; sed nihil est actu improductum præter unum Deum : ergo essentia concipi non potest esse actu citra existentiam.

Confirm. iterum : qui asserit duas res inter se distingui , illud tenetur ratione aliqua demonstrare . Nam quod nescimus , id asserere non debemus : atque hoc velut principio tot distinctiones ad libidinem fieri , quæ omnem Philosophiæ splendorem obducunt , facile dissolvi possunt : sed nulla satis idonea ratione evinci potest distinctio realis inter essentiam , & existentiam : cum potius contrarium manifeste appareat . Non enim res per aliquid à se distinctum extra nihil , vel extra suas causas sistitur ; neque existentia .cum essentia . ut quid alienum conjungitur . Cum itaque essentia nihil sit antequam existat , ipsa existentia cum eo quod non entis habet rationem , reipla conjungi non potest .

Prob. pars altera conclusionis , virtualē esse distinctionem inter essentiam , & existentiam : tum quia sunt diversa utriusque prædicata , diversi adeo conceptus ; tum quia existentia concipitur accidere essentiæ , ut rationale animali . Unde in ordine ad humanas scientias illa distinctio reali æquivalet , quatenus per diversas ideas concipiuntur .

Solvuntur objectiones.

Opp. 1. Nulla creatura est suum esse , ac nullius rei essentia est sua existentia ; id enim uni Deo convenit , qui per se & necessario existit . Unde hoc nomen ut sibi proprium & incommunicabile sibi vindicat : *Ego sum qui sum : & qui est misit me ad vos.* Ergo in rebus creatis essentia , & existentia inter se realiter distinguuntur .

Resp. dist. maj. Nulla res creata est suum esse formaliter : adeo ut de illius idea , aut conceptu sit quod existat , C. id enim uni Deo proprium est : nullius rei creatæ essentia est sua existentia identice , N. Non enim res existit per existentiam à se distinctam , ut ostendimus .

Lysian. Essentia rei est necessaria , existentia vero est contingens : sed quod est necessarium distinguitur ab eo quod est contingens : ergo essentia est quid distinctum ab existentia .

Resp. dist. major. Essentia rei est quid necessarium in statu abstractionis , ut loquuntur , seu in statu objectivo , C. qui quidem status nihil confert ad realē distinctionem ; in statu actuali , essentia est quid necessarium ; rursum Dist. ex hypothesi , C. absolute , N. Nam quæ de re fiunt propositiones , sunt necessarie tantum ex hypothesi quod res existat : res autem eadem potest absolute esse contingens , & ex hypothesi necessaria .

Opp. 2. Actus & potentia inter se distinguuntur realiter : sed essentia habet rationem potentiarum , existentia vero habet rationem actus : ergo inter essentiam , & existentiam est realis distinctio .

Resp. dist. maj. Actus , & potentia in Physicis plerumque realiter distinguuntur , C. in Metaphysicis , N. Ratio est quod potentia physica sit res quedam

actu existens , quæ separari potest à suo actu , ut materia à forma , paries ab albedine : non item le res habet in rebus metaphysicis , quas mens nostra distinguit , ut distinctam rerum habeat cognitionem , ut in genere , & differentia planum est . Diximus in Physicis actum & potentiam plerumque inter se realiter distinguiri : neque enim adeo certum est corpus , v. g. à figura realiter distinguiri : cum tamen corpus omne sit in potentia ad multas figuratas , quas potest excipere : verum id aliás .

Contra , inquit , si essentia & existentia rei creatæ non distinguntur , nihil est quod existentiam creature limitare & definire possit : nam sola potentia actum limitat , & vicissim actus potentiam . Sic materia esset infinita potentia , nisi eam forma terminaret , & forma ex se esset infinita , nisi eam materia certis finibus coerceret .

Resp. Essentiam rei cuiusque esse finitam & determinatam , tum intrinsece & per seipsum , quod certos habeat & definitos perfectionis gradus ; tum extrinsece per suas causas . Itaque nihil necesse est existentiam ab essentia sejungere , ut una alteram determinet .

Opp. 3. Eadem est essentia cum est possibilis , & cum actu existit ; sed cum est possibilis , distinguitur ab existentia quam nondum habet . Ergo ubi actu existit , ab existentia quoque distinguitur .

R. diff. maj. Eadem est essentia negative , C. quod non sit diversa ; positive , N. est enim possibilis , quatenus potest existere , sed nondum est quid reale .

Inst. Essentia quandiu est possibilis , est indifferens , ut actu existat , aut non existat : ergo distinguitur ab actuali existentia .

Resp. diff. ant. Essentia possibilis est indifferens indifferentia negativa , quæ scilicet fundatur in essentia , quæ nondum est ens reale , C. indifferentia positiva , N .

Opp. qui contendunt existentiam ne virtualiter quidem distingui ab essentiâ , quod hæc concipi non possit citra existentiam .

Resp. Essentiam concipi non posse sine existentia quam connotat , C. quam includit in suo conceptu , vel idea , N. uti alibi diximus de relatione respectu termini : nam relatio concipi nequit sine termino , uti nec facultas sine obiecto quod connotat : quanquam nec terminus sit de essentia relationis , nec obiectum includatur in ipsa facultatis essentia .

Q U A E S T I O V .

Vtrum essentia rerum sint ab eterno .

Nunc alia quæstio nobis adeunda est , utrum essentia rerum sint ab eterno quid positivum . Quæ quidem ut facilius dijudicari possit , Notandum est vocem illam , esse , tribus potissimum modis accipi . 1º pro existentia : quæ quidem acceptio est usitatissima : tum enim rem dicimus esse , cum existit . 2º esse , pro rei essentia solet usurpari : sic ex Aristotele definitio explicat esse rei , id est , essentiam rei , quam alii quidditatem vocant . 3º esse accipitur pro connexione attributi cum subiecto : cum scilicet alii

quid affirmamus : ut cum dicimus terram esse rotundam ; bis duo esse quatuor.
His positis ,

Certum est 1º rerum essentias , aut naturas non existere ab æterno ; 1º quia Deus solus ab æterno existit. 2. Naturæ universales non existunt , nisi in singularibus : sed nullum singulare existit ab æterno , ut suo loco demonstrabimus , idque in præsenti tanquam fide certum , & omnium consensu firmatum supponimus. Ergo essentia rerum non existunt ab æterno.

Certum est 2º essentias rerum non esse ab æterno quid positivum , aut reale : cum nihil sit ab æterno reale , aut positivum præter unum Deum. Præterea , si essentiae sunt quid reale ab æterno , vel sunt productæ vel non : si prius dixeris , ergo non sunt æternæ. Quod enim productum & creatum fuit , idem in tempore coepit esse. Si essentiae rerum sunt improductæ , aut increatae , nihil erunt aliud quam Deus ipse.

Itaque naturæ universales sunt tantum æternæ negative , quod nulli sint temporis addictæ. Cumque concipiimus naturam humanam secundum se , ab omni eam tempore abstrahimus , & cogitatione separamus : neque enim tempus ad ullius rei naturam vel essentiam pertinet.

3º Illud quoque nobis certum videtur propositiones necessarias , in quibus prædicata , vel attributi essentialia affirmantur , esse ab æterno veras. Primo enim haec propositiones sunt perpetuae & æternæ veritatis , bis duo esse quatuor , circulum esse rotundum , hominem esse animal rationale , & alia infinita , in quibus scientia versantur.

Deinde in propositione affirmante veritas in hoc consistit , ut attributum cohæreat , aut potius idem sit cum subiecto. Atqui ab æterno est necessaria connexio , & identitas inter hominem & animal rationale ; neque unum concipi potest sine altero , homo nimirum sine animali. Ergo ab æterno verum est hominem esse animal rationale.

Non eadem est ratio propositionum contingentium , in quibus quod prædicitur , est accidentarium , aut adventitium : ut cum dicimus , Homo est Geometra , aut Philosophus : tum enim attributi cum subiecto societas & cohæsio pendas ex tempore , nec secundum se est æterna , nisi forte ex voluntate Dei : ut cum dicimus , Antichristus erit. Id enim verum est ab æterno , non ratione sui , sed quia Deus ita voluit. Verum illa propositio , bis quinque sunt decem , est ex sua natura , non solum ex Dei voluntate , ab æterno vera.

Solvuntur objectiones.

Oppon. 1º Deus ab æterno cognoscit rerum essentias : ergo sunt quid reale & positivum ab æterno. Nam habent saltem esse cognitum , vel objectivum : quod quiddam est reale & positivum , non merum nihil.

Resp. Dist. conseq. Essentiae rerum sunt quiddam reale in Deo , C. extra Deum , N. Sunt enim quid reale in ideis divinis ; illudque esse cognitum nihil est aliud quam denominatio externa , quæ nihil positivum confert rei cognitæ.

Opp. 2º Propositio ab æterno est vera , cum ab æterno est identitas quædam , & essentialis cohæsio inter subiectum & attributum , ut inter hominem & animal rationale. Sed illa identitas , vel connexio , vel ordo esse aut concipi non potest , nisi sint extrema ipsius propositionis , quæ cohærent inter se : non enim est ordo , aut relatio inter extrema , quæ nihil sunt. Ergo essentiae rerum sunt ab æterno quid reale & positivum.

Resp. Diff. Min. Non potest esse identitas, aut ordo, vel relatio inter ea quæ nihil sunt; relatio, inquam positiva, atque, ut loquuntur, in actu exercito; *C.* Relatio objectiva tantum, negativa & in actu signata, *N.* hoc est, extrema, quæ non sunt actu & positive, inter se non referuntur, sed habent possunt relationem quandam, tum negativam, tum objectivam, quatenus unum concipi non poterit sine altero. Nulla enim fuit unquam, neque erit inter ea diversitas; neque aliter vel intellectus divinus, vel alius, si quis fuisset ab æterno, ea potuisset concipere, nisi ut inter se indivulsa connexa. Una de ab æterno verum fuit, bis tria esse sex, hominem esse animal rationale.

Q U Ä S T I O V I .

D e principiō individuationis.

Inter principia entis quæ id intrinsece constituant, vulgo recensentur genus, & differentia: ea quippe ad certam speciem ens determinant. Quæ autem dicitur differentia numerica, individuum ab alio ejusdem speciei discriminat.

Cum plura inter se comparata, nulla insigni differentia inter se discrepant, tunc numero differunt. Sed hoc loco queritur, quid officiat ut Petrus sit à Paulo numero distinctus; an materia, aut forma, aut utraque; an congeries multorum accidentium? Atque hæc fere sunt principia physica distinctionis numerica. Nominales rem unamquamque per se, & essentialiter singularem esse pertendunt. Thomistæ distinctionem specificam à forma, numericam à materia ducendam volunt. Cum autem materia una sit, & omnibus rebus communis, hinc utique non solam, sed certa quantitate, ut aiunt, signatam, ac velut sigillatam prius ipsum individuationis c. instituant. Alii ad principium metaphysicum configunt, sive sit gradus quidam specifico superveniens, qui hæc etiam solerit nominari; sive ut aliis placet, sit substantia, sive rei existentia: adeo ut difficile sit omnes hac de re, quæ tanti non est, sententias referre, aut refellere: haec tamen faciē possunt conciliari. Sit itaque

Prima Conclusio.

Nullum est principium physicum individuationis.

Prob. Concl. Primum enim, forma seorsum sumpta non est principium individuationis, ut fatentur omnes: non enim Petrus, & Paulus inter se numero distinguuntur, quia uterque anima rationali donatur. Forma quidem ut materia concurrit ad constituendum individuum; sed ea non est ratio distinctionis numerica: est enim ex se indifferens, ut in hac vel illa materia recipiatur.

Non dissimili ratione materia seorsum sumpta constituit quidem individuum, ut principium materiale, uti & causæ reliquæ: sed ea non efficit formaliter individuum, ut est individuum; cum ea non sit determinata ad unam formam potius quam ad alteram, & eadem materia plures formas excipiat successive solo numero distinctas. Ergo materia sola non est formale principium individui.

Quod

Quod autem Thomistæ contendunt, non materiam solam, quæ potentia est vaga & indeterminata, sed tali quantitate signatam esse principium physicum individuationis, hoc, inquam, difficultatem auget, non tollit. Quid enim sibi velint per illam sigillationem quantitatis, non satis intelligimus. An quod materia jam sit quantitate sua instruta, priusquam individuum constitutum? Quod si ita sit, individuum erit quoddam ens per accidens, ex substantia nimirum & quantitate conflatum.

Verum subtiliores Thomistæ per illam quantitatis sigillationem, materiam solam intelligent, quatenus certæ quantitati destinatur, eamque non formaliter, sed radicaliter continent.

Sed contra: materia prius formam substantialem, quam ipsam quantitatem excipit: ergo ea potius erit individuationis principium, ut forma sua sigillatur, quam ut certa quantitate signetur.

Ex iis liquet rem non facti individuum per congeriem quorumdam accidentium: prius enim res concipiuntur individua, quam accidentibus suis ornata. 2. Cum quedam ex iis accidentibus pereant, non idcirco res singularis mutatur. 3. ut accidentia citta substantiam in Eucharistia conservantur, sic & substantia citra accidentia esse, & concipi potest: & tamen tum erit singularis & individua. Ergo res non fit singularis per accidentium congeriem, tametsi ea accidentia rem singularem manifestant faciunt.

Secunda Conclusio.

NON est aliud individuationis principium, quam rei existentia.

Prob. concl. 1. Nullum est principium Physicum individuationis, ut ostendimus: non enim materia, aut forma, aut collectio accidentium rem efficiunt singularem; & ea sunt principia individuationis tantum incompleta: ergo principium individui, quocunque illud sit, metaphysicum, non physicum futurum est. Sed nullum affectu potest praeter existentiam: tum quia ejusdem speciei individua penes essentiam proprie non differunt, sed penes existentiam; tum quia omnis gradus numericus praeter existentiam est inutilis: cum existentia id præstare possit quod gradus ille efficeret. Ergo existentia est principium formale individuationis, seu distinctionis numericae.

Confirm. Existentia est singularium, & efficit rem singularem: quod enim dat esse, simul & tale esse, & singulare tribuit: neque enim res universalis, sed hic, & nunc existit; ac sola deinde existentia essentiam ex se vagam & indiferentem omnino determinat.

Prob. 2. concl. Tuum efficitur natura universalis, cum secundum se spectatur, & abstrahitur ab existentia singularium: ergo signum est naturam non effici singularem nisi per existentiam: sublatâ enim existentiâ, jam natura concipiatur universalis.

Diluuntur objectiones.

Quæ in contrarium objiciuntur, facilius solventur, si adverterimus triplex esse individuationis principium, 1^{um} est effectivum: sic causa effectrix rem efficit singularem. 2^{um} est manifestativum, quatenus nos ducit in cognitionem

rei singularis. Quo quidem modo collectio accidentium principium individuationis dici potest. *3^{um}* est principium formale, quod scilicet speciem ex se in differentem determinat: id verò non aliud esse, quam existentiam pertendimus: tametsi materiam uti & alias causas concurrere ad rei unitatem numericanam fatemur: sed negamus materiam solam individuum formaliter, quatenus individuum est, constituere. Cum itaque

Opp. 1. ex Aristotele, rem habere à materia quod sit una, aut multiplex numero; quodque expers est materiae, multiplex numero esse non posse. Imo addit S. Thomas Angelos specie inter se différre, quod ab omni materia sunt immunes: cum distinctio essentialis & specifica à forma, ut materialis & numerica à materia repetatur: ergo materia est principium unitatis, & distinctionis numericae: non quidem sola, quia ex se est ad multas formas indifferens, sed certa quantitate signata. Nam principium omnis divisionis, aut distinctionis numericae est quantitas, cùm ea sit essentialiter divisibilis.

Repf. distinctionem rerum naturalium fieri per materiam: adeo ut citra materiam nulla sit divisio numerica, in rebus corporeis, *C.* ita ut materia sola sit principium distinctionis numericae, *N.* Id vero jam explicatum à nobis fuit, & ostensum materiam esse principium individuationis materiale, non formale; constituere individuum, sed non solam.

Quod autem ex Philosopho afferunt illud multiplex numero esse non posse, quod est omnis expers materiae. Responderi solet distinguendo hanc propositionem, quod est expers omnis materiae aut Physicæ, aut Metaphysicæ, quodque est actus purissimus concedunt: quod est expers omnis materiae physicæ, negant: unde Angeli numero distinguuntur: quidquid Thomistæ in contrarium afferant. Quidni enim Deus efficere possit duos Angelos omnino inter se similes, & solo numero differentes? uti & animæ rationales, non specie, sed numero inter se discrepant: quin & Deus unus est numero, quamvis omnis sit expers materiae. Quare illud negari potest unitatem numericam nullam esse in rebus, quæ materiae sunt expertes.

Opp. 2. existentiam supponere rem singularem: cùm essentia prius sit perfecta in ratione essentiae, quam existere concipiatur: ergo, inquit, existentia non est formale principium individuationis.

R. Neg. ant. Res enim non est singularis nisi quatenus est determinata, & una: quod autem existit, unum est, singulare, & determinatum: est enim hoc, & nihil aliud, neque ullum universale existit. Quare existentia rem efficit singularem & determinatam, nec quicquam aliud singi potest quod eam efficit individuam.

Contra, *inquit*: Antichristus jam concipitur, ut individuum, aut res singularis: sed nondum concipitur existere: ergo existentia non constituit formaliter individuum. Res enim concipi non potest citra principium sui constitutivum.

Repf. Antichristum eodem modo concipi singularem, quo existere concipiatur: est enim jam singularis, quatenus potest existere.

Instant. Existentia non est de rei alicuius essentia, hoc enim uni Deo convenit: ergo Antichristus concipi potest singularis sine existentia.

R. Diff. ant. Existentia non est de essentia rei secundum se spectata, & ad naturam rei specificam que est tota rei essentia, non pertinet, *C.* non est de

essentia rei singularis, *N.* Non enim sit individua, aut determinata, nisi per existentiam; nec producitur hic, & nunc, nisi quatenus existentiam accipit: sublatâ existerâ, nulla erit ultius determinatio, aut unitas numerica. Sic rotunditas non est de ratione ullius corporis, uti nec albedo est de ratione parietis: sed corpus rotundum, aut paries albus concipi non potest, cœtra rotunditatem, aut albedinem. Non dissimili ratione non est de essentia hominis quod existat: sed hic homo esse non potest nisi per existentiam propriam, qua sublata, nulla est inter individua ejusdem speciei differentia.

Opp. 3. Ejusdem formæ non sunt diversi effectus formales: sed existentiae, & principii individuationis sunt diversi effectus formales: nam existentia dat esse, seu existere, individuationem effectum singulararem, iisque sunt diversi effectus: ergo existentia non est principium formale individuationis.

R. diff. maj. Ejusdem formæ non sunt diversi effectus formales, non sibi mutuo subordinati, *C.* sibi mutuo subordinati, *N.* Nam existentia dat esse, & tale esse, ex quo sequitur ut res sit hæc numero non alia: ut albedo parietem efficit album, unde sequitur similitudo cum alio pariete.

QUÆSTIO VII.

De subsistentia.

Nunc major nos manet & magis controversa quæstio de subsistentia, quid ea sit, & quomodo ab essentia vel substantia distinguatur. Subsistentiae autem nomine id intelligi solet quo substantia terminatur & complectur: quo videlicet in se natura sit, nec ulterius progreditur, estque instar figuræ quæ corpus terminat & circumscritbit. Suppositum dicitur natura, vel substantia quæ subsistit.

Persona sic definitur à Boëtio, *rationalis naturæ individua substantia*. Nam res omnis quæ rationis est expers, suppositum vel hypostasis, non persona nominatur, cum personæ nomen ad dignitatem pertineat. *Hominis*, inquit Boëtius, *dicimus esse personam, dicimus Dei, dicimus Angeli non arboris non equi*.

Additur hæc vox, *individua*, idque intelligendum logice, quod persona de aliis non prædicetur. Hinc Boëtius, *nusquam*, inquit, *in universalibus persona dici potest, sed in singularibus tantum & individuis: animalis enim, vel generalis hominis nulla persona est, sed vel Ciceronis, vel Platonis; tum etiam physice, quatenus totum quiddam est*. Hinc manus, vel pes suppositi, aut personæ rationem non habet: cum separatur, jam sit suppositum: est enim persona, aut suppositum integrum agendi principium, eique actio tribuatur.

Cum autem duo summa Christianæ religionis mysteria S. Trinitatis & Incarnationis non intellectu subtilitate explicari non possint, hoc loco pro more extra Philosophiam paululum est excurrendum: quæ sit subsistentia ratio, & quomodo à substantia vel natura distinguatur, ex iis quæ fides Catholica tradit, roris est exponendum, sic tamen ut liquere possit rectam philosophandi rationem sacræ & inconcusse fidei decretis famulari, non adversari.

Quo autem quæ dicturi sumus, melius intelligentur, perpanca ex iis quæ vir excellenti doctrina & pietate Ludovicus Thomassinus l. 3 de Verbi Dei Incarnatione copiose & erudite exposuit, decerppta nobis videntur: ex iis

enim magna quæstiones tum Philosophicæ, tum etiam Theologicæ solvi & facile explicari possunt.

Ac primum illud constat, personæ vocem vix apud Græcos & Latinos Padres ante Sabellii hæresim usurpatam fuisse. Nam *Ecclesia Christi*, ut docet Facundus l. 1. *Ante Sabellium tres creditit & prædicavit, Patrem, Filium, & Spiritum-Sanctum*: personarum autem nomen non nisi cum Sabellius impugnaret Ecclesiam, necessario in usum predicationis assumpit: ut qui semper tres crediti sunt & vocati, Pater, Filius, & Spiritus-Sanctus, uno quoque simul & communi personarum nomine vocarentur: deinde etiam subsistentia dictæ sunt: quoniam Ecclesia placuit ad significandam Trinitatem, & hoc nomen distinctioni personali tribuere. Cum enim Græcorum hypostasi non omni ex parte congrueret vox Latina, *substantia*, post Augustini ætatem excogitatum est vocabulum *subsistentia*, quod ipsi hypostasi conveniret.

In hoc vero maxime naturam à persona diviserunt, quid naturæ vox quid commune; persona autem singulare quoddam & individuum significet. *Quæ est ratio communis ad proprium, eandem quoque habet & ea ad inos*, ait S. Basilus Epist. 349. Atque ut ipse explicat Epist. 43. in rebus creatis natura speciem communem, hypostasis naturam individuum designat.

Ex quibus id efficitur, naturam ab hypostasi non re quidem, sed cogitatione, atque ut loquuntur, virtualiter distingui. Profani quidem Scriptores naturam ab hypostasi nec re, nec ratione secreverunt: Unde nunquam iis in mentem venit, plures naturas in una hypostasi, vel plures hypostases in una natura posse conciliari. Ecclesiastici vero Doctores unam ab altera non re, sed cogitatione secernunt. Atque ut alios omissam, Maximus Martyr in dial. 1. de Trin. inter opera S. Athanasii, *Aliud est hypostasis, aliud deitas, non ut alia & alia res; sed quod hypostasis aliud, aliud deitas significet. Nam hypostasis declarat & circa id est, esse; deitas vero non circa id est, quiddam esse. Ut sunt Petri, Pauli, & Timothei tres hypostases, ac una humanitas.* Quocirca ex Maximo naturam ab hypostasi non differt nisi modo significandi, & cogitatione. Huic omnino succinit præter ceteros Richardus Victorinus l. 4. de Trin. c. 6. & 7. *Nomine substantie non tam quis, quam quid significatur: è converso autem nomine persona, non tam quid quam quis designatur.* Verum ad institutum ordinem redeamus. Sitque

Prima Conclusio.

Subsistentia à natura ratione saltem, & virtualiter distinguitur.

Prob. concl. In Christo Domino est natura humana, eaque est perfecta: sed in eo non est humana subsistentia: ergo subsistentia est quid distinctum saltem virtualiter à natura.

Confirm. Non aliunde oratione sunt variae circa mysterium Incarnationis hæreses; quam quod hæretici nullum inter personam & naturam discrimen adhibuerint: hoc enim principio nitebantur. Persona & natura humana nullo modo distinguuntur. Sed, inquietabat Nestorius, sunt in Christo due naturæ: ergo in eo sunt duæ personæ. Contea asseverat Eutyches, in Christo una est persona, cum unus sit Christus, unum & integrum agendi principium: ergo in Christo est una natura. Fides autem Catholica, quæ semper medium inter errores extremos viam insu-

Sit, contra Nestorium unam esse in Christo personam & duas naturas adversus Eutychetem decrevit.

Non dissimili ratione haeretici in mysterium Trinitatis offenderunt, quod non nullam, ne virtualem quidem inter personas divinas & natum distinctio- nem agnoscere. Sic enim concludebat Sabellius, persona nullo modo distinguitur à natura: sed in Deo est una natura, ergo & una persona. Sed inquietab Arius, in Deo sunt tres personæ: ergo tres naturæ. Fides autem Catholica non rationum subtilitate, sed Scripturarum & traditionis autoritate subnixa, docet in Deo unam esse naturam, tres personas. Duo quoque genera attributorum in Deo agnoscit, essentialia nimirum, ut sapientiam & eternitatem quæ ad naturam pertinent, & tribus personis sunt communia; alia quæ notionalia dicuntur, quibus una persona ab alia distinguitur, quæque unicuique personæ propria sunt: ut generare in Patre, & nasci in Filio, & ratione horum attributorum unaquaque persona est integrum agendi principium, aut suppositum. Ista omittere non potuimus, cum magnam lucem iis quæ postea dicemus, sint allatura.

Nunc vero id queritur, utrum in rebus creatis ratio ipsa personæ, aut suppositi sit quid rei, seu quid positivum naturæ superveniens, & ab ea distinctum: quod ut melius intelligatur, quæ nobis videntur certa, ab incertis sunt separanda.

Certum est 1^o id non esse de fide substantiam esse quid positivum naturæ superadditum: id enim nusquam fuit definitum, ac contrarium magna pars Theologorum & Philosophorum defendit. Scotus substantiam nihil esse putat praeter negationem tum actualis, tum aptitudinalis dependentie ab alio, tanquam à supposito. Neque ab ea sententia multum alienus videtur S. Thomas 3. p. qu. 2. a. 2. *Non quodlibet, inquit, individuum in genere substantie, etiam in rationali natura habet rationem personæ, sed solum illud quod per se existit: non autem illud quod existit in alio perfectiori: unde manus Socratis quamvis sit quoddam individuum, non tamen est persona, quia non per se existit, sed in quodam perfectiori, scilicet in suo toro.* Et q. 4. art. 2. *Dicendum quod naturæ assumpta non deest propria personalitas, propter defectum alicujus, quod ad perfectionem nature humana pertineat; sed propter additionem alicujus quod est supra humanam naturam, quod est unio ad personam divinam.*

Certum est 2^o rationem personæ, & negativa, & positiva dictione exprimi sole- re: quemadmodum in figura exprimenda interdum voce affirmante utimur; ut cum dicimus eam esse corporis terminum & complementum: corpus sua figura circumscribi; aut negante etiam, cum negamus corpus extra suam figuram extendi. Sic per substantiam negamus rem esse in alio ut in perfectiori, aut esse juris alieni: id vero assertimus personam per substantiam in se sistere, esse sui juris, esse integrum agendi principium. Sic Patres Concilii Francofordiensis in Epist. ad Episcopos Hispaniarum, *In Deo homine, inquit, gemina substantia est, non gemina persona. Nam persona personam consumere potest non substantia substantiam: quia persona res juris est, substantia res naturæ.* Unde licet in Christo sint dux res, que maxime inter se differunt, humana scili-

cet & divina natura, unica tamen est persona divina: quia natura humana in alio perfectioni existit, & proinde non sui, sed alieni juris est. Unum quoque est integrum agendi principium: sic corpus & anima in homine unum suppositum, unam efficiunt personam: neutra enim pars est sui juris. His explicatis sit

Secunda Conclusio..

Ratio personæ, vel subsistentia nihil rei, seu nihil positivi & distincti addit ipsi naturæ.

Prob. concl. Qui asserit aliquid esse positivum, id argumento itidem positivo probare tenetur; cunque id probari non possit, aut ratione, aut experientiâ, imo neque ex mysterio Incarnationis colligi subsistentiam esse quid positivum à natura distinctum, palam est nihil nos cogere ut subsistentiam quid aliud esse præter negationem, quæcunque illa sit, concipiamus: cum entia sine necessitate multiplicari non debeant. Præsertim cum nulla mentis agitatione concipi queat, quâ fieri possit ut natura Socratis ab omni alio separata, & nulli rei conjuncta vel unita, non sit persona.

Confirm. 1. Verbum divinum sic naturam humanam assumpsit, ut quidquid est in homine perfectionis assumperit. Nam ut ait Apost. Hebr. 4. *Fatulus est nobis per omnia similis absque peccato.* Atqui si ratio personæ esset quid positivum, Apostolus hanc perfectionem exceperit, cum peccatum ipsum excipiat: ergo ratio personæ humanæ quam Christus non assumpsit, non est quid positivum.

Confirm. 2. Cum natura inferior sua exiuit aut suppositi, aut personæ ratione, non existentia sibi propria, non modo substantiali, non re aliqua spoliatur, sed jure seorsum, & per se subsistendi. Sic animæ sentienti, si renanteat in homine, nihil decedit accessu animæ rationalis, sed non constituit amplius suppositum: Id enim ab eo quod in unaquaque re præcellit, omnino repetitur. Hinc Aug. Serm. 8. de verbis Apost. de Christo loquens, *Nihil minus habebat in natura, sed nihil habebat in culpa. Natura pura, sed non sola humana; ibi erat Deus, ibi erat Verbum Dei: & scilicet tu unus homo anima es & caro; sic & ille unus Christus, Deus & homo.* Cur igitur hic solum demittur peccatum, si res aliqua, si existentia demenda? Assumpta est à Verbo natura singularis & individua, cuius plusquam dimidium est existentia. *O id dimidias cum mendacio Christum?* totus veritas fuit. Tert. de carne Christi. Itaque persona humana ideo Christo deest, et si nihil homini deest: quia natura tota est, sed non sola.

Nihil igitur minus habet quam cæteri homines Christus homo, sed plusquam cæteri homines, personalem scilicet deitatis copulam. Personam non habet humanam, quia natura ejus rationalis non sola, nec seorsum & per se existit; non summum tenet in composito locum; sed accedit superiori, in ius ius & potestatem transit; nulla igitur re cæter, non deest illi aliquid, sed abundat. Corpus si per se & solitarie subsisteret, nec accederet animæ, id utique esset suppositum: ubi accedit animæ corpus, huic nihil deperit: & tamen jam non est suppositum, sed transit in jus animæ. Cum igitur plures naturæ in unum

coalescunt, inferior fit accessio superioris, & in illius jus transcribitur. Natura non consumit naturam, sed persona personam. Nam jus & authoritas inferioris consumitur ab autoritate naturae superioris. Jus vero illud non est quid extraneum aut morale, sed intimum & physicum, quod oritur ab intima infusione & permeatione naturae superioris in naturam inferiorem; ut fuse explicat P. Thomassinus loco citato. Persona enim est natura ipsa, ut seipsum habens, regensque, ut suo se jure agens, ut nulli alteri addicta, & seorsum per se consistens. Quae omnia nihil novi entis, sed jus physicum & potestatem in se substantialem important.

Tertia Conclusio.

Subsistentia effectus est terminare, aut completere naturam.

Prob. concl. Quemadmodum enim figura efficit ut ulterius extensio non predicitur, ita per substantiam natura in se sistit, & ulterius non extenditur. Quare non aliud deest naturae humanae in Christo, quam quod in se non sifstat: sed terminetur ad Verbum. Humanitati enim Christi deest tantum propria terminatio, aut complementum, ut loquuntur. Ergo substantia in illa potissimum terminatione, aut complemento naturae consistit. Hinc voce illa, *subsistere*, non aliud intelligitur quam consistere, aut ulterius non tendere. Cum enim natura propriis finibus coeretur, tum in se subsistit: si alienis finibus contineatur, tum subsistit per alienam substantiam. Sic gutta aquae separata in se subsistit, & est sui juris, aut suppositum quoddam: Sed cum alia aqua conjuncta, jam non censemur sui juris: nec propria substantia, sed aliena terminatur. Sic anima in homine ut in toto existit.

Conf. Non aliunde nobis innotescit substantiae à natura vel substantia qualisunque distinctione, quam ex mysteriis S. Trinitatis & Incarnationis. Ergo si ea commode explicari per illam terminationem possint, circa additionem aliquis rei aut modi, aut circa distinctionem positivam inter substantiam & substantiam, illa distinctione est omnino inutilis: id autem fieri posse ex dictis facile colligitur. Nam in sanctissima Trinitate natura divina non distinguitur à tribus personis. In mysterio quoque Incarnationis facile intelligimus naturam humanam non per propriam, sed per Verbi personalitatem subsistere: cum ea non sit ultimo completa, nec principium sit totale, & integrum suarum actionum, & cum altero perfectiori sit unita, aut conjuncta: ut corpus cum anima, aut aqua gutta cum oceano. Nec SS. Patres ut mysterium Incarnationis explicent, in modo aliquem, vel entitatem naturae humanae deesse tradunt, sed unionis tantum hypotheticæ meminerunt, ac subinde docent minus lumen majori cedere, ex quo totus splendor divinitatis se infudit lucerne humanitatis: & assumptum hominem in Verbi persona subsistere, non in propria. Hinc Symbolum quod S. Athanasius tribuitur: *Sicut anima, inquit, rationalis, & caro unus est homo; ita Deus, & homo unus est Christus*: sed nulla entitas deest corpori ut uniatur cum anima: ergo nec deest humanitati Christi ut cum Verbo divino conjugatur.

Conf. iterum. Explicari vix possunt quae ad entitatem illam modalem pertinent, quomodo illa in genere accidentium non censemur, cum naturae ad-

hæreat; ac potiore jure modus ille à substantiæ sustentatur , quam natura vi illius modi subsistat : sic effectus formalis hujus entitatis afferri nullo modo possest , ut fatentur qui hunc modum acrius defendunt. Constat , inquit Arriaga , effectum formalem subsistentiam nobis proorsus esse incognitum. Sed intellectu arduum non est subsistentia sic fere terminari naturam , ut figura quantitatem: atque ut figura quantitati nihil addit præter negationem ulterioris extensionis accidentalis , ita subsistentia terminatae substantiae addit tantummodo negationem ultiotis extensionis substantialis : adeo ut substantia sic terminata sit principium integrum & singulare suorum operationum : atque ut novæ quantitatis additione , aut detraktione sit nova figura , sic natura humana ex coniunctione cum Verbo propriam subsistentiam amississet , si habuisset.

Neque tamen SS. PP. id tantum muneris Verbo divino tribuunt, ut terminet , & compleat naturam , aut quod due naturæ in Christo sint tantum conterminæ , sed intimam ut ita dicam , permeationem , infusionem , imo & permissionem agnoscunt , que tamen sit inconfusa , ut fuse demonstrat P. Thomassinus. Hinc Tertul. in Apologetico. *Nascitur homo Deo mixtus*, & Aug. Ep. 3. Sic autem quidam reddi sibi rationem flagitant , quonodo Deus homini permixtus sit , ut una fieret persona Christi , cum hoc semel fieri oportuerit: quasi ipsi rationem reddant de re qua quotidie fit , quonodo misceatur anima corpori , ut homo sit. Ita in unitate personæ Deus unitur homini ut Christus sit. In illa ergo persona mixtura est animæ & corporis ; in hac persona mixtura est Dei & hominis. Si tamen recedat auctor à confundine corporum quæ solent duo liquores ita commisceri , ut neuter servet integratæ suam. Quāquam in ipsis corporibus aëri lux in corrupta misceatur.

Hoc enim peculiare jus est rerum incorporearum , ut inconfuse & inseparabiliter misceantur. Hæc intelligibilium natura est , ait Nazianzenus Orat. 41. Ut incorporeo atque indivisibili modo , & inter se & cum corporibus misceantur. Diversitas itaque est , sed citra divisionem ; permixtio est , sed citra confusionem. Nec verbum igitur in carnem , nec in verbum caro mutata est , sed umerumque in uno manet , & unus in utroque est , non diversitato divisus , non permixtione confusus. S. Leo Epist. II.

Ei quidem ubi res agebatur cum Nestorio , naturæ ab hypostasi vix ullum discrimen affecti solebat , quod ad unitatem personæ ea discretio nihil conferret. Hinc Cyrillus hypostases in Christo coaluisse identidem docet : quia humanitati ejus nihil deest , non gradus substantiae aliquis , sed quia accedit hypostasi verbi , in ejus dominium physica insitio transit : unde post coalitionem una utiusque naturæ est hypostasis : nam altera alteri mancipatur.

Sed ubi Eutychetis hæresis emerit , tum ea vocabula commixtionis , & compositionis nonnulli infamiae continxerunt , quod Eutychianæ confusione patrocinentur. Cum tuenda erat unitas personæ , earum vocum usus fuit tutissimus : sed quando afferenda fuit naturarum in Christo discretio , tum iis omnino fuit temperandum , ne præberetur occasio calumniandi. Sed fides non tam vocibus constat , quam sententiis. Hinc Leo Byzantinus l. contra Nestorium & Eutychem. Non de vocibus , inquit , nobis est disceptatio . sed de ipsis rebus . & harum unione nempe divinitatis , & humanitatis in Christo & naturali cohaesion . quam Patres secundum substantiam factam esse senserunt , vos autem Nestoriani , secundum habitudinem , & voluntatem eam introducitis , & ista

TRACTATUS PRIMUS.

461

*E*s iſta unione anthropolatriam per vim munitis, quo quid magis potest esse impium? Hæretici quippe varias ex Partibus loquendi formulas contadabant, ut suo exterius atrocinarentur; quibus aptissime respondet Leontius, fidei nostræ summam non in vocibus, sed in sententia veritate positam esse: vocum adeo incuriam facile iis indulgeri, qui ab ipsa veritate non deflectunt. Quin etiam id saepe contingit ut inter Catholicos pugna sit, cum alterum alterius latet intentio, ut ait Facundus l. 6. qui id probat exemplo dissensionis, quæ in concilio Ephesino inter Cyrrillum Alexandrinum & Episcopos Orientis exarxit, cum utrique orthodoxe sentirent. *Contingit autem nonnunquam inter unius sententiae viros, ut cum de rebus ipsis quæ in questione sunt, idem sapiunt, de se tamen aliud suspicentur, cum vel à dicente minus aperitur verbis, quod corde conceptum est, vel ab audientibus minus inspicitur dicens intentio.* Sed fortassis nimium excurrimus, ad institutum itaque redeundum, & qua afferuntur contra hanc sententiam, quæ explicati cū facilis, & patribus confona, sunt diluenda.

Solvuntur objectiones.

Multa objici solent ex intima Theologia repetita, quæ ut facilius dissolvantur, nonnulla sunt ante observanda, & quædam ex iis quæ diximus, in memoriam redigenda.

Subsistentiam non aliud physice à natura distinctum suo intellectu comprehendere præter ejusdem naturæ terminationem & complementum: terminus autem ille non est quid rei, aut positivum naturæ superadditum: cum rei terminatae non aliud addat terminus, quam hoc solum quod ulterius non prograditur. Itaque suppositum in recto naturam includit, quæ ulterius non progreditur, & negatio ipsa in obliquo, ut aiunt, intelligitur, fere ut de unitate, & aliis affectionibus entis dicemus, quæ nihil addunt enti præter negationes. Hinc negationes Scotti eodem prorsus recidunt, personam esse quæ non accedit alteri, non inest perfectiori, non juri alterius assertur, non est pars, & velut membrum alterius: *Quæ omnia possunt, & magis commode verbis affirmantibus describi, ut jam expositum à nobis fuit.*

*O*pp. 1. Verbum divinum ex sanctis Patribus assumptum naturam humanam, & consumptum personam: ergo ratio personæ est quid rei naturæ superveniens, non pura negatio: non enim pura negatio consumi potest.

R. difl. ant. Consumptum personam improprie loquendo, quatenus efficit natura humana in seipso sisteret, aut esset principium totale suarum operationum, C. proprie loquendo consumptum, adeo ut entitatem aliquam, & rem positivam, quæ naturæ humanae succresceret, omnino destruxerit, N. Hinc gutta aquæ oceano infusa jam non subsistit in se, sed in oceano, nec tamen quid positivum amittit. Sic humanitas in Christo, non detractione aliqua, verum eo ipso quod separatum & per se non existat, sed in persona Verbi subsistat, propriam amilit subsistentiam. Accessit enim humanitas personæ divinae, ut aliquid ejus; adeo ut jam non sit sui juris, non sua sed Dei propria, ut corpus sit animæ, non mortali, aut extrinseca, sed physica & substantiali vindicatione, nec necesse sit, ait vir doctiss. totam follicitare Philosophiam, ut existentiam ab essentia secernamus, fidei inconcussa dogmata nutanti subjici-

cere fundamento; nusquam enim Patres mentionem faciunt existentiae humanitati Christi ademptæ, & divinitus à Verbo surrogatæ.

Instans. Si subsistentia nihil est nisi negatio, non minus Verbum amisit propriam subsistentiam, quam humanitas suam. Nam si natura humana hoc ipso definit esse persona, quod cum Verbo uniatur, nec sit amplius principium integrum suarum actionum: eadem ratione Verbum persona dici non poterit, ubi humanitati conjunctionem fuit: cum idem non sit principium integrum & totale operationum Christi.

R. neg. consq. & patitatem, ob rationem quæ jam à nobis allata fuit: quod videlicet Verbum post unionem sit principium totale, & singulare attributorum notionalium humanitas vero non sit principium integrum actionum humanarum: nam actiones sunt suppositorum. Itaque natura humana per unionem hypostaticam perficitur, non item Verbum divinum, quod ex illa conjunctione cum humana natura nullam perfectionem consequitur: habet enim ex se ultimam perfectionem substantialem, in se subsistit, & sui juris est, non item humanitas in Christo. Hinc pulchre Aug. serm. 33. de Temp. Non formam Dei perdens, sed servi formam accipiens, & per hanc in similitudinem hominum factus, nec propria substantia, sed habitu inventus ut homo. Hoc enim totum quod sumus, vel in anima, vel in corpore, nostra natura est, illius habitus: nos nisi hoc essemus, non essemus; ille si hoc non esset, esset utique Deus. Nam etsi humanitas substantia sibi sit, alteri tamen accidens est instar habitus. Hinc Maximus Martyr apud Euthymium in Panoplia tit. 7. Quemadmodum lana purpureo colore tincta, non est bicolor, sed unius duntaxat coloris: sic in assumpta natura, deificata a homini mente non sunt duo hypostases, principalia Deus & mens, sed unum, videlicet deificans mentem Deus. Vincit enim semper natura melior inferiorum, & sua hypostasi substernit, qua illam efficit sui juris.

Opp. 2. Illud abhorret ab omni ratione, aut Verbum supplere duntaxat negationem, cum supplet naturæ humanæ subsistentiam; aut Concilia adversus Nestorium & Eutychem coacta fuisse, quod ille duas in Christo personas, hic unam duntaxat naturam agnosceret, si persona sola negatione à natura diff. rit, atque omne quod tam diu Ecclesiam conmovit, de sola negatione certamen fuit: ac denum si natura humana eo præcise sua personalitate excidat, quod conjuncta sit cum aliquo perfectiori, nihil erat facilius quam demonstrare contra Nestorium naturam humanam in Christo personam non fuisse: quandoquidem fatebatur eam cum Verbo esse conjunctam.

Ref. his & aliis quæ afferri possunt, naturam humanam in Christo rationem personæ amittere, quod non in se, sed in Verbo subsistat; quod non sit sui juris, sed alieni; quod denique accessione novæ substantiæ, non detractione alicujus rei compleatur. Unde ex illa conjunctione cum Verbo plures naturæ humanæ accedunt prærogativa, quæ sola negatione non continentur. Hinc enim sit ut homo sit Deus, & Deus sit homo. Nec mirum si tani acris fuit hereticorum contentio, cum Nestorius unionem hypostaticam accidentalem duntaxat per inhabitationem Verbi, aut unitatem effectus aut per operationem, quod homo in Christo esset Verbi instrumentum, non substantialem; & hypostaticam affereret. Ecclesia autem Catholica sic natutam humanam

in Christo cum divina in unitate personæ conjunctam esse decrevit, ut utramque maneret inconfusa, & idem esset Deus, & homo. Quare in hoc maxime sita erat Nestorii hæcesis, quod negaret veram unionem, & physicam inter natu-ram humanam, & Verbum; quodque naturam humanam assumptam esse sui juris pertenderet: sic duas personas in Christo admittebat, & unionem hypo-staticam negabat esse substantialem, & physicam.

Inst. Natura humana in Christo vel aliquid amisit, vel nihil; si nihil, ergo ut ante unionem hypostaticam personæ nomen & rationem habuisset, ita & unione peracta. Quod si aliquid rei amisit: ergo personæ ratio est quid positivum naturæ superveniens, & ab ea distinctum.

Resp. naturam humanam nihil rei amisit, sed additione novæ substantiae, quæ antea fuisset sui juris, & completa, jam unum fuit cum Verbo, & to-tale agendi principium, & ad sublime fastigium, quo majus nullum concipi potest, evencta fuit.

Contra, *inqüies*, natura humana in Christo est sui juris, cum sit libertima; est item individua, & singularis: ergo nihil ei deest quominus persona dici queat. Quid enim ei abesse potest, cum substantia non sit quid reale à natura distinctum?

Resp. naturam humanam in Christo esse sui juris, & liberrimam, partis, ut ita dicam, nomine, C. in ratione totius, N. Non enim, ut sèpe diximus, ea est totale, & singulare agendi principium. Est item singularis, & individua logice, cum de multis non prædicetur: sed non est individua physice, cum in alio perfectiori existat, nec sola operetur. Nec demum ei quidquam deest quominus subsistat, nisi substantialis quedam extensio: ut de gutta aquæ di-ximus, ubi cum oceano confunditur.

Alii dicunt subsistentiam humanam quoad entitatem non distinguere à natura: tametsi connotative, & formaliter ea non remaneat in Christo: ut in gutta aquæ oceano affusa manet entitative illius totalitas, non formaliter, cum non habeat amplius rationem totius. Sic persona significat naturam integrum, & separatam à nobiliore. Quare in Christo non remanet persona humana. Ele-menta v. g. quæ per se subsistunt, in mixto, ut in lapide unum quoddam con-stituant; in animali vero partem tantum illius, nempe corpus efficiunt, quod rationem non habet suppositi. Sic in homine corporis & animæ conjunctio per-sonam solet constituere, non item in Christo; quod tertia adsit substantia, cui corpus, & anima substantiali modo conjungitur. Sic accessione novæ substan-tie fit novum suppositum, vel hypostasis, ut multis in locis explicat S. Thomas:

Instant. Inter duo entia completa nulla potest esse unio substantialis: sed na-tura humana tam est quid completum, quam homo, si subsistencia nihil sit nisi negatio: ergo inter Verbum, & naturam humanam non est unio substantialis.

Resp. naturam humanam in Christo esse completam in ratione nature, non in ratione suppositi, nisi quatenus cum Verbo conjuncta est: tum enim principium est totale & singulare actionum humanarum, in quo ratio per-sonæ constituitur.

Illud sapienter observat Thomassinus hoc ipsum ab iis qui detractione ex-i-stantia aut realis entitatis personam eradi putant, objici argumentum, quo-

olim utebantur Apollinaristæ, qui unam in Christo ex carne & Verbo coætuisse naturam commenti sunt: Quod nimirum ex duobus perfectis, & completis non emergat unum perfectum & completum. Cumque huic argumento responsu[m] fuit a Patribus, non id allatum est, naturæ assumptæ quipiam deesse, aut à Verbo suppleti saltem metaphysicum: sed illud statuerunt ex duobus perfectis, saltem in rebus spiritualibus unum quoddam perfectum exurgere. Utroque natura in homine perfecta est. Perfectum enim idem est ac totum. Binarius in suo genete perfectus est, additione tamen accrescit, & in aliud totum evexitur. Homo cum Deo comparatus, imperfectus est. Hinc S. Bonaventura in 3. dist. 5. ar. 2. q. 2. *Natura assumpta in Christo eo ipso est nobilior, quod in nobiliore persona stabilitur, quia non in persona creata, sed in persona increata: unde ordinatio ad dignius quamvis auferat rationem suppositi, tamen non auferit dignitatis proprietatem. Melius est enim subesse superiori, quam praecesse alicui inferiori, & perfectior est anima cum possidetur a Deo, quam cum possidet res creatas.*

Opp. ult. De una, & eadem re contradictoria affirmari non possunt; sed dicimus Verbum divinum assumpsisse naturam humanam, non assumpsisse personam: ergo natura humana, & persona non sunt una & eadem res.

R. Dist. min. Verbum divinum assumpsit naturam humanam jam ad aliud pertinentem, seu alieni juris, *C.* completam, & solitariam ac sui juris, *N.* Quod utique jam abunde est explicatum.

Accedit igitur Verbo humanitas, non ut pars parti, sed ut accessio toti. Neque absorbet deitas humanitatem, sed fovet eam, & in summum evicit fastigium. Neque ex utroque natura una quedam coalescit, ut somniant Acephali, aut Semi-Eutychiani, qui nec mutationem unius naturæ in alteram, nec confusione admitebant, sed utramque in unam coaluisse fingebant, ut animam & corpus in hominem. Quod si enim ita esset, ea natura nec Deus foret, nec homo; nec consubstantialis esset Patri ratione deitatis, nec matris consubstantialis ratione humanitatis. Anima quidem est pars hominis, seu naturæ composite, non item deitas. Itaque una fit persona non natura; unitas personæ humanitatem subjicit Verbo; unitas naturæ quodammodo exæquaret & divinam naturam dejiciendo extenuaret, humanam extollendo destueret. Duplicis naturæ in unam velut conjugalis copula alteram alteri totam addicit. Sic totum fit corpus animæ, & vicissim anima totam se corpori vindicat: At vero tota deitas intra humanitatis limites coarctari se non patitur.

Hinc Rusticus in disputatione contra Acephalos, id cause præter cæteras assert, cur humana natura in Christo rationem non habeat personæ, quod sui gratiæ non sit, sed tantummodo propter Verbum; neque adeo fuerit antequam Verbo uniretur. Non enim esset naturale & substantiale naturæ, quod jam naturæ & formæ supervenisset. Atque ea ratione utitur Sexta Synodus Act. 18. *Non quod, inquit, persona aliud sit quam natura; sed in Verbi hypostasi totius humanitatis formata natura, & que sua sunt, indeminute operante cum eo cui unita est hypostatice.* Non aliud else ait personam, quam naturas: cur autem persona humana non adsit, eam assert causam, quod seorsum non sit creata, sed in ipsa Verbi hypostasi formata. Utrum autem impossibile fuerit, aut indecorum ut Verbum naturam humanam prius formatam assumeret, hoc

loco non inquirimus. Optime Petrus Picavienis part. 4. summa sent proposita hac quæstione respondet. *Ad premissam questionem nullam novimus solutionem, nisi quam Augustinus docet. Non queramus id quod non est, ne id quod est, non inveniamus. Ergo cum filius statim animam & corpus assumpit, ex quo fuerunt, non queramus quid fieret, si prius essent caro & anima, quam essent assumpta. Forte enim impossibile est nuisse factum.*

QUÆSTIO III.

De accidentibus & modis.

Accidentis nomine intelligimus non solum id omne quod non est de essentia rei, sed ei contingenter advenit, quodque accidens Logicum dici solet: verum etiam id quod ita inest substantiæ, ut per se non subsistat, sed inhaereat tantummodo: idque accidens Physicum vocatur. Forma quidem substantialis, ut forma equi inest subjecto: sed in eo subsistit, ut pars illius: non item accidentalis forma, ut albedo, quæ nec subjecti, nec totius pars dicitur, nec dat esse rei: sed tantum esse aut quale, aut quantum, aut esse secundum quid, ut aiunt, non simpliciter.

Hinc bene definitur accidens, *quod est in alio non tanquam ejus pars, & sine subjecto naturaliter esse non potest*. Non enim subsistit, nec sui juris est, sed alieni.

Jam verò utrum dentur hujusmodi accidentia, magna hoc tempore contentione certatur: plerique enim recentiores in ea sunt tententia, ut putent quæ nos accidentia dicimus, nihil esse præter modos substantiarum, qui non te, sed cogitatione tantum à substantia ipsa distinguuntur. Contra quos sit

Prima Conclusio.

Dantur accidentia Physica, quæ realiter à subjectis distinguuntur.

Probari solet Conclusio, 1º Quia in Sacro Ianulo altaris sacramento manent panis & vini accidentia, ipsa panis & vini substantia non superstite. Ergo accidentia realiter à substantia distinguuntur: quæ enim possunt separari & separata existere, realiter inter se distinguuntur. Non dissimili ratione dantur habitus supernaturales, ut in Morali ostendimus: atque hæc argumenta fusius exponentur, cum corporis naturalis affectiones, & accidentia prosequemur quæque huic rationi responderi soleant, eo loci excutiemus.

Probatur 2º. Ex eo quod cognoscam, mihi est manifestum cognitionem meam existere: quæ cum mihi adveniat, palam est eam non esse substantiam, sed accidens. Ergo tam mihi certum & evidens videtur esse accidens quoddam, quæam substantiam existere: neque enim sum mea cognitione: tametsi nondum satis constet an cognitione sit accidens, aut modus.

Confirm. Accidentis idea nullam involvit contradictionem, ut nec idea substantiarum, aut si quæ sit contradictione afferatur. Ergo non dubium est quin accidentis dari possit. Quod si ita est, vix negare possumus, quin existat, cum adæquata sit divisio entis in substantiam & accidentem.

Hactenus omnes pene consentiunt dari quædam accidentia : sed plerique id pertendunt , quæ nos dicimus accidentia , nihil esse præter modos , qui nullana rebus ipsis entitatem superadditam , sed diversos tantum rerum status delignant : cuius generis sunt figura , & motus . Sit igitur

Secunda Conclusio.

Præter modos dantur accidentia quædam à subjectis distincta.

Probatur conclusio. 1^o. Quia modus dicitur sine quo res esse , & concipi potest , sed non viceversa : ut rotundatas sine quantitate esse nullo modo potest : sed dantur accidentia , quæ sine subjecto divinitus esse possunt , ut de speciebus panis & vini in Sacramento altaris jam ostendimus . Ergo præter modos dantur accidentia quædam realiter à subjectis distincta : ut quantitas ipsa , impetus lapidi impressus : ut calor fortasse , & lumen , de quibus suo loco .

Probatur 2^o ex multiplici quod inter accidens & modum intercedit discrimine . Nam accidens sine subjecto concipi , & divinitus esse potest , non item modus , de cuius ratione est ut subjectum afficiat , & huic sese præbeat . 2^o Modus proprie non est actuosum quid : nam quiddam præter seipsum subjecto conferret , si vim haberet actuosam . Sic figura quæ est modus corporis , nihil efficit .

Quamobrem accidens non modale & concipi , & definiri potest per ordinem ad illud quod efficit . Sic impetus , si accidens est quoddam , de quo suo loco , recte definitur per motum quem exigit : ac definiri potest qualitas motiva . Unde subjectum non est de essentia , aut conceptu accidentis , & sine subjecto divinitus esse potest : quamvis accidens semper exigit subjectum cui incelse postulat .

Tertia Conclusio.

Modi à rebus ipsis , quarum sunt modi , realiter sunt distincti : sed ii positivam entitatem rebus non addunt .

Probatur pars conclusionis prior. Illa distinguntur realiter , quorum unum non est aliud , aut quorum unum citra alterum esse potest , & de quibus contradictionia vere & Physice dici possunt . Sed res non est modus , eaque sæpe est sine suo modo , ut corpus sine hac figura . Unde & contradictionia de re & modo affirmantur , cum res sine modo esse queat , non modus sine re ; nec res semper sit eodem modo , sed alio , atque alio : quod manifeste evincit rem diversam esse à modo .

Probatur pars altera conclusionis. Qui enim modi sunt respectivi , nullam rei entitatem positivam addunt , ut ostendimus cum de Relatione ageremus : plerique alii sunt negativi : ut figura quæ nihil rei addit , præter negationem ulterioris extensionis : motus autem , vel actio non sunt entitates à rebus ipsis distinctæ , ut suo loco expendamus .

Cum autem hæc conclusio permagni sit usus , & ea bene constituta difficultat quæstiones , in Physica maxime explicari possint , non erit alienum hanc paulo uberiorius , ex viri cum viveret acutissimi P. Pardies mente explicare , simul & demonstrare .

10 Id liquet per modos intelligi solere attributa, quæ rebus convenienti, iis adveniunt, & eas intime quodammodo afficiunt; adeo ut iis modis affectæ aliter se habeant. Hujus generis sunt motus, figura, actio. Cum res movetur, quæ antea quiescebat, aut novam figuram induit, non dubium est quin etiam intrinsece aliter se habeat, quam prius.

Jam vero id probatum est modum aliqua ratione distingui à re cujus est modulus: neque enim res est modulus quo afficitur, nec corpus est motus, sine quo ante existebat.

20 Id quoque effectum est, hanc distinctionem non pendere à cogitatione nostra, eamque adeo esse realem. Nam motus advenit corpori, & antea non erat; nec corpus est motus, aut vicissim: ac demum corpus motum, vel includit aliquid præter motum vel nihil. Hoc utique dici non potest: nam ubicunque esset corpus, ibi esset & motus. Quod si aliquid includit præter corpus solum, id ipsum vocamus modum, qui realiter à corpore distinguitur, cum adveniat, & recedat manente eodem corpore.

3º Distinctio illa modalis est quidem realis: sed tamen non est rei ab alia re distinctio. Non enim modulus est res, vel entitas quædam quantumvis minima: adeo ut ex motu v. g. & corpore fiat unum compositum: ut ex corpore & anima. Nam tota essentia modi in hoc posita est, ut sit rei alicujus modulus. Huc adde, per modum rem intime & immediate affici. Cum auro argentum obducitur, extrinsecus tantum afficitur, aut immutatur argentum: atque ut res non existat per alterius existentiam, ita nec immutatur, aut intime afficitur per aliam rem, cuius existentia sit alia ab ipsius rei existentia. Ergo modi licet sint distincti, non sunt tamen res diversæ, nec sunt duas entitates corporis, & motus; ceræ, & figuræ.

Satisfit objectionibus.

Multa opponi solent à recentioribus Philosophis, qui fere omnes accidentia à rebus ipsis distincta eliminant, & modos duntaxat agnoscunt: sic tamen ut cogitatione, non re à substantia modificata secernantur. Quæ autem in contrarium afferri solent, commodius excutientur, ubi corporum affectiones & proprietates expeditius. Interim ea tantum quæ adversus accidentia universim objiciuntur, breviter attingemus.

Opp. 1º Accidens ex Aristotele & S. Thoma non proprie est ens, sed entis, neque id habet esse, sed eo aliquid est: ut albedine est aliquid album, ut loquitur S. Thomas: quare nec proprie sit, aut producitur. Ergo accidens non est unum quid, vel ens à subiecto distinctum; maxime cum sine subiecto id concepi non possit, neque aliter de rebus judicare liceat, quam ex ideis ipsis quas de rebus formamus. Cum itaque accidens sine re cui inest, cogitari non possit, non est quiddam à re ipsa discretum.

Resp. dist. ant. Accidens non est proprie ens, hoc est, in se non subsistit, C. Non habet suam naturam, & existentiam sibi propriam, N. Fatemur itaque accidens esse velut appendicem substantiæ, ac sine illa naturaliter non posse consistere, nec esse, aut fieri ut *quod*, sed ut *quo*. Verum hinc non sequitur id non esse quid distinctum à substantia.

Opp. 2º Neque accidens , neque modus citra subjectum , aut saltem extra exigentiam subjecti concipi potest . Ergo inter subjectum & accidens nulla est distinctionis nota : cum de rebus loquamur , ut suis quæque ideis percipiuntur ; atque ubi non sunt ideæ diversæ , nullum est distinctionis argumentum .

Resp. neg. conseq. Nam satis est ut unum non sit aliud , & subjectum non sit modus , vel accidens , quod subjectum ipsum sine accidenti , aut modo esse , aut concipi possit : tum enim diversis ideis percipiuntur , præsertim cum novus modus aut accidens non acquiratur citra novam mutationem , quæ novum adeo terminum , & aliquid recens additum exigit : ut cum res ex calida fit frigida .

Opp. 3º Quod si accidens quædam sit entitas à subjecto distincta , in se existit : ergo & subsistit , cum subsistere nihil aliud sit quam in se existere .

Resp. neg. conseq. Accidens quippe cum habeat suam essentiam , suam quoque habet existentiam : sed non idcirco subsistit , cum subjecto alicui inhæreat , nec sit integrum agendi principium .

Instant. Accidentis generatio aut origo nec concipi , nec explicari potest ; non enim gignitur , cum ex materia non constet ; atque , ut optime Aristoteles , non sit rotunditas , sed æs rotundum ; ut accidentis proprie non est , sed eo aliquid est ; sic proprie id non sit , aut generatur . Sed neque verisimile est id educi à subjecto , in quo non erat : nec lumen v. g. ex aëre , aut ex opacis corporibus educitur . Restat igitur sola creatio : verum illud quoque à recta ratione videtur alienum , calorem non ab igne proficiendi , sed à Deo creari : quasi rerum procreationi desint cause naturales . Ergo accidentis origo concipi nullo modo potest .

Resp. Accidentia non creari , sed à substantia profluere , ut calorem ab igne : nec forte etiam videtur absurdum , calorem ex alio consimili procreari ; adeo ut accidentis non sit proprie dicta creatio , sed propagatio quædam . Huc adde esse quædam accidentia quæ una cum materia creata sunt , ut quantitatem , vel extensionem . Sed de his alio loco fuisus .

Opp. 1º Contra ultimam conclusionem : quod vere existit , est res aliqua : sed modus vere existit , ut motus in corpore quod movetur . Ergo modus est res aliqua , vel entitas .

Resp. dist. major. Quod vere existit simpliciter , C. Quod existit secundum quid , & cum addito , est res , N. Existit enim modus , quatenus rem modificat & determinat , non simpliciter . Sic spatia extra cœlum empyreum existunt ut spatia : sed non hinc sequitur ea esse res alias : cum dicimus alium mundum non existere , illa negatio existit , nec propterea negatio illa est vera res .

Opp. 2º Modus aut est ens aliquod , aut nihil : neque enim datur medium . Sed non dicimus modum esse nihil : ergo est ens aliquod , seu res quædam .

Re'p. neg. major. Datur enim medium inter ens , & nihil , nempe modus entis .

Contra inquiunt cum corpus , quod ante quiescebat , movetur , aliquid novi ei supervenit : ergo motus est aliquid , seu res aliqua : atque idem dicendum de aliis modis .

Resp. dist. antec. Aliquid corpori advenit modale & secundum quid , C. simpliciter , N. sic modus suam habet essentiam , sed modalem , & secundum quid seu cum addito , non simpliciter . Unde S. Augustinus saepè distinguit inter rem

rem & modum , & negat aëtum voluntatis esse rem , sed merum aëtum , ut suo loco dicemus .

Atque haec ratione oppositas circa modos sententias facile conciliamus : nam reales quidem admittimus , sed non res , vel entitates quantumvis imperfectas . Cum itaque accidentia quædam sint extra rei essentiam , ut sonus campanæ ; alia circa rei essentiam , ut color qui est in superficie corporis ; alia de-
mum intra rei essentiam quam immediate afficiunt , ut rei figura , aut potius partium insensibilium , ex quibus res componitur , configuratio : quæ sunt extra rei naturam , accidentium nomen vulgo retinent ; quæ intime naturam rei afficiunt , modi plerumque vocantur , maxime cum certa ratione rem determinant ; sic cuncta dicimus facta in specie , modo , & ordine , vel in numero , pondere , & mensura : sed quæ magis citra substantiam sunt , quam intra , aliquando modi , aliquando accidentia nominantur .

D I S P U T A T I O II.

De entis affectionibus..

Q U A E S T I O I.

De primis entis attributis..

Explicatis quæ ad rationem & principia entis pertinent , sequitur ut illius affectiones , seu proprietates , quam brevissime poterimus , decurtamus . Istæ enim magna ex parte in Logica & Morali sunt pertractatae .

Proprietates entis eas dicimus , quæ cum ente convertuntur , & ab eo cogitatione magis , quam re se junguntur . Ex autem sunt unum , verum , bonum .

Ac 1. id liquet ens ipsum , seu essentiam rei primum à nobis concipi : unde essentia realis , & positiva , de qua nunc agimus , satis apte definitur conceptus primus rei . Conceptum porro intelligimus objectivum , non formalem : ac rei nomine ens ipsum , seu entitatem rei designamus . Nam res , vel aliquid cum ente confunditur : quanquam aliquando res accipitur , quatenus modo opponitur . Sic enim ens dividi solet in rem , & modum ; tumque res minus patet quam ens ipsum . Volum hoc loco res , vel aliquid sumitur pro aliquo ente , sive substantia sit , aut accidentis : sive res , & aliquid inter praedicata quæ transcendencia dicuntur , quod omnia transcendent , & superent attributa ac latissime pateant , numerantur .

2. Ens non rationis , sed reale loco accipimus : tametsi non uno modo ens reale usurpatur . Aliud est enim Physicum , in ordine videlicet ad existentiam ; aliud Logisticum , in ordine ad humanas scientias ; aliud Morale , in ordine ad rectam hominum existimationem ; aliud Mathematicum , cuiusmodi sunt variae proportiones figuratum ; aliud Metaphysicum , qualis est ratio entis ab omnibus abstracti . Quæ entia suo quidem modo existunt , aut logice , aut moraliter , aut mathematice , hoc est , perinde se habent in ordine v. gr. ad

Logicam , ac si realiter existerent . Quanquam ea proprie nec producuntur , nec existunt , id enim tantum enti Ph ysico convenit . Sic formalitas , aut ratio logica , realis quodammodo dici potest , non physice , sed logice loquendo . Sic animalitas , v . gr . & rationalitas dici possunt duc realitates logicæ : haec quippe non physice , sed logice distinguuntur quodammodo . Sic privatio realis dici potest : nam cæcus revera est cæcus ; hoc est , videndi facultate , quæ realis est , caret . Hæc paulo subtilius explicare voluimus : nam iis intellectis multæ & difficiles tricæ multo facilius evolvuntur .

3. Hinc celebris illa Platonicos inter & Peripateticos quæstio solvit , an conceptus entis sit prior & simplicior conceptu unius . Nam Platonici acriter defendunt unum esse prius & superiorius ente . Contra negint Peripatetici quicquam prius à nobis concipi , quam eas ipsum , cuius idea aut notio est prior & simplicior quacunque alia notione . Est enim , ut diximus , primus rei conceptus , vel idea , ac prius rem esse concipiimus , quam quod sit indivisa in se , aut perfecta , aut suo exemplari conveniat .

4. Quæritur quo ordine entis proprietates inter se disponantur : ac mea quidem opinione , res pene ex arbitrio videtur pendere . Sunt qui putent essentiam rei primum à nobis concipi , unde & primus conceptus solet vocitari , quod utique , si Platonicos exceptis , omnes Philosophi agnoscunt : sed essentia veritatem succedere existimant . Est enim veritas , qua res quæque talis est , qualis esse debet . Ex veritate bonitas dimanat , quæ in quadam integritate aut perfectione consistit : ex iis unitas tandem exurgit . Nam prius est rem esse in se ipsa , & qualis esse debet , & integrum , quam ut concipiatur indivisa in se : prius est omnes adesse perfectiones , quam ille simul unite & coniunctæ intelligantur .

Communior tamen sententia est unitatem priorem esse veritatem , ac veritatem bonitatem . Non enim unitatem concipiimus , ut partium unionem , seu conjunctionem , sed ut quiddam multitudini oppositum : quod videlicet ens non sit multiplex , idque ab omni alio sit divisum , ut mox dictum sumus : quod utique in ente secundum se spectato primum attendi solet . Sic prius aliquid concepitur id quod esse debet , quam integrum , & perfectum . Quare veritas bonitate prior est . Res autem vera est , aut qualis esse debet , cum ideæ aut exemplari suo convenit ; est itidem integra , aut perfecta , quatenus eidem exemplari similis est . Atque hæc attributa non re , sed cogitatione tantum distinguuntur , unum alterum presupponit ut prius cogitatione , non natura .

Sed , inquires , intelligibilitas est entis proprietas : ergo sunt plures entis proprietates quam quæ vulgo numerantur .

Resp. Non modò ens reale , sed etiam non ens esse intelligibile , utrumque tamen quatenus veritatem quandam includit . Hoc verò loco entis duntaxat realis proprietates , aut affectiones inquirimus . Intelligibilitas verò , aut ratio objectiva est attributum quoddam ente superiorius , quod abstrahit ab ente reali & non reali .

Nunc singulæ entis proprietates essent explicandæ , nisi de bonitate in Morali jam fuisse à nobis tractatum fuisset , ac de veritate in Logica multa essent explicata , & in tractatu ultimo cum de anima rationali agemus , plura tradantur . Quare id supertest ut de uno pauca subjiciamus .

T R A C T A T U S P R I M U S.

47

Unus optime definitur quod est indivisum in se, & divisum à quolibet alio. Nam ut res aliqua sit una, primum necesse est ut non sit divisa in se, sicut non una erit, sed multiplex. Et si enim res quæ una est, dividi possit in partes (nam homo unus est, qui in membra, & partes secari potest) : sed dividi tamen non potest in partes ejusdem rationis, seu in plures homines. Petrus v. gr. est divisus à quocunque alio ; negat enim omne aliud esse præter suum ; & nihil aliud est quam quod ipse est ; omnia denum præter seipsum excludit.

Hinc multa quereri solent quæ breviter decurremus. 1. Utrum prius in uno concipiatur, quod sit divisum in se, an quod ab omni alio dividatur.

Resp. Unum ab altero ne cogitatione quidem divelli posse : unum quippe excludit in suo conceptu omnem multitudinem. Nam si quis asserat rem aliquam esse unam, id non aliter demonstrabit, quam ostendendo eam non esse multiplicem.

Si quæram ab aliquo an solus sit in cubiculo, is ut mihi persuadeat rem ita esse, statim respondebit, in cubiculo præter se esse neminem : neque aliter omnes propositiones exclusivæ resolvuntur. Ut si dicero, Deus solus est æternus, hoc est, nemo aliud præter Deum est æternus.

Fatendum tamen est prius quodammodo rem in se indivisam concipi, quam divisam ab omnibus aliis : cum prior conceptus sit absolutus, posterior comparationem quandam, aut relationem includat.

Ens vel est simplex, vel compositum : ens simplex unum est actu & potentia ; compositum unum est actu, quatenus partibus constat sibi mutuo conjunctis, sed multiplex est potentia. Quod si partes sint divisible, tum nec unitatem habet, nec esse. Verum hic gravior questione suboritur, quid enti ipsi unum addat, an positivum quid, an solam negationem, & in quo proprie ratio unitatis consistat. Sit itaque

Unica Conclusio:-

Unitas nihil positivum addit enti, sed solam negationem divisionis.

Prob. concl. Si unitas quiddam positivum enti adderet, illud utique unum esset, idque per aliud positivum, & sic res abiret in infinitum. Ergo unum nihil positivi, sed negationem tantum divisionis præter ens ipsum includit : quod scilicet non possit dividi in alia ejusdem rationis, & quod nihil aliud sit, quam id ipsum quod est ; idque proprie est dividi ab omnibus aliis ; hoc vero est negare omne aliud esse præter suum, seu alia omnia excludere.

Confirm. Posita hac negatione divisionis, unum statim intelligitur ; sublatâ negatione, jam nulla concipiatur unitas. Ergo in illa negatione divisionis, ratio unitatis posita est : adeo ut unum in recto, ut aiunt, ens ipsum includat ; in obliquo divisionis negationem : Contra unitas in recto negationem divisionis involvit : est enim indivisio entis ; in obliquo ens ipsum includit. Unde non unitas, sed unum est entis proprietas, neque enim dicimus ens esse unitatem, sed unum. Atque eadem ratione probari potest verum & bonum nihil enti addere præter negationem, aut ad summum relationem quandam.

Opp. Entis realis proprietas est quid reale, & positivum : sed unum est realis proprietas entis : ergo in sola negatione non consistit. Idem dici po-

Nunij.

test de veritate & bonitate , quæ cum sint reales , in sola negatione non sunt positæ.

Resp. Has entis affectiones esse quid reale , cum ab ente non distinguantur: itaque in suo conceptu sunt quid reale & positivum ratione sui fundamenti , seu entis ipsius , non ratione sui. Sic unitas formaliter est negatio distinctionis , aut multitudinis. Veritas est conformitas cum primæva sua regula ; aut ut alius placet , cum suis principiis: res est bona absolute , cum nihil deest eorum quæ ad ejus perfectionem requiruntur , ut bonitas relativa in convenientia positæ est.

Instant. Unum non distinguitur ab ente reali : sed ens reale est quiddam præter negationem : ergo unum in negatione sola non consistit.

Resp. Unum in recto ens ipsum includere , cui addit negationem divisionis in obliquo , idque omni attributo commune est , ut idem sit cum subiecto , cui addit aliiquid distinctum saltem in obliquo : ut in illa propositione , homo est doctus , vel cæcus.

Nunc aliae entis affectiones minus quidem generales , sed quæ tamen substantiar corporæ & spiritali sunt communes , quæque ad Metaphysicam pertinent , breviter sunt explicandæ : ejusmodi sunt extensio , seu quantitas in universum , qualitas itidem , locus , motus ipse universum acceptus , & in abstracto spectatus , & tempus. De singulis ex ordine agendum.

Q U A E S T I O I L

De extensione in universum.

QUOD si naturales notiones consulamus , quanti nomine id intelligimus , quod partes habet integrales , easque non simul ; seu tempore , ut quantum successivum ; seu loco , ut quantum continuum & permanens. Itaque ad rationem quanti id videtur pertinere , ut partes habeat. Quod autem aliae sint extra alias positæ , forte id non est de illius essentia , sed ei accedit. Nam tota essentia aquæ est in una guttula. Quod si multis addideris , tum aquæ essentia sèpè reperita quantitatem illius efficiet , idque maxime quod plures aquæ gutta non simul , sed pluribus insint locis. Quæ utique extensio non ad ipsius aquæ essentiam pertinet , sed ei quodammodo accedit.

Jum ut certo ordine in re admodum involuta progrediamur , primùm videamus an substantia per accidens aliquod additum , an per seipsum habeat partes. Secundò , an quantitas quæ dicitur externa , sit accidens substantiæ superadditum. Tertiò , an extensio sit quid distinctum à substantia. Sit igitur

Prima Conclusio.

Substantia per seipsum partes habet integrales , & est per se divisibilis , neque id habet per accidens aliquod superadditum.

Prob. concl. Aqua v. gr. ex multis guttis simul unitis constat , quæ totidem sunt substantiar ; neque una gutta magis est substantia quam altera : ergo corpus ex natura sua & intrinsece , ut aiunt , ac circa illum accidens , partes habet suas integrantes , & substantiales.

Confirm. Pars una corporis non est alia, idque habet à se ipsa, non à quantitate distincta. Nam unum ab alio distinguitur per id quo est: sic ramus à trunco distinguitur; caput à pede per seipsum, seu per id quo est ramus, vel caput: ergo materia, aut substantia corporea per seipsum habet partes inter se distinctas, easque non mutuantur à quantitate, quæ sit accidentis illi succrescens.

Prob. 2º Tam est de natura corporis non simplicis sed compositi, ut partes habeat integrales ex quibus constet, quam est de natura substantiae simplicis, ut nullas habeat partes: ergo nihil necesse est accidentis superadditum comminisci, quod corpori partes substantiales tribuat.

Confirm. Accidens non potest dare esse substantiale: sed habere partes, ut caput, & brachia, est quiddam substantiale: ergo nullum accidentis substantiaz dare potest partes integrantes, aut substantiales. Ac puto id adeo clarum esse, ut in controversiam venire non possit. Nunc videamus an quantitas interna, qua scilicet corpus exigit habere partes extensas in ordine ad locum, sit accidentis quoddam à substantia ipsa distinctum. Sit igitur

Secunda Conclusio.

Quantitatem internam non esse accidentis à substantia corporea distinctam longe est probabilius.

Quid nobis probabilius videatur, & intellectu facilius, non ut certum & indubitatum asserimus, quantitatem internam, qua scilicet substantia corporea extensionem impenetrabilem necessario & naturaliter exigit, non esse accidentis ab ipso corpore distinctum.

Primo, non aliam habemus substantiarum corporearum ideam, quam rei quæ extensionem impenetrabilem exigit: sed eadem est quantitatis intima notio: ergo unus & idem est tum substantiarum corporearum, tum quantitatis conceptus: neque adeo una ab altera diversa est: maxime cum nec ratio, nec experientia, nec revelatio, nec denum ulla necessitas nos cogat unam ab altera distingue-re: cumque corpus ipsum tam immediate possit dimensiones exigere, quam quantitas superveniens & ab eo distincta. In quocumque enim statu corpus posueris, necessario extensionem, eamque impenetrabilem exiget: adeo ut ea exigentia à corpore separari non possit: non igitur ea est quiddam ab eo distinctum, neque ulla est inter ea distinctionis nota.

Prob. 2. Ideo impetus ut qualitas impressa corpori superveniens admitti solet, quia corpus ex se est indifferens ad motum, aut ad quietem: unde ut corpus determinetur ad motum, qualitatem ab eo distinctam, quæ impetus dicitur, procreari volunt, bene an male, suo loco videbimus. Sed corpus non est indifferens ut exigat extensionem impenetrabilem: ergo per seipsum, & non per aliud à se distinctum illam exigit. Secus quod quantitatem vocas, quæque est radix extensionis impenetrabilis, id ipsum corpus esse quis merito contendit. Sic res exigit durare, aut conservari, idque per seipsum exigit, non per aliquid à se distinctum.

Quare ea videtur opinio intellectu facilior, quæ quantitatem intrinsecam à substantia corporea non re, sed cogitatione tantum, atque, ut aiunt, virtualliter distinguit: nam si ratio humanarum scientiarum habeatur, & corporis &

Tertia Conclusio.

Extremi & impenetrabilis extensio realiter à substantia corporea distinguitur, sive ea sit modus, sive accidens.

Probatur conclusio ex iis quæ in Physica demonstrabimus. Nam corpus sine illa extensione impenetrabili recte concipitur, imo & esse potest: ut corpus Christi in Eucharistia. Sic extensionem ipsam sine corpore concipiimus in spatio omni corpore vacuo. Quin etiam in Sacramento altaris extensio panis remanet, sublata illius substantia. Accedit illud etiam extensionem rei incorporeæ convenire posse, ut Angelo. Itaque facile demonstratur extensionem non esse de corporis essentia, & ab eo separari posse, atque adeo non cogitatione tantum, sed re ipsa distinguiri.

Utrum vero nihil sit nisi modus corporis, an accidens non modale, vix illud dijudicare possumus. Intellectu quidem id videtur facilius extensionem ut modum corporis concipere. Nam est extensio alicujus rei extensa, sine qua vix intelligi potest. Itaque tota illius ratio in eo videtur posita, ut substantiam corpoream afficiat, nec facile occurrit quis sit illius effectus secundarius. Sic impetus est accidens, cuius effectus formalis & secundarius est motus, quem exigit: figura est modus, cuius tota ratio in hoc consistit ut corpus terminet: sed nullus est effectus extensionis secundarius, uti nec figura, ac tota illius ratio in eo posita videtur ut substantiam corpoream extendat.

Qui igitur in ea sunt opinione ut putent extensionem nihil esse præter modum corporis, ii fatentur eamdem numero extensionem quæ fuit in panis substantia, post consecrationem non remanere: sed eamdem duntixat physice loquendo, & æquivalenter, ut aiunt, seu in ordine ad sensus nostros: Manet enim extensio accidentium, quæ sit impenetrabilis, cum antea id haberet à subiecto, seu à panis substantia: sed accidentia quæ remanent, jam sunt in statu corporis, hoc est, idem præstant ac si substantia panis adesse. Nec dubito quin hæc sententia optime defendi possit.

Quod si tamen ea alicui displiceat, per me licet extensionem corporis ut accidens reale à substantia distinctum concipere. Nam extensio intelligi potest, imo & esse sine corpore, ut in Angelo, & in spatio inani: effectus illius secundarii erunt impenetrabilitas, figura, situs, & alii forte plurimi; rumque intelligimus quā fieri possit ut extensio panis in Eucharistia remaneat, & reliquorum sit velut subiectum accidentium: nec dubito quin hæc opinio faciliter defendi possit, præsertim cum Theologicæ rationes adhibentur. Ultra vero opinio sit veritati propior, decernere non possumus, sed liberum cuique & integrum judicium relinquimus, cum utramque salva fide tueri in proclivi sit.

Diluuntur objectiones.

Opp. 1 contra secundam conclusionem tum Aristotelis autoritatem, qui lib. 7. Metaph. longitudinem, latitudinem & profunditatem docet quantitatem esse, non substantiam, tum omnium pene Theologorum, qui uno

consensu tradunt in Eucharistia manere quantitatem panis.

Resp. Aristotelem & Theologos loqui de quantitate externa , qua partes disponuntur in ordine ad locum , non de quantitate interna , quæ formaliter duntaxat , non re ipsa à corpore distinguitur.

Inst. Remanet eadem extensio panis : ergo remanet eadem quantitas.

Resp. 1. Non manere eamdem extensionem , si ea nihil sit præter modum , nisi ut diximus , æquivalenter , quatenus extensio accidentium manet , quæ vi-ces obit extensionis panis. Quod enim tali modo extendantur , hoc est , im-penetrabiliter , & vices obeant ipsius panis , hoc accidentibus convenit ex ipso institutione Sacramenti.

Resp. 2. concedendo anteced. Si extensio externa sit accidens , & negando con-sequentiam . Nam in ea opinione quantitas interna distinguitur ab externa , quod illa sit corpori essentialis , hæc non item : extensio quippe corpori acci-dit , ut color & alia accidentia.

Opp. 2. Quantitas etiam interna ad aliud prædicamentum pertinet , quam corpus ipsum ; alia est ejus definitio aut natura : est igitur verum accidens.

Resp. ex iis non aliud effici , quam id ipsum quod ultra concedimus , quan-titatem formaliter & logice distingui à corpore , aut esse novum prædicamen-tum ; est enim id quod respondetur , cum queritur quantum quidque sit : est denique accidens metaphysicum , non physicum.

Opp. 3. contra tertiam Conclusionem , corpus per se extensum esse & impe-netrabile. Cum enim corpus ex se partes habeat , ex quidem ratione sui & citra ullum superadditum sese mutuo ab eodem loco excludunt. Caput v. gr. potest esse Romæ & manus Lutetiaz : ergo partes etiam conjunctæ diversa loca occupant , neque opus est novo accidente quod corpori succrescat.

Resp. Partes quidem corporis vi sua & per se id exigere , ut diversa loca oc-cupent & sint impenetrabiles ; sed ipsa extensio aut impenetrabilitas ad ratio-nem corporis non pertinet , cum ab eo possit separari : ut jam ostendimus ex sacrosancto altatis Sacramento. Ino nec dubium quidem est quin res incorporea plus aut minus loci occupare possit , ut ei libuerit , & extensionem habeat modo penetrabilem , ut forte anima in corpore , modo impenetrabilem. Sic accidentia , ut calor & impetus , saltem in vulgari & recepta opinione exten-sionem habent , sed penetrabilem , quæ per miraculum fit impenetrabilis in Eucharistia.

Q U A E S T I O III.

De qualitatum existentia.

Qualitatem definit Aristoteles , qua nominatur quales : quæ definitio multis videtur nugatoria ; sed ii non advertunt eam esse nominis defini-tionem , cuiusmodi sunt ex omnes , quibus Geometra uti solent.

Quæ afferuntur alia qualitatis definitiones , in controversiam venire possunt. Nam licet ea nobis videatur optima , quam affert S. Thomas , quod sit *modus* , seu *determinatio substantiae* : tamen merito dubitari potest , an qualitas omnis sit modalis. Deinde quantitas suos habet modos , ut curvitatem & rectitudi-

nem, imo & figuram, quæ est qualitas. Non igitur omnis modus ad substantiam pertinet. Sic velocitas & tarditas sunt velut modi, qui ad motum pertinent.

Alii definient qualitatem *accidens absolutum*: sed quantitas, aut certe extensio est itidem accidens *absolutum*: atque ut quantitas non distinguitur à substantia, nec multæ etiam qualitates ab ea suntre ipsa, sed virtute tantum discretæ, ut facultates animæ. His itaque omisssis, nunc videamus an sint quædam qualitates à substantia realiter distinctæ. Hoc enim argumentum ad Metaphysicam maxime pertinet, cum qualitas sit substantiae corporeæ & incorporeæ communis. Esto igitur

Prima Conclusio.

Dantur qualitates à substantia realiter distinctæ.

Probar. Concl. Ea distinguuntur, quæ possunt separari: sed multæ sunt ejusmodi qualitates que substantiae accidunt, quæque ab ea possunt separari, sive sint absolute, sive modales, ut *habitus omnes*, *figurae*, *qualitates sensibiles*, quibus qualitatis definitio omnino convenit: ergo qualitates reales, & à substantia distinctæ existere omnino fateri necesse est.

Confirm. Lux, calor, figura, motus & alia prope infinita rebus jam constitutis adveniunt, easque tales denominant, & eas certo quodam modo affi- ciunt: ut ab ipsis corporibus non cogitatione sola, sed re ipsa distinguantur.

Verum id in questionem venire non potest: sed utrum illæ qualitates sint absolute quædam entitatis, quæ substantiae superveniant, huic inhærent, nec sint tamen illius partes, magna contentio est. Ejusmodi enim qualitates omnino esse commentitias, nulla mentis agitatione eas concipi posse, nullum eorum ideam claram & distinctam formari, recentiores pene omnes magnopere pertendunt, contra quos tamen sit.

Secunda Conclusio.

Dantur quædam qualitates absolute quæ substantiae non sunt partes, sed physica accidentia, atque ab ea realiter distinguuntur.

Hæc conclusio jam probata est in Logica, nec rationes ibi allatas hoc loco regerere necesse est. Id unum addendum est, gratiam, charitatem, dona Spiritus sancti; habitus supernaturæ, lumen gloriae esse qualitates absolutas ab anima distinctas, ut Theologi pene omnes consentiunt. Ut nihil dicam de qualitatibus quæ in sacrouncto altaris Sacramento remanent: nam responderi possit solam extensionem esse superstitem, reliqua accidentia esse tantum extempfios modos; neque hic locus postulat ut Theologica argumenta affiramus. Id unum tantummodo volamus, qualitates admitti oportere: tametsi forte claras & distinctas eorum ideas non habemus.

Confirm. Quod qualitatis nomine donamus, plerunque est cum motu coniunctum, ut lux, calor, frigus etiam fortasse, sonus & aliae pene omnes qualitates activæ: sed illud multum esse probabile suo loco dicemus, aut motum ipsum si cum impetu confundatur; aut vim illam quæ motum efficit, esse quidam

dam à rei substantia secretum: ergo nihil absurdum dixerimus, si quasdam qualitates absolutas, & à natura distinctas admittamus. Nec video cur recentiores pene omnes quasi coniuratione facta hujusmodi qualitates proscribant. Quamquam fateor eas non temere multiplicari oportere, & quantum fieri potest, obscuras rerum cauas, quæque intelligi facile non possunt, esse fugiendas.

Solvuntur objectiones:

Opp. 1. Qualitates illas, ut à recentioribus Peripateticis inducuntur, concipi nullo modo posse, nisi ut tenues quasdam & umbratiles substantias, quæ firmioribus insint subjectis; nullam vero formari posse ideam claram & distinctam entitatis absolutæ, ab omni substantia diversæ; illas adeo qualitates ut Philosophiae ludibria omnino abjici oportere: atque hoc argumenti multum dilatare solent. Quare, inquit, nobis non permittimus ex iis quæ notiores sunt, res magis involutas indagare? Cur aditum ad secretiora naturæ arcana, & ad veritatem ipsam his velut magicis vocibus intercludimus? Quanto utilius est & facilius omnes pene naturæ effectus ad materiam & motum revocare, quam ignotas & occultas afferre qualitates, quæ minus intelliguntur, quam res ipsæ, quas explicare volumus.

Resp. & paucis 1. negando qualitates à nobis clare non percipi: tametsi factor omnia quæ ad qualitates pertinent, à nobis clare & distincte non percipi: quod iis quidem cum substantia, quantitate, & motu commune est.

Resp. 2. nos rerum omnium quas existere certum est, claras distinctasque ideas non habere. Neque enim quæ in nobis ipsis aguntur, distincte percipi mus. Quique hæc nobis opponunt, continuum ut in infinitum divisibile, tanquam inconclusum quiddam, & demonstrationibus munatum concipiunt: an forte id clara animi intelligentia comprehendunt.

Resp. 3. Multa explicari posse per materiam & motum, idque ad optimam philosophandi rationem pertinere, dummodo id nobis liceat: sed non facile crediderim id in omnibus fieri posse: quanvis etiam motus ipse aut sit qualitas, aut sine qualitate vix concipi possit. Et certe materia ipsi supervenit, quæque in qualitatis explicatione sunt intellectu difficilia, eadem in motus explicatione occurunt.

Instant. Quæ ad qualitates referri solent, eadē per tenues substantias aut effluvia explicari possunt: ut calor, lux ipsa, vis magnetica, aut electrica, & alia fere omnes: ergo frustra qualitates intellectu difficiles admittimus.

Resp. 1. Effluxus illos substantiales non esse omni qualitate destitutos, cum materia per se iners sit & otiosa. Quare ut concederemus plerasque qualitates ad effluvia substantiæ referri posse, non continuo hinc sequeretur omnes qualitates expungi oportere.

Resp. 2. Multos esse in natura effectus, qui ad effluxus substantiales vix referri possunt. Sic ubi motus imprimitur lapidi, vix ullus est effluvio substanciali locus: quanquam non ignoto eam impressionem circa qualitatem à motu distinctam utcumque explicari posse: sed tum motus ipse videtur esse quiddam à corpore distinctum.

Quin etiam multæ sunt vires in lapidibus, & mineralibus, quæ ad quædama

substantia effluvia vix referri possunt. Sic lapis nephriticus, ut multis experimentis compertum putant, solo contactu dolores nephriticos inhibet: si multi lapides erumpentem sanguinem fistunt: sic hydrargyrum aquæ incoctus nihil de sua substantia amittit: & tamen aqua cui incoctus fuit, puerorum vermes enecat. Multa in hanc rem afferti possunt quæ vix per effluxus substantiales explicantur. Quamquam id quoque concedimus, qualitates activas, si minus omnes, saltem magna ex parte cum effluviis quibusdam atomorum, aut spirituum quæ e corporibus ipsis sunt decerpta, esse conjunctas; quæ vero sunt passivæ & inertes, ut humiditas, siccitas, durities, flexibilitas, nihil fere sunt præter modos, aut affectiones substantiarum.

Opp. 2. Qualitatum originem nulla mentis agitatione intelligi posse, nedum explicari. Non enim dignuntur, cum ex materia non constent; non educuntur è subiecto, in quo non actu inerant. Atque ut qualitates quæ modales dicuntur, ut figura, imo & humiditas, aut siccitas, educantur è subiecto, non utique qualitates actus, ut calor ex aqua, lux ex aere. Restat igitur ut per creationem producantur: atque ut fortasse id verum sit de qualitatibus, quæ sunt supernaturales, illud tamen de ceteris dici nullo modo potest: nam absurdum videtur calorem, aut impetum, aut lumen à solo Deo creari, cum rerum procreationi non desint cause naturales.

Resp. huic argumento utcumque satisfactum fore in Physica: tollenda tantum est homonymia quæ latet in voce educationis. Nam si ea tantum educuntur, quæ eruuntur è subiecto, sole qualitates quæ citra subiectum concipi non possunt, quæque sunt tantum modi substantiarum, proprie educuntur, non item ceteræ, quæ magis propagatione generantur, quam educatione; quas tamen eo sensu educi dicimus, quod fiant actu, cum antea essent potestate, ut de formarum origine suo loco dicendum.

Inflat. Qualitates ex uno in aliud subiectum migrare non possunt: ergo propagatione ipsa non procreantur.

Resp. vix ullam afferti posse qualitatem, quæ solitarie, & citra substantiam aliquam diffundatur: nisi forte impetum ipsum, aut motum excipias, qui proprie ex uno subiecto in aliud non commeat, sed alium impetum, aut motum sibi similem ex certis ab authore naturæ sanctis legibus procreat. De lumine & calore idoneo loco dicturi sumus.

Vrgent: quounque nomine dometur illa qualitatis productio, aut propagatione, ea vel nulla est, vel nihil erit nisi creatio: nam fit secundum omnem entitatem. Deinde entitas illa qualitatis, quemque ea sit, in se suum habet esse: ergo subsistit, & per se creatur, cum ex materia & forma non constet, neque adeo generetur.

Resp. neg. ant. Res enim non creatur, quæ ex alia sui simili originem ducit, & ad cuius productionem subiectum ipsum conspirat. Nam id saltem determinat effectricis causam actionem, eamque sustentat. Ac licet qualitas suum habeat esse, non idcirco subsistit: neque ideo substantia dici potest, quod in se suam habeat existentiam: cum existentia ab ipsa entitate non sit distincta; neque in ea ut in subiecto recipiatur. Nec demum illud absurdum videri debet, si quædam sint res adeo infirma & tenues, ut per se consistere nequeant, sed aliis rebus insint, iisque sustineantur.

Opp. 3. Ne illud quidem explicari potest quomodo qualitates illæ si sint mera accidenzia, intendi possint, aut remitti; augeri, vel minui: ut ostendimus cum de habituum intentione ageremus, qualitates videlicet non intendi, quod altius subiectis infigantur, & altiores agant radices: cum res fieri lucidior non possit, aut calidior citra novæ lucis aut caloris accessionem. Sed neque id intelligitur quâ fieri possit ut nova entitas, aut novus caloris gradus priori accrescat, aut quomodo plures illæ entitates in eodem loci puncto sese penetrent. Quid necesse est, inquit, metaphysicas illas subtilitates arcessere, cum res ipsa sit apertissima.

Nihil enim est intensio, aut remissio qualitatis, nisi condensatio illius tenuis & actusæ substantiæ, quæ qualitas dici solet. Sic lux dispersa debilior est, collecta fortior. Unde per lentem vitream transmissa, & in angustum collecta spatum, cui idcirco foci nomen dedere, non solum fortius ea illuminat, sed etiam comburit. Atque idem in ceteris qualitatibus usu venit. Nam calor etiam speculo uestorio collectus fit vehementior. Cumque ignis atomi in eadem parte manus sunt confertissimæ, tum calor est acerrimus. Hinc etiam unbrae sunt obscuriores, quo minori luce diluuntur: sic atramentum aliud nigredine magis superat, quo pauciores habet partes albo, vel alio colore temperatas. Ac licet hæ particulae seorsum videri nequeant, tamen simul junctæ sine dubio percipiuntur.

Nihil est, inquit, in totius naturæ explicatione proclivius, aut planius, quam illa intensio, vel remissio qualitatum, & frustra illam verborum aut sententiarum obscuritate involvimus. Hic videlicet est præcipuus qualitatum usus, ut res expeditas maxime impedian, & sint nobis extrema in rerum ignorantia perfugia. Cum enim quæcumque quid sit in corporibus calor, quid lux, quid color, statim qualitates afferuntur, nec licet ulterius progredi: cum tamciv qualitatum ratio, aut natura magis ignota sit quam id ipsum quod queritur. Hæc utique multum dilatant recentiores, neque ea sunt quæ contenni aut diffimulari possint.

Resp. 1. non mirum esse si quæ ad qualitates pertinent omnia, facile explicari nequacant. Id enim pene rebus omnibus commune est, ut cum de earum existentia constet, tamen quo eæ modo existant, aut procreentur, aut mirabiles aliquos effectus procreent, intelligi, aut explicari facile non possit. Sic nihil est notius luce: quomodo autem in momento pene diffundatur, aut in puncto colligatur, quis evolvet?

Resp. 2. non omnes qualitates intendi, aut remitti: & quidem quomodo habitus augeantur, suo loco explicatur: potentiaæ seu facultates naturales intendi, aut remitti non possunt, ut nec figura: restant igitur sole qualitates, quæ sensu percipiuntur. Ac quedam ex iis in motu omnino posita sunt, ut feni; alia nihil sunt præter substantiales effluxus, ut odores, & forsitan sapores; omnis adeo difficultas circa lumen & calorem relinquitur. Quanvis autem eæ sint qualitates, tamen id satis est probabile, eas cum motu, & substantiaæ effluviis esse conjunctas: unde augeri possunt, cum augetur motus, & densiores sunt effluxus: sive cum recentioribus utcumque in gratiam redire possumus, dummodo qualitates omnes è medio non tollant. Nam ut sape monimus, tutissima est per medium via, & extremæ opiniones ubique sunt fugiendæ.

Q U Ä S T I O I V.

De motu in universum, & secundum spectato.

Cum motus localis, vel solus, vel præcipue in Physica spectetur, quæ nihil aliud fere quam motum in rerum natura contemplatur, huic explicando tractatum integrum Physicæ generalis destinamus. Nunc vero motum localem in abstracto, ut aiunt, vel secundum formalem illius rationem explicare instituimus. Sic enim ad Metaphysicam proprie pertinet. Primuni igitur quæ ad illius naturam pertinent, tum illius differentias, & communes affectiones persequemur: quod ut disposite & distincte faciamus, sit

Prima Conclusio.

Motus ab Aristotele satis apte definitur, *actus entis in potentia, quatenus est in potentia.*

Hæc conclusio est contra recentiores quosdam, qui hanc definitionem ut involutam, & re ipsa quæ definitur, obscurioram calumniantur. Eam vero & perspicuum esse, & naturam motus universum sumpti satis apte ab ea explicari, adeo ut vix illa commodior affterri possit, omnino contendimus.

Cum enim dicitur *actus entis in potentia*, seu mobilis ipsius, natura motus optimè intelligitur, quæ in actu quoddam licet imperfecto & ulterius tendente positæ est. Res quippe ut mobilis, est in potentia, quæ in actum reduci non potest, nisi per motum: est igitur motus *actus mobilis ut mobile est*. Sic sanatio est *actus corporis*, non ut est aut corpus, aut vivens, sed ut sanabile. Quandiu autem res movetur, semper est in via ad ulteriorem perfectionem. Est igitur motus *actus entis in potentia, quatenus in potentia est*; seu *actus mobilis, quod ulterius tendit*. Aliud enim est moveri, aliud motum esse, aliud sanari, aliud sanatum esse. Que quidem definitio non mortui tantummodo locali convenit, sed etiam ad alios motus species, si quæ sint à motu locali distincte, omnino pertinet.

Est quippe motus omnis, *actus potentiae admixtus*. Sic enim perficit mobile, ut ei ultimam perfectionem non tribuat: per calefactionem manus non est, sed fit calida. Est igitur *actus* qui omnem potentiam non explet. Quod satis apte, ut diximus Aristoteles exprimit his vocibus, *quatenus in potentia est.*

Illud quoque dissimilare non debo paulo aliter hanc motus definitionem & forte magis ad Aristotelis mentem explicati posse. Motum enim considerat in physicis, ut ad rerum productionem, aut ad mutationem sensibilem confert, & potentiam appellat omne agendi aut patiendi principium. Hinc Mechanici solent vim omnem motricem potentiae nomine designare. Est igitur motus, *actus, seu principium quoddam agendi, entis in potentia, quod scilicet ad aliquid producendum conferre potest: sive enim ad agendum, sive ad patiendum sit illa potentia, ea nihil sine motu potest efficere*. Si quid v.gr. potest globus bombardilis ad murum evertendum, hoc plus poterit, aut major erit illius potentia, quo plus habebit materia. Sed illa potentia ad actum non reducitur nisi per motum: nam si globus quiescat, nihil efficiet.

Quamobrem recte intelligitur motus ut *actus entis in potentia, quatenus est in potentia*, hoc est, quatenus aliquid procreare potest, aut resistere. Non enim Aristoteles solam corporis translationem quæ plerumque nihil efficit, considerat: verum id spectat maxime, quod potentiam, quæ est in corporibus, excitat,

& in actu redigit. Ac vix crediderim intiam motus naturam alia ratione intelligi posse.

His explicatis de motu in universum, nunc quid sit motus localis, & in quo potissimum illius natura positiva sit, videamus. Cum autem ad motum tria pertineant, terminus à quo, terminus ad quem, & velut via, aut fluxus ab uno ad aliud terminum. Tria hæc motus localis essentiam absolvunt; locus qui relinquitur, locus qui de novo acquiritur, & fluxus, seu via ipsius mobilis, per quam ab uno ad aliud terminum fit mutatio: neque enim locus deseritur, quin novus acquiratur.

Hinc fit ut motus localis non sit aliud quam transitus mobilis à loco in locum fluxu continuo. Nam citra illum fluxum continuum & successivum motus concipi nullo modo potest. Quod si enim corpus quod Lutetiae est, reproducatur Romæ, quamvis sit loci mutatio, non est tamen motus localis: quia continuitas fluxus deest.

Itaque mobile per motum mutat locum continuo fluxu, vel secundum se totum: ut cum curvus moveatur; vel secundum partes, ut cum rota circa suum centrum immobile vertitur. Sed cum id satis non constet, quid loci nomine intelligamus, an spatiū illud quod corpus occupat, quodque imaginarium vulgo dicitur; an superficies corporis ambientis; an forte ad partes mundi immobiles sit configendum: ut omnem in re notissima cavillationem & superficiam diligentiam vitemus, id statuendum rem moveri, qua successive ad vicina corpora applicatur: motus itaque est applicatio continua & successiva ad diversas partes corporum quæ illi sunt vicina: adeo ut motus sit cum quadam actione & conatu conjunctus. Neque ille conatus omnem motus rationem in suo conceptu includit, nisi siatea, de qua diximus, ad vicina corpora applicatio:

Quod utique licet Cartesio concedamus, id tamen dare non possumus, pescem in aqua, qui locum non mutat, sed contra aquæ profluentem nititur, moveri: quod diversis aquæ partibus continenter applicetur. Sic enim & itabem, aut navem in medio flumine utrumque religatam moveri, eam vero quæ secundo flumine defertur, immotam esse dicemus. Quod utique licet Cartesius admittat, sensus tamen communis omnino videtur resipere. Et quantum fieri potest, ingenitæ omnibus notiones, aut ideæ doctis & indoctis communes servanda sunt integræ.

Sed, inquit, pescis qui contra aquæ fluxum obnitiuit, novis semper circumfusi corporis partibus applicatur, idque non sine conatu aut actione: nihil ergo ei deest ad motum.

Rebus. locum non mutari, licet corporis circumfusi partes continenter variantur, cum corpus in eodem spatio permanet: nec conatum, aut nisum motus semper consequitur, ut si fatentur qui hæc nobis objiciunt.

Quo autem natura motus magis perspecta sit & cognita, videndum est quæ sit ratio, & essentia quietis. Hic enim Cartesius non à reliquis modo Philosophis, sed etiam à communī omnium sensu multum recedere videtur, dum quietem non esse motus privationem, sed quid reale & positivum existimat. Atque ex hoc velut principio quasdam motuum leges dicit, quæ neque cum ratione, neque cum experientia consentiunt. Sit itaque

Secunda Conclusio.

Quies nihil est nisi motus privatio.

Prob. concl. Hoc ipso corpus quiescere intelligimus, quod motu privetur, citra ullum conatum, aut modum, aut accidens superadditum: ergo quies nihil est nisi privatio, aut cessatio motus.

Respondent eodem jure dici posse, hoc ipso corpus moveri, quod amplius non quiescat: adeo ut tam motus videatur esse quietis privatio, quamvis vi-cissim.

Contra: Ut res moveatur, vi quadam motrice opus est, quæcumque illa sit: seu ut videtur Cartesio, sit voluntas divina, ex qua una, si ei credimus, motus omnis proficit; seu rei ipsi sit intima: est tamen quid reale & positivum. Sed ut corpus quiescat, satis est ut voluntas Dei, qua res movebatur, cesseret, nec necessaria est voluntas Dei positiva: ergo motus vim quamdam motricem suo intellectu involvit, qua sublata, rem quiescere necesse est. Cum enim concipio rem moveri, duplice vim aut potentiam simul intelligo: unam qua res creatur aut conservatur, alteram qua movetur. Sed rei quiescentis idea unam duntaxat potentiam, qua res ipsa conservatur, suo intellectu complectitur; nec necessaria est vis altera qua res ipsa quiescat. Hoc enim omni corpori convenit, nisi vis motrix aliunde ei accesserit.

Confirm. Ut res ex nihilo procreetur, voluntas Dei est necessaria: sed ut res ipsa in nihil redireat, satis est si Deus rei conservationem velle quodammodo definat. Sic res moveri non potest citra Dei voluntatem, quæ ut Cartesio placet, est vis ipsa qua res moveatur: cum natura iners & otiosa se ipsam mouere non possit: sed ut quiescat, satis est quod Deus motum illum conservare cesseret: hoc enim ipso eam quiescere necesse est. Res quippe in motu posita duplice potentiam essentialiter respicit, creatricem & motricem. Quæ autem quiescit, creatricem duntaxat, seu conservaticem suo intellectu comprehendit.

Opp. Non minori vi opus est ut res quiescat, & in suo statu permaneat, quam ut moveatur. Hec est enim communis naturæ ex, seu voluntas Dei, ut res quæque in eo, in quo est statu, permanere postulet. Hinc duties oritur, ex pertinaci nimis tam patiunti quiete, quæ non minus est positiva quam motus.

Resp. Id à nobis negari, eadem vi aut potentia opus esse, ut res antè quiescens in suo statu permaneat, quæ requiritur ut res mota in suo statu perseveret. Nam ubi potentia motrix cessaverit, citra ullam vim superadditam corpus quiesceret, nec quieti ulla vis conjuncta est.

Sed, inquit, motus tam est privatio quietis, quamvis privatio motus. Nam ut res quæ antè quiescebat, moveatur, satis est quod Deus velle definet eam quiescere.

Resp. Quod si hæc velut cessatione voluntatis sufficit, nulla erit ejus motus determinatio, aut certa velocitas: infinitæ sunt motuum differentiæ quæ ex illa cessatione duci non possunt. Sed non ita se habet in quiete: cum enim nihil sit aliud, quam privatio, eodem modo quiescent omnia, nec quietis ut motus variis sunt gradus, aut differentiæ.

De motū affectionibus.

His explicatis de motū natura, nunc de illius præcipuis affectionibus dicendum est. Cum autem motus sit ex earum rerum genere quæ crescere, aut minui, plus minusve suscipere dicuntur, & de quibus quæri potest, quante sint, suam is habet quantitatem, quæ ex duplice potissimum capite sumi debet, ex materia nimirum, aut pondere ipsius corporis, & ex velocitate motū. Quòd enim corpus majus est, hoc etiam habet majorem motū quantitatem. Corpus quod alterius est duplum, si utrumque eadem velocitate moveatur, quod majus est, & alterius duplum, duplani itidem motū quantitatē est habiturum: nam in ejus parte dimidia tantum erit motus, quantum in minore corpore.


Non dissimili ratione si duo corpora æqualia inæquali velocitate cieantur, adeo ut unum duplo velocius, quam alterum moveatur, quantitas motū in velociore dupla futura est. Nam si eam habeam vim qua globum intra minutum unius horæ usque ad centum pedes projiciam: ut eodem tempore usque ad 200. pedes cum impellam, vi motrice, seu potentia dupla mihi opus erit: & dupla quoque in velociore corpore erit motū quantitas. Sic igitur minoris ponderis vis majori velocitate pensari potest.

Atque ex hoc velut principio Mechanica omnis & Statica quæ circa rerum pondera versatur, omnino profluit. Eò quippe machinas adhibemus, ut eorum ope magna attollamus pondera, ea tamen lege ut eadem proportione minoris corporis velocitatem augeamus, qua illius pondus, aut materia minor est.

Sic in veste, vulgo *le levier*, aut statera, vulgo *la Romaine*, ut magnum pondus C attolli possit a minori D, augetur velocitas corporis D, ea ratione qua corpus ipsum minus est. Illud sit v. gr. quadruplo minus, sed quadruplo longius à centro, seu fulcro A, distet, quam pondus C, utrumque erit in æquilibrio, ac neutrū alterum attolleret. Sed augeatur paululum distantia A D, tum pondus D attolleret pondus C: cum enim deprimitur in E, simul pondus C attollitur in

B: est quidem minor quantitas materiae in corpore D, cum sit subquaduplum corporis C: sed illud motu velociore fertur: cumque corpus C conficit spatiū CB, corpus D decurrit spatiū DE. Itaque quod ponderi D in materia decet, id in velocitate compensatur.

Verum in omnibus machinis id accidit, ut facilius quidem ingentia pondera subleventur, sed longiore tempore. Nam ut pondus C usque ad B attollatur, necesse est ut vis motrix in D posita quadruplum spatiū, nempe DE percur-



rat. Sic enim natura nihil de suo jure decedit. Cumque ea patitur ut majus à minori corpore attollatur, id longioris temporis mora pensatur. Atque idem evenit, ac si pondus C in quatuor fuisset divisum partes, quæ seorsum essent sublate in punctum B.

Id igitur commune est principium totius Mechanices, ut inæqualia pondera sint in æquilibrio, cum inter pondera & velocitates motuum est reciproca proportio, hoc est, si pondus C tanto sit majus pondere D, quanto velocitas corporis D major est velocitate corporis C, tum sit æquilibrium: quantum enim unum corpus vincit alterum pondere, tantum velocitate motus superatur. Velocitatem motus determinat recta linea à centro immobili A, ad corpus ducta: tum enim pondus D majus spatium DE eodem tempore decurrit.

Hinc in infinitum vires possunt crescere: quo enim pondus D longius à centro immobili A recedet, hoc majorem circuli portionem DE describet; maior adeo erit illius velocitas aut potentia, quam Mechanici momentum appellant. Atque hæc vera est & physica ratio illius principii, cui Machinatrix omnis innititur: id quidem per longas & difficiles ambages demonstrant Mathematici, sed physicam rationem non afferunt.

De motus determinatione.

Determinatio motus est velut illius qualitas, quæ cum motu ipso confundi non debet. Cum enim pila reticulo, v. une raquette, in parietem projecta resilit, manet idem motus, sed determinatio mutatur. Quantitas motus à vi impellente pender; determinatio autem erit pro situ parietis, & ipsius reticuli: adeo ut diverse sint motus & determinationis causa. Una quidem est & naturalis cuiusque motus determinatio, nempe in rectam lineam, quam ubique natura saltum in gravi corpore affectat. Nec corpus quod recta movetur, eam mutat determinationem, nisi quæ causa exterior eam motus directionem immutet. Ac saepius in circularem lineam deflecat, cum scilicet circumfusa corpora ubique obstant: ut cum injectu lapidis plures circuli in stagnante aqua describuntur: aqua quæ à lapide loco suo pellitur, in rectam lineam moveri nititur: sed ubique aqua circumjecta obstat: hinc motus fit in orbem, quod ubique motus rectus occurrit corporum aliò deflecat. Id tamen verisimile videtur, omnem motum in rectam lineam tendere, cum motui nihil obstat. Sic in circuaria funda ubi lapis non amplius retinetur, in rectam lineam projicitur: quæ quidem recta cum circulum contingat, tangens vocatur. Sic rotæ agitatæ, aut arenulae grana, aut aquæ guttae impositæ motu ipsius rotæ impelluntur, & tangentes lineas motu suo describunt.

Ex quo fit ut in motu circulari, quod movetur, rectam lineam aff. Etet, & quantum potest à centro recedat. Unde quod celestis funda circumagit, hoc funiculi magis tenduntur. Cum igitur corpus mobile in unam partem potius quam in aliam tendit, ea dispositio, aut tendentia, aut determinatio dici solet, quæ formaliter, ut aiunt, ab ipso motu distinguitur. Est enim illius quedam modificatio, nec tam motus, inter se sunt oppositi, quam ipsæ determinationes. Nam ubi pila in parietem impacta reflectitur, verisimile est eundem esse motum, de quo tamen suo loco: sed contraria est ejus determinatio.

Simili

Simili quidem ratione motus omnis simplex est: unam enim describit lineam, aut rectam, aut curvam, & ab uno in aliud punctum tendit. Sed compositus dicitur motus; cum duæ, aut plures causæ mobile seorsum mouere conantur, idque in diversa trahunt. Sic autem id movetur, ut determinatio ipsa utriusque vi motrici satisfaciat. Cum v. gr. tormenti bellici globus exploditur, hic uno quidem motu fertur, & lineam describit: sed duæ sunt tamen potentiae, aut vires quibus satisfaciendum est, una quæ ab accenso pulvere, altera quæ ab innata gravitate oritur. Illa in scopum dirigit, hæc deorsum urget: motus adeo sit compositus ex horizontali, seu parallelo, quo in scopum dirigitur, & perpendiculari deorsum. Quod cum permagni sit ulus, ut motum natura perpetua habeatur, non erit alienum rem ipsam velut oculis subjicere.

Corpus A duplice motu in A duas partes feratur, in E motu horizontali, seu ad libellam, & in N, motu perpendiculari: adeo ut si duo illi motus essent separati, eodem tempore lineam AE, & AN, duo corpora mobilia decurrerent. Ponamus utrumque motum esse, & æquabilem & uniformem, sic tamen ut alter sit major; quantum scilicet recta AE, major est recta AN.

Quaritur 1. quam viam insistat mobile A, neque enim per lineam AE, neque per lineam AN ferri potest. Quò igitur utrique satisfaciat, lineam inter utramque medium, seu diagonalem AG, motu suo compagno describet. Sic eum motum est habiturum, quem utraque causa, aut vis motrix exigit.

Quaritur 2. quomodo definiri possit quo loco mobile singulis momentis, aut minutis futurum sit.

Utramque lineam in partes æquales dividamus ut AE, in B, C, D, similiter rectam AN, in I, L, M, ita ut mobile, si solus esset motus horizontalis, primo minuto temporis in B, 2º in C, 3º in D existeret: & si solus esset motus perpendicularis AN, primo minuto esset in I, 2º in L, &c. palam itaque est mobile, quod motu ex utroque mixto fertur 1º minuto futurum in puncto 2; tum 2º minuto in 3; tum in 4. Nam propter motum horizontalis 1º momento temporis erit in linea BO, sed propter motum perpendicularis erit eodem tempore in linea IS: sic ergo in utriusque concursu 2 repetierunt: similis est ratio de reliquis.

Rem vero ita se habere exemplo familiariter demonstrandum. Ponamus navem ab A in E ferri motu horizontali, ac simul globum ex summo mali Adeorsum mitti. Globus ille motu compagno agitatus, per diagonalem sic feretur, ut malum nesciam deserat. Cum enim malus ad B pervenerit, globus erit in 2: cum ad E navis lata fuerit, globus erit in G, & ad pedem mali decidet. Imo si è pede mali sagittam sursum emiseris, quantacunque celeritate moyeat navis, sagitta ad pedem mali recidet, neque eum unquam dese-

ret. Quod duplice motu feratur, uno communis & horizontali, quem à nave mutuantur, altero sursum qui ab arcu imprimitur. Cum tamen motus deorsum non sit æquabilis, sed per numeros impares acceleretur, ut in Physica demonstrabimus, globus aut sagitta motu composito non rectam lineam A G, sed curvam describit, ut eodem in loco dicemus.

Diluuntur objectiones.

Multa opponi solent adversus existentiam, & naturam motus, ut à nobis fuit explicata: quin & plures hunc quæstiunculae, non magni quidem usus, sed cum sint in scholis tritæ, prætermissi non debent. Similiter itaque & is quæstiunculis, & is quæ objici solent, quæ brevissime fieri poterit, satisfacere conabimur.

Opp. 1^o illud Zenonis argumentum, infinitum non posse finito tempore percurri, sed spatium quod motu percurritur est infinitum. Ergo &c.

Respondent dist. major. Infinitum actu, & Categorematicum, C. infinitum potentia, N. Huc additum tempus eodem modo esse infinitum, quo spatium, potentia nimirum, non actu.

Instant. Partes spatii priores prius decurri debent, quæ posteriores: sed nulla est prima: ergo nunquam motus incipiet. Hinc illud adeo in scholis jactatum Achillis & testudinis exemplum, nunquam fore ut Achilles testudinem alsequatur, si testudo aliquam partem, puta dimidiā spatii decurrenti prior confecerit.

Respondet solet, motum fieri per partes determinatas, non per partes proportionales, quæ nunquam exhaustiri possunt. Verum in nostra sententia hujusmodi cavillationes facile dissipantur: non enim continuum infinite divisibile statuimus: atque ista in Physica generali fusiūs exponentur.

Opp. 2. Motus si quis sit, vel est in movente, vel est in mobili, vel in utroque: non primum: nam motus est in eo cuius est actus, nempe in mobili. Deinde cum lapis projicitur, motus est in lapide, non in projiciente. Sed neque secundum dici potest, motum esse in mobili, cum motus sit actio quædam, quæ est in agente, & tam denominat movens quæ mobile: Ac demum eadem entitas in duobus subjectis, nimirum in movente, & in mobili esse non potest: ergo motus nihil omnino est.

Resp. Motum non esse entitatem distinctam à movente, mobili, & spatio quod decurritur. Si enim actio sumitur, ut est translatio de loco in locum, tum motio proprie dicitur: ut motus est transitus de loco in locum, estque in mobili, potius quæcum in movente. Nam est actus mobilis; actio verò non est entitas ab agente & effectu distincta, ut nec passio.

Deinde cum esse in loco, non sit quid distinctum à re ipsa, esse successive & continua in multis locis, non aliud quiddam est præter mobile ipsum quod successive diversa loca occupat; nec necessarie est formam vel entitatem fingere à mobili secretam: cum motus in suo conceptu non aliud includat, quæcum locum relatum, locum acquisitum & mobile ipsum.

Vrgent, si res ita se habeat, motus non erit cum actione conjunctus: siquidem actio nulla concipiatur sine termino producto: nihil vero producitur in

motu locali : ergo nulla in eo actio requiritur ; cum præsertim nihil sit aliud quām relatio quædam mobilis ad diversa loca .

Resp. Si actionis nomine id intelligimus , quo nova res , aut qualitas procreatur , motus fortè non est actio proprie dicta ; neque enim aut mobile , aut spatium quod decurritur , aut locus ipse producitur : sed si actionis nomine intelligamus conatum omnem & exercitum alicujus potentie , non dubium est quin motus actio quædam dici possit . Est enim applicatio corporis ad diversa loca successive .

Contra inquietum : Ergo motus non distinguitur à mobili .

Resp. Diff. conf. Non est quid distinctum a mobili , & ab utroque termino , tum eo qui relinquitur , tum eo qui acquiritur , C. à mobili solo , N. Nam mobile potest esse sine motu , & ab eo separari ; atque eo instanti quo locus unus relinquitur , alter acquiritur . Est enim motus acquisitionis loci ; & eo instanti quo fit illa acquisitionis , est illud ipsum quod acquiritur . Res quippe nobilis nullo instanti est sine loco : ergo dum priorem relinquit locum , jam acquirit novum : alioqui eo instanti esset nullibi . Cum res movertur , non est in priori loco : si ergo nondum sit in novo & acquisitione , expers emmis loci futura est : ergo motus essentialiter includit motum relatum & acquisitionis , & utrumque fit eodem instanti .

Sed instant , motus ipse est via aut fluxus ad novum locum ? ergo quandiu res movertur , nondum ad locum suum pervenit , nec motus simul est cum suo termino .

Resp. Diff. min. Via non est simul cum termino , formaliter , C. nam prius concipitur via , quām terminus : non est simul realiter , & in eodem instanti , N .

QUÆSTIO V.

De tempore .

Tempus est ex earum rerum genere , quæ à doctis juxta & indectis percipiuntur . Nam durationem cuiusque rei omnes hoc nomine intelligunt , sive moveatur , sive quiescat . Sed ubi explicare volumus quid illud sit , quod omnes tempus appellant , tum nimia subtilitatis affectatione in difficultates pene inextricabiles incurrimus ; quas multum auger prava philosophandi ratio , quæ mentis ipsius ideas in res ipsas transferte solet , & cum iis confundere : quod in tempore maxime accidit . Cum enim mens nostra motu quodam certo , constanti & æquabili utatur , tanquam mensura durationis cuiusque quantitati metiendi accommodata , statim eam metiendi rationem in rebus ipsis inesse decernit : cum tamen ea nihil sit aliud quām opus ipsius mentis , ut eam mensuram cognoscit , comparat , & applicat rei quam dimititur .

Hinc tempus , talitem extrinsecum satis apte , licet paulo obscurius , ab Aristotele definitur , numerus motus secundum prius & posterius . Nam motui secundum partes priores & posteriores dimumerato temporis ratio convenit . Eo quippe velut certa mensurâ utimur , quo durationis alicujus quantitas habeatur . Atque ut Geometra certain & cognitam adhibent mensuram , unam v. gr. aut hexapedam , quo rei permanentis quantitatem dimitiantur : sic motum maxi-

me æquabilem & constantem uisus sumus, ut intrinsecam rei durationem perspectam habeamus. Nam ex comparatione illius mensuræ partes durationis, quæ priores & posteriores sibi mutuo succedunt, dimetimur. Nisi enim motus ille esset æquabilis, rei mensurata æquabilitate applicati non posset: ac nisi idem esset constans, certa non esset mensura.

Ex quibus liquet rationem mensuræ, in qua potissimum tempus consistit, à mente nostra ut cognoscente, comparante & applicante pendere. Et quamvis duratio ipsa sit ex natura sua mensurabilis & quodammodo extensa, illiusque termini sunt partes priores & posteriores: si nulla tamen esset mentis partes illas dimetentis actio, nullus quoque esset numerus, nulla mensura motus.

Tria igitur naturam temporis absolvunt, extensio successiva, continuitas, & ratio mensuræ. Extensio autem successiva & continua ad motum pertinet, qualiter tenus mobile diversa spatii loca successive & continue occupat: nec motus est entitas quædam à mobili, & spatio quod decurritur distincta. Quare non alia quoque in tempore est physica entitas, quam mobilis ipsius, ut successives plura loca occupantis. Mensuræ autem rationem habet à mente nostra, quæ comparat unius motus sibi cogniti, ut solaris quantitatem, cum alterius incognita duratione, quam ex comparatione ipsa perspicit.

Ratio itaque mensuræ activæ non est aliud quam denominatio extrinseca; quæ à mente nostra cognoscente & comparante repetitur: ac nihil est tempus nisi motus dinumeratus, seu per partes quæ sibi mutuo succedunt, distinctè cogitus. Hoc enim motu cognito tanquam mensurâ utimur, ut durationem enijsque rei metiamur. Est quidem motus ipse naturâ sibi idonus, ut mensuræ vices obeat, sed ab intellectu nostro applicatur per cognitionem videlicet & comparationem. Nec quæ tempori ratione mensuræ tribuuntur, confundi debent cum iis quæ ipsi à natura convenienti. Hinc enim summa oritur idealium confusio, & tanta in explicanda temporis natura obscuritas.

Cum enim tempus nihil habeat reale, & positivum præter motum ipsum & in motu nihil sit itidem reale præter mobile, ut continue & successives diversa loci spatia occupat: in motu & tempore non alia sunt partes quæ in spatio loci concipiuntur, nulla sunt adeo indivisibilia, nisi mathematico more intellecta. Imò nulla sunt proprie partes in tempore, nisi abstractæ, quas ut libitum est; aut indivisibles, aut in infinitum se-ctiles licet concipere: adeo ut tempus sit compositum quoddam mathematicum, non physicum: quod quidem bene intellectum graves & alioquin pene insolubiles quæstiones fecerat. Atque ut accuratius demonstretur, sic

Prima conclusio.

Nullum est ens physicum & continuum, cuius partes fluendo existant.

Hanc conclusionem fuse probat P. Magnus, nos una hac ratione contenti erimus. Quod in tempore est præteritum, non amplius existit; quod futurum est, nondum existit; ergo nihil in tempore habet actualē existē-

tiam, nisi quid est praesens: hoc autem nec tempus, nec motus, nec quicquam est continuum, & successivum ex partibus compositum, quod actu existat. Non enim id momentum, aut instans quod existit, partes habet, nec cum praeterito & futuro uniti, ut aiunt, aut conjungi potest.

Respondent partem mox futuram uniti cum parte mox praeterita per instans quod actu praesens est, & actu existit.

Contra, res que non est in rerum natura physice, & realiter uniti non potest cum re que actu existit: sed praeteritum & futurum non sunt in rerum natura: ergo actu & revera uniti non possunt cum praesenti, nec ullum est ens per se unum & continuum, & successivum ex iis partibus compositum: cum partes ea dici non possint, quae nihil sunt nisi in mente nostra.

Respondent partem indeterminatam praeteriti temporis existere simul cum parte indeterminata futuri temporis, & utramque per interjectum praesens simul connecti.

Contra 1. Quidquid existit, est determinatum & singulare. 2. Si duæ partes temporis tum praeteriti, tum futuri simul existunt, profecto erit quædam penetratio durationum: ut partes quantitatis sese mutuo penetrant, cum sunt in eodem loco: simili ratione duæ partes extensionis successivæ majorem non efficient extensionem successivam, si existant simul, quam si una tantum adesset.

Solvuntur objectiones.

Quæ ad intelligentiam temporis pertinent, multo erunt clariora, cum objectionibus satisfactum fuerit. Verum id semper ineminiſſe oportet fieri non posse ex partibus successivis unum quoddam ens physicum & continuum, cum partes illius simul conjungi non possint, nisi simul existant. Nulla enim est unio, si partes non sunt unitæ: hocque nullomodo concipitur, ubi partes unitæ non existant. Cum itaque

Opp. 1. Tempus est aliquid reale, idque continuum & successivum: ergo realiter existit, non simul, sed per partes que continentur fluunt.

Resp. Dist. antec. Tempus est aliquid reale, ut motus ipse, quem tempus metitur, C. ut ens quoddam successivum à motu & mobili distinctum, N. Eadem enim est temporis & motus ratio. Imo unitum revera ab alio non distinguatur, nisi quod tempus addit rationem mensuræ, que est denominatio extrinseca, ab intellectu nostro comparante, & applicante illam mensuram desumpta: motus vero nihil est distinctum à mobili, & spatio quod decurritur. Quatenus igitur sol continuo & successive plura in cælo loca occupat, idque à nobis cognoscitur, & ad durationes rerum metiendas applicatur, id tempus nominamus. Uno verbo tempus nihil est nisi motus numeratus: nec propriæ partes physicas, sed ab intellectu apprehensas & abstractas; aut si que sunt illius partes physicae, non sunt à spatii quod decurritur, partibus secretæ.

Opp. 2. Si tempus nullas revera habet partes actu existentes, nunquam existit: & tamen nihil est praeteritum, quod non totum per praesens transferit; nihil futurum; quod aliquando non sit praesens. Quid vero praesens esse potest, aut existere, nisi pars aliqua temporis?

Responderi potest tempus ut motum existere , quatenus mobile sic diversa loca occupat , ut nullibi quiescat . Ac si aliqua sit pars temporis , erit instans physicum : ut continuum ex punctis physicis conflatur . Sed quia & motum , & tempus mathematicae , seu modo abstracto solemus intelligere , hinc sit ut licet nobis , quemadmodum in motu , sic in tempore , aut indivisibilia mathematica , aut partes in infinitum divisibiles concipere ; idque ut nobis libatum fuerit : sed frustra partes physicas in re quæ physice non est composita , que sumus .

Contra inquires : Si tempus nihil sit præter motum , tot erunt tempora , quot sunt motus : sed tempus unum est , non multiplex , idque semper est æquabile , non item motus : imo & motum ipsum tempus dunctius ; nulla autem res est sui ipsius mensura .

Re/p. His omnibus non , aliud probari quād id quod volumus , tempus esse aliud formaliter à motu , quamvis sit idem realiter & physicæ . Nam tempus motui addit rationem mensuræ . Unde uno duntaxat motu in hanc rem utimur , eo scilicet , qui maxime æquabilis est & constans , & notissimus , motu videlicet diurno ; qui cum nonnihil habeat inæqualitatis , ne forte suo loco dicemus , (est enim inter revolutiones solis diurnas aliqua inæqualitas ,) hinc sit ut ad tempus imaginarium , & motum maxime æquabilem , qualem esse fingimus primi mobilis motum , configiamus : ut loci immobilitatem spatio quodam imaginario definimus , quod nihil aliud sit penitus immobile .

Secunda Conclusio .

Duratio cuiusque rei nihil est præter rei ipsius continuatam existentiam , ut tempus aliquod extrinsece connotat .

Probatur Conclusio . Posita rei existentia , non præsenti modo tempore , sed etiam inmediate præterito , secretis omnibus aliis , res ipsa durare intelligitur ; & sublata rei existentia , aut tempore cui respondeat , duratio ipsa tollitur : ergo in his duobus tota durationis natura posita est . Nam ea est forma quæ rem denominat , cum ea posita , aut sublata , simul ponitur , aut tollitur denominatio . Sed ubi res actu existit , & temporis alicui respondeat , hoc ipso durare , aut durasse dicitur : ergo hæc duo naturam durationis efficiunt ; actualis nimirum existentia , quæ est durationi intrinseca , indivisibilis & permanens , quæque nullas habet partes successivas , sed est tota simul ; ac tempus ipsum quod durationi est extrinsecus , & penes quod longior dicitur , aut brevior duratio . Sicque existentia rei , aut res actu existens , est intrinseca rei duratio ; tempus vero , aut reale aut imaginarium , est duratio extrinseca .

Satisfit objectionibus .

Opp. i. Duratio cuiusque rei creatæ est successiva , nec tota simul esse potest , cum habeat ante & post , prius & posterius .

Re/p. Dist. v. Duratio extrinseca est successiva , C. tempus enim aut reale , aut imaginarium , idque successivum connotat : duratio intrinseca , & maxime

rei permanentis, *N.* hæc enim est indivisibilis per se, & tota simul, licet per accidens sit divisibilis, & tempori coextensa.

Instant: etiam si nullus esset motus, tamen rei creatæ duratio esset successiva: imo & tempus ipsum durationem metitur. Ac licet motus solis esset multo velocior aut tardior, tamen eadem rerum duratio permaneret: ergo duratio cuiusque rei à tempore distincta est.

Resp. Quod si nullus esset motus, nec vicissitudo ulla mutationum, nihil esset in rerum natura, ex quo durationem rei metiri possemus. Quare ut locum spatio imaginario, sic durationem tempore etiam imaginario metiremur. Sed hæc non probant, aut durationem rei intrinsecam esse successivam, aut tempus non esse illius mensuram extrinsecam.

Opp. 2. Res per suam entitatem durare non potest, cum ex se sit indifferens ut hodie potius existat, quam crastino die, cumque possit esse & non durare: ut si eodem instanti quo producta est, destueretur: ergo res non durat formaliter per suam entitatem.

Resp. dist. antec. Res non durat per suam entitatem absolute sumptam, *C.* ut tempus connorat, *N.* Et sane cum tem existere, & aliquando existere unum sint & idem, palam est durationem intrinsecam non esse quid à re ipsa ut actu existente distinctum.

Ex iis sequitur velocitatem motus aut tarditatem, illius quidem esse quantitates, aut modos potius, non absolutos, sed relativos; non physicos, sed metaphysicos. Motus enim dicitur velox cum tardiore comparatus: cum scilicet æquali tempore majus spatium decurritur. Nec quicquam velocitas motui addit, nisi comparationem aut relationem cum tempore; nec demum est entitas quædam physica quæ motui superveniat. Deinde motus ipse non est entitas physica à mobili sejuncta: multo igitur minus illius velocitas quiddam erit à motu, aut mobili sejunctum. Postremo cui parti motus imprimetur hic modus, an præteritæ, aut futuræ, quæ non existunt: an forte instanti motus præsenti? Ergo nihil ad partes motus attinebit. Multa hujus generis asserti possunt, quibus ex entitatis, aut modi refellantur.

QUESTIO VI.

De loco.

Aristoteles l. 4. Phys. postquam de natura loci multum diuque disputavit, illius tandem hanc afferit definitionem: *Locus*, inquit, est superficies prima & immobilia corporis ambientis. Simil docet locum esse velut vas immobile, ut vas ipsum est quasi locus mobilis. Duo itaque ad rationem loci pertinent, æqualitas cum corpore locato, & immobilitas. Quomodo autem locus sit immobilia, explicatu est difficile: tametsi id maxime loci naturam constituit. Quandiu enim res non movetur, tum in eodem loco manere concipiatur: ut rupes in medio mari, quantumvis alia subinde aqua proluatur. Cum res moveretur, jam locum mutat. Sic ubi vas aqua plenum defetur, non vas modo, sed etiam aqua mutat locum, licet eadem sit superficies corporis ambientis.

Hinc in omnes partes se versant Philosophi, ut eam loci immobilitatem tueantur. Alii ad partes quasdam hujus universi immobiles, ut ad polos mundi, circa quos cœlum vertitur; alii ad terram ipsam quæ est immobilis, aut ad alia puncta penitus immota configunt. Enim vero cum res mutat locum, aut moveretur, ad ea puncta minima animum convertimus, sed ad vicina loca, quæ rem ipsam ambiant. Deinde si universus orbis moveretur, & nulla illius pars esset penitus immota, res tamen quæque suis locis continerentur.

Plerique recentiores, ut loci immobilitatem tueantur, ad partes immensitatis divinae configunt: adeo ut res sit in certo loco, quia parti divinae immensitatis virtuali respondet, quæ ab alia diversa est. Idein de tempore aut reali, aut imaginario dicendum putant. Sunt enim partes temporis diversæ, quæ diversis itidem æternitatis partibus, non re, sed virtualiter distinctis respondent.

Verum ea sententia nobis multiplici nomine displicet. Primo, quod rem latit perspicuam per obscuriorum explicit. Quis enim rem non facilius concipiatur esse, in loco, quam eam certæ immensitatis parti respondere? Deinde quidquid in Deo est, id omnino est simplex, nec in partes sic tribui potest, ut quæ pars est Lutetiae, eadem non sit Romæ.

Deinde illud virtuale, quidquid sit, est aliquid reale, neque ab intellectu pendet: ergo si hic, seu Lutetiae sit, quidquid est reale in divina immensitate, præsens ero omnibus partibus immensitatis divinae, sive ero ubique.

Multa adversus hanc sententiam afferri possunt, quæ omittimus, quod explicata nostra sententia nihil necesse sit ad eas partes virtuales divinae immensitatis configere. Vix enim eo inducitur animus ut in re simplicissima partes admittat, queque rem ipsam de qua questio est, nihilo magis expedient. Nam in iis rebus quæ ab omnibus eodem modo concipiuntur, & in sensum communem incurunt, non quæ ex intima, aut Theologia aut Metaphysica repetuntur, consilere debemus. Cumque rem in suo loco manere, aut locum mutare dicimus, nihil de immensitate divina, multo minus de iis partibus quæ virtuales nominantur, de quibus scilicet propositiones contradictoriarum fieri possunt, & distinctis partibus æquivalent, cogitamus. Huc accedit quod cum movemur, loca realia, & vaga, non virtualia duntaxat acquirimus. Quæ igitur sunt facilitiora, non exquisitas, & forte inutiles subtilitates in re adeo facili & obvia perseguamur. Sit itaque

Prima Conclusio.

PRÆTER locum ab Aristotele definitum, datur alius locus rei intrinsecus & immobiles, spatium nimirum, quod res unaquæque occupat.

Prob. 1. pars concl. Cœlum empyreum est in loco. Nam impossibile est rem esse & nullibi existere; ut non potest esse, quin aliquando existat. Idque postea si opus sit, accentuatus demonstrabitur. Sed cœlum illud ultimum non est in loco, ut ab Aristotele definitur: cum nulla sit superficies quæ illud ambiat. Ergo est alius locus præter eum qui ab Aristotele definitur, quicunque extrinsecus tantum modo est, nec revera immobiles. Nam circumclusus aer in quo sumus, continentur mutatur, neque adeo est immobiles, nisi, ut aiunt, æquivalenter.

Deinde

Deinde res in vacuo posita , est in loco , neque est nullibi ; sed nulla ibi est superficies corporis proxime ambientis. Ergo &c.

Pars altera conclusionis facile probatur , simul & explicatur. Concipimus enim totum locum quem universum occupat , tanquam spatiū per omnia diffusum & extensum , permanens & immobile , in quo tamen omnes motus perficiuntur. In eo quippe rerum distantias , & motuum quantitates dimetuntur : idque spatiū imaginarium vocamus.

Hoc corpora omnia contineti omnino concipimus : non quod illud ipatum sit quid reale ; sed rem esse in loco , aut moveri , aliter concipere non possumus. Neque aliunde immobilitas loci repetitur , quam ab eo recipiendi modo abstracto & pene mathematico. Quemadmodum ut numerorum , aut figurarum proprietates mente intelligamus , nihil necesse est aut figuris in charta delineatis , aut calculis : sed abstractus cognoscendi modus omnino sufficit : res enim tota in mente perficitur , quæ figurarum aut numerorum quantitates sola dimituntur.

Non dissimili quidem ratione cum immobilitas locorum eo tantum à nobis concipiatur , quo mens rerum distantias & motus dimitiatur , (quod utique fieri non posset , nisi certis & fixis terminis contentas intelligeremus :) immobilitas est de conceptu & ratione loci , hoc est , locus à nobis concipi non potest , nisi motus ab eo mente præcidatur. Sive revera sit immobilis , sive non ; dummodo eum ut immobilem concipiamus , id omnino satis est , ut loci habeat rationem : quæ omnia hoc syllogismo comprehendendi possunt. Illud naturam loci constituit , quod à nobis ut æquale rei locata , & immobile concipiatur ; sed spatiū imaginarium est ejusmodi : ergo locus non est aliud præter spatiū illud à corpore occupatum.

Confirm. Immobilitas ad rationem loci idcirco pertinet , ut motuum quantitates , rerum distantias , & alias , quæ à loco pendent , affectiones perspectas habeamus , quæque nullo modo à nobis aut cognosci , aut definiri , aut determinari possunt , nisi fixos & immobiles terminos præstituamus , in quibus res ipsæ constitutæ concipientur. Atqui eos terminos imaginamur in spatio quod unumquodque corpus occupat , dum res ipsas ad certam mensuram mens exigit. Ea quippe sola hos terminos præfigit , & abstractam velut mensuram applicat : ergo nihil necesse est quiddam in rebus ipsis immobile , aut fixum & physicum presupponere. Illa immobilitas per spatiū imaginarium , non à vulgo tantum , sed etiam ab ipsis Philosophis qui contrarium sentiunt , omnino concipiatur ; nec necesse est ad polos mundi , aut ad celum empyreum , aut ad immensitatem Dei confugere : cum de iis nullo modo cogitemus , ubi rem loco moveri , aut quietescere , aut alteri proximam esse decernimus.

Confirm. iterum ex loci & temporis comparatione : eadem enim est utriusque ratio , & utrumque ex abstracto concipiendi modo plurimum pendet. Nam ut tempus , sic locum ut quid infinitum , aut si malis , ut quid indefinitum concipimus ; atque ut res quæque est alicubi ratione loci , hoc est , in certo spatiī illius velut infiniti puncto ; sic aliquando , id est , in certa temporis parte consistit. Ut unumquodque temporis momentum idem ubique est : sic idem loci punctum in omni temporis successione permanet. Suas habet dimensiones :

locus , sed fixas & permanentes : suas itidem habet dimensiones tempus , quas non ulna aut pede , sed horologii fluxu , aut certo solis motu dimetitur . Quamvis idem esset tempus , etiam si sol tardius aut celerius moveretur . Idem est locus , seu vacuus sit , seu repleteur corpore ; idem quoque tempus à nobis concipitur , sive res moveatur , sive quietat ; sive res aliqua existat , sive nihil omnino esse fingamus . Ut loci continuitatem , aut immobilitatem nulla vis potest perrumpere ; sic nec jugis temporis fluxus ulla vi sisti potest . Est igitur tempus aut locus , ut numerus , non positivum quiddam à rebus ipsis discreturn . Nam fluxus ille temporis imaginatione quidem concipitur , sed nusquam est in rerum natura . Sic spatium illud inane non substantia est , aut accidentis , sed spatium , seu capacitas , aut possiblitas corporis recipiendi , fere ut diximus de modis , qui non sunt entitates quædam , sed entis determinations . Et sane cum rem certo in loco esse constitutam , aut loco motam concipimus , quiddam ab aëre aut aqua diversum intelligimus ; ac ne superficies quidem corporis ambientis communii loci notione concipitur : sed vacuum illud spatium , quod cum sit immobile , diversa corpora non simul , sed alia aliis succendentia excipit : ut in tempore perennem fluxum cogitatione depingimus .

: Secunda Conclusio.

Ubi , seu esse in loco , non addit rei ipsi quæ est in loco , modum aliquem positivum , sed denominationem tantum extrinsecam .

Probat. pars prior concl. Hoc ipso quod res in spatio sibi æquali & immobili constituta concipitur , in loco esse citra ullam formam , aut modum superadditum intelligitur ; & detracta illa forma , semper est alicubi , cum nullibi esse non possit . Ergo nihil necesse est hujusmodi formam intrinsecam communisci , cum ea detracta res nihilominus sit in loco , cumque ut supervacanea , ita omnino sit impossibilis : nam alibi ostensum est modos non esse entitates à rebus distinctas .

Hinc pars altera conclusionis colligitur : nam si nulla sit forma intrinseca , qua rem in loco constituat ; esse in loco , præter ipsum rei entitatem non aliud est quam denominatione extrinseca .

Confirm. Omnes species , aut differentiæ loci nihil sunt præter denominatio-nes extrinsecas : ut sursum , deorsum , dextrorsum , sinistrorsum : & res eadem que erat dextra , citra sui mutationem fit sinistra , cum fit mutatio aliqua ex-trinseca : ergo esse locatum in genere non aliud est quam res ipsa , cui extrinseca denominatio accedit . Hinc res quæ antea erat in potentia ut esset in tali loco , citra sui mutationem intrinsecam , hoc , vel illud corpus excipit : ut vas modo plenum est aqua , modo vacuum .

: Solvuntur objectiones.

Quo multis quæ fieri solent objectionibus fit satis , illud est observandum , locum à nobis concipi oportere penitus immobilem , ut rerum distantias , & motus ipsius localis quantitatem acta metiamur . Nam necesse est ut quosdam terminos mens sibi exhibeat , non quidem mobiles , alioqui nihil certi con-

fituunt, sed ut penitus immobiles : eos vero terminos mens ipsa cum locis confundit, quod in iis corpora contineantur. Sed tamen & distantia & alia praedicta, quae ad locum pertinent, non exigunt physicam immobilitatem: non enim corpora minus inter se distant, sive termini distantiatum moveantur re ipsa, sive persistent immoti.

2. Illud observandum, de loco eadem fere dici posse, ac de relatione: locus enim & locatum sese mutuo respiciunt, & sese denominant, cum sunt simul, non autem cum separatim sumuntur, idque citta ullius formæ, vel entitatis additionem. Nam ut fundamentum potest esse sine relatione, ac terminus quoque seorsum citra relationem esse potest, non tamen simul & coniunctum; ita de loco & re que est in loco dicendum est. His ita præmissis, quæ contra afferunt, videamus.

Opp. 1. Immobilitas spatii imaginarii est quid fictitium, & locus quid reale: sed quod est reale & physicum, non pendet ab eo quod est fictitium: ergo immobilitas spatii imaginarii ad rationem loci nihil attinet.

Resp. Locum non ita esse physicum & reale, quin illius immobilitas quodammodo à mente nostra pendeat: sufficit enim immobilitas, ut à mente abstracta & estimatione quadam definita: praesertim cum distantias rerum, aut motus ipsos actu dimetiri volumus. Nam ad locum tria hæc pertinent, corpus ipsum quod est in loco, locus physicus, seu corporis ambientis superficies, & spatiū quoddam imaginarium, quod est velut conditio sine qua rei immobilitatem concipere non possumus.

Itaque ad majorem propositionem respondemus, immobilitatem spatii imaginarii esse quid fictitium, seu non esse quid positivum, *C.* esse fictitium utens rationis, ut Chianeram, *N.* Nam revera concipiimus hoc spatiū ut privationem, seu capacitatē corporis excipiendi; ac locus concipiatur immobilis per solam abstractionem, fere ut numerus.

Instans, hæc omnia quæ attulimus, res scilicet quæ dicitur esse in loco, locus ipse & spatiū imaginarium esse possunt, tametsi res proprie non sit in loco: ergo ubicatio est quiddam intrinsecum rei præter hæc omnia.

Resp. Hæc posse separatim existere, licet res non sit in tali loco, *C.* coniunctim, *N.* Ut de relatione, fundamento & termino diximus. Itaque potest res esse, & locus itidem existere separatim; & tamen res non erit in tali loco: quia res ipsa cum loco est conjungenda. Sed ut totum nihil est aliud quam partes simul sumptæ & unitæ: sic ubi, aut esse in loco, non est aliud quam res ipsa, & locus, atque ut Scotus ipse putat, relatio continentis & contenti.

Contra inquit: aliud est etiam realiter & physicè, esse in loco potentia, aliud esse actu; ergo cum res sit actu in loco, quiddam reale & physicum ei supervenit.

Resp. Ex his & aliis hujusmodi ratiunculis id tantum colligi, aliud esse formaliter & respectiva, non aliud physicè, atque ut loquuntur, entitative, esse in loco potentia, & esse actu: nec sese denominant locus, & locatum, nisi cum una conjunguntur. Coniunctio vero illa est tantum forma respectiva, quæ est quidem nemine cogitante, sed non est nova entitas: est enim mutua relatio continentis, & contenti.

Opp. 2. Nulla est mutatio extrinseca quæ alteri non insit intrinseca, ut nec

denominatio. Nam si partes denominatur extrinsece visus , hæc denominatio fit à visione quæ est animali intinseca. Sic quando res mutatur extrinsece , fit extra rem ipsam vera aliqua mutatio : ergo ubi res loco moveatur , fit aliqua etiam intrinseca mutatio : quod quedam ei forma , vel entitas succrescat.

Reſp. neg. ant. Cum enim duo ſeſe mutuo & reciprocē denominant, ut locus & res in loco poſta, nihil necesse eſt novam formam , niſi respectivam com- minisci , ut in omnibus relatis videre eſt.

De loci natura , aut certe quid à nobis loci nomine concipiatur , ſatis fuſe diximus , nunc quomodo res quæque ſint in loco , videamus ; ſimil & quæſtiones aliquot quæ moveri ſolent , expendamus. Quanquam eæ magna ex parte ſunt expedite.

Ac primum quidem duplex vulgo existendi in loco modus afferri ſolet , circumscriptivus nimirum , & definitivus. Res priori modo eſt in loco , cum ita corporis ambientis ſuperficie continetur, ut tota totum occupet locum , & pars illius parti itidem loci repondeat. Sicque omnia quæ ſunt corpora , naturaliter ſuis locis continentur. Res vero definitive eſt in loco , cum extra eum non extenditur , ſed tamen tota concipiatur eſſe in qualibet parte loci. Sic anima eſt in corpore , & res omnes spiritales ſuis locis definitiuntur : jam quomodo res spirituales ſint in loco , intueamur.

Ac primum quidem Angelos eſſe alicubi negare non poſſumus , cum rem nullibi eſſe omnino ſit imposſibile ; ac ſi res eſſet nullibi , hæc quodammodo extra sphæram , ut ita loquar , immensitatis divinæ , quæ eſt ubique , conſisteret. Quod non minus absurdum eſt , quam rem creatam extra omnis temporis , aut æternitatis ambitum contineri. Nec minus abſonum eſt rem eſſe nullibi , quam eam nunquam exiſtere. Et ſane , ut jam alibi diximus , his rationibus modi ubicationum à recentioribus conficti profligantur. Nam ſublata omni ubicatione res nullibi eſt. Maneat igitur illud tanquam certum , Angelos & animam rationalem eſſe in loco.

2. Cum res spirituales ſint partium expertes , eæ quidem ſint in loco , ſed indiſſibili modo ; extenſionem habent , ſed virtualem , ſive ſit penetrabilis , ſive impenetrabilis , ut Angelo libuerit. Quo major , hoc erit perfectior , & divina immensitati vicinior. Sunt igitur res spirituales in loco definitive : nam eatum extenſio virtualis ſuis terminis continetur. Sic anima extra totum corpus non extenditur. Sed major nos manet diſcultas , an res eadem ſimil in pluribus locis eſſe poſſit. Sit itaque

Tertia Conclusio.

Res eadem non definitive modo , ſed etiam circumscriptive in multis locis per divinam potentiam eſſe poſteſt.

Pars conclusionis prior ad fidem noſtrā pertinet , cum Christus Dominus in ſacroſancto altatis Sacramento ſimil in pluribus locis exiſtat. Deinde illud de- negari divinæ omnipotentię non debet , quod omnibus rite expensis manifestam non involvit contradictionem. Quod autem res eadem multis in locis ſimil exiſtat , nullam involvit contradictionem , ut ex ſolutione objectionum plau- num fiet : ergo nihil obſtar quominus res eadem , Deo ita volente , in pluribus locis ſimil exiſtat : tametsi quod id fiat modo , forte nos fugiat.

Prob. 2. Id minime repugnat ut eadem res jam existens reproducatur alibi: nam potest Deus me hic deltruere, & Romæ reproducere: ergo potest etiam me hic conservare, & Romæ reproducere. Nulla enim est repugnantia quin Deus simul & conjunctim faciat, quod scorsum potest efficere. Quamvis enim naturaliter loquendo res eadem per unam actionem fiat, nihil tamen repugnat quominus per duplarem, aut multiplicem eadem fieri, aut reproduci possit.

Quod autem Thomistæ negant idem corpus simul in pluribus locis circumscriptive esse posse, non video cur difficultius sit Deo corpus cum sua extensio in multis locis constituere, quam Angelum, aut animam rationalem; ac posita illa rei ejusdem multiplici præsentia, nulla est difficultas quin eadem ut definitive, ita circumscriptive in multis locis esse possit. Nam corpus Christi Domini est in cælo circumscriptive, & nihilominus in sancto altaris Sacramento vere & realiter præsens est. Quæque adversus multiplicem corporis in variis locis circumscriptive positi præsentiam difficultates afferuntur, haec nullius sunt momenti, cum semel id posse fieri, ut eadem res, aut idem corpus definitive in multis locis existat, concessum est.

Diluuntur objectiones.

Quæ contra afferri solent, facilius dissolves, si memineris primò nec divisionem, nec distantiam propriæ dictam esse nisi inter res diversas; cumque eadem est res, nulla est proprie dicta divisio aut distantia. Secundò, nihil absurdi esse si idem corpus reproductum contrarias qualitates excipiat, calorem v. gr. & frigus. Tertio contradictoria de eodem dici, & secundum idem: cum autem secundum diversas rationes afferuntur, proprie non sunt contradictiones. Cum igitur

Opp. 1. Est in loco circumscriptive est ita esse in loco, ut illi sit æquale: sed corpus quod est Lutetiaz, si idem sit Romæ, suo loco non æquabitur: ergo &c.

Resp. neg. min. Est enim semper æquale suo loco.

Contra inquiunt. Illud est circumscriptive in loco, quod extra hunc locum non reperitur.

Resp. id falsum esse, & supponere quod probandum est. Nam id in loco est circumscriptive, quod sic totum replet, ut partes illius partibus loci respondent, sive extra eum locum per reproductionem fiat, sive non. Hinc corpus Christi est circumscriptive in cælo, licet simul sit in sancto altaris Sacramento.

Opp. 2. Si idem corpus esset simul in multiplici loco, multiplex foret illius extenso, atque adeo quantitas illius esset multiplex: quod absurdum.

Resp. Nihil absurdi esse si multiplicem extensionem admittamus: tamen si idem est extensum, & eadem quantitas: maxime si extensio sit distincta à quantitate. Qui autem eam non distinguunt, idem respondent unam esse extensionem, ut unum est extensum: sed prior solutio facilior est.

Opp. 3. Idem esset divisum à seipso.

Resp. id negando, cum divisio sit unius ab alio, unum verò & idem esse supponimus.

Instans. Idem distaret à seipso.

Resp. id quoque negando, cum distantia sit unius rei ab alia. Quare loca quidem distant inter se, non res locis contentæ.

Opp. 4. Idem posset in uno loco mori, in alio vivere, mouere & quiescere; sedere hic, alibi stare; hic peccare, illic benefacere, quæ omnia contradictionem involvunt, maxime cum aliquid relativum suo conceptu includunt.

Resp. 1. Hæc contradictionem non involvere quia sunt de eodem, sed non secundum idem: sunt enim propter diversa loca.

Resp. 2. Hominem mori non posse in uno loco, & vivere in alio, cum corpus mortuum dici non possit, quod anima non deserit. Sic absolute non dicimus rem quiescere, aut non moveri, cum secundum aliquam rationem moveretur, ut anima quæ in pede quiescit, in brachio moveretur, absolute non moveri, dici non potest. Simili ratione homo qui Romæ quiesceret, Lutetia moveretur, absolute moveretur; nec de illo absolute dici possit, quod non moveretur: quod, ut aiunt, negationes sint malignanris naturæ, quæ de omnibus negant. Itaque de illo homine qui Lutetia moveretur, Romæ quiesceret; ut de anima quæ per accidens moveretur, moto pede; diceremus moveri, & non moveri inadæquate, non adæquate.

Verum, *inquiunt*, rerum proprietates ab iis divelli nequeunt: ea est corporis proprietates ut loco commensuratur, extra illud non excurrat.

Resp. proprietates metaphysicas divelli non posse à rebus ipsis; sed nihil obstat quoniam proprietates physicæ à rebus ipsis secernantur. Sic ignis proprietas physica ab igne fuit sejuncta, cum tres pueros in fornace Babylonica non consumpsit.



T R A C T A T U S S E C U N D U S.

D E C A U S I S .

Sequitur copiosa de causis tractatio, quæ cum omnibus disciplinis, tum Philosophiae naturali, in qua non aliud quam rerum naturalium causæ & proprietates inquiruntur, maxime necessaria videtur. Unde & Aristoteles lib. 2. Physicorum hoc argumentum fuse pertraet. Cum tamen causa ratio latius patet, quam naturalis scientia; eaque rebus corporeis juxta & incorporeis communis sit, palam est illius contemplationem magis ad Metaphysicam, quam ad Physicam pertinere: hoc igitur loco de causis, cum universim, tum sigillatim agendum est.

D I S P U T A T I O P R I M A.

De causis in universum.

Quid sit causa, primò discutiendum nobis est, tum quotplex sit; postremo causalium affectiones erunt explicandas.

QUÆSTIO I.

Quid sit causa.

Principium & causa s̄epe confundi solent, tametsi latius patet principii nomen quam causæ. Nam ad rationem causæ duo requiruntur, i. quod sit realis & positiva: sic privatio licet principium generationis vulgo habeatur, causæ tamen rationem non haber; deinde effectus omnis naturam à causa saltem numero distinctam habeat necesse est. Hinc Pater æternus est principium Filii, non causa: est enim eadem natura in Patre, & Filio.

Quare omnis causa est principium, sed non vicissim: ac principium satis apte definitur, unde aliquid est. Sed quid sit causa, non ita est explicatu facile. Et quidem nusquam definitur ab Aristotele, cum quæ sunt manifesta per se, & notissima definitionibus magis obscurari soleant, quam explicari. Cumque Philosophi veteres principium cum causa confunderent, utriusque discrimen nullum attulerunt. Idque magis ad Theologum pertinet propter loquendi modum ab Ecclesia receptum, quam ad Philosophum, subtilius exponere quid inter has voces sit discriminis. Causæ nomine vulgo intelligimus rationem, cur res sit.

Definiti solet causa, principium per se influens in aliud, vel ut definit S. Thomas, ex cuius esse sequitur aliud. Quæ definitiones fere eodem recidunt. Principium, ut diximus, locum habet generis: additur, per se influens, ut causa per accidens, quæque proprie non est causa, nisi nomine tenus; occasio quoque, & conditio sine qua non sit effectus, excludantur. Quod enim musicus aedificet, est per accidens. Sic conditio est quid prærequisitum ut causa agat, sed non est causa ipsa; ut admotio ignis ad comburendum. Sic remoto obicis est conditio sine qua non fieret effectus: simili ratione occasio uteunque ad agendum inducit, cum nisi oblata esset, effectus non fuisset consecutus: ut servus aurum non sustulisset, si arcam reclusam non invenisset. Hæc, inquam, omnia per se non influunt in effectum, nec veram hæbent causæ rationem.

Quod demum in definitione hæc verba adjiciuntur, in aliud, rationem jam attulimus, quod causa omnis influat in effectum à se divetsum, seu alterius naturæ. Nam Pater æternus est quidem principium Filii, non causa. Est quippe, ut jam diximus, alia persona, non alterius naturæ; est alijs à Filio, non aliud, ut loquuntur, substantive. Non enim alia est substantia, vel essentia in Patre, & Filio; ac si proprie loqui volumus, Pater æternus influit in aliud adjective, non in aliud; estque originis principium, non causa.

Cum autem, ut multis viderit, & infra diligenter expendemus, id uni causa effectrici proprium esse videatur, ut physicum & realem habeat influxum, hæc licet usitata in Scholis definitio ab iis non immixto rejicitur. Unde sunt qui causam ita definiant, id à quo aliud pendit.

Effectus à causa tanquam ab eo quod est prius natura, pendet: ac proprie illud est natura prius, quod esse potest sine illo, quod ab eo est. Proprius enim character causæ in eo est constitutus, ut sit prior natura suo effectu. Hinc Aristoteles cum explicat modos prioris & posterioris, quod est causa, inquit, quo-

vis modo ut alterum sit, prius natura non incongrue dici potest.

Quare prioritas naturæ in hoc consistit, quod effectus pendeat à causa jam existente: sed non vicissim. Sic mundus penderet à Deo jam existente & perfecto, etiam si poneretur æternus.

Ex diëtis liquet causam spectari posse, vel in actu 1º quatenus vim habet effectus procreaticem, & potest influere in effectum. Quanquam non satis est ut causa sit in actu primo, quod vim habeat agendi, nisi hæc vis sit expedita & completa, atque omnia ad agendum habeat requisita. Sic homo cum dormit, nondum est in actu primo ad ambulandum nisi evigilaverit, & se se determinaverit, imo & motum imperaverit; tum enim nihil ex parte causæ deest, quominus exeat effectus. Vel spectari potest in actu 2º ut influat in effectum: qui quidem influxus causalitas vulgo vocatur. Sic actio est actus secundus, seu causalitas causa effectricis, seu ratio formalis qua agere dicitur. Itaque vis illa qua est in causa, qua potest in effectum influere, causam constituit in actu primo. Sed actualis influxus eam in actu secundo constituit.

Hinc sequitur omnes causas simul in effectum influere: una quippe sine altera nihil procreat: unde sunt sibi mutuo causæ, ut aiunt, formaliter; hoc est, non influunt in effectum, nisi simul conspirent: adeo ut eadem sit causalitas omnium. Idem est influxus, si entitatem spectes, qua virtute tantum, ut non nulli putant, & cogitatione est multiplex. Jam queritur an causæ materialiter sumpæ sibi mutuo causæ esse possint. Sit itaque

Vnica Conclusio.

CAUSÆ non sunt sibi invicem causæ, nec sibi mutuo existentiam possunt tribuere.

Prob. concl. Si causæ sibi mutuo essent causæ, res eadem esset sui ipsius causa. Nam daret esse causæ, à qua id ipsum acciperet; siveque à seipso penderet, quod omnino absurdum est.

Quæ tamen diversum habent existendi modum, possunt esse sibi mutuo causæ in diverso genere. Sic finis objectivam duntaxat existentiam, efficiens physicam exigit. Hinc sæpe sunt sibi mutuo causæ. Nam deambulatio fit propter sanitatem, & sanitatem ipsam efficit aut tueretur.

Multa opponi solent que facile dilinuntur. Duas v. gr. manus se se mutuo calefacere, aut duos globos se se mutuo impellere. Ergo causæ ejusdem ordinis sunt sibi mutuo causæ.

R. p. Nec calorem, nec motum, seu impetum qui productus est, eum à quo productus fuit, procreare. Sic duo pondera in libra se se mutuo sustinent in æquilibrio: verum nulla est in his efficientis causæ ratio: de qua proprie quæstio est, cum queritur an causæ sint sibi mutuo causæ, quod fieri non potest: nam idem esset sui ipsius causa.

Illud tamen non inficiamur, quin duæ causæ ex mutua determinatione in se mutuo idem accidens possint producere: ut cum duo ligna in se invicem inclinantur: tum enim unum ab alio sustinetur; nec una sustentatio est prior altera, nisi forte juxta nostrum concipiendi modum, cum unum ab alio separatim concipiatur. Eadem est ratio in mutuis contractibus, *do ut des, emam si videris.*

TRACTATUS SECUNDUS.

51

dideris. Quo quidem modo multæ difficultates solvi possunt, ut quando agitur de motu Dei & creaturarum determinatione, de qua inferius.

Sed, *inquires*, cum ventus fenestram aperit, tum venti ingressus est causa cur aperiatur fenestra; ut vicissim aperio fenestræ in causa est cur ventus subeat: ergo causa etiam quæ realem exigunt existentiam, sunt sibi mutuo causæ.

Resp. neg. ant. Non enim venti ingressus est causa cur aperiatur fenestra; at impulsus, quem fenestræ aperto non efficit, sed subsequitur.

Inflat. Ex vapore sublato pluvia concrescit; ex pluvia rursus vapor in sublime attollitur: ergo vapor & pluvia sunt sibi mutuo causæ materiales.

Responde si solet, hæc non uno & eodem tempore fieri. Addi etiam illud potest, pluviam & vaporem non naturâ, sed statu duntaxat inter se differre: cum vapor nihil sit præter aquam, cuius partes aut guttulae sunt inter se disjunctæ.

QUÆSTIO I.

De causarum divisione.

DE causarum numero non inter se consentiunt Philosophi. Sunt qui unam duntaxat, nimirum effectricem, propriæ causam dici posse contendant. Alii materiam & formam ex albo causarum expungunt: quod sint potius partes compositi, quam causæ. Peripatetici quatuor ex Aristotele causas enumabant, Platonici quintam, nimirum exemplarem adjungunt. Nec dubito quin de voce ipsa magis quam de re sit contentio, cum ex diversis tantum causæ notionibus oriatur.

Quod si enim id causa habeat rationem, quod verum & reale in effectum habet influxum, vix alia causa præter effectricem agnoscere potest. Nam ea sola vere & physice influit: finalis & exemplaris idealem duntaxat & objectivam habent existentiam. Finis autem est id cuius gratia fit aliquid: res autem quæque ab agente fit, & gignitur; neque aliis est finis & agentis influxus: ut eadem actio ab idea artificis directa, ad exemplarem revocatur. Ergo si proprie & ad legem veritatis loqui velimus, triplicis hujus causæ unus est & idem realis influxus, actio videlicet, quæ etiam ut materiam inmutat, generatio nominatur: materialis vero & formalis causæ nihil à se diversum procreant, ac principia potius dicenda sunt, quam causæ.

Hæc fortè ut vera sint, ad usum tamen & praxim satis est accommodata quadripartita illa causarum divisio. Sit igitur

Vnica Conclusio.

Quatuor saltem causæ sunt admittendæ.

Prob. concl. Ex Arist. l. 2. Phys. c. 3. *Causa*, inquit, uno modo id dicitur, ex quo cum insit, aliquid fit: hæc enim est causa materialis, ut cum statua sit ex ære, quod ipsi statua inest. Tum pergit Aristoteles: *Alia est firma, & exemplar, quæ essentia quidem est ratio, hoc est, idra, aut conceptus rei quæ fit;* exemplum affert illius consonantia, quæ in musica Diapason, seu Octava voca-

Tom. I.

Rrr

tant, quæque in ratione dupla consistit, cum scilicet tonus est altero acutior: quare idea, vel exemplar, vel species hujus harmoniae est proportio dupla. Ubi Aristoteles non alterius videtur cause formalis meminisse, quam exemplaris: quod forma intrinseca sit potius ipsum esse compositi, quam causa, ac principii ad summum habeat rationem, non causæ. Ut cunque ea res sit, exemplarem manifeste commemorat, ad quam forma ipsa exprimitur. Praterea, inquit, *id unde mutationis, aut quietis primum est principium, qualis est is qui consulit, & pater filii; & uno nomine id quod efficit ejus quod fit; & quod innatur ejus quod immutatur.* Ubi causam effectricem, tum moralem, tum physicam commemorat. Insuper, inquit, *ut finis, hic autem est id cuius causa, ut deambulandi sanitas: cur enim deambulat, ut valcat, dicimus, quod cum dicimus, causam reddidisse arbitramur.* Idem cap. 7. eadem quatuor causarum genera recenset, ac subinde tradit quedam reduci ad formam, vel ideam, vel definitionem, cuiusmodi sunt Mathematica, alia ad causam moventem, & ita de reliquis.

Hunc quadripartitum causarum numerum hac ratione colligunt Peripatetici. Tot sunt omnino causæ, quot ille modis influere possunt in effectum: sed modulus ille est quadruplex. Vel enim ut id cuius gratia, tumque causa finalis; vel ut id à quo, & est effectrix; vel ut id ex quo, estque materialis; vel ut quo, estque formalis: sive ea sit intrinseca, sive extrinseca, quæ & exemplaris nominatur. Utraque verò ad idem genus cause formalis referri potest: nam per utramque effectus constituitur in sua specie, & ab omnibus aliis distinguitur.

Confirm. Nihil fit à seipso: unde causa effectrix ad effectus procreationem prius requiritur. Sed agens omne, ut in Morali ostendimus, agit propter finem; deinde ex nihilo non sit quicquam, sed ex aliqua materia: ergo & finali & materiali causa opus est; ac deinde quiddam in materiam inducitur, forma scilicet: ergo saltem quadruplex erit causa.

Diximus quatuor saltem causas agnosci oportere. Nam id satis est verisimile exemplarem in causatum censu habendam esse, ut visum est Platonici. Hinc satis apte Proclus causas omnes his notis discriminat. Effectrix, inquit, *causa est id à quo; exemplaris, id ad quod; finalis, id propter quod, forma id quo; materia, in quo, vel ex quo res aliqua sit.*

Quod autem exemplaris ab efficiente, & finali sit distincta, nonnulli hac ratione colligunt; ubi causarum influxus qui & causalitates dici solent, sunt saltem virtualiter diversi, ibi & causæ distinctæ: sed effectrix causa, exemplaris & finalis diversis modis influunt in effectum: nam ad efficientem executio, ad exemplarem directio, ad finalem pertinet intentio; efficiens per motum, exemplar per cognitionem, finalis per amorem operatur. Tria hæc motus, cognitio & amor inter se differunt: ergo & ex causæ discrimine aliquo inter se distinguntur.

Solvuntur objectiones.

Opp. 1. Peripatetici causam exemplarem ad formalem referri oportere: cum utraque effectum determinet, & in certa specie constituat.

Resp. Utramque causam aliter influere in effectum: cum forma, ut dixi-

T R A C T A T U S SECUNDUS.

503

mus, sit id quo res constituitur; exemplar sit velut norma, ad quam dirigitur & formatur effectus; forma est rei intima, exemplar est forma extrinseca, quæ habet esse objectivum, ut postea dicemus; forma est pars compositi, non item exemplar.

Opp. 2. Causa finalis & effectrix sœpe non distinguuntur. Sic Deus est ultimus finis, & prima rerum omnium effectrix causa: imo in Physicis forma ipsa est finis, quem causa effectrix sibi præstabilit: ergo finis non est causa ab aliis distincta.

Resp. Dif. ante. Causa finalis materialiter sumpta, seu res quæ est causa finalis, sœpe cum effectrice causa, aut forma etiam confunditur, C. causa finalis formaliter sumpta, seu quatenus effectricem ad agendum impellit & movet, N.

Opp. 3. Multæ sunt causæ præter enumeratas. Nam terminus est causa relationis; objecta sunt causæ habituum & actuum; dispositiones & conditiones ad agendum requisitæ inter causas numerari possunt: ergo præter causas quas attulimus, sunt aliae complures.

Resp. eas quæ afferuntur, vel nullo modo causas dici posse, quod non influant in effectum: sic terminus non est causa relationis, ut nec occasionses cause dici possunt, nisi per accidens; vel ad alias causas revocari solent, ut objectum est velut formalis causa cognitionis; conditiones vero ad agendum requisitæ, aut in remotione impedimentorum, aut in applicatione agentis ad materiam positæ sunt, ut ex iis quæ mox dictuti sumus, manifestum fieri.

Q U A E S T I O III.

De causarum affectionibus.

PRÆCIPIAS causarum proprietates jam attulimus. Jam ut alias quoque affectiones decurramus, non erit alienum in varia causarum genera paulo diligenter inquirere: id enim permagni usus videtur ad ea intelligenda quæ in physicis tradituri sumus: cum principiis bene constitutis reliqua velut sua sponte se ferant; neque ex alio fonte tot sectas oriri putem, quam quod in certas causas, alius omnino neglectis, quisque intendat animum. Que hoc loco dicturi sumus, ea sunt à recentiore & acutissimo Philosopho Honorato Fabri fusiū explicata: ex iis quæ ad institutum nostrum utilia videbuntur, excerpemus, & in pauca conferemus.

Causæ ut à Metaphysico spectari debent, non ut eas Aristoteles considerat, quatenus ex duntaxat ad generationem corporis naturalis conspirant, aut sunt logicæ, seu metaphysicæ, aut morales, aut mere objectivæ, aut physicæ. Primi generis eæ sunt quæ in ordine ad scientias humanas perinde se habent, ac si veræ essent causæ. Sic anima dicitur causa intellectus & voluntatis; & forma eorum proprietatum quæ ab ea cogitatione tantum differunt. Sic Geometria & Arithmetica demonstrant affectiones figurarum aut numerorum, & eorum causas afferunt, quasi essent à figuris vel numeris distinctæ. Cum enim ratio cognitionis nostræ, aut humanæ scientiæ habetur, parum refert an illæ proprietates à forma sint te, vel cogitatione tantum distinctæ. Sic ubi ex

alicuius rei applicatione aliquis sequitur effectus, qui nunquam alias subsequitur, rem illam ut causam effectus in ordine ad humanas scientias merito habemus. Gravis est v. gr. & nescio an unquam solvenda difficultas, an corpus in aliud impactum huic suum motum communicet, an motus ille aliunde adveniat: & tamen si ratio habeatur aut physice, aut mechanics, ita id explicari debet, quasi motus à globo in globum obvium transferatur. Imo, si nostros sensus consulimus, motum à globo impacto proficiisci statim decernimus.

Infinita pene occurunt, in quibus logicas, seu metaphysicas causas, quæ tam non re, sed cogitatione ab effectis differunt, non physicas & reales adducimus. Hujus generis sunt effectus omnes, qui ex certo partium situ & positione diminant: ut in physicis densitas, raritas, opacitas, perspicuitas, utri suo loco exponemus. Sic relatio ex termino; privatio, ut mors, ex vulnera; cæcitas ex iœtu fieri concipiatur: neque enim produci possunt per veram actionem. In eodem genere sunt denominationes extrinsecæ, quæ nihil fere sunt præter relations.

Moralis causa non physicæ quidem influit in effectum, sed in ordine ad reetiam hominum existimationem perinde se habet, ac si vere influeret: unde in oralis causa in effectricem, materialem & formalem dividi potest. Qui imperat v. gr. homicidium, quasi homicidium perpetrasset, sic punitur: qui ignem admoveat, causa est moralis & effectrix ipsius conflagrationis. Atque ejusmodi causæ in physicam actionem terminantur: sive causam subiecto applicent, sive obices removeant. Saepè evenit ut causa moralis circa physicam actionem non versetur, & tamen effectricis habeat rationem: ut qui contrahit, causa est juris acquisiti, aut perditi. Non dissimili modo actio physica est plerumque materia, ex qua fit opus morale, vel honestum, vel turpe.

Sequitur causa mere objectiva, quæ determinat potentiam ad agendum; Sic affectio quædam impressa sensus organo, quæque species vocatur, sensum immediate, imo & per sensum intermedium, intellectum ipsum determinat. Non enim ejusmodi affectiones mens excipit: sed cum ea omnes facultates dirigat, eorum affectiones percipit, & ab iis quodammodo determinatur ad agendum, idque objective. Quamobrem cum visus v. gr. sit indifferens ut nigrum vel album colorem percipiat, hunc determinat species, seu affectio ab objecto profecta: quæ ubi ad sensus interioris organum transmittitur, sensum quoque interiorem, seu vim imaginatricem determinat: cumque eadem affectio, seu idem vestigium diutius remanet, ubi denuo occasione aliqua excitatur,phantasmam ad actum repetitum, imo & intellectum ipsum, sed mediate duntaxat & objective determinat. Sic voluntas ad actus necessarios ab objecto cognito quasi impellitur, ad liberos objectum quidem eam mover, sed libere: hæc vero seipsum movet & applicat.

Non dissimili quidem ratione premissarum cognitionis est causa itidem objectiva conclusionis. Non enim premissæ formales, ut sunt actus mentis, si proprie loqui volumus, sunt causa conclusionis: cum saepè non sit amplius formalis cognitione premissarum, cum eruitur conclusio. Nam illi actus sese mutuo excipiunt, neque unus est effectrix causa alterius. Sed premissæ cognita sunt causa cur

consequens cognoscatur: idque oritur ex connexione quæ est inter præmissa & conclusionem: nam ex uno cognito aliud cognoscitur.

Nec alio fere modo exemplaris causa, aut finalis, quæm objective influit in effectum, ut proxima disputatione dicemus.

Ex iis facile colligitur præcipuas causatum affectiones causis physicis convenire, non objectivis, aut moralibus. Primum enim nihil notius est, quam idem non posse esse sui ipsius causam physicam: cum id existere necesse sit, antequam causæ physicæ habeat rationem; deinde nulla res creata est à seipso; atque inter causam & effectum est realis relatio, quæ non est rei ad seipsum.

Quod autem quidam opponunt idem seipsum posse reproducere, id omnino negamus. Non enim quidquam pendere potest à seipso: atque ubi est oppositio relativa, ibi est vera distinctio. Quedam autem esset relatio inter reproducens, & productum: ergo & inter ea esset realis distinctio.

Sed, *inquit*, Christus seipsum reproducit sub speciebus eucharisticis.

Refp. tum Christum supponere pro Verbo quod est causa hujus reproductionis.

Hæc cum vera sint, id tamen negare non possumus quin finis in intentione, seu in statu objectivo, sit causa sui ipsius in executione: sic res confusa cognita in antecedente, seu in præmissis, est causa sui ipsius distincte cognite in conclusione.

Non dissimili ratione duæ causæ ejusdem ordinis non possunt simul esse sibi invicem causæ, si sint physicæ, & efficientes, ut supra ostendimus: quamvis possint sibi mutuo esse causæ successive. Nam fieri potest ut globulus in alium globulum impetum omnem ita transferat, ut hic globulus in priorem reflexus acceptum impetum illi conferat: causæ autem objectivæ possunt esse sibi mutuo causæ. Unde ex causa effectus, ex effectu itidem causa, imo & termini reciprocí & correlativi per se invicem cognoscuntur. Jam queritur an ejusdem effectus plures causæ esse possint. Sit itaque

Unica Conclusio.

Ejusdem effectus non possunt naturaliter plures esse causæ physicæ & totales ejusdem ordinis: possunt autem supernaturaliter.

Probat. pars concl. prior. Cum enim alterutra sufficiat, frustra erit altera. Atque ut eadem possit fieri propter multos fines intermedios, ii tamen non erunt causæ totales, sed partiales, cum simul juncti fortius voluntatem impellant, quam si essent separati.

Utrum vero per omnipotentiam divinam duplex causa eaque totalis ejusdem effectus esse possit, molestius inquirunt. Cum autem ea quæstio minime sit necessaria, eam breviter perstringimus. Causa totalis ea dicitur, que sola totum procreat effectum: nam si totum quidem effectum producat, sed non sola, ut equus qui cum alio juncitus currum trahit, erit quidem totalis ex parte effectus, sed ex parte cause, partialis dicetur.

Nos itaque in ea sumus sententia ut nihil denegemus divinæ omnipotentiæ, quod manifestam contradictionem non involvit. Hic vero nulla occurrit ma-

nifesta: cum plures causa seorsum sumptate eundem procreare possint effectum; cumque vim habeant illius efficiendi, & ad illius productionem determinari queant, cur simul juncte idem efficere non possint, quod separatis?

Confirm. Plures sacerdotes eamdem hostiam ut causae totales, licet instrumentales consecrant. Eadem conclusio ex duplice antecedente, ut ex duabus causis totalibus & integris saltem seorsum erui potest.

Opp. Utraque causa esset totalis ex hypothesi, & non esset totalis, quia altera earum nihil efficieret.

Repf. neg. ant. Utraque enim causa simu ltotum effectum produceret, quem seorsum procreare potest.

Sed, *inquieris*, effectus non penderet ab altera causatum.

Dif. ant. Non penderet necessario & essentialiter, *C.* ex accidenti & contingenter, *N.* Res enim omnes ab uno Deo pendent essentialiter. Cumque idem effectus à multiplici causa procreabitur, idem erit effectus, licet non eadem sit actio. Verum ista non tanti sunt ut in iis immoremur: jam causas sigillatim prosequamur.

D I S P U T A T I O II.

De causis sigillatim consideratis.

QUatuor causas, materialem, formalem, finalem & exemplarem paucis absolvimus: quod magna sint ex parte aliis in locis explicatae, nec tot difficultatibus involvantur: ad effectricem causam, quaé præcipua est, veniemus.

Q U A E S T I O I.

De causa materiali.

Materiæ contemplatio ut forte ad Physicam pertineat, causa materialis ad Metaphysicam spectat, cum in rebus ipsis spiritualibus quodammodo occurrat. Hæc proprie definitur, *id ex quo aliquid fit, tanquam ex aliquo priori*: ex ea quippe & forma educitur, & fit compositum. Unde causa munus sustinet, tum ratione formæ qua ex materia educitur, seu fit dependenter à materia; tum ratione ipsius compositi, quod ex ea componitur: atque ipsius causalitas, ut aiunt, dicitur eductio, cum ex ea forma eruitur; & compositione, seu partium unio aut conjunctio, ubi ad compositum refertur. Utroque nomine causa est & prior natura suo effectu, cum possit esse sine hac, vel illa forma, aut sine tali composito. Quare forma & compositum ab ea pendent ut à causa.

Materia quidem si cum forma comparetur, est ei quodammodo extrinseca, sed composito est plane intrinseca. Est enim material subiectum, in quo forma recipitur: sed co nomine causa non dicitur, nisi cum forma sine materia esse non potest. Sic anima rationalis est quidem in corpore organico, ut in

subiecto, sed ab eo non pendet ut existat, neque ex corpore educatur.

Quamobrem præcipuum causæ materialis munus est totum componere, & ex ea temper fit compositum. Sæpe etiam ex materia educitur forma, tumque ut diximus, causæ habet rationem, cum ea forma pendeat à materia, & educio sit illius causalitas respectu formæ: Hinc in creatione, ubi primæ rerum formæ non sunt educæ, materia eam cause non habuit rationem, nec forma ejus fuit esse actus. Formum enim educi est fieri actu, cum antea esset potestate. Sed ubi & s' creatæ sunt, formæ eorum nunquam fuerunt in potestate materiæ. Quæ quidem ut melius intelligantur, quid materiæ primæ nomine intelligentius, & quid ea sit, paulo uberior est explicandum. Ea quippe tractatio proprie ad hunc locum pertinet, & perpetam in Physica tradi solet, cum nihil habeat sensibile.

Materia duplex est, prima & secunda, illa ut omni forma destituta intelligitur, & ad omnes indeterminata: sed materia secunda ea dicitur, quæ cum iam substanciali donetur forma, plures alias accidentales excipi. Sic cera materia j' in sua formæ substanciali instruxta est, sed varias excipere potest figuræ, quæ formæ accidentales, aut secundæ dici possunt. Cum cera solum spæctatur, ut ex sua materia & forma coalescit, compositum substancialē dicitur: sed ubi aliqua imagine, aut figura imprimitur, tum fit compositum accidentale, ex cera nimis & figura. Id itaque quod formæ subjicitur, aut ex quo fit compositum, materiæ nomine designatur.

Materiam primam existere demonstratu facile est. Nam in omni mutatione subiectum est aliquod utriusque termino commune: sed generatio est mutatio, eaque substancialis. Est enim, definiente Aristotele, *mutatio totius in totum nullo sensibili remanente*; ut cum lignum in ignem abit, nihil sensibile eorum quæ prius erant in ligno, remanet: ergo rei genitæ & corruptæ subiectum quoddam est commune, quod primam rei materiam vocamus. Nam licet corrupto corpore subiectum quidem superfit, quod adhuc corrupti potest: cum non licet in infinitum progredi, tandem supererit quiddam quod corrupti amplius non poterit. *Quod igitur ligno & igni commune est, quodcumque illud sit, materia prima vocatur.*

Confirm. Quidquid gignitur, ex aliquo fit subiecto, nec viribus naturæ concessum est ut ex nihilo aliiquid sit: cumque res corruptitur, ea non abit in nihil: ergo in generatione sola forma de novo educitur; eadem in corruptione extinguitur, aut perit: materia autem manet indissolubilis, neque in aliud subiectum resolvi, neque in nihilum potest facilius.

Confirm. iterum: cum ex aqua, seu ex pluvia triticum oritur, ex tritico panis, ex pane sanguis, aut caro gignitur; in hac mutationum serie manet aliiquid commune tot qualitatum, aut mutationum subiectum, ac velut fundatum: illud porro, quidquid est, materia prima nominatur.

Ex iis efficitur materia prima nomine nisi aliud intelligi quam potentiam ad esse, vel non esse, ut Aristoteles lib. 2. de gener. c. 9. decernit. Est enim potentia ad actus omnes physicos, seu ad formas substanciales. Sic lignum cum sit corruptibile, est in eo potentia ut sit ignis, aut quidvis aliud. Quod si datur aliquod corpus immutabile & simplex, in eo fortè non erit materia

prima , cùm nulla in eo sit potentia ad alium actum , seu ad aliud esse . Itaque materia nomine quiddam intelligimus , quod nullo genere entis , saltem sensibilis contingit . Hinc definitur ab Aristotele lib . 1. de gen . *primum potentia corpus sensibile* . Et alibi , *quod neque est quid* , hoc est substantia , *neque quantum* , *neque quale* , *neque quicquam eorum quibus ens determinatur* . Nullum enim est ex decem praedicamentis . Sic via remotionis utcunque intelligitur , ut res quæque simplices , quæ per negationem exprimi solent . Sic punctum definitum Euclides , *cujus pars nulla* .

Sed clarius lib . 1 Phys . ab eo definitur materia *primum subiectum uniuscun- jusque ex quo fit aliquid , cum insit , & non per accidens* . Ubi materiam inesse subiecto innuit , sicque à privatione distinguitur . Ex materia autem & forma substantiali fit unum per se , hoc est , corpus unius essentiae , non ens per accidens , ut ex materia secunda & forma accidentalis . Non minus autem accurata definitio futura est , si reliquis circumscriptis definiatur , *primum uniuscun- jusque subiectum* .

Hec quippe est tota materiae natura , ut subiecti habeat rationem . Est enim materia *id ex quo inexistenti fit aliquid* . Aqua in fonte , vel in vase corpus est completum ; in planta , materia est & principium . Sic elementa in seipsis spe- cta non sunt principia , sed res completae ; ubi mixti compositionem subeunt , jam materiae aut primæ , ut multis videtur , aut remotæ saltem habent ratio- nem .

Cum jam publice receptum sit & persuasum , materiam communem & inde- terminatam omnibus formis substanti , inter se acerrime digladiantur Philosophi , an materia ita si pura potentia , ut nullum habeat actum , aut physicum aut metaphysicum , ac sola citra ullam formam non possit existere : ita enim videtur Thomistis ; an potius materia suam habeat existentiam , licet incom- pletam , eaque sit expers omnis actus physici , non item metaphysici , quæ sententia communior est .

Nos satis apte dirimi controversiam posse arbitramur , si materiam primam cum P. Honorato Fabri dupli modo consideremus , vel physice , quatenus ea est corporis sensibilis pars , que potentia habet rationem , & formam , ut actum suum essentialiter respicit : vel metaphysice quodammodo & absolute , quatenus materiae primæ nomine intelligimus prima rerum initia , quæ omnibus fundamenti loco substantiuntur , nec sub sensu veniunt : adeo ut ea ratione magis ad Metaphysicam , quam ad Physicam pertineant . His positis sit

Prima Conclusio.

Materia prima ut materia est , seu respective considerata , est pura poten- tia quæ propriam non habet existentiam , & separata ab omni forma non po- test existere .

Hec conclusio quæ à schola D. Thomæ defenditur , explicatore magis ; quam probatione eget : nam bene intellecta vix ullam patitur difficulta- tem .

Materia enim ex se vaga est & indifferens , nul'o certo genere comprehen- sa ; atque omnis determinatio illius à forma ducitur : sed ens hujusmodi vagum

vagum existere nullo modo potest. Quidquid enim existit, est certum & definitum. Nullum animal in genere, seu in universum existit, sed quod certa specie continetur. Forma autem hanc speciem tribuit; per eam vaga illa potentia determinatur, & est actus, aut ferrum, aut lignum, aut aliquid hujusmodi. Materia autem nihil est nisi merum subjectum, aut potentia, neque est quid, neque quantum: nullo modo est hoc aliquid: nec demonstrari aut designari potest. Ergo vel mutandae sunt omnes, quas Philosophus afferat materia & forma definitiones, vel faterendum est eam esse puram potentiam, nec separatae posse existere.

Solvuntur ejectiones.

Quæ contra objiciuntur, facile diluimus, si metinerimus nos hic materiali physice spectare, ut potentia est, quæ essentiale in ordinem ad formam tantum ad suum correlatum includit, ut materia est ferri aut ligni: non absolute & metaphysice, ut prima rerum initia, aut elementa complectitur, quæ separatis creati & conservari possunt, tum enim materiae primæ vices non obit, ut postea dicimus. Cum itaque

Opp. 1. Quod est expers omnis actus & propriam non habet existentiam, nihil est: sed materia quiddam est, non merum nihil, ut privatio: ergo non est expers omnis actus saltem metaphysici, & propriam habet existentiam.

Resp. Dif. maj. Quod nullum actum, nullam habet existentiam vel propriam vel alienam, est merum non ens, C. quod non habet actum sibi proprium, nihil est, N. Materia itaque existit, non propria, sed totius existentia; nihil est actus, sed est quiddam potentia.

Inst. Si materia nihil est actus, non magis existit quam res possibilis. Absurdum vero illud videtur, cum materia sit pars compositi.

Resp. neg. major. Nam res mere possibilis est revera sine existentia & sine actu: sed materia actu existit, licet non propria, sed totius existentia.

Contra, *inquires*, absurdum est rem existere per alienam existentiam: existit enim unumquodque per id quod est, non per esse alterius: ergo materia existit per propriam, non per formam, aut totius existentiam.

Resp. {Dif. maj.} Absurdum est rem absolute spectatam, & secundum se existere per alienam existentiam, C. absurdum est rem que in composito est potentia, non actu, & relative tantum spectatur, ab alio actu & existentiam accipere, N. Itaque nec materia, nec forma separatis spectatae existunt, sed compositum, quod existit quidem per formam: ea quippe dat tale esse: tamen nec compositum, nec materia existunt per formam existentiam: ut paries est albus per albedinem: sed album non existit per existentiam albedinis. Sic ferrum est ferrum per formam ferri; per propriam, non per formam existentiam proprie existit.

Quod si materia nomine intelligamus prima rerum elementa, si quæ sint omnino simplicia, ea quidem habet propriam existentiam: tum vero, ut diximus, elementa materiae munus non obeyit, sed quatenus varias induunt formas. Materiam quippe id dicimus, quod in corpore potentia habet rationem; quod actu seu formam opponitur; quod denique in omni generatione,

& corruptione manet, licet aliud, & aliud esse subeat; nec proprium eatione actum habet: ut cera que varias figuræ excipit, omnium expers. Unde ab Aristotele interdum materia non ens appellatur: quia seorsum spectata nulla entis specie continetur. Nec tamen est nihil, ut diximus: quia nihil ens omne actu & potentia excludit. Ut actum suum acquirit aut deperdit, generari quodammodo dicitur, aut corrupti: ut manet eadem potentia, eadem est ingenierabilis, & incorruptibilis, cum sit primum subjectum, quod in aliud refolvi non potest.

Opp. 2. Quæ per diversas actiones producuntur, diversam itidem habent existentiam: sed materia & forma sunt ejusmodi: nam illa creata est, hæc educta. Deinde quidquid creatur, aut conservatur, id existit: utraque enim actio terminatur ad existentiam: sed materia conservatur: idque maxime quod in nostris principiis existentia non distinguatur ab essentia. Cum itaque alia sit materia, alia formæ essentia, palam est utriusque existentiam esse distinctam, nec materiam omnis actus metaphysici esse experiem. Huic adde quod forma essentialiter differat à materia: ergo saltem sua differentia, quæ est actus quidam metaphysicus, non destituitur. Quæ utique congregatim, ut aiunt, congeffimus, quod eorum una sit & eadem solutio.

Repf. Materiam absolute sumptam per se creatam fuisse, & sua existentia donari, *C.* Materiam respective spectatam, ut à Physico considerari debet. *N.* tum enim ut pura potentia spectanda est: hæc est illius differentia & natura; nec creatur per se, aut conservatur, uti nec existit nisi per totum, seu compositionem. Quemadmodum materia secunda ut omnis figuræ capax, nulli addicta concipiatur: nec artifex aliud in materia sue arti subiecta intuetur, nisi capacitatem formæ excipiendæ: quamvis si Physicum agat, non artificem, tum et ipsum quod est statua materia, ut metallum ductile & fusile contemplari possit. Simili ratione Physicus in materia prima illud unum attendit, quod possit esse sub hac, vel illa forma. Quod autem diximus existentiam ab existentia non distingui, id verum est de eo quod existit: at materia proprie non existit, sed totum.

Infl. Res non pendet ab alia quæ non existit, sed forma pendet à materia: ergo materia non existit per existentiam formæ, sed per propriam, quam habet independenter à forma. Secus corpus humanum existentiam haberet spiritalem, non sui ordinis, aut generis: cumque moritur homo, illius materia prima corrumpetur, & existentiam suam amitteret: quæ omnia videntur absurdia.

Repf. Diff. maj. Res non pendet ab alia quæ non existit, sive per propriam, sive per totius existentiam, *C.* Quæ non existit per propriam existentiam, *N.* Distingui etiam potest minor: forma pendet à materia, cum educitur, *C.* cum educta est, *N.* Nisi forte ut relatum à suo correlato: sed mutua est illa dependentia. Deinde non dicimus materiam existere per existentiam formæ, sed per existentiam totius. Sic esse corporis humani non est spiritale. Nam anima non dat homini esse spiritale, sed esse sensibile; sive id largiatur immediate, sive mediate, de quo alibi.

Ex iis facile intelligitur frustra queri, primo an potentia ad formas excipientias sit materie primæ essentialis aut accidentalis: cùm ea sit tota illius essentia.

TRACTATUS SECUNDUS.

511

2. An materia prima ab alia possit specie differre , cum nullum habeat actum , per quem ab alia discrepet . Quod si aliquod sit corpus penitus incorruptibile , id proprie ex materia non constat : cum ea sit potentia ad aliud esse , neque aliunde cognosci queat quam ex generatione & corruptione . Tolle enim mutationem substantialis , nullus erit amplius materia prima unus .

3. Quarti solet an materia formas appetat , quasi sua forma non ad votum satietur : ista quidem à recta philosophandi ratione , ut puerilia & nullius utilitatis sunt rejicienda . Appetitus enim ille materiae nihil est aliud quam ordo ab Authore naturae institutus , quo materia sit apta formæ excipiendæ . Unde & turpis ab Aristotele nominatur : quod sit informis , & omnis illius decor à forma oriatur . Vana itaque est inter Avicennam & Averroëm de illo appetitu controversia , ac meritò negat Avicennas materiam novæ formæ quasi desiderio languere : quod fieri non posset citra odium & fastidium ejus formæ qua potitur . Sed Arabes Philosophiam Peripateticam his naniis deformarunt . Hos itaque dimittamus , ac materiam ut quid absolutum intueamur . Sit igitur .

Secunda Conclusio .

Prima rerum materia absolute & metaphysice spectata non est pura potentia , sed propriam habet existentiam : verum ea ratione nullo modo est sensibilis ; nec proprie ad physicam considerationem pertinet .

Prob. concl. Materia ea ratione spectata nihil aliud concipi potest præter prima rerum elementa , non ea quæ sensibus objiciuntur , sed corpora quædam minima insætilia , simplicia , quæ à Deo creata sunt , quæque fortè generati & corrupti nequeunt : cum in minora , aut simpliciora abiare non possint . Sic etiam materiam veteres Philosophi sunt contemplati , quam meritò ut alienam à Physica rejicit Aristoteles : quod ea solo intellectu , non sensu percipiatur . Hinc lib . 8. Metaph . cap . 4. triplicem materię acceptiōnem afferit , cum docet , *ex eodem fieri omnia primo* : hæc est enim materia generalissime accepta , substantia nimirum extensa , ut à Cartesio , & à nonnullis recentioribus usurpatur . Tum addit , *aut ex iisdem tanquam primis* : hæc sunt prima rerum elementa , de quibus nunc agimus . *Eft tamen* , inquit , *quædam materia cuiusque propria* : Physica nimirum de qua superiori conclusione egimus , quæ nihil est nisi potentia , quæque actum suum à forma excipit , & ad corpus sensibile pertinet : sed prima elementa absolute spectata suam habent existentiam : imo sunt entia in suo genere completa : ergo materia hoc sensu accepta suam habet existentiam .

Confirm. In simplici elemento ut à nobis concipiatur , nihil est aliud quod potentia , nihil quod formæ habeat rationem , nisi fortè substantiam extensam : materię nomine designemus : quæ utique erit mentis præcisio , non naturæ : ut cum mens aliam substantię , aliam corporis , aliam animalis notionem effingit : cùm una & indivisa his vocibus res subjiciatur . Sic ubi mens in elemento simplicissimo duo distinguit , unum quoddam commune quod perficitur , alterum quod perficit ; illud materię , hoc formæ nomine designat ; non idcirco distinctio quam ipsa facit , rebus est affingenda : quandoquidem simplex illud elementum in partes , nisi fortè homogeneas & sui similes dividi non potest .

Hinc docet Philosophus lib. 5. *Physic. in generatione non manere idem subjectum in actu*, sensibili nimurum & physico : sed idem manet quoad entitatem absolutam & insensibilem. Alibi vero substantiam quatuor modis usurpari nos admonet, nimirum secundum materiam, formam, compositum, & secundum subjectum quoddam universale, quod omnibus subest. Quod quidem non est aliud quam commune omnium generationum fundamentum. Nam materia physica & forma cum sint entia quædam respectiva, potentia nimirum & actus, in aliquo absoluto fundantur, quod nunquam perit aut gignitur. Sic Aristoteles optime sibi constat, nec pugnantia loquitur : ut cum docet materiam primam corrupti, & non corrupti ; esse quodammodo non ens ; esse & non esse ; non habere propriam existentiam, sed esse per speciem, id est, per formam. Est enim pura potentia secundum esse physicum & respectivum : cum modo est ignis, modo aer, secundum suum esse absolutum necesse est eam existere.

Opp. Si materia prima suam habet existentiam, imo si sit aliquid completem, forma huic superveniens efficit cum materia unum per accidens, non unum per se, nec tribuit illi esse simpliciter, seu esse secundum quid : ut albedo que advenit partici : illud verò absurdum : ergo illud quoque absurdum est, materiam per se existere.

Resp. Ex materia & forma fieri unum per se, non unum per accidens, quod totum ex utraque constitutum sit unius essentiae; ad unius ideo prescriptum formatum & demum sit unum agendi principium. Nam elementa quantumvis separatis sumpta sint actu, rationem subeunt materiae, cum nobiliore formæ subjiciuntur, qua dat esse simpliciter, respectivum tamen, ut esse ferri, esse ligni, seu tale esse : licet ea non det materiae esse absolutum, quod ab ipsa creatione accipit.

Q U A È S T I O I V .

De causa formalis.

CAUSA formalis dicitur, quæ dat tale esse composito. Unde & ab Aristotle definitur *ratio ejus quod dat esse rei*; seu ratio essentiae constitutiva. Sic calor dat esse formale calido : non enim dat esse ligni, aut ferti, sed calidi. Unde ad causam formalem revocantur ea omnia quæ effectum ad tales speciem, vel esse determinant : ut objecta respectu facultatum & habituum; exemplar, vel idea, definitio ipsa, actus etiam metaphysici : ut differentia cum genere comparata; ordo & compositio partium in artefactis: abstractum denique omne respectu concreti. Sic calor in abstracto est causa formalis sui ipsius in concreto. Verum de forma substantiali hoc loco potissimum agendum est.

Ex iis quæ de materia prima diximus, quid formæ substantialis nomine intelligamus, obscurum esse non potest. Nam ut materia prima nihil est praeter subjectum, ex quo inexistente sit aliquid, adeo ut potentiae tantum habeat rationem : sic illud quod potentiam vagani & indifferentem ad certum genus determinat, forma substantialis nominatur. Unde ab Aristotele definitur *ratio substantialis*; seu ratio propter quam res aliqua certa est & determinata sub-

stantia, ferrum v. gr. aut lignum : ut figura statua est illius forma , propter quam dicitur aut Cæsar , aut alterius. Quare ut cera eadem manens variis subinde figuris imprimitur : sic eadem materia varias formas substanciales excipit.

Atque ut ex cera, aut ex alia materia secunda, & ex figura itidem fit compositum accidentale : sic ex materia prima , & forma substanciali fit compositum substancialie , quod plerunque voce substantiva exprimitur , ut homo , equus, &c. Quemadmodum & totum accidentale voce adjectiva designari solet , ut rotundum , album. Aut certe si nomen substancialium adhibeamus , vim habet adjectivi : ut globus idem est ac corpus globosum , quod scilicet figuram haber rotundam.

Hæc de notatione nominis formæ substancialis : ex qua utique diversa quibus signari solet nomina , facilè intelliguntur. Primum enim forma dicitur , quod formet & perficiat materiam. 2. Tertius ob eandem rationem nominatur : quod vagam & illimitatam materiam certis finibus coërceat. 3. Charakter quoque dici solet : quod eam speciem , ac velut notam compagno imprimat , quæ illud ab aliis omnibus discriminat. Postremo ab Aristotele & veteribus Peripateticis , imo à S. Thoma , *ratio , definitio , quod quid est , species* denique identidem appellatur : quod scilicet si ratio cur res sit potius hæc , quam illa , cur sit ferrum , non lignum : quod sit ratio rei constitutiva , nempe aut *esse* rei , aut ratio formalis ipsius *esse* : ut albedo est ratio qua album est : forma ignis , ratio qua est ignis , unde & in definitione primas obtinet.

Hactenus , ut puto , omnes convenient : tametsi ex hac generali , nec multum involuta formæ notione dirimi facile possint omnes controversæ , quæ circa formarum existentiam , naturam & originem excitantur , quæque Peripateticos non inter se modo , sed etiam cum aliis Philosophis collidunt. Verum ea commodius in Phyllica excutentur. Satis hoc loco fuerit formarum existentiam demonstrasse. Sit igitur

Prima Conclusio.

Dantur formæ substanciales.

Prob. concl. 1. Datur generatio , seu mutatio totius sensibilis , ut mutatio ligni in ignem : sed generatio nulla esse potest , nisi forma substancialis acquiratur , quæ est illius terminus , quem materia respicit ut suum actum. In generatione enim fit mutatio à non esse ad esse : id verò esse aut est forma , aut ab ea profluit. Ergo ut ex generatione materia , ita & forma optime concluditur : illa ut mutationis substancialis commune subjectum , hæc ut terminus illius mutationis.

Confirm. Si nulla esset forma substancialis , nihil esset discriminis inter generationem & alterationem : nunquam enim nova substantia gigneretur : sed quæ jam erat , accidentariam duntaxat mutationem subiret : quod omnino absurdum , & experientiæ contrarium videtur.

Probatur 2. Datur corpus naturale , ut ferrum : sed ratio quæ ferro dat esse ferri , quæque illi speciem & talem naturam tribuit , dicitur forma sub-

stantialis : nam forma accidentalis speciem subiecti non mutat : ut cum ferrum ex frigido fit calidum , idem est specie quod antea : per formam vero substantialem est ferrum ; eaque speciem illi & characterem trahit.

Confirm. Nullum accidens essentiale differentiam inducit : sed ea omnino repetitur à forma : ergo ea non est quid accidentarium. Hinc Aristoteles docet lib. 1. Physic. *Substantiam non constare ex non substantiis.* Corpus autem naturale substantia est , & constat ex materia & forma , quæcunque illa sit : ergo forma est substantiale quiddam.

Confirm. iterum. Anima rationalis est forma substantialis , ut definitum est in Concilio Viennensi : ergo eadem quoque est ratio de formis animalium , quæ majorem cum materia habent cognitionem. Nec sane tam apta corporis organici structura & conformatio , tanta inter illius corporis partes consensio , tot vires , tot proprietates adeo fixæ & stabiles aliunde oriri possunt , nisi ex una & eadem forma , quæ sensus quidem fugit , sed ex effectibus se prodit , & ipsi ratione est manifesta : neque enim tanta vis est in elementis , qua virtutæ functiones ex se fundere & exercere queant.

Quæ contra objici solent , commodiùs in Physica , ubi de natura formarum & origine dicemus , afferentur , ne eadem sèpius repeterem cogamur.

Ex iis nonnulla velut corollaria ducuntur , quæ ab omnibus pene ut per se manifesta conceduntur. Primo formam melius dici substantialem , quam substantiam : quod seorsum non existat. Nulla enim per se subsistit , aut existit , si animam rationalem excepitis. 2. Omnis forma est corporea , quia pendet à materia , sed non est corpus. 3. In viventibus ac præfertim in animalibus , plures sunt formæ partiales , ossis v. gr. nervi , carnis , quæ omnes unum formæ principi subjiciuntur. Nam caro in bove non est tantum caro , sed caro vivens : id vero habet à forma animalis. Cumque omnes illæ formæ ad idem esse animalis pertineant , unum per se , non unum per accidens , ut lapides in domo efficiunt. Quamvis enim lapides dominus esse & formam constituant , id tamen accidit lapidibus , neque ille ordo à natura proficitur. Cum itaque

Opp. quod advenit enti jam per se existenti , cum eo efficit unum per accidens , ut de forma dominis , quæ advenit lapidibus jam seorsum existentibus dictum fuit : sed anima supervenit corpori , cuius partes jam habent esse per formas partiales : ergo unum per accidens una cum corpore efficit.

Resp. Dist. maj. Si id quod jam existit per se , ex naturæ instituto non ordinetur ad nobiliorem formam , C. Si per se , & ex naturæ instituto præstantiori formæ subjiciatur , N. Idque jam satis est explicatum.

Instant. Generatio unius est corruptio alterius , & vicissim : atqui si partes corporis organici jam quæque habent suam formam , & suum esse , cum animal destruitur , nihil novi in corpore generatur : nam pars quæque manet cum sua forma. Ergo id falsum est formam principem materiae jam aliis formis instructæ supervenire.

Resp. In corruptione animalis partes singulas manere , sed jam esse sui juris , quæque habebant esse per formam animalis , jam in se existunt : nec

amplius est caro animalis, sed mera caro, & corpus mixtum ex elementis. Nec video quid aliud generari possit novi in corpore animalis, cum id moritur. Sed hæc alibi: neque enim omnia simul tradi possunt.

Postremo, minime necessaria videtur forma quæ corporeitatis vulgo dicitur, quæque dat esse corporis. Nam forma quæ dat esse ferri, dat itidem esse corporis. Non enim potest esse corpus quin sit in aliqua specie determinata: & quæ forma corpus efficit, eadem hoc corpus & certum constituit. Alia est ratio formæ viventis, quæ ad operationes suas, alias formas præsupponit. Nam partes organicas exigit: sed forma elementi una & eadem est; quæ corpus efficit & tale corpus. Nisi forte quis velit formam quoque agnoscere, quæ gradum tribuat substantiæ: quod utique omnino absurdum esset. Itaque fatus fuerit unicuique elemento suam formam tribuere: nec necessario est forma simplicior, quæ corporeitatis dicitur.

QUÆSTIO III.

De utriusque causæ materialis & formalis effectu.

Compositum & partium unio, ut loquuntur, sunt causæ materialis & formalis effectus: de iis adeo sigillatim dicendum.

De composito.

QUæritur primo an inter partes compositi materiam & formam realis intercedat distinctio.

Resp. Materiam & formam realiter inter se distingui. Cum enim forma est absoluta, ut anima rationalis, tum palam est eam à corpore, ut rem à resejungi, & separatim posse existere.

Cum autem forma habet esse respectivum, id quoque planum est unam ab altera realiter quodammodo, nec sola cogitatione secerni: cum nulla sit forma sensibilis, quæ à materia separari non possit; cumque unius idea positive excludat ideam alterius: una quippe est potentia ad esse, altera est actus, seu ratio formalis ipsius esse: quæ scilicet dat hoc esse; illa est indeterminata & vaga, hæc ad certam naturam subiectum ipsum determinat.

Sed, *inqüies*, forma absoluta viventis nihil est nisi materia quædam subtilissima, & maxime actuosa, ut in Physica ostendemus: ergo ea non distinguunt à materia.

Resp. Nos materiam intelligere quod crassum est & sensibile, quodque ab alio perficitur; formam vero id quod dominatur, regit, continet elementa, seu materiam ipsam, communis omnium sensu & voce appellari. Sic forma dicitur in viventibus substantia quædam tenuis & vegeta, quæ partes omnes velut in sui obsequio continet, quæque functionum est causa primaria: nec forma tamen dici potest, nisi ut est in corpore organico, cui vitam & sensum irrigitur. Tum enim certis legibus corpus movet & vegetat, & sese multiplicat fere instar flammæ, aut per sui divisionem,

ut suo loco dicemus ; eaque habet rationem formæ quatenus unà cum corpore est principium integrum , & adæquatum earum functionum quas vivens exerit.

Quæritur secundo an compositum sit quiddam distinctum à partibus simul unitis.

Resp. Compositum non aliud esse quam partes simul unitas : ut par numerus v. gr. senarius nihil est nisi unus & alter numerus , seu ternarius & ternarius simul sumpti ; neque ullam aliam habet entitatem. At si spe&temus compositum ut habet esse respectivum ; tum aliud videtur esse compositi , aliud materiae , aut formæ . Non enim esse totius est esse formæ : cum illud generetur , hoc non item. Deinde esse formæ inest composito , non item esse compositi , cum nihil sit in seipso.

Sed eadem est entitas absoluta totius , quæ partium , cum simul & conjunctim accipiuntur. Est enim una essentia quæ ex materia & forma constat , ea que ab iis ne cogitatione quidem separata concipi potest.

Opp. 1. Aliud est esse hominis , aliud esse corporis & animæ : illud enim generatur , 'cum esse corporis aut animæ per generationem non fiat.

Resp. diff. ant. Aliud est esse respectivum hominis & partium , C. absolutum , N. Nam esse hominis respectivum generatur , quatenus est totum quiddam , cuius esse neque est corporis , neque animæ . Sed esse absolutum hominis non aliud concipitur quam partium simul junctarum , idque potissimum ad animam pertinet : hac enim dat esse homini.

Infl. Partes compositi sunt incompletæ , compositum vero est quid completum : ergo aliud est compositum quam partes. Unde Aristoteles triplicem distinguit substantiam , materiam , formam & compositum.

Resp. diff. ant. Partes compositi sunt incompletæ seorsum sumptæ , C. simul sumptæ , N. Unde & tria distinguit Aristoteles , quod compositum nec sit materia , nec forma , sed utraque simul unita.

Opp. 2. Compositum est unum , non item partes : ergo compositum est quid distinctum à partibus.

Resp. diff. ant. Est unum unitate compositionis , cum non sit multiplex essentia , C. unitate simplicitatis , quasi omnem multitudinem excludat , N. Nam ex multis coalescit : nihil tamen est in composito quod non sit in partibus simul unitis.

De unione.

Circa unionem , seu materiae & formæ conjunctionem multa solent disputationare , quæ plus habent subtilitatis , quam utilitatis. Quærunt primo quid illa sit , an quedam entitas materiae & formæ succrescens , quæ modus absolutus nominetur , quæque compositi partes intime afficiat.

Resp. nihil eam esse præter modum respectivum : illius enim effectus est prædicatum relativum , quo partes compositi unitæ , ac totum ex iis conflatum dicitur , quod ex materia & forma unum quiddam essentiale & substantiale emergat. Itaque duplex est effectus unionis , alter respectu partium , quæ sunt unitæ , alter ratione totius , quod fit unum : uterque effectus est respectivus : ergo ipsa unio , nihil est nisi relatio , cuius scilicet effectus formalis est prædicatum respectivum.

Et

Et quidem formæ quæ nihil habent absoluti , quaque à materia non sunt separabiles , per interiectum modum absolutum conjungi non possunt . Nam hoc ipso quod educuntur , seu sunt actu , hoc ipso ununtur , onni alia entitate detracto : non possunt enim esse actu nisi in materia . Non quod eductio formæ sit unio : illa enim transit , hec permanet : sed polita eductione ipsa unio resultat , ut posito termino relatio emergit : atque ubi utraque materia & forma simul sunt , statim emergit unio ; neque ea potest esse sine materia & forma simul sumptris ; neque adeo illa est inter eas distinzioneis nota : adeo ut materia & forma per seiphas uniantur .

Deinde forma actu esse non potest quin uniatur : sed res potest esse sine modo absoluto : ergo unio non est modus absolutus : sublata quippe unione nulla est amplius forma : non igitur unio est motus absolutus , nemus entitas quædam superaddita .

Sed , *inquires* , nec materia , nec forma est modus respectivus : ergo distinguitur ab utraque .

Resp. Idem argumentum de omni relatione jam in Logica solutum esse : ut albedo non est similitudo , nisi quid aliud connotet : tamen per seipham est alteri similis . Sic materia sola absolute spectata non est unio , aut unita , sed ut comparatur cum forma quæ simul existit .

Jam ubi forma est absoluta ut in viventibus , major est difficultas . Ubique tamen unio est relatio tantum , quæ emergit , cum corpus organicum est dispositum , & forma est actu . Addunt nonnulli decretum Dei quo Deus paratus est concurrere . Nam sentire est agere ; nec agere anima potest in actu secundo , nisi Deus concurrit : ergo nec sit potens ad agendum , nisi Deus paratus sit in actu primo ad concurrentem . His vero positis statim forma animalis per seipham , circa ullam entitatem superadditam unitur materiæ .

De anima rationali non major est difficultas : eadem enim exigit , & per seipham unitur corpori , cui intime præsens est , dummodo Deus per decretum suum paratus sit concurrere cum anima , ut fiat unum principium integrum animæ cum corpore . His enim positis unio necessario resultat , detracta omni alia entitate . Quod si aliquid desit , aut corpus non sit apte dispositum , aut decretem Dei non adsit , nulla , inquit , unio futura est .

Cum autem duplex sit relatio , una corporis ad animam , altera animæ ad corpus , duplex quoque erit unio : nam unio nihil est præter relationem .

Opp. 1. Corpus & anima existente possunt separatim : ergo per se non uniuntur .

Resp. dist. conseq. Per se non uniuntur , ut absolute spectantur , C. ut simul & respective , quatenus anima est præsens corpori , illud penetrat , & decretum Dei non desit , N. Unio itaque præter corpus & animam ea includit , quæ à nobis sunt observata , dispositiones videlicet corporis organici , compenetrationem utriusque , & decretum Dei .

Contra , *inquiunt* , si unio decretum divinum in suo conceptu includit : ergo est aliquid extrinsecum .

Resp. neg. conseq. Ut nec vis activa est rei extrinseca , licet compleri non possit circa divinum concursum .

Opp. 2. Homo cum generat hominem, nihil efficit, non materiam, non formam, non unionem qua nihil est.

Resp. generantem efficere compositum, imo & unionem, licet non sit distincta a partibus dum efficit ut materia sit apta formae excipiendæ.

Opp. 3. Materia & forma non possunt ex non unitis fieri unitæ circa mutationem intrinsecam: ergo unio quæ illam assert mutationem, est aliquid distinctum à materia & forma.

Resp. diff. ant. Et mutatio illa ex forma oritur, *C.* ex sola unione, *N.* materia enim mutatur, & ex non unita fit unita per formam, quam excepit, quæque non minus materiam mutat, quam unio ipsa mutare posset.

Q U A S T I O I V.

De causa exemplari.

DE causa exemplari multa diximus in Logica, cum de ideis ageremus: nam exemplar & idea formæ rei efficiendæ promiscue solent usurpari; estque id omne ad cuius imitationem, aut similitudinem fit aliquid. Cum enim causa efficiens, ac præsertim dianoëtica sit indifferens ut unum potius efficiat quam alterum, non aliud magis eam determinat quam idea rei facienda, ad quam tum respicit, cum operatur. Est enim velut regula quam imitatur artifex ne aberret: est forma ipsa objectiva, seu cognita, quæ operantem dirigit: hinc effectus omnino penderit, cum sine exemplari nullus esse possit. Itaque hujus cause influxus est directio ipsa per sui imitationem, nam in eo operis perfectio posita est, ut ideam suam imitetur. Quod etiam vera causa sit exemplaris, hinc liquet, quod ea sit prior natura effectu qui ab ea proficiuntur: nam idea sine ipso opere quod efficitur, esse potest, non vicissim.

Quocirca satis apte definiri potest, *causa quæ dirigit proxime & objectivè potentiam ad aliquid agendum*. Nam potentia quæ bene & male potest operari, & à vero aberrare, dirigitur ab exemplari, quod menti artificis obversatur. Si quod vero sit exemplar exterius positum, id utique non proxime attractum dirigit, sed illud ipsum quod mens sibi exhibet, quod percipit, cuius similitudinem opus imitatur: id vero nihil est præter objectum ipsum cognitum.

Est itaque duplex idea, formalis una, quæ est rei facienda cognitionis; objectiva altera, quæ est objectum cognitionis. Hoc autem loco queri solet an idea formalis, an objectiva sit causa exemplaris. Sit igitur

Vnica conclusio.

Exemplar, seu idea rationem habet causæ ut quid objectivum est, aut cognitionem, non ut est ipsa cognitionis formaliter sumpta.

Prob. concl. Artifex cogitat de suo exemplari; in illud intendit animum, tanquam in mensuram sui operis, ad cuius imitationem quidquid molitur, exigit; ac de cognitione sua formalis ne cogitat quidem, neque eam imitatur, sed objectum ipsum cognitionis: ergo non formalis idea, seu cognitionis ipsa, sed idea

TRACTATUS SECUNDUS.

519

objectiva, seu res intellecta, ut per imitationem in opere exprimenda, est causa exemplaris.

Confirm. Cognitio est intuitus, seu aspectus ipse, non id quod intuetur artifex dum operatur; quemadmodum externum exemplar est objectum cognitum. Ergo id quod imitatur artifex, quod eum dirigit in agendo, non est cognitio, seu idea formalis, sed objectiva. Nam si rogetur artifex quid agat; statim respondebit se id agere, aut moliri quod in mente gerit: ergo objectum ipsum quatenus cognoscitur, artificem in agendo dirigit, & causa exemplaris nihil est præter opus ipsum ut cognitum, non cognitionis.

Quo autem facilius iis occurramus, qui solent opponere, quedam sunt ante breviter adnotanda. 1. Ideam formalem, seu cognitionem esse conditionem, ut vocant, sine qua exemplar opus non dirigeret. Non enim exemplar dirigit nisi cognitum: sic finis movere non potest voluntatem, nisi applicetur quodammodo per cognitionem. Non dissimilatio exemplar ut cognitum regit potentiam in agendo; & intellectus in exemplar intentus, quasi faciem praefert potentiae motrici, ut id ipsum quod est in mente, efficiat.

2. Hæc non confundi, sed apte distingui debent, ars, artificium, & artefactum. Ars est cognitio artifici; eaque effectiva operatur: nam est habitus vera cum ratione effectivus; cognitio vero est causa physica, non objectiva. Artificium est objectum artis, seu recta ratio operis faciendi: unde causa exemplaris, aut est artificium ipsum, aut illud complectitur. Nam si proprie & accurate loqui volumus, exemplar totum est opus ut cognitum, cui inest recta dispositio, seu artificium, ut forma. Artefactum vero est opus artis, seu effectus causæ exemplaris.

3. Influxus hujus causæ spectari potest, vel in actu 1º, & est vis directiva: cum scilicet objectum ita in mente exprimitur, ut sit velut imago operis faciendi: vel in actu 2º, & est ipsa directio potentiae, aut imitatio operis faciendi: potentia enim operatrix dirigitur ab exemplari. Sed illa directio in ipsum opus terminatur; & exemplaris quasi lineamenta per vim operaticem in opus ipsum velut traducuntur: adeo ut causa ipsa exemplaris, ut est in statu obj. activo, sit causa sui ipsius, ut est in actu, ut aiunt, entitativo, seu quatenus extra mentem existit.

Solvuntur objectiones.

Opp. 1. Nihil seipsum imitari, nihil à seipso dirigi: sed artefactum est res ipsa cognita, ut diximus: ergo causa exemplaris non est idea objectiva, sed formalis, seu ipsa cognitionis: cum nihil sit causa sui ipsius.

Resp. dist. major. Nihil seipsum imitari, aut suipius esse causam secundum eumdem statum, C. juxta diversos existendi status, N. Quare ut diximus, causa exemplaris in statu objectivo est causa suipius, & seipsum dirigit in statu, ut aiunt, entitativo & physico: sic domus extruitur ad imitationem illius, quam in mente expressam habet artifex. Ac res potest fieri ad imitationem suipius, quatenus est in actu objectivo; ut finis in intentione est causa suipius in executione: pender enim à seipso tanquam ab aliquo priori objective quidem, non physice.

Contra, *inquires*, causa exemplaris pertinet ad causam effectricem: cum idea divina sit causæ effectrices rerum, ut docet S. Dionysius lib. de Divinis

Nomin. c. 4. cumque forma qua agens operatur, ad causam effecticem revocetur: ergo causa exemplaris non est objectiva, sed physica; non est objectum cognitum, sed objecti cognitio.

Resp. neg. ant. & ad ejus probationem dico ideas divinas esse causas rerum effectrices; si pro cognitione divina sumantur, C. si pro essentia divina ut est participabilis a creaturis, N. Sic etiam forma à qua aliquis effectus proficietur, ad causam effectricem revocatur: sed forma ad cuius similitudinem effectus procreatur, non efficientis, sed exemplaris habet rationem.

Vrgent. Quod dirigit artificem, id pertinet ad causam efficientem: nam ars ipsa definitur habitus vera cum ratione effectivus; sed idea dirigit artificem: ergo ad causam efficientem, & physicam referri debet, non ad causam objectivam tantum; & est ipsa cognitio, non res cognita.

Resp. dist. maj. Quod dirigit effective operantem, ad causam efficientem pertinet, C. quod dirigit objective, & ut exemplat, N.

Opp. 2. Ideæ divinæ non sunt objecta cognita, sed cognitio divina. Atqui ideæ divinæ sunt cause rerum exemplares: ergo causa exemplaris est formalis cognitio, non objectiva.

Resp. neg. maj. Nam Deus cum aliquid opus molitur, juxta æternum exemplar operatur, seu juxta objectum quod mente complectitur. Hinc S. Thomas i. p. quæst. 15. art. 2. *In quantum*; inquit, *Deus cognoscit essentiam suam ut sic imitabilem a tali creatura, cognoscit eam ut propriam rationem, & ideam hujus creature.*

Instans. Peritus artifex effectum ideæ suæ quam potest simillimum efficit; sed creature nullam fere habent similitudinem cum essentia divina: ergo divina exemplaria non sunt essentia divina.

Resp. dist. min. Creaturas non multum esse divinæ essentiæ similes, si entitatem spectemus, C. si rationem imitationis, & quatenus essentia divina est participabilis, N.

Opp. 3. Idea ex Aristotele est forma rei facienda, sive ab Augustino definitur: unde & speciem determinat extrinsece, ut forma rem constituit intrinsece. Nam ut homo haberet anima rationali intrinsece quod sit homo, ita id ipsum habet extrinsece ab idea divina; nec artifex formam determinatam in materia procreat, nisi propter exemplar quod intuetur. Sed cognitio est forma, non objectum: ergo idea formalis, non objectiva est causa exemplaris.

Resp. ideam esse formam directricem, nt diximus, non effectricem, cuiusmodi est cognitio. Hinc Aristoteles ipse. Metaph. docet à sanitate qua est in mente, sive i sanitatem in corpore, hoc est sanitatem illam quam Medicus concipit animo, esse causam exemplarem illius quam ægro impertitur.

Utrum vero causa exemplaris ad formalem sit revocanda, quod speciem rei constitutat, ex dictis utcumque colligere possumus. Jam enim supra ostendimus magnam esse inter utramque causam cognitionem, & ideam esse velut formam rei extrinsecam. Sed tamen differre à causa formali videtur, quod illa sit objectiva, & influxus formæ sit physicus: inde non specie solum, sed & genere quodammodo inter se discrepant. Causa enim physica physice, & secundum suam entitatem; objectiva ut cognita operatur. Quiaquum & exemplaris in naturali generatione quodammodo physica dici possit, quatenus agens

TRACTATUS SECUNDUS.

521

omne sibi similem effectum procreat, quasi ad aliquod exemplar respiceret. Nam quæ cognitionis sunt expertia, tam perfecte agunt, ac si cognitionem præviam sequentur: unde & opus naturæ dicitur opus intelligentiæ. Sed constans ille ordo ab Authore naturæ est constitutus, atque ab arte omnipotentis artificis descendit.

QUÆSTIO V.

De causa finali.

DE fine satis fuse in Philosophia moralis diximus, nunc de eodem ut causæ habet rationem, pauca dicenda sunt. Primum itaque an sit vera causa, deinde quis sit illius influxus, seu causalitas, & qua ratione moveat effecticem causam; postremo qui sint illius effectus, quam brevissime exponemus. Sit itaque

Prima Conclusio.

Finis est vera causa, non physica, non moralis, sed objectiva.

Tres sunt hujus conclusionis partes, quæ seorsum probandæ sunt & explicandæ: ac prima quidem pars facile probatur: cum finis sit prima causalium, quæ effectricem ad agendum movet, allicit & determinat, & qua sublata cessant omnia. Tolle enim finem, causa effectrix nihil molietur, nec materia formam excipiet; est igitur finis causalium princeps, quæ reliquas vi sua continet, per eas quodammodo se diffundit, & movet immota. Est denique id unde aliquid est, tanquam à priori: ergo est vera causa, ex definitione causæ quam attulimus.

Seconda pars conclusi, itidem prob. Finis non est causa physica, nec physicum habet influxum, sed objectivum tantummodo. Nam causa physica existit per se, vel per aliquam virtutem superstitem: cuiusmodi est vis illa quæ in glande remanet, etiam cum quercus combusta est. Sed finis plerumque non existit nisi in mente nostra, seu objective: ergo non est causa physica quæ per suam entitatem influit in effectum.

Tertia denique pars conclusionis patet. Neque enim finis, si proprie loqui volumus, est causa moralis, sed tantum objectiva. Nam causa moralis moveret aut suadendo, aut jubendo, aut impellendo, & in aliud semper nititur: contra finis ad seipsum trahit & illicit. Moralis antecedit executionem rei: ut cum heris servo imperat. Finalis causa est in executione postrema, & semper rationem habet boni, sive id verum sit, sive apparentis: non item causa moralis, quæ plerumque & mala est, & ita videtur. Cum effectus producitur, jam non est causa moralis, sed fuit: ut cum orator aliquid faciendum persuaserit. At finis nondum existit, cum sit effectus, sed erit: ut sanitatem nondum fruor, cum medicamentum sumo. Ergo finis non est causa moralis, nisi eo nomine omnem causam intelligas, quæ physice non influit in effectum: sed est causa objectiva, quæ scilicet objectivum habet influxum, quæque per cognitionem applicatur, & moveret modo quo infra dicturi sumus.

Solvuntur objectiones.

Opp. 1. Deus est finis suarum actionum: sed Deus non est causa suorum actuum: ergo finis non est vera causa.

Resp. aliam esse rationem finis, aliam causæ finalis: nam finis potest esse suipius; causa autem finalis est semper alterius: cum scilicet ex uno volito, ut aiunt, aliud volumus: ut ex eo quod sanitatem appetimus, medicamentum sumere volumus. Itaque ad finem intentio, ad causam finalē pertinet electio; finis in creaturis dici potest causa pure objectiva, qualem supra expusimus, quæ scilicet solam cognitionem postulat: sed ut causæ finalis habeat rationem, non satis est ut finis sit cognitus: nam præterea requiritur ut ex ejus volitione aliud quiddam velimus, media scilicet eligamus. Hinc causa omnis finalis est finis, sed non vicissim; finis ad seipsum movet, causa finalis ad media.

Contra, *inquires*, Deus est objectum sui amoris: ergo est causa objectiva suorum actuum.

P. Resp. Neg. conseq. Aliud est enim esse objectum, aliud esse causam objectivam.

Opp. 2. Vera causa est prior effectui, & vere debet existere, & dare effectui suo esse: sed finis sepe non antecedit effectum, nec existit, nec dare potest esse, cum id non habeat: ergo finis non est vera causa.

Resp. Dist. maj. Causa debet existere & effectum antecedere, vel physice, vel objective, C. physice & realiter, N. Finis plerunque non existit, nec antecedit effectum suum physice; sed objective tantum, & in ipsa intentione, neque adeo dat esse effectui per phylicum influxum, cum id non habeat, sed per influxum objectivum, & quodammodo moralem.

Quæ autem alii opponunt ut probent finem esse causam physicam, ea facile dilues, si homonymiam vocis sustuleris. Nam si causæ physice nomine eam intelligas, quæ procreat verum & reale effectum, fatendum est finem esse causam physicam. Contra, si ea dicenda non sit causa physica, quæ physice & realiter non influit in effectum, sed objective tantum, aut moraliter: tum enim causæ finalis inter physicās numerari non debet.

Secunda Conclusio..

Finis movet causam effectricem per suam bonitatem cognitam, non per cognitionem formaliter sumptam, caque motio dicitur metaphorica.

Hæc conclusio ex iis quæ dicta sunt, facile colligitur. Primum enim actus primus causæ finalis est bonitas illius cognita, sive sit vera, sive speciem tantum habeat bonitatis: per hanc enim vim habet influendi in effectum.

2. Cognitio est velut applicatio hujus causæ, & conditio ad agendum requisita. Id enim expeti non potest, quod penitus ignotum est.

2. Finis non movet ratione cognitionis, atque, ut loquuntur, per suum esse intentionale: sed per suum esse reale & objectivum. Cum enim queritur cur aliquid fiat, cognitio finis non assertur, sed res ipsa, quæ ut finis experta

tur. Non cognitio sanitatis, sed sanitas ipsa nos moveret: hæc desiderium excitat, cum abest; gaudium, cum possidetur. Cognitio vero, ut diximus, est tantum conditio sine qua finis non illiceret voluntatem. Atque eodem modo de fine, ac de exemplari philosophandum est, ut ex iis quæ superiore quæstione diximus, satis liqueret.

Postremo influxus causæ finalis, seu causalitas, ut loquuntur, & actus secundus, est motio quedam objectiva: hæc enim præstat ut finis influat in effectum: sed motio illa dicitur metaphorica & impropria, cum solius causæ effectricis sit propriè agere & movere. Quamobrem idem est influxus triplicis causæ externæ, actio nimirum: quæ ut ab agente proficiscitur, & physica est, influxus est agentis; ut fit intuitu alicujus bonitatis, qua voluntatem illicit, est influxus causa finalis; ut ad alicujus imitationem dirigitur, ad causam exemplarem pertinet: est tamen eadem ubique actio, & formaliter tantum diversa.

Opp. 1. Cognitio finis movet causam effectricem ad agendum: ergo finis movet tantum per cognitionem.

Resp. Diff. conseq. Movet finis per cognitionem objectivam, *C.* per cognitionem formalem, *N.*

Contra, *inquiries*, sepe finis non habet esse reale, nec ullam bonitatem, sed tantum esse intentionale: ergo non movet per esse reale & objectivum, sed per esse intentionale.

Resp. diff. ant. Finis sepe non habet ullam bonitatem veram, *C.* apparentem, *N.* Nec habet esse realē, quatenus reale opponit objectivo: sed reale hoc loco intelligimus, quod intentionalē, seu formalī cognitioni opponit. Finis vero semper aliquam habet bonitatem realem, seu objectivam: non enim cognitio finis, ut sanitatis, sed sanitas ipsa quæritur.

Quod autem superiore quæstione de causa exemplari physica diximus, id multo potiore jure ad finem physicum rerum naturalium accommodari potest. Nam res omnes etiam cognitionis expertes agunt propter finem, quem ex usu cognoscimus tantum. Atque hunc finem maxime in rerum indagatione persequimur: ut cum structuram partium animalis indagamus, uti suo loco fusus dicetur. Cum res finem suum consequi non possunt, tum frustra videntur existere. Finis vero cuique rei est ab Authore naturæ inditus. Ac plures ejusdem rei possunt esse fines à Creatore ipso præstituti, adeo ut uno deficiente alter non desit. Quin & finis ille est quodammodo causa physica: nam pri-mam nature institutionem consequitur: unde est prior in intentione, nec habet esse objectivum: non enim cognoscitur à creatura. Si referatur ad naturæ Conditorem, tum ea ratione quodammodo movet objective.

QUÆSTIO VI.

De effectricis causæ notione & existentia.

ID unum restat ut de causa effectrice paulo uberiori differamus: hæc enim sola, si proprie loqui volumus, causa physice nomen & rationem sibi vindicat. Nam exemplaris & finalis objectivæ tantum, non physica sunt causæ; materia & forma magis partes compositi, aut principia videntur esse quam

causæ : cum nihil à se diversi procreent : quamvis latiore significatu acceptæ inter causas etiam physicas numerentur. Sed causa effectrix proprie agit, & physice influit in effectum. Quare hujus contemplatio ad primam Philosophiam maxime pertinet. Hinc enim naturalis scientiæ principia potissimum manant. Quo minus mirandum si in ea pertractanda paulo diutius immoretur. Primum itaque de notione & existentiæ causa effectricis, tum de illius influxu dicendum est ; postea illius proprietates persequentur.

Id omne à quo effectus proficitur, causa effectricis nomine designamus. Definitur ab Aristotele lib. 2. Phyl. id unde est primum principium mutationis, aut quietis. Est enim effectrix causa id à quo omnis actio, & actionis terminus, nempe effectus, dimanat : atque hæc particula, unde, seu à quo, est quasi character causa efficientis : ut propter quod, finalis ; ad quod, exemplaris : uti jam identidem monimus. Effectrix vero causa primum principium dicitur mutationis : quod intelligendum est de executione. Nam si intentionem spectemus, finis primum principium est motus. Porto hæc definitio convenit tantum cause physicæ, quæ agit immutando materiam.

Jam vero illa mutatio ex Aristotele, vel est ad locum, eaque latio, aut motus localis dicitur ; vel est ad quantitatem, quæ ut multis videtur, est rafraetio, aut accretio, ut aliis placet ; vel ad qualitatem, cum res sit quodammodo altera : unde & alteratio nominatur : ut si aqua ex calida fiat frigida ; vel ad substantiam quæ proprie est generatio.

Sed magna hic occurrit difficultas, an res aliqua seipsum mouere possit : quod negat Aristoteles ; alii contra assertunt. Verum quæstio illa vix ditimi ante potest, quam multa de motu & aliis quæ ad Physicam pertinent, sunt explicata. Intetim tamen pauca premittemus.

Actiones vitales in suis principiis excipiuntur : unde animalia videntur in se sui motus habere principia : nec verisimile est Angelum seipsum moyere non posse. Quin & gravia forsitan à seipsum moventur, & motum suum in descensu accelerant. Unde plerique Peripatetici distinctionem formalem inter movens & rem quæ mouetur, sufficere contendunt : cum mobile sit prius natura & tempore quam motus ipse.

His breviter de notione & natura causæ effectricis delibatis, nunc de illius existentiæ agendum videtur. Nam plerique Arabes in ea fuere sententia, ut nullam esse causam effectricem crediderint, si primam exceperis : adeo ut globus in alium impactus motum suum non communicet alteri globo, in quem incurrit, sed illius duntaxat occasione motus à prima causa procreetur. Quod si verum est de motu, multo id probabilius de generatione ipsa, aut alteratione futurum est, cum ad primam duntaxat causam pertineat novum ens procreare. Que utique sententia Cartesio, & multis recentioribus non displicet : cum omnis actio motu contingatur, quem à prima duntaxat causa effici, & conservari existimant. Nobis quidem aliter videtur. Sit itaque

Vnica Conclusio.

Causæ secundæ vere agunt, & aliarum rerum sunt effectrices.

Probasti

Probari solet conclusio multis Scripturæ locis, in quibus actio causis secundis tribuitur: cujusmodi est illud Genes. i^o *Germinet terra herbam vircentem facientem semen*: atque infinita prope occurunt, ut in re omnium notissima: cum & ignem calefacere, & Iolem illuminare, & arbores fructus effundere, & animalia ex similibus procreari, & corpora ab aliis moveri nemino inficiari possit, nisi omnem experientiam & sensuum testimonia aspernetur.

Confirm. Nihil mihi notius esse potest, quam me cognoscere, dubitare, amare, & alios actus vitales exercere, qui aliunde otiri non possunt quam à principio vitali. Ergo non solum causa prima, sed & secundæ vere agunt, Nec tantam rerum varietatem Deus produxit, ut otiosæ essent, & omnino cessarent, cum hujus universi perfectio mutua rerum actione contineatur: atque ut Deus rebus creatis id tribuit, ut divinæ essentia similitudinem acciperent, illud quoque iis benigne impertiit, ut ejus vim activam pro suo quæque modulo participarent. Quin illud potuerit, nullus est dubitandi locus: quod autem voluerit, infinita illius, & in res omnes diffusa bonitas omnino persuaderet.

Confirm. iterum. Quorsum in viventibus tantus organorum apparatus, si nihil agunt; si nihil visu, nihil auditu percipiunt; si ingestos cibos non digerunt, si sui similia non procreant? nihil profecto inter res vitæ compotes, & eas quæ sunt inanimatae, erit discriminis, si Deus solus ad certæ rei præsentiam operetur; si cuncta efficiat, nihil creature agendum relinquit: quæ profecto nec communis omnium sensus, nec institutus naturæ ordo, nec experientia ipsa comprobant.

Multa, scio, opponi solent non ita soluta facilia. Cum enim ex applicatione aliquius cause aliquis semper consequitur effectus, merito hinc cause effectus tribuitur, licet fortè ea non sit nisi ex occasione causa. Unde et si causarum omnium influxus suppleret Deus, tamen omnes quos cernimus effectus, ad eas causas perinde referri possent, ac nunc referentur, si scientiarum, imo & sensuum habeatur ratio. Quod si enim corpus in aliud sibi obvium motus sui impressionem non transfert, sed ex lege ab Authore naturæ constituta obvium corpus agitatur, sic tamen moveret corpus, ac si motum ab alio translatum accepisset: atque id nobis perinde est, ac sensuum testimonio quasi convicti corpus ab alio moveri, idque juxta certas leges contendimus. Verumtamen illud fere manifestum est actus saltem virales a Deo non suppleri, sed à causa secundis proficii: quæ igitur contra afferunt, videamus.

Diluuntur objectiones.

Opp. 1. Omnis actio saltem corporea motu continetur, ex ipsa quam attulimus causæ effectricis definitione: idque in Physicis fiet manifestum: sed motus non aliunde potest quam à causa prima proficii, ut multis argumentis probatur. I. enim corpus ex se iners & otiosum motum ex se fundere non potest: neque enim ullum corpus quantumvis magnum concipiatur, aut parvum, seipsum moveare potest: nec quicquam ad naturam corporis accedit, aut de ea detrahitur, sive id moveatur, sive quiescat. Quare motus ad ideam cor-

poris nullo modo pertinet, nec de rebus ipsis aliter judicare possumus quām ex ideis quas habemus animis nostris informatas: restat igitur ut vera causa motū non sit natura corporea, sed spiritualis.

2. Sed neque spiritualis natura eaque finita, motū causa præcipua esse potest: cùm nulla sit necessaria connexio inter voluntatem Angeli v. g. & motum corporis; eaque connexio inter unius Dei voluntatem, quæ lex est universalis naturæ, & motum corporum esse possit. Sic Angelo volente corpus moveretur: quod eam legem Deus constituerit inter voluntatem Angeli, & corporis motum. Sic manum movemus, cum volumus, non quod anima sit causa princeps hujus motūs: quo enim modo is fiat, penitus ignorat: est tamen causa ex occasione: quod Deus eam legem naturæ posuerit, ut ad nutum animæ manus, aut pes moveatur. Sic globus qui in aliū impingitur, est cauſa naturalis motūs in aliud corpus translati: non quod in eo sit vis motrix, aut quam habet impressionem, alteri communicet: sed quia Authorem naturæ quodammodo determinat, ut in ea occasione motum certa ratione efficiat. Motu quidem cuncta procreantur, quæque majori motu agitantur, eadem magis sunt actuosa: sed vis illa motrix non aliud quiddam videtur esse, quam voluntas Dei, seu lex ipsa naturæ. Leges verò illæ motuum, quas Deus sancxit, sunt efficaces: *dixit enim & facta sunt*; haec solæ, si proprie & ad legem veritatis loqui volumus, agunt, non corpora; quæque à nobis in corporibus activæ qualitates, aut vires finguntur, sunt ingenii nostri fœtus, nec quicquam corpus ex se iners moliti potest.

R. Dif. m:n. Motus omnis non aliunde quām à Deo proficiscitur, ut à causa prima omnī principi C. ut à causa proxima naturali, N. Quæque in contrarium afferuntur, non aliud evincunt, quām corpora non habere in seipsis primum sui motū principium, eaque certis legibus ab Authore naturæ constitutis moveri: que ultro fatentur. Sed ex iis non efficitur causas naturales agi dunt axat, non ageare, nec vim ullam motū effectoriem ab authore naturæ accepisse: quasi Deus non potuerit vim quandam effectoriem & actuosim, velut suæ potestatis radium iis impertiri: adeo ut non solum sint, sed & operentur, dependenter tamen à prima omnium causa. Itaque, ut infra fufius dicturi sumus, res quæque primos motus à Deo accipiunt, sed secundos motus ab aliis corporibus mutuantur, idque in Physica fieri apertius.

Opp. 2. Deus est causa omnium quæ sunt; ergo frustra aliæ cause admittuntur quæ divinam potentiam, & quod uni Deo proprium est, ut rebus omnibus det esse, quasi ex æquo dividant. Nam ut ait Apostolus, *In ipso vivimus, movemur, & sumus.*

Reff. Deum esse causam omnium quæ sunt. 1^o Quod in prima mundi origini cuncti produxerit. 2^o Quod concurrat cùm omnibus rebus creatis; Quod solus ea efficiat quibus desunt causæ secundæ: adde illud quoque eum cuncti conservare & tueri. Sed malta etiam causæ secundis relinquunt facienda, ut de vitalibus actionibus dubitari non potest.

Contra, *inquiunt*, actus vitales, aut sunt corporei, aut spirituales: sed in utrisque vix quicquam causæ secundæ relinquuntur. Nam qui sunt corporei, nihil sunt præter motus locales organis impressos, & certam animæ modificationem, qua ab ipsis objectis oriri non potest, sed Deo uni re-

fertur accepta : ut sensus ille qui calor nominatur , & voluptas quæ hunc sensum comitatur . Sic spiritales actiones sunt intellectus , aut voluntatis ; nihil verò intellectus percipit saltem spiritale , nisi primæ veritatis luce illustretur ; in ea rerum rationes , aut ideas conspicit . Voluntas ex impressione summi boni movetur ; hanc utique impressionem determinare potest voluntas , cum in creaturis sit : verum id non tam est agere , quam deficere ; ac tanto magis voluntas agit , quanto magis impressioni summi boni obsequitur .

Atque ut natura spiritualis veritatem cognoscat , & bonum amore prosequatur , id utique manifestum est nihil extrinsecus ex se efficere , neque eam veræ & genuinæ cause titulo ullum corpus movere posse , aut procreate . Est enim inter veram causam , & effectum necessaria connexio : sed ea , ut diximus , nulla esse potest inter voluntatem Angeli , v. gr. & cujusque corporis motum . Vult quidem Deus ut ad nutum Angeli corpus aliquod moveatur : cum igitur volente Angelo corpus illud movetur , utri hic motus tribuendus est , Dei , an ipsius Angeli voluntati ? Cum inter Dei voluntatem , & effectum sit necessaria connexio , palam est motus illius veram causam esse , non Angeli , sed Dei voluntatem .

Responsum jam fuit ex iis omnibus non aliud effici , quam id ipsum quod ultro concedimus , præciplias Deo in omni actione partes esse tribuendas : cum juxta illius leges & voluntatem cuncta moveantur . Verum id negari non potest , hominem cum videt , cum intelligit , cum vult aliquid , vere & proprie agere , ut demonstratum à nobis fuit . Nec quicquam est quod animus magis respiciat , quam omnem illi actionem eripere , cum cognoscit , cum discurrat , cum bene , aut male operatur : quod certe si ipsi qui contrariam opinionem videntur defendere , omnino fatentur , ac forte verbis magis quam reipsa ab aliis Philosophis dissentiant . Sed de his cum in tertio tractatu , tum in Physica passim & uberiori dicendum est .

QUÆSTIO VII.

De vi activa cause efficientis.

Causa effectrix considerari potest vel in actu 1º , quatenus potest agere , seu vim habet iis omnibus instructam , quæ ad agendum exiguntur ; vel in actu 2º , quatenus revera agit : de potentia , seu de facultate agendi prius dicendum est , tum ad actionem ipsam veniemus . Jam ut certo ordine progressum , quæ ita certa sunt ut principiorum loco ab omnibus usurpentur , ab iis quæ sunt controversia separamus .

1. Illud certum videtur , potentiam agendi quandam habitudinem ad id , quod produci potest , suo intellectu comprehendere : vis v. g. calefaciendi igne , præter ignem , relationem essentialiē ad id quod calefieri potest sic involvit , ut unum sine altero concipi nequeat : unde potentia activa est causa ipsi intrinseca , & realis : nam posse agere est quid reale .

2. Hinc erui possunt multa axiomata , quæ ab aliis fusili explicantur , quæque in Physicis , & in omnibus pene disciplinis magni sunt usus .

Axioma primum.

QUOD agit, aut potest agere, saltem immediate, id omnino existit.
Nam agere, aut posse agere, est proprietas realis, quæ non enti convenire non potest: unde non ex cogitatione solum, sed etiam ex omni nostra actione recte concludimus nos existere.

Axioma secundum.

QUIDQUID existit in effectu, prius existit in sua causa, aut æque perfecte, si sit causa univoca & totalis; aut perfectius, si sit causa æquivoca. Hinc illa regula proponi solet, ut ne cui causa effectum tribuamus, qui ejus vim aut potentiam excedat: ex quo quidem principio multa deducuntur.

1. Effectum causæ sua similem existere: hæc enim quod habet, largitur effectui. Imo cum causa agit quantum potest, semper actus secundus exæquat actum primum: unde nulla causa naturalis effectum suis viribus superiorem, aut inferiorem, sed æqualem, & sibi proportionatum attingit.

2. Hinc etiam fit ut eadem causa æquali tempore æqualem, duplo tempore duplum quoque procreet effectum: atque effectus ab eadem causa profecti, eandem inter se habeant proportionem, quam tempora: cum scilicet diversis fiunt temporibus. Et contra, effectum qui æquali fiunt tempore, eadem est proportio quæ causarum. Nam, ut jam diximus, effectus omnis vim suæ causæ naturalis adæquat, & in ea ratione crescit actus secundus, qua primus. Quanta sit hujus principii fecunditas tum liquebit, cum de motu tractabimus: huic enim velut fundamento motuum scientia, imo & Mechanice fere omnis innititur: sed ad rem nostram redeamus.

Hinc nata est illa in Physicis adeo jaæta activitatis sphæra, quod effectus tribui non debeat causæ, cuius virtutem superat. Unde illud toties ab Aristotele usurpatum: quæ aut à natura, aut ab arte fiunt, ab eo quod actu est, efficiuntur: non entis enim nulla est actio.

3. Quin & illo axiome utitur saepè Philosophus ut probet corpus à seipso moveri non posse. Nam quod ex se non habet motum, hunc ab alio mutuetur necesse est. Quod tamen, ut supra innuimus, difficultate non caret, & dubitari meritò potest an quedam corpora vim sui motricem non acceperint: quamvis id certum sit corpus ex se ad motum, ut ad quietem esse indifferens, & vim motricem, ut corpus est, ex seipso non habere. Sed series axiomatum resumenda.

Axioma tertium.

VIS activa, seu potentia agere non potest, nisi sit determinata. Quandiu enim est indeterminata, vel quia deest subiectum in quod agat, vel quia deest illi applicatio, vel demum quia opposite sunt determinationes, ut cum globulus utrimque in partes oppositas impellitur, tum nulla actio, nullus motus subsequitur: quod nulla sit ratio cur hic potius agat,

quām alibi ; aut cur corpus in unam potius partem , quām in aliam moveatur. Unde causa necessaria suo subiecto rite applicata agit quantum potest ; agit enim necessario , neque ulla est ratio cur unam potius partem effectus producat , quām aliam.

Ex his aliquot solvuntur quæstiones , quas suo loco proponemus. Nunc quæsti solet , an tanta esse possit effectricis cause vis , ut etiam in distans possit agere. Quod ut melius intelligatur , id subinde observandum , causam naturalem per contactum quemdam in subiectum vim suam exerere ; duplicum vero esse hujusmodi contactum , suppositi nimirum , cum res quæ agit , per seipsum tangit rem , in quam agit : ut ignis lignum. Contactus virtutis is dicitur , quo agens per virtutem diffusam subiectum attingit : sic sol terram collustrat. Quæstio itaque est utrum fieri naturaliter possit , ut agens in rem distantem vim suam sic exerat , ut per interjectum medium ea vis non diffundatur.

Unica Conclusio.

Non potest dari actio saltem naturaliter in rem distantem , ita ut vis agendi per interjectum medium non diffundatur.

Probatur conclusio. Omnis causa ut agat , debet esse determinata , sive à se ipso , sive ab alio : imo actio nihil est aliud quam causa effectricis determinatio. Atqui si agens possit agere in distans , vis illius , aut actio nullo modo erit determinata , ac nulla illius erit activitatis sphera. Neque enim vis illius per interjectum medium minuetur ; eaque servari poterit integra ad quilibet distantiam ; neque ulla erit ratio , cur potius in certa distantia agere incipiat , quām in aliâ ; cur ab uno potius milliari , quam à duobus virtutem suam diffundere incipiat : quæ omnia non modo cum experientia pugnant , sed omnino videntur absurdâ , aut certe naturæ viribus fieri non possunt.

An verò Deo volente id fieri possit , non crediderim id nostrum esse decernere quid fieri à Deo possit. Tuti est non præcipitare sententiam , & quousque manifesta appareat contradiccio , in eam potius propendere , quæ rem non esse penitus impossibilem defendit : præsertim cum agens eo tantum nomine non possit vim suam in distans diffundere , quod subiecto indigeat , cui actio applicari possit. Nam subiectum actionem agentis determinat , quæ alioqui esset indifferens , & indeterminata. Sed illa subiecti applicatio est conditio quam Deus supplete potest : cum Deus ipse possit causam determinare ut agat in tali subiecto. Quod si enim id efficere possit , ut calor sit sine subiecto , poterit id quoque efficere ut calor producatur à causa sine subiecto , aut in quovis licet remotissimo. Idem est enim effectus sive sit in subiecto , sive extra subiectum. Id quidem vires naturæ superat ; nam causa non agit nisi determinata , quod ex subiecti applicatione consequitur : sed Deus hanc supplet applicationem : nam impedimentorum remotio , & subiecti applicatio sunt conditiones ad agendum requisita , sed conditiones tantum , quibus Deus non illigatur.

Solvuntur objectiones.

Qui vim agentis in distans exerci posse contendunt , multa solent objicere

quæ ad Physicam videntur pertinete; eaque sunt magna ex parte falso credita. Ut quod aiunt de basilisco, qui aspectu oculorum occidit; de remora, quæ naves remoratur; de vetulæ fascinatione, de occultis siderum influxibus, quibus metalla vel in tetræ visceribus procreantur; de pulvere sympathethico, de quo præter cæteros vir alioqui doctus & illæstris Eques Digbæus Anglus tam multi conscripsit: cuius sane pulveris aut nulli sunt effectus, aut ii sunt naturales. Sic effectus plerique qui sympathia tribui solent nihil sunt, ut vir pereruditus observat, præter aniles cæcumentis philosophiaæ fabulas, quibus nimis credula antiquitas fidem fecit: sed de iis suo loco dicendum.

Aha afferunt veriora, sed ex aliis causis ducta, quæ quidem cause ut plurimi nihil sunt præter substantiales effluxus, qui ex certis corporibus jugiter manant. Sic Torpedo brachio piscatoris stuporem injicit: quod nuperæ observationes Fr. Redi confirmant. Sic naphta quæ est bituminis genus subtilissimum, ignem concepit, priusquam fax admovereatur; eamdem ob rationem succinum paleas, magnes ferrum trahit. Hæc, inquit, omnia per tenuissima corpusculorum profluvia, aut si malis per qualitates occultas perficiuntur: sed per interiectum medium diffunduntur: licet in eo nullum effectum sensibilem procreent: quod id non sit subjectum idoneum, in quod vires suas expromant: ista vero & alia hujus generis plurima in alium locum reservamus.

Qui negant agens etiam per miraculum, in rem distante agere posse, opponunt, quod causa non possit agere ubi non est, nec per seipsam, nec per virtutem suam: atqui si causa ageret in distans, ibi ageret, ubi non esset, nec per se, nec per suam virtutem: Ergo, &c.

Resp. causam ibi esse per suam virtutem, ubi est quidpiam effectura; tum enim virtutem illius causæ quæ est indifferens ut agat in hoc potius quam in illud subjectum, Deus determinabit ad tale subjectum: cum Deus in id agere possit per eam actionem, per quam cum creatura concurrit: & licet nulla sit vis in causa secunda ut subjecto distanti applicetur, ea tamen applicatio non exigitur, nisi ut causa quæ alioqui est indifferens, determinetur; eaque citra applicationem potest à Deo determinari.

Sed, inquit, conditiones physicas Deus supplere nequit: non enim v. g. potest supplere præsentiam materie, & formæ: sed continua est conditio physica, quæ rei naturam consequitur: ergo is suppleri à Deo non potest.

Resp. multas esse conditiones physicas, quæ a Deo suppleri possunt: sic potest formam ignis inducere in materiam non dispositam; similiter ratione remotio impedimentorum est conditio sine qua non; ut remotio corporis opaci, quo lux traiicitur: subjectum, ut diximus in quod causa effectrix agit, est itidem conditio sine qua non: quæ omnia suppleri à Deo possunt.

Nec verum est quod nonnulli afferunt, tam necessariam esse applicationem causæ ad effectum procreandum, quam illius existentiam. Res enim antequam existat, nihil est, & non entis nullæ sunt proprietates reales: sed causæ applicatio eo tantum est necessaria, ut causa determinetur: jam vero fatentur adversarii conditiones determinantes à Deo suppleri posse.

QUÆSTIO VIII.

De actione.

Sequitur ut de influxu cause efficientis , seu de actu secundo , atque , ut loquuntur , de illius causalitate dicamus . Hæc utique est ipsa actio , qua agens formaliter denominatur , ut ab illuminatione sol dicitur illuminans : adeo ut id certum sit , & extra omnem dubitationem positum actionem esse influxum physicum , actum secundum , aut causalitatem effectricis cause . Est id quo causa effectrix actu agit , seu illius exercitium , & determinatio ; est item fieri , vel dependentia actualis ipsius effectus ; est quasi motus , aut via ad terminum : atque ut definit Aristoteles , *actus hujus ab hoc* ; seu actus , & perfectio subjecti ab agente profecta .

Itaque actio duo in suo intellectu complectitur , influxum agentis in effectum , & dependentiam effectus ab agente : adeo ut agens simul & effectum includat . Sive sit relatio quædam essentialis , non categorica : est enim potius fundamentum relationis , quam relatio ipsa prædicamentalis ; sive sit complexio quædam agentis , & termini cum illius influxu , & hujus dependentia : id merito inquiritur , an actio sit quædam entitas ab agente & termino distincta .

Certum est primo actionem non esse accidens quoddam absolutum , sed modum duntaxat : cum sine termino neque esse , neque concipi possit : sed utrum modus ille sit entitas quædam physica ex natura rei à re ipsa cuius est modus distincta , multum ambigitur .

Certum est 2º actionem distingui à causa , ut actum secundum à primo . Nam & causa , & actus primis sine actu secundo vel actione esse possunt ; licet vicissim actus secundus sine primo , aut actio sine agente concipi negat .

Certum est tertio actionem vitalem non distingui à suo termino : sic visio est actio , & terminus actionis : est enim formaliter representatio sui objecti , idque essentialiter : ergo nulla est nota distinctionis inter visionem , ut actio quædam est , & eamdem , ut est terminus vel effectus Idem dicendum de actibus voluntatis & intellectus , ut spectantur in fieri , seu in fluxu quodam ad esse : actiones vero ut termini , aut effectus , seu in facto esse , actus nominantur . Verum in hoc quæstio vertitur an cæteræ actiones , & ex maxime quæ transentes dicuntur , quod in suo principio non manent , quæque in aliud subjectum diffunduntur , ut illuminatio , impulsio , & aliae hujus generis à causa & terminis sumptis non formaliter tantum , aut virtualiter , sed re ipsa distinguuntur . Sit itaque

Unica Conclusio.

Et actio non est entitas ab agente , & termino distincta .

P: ob. concl. 1. Actio omnis duo , ut dictum est , suo intellectu complectitur , influxum agentis & effectus dependentiam : sed agens immediate , & per se ipsum influit : ut calor non calefacit per aliquam sibi superadditam entitatem ; & effectus per se ipsum , & immediate pendet à causa ; ac frusta novum quid-

dam ei adderetur , per quod à sua causa penderet ; Ergo actio non est entitas quedam à termino , & à causa sejuncta.

Confirm. Tam effectus potest per se , & immediate , & citra entitatem aliquam supervenientem ab agente pendere , quām illa entitas , seu actio ab ipso agente penderet immediate : Ergo entitas succrescens ab effectu distincta omnino est inutilis : cum idcirco eam admittant , ut illius ope & quasi interjectu effectus ab effectrice causa dependeat.

Confirm. iterum. Actio ab adversariis fingitur entitas nova , quæ causam effectricem alioqui indifferentem , ut hunc vel illum procreat effectum , determinet ; ac vicissim effectum qui ex se est indifferentes ut ab una vel ab alia causa profluat , itidem determinet . Sed hoc ipso quod ponitur effectus , detracta omni forma , vel entitate superaddita , omnino causa effectrix est determinata , ac vicissim posito hoc agente effectus est itidem determinatus : Ergo illa forma , vel entitas est omnino inutilis . Præfertim cum agens naturale nullo modo sit indifferentes , & positis omnibus ad agendum prærequisitis non possit non agere .

Prob. 2. Creatio est actio : sed ea non est ens quoddam à creante , & à re creata distinctum : neque enim hujus novæ entitatis subjectuni assignari potest ; non creator , cui nihil novi accedit ; non creatura ipsa , cum creatio sit ratione prior quām res creata , neque adeo possit ea entitas , si que sit , creaturæ adhætere ; atque ut id fieri posset , omnino ea foret inutilis : cum res creata ab auctore suo sit omnino definita , & per seipsum pendeat à Creatore .

Solvuntur objectiones.

Quo facilius occurramus infinitis prope quæ fieri possunt objectionibus , cum ex Physica , tum etiam ex intima Theologia repetitis , non erit alienum quædam premittere ad ea quæ de concursu postea dicturi sumus , imo ad rectam philosophandi rationem , quæ res non multiplicat citra necessitatem , permagni usus futura .

Primum itaque id adnotamus , omnem actionem esse aut corpoream , aut spiritualē : corporea aut motu locali continetur , aut sine motu neque intelligi , neque explicari potest : ut in Physica ostendemus . Actio spiritualis , intellectus nempe , & voluntatis , satis apte a scholasticis motionis intentionalis nomine exprimitur . Est enim quidam motus , seu , ut ait , tendentia in objectum . Motus localis vix aliud quiddam concipitur præter mobile ipsum , ut unum terminum deserit , & alterum acquirit ; atque hoc ipso intellecto citra novam entitatem physicam recte concipitur : non enim mobile , non spatium , non terminus ipse de novo producitur .

Non dissimili modo actio voluntatis nihil est forte præter voluntatem , & bonum ipsum quo allicitur , & utriusque conjunctionem . Neque est ulla entitas physica voluntati succrescens , ut multis videtur . Quanquam hac de re nihil decernimus : potest enim fieri ut actio vitalis sit entitas quædam physica , non ut actio quædam est , sed ut est terminus sive effectus ; non ut est in fieri , sed ut concipitur in facto esse . At utcumque ea res sit , id merito negamus calefactionem esse entitatem quandam ab ipso calore distinctam ; cum nihil præter quam calor ipse , ut est in fieri , seu quatenus dimanat ab igne , concipi queat .

Secundo

Secundo id adnotandum videtur, de actione non aliter ac de relatione nos philosophari posse: cum actio nihil sit nisi quædam relatio. Quare ut relatio non adaequat: & cunctis modis eadem est cum fundamento, & termino quo-cumque modo sunt: sed per aliquam formalitatem ab iis distinguitur. Ut similitudo formaliter est convenientia duorum tatione unius qualitatis, neque est absolute res ipsæ quæ inter se convenient. Sic propria actionis formalitas, seu entitas est influxus agentis in effectum: & dependentia effectus ab agente, non vero agens absolute sumptum, aut effectus solus. Quare actio voluntatis potest esse supernaturalis præcise ut actio est, non autem ut sumitur identice & materialiter, atque ut revera eadem est cum voluntate. His intellectis quæ contra afferuntur, videamus.

Opp. 1. Nulla causa præter Deum est sua actio.

Rejp. diff. ant. Nulla causa est sī a actio adæquate & totaliter, C. inadæquate & partialiter, N. Nullo enim Deus indiget ad agendum, nec concūfir, nec objecto, nec cause externe auxilio: quod de nulla re creatæ dici potest. Sed id non impedit quominus actio ab agente sit indistincta, & non sit entitas nova agenti, vel effectui succrescens, ut nec modus fortè omnis; neque enim digitus est sua inflexio: cum tamen inflexio ipsa non sit entitas quædam distincta à digito. Sic voluntas, & intellectus sunt actus, & perfections animalia: quamvis non sint quid distinctum ab anima.

Infl. Cum homo ex non intelligenti, aut non volenti sit intelligens, aut volens, sit aliqua in corporalis mutatio. Ergo actio intellectus aut voluntatis est quid distinctum ab anima: non enim sit mutatio realis citra accensum nova entitatis. Quod si autem nihil novi accesserit, tum propositio ex vera ficit falsa, licet objectum nullo modo mutetur. Prius enim verum erat dicere; Socrates non intelligit: nec amplius id verum est tum cum intelligit: ipsa vero intellectio cum nihil sit distinctum ab intelligenti, citra ullam mutationem ei advenit.

Resp. 1. Hoc loco id à nobis non decerni auctus vitales, quatenus sunt effectus quidam, aut termini actionum, sunt qualitates distinctæ à suo principio: sed utrum actio sit quædam entitas modalis ab agente, & termino distincta.

Resp. 2. Propositionem mutari posse ex vera in falsam, ut Petrus vult, Petrus non vult, quamvis nulla entitas nova rei accedat, aut detrahatur. Causa enim spectatur in propositione secundum suum esse formale, quatenus influit; effectus ut pendet, & dimanat à causa (quod vocant reduplicative, non specificative tantum,) ut est quoddam ens. Atque ut mutetur propositione, satis est ut mutetur formalitas realis, aut cause ut influentis, aut effectus ut emanantis à causa, voluntatis scilicet ut se determinantis, & objecti ut amati. Veritas enim propositionis est illius conformitas cum objecto, non materialiter sumpto secundum suum esse reale, sed ut formaliter consideratur. Unde cum possint causa, & effectus novo modo se habere, sunt novæ, ut aiunt, formalitates, quæ præcipue attendi solent.

Vergentacius. Causa non potest esse sūus effectus: Ergo neque est sūum agere: cum agere, & fieri sint unum, & idem. Deinde posse agere est prius quam

agere : sed causa non est prior seipso : ergo causa non est sua actio, & ab ea distinguitur.

*Responsu*m jam fuit, actionem non esse causam solam, sed ut connotat effectum; includit enim & influxum cause, & dependentiam effectus. Ut motus localis non est solum mobile, sed mobile quatenus unum relinquit locum, & novum acquirit: quod forte fit circa mutationem intrinsecam mobilis. Sic agens, cum agit non mutatur intrinsece, sed mutatur tantum extrinsece.

Opp. 2. Sæpe mutatur actio, non mutato termino: Ergo actio distinguitur a termino. Antecedens probant exemplo projecti lapidis. Manet enim idem motus, vel potius impetus à vi motrice impressus, nec tamen illius dependet à vi motrice, quæ proprie est actio amplius remanet: Ergo actio & terminus sæpe inter se distinguntur.

Resp. non manere eundem effectum, sed novum subinde produci, quemque sit causa motus continuati in projectis, de quo in Physica erit disserendum; sive impetus, seu qualitas imprimatur quæ motum exigit; sive ex legge naturæ motus, ut qui ibet alius modus tandem perseveret, quando in contrario non distriutur; seu potius sublata applicatione cause motricis, impetus non amplius ab ea pendeat. Utcumque sit, ex re adeo obscura & incerta concludi non potest actionem esse entitatem à causa & effectu distinctam.

Opp. 3. Actus voluntatis sæpe est supernaturalis, sæpe itidem est malus: sed voluntas neque est mala, neque est ordinis supernaturalis: Ergo actus voluntatis est quid à voluntate, seu à causa distinctum.

Resp. Actionem voluntatis dici & esse supernaturalem, quia ex natura voluntatis, & propriis viribus non proficit, cum voluntas ad eam eliciendam indiget auxilio, seu actuali, seu habituali altioris ordinis. Non enim actio id habet ex voluntate præcise, ut facultas est naturalis, sed ut est evenia ad nobiliorem statum. Quemadmodum eadem est vitalis & libera, præcise ut à voluntate proficitur. Itaque actio est supernaturalis, ut est ab auxilio Dei quod naturæ nostræ non debetur: ut libera est, quatenus à voluntate manat: adeo ut sole formalitates, reales quidem, sed non entitates quædam actionem naturalem à supernaturali secernant.

Inq. Actio divini auxilii est diversa ab actione voluntatis: illa enim est supernaturalis, hec tota est naturalis: Ergo actio voluntatis non potest attingere objectum supernaturale.

Resp. dist. ant. Actio voluntatis est naturalis sola, C. auxilio Dei roborata, & evenia, N. Deinde quantum utraque actio Dei, & voluntatis non sit una, & eadem physice, cum à causis distinctis dimanet, est tamen eadem moraliter, hoc est, juxta recentem hominum existimationem, cum idem sit utrinque effectus. Sed de his jam nimis, nec illæ subtilitates elimatae nos à recta philosophandi ratione deterrere debent, quæ in hoc maxime posita est, ut supervacaneas distinctiones effugiamus, & nihil à communi sensu abhorrens statuamus.



TRACTATUS TERTIUS.

DE IIS QUÆ SUNT AB OMNI MATERIA SEPARATA,
seu de Theologia naturali.

REQUIUM est ut partem Metaphysicæ tertiam, quæ Theologia naturalis dicitur, quâm brevissime, accurate tamen, ut Philosophos decet, per tractemus, ac de rebus ab omni materia, non cogitatione tantum, scd etiam re ipsa secretis, de Deo nimirum, Angelis & anima separata differamus. Hujus tractatus triplex erit disputatio, prima de Deo absolute considerato, nempe de illius existentia, cognitione & attributis. Secunda de Deo ut prima omnium causa, & primo motore erit. Tertia de animæ rationalis separatim spectata natura futura est. Per pauca de Angelis, quasi appendicis loco sub jiciemus.

DISPUTATIO PRIMA.

De Deo secundum se spectato.

QUæ ad Dei existentiam & naturam pertinent, ut naturali lumine perspicaci à nobis possint, hoc loco tantum prosequemur. Primo itaque existentia illius est demonstranda: deinde quomodo illius natura à nobis cognoscatur, explicare conabimur. Postremo precipua ejus attributa, ex quibus reliqua manare intelliguntur, strictim attingemus: reliqua quæ aut à revelatione divina, aut à ratione ipsa per fidem illustrata pendent, Theologis integra reser- vamus.

QUESTIO I.

Quibus potissimum rationibus existentia Dei demonstretur.

EX infinitis pene rationibus quibus existentia Dei potest demonstrari, per paucas feligemus, quas in tres velut classes digeremus. Prima Morales, Secunda Physicas, Tertia Methaphysicas complectetur.

Morales demonstrationes afferuntur.

Morales hoc loco probationes intelligimus, quæ à doctis juxta & indoctis percipiuntur, eò quidem validiores, quod in communem sensum magis incurrit, neque ab homine qui sua utitur ratione, in dubium revocari possint. Quod enim minus acrem postulat attentionem, neque reconditam scientiam exigat, sed omnibus sint obvia, atque oculis pene sunt subiectæ, non ideo minus certæ sunt, aut inconclusæ. Rationes quippe ex factorum evidencia, ex communi hominum sensu, aut moribus, aut experientia ipsa de sumptæ non minus sunt firmæ, quâm quæ ex intima Philosophia de promun-

tur: Haec utique magna ex parte sunt subtiliores, quam ut à vulgo hominum capiantur. In iis vero quæ moralem habent certitudinem, pene tota vita consistit; nec minoris est dementia de his dubitare quæ falsa esse non possunt, quam si quis geometricas demonstrationes in dubium revocaret. Hujusmodi itaque rationes minime sunt contemnenda, cum aut existentia Dei, aut immortalitas animæ, aut Christianæ religionis veritas est demonstranda. Quæ autem adhibebimus argumenta, non Dei modò existentiam, sed eum esse mundi Conditorem, atque ejus providentiâ cuncta gubernari plane sufficient.

Jam ut certo ordine progrediamur: cum Deus sit effectrix, exemplaris & finalis rerum omnium causa, ex triplici illo velut fonte multæ rationes dicuntur, quibus illius existentia demonstratur. Primum enim id omnibus in proclivi est ex opere opificem, ac summam Dei potentiam, quæ ex nihilo cuncta produxit: sapientiam quæ tam apte suis quæque locis disposuit, & bonitatem quæ omnia tuerit & conservat, agnoscere. Quod si mundum, inquit M. Tullius de Nat. Deor. efficere potest concursus atomorum, cur porticum, cur templum, cur domum, cur urbem non potest, quæ sunt minus operosa, & multo quidem faciliora? Ex quibus id nobis licet cum Seneca concludere: Non sine aliquo custode tanum opus stare; neque hunc siderum certum discursum fortuiti imperii esse. Nam quæ causas incitat, saepe turbantur, & cito arietant: Læc vero ineffabilis velocitas procedit aeterna legis imperio.

Hoc itaque firmissimum est, licet usitissimum argumentum divinitatis, quod ex hujus universi aspectu, ex ejus partium descriptione, ex constanti illius administratione ducitur. Hinc Aug. l. ii. de Civ. Dei, c. 4. Mundus ipse ordinatissima sua mutabilitate, & mobilitate, & visibilium omnium pulcherrima specie quodammodo tacitus & factum se esse, & non nisi à Deo ineffabiliter atque invisiibiliter magno, & ineffabiliter atque invisiibiliter pulchro fieri se potuisse proclaims. Id ipsum fuse demonstrat Tertullianus l. i. contra Marcionem, c. 10. Habet enim Deus testimonia totum hoc quod sumus, & in quo sumus Etc. 13. minima quæque sigillatum persequens, ut apis & fascia, formice stabula, & piretia, bombyces staminea, Conditoris sapientiam defendere ostendit. Id ipsum præter ceteros Lactantius l. 2. Inst. c. 8. eleganter demonstrat mundum tam artificiose apteque esse dispositum, ut major cogitari industria non possit. Natura, inquit, si consilium non habet, efficere nihil potest: si autem efficendi aut generandi potens est, habet ergo consilium, as propterea Deus sit neccesse est. Nec alio nomine appellari potest vis, in qua inest, & providentia exercitandi, & solertia potest que faciendi.

Cosmism. Nihil stultius singi potest, quam omnia causa & fortuna, non certa ratione facta arbitrari; aut cœlum, terram, homines concursu atomorum repente prodisse. Cum enim, ut loquitur apud Tullium Balbus, moveri aliquid videmus, ut sphera, ut horas, ut aliæ permulta, non dubitamus quin operalia sint rationis; cum autem impetum cœli admirabili cum celeritate moveari vertique videamus, constantissime conscientem vicissitudines anniversaries, cum summa salute & conservatione rerum omnium, dubitanus quin et non solum ratione sint, sed etiam excellenti quadam divinaque ratione: aut vero illa quædam natura mentis & rationis expers læc efficere potuit, quæ non

mōdō ut fierent, ratione eguerunt, sed intelligi qualia snt, sine s. mma ratione non possunt.

Ex his itaque velut naturae quodam instinctu Deum esse colligimus. Nemo enim non statim perspicit aut se, aut alios sui similes, aut quæ sint in conspectu nostro posita, non id habere à seipso quod sint, nec sibi sufficere ut existant: ab alio pendere principio tum ut sint, tum ut conserventur: ac quisque statim, & citra longas ratiocinationum ambages colligit illud principium & timeri, & religiose coli oportere. Hinc si se aliquando sceleris etiam occulto contaminaverit, hujus sceleris vindicem timet, & conscientia stimulis agitur: quia se supplicio dignum agnoscit: ad eo ut velut naturæ voce Deum esse testem & vindicem criminum doceamus.

2. Deum existere ex cause exemplaris conditione multis rationibus demonstrant Platonici. Ex iis unam, aut alteram intellectu faciliorem, & quasi moralē feligemus. Duplex autem est prima causa, ut exemplaris munus: cuncta enim artificiose procreat, rei cuique modum, ordinem & speciem, seu mensuram, pondus & numerum prescribit. Nam uti jam alias diximus, omnis artifex nisi temere & fortuito agat, formam habet mente conceptam ejus operis quod molitur. Alterum hujus causa munus est, ut sibi imaginem mentibus nostris imprimat, easque illustret, quo rerum certam & stabilem cognitionem habeamus. Unde ex imagine Dei nostris animis impressa, imo ex omni veritatis liquida cognitione Deum existere Platonici solent demonstrare. Verum hoc argumentum paulo subtilius in sua prosequemur: nunc enim ea tantum attinimus quæ non tam acrem mentis intentionem exigunt.

Quocirca nemo est qui ex artificiose rerum omnium dispositione, quæ nihil habet quod reprehendi possit, non agnoscat cuncta arte mirabili & sapientia condita fuisse. Hinc Platonici & Stoici cum ex operibus magnificis atque præclaris ipsum mundum & ejus membra, ut loquitur Tullius, cœlum, terras, maria, & horum insignia solem, lunam, stellasque vidissent; cumque temporum mutationes, maturitates, vicissitudinesque cognovissent, meritò suspiciati sunt aliquam excellentem esse præstantemque naturam, quæ haec fecisset, noveret, regeret, gubernaret.

Iudem quoque Philosophi passim demonstrant Deum existere ex anticipata illius notione, quæ omnem rationis usum prævertit, quamque divinitatis contractum, ac divinum præsiguum vocant: atque hanc Dei ideam mentibus nostris infixa esse agrovit Epicurus. *Solus*, inquit Velleius apud Tullium, vidit primum esse Deos, quod in omnium animis, eorum notionem impressisset ipsa natura. Quæ est enim gens, aut quod genus hominum, quod non habeat sine doctrina anticipationem quandam Deorum, gram appellat apud Tullium. Epicurus, id est anteceptam animo rei quandam infirmationem, sine qua nec intelligi quicquam, nec queri, nec disputari possit. Hinc itaque concludit, de quo omnium natura consentit, id verum esse necesse est. Cum enim omnibus Dei non sola opinio, sed cognitio, & idea sit innata; nec ulla, ut ait Seneca, gen: unquam sit adeo extra leges moresque projecta, ut non aliquos Deos crebat; Deum esse omnino fatendum est. Quod si enim nulla foret mentibus nostris irgenita Dei notio, nunquam in hunc furorem. ut loquitur idem Stoicus, *Lomins* consenserint. Sed de illa Dei insita animis nostris idea infra fusius differemus.

Interim illud non est prætereundum, non aliud apud SS. Patres magis usitatum occurtere. Innatam enim hanc Dei notitiam testati voces illas quæ vel Gentilibus excidebant, *Dens videt*, *Dent judicabit*; *Deo comiendo*, & alias hujusmodi, ut præter cæteros probat Tertul. l. 1^o contra Marcionem, & l. de testimonio animæ. Ac voces illæ accersuntur de fæce vulgi, quæ quo ruditior est, cò singendi imperitior, & ejus ignorantia tantò plus fidei habendum In has voces maxime tum erumpcebant, cum repentina aliquo infortunio percussis, non erat singendi tempus. In eadem sententiam pulchre Laetantius l. 2^o. Inst. *Nan & cum jurant*, & *cum optant*, & *cum gratias agunt*, non *Jovem* aut *Deos multos*, sed *Deum nominant*: adeo ipsa veritas cogente natura etiam ab inviis peccatoribus erumpit. Quod quidem non faciunt in prosperis rebus: nam tum maxime Deus ex memoria hominum elabitur.

Confirm. Quisquis deliberat, is quod melius est, inquirit: melius verò dicitur quod optimo vicinus, aut similius videtur. Ergo necesse est ut qui deliberat, quandam summi boni notionem habeat impressam. Neque enim fieri potest ut aliquis Regis facie similis esse mihi videatur, nisi Regem ipsum unicunque noverim. Hinc Aug. *Non diceremus aliud alio melius*, *cum vere judicamus*, nisi esset impressa notio ipsius boni, secundum quam, & probaremus aliquid, & aliud alii præponeremus.

Nec voluntas quicquam amat aut expetit, nisi summum bonum, aut quod illius vestigium præ se fert. Est igitur menti nostræ impressa notio summi boni: atque ut prima veritas in omni cogitatione nostra intellectum vocat ad se & allicit, sic primum & summum bonum voluntatem nostram semper ad se convertit.

Itaque si Platonice credimus, omnia quodammodo in Deo, ut colores in lumine conspicimus: tametsi colores melius quam lumen ipsum distinguimus: sic creaturas distinctius quam æternæ veritatis lucem percipimus. Hinc formæ visibles nos ut plurimum ab æterna illius lucis conspectu avocant, quas idcirco Plato eleganter *Atheas* vocat, quia nos à Dco separant, & illius imaginem mentibus nostris incisam obducunt: ut colores lumen quo videntur quodammodo obscurant. *Deum ergo*, inquit Aug. lib. de vera relig. si queris, noli foras ire, in te ipsum redi, in interiori hominè habitat veritas; illuc ergo tende unde ipsum lumen rationis accenditur. Quocirca anticipate ille Dei notiones quæ omne ratiocinium antevertunt, quæque omnibus hominibus sunt communes, non alibi quam ab ipsa natura humana videntur; neque adeo falsæ, aut inutiles esse possunt. Hinc optime Aug. *Hæc est virtus vera divinitatis*, ut creatura rationali jam ratione utenti non omnino ac penitus abscondi possit.

Quapropter ex intestino & tacito animæ testimonio Dei existentia comprobatur. Omnim enim gentium suffragium, doctorum juxta & imperitorum consensus, præsettum in tanta circa res omnes alias dissentendi licentia, est naturæ ipsius oraculum.

Quod aut in nonnullis Barbaris licet per paucis divinitas penitus incognita videatur, id non efficit ideam deitatis non omnibus à natura esse impressam; id unum evincit aliqua attentione animi & reflexione opus esse, ut hanc divinitatis ideam advertamus. Quæ cœvoli debet, ut infinitæ prope aliæ notiones

quas in principiis per se notis quotidie detegimus. Sed deitatis impresso longe minus est recondita, quam notiones illae quae ad scientias pertinent, cum iis qui aliatum pene omnium sunt ignati perspecta sit; ac nemo fere est, qui res alias noverit, cui aliqua divinitatis idea non affulgeat.

3. Deum existere ut finem rerum omnium, cum ex iis quae mox diximus de summi boni appetitu, tum ex ipsis universi regimine facile demonstratur. Cum enim omnia in eundem consipient finem, necesse est ut in eum scopum ab aliqua causa dirigantur, que cum sit principium unde omnia fluxere, est item ultimus finis, in quem refluant universa.

Confirm. Quae hic mandus complectitur, sunt composita & disso'ubilia: ergo necesse est ea ab aliqua simplici & indissolubili natura conservari, & in certum digeri ordinem: qui quidem ordo in hoc maxime positus est, ut inferiora superioribus subdantur, atque unum ad aliud referatur. Ne ergo detur processus in infinitum, neve omnis intentio naturae sit irrita, sistendum est in ultimo fine, ad quem omnia revocantur. Quod utique argumentum multo erit luculentius, cum artificium naturae, & fines in pattium corporis usu paulo diligenter fuerimus contemplati.

Et sane qui cōstultitia deveniunt, ut dicant in corde suo, non est Deus, si attenderent illud non esse hominis prudentis id agere, aut omittere, aut cogitare, quod detraet̄ omni spe emolumenti, ingentis incommodi afferit periculum: cuiusmodi est sacrilega inipectas hominis Deum negantis, ut ejus obsequium & cultum abjiciat; illi, inquam, in tam absurdam stoliditatem non incurrerent. Quis enim non videt quantum ei periculum immineat, qui Deum esse negaverit, quam nulla sit emolumenta spes.

Sed magno, inquit atheus, me errore liberaverim.

Primum qua tandem demonstratione id evinces, omnes pene homines in errore versari? Deinde an forte indecorum tibi esset cum omnibus quotquot extiterunt, sapientibus errare (quoniam eum errorum putas)? cum tamen natura ipsa, & omnium hominum consensus authorem suum demonstrent. Nulla est enim, ut ait Cicero, gens tam fera, quae non, etiam si ignorat qualem Deum habere debeat, tamen habendum sciat. Hinc scite Aug. in Ps. 13. Nec ipsi sacrilegi, & detestandi Philosophi quidam, qui perversa & falsa de Deo sentiunt, ausi sunt dicere, non est Deus. Ideo dixit in corde suo, quia hoc nemmo audet dicere, etiam si ausus fuerit cogitare. Scite quidem Petavius, hujus opinionis naturae hominum insita tum vetustas, tum perpetuitas & constantia veritatis fidem facit. Neque falsa suspicio tam esse communis omnium potuit, nullo in eam federe & paeto, sed solo naturae instinctu conspirantium. Communes vero notiones eas esse dicit Salustius Philosophus l. de Diis, de quibus interrogati mortales omnes, eadem & communi voce respondent. Velut est Deus omnē bonum esse, pati nihil posse, neque mutari.

Sed, inquit, gravi onere premitur, cum Deum timere & colere teneamus. Hec scilicet est summa rationum, quibus ut Deum abjiciant, adducuntur, quo liberius suis libidinibus serviant: quasi non multo gravius sit supplicium laeva conscientia, aut natura ipsa id oneris non imposuerit, quod Deum timenti non grave, non asperum, sed leve & suave futurum est. Ac de mortalibus argumentis tantum, quae hoc sunt validiora quo faciliora: nunc ad physica transamus.

Demonstrations physice.

Sequitur ut rationibus physicis, hoc est; ex rerum natura, & ex mundo aſpectabili de ſumptis exiſtentiam Di, ino & providentiam demonſtremus. Ac pri mū ne à conſtituto ordine recedamus, Deum eſte rerum omnium effecticem cauſam oſtendamus. Quod utique hoc argumento S. Damasceni paucis confici potest.

Quidquid exiſtit, id vel eſt cauſa, vel effectus: ſed nihil eſt ſuipſius cauſa: eſt enim antequam eſt, ac ſcipo prius fore & posterius: ergo ne deatur progreſſus in infinitum, ſiſtendum eſt in prima omnium cauſa non producta, quæ Dei notione comprehenditur.

Confirm. Quæti merito potest ab eo qui negat Deum exiſtere, unde iſipſe habeat quod ſit: a parentibus, inquit, at illi unde ſuam habent exiſtentiam? Nec licet in cauſarum ſerie in infinitum progredi, quod omnino decurſi non poſſet. Nam ſi nulla eſt prima cauſa, non utique erit aut ſecunda, aut tercia, aut ultima: nihil adeo procreari potest. Et ſone in infinita ſerie gignentium ſingi nemo poſſet, qui ex æterno genuerit. Nam prius fuit quam gigneret: nulla adeo eſt ab æterno generatio. Quare ſiſtendum eſt in prima cauſa quæ producta non fuit, quamque Dei nomine deſignamus.

Sed, *inquiunt*. quidni progreſſum in infinitum admittamus: cum Aristoteles ipſe, & plerique Philosophi mundum æternum eſte crediderint, & infinitum jum tempus, aut infinitas hominum generationes eſte decurſas.

Contra. vel primus homo ab infinito tempore conditus eſt, vel nullus fuit, qui primus dici poſſit. Si nullus fuit omnium prius: præterquam id nullo modo concipi poſſet, in eorum opinionem, qui omnia cauſa & neceſſitate quadam materiæ formata eſt putant, omnino revolvenut: quia utique opinio jam ſuperius depulsa fuit, & infra uberioriſ refelletur. Quod ſi prius homo creatus eſt, quero a quo conditus fuerit, an ab alia creatura, & haec rurſum ab alia, & ita in infinitum. Deinde utrum ab infinito temporis infinitus numerus hominum jam extiterit? Sed infinitus numerus dici non poſſet qui ex utraque parte terminatur. Quod ſi finitus tantummodo hominum numerus eſſluxit, ne illud quidem concipi poſſet ab infinito tempore finitam duntaxat hominum ſeriem pertransiſſe. Quareto id intellec̄tu facilius eſt quod fides, quod ratio ipſa docet, Deum: eſſe huius univeſi opificem, qui id regit, tuerit & conſervat.

Huc enim pertinent rationes omnes quas poſtea afferemus, quibus conficie-
mus priu'ō, Deum ſolem creare poſſe, aut ex nihilo aliiquid efficere; huic re-
rum omnium conſervationem acceptam reſerri. Cum enim conſervatio ſit con-
tinuata rei productio, nec quicquam ſe iterum atque iterum valeat producere,
nihil ſeipſum conſervare poſſet. Partes quippe temporis ſunt inter ſe diſtinctæ:
ac ſi nun: exiſto, hinc minime ſequitur me poſt horam adhuc futurum; neque
eas in me vires experior, quib' uel in futuri temporis momentum memet-
ipſum tueri, aut conſervare poſſim. Deinde omnis motus initium à Deo preſifici
oſtendemus: ad: o ut ratio ab Aristotele toties uſurpat: huc quoque aſteri poſ-
ſit, omne quod moventur, ab alio moventi; idque rurſum ſi moveatur, ab alio
motum ſuum accipere, donec ad illud petreniamus, quod cuncta movent, &
regit

regit: tametsi id omnino est immotum.

2. Deum esse non modo hujus universi opificem & motorem, sed etiam artificem, qui cuncta summa ratione & sapientia creat & tuncur, multis argumentis probati potest, quæ ex causa exemplaris ratione ducuntur. Quæ quidem est quasi via Regia quam omnes Philosophi insistunt, ut ex hujus universi magnitudine, distinctione, varietate, pulchritudine, constantia, Dei non existentiam modo, sed etiam illius attributa demonstrent. Nam ubique est ordo, ratio, & proportio, nullus ibi est fortunæ, aut temeritati locus. Atqui in hoc universo incredibilis est ordo, varietas, dispositio: ergo hoc universum opus est sapientissimi artificis, cuius infinita potentia, & immensitas ex illius magnitudine, sapientia ex ordine, fecunditas inexhausta ex tam multiplici varietate, pulchritudo ex ornato & splendore corporum cœlestium, unitas & nūque ex mutua rerum consensione facile colligitur.

Confirm. 1. Natura principium est innumerabilium prope rerum, quæ sine summa & incomprehensibili ratione perfici non possunt. Neque illud principium, aut illa ratio aliud quiddam est quamvis omnipotens artificis. Ergo vis illa qua res omnes primum sunt condita, deinde cum perire, rep̄tantur; quæ tam artificiose progrediuntur, est summa ratio, seu ars divina, juxta quam omnia sunt ordinatissima, uti jam in morali Philosophia fute ostendimus.

Confirm. iterum. Summum naturæ artificium quod in plantarum, & animalium conformatione, ortu & structura elucescit, naturæ ipsius, & mundi administratio nec intelligi potest, nec perfici citra divinum artificem.

Atque hoc genus argumenti Scriptura identidem adhibet, ut Psalm. 18. Cœli enarrant gloriam Dei. Job. 12. Interroga jumenta, & indicabunt tibi: loquere terre, & respondebit tibi, & narrabunt pisces maris. Quis ignorat quod hoc omnia manus Domini fecerit? Sic Sap. 13. Vani autem sunt omnes homines, in quibus non subsistit scientia Dei, & de iis que videntur bona, non potuerunt (scilicet affectuum æstu, & curis inutilibus distracti) intelligere eum qui est; neque operibus attendentes agnoverunt quis esset artifex. Tum concludit; à magnitudine specizi, & creatura cognoscibili (Græce analogice) poterit creator eorum videri; hoc est, per analogiam & comparationem effectuum cum causa; ex pulchritudine, & specie rerum creatarum, pulchritudinem, sapientiam & potentiam Conditoris colligere poterunt, qui animum attenderint: unde nullus iis relinquitur excusationi locus.

Hinc & Sapiens mox subjicit, Iterum autem nec his debet ignosci: si enim tantum poruerunt scire, ut seculum estimarent, (hoc est, ut rerum naturas & proprietates intelligent) quomodo hujus dominum non facilius invenerunt?

Ex quibus planum fit non solum existentiam Dei demonstrari posse, quod solent in questionem revocare: sed etiam hoc genus demonstrationis à mundi ordine, & artificiosa rerum dispositione esse efficacissimum, & hominum mentibus aptissimum. Hinc Apostolus id merito Philosophis exprobrat; quod cum ex rebus creatis Deum agnoverint, non eum, ut parerat, coluerint. Quod enim, inquit Rom. 1. notum est Dei. (hoc est naturaliter de eo cognosci potest,) manifestum est in illis: Deus enim illis manifestavit, (per lumen scilicet naturale, quod omnibus præsens adest,) invisibilia enim ipsius (attributa nimurum

divina) à creatura mundi , (Græce à mundi creatione .) per ea quæ facta sunt intellecta conspicuntur , (ut artifex ex operibus) sempiterna quoque ejus virtus , & divinitas : quod videlicet sit omnipotens , ens summe perfectum , quo nihil melius , nihil majus concipi possit . Quæ utique est notio Dei mentibus nostris insculpta .

3. Huc etiam pertinet alia demonstratio ex usu & fine cujusque rei desumpta . Neque enim credibile est omnia tam apte ad suos quæque fines disponi potuisse sine provido , & sapiente artifice . Neque Epicureis assentiendum puto , qui à Philosophica consideratione rejiciunt usum & usatum finalium : ac merito Cartesium reprehendit Gassendus , quod negaret nostrum esse , quo fine Deus quidque fecerit , divinare . Non enim effectorem facile cognoscimus , nisi ex fine quem sibi propositus . Unde ex nuda universi inspectione facile quis auctoratum id non fuisse , aut casu regi sibi persuadebit , nisi sapientium qui administratur , & quo res quæque fine condita sit , actiori animo attenderit . Fatum quodam esse fines rerum , & usus nobis incomptos : sed infiniti sunt alii nostri velut oculis subjecti , quales in corporis humani fabrica cernimus , quicque nihil temere , nihil casu , sed certa ratione & consilio fieri cuncta demonstrant .

Quinobrem minus considerate , ut nobis videtur , Cartesius negat posse aliquos fines magis in proposito esse quam alios , quod omnes in imperficiuntur sapientiae abysso sint eodem modo reconditi . Id utique falsum omnino videtur . Quid enim , an non id perspicuum est , cum os hominis formatum est , Deum eo respexisse , ut per id cibum in nutrimentum assumaret , aut duceret aërem inspirando , reduceret expirando ; & cum ossi dura formavit , articulationesque distinxit , an non attendit ad firmitudinem corporis , ad varios flexus , motusque obeundos ?

Sed , inquit , Epicurei , res non propter usus , & certos fines sunt dispositæ à provido conditæ , sed ita casu dispositis , fines quadam fortuna sunt ad inventi . Hinc negant oculos ad videndum , aut pedes ad ambulandum esse factos : sed ex fortuita quadam atomorum concusione , & materie necessitate cum prodierint , earum officia & usus postea accesserunt , ut sape Lucretius inuitit :

Nil ideo quoniam natum est in corpore , ut uti

Possimus : sed quod natum est . id procreat usum .

Omnia scilicet , si iis credimus , necessitate quadam oriuntur , ex iis usus possit queritur . Jupiter pluit , inquietant veteres quidam Philosophi , non ut augeat frumentum , id enim ex accidenti est ; sed quia sublati vapores , & frigore densati decidunt . Sic dentes non ut secent & terant cibum , sed ex matre necessitate copia facti sunt , usus postea accessit . Spina dorsi , aiebat Empedocles , propter contorsionem varie distracta est ; celophagus , ventriculus , intestina ex humore præterfluente , ut in torrentibus accedit , sunt excavata .

Vetum nihil magis artem incredibilem , soleritatem mirabilem & providentiam conditoris demonstrat , quam id ipsum quod in opinionis suæ patrociniū efficit . Nihil est enim quod minus probari possit , quam partium cor-

poris usus casu quodam contigisse : cum id effectum sit quod effici potuit optimum. Atque id summæ insectæ est tam præclaræ operis, tam sapienter dispositi causam nullam nisi cæcam & expertem consilii adducere.

Non, inquit, oculus ad videndum, non lingua ad loquendum, non mammae lacteandis infantibus sunt destinatae. Ergone oculus suis humoribus. & membrauis tam apte constitutis, & visioni necessariis, non ut videat, sed casu quodam instructus est? Quid, an forte aures non artificio divino, sed casu quodam extra eminent, & multis flexibus sunt tortuose, non ut sonos melius excipiant? an quicquam sapientius effici potuit quam corporis nostri fabrica? ubi tanta est patrum varietas, quæ tam apte inter se cohærent, & mutuas operas in sese conferunt; ubi singulis sic partita sunt officia, ut nihil sit supervacaneum, nihil desit, nihil suoloco moveri; nihil mutari possit: omnia denique non modo ad usum, verum etiam ad venustatem sunt conformata. Hæc sane qui acer animo perpendet, dubitare non poterit quin admirabilis hæc machina à sapientissimo artifice aptata fuerit. Scite igitur Seneca, *Cogitavit, inquit, nos ante natura quam fecisti: nec tam leve opus sumus, ut illi potuerimus excidere. Scias non esse hominem tumultuarium, & incognitum opus. Inter maxime rerum suarum natura nihil habet quo magis glorietur, aut certe cui glorietur. Quantus iste furor est controversiam Diis muneric sui facere.*

Demonstrationes metaphysicae.

Deum existere ut causam rerum omnium effectricem ratione ex intima Metaphysica deputompta, non probari modo, sed & demonstrari solet hoc modo. Dei nomine intelligimus ens absolute necessarium, independens, non factum: atqui hujusmodi ens si non existaret, nihil omnino esset; idque probatum facile est.

Primum quidem, nulla res esset contingens, si non existaret ens aliquod necessarium & per se: neque enim res quævis sibi causa esse potuit, ut existaret: ergo aliunde haberet sui originem Quod etiam de iis causis unde ortum habet, fatendum est, donec tandem ad aliquam causam perveniat, quæ nunquam esse coepit, quæque sit non contingenter, sed necessario.

Deinde vel omnia sunt contingentia, vel est aliquid necessarium absolute, quod Dei nomine intelligimus: sed illud dici non potest; omnia omnino entia esse contingentia; posse esse, vel non esse. Fingamus enim nihil esse: id utique, ut volunt, fieri potest, & posito possibili in actu nihil sequitur absurdum: tum sane omnia erunt possibilia ex hypothesi: sunt enim contingentia; & tamen erunt impossibilia, quia nihil relictum est, quod iis ipsum esse possit tribuere. non enim sibi ipsis dare possunt, neque ab alio accipere: Ergo necessaria est ut omnia entia non sint contingentia, sed unum ex iis sit absolute necessarium, independentes, à seipso, non factum, ex quo reliqua pendent omnia.

Hoc utique vulgatum est argumentum, & meo quidem judicio invictissimum: quid enim respondere possunt? an forte quod à partibus ad totum, atque, ut aiunt, à sensu distributivo ad collectivum nulla sit consequentia: unde licet singulae creaturae sūgillatim sumptæ sint contingentes, hinc, inquit, non sequitur omnium collectionem esse quid contingens.

Contra, nullum attributum potest convenire toti collectivo , quod nec singularis , nec ullis hujus totius partibus convenient , nisi forte de ipsa collectione , seu totalitate agatur : sed esse absolute necessarium , nulli , ut volunt , rei competit , neque est ipsamet collectio . Ergo si omnes creature seorsum sumptae sunt contingentes , ipsa collectio non erit absolute necessaria , sed contingens.

Sed , inquiunt , in ipsa Aristotelis hypothesi de mundi aternitate primus effectus demonstrati non posset , neque adeo prima omnium causa , cum in serie infinita nullum sit primum ; tuncque daretur progressus in infinitum.

Contra , hanc hypothesim esse impossibilem iam supra ostendimus , eaque data , non concessa in serie causatum quæ univocæ dicuntur , illud semper maneret inconclusum , in causis æquivocis progrederi in infinitum non licere . Nam ut nullus sit primus homo , qui alios genererit , semper erit prima causa æquivoca , nimirum Deus : nam causæ univocæ per accidens sibi invicem sunt subjectæ , & posteriores agunt independenter à primis . Sed in serie causatum quæ æquivocæ dicuntur , posteriores sunt velut instrumenta , que non agunt nisi mota à prioribus . Sic itaque corpora cœlestia vel sunt à seipsis , vel ab aliqua causa , neque hic locus esse potest progressui in infinitum : sic conformatio partium in plantis & animantibus , aliunde orti non potest quam à causa æquivoca , & suprema intelligentia .

Verum , inquieres , non possumus supponere omnia contingentia non existere : uti supponere non licet omnia possibilia existere .

Contra . Longe dispar est ratio . Nam omnia possibilia sunt infinita potestate : unde omnia simul sumi nequeunt , aut in actum reduci . Sed contingentia licet forte sint infinita , tamen ut sunt actu , accipiuntur . Quare omnia simul sumi possunt , ut simul existunt .

2. Ex causa exemplaris conditione Dei existentia hoc vulgari , sed valido demonstrari solet argumento . Est aliqua exemplaris , & velut archetypa causa , quæ res omnes ad certum numerum , & speciem determinet : sed ea causa alia non potest esse quam id ipsum quod Dei nomine intelligimus : cur enim certus sit stellarum numerus , cur sol unus , una terra , unus adeo mundus , ex sola Dei voluntate & sapientia id definiri potest . Non enim res omnes ex se contingentes , & indifferentes ad hunc potius , quam ad alium numerum , aut magnitudinem à seipsis , vel à propria cuiuscumque natura determinari queunt . Non item à casu , aut fortuna , ut multis argumentis jam demonstratum est : que enim sunt fortuita , raro accident , nec semper eodem modo contingunt . Siderum autem conversiones , animalium ortus , partium conformatio , & quidquid in natura cernimus , certa fit & constanti ratione , neque ullus est fortunæ locus : Ergo non aliud nobis relinquitur , quam ut à Deo tanquam ab exemplari causa suis numeris definita esse fateamur .

Addunt Platonici Deum ut exemplarem causam esse omnis veritatis & cognitionis fontem . Atque ex hoc quoque principio Dei existentiam probare contendunt , hac potissimum ratione subnixi , quam alibi identidem attingimus . Quod ut sensum communem extensis superiorē , quique de iis jūdicet , & rationem sensu communi præstantiorem admittimus ; ita supra rationem , aut mentem nostram regulas quasdam immutabiles , & veritatem

primam, in qua mens quid veritatis sit, intueatur, quæque mentem irradiet, nec aliud sit quam Deus, agnoscere oportere pertendunt: cum veritas illa immensa, æterna, spiritualis, ubique sit tota, qualem omnino Deum mente concipiimus.

Huc etiam pertinet illa Cartesii ratio, quæ ut ipsis videtur, vera est demonstratio: cumque à Gassendo, & aliis multum fuerit exagitata, non erit alienum quid nobis de hac probatione videatur, paulo ubetius explicare, & experiri an forte quæ ei desunt ad veram demonstrationem, suppleri possint.

Id argumenti in hanc pene formam contrahî potest. Quod clare & distincte intelligimus pertinere ad alicujus rei veram, & immutabilem naturam, vel essentiam, id potest de ea re, & vere, & certo affirmari: sed postquam acriori animo investigatum à nobis fuit, quid sit Deus, clare & distincte intelligimus ad ejus naturam pertinere ut existat. Cum enim Deum ut rem summe perfectam mente concipiimus, tum eum existere omnino intelligimus: quandoquidem existentia est maxima rei perfectio. Imo nihil potest à nobis distincte percipi, nisi id existentiam saltem possibilem habere intelligatur. Unde & monten Valle destitutum distincte non concipiimus: cum is non sit possibilis. Ergo ubi ens summe perfectum attentiori animo contemplamur, illi existentiam saltem possibilem tribuimus: ubi vero illud ens à nobis omnipotens cogitur, statim agnoscimus id sua vi posse existere: atque adeo vera esse, & semper extitisse. Nam id lumine naturali notum est, quod propria vi potest esse, illud semper existere.

Ex quibus satis apte concludere videtur Cartesius, non magis posse existentiam ab essentia Dei separari, quam ab essentia trianguli magnitudinem trium ejus angulorum æqualium duobus rectis: sive ab idea montis idem vallis: adeo ut non minus repugnet Deum cogitari ut ens summe perfectum, cui desit existentia, hoc est, cui desit aliqua perfectio, quam cogitare montem cui desit vallis.

Objecerat Gassendus primo, non satis justam esse comparationem. Nam ut proprietas trianguli cum ejus essentia, ita proprietas Dei, v. gr. omnipotentia cum ejus essentia debuit comparari; aut existentiam trianguli exempli loco sumi oportuit: atqui existentia non est rei alicujus proprietas, imo nec perfectio, sed id sine quo res nec perfecta esset, nec imperfecta: nulla est enim, ubi non existit; cumque proprietates trianguli enumerantur, illius existentia numerari non debet. Cur igitur existentiam in Deo ut perfectionem ipsius assert Cartesius? Quod vero ait tam existentiam, quam perfectiones cæteras in idea entis summe perfecti comprehendi, videtur conclusionem pro principio assumere.

Cum autem responderet Cartesius existentiam Dei tam esse illius proprietatem, quam omnipotentiam, aut æqualitatem angulorum duobus rectis in triangulo, cum ad essentiam divinam pertineat: quod nec de triangulo, nec de ulla re præter Deum, qui est suum esse, dici potest.

Urgebat Gassendus primo, quod ut enumerando proprietates, & perfectiones trianguli, nulla facta est à Cartesio existentiae mentio; ita enumerando Dei perfectiones, eum non debuisse in iis ponere existentiam, ut probaret

Deum existere , nisi principium p. tere veller.

Secundò , illud principium , quod clare & distincte intelligimus pertinere ad alieujus rei essentiam , id potest de ea re cum veritate affirmari , verum esse de re , ut à nobis concipitur , aut est in idea nostra , non de natura quam habet extia intellectum . Cum autem ex eo quod est in intellectu nostro , gradum facimus ad rem ipam ut in se est , tum in paralogismum manifestum incurrimus . Nam ex statu ideali in statum realem ; ex ergastulo , ut ita dicam , intellectus in theatrum naturæ egredimur . Sic enim tam verum est montem aureum ex auro constare , quam animal rationale esse prædictum ratione , si ideas nostras consulamus , aut in statu ideali maneamus : utrum vero talis idea sit conformis rei extra intellectum existenti , expectandum est quoisque in statu reali experientia ipsa criterium fiat , & certum judicium .

Quare investigatio illa quid Deus sit , est divinæ naturæ , non ut est in se ipsa , sed ut est in idea nostra , qualis nempe à nobis concipitur . Jam is quicunq; disputas , expectat ut probes talem in se existere , qualem in idea existentem describis . Quod si naturæ divinæ existentiam in idea tua expressam accipiendam velis pro existentia naturæ divinæ in seipsa , jam eodem modo probabis existere montem aureum , quia intuendo in illius ideam , distincte intelligimus eum ex auro constare . Sic queritur an Deus existat , tu vero assumis id pertinere ad ejus naturam ut existat , & hæc ipsa est questio : inter perfectiones Dei ponis existentiam , ut eum probes existere , siveque idem per idem probas .

Sed , inquies , non potest ens summe perfectum sine existentia intelligi . Verum hæc ipsa controversia est , an detur ens summe perfectum : quod utique alia ratione probatum oportuit , quam ex idea entis illius summe perfecti .

Sed quod in idea rei continetur , de ea re affirmari potest : Existencia in idea Dei , aut entis summe perfecti continetur .

Re/p. potest dist. maj. Quod continetur in idea rei alicujus , affirmari de ea re potest , in statu ideali , C. in statu reali , N. Nec valet consecutio à statu ideali ad realem , nisi in iis que ad essentiam rei pertinent , non vero in iis quæ ad existentiam spectant . Deinde illud quoque dici potest existentiam non contineri in idea Dei , nisi Deus perfecte cognoscatur , ut à beatis cognoscitur .

Addunt alii ea ratione probari Dei existentiam esse necessariam , non contingentem , nec questionem in eo esse positam quomodo Deus existat : sed utrum simpliciter existat . Hæc fere sunt quæ probationem Cartesii videntur infingere : & sane si ea probatio non aliunde munitat , vix stare poserit .

Quo igitur vim habeat demonstrationis illa à Cartesio , aut prius à S. Aug. usurpata ratio , id prius est probandum : illam Dei notionem esse realem , non fictitiam , rei scilicet possibilis , non impossibilis . Id utique hinc persuadetur , quod sit clara , & distincti cognitio : quod autem est impossibile , aut contradictionem involvit , ut mons sine valle , obscure admodum & confuse percipitur .

Deinde entis summe perfecti , aut necessarii , & independentis idea existen-

tiam suo conceptu includit : absurdum enim est concipere ens necessarium , & à seipso , quòd non existat : sed nulla res impossibilis intellectu suo existentiam complectitur : Ergo idea entis necessarii , aut summe perfecti non est fictitia , aut impossibilis.

Postremo , ideam rei fictitiae possumus in partes secare , aut quidvis illi adjicere : sed huic ideae entis summe perfecti nihil possumus detrahere , nihil adjicere , quin idea ipsa destruatur : si quid enim detraxeris , ut existentiam , aut sapientiam , jam non erit ens summe perfectum.

Ex quibus liquet notionem illam entis summe perfecti esse realem , non chimericam , non rei impossibilis. Id si datur , necesse est ut fateamur rem illam existere. Quòd si enim non existit , omnino est impossibilis : cum nihil ei dare possit existentiam , & quanto ea res est major , hoc erit magis impossibilis : atque illud lumine naturali notum est id quod sua vi potest esse , semper existere. Quòd si pertendas eam rem esse impossibilem :

Primum repugnantiam , si quæ sit , tibi probare incumbit. Deinde id jam à nobis confectum fuit & demonstratum , in omni collectione entium esse quoddam ens à se , & necessariò existens , de cuius essentia sit quod existat ; quod neque esse incéperit , neque unquam possit desinere , alioquin esset contingens , non necessarium.

Dari verò hujusmodi ens à se , jam hinc ostendimus , quòd quæ creata sunt , aut genita , omnia sint contingentia , cum aliquando non fuerint : Ergo sunt ab alio quod est necessarium. Deinde si aggregatum ex rebus omnibus nulla re excepta esset contingens , & possibile , ex hypothesi quòd non esset , tum res omnes ex possibilibus fierent impossibilis , cùm nullà res relicta sit unde habere possint existentiam. Quod utique implicat , & èo maxime quod possibilitas , aut impossibilitas rei variari non possit , sitque ei essentialis.

Quare fatendum est dari aliquod ens a se , & necessarium , & independens : illud verò esse perfectum statim intelligimus , cum ex eo omnis perfectio rerum , quæ sunt ab alio , proficiatur. Itaque omnes perfectiones quæ dicuntur simpliciter simplices , quæ scilicet meliores sunt ipse , quam non ipse , ut vita , bonitas , sapientia ei convenient.

Illud quoque ad notionem primi entis , & necessarii pertinet , ut sit immateriale , & intellectuale : cum omnis intelligentia ab eo profluat. Necesse etiam est ut sit infinitum , aeternum , optimum , & omnes perfectiones ita in eo reperiatur , ut sint unum quiddam non divisum ; omnes denique omnium rerum dotes eminenti quadam ratione complectatur. Atque in hoc nulla est repugnancia , nulla contradictione : imo perfectio illa in omni genere entis primo enti , quod est à seipso , maxime convenit : est enim radix proprie existentie , & omnium perfectionum ; atque ab eo sunt omnia quaecunque sunt , ipsum verò à nullo. Quod si nulla sit contradictione , nulla repugnancia ut ejusmodi ens existat summe perfectum , id utique jam demonstratum fuit illud ens existere.

Hinc concludimus existentiam esse de ratione entis summe perfecti , ut de ratione circuli est quod sit rotundus ; nec quicquam aliud habet hanc prærogativam : unde non est de essentia trianguli quod existat. Sed id unum quod est à se , ex essentia sua necessitate existit.

3. Ut cognitionis entis universi menti nostra velut insculpta est ab Authore naturæ, sic impressio ad ultimum finem, & propensiones omnes voluntatis à natura inditæ, ut amor beatitudinis, suæ conservationis, integratitatis, & omnium quæ ad perfectionem nostram evidentur conferre uti & motuum, aut naturæ leges certæ & constantes, quæ à fine suo non deflectunt: hæc, inquam, omnia non alhunde manare possunt, quam à primo ente, cuius possessionem naturæ instinctu experimus; cùmque ejusmodi appetitus à natura impressi non sint vani & irriti, ii manifeste demonstrant Deum ut ultimum finem existere.

Quæmobrem ex triplici causarum genere varia haudius argumenta, quibus existentia Dei, & providentia (neque enim separari debent) omnino demonstrantur: ex connexione nimirum effectuum cum causa primaria; ex illius præsentia in mente nostra per notionem, & ideam quam de Deo anticipatam habemus: ac demum ex ejus essentia, & natura. Quo quidem modo nullius rei creatæ existentia ostendi potest. Quæ in contrarium objici possunt, magna ex parte soluta sunt; quæ reliqua sunt, proximo capite commodi diluentur..

QUÆSTIO II.

Quomodo Deus à nobis cognoscatur.

Circa Dei cognitionem vulgo queritur, primò an Deum existere sit per se notum.

Responderi solet, per se notam esse hanc propositionem, Deus existit, quoad se, non item quoad nos. Res enim dicitur per se nota, cuius attributum est de essentia subjecti, quodque à priori demonstrari non potest: sed existentia est de essentia aut concepiū Dei, ut jam ostendimus; neque ea per aliquid potest demonstrari: Ergo illa propositio, Deus est, per se est nota.

Non autem est per se nota quoad nos: tum enim propositio dicitur per se nota, cùm terminis intellectis statim connexio attributi cum subjecto citram discursum percipitur: sed rem non ita se habere in illius propositionis perceptione manifestum videtur experientia, cum athei terminos intelligent, nec tamen Deum existere sibi persuadeant.

Illud tamen statui potest, innatam omnibus esse Dei notionem, sed non ita evolutam, & explicatam, ut attentione aliqua non indigeat. Quæ ab Atheis in controversiam vocantur, ea minime probant informatam animis nostris à natura non esse quandam divinitatis notitiam. Unde Patres pene omnes, & Anselmus imprimis contendunt per se notum esse, Deum existere, cùm Dei nomine intelligamus id quo nihil melius excogitari potest. Idque si non existat, non erit id quo nihil perfectius animo concipiatur.

Questionem verò sic resolvit Ludovicus Thomassinus. Propositionis per se nota quoad nos duplex est sensus, primò ut indigeat sola terminorum explicazione, & statim intellectum rapiat in sui assensum. Quo quidem modo ea propositio videtur per se nota. Non enim minus perspicuum est ens summum, & cui nihil deest existere, quam binarium esse numerum parem. Neque nos morari

rati debet fluctuans & incerta Atheorum contradic̄tio. Quod si enim aliquis brachio aut pede m̄ilitus nascitur, an continuo non est naturale homini duobus brachiis aut pedibus donari.

Quod si propositio per se nota quoad nos habeatur, cum rei essentia per se certatur. Hoc quidem modo illa propositio non est per se nota quoad nos. Quid enim Deus sit essentialiter, id nobis ignotum est.

Quod autem queri etiam solet secundò, an demonstrari possit Dei existentia, id prorsus nunc inutile videtur, cum superiori questione tot argumentis fuerit comprobata, ut non alind putem clarius & distinctius demonstrari posse. Eiusmodi autem demonstrationes à posteriori, ut aiunt, non à priori ductæ sunt, ex connexione nimirum quæ est inter effectus qui essentialiter à causa pendunt, & ipsam causam, fere ut existentia animæ ex illius functionibus demonstratur.

Quod autem vulgo opponitur Dei existentiam ad fidem pertinere, nec demonstrari posse.

Resp. 1. nihil obstat quominus fides, & scientia de re eadem simul esse possint. 2. quod ei qui vim demonstrationis non capit, est fidei articulus, alteri potest esse demonstrabile. Tertiò, Deum esse ut Authorum gratiæ, & gloriæ, est articulus fidei, non ut Authorum naturæ.

Contra, inquit, existentia Dei est ejus essentia: sed essentia Dei clare & evidenter non cognoscitur à nobis: Ergo neque illius existentia.

Resp. diſt. maj. Existentia Dei est ejus essentia, realiter, C. formaliter, ut à nobis cognoscitur, N. Existentia verò à nobis clare cognoscitur, in actu exercito, cum queritur an sit Deus, non in actu signato, cum queritur quid sit. His itaque præmissis quomodo Deus à nobis cognoscatur, paulo diligenter inveniamur.

Duae sunt viæ quæ nos ad cognitionem Dei ducunt, negationis una, cum quidquid imperfectionis est in Creaturis, à Deo sejungimus; altera huic opposita ex perfectionibus quæ rebus ipsis insunt, ad supremi opificis notitiam nos perdueit. Removemus omnia quæ à Dei puritate sunt aliena, sive obsecram & involutam, sed magis nostræ infirmitati attemperatam divine simplicitatis imaginem cogitatione depingimus, quæ nominibus pene negativis exprimi solet: ut cum dicitur Deus infinitus, immensus, invisibilis. Sed cum ex analogia, & similitudine quadam creaturatum dotes Deo tribuimus, tum magis distinctam divinæ majestatis imaginem formare nobis videmus: ut cum cogitamus quandam substantiam vivam, perpetuam, omnipotentem, ubique presentem, ubique totam, ut ait August.

Hinc Plato Deum unius, aut boni nomine eleganter exprimit. Unus est, aut potius unitas, cum sit unice omnia; cumque sit omnis compositionis, ac divisionis expers. Ipsum est bonum, quatenus prima est, & maxime universalis causa, quæ liberaliter se diffundit, & ab omnibus experitur. Sic remotionis via Deum, ut unum, per analogiam verò, & similitudinem cum creaturis, ut bonum ipsum concipimus: ut unus est, à cunctis seceritur: ut bonus, rei cuiusque perfectiones eminenti quadam ratione complectitur.

Verum hic major nos manet questione, an idea quædam distincta, & clara Dei ipsius sit mentibus nostris insculpta. Ita enim rem se habere existimat

Cartesius, atque hinc novam, ut putat, demonstrationem eruit, qua Dei existentia comprobetur. Ea vero sic contrahi potest. Habemus mentibus nostris insculptam, & congenitam ideam entis summe perfecti : atqui illa idea aliunde proficiisci non potest, quam ab ente summe perfecto & infinito: illud ergo ens undeque perfectum existere necesse est.

Propositionem variis probat argumentis, quotum illud praeципuum videtur. Quod mihi, aut omnibus quae video, aliquid deesse intelligam, id in causa est quod alicuius rei perfectioris ideam mente complectar, ad quam, & me & quae mihi desunt, comparem. Huc accedit, quod Dei nomine intelligam substantiam quandam, infinitam, independentem, summe potentem: quae sane sunt ejusmodi, ut quo diligentius attendo, tanto minus a me solo profecta esse videantur.

His objicit Gassendus, eorum quidem intelligentiam neminem a se, sed a parentibus, aut a magistris habere: has utique perfectiones aut ex aliis hominibus, aut ex aliis rebus esse collectas, & a mente humana amplificatas; nullam porro in nobis esse ideam rei infinite, nisi nomine tenus: quatenus mens jam aliquo usque progressa, cetera quae non potest comprehendere, confusa infiniti notione involvit. Sic antiqui Philosophi mundum infinitum, & infinitos mundos finixerunt.

Cum autem a Cartesio responsum fuisse, aliud esse mente attingere infinitum, aliud comprehendere: qui enim novit triangulum esse figuram tribus lineis contentam, is ideam habet trianguli, licet nondum omnes ejus proprietates comprehendendarat.

In statu Gassendus, nullam nos substantiae ideam nisi confusam & obscuram mente complecti, ne Dei quidem ipsius qui posuit tenebras latibulum suum, & lucem habitat inaccessibilem, claram & distinctam ideam nos habere, aut infinitum intelligere. Sed quia finem rei alicuius non videmus, eam dicimus esse infinitam: atque hac voce non significamus id quod intelligimus, sed potius id quod non intelligimus. Vox enim illa negativa infiniti nobis imponit, quasi ipsa infinitudo a nobis percipiatur.

Ego quidem crediderim utrumque vocis homonymia laborare. Cum enim Cartesius assertit in nobis ideam esse veram & germanam entis summe perfecti, non potest idea nomine intelligere Dei notionem adequatam, quae illum exhibeat qualis & quantus est. Id enim manifeste est falsum: sed ea idea representat aliquid veri: quod sit eternus, infinitus, &c. ex quibus utique Dei existentiam facile colligimus. Neque id negare possumus esse in nobis quandam infiniti ideam. Sic infinitas novimus esse triangulorum species, quae eandem basim habere possunt. Quin etiam prius quodammodo infinitum quam finitum mente attingimus. Cum enim rem finitam comprehendimus, tum ex illa entis generali, & ut ita dicam, infiniti notione quiddam decerpimus. Sic bonum infinitum expetimus; adeo ut communis, infiniti & illimitati entis notio distinctam rerum finitarum notionem antevertere videatur.

De hoc itaque omne certamen est, utrum idea quam de re infinite perfecta habemus informatam, sit nobis congenita, nec aliunde quam ab ente infinite dimanet. Quod ut demonstret Cartesius, observat in idea vel in imagine duo esse consideranda, quorum unum ab intellectu, alterum habet ab obje-

Eto. Primum enim est accidens quoddam menti inhærens , seu modus sit , aut cognitio ipsa formalis , perinde est. Alterum ab objecto ipso mutuatur : quod scilicet unam rem potius quam alteram exhibeat. Ut idea ad mentem referatur , perceptio dici solet ; idea, quatenus objectum ipsum respicit. Sic igitur ille ratiocinatur : perfectio objectiva ideæ aliquam habeat causam necesse est , quæ actu contineat , seu formaliter , seu eminenter , quidquid idea ipsa representat. Nam omnis perfectio quæ est in effectu , continetur in sua causa : atque idea , quam habemus , representat & exprimit rem summe perfectam. Ergo non aliunde quam ab ente summe perfecto proficiuntur.

Confirm. Illam ideam non haud minus à sensibus ; nec etiam à nobis efficta est: nam nihil illi detrahere , nihil superaddere plane possumus ; ac proinde superstes ut nobis sit innata : quemadmodum etiam mihi est ingenita idea mei ipsius.

Confirm. iterum. Si quis habeat ideam alicujus machinæ . quæ omne artificium excogitabile in se contineat : quæ sit hujus ideæ causa , merito rogare possim ; an alia machina prius visa , an perfecta mechanices peritia , aut lumma ingenii subtilitas ? quæcunque ea sit causa , id videtur certum , omne artificium quod idea illa complectitur , in causa aliqua contineri , aut formaliter , aut eminenter. Ergo idea Dei quam mente conceptam gero , quæque omnem perfectionem excogitabilem mihi exhibit , non potest aliunde quam ab ente infinito , quod omnes eas perfectiones complectitur , profici : maxime cum omni cognitione nostra eo principio innaturat. Cum igitur claram habeam & distinctam rei infinitæ notionem , quæ à nulla re finita ori potest , rem illam infinitam existere necesse est.

Sed , inquit , hac ratione probare quis posset mundum esse infinitum , ut veteres Philosophi crediderunt.

Resp. id omne non existere cuius ideam effingimus : sed nihil à nobis clare & distincte percipi , quod non existat , aut non possit existere. Deinde nunquam Philosophi infinitum mundum finxisserint , nisi mens eorum attigisset infinitum.

Verum , instant , nullo modo percipis infinitum.

Resp. infinitudinem à nobis non percipi , sed rem aliquam esse infinitam nos percipere & demonstrare. Sic in Geometria , & Arithmetica multæ de infinito fiunt demonstrationes. Uno verbo infinitum non comprehendimus , sed cogitatione attingimus.

Instant. Deum non nisi confuse , obscure , in ænigmate cognoscimus : quomodo igitur claram & distinctam illius ideam formare possumus , qui ne guttulam quidem illius Oceani , aut punctum illius infiniti percipimus.

Resp. essentiam Dei ut in se est , obscure admodum , & analogice tantum à nobis percipi : sed distincte & clare percipimus rem esse infinitam , independentem , undequaque perfectam. Itaque perfectiones Dei , & attributa possunt semper nova detegi , & distinctius percipi , atque idea quam de Deo habemus explicari. Ut triangulum qui novit esse figuram tribus lineis comprehensam , illius postea affectiones paulatim potest percipere : sic acarus , vulgo un ciron , nudis oculis ut punctum albicans videtur : sed adhibito

microscopio eò plures partes deteguntur, quò vitrum est magis exquisitum.

Multa objicit Gassendus, que hoc plane redeunt, tria esse idearum genera: quædam enim sunt innatae, aliæ adventitiae, plures à nobis finguntur. Itaque nihil obstat quominus idea de qua loquimur, inter eas numeretur, quas intellectus fabricat; ut cum infinitum mundum fingimus; aut certe notio entis summe perfecti erit adventitia; aut quia ex aliis audivi rem ejusmodi existere; aut quia ex variis perfectionibus, que in hoc universo, vel in nobis sunt diversæ, hanc confeci imaginem rei ex omni parte perfectæ.

Responderi potest illam ideam non esse fictitiam, quia omnibus hominibus qui animum attendunt communis est: nam si complicatam Dei notionem, ut loquitur Cicero, velint evolvere, omnes Dei nomine rem ex omni parte perfectam intelligent. Quique Deum ut corpus sibi fingunt, ideas inter se pugnantes unâ conjungunt, rei omnino perfectæ, & corporis: cum corpus divisibile sit in partes, neque adeo simplex, aut unum esse possit. In ideis fictitiis non omnes plane convenient: nam ut cuique libitum est, ita effinguntur. Deinde partes habent quæ divelli à se invicem possunt. Sic ubi ideam effingo equi alati, possum alas ab eo cogitatione secernere, & equum solum distincte percipere: sed ex idea rei summe perfectæ nihil possum detrahere: imo, ut diximus, hæc existentiam necessariò includit: quod de nulla idea fictitia dici potest.

Sed neque hæc idea inter adventitias haberi potest. Quomodo enim ex divisionis dotibus que variis rebus insunt unum quoddam summe perfectum potui componere? an forte ampliando & velut extendendo illas imagines? sed unde mihi illa vis sic ampliandi omnes perfectiones creatas, ut quiddam longe perfectius, quam revera sit, mente concipiatur? Deinde summa Dei perfectione in hoc consistit, ut omnes illius dotes sint inter se cum summa simplicitate coniunctæ: alioquin enim non erit res summe perfecta: sed nihil ejusmodi in rebus creatis deprehendimus.

Postremo nec ideam habeo rei summe perfectæ, quod ab aliis rem ejusmodi di esse audiverim: tametsi enim ejusmodi ideæ excitari debent, alioqui velut sopita jacerent; tamen id merito querimus, unde illi ex quibus audivi, hauc notionem hauserint, & eadem semper recurret difficultas. Deinde cum aliquid ab aliis accipimus, idque approbamus, hoc certe fieri non potest, quin illius rei implicitam saltem notionem habeamus. Unde si quis mihi dixerit obsidione solutam esse Villobonam, non statim huic fidem adhibeo, nisi id jam aliunde acceperim; aut de veracitate hujus hominis mihi constet. Sic rite interrogando multa docemur, ut in libro de magistro ostendit S. August. ut prober nos omnia doceti ab eo Doctore, qui Cathedram habet in celo, quique intus nos docet. Nolite, inquit Christus, vocari magistri; unus enim magister vester es. Hinc Aug. Admonere, inquit, possumus per strepitum vocis nostræ, se non sit intus qui doceat, inanis est strepitus noster.

Quare licet id Cartesio assentiamur, omnibus communem esse Dei notionem, idque Patres pene omnes passim admoneant, ut facile esset demonstrare, nisi rationibus magis, quam locis, & autoritatum pondere agendum nobis foret: illud tamen concedimus non ideam Dei absolutam, seu entis summe perfecti nobis esse congenitam, aut mentibus nostris insculptam; neque enim

idea, vel *imago* quæ finita est, Deum aut *ens infinitum*, quod tamen mente attingimus, potest exprimere. Quare Deum ipsum non in quadam imagine creata, aut specie impressa intuemur, sed quia is ipse menti nostræ intime adest, cum ea conjugitur, hanc illuminat, utcunque eum fortè cernimus, & velut in publico lumine, quod illuminat omnem hominem, contuemus, eo quidem perfectius, quòd mens nostra à terrenis affectibus magis est expurgata. Idque ut Aug. lib. Retractionum docet: *Quia natura intelligibilis est, & connectivus non solum cum intelligibilibus, verum etiam immutabilibus rebus.*

Quamobrem Dei cognitionis licet admodum imperfecta, ea tamen clara & distincta dici potest: quia ut eodem loco August. explicat, *mentibus nostris praesens est, quantum id capere possunt, lumen rationis aeternæ, ubi haec immutabilia vere conspicuntur.* Nec necesse est ut ad species animis nostris congenitas confugiamus, ut alio loco jam ostendimus. Haec tenus igitur omnes in notione Dei convenient, ut primum & summum ens Deum appellant: quantumvis errant in Deorum numero, aut in tribuenda divinitate variis rebus, que ab ea longe absunt. Quod si igitur abjiciamus ea quæ singulæ opiniones sibi peculiare habent, & quod omnibus commune est, accipiamus, palam est, omnes in notione supremi entis omni ex parte perfecti convenire. Hinc-Aug. I. de doct. Christ. c. 7. *Nec quisquam inveniri potest, qui hoc Deum credit esse, quo melius aliquid est. Itaque hoc omnes Deum consentiunt esse, quod ceteris rebus omnibus anteponunt.* Sic Cicerol. i. de Nat. Deor. *Talem esse Deum certa animi notione nos praesentire ait, ut in omni natura nihil sit eo praestantius.*

Hoc utique primum ens, & summum bonum cui ut rei cognata mens coaptatur, si Platonicos audimus, magis praesagit, quam intelligit; eique arcano quadam contactu copulatur. Ex dignitate enim summum entis fuit, ut suæ maiestatis symbolum aliquod rebus omnibus infereret: decuit etiam non ab alio, quam à Deo, hanc notionem animis nostris imprimi. Est enim in ipso mentis apice quidam sensus, & velut tactus, quo tangimus potius, quam intelligamus quid Deus sit. Sentiens, inquit vir doctissimus, aliquid inestimabile esse, & affirmamus quod sit. Nam idea illa innata entis undeque perfecti, aut illius, quo nihil melius, aut majus esse, vel cogitari potest, & aliae ejusmodi nihil explicare de Deo docent, sed inestimabilem quandam Dei magnitudinem magis aestimari faciunt, quam intelligi; sentiti magis quam cognosci. Innata boni appetitio augurium quoddam in mente anteissem demonstrat, sed augurium magis, & velut obscurum olfactum, quam intellectum aut cognitionem explicatam. Hinc Justinus Martyr in Apol. 2^a. *Dei*, inquit, *appellatio non men non est, sed rei inenarrabilis insita naturæ hominum opinio.*

Solvuntur objectiones.

Opp. 1. adversus Dei existentiam: si foret quoddam ens infinitum, omne aliud ens finitum excluderet.

Resp. diff. ant. Si illud ens corpus sit ex omni parte infinitum, C. si sit ens intellectuale, & immateriale in omni genere perfectionis infinitum, N. Nam ut forte habeas longe praestantius ingenium quam quisquis alius, non ideo ceteri nihil ingenii sunt habituri: atque ut crescat in infinitum vis ingenii tui

non idcirco aliorum quantulacunque perspicacitas minuetur. Sic licet Deus sit infinitus, non ideo cætera excludit; secus nulla esset illius potentia, si nihil posset efficere: imo ex perfectionibus quæ in creaturis sunt sparsæ, recte colligimus Deum existere. Nam si unum est altero melius aut perfectius, hoc utique non est nisi per accessum ad unum quoddam optimum ac pulcherrimum. *Negque enim ut scire M. Tullius, dici potest in ulla rerum constitutione non esse aliquid extreum atque perfectum.*

Opp. 2. adversus Dei existentiam, & providentiam hoc argumentum ab Epicureis usurpatum. Deus, inquit, aut vult tollere mala, & non potest; aut potest, & non vult. Si vult, & non potest, imbecillus est; quod in Deum non cadit: si potest & non vult, invidus; quod æque alienum à Deo. Unde ergo sunt mala?

Resp. nihil absurdum esse si Deus res finitas, quæque possint deficere, condiderit, ac multa in hominis vel Angelorum arbitrio reliquerit. Quid enim cum Deo possumus expostulare, si nos ita creavit, ut errare nobis liceret? An non potius grati esse debemus, quod tanta munera acceperimus, non queri quod plura non dederit: nec debuit Deus abstinere à condenda creatura quam proprio vitio, non Creatoris, deformem futuram praesciebat. Nam, ut ait Aug. I. 2. de lib. arb. *Sicut melior est vel oberrans equus, quam lapis propterea non oberrans, quia proprio motu & sensu caret: ita excellentior est creatura, quæ & voluntate peccat, quam quæ propterea non peccat, quia non habet liberam voluntatem.* Et sane si voluntas est actionum siuarum domina, cur ea ut proficere, sic deficere non poterit? Sin autem non est sui juris, non magis laudem metetur, quam horologium suis totis instructum. Hinc pulchre Aug. eodem in operc concludit, *Deum non esse malum authorem, cum nature quas condidit, sint bone, & in tantum fiant vitijsa, in quantum ab ejus à quo facta sunt, arte discedunt; & in tantum recte vituperantur, in quantum earum vituperator artem qua factæ sunt videt, & hoc in eis vituperat, quod ibi non videt.*

Q U Ä S T I O III.

De attributis divinis in universum.

Divina attributa ex Dei essentia profluere concipiuntur, quæ in hoc posita est maxime, quod sit omni ex parte perfecta: id enim Dei nomine omnes intelligunt. Quare & Deum unum, & summum bonum, & veritatem ipsam, primam quoque rerum causam existere, cunctis præesse, infinitum, immensum, æternum denique eum esse necesse est. Nec de iis sigillatim agere hoc loco possumus, cum hoc argumentum ad Theologos pertinere videatur, tametsi quæ ratione naturali de Dico intelliguntur, ab ipsa Philosophia minime aliena crediderim, cum ea potissimum Dei & nostri cognitione contineantur.

Ac primùm quidem cum Dei notio ens necessarium & omni ex parte perfectum complectatur, unum non plures Deos existere tendum est: nam si plures sint, & aliquo inter se discrimine differant, quædam in uno erunt proprietates, aut perfectiones, quæ alteri omnino decerunt: sicutque Deus non erit,

qui aliqua perfectione fraudabitur. Deinde cur duo potius, quam tres aut plures credantur, nulla ratio afferri potest. Hinc Maximus Tyrius Philosophus Ethnicus dissert. 1. unum esse summum Deum ex omnibus gentium consensione probat. In tanta, inquit, pugna & discordia, & discrepantia unam videas per terras omnes legem famamque consentientem, Deum esse unum rerum universarum & Regem & Patrem, multos preterea deos & Dei filios administrationis participes. Hec & dicit Gracchus, dicit & barbarus. Multa in eandem sententiam veterum loca afferit Hugo Grotius tum l. 2. de Jure belli & pacis c. 20. tum in eleganti libro de veritate religionis Christianae l. 1. Ubi eum Antisthenis locum à Cicerone relatum l. 1. de natura deorum citat: *populares deos multos, & naturalem unum esse;* tum illum Sophoclis Poëta.

Vnus profecto est, unus est tantum Deus,

Cæli, solique machinam qui condidit,

Vadumque ponti carulum, & vim spiritus.

De Deo ut summo bono dictum est in Morali; de eodem ut prima veritate quædam in Logica sparsimus, & plura non multo post dicenda sunt, cum de animæ rationalis cognitione tractabatur: nunc alia ejus perstringamus attributa.

Cum ea sint perfectiora, quæ vi agendi prædicta sunt, iis quæ nihil possunt efficere; quæ vivunt, iis quæ vita sunt experitia; quæ intelligunt, non intelligentibus; necesse est profecto ut hæc & alia, quæ longum esset enumerare, attributa, quæ meliora sunt, quam non ipsa, seu ut loquuntur Theologi, perfectiones omnes simpliciter simplices, in Deo sint, & infinito modo. Unumquodque enim attributum ideo finitur, aut quia res finita cum sit, ampliorem perfectionem non capit, aut quia causa, per quam existit, non ei plus impertinet. At Deus per se existit necessario, nec aliunde quicquam accipit; & cum sit prius ens & prima omnium causa, nulla est in aliis rebus perfectio, quæ ex Deo non fluxerit. Nam à nihilo nihil fit, & quæ cœpit perfectio, ab ea quæ nunquam cœpit, profecta est: id enim quod est necessarium, unum est, & omnia ab eo ortata sunt.

Deum itaque esse vitæ infinite, seu æternum, cum sit per se, & necessario, & independenter; & potentia infinita, cum sit prima omnium causa; & scientia infinita, cum nihil sit in Deo nisi infinitum, his quæ diximus connexum est.

Sed & illud quoque omnino ex dictis sequitur, hoc universum à Deo regi & administrari. Cum Deus sit omniscius, nec possit non cognoscere ea quæ aguntur & agenda sunt; cumque idem sit omnipotens, cuncta facillime regere & moderari potest. Id utique non rationibus modo, sed etiam sensuum quoddammodo testimonii demonstravimus, ex constanti cœlestium corporum motu, & ex admirabili corporis humani fabrica, in qua nulla pars vel minima nonsuus habet usus, nulla parentum industria, sed arte summa, quæ opificis sapientiam & providam curam vel oculis ipsis subjicit. Quin & illud quoque magnum est divinæ providentiae argumentum, quod nihil sit in rerum natura, quod in certum finem non dirigatur.

Qui mundum æternum, & nunquam cœpisse crediderunt, ut Aristoteles, quamvis hæsit inter hac de re locutus sit, ii providentiam negare utcunque potuerunt: at qui mundum recens conditum statuere: non video qua ratione ducti iidem divinam providentiam sustulerint. Neque enim homines tantum intelle-

Etū prædicti, sed & belluae curam habent fætuum quos procreatunt, eos paſcant, & a ferarum incurribus tuentur. Quia iigitur ratione ea cura, ea bonitas à Deo removebitur: cum nulla in eum molestia cadat, nec possit negligere quætam apte disposuit.

Conditum verò esse & pene nuperum hoc universum, id confirmari potest ex artium ipsarum progreſſu. Nam si æternus esset mundus, tot artes ad vitæ ūsum necessariae, tota præclara inventa tam nupera esse non possent, ac per æternitatem latuisse. Ea quippe nunquam periſſent, si aliquando fuissent exco-
gitata, ut acus nautica, typographia, pistriña ipsa, & alia prope infinita, quæ quotidie deteguntur, quæque magno ſunt argumento, mundum non esse æternum, sed à Deo præpotenti conditum fuſſe, & ab eodem principio regi & gubernari. Hinc Lucretius licet Epicureus lib. 5.¹

Verum, ut opinor, habet novitatem, summa, recensque

Natura est mundi, neque pridem exordia cœpit.

Quare etiam quædam nunc artes expoliuntur.

Nunc etiam augeſcunt, nunc addita navigiis ſunt

. Multa, modo organici melius peperere ſonores.

Plura addit Grotius hanc in rem testimonia ex Authoribus Ethniciſis depre-
pta; imo ex incultis olim terris, quæ habitari poſtea cœperunt hoc ipsum con-
firmat. Quo argumen-utitur Tertul l. de Anima. *Ipſe*, inquit, *orbis in prom-
prio est cultior in dies, & instruētior priſino.*

Hic adde certissimum divine providentiae testimonium ex miraculis & prædi-
ctionibus, quæ in historiis extant, quæque testes ſui temporis idoneos habue-
runt, & tales, quorum nec judicium, nec fides laboreſ. Verūm hoc argumen-
tum nos longius abducereſ. Nunc itaque ad Dei attributa redeundum, ac pri-
mūm videndum an Deus ita ſit infinitus, ut nulla res alia infinita eſſe poſſit.

Q U Ä S T I O I V .

De Deo ut infinito.

Cum in Dei idea rationes infiniti & immensi contineantur, non erit alienum hoc loco de iis attributis uisitatas in ſcholis quæſiones attingere. Pri-
mūm itaque de infinito dicamus.

Infinitum dicitur, cuius nullus eſt finis: idque vel eſt actū, vel potentia: illud Categorematicum, hoc Syncategorematicum vocant. Nullum eſt infinitum actū præter Deum, qui omnem entis plenitudinem complectitur: cum ſit omnium rerum cauſa. Hinc nullis clauditur terminis. Angelorum numerus eſt actū finitus, ſed infinitus potentia: nam ſemper augeri potest. Sic velocitas motū aut tarditas infinita eſt potentia; nulla enim tanta eſt velocitas, quin major dari aut cerre concipi poſſit.

Ex iis liquet primo inter finitum & infinitum nullum dari medium, quoconque nomine appelletur. Sic Carteſius ubi hoc universum nec finitum, eſſe, nec infinitum, ſed indefinitum tradit, aut materiam ſubtilem indefinite diuidi, ut mea-
tuum angustias impletat, ſucum nobis vocis novitate facere molitur. Quidquid enim actū eſt, aut finem habet, tumque eſt finitum; aut fine catet, tumque eſt vere infinitum. Cum autem tantus eſt numerus, ut imaginatio, aut ratio noſtra
cum

eum definire non possit, tum indefiniti voce uti possumus, dum illud constet, numerum vere esse finitum. Idem est de hujus universi extensione dicendum. Quare his discussis quæ morari nos poterant, jam videamus an infinitum actu aliud à Deo dari queat. Hoc utique concipi potest, vel infinitum in genere enīs, aut substantia, seu ens infinite perfectum; vel in genere quantitatis tum discretæ, tum continua. De singulis agendum.

Prima Conclusio.

Nulla esse potest creatura infinite perfecta..

Hæc conclusio multis rationibus à sancto Thoma demonstratur: sed ea mihi videtur invicta, quæ ex hoc principio deducitur, quod Deus sit infinite participabilis, & inter Deum & creaturam quatumvis perfectam sit infinita distantia. Hæc igitur ratio in hanc formam concluditur. Nulla dari potest creatura omnium possibilium perfectissima, quæque à Deo non infinite distet, ut omnes fatentur: sed si quæ esset infinite perfecta, ea esset omnium quæ dari possunt, perfectissima, nec infinite à Deo distaret: cum illius perfectiones magis participare non posset: ergo nulla dari potest creatura infinite perfecta.

Confirm. Si quæ res præter Deum esset ubique, aut semper, aut sciret omnia, aut omnia posset efficere, nec Dei immenitas, nec æternitas, nec sapientia, nec potentia magis participari possent, nec denique Deus ab ea re, licet creata, infinite distaret.

Respondent infinitam semper fore distantiam, cum illa creatura à Deo essentialiter penderet.

Sed contra. Id concipi non potest, quâ illa creatura æterna, immensa, omnipotentia penderet à Deo. Deinde ex illa dependentia non sequitur infinita distantia: cum actus vitales, & forte omnes effectus à suis causis essentialiter pendeant: nec tamen infinita est distantia inter facultatem & actum vitalem; inter causam, & effectum.

Solvuntur objectiones.

Multa opponuntur quæ ex falso principio ducuntur, quod res omnes possibles collective sumptæ esse possint, aut in iis una sit perfectissima; aut quod infinitum in potentia exhaustiri queat. Cum itaque

Opp. 1. Quo perfectior est causa, eo perfectiore procreare potest effectum: est enim inter causam & effectum proportio quedam: sed Deus est causa infinite perfecta: ergo effectum infinite perfectum procreare potest. Alioqui quomodo ex effectu magnitudinem, & infinitam vim primæ cause cognoscemus, si nihil nisi finitum ea possit efficere?

Respondeo distinguendo majorem. Quo perfectior est causa, eo perfectior procreare potest effectum, sic tamen, ut possibilis sit effectus, C. si sit impossibilis, & contradictionem involvat, ut ostendimus de creatura infinite perfecta, N. Nam ea esset perfectissima, ut jam demonstravimus, & exhaustiret divinam potentiam. Præterquam si Deus unam possit efficere, cur non duas? Quod si ita sit, ergo perfectio unius non est perfectio alterius, & uni aliquid aderit, quod alteri deerit, ac demum utraque simul sumpta erit per-

fectior quam eatum altera, quæ idcirco non erat perfectissima. Vis autem Dei infinita in hoc posita est; quod perfectiores in infinitum creaturas possit efficere. Sed de ratione infiniti in potentia, seu syncategorematici illud est, ut exhaustiri nunquam possit. Adde illud etiam, vim infinitam primæ causæ in hoc elucescere, quod ex nihilo cuncta procreet.

Opp. 2. In collectione omnium creaturarum possibilium Deus videt eam quæ est perfectissima, quæque alias ita dignitate supererat, ut ab aliis non supereretur.

Resp. neg. suppositum: nempe dari collectionem omnium rerum possibilium, aut inter creaturas possibles dari ultimam: id enim est de ratione infiniti in potentia, quod collective sumi non possit, nec quicquam habeat ultimum: ut infiniti temporis nullus est dies ultimus.

Instant. Deus cognoscit omnes creaturas possibiles: ergo novit quæ sit perfectissima.

Resp. Diff. ant. Deus novit omnes creaturas possibiles distributive, *C. collective*, *N.* Novit quippe res uti sunt: nulla vero est collectio omnium possibilium. Scit enim divinam essentiam semper magis ac magis in infinitum particuli posse.

Opp. 3. Si Deus esset agens necessarium, effectum infinite perfectum præderetur: sed cum agat libere, non minus est potens, quam si ageret necessario: ergo Deus potest effectum infinite perfectum efficere. Præsternum cum actus secundus respondet actui primo: sed actus primus est infinitus: Est enim divina potentia, cui nihil est impossibile: ergo nihil obstat, quominus creatura infinite perfecta à Deo omnipotente effici posset.

Resp. Dato absurdio, nimisnam Deum esse agens necessarium, aliud absurdum concedi posse, nempe creaturam infinite perfectam à Deo produci, nisi illud quoque contradictionem involvat, ut jam ostendimus, & multis aliis argumentis evinci potest. Nam ut dictum est, si Deus unam creaturam perfectissimam posset efficere, cur non plures? quæ utique inter se diffèrent. Est enim in una aliqua perfectio, quæ in aliis non reperiatur: itaque non essent perfectissimæ, contra hypothesis. Sed sit alia creatura uno gradu imperfectior, tum sane unicus ille gradus perfectissimam terminabit, neque adeo illa erit infinite perfecta.

Quod autem aiunt actui primo actum secundum respondere, facilis est responsio, actum secundum seu effectum finitum divinæ potentiae sic respondere, ut semper sit coniunctus cum potentia ad ulteriorem actum, nunquam ad ultimum; sive actus ille secundus erit semper inadæquatus, nunquam adæquatus respectu divinæ potentiae.

Quo quidem modo innumeris pene argumentis, quæ circa infinitum fieri possunt, occurritur, eaque fient clariora ex iis quæ mox dicturi sumus.

Secunda Conclusio.

Non potest dari aut multitudo, aut magnitudo, aut qualitas actu infinita.

Hæc omnia eadem conclusione complectimur: cum una & eadem sit omnium probatio: quod videlicet non possit dari aut multitudo, aut extensio, aut qualitatis intensio maxima: sed infinita aut multitudo, aut extensio, aut inten-

TRACTATUS TERTIUS.

559

eo, eadem esset maxima : ergo &c. Major est manifesta. Quod si enim essent infiniti homines, plures essent oculi, aut capilli, quam homines. Nam ut duo se habent ad unum, sic tota collectio oculorum in numero sive finito, sive infinito se habet ad numerum hominum; cum totum sit majus sua parte. Quare in magnitudine ipsa, si tot essent hexapedae, quot supponimus homines, tum magnitudo esset quidem infinita: sed minor ea magnitudine quæ tot hexapedas contineret, quot supponimus capillos esse in illa multitudine hominum infinita.

Illud igitur planum est, nullum dari posse numerum omnium maximum, aut extensionem maximam: eadem enim est utriusque ratio. Nam si esset magnitudo infinite extensa, aut maxima, ea utique infinitum, immo & maximum pedum, aut alterius mensurae contineret numerum.

Quamobrem in eo difficultas omnis posita est, an numerus infinitus idem esset maximus. Id vero ita se habere multis rationibus evinci potest, sed una aut altera sufficiet. Si numerus esset actu infinitus, infinites infinitas unitates, infinitos itidem binarios, infinitos ternarios, & ita in infinitum continueret. Sed eo numero major dari, aut concipi nullus potest: ergo infinita multitudo actu esse nequit, nisi eadem sit maxima. Simili ratione evincemus infinitam extensionem, aut intensionem esse non posse. In illa quippe esset infinitus numerus cuiuslibet determinatae magnitudinis, ut pedis aut palmi: in qualitate infinite intensa numerus graduum esset infinitus.

Resp., nonnulli unum infinitum non esse majus alio, aut æquale: nulla enim est inter infinita proportio: ergo licet numerus esset actu infinitus, non ideo esset omnium maximus: unde haec prædicata æquale, & inæquale infinito in potentia non convenient.

Contra: Si essent infiniti homines, numerus corporum æqualis esset numero animarum, & numerus manuum duplus esset numeri capitum, ut jam ostensum est. Alia vero est ratio infiniti potentia, cum secundum se totum accipi non possit. Sed, inquit, iisdem rationibus probari posset vel in Deo non esse numerum infinitum perfectionum, vel eum non esse immensum: cum numerus actu infinitus, aut extensio actu infinita dari non possit.

Resp. perfectiones divinas non esse numero distinctas, sed unam & eandem simplicissimam entitatem, quæ partes, aut successionem, aut extensionem non habet. Sic immensitas illius nec numerum, nec modum agnoscit, neque ulla creatura extensione sua potest eam exæquare: unde non est divisibilis, ne quidem potentia: & sic responderet infinitis palmis potentia, ut ab iis nunquam exæquari possit.

Solvuntur objectiones.

ad hanc questionem responduntur: falso.

Quæ contra sententiam nostram opponi solent, ex eo ducuntur, quod infinitum actu cum infinito in potentia confundant: cum tamen infinitum actu vel totum simul existat, vel possit actu existere, vel totum jam extiterit; ac nullum ex iis infinito in potentia conveniat. Quod enim infinitum est potentia, nunquam totum, & collective sumi potest. Unde hæ voces plus, aut minus; æquale, aut inæquale de infinito in potentia dici non possunt: quæ de

Aaaa ij

infinito actu omnino predicanter : cum totum , quidquid est , supponatur actu existere . Est enim infinitum potentia , medium quiddam inter finitum actu , & infinitum : ut finitum est actu , ultimum habet , & maximum ; ut infinitum in potentia , neutrum ei competit , sed ulterius semper extendi potest .

Hinc quae solent opponere , sunt , ut vulgo dicitur , à subiecto non supponente . Supponunt enim aliquid quod hypothesim destruit , ut infinitum potentia totum & collective sumi posse : quod quidem repugnat ipsi notioni hujus infiniti , cuius datur ultimum actu , non potentia ; & dato quocunque numero , semper major dari potest : idque satis apte indefinitum dicere , dummodo omnis homonymia vitaretur . Cum itaque

Opp. 1. Quae possibilia sunt , eadem ut existentia singere possunt : nam possibili in actu redacto , nullum sequitur absurdum : sed tum daretur actu infinitum , & numero , & magnitudine : ergo infinitum actu esse potest : neque id negare possumus , quin Deus possit dicere , producatur quidquid est possibile .

Resp. hæc & alia hujus generis plurima fieri non posse , quia nunquam tot existent , quin plura esse possint ; nec infinitum in potentia collective accipi potest . Quare hujusmodi propositiones sunt à subiecto non supponente .

Inst. Deus videt simul & uno conspectu omnia possibilia . Quæ autem videt , aut sunt finita , quod nemo dixerit , aut infinita : sic videt omnes cogitationes Angelorum per totam æternitatem futuras , quæ profecto non sunt finita .

Resp. Dist. ant. Deus videt uno intuitu omnia possibilia , ut distributive actu esse possunt , C. ut collective & simul produci possunt , N. Sunt quidem possibilia ratione divinitate potentia , à qua habent quod sint possibilia : sed implicat ut simul existant . Nam si Deus omnes ignes possibiles procrearet , an forte tum lignum accendi non posset , aut novus ignis prodire ? Cum itaque Dei vident omnia possibilia , videt actu finita : sed infinita potentia . Nam potentia illa non est ad actu infinitum . Sic cogitationes Angelorum nunquam erunt actu infinita , & nunquam erunt omnes , uti nec dies æternitatis , qui nunquam omnes collective sumpti effluent . Deinde infinita multitudo cogitationum in potentia quidem Dei , & æternitate ejus continetur , que sunt infinita : sed ex ea non possunt exhaustiri , & extra Dei potentiam nulla multitudo infinita esse potest .

Instans. Deus potest efficere quidquid cognoscit practica cognitione : sed res omnes possibiles ita novit : ergo & eas potest efficere .

Resp. Dist. min. Novit eo modo quo sunt possibles , C. secus , & quasi simul produci queant , N.

Opp. 2. Deus potest operari ubicunque est : sed Deus est ubique : ergo ubique potest aliquid creare , quod profecto infinitum futurum est .

Resp. Dist. maj. Ubi Deus existit , operari potest inadæquate , C. adæquate , N. Nam ubi , ut ita dicam , Dei est illius immensitas omnino indivisibilis , cui responderet quidquid à Deo producitur , sed inadæquate tantum . Jam si creatura esset ubique , non posset ab ea immensitas divina magis participari : unde nihil imminet , aut infinitum præter Deum esse potest .

TRACTATUS TERTIUS.

561

Accedit etiam quod si corpus esset immensum, aut infinite extensum, ut veteres hoc universum esse credidere, duæ lineæ concipi possent in unum angulum coeuntes, quæ in infinitum productæ spatium comprehendenterent infinitum. Quò enim longius protrahuntur, eo magis inter se distant: in infinitum productæ concipiuntur: ergo spatium inter eas interceptum erit tandem infinitum: quod absurdum est, cum spatium utrumque clausum infinitum esse non possit.

Opp. 3. Non repugnat dari corpus infinitum, nec ex parte Dei, cuius potentia est infinita, nec ex parte quantitatis, quæ in infinitum augeri potest.

Resp. id repugnare ex parte quantitatis, quæ est infinita quidem potentia, atque, ut aiunt, syncategorematice, non actu. De illius autem infiniti essentia est, ut ejus potentia exhaustiri nunquam possit, nec reduci ad actu; deinde quantitas omnis figura terminatur, quæ in corpore infinito nulla esse potest.

Opp. ultimò. Si quid demonstraret infinitum actu esse non posse, idem probaret Deum nec infinitum esse, nec immensum, nec æternum.

Resp. Neg. antec. Quia in Deo nullæ sunt partes, nec actu, nec potentia; nullus est numerus, nec motus: quæ omnia efficiunt, ut citra contradictionem manifestam infinitum creatum nullum esse possit.

Tertia Conclusio.

Nec duratio successiva actu infinita, nec mundus, nec motus, nec ulla res creata, aut permanens, aut successiva, æterna, aut infinita esse potest.

Hæc conclusio ex iis quæ sunt demonstrata, manifeste colligitur. Nam si tempus infinitum, aut durationem successivam, & æternam concipiamus: erit multitudo actu infinita: dies quippe infiniti jam effluxere. Deinde si unoquoque die unum Angelum Deus procreasset, jam infiniti essent Angeli.

Simili ratione nec motus ab æterno esse posset: prius enim est rem creari, & creari alicubi, quām ea locum mutet; ac nihil primo instanti quo est, locum potest mutare.

Ex quibus efficitur contra Aristotelem mundum æternum esse non posse. Idque maxime cum ipse Aristoteles neget infinitum actu esse possibile, aut illud percutti ulla ratione posse, aut terminis comprehendendi.

Solvuntur objectiones.

Multa objiciunt, quæ partim jam sunt soluta, partim infra solvuntur in hac ipsa quæstione, nec necesse est hoc loco fusiūs expendere cavillos Aristotelis, & Averrois, quibus æternitatem mundi non posibilem modò, sed actualem & realem demonstrari sibi persuadent. 1. *Quod mobile, inquietum, fieri non possit nisi per motum:* ergo si mobile incœpit, motus prior fuit mobili: quod omnino est absurdum.

Resp. Neg. maj. Quod enim fit per creationem, id sine motu effiicitur,

Sed inquietum: Si tempus incœpit, prius non erat tempus: cum tamen illud prius, vel aliquando, sine tempore concipi non posset.

Resp. In ipsa æternitate nihil esse prius, aut posterius, nisi virtualiter, ut

Aaaa iii

autem, quatenus aeternitas omne tempus complectitur.

Verum incredibile iis videtur Deum tam immenso spatio cessavisse, & nihil egisse.

Resp. tam facile esse intellectu quia Deus liberrimus cum sit, mundum in tempore, cum voluerit, considerit, quam quod nunc res singulas procreet. Neque enim nunc feriatur, aut omnino cessat. Quod si agens esset naturale, & necessarium, id utique concipi nullo modo posset: sed agit cum vult, & quomodo vult. Nec dubium est, quin Angelum, si velit, nunc creare queat. Quid est ergo cur omnes Angelos, & mundum ipsum in tempore condere non potuerit? His ergo disculpsis, jam videamus quibus argumentis probent mundum ab aeterno condi potuisse.

Opp. 1. Nullum est instans in quo Deus mundum creare non potuerit, & omni instanti quo est, is potest operari: ergo ab aeterno.

Resp. aeternitatem esse unum Dei instans infinite perfectum, atque in instanti quo est, operari posse, inadæquate, C. adæquate, N. Nam ut Dei immensitati, sic aeternitati nihil adæquate coextendi potest: sed utraque magis participari, idque in infinitum, sic tamen ut nunquam exhausturatur.

Opp. 2. tempus fictitium & infinitum concipi posse, cui aeternitas Dei respondent, ut immensitas spatio imaginario. Sed hujus temporis infinita partes fluixerunt, & nihil obstat quominus toto illo tempore mundus extiterit. Cum id non repugnet ex parte Dei, qui semper potuit agere, nec ex parte mundi ipsius, qui semper fuit producibilis; nec deum ex parte creationis, quae est est instantanea. Atque ut sol eo instanti quo est, lucem procreat: sic Deus ab omni aeternitate potuit mundum, ut sua bonitatis tadium efficere.

Resp. tempus illud fictitium esse impossibile; unde non mirum est si hoc absurdum posse, reliqua consequantur. Repugnat vero mundum esse ab aeterno, quia duratio illius cum esset successiva, saltem potentia, infinitæ illius partes jam effluxissent: idque omnino absurdum est. 2. Quod fit ex nihilo, prius nihil fuit, quam esset, quod de re aeterna dici non potest. 3. Huc adde motum aeternum esse non posse: cum mutatio omnis, aut motus supponat aliquid prius: nec quicquam eo instanti quo est, moveri possit. Quare homo ante fuisse per totam aeternitatem, quam pedem moveare potuisse: non potuit enim ab aeterno moveri: Sic generatio aeterna esse non potest.

Opp. 3. Deus in tota aeternitate quam vocant à parte post, semper poterit agere: ergo & ab omni aeternitate à parte ante potuit operari.

Resp. dist. ant. Deus poterit agere in aeternum, potentia, C. actu, N. Nullum enim est instans actu designabile, in quo Deus non posset agere. Utraque, ut ita dicam, aeternitas est infinita potentia, non actu: potuit enim prius in infinitum mundus creari, sed non ab infinito tempore: adeo ut verum id nunquam esse posset, rem creatam infinito tempore durasse. Est enim, ut saepe diximus, de ratione infiniti potentia, ut nunquam exhausturatur.

Atque in iis omnibus imaginationis evagatio coercenda est. Nam ubi de infinito, aut de aeterno agitur, nullus imaginationi locus relinquitur. Hinc aeternitatem quasi in duas partes secamus, & tempus quasi centrum, quod aeternitatem bisatism scat, fingimus animo: adeo ut tot aeternitatis partes fluxerint, quot fluxuæ sunt: cum tamen aeternitas sit tota simul, nec in

partes distribuatur , nec de illa tot , aut tot partes decerpī queant , cum partes non habeat , uti nec Dei immensitas : quæ utique si animo comprehendere licet , vis ipsius animi elset infinita .

DISPUTATIO II.

De Deo ut prima causa.

Sequitur ut de Deo ut prima omnium rerum causa dicamus. Primum itaque de eo ut Creatore & conservatore , tum de illius concursu & præmotione agendum.

QUÆSTIO I.

De Deo ut Creatore & conservatore.

QUadruplex Deo ut primæ & summæ rerum omnium effectrici cause actione tribuitur , creatio quæ rebus omnibus existentiam impertit , conservatio quæ est velut continuata creatio , concursus , & interdum determinatio , cum rebus creatis , aut ad agendum se accommodat , aut eas determinat. De singulis agendum , ac primum de creatione & conservatione disseremus.

Creatio definiri solet *productio rei ex nihilo* : vel ut loqui solent , *productio ex nihilo sūi , & ex nihilo subiecti*. Sic anima rationalis creatur , quia fit à Deo independenter à subiecto : materia ipsa creata fuit , cum ex nullo subiecto fieri potuerit : est enim primum omnium subiectum. Cum autem subiectum ad aliquid formæ productionem conspirat , quocunque id fiat modo , tum forma illa educitur , non creatur.

Certum est creationem ad unum Deum pertinere. Nam ut ars subiectum à natura præparatum exigit , quod scilicet jam existit simpliciter , ut lapides , ex quibus domus componitur : sic natura in subiecto jam præexistente , nempe in materia operatur : cum ex nihilo viribus naturæ nihil fieri possit. At Deus qui naturam longe magis superat , quam natura ipsa artem , ne materia quidem eger , sed ex nihilo cuncta procreat. Jam queritur , an creatura ipsa Deo ita volente , aliam ex nihilo procreare possit. Quæ utique controversia ut dirimatur , distinctione quadam opus videtur. Sit itaque

Prima conclusio.

Creatura ut instrumento Deus uti potest ad creandum.

Prob. concl. ex iis quæ diximus de potentia obedientiali cuique rei essentiali , qua Deus uti potest ad eas actiones exerendas , quæ vim omnem naturæ superrant : ut aqua baptismi ad gratiam conferendam , quæ ut multis videtur , tum creatur , cum à Deo infunditur: nec illa repugnanciæ afferri potest , quæ obstat quoniam Deus Angelo uti possit , ut alium Angelum procreat.

Quod enim S. August. & alii PP. negant ab Angelis ullam omnino creati naturam , id verum est , Angelum propria vi id non posse , nec forte ut cansam

principem : sed quominus id efficiat ut instrumentum , quid obstate possit , non video.

Sed , inquit , omne instrumentum habet actionem sibi propriam , qua disponit subiectum ad actionem causae principis excipiendam . Securis vim habet secandi : unde in hunc usum ab artifice adhiberi potest ut artificiose fecerit . Sed Angelo nulla est actio propria qua disponat ipsum nihilum , quod est subiectum creationis : Ergo Angelus nequidem ut causa instrumentalis creare potest .

Resp. actionem illam instrumento non esse necessariam , cum id proprie non agat : sed satis est ut vim causae principis quasi transmittat , aut quodammodo determinet : major itaque remanet quæstio , an creatura ut causa principialis creare possit .

Secunda Conclusio .

Probabilius videtur substantiam à te creata , ut à causa principe creati non posse , tametsi id de accidente penitus impossibile non videtur .

Cum de rebus quæ fieri possunt agimus , sententiam nostram timidiū proponimus : quis enim possit de iis rebus quid certi decernere ? partem igitur conclusionis priorem ut verisimiliorem probamus .

Primò , hac est velut nota , hic character , quo Deum à creaturis sejungimus , quod Deus ex nihilo substantiam aut materiam solus eduxerit . Hoc argumento , ut inconcusso SS. PP. adversus Arianos semper usi sunt , ut Verbi æterni divinitatem probarent , quod verbo cuncta facta sint & creata , ac sine verbo nihil factum sit : Ergo creare substantiam ita Deo convenit , ut nulli creaturae communicari possit . Secus enim faciliè exceperint Ariani Deum solum esse Creatorem , hancque à seipso habere prærogativam , quam tamen etiam nobilissimæ creaturæ impertiri potest .

Confirm. Quo causa est sublimior , & latius patet , hoc subiectum minus determinatum postulat . Sic ars omnis subiectum definitum , quodque jam existit simpliciter exigit : natura in materiam quæ est communior , & omnibus formis substernitur , vim suam exerit . At solius est Dei ex nihilo res ipsas extrahere , & materiam ipsam , vel subiectum omnibus formis substratum procreare : idque adeo vires naturæ superat , ut antiqui Philosophi materiam Deo coævam statuerint : quod animo consequi non possent , qua virtute ea posset ex nihilo prodire . Cum enim nulla in nihilo sit dispositio , infinita virtute opus videtur , & majore quam concipi possit , ut ex nullo subiecto res procreentur . Cum itaque potentia infinita Deo uni convenire possit , palam est nullam creaturam , ut causam principem etiam per miraculum creare posse .

Pars altera conclusionis hinc suaderi potest . Primò , quod accidens sit potius modus entis , seu quid entis quam ens ipsum , aut res . Secundò , quod ex subiecto tanquam ex materia non constet . Producit quidem debet in subiecto , tum ut in eo sustentetur , tum ut determinetur , sed utrumque Deus supplere potest : ergo nihil obstat quominus Deo ita volente , causa secunda , ut sol calorem , vel lumen circa subiectum procreet , tumque illa productio non erit educatio , vel generatio , sed creatio .

Solvuntur

Solvuntur objectiones.

Opp. 1. Si quæ sit ratio quæ probet causam secundam creare non posse materialm ipsam, ea est maxime quod infinita sit distantia inter ens, & nihil, infinita adeo ut opus sit ut aliquid ex nihilo eruat: sed ea ratio nulla est: si quid enim habet roboris, eadem conficiet accidens creati non posse à causa secunda: Ergo tam substantiam substantiam creare potest, quam qualitatem.

Resp. Eam quæ vulgo affert rationem, non satis idoneam nobis videri: cum idem sit effectus, sive is producatur in subjecto, sive extra subjectum, Cum igitur eff. etus in virtute sua causa totus continetur, is poterit à causa secunda procreari, in subjecto quidem cum agit naturaliter; extra subjectum, si Deo ita placuerit. Subjectum quippe actionem duntaxat determinat; sed materia ipsa in nullius causæ naturalis virtute continetur, nec potest ab alia quam à prima procreari.

Quod autem vulgo dici solet, inter ens, & non ens infinitam esse distantiam, locutio est metaphorica, non propria: alioqui nihil unquam à causa secunda effici posset. Imperius, lumen, si accidens est, calor fuit ex nihilo sui; & nihil erant acti, antequam fierent; atque in omni generatione ens succedit non enti. Quod si itaque esset infinita distantia inter ens & non ens, nihil novi, aut gigni, aut educi posset; nihil luminis acti erat in aëre, antequam sol illucesceret, an forte infinita virtute opus est, ut repente appareat?

Opp. 2. Inter ens, & non ens nulla est proportio: Eigo est infinita quoque distantia.

Resp. neg. conf. Nam inter ea quæ sunt diversi generis, nulla est proportio, ut inter quantitatem & qualitatem, inter calorem & sonum; imo interdum inter ea quæ sunt eiusdem naturæ, ut inter latus quadrati, & illius diagonalem. Nec tamen quisquam dixerit inter eas res inter se distantiam, nisi forte negativam, quod ea definiri & determinari non possit.

His intellectis facilis erit conservationis explicatio; cum ea non sit aliud quam continuata & non interrupta creatio; nec minus res creata continuo Dei indigent auxilio ut conserventur, quam ab eo pendent ut fiant: quemadmodum lux à sole non solum quoad fieri, sed etiam quoad esse dependet. Sic creature à Deo jugiter influente, & existentiam iis largiente pendent, ut sexcentis ex locis tum Scripturæ, tum SS. PP. probari posset; *In ipso*, inquit, *Apost. vivimus, movemur, & sumus*: & alibi loquens de Filio Dei, *Portans*, inquit, *omnia verbo virtutis sua*: verum difficultas, si quæ sit, in eo est posita, an conservatio directa, ut vocant, qua Deus non solum indirecete & per accidens causas nostra destructionis inhibet, sed propria, qua res iugi & continuata productione conservat, ratione naturali probati queat. Sit igitur

Tertia Conclusio..

Conservatio rerum omnium naturali ratione potest demonstrari.

Prob. concl. Quod essentialiter pendet ab aliquo, ab eodem directe & per se conservatur: ut actus vitalis à principio vitali; imago quæ in speculo reful-

Tom. I.

B b b b

ger, ab objecto pendet essentialiter. Sed creaturas pendete à Deo lumine naturali constat: cum sint entia per participationem, quæ ut incipiunt esse, ita & possunt desinere: nec major concipi potest dependentia quam creaturæ à suo creatore. Ergo iugi influxu creaturas ab eo conservari naturali lumine convincitur.

Confirm. Quod nunc existam, non idcirco jus habeo, aut vim, qua possum post horam existere, nisi actualem existentiam ab eo ipso, quod est per essentialiam, accipiam. Neque enim existentia qua nunc fruor, minus est dependens & quasi precaria, quam ea quæ fuit in quolibet instanti præterito, aut quæ vel primo instanti creationis mihi fuit concessa; neque illa potest sufficere ut nunc & deinceps existam, nisi eadem causa hanc indesinenter mihi largiatur: adeo ut non solum quantum ad fieri, sed etiam quantum ad esse à prima causa efficiere dependeam. Quæ quidem causa postquam dedit esse, fieri non potest, sed iugi influxu largitur quod primum dedit, ut Christus Dominus testatur; *Pater meus*, inquit, *usque modo operatur, & ego operor.*

Solvuntur objectiones.

Opp. 1. Opus artefactum sine artifice permanet: Ergo & opus naturale stare potest citra influxum sui authoris. Quod si enim id suo operi conferre potest artifex, ut permaneat, multo id magis summus rerum opifex potest efficere, quanto illius opera sunt magis absoluta & firma, quam quæ ab artifice profiscuntur.

Resp. neg. conf. Atque in hoc longe dispar est ratio, quod operis artificialis, ut domus partes jam habeant esse simpliciter, antequam in formam domus compingantur. Unde non mirum est, si ubi in hanc formam coaluere, in eo statu citra artificem permaneant. Sed res omnes à Deo esse simpliciter, non tale esse acceperunt, & ab eo essentialiter pendent: unde iugi Dei influxu egent: quod non modo quantum ad fieri, ut domus ab artifice, sed etiam quantum ad esse, à suo conditore pendeant.

Contra inquiunt, Multæ sunt res quæ à causis secundis quantum ad esse pendent, ut motus, ut lumen, species quæ dici solent intentionales, actus vitiales, & aliæ si quæ sint hujusmodi: Ergo ea saltem non à Deo, sed à causis secundis conservantur.

Resp. res hujus generis, si sint res proprie dictæ, non modi quidam, aut ad summum accidentia, sic à causis secundis conservari, ut à prima quoque essentialiter pendeant. *Quod enim* sol illuminet, quod corpus aliud loco moveat, quod viventia actus vitales exerant, hoc habent à Deo, qui cum iis causis aut concurrit, aut eas præmovet. Ac nescio an ulla res dari possit quæ à causis secunda conservetur. Non enim idem calor, aut eadem lux a sole proficitur, non magis utique quam eadem aqua ex fonte dimanat.

Opp. 2. Sunt quædam res natura sua incorruptibiles, ut Angelus, & anima rationalis: Ergo ea non egent iugi Dei influxu ut permaneant.

Resp. dist. ant. Sunt ea res incorruptibiles, aut indissolubiles intrinsece, *C.* quia in se non habent principium dissolutionis, cum sint simplicissima: sunt incorruptibiles extrinsece, hoc est, non egent iugi Dei influxu, *N.* Hoc enim

influxu subducto in nihilum abirent, cum à suo authore essentialiter pendeant: quod utique eleganter Plato in Timæo exprimit, ubi Deus celestes Deos, seu sidera sic alloquitur. *Dii, inquit, orti ex Diis, quorum opifex ego, & pater sum, hæc attendite. Quæ à me facta sunt, me ita volente indissolubilia sunt, omne siquidem quod vinculum est, solvi potest; sed mali est quod pulchre compositum est, seque habet bene, velle dissipare. Quapropter quia generati estis; immortales quidem & indissolubiles non estis, nec tamen unquam dissolvemini, nec mortis fatum subibitis. Nam voluntas mea majus præstantiusque est vinculum ad vitæ custodiām, quam nexus illi, quibus estis tum cum gignebamini, colligati.*

Opp. 3. Vel conservatio est actio eadem cum creatione, vel ab eadem distincta: hoc utique dici non potest, cum eadem sit causa, & idem effectus, nec rectio sit ab utroque separata: sed neque eadem esse potest cum creatione, cum creatio, sit ex nihilo, conservatio rem jam esse presupponat; creatio sit momentanea, conservatio diu perseveret.

Resp. Eamdem esse actionem re, sed virtute & cogitatione multiplicem: diversa enim utriusque est definitio, & diversæ sunt, ut loquuntur, connotationes. Nam creatio rem ante non fuisse, conservatio rem fuisse jam productam indicat: sed idem est utriusque terminus, idem principium, quod interdum in prima productione alias causas non excludit, tumque magis generantis quam creantis habet rationem: cum enim ex nihilo Deus rem procreat, tum solus operator. Est igitur conservatio continuata & non interrupta rei creatio, quæ una est, non multiplex actio: neque id concedimus actionem omnem esse instantaneam.

QUÆSTIO II.

Quomodo Deus concurrat cum causis secundis & necessariis.

HAec tenus huic questioni, qua nulla est in Philosophia major, aut magis controversa, quasi prælūdium: nunc quam poterimus enucleate, eam tractabimus: ac primum ne vaga sit & tumultuaria, ut plerumque evenit, disputatio, quid certum sit, & ab omnibus fere concessum, breviter & distincte est explicandum. Sit itaque

Prima Conclusio.

Deus immediate concurrit cum causis secundis.

Prob. concl. Non solum posse agere, sed etiam actu operari est perfectio quædam: sed omnis perfectio à Deo, ut à prima causa proficiatur: Ergo creatura sic penderet à Deo, cum operatur, ut illius concursu & auxilio omnino indigeat.

2º Cum causa secunda agit, & quiddam efficit, illud utique ut tale ens, v. gr. ut est ignis, non ut est simpliciter, procreat: non enim ignis fit ex nihilo, seu ex non ente simpliciter, sed ex non ente secundum quid, seu ex non igne. Ergo ubi aliquid efficitur, necesse est ut prima omnium causa effectui id præsteret, quod causa secunda dare non potest, nimurum esse simpliciter, aut commu-

nem entis rationem: omne quippe ens per participationem ab eo quod est per essentiam, ducitur.

Quare omnes pene Philosophi immediatum Dei concursum aduersus Durandum tuerunt: adeo ut non solum permissive, ut illi vistum est, sed etiam effective concurrat cum causis secundis; nec tantum Deus agere cum creatura, aut influere in effectum censendus sit, quia causam secundam conservat, aut eam virtute agendi instruxit: sed quia actu in effectum saltem, si minus in actionem, influit. Hinc rerum omnium procreatio passim in Scripturis tribuitur Deo, ut Isaïæ 26. *Omnia opera nostra operatus es in nobis Domine.* Et Apostolus 1. Cor. 12. *Omnia operatur in omnibus;* & Joan. 1. *Omnia per ipsum facta sunt, & sine ipso factum est nihil.* Sic Job 16. *Manus tua fecerunt me:* ut infinita prope loca omittam, quibus efficitur Deum nunquam cessare, cuncta regere, conservare, eique causas omnes, cum necessariis, tum liberas subesse.

Quæ contra opponi solent, commodius infra diluentur, unum tantum, vel alterum hoc loco afferemus.

Opp. 1. Causa secunda ut ignis, vii m' habet agendi completam & integratam: Ergo non indiget concursu Dei ut operetur.

Resp. Causam secundam tum in actu primo, tum in actu secundo à prima causa pendere: eget enim concursu Dei in actu primo, ut posse operari: verum concursus ille nihil est aliud quam voluntas Dei, qua statuit fore ut cum causa secunda concurreret.

Sed, inquit, vis illa creata est intrinsece completa: Ergo non eget concursu Dei extrinseco.

Resp. Vim illam ita esse completam intrinsece, ut non agat, nisi vis exterior, seu concursus divinus acceleret: ab eo enim pendet necessario.

Cum autem circa divinum concursum graves sint difficultates, vix satis commode ea possunt expediri, nisi rem ab altiori repetamus exordio, & in quo maxime positus sit concursus divinus, aut quomodo Deus cum rebus corporeis, quo itidem modo cum rebus liberis concurrat, paulo uberior excutiamus. Sit igitur

Secunda Conclusio.

Concursus divinus, & actio creaturarum sunt distincte actiones.

Prob. concl. Jam supra ostendimus actionem non esse entitatem ab agente & effectu distinctam: Ergo ubi cause sunt diversæ, & effectus distincti, sunt itidem actiones diversæ: cum igitur Deus & causa secunda simul ad ejusdem effectus procreationem conspirant, eadem utique mortaliter loquendo, actio concipitur, propter unitatem effectus: sed si physice, atque, ut res est, loqui volumus, duæ sunt actiones, quarum distincta sunt principia, nec crediderim id in controversiam venire posse: cum actio nihil sit præter influxum agentis: Ergo ubi agens est multiplex, influxum quoque esse multiplicem necesse est.

Opp. Ubi due causæ junctim agunt & per modum unius, tum eadem est actio: ut cum duo equi eundem currunt trahunt: Ergo cum Deus concurrit cum causa secunda, una est & eadem actio, ut unus est & idem effectus.

Resp. dist. am. Una est actio totalis moraliter sumpta, quæ ex duabus causis inter se distinctis coalescit, C. una est actio physice sumpta, N. Neque enim aliter una actio, quam unum agens concipitur, cum duæ cause ad ejusdem effectus procreationem conspirant.

Quas autem partes in agendo habeat causa prima, videamus: atque ut à rebus nobis notitibus quatum ideas habemus magis proprias & distinctas ordinamur, de rebus corporeis primum nobis agendum est.

Tertia Conclusio.

Actio primæ cause diversa ratione spectata, cause secundæ actionem antecedit, comitur, & subsequitur.

Probatur simul & explicatur conclusio. Omnis actio corporea, aut motu locali continetur, aut cum eo ita conjuncta est, ut circa motum localem vix explicari possit. Cum itaque Deus per motum cuncta efficiat, quatenus causas secundas movet, iisque simul & effectibus esse simpliciter largitur: tum præt causis secundis, easque præmoveat. Quatenus vero simul agit cum causa secunda, tum concurrit. Sed ut præcise agit, & juxta causæ secundæ exigentiam, tum actio primæ cause quodammodo subsequitur causam secundam, ei-que sese accommodat. Ut actio primæ cause actionem cause secundæ anteverbit, ea universalis & indefinita concipitur: sed determinatur à causa secunda, quatenus prima causa ei se accommodat, & in consortium ejusdem effectus juxta causæ secundæ exigentiam venit, tumque ex universali & indifferenti fit actio determinata.

Quo autem res ubetius explicitur, quid sit rem à Deo moveri, paulo diligentius intueamur. Deus movet corpus, aut per se solum, aut unâ cum causa secunda. Cum per se mover corpus, id utique in pluribus locis continuata & minime interrupta successione conservat, & indesinenter creat: cum enim Deus rem aliquam producit, aut tuerit, in aliquo loco eam creat. Non minus quippe absurdum est rem creari, & nullo in loco, seu nullibi, quam eandem creari, & nullo tempore; neque adeo hæc duo physice, & re ipsa, sed metaphysice tantum, seu formaliter sunt distincta, rem nimitem produci simpliciter, & alicubi creari. Cum itaque res in pluribus locis creatur successive, aut conservatur, hoc solo res eadem à Deo moveatur necesse est. Nam rationes illæ locorum nihil sunt ab ipsa conservatione diversi, neque novas actiones exigunt.

Quod si itaque idem est rem aliquam creare, & in loco, seu alicubi creare; neque hæc separari ullo modo possint, ac locorum numerus nullam entitatem, nihil novi rei addat, sed connotationem tantum, ut loquuntur, aut denominationem extrinsecam: quod aliquid in pluribus locis successive conservatur, id nullam entitatem ipsi creationi, aut conservationi adjicit, sed formalitatem duntaxat, aut diversum concipiendi modum. Ergo Deus hoc ipso movet creaturam, quod eam in variis locis successive creat, aut tuerit.

Non igitur aliud est rem movere, quam ei varia loca tribuere, idque continua quadam & non interrupta successione; seu eam transferre de loco in locum. Nam singamus animo Deum nihil aliud velle quam rem aliquam creare. Certe vi hujus actionis, res ipsa erit alicubi. Jam si Deus non aliud velit quam rem ita conserveat in pluribus locis, ut nusquam quiescat, hoc ipso loco

res eadem movebitur , nec multitudo locorum aliam specie distinctam à conservatione actionem exigeret : Ergo una & eadem actione res fit , & movetur à Deo . Quod enim res moveatur , præter actionem ipsam qua creatur , hanc negationem tantum addere videtur , quod scilicet nullibi quiescat : unde non necessaria est actio physica distincta à creatione , qua res aliqua à Deo moveatur .

Quæ si bene intelligimus , ut satis perspicua esse arbitramur , non erit difficile animo consequi , quomodo Deus cum causa naturali concurrat . Cum enim Deus agit liberime , non modo operari potest cum vult , sed etiam cum aliæ causæ exigunt , ex certis nempe legibus ab ipso ut ab authore naturæ constitutis . Tum igitur Deus rem conservabit in tali loco & tempore juxta causæ secundæ indigentiam , idque erit concurrere cum creatura . Actio illa qua Deus creat & conservat creaturam , universalis est , motio prævia & indeterminata , ut jam diximus : illam vero determinat exigentia creaturæ , quæ per se nec subsistere potest , nec agere . Quod autem Deus ex beneplacito suo , & quasi per se solum , aut ex ipsius creaturæ indigentia , hic vel alibi , in uno aut in pluribus locis rem conservet , hoc , inquam , nihil addere videtur ipsi conservationi nisi relationem quamdam . Est enim idem Deus qui agit , eadem est res creata , eadem sunt loca : nihil ergo novi esse potest , nisi formalitas quedam metaphysica , aut relatio , quæ ex indigentia creaturæ repetitur , quæque Deo est velut agendi occasio .

Qua quidem ratione Durandus in gratiam facile redire posset cum reliquis Philosophis & Theologis . Cum enim negat opus esse immediato & positivo Dei concursu , non aliud , ut puto , intelligit , quam Dei concursum non esse actionem ab ipsa creatione , & jugi rei conservatione distinctam . Actio quippe causæ secundæ quatenus seipsam movet , aut seipsam movendo rem aliam locupellit , actio , inquam , illa non aliud est quam exigentia , seu natus ipsius cause secundæ , quatenus Dei actionem sibi adjunctam , & velut sibi accommodatam habere postulat .

Ex iis multa colliguntur , quæ fuse Magnanus , nos strictem percurremus . Primo , idem de omni actione dici posse quod de motu diximus . Actio quippe omnis Dei qua sit tale ens , seu in tali statu , specie , forma aut modo , non est forte physice diversa ab ea actione qua sit ens simpliciter , aut creatur . Nam ut res non potest creari , aut conservari nisi in aliquo loco ; ita nec concipi potest nisi in aliqua specie , aut certo statu , aut modo ; cumque Deus per se solum aliquid efficit , ut tale ens , tum eadem est physice actio , qua id efficit ut est ens simpliciter .

2. Hinc colligitur eamdem esse actionem qua Deus ex indigentia creaturæ agit , quæque concursus appellatur , cum actione qua Deus per se solum , & natus suo ageret . Ac proinde creatura Dei concursum exigit , non ut fiat aliquod ens absolute , sed ut fiat tale ens , seu in tali loco , aut statu , aut modo ; aut tale compositum ex ente , & forma aliqua : adeo ut concursus simplici creationi addat tūtummodo novam modificationem , aut connotationem . Sed eadem omnino est physice actio qua Deus concurrit ad aliquid faciendum , cum ea qua solus Deus id efficeret .

3. Jam supra ostendimus actionem creaturæ non esse quamdam entitatem ab ipso eff. ita distinctam , sed esse effectus dependentiam à causa . Quilibet vero

effectus per se , & immediate , non per aliquid à se distinctum à causa pender . Quare actio creaturæ proprie non producitur , neque adeo illa ratione sui indiget concursu divino ut fiat , sed ut ipse producatur effectus . Idque præsertim verum est , cum divinus concursus actionem creaturæ comitatur , aut sequitur . Cum autem actio Dei prior est , & facit ut faciamus : ut in iis quæ vires naturæ superant , tum actiones voluntatis , ut credere , sperare , diligere Deum , sunt effectus divinæ motionis , cuius impressionem consequuntur . Verum nunc de iis tantum agimus quas Dei actio aut comitatur , aut sequitur , ac meritò contendimus creaturam egere Dei concursu , non ut actionem ipsam , sed ut effectum procreet : quod actio ratione sui non sit ens physicum à causa & effectu distinctum . Sic nisus arcus intenti exigit Dei concursum , ut effectus integer , seu restitutio arcus fiat : sed nisus ille prior quodammodo est actuali concursu , & ex utroque simul conjuncto fit velut actus secundus integer & completus .

Contra ea quæ attulimus multa opponi posse non ignoramus , sed partim ex iis quæ diximus , partim ex iis quæ proxima quæstione dicturi sumus , facilè diluentur : unum duntaxat proponemus . Itaque illud objici potest , non esse eandem actionem qua res creaturæ in diversis locis , cum loca sint distincta : ergo motio divina aut concursus non est ipsa creatio , aut conservatio cum exigentia creaturae .

Resp. Dist. ant. Non est eadem actio ratione locorum , C. ratione ipsius conservationis , N. Cum enim sit idem Creator , & eadem creatura in diversis locis , una est & eadem ubique actio ; sicut creatio , & conservatio in diversis instantibus eadem manet actio non interupta . Idem quippe est influxus ex parte agentis , eadem est dependencia ex parte effectus : Ergo ubique est eadem actio : cum idem sit qui agit , & idem maneat effectus , ac sola aut temporis , aut locorum connotatio , formalem , non realem inducat distinctionem .

QUÆSTIO III.

Quomodo Deus concurrat cum causis liberis : ubi de physica predeterminatione.

QUæ superiore capite diximus de concursu divino cum causis necessariis , quæque non tam agunt , quænam aguntur à Deo , magnam possunt afferre lucem iis quæ de concursu divino cum causis liberis dicturi sumus . Nam ex iis quæ distincte novimus , cuiusmodi sunt corpora , & eorum motus , per similitudinem quandam , vel analogiam , quæ sensus fugiunt , aut per alienas species intuemur , utcunque perspicimus : dummodo certo ordine , ac ratione progrediamur .

Itaque licet nobis actiones voluntatis nostræ cum motionibus corporum conferre , & ex utratumque analogia , quomodo Deus cum voluntate nostra concurrat , utcunque intelligere . Has utique similitudines fuse vir acutissimus P. Magnus persequitur , quæ hic fere redeunt . I. Bonum idem pene esse cum voluntate comparatum , quod locus est in corporibus . Sic igitur voluntas ferre quiescit in bono possesso , ut corpus in loco : quies vero illa non otiosa est , sed actuosa : atque ut corpora in suis locis gravitant , sic voluntas cum

suo bono fruitur, id arte complectitur, eique amore inhæret. Quod etiam motus est corpori, hoc voluntati est prosecutio, aut fuga: unum deferit voluntas ut aliud acquirat; varia media, tanquam spatia percurrit, ut in suo fine quietcat. Atque ut corpus nostrum dum progreditur, alternis quietescit & movetur: sic voluntas per media ad finem suum contendit, ut mediis ipsis interdum per affectus suos inhæreat aliquantulum: adeo ut motus voluntatis in finem sit velut alterna quietis mutatio. Sive enim voluntas objecto suo fruatur; sive ex uno in aliud excurrat; sive rem desiderio proséquatur, & in finem aliquem per certa media nitatur; sive eligat, & unum alteri præferat, ubique erit quietis mutatio, aut quies ipsa non otiosa, sed vitalis & actuosa. Vix tamen hic occurrit entitas aliqua nova, & physica à voluntate & objecto distingua: uti cum incedimus, & pedem unum certo loco infigimus, dum alter attollitur, nullum ens physicum occurrit præter pedem, & locum quem occupat, aut mutat.

2. Hoc utique est voluntati proprium ut seipsum determinet: quod non habet cum corporibus commune. Nam ubi potentia, seu actus primus integer est & completus, tum corpus necessariò moveatur, & primæ causæ concursum exigit, non item voluntas, quæ positis omnibus ad agendum prærequisitis, adhuc manet indifferens. Sed illa determinatio neque in corporibus, neque in ipsa voluntate ut nova entitas ei succrescens concipi debet. Tum enim voluntas seipsum determinat, cum bono proposito quasi se permittit, & ab eo illeacta ultero se dedit. Cum autem illud bonum minus videtur, aut non satis cognoscitur ut bonum, tum voluntas in id ferri non potest. Cum bonum ex omni parte conveniens sine ulla mali admixtione proponitur, tum voluntas in id necessariò ruit, nec seipsum determinat: nam ab ipsis objecti bonitate abripitur.

Itaque ut seipsum voluntas determinet, nec objectum ut ingratum & insufficiens: neque ut undequaque bonum proponi, sed medio quodam loco esse debet, quo voluntas seipsum ei libere permittat. Quamvis enim sit majoris boni capax, suam tamen vim quasi contrahit, quo seipsum alicienti accommodet; eaque sibi ipsis quasi terminos imponit, nec majus quiddam exceptit. Quod utique fieri potest, licet nulla entitas nova voluntati superveniat: non enim illi determinatio est quid distinctum à voluntate, & bono illiciente: maxime si concursum Dei exigat & antecedat. Quod si enim esset quedam entitas, hæc sine concursu divino foret producta: cum supponatur Dei concursum exigere.

Hinc Deus voluntati exigenti concursum suum potest eum denegare: sed eum non exigit voluntas, nisi cum est determinata. Neque enim causa libera instar causæ necessariæ concursum Dei postulat, cum est in actu primo completa: nam positis omnibus ad agendum prærequisitis potest adhuc non agere. Quare necesse est ut jam sit determinata, cum divinum concursum exigit. Ergo determinatio ipsa voluntatis divinum concursum anteverit; neque adeo est entitas quedam physica voluntati superveniens, quæ citra Dei concursum esse non posset. Est igitur velut actus secundi initium, cuius complementum ex Dei concursu accedit.

3. Cum bonum propositum omnem voluntatis capacitatem, omne desiderium.

rium explet, obiectum ipsum citra novam entitatem eam determinat. Sic ubi minus est bonum, quam ut necessario ad se rapiat voluntatem, sed eo tamen contenta est, & se ei bono quodammodo exæquat, ac sibi terminos præfigit: nihil quoque necesse est novam entitatem comminisci, ut voluntas se apter minori bono, aut seipsum determinet. Formalis enim determinatio in hoc posita erit, ut affectet hujus boni conjunctionem; ut Dei concursum exigat, quo res amata cum voluntate conjugatur, & ei sive per speciem aut imaginem, sive re ipsa, & possidendo adhæreat. Nisus verò ille, aut exigentia à re ipsa quæ nititur, & conjunction à rebus conjunctionis formaliter tantum differt: nec concursus ad ipsam determinationem voluntatis requiritur: cum prior sit determinatio quam concursus; voluntas verò concursum postulat, ut id obtineat ad quod se se determinavit.

4. Illud meminisse oportet, neque determinationem, neque actionem ulilam per se fieri: cum non sit entitas nova, sed ratio qua aliquid fit. Itaque præcise ut actio est, Dei concursum non exigit, nisi forte quatenus effectus sine actione esse non potest. In effectu porro aut formam solam spectare possumus, aut concretum ipsum. Forma abstracta, ut ambulatio proprie non sit, sed homo ambulans. Sic ubi argentum inauratur, aut paries dealbatur, inauratio aut dealbatio, ut loquuntur, proprie non efficitur: sed aurum argento, calx parieti inducitur, & ex utroque fit concretum quoddam inauratum. Non dissimili ratione non sit motus, aut ambulatio, sed ens tale, ut homo deambulans, homo appetens: nam eadem est ratio motuum qui dicuntur intentionales, & eorum qui sunt naturales. Ac nescio an aliquid in abstracto efficiatur: sed fit concretum, cum res quæ antè erant & distinctæ, unà conjunguntur: ut cum corpus in diversis locis applicatur, fit homo ambulans; aut volens, ubi Deus cum voluntate concurrit, quæ exigit cum suo bono conjunctionem.

Hæc nescio an vera sint, mihi tamen videntur esse ejusmodi, ut iis bene intellectis omnes pene difficultates, quæ circa motionem divinam excitari solent, elidantur. Sic enim planum fiet Deum in actibus qui non sunt supra naturæ vires, voluntatem non antevertere: ejus determinationem sequi potius, quam præire: adeo ut verum sit Deum concurrere cum creatura. Deus quippe concurrere censetur cum homine, qui ad currendum, seu ad agendum jam est determinatus. Cum enim voluntas sit actuum suorum domina, non est alia causa quæ eam determinet: præsertim cum ejus natura in eo posita sit, ut seipsum determinet, ut eligat; atque in hoc à causa necessaria omnino se jungatur, quod sit sui juris, neque à causa extrinseca determinetur. Unde homo concursu cget suæ naturæ accommodato, qui sit indifferens, & quem voluntas ipsa huc illuc inflectat, non vice versa: quamvis in Deo nulla sit necessitas concurrendi.

Sic Deus ad actus malos etiam materialiter sumptos voluntatem non determinat, & moverit: cum determinatio ipsa sit à sola voluntate. Verum hæc omnia cum magnas questiones fecent, non erit alienum paulo distinctius ea expendere, quidve Dei motioni sit tribuendum, exutis omnibus præjudicis enucleatim proponere. Atque ut ab iis quæ certiora sunt, ordiantur, sic

Prima Conclusio.

Deus causas omnes movet, & præmoveret, sed præmotione generali.

Hæc conclusio multis argumentis à S. Thoma demonstratur, quæ breviter decurrimus. 1o. Quod Deus sit primum agens, & ultimus finis: atque ut nihil concluditur nisi virtute primi principii; sic nihil movetur nisi impulsu primi moventis.

2. Ordo effectuum, causarum ordini sic responderet, ut causa determinata, & particularis effectum sub ratione itidem determinata procreet; ut ignis ignem, homo hominem: Ergo nullum ens sub ratione entis, quæ est universalissima, effici potest nisi à prima & maxime universalis causa.

3. Omne agens in finem ultimum tendit: inclinatio autem illa ad finem ultimum, quæ est generalis præmotio, non ab alia quam à prima effectrice causa proficiscitur. Hunc verò influxum primæ cause aliter excipiunt cause naturales, aliter liberae; illæ non deficiunt in agendo, nisi præcesserit defectus in natura: unde integrum Dei motionem excipiunt, non truncatam & mutilam: sed res liberae influxum Dei sæpe imperfectum, & quasi dimidiatum recipiunt. Cum voluntas perfecte Deo subjicitur, influxum divinum, qui à Deo profectus in eum tendit, integrum accipit: sed quod sæpe fit, cum eam motionem velut dimidiatam excipimus, tum quidquid est perfectionis, Deo referatur acceptum, defectus verò omnis ad creaturam pertinet. Sic arbor non profert fructus nisi vi luminis solaris: tametsi eadem vera est & proxima fructuum causa: si qui sint defectus in fructibus, arbori, non soli tribuuntur.

Qua quidem ratione moti recentiores Theologi inculcare solent quidquid est in actu voluntatis vel entis, vel perfectionis à Deo profici: tametsi is non influat in peccati deformitatem, aut malitiam. Nam, ut jam diximus, præmotio illa universalis nihil est aliud quam impressio quæ ab Authore naturæ proficit, qua voluntas nostra in bonum universale nititur: ac nisi hanc impressionem alio deflecteret, & in alias fines detorqueret, semper recte essent voluntatis motus: sed in nobis quasi in via silitimus, nec ulterius progredimur: unde deficitus, aut peccamus. Hujus utique præmotionis passim meminit S. Thomas, non illius physicae prædeterminationis, quam vix ante centum annos recentiores Thomista excoxitaverunt. Unde cum S. Thomas sibi objecisset: quod si voluntas hominis à Deo solo moveretur, nunquam is malum actum committeret: Respondet, quod Deus movet voluntatem hominis, sicut universalis motor, ad universale objectum voluntatis, quod est bonum, & sine hac universalis motione non potest aliquid velle: sed homo per rationem determinatus ad volendum hoc vel illud, quod est verum bonum, vel apparen- bonum: sed tamen interdum specialiter Deus movet aliquos ad aliquid determinate volendum, quod est bonum, sicut in his quos movet per gratiam. 1. 2. q. 9. a. 6.

Sic eodem in loco, qu. 10. idem S. Doctor præmotionem quandam videatur agnoscere, quantum ad primos voluntatis motus, qui dicuntur indelibera- ri. Omnem enim deliberationem voluntaris præcedit aliqua cognitio, & consultatio quedam, quæ consultatio rursus aut à voluntate ipsa proficiscitur, aut

aliunde advenit. Quod si à nostra voluntate ut libere agente exit; adeo ut dicat, volo deliberate, aut consultare, rursus hunc actum liberum præcedet prior consultatio, cùmque non liceat progredi in infinitum, necesse est ut fatemur deliberationem omnem voluntatis, aut electionem aliunde inchoari, ab actu nimis indeliberato, & primo quia non est in nostra potestate.

ⁱⁱ Unde Aristoteles lib.7. Moral. ad Eudem. hinc probat voluntatem nostram à primo motore quodammodo determinari ad primos actus cognitionis & voluntatis. Quamvis enim occasione obiectorum, aut temperamenti actus illi primi sepiissime oriuntur, improprie tamen & indirecte hi voluntatem humanam movent; eaque à Deo tantum, & à seipso propriè moveri potest. Sic ubi evigilamus, si mentem subeat pia quædam cogitatio cum affectione conjuncta, quæ nos ad Deum orandum inclinet: hæc non à voluntate ut libere agente proficitur; sed est actus indeliberatus, cui si voluntas obsequatur, sequitur ad orandum Deum determinet, tum ager libere & determinate.

Non dissimili ratione Aristoteles I. 8. Phys. ex motu corporum primum movens demonstrat: corpus enim quod movetur, ab alio movetur; hoc rursus ab alio, donec ad primam causam immotam perveniamus, ex qua prœdeunt motus omnium primi. Sed ubi corpus jam motum ex alterius corporis occursum reflectitur, tum motus ille secundus, non à prima, sed à causa secunda determinatur. Qui enim à Deo solo motus determinantur, ut ex illius tantum voluntate oriuntur, hi à nobis certo prævideti non possunt. Nam ut exemplo viti doctissimi utar, si viderimus pilam in medio aëre penilem, inter duos parietes sibi parallelos, divinare non possumus in quam partem, aut in utrum ex parietibus ea pila sit projicienda: cum autem in alterum parietem impingetur, tum in quam ea reflectatur partem, prævideré facile quis poterit: quod hæc reflexio à dispositione parietis pendaat. Sic actus voluntatis indeliberati, primæ cogitationes & affectiones forte à Deo solo pendent, qui aut immediate, aut mediate per alias causas, quas ipse certa ratione dispositus, operatur. Negque enim, ut ait August. in nostra est potestate quid veniat in mentem nostram; At motus deliberati quos libere exerimus, non à prima causa, sed à voluntate nostra determinantur, ut mox demonstratur sumus. Sit igitur

Secunda Conclusio.

Concensus divinus voluntatem non determinat quoad actus deliberatos, quicquid naturæ vires non superant.

Prob. conc. triplici potissimum ratione. Primo, quod illa prædeterminatio omnino sit inutilis. Secundo, quod libertatem nostram perimere videatur, aut saltem vim aliquam inferre. Tertio, quod cum Dei sanctitate & justitia conciliari vix possit. Singula breviter perstringamus.

Primum duplice tantum ratione prædeterminatio à Thomistis recentioribus admittitur: nempe ut causa prius dominium, & secundarum maneat subiectio, vel subordinatio: quæ in hoc maxime consistit, ut inferiores non agant nisi à superioribus moveantur, & ad actionem applicentur: deinde ut voluntas quæ ex se est velut in æquilibrio posita, & omnino indifferens, ad unum potius, quam ad alterum sese determinet. Sed præmotio physica ad utrumque

omnino est inutilis : cum id sit de ratione ; & natura cause liberæ ut seipsum determinet , & ad agendum applicet : subordinatio vero illius , & subjectio hoc ipso integra est & salva , quod vim agendi à prima causa acceperit ; quod præmotione generali & simultaneo concursu ad singulos actus indigeat ; quod denique primos motus , & cogitationes , primas denique affectiones eaque indeliberatas Deus aut immediate , aut causalum secundatum interjectu , imprimat . Ergo prædeterminatio illa physica , qua Deus voluntatem ad singulos actus applicat ad agendum , est penitus inutilis : quemadmodum ostendimus in rebus naturalibus primos motus à prima causa proficiisci , secundos vero motus à causis secundis determinari : quod in causis liberis multo potiori jure obtinet .

Confirm. Causæ secundæ subjectio , aut subordinatio in illius dependentia essentiali à prima causa consistit : sed ad illam dependentiam physica prædeterminatio minime requiritur . Satis enim est quod causa prima causæ secundæ , & esse , & vim agendi continenter largiatur ; quodque universalis causæ titulo cum ea concurrat .

Hinc saepe S. Thomas primam causam comparat cum primo mobili , quod , ut putat , omnium motuum causa est . Sed nemo dixerit primum mobile esse causam quæ motus omnes corporum determinet ; Ergo nec Deus primæ causæ titulo motus omnes voluntatis applicat . Quod utique pulchre explicat qu. 3. de malo art. 2. *Cum Deus* , inquit , *sit principium motionis omnium* , *quædam sic moventur ab ipso* , *quod etiam seipsa moveant* . *Sicut quæ habent liberum arbitrium* : *quæ si fuerint in debita dispositione* , & *ordine debito ad recipiendam motionem quæ moventur à Deo* , *sequuntur bona actiones quæ totaliter reducuntur in Deum* , *sicut in causam* . Si autem deficiant à debito ordine , *sequeur actio inordinata* , *quæ est actio peccati* . Ubi S. Doctor ut causæ secundæ subjiciantur primæ , generalem duntaxat motionem exigit , qua sit ut cœla secunda pendeat à prima , tum ut sit , tum ut operetur : atque ut creatura est ens quoddam per participationem , non per essentiam ; sic effectui , aut actioni suæ non tribuit nisi esse participatum & dependens : causa enim prima ens absolutum efficit , causa secunda tale ens . Nam ut ait idem Doctor l. 2. contra Gentes , cap. 3. *Causa propria effendi simpliciter est agens primum & universale* , *quod Deus est* : *alia vero agentia non sunt causa effendi simpliciter* , *sed causa effendi hoc* , *ut hominem* , *vel album* . Atque in hoc maxime consistit causa primæ in secundas dominium , quod illæ suis effectibus non aliud esse simpliciter & absolutum dare possint , quam id ipsum quod jam à Deo effectum est .

Probat. 2. prædeterminationem physicam libertati nostræ obesse , idque multiplici nomine , primo quod potentiam non agendi proximam tollat : cum ad agendum , & antecedenter , & physice , & inclinabilitate nos determinet : sed non est in potentia nostra aliquid agere , nisi & possimus non agere . Ergo , &c.

2. Id tollit indifferentiam , quod independenter à nobis , & à nostra electione ponitur , & connexionem habet invincibilem cum aliqua actione : sed prædeterminatio est ejusmodi ; omnem voluntatis actionem antevertit , & effectu suo frustrati non potest . Ergo nullam relinquit in nobis potentiam ad

oppositum. Quemadmodum qui in tenebris est, aut qui vinculis est constrictus, non potest legere, aut ambulare.

3. Ubi unum est tantum in nostra potestate, ibi nulla est electio: sed posita prædeterminatione unum tantum est quod acceptare possimus: frustra adeo sunt exhortationes, præcepta, & comminationes: id enim solum nobis relinquitur faciendum ad quod voluntas determinatur. Quis enim non possit secum id cogitare, & Deum ita compellare? Tu mihi præcipis amorem, tu præmia amanti polliceris, & ad contrarium me determinas; quomodo mihi datur optio, aut eligendi potestas, si aliunde meæ voluntati prædeterminatione accedit? Eo me impelle, aut applica, quo tu me ferri præcipis; cur pœnas subeam propter electionem quæ a me non pender? Infinita pene in hanc rem affterri possunt quibus efficitur, libertati nostræ, aut indifferentiæ male cum prædeterminatione convenite.

Melius quidem S. Thomas scribens in Magistrum quæst. i. art 1. dist. 39. *Ipsa*, inquit, *potentia voluntatis, quantum in se est, indifferentis est ad plura: sed quod determinate existat in hunc actum vel illum, non est ab alio determinante, sed ab ipsa voluntate.*

Respondere solent, ad rationem libertatis non requiri facultatem agendi, aut non agendi in sensu composito, sed in sensu diviso: quam facultatem, aut indifferentiam præmotio physica non tollit, sed facultatem agendi, & nou agendi in sensu composito: adeo ut actus oppositi, prædeterminatione nimis, & actio illi contraria simul esse non possint: sed potentia ad oppositum manet, quemcumque adsit prædeterminatione. Sic qui sedet, stare non potest in sensu composito: sed ei tamen manet potentia ad standum. Quare indifferentia, inquiunt, quam libertas exigit, est quidem ex parte actus primi, non item ex parte actus secundi. Hoc utique est Thomistatum perfugium.

Sed contra primo, prædeterminatione physica tollit potentiam proximam ad non agendum: antecedit enim actum voluntatis nostræ, atque adeo pertinet ad actum primum, non ad actum secundum; nec remanet facultas agendi, & non agendi in sensu diviso, qualis ad libertatem requiritur, quæ simultatem, ut aiunt, potentiarum exigit, non actuum. Neque enim qui stat, sic potest sedere, ut actus oppositos simul conjungat, sed habet nihilominus potentiam proximam & expeditam ut sedeat, qua si destituitur, nullus est amplius libertati locus. Ut qui vinculis constrictus est, & certo loco affixus, is ad currendum liber dici non potest: quod vincula fuerint ab extrinseca causa imposita, & hæc causa connexionem habeat necessariam cum effectu. Atque idem omnino de physica prædeterminatione dici potest, quæ libertatem tollit, & potentiam ad agendum expeditam: cum aliunde adveniat & effectum suum necessario procreet.

Sed, inquiunt, prædeterminatione tollit quidem indifferentiam passivam, non activam: prius voluntas erat velut in æquilibrio, prædeterminatione illam in unam partem inclinat: nec magis idcirco libertati officit, quam actus ipse voluntatis, quæ privativam illam & penibilem indifferentiam tollit. Neque enim egere possumus nisi illa indifferentia, qua voluntas manet suspensa, auferatur: necesse est enim ut de potentia ad actum reducatur.

Sed contra: cum indifferentia illa passiva tollitur, non ex propria voluntatis

tis determinatione , aut electione , sed ex vi quadam extraria & antecedente , tum nihil loci remanet libertati : sic qui puto est illigatus , ea potentia standi reducitur ad actum , sed non ex se , non ex sua libertate .

Respondent longe disparem esse inter prædeterminationem physicam , & vincula rationem : quod vincula necessitatem naturalem inducant , non item prædeterminationem , que voluntatem movet libere , non necessariò . Nam Deus , ut sepe docet S. Thomas , causas liberas movet libere , necessarias necessariò , atque earum naturæ sese accommodat : nec solum actum voluntatis attingit , sed etiam ejus modum ; eoque moveante non tantum voluntas actus suos elicit , sed & libere eos exerit . Sicque Deus movet voluntatem per modum liberi , non per modum naturæ aut necessarii .

Contra , codem modo dici potest Deum , vim & necessitatem imponere voluntati per modum liberi . Quid enim magis est necessarium quam id quod aliunde voluntati advenit , aut in ea ponitur , idque antecedenter ad ejus concursum ; quodque est penitus ineluctabile , aut invincibile . Neque alia ratione vincula sunt necessaria , quam quod propria voluntate non ponantur , & effectum habeant invincibilem . Quamvis qui vinculis constrictus est , habeat potentiam ad ambulandum in sensu , ut aiunt , diviso : haec tamen potentiam libertatem ei non reddit , donec sit expeditus , & seipsum determinet . Cum itaque prædeterminare physice non sit aliud quam terminos voluntatis indifferentiae præfigere , impossibile est ut terminos à Deo jam ante positos voluntas prætergrediatur : frustrari enim , ut placet Thomistis , aut irrita fieri non potest illa prædeterminationem ; atque hypothesis ipsa omnem voluntatis actionem antecedit , ac frusta voluntas sese determinaret , cum jam aliunde sit determinata . Quare ei nulla remanet indifferentia . Est denique illa prædeterminationem unum ex prærequisitis ad agendum : & tamen ea posita impossibile est ut voluntas non agat . Quæ utique nec cum ratione , nec cum doctrina S. Thomæ conveniunt . Nam ut ipse ait quæst . 3. de pot . art . 7. *Dicendum quod voluntas dicitur habere dominium sui actus , non per exclusionem cause prime : sed quia causa prima non ita agit in voluntate , ut eam de necessitate ad unum determinet , sicut determinat naturam , & ideo determinatio actus relinquitur in potestate rationis & voluntatis .* Hinc sepe docet S. Doctor voluntatem à Deo moveri , sed nusquam determinari tradit .

Prob. 3. prædeterminationem physicam conciliari vix posse cum justitia , & sanctitate Dei : cum eum auctorem peccati , & reum scelerum constitutere videatur . Non enim alia ratione homo est sceleris alicuius reus , quam quia pravum actum exercet , & ad eum sese determinat : sed per eam prædeterminationem homo ad actum malum determinatur , eaque præmotio est à Deo : Ergo Deus erit causa actus mali , quod ab omni pietatis sensu abhorret . Deinde ut fuisse persequitur vir doctiss. solent PP. providentiam Dei in duas partes dividere , in eam quæ facit , & in eam quæ permittit , aut fieri sinit . At si in'actus malos physicę influit concursu prævio , aut comitante , nihil erit quod non faciat , nihil quod tantum fieri sinat .

*R*espondent Thomistæ Deum determinare ad materiale peccati , seu ad actum physicum , & realem ; non autem ad pravitatem & formam peccati .

Contra . Cum aliquis ad id determinat hominem aut impellit , quod est

cum alio necessariò conjunctum , ad id quoque quod est inseparabile , inducere , aut impellere censetur : sed quod dicitur formale peccati , est sàpe necessariò connexum cum materia peccati , ut in odio Dei cernere est. Deinde qui inducit hominem ad futrum , vel adulterium , non ad aliud impellit , quàm ad ipsum peccati materiale ; ac nemo aut pravitatem ipsam querit , aut ad eam impellit ; deleetationem quisque suam , aut utilitatem consequatur , nec unquam voluntas peccati formam , aut potius deformitatem expedit , nisi implicite , quatenus ea pravo & vetito actui adhærescit : nec aliud demum leges vetant , quàm idipsum quod vocant materiale peccati. Ac si quis alteri id suadeat quod est peccatum , is sane non erit immunis à crimine , quanto magis , si physice eum ad pravos actus determinet. Et sane homo cum peccat , morale illud non aliter vult , aut facit , quàm quia quod physicum est , vult : turpitudinem enim peccati odit , sola ducitur physica deleetatione. Quod si Deus permittat tantummodo morale turpitudinem , non physicam , id solum permitter , quod non potest impedire. Id enim fieri nequit ut ex ex odio virtutis pravitas peccati non consequatur.

Contra. 2. Si Deus ad id quod vocant materiale , voluntatem determinat , non erit magis causa bonorum , quàm pravorum actuum , utrique enim ex eodem fonte profluunt , atque illud Christi Domini , *sine me nihil potestis facere* , si de prædeterminatione physica sit intelligendum , ut recentiores Thomistæ pertendunt , malis juxta & bonis operibus commune erit : & tamen ex Apostolo Jacobo *Deus intentator malorum est* , ac ne moraliter quidem nos movet ad malum , nedum prædeterminat. Hinc SS. Patres distinguunt voluntatem à potestate , consensum ab executione : Deum esse omnium potestatum datorem agnoscunt , non voluntatum. Aug. I. de spir. & lit. c. 31. *Non est potestas nisi a Deo* : nisquam legimus in Scriptura , non est voluntas nisi à Deo. Inter naturas & voluntates id discriminis afferunt , quòd naturas creet , voluntates bonas adjuvet , malas deferat & ordinet. Aug. de gen. ad lit. I. 3. c. 23. movet sibi subditam creaturam , naturas creans bonitate , voluntates ordinans potestate , ut in naturis nulla sit , quæ non ab illo sit , in voluntatibus autem nulla bona sit , cui non præsit , nulla mala sit , qua bene uti non possit.

Contra 3. Quidsum tot exhortationes , tot præcepta , tot comminationes , si Deus ad omnes actus nos physice prædeterminat ? Quid , cum homo post acceptum baptismum peccat , an Deus innocentem , cum quo sacerdotum initit fœdus , ad primum actum applicat ? an primos parentes cum liberi essent & indifferentes , non dicam , induxit , sed impulit , & determinavit ut vetitum fructum coquenderet ? mirum si Deus actum illum prohibuit sub mortis interminatione , & simul hominem prædeterminavit ad materiale peccati ? An poterat Adamus impressum sibi à Deo impetum cohibere ? imo ne id quidem licitum ei fuisset Deo prædeterminanti resistere : cum eidem suadenti , aut hortanti , aut præcipienti non obtemperare sit nefas. Quid igitur ageret Adamus , quid homo per baptismum reconciliatus ? an voluntati Dei prædeterminanti resistet ? Sed quæ potuit subesse causa , vel ex parte Dei , vel ex parte primi hominis liberi & indifferenteris , ut à Deo ad vetitum fructum moveretur ? An forte prava hominis propensio ? Ergo jam ante peccavet , tumque redibit questio ,

an ad illum actum fuerit piæmotus? nec credibile est Deum summe bonum citra ullam causam voluisse ut Adamus in peccatum tueret, eumque inclinabiliter velut in præcipitum impulisse. An forè hæc prædeterminatio ignota erat Adamo? aut si eam noverat, quanto id illi facilius erat hac uti excusatione, quām culpam in mulierem conjicere. Potuisset enim nec temere dicere, liber eram & indifferens, sed eram tamen causa secunda, quæ agere non potest, nisi à prima determinetur; tu me eò impulisti, & physice prædeterminasti, quid ego commetui, aut quis ego sum qui possim resistere? Hinc Conc. Trid. c. 6, sess. 6. *Si quis dixerit non esse in potestate hominis vias suas malas facere, sed mala opera uti & bona Deum operari non permissive solum, sed etiam proprie, & per se; adeo ut sit proprium ejus opus non minus proditio Iude, quam conversio Pauli anathema sit.* Quod sic Deus primi entis nomine non permissive tantum, sed etiam efficaciter in mala opera influeret. Nam si de priuatione agatur, nec peccator proprie & per se in eam influit.

Quantumvis Thomistæ subtilitates suas exacuant, vim tamen hujus argumenti vix infringent. Scimus eos varia querere perfugia, quæ præter categoros vit inter recentiores doctus fuse persequebuntur.

Respondent nonnulli inobedientiam Adami priorem fuisse prædeterminatio ne physica, in genere causæ materialis, non item in genere causæ effætricis. Quid hoc sit, non satis intelligo. Neque enim ulla erat causa materialis prædeterminationis, nisi voluntas Adami adhuc innocens; ac nemo dixerit formam ignis esse sui dispositionem ut producatur in ligno; quomodo igitur inobedientia futura potuit esse causa sui ipsius? exemplum adhibent venti qui est causa effectrix apertoris fenestrae, ut hæc est causa materialis cur ventus ingrediatur: sed una & eadem est actio quæ impellit fenestram, & eam impellendo aperit: adeo ut apertio fenestrae non sit aliud quām venti subeuntis ingressus, non causa illius materialis.

Respondent alii actum malum esse à Deo, ut is est ens quoddam, non ut est quid mali: sic enim est à sola voluntate quæ potest deficere.

Sed contra. Malitia actui inest, & voluntas non deficit, nisi cum aliquid efficit. Quare Deus qui deficere non potest, is actum pravum non potest efficeri: sic qui alium inducit ad furtum, peccat, quamvis non id agat, quatenus furum à regula sua desciscit: sed quia ex natura sua malum est; quique ad materiale furti impellit, idem & pravitatis quæ est in furto causa censetur: ac si causa moralis peccati non vacat crimen, multo id magis de causa physica & determinante statui debet. Et certe quocunque modo explicitur materiale peccati, id minime aures piæ ferre possunt, Deum non solum concurrende causæ universalis nomine, sed etiam incipere, determinare, applicare voluntatem & linguam ad blasphemias voces proferendas. Nam si concursu prævio aut simultaneo opus est ad actum malum, ut ad bonum: ergo tam juvanda est voluntas ad malum quām ad bonum: neque amor Dei vires nostras magis superat, quām amor mundi. Cumque Patres asserunt omnia à Deo esse, statim se agere de substantiis & naturis rerum aperte profitentur.

Solvuntur objectiones.

Cum centum aut circiter abhinc annis magna contentione de concurso divino disputatum fuerit, & infiniti pene libri hac de re conscripti, tot rationibus utrinque pugnatum fuit, ut difficultimum esset & molestum eas omnes quæ pro physica prædeterminatione sunt excegitatae, sigillatim exponere: satis id fuerit, si ad certa capita eæ referantur, simul & quid universim sit respondentium breviter annotemus.

Omnia pene Thomistarum argumenta eo tendunt, ut necessitatem concursus prævii non tantum simultanei probent. Primo ex conditione causæ secundæ quæ primæ subjici debet, ut inservientem causæ principi; secundò, ex summo Dei in creaturas dominio; tertio, ex natura cujusque entis participati, quod ab ente per essentiam proficiscitur: adeo ut non efficiens modo, sed etiam actio ipsa causæ secundæ à prima causa eiatur. Argumenta vero ex his fontibus ducta adeo dilatant, variis locis & autoritatibus cum factis tum prophanicis muniant, ut difficultarium videatur in re tam recondita, non modo is qui ita sentiunt, sed etiam nobis ipsis satisfacere.

Quod si tamen quæ fuse exposuimus, in memoriam redigamus, facilius forsan ex iis difficultatibus nos expediemus. Primo enim faciemus causam secundam primæ omnino subjici, & ab ea pendere, tum ut sit, tum ut operetur: sed negamus hinc sequi causam secundam à prima applicari & determinari ad agendum: secus prima causa sola ageret, reliqua cessarent; nec causa universalis, sed particularis munus obiret.

2. Id etiam concedimus non efficiens modo causæ secundæ, sed actionem ipsam à Deo pendere. Nam ea non esset, nisi Deus concurreret: sed hinc non sequitur actionem creature à Deo fieri, cum ea non sit ens, nec entitas quedam: quare actione sit aliquid, non ipsa efficitur.

3. Alia est ratio actionum naturalium, alia supernaturalium: in illis enim concursus Dei est simultaneus, quatenus Deus & creatura simul eundem efficiens procreant; in actibus qui sunt supernaturales, Deus prævenit, præmovebit, & quodammodo prædeterminat. Nam primos & indelibertos voluntatis motus efficit; tum actus liberos voluntatis adjuvat, regit, corroborat, eosque ad statum supernaturalem evehit; per actus indelibertos in voluntatem ipsam agit, impressionem illam fovet, cum voluntas cooperatur; atque ut operatio voluntatis est supernaturalis, tota est à Deo; quamvis ut libera est & vitalis, non sit à Deo determinata.

Itaque in actionibus liberis & naturalibus Deus proprie dicitur concurrere: expectat enim voluntatis determinationem: adeo ut concursus, & simultaneus, & consequens dici possit: quod voluntatis determinationem subsequatur. Sed in actibus qui vires naturæ superant, Deus in ipsam voluntatem inflat & operatur; eam prævenit, & facit ut operetur, ac voluntas magis cooperari cum Deo, & concurrere dicenda est, quam Deus cum voluntate: motione illa & mortalib; & physica dici potest: quamvis non sit prædeterminatio physica, ut Thomistæ eam intelligunt, quam cum libertate vix conciliare possumus. Haec velut in transitu perstrinximus, ut iis quæ objici solent, facilius occurri possit. Cum itaque

Opp. i. Operatio Dei prior est operatione voluntatis : ergo Deus non solum concurrit, sed etiam præmovet voluntatem, & causas omnes secundas.

Resp. diff. ant. Operatio Dei prior est dignitate, & quia est universalior, *C.* prior est causalitate, ut aiunt, hoc est actionem voluntatis determinat, *N.* Quæ utique jam sunt explicata.

Instant. Omnis actio voluntatis est à Deo : sed determinatio est actio : ergo est à Deo, & Deus voluntatem determinat.

Resp. Quidquid sit de maj. Propositionis veritate, de qua fuse diximus, distinguui posse min. determinatio est actio incompleta & inchoata, *C.* actio completa quæ rationem habeat effectus, *N.* Nam determinatio voluntatis est velut exigentia concursus divini, quæque prior est concursu divino.

Vrgent. Quod si ita res se habeat, Deus non scipsum determinatus est, sed eum voluntas humana omnino determinabit, & ad suum arbitrium inflebet, sive non Deo creatura subjecetur, sed vicissim: imo ne libere quidem Deus concurret, cum nutum voluntatis necessario consequatur. Ac postremo, quod omnino videtur absurdum, Deus cæco modo concurret cum voluntate humana : neque enim visu concursus, neque in ipsa voluntate humana, quæ ex se est indeterminata, scire potest, in quam se partem voluntas nostra inflebet. Quæ omnia aliena sunt à summo Dæi in creaturas dominio & à primæ causa dignitate.

Resp. his & aliis quæ congerunt Thomistæ, Deum creaturas liberas ea lege condidisse, ut seiphas moverent, & ad agendum determinarent; sic tamen ut suum concursum iis accommodaret. Hanc legem Deus ipse constituit: iis igitur suum concursum exhibet earum naturæ convenientem, non ad unum quoddam determinatum, sed indifferentem plane. Hinc causæ secundæ primam determinant, ut causæ particulares universalem: præit semper Deus præmotione sua universalis & impressa ad ultimum finem propensione. Primos etiam motus, unde reliqui pendent efficit: neque id necesse est ut motus omnes secundos solus producat, nosque ut pura instrumenta applicet, aut moveat.

Ab æterno itaque & libertime Deus decretum illud sanxit fore ut concurret cum creatura, sic tamen ut sibi liberum esset non concurrere; hoc decretum generale omnes actiones voluntatis antevertit. Nullam Deus sibi necessitatem imposuit. Ac subinde mirum est id nobis opponi, fore ut creaturæ necessitatem Deo concurrendi imponerent: cum Deus nihil à creatura recipiat ut determinetur: non vero illi metuunt ne prædeterminatio physica, quam volunt esse nescio quam qualitatem fluentem instar imperii aut motus, & creatura impressam, non metuunt, inquam, ne hujusmodi prædeterminatio, quæ inconsultis nobis adhibetur, quæque suum effectum necessario consequitur, vim ullam libertati nostræ affterat. Neque enim eam motionem libere acceptamus, & semel impressam abjicere non possumus.

Quod autem querunt ubi Deus cognoscat in quam partem voluntas humana se inflebet. Jam respondimus huic argumento, cum de futuris contingentibus agerenuis. Omne enim quod verum est & scibile Deus perspicit, nec medio aliquo indiger in quo res ipsas intueatur: omnia enim sunt in ejus conspectu, & æternitati præsentia.

Sed, inquit, causa secunda pendet à prima, ut instrumentum, ut secun-

dum movens, quod non movet nisi motum.

Jam respondimus causas secundas à primâ suorum motuum initia capere : sed tamen ea non sunt spectandæ ut pura instrumenta ; ut securis in manu artificis, quæ non movetur nisi applicata : sed sunt instrumenta naturalia, quæ vim agendi à prima causa acceptunt, & sine illius concursu nihil possunt efficere.

Infl. actius : nullum instrumentum causam principem determinat.

Resp. Nullum instrumentum inanime & iners. *C.* nullum instrumentum animatum, & vivum, *N.* Sic oculus est instrumentum animæ, eamque ad visionem determinat : voluntas vero nostra comparatur quidem cum Deo ut instrumentum, quod virtute quam à Deo accipit, imo & motione, seu impressione quæ à prima causa incipit, operatur : sed id non obstat quominus voluntas libere motionem Dei determinet ; non quod voluntas prius agat quam prima causa. Nam ut sæpe diximus, voluntas primos velut impetus, primos motus à causa prima accipit : sed ii non sunt liberi, donec seipsam ad agendum applicet. Quod primum velut deliberare, id habet à Deo ; quod deliberando eligat, sic habet à seipso, ut Dei concursu egeat.

Opp. 2. Quod ex se est indifferens & indeterminatum, nunquam potest se determinare, nisi aliunde aliquid acceperit : ut patet in libra, aut in bilance, quæ est in æquilibrio : at voluntas ex se est indifferens : Ergo necesse est ut Deus eam determinet, maxime cum id quod est in potentia, reduci ad actum non possit nisi per id quod est actu ; nec causa creata seipsum determinare queat : nam simul esset actu & potentiam respectu ejusdem.

Resp. diff. mai. Quod est indifferens indifferentiæ passiva, ab alio determinari debet, *C.* si indifferencia sit activa, qualis est in agente libero, *N.* Quod addunt eandem rem simul non simul esse in actu, & potentia ejusdem respectu, jam responsum est, voluntatem esse in actu primo, & vim habere se determinandi, eamque ad actum secundum, non sine Dei motione & concursu commere. Nam ut ait *S. Thomas* 1. 2. quest. 9. art. 4. *Ipsa movet seipsum in quantum per hoc quod vult finem, reducit seipsum ad volendum ea quæ sunt ad finem.* Itaque hæc motio divina est necessaria ad primum voluntatis motum, qui sponte quidem fit, non coacte : sed is liber non est, cum sit indeterminatus. Hanc Dei motionem, si prædeterminationem velint appellare, per me licet. Verum ea non necessariò, sed libere nos determinat, eamque sæpe abjicimus, Hinc illud ultra admittimus quod eodem loco docet *D. Thomas* : *Unde, inquit, necesse est ponere quod in primum motum voluntas prodeat ex instinctu alicuius exterioris moventis.* Itaque instinctum illum ad primum duntaxat voluntatis motum exigit, cum scilicet primo volumus deliberare.

Infl. Causa quæ ultimum finem respicit, prædeterminare debet, & ordinare causas cæteras in eundem finem. Hinc *S. Thomas* 1. part. quest. 103. art. 8. *Omnis inclinatio, inquit, alicuius rei, vel naturalis vel voluntaria, nihil est aliud quam prima impressio à primo movente, sicut inclinatio sagitta ad signum determinatum, nihil aliud est quam quedam impressio à sagittante.* Unde omnia quæ agunt, vel naturaliter, vel voluntarie, quasi propria sponte pervenient in id, ad quod divinitus ordinantur. Hinc etiam *Scriptura*, & *PP.* docent Deum omnipotissima facilitate inclinare, & flectere voluntates nostras quoque voluerit, Deum magis habere voluntates hominum in sua potestate,

quam ipsiusas, sumnum habere dominum in actus nostros, quod sane longe alit. r. eset, si voluntas nostra Deum determinaret, si is nobiscum concurret ex nutu & arbitrio nostro.

Resp. ex his non aliud confici quam Deum omnes creaturas in finem ordinare, idque non vaga & confusa, sed determinata ratione; per illam scilicet impressionem generalem, de qua jam sepe diximus. Quod si autem ad singulos actus voluntatem prædeterminaret eo modo, quo videtur Thomistis, ab ipso fine ultimo saepe nos abduceret. Neque enim actus odii Dei in eum finem nos dicit: imo ut actus voluntatis circa ultimum finem, aut beatitudinem non est liber, quod ad eum voluntas determinetur, ita nec cæteri actus liberi essent, si à physica prædeterminatione penderent.

Neque idcirco quicquam detrahimus de summo primæ cause dominio, aut id inficiamur voluntates nostras à Deo fletri posse, quocunque voluerit: sic tamen ut mortaliter tantum suadendo, illiciendo, pias cogitationes & affectus inspirando, non physice determinando consensum voluntatis obtineat: eamque tot modis obsidebit, tot armis, cum volet, oppugnabit, ut ultiro se dedat: sed integra semper & illæsa manet ejus libertas, ac leipsum omnino determinat. Manet enim illud Concilii Tridentini decretum contra Calvinum semper inconcussum: *Si quis dixerit liberum hominis arbitrium à Deo motum & excitatum, nihil cooperari Deo excitanti atque vocanti, quo ad obtainendam justificationis gratiam se disponat, ac preparet. neque posse dissentire se velit, Anathema sit* Quod nescio an de prædeterminatione physica dici possit, si utilatum loquendi modum sequamur, non exquisitas, & à communis usu remotas subtilitates consequemur. Præsertim cum prædeterminatione physica sit bonis & malis actibus communis; sanis juxta & infirmis, imo beatis & damnatis ex communi causæ primæ conditione, & supremo in creaturas domino necessaria statuatur: cum etiam major in uno quam in alio esse aut concipi non possit, vix illa divini auxilii notam aut characterem gerit. Quantumvis enim prædeterminatione physica augeatur, non idcirco suum eff. tam citius obtinet, dum illa sufficiat ad actionem: quidquid ei addideris, erit inutile & supervacaneum: satis est quod actionem determinet. Mirum sane quod auxilium tam commune omnibus creaturis divinæ gratia charactere insigniant. Verum id ipsum Theologi viderint.

Opp. 3. Deus, ut omnes fere fatentur, concurrit ad materiam peccati, imo determinat ad individuum cuiusque actus eti. mali: nam eti. causa libera ad speciem & exercitum actus Deum determinat, fatentur omnes determinationem ad individuum à prima causa duci oportere: cum ex infinitis individualibus quæ fieri possunt, ad primam pertineat unum præ aliis definite. Ergo licet Deus piæmoveat physice, aut determinet ad peccati materialem, hoc nihil divinam sanctitatem lredit, sive præcipuum contra prædeterminationem argumentum corruit.

Resp. i. longe disparem esse inter concursum similituinem & præviū differentiam, ut ex dictis liquet: neque enim peccatum impuniti debet primæ cause quæ secundam conservat & tuerit, non impellit ad malum, non determinat: ad bonum semper præmoveat. Si ubi auctor citio ex illis frustis procreat, defectus ille non in solem refunditur, ut nec clarificatio in

vim animæ motricem: tametsi calore solis arbor vegetetur, & vi motrice animæ crus moveatur; sic quidquid est boni in actione ad Deum pertinet, defectus omnis ad creaturam.

Resp. 2. Nullam hic esse difficultatem, si actio materialis non sit entitas, neque ens per participationem, quod Deum non habet authorem, nisi eo modo quo diximus. Unde cum Celestius apud Aug. l. de perf. Just. c. 22. quereret quid esset peccatum, actus an res? si res est, inquietabat necesse est ut authorem habeat. Respondens, inquit Aug. peccatum quidem actum dici, & esse, non rem. Actum vero intelligit materialiter sumptum, de quo erat questio; idque exemplo explicat: Sic, inquit, & in homine interiori animus res est, rapina actus est: avaritia vitium est, id est qualitas secundum quam malus est animus. Itaque ex mente S. Aug. prædeterminatio physica non requiritur ad actum etiam bonum, quatenus est actus, seu ex subordinatione cause secunda ad primam: sic enim actus malus ad Deum ut ad Authorem suum referretur.

Quod autem putant nos à Deo determinari ad individuum actus, id forte minime est necessarium, cum actio sit ipsa determinatio agentis: ac si res omnis sit ex subiecto aliquo, ex eo quoque habet quod sit hæc numero, adeo ut ex materia Petri & illius anima non possit esse nisi hic Petrus. Postremo si Deus determinat ad individuum effectus, id tantum efficit extrinsece, nec peccatum ei imputatur qui ad individuum, sed ei qui ad exercitium actus determinat.

D I S P U T A T I O III.

De anima separata natura & functionibus.

Tracatio de anima separata ex omnium pene consensu ad Theologiam naturalem, seu ad Metaphysicam pertinet. Sed ob rerum connexionem, neve eadem sepius repetere cogamur, de eadem ut est corporis forma agere cogimur. Quare duplex hac de re futura est disputatio: prima erit de natura & immortalitate animæ rationalis, nec non de illius cognitione, cum à corpore est separata; 2^a illius originem, vires & functiones, cum corpus informat diligenter persequetur.

Q U Ä S T I O I.

De immortalitate & natura animæ rationalis.

A nimam rationalem spiritalem esse & immortalem triplici rationum genere demonstrari potest. Primum itaque morales, tum physicas, postremo metaphysicas afferemus.

Rationes morales afferuntur.

Primum illud ut fide certum, imo ut fidei nostræ fundamentum supponimus, animos non interire unâ cum corpore, sed immortales permanere. Hinc Christus Dominus, Nolite, inquit, timere eos qui occidunt corpus, animam autem non possunt occidere. Et alibi, Qui odit animam suam in hoc mundo, in vitam æternam custodit eam: ut infinita alia loca præteream. Verum id à Philo-

sophis requiritur, utrum animarum immortalitas rationibus non suaderi modo, sed etiam persuaderi possit. Plerique enim etiam Catholici in ea sunt opinione, ut id sola fide certum sit, nulla demonstratione firmatum. Nobis aliter quidem videtur, nec quicquam esse in Philosophia, si Dei existentiam & providentiam excipias, quod firmioribus, & magis inconcussis rationibus muniantur. Nostræ autem sunt partes ex innumeris pene quas Platonici imprimis, & Christiani Philosophi attulerunt, optimas feligere: ac primùm eas quæ intellectu sunt faciliores, quæque ex Ethices principiis ducuntur, proferemus.

1^o. Itaque iisdem pene rationibus uti possumus, quas supra adhibuimus, cum de existentia Dei ageremus, quæque ex communi fere omnium testimonia, ex Dei providentia, ex ultimo hominum fine ducuntur. Nam incorruptos manere animos, non sancti modo Patres, ut S. Aug. lib. de immortalitate animæ, & Tertul. lib. integro de testimonio animæ, sed etiam M. Tullius colligit ex communi & publice recepta hominum persuasione. *Atque hoc, inquit, ita sentimus natura duce, nulla ratione, nullaque doctrina. Hinc omnibus cura sunt, & maxime quidem que post mortem futura sunt; & nisi inhereret in mentibus quasi seculorum quoddam augurium futurorum, quis tam esset anens qui semper in laboribus viveret?* Quocirca ut firmissimum hoc afferti putat cur credamus Deum esse, quod nulla gens tam fera, nemo omnium tam sit immanis, cuius mentem non imbuerit deorum opinio: sic permanere animas magno esse arguento existimat consensum omnium fere nationum. Nam *omni quidem in re, inquit, consenso omnium gentium lex quedam natura putanda est.*

Sed inquietunt, Epicurus, & alii quidam Philosophi contrarium senserunt.

Resp. nihil mirum esse si Philosophi qui se corporibus totos dederunt, non viderint plus aliquid mente quam corpore. Quod si aliquis forte uno oculo, aut pede mulctatus nascitur, non ideo negabimus, duos oculos, aut duos pedes ad naturam hominis pertinere. Neque adeo si minutiores quidam Philosophi animos velut capite damnarunt, idcirco nobis naturam ipsam de immortalitate animorum tacitam judicare negandum est. Nam omnibus insitus est, ut beatitudinis sic aeternitatis amor: ceteræ quidem animantes mori recusant, sed aeternitatem ipsam, aut feliciorem vitam ne cogitant quidem. Nec audiendi sunt Epicurei, qui providentiam Dei sustulerunt: hinc enim firmissimum argumentum pro immortalitate animorum eruitur.

2^o. Ex Dei itaque providentia incorruptos manere animos sic demonstratur. Certum est huic universo tanquam Reipublicæ bene constituta præesse summum principem & moderatorem, qui sit & virtutis remunerator, & scelerum vindex. *Neque enim, ut ait Cicero, temere & fortuitò sati & creati sumus; nec Deus nisi iustus esse potest. Sed si homo cum moritur, funditus intereat, male consultum erit hominibus, & boni erunt infeliores iis qui se vitiis & sceleribus contaminaverint, ac virtus sua mercede fraudabitur. Ergo ex veris & indubitateis Moralis Philosophiæ principiis recte colligimus animos post mortem incorruptos manere. Nimirum enim, ut ait Plato in Phædone, impii lacerantur, cum à corpore & à sua pravitate liberarentur.*

Sed inquietunt, virtus scilicet ad bene beateque vivendum contenta est: improbos autem seva conscientia torquet, & scelerum infamia: adeo ut metus, error, ægritudo animi, tristes libidinum exitus facinorosos discrucient: Ergo nihil necesse est.

se est ut bonos æterna præmia , malos supplicia maneant , cum virtus sit sibi ipsi præmium , & scelus pœna.

Contra , pessimos quoque vix interdum conscientia stimulat. Quid enim sit timeat qui animum unum cum corpore perire sibi persuaserit ? Quod tamen improbos conscientia stimulis identidem cruciari volunt , quod dant accipimus ; sed hoc ipsum demonstrat esse quiddam in nobis omni sensu præstantius , quoque in mutis animantibus non invenitur. Nulla enim ex bene actis letitia , nullus ex male acta vita tangit eas conscientia stimulus : illa quippe ad vim aliquam omni sensu , aut vi corporea superiore , quæ in se se , & suas actiones varie reflectatur , omnino pertinent. Cum igitur conscientia se consolatur ob actiones bonas , licet molestas ; cum se se cruciat ob prave acta , præsertim imminentे morte , tanquam sensu imminentis judicii , hoc utique ipsam animi immortalitatem pene demonstrat. Hanc conscientia vim ne pessimi quidem , cum maxime velint , omnino possunt extinguere. Sic Claudio Rufinum describens :

peccus inusta

Deformant macule , vitiisque inolevit imago.

Testis est , ut observat Grotius , illa Tiberii ad Senatum epistola. *Quid scribam , inquit , vobis P. C. dii me , deæque pejus perdant , quam perire quotidie sentio , fisco.* Addit Tacitus : *Adeo facinora atque flagitia sua ipsi quoque in supplicium verterant. Neque frustra præstantissimus sapientie (id est Plato) firmare solitus est . si recludantur tyrannorum mentes , posse affici lanatus & ictus ; quando ut corpora verberibus , ita sevitia , libidine , malis consutis animus dilaceretur.*

Sed nullum , inquiunt , virtuti theatrum conscientiæ majus est.

Rsp. id quidem dici magnifice : at si nulla est virtutis merces præter ipsam , vereor ut vere omni ex parte dici possit. Quotus enim quisque sola recte faciendi delectatione , nullius præmiū spe , frui voluptatibus reculeret , aut malit in egestate & contemptu vivere , quam prædarī , & justitiae leges infringere , etiamē possit impune : cum tamen ex omnibus malis quæ patitur , cum dolet cruciatur , emortitur ne virtutem deserat , aut quid turpe faciat , nihil amplius consequatur , quo possit voluptas amissa compensari ?

Quare nullus virtuti locus relinquitur , si anima extinguitur : *nec virtus , ut copiose Lactantius lib. 7. Inst. disserit , erit secundum naturam , cùm præfēti vita noceat.* Nam prohibet iis bonis hominem , quæ naturaliter appetuntur . & ad sustinenda mala impellit , quæ naturaliter fugiuntur. Ergo malum est virtus , & inimica nature , stultumque judicare necesse est qui eam sequitur ; quoniam seipse ludit , & fugiendo bona præsentia , & appetendo mala , sine spe fructus amplioris. Si autem virtus malum non est , facitque honeste qui voluptates vitiosas turpesque contemnit , & fortiter , qui nec dolorem , nec mortem timet , ut officium servet : Ergo majus aliquid bonum assequatur necesse est , quam sunt illa quæ spernit. At vero morte suscepta , quod ulterius bonum sperari potest , nisi æternitas ?

Quare , ut optimo disserit & probat Hugo Grotius lib. 1. de Veritate Relig. Christ. antiquissima est traditio , à primis usque ducta parentibus , quæque ad populos moratiiores manavit , animos supetuisse corporibus , & expectandum

esse aliquod post hanc vitam judicium , ne aut insignis improbitas sine pena aut magna virtus sine solatio præmoque maneat. Eamque traditionem non modo probat ex Philosophis Græcis , Phærekyde , Pythagora , Platone , Anaxagora , ut alios omittam , sed etiam ex veteribus Gallis , teste Cæsare lib. 6. de Bello Gall. Indis ipsis quos Brachmanes vocant , de quibus Strabo lib. 15. *Hanc vitam inquiunt habendam esse quasi recens concepti fœtus statum : mortem vero partum esse ad eam que vere vita est , planeque beatam , iis scilicet qui sapientiam sicutati fuerint.* Ex ipsis Ægyptis , teste Herodoto , ex Thracibus , de quibus Melalib. 2. Alii reddituras putant animas obeuntium ; alii etsi non redcant , non extingui tamen , sed ad beatiora transire. Eamdem esse traditionem de judicio divino apud Græcos , Ægyptios , Indos Strabo , Diogènem Laërtius , Plutarchus docent. Hinc Plato lib. de Rep. primo : *Cum jam , inquit , prope est ut quis moriturum se putet , tunc metus eum ac sollicitudo subit , de quibus antea non instituerat cogitare.* Quin & de mundo conflagrato vetus erat traditio. Hinc Seneca : *Sidera sideribus incurrent , & omni flagrante materia , uno igne , quidquid nunc ex disposito lucet , ardebit.* Et ante Senecam Ovid. l. 1. Metam.

*Esse quoque in fatis reminiscitur adfore tempus ,
Quo mare , quo tellus , correptaque regia celi
Ardeat , & mundi moles operosa laboret.*

3. Hinc adeo nobis nova succurrit ratio ex ipsis æternitatis ac summi boni appetitione deprompta. Neque enim dubium est quin Deus hoc nobis felicitatis desiderium inferuerit , quod inutile aut vanum esse non potest , nec frustra tantam sciendi , & veritatis cognoscendæ cupiditatem in nobis accedit , ac rerum omnium capacem animum dedit. Explati tamen is non potest , donec corporis vinculis solutus fuerit.

Soli homini sapientia data est , quæ nihil est præter notitiam Dei ; sola mens Deum , qui eternus est , querit & diligit , ipsa natura cogente sentiens vel unde orta sit , vel quo reversura. Nullum enim est aliud animal quod habeat aliquam notitiam Dei , religioque ipsa hominem omnino discernerit à mutis animalibus. Hæc utique cum in hominem solum cadat , profecto magno est argumento id nos affectare , id desiderare , id colere quod nobis proximum sit futurum. Et tamen tot malis conflictatur homo , tot animi ægritudines , molestias , morbos perferte cogit , tanta demum est corporis infirmitas , & rerum omnium inopia , ut nullum sit animal homine infelicius , si animus ipse moriatur.

4. Ex ingenita hominis libertate naturam animi esse omni corpore præstantiorem , & summi boni capacem jam alibi ostendimus , & quantum bruta ipsa naturæ sue dignitate supereret , ex illa libertate , ratione ipsa , & sermonis usu demonstratum alibi fuit. Nam cæteræ animantes impetu feruntur ; non sunt sui juris , sed ab objectis ipsis rapiuntur , omniaque ad corpus referunt ; quæ sunt ejusdem generis , eodem modo operantur ; paucos & confusos conceptus formant , quos voce incondita utcumque exprimunt. Quod si intellectum haberent , nunquam iis natura sermonis usum denegasset. Nulla iis signa sunt ex instituto , ac si quæ habent , ea sunt à natura impræstat. Sed homo sui juris est , scipsum ad agendum determinat , omnia ex nutu sua voluntatis agit , in-

finitas prope artes excogitat, cunctis praest animantibus; quæ mente concipit, aut sermone, aut scriptis exprimit; rebus ipsis imponit nomina: infinitos prope vocis sonos paucis litterarum notis terminavit; stellarum progressiones notavit, fruges, vestitum, te&t;a cultum vita, praesidium contra teras ipsas inventit; adeo ut nemini hac perpendenti dubium esse possit quin in homine quiddam sit omni sensu præstantius, quodque in brutis nullo modo invenitur.

Postremo eandem nobis rationem afferre licet, qua usi sumus cum de existentia Dei agebamus. Qui se totos interire volunt, ex hac opinione nihil emolumenti sperare, summum contra damnum expectare coguntur. Nam horum alterum necesse est, vel ut toti pereant, vel in æternum crucientur: meliorem enim vitam sperare non possunt qui magno fastu omnem religionem abjecerunt. Quare non video quid spēi habere possint vel sui interitu, vel in æternis suppliciis.

Demonstrationes Physice.

IMmortalitas animæ non ex alio magis quam ex illius functionibus demonstratur. Nam uniuscuiusque rei naturam ex illius operationibus metimur, cum omnis actio sit naturæ à qua proficiscitur, accommodata. Hinc illæ communes, & Peripateticis toties usurpatæ notiones: Operari sequitur esse; unumquodque est propter suam operationem; modum effendi sequitur modus operandi.

Jam ipsum animum proprias sibi habere functiones, quæ nullo corporis organo perficiuntur, multis argumentis cum in Logica, tum in Morali confecimus. Ac primum rationes rerum universales ab omni materia abstractas animus effingit. Neque id corporeæ facultatis munus esse potest, quæ formas tantum singulares determinatas, & corporeas excipit. Circulus qui in charta, vel in imaginatione depingitur, multos quidem circulos exhibere potest; ut si tres homines sint facie simillimi, quæ unum exprimit pictura, omnes exprimet: si que illa figura aut pictura quodammodo universalis dici poterit, quod multa similia exhibeat. Sed tamen circulus ille delineatus, aut pictura singularis erit; nec charta, nec imaginatio quicquam exhibere potest nisi determinatum. Quæ igitur vis figuræ rationem, quod scilicet sit extensio undique terminata, aut lineis circumscripta, potest exhibere, eadem est spiritualis, & diverso prorsus modo operatur, quo vis imaginatrix: cumque mens non solum res universales, sed etiam ipsam universitatis rationem percipiat, non ea vis est corpori mancipata.

Deinde principia menti impressa, ut totum esse sua parte majus, demonstrationes omnes præsertim mathematicæ; judicia certa & fixa, quibus rem esse aut non esse decernimus, affirmatio nimirum aut negatio, non sunt actus corporei, aut imaginacionis factus: ut nihil dicam de cogitatione rerum spiritualium.

Omnes etiam cerebri partes & sinus scrutare, nulquam intellectus organum offendit, nec quicquam fere occurret quod in aliis animantibus non inveniatur: quodvis intelligendi nulli organo insidet, sed sit plane spiritualis. Unde in scipiam reddit & reflectit, sese interdum colligit, & quasi intus revocat: cum sensus sint perangusti, hebetes, infirmi, in exteriora effusi, neque in

suis actus reflecti possint, quod si non sunt sensibiles. Vis itaque illa qua res etiam corporeas, & earum rationes, contemplamur, qua ipsaphantasmatia expendimus, alia ex iis felicinibus, alia rejicimus, omni sensu, aut facultate corporeâ superior est. Quod si ergo aliqua sit inter facultatem & objectum cognitio, quam esse maximum necesse est, cum animum in res æternas & spirituales intendamus, recte colligimus cum Platone in Phedone, eum immortali, intelligibili uniformi, & eodem modo se habenti esse similem.

3º id etiam hinc demonstrat Plato, quod quandiu simul sunt anima & corpus, hoc quidem servire & subesse natura jubeat, illam vero præsest atque dominari: spiritualis adeo est natura quæ præstet & dicit, ut mortale est quod subjicitur & servit: nec fieri posset ut perturbationum actus animus coetereret, nisi quiddam esset omni corpore præstantius.

4º non ex cognitione modo animi, sed etiam ex ipsius voluntatis actionibus, animum spiritualem, atque adeo incorruptum esse colligimus. Quid enim amat in amico, animus, an corpus? Fides, benevolentia, virtus ipsa in eo diligitur. *Quid in Sanctis*, ut pulche Augustinus tract. 3. in Joan. *quid in Martyribus amamus, membra laniata aferis?* *Quid fædus, si oculos carnis, quid pulchrius, si oculos mentis interrogas?* *Quid tibi videatur adolescens pulcherrimus, fur?* *Quomodo horrent oculi tui?* Cum audis quia fur est, fugis hominem animo. Vides ex alia parte senem curvum, baculo innitentem, vix se moventem, rugis undequaque exaratum: quid vides, quod oculos deleteret? Audis quia justus est, amas, amplecteris. Ex quibus sane efficitur animum non modo percipere, sed etiam expetere res omnino spirituales, eumque esse omni corpore præstantiorem.

5º non aliud molitur animus, seu in contemplatione rerum, seu in actione versetur, quam disponere, atque ad ordinem cuncta revocare: adeo ut ratio ipsa nihil aliud quam ordo quidam & constans velut proportio, rerum denique quasi universalis mensura esse videatur. Hunc ordinem in rebus æternis aut à natura jam constitutis ratio non facit, sed invenit: res vero sibi subjectas ordinate disponit, atque in hac rerum apta collocatione & usu, omnium atrium summa consistit. Ergo animus qui regit corpora, & tanta arte disponit, quique ordinem in rebus constitutum examinat, omni corpore sublimior est: ordinem quippe accipere possunt corpora, non date: hoc utique divinitatis cuiusdam naturæ munus est.

Ex his itaque efficitur physica demonstratio. Illa natura est spiritualis, immortalis, independens à corpore, cuius functiones sunt itidem spirituales, quæque à corpore non pendent. Sed operationes animæ rationalis sunt ejusmodi, ut multis argumentis evicimus: cum attingant objectum universale & immateriale, Deum, & rationem ipsam; non item sensuum operationes: nam visio ab objecto materiali & singulari omnino determinatur.

Quin etiam animus judicare non possit de rebus corporeis, si ipse esset corpus, aut quid corporeum. Sic oculus flavo aut alio colore tinctus, flavo itidem aut alio colore tincti videt objecta; atque ut ait Aristoteles, quod intus est in organo aliquus sensus, aliorum cognitionem prohibet. Ergo anima non est materialis aut corporea, sed spiritualis aut incorrupta.

Sed, inquit, mens nostra res spirituales percipit instar rerum corporeatum,

per phantasmata, & res universales, tanquam singulares, ac sui similes. Ego anima non est spiritualis, sed corporea.

Resp. huic argumento jam sepius satisfactum à nobis fuisse, fatemur enim mentem à rebus corporeis excitari; ex iis occasionem intelligendi accipere: verum ea non hæret in cognitione rerum corporearum & singularium; sed ea ex rebus corporeis spiritualibus, ex singularibus universales percipit. Cum utitur organis corporeis, res in concreto perspicit, ut colorum, rotundum: sed ubi per seipsum agit, res abstractas intuetur: ut quid sit color, quid rotunditas: quod nulla vis materiae immersa potest efficere. Sed de his postea fusius.

Cum itaque vites quæ inherent corpori, circa ea versentur, quæ locis ac temporibus definitiuntur, palam est animum, qui circa infinitum & æternum occupatur, non esse vim corpori immersam. Cumque in operando à corpore non pendeat, ne esse quidem illius inde penderet. Nam ut scire Grotius, rerum quas non cernimus natura aliunde quam ex operationibus colligi nequit. Hinc Aristoteles lib. 3. de Anima cap. 4. laudat Anaxagoram, quod mentem impermixtum aliquid dixerit, quo videlicet res alias possit cognoscere. In modo loco hinc probat mentem à corpore esse separabilem, quod vires corporis lèdantur à nimia objecti excellentia, ut visus à solis luce, non item animus qui eo perfectior est, quo magis circa res à materia secretas, aut universaliores & excellentiores occupatur. Quocirca cum mens non habeat vim intelligendi & agendi circumscriptam, ut ceteræ animantes; sed quæ in infinitum pateat, cum in suas actiones, in & in alia animantia dominium habeat: palam est eam nec corpoream esse, nec à corpore pendere.

Demonstrationes metaphysicae.

Demonstrationes metaphysicae ex natura ipsius animæ rationalis desumuntur. Prima itaque huc fere recedit. Substantia spiritualis eadem est immortalis: sed anima rationalis est substantia spiritualis: ergo eadem est immortalis. Prima quidem propositio certa est: nam quod non pendet à materia, quod simplex est, neque ullum in se habet corruptionis principium; cui nihil est contrarium, nec partes habet in quas dissolvi possit, id sane ex natura sua est incorruptum, neque alio indiget ut permaneat, nisi iugis Dei influxu aut conservatione. Quod si enim, ut optime M. Tullius, nihil sit in animis admixtum, nihil concretum, nihil copulatum, nihil duplex, certe nec secerni, nec dividiri, nec discripsi, nec distracti potest: nec interire igitur. Est enim interitus quasi discessus, & secretio, ac diremptus earum partium quæ ante interitum vincione aliqua tenebantur.

Confirm. Nullum corpus perit, quantumvis ipsa divisione minuatur, & diversas induat formas. Multo minus substantia spiritualis destruetur, quæ nullas habet partes in quas dissolvi queat: præsertim cum nulla res in nihilum abeat, nedium res omni corpore præstantior.

Quod autem opponunt, accidens spiritale non esse immortale: nam habitus destruuntur, & actus ipsius mentis: ergo nec substantia licet spiritualis, est immortalis.

Resp. longe disparem esse rationem: nam accidens spiritale proprie non est,

sed est entis alterius , vel subiecti à quo penderet ; vel à causa secunda tum quoad fieri , ut aiunt , tum quoad esse penderet , cum ab ea conservatur . Quin etiam à contrario sāpe destruitur . Sed animus non est accidentis aut modus , cum per se agat independenter à corpore , neque ulli organo sit affixus : itaque destrui nullo modo potest .

Quocirca huc omnis , si quæ sit difficultas , redit , utrum animus sit spiritalis : quod tot rationibus à nobis effectum est , ut dubitem an aliud quicquam plausius demonstrari possit . Ac facile esset rationes hanc in rem plurimas ex Platonice desumptas , qui in hac dimicatione omnes quotquot fuerunt Philosophi superarunt , huc afferre .

1° quod animi aciem & intuitum nec temporum nec spatiorum intervalla prohibeant ; quod præterita ineminerit , futura quodammodo præsigiat , omni temporis volubilitate superior .

2° mens nostra luce quadam divina aspergitur : magno quidem argumento cœlestem illius & incorruptam esse naturam . Nam ut omnes oculi qui corporeo lumine perfunduntur , eadem quoque specie continentur ; sic mentes angelicas & humanas eodem genere quodammodo censerit , & utrasque esse immortales , hinc recte colligi videtur , quod ea sint ejusdem divinæ lucis participes .

3° res sunt in mente longe puriores quam in seipsis Nam rationes figuratum nusquam alibi sincere quam in mente occurront . Verum circulum , veram linéam nullibi nisi in animo offendes . Atque hinc Augustinus spiritalem animum , non corporeum esse colligit , quod veram lineam omni latitudine destitutam ; verum punctum quod secari non possit (tametsi oculis corporeis nemo ista viderit) mens percipiat . Itaque sic concludit : *Si corporea corporeis oculis mira quadam cognitione rerum cernuntur , animum quo videmus illa incorporalia , corporeum , corpuse non esse .*

4° res pene innumerabiles ab omni corpore secretas perspicimus , unitatem , pulchritudinem , sapientiam , veritatem , argumentationum leges , principia ipsa ex quibus demonstrationes ducuntur ; infinitam pene seriem demonstrationum , quarum aliae aliis consertæ & colligatae sunt , quæque nullo sensu possunt comprehendendi .

5° quo plura mente comprehendimus , hoc promptiores ad alia percipientia sumus , adeo ut major scientia augeat quodammodo animum , ut majorem cognitionis cupiditatem incendit . Non idem in sensu evenit : nam ab obiecto suo , ubi paulo est vehementius , leditur : neque enim , ut diximus , visus purissimum lucem sustinere potest . Sed intellectus aciem nec minima quæque fugiunt , nec maxima obtundunt ; nulla rerum cognitione impletur , nulla possessione satiatur ; hoc magis perficitur , quo res sublimiores & diviniores attingit . Rerum quidem vestigia aut signa cerebro imprimuntur , sed res ipsæ quæ iis significantur sonis , quas mens intuetur , in cellulis cerebri recondi non possunt .

Postremo sensus angustus admodum est & debilis , mens in immensum patet . Nam infinitas in continuo partes , infinitos rerum possibilium gradus sibi fingit , nec tantum ea quæ sunt , sed etiam privationes & negationes complectitur . Hinc illud Salustii Philosophi : *Nulli naturæ mortali immortalis natura cognita est .* Nos autem aliqua Dei cognitione perfundimur , ut suo loco ostendimus .

Secunda ratio metaphysica, & à Platonicis sepius usurpata, ex motu animæ & illius vita desumitur. Nullum, inquit, corpus movetur, nisi ab alio impulsu, atque omnis motus, ut alibi ostendimus, ab aliqua mente initium dicit. Sed anima in seipso principium sui motus habet, ac seipsum agitat, fonsque ille perennis motus est illius vita: ergo illa ut te moveat & vivat, à nulla pender corpore: cum vita, seu perennis motio illi conveniat per se, ut rotunditas circulo; neque adeo ab ea separati possit: neque enim seipsum potest deserere. Id quippe est de ratione animi quod vivat, hoc est, quod vi sua, non aliena moveatur. *Quamobrem*, inquit Augustinus lib. de Immortalitate, si potuerimus impetrare ut ostendatur ne corpori quidem hoc posse accidere, ut etiam ea specie privetur, qua corpus est, jure fortasse obtinebimus, multo minus auferri posse animo id quo animus est. *Siquidem nemo se bene inspexit*, qui non omni corpori qualiter animum preponendum esse fateatur. *Quod si etiam nulla res seipsum deserit*, & id moritur quod vita deserit, non utique animus mori potest.

Hanc rationem non omnino probat Lactantius lib. 7. Instit. c. 8. quod etiam multis animantibus immortalitatem dare videatur. *Quod*, inquit, *ut effugeret Plato*, hominem à multis adiectione sapientie discribit. Fieri enim non potest quin sit immortalis animus humanus, cuius miranda solertia inventi, & celeritas cogitandi, & facilitas percipiendi atque discernendi, & memoria præteriorum, & providentia futurorum, & artium innumerabilium scientia, qua ceteræ careant animantes, divina & cœlestis appareat.

Ego tamen hanc Platonis rationem ex motu & vita animæ desumptam non patum habere firmitatis crediderim. Nam ceteræ animantes non seipso mouent, si proprie loqui volumus, sed agitantur aliunde. Sensus earum, & nostri corporum incursu impelluntur, ac nullas exercunt functiones quæ à corporibus non pendeant; cuncta in iis necessitate quadam fiunt. Sed homo consultò & deliberate agit, atque ad eundem finem non uno tramite contendit.

? Huc etiam pertinet Cartesii ratio, quæ in hanc pene formam redigi potest. Illa distinguuntur, quorum id est, seu conceptus sunt omnino diversi: non enim aliunde colligimus unum non esse alterum, quam ex distincta utriusque notione, vel idea; præsertim cum utramque rem clare & distincte cognoscimus. Sic triangulum non esse circulum manifeste intelligimus, quod utriusque idea sunt diversæ, & una alteram excludat. Sed ubi mentem, seu cogitandi principium, & corpus quod triplici dimensioni subiectum est, attente intuemur, tum ut cogitatio ab extensione, sic mens à corpore plane diversa intelligitur. Neque enim ipsa cogitatio quicquam in longitudinem, latitudinem, aut profunditatem extensem, nec ipsa dimensiones ullam in sua ratione cogitationem comprehendunt, nihil inter se habent commune cogitatio, & extensio, nec vis cogitatrix aut corpus, aut quid corporis esse potest.

Confirm. Cum egomet mecum reputo quis ego sim qui loquor, qui ambulo, video, cogito, tum sane id mihi liquet me præcisus cruribus, aut lingua amputata nec ambulare, nec loqui, sed tamen adhuc existere, & cogitare; adeo ut nulla sim pars corporis, nec oculus, nec jecur, nec ipsum cerebrum. Nam licet forte sine cerebro non possim cogitare, quia in cerebro phantasmatum im-

primitur; illa tamen nihil sunt aliud quam signa quibus mens afficitur, ut rerum naturas percipiat, nec majorem habent cum rebus similitudinem quam voces ipsæ, quæ nos in rerum notitiam ducunt. Mens itaque quæ his signis admonetur, aliud quiddam est à cerebro, in quo hæc rerum vestigia imprimitur. Ergo ipso corpore in varias partes distracto, adhuc quiddam superest quod iis partibus utebatur, idque nec corpus est, nec particula corporis. Salvus enim maneret animus, etiam si negarem corpus omne existere; certus quippe esset me cogitare, eti nisi nullum esset cælum, aut terra, aut aliud quodlibet corpus, de cuius existentia dubitare possum, non item de mea cogitatione.

Hæc utique Cartesii ratio nisi paulo aliter explicetur, minus valida nobis videtur, ut ostendemus, cum de brutorum cognitione agemus. Primum enim licet cognitionis alia sit idea, aut conceptus, quam corporis, non hinc sequitur, & cognitionem, & extensionem eidem rei convenire non posse: ut alia est rat. o M. dicinæ, alia Musicæ, & tamen idem homo, & medicus esse potest, & musicus.

2. Non adeo certum est ea distingu realiter, quæ per distinctas ideas concipiuntur, ut extensio & cognitionis. Nam trianguli varia proprietates per distinctas ideas intelliguntur: ut quod majus latus majori angulo opponatur, est trianguli proprietas, quæ clare & distincte concipi & demonstrari potest, non intellectu altera illius proprietate, tres illius angulos esse æquales duobus rectis. Itaque ex distinctis ideis rerum distinctionem colligamus, neesse est ut una alteram positive excludat, ut jam alibi diximus..

3. Cum probat Cartesius sublato omni corpore animum remanere; id concedet Epicureus, animum nullum esse ex iis corporibus quæ sub sensu veniunt, aut quæ exterius percipiuntur. Sed is pertendet animum esse quoddam corpus insensibile, auram videlicet tenuissimam, nobis intimam, & cognitionem esse materialem, ut in belluis cernitur.

Quoniam ut hæc ratio Cartesii, quam Avicenna, & alii nonnulli jam attulerant, vim aliquam habeat, statuendum est cognitionem qualis in nobis experimur, quæ est cum aliqua reflexione conjuncta, quæque circa res omnino à materia secretas versatur, non esse materialem, aut extensam, ut jam fuisse à nobis explicatum fuit.

Diluuntur objectiones.

Quòd facilius iis faciamus satis, quæ opponi solent ab Epicureis contra animalium immortalitatem, quædam sunt in memoriam redigenda, quæ bene intellecta nullum relinquent ambigendi ocum. 1. animam esse corporis formam, & corpore uti tanquam instrumento, magni adeo referre quali in corpore locata sit. Multa quippe, ut ait Cicero, è corpore existunt quæ acciduntem, multa quæ obtundant.

2. Paucas aut nullas animus exerit functiones sine organis corporeis: quæ quidem organa sensim crescunt & exsolvuntur. Quare in lethargo, phrenesi, & ebrietate non animus, sed cerebrum laborat; tumene functiones laeduntur, quod instrumentum in vitio sit, non animæ substantia; nec curatur

animus, sed cerebrum; quod illius est instrumentum.

3º Amentia ipsa, aut insania adeo non probat mentem esse corpoream, ut contrarium pene persuadeat. Nam in amentia phantasmatum usus impeditur, licet sensus plerisque vigeat. Est igitur pars quadam animæ omni sensu superior, quæ phantasmata ipsa dilponit, iisque utitur, nisi forte quoddam in organo insit vitium. Id igitur quod phantasie imperat, ut vim suam in aliquod objectum impendat; ut alio, cum libitum est, divertat; quod illum in viam reducit, cum aberrat; quod demum ejus functiones expendit, ac discernit quid ad imaginationem, quid ad cæteras vires pertineat, id, inquam, ipsa phantasia superius est. His itaque explicatis, non erit admodum difficile iis respondere quæ contra ab Epicureis asserti solent.

Opp. 1º. Lucretius animum unum cum corpore procreati: ergo is quoque cum corpore intereat necesse est. Quin & crevit in pueris, vigeret in juvenibus, in senibus deficit & minuitur: suis morbis ut corpus laborat, in ebrietate turbatur, in phrenesi omnino aberrat, in deliquio vis animæ pene extinguitur.

Resp. Neg. conseq. Quod enim anima unum cum corpore nascatur, non hinc sequitur eam cum corpore interire. Quod autem subinde assertunt id omne finem habere & interitum, quod initium habet, ut docet Aristoteles, distinguendum est. Quod ortum habet per generationem, *C.* per creationem, *N.* Quod enim Deus creat & subsistit, ab eo solo destrui potest. Quæ addunt reliqua, jam ex prænotatis soluta sunt: hæc enim sunt vitia organi, non animi.

Sed, *instant.* animus nascitur in corpore: ergo est pars corporis, nec magis vivit separatus, quam oculus avulsus.

Resp. neg. conf. Nam si corpus, ut ipse Lucretius putat, animæ quasi vas quoddam est, id sane quod vase continetur, illius pars dici non debet: nascitur quidem in corpore, cuius velut hospitio utitur, uti aves in nidulis excludentur, quæ ubi sunt adultæ, egredi nidis solent, ac libero cælo se pernitant. Sic grana tritici in spicis, nuces in arbore nascuntur & formantur, sed ubi maturuerint, in horreis asservantur.

Vrgent. Illa forma est corruptibilis, cuius vires sunt interitui obnoxiae: sed intellectus est corruptibilis, ut ipse Aristoteles docet: ergo & animus.

Resp. diff. maj. Illa forma est corruptibili's, cuius vires corrupti possunt ratione sui, & per se, *C.* ratione alterius quod exigunt ad operationes, *N.* Jam verò si quid minuitur intelligendi vis, hoc utique fit propter organum phantasie. Nec magis mirandum est si functiones mentis male affecto cerebro impediantur, quam quod peritus scriba, aut pictor sine calamo rite apparato, aut penicillo idoneo pingere eleganter non posset. Sic ribi phantasmata organi vitio, aut morbi vehementia, aut ebrietate confunduntur, vel delentur, mens quæ saltem ex phantasmatis occasionem intelligendi accipit, & ab iis excitatur, tum ea phantasmata in sum usum adhibere non potest, neque adeo quam ordinate & concinne intelligit.

Instant. Mens ipsa non intelligit nisi per phantasmata: ergo est facultas organica & corporea.

Resp. Diff. ant. Nihil mens intelligit nisi cum phantasmate, *Transf.* nihil

intelligit quod phantasmata non exhibeant. Exempla ex Mathematicis adhiberi plura possunt. Diagonalem quadrati, quæ scilicet ab uno angulo quadrati ad oppositum ducitur, demonstrant Geometræ esse lateri incommensurabilem: ita ut si infinite dividatur, nulla unquam particula utriusque communis futura sit: hoc tamén nulla imaginatio, nulla vis corporea potest percipere. Sic tibi nos in speculo intuemur, quæ dextra sunt, videntur sinistra, idque mens percipit quod imaginatio non capit. Sic antipodas non pronus, sed erectos ad terram insistere sola ratio, non imaginatio percipit: imo quantum ea potest reluctatur. Quandiu tamen animus corpori infidet, nihil fere percipit, quinvis imaginatrix statim species corporeas effingat; hisque mens admonetur, aut excitatur. Sic tibi antipodas libertate cogitare, statim prævolat imaginatio, quæ homines pronus capite sibi fingit, & quamvis eos incedere erectos judicet ratio, eo tamen quod fingit, utiturphantasmate.

Quod autem identidem opponit Lucretius de deliquio animi, palam est id vitium esse corporis, non animi: cum scilicet motus cordis aliquantulum cefsat, neque adeo spiritus vitales giguntur.

Opp. 2º. Lucretius eos despere, qui æternum cum mortali conjungunt.

Rsp. eum ipsum insanire, qui nihil præter corpora mente complectitur, & putat omnino non esse quod oculis non cernitur: *Cum mentis acies, ut ait Laetantius, multo clarior debeat esse quam corporis ad ea percipienda, quorum vis ac ratio sentitur potius quam videtur.*

Huc etiam pertinet quod Lucretius fingit animam moriendo paulatim, & velut per partes efflari: adeo ut sensim glomeretur in corpore.

*Quasi ipsa se possit in artus
Introrsum trahere, & partes conducere in unum,
Atque ideo cunctis sensum deducere membris.*

Nam ut optime responderet Laetantius, necesse est membrorum summa queque si ligescere: quoniam vena exiliores in extrema corporis porrigitur, & extremitati tenuiores rivi deficiente vena fontis arescant: hoc est, cum sanguis à corde in artes non nisi lente admodum emititur, paulatim extremitatē partes frigescunt.

Illud poro & Lucretium & alios Epicureos fallit, quod nihil præter corpus esse potest, & cuncta instar corporum sibi fingant. Rem verò non ita se habere facilè intelligenter, si mentis oculos adhibere vellent. Corpus quippe hoc nomine nihil agere, nihil efficere statim animadverterent: nam in longum, latum & profundum porrigitur, & si magno accedas corpori, nihilo major evades: ac materia ex se sterilis est, atque omni virtute desoluta. Quare ut forma artificialis non à subiecto quod expolitur, sed ab ea quæ viget in artifice, dimanat, sic formas, aut qualitates, aut motum ipsum non materia ex se fundit, sed quedam alia forma magis stabilis, quæ dispersas materiæ partes in unum cogit ordinem: ordo autem ex ratione proficiuntur. Sunt igitur præter formam materiæ immersas & divisibiles quedam aliæ spirituales, & divisioni non obnoxiae, omnino incorruptæ, quia partes non habent, in quas dissolvantur. Et sane qui nihil putat esse nisi corporeum & extensem, quod nihil aliud mente complecti queat, idem factum homini qui à nativitate cæcus, aut surdus negaret ullam esse lucem, aut colorem, aut sonum nec minus iis habenda fides, qui

qui multa se animo percipere non extensa afferunt, ut Logicæ & Moralis regulas, quām cæcū iis credere tenetur, qui se lumen videre & colores testantur.

Opp. 3. magnam inter hominem & cæteras animantes esse similitudinem: nam e. idem pene functiones exercent: similiter spirant, sentiunt, imo & quodammodo discurrunt, ac tanta est in quibusdam animantibus solertia, tanta in certis hominibus tarditas, ut his potius, quām illis intellectus & cogitatio deesse videantur.

Resp. quām inane sit hoc argumentum fuse à nobis alio loco demonstratum fuisse. Quæ enim vanitas est animantes cum hominibus componere? An fidei, Religionis & aliarum virtutum sunt compotes? an rationis dictamen, & iustitiae leges intelligunt? quid illa mentis celeritas, qua homo uno temporis puncto cœlum omne collustrat, teram, maria, utbes peragrat, & omnia demum quæ libuerit, velut conspectui suo subjicit; an mutis id inept animantibus?

Sed, inquit, unus & hominis, & jumentorum est interitus, ut ait Ecclesiastes. *Exiguum & cum tædio est vita nostra tempus, & non est refrigerium in fine hominis,* ut idem testatur.

Resp. Sapientem non ex propria, sed ex impiorum mente loqui, ut ex ipso contextu liquet. *Venite, inquit, fruamur bonis qua sunt, nemo sit exors luxuria nostra, &c.* Deinde unus est hominis & jumentorum interitus, si vitæ præsentis, non futura; si humanae & temporalis, non aternæ felicitatis ratio habeat.

Quocirca, ut prudenter observat vir omni genere doctrinæ illustris Huetius in Demonstratione Evangelica, is est Ecclesiastæ scopus propositus, ut de finibus bonorum & malorum disserat. Hinc varias jam ab initio opiniones afferunt, quas exagitat, & in ea demum acquiescit sententia, quæ Deum timendum, & mandata ejus observanda esse tradit: ut videre est in fine cap. 4. & initio cap. 5. ubi illud profert: *Nequa dicas coram Angelo, non est providentia, ne forte iratus Deus contra sermones tuos dissipet cuncta opera manuum tuarum.* Sic cap. 9. *Sunt justi atque sapientes, & opera eorum in manu Dei: & tamen nescit homo utrum amore an odio dignus sit: sed omnia in futurum servantur incerta.* Itaque de rerum causis & finibus cum diu multumque Salomon disputavit, & quæcumque mente agitaverat hoc libro exposuit, eo tandem deducitur inanes esse & exitiales hujusmodi disquisitiones, neque aliter sed datum iri motus illos animi & fluctuationes, quām si nosmetipso supremo Dei arbitrio permittamus. Cū etiam repugnantia quædam afferat, id liquet, varias ipsum de finibus rerum sententias proponere voluisse. De exitu vero animæ & ejus immortalitate, ac futura vita quid sentiat, aperte cap. 11. ipse declarat, *Scito, inquit; quid pro omnibus his adducet te Deus in judicium.* Et cap. 12. *Antequam*, inquit, revertatur pulvis in terram suam unde erat, & spiritus redeat ad Deum, qui dedit illum. Atque ubi totius disputationis finem facit, *Deum time, & mandata ejus observa: hoc est enim omnis homo, & cuncta quæ sunt adducet Dominus in judicium.* Hinc Gregorius M. Dialog. 5. lib. 4. cap. 4. *Hic liber*, inquit, *idecirco concionator dicitur, quia Salomon in eo quasi tumultuantis turba suscepit sensum, ut ea per inquisitionem dicat, quæ*

Tom. I.

Fff

fortasse per temptationem imperita mens sentiat. Nam quot sententias quasi per inquisitionem movet, quasi tot in se personas diversorum suscipit. Sed concionator verax, velut extensa manu omnium tumultus sedat, eosque ad unam sententiam revocat, cum in ejusdem libri termino ait: Finem loquendi omnes pariter audiamus: Deum time, & mandata ejus observa, hoc est enim omnis homo. Hæc utique paulo uberior ex viro clarissimo exposuimus, quod ii qui animos nostros capitum dannant, eo præcipue Sapientis loco abundantur.

At solus, inquit, Deus est immortalis, ut docet Apostolus.

Reff. solum Deum habere immortalitatem, quod vita habeat plenitudinem, ac nullam subeat mutationem: mentes vero cum Angelicæ, tuni humanæ naturæ viribus destrui non possunt, cum sint simplices, & uniusmodi: sed Dei nutu & voluntate conservantur, ut Plato ipse in Timæo docet. Naturæ tamen conditione sunt incorruptæ, cum à nulla re creata interimi possint, neque in se corruptionis gerant semina: nam creatoris voluntas naturam cuiusque rei efficit. Mentes itaque nostræ ex naturæ suæ institutione, & opificis sui nutu sunt indissolubiles, & immortales.

Nulla quidem est causa ex qua animus pendeat, quam prima, cujus potestas non deficit. Deum autem velle ut extinguatur animus, nullo id arguento probari potest. Imo multis argumentis testatum facit se velle ut animus superstes sit corpori, & felicitatis capax, ut in Morali fuit demonstratum.

¶ Qui nulla ratione demonstrari posse animæ immortalitatem putant, sed sola fide certam haberi, alia objiciunt de statu animæ separata, que proxima quæsitione commodius dissolvemus.

QUÆSTIO III.

De statu animæ separata.

ET si forte nos fugit quomodo anima separata vel sentiat, vel intelligat, tamen certum est eam à corpore sejunctorum existere. Moveri sidera, atque eisdem cursus constantissime servare disparibus inter se motibus nemo ambigit: at quibus rotis aut machinis illæ conversiones perficiantur, explicare non possumus: sic animam à corpore sejunctorum subsistere, sentire & intelligere non dubitamus, tametsi explicatu est difficile, quomodo sentiat, intelligat & moveatur. Neque erim cogitatione complectimur qualis sit animus in ipso corpore. *Aibi*, inquit Cicero, *naturam animi intuenti multo difficilior occurrit cogitatio, multoque obscurior, qualis animus in corpore sit, tanquam alienæ domi, quam qualis cum exierit, & in liberum cælum, quasi in domum suam venerit.* Nemo non videt nos sincerius rerum naturas percipere, quo magis à corpore sevocamus animum, & secum esse cogimus. Quid ergo futurum est cuni ex tenebroso carcere emisus fuerit? an nihil percipiet, nihil intelliget? Sed ut via & ratione progrediamur, primum ostendamus animam sentire & moveri, deinde eam intelligere; postremo quomodo intelligat explicare conabimur. Sit igitur

Prima Conclusio.

Anima separata & sentire potest , & loco moveri.

Probatur pars conclusionis prior. Animus in corpore conclusus & sentit , & dolet , & luctatur . Nam corpus non est sentiendi principium , sed instrumentum duntaxat ; dolet aut luctatur animus , non corporis moles : ergo nihil obstat quominus animus à corpore sejunctus , aut doleat , aut luctetur.

Imo fieri potest ut gaudium & agitudo extrema sint , ubi corporis sociate non interpellantur. Nam pura sunt & firmissima animi judicia , atque illius vigor corporis pondere , aut turbidis passionum motibus non impeditur ; tum vim suam omnem in id quod amat , impendit ; cumque id quod sibi deest , adipisci nequit , languescit , & incredibili dolore cruciatur.

Quod autem moveri possit animus à corpore sejunctus , hinc liquet , quod omnis pene motus corporis ab animo oriatur.

Sed opponit Pomponatius ex Aristotele , indivisibile moveri non posse.

Re/p. id fortè verum esse de puncto mathematico , non de substantia spiritali , quæ extensionem , ut loquuntur , habet virtualem. Quod si lumen , aut spiritus vitalis in corpore pene in puncto temporis moveatur , an dubitamus mentem separatam , qua nihil velocius , incredibili celeritate ferti ? Ac mitum est id nobis objici ab homine qui Aristotelis est juratus , cum Aristoteles omnem motum à natura spiritali deducat , adeo ut cœlo ipsi motrices intelligentias adhibeat.

Secunda Conclusio.

Anima separata , & seipsum & alia multa intelligit.

Probatur Concl. Quanto objectum est menti conjunctius , tanto acris percipitur ; sed anima est sibi , ut ita dicam , proxima ; neque adeo ulla imagine indiget ut seipsum percipiat. Non enim imaginem exigunt , nisi ut objectum quod longidys distatum est , aut minus attenuatum , facultati admoveat , aut ipsi accommodatum efficiat. Etsi enim dum mens in corpore includitur , non sese clara & distincta cognitione intueretur , cum tamen sit sibi ipsi intime praesens , sine ullo phantasmate se utcunque intelligit , & est sive cogitationis sibi conscientia : tametsi corporum consuetudine abrepta vix in sese aciem dirigit. Sed ubi soluta est à corpore , nec tot functionibus in diversa nitentibus distrahitur , tum sibi ipsi est notissima.

Notitia animi qua novit se vivere , se intelligere , abdicatione potius omnium sensuum quam per sensus habetur. Mentis est enim de sensibus judicare , non ab iis judicari. Disserimen ipsum quo se à sensibus sejungit , non ab iis mutatur. Quis non experietur in seipso longe clarus se scire , quid sit veritas , quid sapientia , quam' quid sit calor aut frigus. Nam ut ait vir doctiss. si in iis explicandis quandoque laboratur , id sit verborum penuria , aut ingrauenitum phantasmatum turba. Non igitur metuendum ne anima à corpore sejuncta non intelligat.

Quod si anima separata seipsum intelligit , necesse est ut alia permulta , cum quibus cognitionem haberet aut relationem , intelligat. Cum enim mens nostra

aut ratio sit velut quidam ordo , aut mensura universalis : ut per applicationem mensuræ alius ujus , putà ulnae , panni longitudinem , bilancis ope rerum pondera cognoscimus : per sensus iridem corporum affectiones quodammodo dimetimur. Sic mentem velut rationem quandam , aut mensuram universalem adhibemus , ut mutuas rerum habitudines , & in quibus convenient , aut discrepent , perspectas habeamus. Sensus quidem sunt in suo quique genere limitati , visus colores , auditus sonos dimititur : mens nostra ad ens omne pertinet , & quidquid cognoscitur , est ejus ditionis.

Cum autem veritates plurimæ , fere ut ejusdem catenæ annuli sint inter se connexæ , ubi mensunam percipit , aliæ velut in eadem serie constitutæ quasi ultro scelè offertunt : adeo ut mens separata proprietates quæ essentiam consequuntur , velut in iectu oculi intueatur. Quod si enim qui perspicaci & celeri sunt ingenio , conclusiones in principiis conspiciant , quique de rebus geometricis cum ordine interrogatur , ut puer ille apud Platonem , rite respondeat , dubitare non possumus quin mens soluta à corpore contextum demonstrationum per seipsum multo acrius perspiciat , sive in communi , & velut publico lumine , vel in ideis divinis ; sive ea species olim acceptas conservet , ut phantasia species corporum per sensus acceptas retinet ; sive in Angelorum sortem , translata novas ab Authore naturæ hauriat imagines : quocunque id modo fiat , nobis certum est mentem corporis vinculis solutam , & seipsum , & multa intelligere.

Diluuntur objectiones.

Ex iis solvi possunt quæ Pomponatius magno studio conquisivit argumenta , ut evinceret nulla ratione probari posse animam existere separatam , idque sola fide certum haberi. Quod utsinque ferendum esset , nisi & argumenta unidicem comparasset adversus animorum immortalitatem , & impios armasset , qui sublato omni metu totos se voluptatibus dedunt , atque ab illo sempiterno terrore se liberatos volunt : cum humanam vitam , ut loquitur Lucretius , turbet ab imo .

Nos verò animam esse incorruptam tot argumentis confirmatum arbitramur , ut minus mitandum sit , si præstantissimi quique Philosophi , Platonici in primis & Stoïci , id persuasum habuerint : quantumvis minutiores alii , ut Epicurei , reclamarint. Tametsi forte omnes circumstantias quæ ad statum animæ separate spectant , non satis compertas habemus : id enim minime est necessarium ; ac fatis est nobis quod animam à corpore sejunctam existere , ut certum & inconcussum teneamus : adeo ut omnes Pomponatii & aliorum molestæ interrogations & argutiae satis inutilles esse videantur. De re enim constat : quo autem modo se habeat anima separata , non nostrum est tam curiose inquirere. Sed tamen ne difficultates subterfugere videamur , eas breviter summatim que decurramus.

Ac primum Pomponatius Aristotelem in suas partes trahere nititur , jure amerito , expendere non vacat : cum sane valde anicipitem ac dubium in hac disputatione eum fuisse satis constet. Intellecūtum quandoque à materia secretum tradit , quod universa intelligat ; idque ex eo probat , quod objectum juxta

appositum impedit ne aliud videatur. Quare si intellectus vel corpus foret, vel corpori admistus, non posset quicquam percipere. Sed alibi intellectum agentem esse æternum; patientem, seu possibilem, eundem corruptibilem esse decernit. Quid per intellectum agentem sibi velit, an partem animæ, vel facultatem; an communem omnibus, & assistricem intelligentiam, non satis liquet. Hunc sane intellectum advenire extrinsecus, ac divinum esse apertissime definit. Quanquam satis apte respondeant Aristotelis Interpretes, facultates animæ esse corruptibiles non per se & ratione sui, sed per accidens, propter phantasiam quam connotant, & qua mens indiget in hoc statu. Cum autem in Ethicis doceat mortuos amicorum fortunis quodammodo affici, in eam videtur sententiam fuisse propensiō, animam unā cum corpore non integrare.

Opponit 2o idem Author animam separatam diu non posse consistere, quod sit in statu violento.

Reſp. Etsi anima quandam habeat ad corpus propensionem, non continuò tamen eam vim pati; & si quid ei ad summam perfectionem deest, aliis doctibus abunde id pensatur: tum enim cuncta multo puriora cernit, & cupiditatum expers non amplius in diversa trahitur. De anima vero loquitur ut Philosophi, quatenus videlicet in statu naturæ spectatur. Nam beatorum animæ licet in propria redire corpora expetant, illa tamen propensio est divinæ voluntati subiecta.

Opp. 3o animam separatam manere otiosam, cum nihil sine phantasmatu possit intelligere: non corpora percipiet, quorum imagines non excipit: neque enim spiritus à corpore pati quicquam potest; nec mentes separatas, vel Angelos cognoscet: quas enim sui imagines Angelus immittet, aut quæ species rem invisibilē exhibeat?

Reſp. tum demum iis Philosophis quærendum fore, quomodo anima separata alia à se intelligat, cum ab aliis expositum fuerit quomodo in hoc statu & seipsum, & alia cognoscat. Quæ nobis hac de re, in qua pene Philosophia summa consistit, vila sunt probabiliora, ut se dedit occasio, attulimus; nonnulla etiam in proxima disputatione dicuntur.

Huic per vulgato argumento respondet vir doctiss. in Anthropologia nuper edita, mentem nostram, quæ non nisi ab alio informari potest, duobus generatim modis informatam cognoscere, nimurum à Deo, cuius est effectus, & à corpore, cuius est forma: cogitationes posterioris generis pendent à phantasmati; at cogitationes prioris generis tanto sunt perfectiores, quanto mens est ab ipso corporis commercio liberior.

Sed molestiū inquirit Pomponiatius, quî fieri possit ut anima separata à corpore intelligat, aut alterius cogitationes perspectas habeat: quibus enim signis sui sibi mutuo cogitata possunt communicare?

Reſp. 1o eam difficultatem in utroque statu animæ, sive sit cum corpore conjuncta, sive sit ab eo separata, esse communem. Nam vicissim ab eo qui huc objicit, possim requirere quo id modo fiat, ut verberatus aëris è pulmonibus cum impetu protritus, & certa ratione in oris cavitate formatus, dum aures ferit, cerebrum aut spiritus afficit, statim alterius mentem sic excitet, ut mentis meæ cogitationem assequatur. Ac si quid ei mo-

tam objicit, non aliud est quām aut vox incognita, aut confusa, ut iis accidit qui linguam ipsam non intelligunt: sed ubi vocis significatio fit aperi-
tior, tum qui audit, loquentis mentem iis velut involucris expeditam con-
sequitur. Tolle ergo signa que utilia esse non possunt, nisi animo corpore concluso, nihil aliud requiritur ad cogitationis alterius perceptionem quām
voluntas illius qui cogitationem suam vult aperire. Hæc enim voluntas tam
occasio percipiendi esse potest, quām verberatus aër, aut aliud signum quo-
utimur, ut animi sensa promamus.

Rsp. 2. fieri etiam posse ut idem accidat cum Angelus vel animus separatus vult alterum suæ cogitationis participem fieri, quod juxta recentiores quos-
dam in corporum collisione contingit. Nam ut iis quidem videtur, motus ab uno corpore in aliud non transfertur: sed ex illa collisione, velut ex
occasione quadam motus à prima causa in corpore immoto producitur: ex-
istimant enim corpus ex seipso iners, motum procreare non posse. Non
dissimili ratione, (quidquid sit de exempli veritate) cùm anima separata
vult alteri suas cogitationes aperire, illius voluntatis occasione Deus effi-
cit ut anima eam cogitationem percipiat. Quare Angelus alium illustrat,
aut in eum agit, cum occasio quædam est, ut huic nove perceptiones
accedant. Quod ita verum putant, ut in hoc statu idem, ut multis vide-
tur, nobis contingat: *non enim sumus sufficientes ex nobis, tanquam ex*
nobis aliquid cogitare, ut ait Apostolus: ac nullæ in nobis esse possunt
perceptiones circa Dei operationem: quanquam, ut sèpè diximus, deter-
minatio aq[ue] usus voluntatis in nostra omnino potestate relinquitur. Verum
ut cuncte ea sint, id unum constat, quod si in communi luce que illuminat
omnem hominem, liquidam veritatem contuemur, multo id magis in separa-
ta anima statuendum videatur.

Is tamen locus Apostoli, ut alia quæ afferri possunt plurima, commodius
forsttan de illustratione supernaturali intelligi possunt. Atque ut Deus sit fons
& origo perceptionum, quòd vim percipiendi nobis contulerit, vel quia mi-
ritis modis, licet incognitis nos irradiat, ubi mens res æternas & spiritales con-
templatur; ut solaris lucis beneficio reliqua conspicimus, & multo id magis,
ut sol ipse inspicitor: ut Plotinus Enn. 5. l. 5. diserte explicat: eum tamen
causa cognitionis nostræ inquiritur, ac præcipue quando anima est separata à
corpore, non alia fortè querenda est, quām illius natura, aut vis percipiendi
ab Authore naturæ concessa.

Nec continuò facultatis nomine abutimur, ut cum dicimus ferrum à magne-
te trahi, quòd in magnete sit vis attractrix ferri: tum enim manifeste nihil di-
cimus, priusquam nobis innotuerit, quid sit in fero illa attractio, & quid
magnes conferat; sed difficultatem effugimus. At si id ipsum à nobis antè
fuerit explicatum, tum licebit nobis facultatis nomen usurpare. Ac si verum
sit id fieri propter certam partium & meatuum in magnete configurationem,
tum frustra quis rogaverit cur in ferro & magnete meatus ita sunt dispositi, nec
inepte ad naturam illius configimus. Non enim rerum rationes in infinitum
querendæ sunt. Simili ratione notum est eam esse naturam mentis ut percipiat,
quæcumque sit origo perceptionis. Optime igitur eam esse vim & facultatem
animæ etiam separate contendimus.

Neque id negare possumus , animam separatam sibi esse perspectam, ac multo etiam magis , quam cum corpori est illigata. Non enim anima minus est intelligibilis , quam circa nos sunt corpora. Imo nullum corpus mens cognoscit , quin se utcunque cognoscat. Scit enim se percipere , & omnis perceptio intellectus est in se reflexa , saltem virtualiter : seipsum igitur in omnibus intuetur. Non quod mens habeat ideam sui adaequataam , aut omnes suas modificationes norit : sic enim nulla omnino res nobis est perspecta. Sed clare percipit , se dolore , aut voluptate , aut aliis affectibus percelli , se percipere , velle,dubitare. Quae enim sensu intimo , & quasi ex conscientia novimus , hæc clarius cognoscimus. Sic autem animus & se , & sua attributa , & modificationes novit , non uno intuitu , sed saepe discursu & ratiocinio ; non per ideam comprehensivam & adaequatam : hoc enim modo nihil omnino computum est , sed per ideas claras & distinctas. Quo quidem modo teste August. fidem nostram idem de aliis perceptionibus dicendum , novimus certissimam scientiam & clamantem conscientiam. Id vero certum esse nequit , nisi quia est evidens. Nam ut scire admonet Vir clariss. qui hoc argumentum fule prosequitur , naturalis cognitionis certitudo ex ipsa evidentia proficiuntur. Quid autem evidenter perceptione , maxime cum eam actione reflexa intuemur. Quae igitur sensu interiori , & conscientiam intuemur , eadem clare & evidenter aliqua ratione cognoscimus.

Deinde quæ & quanta de animi immortalitate , libertate & aliis attributis demonstramus. Sed nihil demonstrari potest de eo quod confuse tantum & obscure percipimus : nam demonstratio est evidens probatio : ergo animus suis ipsius claram & distinctam habet notionem , etiam cum est in corpore , ac multo magis cum est separatus.

Sed , inquiunt , unde in animam separatam perceptiones commeabunt ; non agit illa cum percipit , sed recipit tantum : una est animi actio , voluntatis propensio in hoc vel illud bonum ; cum animus corpori adeat , tum occasione motuum qui fiunt in organis , variae in nobis oriuntur perceptiones : ut materia ex se nulli est addicta figurae , sed innumeritas aliunde excipit. Sed ubi animus à corpore separatur , quæ causa in eo ideas aut perceptiones procreat ? non enim ea vi prædictus est , ut tot ideas rerum efficiat , non in se rerum omnium imagines intuetur.

R. 1º nos in ea opinione non esse , ut percipere , non sit agere , sed pari modo & aliunde informari arbitremur. Est enim mens actiualis ut voluntas , sive ut intellectus concipiatur. Fatentur quidem omnes animum agere , cum vult , cum amat , cum se huc potius , quam illuc infleat , cum universalem in bonum propensionem ad certum objectum determinat : tum enim seipsum modificat , & in se varias propensiones creat. Quidni ergo & varias perceptiones communem quippe in bonum impressionem ad certum objectum determinare nequit , quin illud intellectus voluntati exhibeat. Hanc igitur vim habet animus , ut novas perceptiones sibi ipsi largiat. Ante non noverat , non percipiebat , juber voluntas ut percipiat : ergo hanc habet vim , ut novas perceptiones sibi tribuat. Ergo percipere est quedam actio , cumque animus cognoscit , seipsum modificat , ut cum vult , aut colligit.

Neque id obstat quominus perceptiones nostræ à prima causa profluant.

1 Quod vim percipiendi nobis concesserit. 2º Notio ipsius animi , entis infiniti , & in universum spectati, ab Authore naturæ in bonum impressa est. 3º. Notiones fortè simplices , ut motus , temporis , extensionis ; imo & relationes inter eas simpliciores ; ex quibus axiomata efficimus , quorum veritatem primo aspectu contuemur : Istæ , inquam , ideæ , aut perceptiones à Deo ipso manare possunt. Quocunque denum modo ideas habeamus , Deo referimus acceptas , quod mille modis plane incognitis virtutæ nostræ momenta sic disponit , ut infinita prope percipiamus , quæ cognitionem effugient nostram , si providentiâ suâ res aliter disposueret. Illud tamen non dabo , perceptiones nostras , & eas maxime , quas ratiocinio consequimur , per notiones expresse reflexas , cuiusmodi sunt conclusiones scientiarum demonstratione acquisitæ , à mente ipsa non proficiisci , eamque non esse actuosam cum percipit.

Atque hæc de immortalitate , natura & statu animæ separatae sufficient; quæque contra afferri solent , non tanti esse putem , ut tot demonstrationes , intuitum ipsius naturæ sensum , & animæ testimonium possint ulla ex parte convellere. Hinc Tertul. lib. de testim. animæ , hinc probat eam esse superstitem , quod nemo sit qui bene vel male mortuis non apparetur : Quæ magna esset infamia , nisi eos esse superstites praesagiter. Deinde id quoque probat ex insita fiducia subeundi omnibus post mortem judicii divini : ut quisque laeditur , laeditendi inevitabilem vindictam intentat , eoque injuriam mitigat.

Postremo quidquid illud est in nobis quod sapit , quod eligit , & sese determinat ad agendum , vis quedam est cœlestis , soluta ab omni corpore , & separata ab utilitatibus notisque naturis. Qui vero nos ad mutorum animalium formem deprimit , eos sane validis & invictis demonstrationibus armatos prodire in aciem oportet , non questiones alias ex aliis necesse , ut rem tot rationibus muniam , & Scripturarum autoritate quæ omnem rationem vincit , confirmatam , aliqua ex parte labefactare possent.

Q U A È S T I O III.

De natura , unitate , & origine animæ rationaliſ.

Nullius pene rei magis vaga est & incerta notio , quam ipsius animæ : nam plantis , bestiis , & homini animam tribuimus , & vitam : & tamen plerique in ea sunt sententia ut potest , ex iis quæ afferri solent animæ definitiōnibus , nullam omnibus viventibus univoco convenire : quod utique veri proximum nobis videtur. Primum enim ab Aristotle definitur , *aëtus primus corporis organici potestate vitam habentis* ; atque hanc definitionem , qualisunque sit , ultiro amplectimur , quod accuratior non occurrat. Sed quid virtute nomine sit intelligendum , non satis liquet. Vita enim animæ rationalis in perceptione , aut intellectione maxime posita videtur : sed quid plantarum vita cum cognitione aut appetitu habeat communis , & in quo ratio vita posita sit , vix quisquam explicabit.

Platonici quidem vitam definunt , primum & constantem animæ motum. Ac vulgo receptum est ut ea vivere censeantur , quæ seipſi moveant : sed intellectu est difficile quomodo planta seipſam moveat , non item flamina . Fontem quidem

quidem vivum dicimus, ubi continenter fluit; & carbonem accensum iidem vivum appellamus: sed voces illæ sunt metaphoricae, proprias inquirimus, & quid simile sit in plantis cum hominis vita.

Nec ignoro quid responderi soleat, vivens esse sui motus causam principem. Sed non video, cur plantæ ut cause principes seiphas potius moveant quam ignis, aut gravia quæque corpora. Alii vitam in eo constituant, quod sit principium actionis immanentis; idque ultro accipimus: verum in animalibus quidem ex actiones sunt satis conspicuae, in plantis non item. Sed de planatarum vita in parte secunda Phisices dicturi sumus.

Alexander Alensis animam ut lucem aliquam vegetam, & semper mobilem concipit, quæ vitam ex se instar alicujus luminis fundit: nam lux est in sole, vel igne, lumen est in aëre: sic vita ex anima in corpus ut substantialis quidam vigor jugiter fluit, id vegetat, & foveat. Hinc à Platonicis definitur anima numerus seipsum movens: quod ut animam ex vita, sic vitam ex motu ipso, & spontaneo maxime perspectam habeamus. Rerum autem formas solent Platonici numerorum voce, ut Deum unitatis nomine designare..

Sed his omissis quæ magis magnifice quam dilucide dicuntur, ad eam, quam ex Aristotele attulimus definitionem, revertamur. Est, inquit, anima actus primus corporis physici organici; id est, forma substantialis, quæ corpus organicum constituit; ut calor est actus corporis calidi..

Quod addit, potestate vitam habentis, vitæ nomine operationes vitales, seu actum secundum animæ videtur intelligere. Itaque cum corpus animatum varias & multiplices actiones exerceat, atque in hoc maxime à corpore, quod tantum est naturale, differat, quod varias actiones exerat, necesse est ut id variis quoque partibus, aut organis sit instructum. Nam corpus simplex & uniusmodi tam multiplices actiones non potest obire. Principium illarum actionum dicitur anima, & actiones ipsæ immanentes, vitales dicuntur: rameti, ut diximus, vivere ipsum, si phisice accipiatur, æquivoce conveniat substantiali & materiali: non enim eodem modo operantur immanenter.

Definitur quidem actio vitalis, quæ est à principio vitæ coniuncto: eoque est vitalior, quo est magis immanens.

Definiri etiam solet anima id quo vivimus, movemur, sentimus, & intelligimus. Atque hinc quatuor vitæ gradus vulgo distinguuntur: primus est eorum quæ vegetantur, sed omnis sensus sunt experientia: cujusmodi sunt plantæ. Alia sentiunt quidem, sed loco non moventur, ut ostrea, & conchilia: quamquam illud merito dubitari potest an sensus usquam sine motu locali reperiatur: sed de his alibi. Sequuntur animantes sensu & motu prædictæ: supremum viventium locum ea tenent, quæ & vegetantur, ut plantæ, loco moventur, & sentiunt, ut animantes, sed præterea intelligunt, atque hic est supremus vita gradus.

Tres tamen animalium species vulgo numerant vegetaticem, sentientem, & rationalem: quam divisionem sic fere colligit S. Th. i. part. quæst. 18. att. 1. Vita hinc deprehenditur, quod res seipsum moveat: quæ autem seipsum movent, vel motus vitales solummodo exequuntur, sed formam, seu principium motus ab ipsa natura acceperunt, ut plantæ quæ alias generant, & seiphas alunt. Alia

non solum se ipsa movent quoad executionem horum motuum, sed etiam formas acquirunt quae sunt eorum motuum principia; species nimis, & imagines rerum quas cognoscunt, & appetunt: sed tamen fines eorum motuum non sibi praestitunt, in eos feruntur qui sunt à natura praestituti. Sic animalia se ipsa movent, & nobiliori modo quam plantæ. At homo non solum motus exequitur suos, & formas eorum motionum acquirit, & quodammodo efficit, sed variis etiam fines suarum operationum sibi praestituit. Hinc meliore & perfectiore fruatur vita.

Verum inquiunt, una species alteram non includit: sed anima rationalis includit vegetativem, & sentientem.

Respondent animam rationalem continere reliquas animas eo fere modo quo superficies lineam, aut major numerus minorum continet, materialiter, ut aiunt, non formeliter: eas quippe presupponit, non ex iis constituitur anima rationalis.

Verum hic quæstio oritur an definitiones animæ quæ vulgo circumferuntur, animæ rationali convenienter: adeo ut anima sit vera corporis forma. Sit igitur

Prima Conclusio.

A Nima rationalis est vera hominis forma.

Probat. hec conclusio 1º quia in Conc. Viennensi est clare definita: adeo ut contraria sententia tamquam erronea, & fidei Catholicae inimica repubetur.

2º probatur multiplici ratione à S. Thoma 1. part. quæst. 76. & 79. quæ hic fere redeunt: formam esse id quo primo aliquid operatur: sed anima est id quo primum intelligimus, & intellectio est præcipua hominis operatio: ergo anima intellectiva est hominis forma. Nam si intellectio est hominis actio, & quisque experitur se ipsum intelligere, necesse est primum hujus actionis principium esse hominis formam: cum forma sit primum agendi principium. Hinc S. August. lib. de Quantitate animæ, sic eam definit, *substantia est, inquit, quedam rationis participes, regendo corpori accommodata*.

Præterea per animam rationalem homo constituitur, & ab omnibus aliis distinguitur, atque id quod sibi maxime proprium est, operatur; est item homo totum physicum, & unum agendi principium: ergo anima rationalis est vera hominis forma: cum forma cuiusque rei ex propria illius operatione innoteat. Sed propria hominis functio est intelligere: quod igitur principium est intelligendi, id ipsum est hominis forma. Est etiam actus primus, seu nobilissima perfectio corporis organici, quod anima ut idoneum instrumentum obsequitur.

Opp. Operationes animæ intellectuales, intelligere nimis, & velle, communicari non possunt corpori, nec per organum corporeum exerceri: ergo neque ipsum esse animæ intellectualis, quod non minus est immateriale quam illius operatio, recipi in corpore, aut ei communicari ullo modo potest: neque adeo anima est corporis forma: maxime cum anima in se ipsa existat, nec possit esse in alio instar formæ materialis.

Resp. diff. conf. Non potest anima communicari corpori, aut ita recipi in

corpore , ut ab eo pendeat , & quasi omnino in eo demergatur , C. non potest communicari corpori , ut id perficiat , vitam & sensum impetrat . N. Id enim alias ostendimus , hominem esse velut centrum utriusque natura spiritualis , & corporeæ , & quasi totius universi compendium . Sic anima medium velut locum inter naturas spirituales & corporeas nacta , ut Angelus , in scipia subsistit & vivit : & tamen vitam corpori communicat , idque vere informat , quod cum brutorum formis habet commune .

Venit hinc alia oritur quæstio , an una & eadem insit homini anima , quæ vegetatricis , sentientis , & intelligentis animæ functiones exerit . Nam ut eos omittam qui hac in re à fide Catholica aberrant , ut Manichæos , qui duplum in nobis animam posuere , unam à bono , alteram à malo principio ; aut Averroëm , qui unam in omnibus , & universalem mentem , & quasi intelligentiam commentus est , quam intellectus agentis nomine donavit ; alteram cuique propriam , quæque intellectus patiens , aut possibilis ab eo vocatur . Sic Plato concupisibilem animam in jecore , irascibilem in corde , rationalem in cerebro posuisse vulgo dicitur . Ut ista , inquam , omittam , inter ipsos Theologos & Philosophos Catholicos nonnulla hac de re dissensio est . Nam Ochamus , Antonius Mirandulanus , & alii animam rationalem ex duabus velut partibus constare volunt , quarum una sit intellectualis , altera irrationalis , & sensus principium , quæ sit per totum diffusa corpus ; eamque opinionem illæsa fide defendi posse fatentur ipsi Conimbricenses . Hanc inter recentiores acerime tuetur Petrus Gassendus : contra eos tamen sit

Secunda Conclusio.

Probabilius est in homine unam esse & indivisibilem animam , non multiplicem .

Probatur conclusio. Ex dictis liquet animam rationalem esse hominis formam , cui omnes vires subjiciuntur , dum eas ad agendum applicat , & unum esse homini , non multiplex tribuit ; ac nihil ei deest quominus omnia formæ substancialis obear munera . Sed si plures essent animæ in eodem homine , eaque loco aut sedibus discretæ , non unum esset , sed multiplex esse hominis ; ac nulla foret ratio cur unius operatio paululum intensior alterius functiones impediret : cum unaquæque quod sibi esset proprium , ageret , & diversa prorsus essent earum functionum principia : neque etiam facultatum omnium subordinatio facile posset explicari : nam diversæ functiones ad distincta principia referrentur . Ergo non multiplex , sed una est & simplex hominis anima .

Confirm. Si propter diversitatem operationum diversæ quoque animæ statui debent , tot futura sunt animæ , quot sunt sensus inter se distincti . Ergo licet sensus & rationis functiones plutimum inter se distent , nihil propterea necesse est eatum actionum principia secernere , & sentientem animam ab intellectuali sejungere .

Solvuntur objectiones.

Opp. 1º Eadem res simplex & uniusmodi non potest sibi ipsi adversari , aut secum pugnare : sed anima rationalis & sentiens sibi mutuo repugnant , & una alteri reluetatur , dum *caro concupiscit adversus spiritum* , & *spiritus adversus carnem*. Ergo non una & eadem est anima quæ hos motus diversos procreat , neque illa carnis & spiritus lucta , cuius toties ineminit Apostolus , & quam in nobis ipsis experimus , ex eodem principio vel ex eadem forma manare potest.

Responseri potest 1º eamdem animam per distinctas saltem virtualiter facultates sibi ipsi reluctari : neque id mirum esse debet , cum voluntas sœpe intellectui adversari videatur.

Responseri potest 2º spiritus ipsos qui mentis imperia defertunt , non despoticō imperio regi ab anima , & alio persœpe duci , aut ab objectis , aut ab ipsa consuetudine , & corporis temperie , quam mens ipsa præscribit , unde & mentis functiones plerumque conturbant.

Opp. 2º Ubi sunt operationes omnino diversæ , ibi sunt distincta principia & formæ diversæ. Sed vivere , sentire , intelligere , sunt operationes omnino diversæ , quæ in homine etiam locis distinctæ sunt : nam ossa vivunt & vegetantur , non sentiunt tamen ; oculus videt , non intelligit. Ergo alia est ossis , alia oculi , alia hominis ipsis forma vel anima.

Resp. diff. maj. Diversæ operationes diversa habent principia virtualiter distincta . C. realiter diversa . N. Alioqui infinite in eodem homine essent animæ. Sic anima rationalis non est in ossibus , aut oculis , quoad operationes , C. quoad substantiam , N.

Instant. Anima sentiens , aut vegetatrix est mortalis & corruptibilis , non item anima rationalis. Ergo non est una & eadem anima : cum idem simul esse mortale & immortale non possit.

Resp. diff. ant. Anima sentiens est corruptibilis , cum sola est , ut in brutis , C. cum autem eadem sit intellectualis , N. Tum enim est immortalis , non ex se ipsa , sed ex mente.

Opp. 3. in ipsis hominis conformatione primum vegetatrice anima , tum sentiente , tum rationali factum informari : cum autem non sit probabile unam perire , cum advenit altera : neque enim necesse est mori animal priusquam mens rationalis infundatur : restat ut in homine non una , sed plures sint animæ.

Respondent plerique in hominis conformatione plures esse animas quæ sibi succedunt : cum autem hæc magna sit quæstio , & valde obscura , quid nobis videatur , paulo diligentius est explicandum. Sit igitur

Tertia Conclusio.

IN viventium generatione plures animæ non ita sibi mutuo succedunt , ut una adveniente pereat altera.

Probatur conclusio. Id omnino videtur alienum à ratione , hominem prius

plantam fuisse, tum belluam, tandem hominem: Ergo ubi vivit aut sentit, jam anima intellectualis adest. Sic moriente homine una cum anima rationali reliquæ, si quæ sint, discedunt.

Confirm. Illud minime necesse est ut moriatur animal, & sentiens anima recedat, cum anima rationalis infunditur: tum enim fœtus perficitur, non destruitur; nec series illa corruptionum ullo nictitur fundamento. Hinc fœtus baptizatur, ex quo motus aut vitæ principium in eo percipitur: ac si experiemus dum corpus ad functiones animæ rationalis sit apte dispositum, non quadraginta dies, ut volunt, sed plures anni etunt expectandi.

Solvuntur objectiones.

Opp. 1. Non infunditur anima prius quam organa sint conformata: ergo prius vivit & sentit fœtus, quam anima rationali informetur. Jam querunt quid fiat de principio vite & sensus, cum advenit anima: si remanet, ergo non una sed plures sunt anime; si recedit, sunt igitur plures successive.

Respondebat vir doctissimus P. Fabri fœtum primo vivere, tum sentiente anima donari: sed quæ prius fuit vegetatrix anima, aut forma, cum sola esset, jam sit potentia, aut facultas animæ sentientis, eique subjicitur. Cum autem anima rationalis creatur, non perit principium illud vita, aut sensus, sed formæ rationem non amplius obtinet; estque potentia animæ rationalis, cui subest ut formæ: non enim ante fuit homo, quam anima in corpore creatur, & unum esse hominis una forma constituit. Quæ responsio satis est probabilis, saltem in eorum opinione, qui animam rationalem nondum adesse volunt, cum vivit & sentit fœtus, donec pars cerebri media formata fuerit. Illud enim satis est verisimile; (quid enim aliud in tanta terrena obscuritate queri potest) non ante corpus esse menti humanæ preparatum, quain præcipua animæ sedes fuerit absoluta: tum enim demum potest esse utrusque partis in alteram efficientia: Nam ab ea parte mutuum ab animo in corpus commercium incipit.

Instant. Potentia aut facultas nihil est aliud quam accidens: sed forma fœtus antequam adveniat anima rationalis, non est accidens quoddam: ergo fieri non potest ut potentia sit aut facultas animæ rationalis.

Resp. Vini illam sentiendi in homine potentiam dici, non quod sit accidens physicum, sed quia est velut instrumentum animæ, eique subordinatum, quodque se ad agendum non determinat, sed ab altiore pendet principio: ac forte nihil est præter spiritum contextum. In bestiis formæ substantialis habet rationem: nam speciem iis tribuit, & est primi actionum principium: sed ubi anima rationalis accesserit, huic omnino subjicitur, nec amplius formæ, sed potentiae tantummodo, aut instrumenti munus obit, neque esse, aut naturalram specificam homini tribuit: tametsi quarundam operationum principium est: unde & potentia operatrix dici potest.

Opp. 2. animam sentientem à parentibus traduci, non item rationalem: ergo sentienti animæ succedit rationalis. Hinc Aristoteles negat simul animal fieri ē hominem.

Resp. Simul non fieri animal & hominem quoad operations, C. quantum

ad naturam aut substantiam, N. Utrum autem à parentibus anima sentiens traducatur , magna itidem est quæstio. Sit itaque

Quarta Conclusio.

ANIMAM sentientem à parentibus traduci , defendi utcunque potest , non item animam rationalem.

Probatur prior pars conclusionis. Nam qui plures in homine animas , aut simul , aut sibi succedentes agrescantur , idem satis probabiliter tueri possunt animam sentientem à parentibus traduci , eamque esse quasi vinculum quod mentem cum corpore conneicitur : præsertim cum fœtus crescat , & viæ operationes edat , priusquam organa sint formata , & rationalis anima infundatur. Quare illud satis est verisimile , animam sentientem ex parentibus transfundi , ne injuria patris nomen homo usurpare videatur , si nihil præter materiam præbeat.

Quod si verò eam quæ nobis videtur probabilis , sententiam tueri volumus , eandem animam quæ sentiens prius fuit , adveniente anima rationali , manere ut facultatem , aut potius ut instrumentum animæ : ne illud quidem à vero abhorret , in homine , ut in brutis materiam jam utcunque in partes delineatam , & vi plastica instructam , tenuioris vitæ non expertem transfundi.

Pars altera conclusionis ex iis quæ de natura animæ jam sunt explicata , facile colligitur : constat enim non à parentibus dari animas , sed ab uno eodemque patre , & Deo , qui legem rationemque nascendi tenet solus. Quod ipse Lutetius fateri videtur :

*Denique cœlesti sumus omnes semine oriundi ,
Omnibus ille idem pater est.*

Quocirca neque ex anima mundi decerpitur anima rationalis , ut visum est Platonis , neque ex spiritali quadam materia in mundi origine procreata , ut corpus ex præacente materia componitur : ut aliquando dubitare visus est Augustinus : nam ut ipse ait , *Quid illa est materia? quod nomen, quam speciem in rebus condit? Vivit, an non? Si vivit, quid agit?*

Itaque anima non propagatione , vel eductione , sed sola creatione producitur. *Nam solus Deus* , ut ait Scriptura , *fingit spiritum hominis in eo.* Sic Eccl. 12. *Revertatur pulvis in terram suam, unde erat;* & *spiritus redeat ad Deum qui dedit illum.* Cæteræ autem formæ ex terra & aliis elementis prodeunt. Unde in Genesi cum de cæteris formis procreandis agitur , producat , inquit Deus , *terra animam viventem in genere suo, jumenta & reptilia, & bestias terre.* Sed ubi mentis humanæ procreatio describitur , non terræ , aut aquæ sit mentio , sed eam à Deo infundi apertissime declaratur. *Formavit Deus bouinem de limo terre, & inspiravit in faciem ejus spiraculum vite.* Quo verò tempore anima corpori infundatur , Deus solus hæc novit , cuius munus est quod spiramus , quod vivimus , quod vigemus.

Sed , inquit , si pater rationalem animam non transfundit , quo jure efficitrix causa filii dici potest?

Resp. patrem causæ effectricis titulo non excidere licet formam non procreat: nam materiam disponit , & infusionem animæ quodammodo exigit ; imo il-

lius conjunctionem cum corpore efficit, idque maxime, si vim sentientem proli communicat. Sed Deus humanæ illius communionis leges ipse constituit. Nam ea conjunctio ab Anthore naturæ est instituta, ac prima illius causa est divina voluntas; ut secunda causa est necessaria causatum secundarum series à voluntate Dei instituta, ut diserte explicat D. Cally lib. 3. Anthropographia.

Instant & molestiū inquirunt, quomodo natura spiritalis cum corpore à uniri aut conjungi possit.

Responsum jam à nobis fuit in tractatu secundo, cum de unione, ut vocant, materie & formæ ageretur. Neque aliud in re maxime abstrusa nobis occurrit, nisi animam intime presentem esse corpori; cum illo unum quid & unam naturam integrum efficere; moto corpore eam moveri, eamque regere subjectas sibi facultates; ac nihil demum ei deesse quominus cuncta obeat formæ munera. Quod autem animæ & corporis conjunctionem & nexum etiam efficit, est ea lex ab Authore naturæ lancita, qua perceptiones animi certi corporis motus, & vicissim quasdam corporis motiones certæ cogitationes mentis consequuntur: ut in Logica fuse exposuimus. Naturalis verò illa necessitudo animæ cum corpore, est cum toto corpore, quo illa sentit, cui revera jungitur. Non enim cum eo necessitudinem habet quatenus extensem est, cum ea sit dimensionum expers, sed quatenus est capax exercendæ in eam actionis; quatenus scilicet est suis organis instructum: nec manet ea conjunctione, nisi quandiu manet utriusque efficientia; nec recedit anima, nisi cum præcipuum aliquod corporis organum deficit.

Sed cur, inquit, anima non poterit à parentibus traduci.

Resp. id fieri non posse, quod sit spiritalis & indivisibilis: est enim tota in lignente, nec pars illius in genitum transire potest: quia ex re spiritali & indivisibili nihil potest decadere.

Rursum urgent: Si anima est indivisibilis, quomodo per totum corpus diffundi potest? Quod si verò, ut visum est Alberto, alicui parti, ut cordi aut cerebro insidet, quomodo erit corporis forma, & cum eo tam arcte conjugitur?

Resp. 1º animam in corpore virtualem, non formalem habere extensinem, ut de Angelis diximus. Anima igitur corpori suo adest, & per corpus diffusa non mole, sed virtute. Est enim contactu virtutis, ubique agit, non contactu molis. Agit autem anima in corpus, cuius partes moveri ait sicut, ut liberatur: & quemque res in aliam agit, huic præfens adest. Nam si loco abest, perinde se habet, ac si non esset. Est igitur mens humana in corpore non mole extensa, non enim est corpus, nec corporis modus, sed virtute extensa, quatenus in singulis corporis partibus quas informat, tota agit.

Resp. 2º etiam anima uni tantum corporis parti potissimum inesset, ut multis etiam Peripateticis videtur, nihilominus eam corporis formam futuram: ut visus, quamvis certæ corporis parti addictus, totius tamen animalis est facultas, non solius organi cui insidet. Sic anima cum sit intimum motus principium, aut certe id quod omnes motus determinat, formæ rationem obtinet: sive per totum corpus diffundatur, ut nobis videretur; sive in aliqua tantum corporis parte, quemque illa sit, insidet: atque ut gemma in annulo, aut

rex in civitate regia , ita mens in organo phantasie , cum qua adeo cohaeret , sit collocata.

Quin etiam , ut multis videtur , anima sentiens in brutis offa , unguies , cornua , pilos non informat , cum in his partibus nullus sit sensus : sic anima rationalis erit corporis forma , & intime cum eo conjuncta , quamvis non sit per singulas diffusa partes : quod ex arce in qua residet , quæcunque geruntur in corpore , cuius dominatum sortita est , sublimis intueatur ; quod administræ facultates illius mandata perferant . Hinc per oculos objecta cernit , quasi per fenestras pellucido vitro obductas , ac perceptio omnis in cerebro tanquam in mentis regia perficitur . Interim id certum est & inconcussum , mentem esse sui corporis formam , non modo assistentem , sed informantem . Nam inter corpus & animam tanta est connexio , ut mutua sit unius in alterum actio : corpus enim novas in animo excitat cogitationes ; intellectum & voluntatem varie modificat ; atque illa corporis animique communio non fluxa est , & momentanea , sed firma , diuturna , atque , ut loquuntur , habitu ipso , non actu tantum inest . Forma vero quæ assistit tantummodo , agit quidem in id cui adest , sed ab eo nihil patitur : non agit corpus in Angelum , sed vicissim . Est demum illa corporis animique conjunctio homini essentialis ; Quandiu enim est homo , semper manet mutua efficientia animi in corpus , & corporis in animum . Ita fere vit doctiss . in Anthropologia .

Q U A E S T I O I V .

De Intellectu .

Intellectum quoque solent in duas vires parti , scilicet , in cum quem agentem vocant , quique species è phantasmatis exculpit ; & in possibilem , qui eas imagines excipit . Itaque videamus an necesse sit intellectum in duas vires secate . Sit igitur

Prima Conclusio .

Nullus est intellectus agens à possibili distinctus .

Probatur conclusio . 1º nec natura , nec usus intellectus agentis explicari potest . Nam si est cognitionis particeps , cum intellectu possibili omnino confunditur ; nec diversa est ab eo facultas . Quod si nihil percipit , nihil intelligit , non video cui usui esse possit , aut cur intellectus nomine donetur .

2 . Ne illud quidem cogitatione assequimur , qui fieri possit ut intellectus agens è speciebus corporeis alias omnino spiritales & intelligibiles , velut per distillationem quandam extrahat . Quantumvis enim eas collustret , spiritales efficiet nunquam : nec demum formare species ullo modo potest , nisi eas cognoscat : cum omnis cognitionis natura in hoc posita sit , ut mens objecti quod percipit , depingat imaginem .

Confirm. Jam ostendimus alibi facultates animæ ab illius essentialia non distinguuntur : ergo nihil necesse est duplum intellectum comminisci : cum una & eadem facultas , & phantasmatata illustret , & cognitionis actum exerat . Nam actiones vitales in principio unde exirent , recipiuntur ; ac nemo sensum agentem

TRACTATUS TERTIUS.

61;

tem à paciente discriminat: vitalis enim facultas ad agendum seipsum promovet, simul agit & patitur.

Confirm. iterum: quod si intellectus agens nihil percipit, quid eum admonet in ipso velut limine adesse phantasmata, quo illa omnibus exuat materiae conditionibus & abstractas retum imagines intellectui possibili nescio quomodo imprimat, ut est velut seminibus factus notiones suas exprimat: & quo magis inire, non formas originales, sed umbratiles tantum rerum species conspicit, imo ne eas quidem cernit, cum nihil percipiat. Sic intellectus agens est quodammodo actu omnia, & tamen nihil est actu: non enim est actu intelligens; neque est res ipsa intelligibilis, cuius rationem non complectitur; sed miro quodam modo phantasmata irradiat, cum ipse sit cæcus. Hæc sane non solum sunt intellectu difficultia, sed male cohaerent.

Quare in idea, seu in perceptione rei duo sunt observanda: unum, quod sit accidentis, aut qualitas, aut modus quidam menti adhærens, aut ab ea profluens, tumque à mente ut ab efficiatrice causa penderit: alterum, quod rem unam potius quam aliam exhibeat: hoc utique vocant esse objectivum, seu intentionale; estque, ut diximus, velut determinatio motus. Non enim ideae mentis sunt inter se diversæ; quatenus ab ea pendent, sed ab ipsis habent objectis, quod aliae sint sublimes, aliae humiles & abjectæ; neque una est altera præstantior, nisi aut nobilius objectum representet, aut melius exprimat.

Ideam esse duplēcē alibi diximus, Archetypam, qualis est in artifice, queque opus quod molitur artifex, omnino definit & determinat: altera dicatur Ectypa, quæ ab objecto cuius est velut figura aut character, proficiscitur.

Nec forte necesse est alias in mente nostra species aut impressas, aut expressas, de quibus tam multa disputant, comminisci. Vulgata enim in Scholis sententia est retum imagines per sensus, velut per animi fenestras subeuntes in vi imaginatrice depingi, intellectum vero dum percipit, ad ea phantasmata se convertere, & ex iis simulacris alias imagines, quæ species intelligibiles dicuntur, exprimere: hoc autem opus esse intellectus agentis, qui rerum sensibilium species instar solis ejusdam illuminat, easque spirituales efficit: his vero intellectus patiens, aut possibilis foetus, alias rerum imagines parit, quæ species expressæ vocitantur. Impressæ quidem res efficiunt intelligibiles, & diutius durant: nam in mente persistant; etiam cum non percipimus, sed expressæ res actu intellectus efficiunt; illæ similes sunt figuris ceræ impressis, & in mente insunt ut quidam habitus, quibus utimur cum volumus: species vero expressæ comparari possunt cum iis imaginibus, quas in speculo vel in aqua, cum nos intuemur, depingimus: non enim diutius durant quam aspectus noster, suntque instar operationum, & quasi intellectus proles. Vtrum vero hæc ita se habeant, ex dictis jam liquere potest: nec explicatu facile est, quæ sit earum specierum origo, quæ natura, qui usus, aut unde suam cum objectis similitudinem ducant. Non à phantasmatis, quæ nihil sunt præter umbras rerum, & simulacra rudi penicillo adumbrata; non ab intellectu agente, qui nullus est, ac si quis sit, merito queri potest, quam formam aspiciat, aut imitetur, ut imaginem illam, vel speciem tam apte delineet.

Duplex autem, ut identidem monuimus, est animi perceptio, una quæ proprie imaginatio dici solet, cum mens se se ad phantasma quoddam, seu ad im-

praelium in cerebro vestigium applicat; ut cum de circulo cogitat; altera est intellectio, & menti propria, cum ex occasione phantasmatis rem percipit, quæ nullo potest phantasmate comprehendi. Sic ubi solem terrâ centies majorem demonstrat; vel antipodas non prono, sed erecto capite incedere; vel solem ipsum ex variis illius locis moveri colligit, tametsi motum ipsius oculis percipere non possit; aut terram non planam esse, sed convexam intelligit, tum formis quidem utitur corporeis, quæcunque illæ sint: Sed nulla sunt in cerebro vestigia, nullæ in ipsa mente species insculptæ, quæ res ab omni sensu remotas exhibeant: atque adeo semper hoc est redeundum, ea lege animum cum corpore ellè conjunctum, ut certa cerebri vestigia, aut spirituum motus certæ itidem perceptiones animi, aut voluntates consequantur, ac vicissim. Sic vox cum perceptione soni atque cum rei ipsius quam vox significat idea, seu cum perceptione conjuncta est, nec possumus rei imaginem animo depingere, quin soni aut vocis impressio statim recurrat: nam res quæque nunquam solitaria, sed cum signis, quibus involutæ per sensus subicere, occurunt animo. Non quod magna sit similitudo inter voces, aut characteres, quibus sensa animi exprimimus, & cogitationes nostras: sed ex lege ab Authore naturæ constituta impressionem cerebro factam animus percipit, & vicissim animi nutus, & spiritus, & nervi, & musculi statim exequuntur. Hæc variis in locis sparsim, quod permagni sint momenti.

Illiud quoque S. Aug. l. 6. de Musica in memoriam est redigendum, tria esse rerum genera: primum eorum quæ sensus cernit, & tangit; alterum simile corporalibus, sicut sunt ea quæ spiritu cogitata imaginantur, sive recordata, vel oblata quasi corpora contueniuntur. Hæc scilicet ad vim imaginatricem pertinent, qua res etiam absentes nobis exhibemus. Tertium est, inquit, ab utroque discreturn, quod neque sit corpus, neque habeat similitudinem corporis, scilicet sapientia quæ mente intellecta conspicitur, & in cuius luce de his omnibus veraciter judicatur.

Hanc utique sapientiam non per species à phantasmatis abstractas, & ab intellectu agente aliquatas certiimus, sed forte in ea luce, que ut sèpè Aug. ubique lucet, ubique præsto est, neque se dividit per hominum corda, aliam sui partem huic tribuens, illi aliam, sicut lux ista per aditus & per fenestras dormorum; atque eam quisque pro suo modulo percipit. Nam & quemlibet sónum surdus non capit, surdafer non totum capit, atque in iis qui audiunt, tanto magis alius alio capit, quanto est acutioris, tanto autem minus, quanto est obtusioris auditus: ita recte dicuntur oculi mentis tanto esse ab hac luce longius, quanto fuerint cæciores.

Infinita prope in hanc sententiam afferit Aug. quæ si forte non placeant, (quoniam non video quid in iis nos possit offendere,) illuc redeundum est, eam vim habere animam, qua ex occasione sensuum, aut perceptionum distinctas rerum ideas exprimari. Tametsi fateor explicatu esse difficultimum, quæ possit mens tam docte rerum imagines exprimere, si nihil intueatur præter umbratiles rerum imagines in cerebro impressas. Haec quippe imperfectum, atque ut ita loquar, materialem rerum similitudinem gerunt, ex qua rudis & obscura cognitio emergit. An fortè ultima perfectio, aut absolute similitudo ab aeterno exemplari vel idea divina omnino videtur repetenda?

Sic externa veritas exterius nos admonet per imagines à rebus desumptas, sed forte interius docet per illam similitudinem, qua rem ipsam produxit, ut *dispositio*, inquit Henricus Gandavensis, *cujusque rei in esse sit sua dispositio in veritate & cognitione.*

Sed, *inquires*, nec lucem divinam, nec ideas cernimus.

Respondent qui in ea sunt sententia, nos in luce corporea intueri, quæ sub visum cadunt, licet lux ipsa non videatur. Sic lux divina mentibus nostris affulget: quanquam in eam mentis acies defigi non possit; non enim est objectum, sed ratio, in qua multa cernuntur. Non dissimili ratione, inquiunt, idea divina non in seipso, sed in verbo, aut imagine quam menti nostræ imprimit, conspicitur. Tamen fatendum est mentem citra ullam divinam irradiationem, saltem circa res corporeas versari. Nam paucis id contingit, ut rerum naturas in ideis ipsis contemplentur. Dabo id quidem, mentem nostram luce incorporea & divina tum aspergi, *cum ea quæ incorruptibiliter vivunt, in ipsa veritate sapientiaque communi conspicit*: nam ut ait Aug. *sine lumine non potest videri lumen*: sed non necesse est ut ad hanc lucem confugamus, cum solem ipsum, aut lunam, aut terram, aut res corporeas intellectu percipiimus: quod alibi fuisus explicatum leviter perstringimus.

Illud etiam merito queri potest an præter ipsas perceptiones admitti oporteat formas quasdam, aut species ab intellectu distinctas quæ objecta ipsa exhibeant, & repræsentent. Gravis enim nuper exsistit inter vires doctiss. contentio an quat intellectus percipit per ideas quasdam ab ipsis perceptiōnibus distinctas contueatur: adeo ut non tam res ipsa, quam earum ideæ immediate cernantur; an potius non alia specie, aut idea, aut imagine opus sit quam ipsa perceptione, quæ rem exhibet. Sit itaque

Prima conclusio.

Nihil opus est specie intelligibili ab ipsa perceptione discreta.

Probari potest conclusio multis argumentis, qua summatis perstringimus. 1º quod illa idea, vel imago à perceptione sejuncta sit omnino inutilis: cum perceptio ipsa rem cognitam objective, seu modo intelligibili repræsentet. Cum enim circulum intelligo, non illius imaginem quandam à cognitione secretam, sed circulum ipsum percipio. Ac si cognitione reflexa quid intelligam, paulo attentius considerem, non aliud occurrit, quam ipsius circuli perceptio, quam circulus ipse, ut est objective, seu ut cognitus est à mente. Entis vero illius repræsentativi, sive species, sive imago dicatur, nisquam menti nostræ se habet. 2º Cui usui erit illa species à cognitione distincta, nisi mens illam percipiat: ergo ut circulum cognoscam, dupli opus erit perceptione, una qua ipsam ideam, aut speciem circuli intelligo; alteram, qua circulum. Quorsum illa ambages cum perceptio mihi circulum exhibeat eo ipso quod sit perceptio. Cumque Deus mihi facultatem percipiendi corpora impertiit, simul efficit ut mentis perceptiones corpora repræsentarent citra novi entis, aut novæ imaginis auxilium. Cum enim rei alicujus, ut circuli, aut quadrati notionem habeo, in ea notione ipsius circuli, aut quadrati proprietates inquirio; cumque affero aliquid includi in idea circuli, per ideam non aliud intelligo, quam circuli ipsius perceptionem, non formam quan- dam rei repræsentricem, ab ipsa mentis notione sejunctam.

Solvuntur objectiones.

Opp. 1. Non potest intellectus rei cognitæ similitudinem exprimere , nisi formam habeat objecti quod percipit : sed forma illa non aliud esse potest , nisi species impressa , quæ cum per sensus subierit , & à vi imaginatrice perfectius fuerit elaborata , supremam huic manum intellectus agens imponit . Nam ipsum adesse objectum non potest : ergo per speciem sui vicariam sibi debet ut intellectum moveat , & ad cognitionem determinet .

Rsp. Nos rerum imagines , quocumque vocentur nomine , aut species , aut ideas non rejicere ; sed negamus eas ab intellectu agente , eo quo fingunt modo illustrati aut eas ab ipsis perceptionibus esse distinctas . Non enim potest intellectus agens objectorum imagines depingere , si nihil ipse percipiat . Neque earum rerum quas in seipso mens intuetur , ut gaudii , amoris , desirii , necesse est ut habeat vel phantasmata , vel impressas imagines : harum enim est conscientia : Deum & rationes rerum universales , aut spirituales eo modo cognoscit , quo alibi diximus ; quæ vero sunt per sensus accepta intuetur in phantasmatis . Sed ad phantasmata , aut cerebro impressas imagines non attendit , cum res sensus sensu perceptas sua singularitate exiūt : licet forte cum phantasmatis eas perspiciat .

Opp. 2º Res corporea spiritalem facultatem movere non potest , aut informare : ergo necesse est ut species à rebus acceptæ , quæque phantasma dici solent , intellectus agentis luce purgantur , & in meliorem formam commigrent , quo intellectum possibilem afficeret , & quasi fœtare valeant : non enim simulacra corporea , sed res spirituales , & universales jam abstractæ , & quasi penicillo intellectus agentis formatæ menti imprimitur .

Rsp. phantasmata quidem corporea in ipso intellectu non excipi : sed id non obstat quominus mens ea percipiat , iisque excitetur ut alias imagines seu perceptiones longe perfectiores concipiendo exprimat . Quæ autem dicimus phantasmata , nihil sunt præter affectiones , seu impressiones quædam ab objectis profectas , & in cerebro superstites , quæ vix ullam habent cum objectis , aut ipsis imaginibus quas mens cogitando depingit , similitudinem . Quæ enim est similitudo inter characteres quos nunc exaro , & cogitationes ipsas ? Sed ut ræpe diximus , ea lege mens cum corpore juncta fuit , ut certos cerebri , aut spirituum motus certe itidem perceptiones subsequantur , & vicissim : Ac perceptio omnis est essentialiter sui objecti representatrix .

Accedit etiam quod , ut superius diximus , mens sit velut mensura quædam universalis , aut ratio quædam qua mutuas rerum habitudines , aut respectus cognoscimus . Nam ut visus colores , auditus sonos dimetitur , sic mens nostra ad ens omne pertinet ; cumque veritates ipsæ sint inter se connexæ , ubi mens unam percipit , plures aliae velut in eadem serie constitutæ quasi ultro se se offerunt . Cum circulum v. gr. in charta delinatum intueror , mens potest eum in universum spectare , & nota singularitatis exuere . Tum idea illius , aut perceptio naturam circuli generatim spectati exhibebit . Deinde per cognitiones reflexas illius proprietates evolvam : neque necesse est novas entitates præter ipsis perceptiones mentis communisci : sed attentio & perceptio animi reflexa id totum efficit .

Instant. Est in nobis memoria rerum intellectualium, imo & affectionum, & cogitationum nostrorum, quæ per phantasmata exprimi non possunt. Nam meminimus nos cogitasse, aut amasse, aut doluisse: ergo manent in ipso intellectu species impressæ, quas intellectus agens ex ipsis phantasmatis excusat.

Responsum jam alibi fuit cum S Aug. res intellectuales, ut rationes numerorum animis nostris semper esse præentes: sed eas non esse in memoria nisi postquam eas didicimus. Nos itaque earum rerum meminimus, cum nostrorum cogitationum, quæ semper sunt cum aliqua cerebri impressione, aut spirituum motu conjunctæ, & modi, quo res ipsæ intelleximus, recordamur. Semper enim res intellectuales cum signis, quibus involute animum subiære, sese offerunt. Nec fortè rerum spiritualium species in memoria sunt reconditæ: quæ enim potest esse aut veritatis, aut dilectionis, aut sapientiae imago? sed vestigium quoddam manet, quod præterita cogitatio cerebro impressit: quo quidem vestigio ad rem ipsam antè perceptam ducimur ob eam connexionem quam saepè attulimus. Itaque non imagines, sed res ipsæ intellectuales animo sunt præentes. Unde cum Aug. l. 10. Conf. quæsisset in qua parte memoriarum nostrarum Deus maneat, primum negat eum inveniri inter imagines rerum corporalium quas habent & bestiarum. Deinde ne in illa quidem parte memoriarum Deum invenit, cui commandantur affectiones animi nostri, quod eæ sint mutabiles: sed in ea parte animi Dei speciem esse decernit, ubi sunt numerorum dimensionumque rationes innumerabiles, quarum, inquit, nullam corporis sensus impressit: quia nec ipsæ colorata sunt, aut sonant aut olent, aut gustata, aut contrectata sunt. Atque ubi earum rerum meminit, eas invenit ubi primum invenerat, in illa scilicet incorporea veritate, unde rursus quasi descriptæ memoriarum infiguntur.

Ista quidem ex Aug. passim attulimus, cui visum est è dignitate naturæ intellectualis esse, ut rerum cognitionem non à rebus ipsis mutueretur, & quasi emendaret, sed ab ipso fonte hautiat, & ab ea arte qua factæ sunt, discat. Eam esse constantem Platoniconrum doctrinam subinde monuimus. Id enim ipsis vixi est animam humanam esse velut in confinio intelligibilium, & sensibilium utrisque connexam. Necesse adeo est ut illa contempletur, & ex eorum nutu hæc moderetur. Aci si credimus Platoni, mens non potest pulchra à non pulchris secernere, nisi regulam pulchritudinis, aut æqualitatis invenatur.

Id vero passim probant SS. Patres, ut præ cæteris accurate explicat P. Thomassinus, ex inspectione veritatis incommutabilis numerorum & figurarum, & ex illius consultatione. Quidquid enim audimus ab homine, etiam si magistri autoritatem habeat, an id verum sit, intus consultamus, & luci veritatis intime assentimur. Unde & regulas justitiae, sapientiae &c. quodammodo inspicimus. Oculus quidem mentis per peccatum fauciatus est, non effossus. Ex luce superstite & quasi crepusculo post Adami peccatum, coruscationes quædam momentaneæ nobis affulgent: nam oculus mentis sensibilium umbris innutritus lucis impatientia laborat; in tenebras consuetas relabitur.

Intelligibilia vero per seipsa intelligi, non per vicarias sui species constanter docet Aug. Nam ubique sunt, & menti intima. Unde supervacaneum esset rei

præsentis, & interitutæ imaginem elaborare. Veritas æterna semper inest mente; sed mens non semper ipsi vacat; sensibilia possunt videri, & non haberi: sed veritatem habet, quisquis videt. Nihil cognatus veritati quam mens; nulla vero imagine repræsentari potest, nulla species eam imitari, sola est sui similis. Unde species creata, si que sit, eam obscurare potest, non illustrare.

Neque tamen ii sumus, qui Deum in hac vita à nobis videri etiam per subitas, & intercisas coruscationes arbitremur. *Nemo enim, inquit ipse, me videbit & vivet.* Quanta quanta sit lux illa divinae naturæ quam nobis splendor; eam non nisi minute, oblique, & caliginosè videmus in hac vita. Nam ut pulchre Vir mox laudarus, fidei disciplina ænigma est; creaturæ cuiusque vel præstantissimæ repræsentatio speculum est. *Quod si autem sit quædam intellektionis scintillatio, raro ea contingit, & est momentanea; simul datur, & subtrahitur.* Ea claritas, aut fulgor phantasmatum undique insilientium caligine confunditur. Repentina fulgurant lumina: nox tamen est. *Quod à longe suspicamus, non videmus;* coram est & splendidum, sed accedere oportet; nec tam intuemur, quam ad intuendum invitamus: ex parte enim cognoscimus, ut docer Apostolus.

Quidquid veritatis nobis affulget, ex Deo est: nec tamen Deum idcirco videamus. Nam dæmones veritatis regulas contuentur. Unde ejusmodi veritas magis auditur, quam cernitur. Hinc Aug. docet l.2. de serm. D. in monte, mirum non esse quod Deus testante lib. Job. cum diabolo sit locutus, cum animas impiorum quotidie alloquatur. Et serm. 16. de diversis advertit in lib. Job. cautissime dici quod diabolus in conspectum Dei venerit, non Deus in conspectum diaboli. Non enim is videt Deum, ac torum illud genus videndi Deum, de quo sape Aug. est symbolicum: sunt enim spiritalia symbola quibus Deus eminus conspicitur.

Illud vero inter Adami visionem & nostram discriminis esse existimat Tho-massinus, quod illa ad libitum perennis esse possit nullo phantasmatum fluctu, vel curarum æstu obstrepente. Hæc vero est momentanea, statim recurrentibus phantasmatis, rara, & difficillima. Utraque tamen videri potest symbolica; nulla quidem interposita imagine, sed ipsa longinquitate caliginem inducere, nec Deum sicuti est videre permittere.

Unde ut ipsi quidem videretur, Peripatetici animam humanam ad materiæ conditiones dejecterunt, & mente carnalem hominem fecerunt; Platonici carne mentalem. Hi finixerunt hominem qualis esse debet, & qualis fuit ante quam laberetur. Illi naturam non distinxerunt à pœna, integratatem à ruina. Quod mens superne irradietur, quod cuncta non intelligat per phantasmatum, quod sensibus dominetur, hæc videtur suprema lex naturæ, & ad animi dignitatem pertinere. At vero quod mens corporalia primùm consular, hæc forte est ordinis perversitas, & naturæ ægritudo. In medio posita non potuit labi, quia ad infima descenderet. Erraverunt, inquit, Platonici, sed excusabilius, quod culpam hominis non viderint; erraverunt Peripatetici, sed fœdus, qui dignitatem anime quasi luto asperserunt, ac mentem corpori subjecere, quam corpus menti vindicare maluerunt. Verum ad institutum nostrum redeamus.

Opp. Qui contendunt nos corpora per species distinctas ab ipsis perceptioni-

bus intelligere , rem percipi non posse , nisi præsens sit menti , per se ipsam , vel per imaginem . Sol vero , aut aliud corpus non adest per seipsum ; non igitur percipi à mente potest nisi per imaginem .

Reſp. solem adesse menti , & ab ea percipi , licet non sit præsens localiter , sed objective : perceptio enim est ipsius repræsentatio ; nec mens solis imaginem , sed solem ipsum percipit . Cum circulum in universum cognosco , nulla est illius præfentia localis aut in mente , aut in cerebro . Si quæ sit enim in cerebro depicta circuli imago , hæc singularem & determinatum circulum , ad quem mens non attendit , omnino repræsentat .

Sed , inquit , quæ contuemur objecta sive speculis , sive acie directa , hæc per imagines à visione distinctas cernimus , eaque coram adesse necesse est : Atqui eadem est ratio eorum quæ mente percipimus .

Reſp. nos imagines ipsas , quæ ab objectis manant , proprie non cernere , sed in iis objecta intuemur . Non enim video imaginem quæ in fundo oculi delinatur ; cumque in speculo imaginem videre mihi videor , tum meipsum innotescor in speculo , non meam imaginem .

Vrgebis. In homine est memoria quædam , quæ nobis cum bestiis non est communis : ergo manent in mente ipsa impressæ rerum imagines .

Reſp. memoriam rerum etiam sensibilium , quæque homini propria est , & reminiscientia vocari solet , in eo maxime esse positam , quod ex multis phantasmatibus , quæ cerebro sunt impressæ , mens ea felicitatib[us] indiget , reliqua quæ turmatim erumpunt , abigit . Meminerunt vero bestiae cum phantasmatata eo fere ordine quo subierunt connexa solent recurrere ; nec se meminisse percipiunt , nec quæ sibi opus sunt reje[n]ctis aliis eligunt ; nec quærunt abdita in cerebri cellulis , aut inventa recognoscunt . Cum autem quæ sunt in cerebro vel ingravescente ætate , vel morbi alicuius vi delentur , tum omnis memoria excidit : magno sane arguento species rerum intellectui impressæs non remanere .

QUÆSTIO V.

De cognitione brutorum.

HUJUS temporis Philosophos in tres velut partes divisos videmus . Qui Cartesium sequuntur , omnem cognitionem , imo & sensum bestiis admunt , easque ut machinas , seu automata à summo Artifice elaborata considerant : Alii è contra non cognitionem modo , sed & rationem brutis tribuere videntur . nos medium inter extremas opinionem sequemur . Sit itaque

Prima Conclusio.

Bruta & sensu , & cognitione , & perceptione quadam donantur .

Multis argumentis probari potest conclusio , quæ quantum fieri poterit contrahemus . 1. Non minus videtur certum bestias aut sentire , aut percipere , quam certum est eas oculis , auribus , & aliis ad sentiendum aptatis organis esse præditas . Non enim est verisimile bruta oculos ab Authore naturæ accepisse , tametsi non vident , nec percipiunt quicquam ; aut nihil ea esse aliud

quām machinas, quā nihil sentiunt, nihil agunt.

2. Nihil est fere quod ab experientia, à communi hominum sensu, & ab ipsa evidentiā magis abhorreat, quām sensum & cognitionem bestiis admire. Fieri enim vix potest ut canis v. g. venaticus per compendia viarum leporēm insequatur; aut lepores ipsi per varios flexus canes insequentes elidunt; aut bestiæ aliae struant insidias, ut quæ ex præda vivunt, si omni omnino cognitione priventur. Hoc sane nunquam venatores qui ferarum artes & astutias norunt, in animum suum induxerint: non enim eos fugit quām vafri sunt veteres lepores præ junioribus; ut canibus per varios cursus illudant; ut in sua recurrent vestigia; ut per medias aliquando oves penetrerent, quo vervecinus odor vincat odorem pedum; ut cervus dolosus soleat aliū sibi defessō supponere. Nemo tantam solertiam in automate potest bona fide agnoscere; quantam in equis, canibus, simiis, elephante, & omnibus pene animantibus cernimus.

Respondent nonnulli illas bestiarum astutias ex occultiore quodam naturæ instinctu prodire.

Id ultro fatemur; sed merito contendimus instinctum illum citra ullam cognitionem, aut perceptionem intelligi non posse. Instinctu naturæ canis ad venandum impellitur: sed nisi in eo esset velut docilitas quædam, perdice olfactu: aut visu deprehensa, tremulo caudæ motu venatorem non admonereret.

Verūm, *inquiunt*, canes longa assuetudine, verberibus etiā, aut blanditiis & aliis artibus formantur & instituuntur. At hoc ipsum videtur omnino evincere bestias nec sensu, nec perceptione destitui. Nam illa institutio, docilitas, plagarum quæ acceptæ sunt, memoria, metus impendentium, prædæ ipsius cupiditas citra sensum, cognitionem, appetitum, voluptatem, dolorem denique intelligi non possunt: nec subtile & exquisite quedam rationes apud nos plus valere debent, quām oculorum testimonia, mille experimenta, omnium pene qui hactenus extiterunt, consensio. Verūm id nunc non agimus, ut rem apertissimam vel rationibus, vel sensuum evidentia demonstrandam aggrediamur.

Cum tamen paucis abhinc annis conscripti ea dē te complures sint libri, ac præ ceteris unus de anima brutorum Gallico sermone elaboratus, in quo Author omnem sensum & cognitionem bestiis admirat: cui opusculo responsum fuit ab optimo & excellentis ingenii viro P. Le Boffu, S. Aug. cum viveret, Canonico Regulari: Hujus operis ante alteram hujus Philosophiæ editionem Patres ejusdem Congregationis nobis copiam fecerē: id nobis tum visum fuit, quæ in eo codice nondum edito fuse quidem, sed erudite admodum scripta sunt, sic in pauca conferre, ut cum res postularet judicium quoque nostrum, ordinem, & responsiones adhiberemus.

Primūm igitur, quòd hæc tam celebris quæstio agitari possit, ea videtur adhibenda regula, res dubias & obscuras ex similibus potius explicari oportere, quām ex incertis conjecturis, aut ex rebus omnino incognitis divinare. Illud vero nos non fugit, multas à nobis actiones cum cognitione exerceri, quæ iis sunt consimiles, quas bestiæ exerunt: nam & oculis videmus, & auribus audiimus, & tactu, aut gustu, aut odoratu percipimus. Quanquam mechanicum artificium organis nostris non desit: cur igitur bestiæ sensum omnem, aut perceptionem.

TRACTATUS TERTIUS.

621

ceptionem detrahimus, quod nobis persuadeamus ea quæ agunt, ex mecha-
nica partium dispositione ab iis fieri.

2. Cum rei naturam, & quem in hoc universo locum aut gradum nostra sit,
dignoscere volumus, ea cum aliis rebus gradu proximis seu in superiori gradu,
seu in inferiori sint constituta, est conferenda, ac videndum in quo ea res
cum viciniis conveniat, in quo itidem ab iis dissideat. Itaque bestiae cum in-
fantibus & plantis conferri possunt, & quid cum utrisque sit commune, in
quo ab iis discrepant, judicari; nec satis eorum naturam alsequemur, si eas
tantummodo ad machinas, aut horologia exigamus.

Hanc utique viam ubique insitit Augustinus, neque is negat, aut nos ipsi
inficiamus cuiusvis animalis corpus admirabilem esse machinam suis organis
aptam; multa ab iis fieri citra cognitionem ullam: ut multa quoque anima
nostra efficit, cuius non est conscientia. Nutu quidem & imperio voluntatis & lo-
quor, & scribo, & ambulo; sed quicunque ab animo motum aut impetum acci-
piant spiritus, & nervi, penitus ignoramus. Quare cognitionem & mechanicam
partium dispositionem conjungere oportet, non unam ab altera divellere.
Machinamentum, inquit August. de quantitate anime, *configuratio quedam*
corporis coaptat. Verum ea non sola & citra cognitionem sunt, aut animam
ipsum excludunt: nam ut idem subjicit, *& nutu anime, & nervorum quo-*
dam machinamento, & pondere corporis confiunt.

In conformatione foetus nullus quidem est cognitioni locus: sed cum videamus
corpus sponte sua ingredi, que sibi opus sunt, quererere; quæ noxia fugere;
aliis infidias struere; cum felis tenebrosum locum captat, ubi à mure quem ve-
natur, videri non possit, & iisdem protinus utitur organis, quæ ad res pene si-
miles adhibenus, an quisquam bona fide sibi persuadebit, hæc & infinita
prope quæ nostris quotidie oculis obversantur, non modo citra ullam perce-
ptionem, sed etiam citra omnem sensum sola machine organorum structura
perfici.

Neque illud verum est, quod idemtide afferunt, nihil anime tribuendum,
cujus ipsa non sit conscientia, & quod non noverit ad se pertinere. Loquimur enim
& scribimus, cum volumus, & eos motus anima efficit; qua autem ratione
iis fiunt, penitus ignorat; dummodo de fine & executione rei facienda vel
minimum cogitet, statim omnes machine rotas, quas non magis perspectas
habet, quam motus ipsos, ad agendum impellit, & determinat. Hinc pulchre
Aug. l. 2. de ordine, *ex eo nos quoque certis dimensionibus, & ratione lingam*
dentibus & palato accommodamus, ut ex ore literæ ac verba prorumpant: nec
tamen cogitamus cum loquimur, quo motu oris id facere debeamus. Paulo ante
dixerat: *Non ergo numerosa faciendo, sed numeros cognoscendo melior sum*
bestiis: ubi innuere videtur opera quidem rationabilia, quæ numerosa vocat,
à brutis fieri, quorum rationes non perspiciunt: tum subiungit, *at me non*
aliud pecori preponit nisi quod rationale animal sum. Itaque non sensus, aut
cognitio, sed ratio sola nos à bestiis secernit. In libro de quantitate anime ra-
tiocinium quoddam infantibus & bruti largiri videtur, sed rationem, quæ est
quali ratiocinii finis, uni homini concedit. *Cum ratio, inquit, sit quidam*
mentis aspectus. Et infra: *Ratiocinatio autem est rationis inquisitio. id est aspec-*
etus illius, per ea quæ aspicienda sunt, motio. Quare ista opus est ad quaren-

dum, ratiocinatione nimirum; illa ad videndum. Sed tutius tamen est ut rationem omnem, sic ratiocinationem bestiis detrahere, ut infra cum de cognitione brutorum agemus diligentius, probabitur. Quanquam huic potius assentire sententiae quam eximus cum viveret Philotophus & Medicus D. de la Chambre tuerit, in brutis rude quoddam esse ratiocinum circa res particulares, & sensibiles, quam Cartesio, qui ea omni cognitione & sensu mulcat. Nam & futura praevidere, & media que ad finem ducunt, conferre, & deliberare quodammodo videntur. Neque canis in mensam, si altior sit, statim exilit, sed primum in proximam cathedram, hinc in mensam ascendit. Verum illud ratiocinij aut deliberationis magis umbra quædam est quam verum ratiocinum, quod non adeo angustis finibus cocreatur, sed cognitionibus longe sublimioribus continetur, quarum aliae aliis sunt connexæ. Sic felis spirituum motu ad agendum impellitur: cum satur est, is venationem murum non eligit, nisi novi objecti occasione quadam, aut alia determinatione excitetur; idque tam subito, & tam precipiti quadam ratione efficitur, ut nullus sit deliberationis, aut electioni locus. Potest quidem felis idem fere agere, atque infans molitus, cum eum avicula insidiari videmus: cognoscit enim quod vult facere, suo quoque modo ratiocinatur, tametsi nondum rationis usus donetur.

Jun affectus ipsi in bestiis ut in hominibus sunt conspicui, neque ii citra cognitionem esse possunt. Quid enim cipiunt, aut metuunt, nisi bonum, aut malum imminens & cognitum. Quod vero passiones omnes ex solo spirituum motu, non ab anima pendere contendunt, id minime concedimus: nam canis herum tam animole non defenderet, si omni cognitione destitueretur: affectus à motione corporea, aut spirituum agitatione initium ducunt; sed cum illa commotio ad animam pertinet. & ab ea cognoscitur, tum sua uitia cognitione, ut exploret media & rationes quibus affectus ipse expieatur; tum ii sequuntur corporis motus, qui citra perceptionem intelligi minime possunt.

Cum castores in Canadensi regione instanti hieme tam solerter domos ex ramis arborum extruunt prope fontium origines; cum molem aquæ profluenti opponunt, ut in stagni modum sistatur; cum duces instant operi, & tardiores verberant: an forte hæc omnia citra ullam cognitionem, aut sensum perficiuntur? codem quidem modo omnes testa sua in loco paulo accliviore ædificant, tabulatis ea distinguunt, oblonga spiracula, quo subire possit aëris, in parte summa relinquunt; sub aquam cam opus est, se recipiant; idque manifeste probat non proprio ingenio, non ratiociniis, sed instinctu ab Auctore nature accepto ad agendum eos impelli: verum citta aliquam cognitionem hæc fieri non posse crediderim.

An forte nobis argumenta querenda sunt quibus persuadeamus bestias exteriori & interiori sensu, ac memoria donari? An asinus cum est in precipiti loco, nec verberibus promovetur, nullo periculisensu, nullo timore mortis afficitur?

Quid de memoria dicam, quanta est in equis, in canibus, in simiis? *Habent enim*, , inquit Aug. l. 10. Confessionum c. 10. memoriam & pecora, & aves, alioqui non cubilia nidosve repeterent, non alia multa quibus affuecent: neque enim affuefcere valerent ullis rebus nisi per memoriam. Sed frustra tem-

pus terminus in iis probandis quæ omnibus sunt notissima. Itaque objecti-
nibus faciamus satis.

Diluuntur objectiones.

Opp. 1. nihil esse in brutis nisi corporeum & extensum : sed cognitio aut percep-
tio non est corporea , neque affectio , aut modus rei extensa : cum ea nec
dimensiones habeat , nec figuram ; neque enim perceptio aut cogitatio quadra
vel rotunda , uti nec longa vel lata concipi potest : ergo in brutis nulla
est perceptio , ac ne illa quidem quæ sensibus tribuitur : cum perceptio nihil
habeat cum extensione commune , cum utriusque ideae sint omnino diversæ.
Atque hæc velut demonstratio non Cartesio tantum , sed & plerisque meliori-
ris notæ Philosophis videtur. Nec tamen difficilis adeo est responsio.

Itaque resp. neg. min. Nam quæ in bestiis sit perceptio , est corporea &
extensa : cum nihil nisi corporeum & per imagines corporeas percipient. Sic mo-
tus rei extensa seu corporis , est modus , seu affectio corporea , nec motus est
corpus quoddam : neque enim corporis substantia motus accessione augetur:
est tamen quid corporeum. Itaque substantia corporea dimensiones suas ha-
bet , & figuram , non item modus cuiusque substantiae corporeæ.

Quod autem de sensu , aut de perceptione afferunt , ideam rei percipientis
nihil habere cum rei extensa idea commune ; perceptionem & extensionem
toto genere differre : hoc ipsum de motu dici potest , qui tamen est modus vel
accidens corporis : fatemur enim perceptionem , uti & motum , non esse de
ratione corporis : sed hinc non sequitur , utrumque eidem subjecto insesse non
posse. Nam idea medici diversa est ab idea musici: hoc tamen non obstat quo:
minus idem homo simul & medicus sit & musicus : tametsi musica homini qua-
tenus est medicus , non convenit. Non dissimili ratione extensio & perceptio
eidem substantiae insesse possunt : quanquam perceptio forte non est modus
substantiae quatenus est extensa , atque ut loquuntur , reduplicative : sed nihil
prohibet , quominus substantia quæ est extensa , ut aiunt , specificative , ea-
dem & sentiat & percipiat res singulares & corporeas.

Sed identidem id obtinunt , essentiam rei cogitantis in ipsa cogitatione ,
aut saltem in sola cogitandi facultate esse possum : ut essentia rei extensa in
in extensione posita est. Cum cogitatio ipsa sit primum quod in re concipiatur ,
& unde reliqua manant illius & proprietates & functiones ; cumque extensionis
& cogitationis due sint distinctæ & totales ideae , quarum una nihil habeat
cum altera commune , palam est ambas esse insociabiles , nec rem extensem co-
gitare posse , aut vicissim.

Resp. Quod jam alibi responsum fuit , sed id majorem fortasse lucem postu-
lat , duas esse , & distinctas ideas rei extensa , & cogitantis : discrimen au-
tem omnem ex ipsis attributis cogitatione nimis & extensione , non ex ipsa
substantia repetit it. Est enim substantia ex Cartesio ipso id quod nullius rei
creata auxilio indiger ut existat : diversæ sunt ideo cogitationis & extensionis ,
ut Musici & Medici , ac discrimen omne non ex homine ipso , sed ex attributis
Musicæ & Medicinæ est repetendum. Unde idem homo & Musicus & Medicus
esse potest. Falsa itaque est conclusio quam eruant , quod ex discrimine attri-

butorum inferenda sit substantiarum differentia. Neque id damus totam rei cogitantiū essentiam in facultate cogitandi esse positam: non enim id magis verum est, quam totam Medici naturam in medendi facultate esse constitutam; nisi forte de Medico, quatenus Medicus id intelligas: hoc enim concedimus. Quo quidem modo extensio non erit cogitationis subjectum; sed substantia quae est extensa, potest eadem cogitate. Nec cogitatio id primum est quod in re cogitante concipitur, sed substantia ipsa quae cogitat: ut extensio non est rei extensa natura, sed modus, aut attributum.

Verum instant acutius, rerum distinctionem non aliunde colligere possumus, quam ex attributorum diversitate: sed quae major diversitas esse potest quam inter cognitionem, & extensionem: ergo res extensa & materialis, eadem cogitare non potest.

Resp. Ex solis quidem attributis nos judicare, an eadem substantia ea possit excipere: cum substantia per seipsum non cognoscatur. Itaque intuendum est, an unum attributum exigat, vel excludat alterum; aut si inter ea nulla sit aut repugnantia, aut indivisa societas; exclusio aut exigentia. Sic idea circuli excludit ideam quadrati; idea albedinis non includit extensionis ideam: corpus rotundum non excludit corpus quietum, neque id in suo conceptu involvit. Sic ut nobis quidem videtur, perceptio extensionem non includit, nec penitus excludit; atque eadem substantia in quo modo extensionem & perceptionem potest excipere. Neque id intellectu difficulter est, quia duo modi adeo diversi, nec tamen oppositi eidem substantia insint, quam quod substantia ita diversam arcto nexus in eodem homine conjugantur.

At enim, *inquiunt*, an vermis, ostreum, an exilia animalcula, que novo microscopio dereguntur, percipiunt, imaginantur, meminerint.

R. Id nobis incertum esse penitus an cogitent, aut percipient, sed ea sentire non dubium est; nihil enim absurdum est si sensus circa vim imaginatricem in nonnullis admodum imperfectis animalculis reperiatur, ut vita est in plantis sensu destitutis. Hinc Aug. lib. 12. de Trinit. *Nam cum aliquid oculis cernitur, continuò fit ejus imago in spiritu: sed non dignoscitur facta, nisi cum ablatis oculis ab eo quod per oculos videbamus, imaginem ejus in animo invenerimus.* Et si quidem spiritus irrationalis est veluti pecoris, *huc usque oculi nuntiant: si autem anima rationalis est, etiam intellectui nuntiatur.* Cum autem in vermis sensus admodum rudis sit, & imperfectus, nihil necesse est in iis vim imaginatricem agnoscere, que rerum imagines aut formet, aut conservet.

Sed molestissimis inquirunt an non potuerit Deus bestias cognitione & anima destitutas condere, cum sola partium dispositio idem possit efficere, quod praestaret anima.

Resp. Eandem de homine moveri questionem posse, an Deus potuerit efficeri, ut eadem substantia corporea subjectum esset cogitationis intellectualis. Non hoc loco querimus quid Deus facere potuerit, sed quid effecerit, quem renum statum considerit. Quod autem plerique Cartesiani solent objicere, metuendum esse ne homini omnis cogitatio aut perceptio adimitur, si nulla sit in bestiis: id utique nihil est. *Quis enim homini persuadeat, nihil cum percipere, nihil cogitare.* Quare ejusmodi ratiunculae ex utraque parte sunt abiendi.

Sic illa ratio qua plerique utuntur ex bonitate Dei desumpta , meo quidem judicio nihil habent roboris : negant bestias si sensu donentur & cognitione , tam miseris esse oportuisse : cum nihil promeruerint , ac sub justo Deo nemo miser esse possit , nisi mereatur , ut passim docet Augustinus. Verum h̄c ad unam Dei bonitatem animum intendunt , non ejus potentiam & summum in creaturas dominium considerant : deinde bestiarum labor cum voluptate conjunctus est : tandem in gratiam hominis conditæ sunt , ac sepe puniri debent , ut cum canis herum momordit. Quare missis his ratiunculis e Morali aut Metaphysica desumptis ad physicas & solidiores redeamus.

Opp. 40. Nullam esse perceptionem quæ non sit spiritalis , quæque in ipsisam non reflectatur : cum omnis perceptio sui præsentia animam afficiat : cum video , mea visio sui sensum efficit , eam adesse animus citra ullam reflexionem admonetur. Cum itaque perceptiones suas bestiae percipiant , perceptionem earum esse spiritalem fatendum est : atque omnis perceptio materialis omnino est inutilis ; quid enim , an ex iis motus corporis adeo artificiosi ducuntur ? Ut cum fallente vestigio lapsuri nos tanta arte , quanta vix ab homine in Mechanicis eruditio explicari potest , continemus. Eiusmodi actiones nec intellectus lumen , nec voluntatis nutum expectant ; sed omnino prævertunt. An fortè ex sensibili perceptione discimus quasdam corporis partes sic esse premovendas à centro gravitatis , ut corpus libratum in aequilibrio permaneat. Atque ut concedamus perceptiones alias in se reflecti , alias non item ; an fortè hinc sequitur perceptiones non reflexas , easdem esse materiales ? Atque ut sint in bestiis hujus generis perceptiones sensibiles , an fortè harum non erunt conscientia , nec bestiae se sentire cognoscent?

Resp. Non eam esse primam & summam inter perceptiones spiritales , & materiales differentiam , quod illæ sint cum reflexione conjunctæ , materiales non item. Sed quadam sunt perceptiones , quæ circa materiam , tanquam objectum suum versantur , quæ ab ea pendent , & sunt sensibiles , ut perceptio colorum , alie non item. Sic alia est vis animi qua dolorem ex ictu baculi percipimus , alia qua utrum dolor in malis habendus sit , differimus. Itaque longe major est inter eas perceptiones , quæ sensibiles dicuntur , & materiam cognationem inter perceptionem spiritalem & materiam ipsam.

Quod autem aiunt perceptionem omnem ab anima percipi , & sui præsentia quodammodo sui sensum efficere , perceptionem ipsam cum objecto percepto confundunt , cui nomen perceptionis , quatenus cognoscitur , sepe tribui solet. Sic itaque perceptio omnis ab anima percipitur , eo ipso quod præsens sit. Sed reflexam perceptionem hoc loco accipimus pro mentis operatione priori superaddita , qua se cognoscere animadvertis. Hæcque in bestiis non occurrit. Cum infans pilam currentem videt , tum illius perceptio non est spiritalis ; sed cum adultus suam perceptionem cognoscit , tum spiritalis illa & reflexa cogitatio naturam animi spiritalem demonstrat. Nec inutiles sunt perceptiones materiales quas bestiis tribuimus , licet ex iis bestiatum motus mechanici explicari non possint. Sic ubi per angustiorem trabem incedimus , ac nimis in unam partem inclinamus , tum pondus quo in eam partem trahimur , sentimus ; atque hic sensus efficit , ut in partem alteram corpus retrahatur : ut canis igni propior

vim caloris percipit, quo sensu admonetur, ut longius recedat. Nec perceptiones illæ sensibiles nos docent quo artificio corpus in æquilibrium restituatur, ubi pene collapsum est. Verum id quidem est in omnibus fere quæ agimus. Nec scribendi voluntas me docet qui spiritus, & per quos tubulos in digites ad pingendum mittantur: & tamen ea voluntas efficit ut scribam. At quid prouident cogitationes bestie, quarum non est conscientia, cum percipere se nesciat? Verum quidem est canem verberatum percire quid sit dolor: sed dolorem tamen sentit, ut homo ex vulgo, tametsi is doloris naturam nesciat: sed clamat, & dolore affici manifestis indiciis testatur.

Opp. 2º Moveri tantum, aut figurari corpus potest, non reum percipere, aut sibi exhibere; quantumvis illud exagites, aut ad summam tenuitatem exalte, aut pulchra imagine imprimas, nunquam ad eum perfectionis gradum illud perduxeris, quem perceptio exigit: ergo & substantia corporea nihil percipit.

Resp. diff. ant. Materia ex se quantumvis sit tenuis aut lucida, vim percipiendi habere non potest, *C.* ex conditoris voluntate & certa illius lege corpus organis suis instructum, & ad certos usus destinatum vim sentiendi aut percipiendi vi sua compositionis habere non potest, *N.* Quod si enim figura, partium apta collocatio, motus denique tam admirabiles efficiunt in machinis procreant, quæ ad solam materiam ex se incertem teserri non possunt: cur summus rerum Artifex non potuerit animantibus vim motricem, aut sentientem, aut animam denique quæ corpus regeret, quæque objecta corporea perciperet, imprimere? Quocunque id fiat modo, certum videtur quiddam esse in animali; quod illud à ceteris rebus discriminat, quod sensitivæ cognitionis principium est, quod totius animalis vitam tuerit.

Contra inquietum. Ex materia insensibili non potest fieri quiddam sentiens & actuosum, aut cognitionis particeps.

Rcp. id nos utique negare. Natura quippe ab iis quæ sunt valde imperfecta, ad perfectiora per gradus solet progredi. Itaque sentiens ex non sentiente & res lucida aut accensa ex obscura, frigida, & inerte fieri potest. Sic humor vitalis in ovo primum est immobilis & torpidus, donec caloris accessu, ac certa lege ab Authore naturæ sancta, & vita & sensus se prodant.

Deinde *R.* Illud tam facile fieri posse quam mixtum ex simplicibus elementis. Nam ut in machina novæ rotæ additione novæ vires succrescant, sic in rerū natura, quo res est magis composita, hoc plures & nobiliores actiones exercentur. Natura quippe ab iis quæ sunt valde imperfecta, ad perfectiora per gradus quosdam progreditur. Quamobrem sentiens ex non sentiente, ut res lucida, actuosa, calida, ex opaca, frigida & otiosa efficitur, juxta leges ab Authore naturæ cuique speciei præscriptas, & vites ex idealium divinarum ut cum Platonice loquar, sigillatione impressas.

Respondent 3º. Nonnulli, in rebus etiam vita & sensus expertibus prima sensus cuiusdam aut vita obscurioris inesse rudimenta. Hinc naturales instinctus, aut appetitus, cum ex alterius rei impressione ad motum se determinant: ut plerique existimant de gravium motu & ferri ad magnetem motu. Sed utcunque ea res sit, probabile videtur eisdem spiritus qui plantis inerant, & vegetativis animæ functiones exercebant, in animantibus fieri sensus opifices

aut præcipua instrumenta: adeo ut animantes ex plantis non ea solum quæ ad vegetationem, sed etiam quæ ad sensum pertinent, omnino deponant: atque adeo in vegetantibus inesse videntur spiritus, qui vegetationi & sensui famulantur. Unde ut crassioris succi nutritii partes corpori alendo destinantur, ita subtiliores restaurandis spiritibus, imo & bruti animæ fovendæ fanulantur, ac portio illius putiorflammam sanguinis fovet. Sic humor vitalis in ovo primum quidem manet immobile & torpidus, donec caloris accessu vita & sensus se prodant. Quare illud forte non est omni ex parte verum, animam sentientem ex non tentientibus confitari, cum in unaquaque re partes sint quædam spirituose, omnium actionum fontes, quibus initium quoddam sensus, & quasi rudimentum esse videatur. Ut cunque ea res sit, nihil necesse est probationes sumere ex iis quæ sunt incerta, ad evertendum id quod certum est & inconcussum. Constat enim vitam & sensum in animantibus vigere, tametsi cogitatione assuequi non possumus primum illud sentiendi principium. Verum id ubique contingit cum primos rerum fontes & principia inquirimus.

At enim, inquit, illud nullomodo concipitur, qui perceptio ad materiam pertineat; hæc enim quantumvis moveatur, aut extenuetur, non minus est materia, quam antea; nec minus cum perceptione est insociabilis.

Resp. Non facile concipi quæ res extensa & materialis cum perceptione consocietur: sed id non minus est intellectu difficile quæ possit substantia spiritalis cum materiali tam intime conjungi: neque ideo res non vera est, quod concipi ea non possit. Subtilis quidem, aut agitata materia non minus materia est quam crassa; sed hæc minus est idonea quæ percipiat. Itaque bestiæ ex corpore & anima, quæ subtilis est & fluida substantia, constant, homo ex corpore, tenui substantia & mente ipsa spiritali coalescit.

Sed, inquit, si anima motum cordis, & alios corporis motus efficeret, hos utique cognosceret.

Resp. Eos motus ab animali proficiunt, cum ex leto aut tristí nuntio adeo immutentur. Et tamen mens siderum motus melius dignoscit, quam proprios, vel corporis motus aut partium figuræ. Ac si hæc velit percipere, ea quasi objecti extrinsecus propolita sibi exhibeat necesse est. Sic animus cum substantia extensa junctus est, unionem vero, ut loquuntur, non percipit.

Opp. 3. Quod si quæ in animantibus cernimus, ex mechanica organorum structura explicari possint, frustra recurrimus ad formum, cuius natura, origo, functio denique omnem materiæ vim superant. Atqui dubitate non possumus quin summus naturæ Opifex ejusmodi machinas fabricare possit, quæ eodem plane motus aut actiones exerant, quæles ab animantibus proficiuntur. Quod utique multis rationibus confirmant.

Nam si ea est hominum industria, ut omnis generis machinas vel ad usum vitae, vel ad oblationem excogitet, dubitate non licet quin à summo rerum Artifice machina ex infinitis pene partibus compingi possit, quæ eodem modo ex objectorum impressione moveantur, ac si sensu & perceptione donetur: praeterrim cum nos ipsi tam varios & dissimiles motus ne cogitantes quidem exeramus. Cum enim loquimur, aut scribimus, aut testudinis fides pulsamus, simul & eodem momento tot musculos, nervos & alia organa citræ illam perceptionem & perite & celerrime movemus. Quid, inquit, an ca-

nisi sine perceptione lattare non poterit ; cum homo sepe loqui , aut nervos testudinis stringere soleat citra ullam attentionem ex assuetudine tantum & mechanica partium dispositione ? An forte plus rationis , aut perceptionis bestiis tribuemus , quam somnambulis , qui dormitorum tecta confundunt , narrant , discurrunt , cum obvios sepe rixantur , & excitati nihil horum quæ cegerunt , meminere ?

R. His & aliis plurimis quæ in suæ cause patrocinium afferunt , ac multum dilatant , ut probent animalium corpora esse machinas mito artificio coagmentatas , facile absentior : sed nego eas aliud non esse nisi machinas quæ nihil sentiant , nihil agant . Nec dubitamus quin Deus possit efficere machinas quæ eosdem proculs motus exerant , quos à bruis fieri ceterimus , cum magnam partem actionum , quæ ab iis exercentur , ex ipsa partium dispositione perfici faciemur : non solum enim vitales & naturales actiones , ut cordis & thoracis motus , sed etiam plerique motus spontanei nobis vel insciis , vel etiam invitis quandoque sunt .

Non igitur dubium est quin Deus potuerit ejusmodi machinas efficere , sed virtutem fecerit , quæstio est , & an bestiæ quæ omnibus ad sentiendum organis , iisdem oculis , palato , lingua sunt prædictæ , quibus corpus nostrum fuit instruictum , & tamen non magis sentiant , aut videant , aut doleant , quam horologium , aut quævis alia machina ? ac nescio an non haec quædam illusio futura est , quæ nos in errorem necessarium inducat , quæque in sapientissimum & optimum naturæ Conditorem cadere non potest ?

Et quidem nobis licet ab iis qui contra sentiunt , vicissim requirere , an non potuerit Deus ut sensuum organa , sic vim sentiendi , aut objecta corporea percipiendi tribuere ? Si potuit , quin ita fecerit , ne illi quidem dubitare possint . Et sine nemo dubitat , quin ea quæ cernimus , omnino existant in rerum natura , ut sol , terra , & alia quæque sensuum objecta . Et tamen potuit Deus ita sensus nostros afficere , ut simili modo moverentur , ac si adessent objecta . Non dissimili ratione id Deus potuit efficere ut bestiæ essent machinæ omni sensu & cognitione destituta . Sed ex iis quæ cernimus non major de eorum sensu & perceptione nobis relinquitur dubitandi locus , quam de rerum , quas intuemur , existentia .

Sed molestiis inquirunt , qua tandem animum à corpore distingueamus , si res corporeæ percipit ? Quod si , inquit , bestiis cognitionem tribuimus , validissimam demonstrationem , qua immortalitas animæ rationalis persuadetur , omnino deserimus . Hæc quippe ex natura perceptionis desumitur , quæ in materiam cadere non potest . Sunt enim , ut diximus , perceptio- nis , & extensionis ideæ omnino disjunctæ : adeo ut nec perceptio rei extensæ , nec vicissim extensio rei percipientis attributum esse possit . Hinc utriusque natura est omnino diversa ; quodque in nobis percipit , nihil habet cum materia , vel extensione commune . Adversus hanc Cartesii demonstrationem nihil , inquit , afferri potest , quod impios non adjuvet , qui animos nostros unà cum corporibus interire putant . Nam si perceptionem bestiis , ut homini concedimus , animos nostros non tam specie & natura , quam gradu & perfectio ne à brutorum formis diversos esse statuimus .

Rsp. eam quæ iis videtur , demonstrationem , vim aliquam habituram , si perceptionis

perceptionis nomine intelligeremus eam cognitionem, quæ est cum reflexione conjuncta. Et quidem in hac voce perceptionis quedam latet homonymia: nam bestiæ objecta intuentur, & discernunt, atque ut vulgo loquimur, *elles aperçoivent*: sed se intueri non sentiunt, nec proprie cogitant, *elles ne pensent pas*: reflectuntur in objecta, qua antè percepunt, non in suas actiones; nec se videre aut tangere animadvertunt. Id enim nullo potest experimento demonstrari; nec possumus aliter de bestiarum perceptione quam ex effectis judicare. Ac nihil nos cogit iis perceptionem cum reflexione conjunctam tribuere: cum in nobis ipsis id experiamur, multa nos sensuum ministerio percipere ac distinguere citra ullam animi reflexionem. Paginam sæpe integrum lustramus oculis, & attento animo perlegimus, nec quam habeant formam ipsis characteres, quos tamen distinguimus, ulla ratione explicare possumus.

Quod identidem *repetunt*, ideas extensionis & perceptionis omnino esse diversas: jam utique *responsum fuit*, non magis eas esse diversas, quam ideam medici & musici: cum tamen idem homo simul & medicus, & musicus esse possit. Uno verbo, ut voces in scholis usitatas adhibeam, idea perceptionis quæ ad sensus pertinet, diversa est ab idea rei extensæ, inadæquate, C. adæquate, N. Potest enim concipi extensio sine perceptione, non item perceptio sensuum sine extensione.

At enim, *inquiunt*, id nullo modo intelligitur, qui fieri possit ut merum corpus, aut materia aliquid sentiat, aut percipiat, quantumvis corpus illud sit actiosum, subtile, & tantum non spiritale.

Resp. corpus vi sua percipere nullo modo posse, nisi vim sentiendi ab Authoræ naturæ acceperit. Sed ne substantia quidem spiritualis, ut substantia est, & dimensionum expers, quicquam percipit, aut intelligit, nisi percipiendi vim Authoræ naturæ ei concederit.

Verum, *instant*, non clare intelligimus & distincte principium illud perceptionis corporeum; neque adeo id timere asseri debet.

Resp. id principium à nobis directe, ut aint, & immediate non intelligi, sed per effectus, & mediate id cognoscimus, ut alia pene infinita. Itaque perceptio bestie saltem indirecte à nobis cognoscitur, eaque est divisibilis ratione organi: etsi ratione sui sit indivisibilis: quod addimus, ut alteri objectioni, quæ fieri potest, occurramus.

Quod autem metuunt ne illa quæ affertur à Cartesio pro immortalitate animæ, ut putant, demonstratio, periclitetur, si aliquam bestiæ perceptionem tribuamus, hoc ipsum quod timent, nihil est: tot enim rationibus munitur mentis humanæ spiritualis & incorrupta natura, quas suo loco attulimus, ut de statu suo non periclitetur, etiamsi bruta levi & imperfecta cognitione donec mus. Nam ut alias omittam utriusque perceptionis differentias, certum est nos infinita prope percipere, quæ vim omnem sensum & imaginationis superant, quod ea sint, aut universalia, aut spiritalia. *Cum enim*, ut exemplo quod affert S. Aug. l. i. Conf. utar, audio tria esse genera questionum, an sit, quid sit, quale sit: sonorum quidem quibus verba confecta sunt, imagines tenet, & eas per aures cum strepitu transisse, ac jam non esse scio. Res vero ipsas quæ illis significantur sonis, neque ullo sensu corporis attigi, nec uspiam

vidi præter animum meum ; & in memoria recondidi , non imagines earum ; sed ipsis . Verum ista sunt alterius loci : ex quibus tamen efficitur multa à nobis percipi quæ non sunt corporea.

Instant , & querunt , in qua bestiæ alicujus parte erit commune sensorium ; si quid ea percipit ? Cumque infecta , ut vermes , ubi in partes dividuntur , & sentiant & moveantur , in qua parte corporis viget facultas illa quæ sentit , quæ percipit , quæ principium est motus & sensus .

Resp . hoc nihil obesse cognitioni brutorum , timetis omnia quæ ad illam pertinent , facile explicari non possint . Infinita prope sunt in rerum natura , quæ existere non dubitamus , licet quo ea siant modo , explicare difficultissimum sit . De infectis nihil necesse est hoc loco plura dicere . In plerisque aut nullum est , aut exiguum cerebrum : sed medulla spinalis in iis copioſa cernitur : & quot sunt annulli , tot videntur quodammodo esse animalcula . Sentient quidem & moventur , sed imaginatione , aut communi sensu pene desituantur .

Q U A E S T I O VI.

Vtrum belluae aliqua ratione donentur .

Non desunt Philosophi qui brutis rationem licet imperfectam largiantur , tametsi ea circa res singulares & corporeas tantum versatur . Atque hæc opinio longe probabilior videtur , quam Cartesii sententia , quæ omnem bestiæ sensum & perceptionem adimit . Nam ipsa naturæ voce , cui obsisti non potest , communi omnium sensu , & rei evidentiâ omnino refellitur . Neque ita facile est eos convincere qui judicium quoddam , & ratiocinium belluis concedunt . Nobis extremitate opiniones fugiendæ videntur : Sit

Unica Conclusio .

Nulla est in bestiis ratio proprie dicta .

Probatur Concl . 1. Omnis ratiocinatio est cum reflexione conjuncta : est enim illatio unius cognitionis ex alia . Nam in omni ratione consequens cum antecedente comparatur : imo cognitio antecedentis conferri debet cum cognitione consequentis . Quod fieri non potest sine cognitione reflexa , qualis in beluis nulla esse potest .

Quin etiam nulla ratiocinatio afferri potest , quæ universalem rei perceptionem quodammodo non includat , aut præsupponat : sed nulla est in bestiis reflexa cognitio , nulla universalis perceptio . Ergo neque in iis est ullum ratiocinium : præsertim cum nec veritatem rei , nec falsitatem percipient : imo nec affirmant aut negant , nulla quippe imago corporea illud exhibere potest , quod affirmando , aut negando intelligimus . Ergo in bestiis nullum est proprie dictum judicium , nisi virtuale quodammodo , quod scilicet actuali judicio ratione munericæ equivalet , non ratione dignitatis , neque enim est cum ratione conjunctum .

2. Omnis belluarum cognitione sola apprehensione , aut naturali judicio continetur , idque ad propriam conservationem iis datum est , vel ex ipsis naturæ

initiis proficiuntur. Atque haec innata cognitio cum appetitu coniuncta, instinctus nomen obtinet. Sed que instinctu sunt, circa deliberationem & ratiocinationem, & solo naturae impetu perficiuntur, ut in nobis ipsis experimur; cum viso ex. gr. serpente, inhorrescimus; aut tonitru fragor, vel bombardaz ita nos percellit, ut capitis depressione, aut alio corporis motu quod imminere nobis videtur malum, effugere conemur. Sic instinctu solo, cum fallente vestigio jam in terram cadimus, corpus sic libramus, & retrorsum ita rejicimus, ut maneat in aequilibrio: sic denique ictus adversa manu excipimus, ut oculis & capiti caveamus. Quae omnia certa lege, & naturae instinctu circa ullum ratiocinium perficiuntur. Quare nec dubitare possumus quin bestiae instinctu, aut naturae impetu, non certo iudicio, aut consilio agant.

Confirm. Cum aves ex. gr. unius generis eodem prorsus modo nidos suos fabricent; cum in apum & formicarum regimine idem ubique ordo & eadem serventur leges; cum varias & multiplices actiones quadam serie consertas exerceant, atque incredibili soletia qua humanam vincit industriam operentur, dubium nullum esse potest quin instinctu agant, non ratione; & notiones habeant sibi congenitas: neque enim probabile videtur aut sola organorum aptatione, aut objectorum impressione opera tam varia, tam multiplicia eodem prorsus tenore & incredibili artificio vel inchoari, vel ad exitum perduci.

Quamobrem ut fatemur belluas non omni sensu, aut perceptione desitui, sic omnino negamus eas ratione donari. Quod S. August. l. de Quantitate animæ, ubi quid nobis cum animalibus commune sit, quid proprium, fuse explicat, disertis verbis ostendit. *Primo*, inquit, *corpus hoc terrenum, argue mortale presentia sua vivificat, colligit in unum, atque in uno tenet, diffusore atque contabescere non finit, alimenta per membra equaliter suis cuique redditis, distribui facit; congruentiam ejus modumque conservat, non tantum in pulchritudine, sed etiam in crescendo atque gignendo.* Sed haec etiam hominum cum arbustis communia videri queunt: haec enim etiam dicimus vivere, in suo vero quidque illorum genere custodiiri, ali, crescere, gignere videmus, atque fatemur. Tum de anima sentiente acturus. *Nunc*, inquit, *quod insitueram, intende quæ sit vis animæ in sensibus, atque in ipso motu manifestioris animalis, quorum nobis cum iis quæ radicibus fixa sunt, nulla potest esse communio.* Intendit se anima in tactum, & co calida, frigida, aspera, lenia, dura, mollia, levia, gravia sentit atque discernit: deinde innumerabiles differentias saporum, odorum, sonorum, formarum, gustando, olfaciendo, audiendo, videndoque dijudicat. *Atque in iis omnibus ea quæ secundum naturam sui corporis sunt, adsciscit, atque appetit; rejicit, fugitque contraria.* Tum reliquas animæ sentientis functiones persequitur, & concludit. Sed haec rursus omnia posse animam etiam in bestiis nemo negat. Tum haec subdit de tertio animæ gradu. Ergo atrollere in tertium gradum qui jam est homini proprius, & cogita memoriam non coniunctudine inolitarum, sed animadversione, atque signis commendatarum, ac retentiarum innumerabilium, tot artes opificum, agrorum cultus, extructio urbium, variorum edificiorum ac molimini multimoda miracula, inventiones tot signorum in litteris, in verbis, in gestu, in

cujusmodi sono , in picturis , atque figurantibus ; tot gentium linguas , tot instituta , tot nova , tot restaurata ; tantum librorum numerum , & cuiuscemodi monumentorum ad custodiendam memoriam , tantumque curam posteritatis , officiorum , potestatum , honorum , dignitatunque ordines , sive in profanis , sive in sacris apparatibus ; vim ratiocinandi & excogitandi ; fluvios eloquentia , carminum varietates , ludendi aut jocandi causa mille formis simulationes , modulandi peritiam , dimetriendi subtilitatem , numerandi disciplinam , praeteritorum , ac futurorum ex presentibus conjecturam , Magna hac & omnino humana . Ex quibus sane efficitur aliam esse hominis , aliam belluarum cognitionem .

Solvuntur objectiones.

Opp. 1. magnam in bestiis quibusdam esse docilitatem , quæ citra rationem concipi non potest . Quin & futura cum præteritis conjungunt , cum ex inflictis plagis carent sibi ab iis que impendent . Quod semel ad tuendam vitam utile sunt expertæ , id maxime confectionantur , ut canes ignis calorem in summo frigore , fluvii aquam in magno æstu .

Resp. dist. maj. In bellus est docilitas quedam improprie dicta , quam objectorum species , & appetitus naturalis efficiunt , C. docilitas proprie dicta & perfecta , N. Itaque fatemur innatam belluarum cognitionem ex varia rerum sensibilium impressione multum augeri & roborari . Nam rerum imagines per exteriores sensus acceptæ , atque ad sensum interiore perlata , ut congruae aut noxiæ citra ullum ratiocinium ab iis percipiuntur . Hæ appetitum statim commovent , hic spiritus per nervos demittit , qui rei infestationi , aut fugæ serviant . Cum rerum sensibilium imagines memoriae sepius infiguntur , tum imaginationem & appetitum identidem excitant . Itaque impressi à natura rerum sensibilium quæ congruae sunt , aut noxiæ , characteres , cum iis qui ex objectorum incursum , experientia & consuetudine , exemplis etiam & eruditione quadam quotidie accedunt , ita complicantur , ut judicium & ratiocinium quandoque mentiantur .

Vetum omnis illa eruditio quæ in bestiis cernitur , ex connexione imaginum quæ inter se sunt colligatae , non ex ratione ipsa ducitur . Atque idem saepe in nobis accedit , cum aliquid ex consuetudine citra attentionem agimus , ut cum preces consuetas recitamus : tum enim interdum sola rerum ipsarum consecutione , non ratione ducimur . Nullus enim in his reflexione & reminiscientiæ est locus : sed imaginatione & memoria cuncta perficiuntur . Optime autem nos admonet Philosophus in ipso limine lib . 1. de Historia animalium , quod multa animalia memoria & discipline sint capacia , reminiscientiæ vero nullum præter hominem : est enim reminiscientia cum judicio & ratione coniuncta : quod olim didicimus , inquirimus , cum eo quod occurrit comparamus : quæ in abdito velut delitescunt , in lucem proferimus , quæ sunt ex usu nostro felicissimus ; phantasmatu , seu rerum imagines in ordinem digerimus : nihil horum in bestiis perficitur . Memoriæ utique prædictæ sunt , quæ serie quadam phantasmatum continentur , sed animæ imperio non subditur : unde omnia impetu agunt . Quod si igitur aut propositiones , aut imperfecta ratiocinia efficerent videantur , id eò accedit , quod certa phantasmatum serie ducantur . Quare

in belluis est docilitas quædam imperfecta citra ullam indagationem , aut reminiscientiam : non perfecta , qua cum reminiscientia conjuncta est.

Instans. In belluis est docilitas imperfecta : ergo & imperfectum ratiocinum : maxime cum docilitas sine memoria nulla esse possit , nec memoria citra aliquam reflexionem intelligi ; necesse est enim ut objectum antè cognitum iterum percipiatur.

Resp. neg. cons. Non enim id concedimus , docilitatem omnem esse cum ratiocinatione conjunctam ; aut docilitatem esse rationis argumentum nisi quando est cum cognitione reflexa , aut spiritali connexa . Sic memoria reflexionem habet sibi adjunctam , sed improprie dictam : est enim cognitio objecti antè cogniti , non cognitionis ipsius cognitio . Sic duo quædam in aliquo tertio potest bellua conjungere : ut cum canis ex odore leporis vestigia percipit . Sed illa connexio est admodum imperfecta : neque enim cognitio adest universalis , neque ulla comparatio antecedentis eum consequente ; nullum adeo ibi est ratiocinium proprie dictum .

Contra , *inquires* , cognition particularis esse potest citra universalem : ergo nihil prohibet esse in belluis ratiocinationem circa res particulares : tametsi iis desit ratiocinium circa res universales .

Resp. dist. antec. Cognosci potest res particularis , citra perceptionem universalis , per simplicem perceptionem , C. per cognitionem cum ratiocinio conjunctam , N. Non possum enim concludere hoc bonum esse amandum , nisi vi hujus propositionis , omne bonum est amandum . Quare bestiæ fortassis cognoscunt hoc bonum esse amandum , sed cognitione distincta & universali non cognoscunt id esse amandum . Nam bonum universim sumptum , ab omni accidenti sensibili abstractum non potest sensum afficere , cum non sit determinatum . Etsi forte bonum absens , aut congruum vim imaginatricem potest afficere , cum sub utraque ratione sit determinatum . Non quod congruitas ipsa in abstracto percipi queat ab imaginatione ; sed res congrua in concreto , & cum suo subiecto sumpta ; tum enim est sensibilis ; non item bonum universale , sive in concreto , sive in abstracto usurpetur : est enim omnino indeterminatum , & nullo modo sensibile .

Opp. 2. vulgatum illud de cane , qui leporem insequitur , experimentum : cum enim , inquiunt , ad trivium pervenit , ac primam & secundam viam non iniit , restat tertia quam statim insistit .

Responso facilis est , olfactu non ratiocinio tertiam semitam à cane explorari . Quod si enim nullo affletur leporis odore , in sua statim recurrit vestigia . Ista verò & alia bestiæ citra rationem aut consilium , impetu solo agere videntur .

Illud quoque identidem opponunt , nihil esse causæ cur bestiis judicium , rationem , consilium , electionem , imo & libertatem non tribuamus , si cognitionem iis largiamur . Quod utique probant bestiarum astutiae . Hinc vir doctissimus l. 1^o Anthropologiæ , postquam attulit ea que l. 2^o de corpore animato scripta sunt de belluarum astutia , id merito videtur objicere , bestias percipere , judicare , ratiocinari de universalibus . Non enim venatica cognitione querunt hanc prædam , sed generatim ; ovis lupum generatim sibi infensum judicat ; nec homo ipse eadem præstare potest , quæ bestiæ tanta solertia

efficiunt , nisi is judicet , & ratiocinetur de universalibus. Quid , an bestiæ non erunt conscientia sui sensus , sui doloris ? An non in iis erit electio , & libertas , cum felis bene præsa venandis muribus studet , per domum vagatur , donec nocte latebras , quibus mus fortè occultatur , hinc vigilias agit , prædam incredibili patientia expectat : tum si murmur quoddam muris è te eto suo erumpentis audierit , haec arrestis adstat auribus , statimque ne deprehendatur , prono se demittit corpore , nec antea involat in prædam , quam mus à latebris ita distet , ut citius capi , quam in locum , unde exierat , regredi possit. Quid aliud faceret homo prudentissimus , qui se simili venatu vellet exercere ?

R. Ista quidem , & alia quæ adducuntur in hanc rem plurima , adeo non probare bestias nulli cognitione , nullo sensu , nulla voluptate donari , ut nihil afferti possit , quod illud persuadeat magis. Id unum facessit negotium , quod hominis rationem pene videantur attingere : sed illud jam sape diximus , umbram rationis & judicii in iis apparere , circa res singulares & sensibiles ; res quoque concretas & materiales , non abstractas & spirituales ab iis percipi. Non hunc quidem leporem determinatum querunt , sed confusa leporis species eorum certe imprimi potest : neque illa species magis est universalis , quam descripta circuli figura , quæ circulos omnes exhibet. Instinctu quedam & cæco naturæ impetu ad venationem feruntur : sed nisi esset aliqua docilitas in cane , hic perdice olfactu aut visu deprehensa , tremulo caudæ motu venatorem non admonereret. Itaque longa assuetudine , pœnis etiam impositis , blanditias & aliis artibus edocetur. Verum hæc institutio , docilitas , plagarum que accepta sunt , memoria , metus impendentium , præda ipsius cupiditas citra ullum sensum , cognitionem , appetitum , voluptatem , dolorem intelligi nullo modo possunt , uti jam supra diximus.

Quæ de bestiarum ratiocinio , consilio , electione afferunt , eadem in ipsis infantibus cernimus ante usum rationis , ubi nec libertati est locus , quæ sine perfecta cognitione , & intelligentia esse nequit , nec reflexioni in ipsis actiones. Dolorem sentiunt ut bruta , pravam scilicet organi affectionem , aut divisionem ; quid sit dolor in abstracto , ut loquuntur , non percipiunt. Quæ de brutis objiciunt omnia , haec de infantibus mox natis æque dici possunt. Cum hæc scriberemus , nuntiatum nobis fuit equum Lutetiæ publice videndum exponi , qui numerandi artem sic edocetus est , ut lusorios chartulas non modo di-judicet , sed quot puncta contineant , statim percipiat , & terram pede toties percutiat , quot charta , aut tessera punctis distinguuntur. Cum duæ exhibentur chartæ lusoriarum , quarum una ex gr. 8. altera 9. notis insignitur , statim 17. ictibus solum ferit. Nummum aureum si ostendas , aut aliam monetam , statim quot libræ in nummo aureo , quot asles in argentea moneta contineantur , pede indicat. Non ausim tamen affirmare nullum in ea re esse fucum , aut equum nullo signo admoneri , ut perget terram ferire : quanquam id deprehendere non potuimus. Utcunque sit ,

R. hæc nullo modo explicari posse , si omnem cognitionem huic equo adimas ; fateor quidem vix a me intelligi ea posse , nisi ratiocinium quoddam imperfectum circa res sensibiles & corporeas huic tribuamus. Sed vera ratio qua res ipsas in concreto , ut vocant , nou numeramus modò , quod fortè plerique

belluae præstant, sed etiam innumeræ numerorum rationes & proprietates intelligentiae vi persequimur, huic equo non convenit. Notas quibus numerare solemus, tum Romanas, tum Arabicas discernere is videtur, & colligere. Sed eas nec multiplicabit, nec dividet, nec radicem v. gr. numeri quadrati unquam extrahet. Uno verbo numerum ipsum abstractum non percipit, sed memoriâ fortè retinet aliquam numerorum summam, eorum characteres qui cerebro longo usu, & crebris verberibus alte sunt impressi, scernit, sed rationem ipsam non attingit.



APPENDIX.

De existentia & natura Angelorum.

Hoc brevior de Angelis tractatio futura est, quod ad Theologiam magis quam ad Philosophiam pertineat, ac per pauca de iis nobis sint perspecta, quæque de his disputari solent, in conjecturis sint posita.

Angelos quidem existere sacrae scripturæ autoritate, omnium pene nationum & ætatum consensu habemus exploratum, eos esse administratorios spiritus, propter eos qui capiunt hereditatem salutis æterne, docet Apostolus. Adeo ut vox illa, *Angelus*, sit officii nomen potius quam naturæ, & Angelus idem sit ac nuntius, aut missus.

Tres itidem esse Angelorum hierarchias, ac novem ordines ex scripturis sacris docet S. Dionysius. Reliquæ quæ de cognitione & locutione Angelorum disputare solent, aut quomodo inter se distinguantur, qua ratione sint in loco, aut moveantur, vix levioribus conjecturis assequi possumus. Ac subinde minor plerosque Philosophos tam confidenter hac decernere: cum vix explicare possint sensuum & mentis nostræ cognitionem, quam tamen in nobis experimunt, & cuius sumus consci. Quomodo igitur id nobis perspectum esse poterit, quo usque pateat Angelorum cognitio, aut quomodo alii alios irradient, & alia ejus generis plurima quæ confulto omittimus, quia de iis nihil certi, nihil explorati habemus. Quæ sunt magis explorata, breviter attingamus.

Illud itaque certum est primo, Angelos existere. Hoc mille Scripturæ testimonia confirmant: ratio ipsa & experientia si minus persuadent, plurimum videntur suadere. Quæ enim sunt ab energumenis, magorum præstigijs, veterum etiam oracula ne vix quidem explicari possunt, nisi substantias quasdam invisibiles, quas Angelos dicimus, aut dæmones agnoscamus. Atque ut alibi innuimus, id rectus rationis usus exigit ut infinitis prope rebus quas ex hominum relatione accepimus, fidem habeamus: cum magna pars cognitionis nostra ex hoc velut fonte dimanet. Quanquam ne in diversum nimia credulitate peccemus, cavendum est. Sed illud deformis pertinacie est argumentum, cum iis quæ oculati testes sanctitatem & doctrinam præcellentis publice facta referunt, fidem detrahimus, non alia persuasi ratione, quam quod sint insoliti, & preter consuetum naturæ ordinem. Atque haud scio an dæmones, aut magorum præstigijs, aut energumeni in animum cuiusquam yemre potuissent,

si nihil ex iis omnibus unquam extitisset; nedum id omnium actuum testimoniis & consensu esset comprobatum.

Quare existentiam Angelorum non quidem à priori (cum Deus, qui eos produxit, sit causa libera) sed à posteriori quodammodo, ex effectibus nimirum; non physica quidem, sed morali probatione demonstrari posse arbitratur. Nam ut nemo, nisi insanite velit, innumera pene quæ historiarum monumentis sunt consignata, ut Pharsalicam pugnam, aut quæ in dissitis regionibus observata, & omnium consensione recepta sunt, in dubium revocabit. Sic nemo nisi idem pertinax quæ de magorum maleficiis, & energumenis, auctoraculis, aut spectris à summis viris tradita sunt, ut commentitia, & facta contemnet. Præsertim cum in rerum gestarum fide multorum & doctrina, & ingenii perspicacia, & morum probitate præcellentium testimonio, ubi de rebus à se visis testantur, potius credi oporteat, quam per paucis hominibus qui negant quidpiam à se visum esse, aut comprehensum. Quodque tacito omnium consensu receptum est, præsertim ubi de rerum, quæ in vita hominum positæ sunt, existentia agitur, atque omnia veritatis indicia se produnt, in dubium revocari non potest.

Atque ut innumeratas hujus generis probationes omittam ex historia cum sacra, tum profana ductas, & Philosophorum autoritate confirmatas, non solum eam esse Christianorum fidem SS. PP. docuerunt: sed etiam ex dæmonum confessione invictum argumentum adversus Gentiles collegerunt: ut inter ceteros Tertullianus, & S. Cyprianus. Atque adeo, inquit Tertullianus, in Apologeticō, dicimus esse substantias quasdam spiritales; nec nomen novum est. Sciant dæmonas Philosophi: Socrate ipso ad dæmonii arbitrium expectante. Quidni? cum & ipsi dæmonium à pueritia adhesisse dicatur: etiam vulgus indoctum in usum maledicti frequentat. Ac postquam de eorum maleficiis plura disseruit, hec addit quæ meo quidem judicio magni sunt ponderis. Edatur, inquit, sub tribunalibus vestris, quem dæmons agi constet. Jussus à quolibet Christiano loqui Spiritus ille, tam se dæmonem confitebitur de vero, quam alibi Deum de falso. & que producatur aliquis ex iis qui de Deo pati existimantur, qui aris inhalantes numen de nitore concipiunt, qui ruclando curantur, qui anhelando praefantur, nisi se dæmones confessi fuerint. Christiano mentiri non audentes, ibidem illius Christiani procacissimi sanguinem fundite. Quid isto opere manifestius, quid hac probatione fidelius? Simplicitas veritatis in medio, & virtus illi sua assistit, nihil suspicari licebit Magia, aut aliqua ejusmodi fallacia fieri? dictis non stetis, si oculi vestri & aures permiserint vobis: Quid autem obniti potest adversus id quod ostenditur nuda veritas.

Ex quo quidem ita concludit. Si altera parte veri dii sunt, cur se dæmonia mentiuntur? Nam ergo subiecta est Christianis divinitas vestra. Si altera parte dæmones sunt vel Angeli, cur se alibi pro diis agere respondent? nam sicut illi qui dii habentur, dæmones se dicere noluissent, si vere dij essent, scilicet ne de maiestate se deponerent, ita & iste quos directe dæmones nostis, non audenter alibi pro diis agere, si alii omnino dij essent, quorum nominibus utuntur. Vererentur enim abutim maiestatem superiorum sine dubio & timendorum: adeo nulla est divinitas quam teneris, quia si esset, neque à dæmoniis affectaretur in confessione, neque à diis negaretur.

Certum

Certum est secundò Angelos esse naturas spiritales, cum sint penetrabiles; unde & in Evangelio Christus Dominus hominem liberavit possellum à legione dæmonum & Lucæ 24 ostendit se Spiritum, vel Angelum non esse, quod Spiritus carnem, & ossa non habeat. Fatemur tamen multis è SS. PP. visum esse Angelos aut tenuissima esse & ætherea corpora, aut iis saltem esse indutos. Quamvis eos nec contrectari, nec videri, nec demum ullo sensu percipi posse faterentur. Quod autem in septimo Concil. illud Joannis Thessalonicensis compropetur, Angelos depingi oportere, quod sint corporei, R. id quodammodo approbari, quoad dictum, non quoad rationem. Concilium Angelos pingi oportere assentitur, rationem verò quam Joannes affert, in medio relinquit, neque eam aut rejicit, aut admittit. Cum itaque Angelorum operationes sint intelligere, velle, & movere, minime necesse est eos esse corporeos, ut has functiones exerant.

Ex his colligimus Angelum esse substantiam spiritalem, completam, & creatam. Quia hoc loco quæri solent reliqua, aut penitus nos fugiunt, aut certe ad Theologos pertinent, aut alibi commodius exponentur. Sic de extensione Angelorum, in prima parte explicare conati sumus; Quæque ad eorum cognitionem spectant, facilius ex iis quæ de animæ separate cognitione diximus, intelligentur.

Quomodo autem Angelis sint in loco, et si explicatu sit difficile, eos tamen esse alicubi negare non possumus: cum rem nullibi esse omnino sit impossibile; ac si res esset nullibi, hac quodammodo extra spharam, ut ita loquar, immensitatis divinæ, quæ est ubique consisteret. Quod non minus absurdum est, quam rem creatam extra omnis temporis, aut aternitatis ambitum contineri. Nec minus absurdum est rem esse nullibi, quam eam nunquam, seu in nulla temporis differentia existere. Maneat igitur illud tanquam certum, Angelos, & animam rationalem esse in loco.

Cum autem res spiritales sint indivisibiles, ex quidem sunt in loco, sed indivisibili modo; extensionem habent, sed virtualem; sive sit penetrabilis, sive impenetrabilis, ut Angelo libuerit: quò major, hòc erit perfectior, & divinæ immensitati vicinior. Sunt igitur res spiritales in loco definitive, ut aiunt: nam eorum extensio virtualis suis terminis continetur. Sic anima extra corpus non extenditur.

FINIS.

(663) (664) (665) (666) (667) (668) (669) (670) (671) (672) (673) (674) (675) (676) (677) (678) (679) (680)

EXTRAIT DV PRIVIEGE DV ROY.

PA R grace & Privilège du Roy , en date du 28. Aoust 1677. signé
DESVIEUX : Il est permis à ESTIENNE MICHALLET , Marchand Li-
braire à Paris , d'imprimer ou faire imprimer pendant le temps de vingt
années , un Livre intitulé , *Philosophia vetus & nova ad usum Schole accom-
modata , in Regia Burgundia explicata*. Avec défenses à tous Imprimeurs ,
Libraires & autres , d'en imprimer , vendre , ny débiter pendant ledit temps ,
sans le consentement de l'Exposant , à peine de l'amende portée plus au
long par ledit Privilège.

ERRATA.

Pag.	Lin.	Errores	correc <i>tio</i> n <i>e</i>
15	31	essentialibus	essentia <i>lia</i>
17	23	plantæ	planetæ
18	1	in litera	de <i>le</i> , in
24	40	attributum:	atti butum:
28	4	propofiti	propofitio
30	19	innuendum	intendum
32	19	opinatio	opinatio
38	1	furea:	fusca
60	23	Geometrica	Geometria
101	16	tationes	notio <i>s</i>
113	4	veta	veto
128	13	permittit	primit <i>ti</i>
146	34	termi <i>nos</i>	termi <i>nus</i>
147	23	ad ipsum	id ipsum
167	39	obſerventur	obverſentur
195	41	exitium <i>mus</i>	exitim <i>emus</i>
200	45	contentus	concentus
201	16	Q <u>i</u> d illius	Q <u>i</u> d illius
234	24	ſeu	ſed
273	33	in aliqua	aliqua <i>in</i>
971	29	non pena	nam pena
285	17	conformitas	conformatio <i>n</i>
296	18	libere	liber
298	24	peccavit	pugnavit
303	42	à nobis	nobs
305	20	quædam	quafdam
309	10	facultatem	facilitatem

ERRATA.

Pag.	Lin.	Errores	correc <i>tio</i> n <i>e</i>
311	15	qua <i>x</i>	adde tradi <i>ta</i>
343	15	teſtantis	reflantis
343	3	nomina <i>re</i>	innu <i>re</i>
351	16	pauperum	pauperem
352	8	utique	utique
370	26	erat	erant
371	5	inexplicabili	inexplabili
372	37	qui	que
74	19	Ariſtulus III.	Tractatus III.
470	20	cu <i>n</i>	cu <i>n</i>
479	1, & 6	qui	vox illa est suo loco emota.
436	30	per	dilectum.
457	12	preter motum	frater corpus
479	20	citra	circa
473	17	fore	iri
512	12	ſeu	ſed
517	12	motus	modus
519	23	affectus	effectus
548	27	per aliiquid	adde prius
552	35	concedimus non	non concedimus
565	46	loco	haec dictio est transpo- rita,
615	23	res ipſa	res ipſe
615	20	præmovendas	promovendas
636	42	ille	ille.

